

叢書集成續編 第一二三冊目錄

文學類



詩文別集——唐

張說之文集二十五卷補遺五卷·····	唐	張說撰	結一廬	一
顏魯公文集三十卷首一卷補遺一卷附目錄一卷世系表一卷年譜一卷·····	唐	顏真卿撰	三長物齋	一八七
劉賓客外集十卷·····	清	黃本驥編	結一廬	五六三
文標集三卷補遺一卷附校勘記一卷·····	唐	劉禹錫撰	胡氏豫章	六二五
孫可之文集十卷·····	唐	盧肇撰	續古逸	六五三
唐皮日休文藪十卷·····	唐	孫樵撰	湖北先正	六八一
鄭守愚文集三卷·····	唐	皮日休撰	續古逸	七三九
孫拾遺文纂一卷外紀一卷·····	唐	鄭谷撰	四明	七七一
	民	孫郃撰		
	民	張壽鏞輯		

墨少上

功齊集

即聽世

又

豐

新

又

鐘

齋

光緒乙巳仁和朱氏刊

明絲紙鈔本二十卷

唐初人父集流傳固少以舊鈔本致難得 芸楷 李子 中秋



近照珎版有重輯本惜不收批答同作諸篇然於集外補入本傳唐文粹文苑英華所載文六十一首亦可喜 二本不可偏廢 芸楷再讀 巳酉 小雲



張

明竹紙鈔本二十五卷

唐燕國公集二十五卷蓋吳元年手自抄錄以備一覽者也 初以勝國兵燹之變遺書散逸僅存其集於敝篋中猶多魚魯復輟耕力以正之遂為完物亟欲刊之而力不果吾後世子孫有能新之以續有唐之文獻者乎唐去今千餘年其相業隨世消長而文獨存然則世之所恃以為不朽計者文焉爾雖與天壤俱敝可也燕公之文豈曰雕龍如劉勰者為哉 曲江公志文盡之矣更書一篇以冠其首時永樂九年秋九月貞隱老人濠上德記



張說之文集卷第一

詩賦

御製喜雨賦

喜雨賦應制

進白鳥賦

虛室賦

晏居賦

江上愁心賦

畏途賦

侍宴武三思山第

侍宴萸荷亭

侍宴臨渭亭

侍宴滄水

桃花園馬上

侍宴隆慶池

奉和春日幸望春宮

奉和登驪山驪眺

幸白鹿觀應制

扈從幸韋嗣立山莊

奉和送金城公主

張

奉和同皇太子過慈恩寺

奉和春日出苑

并墨令
谷韻

喜雨賦

御製

仰重華之齊政步文命而彝倫何天道之云遠亦明微
而在人迄中夏而自春邁愆陽而為亢雲重結而復解
雨纔滴而還障山祠植珪而不答田峻倚耒而怛音悵
京兆來奏音官撰曲將土龍而矯首請神巫而頓足彼
有憑而可舉予何抑而未許恐歲凶之及人甯天譴於
我身爾乃潔齋壇墀五精是祠暴立炎赫三日為期上
帝臨我衷誠不欺重泉蒸潤觸石吐滋平雲黯而鋪幕
密雨森其散絲無雷無電不震不眩匪疾匪徐乍合乍

第一張宋氏續徐說

疏汎草泊樹垂珠點露過闕入樓含煙雜霧或噴薄而
攢集或淋漓而灌注亂積水之圓文拂微風之斜度寰
海浹而康樂畎畝欣而相顧絲管合兮夜將曉芙蓉開
今日未暮原夫雨之為德也無大小之異情無高卑之
不平無華朽之偏潤無薰臭之隔榮喜夫雨之今應也
赴一言而不捨經累晨而廣鴻納清陰之浮涼混和氣
而飄灑感作霖於殷命諷其霧於周雅家尙知乎禮節
國有望於豐霸小陽臺之神人卻大宛之走馬體雲行
而雨施吾何事乎天下

喜雨賦應制

史臣啟先王之冊府拔絕瑞於祥經樂雲雨之平施齊

張

品物之流形帝皇益重而為寶麟鳳自輕而讓靈况愆
時而渴望欲意達而神聽是月也朱明漸半紫油未吐
恐降災兮此下民罄虔祈兮我仁主退象龍之禮禱斥
持鷺之貌舞屏翳慚其廢職祝融悔其遷怒山決滂而
出雲天霧霽而下雨速一言而感應剋三日而周溥氣
翳靄以躡鳥黓音淡聲颯灑以蕭條瑾如銀漢之屑落璨
似珠泉之噴澆街廊漫其潢潦皋壤萋其綠苗舒四溟
之清潤卷六合之煩囂咸澡骨於神液其歡心於聖朝
借如五月有梅雨之名三春有穀雨之氣越人以泥牛
待沃胡士賣土龍求費出員嶠而石香入成都而酒味
彼偏方與小節非大人之所貴復有送山祗於鬱島迎

第一張宋氏續徐說

結一置宋氏賦餘讀書

海若於葛川疾雷辟其山裂走電其海然天子作愁霖之賦詞人綴苦雨之篇牆屋壞於倒井黍稷流於下田乃凶浸之不令曷休徵之有焉請言瑞雨之可喜也協氣交泰嘉生是賴湛覃而不滂衍溢而不害東漸出日之表西被無雷之外南窮火鼠之譯北盡燭龍之會天文則雲漢昭回王澤則江河滂沛雖欲譚天而窺管孰知堯德之為大

進白鳥賦 并墨詔批答

咨大鈞之播氣在品物而流形有莫黑之凡族亦變白而效靈感上仁於孝道合中瑞於祥經若夫事出神妙理包舒卷賦集王屋飛隨帝輦捧日高翥迎風細轉識

張

三

句句於招呼每啞啞於啄吮以其雪羽霜毛冰精玉狀拔奇綠林之下賞異紫臺之上瞰鳩鵲之紗窗抱鳳凰之衣桁恐同類之見嫉畏不才之速謗願悉命於渥恩豈顧私於閒放維聖君之靈囿物何遠而不臻有能言而可重或善舞而取珍羞陋軀而入獻與寶羽而為鄰採朝噪之聲樂眷夜啼之曲新無芒距以耀武不鉤觜以懷仁謝先容而特達卻假飾以全真鑒深心於反哺移報德於君親

墨詔批答

得所進白鳥符彩明媚助日揚輝白羽翩翻凌霜比色况乎反哺斯重能仁是高對之有歡情不能已又覽所

結一置宋氏賦餘讀書

進放言體物詞藻瀏亮尋繹研味把翫無厭所謂文苑菁華詞場警策也今賞卿金五挺銀十挺云云

虛室賦

明月窗前古樹簷邊無北堂之樽酒絕南鄰之管絃理涉虛趣心階靜綠室惟生白人則思玄獸百慮之勞止歸一途之兀然嗟乎巧智首亂禮樂增矯名起異端利成貪兆役二見之交戰驅五神而雜擾形何費而不衰性何煩而不天每竭源而追末必忘多而獲少玉帳瓊宮圖奢務豐朱門金穴恃滿矜隆榮與辱而俱盛事隨憂而不窮陷營為之桎梏留健羨之池籠心元是幻法本皆空莫不因無證實假異生同魚何知而樂水蛇何

張

三

意而憐風大哉默識守此(玄)通願瞻天下還如夢中

晏居賦 并序

吏部侍郎魏仁歸

張校書作虛室賦以示予文旨清峻(玄)義深遠予味之有感聊為晏居賦以和之其詞曰

氣序忽諸日月其除夏盡炎歊秋至涼初地僻而人物自少庭閒而室宇成虛寂爾無晤蕭然晏居覽聖賢於上古窺得失於前書或智而不足或愚而有餘諒千變而萬化嗟難得而備疏若夫名因行立宦由才致官要則謗議斯起譽高必讒毀俱至所以君子逃名達人避位養性以安其體摛文以見其志且貴不如賤善亦同惡貴則但益憂勞善乃未離貪著徒憐顯覆之禍虛縻

愛慾之縛前事既忘後車安託儻來未足有慰或去可
以無怍固當絕於可否亦無勞於酬酢一本作齊其適
莫四字無此句聞龍
詎警其心居陋甯改其樂蓋老氏稱德所貴先慈孔門
之道一以貫之於常則允出茲在茲屈伸委運行用隨
時既無去無取亦何慮何思

江上愁心賦寄趙子岳州作

江上之峻山兮鬱崎音嶢音而不極雲為峯兮煙為色
歛變態兮心不識江上之深林兮杳冥蒙而巳鳥為
花兮猿為子紛盪漾兮言莫擬夏雲陰兮若山秋水平
兮若天冬沙飛兮浙浙春草靡兮芊芊感四節之默運
知萬化之潛遷伴眾鳥兮寒渚望孤帆兮日邊雖欲貫
愁腸於巧筆紡離夢於哀絃是心也非模放之所逮將
有言兮是然將無言兮是然

畏途賦

青泥路白馬關雲足躡霞手攀忠臣往兮孝子還陟羊
腸臨鳥道搏絕岸援蔓草懸梁婀娜以樹接虛閣穹崇
而煙抱風雨滂汨兮崩泉而險湍圖畫詭屈兮紅峯而
碧巒林黝黝而人靜山參參而地寒客有夢兮在城關
背芳萱兮心不歇憫秋草之墜露弔窮崖之飛月聞哀
猿之一鳴憂人宿昔兮生白髮

長安應制侍宴武三思山第賦得風字韻

梁王池館好曉日鳳樓通竹町音挺羅干衛蘭筵降兩宮

清歌芳樹下妙舞落花中臣覺筵中聽還如大國風

侍宴襄荷亭應制

迴鑾青岳觀帳殿紫煙峯仙路迎三島雲衢駐六龍園
林看化塔壇墀識餘封山外聞簫管還如天上逢

侍宴臨渭亭應制

青郊上巳豔陽年紫禁皇遊被渭川幸得歡娛承湛露
心同草樹樂春天

侍宴滻水應制賦得濃字

千行發御柳一葉下仙筇青浦宣遊至朱城佳氣濃雲
霞交暮色草樹喜春容諒諒天旂轉清笛入九重

桃花園馬上應制

林閒豔色驕天馬苑裏穠粧伴麗人願逐南風飛帝席
年年含笑舞青春

景龍應制侍宴隆慶池景龍應制原注睿宗未
筆抹去按景龍中宗復

靈池月滿直城隈舖帳天臨御路開東沼初陽疑吐出
南山曉翠若浮來魚龍百戲分容與鳧鷖雙舟較沂泗

奉和春日幸望春宮

願似金隄青草覆長承瑤水白雲盃

別館芳菲上苑東

春園既醉心和樂共識皇恩造化同

闕對南山雨露通繞殿流鸞凡幾樹當蹊亂蝶許多叢

奉和登驪山嘯眺

寒山上半空臨眺盡園中是日巡遊處晴光遠近同川
明分渭水樹暗辨新豐巖壑清音暮天歌起大風

幸白鹿觀應制

洞府寒山曲天遊日吁迴披雲看石鏡拂雪上金臺竹
徑龍驂下松庭鶴轡來雙童還獻藥五色耀仙才

扈從幸韋嗣立山莊應制二首

寒灰飛玉瑄湯井駐金輿既得方明相還尋大隗居懸
泉珠貫下列帳錦屏舒騎遠林逾密笳繁谷自虛門旗
塹複磴殿幕裏通渠舞鳳隨公主雕龍賦婕妤好地幽天
賞洽酒樂御筵初菲才叨侍從連藻愧應徐

張

七

二

西京上相出扶陽東郊別業好池塘自非仁智符天賞
安能日月共迴光

奉和送金城公主應制

青海和親日潢星出降時戎王子聳寵漢國舅家慈春
野開離讌雲天起別詞空彈馬上曲詎減鳳樓悲

先天應制奉和同皇太子過慈恩寺二首

翼翼宸恩永煌煌福地開離光昇寶殿震氣繞香臺上
界幡花合中天日月來願君無量壽仙藻屢徘徊

二

朗朗神居峻軒軒瑞像威聖君成願果太子拂天衣至

樂三靈會深仁四皓歸還聞澗水曲更繞白雲飛

先天應令春日出苑遊嘯

御製太子時作

三陽麗景早芳辰四序嘉園物候新梅花百般障去路
垂柳千條暗迴津鳥驚直為飛風葉魚躍都由怯岸人
唯願聖主南山壽何愁不賞萬年春

奉和春日出苑應令

禁林監裔發青陽春望逍遙出畫堂雨洗亭皋千畝綠
風吹梅李一園香鶴飛不去隨清管魚躍翻來入綵航
睿賞歡承天保定道文更覩日重光

墨令答讚

四言

入相論道資孝為忠朗如明鏡穆如清風既調飾鶴又

張

八

擅雕龍有則有典是為文雄

張說之文集卷第一

張說之文集卷第二

雜詩

御製喜雪

奉和應制

御製同劉晃喜雨

奉和應制

御製遊興慶宮作

奉和應制

御製觀拔河

奉和應制

奉和寒食作應制

御製過大哥宅

奉和應制

御製過大哥山池

奉和應制

御製石橋銘

奉和應制

御製賜諸州刺史

奉和應制

壁

御製賜崔日知

奉和應制

御製餞王峻巡邊

奉和應制

奉和送宇文融應制

御製興慶宮醮宴

奉和應制

御製春晚宴兩相

侍宴應制探得開字

御製花萼樓下宴

奉和應制

御製端午宴羣臣

端午侍宴應制探得魚字

御製千秋節宴

奉和應制

御製千秋節賜羣臣鏡

奉和應制

喜雪 御製

日觀卜先征將巡順物情風行未備禮雲密遽飄雲委

卷一 唐朱氏贈餘書

卷一 唐朱氏贈餘書

樹寒花發榮空落絮輕朝如玉已會庭似月猶明既觀
膚先合還欣尺有盈登封何以報因此謝功成

奉和喜雪應制

聖德與天同封巒欲報功詔書斯日下靈感應時通觸
石雲呈瑞合花雪告豐積如沙照月散似麩從風舞集
仙臺上歌流帝樂中遙知百神喜灑路待行宮

同劉晃喜雨

御製

節變寒初盡時和氣已春繁雲先合寸膏雨自依旬颯
颯飛平野霏霏靜暗塵懸知花葉意朝夕望中新

奉和同劉晃喜雨應制

青氣含春雨知從岱嶽來行雲避師出洒雨待車迴獸

壁

范塵清道空濛柳映臺最宜三五夜晴月九重開

遊興慶宮作

御製

暇日與兄弟同遊興慶宮登勤政務本及華萼相輝之
樓所以觀風俗而勸人崇友于而敦睦詩以言志歌以
詠言情發於衷率題此什

代邸青門右離宮紫陌垂庭如過沛日水若渡江時綺
觀連雞岫朱樓接雁池從來敦棣萼今此茂荆枝萬葉
傳餘慶千年志不移凭軒聊屬目輕輦共追隨務本方
崇訓相輝保羽儀時康俗易漸德薄政難施鼓吹迎飛
蓋絃歌送羽卮所希覃率土孝悌一同規

奉和暇日遊興慶宮作應制

漢武橫汾口周王宴鎬年何如造區夏復此睦親賢巢
鳳新成閣飛龍舊躍泉棣華歌尚在桐葉戲仍傳禁籞
氛埃隔平臺景物連聖慈良有裕王道固無偏問俗兆
人阜觀風五教宣獻圖開益地張樂奏鈞天侍酌衢樽
滿詢芻諫鼓懸詠言形友愛萬國共周旋

觀拔河俗傳此戲必致年豐故命北軍以求歲

稔 御製

壯徒恒賈勇拔拒抵長河欲練英雄志須明勝負多謀
齊山岌業氣作水騰波預期年歲稔先此樂時和

奉和觀拔河應制

今歲好拖鉤橫街做御樓長繩繫日住貫索挽河流鬪

三

力頻催鼓爭都更上籌春來百種戲天意在宜秋

奉和寒食作應制

寒食春過半花濃鳥復嬌從來禁火日會接清明朝鬪
敵雞殊勝爭毬馬絕調晴空數雲點香樹百風搖改木
迎新燧封田表舊燒皇情愛嘉節傳曲與簫韶

過大哥宅探得歌字

御製

魯衛情先重親賢愛轉多冕旒豐暇日乘景暫經過戚
里申高宴平臺奏雅歌復尋為善樂方驗保山河

奉和過王宅應制

進酒忘憂觀簫韶喜降尋帝堯敦族禮王季友兄心竹
苑龍鳴笛梧宮鳳繞林大風將小雅一字盡千金

同玉真公主過大哥山池二首 御製

澄潭皎鏡石崔嵬萬壑千巖暗綠苔林亭自有幽真趣
況復秋深爽氣來

地有招賢處人傳樂善名鷺池臨九達龍岫對重城桂
月先秋冷蘋風向晚清鳳樓遙可見髣髴玉簫聲

奉和同玉真公主遊大哥山池題石壁應制

池如明鏡月華開山學香鑪雲氣來神藻飛為鶴鶴賦
仙聲颺出鳳凰臺

綠竹初成苑丹沙欲化金乘龍與驂鳳歌吹滿山林爽
氣凝情迴寒光映浦深忘憂題此觀為樂嘗同心

石橋銘 四言 御製

四

梁園勝躅碣館佳遊苔深石暗山斜路幽橋非七夕節
是三秋爰停弄杼共此淹留

奉和石橋銘應制

玉梁架迴碧沼涵空石鞭海上鎖鍛河中橫漢飛鵲規
天拖虹仙聖來往風雲路通

賜諸州刺史以題座右

御製

眷言思共理鑑寢想惟良猗歟此推擇聲績著周行賢
能既俟進黎獻實仁康視人當如子愛人亦如傷講學
試誦論阡陌勸耕桑虛譽不可飾清知不可忘求名迹
易見交真德自彰獄訟必以情教民貴有常恤憚且存
老撫弱復綏強助哉各祇命知予眷萬方

奉和賜諸州刺史應制

文明徧禹跡，鯨鯢遠堯心。正在親人守，能令王澤深。朝
廷多秀士，鎔鍊比精金。犀節同分命，熊軒各外臨。聖主
賦新詩，穆若聽薰琴。先言教為本，次言則是欽。三時農
不奪，午夜犬無侵。願使天宇內，品物遂浮沈。寄情羣飛
鶴，千里一揚音。共躡華胥夢，冀黃安足尋。

賜崔日知往潞州

御製

潞國開新府，壺關寵舊臨。妙旌循吏德，特悅庶民心。禮
樂中朝貴，仁明列郡欽。揚風非贈扇，易俗是張琴。蕃鎮
謳謠洽，行宮雨露深。會書丞相策，先賜潁川金。

奉和賜崔日知應制

三

五

聖情留曩鎮，佳氣翊興王。增戟雄都府，高車轉太常。川
橫入諫閣，山帶五龍長。連帥初恩命，天人舊紀綱。餞塗
飛御藻，闔境自生光。明主徵循吏，何年下鳳凰。

餞王峻巡邊

御製

振武威荒服，揚文肅遠墟。金壇申將禮，玉節授軍符。冠
冑三方外，銜刀萬里餘。昔時吳會靜，今日虜庭虛。分闔
仍推轂，援桴且訓車。風揚旌旆遠，雨洗甲兵初。坐見台
階溢，行聞鼓祿除。檄來雖插羽，箭去亦飛書。舟楫功斯
著，鹽梅望匪疏。不應陳七德，欲使化先敷。

奉和送王峻巡邊應制

六月歌周雅，三邊諗夏卿。欲施攻戰法，先作簡稽行。禮

樂知謀帥，春秋識用兵。一勞堪定國，萬里即長城。策有
和戎利，威傳破虜名。軍前雨灑道，樓上月臨營。別藻瑤
華降，同衣錦褱榮。關山由義近，戈甲為恩輕。絲竹路傍
散，風雲馬上生。朝廷謂吉甫，邦國望君平。

奉和送宇文融安輯戶口應制

至德臨天下，勞情徧九圍。念茲人去本，蓬轉將何依。外
避征戍數，內傷親黨稀。嗟不逢明盛，胡能照隱微。柏臺
簡行李，蘭殿錫朝衣。別曲動秋風，恩令生春輝。使出四
海安，詔下萬心歸。作無夔龍佐，徒歌鴻雁飛。

春中興慶宮蒲宴并序

御製

夫抱器懷才，含仁蘊德，可以坐而論道者，我於是乎關

三

六

重門以納之作，并四方折衝，萬里可運籌帷幄者，我於
是乎懸重祿以待之。是故外無金革之虞，朝有搢紳之
盛。所以巖廊多暇，垂拱無為。不言而海外知歸，不教而
寰中自肅。元亨之道，其在茲乎。況乎天地交而萬物通，
陰陽和而四時序。所寶者粟，所貴者賢。故以宵旰為懷，
黎元在念。盡力溝洫，不知宮室之已卑。致敬鬼神，不知
飲食之斯薄。往以仲冬，建子南至。初陽爰詔，司存式陳。
郊祀挹夷夏之誠，請答人神之厚。醴煙歸太乙，禮備上
玄。足以申昭報之情，足以極嚴禋之道。然心融萬類，歸
雷雨之先。春慶洽百寮，象雲天而高宴。歲二月地三秦，
水汎汎而龍池滿。日遲遲而鳳樓曙。青門左右，軒庭映

結一置宋氏贊餘書

梅柳之春紫陌東西帶幕動煙霞之色撞鐘伐鼓雲起
雪飛歌一聲而酒一盃舞一曲而人一醉詩以言志思
吟湛露之篇樂以忘憂慙運臨汾之筆

九達長安道三陽別館春還將理朝暇迴作豫遊辰不
戰要荒服無刑禮樂新合醜覃土宇歡宴接羣臣玉聲
飛千日瓊筵薦八珍舞衣雲曳影歌扇月開輪伐鼓魚
龍雜撞鐘角觥陳曲終酣興晚須有醉歸人

奉和春中興慶宮醜宴應制

千齡逢啟聖萬域共來威慶接郊禋後醜承農事稀御
樓橫廣路天樂下重閣鸞鳳調歌曲虹霓動舞衣合聲
雲上聚連步月中歸物覩恩無外神和道入微錦京陪

樂飲柏殿奉文飛徒竭秋螢影何資春日暉

春晚宴兩相及禮官麗正殿學士序

御製

朕以薄德祇膺[○]敷正天柱之將傾紉地維之已絕故
得承奉宗廟垂拱巖廊居海內之尊處域中之大然後
祖述堯典憲章禹績敦睦九族會同四海猶恐烝黎未
又徭戍未安禮樂之政虧師儒之道喪乃命使者衣繡
服行郡縣因人所利擇其可勞所以便億兆也乃命將
士擐甲冑冒矢石審山川之向背應歲月之孤虛所以
靜邊陲也乃命禮官考制度稽典則序文昭武穆享天
地神祇所以申嚴潔也乃命學者繕落簡緝遺編纂魯
壁之文章綴秦坑之煨燼所以修文教也故能使流寓

結一置宋氏贊餘書

返枌榆之業戎狄稱藩屏之臣神祇歆其禋祀庠序聞
其經術既家六合時巡兩京函秦則委輸斯遠鼎邑則
朝宗所利封畿四塞從來測景之都城闕千門自昔交
風之地陰陽代謝日月相推豈可使春色虛捐韶華坐
歎乃置旨酒命英賢有文苑之高才有掖垣之良佐舉
孟稱慶何樂如之同吟湛露之篇宜振凌雲之藻于時
歲次乙丑開元十三年三月二十七日

乾道運無窮恆將人代工陰陽調[○]象禮樂報[○]穹介

胄清荒外衣冠佐域中言談延國輔詞賦引文雄野霽
伊川綠郊明翠樹紅冕旒多暇景詩酒會春風

侍宴探得開字

聖政惟稽古賓門引上才坊因購書立殿為集賢開髦
彥星辰下仙章日月迴字如龍負出韻是鳳銜來庭柳
餘春駐宮櫻早夏催喜承芸閣宴幸捧柏梁杯

夏首花萼樓觀羣臣宴[○]王山亭迴樓下又申

之以賞樂賦詩并序

御製

萬物莫不氣兆乎上而形視乎下鐵石異品雲蒸並溼
草木無心春來咸喜故聖人[○]道先王法天酒星主獻
禱之義需卦陳飲食之象近命羣官欣時樂宴盡九春
之麗景市三旬之暇日暢飲桂山懼歌沁水醇以養德
味以平心本將導達陽和助成長育亦朝廷多慶軍國
餘閒者也前月之晦細風飄雨繁絃中止列席半醉佳

辰易失絕興難追良可惋也今年帶閏節候全晚暑氣
猶清芳草未歇申布雅意復敘初筵披樂善之邸坐忘
憂之觀東郊跬步南山在目足以締夏首之新賞補春
餘之陞歡朕登覽上宮俯臨長陌暢眾心之怡虞權歸
騎之逶迤鼓之以瑟琴宥之以筐篚衢樽意洽場藿思
苗賦我有嘉賓之詩奏君臣相悅之樂踟躕西日吟翫
南風不知衷情發於翰墨也

今年通閏月入夏展春輝樓上風花晚城隅宴賞歸九
歌揚政要六舞散朝衣天喜時相合人知事不違禮中
推意厚樂處感心微別賞陽臺樂前旬暮雨飛

奉和花萼樓下宴應制

聖

九

萬心翹樂宴三舍緩昌時山接夏雲險臺留春日遲節
移芳未歇興隔賞仍追醉後傳嘉惠樓前舞聖慈皇恩
與時合天意若人期故發前旬雨新垂湛露詞

端午三殿宴羣臣并序

御製

律中蕤賓獻疇之象著火在盛德文明之義輝故以式
宴陳詩上和下暢者也朕宵衣旰食緝聲教於萬方卜
戰行師總兵鈐於四海勤食日給憂忘心勞聞蟬聲而
悟物變見槿花而驚候改所賴濟濟朝廷視成鷓鴣桓
桓邊塞責辦熊羆喜麥秋之有登玩梅夏之無事時雨
近霽西郊霍靡而一色炎雲作峯南山嵯峨而異勢正
當召儒雅宴高明廣殿肅而清陰生列樹深而長風至

厨人嘗散熱之饌酒正行逃暑之飲庖捐惡鳥俎獻肥
龜新筒裹練香蘆角黍恭儉之儀有序慈惠之意溥洽
諷味黃老致息心於眞妙抑揚游夏滌煩想於詩書超
然^之竟自足爲樂何止柏枕桃門驗方術於經紀綵花
命縷觀問遺於風俗感婆娑於孝女憫枯槁之忠臣而
已哉歎節氣之循環美君臣之相樂凡百在會咸可賦
詩五言紀其日端七韻成其火數豈獨漢武之殿盛朝
士之連章魏文之臺壯辭人之並作云爾

五月符天數五音調夏鈞舊來傳五日無事不稱神穴
枕通靈氣長絲命續人五時花競巧九子縷爭新方殿
臨華節圓宮宴雅臣進對一言重適文六義陳股肱良

聖

十

足詠風化可還^酒

端午三殿侍宴應制探得魚字

小暑夏絃應微陰商管初願齊長命縷來續大恩餘三
殿寒珠箔羣官上玉除助陽嘗黍稷順節進龜魚甘露
垂天酒芝花捧御書合丹同蠅蛭灰骨共蟾蜍今日傷
地意銜珠遂闕如

千秋節宴并序

御製

令節肇開情兼感慶率題八韻以示羣臣
蘭殿千秋節稱君萬壽鵲風傳率土慶日表繼天祥玉
宇開花萼金懸動會昌衣冠白鷺下帟幕翠雲長獻遺
成新俗朝儀入舊章月銜花綬鏡露綴絲絲囊處處祠

結一盧宋氏賡餘歲書

田祖年年宴杖鄉深思一德事小獲萬人康

奉和千秋節宴應制

五德生王者千齡啟聖人赤光來照夜黃雲上覆晨海
縣銜恩久朝章獻壽新高居帝座出夾道歌官陳樂仗
洗清景磬管凝秋曼珠囊含瑞露金鏡抱僊輪何歲無
鄉飲何田不報神薰歌與名節傳代幸羣臣

千秋節賜羣臣鏡 御製

鑄得千秋鏡光生百鍊金分將賜羣后遇象見清心臺
上冰華澈窗中月影臨更銜長綬帶留意感人深

奉和賜王公千秋鏡應制

寶鏡頒神節凝規寫聖情千秋題作字長綬帶為名月

璧

十一

向天邊下花從日裏生不承懸象意誰辨照心明

張說之文集卷第二

雜詩

御製太行山中言志 奉和應制 苗晉卿同作

御製巡省途次舊居 并序 奉和應制

御製過晉陽宮 奉和應制

御製早度蒲關 奉和應制

御製入秦路逢寒食 奉和應制

御製途中經華嶽 奉和應制

御製潼關口號 奉和應制

御製過王濬墓 奉和應制

御製經河上公廟 奉和應制

御製途次陝州 奉和應制

御製行次成泉 奉和應制

御製祭孔子 奉和應制

御製野次喜雪 奉和應制

御製溫湯對雪 奉和應制

御製溫泉言志 奉和應制

御製校獵義成喜雪 奉和應制

御製幸鳳湯泉 奉和應制

扈從溫泉宮獻詩 直宿溫泉宮羽林獻詩

王太尉碑 武門侍射 并序

早登太行山中言志 御製

結一廬朱氏賸餘幾

結一廬朱氏賸餘幾

清蹕渡河陽凝笳上太行火龍明鳥道鐵騎繞羊腸白
露霾陰壑丹霞助曉光澗泉含宿凍山草帶餘霜野老
茅爲室樵人薜作裳宣風問耆艾敦俗勸耕桑涼德慙
先哲微猷慕昔皇不因今展義何必冒垂堂

奉和太行山中言志應制

六龍鳴玉鑾九折步雲端河眷南浮近山輕北上難羽
儀映松雪戈甲帶春寒百谷晨笳動千巖曉仗攢皇心
威韶節敷藻念人安既立省方館復置建神壇扈蹕參
天老承榮忝夏官長勤百年意思見一勝殘

同前

苗晉卿

金吾戒道清羽騎動天聲砥路方南絕重巖始北征關

樓前望遠河邑下觀平喜氣迴輿合祥風轉旆輕祝堯
三老至會禹百神迎月令農先急春蒐禮復行仍親后
土祭更理晉陽兵不似勞車轍空留八駿名

爰因巡省途次舊居 并序 御製

朕昔在初九佐貳此州未遇扶搖之力空俟海沂之詠
泊大橫入兆出處斯易一揮寶劍遠履瑤圖承麻數而
順謳謠著天衣而御區夏嗟乎向時沈默駕四馬而朝
京師今日逍遙乘六龍而問風俗爰因巡省途次舊居
山川宛然人事無間忽其鼎革周遊館宇觸目依然雖
迹異漢皇而地如豐邑擊筑慷慨酌桂留連空想大風
題茲短什

三千初擊浪九萬欲搏空天地猶驚否陰陽始遇蒙存
身斯歷試佐貳伫昭融多謝時康理良慚寶劍功長懷
問鼎氣夙負拔山雄不學劉琨舞先歌漢祖風英髦既
包括豪傑自牢籠人事一朝異謳謠四海同如何昔朱
邸今此作離宮鴈沼澄瀾翠猿巖落照紅小山餘桂馥
長坂舊蘭叢即是淹留處乘歡樂未窮

奉和爰因巡省途次舊居應制

蔥鬱興王郡殷憂啟聖圖周成會西土漢武幸南都歲
卜鑾輿邁農祠雁政敷武威稜外域文教靡中區警蹕
千戈捧朝宗萬玉趨舊藩人事革新禮園容殊壁有真
龍畫庭餘鳴鳳梧萊鵠祝堯壽合鼎獻湯廚陽樂寒初
變春恩蟄更蘇三首頒命服五稔復田輸君賦大風起
人歌湛露濡從臣觀玉葉方願紀靈符

過晉陽宮 御製

緬想封唐處實惟建國初俯察伊晉野仰觀乃參墟井
邑龍躍斯城池鳳翔餘林塘猶沛澤臺榭宛舊居運革
祚中否時遷命茲符願循承丕構怵惕多憂虞尚恐威
不逮復慮化未孚豈徒勞職跡所期訓戎車習俗問黎
人親巡慰里閭永言念成功頌德臨康衢長懷經綸日
歎息履庭隅艱難安可忘欲去良踟躕

奉和

太原俗尚武高皇初奮庸星軒三晉躔土樂二堯封北

風遂舉鵬西河亦上龍至德起王業繼明賴人雍六葉
啟昌期再興廣聖蹤傳呼大駕來文物如雲從連營火
百里縱觀人千重翠華渡汾水白日臨峯峯榜榆恩賞
洽桑梓舊情恭往運感不追清時惜難逢詩發尊祖心
頌刊盛德容願君及春事迴輿綏萬邦

早度蒲關 御製

鐘鼓嚴更曙山河野望通鳴鑾下蒲阪飛旆入秦中地
險關逾壯天平鎮向雄春來津樹合月落戍樓空馬色
分朝景雜聲逐曉風所希常道泰非復俟繡同

奉和

蒲阪橫臨晉華芝曉望秦關城雄地險橋路扼天津樓

映行宮日隄含宮樹春黃雲隨寶鼎紫氣逐真人東詠
唐虞跡西觀周漢塵山河非國寶明主愛忠臣

初入秦川路逢寒食 御製

洛川芳樹映天津灞岸垂楊窳地新直為經過行處樂
不知虛度兩京春去年有閨今春早曙色和風著花草
可憐寒食與清明光輝併在長安道自從關路入秦川
爭到何人不戲鞭公子途中方蹴踘佳人馬上廢鞦韆
渭水長橋今欲渡蔥蔥漸見新豐樹遠看驪岫入雲霄
預想湯池起煙霧煙霧氛氳水殿開暫拂香泉歸去來
今歲清明行已晚明年寒食更相陪

奉和

上陽柳色喚春歸
臨渭桃花拂水飛
總為朝廷巡幸去
頓教京洛少光輝
昨從分陝山南口
馳道依依漸花柳
入關正投寒食前
還京遂落清明後
路上天心重豫遊
御前恩賜特風流
便幕那能鏤雞子
行宮善巧帖毛毬
渭橋南渡花如撲
麥隴青斷人目漢
家行樹直新豐
秦地驪山抱溫谷
香池春溜水初平
預歡浴日照京城
今歲隨宜過寒食
明年陪宴作清明

途中經華嶽 御製

飭駕去京邑
鳴鑾指洛川
循途經太華
迴蹕暫周旋
翠嶠留斜影
懸巖冒夕煙
四方皆石壁
五位配金天
髣髴看高掌
依稀聽子先
終當銘歲月
從此記靈仙

奉和

西嶽鎮皇京
中峯入太清
玉鑾重嶺應
緹騎薄雲迎
霽日懸高掌
寒空映削成
軒遊會神處
漢幸望仙情
舊廟青林古
新碑綠字生
羣臣願封岱
還駕勒鴻名

潼關口號 御製

河曲迴千里
關門限二京
所嗟非恃德
設險致天平

奉和

天德平無外
關門東復西
不將千里隔
何用一丸泥

過王濬墓 御製

吳國分牛斗
晉室命龍驤
受任敵已滅
策勳名不彰
居美未盡善
矜功徒自傷
長戟今何在
孤墳此路傍
不覩

松柏茂空餘荆棘
場歎嗟懸劍隴
誰識夢刀祥

奉和

牛斗三分國
龍驤一統年
智高(甯)受制風
急肯迴船
有策擒吳(甯)無言讓范
宣援孤因勢屈
功重為讒偏
舊跡灰塵散
枯墳故老傳
百代逢明主
何辭死道邊

經河上公廟 御製

昔聞有耆叟
河上獨遺榮
迹與鶻塵隔
心將道德并
詎以天地累(甯)為寵辱
驚矯然翔寥廓
如何屈堅真(玄)妙門啟
肅肅祠宇清
冥冥無先後
那能記姓名

奉和

河上無名老
知非漢代人
先探道德要
留待聖明辰(玄)

聖

妙為天下清
虛用谷神
化將和氣一
風與太初鄰
靈廟觀遺像
仙歌入至真
皇心齊萬物
何處不同塵

途次陝州 御製

境出三秦外
途分二陝中
山川入虞虢
風俗限西東
樹古棠陰在
耕餘讓畔空
鳴笳從此去
行見洛陽宮

奉和

周召嘗分陝
詩書空復傳
何如萬乘瞻
追賞二南篇
郡帶洪河側
宮臨大道邊
洛城將日近
佳氣滿山川

行次成皋
途經先聖
擒建德之所
緬懷功業感

而賦詩 御製

有隋政昏虐
羣雄已交爭
先聖按劍起
叱咤風雲生
飲

馬河洛場作氣嵩華驚克敵睿圖就擒俘帝道亨願慙
嗣寶[○]恭承天下平幸過翦鯨地感慕神且英

奉和

夏氏階隋亂自言河朔雄王師進穀水兵氣臨山東前
掃成皋陣卻下洛陽宮義合帝圖起威加天宇同軒臺
百年外虞典一巡中戰龍思王業倚馬賦神功

經鄒魯祭孔子而歎之

御製

夫子何為者栖栖一代中地猶鄒氏邑宅即魯王宮歎
鳳嗟身否傷麟怨道窮今看兩檻奠當與夢時同

奉和

孔聖家鄒魯儒風藹典墳龍驂迴舊宅鳳德詠餘芬入

壁

七

室神如在升堂樂似聞懸知一王法今日待明君

野次喜雪

御製

拂曉闢行宮寒皋野望通繁雲低遠岫飛雪舞長空賦
象恆依物縈迴屢逐風為知勤恤意先此示年豐

奉和

寒更玉漏催曉色御前開泮雲陰積氤氳風雪迴山
如銀作甕宮見壁成臺欲驗豐年象飄飄仙藻來

溫湯對雪

御製

北風吹同雲同雲飛白雪白雪乍迴散同雲何慘裂未
見溫泉冰[○]知火井滅表瑞良在茲庶希可怡悅

奉和

瑞雪帶寒風寒風入陰瑄陰瑄方凝閉寒風復淒斷宮
似瑤林市庭如月華滿正歎挾續詞非近湯泉暖

惟此溫泉是稱愈疾豈予獨受其福思與兆人

共之乘暇巡遊乃言其志

御製

桂殿與山連蘭湯湧自然陰崖含秀色溫谷吐潺湲積
為蠲邪著功因養正宣願言將億兆同此共昌延

奉和

溫谷媚新豐驪山橫半空湯池薰水殿翠木暖煙宮起
疾逾仙藥無私合聖功始知堯舜德心與萬人同

校獵義成喜逢天雪率題九韻以示羣官

御製

壁

八

弧矢威天下旌旗遊近縣一面施烏羅三驅教人戰暮
雲成積雪曉色開行殿皓然原隰同不覺林野變北風

勇士馬東日華組練觸地銀麈出連山縞鹿見月兔落

高增星狼下飛箭既欣盈尺兆復憶樅溪便歲豐將遇

賢俱荷皇天眷

奉和

文教資武功郊畋闕邦政不知仁育久徒看禽獸盛夜
霰氛埃滅朝日山川靜綽仗飛走繁抨弦筋角勁帝射

參神道龍馳合人性五豨連一發百中皆先命勇爵均
萬夫雄圖羅七聖星為吉符老雪作豐年慶喜聽行獵

詩威神入軍令

幸鳳湯泉 御製

西狩觀周俗南山愿漢宮薦鮮知路近省斂覺年豐陰
谷含神爨湯泉養聖功益齡仙并合愈疾醴源通不重
鳴岐鳳誰憐陳寶雄願將無限澤霑沐眾心同

奉和

周狩聞岐禮秦都辨雍名獻禽天子孝存老聖皇情溫
潤宜冬幸遊敗樂歲成湯雲出水殿煖氣入山營坎意
無私結乾心稱物平帝歌流樂府溪谷也增榮

扈從溫泉宮獻詩

溫泉啟蟄地氛氳渭浦歸鴻日數羣騎仗聯聯環北極
鳴笳步步引南薰松閉彩殿籠佳氣山上朱旗繞瑞雲

壁

不知遠夢華胥國何如親奉帝堯君

直宿溫泉宮羽林獻詩

冬狩美秦正新豐樂漢行星陳武閣月對羽林營寒
木羅霜仗空山響夜更恩深靈液暖節效古松貞文武
皆王事輸心不為名

羽林恩召觀御書王太尉碑

隴首名公石來承聖札歸魚龍生意態鉤劍動鋌輝字
得神明保詞慙少女徽誰家羽林將文逐鳳書飛

武門侍射 并序

開元之初季冬其望天子始御北闕朝羽林軍禮修事
厥後二日乃命紫微黃門九卿六事與熊羆之將爪牙

之臣合宴焉侑以純錦頌以珍品爾其射弮新成大侯
既設架仗林立帷軒霧布眾官半醉皇情載悅卷珠箔
臨玉除唐弓在手夏箭斯發應絃命中屬羽連飛弧矢
以來未之有也若夫天地合道星辰獻儀端視和容內
正外直自近而制遠耀威而觀德思無不通神無不極
用是射也其惟聖人乎于時繁雲覆城大雪飛苑天人
同澤上下交權退食懷恩賦詩頌義凡若干篇
射觀通闕兵闌闕御筵雕弧月半上畫的暈重圓翠
后神幽贊靈王法暗傳貫心精四返飲羽妙三聯雪鶴
來銜箭星麟下集弦一逢軍宴洽萬慶武功宣

壁

張說之文集卷第三

張說之文集卷第四

雜詩

雀鼠谷

御製答張說雀鼠谷

奉和 宋璟 蘇頌 王邱 袁暉 崔翹 張九

御製送張說巡邊 奉敕儀張尚書序 賈會

將赴朔方軍應制 奉和 源乾曜 張嘉貞 許

景光 韓休 徐知仁 崔再錫 王勃 蘇晉 王光

御製送張說賜譙 奉敕送張說賜譙序 張九

奉和聖製送赴集賢院 奉和 源乾曜 裴淮 蘇

昇 王勣 蕭嵩 李元敏 賀知章 陸堅 劉

御製命宴東堂賜詩 命宴序 蘇晉

張

奉和命宴東堂賜詩應制

奉和 宋璟 源乾曜 蕭

奉酒三首 御製宴樂游園

奉和樂游園宴應制 奉和 宋璟 崔沔 張九

崔尚 趙冬曦

扈從南出雀鼠谷

豫動三靈贊時巡四海威映關凌曙出平路半春歸霍

鎮迎雲罕汾河送羽旂山南柳半密谷北草全稀遲日

宜華蓋和風入夾衣上林千里近應見百花飛

答張說南出雀鼠谷 御製

雷出膺乾象風行順國人川途猶在晉車馬漸歸秦背

陝關山險橫汾鼓吹頻草依陽谷變花待北巖春聞有

結一窟朱氏賡餘叢書

鷓鴣客清詞雅調新求音思欲報心迹竟難陳

奉和聖答張說南出雀鼠谷 宋璟

秦地雄西夏并州近北胡禹行山啟路王在邑為都忽

視寒暄隔深思險易殊四時宗伯敘六義宰臣鋪徵作

宮常應星環日每紆盛哉逢合道良以致亨衢

同前 蘇頌

雨施巡方罷雲從訓俗迴密途汾水衛清蹕晉郊陪寒

著山邊靜春當日下來御祠^之鳥應仙仗綠楊開作頌

音傳雅觀文色動台更知西向樂宸藻協鹽梅

同前 王邱

襟帶三秦接旂裳萬乘過陽源淑氣早陰谷沍寒多花

縟前茅仗霜嚴後殿戈戍雲開晉嶺江雁入汾河北土

分堯俗南風動舜歌一聞天樂唱恭逐萬人和

同前 袁暉

魏國山河險周王警蹕迴九旗雲際出萬騎谷中來石

岸行將盡煙郊望忽開賞矜垂柳拂春畏落花催興逸

橫汾體恩褒作頌才小臣瞻日月延首詠康哉

同前 崔翹

碛路繞河汾晴光拂曙氛笳吟中嶺樹仗入半峯雲頓

覺山原盡平看邑里分早行芳草末晚憩好風薰嘉頌

推英宰春遊扈聖君共欣承睿渥日月照天文

同前 張九齡

結一窟朱氏賡餘叢書

設險諸侯地承平聖主巡東君朝二月南旆擁三辰寒
出重關盡年隨行漏新瑞雲叢捧日芳樹曲迎春舞詠
先馳道恩華及從臣汾川花鳥意併奉屬車塵

同前

王光庭

省俗恩將徧巡方路稍迴寒隨汾谷盡春逐晉郊來雲
騎傳行漏煙旄引從臺惠風初應律和氣正調梅雅頌
通宸禁天文接曙台灞陵桃李色應待日華開

同前

席 豫

鳴鑾初幸代旋蓋欲橫汾山盡千旗出郊平五校分前
林已暄景後壑尙寒氛風送簫韶曲花鋪繡黻文鹽梅
推上宰禮樂統中軍獻賦紆天札飄飄飛白雲

張

同前

梁昇卿

何忽重關道千年遇聖皇幽林承惠澤閑谷見清光日
御先途遠山靈獻壽長寒雲入晉薄春樹隔汾香國佐
同時雨天文屬歲陽從來漢家盛未若此巡方

同前

趙冬曦

軒轅應順動方牧正趨陪道合殷爲礪時行楚有材省
方西禮設振旅北方迴地理分中壤天文照上台寒依
汾谷去春入晉郊來竊比康衢者長歌仰大哉

送張說巡邊

御製

端拱復垂裳長懷御遠方股肱申教義戈劍靜要荒命
將綏邊服雄圖出廟堂三台入武帳八座起文昌寶胄

匡韓主華宗輔漢王茂先慙博物平子謝文章盡節恢
時佐輸誠禦寇場三軍臨朔野駟馬即戎行鼓吹威夷
狄旌軒溢洛陽雲臺先著美今日更貽芳

賈曾奉

敕撰

王者大司馬制軍詰禁封國正朔惠綏蠻貊刑齊猾夏
其儀尙矣天子道穆三象功清六合截海來威窮荒揆
教將以靜流服度藩畿削憚疑凌暴昭蘇寡弱乃命元
宰兵部尙書燕公專節朔方授律羣帥涉河之外距關
之西公皆統之重分閩也公智以開物精以造微文爲
一變之英武有萬人之敵慙登庶尹王猷載三宅台
衡帝采惟亮雖坐堂足以制勝而勤國忘其定居闔茂

張

次年仲皋貞閏拜手東洛馳轡北闕備官而行成旅以
從是日也景風司至星火殷宵伯趙鳴而戒陰來鳩習

而揚武賦可以昇高遠望詩可以出宿餞行有詔具寮
爰開祖宴且申後命寵以蕃錫天章賦別御札題牋副
衣勉挾纊之誠兼壺喻投醪之旨筐篚以將其貺筆硯
以表其文前載未書今冊斯覩侍中安陽公以仁體國
中書令河東公以德熙朝變贊功成許謀景暇慕采薇
之興典悵伐木之朋思詢彼之師卜茲郊候鼎門右轉
岐路傍分當關塞之斷山接華林之高樹幕人宿設重
帟雲平太官饗舉百羞霞錯四夏六脣之變朱干皇羽
之容雷殷川原電燧林薄朝傾多士巷無居人接蓋陰

衝揚袂風野羽觴遞進列座酣而不諱清鏡間發將士
激而逾厲視日知其吉氣吹律驗其商聲則已景列穹
都風騰漢野西域輕郵支之使東胡息冒頓之虞顧夫
南仲于征吉甫薄伐不其遠也若木還照前茅啟行聽
闕闕之去鼓目悠悠之轉旆歌事者每懷靡及念離者
跋予望之成志在心發言同唱天子有命式敘清風請
編出車之什以繼蒸人之雅

將赴朔方軍應制

禮樂逢明主韜鈴用老臣恭憑神武策遠御鬼方人供
帳榮恩餞山川喜詔巡天文日月麗朝賦管絃新幼志
傳三略衰材謝六鈞瞻猶忠作伴心故道爲鄰漢保河

張

五

南地胡清塞北塵連年大軍後不日小康辰劍舞輕離
別歌酣忘苦辛從來思博望許國不謀身

奉和聖製送張尙書巡邊

源乾曜

匈奴遡河朔漢地復戎旅天子擇英才朝端出監撫流
星下閭闔寶鉞專公輔禮物生光輝宸意備恩詔有征
示矛戟制勝惟樽俎彼美何壯哉桓桓擅斯舉聲華振
臺閣功德標文武奉國知命輕忘家以身許安人在勤
恤保大禪襟腑此外無異言同情報明主

同前

張嘉貞

天錫我宗盟元戎付夏卿多才兼將相必勇獨橫行經
緯稱人傑文章作代英山川看是陣草木想爲兵不待

河水合猶防塞月明有謀當繫醜無戰且綏氓聞外專
三略雲中冀一平感恩共心盡悵別屢魂驚直視前旌
擊遙聞後騎鳴還期方定日復此出郊迎

同前

宋璟

帝道薄存兵王師尙有征是開司馬法爰命總戎行畫
闕崇威信分麾盛寵榮聚觀方結轍出祖遂傾城聖酒
山河潤天詞象緯明德風邊地偃勝氣朔方平宰國推
良器爲軍挹壯聲至和常得體不戰卽亡精以智泉甯
竭其徐海自清遲還廟堂坐別贈故人情

同前

盧從愿

上將發文昌中軍靜朔方占星引旌節擇日拜壇場禮

張

六

樂臨軒送威聲出塞揚安邊俟帷幄制勝在巖廊作鼓
將軍氣投膠戰士觴戒途遵六月離贈動三光槐路清
梅暑蘅皋赴麥涼時文仰雄伯耀武震遐荒祗席知無
戰兵戎示不忘仁聞歌杖杜凱入繫名王

同前

許景光

文武承邦式風雲感國楨王師親賦政廟略久諭兵漢
主知三傑周官總六卿四方分闡受千里坐謀成介冑
辭前殿壺觴宿左營賞延頒賜重宸贈出車榮龍武三
軍氣魚鈴五校名郊雲駐旌羽邊吹引金鉦振旅方稱
德安人更克貞仁觀銘石罷同聽凱歌聲

同前

韓休

一德光台象三軍掌夏卿來威申廟略出總協師貞受
鉞辭金殿憑軒去鼎城曉光搖組甲疏吹繞雲旌左律
方先凱中輦即訓兵定功彰武事陳頌紀天聲祖宴初
留賞宸章更龍行車徒零雨送林野夕陰生路極河流
遠川長朔氣平南轅遲反旆歸奉謁承明

同前

徐知仁

聖德膺三絕皇威被八埏大明均照物小醜未_能邊國
相台衡重元戎廟略宣紫泥方受命黃石乃推賢問罪
陰山下安人屬國前度關行照月乘帳坐銷煙北闕紆
宸藻南橋列祖筵耀威當夏日殺氣指秋天鞏鼓鼉鼉
振旌旗鳥獸懸由來詞翰首今見勒燕然

七

七

同前

崔禹錫

供帳何煌煌公其撫朔方羣寮銜餞酌明主降離章關
塞重門下郊岐禁苑傍練兵宜雨洗臥鼓候風涼炎景
_能云憚神謀肅所將旌搖天月迴騎入塞雲長赫赫皇
威震油油聖澤滂非惟按車甲兼以正封疆叱吒陰山
道澄清瀚海陽虜垣行決勝台座仁為光

同前

王翰

紫蓋尚書印朱駢丞相車登朝身許國出關將辭家不
憚炎蒸苦親嘗走集賒選徒軍有令誓卒爾無諱帝樂
風初起王城日半斜寵行流聖作寅餞照台華騎歷河
南樹旌搖天北沙榮懷應盡服嚴殺已先加業峻靈祇

保功成道路差_能知鑿空使遠致石榴花

同前

蘇晉

方漢比周年與王令在宣亟聞降虜拜復視出師篇祈
父萬邦式英猷三略傳算車申夏政茂舍啟戎田嚴問
盟胡苑軍容濟洛川皇情愜關旆詔餞列郊筵路接禁
園草池分御井蓮離聲軫去角居念斷歸蟬三捷豈云
永七擒良信然具寮有誠寄望凱秋風前

同前

王光庭

賢相德符充朝推文武雄海波先若鏡關草預從風鉞
助將軍勇威成天子功瓊章九霄發錫宴五衢通玉輿
龍盤帶金裝鳳頸驄虎貌紛擬擬河洛震熊熊戈劍干

八

八

同前

袁暉

霜白旌旗萬火紅示刑夷夏變流惠鬼神同寇息軍容
偃塵銷朔野空用師敷禮樂非是為獯戎
出師宜九命分閭用三台始應幕中畫言從天上來丹
青不獨任韜略遂雙該坐見威稜洽彌彰事業恢旌旗
曉霜送鞞鼓朔風催虜氣銷殘月邊聲韻落梅羽書雄
北地龍漢寢南垓籠戰黃金盡輸誠白日迴離章宸翰
發祖宴國門開欲識恩華盛平生文武材

同前

席豫

聖帝重兵權分麾屬大賢中軍仍執政丞相復巡邊翕
習戎裝動張皇廟略宣朝榮承睿札野餞轉行旂亭障

東緣海沙場北際天春冬見嚴雪朝夕候烽煙已勒燕山頌猶開遺戍篇五營將月合八陣與雲連經略圖方遠懷柔道更全歸來畫麟閣藹藹武功傳

同前

張九齡

宗臣事有征廟算在休兵天與三台座人當萬里城朔南方偃革河右誓揚旌寵錫從仙禁光華出漢京山川勤遠略原隰軫皇情為動薰琴唱仍題寶劍名聞風六郡勇計日五戎平山甫歸應疾留侯功復成歌鍾旋可望枕席豈難行四牡何時入吾君憶履聲

同前

徐堅

至德撫遐荒神兵赴朔方帝思元帥重爰擇股肱良累

同前

九

相承開地深籌協子房寄崇專斧鉞禮備設壇場鞞鼓喧雷電戈劍凜風霜四驥將戒道十乘啟先行聖錫加恆數天文曜寵光出郊開帳飲寅饑盛離章雨濯梅林潤風吹麥野涼燕山應勒頌麟閣仁名揚

同前

崔日用

軒相推風后周官重夏卿廟謀能允迪韜略又縱橫吉日四黃馬宣王六月兵擬清雞鹿塞先指朔方城列將懷威撫向奴畏盛名去當推轂送來仁出郊迎絕漠遼將斷華筵僅正榮壯心看舞劍別緒應懸旌睿錫承優旨乾文復寵行暫勞期永逸赫矣振天聲

同前

賀知章

荒憬盡廣忠梯杭已自通九攻雖不戰五月尚持戎遣戍徵周牒恢邊重漢功撰車命元宰授律取文雄胄出天弧上謀成帝幄中詔旂分夏物專謝錫唐弓帳宿伊生疑右鉦吹晉苑東饗人籍贊實樂正理絲桐岐陌涵餘雨離川照晚虹恭聞詠方叔千載舞皇風

送張說上集賢學士賜讌得珍字

御製

廣學開書殿崇儒引席珍集賢招袞職論道命台臣禮樂沿今古文章革舊新獻酬尊俎列賓主位班陳節變雲初夏時移氣尚春所希光史冊千載仰茲晨

集賢殿書院奉敕送學士張說上賜讌序

張九齡

同前

十

集賢殿者本集仙殿也上不以惟睿作聖而猶垂意好學用相必本於經術圖王亦始於師臣及乎鴻生碩儒博聞多識之士自開元肇建以迄於今大用徵集煥乎廣內而聽政餘暇式燕在茲忠臣嘉賓得盡心之所聰明文思有光被之德故下以道親上亦歡甚即於御座爰發德音以為候彼神人事雖千載傳於方士言固不經遂改仙為賢去華務實且有後命增其學秩是以集賢之廷更為論思之室矣中書令燕國公外弼庶績以奉沃心之謀內講六經以成潤色之業故得出入華殿師長翰林惟帝用臧固天所賴拜命之日荷寵有加降聖酒之罍下御廚之膳食以樂侑人思德飽時則有侍

中安陽公等承恩預馬學士右散騎常侍東海公等攝
職在焉或禹稷大賢泉雲請彥文王多士周室以[○]武
帝得人漢家爲盛而高視前古獨不在於今乎咸可賦
詩以光鴻烈

奉和聖製送赴集賢院賦得輝字

侍帝金華講千齡道固稀位將賢士設書共學徒歸首
命深燕隗通經淺漢章列筵榮賜食送客愧儒衣賀燕
窺簷下遷鷺入殿飛欲知朝野慶文教日光輝

同前賦得迎字

源乾曜

盛業光書府徵人盡國英絲綸賢相稱羣俊學爲名寵
命垂天錫崇恩發睿情薰風清禁禁文殿述皇明日雲

十四

十一

庭陰出池新水氣生歡娛此無限詩酒自相迎

同前賦得昇字

裴淮

問道圖書盛尊儒禮教興石渠因學廣金殿爲賢昇日
月恩光照龍雲寵命膺謨猷言可範舟楫事斯憑宴喜
明時洽光輝湛露凝大哉堯作主天下頌歌稱

同前賦得茲字

蘇題

肅肅金殿裏招賢固在茲鏘鏘石渠內庠序亦同時宴
錫歡談道文成貴說詩用儒今作相敦學舊爲師下濟
天光近中來帝渥滋國朝良史載能事日諭思

同前賦得西字

韋杭

廣庭臨璧沼多士侍金闈英宰文儒協明君日月齊集

賢光首拜改殿發新題早夏初移律餘花尙拂溪壺觴
接雲上經術引關西聖德鴻名遠將陪玉檢泥

同前賦得迴字

程行誥

聖主崇文化鏘鏘得盛才相因歸夢立殿以集賢開象
繫微言闡詩書至道該堯尊承帝澤禹膳自天來禮洽
歡逾長風恬暑更迴國朝將舜頌同是一康哉

同前賦得催字

李嵩

偃武堯風接崇文漢道恢集賢更內殿清選自中台佐
命留侯業詞華博物才天廚千品降夏日百壺催鷓鴣
方成列神仙喜暫陪復欣同拜首叨此頌良哉

同前賦得登字

蕭嵩

帝日簡才能旌賢在股肱文章體一變禮樂道逾[○]云

閣英華入賓門鷓鴣登恩延過所望聖澤日超恆夏葉

開紅藥餘花發紫藤微臣亦何幸叨此預文朋

同前賦得私字

李元紘

碩儒延鳳詔金馬被鴻私饌玉還丹禁賤花降紫墀銜
恩傾旨酒鼓舞詠康時暫構羣書緝逾昭盛業丕接筵
欣有命擗管愧無詞自驚一何幸太陽還及葵

同前賦得暮字

賀知章

西學垂[○]覽東堂發聖暮天光燭武殿時宰集鴻都枯
朽霑皇澤翺飛舞帝梧跡同遊汗漫榮是拔泥塗三歎
承湯鼎千歡接舜壺微軀不可答空欲詠依蒲

同前賦得今字

陸堅

聖主崇文教層霄降德音尊賢澤既厚式宴寵逾深復有夔龍相良哉簡帝心得人惟邁昔多士詠推今書殿榮光滿儒門喜氣臨顧惟成濫吹徒此接衣簪

同前賦得賓字

劉昇

圖書應明主策府宴嘉賓台曜臨東壁乾光自北辰網羅窮象繫述作究天人聖酒千鍾洽仙廚百味陳成山徒可仰涉海詎知津幸逢文教盛還覩頌聲新

同前賦得筵字

王翰

東堂起集賢貴得後神仙首命台階老將崇御府員送人鏘玉佩中使拂瓊筵和樂薰風解湛恩時雨連長材

成磊落短翮強翻翮徒仰蓬萊地何階不讓緣

同前賦得蓮字

趙冬曦

術淺方觀海恩深忽見天學開丹殿籍名與石渠賢良輔膺休命徵生謬探甄春餘仍呀鳥夏近未開蓮棧札來宸禁衣冠集詔筵史臣知醉德欲記升中年

同前賦得華字

韋述

修文中禁啟改字令名加台座徵人傑書坊應國華賦詩開廣宴賜酒酌流霞散明金闕池間照玉沙掖垣留宿鳥溫樹落餘花謬此天光及銜恩醉日斜

左丞相說右丞相璟太子少傅乾曜同日上官

命宴東堂賜詩

御製

赤帝收三傑黃軒舉二臣由來丞相重分掌國之鈞我有握中籌雙飛席上珍子房推要道仲子訝風神復暇台衡老將為調護人鴻鸞同拜日車騎擁行塵樂聚南宮宴觴連北斗醇俾子成百揆垂拱問彝倫

丞相少傅拜職天子作三傑之詩以命宴序

蘇晉

惟聖寶賢以齊皇極有若左丞相燕國公右丞相廣平公太子少傅安陽侯皆生人碩德皇國元老道著廊廟績宣華戎由是懋其成功錫以元吉咨日于朔擇時于秋俾對命王庭受職公府見羣屬揖庶寮禮官辨章掌舍陳次工備俯饗獻蒸六卿拜下以成儀三事自天而

來賀秩秩賓序暉暉旅時玉緯垂文南風和雅頌之變金漿降醴雲天光飫酌之宜宰德貴和盡莊敬具瞻之範羣情尚洽預周旋宴語之歡方將一心天工勳力帝載寢黑山之柝包青海之戈雲雨賢才水火菽粟日詠魚藻歲陳由庚頤殷趙之年留魯陽之景爰命在宴乃廣載歌

奉和與璟乾曜同日上官命宴東堂賜詩應制

大塊鎔羣品輕生偶聖時猥承三仕命虛忝百僚師右揆謀華碩前星傳重資連鸞求舊禮濫點樂賢詩賜釜同榮拜擬金宴宰司蒞花吹御酒蘭葉捧天詞寶休明盛頽年晷漏衰少留青史筆未敢赤松期

同前

宋璟

丞相邦之重非賢諒不居老臣庸且憊何德以當諸厚
秩先為忝崇班復此除太常陳禮樂中掖降舊裾聖酒
山河潤仙文象緯舒冒恩懷寵祿陳力省空虛郭隗慙
無駿馮諼愧有魚不知周勃者榮幸定何如

同前

源乾曜

睿作超千古湛恩育萬人遞遷俱荷澤同拜忽為鄰道
台音微暢芳馳景命新鼓鍾崇享禮鵷鷺集朝倫竊位
思官謗難容謝木春慙多無以敘拙備實難陳進級懷
三少承光盡百身自當歸第日何幸列宮臣

同前

蕭嵩

審官思共理多士屬惟唐歷選台庭舊來照帝業昌入
朝師百辟論道協三光垂拱資元老親賢輔少陽登崇
榮禮送寵德耀宸章卿酒飛觴洽仙闈雅樂張荷恩思
有報陳力愧無良願罄忠公節同心奉我皇

同前

裴光庭

樂賢聞往詰衰德偶茲辰端揆升元老師謀擇累仁紫
庭崇讓畢粉署禮容陳既荷恩榮舊俱承寵命新天文
懸瑞色聖酒汎華茵雜選陳蕭鼓權娛洽精神掖垣招
近侍虛薄廁清塵共保堅貞節常期雨露均

同前

宇文融

申甫生周日宣慈舉舜年何如偶昌運比德邁前賢寵

護元良密榮瞻端揆選職優三仕老位極百僚先北極
迴宸渥南宮飾宴筵飛文瑤札降賜酒玉杯傳謬列台
衡重俱承雨露偏誓將同竭力相與效塵涓

奉蕭中令酒并詩

樂奏天恩滿杯來秋興高更蒙蕭相國對酒飲醇醪

奉宇文黃門酒

聖德垂甘露天章下大風又承黃閣賞願作黑頭公

奉裴中書酒

西掖恩華降南宮命席闈詎知雜樹後更接鳳池歡

同二相以下羣官宴樂遊園 御製

撰日巖廊暇需雲宴樂初萬方朝玉帛千品會簪裾地

同前

入南山近城分北斗餘池塘垂柳密原隰野花疏帝幕

看逾暗歌鍾聽自虛興闌歸騎轉還奏弼違書

奉和恩賜樂遊園宴應制

漢苑佳遊地軒庭近侍臣共持榮幸日來賞豔陽春饌

玉頰王篚撻金下帝鈞池臺草色徧宮觀柳條新花綬

光連楊朱頰暢飲醇聖朝多樂事天意每隨人

同前

宋璟

侍飲終酬會承恩續勝遊戴天惟慶幸選地卽殊尤北

向祇雙闕南臨賞一邱曲江新溜暖上苑雜花稠靈臺

韶絃屢菱菱賈帛周醉歸填畛陌榮耀接軒裘

同前

崔沔

五日舖初畢千年樂未央復承天所錫終宴國之陽地
勝春逾好恩深樂更張落花飛廣座垂柳拂行觴庶尹
陪三吏諸侯具萬方酒酣同并躍歌舞詠時康

同前

張九齡

寶筐延後命供帳序羣公形勝宜春接儀文建禮同晞
陽人似露解慍物從風朝慶千齡始年華二月中輝光
徧草木和氣發絲桐茂歲為無事雷知樂九功

同前

胡皓

五舖終宴集三錫又歡娛僊阜崇高異神州眺覽殊南
山臨皓雪北闕對明珠宰座鷓鴣滿昌庭駟馬趨綺羅
含草樹絲竹吐郊衢銜杯不能罷歌舞恣唐虞

器

同前

王翰

未極人心暢何如帝道明仍嫌舖宴促復寵樂遊行陸
海披珍藏天河豈斗城四關清藹合數處白雲生餽餼
調元氣歌鍾溢雅聲空慙堯舜力至德杳難名

同前

崔尙

春日照長安皇恩寵庶官合錢承罷飲宴帛賜追歡供
帳憑高列城池入迴寬花催相國飲鳥和樂人彈北闕
雲中見南山樹杪看樂遊宜諦賞舞詠惜將闌

同前

趙冬曦

爽塏三秦地芳華二月初舖承莫璧罷宴是合錢餘柳
翠垂堪結桃紅卷欲舒從容會鷓鴣延曼戲龍魚喜氣

通雲物歡聲來里閭聖恩將厚意請述記言書

張說之文集卷第四

器

六

六

張說之文集卷第五

雜詩

東都酺宴五首 并序 詔宴永穆公主亭子

詔宴定昆池宮莊 舟中和蕭令潭字

詔宴^雷王山池 詔宴樂遊園

詔宴薛王山池序 詔宴^雷王亭子

藥園宴武洛沙將軍 鳳樓尋勝地

皇帝降誕日集賢殿賜宴賜食於麗正書院宴

詔餞諸刺史 修書學士奉救宴梁王宅

夕宴房主簿舍 并序 岳州宴姚紹之 并序

幽州夜飲 溫泉馮劉二監客舍觀妓

與劉評事文同宿 崔禮部園亭

城南亭作 對酒行 巴陵作

清夜酌 醉中作

東都酺宴五首 并序

先天元祀孟冬十月東都留守韋公寅奉聖朝述宣嘉旨乃合洛京之五省招河伊之二縣將吏咸集佩章有序鏘鏘濟濟侃侃闐闐供帳於興教之門式酺宴也原夫樂生於心非因結風之奏和達於氣無待陽春之節蓋澤之所及也深則情之所感者遠國家天地一統君臣百年朝榮舊德之序野賴先疇之業^之化漸漬洪恩既久太上功德不宰夏后命子之初皇帝孝理無爲漢

詩一盧宋氏詩餘卷五

祖事親之日生堯舜於天屬見文武於同時前古未逢斯人何幸是日六樂振作萬舞苒弱鳥獸徘徊士女踊躍則知眾庶觀聽之所樂也旨酒絡繹大庖燔炙芳溢風煙醉流阡陌又知衣冠之所適也由近而視遠萬國之慶皆然自明而察幽三靈之欣可接若夫吟詠德澤播越人聲斯固雅頌之餘波政教之遺美凡我詞客安敢闕如賦詩展事垂列于後

一

堯舜傳天下同心致太平吾君內舉聖遠合至公情錫命承丕業崇親享大名二天資廣運兩曜益齊明道暢昆蟲樂恩深朽蠹榮皇輿久西幸留鑣在東京台宴千

張

二

官入分曹百戲呈樂來嫌景遠酒著訝寒輕喜氣連雲閣歡呼動洛城人間知幾代今日見河清

二

重華昇寶^之軒帝眇閑居政成天子孝俗返上皇初忘味因觀樂懽心寄合酺自憐疲馬意戀戀主恩餘

三

朱城塵曉滅翠幕景情開震震靈龍起翔翔舞鳳來彫盤裝草樹綺乘結樓臺共喜光華日酣歌捧玉杯

四

曉月調金鼓朝暎對玉盤爭馳羣鳥散鬪伎百花團遇聖人知幸承恩物自懽洛橋將舉燭醉舞拂歸鞍

詩一盧宋氏詩餘卷五

五

愷宴惟今席餘懽殊未窮入雲歌嫋嫋向日妓叢叢
管催酬興留關待曲終長安若為樂應與萬方同

晦日詔宴永穆公主亭子賦得流字

堂邑山林美朝恩晦日遊園亭含淑氣竹樹繞春流舞
席千花騎歌船五綵樓羣權與王澤歲歲滿皇州

三月三日詔宴定昆池官莊賦得筵字

鳳凰樓下對天泉鸚鵡洲中管管絃舊識平陽嘉麗地
今逢上巳盛明年舟將水動千尋日暮共林橫兩岸煙
不降玉人觀禊飲誰令醉舞拂賓筵

舟中和蕭令潭字

暮春三月日重三春水桃花滿禊潭廣樂透池天上下
仙舟搖衍鏡中酣

清明日詔宴王山池賦得飛字

今日清明宴佳境惜芳菲搖揚花雜下嬌轉鶯亂飛
渚傳歌榜虹橋度舞旂和風偏應律細雨不霑衣承恩
如改火春去春來歸

三月二十日詔宴樂遊園賦得風字

樂遊形勝地表裏望郊宮北闕連天頂南山對掌中皇
恩賞芳月向宴美成功魚戲芙蓉水鶯啼楊柳風春花
看欲暮天澤戀無窮長袖招斜日留花待曲終

季春下旬詔宴薛王山池序

結三宋氏齊詩卷五

三 禮宋氏齊詩卷五

有生之性萬殊無方之感一節陽和而動植暢春滿而
皋壤悅后皇所以發時令布新慶二南邁周召之風百
辟形金石之詠者也碧流日暖南山雪殘首獻之浹辰
暮春之提月帝京形勝借上林而入遊成里池臺就脩
竹而開宴泉闕御府味給天廚仙唱宵樂中貴督酒太
平佳事前史未書大矣哉一德日新九功惟敘運璿樞
而均四氣握金鏡而靜萬方堯舜湯文不違顏於咫尺
夔龍伊呂共接手於朝廷不克見而見焉不可聞而聞
者豈深思勝殘去殺累百年之至仁推恩按圖啟千齡
之昌運河清難得人代幾何擊壤之歎良有以也此則
青門上路未邛平臺城煙屢起而泊山野風時來而過

水春將悵別愛落花之灑途夏如欣會玩峯雲之映沼
爾其列筵授几分曹設幕艇送江鳧船迎海鶴魚龍丸
劍曼延揮霍鸞鳳簫鼓朋鳴董作申錫開於百寶慈心
出於三符炮炙熏林塘膠醴狀邱壑拊急管於無算醉
湛恩以取樂羣公賦詩俾僕題序長卿消渴覺含毫之
轉遲子雲壯夫見彫蟲之都廢敢憚鄙詞之訥澀恐貽
盛集之蕪穢云爾

四月十三日詔宴王亭子賦得好字

何許承恩宴山亭風日好綠嫩鳴鶴洲陰穠闋雜道果
思夏來茂花嫌春去早行樂無限時皇情及芳草

蔡園宴武洛沙將軍賦得洛字

東第乘餘興南園宴清洛文學引鄒枚歌鍾陳衛霍風
高大夫樹露下將軍藥待聞出塞還丹青上麟閣

鳳樓尋勝地

西掖持醇酒東山就白雲開軒綠池映命席紫蘭芬舞
度花為伴鶯來管作羣太平多樂事春物共氛氳

皇帝降誕日集賢殿賜宴

仲秋金帝起五日土行昭瑞表壬寅露光傳甲子宵陰
風吹大澤夢日照昌朝不獨華封老千年喜祝堯

恩制賜食於麗正書院宴得林字

東壁圖書府西園翰墨林誦詩聞國政講易見天心位
籍和羹重恩叨醉酒深緩歌春興曲情竭為知音

洛橋北亭詔餞諸刺史

離亭拂御溝曲岸舞船樓詔餞朝廷牧符分海縣憂股
肱還入郡父母更臨州扇逐仁風轉車隨霖雨流恩光
水上溢榮色柳閒浮預待羣方最三公不遠求

修書學士奉敕宴梁王宅賦得樹字

虎殿成鴻業猿巖題鳳賦既荷大君恩還蒙小山遇秋
吹凝絃管涼雲生竹樹共惜朱邸歡無辭洛城暮

夕宴房主簿舍并序

旅聽清管崇局嚴鑰巖雲暗山微月白夜悄鞏動之俱
息咸孤鴻之遠音有美房公霞海其量友我以絲竹好
我以尊俎紆蘊結之雅懷豁悠曠之陳意滿堂既醉同

賦是詩

歲晏關雍空風急河渭冰薄遊羈物役微尚懷遠憑旅
館月宿永閉局雲思興伊人美修夜明酒惠來稱交談
既清雅琴吹亦淒疑不逢君蹇澗幽意長鬱蒸

岳州宴姚紹之并序

姚司馬往在栢臺每欽骨鯁及茲荒服偶得官聯復有
令弟美脣芬芳襲子山寺外廬幽深形勝童冠是集歡
言賦詩

杞梓滯江濱光華向日新難兄金作友媚子玉為人山
水含秋興池亭惜善鄰簷松風送靜院竹鳥來馴翠翠
吹黃菊瑯盤膾紫鱗緩歌將醉舞為拂繡衣塵

幽州夜飲

涼風吹夜雨蕭瑟動寒林正有高堂宴能忘遲暮心軍
中宜劍舞塞上重笳音不作邊城將誰知恩遇深

溫泉馮劉二監客舍觀妓

溫泉寒林暮王遊樂事多佳人蹀駿馬乘月夜相過秀
色燃紅黛嬌香發綺羅鏡前鸞對舞琴裏鳳傳歌妒寵
傾新意銜恩奈老何為君留上客歡笑斂雙蛾

行從方秀川與劉評事文同宿

方秀美盤遊頻年降天罕水共伊川接山將闕門斷捧
日照恩華攀雲引疲散野宿霜入帳孤衾寒不暖靜聞
宮漏疏卧視庭月滿開鑪命溫耐中夜發清管風送關

山長氣道星歲短寓言情義愜適興真意坦環中病羈
掛方外嫌縱誕願君樂盛時無嗟帶纒緩

崔禮部園亭得涼字

窈窕留清館虛徐步晚陰水連伊闕近樹接夏陽深柳
蔓憐垂拂藤苗愛上尋訝君軒蓋侶非復俗人心

城南亭作

珂馬朝歸連萬石稍門洞啟親迎客北堂珍重琥珀酒
庭前列肆茱萸席長袖遲迴意緒多清商緩轉日騰波
舊傳比翼侯家舞新出將雛主第歌漢家絳灌餘兵氣
晉代浮虛安足貴正逢天下金鏡清偏加日飲醇醪意
誰復遨遊不復歸閒庭莫畏不芳菲會待城南春色至

登

競將花柳拂羅衣

對酒行 巴陵作

留侯封萬戶園令壽千金本為成王業初由賦上林繁
榮安足恃霜露遞相尋鳥哭楚山外猿啼湘水陰夢中
城闕近天畔海雲深空對忘憂酒離憂不去心

清夜酌

秋陰士多感雨息夜無塵清尊宜明月復有平生人

醉中作

醉後無窮樂彌勝未醉時動容皆是舞出語總成詩

張說之文集卷第五

張說之文集卷第六

雜詩

送趙二尙書北伐

送郭大夫元振再使吐蕃

送鄭惟忠從公主入蕃

送李侍郎迴秀薛長史季昶

送趙頤貞郎中赴安西

送崔長史日知赴潞州

送兗公赴荊州

送高唐州

送蘇合宮題

送王峻自羽林赴永昌令

同王僕射餞岑廣武義

送喬安邑備

送任御史江南發糧

送王尙一嚴巖二侍御

送李問政河北簡兵

送薛植入京

送宋休遠之蜀任

送梁知微渡海東

別平一師

送武員外郎

送尹補闕元凱琴歌

送王光庭

新都南亭

別許鄭二判官

岳州宴別潭州王熊二首

奉答張岳州二首

和別二首

岳州別王十一趙公入朝

奉別燕公

岳州別梁六入朝

奉別燕公

送梁六自洞庭山作

廣州蕭都督入朝

岳州別姚司馬紹之

送李十從軍歸桂州

岳州別均

送敬丞

見諸人送杜丞詩因以成作

幽州別陰長河

幽州送隨軍入秦

幽州送尹忭成婦

嶺南送使三首

南中別王陵戎崇

石門別楊六卿望

端州別高六載

南中別蔣五向青州

南中別陳七李十

南中送北使二首

送趙二尙書彥昭北伐

虜地河水合邊城備此時兵連紫關路將舉白雲司題

劍榮中賞銜珠盛出師日華光組練風色燄旌旗投筆

尊前起橫戈馬上辭梅花吹別引楊柳賦新詩

送郭大夫元振再使吐蕃

犬戎廢東獻漢使馳西極長策問酋渠猜阻自夷殛容

髮徂邊歲旌裘弊海色五年一見家妻子不相識武庫

兵猶動金方事未息遠圖候才智苦節輸筋力脫刀贈

分手書帶加餐食知君萬里侯立功在異域

送鄭大夫惟忠從公主入蕃還字韻

鳳吹遙將斷龍旗送欲還傾都邀節度傳酌緩離顏春

磧沙連海秋城月對關和戎應賞魏定遠莫辭班

送李侍郎迴秀薛長史季昶同賦得水字

漢郡接胡庭幽并對烽壘旌旗按部曲文武惟卿士薛

公善籌畫李相咸邊鄙中翼分兩河長城各萬里藉馬

黃花塞蒐兵白狼水勝敵在安人爲君汗青史

送趙頤貞郎中赴安西

絕鎮功難立懸車命匪輕復承遷相後珍重任賢情將

起神仙地才稱禮樂英長心堪擊虜短語足論兵日授
休明法星教置陣名龍泉恩已署燕頰相終成月窟窮
天遠河源入塞清老夫操別翰承旨頌營平

送崔二長史日知赴潞州

東山懷卧理南省悵悲翁共見前途促何知後會同莫
輕一筵宴明日半成空况爾離庭闕思歸迷夢中

同賀八送充公赴荊州

疇昔同聲友鶩飛出鳳池風雲一蕩薄日月屢參差此
別黃葉下前期安可知惟憐楚南樹不為歲寒移

送高唐州

常時好閑獨朋舊少相過及爾宣風去方嗟別日多淮

張

流春婉婉汝海路蹉跎百歲屢分散懼言復幾何

送蘇合宮頌

都邑羣方首商泉萬俗訛變風須愷悌成化佗絃歌疇
昔珪璋友雍容文雅多振纓遊省闈鏘玉宰京河別曲
鸞初下行軒雉尙過百壺非餞意流詠在人和

送王峻自羽林赴永昌令

將星移北洛神雨避東京為負剛腸譽還追強項名白
雲向伊闕黃葉散昆明多謝絃歌宰稀聞桴鼓聲

同王僕射山亭餞岑廣武義得言字

聞道長岑令奮翼宰旅門長安東陌上送客滿朱軒琴
爵留佳境山池借好園茲遊恨不見別後綴離言

送喬安邑備

書閣移年歲文明難復辭歡言冬雪滿恨別夏雲滋外
尹方為政高明自不欺老人驂馭往童子狎羣嬉日茂
西河俗寂寥東觀期遙懷秀才令京洛見新詩

送任御史江南發糧以振河北百姓

河朔人無歲荆南義廩開將興汎舟役必佗濟川才花
月臨江浦春雲慙楚臺調饑坐相望繡服幾時迴

送王尙一嚴嶷二侍御赴司馬都督軍

漢掖通沙塞邊兵護草腓將行司馬令助以鐵冠威白
露騰初下黃塵騎欲飛明年春酒熟留酌二星歸

送李問政河北簡兵

張

斗酒貽朋愛脚躡出御溝依然四牡別更想八龍遊密
親仕燕薊連年邇寇讎因君闕河朔垂淚語幽州

送薛植入京

青組言從史鴻都忽見求款言人向老飲別歲方秋髣
髴長安陌平生是舊遊何時復相遇宛在水中流

送宋休遠之蜀任

求友殊損益行道異窮申我綴平生氣吐贈薄遊人結
恩事明主忍愛遠辭親色麗成都俗膏腴蜀水濱如何
從宦子堅白共淄磷日月千齡且河山萬族春懷鉛書
瑞府橫草事邊塵不及安人吏能令王化增

送梁知微渡海東

蘇一應亦氏讀詩書

今日此相送明年此相待天上客星迴知君渡東海

別平一師

王子不事俗高駕眇難追茅土非屑矚傾城無樂資
冥坐深林中三世同一時皎皎獨往心不為塵網欺
竭來已復去今去何來思迴首謝同行動會安清期

送武員外郎中春赴秀師嵩山塔下舍利

懷玉泉戀仁者寂滅真心不可見空留影塔巖嵩下寶
玉四海轉千輪金壘百粒送分身山中二月娑羅會虛
唄遙遙愁思人我念過去微塵劫與子禪門同正法雖
在神仙蘭省間常持清淨蓮花葉來亦好去亦好了觀
車行馬不移當見菩提離煩惱

五

送尹補闕元凱琴歌 公善琴

鳳哉鳳哉啄琅玕飲瑤池栖崑崙之山哉中國有聖人
感和氣飛來自歌自舞先王冊府麒麟之臺羈雌眾雞
故山曲其鳴喈喈其鳴喈喈欲往銜之欸去來去別鸞
鳳心徘徊明年阿閣梧桐花葉開羣飛鳳歸來羣飛鳳
歸來

送王光庭

同居洛陽陌經日嬾相求及爾江湖去言別悵悠悠楚
雲眇羈翼海月倦行舟愛而不可見徒嗟芳歲流

新都南亭送郭元振盧崇道

竹徑女蘿溪蓮洲文石隄靜深人俗斷尋玩往還迷碧

蘇一應亦氏讀詩書

潭秀初月素林驚夕栖褰幌納蟾影理琴聽猿啼佳辰
改宿昔勝寄坐睽攜長懷賞心愛如玉復如珪

相州前池別許鄭二判官景先神力

數步圓塘水雙鴻戢羽儀一飛喬木上一返故林垂澹
泊含秋景虛明抱夜規無因留絕翰雲海意差池

岳州宴別潭州王熊二首

絲管清且哀一曲傾一盃氣將然諾重心向友朋開古
木無生意寒雲若死灰贈君芳杜草為植建章臺
縉雲連省閣溝水遠西東然諾心猶在容華歲不同孤
城臨楚塞遠樹入秦宮誰念三千里江潭一老翁

奉答張岳州二首

王熊

六

長沙辭舊國洞庭逢故人薰蘭敦久要披霧轉相親歲
月方嗟老江山不惜春忽聞黃鶴曲更作白頭新
平生共風月倏忽閒山川不期交淡水暫得款忘年興
逸方罷釣帆開欲解船離心若危旆朝夕為君懸

余昔忝省閣與岳州張使君潭州王都督同官
聯事後承朝譴各自東西張公與王都督別詩
二首情頗殷勤余覽以耿耿因遙申和云

韋嗣立

茂先王佐才作牧楚江隈登樓正欲賦復遇仲宣來黃
鶴飛將遠雕龍文為開知昔聯事聽曲有餘哀
昔時陪二賢纓冕會神仙一去馳江海相逢共播遷無

結一廬宋氏續餘書

因千里駕忽覩四愁篇覽諷歎何已歡從徒愴然

岳州別王十一趙公入朝

昔濫貂蟬長同承雨露霏今參魚鼈守望美洞庭歸浦
樹懸秋影江雲燒落暉離似征旆恆往帝鄉飛

奉別燕公

王琚

五載朝天子三湘逢舊寮扁舟方輟棹清論遂終朝遠
樹煙間沒長江地際遙帝城馳夢想歸旆滿風颭

岳州別梁六入朝

遠泣長沙渚欣逢賈誼才江山疲應接風日復晴開江
樹雲間斷湘山水上來近洲朝鷺集古戍夜猿哀岸柳
含蒼靄河蒲秀紫臺月餘偏地賞心盡故人盃自我違

張

七

京洛嗟君此沂洞容華因別老交舊與年頽夢見長安

陌朝宗日盛哉

奉別燕公

梁知微

華容佳山水之子猷承明符竹迂小郡江湖被德聲三
年計吏入路指巴邱城覺舟纜結纜騶駕已相迎別離
他鄉酒委曲故人情孤嶼早煙泊長波晚氣清辛勤方
遠鶩勝賞屢難并迴瞻洞庭浦日暮愁雲生

送梁六自洞庭山作

巴陵一望洞庭秋日見孤峰水上浮聞道神仙不可接
心隨湖水共悠悠

廣州蕭都督入朝過岳州宴餞得冬字

結一廬宋氏續餘書

孤城抱大江節使往朝宗果是臺中舊依然水上逢京
華遙比日疲老颯如冬竊羨能言鳥銜恩向九重

岳州別姚司馬紹之制許歸侍

和玉悲無已長沙宦不成天從扇枕願人遂倚門情方
外懷司馬江東憶步兵向君棲泊處空嶺夜猿鳴

岳州送李十從軍歸桂州

送客江之上其人美且偲風波萬里闊歡舊十年來劍
拔蛟知斷弓鳴虎自開楊橋書未落駟馬定先迴

岳州別均

離筵非讌喜別酒正銷魂念爾猶童孺嗟余隔遠藩津
亭拔心草江路斷腸猿他日將何見愁來獨倚門

張

送敬丞

嘉會良難永芳樽此夜閑別離三春暮親愛兩鄉間落
花已覆水巖雲欲起山庭蘭行可佩采采贈河關

見諸人送杜丞詩因以成作

吳楚分江鎮華容改舊城訝君來遠謁知有去思情風
度沅湘險煙還雲夢平寄言洞庭郡何德子為名

幽州別陰長河

惠好交情重辛勤世事多荆南久為別薊北遠來過寄
目雲中鳥留歡酒上歌影移聲復聞遲暮兩如何

幽州送隨軍入秦

楊子來戎幕老夫欣主諾歸路有光華邊庭少咨度雁

知窮朔苦人羨長安樂獨將馬革心同聲謝臺閣

幽州送尹忭成婦

婚禮知無賀承家歎有輝親迎驥子躍吉兆鳳雛飛溫
席開華扇梁門換褻衣遙思桃李日應賦采蘋歸

嶺南送使三首

秋雁逢春返流人何日歸將子去國淚灑子入鄉衣饑
狄啼相聚愁猿喘更飛南中不可問書此示京畿
獄中生白髮嶺外罷紅顏古來相送處凡得幾人還
萬里投荒裔來時不見親一朝成白首看取報家人

南中別王陵成崇

握手與君別岐路贈一言曹卿禮公子楚媼饋王孫倏

九

爾生六翮翻飛戾九門常懷客鳥意會答主人恩

石門別楊六卿望

燕人同竄越萬里自相哀影響無期會江山此地來暮
年傷汎梗累日慰寒灰潮水東南落浮雲西北迴但看
石門遠倚棹兩悲哉

端州別高六叢

異壤同羈竄途中喜共過愁來時舉酒勞罷或長歌南
海風潮壯西江瘴癘多於馬復分手此別傷如何

南中別蔣五向青州

老親依北海賤子棄南荒有淚皆成血無聲不斷腸此
中逢故友彼地迂還鄉願作江楓葉隨君度洛陽

南中別陳七季十

二年共遊處一旦各西東請君聊駐馬看我轉征蓬書
鶴愁南海離駒思北風何時似春雁雙入上林中

南中送北使二首

傳聞合浦葉曾向洛陽飛何日南風至還隨北使歸紅
顏度嶺歇白首對秋衰高歌何日見層堂不可違誰憐
炎海曲淚盡血霑衣

待罪居重譯窮愁暮雨秋山臨鬼門路城繞瘴江流人
事今如此生涯自可求逢君入鄉縣傳我念京周別後
歸途遠離言暮景迢夷歌翻下淚蘆酒未消愁聞有胡
兵急深懷漢國羞和親先是詐款塞果為仇釋繫應分
爵獨徒幾復侯廉頗誠未老孫叔且無謀若道馮唐事
皇恩尚可收

張說之文集卷第六

緒一廬宋氏賡餘書

張說之文集卷第七

雜詩

贈崔公

留贈張御史張判官

贈高六叡

贈廣平公宋大

贈趙公

奉答燕公二首 王珣

贈趙侍御

伯奴邊見歸田賦

奉酬見歸田 趙冬曦

翻著葛巾呈趙尹 岳州作

同前 趙冬曦

偶遊龍門北溪 韋嗣立

奉酬龍門北溪作

同前 崔泰之 崔日知

經龍門北溪 韋嗣立

酬章祭酒經龍門北溪

冬日述懷 崔日知

酬崔光祿冬日述懷 并序

同前 韋嗣立

同光祿弟冬日述懷 崔泰之

桐竹 李伯魚

答李伯魚桐竹

和魏僕射還鄉

和張監觀赦

和張監遊終南

和朱使

和朱使二首

同趙侍御巴陵早春作

乾湖作 并序 趙冬曦

同趙侍御乾湖作

同趙侍御望歸舟

遙同蔡起居偃松篇

同劉給事城南宴集

出湖寄趙冬曦二首

寄姚司馬

寄許八

代書答姜七崔九

代書寄吉十一

代書寄薛四

寄天台司馬道士

寄劉道士鳥

書香能和尙塔

贈崔公

我聞西漢日四老南山幽長歌紫芝秀高卧白雲浮朝

野光塵絕榛蕪年貌秋一朝驅駟馬連袂入龍樓昔遁

高皇去今從太子遊行藏唯聖節福禍在人謀卒能匡

惠帝豈不賴留侯事隨年代遠名與圖籍留平生欽厚

德慷慨景前修蟬蛤何陰兔蛟龍望斗牛無嗟異飛伏

同氣幸相求

留贈張御史張判官

旅竄南方遠傳聞北使來舊庭知玉樹台浦識珠胎白

髮因愁改丹誠說夢迴皇恩若再造為憶不然灰

贈高六叡

北極辭明代南溟宅放臣丹誠由義盡白髮帶愁新鳥

墮炎洲氣花飛洛水春平生歌舞席誰憶不歸人

贈廣平公宋大

亞相本時英歸來復國楨朝推長孺直野慕隱之清傳

節還閩嶂皇恩入漢京 思江上老歲晏蹇無成

贈趙公

湘東股肱守心與帝鄉期舟楫中路蹇風波復來思嘉

我常聯翼金貂侍玉墀跡參前馬聖名綴鬻熊師寒暑

一何速山川遠間之 知洞庭上獨得平生時精義微

絕簡從權討妙碁林壑為予請紛靄發華滋流賞忽已

緒一廬宋氏賡餘書

散驚帆杳難追送君在南浦佳傑投此詞

奉答燕公二首

王 珣

誰道零陵守東過此地遊友寮同省閤昆弟接荆州我
逐江潭雁君隨海上鷗屢傷神氣沮久別鬢毛秋疑嶺
春應徧陽臺雨欲收主人情未盡高駕少淹留
語別意悽悽零陵湘水西佳人金谷返愛子洞庭迷舊
館逢花發他山值鳥啼江天千里望唯見綠蘋齊

贈趙侍御

祿放跡異端偏荒事同蹇苟忘風波累俱會雲壑踐險
式壓西湖倚廬對南峴夜樓江月入朝幌山雲卷山勢
遠濤連江途斜漢轉坐嘯予多暇行吟子獨善並轡躡
郊郭方舟玩遊演虛聲萬籟分水色千里辨不知岸陰
謝再見春露泫綠壤發欣顏華年助蟲篆上世時難接
古人情可選汨渚煩為媒多才怨成編長沙鵬作賦任
道可知淺請從三已心榮辱兩都遣

伯奴邊見歸田賦因投趙侍御

爾家歎窮鳥吾族賦歸田莫道榮枯異同嗟世網牽黃
陵浮汨渚青草會湘川去國逾三歲茲山老二年寒鴉
鳴舍下昏虎卧籬前客淚堪斑竹離憂欲贈荃放言久
無次觸興感成篇

奉酬見歸田賦垂贈之作

趙冬曦

窮鳥嬰籠綴孤飛任播遷鷓鴣王佐用復此挫冲天楚

雲何掩鬱湘水亦迴遭懷哉愧木雁忽爾枉蘭荃愈疾
同枚叔銷憂比仲宣歸途書可畏弱操石尤堅覆載雖
云廣潯陽直塊然

翻著葛巾呈趙尹 岳州作

昔日接羅倒今我葛巾翻宿酒何時醒形骸不復存忽
聞有嘉客躡步出開門桃花春徑滿誤識武陵源

同前

趙冬曦

美酒值芳春醒餘氣益真降歡時倒屣乘興偶翻巾徐
櫛思方建莊車理自均傲然歌一曲一醉濯纓人
偶遊龍門北溪忽懷驪山別業呈諸留守

韋嗣立

張

幽谷杜陵邊風煙別幾年偶來伊水曲溪嶂覺依然傍
浦憐芳樹尋崖愛淥泉嶺雲隨馬足山鳥向人前地合
心俱靜言因理自短才叨重寄尸祿愧妨賢每揖挂
冠侶思從初服旋稻梁仍欲報歲月坐空捐助岳無纖
芥輸溟謝末涓還晤北轅矢方茲南澗田

奉酬龍門北溪作

石澗泉虛落松崖路屈迴聞君北溪下想像南山隈近
念鼎門別遙思雲嶂陪不同奇觀往空觀斯文來歲後
寒初變春前芳未開黃鞋裹岸柳紫萼拆春梅盡室茲
遊翫盈門幾樂哉嗟遊洛陽陌夢詣建章臺野失巢由
性朝非元凱才布懷欽遠近幽意日塵埃

同前

崔泰之

關塞臨伊水驪山枕灞川俱臨隱路側同在帝城邊謝
公兼出處攜妓玩林泉鳴騶噴梅雪飛蓋曳松煙聞琴
幽谷裏看博古巖前落月低幃帳歸雲繞管絃叨榮慙
北闕微尚愛東田寂寞灰心盡蕭條塵事捐朝思登絕
暫夜夢弄潺湲宿懷南澗意況觀北巖篇

同前

崔日知

夙齡秉微尚中年忽有鄰以茲山水癖遂得狎通人迨
我南京道聞君北業新巖前窺石鏡河畔蹋芳茵既憐
伊浦淥復憶瀟池春連詞謝家子同歡莫野賓趣閑魚
共樂情洽鳥來馴誰念昔遊者祇命獨留秦蕭條潁陽

卷

五

戀沖漠漢陰真無由陪勝躅空此玩書筠

同前

魏奉古

有美朝為貴幽尋地自偏踐臨伊水洎想望瀟池邊是
遇皆新賞茲遊若舊年藤蘿隱路接楊柳御溝聯道愜
神情主機忘俗理捐遂初誠已重兼濟實為賢跡是東
山戀心唯北闕前願慙經拾柴多謝賦思玄未躡中林
步空乘華藻傳陽春和色寡扣寂竟徒然

僕自湯還都經龍門北溪莊宿張左丞崔禮部
崔光祿並枉垂光顧數公宿敦道義雅尚林壑
謂急於幽尋故此命駕遂不知別有勝賞偶然
相過寒暄未周神意已往雲霞之致蔑而不存

逸轡放驅清塵徒企歌歎不已而贈是詩

韋嗣立

棲閑有愚谷好事枉前軒樹接前驅擁巖傳後騎喧塞
簾出野院植杖候柴門既拂林下席仍攜池上樽深期
契幽賞實謂展歡言未眷誠未易佳時遊更敦俄看嘯
儔侶各已共飛騫遠睇盡朝目長懷通夜魂空聞岸竹
動徒見浦花繁多愧春鶯曲相承意獨存

酬韋祭酒自湯還都經龍門北溪見贈

閑君湯井至瀟灑憩郊林拂曙攜清賞披雲觀綠岑歡
言遊覽意款曲望歸心是日期嘉客同山忽異尋桃源
花路轉楊柳間門深汎舟伊水漲繫馬香樹陰繁絃弄

卷

六

水族嬌吹狎沙禽春滿汀色媚景斜嵐氣寥懷仁殊未
遠重德匪輕臨來藻敷幽思連詞報所欽

冬日述懷奉呈韋祭酒張左丞蘭臺名賢

崔日知

弱齡好經籍披卷即怡然覃精四十載馳騁數千言孔
壁采遺篆周韋考絕編袁公論劍術孫子敘兵篇魯史
君臣道姬書日月懸從師改炎燠負笈徧山川上異西
河夏中非北海玄光榮拾青紫名價接通賢既重萬鍾
樂簡思三頃田長戟同分虎高冠亞附蟬晚懷重虛曠
養志息雕鏑登高慙思拙匠物謝精妍不慕張平子簡
希王仲宣誰為登龍日翻成刻鶴年循循勞善誘軌軌

思徵琴琢磨才既竭鑽仰德彌堅朽木誠為諭捫心徒
自終終吞鳥夢振翼上雲煙賦成先擲地詞高直撲
天更更衣冠仍開函杖筵露披槐市藹水靜壁池圓
願逐從風葉飛舞翰林前

崔光祿冬日述懷贈答 并序

大極殿眾君子分司洛城自春涉秋日有遊討既而章
公中守茲樂便廢頃因公醮方接詠言崔光祿述志論
文首貽雅唱諸公嘉德敘事咸有報章若夫盛時榮位
華景勝會此四者古難一遇而我輩比實兼之至於精
言探道妙識發義戲謔而逢規誠指諷而見師表益過
三友豈易得乎謂膏澤傍潤芝蘭久襲章公近之矣以

張

七

文會友以友輔仁崔公近之矣其餘尋聲響答望形影
赴故亦峻碧池之漣漪增瑤林之沃若是用綴集勒成
一卷永存几閣之玩無忘歡好之時焉

徐陳嘗並作枚馬亦同時各負當朝譽俱承明主私夫
君邁前侶觀國騁奇姿山似鳴威鳳泉如出寶龜才雄
子雲筆學廣仲舒帷紫綬拂三寺朱門臨九達昔我合
香日連爾縉雲司朝攜蘭省步夕退竹林期中路一分
手數載來何遲求友還相得羣英復在茲留臺少人務
方駕遞尋追涉玩懷同賞霽芳憶共持迎賓南澗飲載
妓東郊嬉春郊綠畝秀秋澗白雲滋名畫披人物良書
討滯疑興來光不惜歡往迹如遺歲晏罷行樂層城間

所思夜魂燈處默朝髮鏡前衰忽枉崔駟什兼流章孟
詞曲高彌寡和王善代為師齊戒觀華玉留連歎色絲
終慙起予者何足與言詩

酬崔光祿冬日述懷 并序 章嗣立

光祿崔卿公曠懷通識濟時良具負材器晚耽圖籍愛
林泉不遺琴詠門多長者善與人交僕參臺閣早經聯
事雖幸揖風彩而不接殷勤崔公以雅道自居未嘗至
偃之室及僕積抱羸疾屢祈牧退朝廷恩假職以優閑
多取急歸林服餌為事門堪羅雀庭見狎鷗崔公則多
存訪不避風雨方知向時跡也今晨情也蘭菊春秋自
芳竹柏歲寒無變僕敬之重之故不能忘也嘗談及詞

張

八

翰頗申摛撫忽枉贈章因以投報云爾

亭伯負高名羽儀稱上京魏珠能燭乘秦璧許連城六
月飛將遠三冬學已精洛陽推賈誼江夏貴黃瓊推演
中都術旋參河尹聲累遷登御府移拜踐名卿庭聚歌
鐘麗門羅棨戟榮鸚盃飛廣席獸火列前楹散誕林園
意殷勤敬愛情無容抱衰疾良宴每招迎契得心逾重
言忘道益真相助忠義節共談詞賦英雕蟲會廢棄白
鳳已先鳴光接神愈駭音來味不成短歌甘自惡鴻藻
彌難清東里方希潤西河敢竊明厚誣空見迫喪德豈
無誠端守宮闈地寒煙朝暮平顧才無術淺懷器識憂
盈月下對雲關風前聞夜更昌年雖共偶歡會此難并

為憐漳浦曲沈痾有劉頌

同光祿弟冬日述懷韋祭酒張左丞二公並廊
廟偉才朝廷舊相咸先首和殊為佳作輒繼陽
春深增媿悚

崔泰之

吾族白眉良才華動洛陽觀光初入仕應宿始為郎飛
螢玩書籍白鳳吐文章海卿逾往雅河尹冠前張擇才
綬鄆郢殊化被江湘高樓臨廣陌甲第敞通莊別館邛
山下疏亭洛水旁昌年豐賞陌暇日悅林塘衣冠皆秀
彥羅綺盡名倡隔岸聞歌度臨池見舞行門庭寒變色
榮戟自生光窮陰方靉靄殺氣正蒼茫感時興盛作晚
歲共多傷積德韋丞相通神張子房束草編簪紱逸韻

卷

九

合宮商功名留守省濫跡在文昌家園遙可見臺寺近
相望無庸乘侍謁有暇共翱翔棣華依雁序竹葉拂鸞
觴水坐憐秋月山行弄晚芳恩榮暫服冕友愛助垂堂
無由報天德相顧詠時康

桐竹

李伯魚

北竹青桐北南家綠竹南竹林君早愛桐樹我初貪鳳
棲桐不愧鳳食竹何慚棲食更如此餘非鳳所堪

答李伯魚桐竹

結廬桐竹下室邇人相深接垣分竹徑隔戶共桐陰落
花朝滿岸明月夜披林竹有龍吟管桐留鳳舞琴奇聲
與高節非君誰賞心

和魏僕射還鄉

富貴還鄉國光輝滿舊林秋風樹不靜君子歎何深故
老空懸劍鄰交日散金眾芳搖落盡獨有歲寒心

和張監觀赦

日御臨雙闕天街儼百神雷舒作解氣歲復建寅春喜
候開星驛歡聲發市人金環能作賦來入管絃新

和張監遊終南

宿懷終南意及此語雲峯夜聞竹澗靜曉望林嶺重春
煙生古石時鳥戲幽松豈無山中賞但畏心莫從

和朱使欣道峽似巫山之作

江如曉天淨石似暮雲張征帆一流覽宛若巫山陽楚

卷

十

客思歸路秦人謫異鄉猿鳴孤月夜再使淚沾裳

和朱使二首

南土多遺寇西江盡畏途山行阻篁竹水宿礙萑蒲使
越才應有征蠻力豈無空傳人贈劍不見虎銜珠

江勢連山遠天涯此夜愁霜空極天靜寒月帶江流思
起南征棹文高北望樓自憐如墜葉汎汎侶仙舟

同趙侍御巴陵早春作

江上春來早可觀巧將春物妒餘寒水苔共繞留鳥石
花鳥爭開鬪鴨欄佩勝芳辰日漸暖燃燈美夜月初圓

意隨北雁雲飛去不待南州蕙草殘

乾湖作并序

趙冬曦

巴江南澗湖者蓋沅湘澧汨之餘波焉茲水也淪匯洞庭澹澹千里夏潦奔注則沃爲此湖冬霜既零則澗爲平野按爾雅云水返入爲澗斯名之作有由焉爾而此鄉炎暑子月草生彌望青青相與遊藉豈盈虛之可歎亦風景之多傷感物增懷因書其事

三湖返入兩山間畜作澗湖灣復灣暑雨奔流潭正滿微霜及潦水初還水還波卷溪潭涸綠草芊芊岸蘄岸適來揮掉共洞旋已復揚鞭恣行樂道旁耆老步蹢蹢楚言茲事不知年試就湖邊披草徑莫疑東海變桑田君訝今時盡陵陸我看明歲更淪漣來今自昔無終始人事迴環恆若是應思闕下聲華日誰謂江潭旅遊子

初真正喜固賞然往蹇來譽宜可俟盈虛用舍輪與旋勿學靈均遠問天

同趙侍御乾湖作

江南湖水咽山川春江溢入共湖連氣色紛淪橫罩海波濤鼓怒上漫天鱗宗殼族嬉爲府弋叟罟師利聚焉敲帆側柁弄風口赴險淩深繞灣浦一灣一浦悵迴迴千曲千差恍迷哉乍見靈妃含笑往復聞遊女怨歌來暑往寒來運河淤潭深水落移陵谷雲間墜翮散泥沙波上浮查棲樹木昨暮飛霜下北津今朝行雁度南濱處處溝港清源竭年年舊葦白頭新天地盈虛尙難保人間倚伏何須道秋月晶晶汎澄瀾冬景青青步纖草

念君宿昔觀物變安得踟躕不衰老

同趙侍御望歸舟

山亭迴迴面長川江樹重重極遠煙形影相追高翥鳥心腸併斷北飛船

遙同蔡起居偃松篇

清都眾木總榮紛傳道孤松最出羣名接天庭長光景氣連宮闕借氛氲懸池滴滴停華露偃蓋重重拂瑞雲不惜流膏助仙鼎願將楨榦捧明君莫比冥靈楚南樹朽老江邊代不聞

同劉給事城南宴集

水竹幽閑地簪纓近侍臣雍容乘暇日瀟灑出囂塵樹長栖朋鳥池深入養鱗管絃高逐吹歌舞妙含春老子叨專席權遊隔縉紳此中情不淺遙寄賞心人

出湖寄趙冬曦二首

西汎平湖盡參差入斷山東瞻岳陽郡汗漫太虛間窟步同行樂道文互屢看山成上雲桂江亭臨水聞川途倏忽間風景依如昨湘浦未賜環荆門猶主諾何時與美人載酒遊宛洛

寄姚司馬

共君春種瓜本期清夏暑瓜成人已去失望將誰語裏露摘香園感味懷心許偶從西風便因之寄鄂渚

寄許八

第一雁來氏賡餘後書

萬類春皆樂，但顏獨不怡。年來人更老，花發意先衰。乳
雀穿壇畫，巢蜂觸網絲。平生美容色，宿昔影中疑。遠道
何由夢同心，在者誰西風。欲寄語，憫默遂無詞。

代書答姜七崔九

婀娜金闕樹，離披野田草。雖殊兩地榮，幸共三春好。花
殊鳥飛處，葉縷蟲行道。真心獨感人，惆悵令人老。

代書寄吉十一

一雁雪上飛，值我衡陽道。口銜離別字，遠寄當歸草。目
想春來遲，心驚寒去早。憶鄉乘羽翮，慕侶盈懷抱。零淚
答故人，將隨江樹老。

代書寄薛四

孤雁東飛來，寄我紋與素。紋足經三象，素當綜羣務。遠
見古人心，一言重千金。答之綵毛翰，繼以瑤華音。歲寒
眾木改，松柏心當在。

寄天台司馬道士

世上求真客，天台去不還。傳聞有仙夢，寐在茲山朱
闕。青霞斷瑤臺，紫月閑何時。枉飛鶴笙吹，接人間。

寄劉道士鳥

真人降紫氣，邀我丹田宮。遠寄雙飛鳥，鳥飛不礙空。

書香能和尚塔

大師捐世去，空餘法力在。遠寄無礙香，心隨到南海。

張說之文集卷第七

結一雁來氏賡餘後書

張七

十一

張說之文集卷第八

律詩

被使在蜀

正朝摘梅

蜀道後期

過蜀道山

再使蜀道

深渡驛

古泉驛

下江南向夔州

江路憶郡

廣州江中作

江中誦經

江中遇黃領子劉隆

卻歸在道中作

還至端州驛

喜渡嶺

過漢南城歎古墳

至尉氏

景空寺題融上人蘭若

張說

四月一日過江赴荊州

襄陽路逢寒食

巡邊在河北作二首

入海二首

清遠江峽山寺

相州冬日早衙

相州北亭

相州山池作

岳州作二首

岳州行郡竹籬

陪燕公行郡竹籬

趙冬

荊州亭入朝

岳州西城

岳州山城

奉和山城

岳州晚景

遊洞庭湖二首

秋夜遊澗湖二首

尹恣

和尹從事二首

同前

趙冬曠 張均

遊澗湖上寺

同前

王珣 趙冬曠

續一廬宋氏牋餘遺

汎洞庭 尹恣

和尹從事

澗湖山寺二首

早霽南樓

奉和早霽南樓

趙冬曠

奉陪登南樓

尹恣

同前

同前

趙冬曠

同前

別澗湖

奉和別澗湖

趙冬曠

巴邱春作

石門墨山禪堂觀

遊龍山靜勝寺

一柱觀

登九里臺

懷王墓

庾信宅

被使在蜀

即今三伏盡尙自客臨邛歸途千里外秋月定相逢

張說

正朝摘梅

蜀地寒猶暖正朝早梅偏驚萬里客已復一年來

蜀道後期

客心爭日月來往預期程秋風不相待先至洛陽城

過蜀道山

我行春三月山中百花生披林入峭壁攀磴陟崔嵬白

雲半峯起清江出峽來誰知高深意緬邈心悠哉

再使蜀道

眇眇葭萌道蒼蒼褒斜谷煙壑爭晦深雲山共重複古

來風塵子同眩望鄉目芸閣有儒生輶車倦馳逐青春

客岷嶺白露搖江服歲月鎮羈孤山川長返覆魚遊戀

續一廬宋氏牋餘遺

結一廬朱氏廢餘菴書

深水鳥遷戀喬木如何別親愛坐去文章國蟋蟀鳴戶
庭蠨蛸網琴筑

深渡驛

旅宿青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

古泉驛

於陵仲子宅也

昔聞陳仲子守義辭三公身賃妻織屨樂亦在其中豈
無窮賤苦羞與傾巧同長白臨河上於陵入濟東我今
行至此感歎石泉空

下江南向夔州

天明江霧歇洲浦棹歌來綠水透池去青山相向開城

臨蜀帝祀雲接楚王臺舊知巫山上游子其徘徊

江路憶郡

霧斂江早明星翻漢將沒卧聞峽猿響起視榜人發倚
棹攀岸條憑船弄波月水宿獸洲渚晨光屢揮忽林澤
來不窮煙波去無歇結思笙竽里遙情遊俠窟年貌不
暫留歡愉及^玄髮雲涓戀山海禽鳥懷燕越自非行役
人安知慕城關

廣州江中作

去國歲方晏愁心轉不堪離人與江水終日向西南

江中誦經

寶相歸懸解虛心暗在通澄江明月內應是色成空

江中遇黃領子劉隆

危石江中起孤雲嶺上還相逢皆得意何處是鄉關

卻歸在道中作

陳焦心息盡死意不期生何幸光華旦流人歸上京愁
將網共解眼與代俱明復是三階正還逢四海平誰能
定禮樂爲國著功成

還至端州驛前與高六別處

舊館分江口淒然望落暉相逢傳旅食臨別換征衣昔
記山川是今傷人代非往來皆此路生死不同歸

喜渡嶺

東漢興唐^冠南河復禹謀^補知瘴癘地生入帝王州雷

雨蘇蟲蟄春陽放鷺鳩洄沿炎海畔登降閩山陬嶺路
分中夏川源得上流見花便獨笑看草即忘憂自始居
重譯天星已再周鄉關絕歸望親戚不相求棄杖枯還
植窮鱗涸更浮道消黃鶴去運啟白駒留江妾晨炊黍
津童夜擢舟盛明良可遇莫後洛陽遊

過漢南城歎古墳

舊國多陵墓荒涼無歲年洶湧蔽平岡汨若波濤連上
世千金子潛卧九重泉松柏翦無餘碑記滅罔傳葬於
不毛地咸謂楚先賢事盡情可識使人心悵然

至尉氏

夕次阮公臺嘯歌臨爽塏高名安足賴故物今皆改吾

結一廬朱氏廢餘菴書

兄昔茲已遺愛稱賢宰桑中雉未飛屋上烏猶在途逢
舊毗吏城有同寮案遠見咸相迎拂館來欣待慈惠留
千室友子存四海始知魯衛閒優劣相懸倍

襄州景空寺題融上人蘭若

高名出漢陰禪閣跨香岑眾山皆圍繞長川復迴臨雲
峯曉空變風木夜虛吟碧發龍池滿蒼松虎徑深舊知
青巖憶偏入杳冥心何由侶飛錫從此脫朝簪

四月一日過江赴荊州

春色沅湘盡三年客始迴夏雲隨北帆同日過江來水
漫荆門出山平郢路開比肩羊叔子千載豈多才

襄陽路逢寒食

去年寒食洞庭波今年寒食襄陽路不辭著處尋山水
祇畏還家落春暮

巡邊在河北作二首

去年六月西河西今年六月北河北沙場磧路何爲爾
重氣輕生知許國人生在世能幾時壯年征戰髮如絲
會待安邊報明主作頌封山也未遲

撫劍空餘勇彎弧遂無力老去事如何據鞍長歎息故
交索將盡後進稀相識獨憐半死心尚有寒松直

入海二首

乘桴入南海海曠不可臨茫茫失方面混沌如凝陰雲
山相出沒天地互浮沈萬里無涯際云何測廣深潮波

自盈縮安得會虛心

海上三神山逍遙集眾仙靈心豈不同變化無常全龍
伯殊人類一釣兩鼉懸金臺此淪沒玉眞時播遷問子
勞何事江上幾經年隰中生紅草所美非美然

清遠江峽山寺

流落經荒外逍遙此梵宮雲峯吐月白石壁淡煙紅寶
塔靈仙湧懸龕造化功天香涵竹氣虛唄引松風簷牖
飛花入房廊激水通猿鳴知山靜魚戲辨江空靜默將
何貴所貴心鏡同

相州冬日早衙

城外宵鐘斂閭中曙火殘朝光曜庭雪宿凍聚池寒正
色臨廳事疑詞定筆端除詩困園息伐枳吏人寬河內
功猶淺淮陽疾未安鏡中星髮變頓使世情闌

相州北亭

人務南亭少風煙北院多山花迷徑路池水拂藤蘿萍
散魚時舞林幽鳥乍歌悠然白雲意乘興抱琴過

相州山池作

嘗懷謝公詠山水陶嘉月及此年事衰徒看眾花發觀
魚樂何在聽鳥情都歇星漢流不停蓬萊去難越鄴中
秋麥秀淇上春雲沒日見塵物空如何靜心闕

岳州作二首

水國生秋草離居再及瓜山川臨洞穴風日望長沙物

土南州異關河北信賒日昏聞鷓鴣地熱見修蛇遠人
夢歸路瘦馬嘶去家正有江潭月徘徊戀九華

夜夢雲闕閒從容暫屢列朝遊洞庭上緬望京華絕涼
收江未清火退山更熱重欲視醉情滿氣如噎器留
魚鼈腥衣點蚊蚤血髮白思益壯心㊟用彌拙冠劍日
苔蘚琴書坐廢撤唯有報恩字刻意長不滅

岳州行郡竹籬

山郡不溝郭荒居無翳壅愛人忠主利善守閉為勇苟
非小勤率安得期逸寵板築恐土疏篴城嫌役重藩柵
聊可固筠篁近易奉差池截浦沙繚繞綠隈隴壘似長
雲互森如高戟聳預絕豺狼憂知免牛羊恐閭里寬矯

東

步榛藿恣踏躡始果遊處心終日成間拱

陪燕公行郡竹籬

趙冬曦

良臣乃國禎麾守去承明外戶人無閉浮江獸已行隨
來晉盜逸民化蜀風清郭郭從彝典州閭荷德聲小人
被天渥流宅巴邱城所賴中和正優游鑿與耕

荊州亭入朝

巫山雲雨峽湘水洞庭波九辯人猶擯三秋雁始過旃
裘吳地盡髻薦楚言多不果朝宗願其如江漢何

岳州西城

水國何遼曠風波遂極天西江三汜合南浦二湖連危
蹀臨清境煩憂斲豁然九圍觀掌內萬象閱眸前日去

長沙渚山橫雲夢田汀葭變秋色津樹入寒煙潛穴探
靈詭浮生揖聖仙至人今不見迹滅事空傳

岳州山城

山城豐日暇閉戶見天心東曠迎朝色西樓引夕陰書
觀千載近學靜二毛深忽有南風至吹君堂上琴

奉和山城

郡館臨清掌閒局坐白雲訟虛棠戶曙觀靜竹簷曛懸
榻迎賓下趨庭學禮聞風傳琴上意遙向日華紛

岳州晚景

晚景寒鴉集秋聲海雁歸水光流日去霞彩映江飛洲
白蘆花吐園红柿葉稀長沙卑暑地九月未成衣

東

遊洞庭湖二首

八

平湖曉望分仙嶠氣氛氳鼓枻乘清渚尋峯弄白雲江
寒天一色日靜水重文樹坐參猿嘯沙行入鷺羣緣源
斑篠密胃徑綠蘿紛洞穴傳虛應楓林覺自薰雙童有
靈藥願取獻明君

緬邈洞庭岫蔥蒙水霧色宛在太湖中可望不可卽剖
竹守窮渚開門對奇域城池自繫籠纓綬為微纒靡日
不思往經時始願克飛棹越溟波維舟恣攀陟窳窳入
雲步崎嶇倚松息巖壇有鶴過壁字無人識滴石香乳
溜垂崖靈草植玩幽輕霧阻討異忘曛逼寒沙際水平
霜樹籠煙直空宮聞莫覩地道窺難測此處學金丹何

人生羽翼誰傳九光要幾拜三仙職紫氣徒想像清潭
長眇默霓裳若有來觀我雲峯側

秋夜遊澗湖二首 并序

尹忬

燕公以蓋司馬初到趙侍御客焉聿理方舟嬉遊澗壑
覽山川之異探泉石之奇騁望崇朝留尊待月一時之
樂豈不盛歟賦詩者列之如左河間尹忬詞也

能賦巴陵地鷓舟湘水潯江山與勢遠泉石自幽深杳
藹入萑壑冥茫見道心超然無俗事情宴有空林

江上饒奇山噴羅雲水閒風秋樹色雜苔古色文斑巴
俗將干港澗湖凡幾灣嬉遊竟不盡乘月汎舟還

和尹從事二首

張

九

澗湖佳可遊既近復能幽林裏棲精舍山間轉去舟雁
飛江月冷猿嘯野風秋不是迷鄕路尋奇處處留

坐嘯人事閒佳遊野情發山門送落照湖口望昇月林
尋猿狖居水戲龜鼉穴朔風吹飛雁芳草亦云歇

同前二首

趙冬曦

政理常多暇方舟此泝洞吹笙虛洞答舉棹便風催山
暗雲尤辨潭幽月稍來清溪無數曲未盡莫先迴

煙靄夕微蒙幽灣賞未窮艤舟待初月褰幌招遠風鶴
聲貼幽浦人火明暗叢東山雲壑意不謂爾來同

同前二首

張均

遠水沈西日寒沙聚夜鷗平湖乘月滿飛棹接星流黃

菜鳴淒吹蒼葭埽暗洲願移滄浦賞歸待潁川遊

灣潭幽意深杳靄湧泉岑石痕秋水落嵐聚夕陽沈澄
澈天為底淵^玄月作心青溪非大隱歸矣白雲滯

遊澗湖上寺

湖上奇峯積山中芳樹春何如絕世境來遇賞心人清
舊巖泉樂叻嚶鳥獸馴靜言觀聽裏萬法自成輪

同前

王琚

春山臨遠壑水木自幽清夙志懷微上茲焉一放情雲
閒聽弄鳥煙上摘初英地側方無問逾知道思精

同前

趙冬曦

江外多山水招要步馬來琴將天籟合酒共鳥歌催巖
坐攀紅葉溪行愛綠苔所懷非此地遊望亦徘徊

汎洞庭

尹忬

風光浙瀝草中飄日采熒熒水上搖幸奉瀟湘雲壑意
山傍容與動仙橈

和尹從事

平湖一望上連天秋景千尋下洞泉忽驚水上光華滿
疑是乘舟到日邊

澗湖山寺二首

空山寂歷道心生虛谷迢遙野鳥聲禪室從來塵外賞
香臺豈是世中情雲間東嶺千重出樹裏南湖一片明
若使巢由同此意不將蘿薜易簪纓

楚老遊山寺提攜觀畫壁揚袂指辟支睽眄相鬪鬪險
哉透撞兒百金賭一擲成敗身自受傍人那歎息

早霽南樓

山水佳新霽南樓玩初旭夜來枝半紅雨後洲全綠四
運相終始萬形紛代續適臨青草湖再變黃鸝曲地穴
穿東武江流下西蜀歌聞枉渚適舞見長沙促心遠居
無陋神和生自足白髮悲上春知常謝先欲

奉和早霽南樓

趙冬曦

閒曙躋南樓憑軒四遐矚物華蕩暄氣春景媚時旭川
霽湘山孤林芳楚郊緝列巖重疊翠遠岸透池綠風帆
摩天垠艇人散灣曲鴻冥鶴舞迭猿叫鶯聲續羣動皆

張

熙熙噫余獨羈束常欽才子義聞鵬傷踰踟雅向騷人
文懷沙何迫促未知二賢意去矣從前欲

奉陪登南樓

尹恣

君子每垂眷江山其流眄遠水林外明近巖霧中見終
日西北望何處是京縣屢登高春臺徒使淚如霰

同前

危樓寫洞湖積水照城隅命駕邀漁父通家引鳳雛山
晴紅藥市洲曉綠苗鋪舉目思鄉縣春光定不殊

同前

趙冬曦

寬慰何以歡陰氣亦登望孤島輕霧裏行舟白波上目
焚西北雲心醉東南陰疑昔日清溪子胡然無此狀

同前

客來已兩春更瞻韶光早花鳥玩環合江山復駢抱樓
形寫北潭堞勢凌青島白雲謝歸雁馳懷洛陽道

別澗湖

念別澗湖去浮舟更一臨千峯出浪險萬木抱煙深南
郡延恩渥東山戀宿心露花香欲醉時鳥轉餘音涉趣
皆留賞無奇不徧尋莫言山水閒幽意在鳴琴

奉和別澗湖

趙冬曦

南湖美泉石君子玩幽奇灣澳陪臨泛巖岵共踐窺秋
風蘋桂疎暮景綠楊垂郢路委分竹湘濱擁去塵枉帆
懷勝賞留景惜差池水木且不棄情遊良可知

張

巴邱春作

日出洞庭水春山掛斷霞江渚相映發卉木共紛華湘
成南浮閣荆關北望賒湖陰窺魍魎邱勢辨巴蛇島戶
巢為館漁人艇作家自憐心問景三歲客長沙

石門墨山二山相連有禪堂觀天下絕境

困輸江上山近在華容縣常陟巴邱首天晴遙可見佳
遊屢前諾芳月愆幽眷及此符守移歡言臨道便旣攜
賞心客復有送行掾竹徑入陰窅松崖上空蘄草其林
一色雲與峯萬變探窺石門斷緣越沙澗轉兩山勢爭
雄峯獻相顧眄藥妙靈仙寶境華巖壑選清都西淵絕
金地東敞宴池果接園畦風煙透臺殿高尋去石頂曠

覽天宇徧千山紛滿目百川豁對面騎來雲氣迎人去
鳥聲戀長揖桃源士舉世同企羨

遊龍山靜勝寺

每上襄陽樓遙望龍山樹鬱弗吐岡嶺微蒙在煙霧下
車歲已成飾馬問餘步苦霜裏野草愛日揚江煦雲對
石上塔風入松下路禪室宴三空仁祠同六趣兒童共
嬉譁猿鳥相驚顧南識桓公臺北亂先賢墓世上人何
在時間心不住唯傳無盡燈可使有情悟

一柱觀

舊說江陵觀初疑神化來空中結雲閣綺靡隨風迴奈
何任一柱斯焉容眾材奇功非長世今餘草露臺

張

十三

登九里臺 是楚樊姬墓

楚國所以霸樊姬有力焉不懷沈尹祿誰諳叔敖賢萬
化茫無在孤墳獨歸然北分陽臺陌南識郢城阡漠漠
渚宮樹蒼蒼雲夢田登高形勝出訪古令名傳自我來
符守因君樹蕙荃詩書將變俗絺纈忽彌天志闢三折
後愁植二毛前伫立帝京路遙心寄此篇

懷王墓

伊嘍不可信似此敗懷王客死曉關路返葬岐江陽啼
狄抱山月飢狐獵野霜一聞懷沙事千載盡悲涼

庚信宅

蘭成追宋玉舊宅偶詞人筆湧江山氣文騎雲雨神包

胥非救楚隨會返留秦獨有東陽守來嗟古樹春

張說之文集卷第八

張

十四

張說之文集卷第九

雜詩

欽州守歲

岳州守歲三首

幽州新歲作

幽州元日

耗磨日飲絕句二首

同前 趙冬曦

晦日

相州九日城北亭子

九日陪登高

岳州九日宴道觀西閣

九日進茱萸山五首

春雨早雷

聞雨二首

夜坐

岳州夜坐

山夜聽鍾

冬日見牧牛人

岳州觀競渡

張

岳州看黃葉

戲題草樹

詠瓢

詠鏡

詠塵

道家四首

雜詩四首

蜀路二首

惠文太子挽歌二首

章譙公挽歌二首

右丞相挽歌詞二首

崔尚書挽詞

學士徐公挽歌二首

崔司業挽歌二首

李工部挽歌三首

馮公挽歌三首

徐高御挽歌

楊妃挽歌二首

河上公

傷妓人董氏四首

欽州守歲

結一盧朱氏撰餘叢書

故歲今宵盡新年明旦來愁心隨斗柄東北望春迴

岳州守歲三首 後二首絕句

除夜清樽滿寒庭燎火多舞衣連臂拂醉坐合聲歌至

樂都忘我冥心自委和今年即如此來歲知如何

夜風吹醉舞庭火對酣歌愁逐前年少歡迎今歲多

桃枝堪辟惡竹爆好驚眠歌舞留今夜猶言惜舊年

幽州新歲作

去歲荆南梅似雪今春薊北雪如梅共知人事何常定

且喜年華去復來邊鎮戍歌連夜動京城燎火徹明開

遙遙西迴長安日願上南山壽一杯

幽州元日

張

今歲元日樂不謝去年春知向來心道誰為昨夜人

耗磨日飲絕句二首

耗磨傳茲日縱橫道未宜但令不忌醉翻是樂無為

上月今朝減流傳耗磨辰還將不事事同醉俗中人

同前

趙冬曦

春來半月度俗忌一朝閑不酌他鄉酒無堪對楚山

晦日

晦日嫌春淺江浦看瀨衣道傍花欲合枝上鳥猶稀共

憶浮橋晚無人不醉歸寄書題此日雁過洛陽飛

相州九日城北亭子

西楚茱萸節南淮戲馬臺甯知洹水上復有菊花杯亭

結一盧朱氏撰餘叢書

帳憑高出親遊自遠來短歌將急景同使興情催

九日陪登高

重陽初啟節無射正飛灰寂寞風蟬去連翩霜雁來山棠紅葉下岸菊紫花開今日桓公坐多一作魏孟嘉才

岳州九日宴道觀西閣

搖落長年歎蹉跎遠宦心北風嘶代馬南浦宿陽禽佳此黃花酌酣餘白首吟涼雲羸楚望濛雨蔽荆岑登眺思清景誰將卷濁陰釣詩出江霧樵唱入山林魚以嘉名採木為美材侵大道由中悟逍遙匪外尋參佐多君子詞華賞遠音淹留洞庭觀望古意何深

九日進茱萸山詩五首

號

家居洛陽下舉目見嵩山刻作茱萸節情生造化間黃花宜泛酒青岳好登高稽首明庭內心為天下勞菊酒攜山客萸囊繫牧童路疑尋大隗心似問鴻蒙九日重陽數三秋萬寶成時來謁軒后罷去坐蓬瀛晚節歡重九高山上五千醉中知遇聖夢裏見尋仙

春雨早雷

東北春風至飄飄帶雨來拂黃先變柳點素早驚梅樹藹懸書閣煙合作賦臺河魚未上凍江蟄已聞雷美人宵夢著金屏曙不開無緣一啟齒空酌萬年杯

聞雨二首

窮冬萬化市永夜百憂攢危成臨江大空齋入雨寒斷

結一廬宋氏曠餘叢書

猿知屢別嘶雁覺虛彈心對鑪灰死顏隨庭樹殘舊恩懷未報傾膽鏡中看

多雨絕塵事寥寥入太⑤城陰疏復合簷滴斷還連念我勞造化從來五十年悟將心徇物近得還自然閒居草木侍虛室鬼神憐有時進美酒有時泛清絃聲真不世識心醉豈言詮

夜坐

懷哉四壁時未有五都價百金誰見許斗酒難為買落花生芳春孤月皎清夜復逢利交客題戶遙相謝

岳州夜坐

炎洲苦三伏永日卧孤城賴此閑庭夜蕭條夜月明獨

號

歌還太息幽感見餘聲江近鶴時叫山深猿屢鳴息心觀有欲棄知返無名五十知天命吾其達此生

山夜聽鐘

夜卧聞夜鍾夜靜山更響霜風吹寒月寄襟虛中上前聲既春容後聲復見盪聽之如可見尋之定無像信知本際空徒掛生滅想

冬日見牧牛人擔青草歸

塞上縣應折江南草可結欲持梅嶺花遠競榆關雪日月無他照山川何頓別苟齊兩地心天問將何說

岳州觀競渡

畫作飛鳧艇雙雙競拂流栳裝山色變急棹水華浮土

結一廬宋氏曠餘叢書

尚三閭俗江傳二女遊齊歌迎孟姥獨舞送陽侯鼓發
南湖差標爭西驛樓並驅恆託速非畏日光道

岳州看黃葉

白首看黃葉徂顏復幾何空慚棠樹下不見政成歌

戲題草樹

忽驚石榴樹遠出渡江來戲問芭蕉葉何愁心不開微
霜拂宮桂淒吹埽庭槐榮盛更如此慚君獨見哀

詠瓢

美酒酌懸瓢真^⑤好相映蝸房卷墮首鶴頸抽長柄雅
色素而黃虛心輕且勁豈無雕刻者貴此成天性

詠鏡

鏡

五

寶鏡如明月出自秦宮樣隱起雙盤龍銜珠儼相向常
恐君不察匣中委清量積翳掩菱花虛心蔽塵狀儼蒙
羅袖拂光生玉臺上

詠塵

仙浦生羅幘神京染素衣裨山期益峻照日幸增輝夕
伴龍媒合朝隨鳳輦歸獨憐范甑下思繞畫梁飛

道家四首奉 敕撰

金壇啟曙闢真氣肅微微落月銜仙竇初霞拂羽衣香
隨龍節下雲逐鳳蕭飛暫住蓬萊戲千年始一歸
窈窕流精觀深沈紫翠庭金匱調上藥寶案讀仙經作
賦看神雨乘查辨客星祇應謝人俗輕舉託雲輶

金鑪承道訣玉牒啟^⑥機雲逐笙歌度星隨宮殿飛乘
風嬉浩蕩窺月弄光輝唯有三山鶴應同千載歸
道記開中籙真官表上清焚香三鳥至鍊藥九仙成天
上靈書下空中妙妓迎迎來出煙霧渺渺戲蓬瀛

雜詩四首

抱薰心恆焦舉旆心恆搖天長地自久歡樂能幾朝君
看西陵樹歌舞為誰嬌

山開苦積雨木落悲時遽賞心凡幾人良辰在何處觸
石滿堂侈酒我終夕慮客鳥懷主情銜花未能去剖珠
貴分明琢玉想堅貞要君意如此終始莫相輕
問子青霞意何事留朱軒自言心遠俗未始迹辭喧過

鏡

六

蒙良時幸側息吏途煩簪纓非宿好文史棄前言夕卧
北窗下夢歸南山園白雲慚幽谷清風魏泉源十年茲
賞廢佳期今復存掛冠謝朝侶星駕別君門
默念羣疑起^⑦通百慮清初心滅陽豔復見湛虛明悟
滅心非盡求虛見後生應將無住法修到不成名

蜀路二首

雲埃夜澄廓山日曉晴鮮葉落蒼江岸鴻飛白鷺天磷
磷含水石罅羃覆林煙客心久無緒秋風殊未然
徭蜀時未改別家鄉念盈憶昨出門日春風發鮮榮及
茲旋轅地秋風滿路生昏曉思魏闕夢寐還秦京
京開朱第魏闕垂紫纓^⑧獨^⑨虛閣不聞人馬聲藝

業為君重名位為君輕玉琴知調苦寶鏡照膽清鷹飢
常啄腥鳳飢亦待瓊於君自有屬物外豈能傾

惠文太子挽歌詞二首

碣館英靈在瑤山美謚尊翦珪悲曩戲攻玉槍新恩宮
仗專馳道朝儀送國門千秋穀門外明月照西園
梁國深文雅淮王愛道仙帝歡同宴日神奪上賓年旒
旒飛行樹帷宮宿野煙指言君愛弟揮淚滿山川

韋謙公挽歌二首

五瑞分王國雙珠映后家文飛書上鳳武結笥中蛇出
預榮前馬迴鑾喪後車袞衣將錫命泉路有光華
國驍雙騏驥庭儀兩鳳凰將星連相位玉樹伴金鄉歌

疑

舞侯家豔軒裘戚里光安知杜陵下碑聲疑已相望

右丞相蘇公挽歌詞二首

王宰丹青化春卿禮樂才緇衣傳舊職華袞贈新哀路
泣羣官送山嘶駟馬迴佳辰無白日賓閣有青苔
闕歌出野田冠帶寢窮泉萬事皆身外平生尙目前西
垣紫泥綉東岳白雲篇自惜同聲處從今遂絕絃

崔尚書挽詞

相宅隆坤寶承家占海封庭中男執鴈門外女乘龍鳴
玉遊三省縱金侍九重一朝賓客散留劍在青松
右常侍集賢院學士徐公挽歌二首
才美臨淄北名高淮海東羽儀二省徧漁獵五車通玉

殷孤新勝珠英落舊叢徒懸一寶劍何處訪徐公
歎息書林友才華天下選並賦三陽宮連詩集賢殿具
物衣如在咄嗟長不見既哀薤露詞豈忘平生眷

崔司業挽歌二首

海岱英靈氣膠庠禮樂資風流滿天下人物擅京師疾
起楊雄賦魂遊謝客詩從今好文主遺恨不同時
像設存華館威儀下墓田鳳池傷舊草麟史泣遺編帷
蓋墟煙沒干旌隴日懸古來埋玉樹流恨盡山川

李工部挽歌三首

錦帳為郎日金門待詔時楊宮先上賦柏殿幾聯詩
息琴歌斷淒涼簫挽悲那堪灞陵岸迴首望京師

疑

宅兆西陵上平生雅志從城臨丹闕近山望白雲重會
葬知元伯看碑識蔡邕無由按神理揮涕向青松
常時好賓客永日對絃歌是夕歸泉下傷心無奈何墓
庭人已散祭處烏來過碑石生苔蘚榮名豈復多

贈工部尚書馮公挽歌三首

忠鯁難為事平生盡畏途如絃心自直秀木勢恒孤詔
葬南陵道神遷北斗樞貴門傳萬石餘慶在雙珠
爵位題龍旒威儀出鳳城路傍人泣送門外馬嘶迎萬
事非吾有千悲是世情昔焉稱夏日今也諡冬卿
宵然長夜臺舉世可哀哉泉戶一朝閉松風四面來石
碑填駁辭珠服聚塵埃誰言遼東鶴千年往復迴

徐高御挽歌

蒲宓遙千載鳴琴始一追公卿傳世範仁義續靈基不
待南遊祿何先北帝期玉棺從此閉金鼎代相欺

節義太子楊妃挽歌二首

西華三公族東闈五可才玉環初受慶金玦反逢災桂
殿花空落桐園月自開朝雲將暮雨長繞望思臺
昔日三朝路逶迤四望車繡腰長命綺隱髻連枝花今
春戾園樹索然無歲華共傷千載後唯號一王家

河上公

尊師厭塵去精魄知何明形氣不復生弟子空傷情濟
北神如在淮南藥未成共期終莫遂寥落兩無名

號

九

傷妓人董氏四首

董氏嬌饒性多爲窈窕名人隨秋日落韻入擣衣聲
粉黛黏妝籠金花喝翠條夜臺無戲伴魂影向誰嬌
舊亭紅粉閣宿處白雲關春日雙飛去秋風獨不還
舞席沾殘粉歌梁委舊塵獨傷窗裏月不見帳中人

張說之文集卷第九

張說之文集卷第十

詩

鄴都引

五君詠五首

離會曲

安樂郡主花燭行

時樂鳥篇

并序

開元樂章十九首

贈崔二安平樂世詞

御前口號蹋歌詞二首

蘇摩遮五首

破陣樂詞二首

舞馬詞六首

舞馬千秋萬歲詞三首

鄴都引一首

君不見魏武草創爭天祿羣雄睡毗相馳逐書攜壯士
破堅陣夜接詞人賦華屋都邑繚繞西山陽桑榆漫漫

張

一

三

漳河曲城郭為墟人改代但見西園明月在鄴傍高冢
多貴臣蛾眉曼睩其灰塵試上銅臺歌舞處唯有秋風
愁殺人

五君詠五首

達志美類刺異感義哀
事顏氏之心也擬焉

齊公魏元忠

齊公生人表迴天間鶴唳清論早揣摩心晚超詣入

相廊廟靜出軍沙漠霽見深呂祿憂舉後陳平計甘心

除君惡足以報先帝

許公蘇瓌

許公信國楨克美具瞻情百事資朝問三章廣世程處
高心不有臨節自為名朱戶傳新戟青松拱舊堊淒涼

結一廬宋氏賸餘聲

丞相府餘慶在成

趙公李嶠

李公實神敏才華乃天授睦親何用心處貴不忘舊故
事遵臺閣新詩冠宇宙在人忠所奉惡我誠將宥南浦
去莫歸嗟嗟蔑孫秀

代公郭元振

代公舉鵬翼懸飛磨海霧志康天地屯適與雲雷遇興
喪一言決安危萬心注大勳書玉府舛命淪江路勢傾
北夏門哀靡東平樹

耿公趙彥昭

耿公山岳靈才傑心亦妙鷲鳥峻標立哀玉扣清調協

張

二

十一

贊休明啟恩華日月照何意瑤臺雲風吹落江徼湘流
下潯陽垂淚一投弔

離會曲

何處送客洛橋頭洛水汎汎中行舟可憐河樹葉萎蕤
關關河鳥聲相思街鼓喧喧日云夕去棹歸軒兩相迫
何人送客故人情故人今夜何處客

安樂郡主花燭行

青宮朱邸翊皇闈玉葉瓊鞋際紫微姬姜本來舅甥國
卜筮俱道鳳凰飛星昂殷冬獻吉日天桃穠李遙相正
鸞輓風傳王子來龍樓月伴天孫出平臺火樹連上陽
紫炬紅輪十二行丹爐飛鐵馳焮燄霞燦電吐明光

結一廬宋氏賸餘聲

綠輶紺幃紛如霧節鼓清笳前啟路城隅靡靡稍東還
橋上鞦韆轉南度五方觀者聚中京四合塵煙漲洛城
商女香車珠結網天人寶馬玉繁纓百壺涿酒千斤肉
大道連延障錦軸先祝聖人壽萬年復禱宜家承百祿
珊瑚刻盤青玉尊因之假道入梁園梁園山竹凝雲漢
仰望樓臺在天半翠幕蘭堂蘇合薰珠簾掛戶水波文
別起芙蓉織成帳金縷鴛鴦兩相向麝茵飾地承瑀履
花燭分階移錦帳織女西垂隱燭臺雙童連縷合歡杯
萬壽綺庭嬪從列裁裁紅粉扇中開黃金兩印雙花綬
富貴婚媾古無有清歌棠棣美王姬流化邦人正夫婦

時樂鳥篇 并序

伏見天恩以靈異鸚鵡及能延京所述篇出示朝列臣
按南海異物志有時樂鳥名云太平天下有道則見驗
其圖丹首紅臆朱冠綠翼鶯領文背揉以五色今此鳥
本南海貢來與鸚鵡狀同而毛尾全異其心聰性辨護
主報恩固非凡禽實瑞經所謂時樂鳥延京雖敘其事
未正其名望編國史以彰聖瑞臣竊同延京獻詩一首
舊傳南海出靈禽時樂名聞不可尋形貌乍同鸚鵡類
精神別稟鳳凰心千年待聖方輕舉萬里呈才無伴侶
紅茸揉繡好毛衣清冷謳鴝好言語內人試取御衣牽
啄手噴聲不許前心願陽烏恆保日志嫌陰鶴欲凌天
天情玩訝良無已察圖果見祥經裏本持符瑞感明王

還用文章比君子自憐弱羽詎堪珍喜共華篇來示人
一見嚶嚶報恩鳥多慚碌碌具官臣

開元樂章十九首奉 敕撰

迎神永和之樂三章 每章八句

肅九室 諧八音 歌皇慕 動神心 禮宿設

樂妙尋 聲明格 裸奠臨 律逐氣 音入玄

依玉几 御黼筵 聆愾息 優周旋 九韶徧

百福傳 信工祝 永頌聲 來祖考 聽和平

相百辟 貢九瀛 神休妥 帝孝成

皇帝行太和之樂一章

時文聖后 清廟肅雍 致誠勤孝 在貌思恭

張

玉節肆夏 金鏘五鍾 繩繩雲步 穆穆天容

酌瓊登歌肅和之章

天子孝享 工歌溥將 躬裸鬱鬯 乃蕪膏薌

臭以達陰 聲以求陽 奉侍蒸嘗 永代不忘

迎俎雍和之樂二章 每章八句

在滌嘉豢 麗碑敬牲 角握之壯 色純之駢

火傳陽燧 水溉陰精 太公胖俎 傳說和羹

齊戒豐潔 俎豆有馨 亦有和羹 既戒既平

鼓鐘管磬 肅唱和鳴 皇皇后祖 來我思成

酌獻用文舞一章

聖謨九德 眞言五千 慶集昌胃 符開帝先

高文仗鉞 克配彼天 三宗握鏡 六合煥然

帝其承祀 率禮罔愆 圖書霧出 日月清懸

舞形德類 詠諡功傳 黃龍蜿蜒 綵雲彌颺

五行氣順 八佾風宣 介此百福 於皇萬年

宣皇帝室光大之舞一章

肅肅藝祖 滔滔濟源 有雄玉劍 作鎮金門

⑤王餘緒 后稷謀孫 肇禋九廟 四海來尊

光皇帝室長發之舞一章

具禮崇德 備樂承風 魏推幢主 周贈司空

不行而至 無成有終 神興王業 天歸帝功

景皇帝室大政之舞一章

於赫元命 權輿帝文 天齊八柱 地半三分

宗廟觀德 笙鏞樂動 封唐之兆 成天下君

元皇帝室大成之舞一章

帝舞季歷 襲聖生昌 后歌有媯 胎炎孕皇

天地合德 日月齊光 肅雍孝享 祚我萬方

高祖神堯皇帝室大明之舞一章

赤精亂德 四海困窮 黃旗舉義 三靈會同

旱望春雨 雲披大風 溥天來際 高祖之功

太宗文武聖皇帝室崇德之舞一章

皇合一德 廟宗百神 削平天下 大拯生民

上帝配食 單于入臣 戎歌陣舞 ⑤⑤震震

高宗天皇大帝室鈞天之舞一章

高皇邁道 端拱無爲 化懷獯鬻 兵戢句驪

禮尊封禪 樂盛來儀 合位媯后 同稱伏羲

中宗孝和皇帝室大和之舞一章

退居江水 鬱起丹陵 禮物還舊 朝章中興

龍圖爰及 駿命恭膺 鳴球香瓊 大禧是承

睿宗大聖真皇帝室景雲之舞一章

景雲霏爛 告我帝符 噫帝冲德 與天爲徒

笙鏞遙遠 俎豆虛無 春秋孝獻 因復此都

皇帝受福酒酢福和之舞一章

備禮周樂 崇親致尊 誠通慈降 敬徹愛存

獻懷稱壽 啐感承恩 皇帝孝德 子孫千億

大包天域 長互不極

送文舞迎武舞一章

六鍾翕協六變成 八佾徜徉八風生

樂九韶兮人神感 美七德兮天地清

亞終獻武舞凱安之樂四章 每章八句

瑟彼瑤爵 亞維上公 室如屏氣 門不容躬

禮殷其本 樂執其中 聖皇所慕 天地幽通

禮币三獻 樂徧九成 降循軒陛 仰歛皇情

福與仁合 德因孝明 百年神畏 四海風行

總總千戚 填填鼓鐘 奮揚增氣 坐作爲容

離若鸞鳥 合如戰龍 萬方觀德 肅肅雍雍

烈祖順三靈 文宗威四海 黃鉞誅羣盜 朱旗掃多罪

戢兵天下安 約法人心改 大哉干羽意 長見風雨在

撤豆登歌一章

止笙磬 撤豆籩 廓無響 宵又玄 駿奔走

神在天 情餘慕 禮罔愆 嘉黍稷 屢豐年

送神一章

眇嘉樂 援靈爽 感若來 思如往 休氣息

迴風上 返寂寞 還惚恍 懷靈駕 結空想

贈崔二安平公樂世詞一首

十五紅妝侍綺樓 朝承握槊夜藏鉤 君臣一意金門寵

琴

七

兄弟雙飛玉殿遊 知宿昔恩華樂變作 瀟湘離別愁

地溼莓苔生舞袖 江聲怨歎入箜篌 自憐京兆雙眉嫵

會待南來五馬留

十五日夜御前口號賜歌詞二首

花萼樓前雨露新 長安城裏太平人 龍銜火樹千燈豔

雞踏蓮花萬歲春

帝宮三五戲春臺 行雨流風莫妒來 西域鐙輪千影合

東華金闕萬重開

蘇摩遮五首 為竇家作

摩遮本出海西湖 琉璃寶眼紫髯鬚 聞道皇恩徧宇宙

來將歌舞助歡娛 億歲樂

繡裝帕額寶花冠 夷歌妓舞借人看 自能激水成陰氣

不慮今年寒不寒 億歲樂

臘月凝陰積帝臺 豪歌急鼓送寒來 油囊取得天河水

將添上壽萬年盃 億歲樂

寒氣宜人最可憐 故將寒水散庭前 唯願聖君無限壽

長取新年續舊年 億歲樂

昭成皇后帝家親 榮樂諸人不比倫 往日霜前花委地

今年雪後樹逢春 億歲樂

破陣樂詞二首 六言

漢兵出頓金微照 日明光鐵衣 百里火幡燄燄干行雲

騎駢駢蹙蹋遼河 自塌鼓噪燕山可飛正 屬四方朝駕

琴

八

端知萬舞皇威

少年膽氣凌雲共 許驍雄出羣 疋馬城南挑戰單刀薊

北從軍一鼓鮮卑送 款五餌單于解紛誓 欲成名報國

羞將開口論勳

舞馬詞六首 六言

萬玉朝宗鳳展千 金率領龍媒 眄鼓凝驕躑躅聽歌弄

影徘徊 聖代昇平樂

天鹿遙徵衛叔日 龍上借義和將 共兩駝爭舞來隨八

駿齊歌 聖代昇平樂

綵旄八佾成行時 龍五色因方屈膝 銜杯赴節傾心獻

壽無疆 四海和平樂

帝阜龍駒沛艾星蘭驥子權奇騰倚驤洋應節繁騎接
跡不移 四海和平樂

二聖光天合德羣靈率土可封擊石駘驪紫鸞挺金顧
步蒼龍 四海和平樂

聖君出震應錄神馬浮河獻圖足蹋天庭鼓舞心將帝
樂踟躕 四海和平樂

舞馬千秋萬歲樂府詞三首

金天誕聖千秋節玉醴還分萬壽觴試聽紫騮歌樂府
何如駉騶舞華岡連騫勢出魚龍變躩蹠騎生鳥獸行
歲歲相傳指樹日翩翩來伴慶雲翔

奉

九

聖皇至德與天齊天馬來儀自海西踠足徐行拜兩膝
繁騎不進蹋千蹄髮鬣奮鬣時躡踏鼓怒驤身忽上躋
更育銜杯終宴曲垂頭驛尾醉如泥

遠聽明君愛逸才玉鞭金翅引龍媒不應茲白人間有
定是飛黃天上來影弄日華相照耀噴含雲色且徘徊
莫言闕下桃花舞別有河中蘭葉開

張說之文集卷第十

張說之文集卷第十一

頌

聖德頌

上黨舊宮述聖頌

答制

日抱戴頌 已下潞州祥瑞

月重輪頌

赤龍頌

逐鹿頌

嘉禾頌

黃龍頌

羊頭山北童謠頌

仙洞頌

大玉山三壘頌

疑山鑿斷頌

赤鯉頌

黃龍再見頌

紫雲頌

李樹頌

神蓍頌

金橋頌

紫氣頌

大人跡頌

神人傳慶頌

開元正統握乾符頌

聖德頌

太古厥初遺文闕矣書祖二典聿陳五教唐虞之訓歷代宗焉孰同理而不休奚司亂而克違皇唐之興也道積四聖時將百年澤浸生人自根流葉孝和晏駕嗣子幼冲凶臣嬖女蹙弱王室人甚崩角之危朝深綴旒之歎賴天獎忠勇大戮鯨鯢尊文廟而安神清帝宮而待聖少主奉天命以至禪皇上拒天命以固違羣公卿士胥進曰陛下孝悌之至麻數在躬處儲闈有讓元子之

結一廬朱氏賡餘書

結一廬朱氏賡餘書

德居藩邸有辭太弟之高六合欣戴三靈允協為天下君其誰與讓皇帝義不得已曰吁所憂之長也乃被帝服陟元后延羣臣見兆人是日也景雲至茲歲也戎狄來其光祥極瑞雜沓異類蓋翫狎而不記矣上方勤庶務覽眾則履乾乾懷翼翼遊道德之靈囿從鸞鷲之珍羣視天下之所不見聽天下之所不聞帝典皇綱於斯備矣宜定郊報之禮革封禪之則答神貺揚(玄)德不然者則二宗無類帝之壇五岳無省方之館矣若夫湯頌傳於考父文什著於周公臣子之志不可闕也敢作頌曰

聖

天祚聖唐啟我明主大哉皇帝與天同矩天平蓋之地平載之陽和化育懷生賴之孝乎惟孝告成乎天靈壇神岳思皇嘏焉皇哉皇哉胡可捨旂大君受命景雲來翔流天汎日爛熳成章稽諸瑞典昔祚軒皇而今表聖土德以昌西戎遠國畏君之靈古稱卽序今乃來庭帝女是降其從如星天人偃革以迄太甯北胡狙獷狂於征伐帝初歷試護彼窮髮懷哉好音稽顙天聞遐哉大同天子之功

上黨舊宮述聖頌

維開元十有一祀正月皇帝展儀于河東挾右太行留宴上黨整兵耀武入于太原設都建頌以崇王業南轅汾雁祈穀后土天清日潤神歆如答三月庚午飲至長

安六軍解嚴四方和會邇觀法象遐詠德澤大虞巡之
典修美漢祠之禮舉人心翕而一變神物效而無方於
是邠王臣守禮(甯)王臣憲申王臣範薛王臣業獻書於
內開府儀同三司臣憬尙書臣峻臣象先臣頌御史大
夫臣灌抗疏於外僉曰陛下受天祿數稽聖典謨道貫
三靈仁育萬類埽陰沴而覩日開關之功也尊文時而
御天帝王之孝也天以陛下爲子人奉陛下爲君萬殊
之福祈應畢臻三代之風頌聲咸作今路人懷代即詠
泗亭採聖崖延立石將表潛龍之館勒啟聖之圖勤亦
至矣陛下推而不報其何以下塞眾望上對天休哉臣
聞天之所啟人之所戴必憑睿聖玄懿之德元命眞符

壁

三

之紀功業見乎變德施加乎時德厚者施溥功(迄)者應
速或階晦以彰或由難而昌蓋生其德之謂天授其時
之謂命天有成命其可沒乎陛下昔居是州也紫雲在
天神光照室白鹿來擾黃龍上昇隴出仙洞而神魚躍
山開禪穴而靈鐘韻謠言合讖巨迹引途嘉李傍連神
著自起當此時也金石預變獄頌先歸政殿六府人重
五教陶無竄器漁有讓泉神而化之人不知力昔龍負
圖而大舜登狼銜鉤而后殷昌(迄)珪錫於夏禹赤伏歸
於漢光猶言先運吐符希代稱寶未有窮祥極瑞儼儼
瓌異如今之至者矣若(迄)既集而不彰則神心不說鴻
業成而不贊則祝告無聞是掩天休而蓋聖德也臣子

之罪將何解焉願聽路人以揚丕烈帝曰往者中宗遠
代國步維艱天祚我唐大命集於睿宗大聖眞皇帝朕
畏天將命不敢怠違其乾符坤珍皆先聖之餘福朕何
力之有焉然重違昆弟公卿之請抑以敬從無爲虛美
重朕不德也羣臣遊聖蕩莫能名約乎舊史敢頌成績曰
帝德廣運乃聖乃神天祚聖兮唐雖舊邦其命惟新再
受命兮帝初正人降居上黨天下往兮黃龍晝見攀天
而上九五象兮帝適于野紫雲之下求必在兮帝寢于
堂變龍有光觀者駭兮天跡星謠木連著立總神異兮
靈鍾化穴縞鹿赤魚可詭異兮上天無聲託類附形覺
悟人兮聖皇齋栗在得戒失昭事神兮皤皤潞老樂我

壁

四

王道愛舊宮兮赫赫頌功與天比崇據無窮兮

答制

往者中宗違代國步維艱天祚我唐大命集于睿宗大
聖眞皇帝朕以寡昧嗣守丕業虔奉遺訓不敢怠違至
天地休徵人神靈貺皆先帝聖德之餘慶朕何力之有
焉至若登太行留上黨頌功業建都畿休兵太原爲農
厓上並國之典禮朕奉而行之何足稱者而羣臣固請
紀頌眾心難違卿藻思菁華揚過其實自視虛缺爲媿
尤多

皇帝在潞州祥瑞頌十九首奉 敕撰

日抱戴

皇帝初臨潞州景龍元年四月二十有七日其日日抱

戴頌曰

日告帝符 王起乘土 重光五色 四方之主

或抱或戴 氣華暉嫵 大明經天 豈忘忠輔

月重輪

皇帝臨潞州景龍元年七月十有四日夜月重輪頌曰

維帝潛德 受天眷命 月之重輪 示我金鏡

璧彩內澈 環規外映 君心用明 神道協慶

赤龍

皇帝臨潞州景龍二年四月二十五日廳事據案假寐
百姓白鶴觀道士宋大辯等三十餘人同見赤龍在案

五

頌曰

聖寐無體 神融氣渙 蜿然赤龍 垂首據案

昔有王媪 預觀興漢 今此潞人 亦兆靈觀

逐鹿

皇帝景龍二年二月二十有八日巡屬縣至潞河有鹿
奔走渡河水深三丈帝馳鞭逐鹿水不及馬羈應時獲

鹿司戶參軍崔弼隨帝而涉纔入數步馬溺焉頌曰

王者之畋 必有天佐 逐鹿深水 乘躍而過

不失其馳 舍矢如破 後騎沒溺 乃驗靈跡

嘉禾

皇帝臨潞州景龍二年八月二十有五日長子縣界內

有嘉禾合穗頌曰

靈氣滋液 嘉禾族生 或分九穗 有合雙莖

昔效唐叔 歸功太平 於今歷試 抽此德萌

黃龍

皇帝臨潞州景龍二年九月五日黃龍見于州城東五
里伏牛山南崗遲留久之觀者如堵頌曰

黃龍土精 五方之長 在田而見 文明厥象

軒圖瑞來 夏匱妖往 惟德可應 侍神難諷

羊頭山北童謠

皇帝臨潞州景龍二年九月已後嘗有童謠云羊頭山
北作朝堂其州南六十里有羊頭山頌曰

六

焚惑降精 是為天使 會合齟齬 謳謠街肆

通賢妙識 采斷來事 山北朝堂 此名天位

仙洞

皇帝臨潞州襄垣縣北有仙洞忽然自開十數里仙乳
靈液凝膏注玉頌曰

憑乘山穴 應吳建號 襄垣洞開 神亦我報

玉膏滴瀝 石巷幽奧 天將祐之 陰靈啟道

大王山三壘

上黨記禹治水而登此山因名焉魏書云望氣者言其
山有天子氣故太武壘石為三封欲以厭之頌曰

昔望茲山 當出天子 太武心思 厭以軍壘

地氣雖廢 河清有埃 三百餘年 聖人方起

疑山鑿斷

上黨記後魏太和末孝文帝自岱幸洛見此山有伏龍
疑而不進遂斷山東麓以馱之其斷處猶存因名疑山

頌曰

王命必有 馱勝多無 不徵綠錯 虛役丹徒

舊山伏氣 今聖靈符 魏雖穿鑿 能違天乎

赤鯉

皇帝景龍三年三月巡屬縣至襄垣南漳水上有赤鯉

魚騰躍頌曰

龍或魚服 鯉同國姓 躍泉將飛 告我天命

鱗

鱗昭武德 翼贊興慶 昔去隨仙 今來迓聖

黃龍再見

皇帝臨潞州景龍三年六月十五日黃龍再見于伏牛

山頌曰

蜿蜿黃龍 既見將躍 氣動雲繞 精流電爍

文明剛健 嫵媚纖弱 萬物觀焉 聖人其作

紫雲

皇帝臨潞州景龍三年九月九日與羣官壺口山昇高
其時東北有紫雲翩翩而來光彩照日明日上黨縣丞

王敬賓等白刺史劉懷一并啟皇帝請下狀奉教不許

頌曰

天臨壺口 露坐山眉 紫雲來覆 如蓋如帷

畢景不滅 含風自持 一人有慶 兆民賴之

李樹

皇帝臨潞州延唐寺有李樹連理皇帝親自驗見今御
書額焉頌曰

李與帝族 寺勝延唐 異枝同幹 雙名合祥

花轉瑤萼 子綴珠光 本枝百代 永永蕃昌

神蓍

皇帝臨潞州景龍三年九月十有五日召百姓韓擬禮
蓍筮卦未成一蓍翹立擬禮曰此天人之瑞泊帝踐
祚授擬禮遊擊將軍長上折衝頌曰

織

織織靈蓍 下有伏龜 天生神物 以決狐疑

一蓍特起 自天立之 無卦之卦 告帝之期

金橋

金橋在潞南二里常有童謠云聖人執節度金橋皇帝
景龍三年十月二十有五日由此橋朝京師頌曰

出郡二里 橫路金橋 聖人南度 駟馬西朝

運及誅呂 時當換堯 御尋後事 一合童謠

紫氣

皇帝臨潞州景龍三年十月二十有五日還京後州內
所居寢堂上有紫氣七日不散頌曰

王往京國 傾城戀惋 紫氣浮宮 七日不散

斐亶窗戶 輪囷臺觀 都人係心 瞻仰雲漢

大人跡

皇帝從臨潞州還京後其宅內及州街並有大人跡長二尺五寸自東而西布武相繼頌曰

百神從王 一舉西適 眾觀空廡 連步雲跡

躡似郊媒 痕同雷澤 曠古奇事 存乎帝籍

神人傳慶

皇帝唐隆元年六月二十日夜除妖孽後其明日州佐吏索崇嗣於州南門外開空中有人云臨淄王誅韋氏相王得天下其崇嗣告長史裴思裴思以妖惑罪之禁錮累日逢其月二十一日赦到獲免案牘猶在頌曰

擊

九

天帝下席 承韋于命 王赫斯興 撥亂反正

擊凶尊主 一麾大定 神人相歡 屏蠻傳慶

開元正統握乾符頌

客有嘲臣曰聖上正新統握乾符百寮廣歌以美時六合鼓舞以頌德先生獨宴默書閣含翰詞林笑其為儻倨也臣應之曰斗水不能評巨壑之量隙光未足議大明之體何者見漏而守隘也握乾符者不謂執天命歟執天命者非夫廣德休統交相表裏況命者夫子之所罕言也焉可偏贊而總握符之盛哉如作者略大本舉小節不亦仲尼之門所聽瑩也是以洞思乾慮久難其述客無異焉客曰請終餘論粵若我大唐慶始白道昇

紫氣屬漢東失馭淮南不返高祖舉晉陽之甲戡定關西太宗因侯后之師削平天下高宗收圖海外檢玉封中九域黎人重代飲澤雖鳴鸞改號神龍中興周鼎歸唐玄宗祀夏中宗遠代嬖孽窺國於是乎聖上起蕃邸入鉤陳一麾水心羣凶泥首崇復大聖越踐少陽受禪當之而光大前烈垂統拜璧而慎靈後嗣四海有覆孟之安百代無委裘之隙是之謂聖人握符之大寶也四星入輔五將出禦倚禮樂為國計仗仁義為軍勢英賢集殿而文教成千戚舞階而武功振敬讓光于九族孝慈行於萬宇積嶂西南渤海東北織皮火毳曷炎山汚熱海向風來王黑貂駁駿浮天溟絕冰漠連歲獻款鳥

擊

十

獸無猜人之意草木無不達之氣升中於天比天同貴是之謂聖人握符之大政也歷試上黨黃龍飛天入清中禁白虹指日瘞汾雕寶鼎見柴岱宗卿雲蔚非應事而呈瑞者雖多狎而不紀矣是之謂聖人握符之大祥也以數推氣以氣定朔以星殷時以閏成歲攷星閏而革疏度置歲差而辨誤日立大衍之紀參大渾之晷合鍾律之聲極鬼神之情是之謂聖人握符之大統也若夫仁聖根於內菁華發於外祥兆祕於前謠識灼於後自然之理也彼洛下閎者漢太初時一巧麻耳云後八百歲當差一日有聖人正之斯人也抑將露才揚術預證來聖有耆舊之傳記無史策之明文然至隋之開皇

及麻德聖(麻)三家創法一引為徵約之年代則鄰近
稽之圖錄則曖昧未有如新(麻)之昭昭者矣在昔唐虞
之際以斗精受命者七人得四均間氣而生者又二十
八人所謂三十五際者也禹以金德王故夏后之有天
下也生數四百年契以水德王故殷人之有天下也成
數六百年稷以木德王故周人之有天下也成數八百
年伯益之命中天而堯族以火德乘之故漢室之有天
下也生數再及二百年其間距王而興不能復大禹九
州之跡及勝殘百年之命者皆五神之餘氣也咎繇降
德皇唐復興土精應王厚德載物生數五百年成數千
年命(麻)有歸此其大較修德增祚與天無窮轉算之徒

聖

十二

莫能究也緯以入元三百四歲為德運七百六十歲為
代軌千五百二十歲為天地出符四千五百六十歲為
七精返初天人相應合若符節自堯典命羲和修重黎
之舊理顛頊之(麻)上元甲子千五百餘歲得孔聖而春
秋之(麻)序暨開元十二年甲子凡三千四十歲遇聖上
而大衍之(麻)興是時土德入生數之元天命當出符之
會信矣伏惟聖上聰明文思道德之具也豁達大度皇
帝之體也藝總六經漢光之學也文通三變魏祖之才
也緣情定制五禮之本也洞音度曲六樂之宗也神於
弧矢黃軒之威也聖於翰墨蒼頡之妙也兄弟善友王
季之心也子孫眾多周文之福也大寶以定天位大政

以布廣德大祥以合靈符大(麻)以啟成命德位兼才臨
照如此符命介福榮章如彼所謂廣德休(麻)交相表裏
之效也善(麻)者必推來運以自神興王者不俟往言以
表望設徵夫洛下閎之語也其不有容成之事乎且如
特有命比於日孰是夏王之福也賴卜年衰其德豈謂
周公之訓也故曰執天命在於俟天符致天符在於順
天德布天德在於保天位四者備矣然後陳其盛德告
於神明舍此道也胡可語正天(麻)握乾符哉謏臣惜學
謝生(玄)造樂虞典之歌舜羨周詩之美文敢不敦信辭
薦清樂獻上客之誚託眾篇之後云爾
維皇六葉於赫啟聖步玉斗握金鏡地維續天柱正山

聖

十二

川授方雷雨施令清廟九祗堯門百慶郊稷尊祖擇昌
定命德自我流藝從我修龜易八卦龍書九疇文合玉
律字吐銀鉤鳴絲鶴舞絳箭猿愁集賢勝殿花萼名樓
神用外表事行先兆萬目朝徹千心暗曉卿雲爛熳黃
龍窈窕遊姑射神人宵登太山天下小飛翔定瑞均靈
踏類鞮譯窮天探維盡地爍此金戟鑄為農器匪直也
然探(玄)索祕軸止輪運辰居星轉得一神凝吹萬情辨
發斂潛合晦明幽闡階賞朝開宮槐夜卷正我長(麻)同
符大衍天地清焉日月貞焉四時行焉萬物生焉窮神
知化美功成焉金版玉牒遠頌聲焉
張說之文集卷第十一

張說之文集卷第十二

頌

大唐祀封禪頌

隴右監牧頌德碑

宋公遺愛碑頌

觀世音菩薩像頌

大唐祀封禪頌

皇唐六葉開元神武皇帝再受命致太平乃封岱宗禪社首鑿石紀號天文煥發儒臣志美立碣祠壇曰厥初生人俶有君臣其道茫昧其風樸略因時而歛起與運而紛落泯泯沒沒無聞焉爾後代聖人取法象立名位衣裳以等之甲兵以恒之於是禮樂出而書記存矣反其源致敬乎天地報其本致美乎鬼神則封禪者帝王

受天命告成功之爲也閱曩聖之與訓考列辟之通術疇若天而不成曷背道而靡失由此推之封禪之義有三帝王之略有七七者何傳不云道德仁義禮智信乎順之稱聖哲逆之號狂悖三者一位當五行圖錄之序二時會四海昇平之運三德具欽明文思之美是謂與天合符名不死矣有一不足而云封禪人且未許其如天何言舊史者君莫道於陶唐虞舜臣莫德於皋陶稷契三臣備德皆有天下仲尼敘帝王之書繫魯秦之誓明魯祀周公用王禮秦承伯益接周統孔聖微旨不其效歟然秦定天下之功高享天祿之日淺天而未忘庭堅之德也故大命復集于皇家天之贊唐不惟舊矣其

結一廬朱氏廣餘叢書

結一廬朱氏廣餘叢書

興之也(玄)靈啟迪黃祇顧懷應歸運以義舉撫來蘇以利見湯也無放夏之慚武也無伐殷之戰高祖創業四宗重光有德格天漏泉蒸雲濡露菌蠢滋育氤氳涵煦若天地之覆載日月之照臨溥有形而歸景罄無外而宅心百有八年於茲矣皇帝攘內難而啟新命戴睿宗而續舊服宇宙更闢朝廷始位蓋義軒氏之造皇圖也九族敦序百姓昭明萬邦咸和黎人於變立土圭以步(麻)革銅渾以正天蓋唐虞氏之張帝道也天地四時六官著禮井田三壤五圻成賦廣九廟以尊祖定六律以和神蓋三代之設王制也武緯之文經之聖謦之神化之然猶戰戰兢兢日慎一日納規誨以進德遂忠良以

代工講習乎無爲之書討論乎集賢之殿寵勇爵貴經門翼乎鵠鸞之列在庭毅乎貔貅之師居鄙人和傍感神寶沓至乾符坤珍千品萬類超圖溢牒未始聞記我后以人瑞爲心初不以物瑞爲意王公卿士儼然進日休哉陛下孝至於天政合乎道前年祈后土人獲大穰間歲祀圖(日)不奄朔祥感以祚聖因事以觀天天人交合其則不遠意者喬岳拭路望華翠之來上帝儲恩俟蒼璧之禮久矣焉可專讓而廢舊勳羣臣固言勤帝知罪至於再至於三帝乃揖之曰欽崇天道俯率嘉話恐德不稱敢憚於勤其撰巡狩之儀求封禪之故既而禮官不誠而備軍政不謀而輯天姥練日雨師灑道六

甲按隊八神警蹕孟冬仲旬乘輿乃出千旗雲引萬戟
林行霍漢燐燭飛猷揚精原野為之震動草木為之風
生慙郡縣省謠俗問耆年舉百祀興墜典葺闕政攸徂
之人室家相慶萬方維觀千里如堵城邑連歡邱陵聚
舞其中垂白之老樂過以泣不鬪蒿里之魂復見乾封
之事堯雲往舜日還神華靈鬱燭燭乎穹壤之間是月
來至于岱祇祇齋宮滌濯靜室凝神玄覽將款太一議
夫太山者聖帝受天官之宮天孫總神靈之府自昔立
國莫知萬數克升中而建號惟七十而有五我高宗六
之而今七矣非夫尊位盛時明德曠代遼闊難并之甚
哉先時將臻夫大封也累封疆於高崗築泰壇於陽趾

璧

三

夫其天壇三襲辰陞十二咸秩眾靈列座有次崇牙樹
羽管磬鏞鼓宮懸於重墻之內千戚釵及鉤戟戮戮周
位於四門之外伐國重器傳代絕瑞旅之於中庭玉輦
金轂翠冒黃屋夾之於端路庶官百僚羌夷蠻貊褒成
之後讓王之客序立於禮神之場鬚頭弩牙鐵馬金鏃
介冑如雪旗幟如火遠而於清禁之野於是乎以天
正上元法駕徐進屯千乘於平路留羣臣於谷口皇帝
御六龍陟萬仞獨與一二元老執事之人出天門臨日
觀次沆瀣宿嶼崑赤霄可接白雲在下庚寅祀高祖於
上封以配上帝命眾官於下位以享眾神皇帝冕裘登
壇奠獻俯俛叶金奏侑羽舞撞黃鍾歌大呂間闔闔與

天語清將信公奉斗布度懋建皇極勤恤蒼生招嘏乎
未兆禳災乎未萌上下傳節而禮成樂徧福壽同歸而
帝賜神策乃檢玉牒於中頂揚柴燎於高天庶忠誠之
上達若憑燄而駕煙日轡方旋神心餘眷五色雲起拂
馬以隨人萬歲山呼從天而至地越翌日尊睿宗侑地
祇而禮社首遂張大樂觀東后國風惟舊無黜幽削爵
之誅王澤惟新有省災大賚之慶不浹日至化洽於人
心不崇朝景福徧於天下然後藏金匱於祔室迴玉鸞
於上都煌煌乎真聖朝之能事而高代之盛節者也于
斯之時華戎殊俗異音同歎曰岳合多雨山峻多雲豈
有大舉百萬之師克期千里之外及行事之日則天無

璧

四

點翳地無纖塵嚴冬變為韶景寒谷鬱為和氣非至德
其孰能動天如此其順者乎昔人云自西自東自南自
北無思不服今信知聖人作而萬物觀其心服之謂矣
或曰祭泰折主先后非禮歟曰是禮也非宜也王者父
事天母事地侑神崇孝無嫌可也且夫柴瘞外事帝王
主之蒸嘗內事后妃助之是開元正人倫革弊禮起百
王之法也故令千載職末光聆絕韻咀甘實漱芳潤爍
玄妙之至精流不已之淑聲臣說作頌告于神明四皇
墳而六帝典雖吉甫亦莫能名徒采彼輿人之詩曰大
矣哉維天為大惟皇則之率我萬國受天之祺子孫百
代人神共保綏之云爾而已矣

駟驥毫釐馬足狼尾魚目宗廟齊豪戎事齊力田獵齊足罔不畢有元年牧馬二十四萬匹十三年乃四十三萬匹初有牛三萬五千頭是年亦五萬頭初有羊十一萬二千口是年乃亦二十八萬六千口皇帝東巡狩封岱岳輦輅既陳羽衛咸備大駕百里煙塵一色其外又有閑人萬夫散馬千隊骨必殊貌毛不雜羣行如動地止若屯雲百蠻震聳四方扑躍咸懷紛紜壯觀揮霍迴衛飲至朝廷宴樂上顧謂太僕少卿兼秦州都督監牧都副使張景順曰吾馬幾何其繁育卿之力也對曰帝之福也仲之令也臣何力之有因具上其狀帝用嘉焉霍公口無伐辭貌無得色朝髦岸齒歆以多之於是明

肇

七

威將軍行右衛郎將南使梁守忠忠武將軍行右羽林中郎西使馮嘉泰右千牛長史北使張知古左驍衛中郎將兼鹽州刺史鹽州監牧使張景遵隴州別駕修武縣男東宮監牧韋衡都使判官果毅齊琛總監韋績及五使長戶三萬一千人僉曰自開府庇我十三年矣肅有婉息人無乏匱克猷帝心莫匪嘉績且如停西南兩使六項人夫藁穀八十萬工圍石以息人約費其政一也納長戶隱田稅三萬五千石以儉私肥公其政二也減太僕長支乳駱馬錢九千三百貫以室隙止散其政三也供軍筋膠十萬七千斤以收絹繕工其政四也蒔苧麥苜蓿一千九百頃以芟蓄禦冬其政五也使監官

料舊給庫物新秦置本牧分其利不喪正錢二萬五千貫以實府宜官其政六也買死者畜貯絹八萬匹往嚴道市糶僅千口以出滯足人其政七也五使長戶數盈三萬墾田給食糧不外資以勤農卻輓其政八也敢問監牧之事孰能加於此乎然則稱伐計功前典所貴上以美聖主擇才之得人下以贊忠臣受任之盡節末以道官屬承風之成事竟以示後代照前之令聞是四烈者不可廢也既而大君有命舊史書功吟詠瑰奇篆刻金石秦汧渺渺尙想非子之風魯野區區猶傳史克之頌試從此而觀彼夫何足以言哉頌曰

肇

八

隴阪飛黃阜兮昆蹄苑山腔喇兮水鳴咽泉噴玉兮草汗血聚如花兮散如雲性既馴兮才亦絕維國家之大事駕時龍兮祭天地和鑾發兮文物備維皇帝之七德總戎馬兮威萬國彩髦翻兮金介冑有霍公之掌政擇張氏之舊令天王駕兮仗黃麾太僕驂兮展輅儀舞月馴兮蹠雲螭神侗儻兮態權奇騏驥溢野兮牛羊日多子孫榮位兮恩寵如何頌皇靈兮篆石鼓萬斯年兮羣玉府

廣州都督嶺南按察五府經略使宋公遺愛碑頌

維唐御天下九十有八載蒼生賁乎海隅之澤漫乎荒

外天子念窮鄉之僻陋微道之修阻吏或不率不馴人或
或不康不若乃命舊相廣平公宋璟鎮茲裔壤式是南
州篤五管之政教總三軍之旗鼓員萬里馴致九譯
詔書下日靡然順風曷由臻斯威名之路也而公曩時
執白簡登瑣闥推誠謇諤不私形骸忤英主之龍鱗踰
奸臣之虎尾挫二張之銳則聲恒寰域折三思之角則
氣蓋風雲由是極有四星維帝之輔地有五岳維天之
柱其入宰也君之股肱其出守也人之父母至於此邦
之長人也飲食有節衣服有常清心而庶務簡正色而
羣下一瑟兮憫兮赫兮喧兮固以不怒而威不言而信
雖有文身鑿齒祝髮儋耳衣卉麩木巢山館水種落異

鑿

九

俗而化齊言語不通而心喻矣其率人板築教人陶瓦
室皆塗墍書遊則華風可觀家撤茅茨夜作而災火不
發棟宇之利也自今始祖國船車海琛雲萃物無二價
路有遺金殊裔胥易其迴途遠人咸內我邊郡交易之
坦也有如此故能言之士舉為美談蓋微子去殷以後
王者襄公伐楚將得諸侯尚書東漢之雅望黃門北齊
之令德宋氏世名公其濟美詩所謂無念爾祖聿脩厥
德廣平有焉若夫往者屈也來者伸也往來相召而哀
樂繼之鴻飛遵渚於汝信處龍章衮衣以我公歸鬱陶
乎人思嗟歎之不足廣府司馬譚瓌番禺耆老某乙等
相與刻石傳微斯文予春秋之徒也豈將苟其辭哉雅

敬宋公王臣之重次嘉譚子贊德之義遙感耆舊去思
之勤越裳變風知周公之才之美吉甫作頌見申伯于
藩于宣觀政將來惡可廢也頌曰

降王宰兮遠國靈歌北戶兮舞南溟酌七德兮考六經
政畫一兮言不再草木育兮魚鼈（補）變蓬屋兮改籬牆
魚鱗瓦兮鳥翼堂洞日華兮皎夜火光莫炖兮風莫颺
事有近兮惠無疆崑崙寶兮西海財幾萬里兮歲一來
舟如島兮貨為臺市無欺兮路無盜旅忘家兮肩夜開
越井崗兮石門道金鼓愁兮旌旆好來何暮兮去何早
爆牛牲兮菌雞卜神降福兮公壽考

龍門西龕蘇合宮等身觀世音菩薩像頌

鑿

十

我聞上古有聖人心入羣有身包大空普觀察一切音
聲其名曰觀音菩薩日月有盡光明無際天地有終神
通不滅禮其形像隨願而成功稱其名號應時而獲果
龍門西龕等身像者此都人士思賢令蘇君之所造也
天下之大都有五而河洛總其中皇居之赤縣有二而
合宮是其一四隩輻湊萬商厯謬政頗財黠形放寵佑
所由然舊矣故強毅臨之則攬斂焱擾虜虐不辜以扶
撲睚眦是稱辨吏寬厚處之則乾沒淫詭相詐莫禦以
息偃簡怠謂之風流其傷弊一也武功蘇君名頌字廷
碩隋石僕射邳國公之（玄）孫今吏部尚書懷遠公之元
子相門華列儒庭善訓雍容文雅當代知名通才博藝

於何不可御史天憲也抗執簡之雄郎官星象也高握
蘭之選帝車西幸皇眷東搖四方之極一臺歸妙蘇君
於是乎始為政於京邑籍田戶以衍賦徹考資畜以程
力任董逋逃以業浮庾詰姦慝以豫究養制事典以示
好惡敦術學以興禮義省法罪獄吏無作威煦郵駟圍
人不敗產加以躬親足以勵勤謀始足以作則端莊足
以易暴清儉足以息貪夫如是簡往而事行正身而人
慕輕薄束脩而歸厚流亡襁負而來復曾未暮月遷給
事中既而人吏父老聚而謀曰咨休哉明府之惠人也
春風暢之時雨露之心乎愛矣何以祝之朝廷豈不念
下民之鬱陶乎奚其為奪我君而不省留也詩曰愷悌

十一

十一

君子神所愛矣庶幾乎三珍依憑百祥臻降云爾乃購
奇匠倣靈峯追琢鏡光鏡鑿電燧倚高壁臨懸關蹈石
苜戴珉鬢縹緲雲聳嬋娟玉立模宰官之形儀現輪王
之相好諦視瞻仰將莞爾而微笑攝心傾聽疑惚然而
有聲其左右則福地園林香城基址前佛後佛大身小
身互岑嶺而相望徧虛空而無數此身不動觀大地之
眾生彼佛無來見河沙之世界爾其北對宮觀南馳荆
越闕路豁開而中斷伊水透池而長注修途交會車馬
川流帝城風俗是焉遊覽如鎮南之岷山似關西之灞
岸暮春桃李上已清明汎法池之淥波憑靜域之丹檻
揚袂陰景躡步震山花散四天香聞八國以不居之歲

月閱無窮之人代知妙容之常在觀永劫之因緣盛德
相傳與此山而終始不其偉歟昔孔子化中都而攝魯
相卓茂理千密以踐漢台夫樹善有基建功無小蘇君
春秋鼎盛德業日新方欲驪首天池整翮雲漢致大君
於堯舜紹層構於韋平是宰也故以五輅之椎輪九域
之覆篑已重宣此義而說偈曰
大哉^⑤聖心如明鏡采入禪定龍飛清淨觀我佛性靈
相珍飾精窮妙極千崑之側因空見色發我願力不競
不練不剛不柔敷政優優百祿是適侑我蘇侯

張說之文集卷第十二

十一

十一

張說之文集卷第十三

贊銘箴記

蒲津橋贊

皇帝馬上射贊

孔子堂杜預贊

崔日知寫真圖贊

盧舍那像贊

般若心經贊

二法堂贊

三歸堂贊

善法堂贊

精思院天尊贊

座右銘

進筆硯架銘

煖硯銘

素盤孟銘

溫泉箴

贈別楊盈川炯箴

東山記

墓

蒲津橋贊

易曰利涉大川濟乎難也詩曰造舟為梁通乎險也域中有四瀆黃河是其長河上有三橋蒲津是其一隔秦稱塞臨晉名關關西之要衝河東之輻湊必由是也其舊制橫經百丈連艦十艘辨修竿以維之繫圍木以距之亦云固矣然每冬冰未合春返初解流漸崢嶸塞川而下如礎如日如堆如阜或撻或掘或磨或切綆斷航破無歲不有雖殘渭南之竹仆隴坻之松敗輒更之罄不供費津吏成罪縣徒告勞以為常矣開元十有二載皇帝聞之曰嘻我其慮哉乃思索其極敷祐于下通其變使人不倦相其宜投彼有司俾鐵代竹取堅易脆圖

結一廬朱氏賡餘撰書

其始而可久紆其終而就逸受無疆惟休亦無疆惟恤於是大匠葺事百工獻藝賦晉國之一鼓法周官之六齊飛廉煽炭祝融理爐是鍊是烹亦錯亦鍛結而為連鑠鑠而為伏牛偶立於兩岸襟束於中漣鑠以持航牛以繫纜亦將厭水物莫浮梁又疏其舟閒畫其鷁首必使奔斯不突積凌不隘新法既成永代作則原夫天意有四旨焉濟人仁也利物義也順事禮也圖遠智也仁以平心義以和氣禮以成政智以節財心平則應諧百神矣氣和則感生萬物矣政成則又文之經矣財節則豐武之德矣故天將儲其禎地將阜其用人將盈其力聖皇之道乾乾翼翼觀藝而無窮詠功而無極

墓

皇帝馬上射贊

第一

甘泉頓射飛野雞一隻走狐二走兔十四不隔箭連中

五隻

一面昭仁 三驅示武 走則發射 伏則不取

第二

中鷹前兔

寒兔滅沒 疾鷹逞巧 鳴鏑洞飛 失雉亡狡

第三

福陽頓同日中狗前兔

狡兔倚犬 力奔勢迫 持圓驟飛 捨拔先獲

結一廬朱氏賡餘撰書

望賢頓停日射高飛雁一隻走麀二走兔三十六不隔箭連中五隻

獸羶山豪 鳥落雲雋 貫三疊兩 血不濺刃
望賢頓中獾狐

夜鳴之鳥 是謂獾狐 除人之惡 應箭而鋪
望賢頓隔馬射中麀

趨趨牙麀 寒草同色 隔馬百步 一縱而側
第四

仙遊頓中麀一走狐三走兔十八不隔箭連中八隻
天子省斂 薄狩岐陽 躬射五十 以奉蒸嘗
第五

文山頓射麀不隔箭連中二走狐一走兔二十一隻
我將獻鮮 從禽於野 一日百中 以威天下

武停頓向後射走兔其中射兔十九隻不隔箭連中十
一隻走狐三走麀二

霜兔斗迴 雲龍騰過 天旋月滿 捨矢如破
仙林頓分駿射野狐中

有芄者狐 起帝之祐 分駿遠發 應蹄于手
鷄子搗鴉不著飛過在後箭射應弦而落

鷺鷥上飛 鷺集橫搏 矯箭爭中 紛然旋落
一箭中兩鹿橫貫走五十餘步方倒

雙鹿並去 一箭橫連 上思陵寢 以獻時鮮

是日還宮苑內用大箭射走鹿四十口分賜諸王郡王及從人等

帝入靈囿 數百鹿牡 射其四十 頒諸羣后
孔子堂杜預贊

猗歟杜侯 發揮孔聖 春秋既立 王道以正
列國行事 君子莫之 他人有心 予忖度之
推凡見例 定罪原詞 開我後學 從祀先師

金紫光祿大夫太常卿上柱國中山郡公崔日
知寫真圖贊

廓哉中山 靈宇廟徹 逸韻豪爽 達音妙絕
孝盡思成 忠全見節 優游宮侶 蕭條禪悅

白髮傳貌 青松拂雪 要之歲終 是望邦傑
盧舍那像贊 并序

詩云哀哀父母生我劬勞欲報之德昊天罔極是傷不可止也戀而懷無所及之感其有飾聖以資親修法以展慕豈非孝子持明之心哉武擔山靜亂寺盧舍那丈

六鐵像者沙門履徹為先妣用無價黃金之裝也徹師俗姓劉氏青城真人知古之弟道門釋種守律護戒了

如來廣大之心達如來加持之力見虛空界劃縵茶壇知定慧手結金剛印過去不悟因後行而追福當來未

聞指前緣而證道觀佛相者成一切智承佛光者壞無始業張說聞其事而憚之乃合掌西南遙禮偈曰

始業張說聞其事而憚之乃合掌西南遙禮偈曰

結一盧宋氏賡餘書

大雄盧舍那 妙法甚深祕 神變加持力

普昇不動位 孝乎彼沙門 愛母而錫類

法財裝妙色 空色不相異 慧日破金山

慈光觸寶地 善來金剛手 一一見佛事

般若心經贊 并序 贊亡

萬行起心心人之主三乘歸一一法之宗知心無所得
是真得見一無不通是(玄)通如來說五蘊皆空人本空
也如來說諸法空相法亦空也知法照空見空舍法二
者知見復非空即是故定與慧俱空中法立入此門者
為明門行此路者為超路非夫行深般若者其孰能證
於此乎祕書少監駙馬都尉榮陽鄭萬鈞深藝之士也

張

五

學有傳癖書成草聖酒揮洒手翰鏤刻心經樹聖善之
寶坊啟未來之華業佛以無依相而說法本不生我以
無得心而傳今則無滅道濟文字意齊天壤國老張說
聞而嘉焉讚揚佛事題之樂石

藍田法池寺二法堂贊 并序

法池西三歸院二法堂茲寺長老初上禪師所造也禪
師本姓彭俗名知至性至孝執親之喪七日不食微言
密行志道探(玄)究易老莊太一之旨善正書與鍾王同
格其精至點畫毫縷必見也折稿荷磨文石筋理洒颯
固非人力所致也中朝名士山藪高尙法流開勝遠近
慕焉及晚年專意於禪誦平生藝業若遺塵矣常歎曰

結一盧宋氏賡餘書

帝王父母許我出家雨露生成恩猶一揆依如來教創
是功德萬一乎獻福二宮潛祐七祖將與一切咸登道
場於是三歸堂以長安元年辛丑子月望日癸未立善
法堂以開元元年癸丑丑月望日戊辰建禪師母弟仁
琬弟子沙門啟疑及沙彌令哲左右斯業實有力焉

三歸堂贊

敬告諸佛子 一心清淨觀 欲求真正道

當從信根入 是佛虛空相 是法微妙光

定慧不相離 是僧和合義 人空法亦空

二空亦復空 住心三空寶 是名三歸處

善法堂贊

聖

六

至哉初上人 建立善法堂 彩翠三世佛

莊嚴清淨眼 能運無礙心 普入於一切

見若不染色 知若不取識 是名真實見

亦名解脫知 佛觀離生滅 諸法等如是

益州太清觀精思院天尊贊 并序

蜀山劉尊師上清品人也兄學儒弟奉佛迺畫三聖同
在此堂煥乎有意哉達觀之一致也張說聞其風而樂
之作天尊贊

正氣生神 結虛為實 上清尊帝 中黃首出

華彩衣裳 虛無宮室 紫氣乘斗 赤鑪鍛日

十天從化 萬靈受律 蓮花釋門 麟角儒術

法共不二 心同得一 道心惟微 守而勿失

井州敕造座右銘

安萬國 禮百神 放鄭聲 遠佞人

進筆硯架銘

筆硯之間 聖心必察 青蠅導赦 震言漏洩

煖硯銘

筆鋒曉凍 墨池夜結 香炭潛然 推寒致熱

素盤孟銘 并序

國子祭酒韋公好遊山水器珍雅素因適湯泉見梗梓
枌榆良材滿谷乃命山工作爲盤孟盞罍樽罍呈其文
理素而不飾還都分遺好事者說受賴盤孟二事以銘

盤

之云爾

幽山之木 無心世路 器爲盤孟 制以法度

匪丹匪漆 惟真惟素 理直防毀 節全思固

多用必傷 處盈招惡 嗟嗟君子 鑒微在悟

實是天然 貽我朋故

溫泉箴

東山少連曰冥氏之子曰王夫安祝融氏之女曰丁
芋俱學水仙是爲溫泉之神焉帝命之救萬靈盪滯結
腑臟達膚騰泄下人多賴上帝是崇杆飛廉氏之佚女
妬之常欲大恩其坊故入溫泉必齋酒心戒以防患恕
以利物含生之疾我願除妖二神嘉之吹湯激邪珠連

漚果滴汨揚華此其效也若入溫泉僻心穢行惡言淫
形居食失節動出躁輕二神醜之不匡人命飛廉佚女
以褫髮人是生疰芒風瘍眩瞶之病夫有意之醫照合
神理無恆之醫身爲慾使莫之益傷之者至矣是以君
子慎其微也

贈別楊盈川炯箴

杳杳深谷森森喬木天與之才或鮮其祿君服六藝道
德爲尊君居百里風化之源才勿驕恠政勿煩苛明神
是福而小人無冤畏其不畏存其不存作誥茲酒成敗
之根勒銘其口禍福之門雖有詔夏勿棄擊轅豈無車
馬敢贈一言

盤

東山記

兵部尚書同中書門下三品修文館大學士韋公體合
眞靜思協幽曠雖翊亮廊廟而緬懷林藪東山之曲有
別業焉嵐氣入野榛煙出谷石潭竹岸松齋藥碗虹泉
電射雲木虛吟惚恍疑夢間關忘術茲所謂邱壑夔龍
衣冠巢許幸溫泉之歲也皇上聞而賞之迺命掌舍設
帟金吾劃次太官載酒奉常抱樂停輿輦於青靄仁輦
綸於紫雲百神朝于谷口千官飲乎池上緹騎環山朱
旆燄野縱觀空巷途歌傳壑是日卽席拜公逍遙公名
其居曰清虛原幽棲谷景移樂極天子賦詩王后帝女
宮嬪邦媛歌焉和焉以寵德也加以中宮敦序謂我諸

結一履宋氏贈除漢書

兄引內子於重幄見兒童於行殿家人之禮優棠棣之
詩作於是實其筐篚下以昭忠信之獻賁其束帛上以
示慈惠之恩朝野歡并君臣義洽夫飛翠華歷茨嶺至
道之主也紆紫綬期赤松素履之輔也千載一時難乎
此遇故兩曜合舍眾星聚德雅道光華高風允塞寒谷
煦景窮崖潤色猗歟盛事振古未有篆之(玄)石貽代厥
後

張說之文集卷第十三

壁

九

三

張說之文集卷第十四

碑

刺史義陽王碑

邢國公碑

裴公神道碑

文貞公碑

太子少傅蘇公碑銘

贈陳州刺史義陽王碑

昔高祖之起唐侯革隋命太宗之威四海正萬邦作藩
帝家用建王國二十一族堯之昭也十有一宗文之穆
也王諱琮字某文帝之孫紀王之子龍種異氣鳳毛秀
色仁義天啟德威日就學無不探藝無不究故齊王之
子以爵推恩周公之子以才分政總角封義陽郡王弱

議

冠拜歸州刺史又守檀州又撫沂州若赦之舊荆人是
懲單于之衝胡馬自遠淮沂其又邦國不空遭王運中
微投於南海書稱大去憫失土之諸侯禮不逃誅議無
辜之王于某年月日遵六道酷吏竟於桂林之野春秋
五十神龍之初與廢繼絕追贈陳州刺史王生不得志
沒受遺榮信乎才之短長不如命之豐約德之輕重不
如藝之厚薄者矣季子豫州刺史行休髻鬣孤託身
炎厲藐是餘慶歸然獨存泣血上請迎喪遠裔開元四
年二月至桂州王同氣三人往偕遇禍殞殮無主封樹
缺如歲月茫茫盡為野草問鄰母而失處訪樵童而莫
識議者以為不可復得宜招魂而葬行休拊心蒼昊誓

結一廬宋氏廣餘業

結一廬宋氏廣餘業

不徒還乃掃亭館設地席絮齋懇惻覲乎幽報遂頻夜
髣像曲示其端夢魯王乘舟舟分為兩既而適野見東
洲中斷因忽悟焉陰隱微明率此類也又靈堂鑲堊一
夕自屈管上有三指凹迹一奇二並其傍鐵生文理布
列成卦眾駭其異使善易者張法著之曰屈者於文為
只出指者於義為指蹤一奇二並三殯近闕若引渦山
揆之可以察先王之心矣考夢協卜定處剋辰以其月
二十八日於桂城東洲發見神柩舉體咸備而一節闕
焉行休甚痛惋若自毀裂其夜又夢王告在南洛州厥
明直舊殯而南十有九步沙洲痕下插而得之安合如
故他日北郭之外併收二叔父焉於是乎驗著夢之有

議

徵也子子三旒連舳歸飛遙遙百越經途瞻歎零桂人
以為美談夫至孝潛通精魄昭應果虛無之見推步而
有必窈冥之體尋求而致雖前志所詳未有幽感反覆
若斯之昭晰矣以某年月日陪葬於昭陵柏城妃汝南
周氏附焉禮也妃考曰駙馬都尉梁郡襄公妣曰臨川
大長公主宗周元胄大君自出左右圖史循環法度邦
有好逮室无偕老以王之故薨於掖宮初永昌之難王
下河南獄妃錄司農寺唯有芳氏屣屣布衣往來供饋
徒行頰色傷動人倫中外咨嗟目為勤孝王二子配在
舊州及六道使之用刑也長曰行遠以冠就戮次曰行
芳以童當捨芳啼號抱行遠乞代兄命既不見聽固求

同盡西南傷之稱為死悌君子謂勤孝者仁之厚也死悌者友之難也感神者誠之至也此三者有以見義陽之義方賢妃之內訓繼體之崇德夫如是(亭)美上歸乎本朝盛烈延耀乎邦族安可闕而不飾碑版無文而已哉銘曰

高邱白雲 維堯大理 函谷紫氣 維周柱史

百代福流 千齡運起 富有海內 貴為天子

聖帝才子 於穆紀王 賢王祚(亭) 倬哉義陽

慎徽九德 九德有常 允釐三郡 三郡以康

明夷于飛 丹崖之下 梁木其壞 桂林之野

不識阡陌 無存松檟 于以求之 人無知者

哀哀孝子 眷眷靈夢 語妙常閭 文微甄仲

南洛占從 東洲億中 舊窆移編 新棺改贈

既克返葬 亦耐山陵 卜云其吉 神心允憑

人非地是 迹謝名稱 青青松柏 不顯不承

祁國公碑奉 敕撰

維天帝子萬邦維坤配乾母萬物以親九族后父之屬尊以敘百官開府之班最執謙德而光重地者則祁國公其人也公諱仁皎字鳴鶴太原祁人王子賓天啟靈仙之族司徒衛漢大忠義之門盛德之後仁賢繼出曾祖景孝隋屯田侍郎祖詮歙縣男贈汾州刺史考文洎贈右僕射續戎前烈啟迪後人公之生也膺汾霍之禎體敦龐之度禮樂狃於代襲忠孝萌於自然克寬克

恭不激不做鑿窮未兆而養之以蒙智周無際而處之以默故質勝於文行過於譽其隱德也三年不鳴其會時也一日千里初以翊衛調同州參軍換晉州司兵應將帥舉授甘泉府果毅遷左衛中郎將上昇春宮后正妃壺擢將作大匠事時工練八材孔脩轉太僕正卿駟訓車攻六飛如舞先天內禪引伸外戚懷柔畏滿馱劇思閑公既深辭以職事上亦優之以散秩加特進禮異羣公拜開府儀同三司策上柱國封祁國公邑戶三千實賦三百公於是寓情宴喜簡跡朝行入告嘉猷密而人莫窺也陰薦多士晦而人莫知也不自異於當路每同塵於眾流常語所親曰明明天子擇賢其理璅璅姻

張詩

四

姪則無羈仕不識不知樂我而已善矣夫人臣位極遇莫大焉王曰外舅厚莫重焉而能明道若昧進道若退事不事而縣解為不為而理會一以無目牛之全一以無亢龍之悔所謂言合古行中權歟後之人慎終始而保福祿者固將沿通波而蹈高軌也享年六十有九開元七年四月戊寅薨於京師皇上悼焉設次大臨輟朝累日榮之以華袞寵之以飾終追贈太尉益州大都督賜東園祕器哈穉贈錫率加常禮乃命尚書彭城侯劉知柔攝大鴻臚俾之監護京兆少尹崔琬介焉申命詹事南安侯龐承宗持節弔祭左庶子白知慎倅焉公卿命士更弔迭唁溢巷填街為之縞素粵以十月初吉葬

我昭宣公羣官執紼祖奠國門如前會夫天作聖合必起大邦故軒如美於西陵周婦表於東海公蕃衍之慶祚[○]二十或哲或謀或肅或乂永錫之類也如是元女祥發望雲業參煉石內被螽斯之德外偃關雎之化門風之至也如彼長子惟力戴君畢心禦侮奉雲雷之會懸日月之功庭訓之致也如此高陽有才子八族我盈其二武王有理臣十人家出其兩稽諸舊史罕或前聞若乃積三盛事而重之以純德篆於金石垂於億萬宜哉其文字光華撰錄旨要則皇帝所為也詞臣奉詔作之其銘曰

於穆祁公 誕靈信厚 有倬其慶 天子外舅

高以卑牧 盈將沖守 忠焉孝乎 沒而不朽

卷四

五

人之忠孝 其德不同 天俾純嘏 大福時來

貴踰九列 榮並三台 祚之[○]社 帝曰欽哉

祁公之德 柔嘉維則 令儀令色 小心翼翼

如何昊天 喪此邦式 休問其永 豐石是刻

我思肥泉 孝心罔極

贈太尉裴公神道碑

星辰懸象所以殷時布氣然而行不言之道者天也文武用才所以勤官定國然而致無為之理者帝也當高宗之休運任名世之良臣清九流而闢四海代天工而張帝德歷選前哲豈多乎哉公諱行儉字守約河東閭喜人也其先出乎嬴姓伯翳之後也秦則裴侯始封漢

則侍中受職魏晉之代鬱為盛門八裴方於八王聲振海內三子尊為三祖望高士族自冀州刺史徽至公十二代中軍將軍雙虎至公六葉代無違德不隕厥問者已大王父伯鳳周驃騎大將軍光汾二州刺史琅郡開國公大父定高大將軍馮翊郡守襲琅郡公諸侯受封山河傳國天子共理循良克家考仁基隋左光祿大夫以陰圖王充仗義舊主遭時不利玉折名揚聖唐隆興旌淑勵節贈原州都督命諡曰忠蓋春秋之褒也公清明本乎世德正性出乎胎教氣潤河靈貌雄岳立仁孝之道天生而知將相之器與年俱長以高蔭為[○]文生絕事篤學累年不舉房僕射異而問焉對曰隋室

卷四

五

喪亂家乏典籍館有良書探討未徧故少留耳梁公驚曰驥子志氣凌雲當一日千里其早為通人之目也如是明經補左屯衛倉曹詔舉轉雍州司士選金部戶部二員外歷都官郎中長安令明慶中與長孫太尉褚河南論及中宮廢立國家憂患有公伯寮譜行於季氏出為西州長史又改金山副都護又拜安西大都護西域從政七八年間窮荒舉落重譯向化我之獨賢邊之多幸乾封歲徵為同文少卿尋除司列少常伯官復舊號為吏部侍郎加銀青光祿大夫自居銓管大設綱綜辨職差才審官序爵法著新格言成故事上元中長星出天禿髮入塞詔公為洮州道左軍總管又為秦州鎮撫

右軍總管並受元帥周王節度雖祭公有諫耀武之事不行而方叔帥師來威之道備矣儀鳳二年十姓生可汗匐延鄧支李遮匐潛構大戎假擾西域朝廷憑怒將行天討公進議曰敬_之敗績於茅戎審禮免冑而入狄豈可絕域更勤王師今波斯王亡侍子在此若命使冊立則路由二蕃便宜取之是成擒也高宗善其計詔公以名冊送波斯兼安撫大使公往蒞遺愛洽於人心是行也百城故老望塵而雅拜四鎮酋渠連營而諮酒一言召募萬騎雲集公乃解嚴以反謀託獵以訓旅誤之多方聞其無備裹糧十日執郵支於帳前破竹一呼鉗遮匐於麾下華戎相慶立碑碎葉蓋美克雋不殺而用

醫

七

謀安人以德而去害廓氛禳於地表燁皇靈於天外充國有屯田之頌寶憲有燕山之銘詢茲遠略彼何微也遷禮部尚書加上柱國又特降恩命兼右衛大將軍夷典秩宗神必據我文昌有將天道存焉調露中單于可汗伏念外叛大鴻臚蕭嗣業喪律詔公為定襄道大總管軍至朔州斥候相接匈奴故態狂劫糧以餒師神將出奇張虛勢以陷敵乃偽為轉運伏其壯士示羸師以緩行隱精騎以躡迹寇果大下援兵奔散驕虜益驚自為得色驅此車牛憩彼泉井於是箱中兵起千弩齊發要路騎飛一息而至羣胡顛沛殺傷滿野從茲饋運路無驚者觀夫大漠無倪穹廬靡所追之逃逐捨之憑陵

費日老師兵家所病公潛使緩頰均其利心深圖既入狼意遂改乃委罪衙官陰送降狀公密上其事人莫知之及其期舉國歸附煙塵大起師徒惶惑公徐使令軍曰此是伏念執溫傳來降非他寇也俄而銜壁轅門釋縛納款帝嘉厥勳命尚書崔知悌乘駟勞軍備禮獻凱策勳之日程務挺張虔勗者行軍之偏將也訴言子營逼逐方降大軍又屬秉鈞忌才下上其手公曰雖不逮羣帥之讓力猶恥二王之競功今而殺降後無來者乃封聞喜縣開國公而伏念溫傳皆戮都市是年也伏念弟元珍擁其餘種復叛則天稱制追正宿枉贈伏念大僕卿程張諸家別故夷族君子以為神理之不可誣

醫

八

也永_停元年詔公為金牙道大總管未行遭疾四月二十八日薨於京師延壽里春秋六十有四長子貞隱早卒嫡孫參_之嗣封藐是諸孤哀哀童幼高宗悼焉贈幽州都督賜凶儀還鄉喪葬官供禮部郎中監護窆窆之數率禮有加別敕留守委皇太子擇六品京官一人檢校家事五六年間待兒孫稍成長日停寵極哀榮禮之厚者澤及存沒義莫重焉太常議諡博古多能文武表式曰憲其年十月葬我憲公於聞喜之東良原禮也神龍中興朝思舊德贈公揚州大都督開元孝享宰嗣延恩贈公太尉生不登乎台階沒追位乎靈宰序四時於下地調三光於上天聖人神教意在茲乎公志堅慮精

神勇識澈藝必討本學皆親與又善測候雲物推步氣象鬼無逃謀靈不藏用著文集二十卷造草字數千文皆寶傳人間以為世法又撰選譜十卷又為軍營行陣部眾料敵等三十六訣大聖天后令秘書監武承嗣就家收進以為祕術豈比馬卿浮華惟留封禪之草劉安虛誕空傳鴻寶之書而已哉加以汲引沈淪推獎氣類虛懷而襟帶不設(五)亮而藏府洞開故虎旅雲從詞林響應若毛羽之宗麟鳳眾川之長江河也在選曹見駱賓王盧照鄰王勃楊炯評曰炯雖有才名不過令長其餘華而不實鮮克令終見蘇味道王劇歎曰十數年外當居衡石後各如其言其在軍麾擇帳下之士則有張

張

九

知運薛訥閻敬容甘元陳裴思諒王智方呂休璟劉(五)意引偏裨之將則有程務挺張虔勗王方翼崔智普党金毗郭待封劉敬同李多祚黑齒常之等凡所進拔盡為名將此則有道之人倫武侯之賞鑒也公之送波斯也入莫賀延磧中遇風沙大起天地暝晦引導皆迷公因命息徒至誠虔禱徇於眾曰井泉不遠須臾風止氛開有香泉豐草宛在營側後來之人莫知其處此乃耿恭之拜井商人之化城也公在禮闈敕賜善馬及寶鞍令史奔馳馬倒鞍破懼而逃罪公使召之曰知汝誤耳又平郅支遮旬大獲珍異酋長將吏請徧觀焉有瑪腦大盤希代寶也隨軍王休烈捧盤跌倒應時而碎叩頭

流血惶怖請死公笑曰事有不意何至重玉而害人乎此又文饒之含容祁吉之仁恕也公西擒郅支北降伏念前後錫馬五百匹僮二百人金銀器物三千品錦罽織皮六百段公受置庭中旬日散盡此又趙奢之待士田文之市義也若夫知人以為本感通以為行善貸以為常散積以為樂古之有道者嘗從事於斯矣公元夫人河南陸氏兵部侍郎爽之女也陸氏卒繼室以華陽夫人庫狄氏有任劄之德班左之才聖后臨朝召入宮闈拜為御正中宗踐祚歸養私門歲時致禮媪后補天進參十亂少康嗣夏退協三從晉朝公卿列拜虞諱之母周官音注近出韋逞之家皇上臨極旁求陰政再降

張

十

綸言將留內輔夫人深戒榮滿遠悟真筌固辭羸德超謝塵俗每讀信行禪師集錄永期遵奉開元五年四月二日歸真京邑其年八月遷窆於終南山鳴鳴堆信行禪師靈塔之後古不合葬魂無不之成遺志也參(五)官至涇鄧二州刺史聿脩厥德人亡道存次子延休并州汶水令世載文雄家傳草聖次子慶遠協律郎深達禮樂克和神人咸負長才同論短運季子光庭侍中兼吏部尚書輔政邕熙致君堯舜孝理發乎陵廟仁澤徧乎松檟是故妻以夫榮母以子貴尚書先贈方伯申命上公夫人舊封華陽增號晉國詩云文武吉甫萬邦之憲上公有焉又曰彼美孟姜德音不忘小君有焉孝經云

立身行道以顯父母侍中有焉合三德而為家橫百世而濟美信可以言時稱代鏤石刊金者歟神道前銘薛令所撰且有後命俾余係述馬遷世家益孟堅之一傳劉寬表墓並伯喈之兩碑報德教忠俱傳不朽銘曰

天生亞聖 祚此王國 文綜九流 武參七德

柔遠服叛 窮西盡北 赫我皇靈 去其蠱賊

仁則不遠 智何不周 如山之峻 如川之流

術與神合 藝將道遊 書來懸帳 賦出登樓

司馬軍陣 官人綱紀 帝嘉常伯 國于聞喜

室有令妻 家成克子 社金傳世 桓珪守祀

神為上台 永介邦社

故開府儀同三司上柱國贈揚州刺史大都督
梁國文貞公碑奉 敕撰

敘曰入柱承天高明之位定四時成歲亨毒之功存畫為九州禹也堯享鴻名播時百穀棄也舜稱至德由此言之知人則哲非賢罔又致君堯舜何代無人有唐元宰曰梁文貞公者位為帝之四輔才為國之六翮言為代之軌物行為人之師表蓋維嶽降神應時間出者也公諱崇字元之姚姓有虞之後遠自吳興近徙于陝今家洛陽焉烈考長沙文獻公樹勳王室建旗儔府公紈綺而孤克廣前業激昂成學榮問日流武庫則矛戟森然文房則禮樂盡在弱冠補孝敬挽郎又制舉高第

歷佐濮鄭並有聲華入為司刑承天授之際獄吏峻密公持法無頗全活者眾進夏官員外郎郎中侍郎朝廷日能遂掌軍國遷鳳閣侍郎監修國史兼相王府長史始則天人讓王承置醴之願終以飛龍利見延駟乘之恩自時厥後恆當大任凡三處兵部尚書三入中書令一為禮部尚書左庶子又肅政大夫總靈武庫兵馬又司僕卿知隴右監牧使出典毫宋常越許申徐潞揚同十郡景雲初以藩邸舊寮封梁國公食賦百室公性仁恕行簡易虛懷汎愛而涇渭不雜真率徑盡而應變無窮常推是心以御於物故所蒞必叱庶風偃驚狼化從言不厲而教成政不威而事理去思覩頌來暮聞歌既

登邦政卒乘輯睦及在宗伯神人允諧今之中書是為理本謀事兼於百揆論道總於三台公執國之鈞金玉王度大渾順序休徵來臻懋德格天名遂身遜拜開府儀同三司崇其秩逸其志也初太夫人在堂公授職西掖頗限局禁求侍晨昏優詔既許尋令還職公固請以泣制曰家有令弟足慰母心國有棟臣安可暫闕其後

剖符江表敦諭起復衰麻外墨藥棘內毀變禮中權通識所貴神龍之首與聞興復疇其井賦累讓而停夫以革故鼎新大來小往得喪而不形於色進退而不失其正者鮮矣君子曰忠不忘親仁也哀不違事義也讓功辭邑禮也濟代全名智也仁以長人義以和禮以安

上智以周身宜其光輔四帝軒冕三紀池臺琴筑優游
 暮齒傳爵土於祚_俞保祿位於終始矣享年七十有一
 開元九年九月寢疾薨于東都之慈惠里皇上悼焉國
 人慕焉撫牀輟春曾未云比制贈揚州大都督諡曰文
 貞禮也十年二月葬於萬安山之南原在疾也王人賜
 膳御醫視藥于薨也中使弔臨羽儀哀送君臣之義厚
 莫重焉子异奕思綴遺美以實罔極有詔掌文之官敘
 事盛德之老銘功將以寵宗臣揚英烈帝乃灑恩仙翰
 鏤澤豐砥日月照臨於佳城煙雲變態於神道寶其文
 字別爲羣玉之山禁其樵蘇即表三司之墓銘曰
 源深自虞 派別從吳 避地魯陝 居家洛都

齋

十三

神明遠契 岳瀆冥符 翊聖斯偶 生賢不孤
 仁將勇濟 孝與忠俱 學刃攢植 文鋒迅驅
 纜安卑位 卽聘長途 唯實唯有 若虛若無
 再三軍國 一二訏謨 戎柄九重 王綸最樞
 兼司任切 久政榮殊 黼藻彌煥 丹青靡渝
 以寬容物 以鑿分區 外或形放 中恆禮拘
 箴雖緘口 諍亦忘軀 但觀渾璞 誰詳瑾瑜
 伊咎尺寸 管樂錙銖 名正身遂 言誠願孚
 方辭漢祿 更辱齊租 既積而散 窮歡盡娛
 川歸東極 日去西晡 上惻旒宸 旁悲路衛
 藍田美玉 荔浦明珠 載廣休慶 爰_弘典謨

豐碑乃立 盛業其鋪 帝念頻軫 仙毫特紆
 鏤金刻石 鳳篆龍圖 七耀光動 三泉澤滂
 銓能敘事 理鬱詞敷 求舊銘實 愬彈惡蕪
 緬思雲霧 尙想江湖 有道之德 其何以踰
 延陵之墓 空此嗚呼 存沒終始 遐哉邈乎
 故太子少傅蘇公碑銘 盧蘇用撰序不錄
 斤斤蘇公 體正含道 稟靈_粹粹 爲唐元老
 忠以衛主 孝以立身 文以經國 惠以安人
 司牧九郡 九郡爰靜 平章百工 百工爰整
 千載典憲 三朝綱領 上纂先人 五代相國
 下垂餘慶 一子令德 帝謂庭碩 伊公是似

齋

十四

接待玉墀 序拜金祀 聯華疊潤 佐我天子
 於戲彼蒼 國幹云亡 地頽五嶽 天圻三光
 備禮詔葬 羣官會喪 掌史司德 刊銘路旁

張說之文集卷第十四

張說之文集卷第十五

表

請封太山表

請為千秋節表

請置屯田表

禮儀使賀祥瑞表

賀太陽不虧表

賀大衍曆表

請許王公百官封太山表 并批答

臣說等言臣聞聖人者與天地合德故珍符休命不可得而辭鴻名盛典不可得而讓陛下功格上天澤流厚載三五之盛莫能比崇登封告成理協幽贊故符瑞必臻天意也書軌大同事也菽粟屢登和平也刑罰不用至理也今陛下稽天意以固辭違人事以久讓是和

鑒

平而不崇昭報至理而闕薦祖宗億兆之情猶知不可況上帝臨照祖宗顧諟其可止乎願納王公卿士列岳縉紳之眾望迴命有司速定大典臣不勝懇禱敢昧死再拜

朕以眇身欽承丕業十餘載矣夙夜兢惕常以至道未暢元元未安上累先聖之心下受萬方之責何敢議封禪躡岱宗乎今羣官所奏靈符歲稔戎狄向風蓋上天降休宗廟垂福豈朕薄德冒以當仁然天休不敢不答廟祐不敢不報王公眾望不可固違將以蒙福謝誠非以成功類帝輒用忘忌祇遂羣心

請八月五日為千秋節表 并敬告

結一廬朱氏

結一廬朱氏

左丞相臣說右丞相臣璟等言臣聞聖人出則日月記其初王澤深則風俗傳其後故少昊著流虹之感商湯本玄鳥之命孟夏有佛生之供仲春脩道祖之錄追始尋源其義一也伏惟開元神武皇帝陛下二氣含神九龍浴聖清明總於玉靈爽朗冠於金天月惟仲秋日在端五恆星不見之夜祥光照室之朝羣臣相賀誕聖之辰也焉可不以為嘉節乎比夫曲水禊亭重陽射圃五日綵綵七夕粉筵豈同年而語也臣不勝大願以八月五日為千秋節著之甲令布於四方羣臣以是日獻甘露醇酎上萬歲壽酒王公戚里進金鏡綬帶士庶以結絲承露囊更相遺問村社作壽酒宴樂名賽白帝報田

鑒

神上明玄天光啟大聖下彰皇化垂裕無窮異域占風同見美俗

敕旨凡是節日或以天氣推移或因人事表紀八月五日是我生辰感先聖之慶靈荷皇天之眷命卿等請為令節上獻嘉名勝地良遊清秋高興百穀豐熟萬寶已成自我作古舉無越禮朝野同歡足為美事依卿來請宜付所司

請置屯田表

臣說言臣聞求人安者莫過於足食求國富者莫先於疾耕臣再任河北備知川澤竊見漳水可以灌巨野淇水可以溉湯陰若開屯田不減萬頃化萑葦為秔稻變

斥鹵為膏腴用力非多為利甚溥諺云歲在申酉乞漿得酒來歲甫爾春事方興願陛下不失天時急趨地利上可以豐國下可以虞邊河漕通流易於轉運此百代之利也當今國儲未贍邊軍未息勸人業農願留聖意亦嘗賜前階之食承後騎之顧竟唯唯而無一言者豈敢隱情於聖主也正以職在仗衛憂於部伍馬上非公議之所圃遊非朝廷之事今昧死上愚見乞大臣籌謀速下河北支度及溝渠使檢料施功不後農節謹奉表以聞謹言

禮儀使賀五陵祥瑞表 并答制

右臣等伏以陛下孝通天地親朝五陵拜橋陵則紫氣

見獲白兔甘露降白鶴巢天光清和日色明朗拜定陵則有景雲見甘露降拜獻陵則甘露被樹祥雲抱日拜昭陵則先聖見於神遊薦享之際陛下親聞歎息初進服用樂器自然發聲又素像迴面甘露降滋從祀先臣歷聞蹈舞拜乾陵則有靈草生甘露降日抱戴之瑞此皆陛下虔誠上感神靈福降四海同歡萬方抃躍臣等幸陪大禮親覩禎祥無任大慶之至謹奉表陳賀以聞臣說謹言

朝拜園陵罄申精到深懼虛昧未感靈心今嘉瑞來臻神無譴怒欽承祥祉兢慶兼懷儒林史官當賁朝典

集賢院賀太陽不虧表 并答制

太史奏太陽不虧聖德上感變災為瑞陽光增暉陰慝不作休徵之美莫盛於斯臣等無任欣抃之至謹進狀陳賀以聞謹進
彼日而蝕詩人所醜應虧不變轉異為臧未知天意降休將或疇人未洽媿無一言之善而同三舍之慶循省來章用增勵揚

賀大衍曆表

臣說言伏以開元大衍天旨裁其紀綱日官考其精要履端更始敬授惟新加以辨五行之序推七精之數明徵聖期實光上德臣又見梁天監中陶弘景著玉匱記云盛德木子以肇來運頃者僧一行推璿衡得皇家天命成數千年古今祥兆若合符契數既在於聖躬卜年又表於長莫大之慶獨冠前王臣忝跡儒林預聞昌運無任抃躍之至謹奉表陳賀以聞

張說之文集卷第十五

張說之文集卷第十六

碑銘

王公神道碑

安公碑銘

冉府君神道碑

華州楊君碑

馮府君神道碑

唐故夏州都督太原王公神道碑

良玉禮神用之西序之器捨之南山之璞罔然不有其珍也君子安命進之扞城之雄退之去國之老隲然不失其正也語夫仗運以行道屬辭以比德亦何代無其人哉公諱方翼字仲翔太原祁人王周之後也王子以敗狄受姓徵君以逐世為名司徒之濟艱難義形漢室

樂

太尉之圖舉甲心盡魏朝聞蔣濟所言則知尚書志力兄弟繼美覽周書所載則見頴川忠烈子姪皆封臣節奮揚於百代家聲藉甚於四海大王父司徒定公秉隋氏之崇也王父駙馬開府文公裕先朝之懿也考特進慎公仁表皇室之甥也公門總四岳之靈帝子分五潢之氣是生時傑鬱為仁紀公雄姿沈毅稟難犯之色虛懷信厚坦招納之量識略精斷達應變之權神守密靜堅不奪之節孝友內兆於克懷忠敬外灼於旣冠加以思參造化誠合鬼神文其詩書武其韜略推此才也以從政焉永無匱矣夙遭家艱哀過柴瘁京師號曰孝童王母同安長公主引貴遊之誠示作苦之端今太夫人

結一廬朱氏續餘書

結一廬朱氏續餘書

徙居鄜野儲無斗粟庇無尺椽公躬率庸保肆勤給養壘山出田燎松鬻墨一年而良疇千畝二年而廈屋百間三年則日舉壽觴馱珍膳矣處約能久不亦仁乎在困能亨不亦智乎永徽初始宰安定誅豪暴以育人察姦宄以申冤異政三舉清風一變除瀚海都護府司馬以母疾辭職為姜恪乘便遂徙朔州尚德府果毅歲餘王本立上書理公國之悖老不宜擯抑有詔徵還而親不待心與哀絕氣屬禮存詔御醫孟默朝夕診視免喪逾年僅堪履立樂成公東討新羅薦為將帥詔公持節雞林道總管軍停不行授沙州刺史未至改拜肅州以為慢防啟寇非重閉也乃大築雉堞嚴備櫓械人知有恃戎亦來威儀鳳歲河西盡蝗獨不入境鄰郡湊稔提挈如雲公傾私泉以資乏引激水以立磴舉火百竈日舖千人遂有芝草蔗生豐年屢降人之詠德刊石存焉裴吏部名立波斯實取遮旬偉公威厲飛書薦請詔公為波斯軍副使兼安西都護上柱國以安西都護杜懷寶為庭州刺史公城碎葉街郭迴互夷夏縱觀莫究端倪三十六蕃承風謁賀自汨汗海東肅如也無何詔公為庭州刺史以波斯使領金山都護前使杜懷寶更統安西鎮守碎葉朝廷始以鎮不備蕃故授公代寶又以求不失鎮復命寶代公夫然有以見諸蕃之心搖矣於是車薄啜首唱寇兵羣蕃響應蝟毛而豎公在積西捷

樂

是車薄啜首唱寇兵羣蕃響應蝟毛而豎公在積西捷

無虛歲蹙車薄於弓月陷咽麪於熱海剿叛徒三千於
麾下走烏鵲十萬於域外皆以少覆眾以誠動天葛水
暴長祭徹而三軍涉渡葉河無舟兵叩而七月冰合由
是士卒益勇戎狄益懼璽書下問皇靈遠燦遷夏州都
督徵詣奉天宮熱海之役流矢貫臂陣血染袖事等殷
輸帝顧而問之視瘡歎獻曰為國致身乃吾親也妖賊
白鐵子據平城以反奉詔與程務誕討擒之善公有發
石壞城之計反風焚柵之感封太原郡公元珍寇邊受
命討擊公以無甲乃發思造六片木排袴開鈕解合畫
為虎文北至開光與虜合戰若驅猛獸蒙臯比之莫敵
也胡馬奔駭獲其二噉桑乾舍利兩部來降初公善書

張

與魏叔琬相輩工射與趙持滿齊名帝每矚之賜比鳴
輦賞深懸帳嘗獨行入夜有怪人長丈直來趣逼射而
仆焉乃朽木也太宗壯之授右千牛及持滿伏法暴骸
公哀而收葬為執金吾奏劾高宗義之釋而不罪履道
坦坦多如此類適將任帝夔龍為國方虎天下膏潤羣
生雲雨惜哉不辰消焉遭侮嗣聖之際天后臨朝有凶
人誣奏公廢后從兄常懷怏怏司刑御史侮文矯制不
名苛法遷於崖州路至衡州寢疾捐館春秋六十有三
垂拱三年閏正月二十九日葬於咸陽原君子曰斯才
也斯望也難乎免于斯之代也周公聖而謗屈平賢而
放賈誼才而謫李廣勞而喪彼天命之糾紛此人情之

惆悵神龍中興以陷酷吏例復官爵孝為人極忠為令
德神之聽之始枉終直信矣有子故光祿少卿璵今祕
書監珣皆篤行純孝慎終思遠說少也蒙會友升堂今
老矣豈能文旌墓遷司漢籍感激論都尉之書邕敘彪
情追美樹楊公之碣銘曰

上德惟公 氣秀才傑 孝世美 忠廣前烈

日月心照 江河思決 難地必通 暗機先徹

卓犖文藝 崢嶸武節 歎由宰邑 借恂臨郡

海女避途 山地可問 師律三總 軍聲六振

銳氣入營 長雲出陣 肅將國威 烜赫天外

玉弩方擎 雲旗卷旆 天道茫茫 自古多傷

功存西域 身棄南荒 易贖中路 懸棺反藏

寶刀生衣 玉珖無光 後有才子 先賢不忘

河西節度副大使安公碑銘 并序

公諱忠敬字某武威人也軒轅帝孫降居弱水安息王
子以國為姓世高之違漢季自河南而適遼東高陽之
受魏封由陰山而宅涼土高陽王同生尚書左僕射河
間公原晤真河間生建節將軍西平公纘從正西平生
龍驤將軍黃門侍郎廣宗侯薛晤徵累葉動華載於魏
史高祖何臧器廣宗之子也周開府儀同三司甯遠將
軍肅州刺史張掖郡公會祖羅方大隋開府儀同三司
皇朝贈石州刺史貴鄉公祖興貴右武侯大將軍涼州

刺史徒封榮涼歸三國公考文生不仕涼公皇運經綸
首平李軌大舉河隍之地遠通城郭之國龍錫蓄庶冠
絕等夷水出渥洼之神文馬者二千乘山得崆峒之武
朱輪者四十人公育榮盛之門鬱豪爽之氣孝友天至
清華玉立幼聚童兒必為軍陣之戲長交英俊唯談霸
略之書始以良家子僕射韋公待價引於帳下安息軍
建奇績解褐授遊擊將軍臨洮府右果毅復以善部統
御史大夫唐公休璟處之前鋒洪源谷立異效遷右威
衛翊府右郎將兼新泉軍使進本衛中郎將赤水軍副
使兼赤水新泉兩軍監牧使改會州刺史營田使換松
州都督防禦使遷左司禦率兼河西節度副大使臨洮

張

五

軍使轉鄯州都督使如故其在軍州傾心下士視人如
子無約而親附不言而條理其在農牧大田多稼如茨
如梁思馬斯才有驕有皇輸力四朝歷官三紀名參禁
衛身任疆場以靜總繁以逸待寇我無亡鏃之費敵有
不戰之屈茲所謂一方之干城者也享年六十有六開
元十四年十一月二十八日寢疾終位知與不知莫不
隕涕十五年某月葬於烏城之南志公鄉耐先塋也公
寬以御眾卑以自牧直而無訐廉而無劇朋友不聞臧
否之言家人不見喜愠之色加以心淨三業躬勤八戒
推是而行何往不濟初甘州有舍利沙多禪師道場之
四果也嘗云檀越德充於內神護於外雖冒鋒鏑永無

害也及百戰之後啟手歸全西州士人聞之激厲有子
仲璋如璋季璋全璋重璋庭襲芝蘭喪過樂棘敬奉窀
穸備禮儀於文武撰述家風刻功名於金石詞曰
玉關氣爽 金波秋激 涼野蕭條 寒山積雪
投靈產義 精勁才傑 孝固純深 忠惟剛烈
負羽從軍 奮飛青雲 麾幢按部 惠流時雨
總軍挾郡 入文出武 三十年間 式遏戎虜
壘場務靜 非公莫鎮 金鼓氣雄 非公莫震
神山與鍊 龍池取駿 霹靂陷營 衝風入陣
勇將知時 仁兵善持 反耕去戰 王者之師
牧馬如雲 屯庾如坻 西軍方壯 東首長辭

張

六

振古同嗟 沒而不死 所謂明德 永傳神理
鍾鼎題門 珠玉名子 信言豐石 令問不已
河州刺史冉府君神道碑
昔者堯舜既沒文武將墜天縱孔聖誕敷皇極於是乎
恢六藝而正王道舉十哲而闡微言雍也為德行之目
求也為政事之首吾見乎龍翰鳳雛百世而共貫虎符
犀節重世而增華明德之後知其必大公諱實字茂實
其先魯國鄒人也古天子有相氏宅于相土實曰冉姓
蓋氏族之興舊矣不常厥所今為河南人焉五代祖睢
陽公諱道周尚齊南康公主位平南將軍散騎常侍荆
州刺史信州都督高祖軫仕梁太子左內率荊州刺史

齊梁之間荆巫重鎮世善其職江漢宜之大曾父義城公黎在梁雲麾將軍湖州刺史入周拜驃騎開府儀同至隋開皇中為旭州刺史大父黃國莊公諱安昌隋啟平城祚之穀璧唐分蜀國瑞以桓珪其後改封於黃授信州刺史歷潭州總管贈夔州都督烈考天水郡果公諱仁才秩金紫光祿大夫婚皇室漢南縣主經浦澧袁江陵永凡六州刺史偉矣哉承家善慶歷代名臣流風載於史官勲業藏於王府公果公季子天王自出丙稟胎教混成之姿外被門風式瞻之訓從容合度造次皆法生而知之孝悌也學而知之禮樂也德義如山文章如泉搢紳之士仰焉宗焉弱冠文學生進士擢第遭家

樂

七

不造府君捐館五日絕漿三年泣血雖麻葛就禮而樂棘加人服闋調并州大都督府參軍事丁太夫人憂過哀終喪有如前制應入科舉策問高第授蘇州司戶參軍轉揚州都府倉曹參軍又舉四科敷言簡帝除益州導江縣令鴻漸二鎮翰飛三蜀府中之孫子荆郡內之岑公孝用能據淮距海我庾如砥岷山導江入境先歎加朝散大夫除鄜州長史仍加關內道支度使去青城之洞府來白帝之廊祠命服有輝使車何重除婺州司馬入謝于武成殿皇上以邊庭有事喜問陳湯宣室清言思逢賈誼公召對蘊藉謀慮深長眷甚前席恩加後命因改恆州長史于時四鎮未復二蕃猶梗屯田遶塞

戎馬在郊代郡藏符臨冀北而誠重漢家張掖比西河而還輕乃徙拜涼州都督府長史仍知赤水軍兵馬河西諸軍支度使地壯伏龍城雄飛鳥位居半刺總管三邊公乃利溝洫懋蔗葺序莢積糗糧均轉輸程力役寬御悅使授方任能人胥忘其久勞兵不遠其長道雖金方氣映雨雪不交之地磧路沙靈草木不植之所莫不豐滯穗於坳牧厭甘瓜於戍時朝廷賴之遷使持節河州刺史仍營田使崆峒連五郡之壤積石控九河之源公夙奉皇華政聞行露高車未至闔境相歡既見君子溫其如玉率性仁愛由衷易簡推是心也物感斯應覩恭肅而無競見禮義而興行不言而庶事熙非教而

樂

八

羣下順故得大田多稼人和歲豐餉軍廩師處勤餘裕計偕入朝侍宴於長壽殿上謂公曰河州軍鎮要衝屯田最多卿以足食為心朕無西顧之憂侑以彩幣錫以文袞及公還州也璽書勞勉王人相繼國家徑流沙梁弱水收西域護南庭連百萬之兵以濟事於外不一日而乏者則公之力也無駭入極可謂費庠父勝之杜預平吳蓋知羊叔子功爾宜登元老作貳天朝止于邊服實孤人望享年七十有一證聖元年二月十日寢疾終於官舍天子悼焉凶費喪歸悉命官給是日河隍耆老山谷羌夷反首撈面號奔州邑雖國亡子產吏哭祭遵豈云過也愷悌之化人之父母及其沒也哀亦如之信

矣太夫人金成郡君隴西李氏江夏王道宗之女也宜此象服爛其盈門嗣先姑之徽音立庶姬之範則葬華前落葉瘞城隅以證聖二年正月合葬於河南定鼎原禮也天使馬悲啟滕公之室人看鶴舞閉王母之墳松柏接於邛山邱陵對於伊闕石麟將鬪華表何年有子曰祖雍景龍初擢給事中兼侍御史內供奉追惟皇考孝于奉親忠于事君恭于立身惠于臨人總是四行旁通具美貽厥孫謀以燕翼子故老之口既絕竹帛之文又滅揚名兮奈何刊石兮來裔其詞曰

倬哉冉氏 世有仲弓 鐵冠繡服 給事于中 克昭遺懿 樹之家風 於皇嚴考 高明有融

藝

九

德罔不尊 藝何不涉 嗣武先正 思文載協 建旗千里 逮君六葉 龜顧印房 蛇盤綬篋 官以勤積 業因時峻 宰號神明 掾稱親信 驥足既展 熊軒亦軻 邦國海康 京師河潤 出車西域 我君謀之 屯田北徼 我君護之 六軍有饋 其誰度之 一人無憂 其誰樂之 猛獸避德 均遷所莅 靈鳥依仁 霸昇執事 以今視古 名齊績類 天不愁遺 山頽北位 隴首迴望 秦川斷腸 吏人攀紉 哀雁隨喪 虛靈冀野 行臨帷堂 廟立邊郡 魂歸故鄉 王姬耐葬 禮之終也 水台蛟龍 墳同石馬

地積霜露 煙攢松楸 千載九原 高碑淚下

贈華州刺史楊君碑

公諱至誠字某農華陰人也厥初生人為姬伯之祖同邑命氏有楊侯之贈其後東陵奮而開國西漢盛而移關門廬隱隱互連桃塞之上碑闕崑崙蔽滿華山之下明德之後世有人焉大王父隋直閭將軍岷蔚撫毫道五州刺史邢國公諱貴大父故右衛副率慈汾三州刺史靜公諱譽考故常州刺史工部侍郎鳩臚卿金紫光祿大夫散騎常侍太子少師贈儀同三司上柱國鄭國懿公諱崇敬若夫家聲代業累德積仁故以克隆前統光啟來葉矣公稟純嘏之粹靈漸軌物之名教端操

藝

十

以正己崇讓以與人勵精以探道善問以毓德學無不達藝無不周成童有傾軔之望既冠為宗匠之表年十三調太常挽郎尋補潞王典籤大夫門子執紼橋山王國詞人曳裾睢苑皆一時之選也顯慶中詔郡國舉賢良公對策天朝無能出其右者遷太子通事舍人再舉高第徙國子監丞坊監清流才地兼擇東朝束帶銀榜增華西序彰纓環林益潤高宗接千歲之統嗣百王之業封岱岳禪云亭稽於舊章俟茲通博乃除公禮部員外郎祀事克明大典攸序建邦分職得人者昌吏曹居六官之首求郎盡一臺之妙又轉公吏部員外郎準的文昌羽儀丹地丁太夫人憂去職公至行純篤幾於滅

性雖杖絰外除而柴瘠加等門人記其喪禮天子憂其死孝服畢授幽州三水令曳尚方之舄鳴單父之琴志道不矜其大才勤政無陋其小邑美聲流於幽薊惠化而於周原又應文擅詞場舉策試天下第一敷陳聖謨啟沃明主究天人之際建皇道之極如有用我者其為東周乎朝廷納賈生之言排汲直於外拜公隴州司馬未及赴官遭疾卒於長安第春秋若干王祥未施於邦正陳寔近終於邑長位不充德其如命何神龍初中宗克復丕業格于文祖迺陞從臣緬懷先正以公二子在章綬之列追贈公使持節太州諸軍事太州刺史非夫立言不朽陰德陽報安有藐諸孤而隆家既沒世而榮

號

十一

號哉夫人天水趙氏殿中監武強公某之女也受訓公宮作合君子言容責於國史德行循於法度六姻之內宗焉始有輔佐之力卒延門戶之寄初公之捐館也九子呱呱哀喪位賴夫人是顧是復日就月將徙宅依仁闕門成訓三十年內八子登朝廷競虎綬之華門接魚軒之軫某年月日封梁國太夫人景龍二年五月七日終於長安之延壽里間者遭家遷播几筵靡託而今蒙國昭洗情禮獲申以先天元年十月二十五日合葬於少陵原禮也第二第三子夫人在堂而沒長子第八子在殯而亡今並列於塋兆用嘉魂魄長子故兵部郎中徵中子前武衛將軍泚承懷徽烈思勒銘頌郎中昔

嘗緒言意感延州之許將軍今復哀託情深舊館之悲高跡難名短詞莫逮采諸故老恭存梗槩其詞曰

昂昂楊君 秉心泉懿 大河靈岳 含光毓粹

學妙妍精 文道逸思 行為時範 言為故事

存蘊令德 沒揚虛位 善慶克家 哀榮乃備

嗣姑稱妣 敬妻曰冀 復有母儀 千載一致

貞墳七壟 同封此地 芳烈悠哉 金生碑字

贈廣州大都督馮府君神道碑

夫積德垂裕之謂仁追遠揚名之謂孝仁則慶鍾厥後孝則榮及其親嘗三復於斯言今於馮府君見之矣府君諱君衝其先長樂人也釋趙歸秦本家上黨分燕徙

號

十一

越又據高良自遠祖榮懷化侯業以至于大父贈荊州都督益先考高州使君智斌咸以勳績建旗本郡甲兵雄於一方政化達於千里君蘊含^①光大之德守冲默安貞之志秉難進易退之操詣希聲若訥之道為而不有故物譽難得而稱靜以居常故世榮無由而及以聖^②之歲終于本城子幼家艱喪禮蓋闕夫人麥氏備母師之六行履先姑之四德處順思柔以成婦道及衛亡共伯而魯重敬姜誓以汎舟之詩遵其闕門之禮季子今冠軍大將軍右監門衛大將軍上柱國渤海郡開國公力士始自齟齬來儀上京既違徙宅之歡爰從倍年之訓感三州之深義易百代之因生捨馮亭之本枝從

高溪之令族千秋仕漢遂去田宗隨會在秦別為劉氏
遇風雲之感會承日月之光輝茅土答其勳庸貂璫寵
其忠信太夫人踰越嶺嶠就養高堂孝子展白華之勤
慈母欣綵衣之貴精誠所感振古難儔噫歎資孝為忠
隱心後動引桑霍之深誠慕金張之周密敬以衛主愛
以安親而善不彰官不遂者未之有也由斯言之則哀
樂存乎心不以至音改禍福惟所召不以偏覆及詩云
魯侯燕喜令妻壽母明神勞善人而壽其母也夫人以
開元十七年享年八十有七五月十二日壽終于京兆
之來庭里舍天子悼先賢之晦德嘉侍臣之克孝思賙
秘之未崇愴窅窅之將及於是詔贈先府君潘州刺史

三

三

備禮節終招魂合葬是歲也大享宗廟徧謁園陵錫類
之恩施于卿士重贈府君使持節都督廣韶循康等一
十六州諸軍事廣州大都督夫人受邑舊邦啟號南海
從夫加贈改封越國夫人哀榮備于始終寵光洽于中
外為子之道何以加焉於是與兄左衛中候元璉左領
軍衛郎將元珪等惟舊業之難名感新恩之荐及思建
碑表以永芬芳夫毓至德以庇後嗣仁之厚者也揚令
名以崇祖考孝之大者也仁為五常之先孝實百行之
首貫經教而莫比標人倫而獨出宜其鏤美金石式旌
墳隧無忘清徽昭示來葉何必會稽江上獨有紀孝之
碑安陵廟前空傳尚德之頌其詞曰

明珠紫貝 產於南國 代所珍兮 允矣君子
不耀其德 克全真兮 慶流我後 高躔迴嘉
中貴臣兮 朱輶象服 寵及泉路 榮其親兮
孝道不隕 勒銘表墓 留芳塵兮

張說之文集卷第十六

三

十四

九

張說之文集卷第十七

碑

都督郭君碑

王公神道碑

撥川郡王碑

唐故高內侍碑

大周楊君碑

左果毅葛公碑

贈涼州都督上柱國太原郡開國公郭君碑奉

敕撰

四序平分清秋之氣勁五方異俗崆峒之人武故隴上多豪山西出將其有雲龍感召星象特生金鼓登壇隱如敵國麾幢指塞自比長城得之於太原公矣公諱知運字逢時其先太原著姓今則晉昌人也本平文王之

子是為號叔號或云郭因而氏焉自燕昭尊隗以築宮漢祖封亭以列國其侯於陽曲宅彼太原舊矣亭之(五)孫友從太原徙隴西昭帝分隴西置西平郭氏又為郡之右族友之昆孫武威太守憲憲之猶子散騎常侍芝俱有名跡見於魏晉則晉昌諸宗散騎之後也爾乃一門連譽時人號曰三儒四海齊名天下謂之八凱光祿派分於馮翊廷尉世茂於潁川孝則天錫釜金忠則帝章寬服仁則獸猛不害信則童兒不欺豈直介休見有道之碑洛陽聞立德之傳而已曾祖欽瓜州大黃府統軍上柱國祖才朝議郎瓜州常樂縣令上柱國父師朝散大夫上柱國贈伊州刺史積鹵之地戎馬生郊業戰

闕而(六)勳任州縣而為達啟莫京之絲福不在於其身積無聲之善慶必流於後嗣公太白之精雷泉之靈鷹家之禎為國而生身長七尺力能扛鼎猿臂虎口虬鬚鶚瞬射穿七札劍敵萬人子卿路逢遙識將軍之相唐舉一見足辨封侯之骨解褐以善戰授昭武校尉秦州三度府左果毅以敗敵北庭加游擊將軍沙州龍勒府折衝兼右金吾郎將瀚海軍副使尋加朝散大夫伊州長使伊吾副使以軍累破虜即授其州刺史進當軍經略使朝廷以未愜前除且有後命遷本衛中郎將仍舊為州軍使默啜之寇北庭也公奔命解圍軍聲大振加雲麾將右武衛將軍封介休縣開國公食邑二千戶開

聖

元二年吐蕃入隴右掠坳牧公兵以奇勝寇不復蹤積甲山齊而有餘牧馬谷量而未盡歸功廟算朝議多之拜右羽林將軍持節隴右諸州節度大使兼鄯州都督河源軍使鎮西陲信國之藩屏坐北落亦王之爪牙故大奉期門而出分閩寄於是料敵無備閒其師老潛軍三舉大俘九曲鏢甲文劍焚馬犛牛既獻戎捷遂頒朝賜乃兼鴻臚卿攝御史中丞改封太原郡開國公加前食邑三千戶執憲總軍典屬乘障增爵益邑遇厚恩深俄而六州羣胡相率大叛命公統隴右之騎濟河曲之師鋒鏑爭先玉石俱碎拜左武衛大將軍授一子官賜金銀器百事雜綵千段班師臨洮遺茲虐疾嗟乎匈奴

未滅宿志不申生也有涯死而猶視開元九年十月二十二日薨於軍舍春秋五十有五蕃夷邊鎮血面椎心悲慘風雲號慟山谷豈非良將視人如子人亦視猶父乎皇帝憫焉詔贈涼州都督米粟五百石錦帛五百段命都水使者張景佚備物護葬遵朝典也惟公氣猛而性和量寬而精銳沈謀可以掩蒼蔡雄斷可以奪鬼神故常精柏韜鈴芻狗風角然其樹恩結信立威用武烜赫如風濤震盪如雷雨戰必克攻必取每有奏謁帝特稱歎孝文之得魏尙虜不足憂太祖之見郭嘉知成吾事前後錫錦衣寶帶文馬素女爛其盈門長鳴在殿感知己之主陳必死之力皇情西顧則九羌鬻鼓詔書北

聖

三

伐則六狄焚旗上成聖君之鑒下效武臣之素節其竟也如此夫為人子立廟致敬祖考來格不亦孝乎為人臣恢疆禦侮以勞定國不亦忠乎若然者歸義方於先人揚名於後代可也嗣子英傑起復定遠將軍左領軍衛翊府中郎將假紫服金章河西節度副大使英奇朝散大夫前尙葦奉御英協遊擊將軍前京兆府勵行府右果毅都尉英彥朝議郎前左衛胄曹參軍等咸善居喪而過哀或從王事而奪禮則知辛賢父子繼位將軍祭形兄弟並參師律去本不戀達也而新是謀權也嘉此武功創其宅兆以十年七月葬我公太原夫人燉煌索氏耐焉禮也皇上念功以惜逝厚終以遇存有

詔詞人為其碑志介士送葬卽封征虜之墳單于入朝當祭度遼之墓銘曰

航航將軍 雄略冠羣 平西征北 震戎懾獯

亭障卧鼓 屯田饋軍 仗此白刃 致彼青雲

郭侯宴喜 既多受祉 ⑤ 牡蔽衣 清廟蠲祀

鼎食金奏 炮鼉膾鯉 既來不庭 有嚴天子

流沙博望 羽林飛騎 河曲迴兵 臨洮舊址

手握金節 魂沈玉帳 千里送喪 三軍悽愴

詔葬禮崇 恩碑義豐 生為神將 死為鬼雄

身世一滅 榮華萬空 祁連之墓 長旌武功

右羽林大將軍王公神道碑奉 敕撰

聖

四

維大唐開元十五年閏九月二十三日庚申右羽林大將軍持節河西隴右兩道節度營田九姓轉運十副大使兼赤水大使專知節度事攝御史中丞判涼州都督上柱國晉昌伯薨于鞏筆亭故也夫事君效命之謂忠殺敵榮親之謂勇于星龔月之謂氣逐日拔山之謂力有一於此名猶蓋世矧兼其四人何間焉是晉昌所以錯落將星崢嶸山岳者也公諱君奭字威明瓜州常樂大也父壽因公建績致位九卿臨難守死褒贈特進審塞翁之倚伏達矇瞍之浮休老而益壯沒而立名者矣公威聲發於雷泉武毅標於峒嶺小頭銳上猿臂虬鬚龍劍摧百勝之鋒蛇矛得萬人之敵拔自行陣果有呂

蒙之才拜於壇場不無韓信之用始仕鎮成厯班外府及郎將中郎至軍副率雖驟移官守而恆在壇場郭知運推轂河源握符隴右公未登一命事主將之旌麾不出十年代總戎之節鉞慷慨之士以為美談於是自驍衛將軍遷羽林大將軍既督隴右兼統河西綰塞垣之十軍佩節制之兩印大田多稼而屯廩百億蒐乘籍馬而鐵騎數萬迺踰赤山焚罽幕獵青海驅犂牛哨鳴則七戎辟易烜赫則千里震動亭候恃其長城廟堂賴其神將月獻戎捷歲行軍賞王侯無種屠狗起於將軍戰伐有功爛羊超於都尉前後翻飛幕下奮躍行間跨軍典郡腰金冠玉者數十百人矣每至入朝奏謁升殿論

卷三

五

邊山川險易立成於聚米攻守方略一決於前籌遙詔置兵先合漢光之旨新書從事暗同魏武之心故得延譽上騰風雲鬱其氣色恩榮下達日月供其輝光當斯時也躊躇攘袂三垂可以氣壓百蠻可以力制卽敘者老生之常談和親者豎儒之怯計安足為神武非常之主道哉誓請先拔犬戎次繫獯鬻盡區域於西海闢郡縣於北荒燁皇靈於天外圖壯節於雲閣其事如果曠古未儔惟君知臣保斯言之可復何神與善負厥志而無成是秋八月吐蕃犯邊瓜州失守盜憎吾將執致其親公以為背父立威非孝也頓兵從敵非忠也大義逼而忘家方寸亂而供國其定計也成列而出討賊盡狄

而退殺身忠在孝先將之道也公馳驅要謀而回紇內叛以八九之從人當數百之強虜然猶慙懣擊射殺傷略半掌孤兵盡流矢橫及所謂仆而餘威折而不撓矣嗟乎嘗膽之憤空結噉肝之怨莫讎天子聞之黯然興歎人言以命許國夫豈忘其言哉苟收必死之忠焉問不虞之過至矣蓋聖主推仁恕於天下懸大信於後人愛欲其生懲晉侯再克之喜惡傷其沒抱秦伯猶用之誠婉獨見之端豈常情所逮謀臣飲恩於望表猛將感德於事外然後任人之固眾可知也乃下詔追贈荊州大都督禮命窳窳加常二等死事之經也公之伉儷曰武威郡夫人夏氏韓母築城之智孟光舉日之材拔棘

卷三

六

解圍三軍懾其健婦崩城慟哭四海傷其孝妻此又問代之一奇一家之兩絕者也嗣子尚衣奉御承榮天獎賜蘭星祥名寶禮義形於橋梓哀戚過於縗麻稟訓惟堂克持門戶特奉恩旨收其二蔭飾柩玉關歸魂上國以十六年十月詔葬於萬年縣見子之原鹵簿齊列方相雙引京尹護喪史官頌石千乘送葬觀驃騎之威儀十里開塋識龍驤之邱墓銘曰

合眾在仁 正兵維義 將為天目 國命所寄
曲乃老師 輕實兒戲 安我封略 才難不易
赳赳將軍 貌貅絕羣 超騰白地 鶩翥青雲
朝盛勇爵 家榮戰勳 眾聲飛譽 帝曰予聞

子聞伊何	甲兵繕肅	屯積萬庾	馬量百谷
甘心犬戎	指掌樵鬻	大畢當趾	單于可掬
壯計先達	王師未張	城隳孤塞	寇及高堂
忠先孝後	取敵而亡	外仇易復	內變難防
克日將戰	呼天不假	岑彭詐客	張飛帳下
流鎬何人	交錢去馬	蒼黃反覆	哀哉命也
美殮姑臧	寵歸芒陽	東都門外	南登路旁
高墳纍纍	列樹行行	父子同兆	何殊故鄉
詔刻金石	儀形意氣	隱善必書	殤魂不諱
事奔忠在	生輕節貴	嗟爾明靈	銜恩永慰

撥川郡王碑奉 敕撰

琴

七

珠玉無遠而登輦輅之飾寶也松栝無幽而入殿堂之構才也物貴其用人亦如之撥川王論弓仁者源出於疋末城吐蕃贊普之王族也會祖贊祖尊父陵代相蕃國號為東贊戎言謂宰曰論因而氏焉公有由余之深識日礪之先見陋偏荒之韋毳慕上國之衣冠聖二二

年以所統吐渾七千帳歸於我是歲吐蕃大下公勒兵境上縱謀招之其吐渾以論家世恩又曰仁人東矣從之者七千人朝嘉大勳授左玉鈐衛將軍封酒泉郡開國公食邑二千戶周語曰犬戎樹敦守終純固今其俗獷而輕死其法折而不撓故前代無降人中土無僮僕自公拔身向化首變華風澤路之間始見戎州矣若夫

河南胡苑坳牧所利每歲冰合虜騎是虞中軍必謀於元老亞將固選於時傑神龍三年以為朔方軍前鋒遊奕使景龍二年授左驍騎將軍開元五年兼歸德州都督使皆如故八年遷本衛大將軍改朔方節度副大使公之理兵也堅三革利五刃偶拳勇齊足力信賞罰分甘苦六轡如手千夫一心接獯獫猶蚊蚋卧沙塞如衽席薦居露食垂二十年雨畢而成師冰泮而休卒寒氣入於肌骨夜霜出於鬢鬚人不堪其勤公不改其節韓公之建三城也公洗兵諾真之水刷馬草心之山以為外斥而叛徒安堵鄭卿之和默啜也公授館李陵之臺致寶光祿之塞以為內候而賓至如歸九姓之亂單

琴

八

于也公四月度磧過白樅林收火拔部帳納多真種落彌川滿野懷惠忘亡漠南諸軍蹙其計也降戶之叛河曲也公千騎奮擊萬虜奔走戡翦略定師旅方旋而延隨蹶跌復相嘯聚上軍敗於青剛嶺元帥沒於赤柳澗公越自新堡奔命寇場羸糧之徒不滿五百凶醜四合眾寡萬倍公殺牛為壘噉寇為餉決命再宿衝潰重圍連兵躡踵千里轉戰合薛訥於河外反知運於寇手朔方諸軍壯其戰矣研摩之奔也邀於黑山口覆其精銳市惠之背也追至紅桃帳掩其輜重乳泊之會刺蘭池之狂胡本盤之役縲方渠之逋寇凡前後大戰數十小戰數百算無遺策兵有全勝是以六狄逃遁三垂又

聲暴露於天下業光華於代載信皇威之所加亦武臣之力也故錦衣寶玉允答戎功甲第良田丕承錫命語其智效未甚優寵黃頭黑齒比價齊名積載多瘡累勞生疹恩命尚藥馳往診之晉暨已深秦醫無及十一年四月五日薨於位享年六十制贈為撥川王稱故國志其本也太常議諡曰忠由舊典昭其行也長子盧襲官封繼事業次子舊久特拜郎將十二年四月詔葬於京城之南懷遠人也大路鼓吹介士龍旆虎帳貔裘封禪殉馬吉凶之儀舉夷夏之物備長安令總徒以護事鴻臚卿序賓以觀禮哀榮之道極矣君臣之義厚矣有命國史立碑表墓吾嘗同寮敢昧遺烈銘曰

黃河接天	青海殊壤	舉世安裕	拔俗誰放
倬哉論侯	利有攸往	奮飛橫絕	搏空直上
以眾款塞	因敵立勳	吐蕃萬戶	吟嘯成羣
精感天地	氣合風雲	旣封酒泉	乃位將軍
朔方陰塞	直彼獯虜	帝命先鋒	闢如虓虎
山北加電	漢南擊鼓	十數年間	耀國威武
我有師旅	將軍鞠之	我有邊毗	將軍育之
柳澗亡師	一劍復之	蘭池叛胡	三戰覆之
武節方壯	朝露不待	王爵送終	宿恩未改
時來世去	人物如在	銘勳諡忠	以告四海

唐故高內侍碑

孝足動天義堪變地河中見三州之姓炳彼精誠南亭聞再逢之母彰茲奇事不有陰德曠代誰鄰內侍高延福者將軍力士之慈父也粵自西雲干呂東明銜璧以亡王之族處巷伯之官而將軍本系馮亭代家南越未知父母來奉宮闈老而無子曰悲幼而失親曰苦調之悲者笙磬異器而同音貌之苦者秦胡別狀而其色從此斷金合要投漆相受承順無違日嚴生乎本性仁慈匪節天屬由乎自我父子之名既定姓氏之目因移大將軍之家去鄭而取衛平原侯之室變郭而從甄亦猶是也既而內侍以鴻漸登朝苒蒨朱紱將軍以龍樓得主豔耀金章其訓子也温室之樹無言車中之馬數對

其事親也三牲有養志之樂百行無匪疾之憂至矣哉高氏之子也以思親之願而展親以欲報之誠而報德神明翕而哀懇荒裔竦而慕義乃有傍求聖善提挈炎洲三紀積離萬里遙至音容莫識涕淚茫然驗七星於子心認雙環於母臂而後深傷頓感若墜谷而登天蘊怨都除類愈矇而親日於是盡歡二媪兼敬三人均養之恩咸不寐於十起反哺之志齊色難於一堂羣公賀虞潭之親天子歎馮勤之母此復然矣內侍事主四朝厯官七政專良恭肅著美綸言冲謙儉讓得名朝列年六十有四開元十二年終於來庭里明年五月葬於長樂原糴子力士喪孺慕而加等葬罄誠而備物義方之

結一盧宋氏贈餘錄

經鬱為稱首孝德之傳今見其人永維先恩追綴餘烈
若夫慈羈旅之稚童仁也約詩禮之尊教義也貴不居
而要避權禮也生推心而死有託信也仁為德本義為
行先禮為身宅信為意田故仁之報也壽義之報也樂
禮之報也安信之報也順履順居安乘樂享壽此四者
生人之偉事自求之深致者矣於戲領賜冠馳寵勢偃
蹇谷上煜燿君傍者豈不思景行高山慎視前轍如或
少選亡禮顛沛違仁瞻言四報咫尺千里揚芳樹淑其
不難乎予固春秋之徒也懲不濫而勸不僭義重天綱
孝崇人紀樂諄諄之成訓善哀哀之克子不著倚相之
書將受邱明之恥九原上千月深覽碑版傷知音有以

鑒

十二

見古史之心也銘曰

高堂樂未散 重壤哀已辯 寶帳吹靈衣
金尊照塵席 苦長夜之易泯 怨寸景之難惜
刻義聲與孝心 萬古千齡傳此石

大周故宣威將軍楊君碑 并序

公諱令一字令一太州仙掌人也隋司徒觀王之^玄孫
周孝明高后之歸孫今司衛卿之元子維有隋接三統
建萬國我高祖以同姓為王維皇周敦九族叙百官我
諸楊以外戚而貴公體^玄黃之純粹承河山之丕緒孝
乎內炳忠焉外均性與天和道合仁愛收恤孤老分產
疏屬泰於周施約於妻子加以樂善而好學降尊而容

結一盧宋氏贈餘錄

眾能辨樂和思柔酒德容止可度溫溫如也文章可觀
彬彬如也淵英皎穆當世碩士與之遊焉而曰君子若
夫漢魏舅族有恩澤之封公卿門子有良家之侍公浮
雲世祿匪石儒風究乎王道之紀綱明乎人事之終始
年十九舉進士高第授潞州參軍轉千牛胄曹遷洛陽
尉從班次也居無何拜朝散大夫行通事舍人俄而加
大中大夫檢校天官員外郎夫行人之在周禮方國是
接公修其政令帝曰余嘉郎官之著漢儀列星是應公
司其典故時稱邦則國家左賢右戚一文一武以公地
望羽儀寄深虎旅除宣威將軍行右衛翊府郎將僂俛
從事非其好也初公時為郎也遼戎悖虐作患幽冀皇

鑒

十三

上噢咻下人故我有神兵之役選達權靡監之吏佐猛
毅維城之師乃下制以公為兵曹焉有密贊軍政獨飛
長策豈云卒乘輯睦戎機式序若此而既哉俾雷霆騰
動剿慝殿邦威^玄菟懷黃龍馬未汗而狄盡人未疲而
兵戢者公與有力也及班師振旅冊勳踰時帝用咨有
司之違古念有功之未祿將迂德命濡多勤有日矣方
當翼大化增三光之明熙天秩垂九德之聲昊天不惠
厲氣流行如何斯人胡不眉壽年四十一^聖元年夏
六月辛丑遘疾而卒嗚呼哀哉梁木未施子道不究呱
呱稚嗣仰號蒼穹哀哀嚴親惴惴臨淵谷遐邇察舊暨乎
欽風未識之徒罔不盡朋悲而輩欷矣天子憫焉弔之

以玉冊贈之以錦衾羣公傷焉誅德於素旆圖休於青
史粵乙卯假葬於合官縣平樂鄉之北阜郭門十里邨
山西崗巒萬古之阡都邑九原之地隧寄新隴魂懷故
域貌是請孤未遑歸葬平生志事孰已焉哉厥弟五人
比才連譽曰踐一獻一循一惟一尙一等因心則友世
稱萬石之閭門死喪之戚吾見伯淮之兄弟僉曰我圖
後事日月除乎哉龜云此地陵谷居乎哉乃布哀友生
託詞懷舊跡德表墓示之來昆其銘曰

洪河南注 少華西峙 氤氲靈會 生此君子

生此君子 維國之紀 宜慈惠和 禮樂文史

敦錫宗類 汲揚燬否 勤然濟物 若不由己

卷三

克明從訓 誕敷厥美 修詞北闕 潤色東里

揮翰文昌 列星順晷 交戟禁衛 為王爪士

允武允文 翁歸是比 疇曰禦寇 諗軍北鄙

攘狄黃龍 濟師蒼兕 將王[○]默 繫公是恃

帝懿乃勳 將圖撫仕 仇仇執憲 不我力以

役役大勞 未受多祉 景命無祿 洪基中圯

父兮葆鬢 孤兮稚齒 孔懷靡及 凡伯萃止

陟彼邨山 邱墟歲磧 荒草無際 羣哀所起

于嗟揚侯 託居此矣 洵滃縣曼 德音不已

久客思鄉 永懷桑梓

元城府左果毅贈郎將葛公碑

公諱威德字某曰葛氏京兆涇陽人也其先贏姓咎繇
之後夏有葛伯氏族興焉[○]陵之傍向傳侯國綏山之
下獨有仙祠嬰則威服五城襲則績稱二縣鴻臚秀於
吳會散騎崇於晉景在其子孫是宜繁羨公生而開朗
長而英拔非因馬鄭之學動合禮經不待孫吳之書暗
同兵法有拳勇尚氣槩顧眄稜華風神都爽五馭善於
東野六射勁於西霜少以嫖姚之才入充供奉之選御
橋驂駕犯清蹕而不驚輦道啼鳥應鳴弓而自落便蕃
左右星歲重深賜上柱國拜元城府左果毅天下大定
李廣之用無施雲中薦賢馮唐之言已老春秋六十五
神功二年某月終於洛師藁殯邨阜夫人太原郡王氏

卷四

十四

夫人郭氏實生大將軍福順一見聖主再紐乾綱重位
冠乎北軍茂功藏乎南史故象服臨祭魚軒以朝天子
深嘉歎馮勤之母羣公列拜賀虞潭之親享年七十五
薨於京兆之三真里公愛敬奉親軌則移於後代義方
訓子福賚及於先人葬有日矣乃下制曰禮著節終情
惟悼往詢諸前烈抑有舊章前左羽林軍大將軍葛福
順父某守其謙素[○]此藝能未展才術奄從周殞而嗣
子克家式昭勳業既念功以追遠亦自葉而流根宜申
獎贈俾慰泉壤可贈游擊將軍守右驍衛翊府郎將開
元九年二月九日葬我郎將君前夫人王氏後夫人郭
氏祔焉禮也章帝以襪輅旗在列廟食備其牲牢法葬

結一處宋氏續餘書

陳其蕭鼓孝慈之道著矣哀榮之禮畢矣尋彼平生之事忽如絕光繫乎碑版之文永存遺烈銘曰

經經都尉 角立傑豎 神銳玉劍 氣雄金鼓

六藝爰設 射馭為武 百行雖名 忠信為主

時不兼命 位不充才 善流慶答 身謝榮來

太原棣棣 實惟嘉偶 羽林桓桓 克大其後

張說之文集卷第十七

五

五

張說之文集卷第十八

碑

廣州甄公碑

豫州魏君碑

刺史徐府君碑

鄭府君神道碑

陸公神道碑

唐故廣州都督甄公碑

君諱亶字道一中山無極人昔胡公紹舜奄有大邦楚子縣陳逃威樂土當烈王之王也有陳通奔周王以為忠將美其族言舜居陶甄之職命為甄氏錫姓因生如堅之讀形聲轉注以真為音處則稱劉明歸晉者以異變而為郭蓋承號者有馮通之稱耶仕漢為太保大司

葉

馬承陽侯即十六代而生鸞仕齊太山太守司隸校尉無極縣伯撰笑道論行於代鸞生隋汾州刺史族生隋沁州刺史紹生隋新市令協協生單于大都護府錄事參軍贈宋州刺史封惟祖惟曾在商在夏世濟其美永觀厥成君即宋州府君之第四子也博綜經史脫略流俗情之所遺對咫尺於千里氣之所重輕百金於一諾日與日比階應劉之闕奧或草或真藏鍾張之筋骨譽滿鄉曲聲聞闕庭天后臨朝再加辟命皆辭以親老不赴逮疾革易篋骨立廬墓復有制徵馬刺史獨孤莊率府僚敦喻起於墳左乃授左金吾中侯生盡其養豈違親許人沒盡其哀方委身徇國或用或舍有以見

結一廬宋氏張餘慶

大君之仁時止時行有以觀大孝之節君臣之際其遠矣哉尋除左千牛長史檢校武始軍長史攝右臺侍御史兼靈武道行軍長史攝右屯衛郎將副臨洮軍使轉右驍衛右郎將為臨洮大使拜蘭州刺史兼榆林臨洮等軍大使除夏州都督兼鹽州防禦使徵授幽州都督衣之以紫攝御史中丞為河北軍州節度大使君政成周月惠則在人患是緩風表以去職未幾復除夏州都督屬山戎矯虔倣擾王略兵落天上思迴行以出奇虜墮計中守便宜而未進時以為逗留貶撫州刺史朝廷明此舉也未到官遷廣州都督兼嶺南按察五府經略討擊使春秋五十有七開元五年七月二十八日終於

葉

官舍以年月日歸葬於恆陽之王公山南原不忘本也君三承辟命再攝憲曹八典戎旅五司藩翰事之去就所歸必執其中職之高卑為政各當其選觀夫果於事喻於義下學而上達強立而知類畏克厥愛道無常師有商也之文有求也之藝習禮必本飾之以精華積行必崇茂之以枝葉以此探賾則投刃皆虛矣以此效官則操刀必割矣是故羣士之所執掌而君之所綽約常情之所戚戚而君之所蕩蕩由是言之槍榆之與海運鳴琴之與星入從可知也惜其志懷慷慨雅多大略援桴作氣有七縱之能孤劍無前當萬人之敵竟不得橫絕漠騁雄算刮狼望之稜鏡乎太清卷瀚海之波靜而

結一廬宋氏張餘慶

可掃駸駸之足受駢騏驥之途堂堂之貌不畫麒麟之
閭彼哉有遺恨矣其孤某等望兮不至求兮不得永懷
揚名庶慰罔極銘曰

有鰥在下 陶復河濱 元女作合 相攸于陳
楚為不道 祚以永淪 周寵忠節 氏以初因
丕惟承陽 致君論道 施及無極 建家載考
彼汾彼沁 伊時之寶 宰兮牧兮 亦孔之好
積慶潛演 俊乂挺生 標格磊落 氣志清明
八司戎事 厥謀有成 五刺方伯 厥政有聲
山有杞梓 工思其度 國有孫吳 君思其略
弃德珠浦 遺氛沙漠 借哉不當 今也可作

三

恆岳臨北 滹沱注東 仁不志本 孝亦令終
壽堂盤薄 牧子充窮 勒美松隧 穆如清風
唐故豫州刺史魏君碑

公諱叔瑜字思瑾曰魏氏鉅鹿曲陽人也考太師鄭文
貞公致君皇極配神清廟故祖德胄系敘於太宗之先
碑矣公生育慶緒天然炳胎教之姿少長德門日用成
躬率之化性盤於孝友習狃於禮樂俛仰中則從容蹈
道加以專精好古旁通多藝聖人之所志聞一而反三
君子之所能舉十而知九與同生璘琬知名當代始以
門資補左千牛轉洛州司兵司議郎職方郎中太子洗
馬出為懷州長史歷慶慈儀豫四州刺史春華華於兩

宮時雨零於四郡觀風之使所在聲聞變雅之老到今
遺詠其年春秋五十有一終於豫州葬於舊域夫人太
原王氏附焉禮也議者以公不避強禦有昭子之政事
不為皎厲有康子之隱德虛己尚賢有文侯之樂善重
諾分急有信陵之高義人鮮有一況兼四乎公賦入封
君妹歸帝子車馬無戚里之盛衣服有儒者之節儉而
得禮富而無驕此蓋奉先之素履也公善於草隸妙絕
時人以筆意傳次子華及甥河東薛稷世稱前有虞褚
後有薛魏此又貽訓之餘美也嗟夫嗟夫公學埒向歆
操齊固變若天假三壽朝登六事則鄭之桓武可尋漢
之韋平一揆而年近知命位止方州落鵬翼於半霄負

三

天之力莫展頓龍媒於局路追風之勢斯畢九原不作
誰將與歸二子獻華追存先德俾子作頌以慰罔極銘
曰

昂昂豫州 毓粹含道 欽若古訓 思文烈考
於穆烈考 維國之師 公承丕構 思皇纘之
發軔臺閣 風流榮問 建麾千里 澤霽四郡
位未充德 命不遂才 彼蒼孤善 謂之何哉
子孫必復 邱封永久 穆如清風 振芳厥後
唐西臺舍人贈泗州刺史徐府君碑
敘曰經天地揭日月文之義也掌邦籍出王命位之崇
也本乎言行君子之樞機成乎易簡賢人之德業則徐

公其人也昔公奮明哲之姿當高宗之盛天保定俊
又用彰而光耀天臺雲飛綸閣文敏以暢機務稽古以
析嫌疑禮樂政刑擇三代之令典典謨訓誥有唐虞之
遺風較然於庶績者可得而聞也其嘉猷讜言沃心造
膝滋液內潤精微外密混成於元象者不可得而聞也
公諱齊明字將道姓徐氏東海邾人也遠祖偃王基仁
義於上代嚴考孝德濟^①美於近世公始以^②文生通
五經大義發跡曹王府參軍右千牛兵曹潞王府文學
崇文館學士兼侍皇太子講又芳林門脩書於時中朝
碩老下國英雋皆忘年請交不遠來謁望其路者若晨
風之赴北林得其門者如眾山之仰東岱公不樂趨競

嬰

五

雅尚退謚深以椒房之家聲名太甚求為外職出宰桃
林未下車敕改沛王掾終歲選擬司績員外司議郎並
不就乞補雲陽令到官累日^③除司城員外郎乃遷西
臺舍人其為政也如始云爾初公幼而殊異八歲工文
太宗聞其聰明召試詞賦賜以佩刀金鞞稱曰神童及
中年高宗嘉乃道優悉命皇子受業許謨帝采許以國
鈞故公備更潞沛豫諸王侍讀上之在周邸也公嘗來
誨詩焉夫然集虎觀之書承龍樓之問二宗之代矯首
辭林四王之門從容經席非有海山之藝溫良之德儀
形以孚柔嘉維則其孰能發揮聖智啟迪天人者乎咸
亨元年出為蘄州司馬二年坐事徙於欽州君子大守

道而小守位污隆隨時屈伸以義亡令尹而不愠失司
寇而遂行蕙蘭敗不為不芳日月蝕不為不明古務忠
信何陋蠻越優游欽江歲餘而沒春秋四十有三惜乎
不登宰衡以平天下天夭是瘵命也歟既而慶隆嗣子
返公孫之柩德施後王拜先師之爵上元三年某月歸
葬於少陵原中興神龍元年贈泗州刺史褒賢追遠念
道尊師聖人之禮也議者以公考果州府君高學才華
香名省闈武帝賢妃娣也大帝婕妤妹也公既高步掖
垣子又踐脩舊職同生標藻於鸞殿重世含章於鳳池
自班姬父兄文雄漢室左思女弟詞蔚晉宮悠哉三族
徐氏三矣才難不其然乎凡是好文之君賞音之士公

嬰

六

之逝也豈不慨然閱青簡而存凌雲之氣操朱絃而想
流水之屬哉厥子曰堅景龍中加金章紫綬行禮部侍
郎得以命卿之祿奉蠲潔之祀無念烈考樹之家風迺
刊石立頌將以識往行據無窮使本支百代不忘先人
之殞其名也其詞曰

王言惟令 中禁是司 帝嘉文父 曰汝宜之
終温且惠 習禮明詩 長裾傳道 大筆脩辭
鴻業潤色 ^④敬緝熙 昊天大戾 君子明夷
蒼梧啟手 涅而不淄 中興受命 逝者無追
靈符泗水 崇贈先師 髣像精魄 丕承聖期
教近子貴 榮躋父慈 學嗣三業 才俱一時

春秋孝享 霜露深思 後之視昔 斯文在茲

唐中散大夫行淄州司馬鄭府君神道碑

五岳可陟惟德也為之崇高萬物皆化惟名也謂之不朽若夫行欲蓋而德彰道無求而名立常聞其語今見其人公諱某滎陽人也華州刺史襄城公偉之曾孫蒲陽太守大濟之孫荊州刺史乾獎之子在昔周王敦序九族邦懿親於鄭維時鄭伯敬敷五教賦善職於周其後蕃衍儒門光華士族威行西域名震京師入則天子授經出則單于抗禮公揭日月表山川體二氣之清納百代之層慶越在岐嶷異於常童既以冠帶遊皆長者初以門子宿衛解褐涼州參軍轉嘉州司士又宰鍾

樂

七

離當陽二縣皆秩滿兼攝江陵期月政不改俗官不易方羣盜出奔遠人來附其所處也入境聞愷梯之聲其所去也扶路有鬱陶之恩非夫忠信以結之法令以齊之易簡以業之仁義以肥之孰能順人如此其理者乎神皇玉冊受天金壇拜洛頓綱而鶴書下闕門而羣龍至公待詔公車召議宣室自以奇士承一顧之恩許其正人參四率之屬乃墨制除太子右清道長史尋加中散大夫行淄州司馬負士元之才於是拜職遇邱明之疾從茲挂冠洛納閑居漳濱沈痼優游卒歲福應愆期豈唯朋友之哭將見神仙之弔享年七十有九神龍二年夏六月十五日終於洛陽之私第冬十月一日葬於

滎陽之原成先志也公執親之喪三年泣血以聞州里不亦孝乎先人餘業一物不有以讓兄弟不亦悌乎加以振窮紓急隱德陰施惠人由己反身待物是用氣類益親聲談載路善擊劍好投壺盡五射之妙巧究六書之體勢此蓋行有餘力則以多能位不充量天之命也有子曰博古曰傳雅曰嘉徵曰嘉慶曰嘉重生極其養沒過乎戚恭惟皇考安宅靈邱盛德備於卑位家風缺乎國史伐石他山寄哀詞客子產遺愛得無叔譽之言公業不忘實有荀攸之嘆式撰鴻烈垂之後昆銘曰大君有命 桓公封鄭 世執王政 其後不競為韓所并 以國成姓 沈水截河 溢為滎波

樂

八

荆山之阿 勝氣實多 高門峩峩 袞服委佗
猗嗟君子 世濟其美 動如義市 居成仁里
鳳集文史 猿啼弧矢 美政當官 惟人所安
救危拯越 勞而不伐 大運奄忽 芳留形沒
高隴既封 深泉又重 徑無人蹤 蒼苔歲濃
哀哀邱隴 墮淚青松

唐故贈齊州司馬陸公神道碑

公諱孝斌字順姓陸河南洛陽人也其先帝嬖啟姓陳胡立族敬仲之孫有齊國宣王之弟封陸鄉蓋命氏之所由興也秦并諸國陸氏分適燕魏文成帝時東平成王侯生平原簡王麗重世游美為國之華公即簡王七

世孫也曾祖彥昇北齊以文藝高選任祕書郎以至德表居號終孝里祖亮隋鷹揚郎將父感盤桓利貞弓招莫進同誌誅行諡為惠康孝悌仁義世不殞矣公誕靈沖和稟識高朗簡而中禮易而達節篤學勵行著實飛聲文史者宗其淵府德行者仰其牆仞舉國子明經選絳州參軍台州司法其在官也示人親其親長其長不苛察而小無廢不皎異而大有成知識日明常愴如也喪親過哀因中風廢臥疾累年不起楚邸肇封大羅雲逸雖沈痾未弭而僉望先歸授楚王府兵曹參軍實有躬降師賓之禮目擊儀形之訓府罷換趙州錄事參軍以病去職聖歷元年匈奴入趙公危邦不處盡室

樊

九

以行望河南而將濟至黎陽而疾甚年六十二月丁未終於姚村之逆旅歸殯於滏陽之郭北先天二年皇帝踐祚以故吏贈齊州司馬惜哉用公之道行公之志上可以序三光下可以平九土存則位不充其德沒則榮不逮其身命矣夫夫人范陽郡太君盧氏故岐山丞元瑾之女恭儉之德備貞信之教與妻道母儀自家刑國享年七十有六開元六年十一月丁未終於洛陽之宣教里八年五月丙子合葬於漳北之神崗禮也初歲亨中王師征遼公參是軍事友人太原王守義遇疫於海東路艱寇阻兵危勢急公獨顛沛致喪歸其井邑其在安州也朝廷以公精達法理乃命覆囚劍南梁岐冤

繫動盈千百丹筆所詳十全八九其捨生徇義返己施仁皆此類也禮莫重乎節終於是見其不朽矣善莫大乎餘慶於是知其有後矣四子伯玉仲容叔獻季良泣血銜恤視天若墜俾予作頌式昭遺懿銘曰
曠哉陸公 觀奧臻妙 文雅外炳 清明內照
從政本仁 資忠移孝 不言而理 正身作教
才何富之 命何負之 居喪柴毀 遭疾棲遲
垂彼雲翼 落此盛時 歿後榮進 終延贈寵
德之休明 位匪為重 嗟嗟千載 賢士之隴

樊

十

張說之文集卷第十八

Blank space for text in the lower section.

張說之文集卷第十九

碑銘

崔君神道碑

馬府君碑

貞節君碣

元公碣銘

平偃師碑尾

龍興寺碑

大通禪師碑

芝識闍梨廬墓碑

唐故瀛州河間丞崔君神道碑

蛟龍蟠乎沼無雲雨而不翔君子志於道無運命而不彰然則變化者是神靈之末富貴者非德行之本守其真樂其分不其至矣世有人焉君諱漪字某博陵安平人在唐為姜姓炎帝之孫也在周為崔氏齊侯之胤也

龔

一

9703

遙源長發淇河之水接於天層盤列秀太行之山拒於海東觀所以美其文宗北州所以貴其清族魏冀州刺史簡公諱纂君之高祖也齊散騎常侍諱缺君之曾祖也隋大理少卿諱世立君之大父也故祁陽令諱抗君之皇考也承百代之隆慶總五德之清道孝友忠肅宣慈恭儉好古博雅鄰幾亞聖盈而若虛漠而無象非夫入周公之廟升孔子之堂則憲章禮樂鮮得其門而親矣弱冠以門胄入國學舉進士母弟汲亦以明經同年擢第大理卿張公文瓘人倫之表也目君曰昔兩劉並舉以為騁二龍焉今兩崔齊飛可謂儀雙鳳矣搢紳景慕憧憧往來徙宅就居投刺成市若眾流之赴壑也及

結廬宋氏賡餘叢書

結廬宋氏賡餘叢書

親而仕盤桓利貞解褐澤州晉城尉降為光州安樂尉換斬州黃梅尉轉河間丞凡更三尉佐四邑體公綽之不欲勵伯夷之高操臨事以簡御人以寬雖為小政必有可觀故八使巡風再薦清白河上遺老江濱舊吏吟詠餘聲祖述前事人到於今稱之若夫碧樹煙藹於江潭紅荷藻耀於澤畔寶貝炯光於空浦美玉明潤於斷岸不為珍輿瑤輦之飾前殿後池之玩誠自得焉必將有賞心之所歎也况乎殿邦光國之寶尊俎柱石之器道為帝王師言為天下利已而稅遠駕於窮轍頓高才於下位亦無惜焉固將有知音之所歎也垂拱元年奉使上都遭疾終於時邕里之旅館享年六十有二夫人

龔

二

9707

河東裴氏湖州治中懷儉之孫滁州司馬昉之女也稟訓華室作合高門嗣徽先姑克和娣婦德容之盛圖傳罕有喪親過毀薨華朝落儀鳳中卒於鄭春秋二十有八長安三年春二月合葬於金谷鄉邙山之陽禮也北據高崗連隴南面大道禁林上國滄洲川原指掌仙門宰樹碑闕相望玄靈嘉之是安是宅嗣子曰用景龍中爵安平縣子職兵部侍郎夙遭閔凶不承誨誘慎終追遠克家用譽蒙聖主拔奇賞異絕等超倫三顧赤墀之下舉青雲之上祿廩所資吉錫致美實先人有十世降百祥之所及也夫惟官不達者身不登乎明堂行不夸者名不書乎史冊則韜光隱德之緒俾後代將何述

馬夫銘景鍾稱茂伐彼大夫之事篆豐石揚令名此孝子之志辭曰

維嶽建國 厥生炎皇 維師尚父 諒彼武王

古人言曰 必齊之美 齊之丁公 後有崔子

因邑命族 世濟其美 黃鵠倚歌 雕龍擅史

倬哉嗣武 含章挺生 以蒙養正 用晦而明

混之不濁 人莫能名 學以崇道 文以慰志

垂其雲翼 坦然卑位 祿逮吾親 榮非我仕

皇皇上帝 建官惟賢 有人在下 胡雷捨旃

孰云輔德 曾不永年 展矣邦媛 宜其家室

友如樂諧 皎如月出 重壤既兆 終天偕畢

張

北陵墳邱 松檟千秋 金碑石樓 祇令人愁

東都城郭 通澗瀟洛 飛橋連閣 金管迭作

人世之轉然兮 山川之宛然兮 德音之緬然兮

故洛陽尉贈朝散大夫馬府君碑

君諱某字某扶風人也其先伯益贊禹中衍御殿在周曰羸在晉曰趙上卿以人歸政將軍以馬服為姓緝熙乎平通重合焜耀乎伏波中水我高祖汾州刺史諱歸歡我大父鷹揚郎將諱士幹嚴考獲嘉令諱果濟美惟舊寘德於君君幼而環奇長有規操樂道稽古升堂觀奧伯父匡武撫之曰亢宗保家吾有望爾悉以先人家謀圖傳付之入太學舉明經補巴西尉內憂去職君四

歲而孤重集於蓼因心孺慕名教同傷歸次葭萌江溢毀道攀轡號慟濤為之卻蠶人哀之葺棧而濟釋服調襄陽尉主進魚家絕鱸食州將魯王俾盤二百魚時其亡也遺之夫人以辭君還拜受使復王曰非唯是夫又亦賢婦吾嘗其一得其二善焉長史盧幼孫悅是獎也舉君清幹有聞授清城尉未往且有後命為河西營田判官物土穡人藁穀洋羨皇揆其懋考績登焉程務挺之軍靈夏也咨君運籌乘遞入幕獲虜數百欲剽罄之君諫曰王者之師將德是以討叛惟武攜遠在寬搏牛之重不可破蝨未擒伏念何逞彘囚乃止師歸策勳上柱國改溫縣尉永雷阻飢廣提中外絕甘分少約己周

張

四

人既喪好迷室無嬖御夫人張氏詹事丞師叔之女也敬事皇姑能佐君子娠有胎教宗如樂諧前誌之美多所關載終郡夫人王氏則天聖后姑之女子而夫人之母也嘗曰婦則女訓吾女有焉享年不永雷髮徂落時君之伯姊歸宗夫人推居廡寢事之而躬處下室及亡設几筵於正寢惟明靈以女公之故憑巫通夢屢寢為辭舉家懇啟久而後定嚙生則盡禮死而知讓殆其神不昧乎温秩滿轉洛陽尉當周之興也版都社澤郊廟倅紛嶽僕明堂京穀回回日不暇給又敕君專總徒匠凡三百有餘旬蘊勞成疾時憂損壽永昌元年孟夏辛卯卒官春秋五十有七帝用悼之贈朝散大夫旌淑紀

結一盧宋氏族餘叢書

庸禮也龜玉在山泉為國寶以其靈與瑞君子居下位而上達以其名與義夫是之寵有由也哉葭萌之戚昭其孝也揚侯息浪異類胥感襄陽之饋識其潔也德刑於家聲聞於外塞垣之讜植其仁也眾俾賴全將不為暴重屋之役底其勤也沒而益榮朝不棄力有一於此猶為令德况備舉乎豈惟其身將施其後厥子構據擇皆國之良也為有後之其是在是乎徵構職太子僕景龍初宰長安永惟考襲朱芾已佩蔥珩母氏早逝而榮不及乃讓賜階乞封先妣天子憐之制贈夫人清河縣太君人謂長安能報恩矣詩云欲報之德昊天罔極報恩之謂也馬氏之墓世在扶風清河之喪也卜宅於洛陽

卷一

五

邱山麓後君捐館因窆其所夫人穴於兆之甲大夫寔於域之庚今龍集戊申將返葬故國君執友禮部侍郎嚴善思諡之曰夫子之逝一終八辰精氣其存親壤石矣吾嘗相二工從新其愈乎且不戀本達不合葬古神向休無或變有夢先君者與其言叶於是祇率嘉話即安成規理雙墳溝四壟傍建祠宇前勒豐碑茫茫天地永懷長畢誰居後之人匪唯是四時蒸薦之事所以觀百代祖宗之烈其詞曰

昂昂大夫 有逸其致 洽聞膺敏 朋窮錫類
 孝實迴川 清能改位 佐邑惟五 安人則四
 多稼穡邊 昌言扈帥 比義后稷 勤官沒地

結一盧宋氏族餘叢書

獻歆天朝 毳衣以遂 我有合德 追啟清河
 宜家族採 主祭神和 親戚光貴 劍蓋金歌
 相從先後 樂此山河

貞節君碣

神功元年十月乙丑陽鴻卒於雩都縣友人沛國朱敬則清河孟乾祚范陽盧禹等哀鴻抱德沒地繼體未識考行定諡葬於舊域鴻字季翔平恩人也其先著族右北平郡大父真陽宰適茲樂土爰定我居維桑與梓既重世矣鴻倜儻奇傑環瑋博達貫涉六籍百家之言其要在霸王大略奇正大旨君親大義忠孝大節而已章句之徒不之視也嘗陋漢史地理志周禮職方志時異

卷一

六

虛記心不厭焉乃攀恆岱浮洞庭窺河源踐岷衡稽四海之風俗算九州之險易與趙國貫高圖獻其議遇火焚盪天下壯其志而痛其事養徒閭里不應賓辟儀鳳中河北大使薛公舉鴻行勵貪鄙天子嘉之用真于吏乃尉汲曲阿主簿龍門零都夫其屏居十年一方化德感佐四邑諸侯觀政惜乎有大才無貴任命也初鴻遊太學有書生山東李思言物故南館鴻傷其終遠家屬有喪無主乃躬駕柩車送歸東土及在曲阿敬業作難潤州藉鴻得人歷旬堅守城既陷而猶鬪力雖屈而蹈節寇義而脫之因偽加朝散大夫即署曲阿令鴻貞而不諛詭應求伸既入邑則焚服闋門而設拒矣故得殿

邦奮旅一境賴存淮海底績答勳效功卒不言賞賞亦不及君子以為急友成哀高義也臨危抗節秉禮也矯寇違禍明智也保邑匿勳近仁也義以利物智以周身禮以和眾仁以安人道有五常鴻擅其四武有七德鴻秉其二大慮克就之謂貞好廉自克之謂節粵若夫子可諡為貞節也已於是紀名垂迹表墓勒石其詞曰

倬良士 縱自天 辨方物 敷山川 厥志大哉

峻剛節 殷義聲 返旅櫬 晏窮城 厥德邁哉

哀斯人 命莫贖 德不朽 温如玉 軌來世哉

唐故處士河南元公之碣銘 其字子將作少西行冲撰

嗟我處士 煥炳其文 精微天象 與道為鄰

七

類乎萬化 於三十春 在昔薄葬 時服幅巾

厥孤克孝 永懷遷神 君其心之 無違返真

乃建豐碣 追揚茂塵 王門公路 豈微朱輪

天才海學 於何窶貧 心焉有主 孰知我艱

烈烈皇考 求仁得仁 哀哀王母 斯恩斯勤

李虔報養 王褒感親 退居更命 喪禮終身

忠為令德 孝實至純 一門二善 千載不泯

平偃師碑尾

粵以長壽二年十月十七日改定於衛縣苑樓之西北原夫令德所麻餘慶未也神龍紀皇運中興天子嚴祀清廟緬懷前哲乃下制曰朝議大夫守衛王府司馬

上柱國平元脊父故偃師令某公門襲慶士林成則名教羽儀道德泉藪輔仁宜國早謝昌辰積善洋溢垂休茂時光祀夏慶屬配天錫類之恩俾覃於卿士哀榮之典宜旌於泉路可贈蒲州長史君子謂成其子而植乎身義方也愛其臣而及其祖孝理也孝以行惠惠以察忠義以立慈慈以昭順君臣父子於是型焉

唐陳州龍興寺碑

觀夫廣大無相者虛空也四輪倚之而住精微無體者佛性也萬法因之以生聖人有以見三界成壞皆有為設故剖之以戒背聖人有以見六趣輪迴是無明網故決之以定力燦寶光之慧炬而沛善利之慈舟返迷路

八

率於中道荷橫流登於彼岸以言乎真實之要總攝一乘以言乎天地之間曲成萬物大矣哉道心包舉等太虛而無際法教流通彌曠劫而常在則有乘如來方便出應化門用大士因緣處帝王位俾庶類咸若謂之光宅天下令眾生修善名為莊嚴佛國龍興寺者皇帝即位之歲溥天之所置也唐祚中微周德更盛歷載十六姦臣擅命伯明氏有盜國之心一闢提有害聖之迹皇上操北斗起東朝排闥闔運扶搖張目而叱之殷乎若震雷發地歛虢翕響以克彼二凶赫然若太陽昇天晞照仰象以復我萬邦返元后傳國之璽受光武登壇之玉尊祖繼宗郊天祀地之禮既洎修舊布新改物班瑞

之典又備乃考出世之法鼓大雄之事入無功用之品
注不思議之方一光所燭庶兆為之清涼一音所宣大
千為之振動雲蒸風靡不崇朝而壞衣涌塔徧天下矣
陳州者上古太皞之墟近代睢陽之地置守則列為郡
封王則建為國本其風俗豪侈靡麗舊矣翻東門之下
接袂成帷觴苑邱之上炫服成市信豫章之郊一都會
也刺史南陽韓府君名琦其為邦也勝殘去殺聖主之
得賢臣別駕彭城郡王名隆業其從政也能肅而恭高
陽之有才子長史南陽張齊賢儒林之選也司馬河南
雲盈公族之良也士曹從事八人錄事參軍于璆為稱
首六屬官人二十五人宛邱縣令崔脩已為稱首或以

卷七

九

藝榮或以門進高車一轍美利同人禮舉刑清於是乎
在因邦甸積稔之蓄偶日月再旦之初欽若王言建立
靈寺上略其趾下務其終百工不勸而亟庶役不徵而
會經始如雲成之不日夫其帶四郭五衢之陌踞重墉
闢闔之端福地砥平長垣雲矗高門有闕大廈斯飛連
廊曲閣交軒對霽木磨而不雕土塗而不飾壯無僭侈
以約費為功儉無偏陋以淨居為寶法王宮殿近寶花
之城菩薩伽藍住金燈之地亦猶是也上座處(玄)寺主
真度維那守慎等戒珠如月獨潔麒麟之行法寶如山
普聞師子之吼克諧善眾底定神居甘露飽而滿盈天
香醉而圍繞於時陳項之老衰衣而博帶幡幡然相造

而諷曰久矣吾黨之惑也倥侗顛蒙情嗜橫放恚愛我
僕聰明不開日有忘其生月生月無覺其滅滅一息之漏
可勝言哉而今舉足至於道場申臂及於淨土晝則目
禪誦之事夜則耳鐘梵之音何悟是生晚臻斯樂豈不
思天子之至仁乎惻下仁之昏墊適上聖之昭軌假有
相之途詣無生之理灑冥澤於已滅蒂(玄)根於未始百
靈之所歸依萬宇之所欣喜非獨陳而已矣蓋神闢天
聖開地世之祖也繁帝寶基皇統孝之主也殄僑狂破
魔孽威無外也廣正典紹度門德無大也通幽洞明兼
靈該精滂洋而行混濩厥成一收功而四善舉一推心
而羣願立咨如是則龍興之化曷有量矣夫業可大而

卷七

十

蕪沒焉不貽於後事可尊而苞蘊焉不述於世臣子之
罪也敢請圖之然言語之不到者心識心識之不到者
真如二乘聞之而不見十地見之而未了而我云何能
知能說竊比六時之鳥七寶之樹是出乎和雅音聲是
讚乎微妙功德記其在處長者之金園銘其事因育王
之石柱其詞曰

聖皇在上於昭於天唐雖舊邦其命惟新龍興返政滅
二暴臣少康非擬於舜為鄰皇王蒸哉

其一

於廓(玄)教生人戶煽神化洒心小大稽首掌擎萬域潛
移仁壽三代之前蓋未曾有最上乘哉

其二

泱泱陳服韓侯道之奕奕寶坊邦人造之天龍護持賢聖熙熙受福維祺帝心則怡至理興哉

其三

唐國師玉泉寺大通禪師碑

譏夫總四大者成乎身矣立萬法者主乎心矣身是虛哉卽身見空始同妙用心非實也觀心若幻乃等真如名數入焉妙本乖言說出焉真宗隱故如來有意傳要道力持至德萬劫而遙付法印一念而頓受佛身誰其引之實大通禪師其人也禪師尊稱大通諱神秀本姓李陳留尉氏人心洞九漏懸解先覺身長八尺秀眉大

其四

其五

耳應王伯之象合聖賢之度少爲諸生遊問江表老莊旨書易大義三乘經論四分律儀說通訓詰音參吳晉爛乎如龔孔翠玲然如振金玉旣而獨鑿潛發多聞旁施逮知天命之年自拔人閒之世企聞蘄州有忍禪師禪門之法也自菩提達摩天竺東來以法傳惠可傳僧璨璨傳道信信傳忍繼明重跡相承五光乃不遠遐阻翬飛謁詣虛受與沃心懸會高悟與真乘同澈盡捐妄識湛見本心住寂滅境行無是處有師而成卽然燈佛所無依而說是空王法門服勤六年不捨晝夜大師歎曰東山之法盡在秀矣命之洗足引之並坐於是涕辭而去退藏於密儀鳳中始隸玉泉名在僧錄

寺東七里地坦山雄目之曰此正楞伽孤峯度門藹若蔭松藉草吾將老焉雲從龍風從虎大道出賢人觀岐陽之地就去成都華陰之山學來如市未云多也後進得以拂三有超四禪昇堂七十味道三千不是過也爾其開法大略則專念以息想極力以攝心其入也品均凡聖其到也行無前後趣定之前萬緣盡閉發慧之後一切皆如特奉楞伽選爲心要過此以往未之或知久視年禪師春秋高矣詔請而來跌坐觀君肩輿上殿屈萬乘而稽首洒九重而宴居傳聖道者不北面有盛德者無臣禮遂推爲兩京法主三帝國師仰佛日之再中慶優曇之一現然處都邑婉其祕旨每帝王分座后妃

其六

其七

臨席鴛鴦四市龍象三繞時熾炭待曠故對嚙而心降時診飢投味故告約而義領一雨溥霑於眾緣萬賴各吹於本分非夫安住無畏應變無方者孰能焉爾乎聖敬日崇朝恩代積當陽初會之所置寺曰度門尉氏先人之宅置寺曰報恩軾聞名卿比德非擬局獸誼輩長懷虛壑累乞還山旣聽中駐久矣衰憊無他患苦魄散神全形遺力謝神龍二年二月廿八日夜中願命扶坐泊如化滅禪師武德八年乙酉受具於天宮至是年丙午復終於此寺蓋僧臘八十矣生於隨末百有餘年未嘗自言故人莫審其數也三界火心四部冰背榘崩梁壞雷慟雨泣凡諸寶身生是金口故其喪也如執親焉

詔使弔哀侯王歸贈三月二日冊諡大通展飾終之義禮也時厥五日假安闕塞緩反葬之期懷也宸駕臨訣至午橋王公悲送至伊水羽儀陳設至山龕仲秋既望還詔乃下帝諾先許冥遂宿心太常卿鼓吹導引城門郎護監喪葬是日天子出龍門泣金輓登高停蹕目盡迴輿自伊及江扶道哀候幡花百輦香雲千里維十月哉生魄卽舊居後岡安神起塔國口錢飾賜逾百萬巨鍾是先帝所鑄羣經是後皇所錫金榜御題華幡內造塔寺尊重遠稱標絕初禪師形解東洛相見南荆白氣積晦於禪山素蓮寄生於坐樹則雙林變色泗水逆流至人違代同符異感百日卒哭也在龍花寺設大會八

張

十三

千人度二七人二祥練縞也咸就西明道場如前會時萬迴菩薩乞施後宮寶衣盈箱珍價敵國親舉寵費侑供巡香其廣福博因存沒如此日月逾邁榮落相推於戲法子永戀宗極痛慈舟之遽失恨涌塔之遲開石城之歎也不孤廬山之碑焉可作竊比子貢之論夫子也生於天地不知天地之厚厚飲於江海不知江海之廣深強名無迹以慰其心銘曰

額球內隱 匪指莫效 心鏡外塵 匪磨莫照
海藏安靜 風識牽樂 不入度門 孰探法要
傳哉禪伯 獨立天下 功收密詣 解卻名假
詣無所得 解亦都捨 月影空如 現於悟者

無量善眾 為父為師 露清熱惱 光射昏疑
冀將住世 萬壽無期 奈何過隙 一朝去之
嗟我門人 憂心斷續 進憶瞻仰 退思付囑
盡不離定 空非滅覺 念茲在茲 敢告無學

識閻梨廬墓碑

夫孝者法象乎天地感通乎鬼神故愛敬之中又有真報哀戚之外更追冥福識禪師其人也厥姓桑氏其先長樂人漢尚書洪之後曾祖梁州刺史諱千秋祖貴鄉令諱信考文林郎名爽自前代無違德基於累仁是生達者禪師智周萬物而理證本無願度四生而見滅諸有以為空不離色體念子之慈業不忘緣起思親之

張

十四

孝乃於萬山北陌滎陽東原葬先考文林府君先妣王氏負土成墳結廬其域置義井取施無求報鑄洪鐘取聞而悟道脩古寺造尊容取觀相生信若夫信生攝攝生靜靜生定定生慧於生滅處得常住心於虛空中立一切法其定慧之門乎禪師昔宴坐介山羣虎自擾今經行宰樹四眾依德至人凝寂雖罕見全象識者餘論亦時存一隅篆美豐石寄詞短偈云爾

邈矣上德 行密道高 哀哀父母 生我劬勞
禪心護念 神足遊遨 苦河雖廣 曾不容舫
甘井既深 利物無竭 不增不減 不流不滯
仁靜而鑒 智動而悅 華鐘既鏗 雄雄法聲

結一編未氏廣餘義

如來如去 如滅如生 不有奚得 不為胡成

寶地嚴飾 金山晃耀 善惡無門 惟人所召

境因心起 理憑思照 懿哉一心 混成眾妙

張說之文集卷第十九

張

十五

卷十九

張說之文集卷第二十

碑銘

刺史先府君碑

府君墓志

元君石柱銘

元府君墓志銘

張府君墓志

處士張府君墓志

唐贈丹州刺史先府君碑

府君諱騰字成騰范陽方城人也張祖曰揮帝軒之裔肇勳茲木錫姓上矣詩有卿士孝友史有留侯世家八葉至東漢司空皓公子字北平太守始居范陽四葉至西晉司空華公子躡散騎常侍乃僑江左昆孫太常復歸河洛故河東有司空若洛陽有散騎里後司空至府

舉

一

〇〇三

君十二代不失仁義矣王父諱弋周通道館學士考諱恪無祿早世府君熒生遺育四代單緒家世尚儒不及伯魚之訓外祖為理遂讀皋陶之書以明法歷饒陽長子二尉介休主簿洪洞丞以所願乎下事乎上以所願乎上交乎下反身與人何往不順臺選貞白覆囚山南人謂是行有典刑矣昊天不弔年五十二調露元年十月乙卯捐背於縣解夫人長樂縣太君馮氏父威藍田丞敬修法度踐涉圖史顧復幼孤將就成立家道不殞夫人是賴享年七十二傾背於東都康俗里第光珪說不天夙遭閔凶又集茶蓼先王制禮不敢從滅以景龍二年七月己酉安厝於萬安山陽耐從周制也惟先

結一盧宋氏賡餘書

結一盧宋氏賡餘書

君不祿俸不奉親不機杼不資身僚舊無雜忝之接况其非類乎族姻無魚菽之受况其人吏乎是全其高而善其獨也過四十始閱六籍觀詩得之厚觀書得之恆觀樂得之和觀禮得之別觀春秋得之正觀易得之元曰君子多乎哉事斯一言而已矣每誦道記三復三寶曰至人之心有以垂世又聞之太夫人云吾有子五十載非其疾無一日之憂太夫人亦云吾事夫子三十年耳無忤聲目無暴色先君之違世也其憂戀者尊門在殯歎聖善在堂歎我諸孤無日敢忘及王母終養二祖封崇亦尚克家成遺訓矣若夫安親孝也宜家義也翼子慈也軌迹隱乎含光故當代罕耀馨香發乎潛德故

舉

二

〇〇七

明神終勞先大夫久而益榮沒而不朽蓋此景雲二年天子嘉侍臣之匪躬念前人之蘊德二月乙巳詔曰故官某毓德高邁藏器下僚代載儒雅家傳清白河東佐邑長不欺之風山南覆囚溢無冤之聽徂謝永久邱墳不飾啟茲令身貞事先朝宜崇追遠之恩以表揚名之志可贈使持節丹州刺史王澤漏乎泉壤國禮崇乎宗廟漢帝論士恨不見李牧之為人曾子思親泣無逮楚王之厚祿道存運往痛矣餘悲緬尋前哲之所以聞無聲於四海視不見於百代者匪銘頌歎桓麟蔡邕其則不遠嗚呼霜露交積松楸滋深兄弟永懷相顧將老胡伯虎豈敢掩大人之清陳季方何足知家君之德小子

銜恤非曰能文莫假辭於他者務傳信於我也銘曰

猗嚴考

用之妙

體太和

揭高志

貞夫一

戒其多

孝子親

正于家

刑于訓

清厥心

晦厥迹

畏厥聞

寶如何其

謙儉孝慈

皇哉衰德

永世有詞

府君墓志

府君諱騰字成騰姓張氏其先晉人也晉分家世相韓韓滅留侯為漢謀主至宇為范陽太守因居其郡及華博物亞聖為晉司空君司空十二代孫也曾祖諱俊河東從事大父諱弋字嵩之通道館學士考諱恪未仕卽世先君四代早孤單門爰立宗祀之不絕如綫府君穉

肇

三

祿衰麻鞠育舅氏而炳太和之純嘏燦遠慶之洪膺庇身禮樂發言忠信小無不誠大無不慎終日乾乾遠乎悔恡靈根顛而還植祖德墜而復振加以好學不倦聞一反三道機之鍵固不幽探外王父大理丞某重世為士君傳其憲章博施精理年十九明法擢第解褐饒陽尉丁王母憂去職夫人少而守義老而無子因心創巨事不忍言喪紀之數加人一等服常調長子尉換介休主簿洪洞丞太夫人在堂官求便近故累徙而不進也內清淨以化人外平反以悅親不樂歸美而善隱德故下車無赫赫之聲所去有遺愛之戀有命差覆四山南輶軒所歷全濟甚眾君以律有違經背禮著妨難十九

篇書奏帝下有司而刪定之官黨同妒異竟寢其議道之將廢也歎命也臧倉其如命何調露元年秋奉使晉陽遇疾輦歸藥禱無降冬十二月大漸九日乙卯棄背於縣廨春秋五十有二光珪說不天總角在疚明年春奉輅藁殯於河東賴夫人撫養孤藐躬加訓授男習文雅女工組繡姻不失親官復其舊景龍元年秋封長樂縣太君夫人故藍田丞威之女也享年七十有二是歲十一月戊申傾背於東都康俗里第於戲哀哉靡瞻靡依何怙何恃二年七月己酉克葬我先公夫人合祔焉從周制也初議葬小子夢度景於萬安山南孤堆東峯之下時淮南公相地曰是山為華蓋崗為蟠龍龍者

肇

四

大人之德孤者王侯之稱卜夢協兆何善如之乃定墳塋初宅茲所小子銜恤志之幽礎係曰
欽若古訓 時惟皇考 翕和三光 希聖二老
清有世業 儉為身寶 彌綸典憲 思緝王道
佐彼四邑 人用不擾 生我曷後 棄我曷早
閔余髻髮 遭家不造 鳴鳩在桑 其子在棘
母氏聖善 示我顯德 命服天朝 封邑舊國
榮未卒歲 哀已帀域 泣血思親 昊天罔極
孤之華蓋土龍蟠 連崗四繞帶林巒 朝日吐耀
遠峯攢 微風夕發過蕙蘭 石室固護泉火寒
眾靈幽謁奉神歡 壽宮深靜永閑安

唐故涼州長史元君石柱銘 并序

公諱仁惠字某河南洛陽人也昔帝軒命子爰宅幽都天神降祥遂荒北嶽其後日月運行雲雷經始壇場鄴洛據天地之圖帶礪山河建王侯之國公魏昭成皇帝之十世孫中書令濮陽王順之曾孫也大父雄魏濮陽王改封武陵王昆吾伯嗣越在濮陽之墟琅瑯王子別封武陵之郡宇文朝降為武陵公太府卿秦州總管微子去國不替舊章辭侯來朝於焉降等父胄隋濠豫二州刺史右衛大將軍襲封武陵公翼亮隋室宏濟王基有佐命之元勳承異朝之世祿文武籍甚貽燕深長公受金行之正性承冠世之隆烈幼見岐嶷夙聞聲器靈

臺

五

臺雲秀繩墨之宰無施雅韻天成金石之師何力屬隋綱弛素神棄不歆卿族衣冠日失其序獨寐寤宿永懷盤澗之人藏器待時未射高墉之隼唐高祖龍飛天宇鶴版巖林授公右千牛錄事贊開之恩舊也高皇邑子既與盧綰同衣世祖學徒則有嚴陵共宿久之以公事免為雋州法曹又歷循州河源滑州靈昌二縣令克己為政蠻貊化忠信之言直道與人仕已無喜愠之色永徽在(縣)石真構難羣兇既翦江界蕭條帝念疲屯疇茲俾父乃授睦州雉山縣令乘駟而往下車作則江遁海盜革面來威然後開網鳩人峻策羈吏閑田盡闢鰥寡委犬彘之餘絕澗無遊豪猾屏蠶漁之氣我有禮樂達

於山川鬼神物應休禎孚於鳥獸草木朝廷異之拜朝散大夫行隆州閬中令未至改授雍州渭南令觀人設教異邑同風遷隆州司馬尋加朝請大夫守涼州都督府長史分乘兩蕃人康頌作化澄巴濮無侵橘柚之園教溢河湟不飲蒲萄之酒離歌就晨歲夢臨辰命蹟脩途榮慚厚德總章二年終於官舍春秋七十有三夫人安定梁氏文伯之妻君子以為知禮孟軻之母良史述其能賢齊德茂於昭塗合耐期於幽隧有子懷貞斧藻詩禮佩踐義方承家有馥芝蘭如也歷官右司員外郎太子舍人而罹事徙居復歸舊土履霜露於三紀無改素冠之行違桑梓於十載還守青門之田勤孝在乎追

臺

六

遠豐感思乎備物武陵公之塋域今順陵柏城之內也山園有禁奉瞻靡及粵以聖(縣)二年歲次月朔別卜宅於咸陽縣肺浮原合葬焉公孝友純深風標峻起門無雜客家有嚴君而佐郡為邦(縣)風邁德執法不撓去邪勿疑仲由之政事叔向之遺直豈稱論之典有闕範則之容將墜仰惟代姻恭承哀託郭有道之故事無媿蔡邕趙文子之將遊永懷隨會寓詞楹石式題賢壘其銘曰

大哉乾元 我族資始 有國伊魏 曰天之子
皇義姓風 帝姬氏水 勅業垂統 鬱乎舊史
崇德象賢 允也重軌 貞涵玉性 潤結珽源

武公之子 平王之孫 川流長直 光氣熊渾

孝深柏穎 義重荆潘 白珪比節 黃金敵言

行實剛簡 遊無詔黷 學妙神教 書能鬼哭

避彼屯運 盤桓空谷 四海有王 一旦明目

佩此芳草 遷於喬木 亦既從政 淑問克宣

秉心如水 臨事如弦 歷宰四邑 高芬屬天

元僚兩郡 汪化流泉 江河秦蜀 嘉聲在焉

三光西沒 百川東度 天道運迴 人隨代故

倏忽三紀 悲涼千露 帝葬橋山 傍塲祖墓

天斷舊域 地開新路 路即咸陽 阡惟京兆

地氣雲矗 長岡龍抱 窈揜銅人 瑩留石鳥

墓

塵歇徑滅 山飛海少 象刻揚石 亭亭華表

唐故左庶子贈幽州都督元府君墓志銘

維開元十年正月己未左庶子武陵公河南元公薨於

東京留守之內館公諱景懷字某魏武陵王雄之曾孫

右衛大將軍胄之孫贈麟州刺史仁惠之季子昔天啟

水行君臨寰海雄圖長發本枝碩茂濟美象賢餘慶不

隕公受茲介祉誕膺淑靈幼有純至之節長立公直之

操學綜羣藝詞擅精微夫其結言以信導物以德清儉

足以軟俗貞厲足以矯邪故美暢於中名揚於外弱冠

以國子進士高第補相府典籤藩邸擇賢妙盡時選尋

以內憂去職重補相府參軍及明兩昇儲作貞萬國以

宮臣除太子通事舍人天授中以親累除名向逾一紀

後除直羅溫縣二令雖大位未享通材必又初自太府

主簿累入副卿河南掾曹克昇亞尹握蘭右轄綱紀南

宮秉茲憲簡肅彼專席再侍儲華卒踐宮相執心好直

履法斷恩觸雷霆而除惡不避也枉絲髮而干譽不為

也升降兩宮出入三代克慎其始終厥有成君子以為

難允哉其難矣及啟手歸全遺言薄葬家無長物士伏

其清年過懸與人傷其天嗚呼哀哉贈都督幽州諸軍

事幽州刺史賻悼之節優於恆數明年二月歸葬於咸

陽之舊塋夫人韋氏祔焉禮也夫人即逍遙公敬遠之

孫左常侍希仲之叔姊淑行無徵華年早世其孤彥

碑

冲等克遵遺訓靡所寘哀說情睦外姻懷深國士既闕

西階之奠遠投東武之詞銘曰

卓彼英運 慶靈既長 胎訓夫子 體微知章

在藝斯博 於欲則少 徒文其中 莫飾其表

惟靜惟默 不激不矯 時經三代 官成兩宮

化若風偃 德如澤融 邦稱其直 朝喪其忠

禮耐周光 墳瞻漢宮 哀哀純孝 長訴穹穹

周故通道館學士張府君墓志

君諱弋字嵩之范陽方城人也其先張仲以孝友佐周

子孫醜周仕晉相韓至留侯報韓雋秦興劉滅項為漢

世家九代及於漢亂居燕四葉為晉司空混一天下司

空生禕避胡過江六世至太常而復寓於河東之族人君即太常卿隆之曾孫徵君子犯之孫河東從事俊之子性倜儻尚氣節能引弓六鈞命中百步車服出入擬於封君州里頗患之君迺勵操強學不出門者十餘年探道觀輿鬱為淵藪周武帝聞之徵為通道館學士既入隋而面其國高尚厥志終於山廬嘗言夷齊清者非達伯鸞曠者非中優哉游哉吾不與也夫人某氏少而嫠居長而喪子流離世故窮盡艱危提攜女姓託身禪宇實有高行之烈隱居之風未遑歸葬有志不就遺恨終天降及曾孫追申情禮景龍三年歲次己酉十月十六日克葬曾王父曾王母於河東之普救原成先志也銘

曰

皇矣烈祖 才雄氣武 不值漢高 空思萬戶
一旦折節 十年學古 高步華光 飛纓書府
昔有周處 斬蛟契虎 易暴以儒 異代同矩
周命既沒 鼎遷于隋 仕於二姓 君子不為
昭昭盛德 百代之規

唐處士張府君墓志

府君諱恪其先晉人晉有張老韓有開地漢有留侯八代孫皓為司空空子宇為北平太守遭漢亂離家於范陽至空孫華復為晉司空遇難子孫南渡其處者或寓於蒲坂周齊間有歸者因徙焉君晉司空十一代孫

也曾祖徵君諱子犯祖河東郡從事諱俊父通道館學士諱弋德音遺範詳諸家牒君孤紹單門傍無兄弟苗而不秀未仕而卒道未融於邦國位未揚於王庭故老之口浸遠好事之書又闕是後生不得預聞焉哀哉嗣子洪洞丞騰襁褓哀麻育於舅氏夫人隴西董氏常州長史雄之女也早年守義唯鞠一子嚴而有檢勤而善訓成先人之丕烈貽後嗣之積善徵太夫人德則張氏幾將墜焉開耀元年十二月二十七日終於郟城縣世婦馮氏之別業春秋七十有二先君之違世也太夫人在堂大門在殯日月逾邁有志未從是諸孫疾焉若履淵谷以景龍三年歲次己酉冬十月二十六日克葬王

曰

父王母於蒲坂東司空之村成先志也銘曰
縣縣王父 續我靈基 幼而植德 人莫知之
烈烈王母 克明克類 教成鬻子 光我族嗣
中條之北 大河之東 邱陵桑梓 鬱鬱崇崇
千年啟室 百歲來同 永惟先志 欽成厥終

張說之文集卷第二十

張說之文集卷第二十一

碑

和麗妃神道碑

鄭公主神道碑

薛氏神道碑

鄭夫人神道碑

穎川夫人碑

昭容上官氏碑銘

和麗妃神道碑銘奉

敕撰

舊史云軒轅帝宮次星具黃龍之體郊媒神祀次妃成
④鳥之命非聖也莫能法天非天也莫能感聖則有相
乎坤而母乎震齊乎古而合乎天跡雖祕絕猶可測而
言焉麗妃趙氏天水人也麗者以華美為貴妃者以配
合為尊易云日月麗天傳稱星辰合度麗加如號自我

聖

為初原夫八駿勤周肇有封姓三軍霸晉乃蕃卿族說
寶符而開國曳珠履而成家果驗成宣之後不乏文忠
之慶堯門昭殿何代無人暨乎紫氣上通瑤臺獨立楚
宮選美納良袂於神雲漢掖求才進團扇於明月故坐
而論教則位比三司動而具瞻則儀刑六列者矣先將
軍以恩澤授職太夫人以有禮封鄭流車躍馬豈無甲
觀之親湫宅閒門不有椒房之勢探風揆化憂國如家
故聖人有以尚其德也躬親蘭館義形熊檻退席以愛
禮樛木以廣恩望古難臻之地必為常踐之域故聖人
有以嘉其志也懸象告沴經時寢疾在蒙被之辰答還
輦之問生可捐於浮假心獨係於元貞神往上清願承

結廬宋氏廢餘書

結廬宋氏廢餘書

恩而入道形歸下土期去禮而薄葬慈顏同氣奚敢為
言皇上閱而許之咨嗟不已開元十四年春秋三十有
四七月十四日薨於春華殿殯於龍興觀之精屋示以
出家從道例也命河南尹監護河南令副焉喪葬務約
成遺語也二十六日窆於故都之後邙山之陽孺慕承
華淒涼薄室列薤歌於東路迴容衛於北山壽堂一閉
兮凡聖等人代同悲兮脩短閒月帔雲衣襪以神仙之
服上房陶篋旋於造化之初此皆聖主之曲成賢妃之
本志何必雲陽山下別起通靈之臺未央宮中虛立致
神之帳若夫易名之典考行是存帝諡曰和禮之貴也
氣之和者生萬物聲之和者孕八音魂知後命感聖恩

聖

二

乎有詔史臣恭銘內職事出彤管辭無華飾寫樂池之
永傷寄瑤山之罔極銘曰

帝妃佐后 實掌陰教 八月選才 千金聘貌
禮獻絲繭 詩脩澣濯 婦政可尊 嬪風須效
皎皎漢女 為皇降靈 娥娥邦媛 順道之經
結以印綬 華光後庭 帶之弓鞬 明潤前星
退述潛運 夙承嘉獎 謙苦中京 崎嶇上黨
金鏡間目 明珠耀掌 心方樂於時泰 魂往
悲於化往 紫雲衣兮霓裳 送美人兮北邙
白壤宮兮青松苑 去君恩兮日遠 秋風急兮
霜天 草木黃兮野田 滅香容於空柳 留畫

像於甘泉 春秋以麗和之二字 獨褒美於千

鄆國長公主神道碑

臣聞堯有娥英致九族之敦序舜有霄燭動百里之光
耀大聖之後天必縱之積善之家神所慶矣豈惟上帝
之女雲漢為靈平王之孫肅雍其德連華前志世有其
人皇唐鄆國長公主者睿宗之第七女也母曰崔貴妃
構累聖而成門合濟美而為室蘊乾坤之純粹演日月
之清明神媛誕靈常言所絕免懷之歲天奪聖善不食
三日哀比成人文母流胎教之慈曾子得生知之孝由
是宮闈延矚邦國遠聞及乎玉笄輝首油駢在馭錫之

美地邑以荆山求之令族嬪于薛氏爾其居玩圖史動
修禮法服其澣濯恭儉之教興鼓其琴瑟敬讓之風被
其行己也安親惠下之謂仁敬宗合好之謂義降貴接
卑之謂禮恕情周物之謂智推心而行罔不該備其理
家也視膳饗餼之均和主饋醴醢之品齊絲竹五音之
徹靡纂組九華之縟麗經目所涉莫不精詣每至三元
上賀五月中參進對詳華折旋舒婉故以式瞻貴里儀
範通門如千花之汎惠風百卉之涵膏露窈窕之儀克
舉蕃衍之福大來有男子四女子五瑤碧生階芝蘭滿
室也習禮明詩日漸庭闈之訓銀章艾綬地連恩澤之
輝自先朝徹辰之辰迄公主成笄之日外降過制內疾

餘哀手寫金字梵經三部躬繡綵緜佛像二鋪貝葉真
偈現心相於銀鈎蓮花妙容呈意生於玉指孝思惟則
道遠乎哉開元繼明推恩由己進封鄆國長公主食邑
一千二百戶田賦廣而彌儉禮秩尊而益恭其後君子
晨歌夫人晝哭未亡為稱生意盡矣撫視遺孤將守柏
舟之誓志期剝落永從禁苑之遊朝制斷恩改降鄭氏
陵谷可移隨和之德不昧寒暑有遷松筠之性如一均
養七子庶庶二宗汾陰之室忘亡榮陽之黨相慶既而
善福虛應寢疾彌留盡國醫之伎遠方畢至供御府之
藥中使相望命之必至不可支也堂邑山林忽焉瘁色
平陽歌舞適足愁人開元十三年二月庚午薨於河南

縣之修業里春秋三十有七震悼紫庭哀傷朱邸傾家
若墜舉國同悲有詔光祿卿孟温禮監護喪葬京兆尹
能廷休副馬窳窳之禮一如涼國公主故事夏四月恩
旨陪葬於橋陵不附不從古之道也皇上念同氣之致
美感閩川之永謝恨棣華之半缺悲瑤草之先化乃命
國史昭銘懿迹降恩禮於雲露寫哀詞於金石水非湘
渚還起帝子之祠山是洛陽即封天妹之冢銘曰
帝系白雲 仙源紫氣 張家成國 承天作貴
赫赫聖祖 日文曰武 皇皇睿宗 一變萬邦
挺生淑媛 慈和孝恭 清曠如神 娥眉無雙
耶弟立官 湯沐建封 爰及笄總 禮施環珮

鳴鳳獻祥	乘龍擇對	帝唐降女	天乙歸妹
珠玉過庭	蘋蘩正內	蛟門早闈	龍湖忽上
無地何載	無天何仰	金殿書經	華絲繡像
欲報之德	昊天罔極	孰是言歸	良人永違
銀鑪煙斷	蘿幕霜飛	懇願毀形	說身壞衣
不諒人只	改嬪他士	稟命日從	從人日順
息媯繩楚	懷羸羈晉	反經合權	與道同韻
燠休二室	均權等潤	四海謚清	九族和平
萬物向榮	眾雞未成	心戀盛明	形隨落英
祖載鼎城	歸窆咸京	挽歌敷聲	鹵簿凶行
哀哀聖情	惻惻同生	橋山片石	千秋令名

璧

五

延州豆盧使君萬泉縣主薛氏神道碑

或稱達性命者齊生死之域違憂悵者一脩短之數斯蓋無心之論耳焉足與議於情哉何則雲虹滅影詞人於是詠謠華秀從風君子為之歎息豈不以對仙麗之景懷變化而遺戀在韶蕊之節悼零落而偏憤吾見豆盧氏之子於其伉儷有焉縣主諱宇姓薛氏河東汾陰人大父駙馬都尉奉宸將軍諱確尚城陽公主考駙馬都尉散騎常侍諱紹尚鎮國太平公主其在昔也夏有車正先封周有薛侯爭長其在今也五宗姻於帝里重葉母於王姬河水經天上積星辰之氣霍山鎮地下多珠玉之林縣主幼而敏惠長而洵淑貞義孝烈之傳吉

凶賓祭之儀一聞成誦絃絃紆組之製涪毫醜羞之品一見懸解至乃鶴迴清汎蠶聚崩雲月韻玫瑰花穠絲樹婦人能事咸臻妙焉大聖天后鍊石補天有王母之神器分茅列土啟弄孫之美邑封猶有禮義引而親天授三年四月內封萬泉縣主天愛下流日親上簡乘龍之舉和鳳為難絡八紘以選門奄千官而求俊夫以龍圖帝寶祈步搖之華源虎戟侯門襲京燕之雄胄人之信美帝用嘉焉以萬歲登封元年仲春既望歸於豆盧氏六官送行百僚供事迺以鸞輅遺以翟車環珮冕旒璆然在馭繡藻朱黛爛其盈門詔婚之禮於焉為盛爾乃移其愛敬以事舅姑伸其友恭以諧公妹舉宗洽比

璧

六

如鼓瑟琴每至婚姻會同少長咸集珩璜節步金翠耀首有婉孌之心無驕矜之色晞眇睇者若遲日之映漣漪瞻詞氣者猶光風之轉蕙蕙加以引納懷和饋分周振疏屬自附窮歸忘窘故蘭行彰信於閨門而蕙風滿盈於邦國諒惟琬琰之性自美抑亦劬勞之訓致焉中宗孝和皇帝雲迴南土龍見東京二儀更闢九族咸敘望我兄兮公主贊陶鈞之力日吾甥也縣主開井邑之賦神龍元年春加實封三百戶縣主既通籍門闈奉御又尚司殿省天子巡遊宮觀觴樂池臺我有周親無時不從主家外幸比齊后而聯恩子婿中參與趙王而均禮或醉飽踰度寒燠未平何嘗不御藥在門王人接路

當時厚澤莫之尚也景龍四年二月以奉御出為丹延二州刺史保傳下堂隨朱轡而同去輜駟入郡與阜蓋而齊飛辭宮闕而歲闌戀庭闈而日遠肥泉永歎衰氣攻衷楚視招而不來秦醫來而不及景雲元年八月二十一日傾逝於延州之廨舍春秋二十有四美玉禡顏明珠晦色平陽舊宇遂無望於歸甯懷縣新文空留連於永逝有子三人西華南容東里等或齷或岐呱呱而泣天何以罰神其忍之冬十有二月五日歸葬於長安洪瀆原窀穸營護有命加等器服祖遺率由舊章生之道也榮葬之也禮若夫柔嘉好洽善之原也肅雍降貴謙之道也山河其德容潤廣也熊羆其祥祚膺大也總眾

七

美於脩嫫馳落暉於小年此所以哀中之又哀也昔袁亡馬氏蔡筆斯奮鄭喪曹姬潘文亦作矧茲內範事華無媿砥望夫之石以表靈邱緝幼婦之詞將傳終古銘

薛之皇祖	胄軒國禹	相殷侯周	氏其土宇
英英白雲	鬱彼河汾	公門蕃衍	銘鼎氛氤
則仁則義	則戚則勳	餘慶介祉	誕靈女士
中宗之甥	鎮國之子	皎如霜雪	華如桃李
舜族爰序	堯封咸秩	萬泉開源	三百其實
守盛以儉	居冲不溢	亦既鳴鴈	宜爾家人
謙恭下下	撫納親親	傾財致客	對盍加賓

我有邸第	前臨黃道	我有池塘	卻望青草
漢輦停暮	秦簫拂早	歲月易忘	歡愉難保
良人出守	將命北徂	與子偕往	飲別東都
望母腸斷	辭家淚枯	露萎勁草	霜酸眾雞
魂兮何歸	京兆之野	葬於何處	杜陵之下
巖巖雙闕	列列行楨	勒是徽音	以觀來者

鄭國夫人神道碑奉 敕撰

鄭國夫人者弘農楊氏之女也開元神武皇帝惠妃之母曾祖諱諶以禮樂習文為越州司馬祖衍以折衝學武為游擊將軍父宏以門才入仕為雍縣丞而早卒初則天之代夫人言歸武氏曰恆安郡王生惠妃及家令

鑿

八

忠太子僕信開元十年三月終於通化里其四月卜宅于少陵原哀子銜恤號曼仰訴怨報德之不待託思齊於永慕皇帝悒鸞殿之內憂悵鶴池之外慘揚淑聲而金石刻揭高行而天地感國史司文命為鄭志若夫清明下濟嶽瀆上昇祥會德門慶育邦媛神授孝理之性天啟聰達之心加以潤澤詩書游玩圖傳伯宗好直預戒將亡重耳羈遊先稱必需豈直漢庭章奏假借仲長之才周官禮儀咨稟宣文之學昌言嘉論有如此者榛首蟻頰修眉橫波既工嘖笑易為容止肅恭而不踟舒和而不倨商周革命遇屯有怡懌之顏桑霍傲予在貴無驕矜之色端容一貌有如此者絃綖祭服闋翟朝衣

纂組入神翦製驚國雕胡之餅露葵之羹五齊六清三
鷄七醢咸一見而洞理或不習而知和女工中饋有如
此者惠妃載誕皇子在者四人驪泉多龍丹穴皆鳳克
岐克疑預見元凱之才實覃實訐早聞霄燭之豔亦關
陰德之潛襲胎教之密傳乎又名子以義成家以禮忠
者以令德為忠信者以不欺為信傳云去食存信信而
有徵經云移孝為忠孝則不匱周宗咸覆紀季獨存至
德深圖有如此者辟司徒之妻邑其合禮南城侯之婦
封其舊功況夫慎徽四德四德咸舉經綸二儀二儀克
從匪武收繼趙之勳產姚承配夏之慶吹凱風於椒掖
外王母於梧宮盛德大業窮光極榮啟國西鄭不亦宜

聖

平十數年間二子榮立每至四時令節六參嘉會魚軒
照門龜艾交室為壽則珠貝山積侑幣則錦綺霞飛白
玉滿堂聚姻親而同有黃金作穴散鄰里而無餘君子
欽其布義聖人嘉其寶儉故寢疾則飲食天廚湯藥御
府匪日伊夕上宮絡繹於閨庭送終則威儀傾都車騎
矐日自宮徂野中使相望於道路哀榮之盛書記罕聞
倚歟所謂小君之遺美聖善之高烈者也如使後代考
兩史議西陵披簡牘而歎息臨山原而茫昧旌賁之道
不其闕而然則外孫之碑武擔之石非明淑之壘其何
設焉辭成進御帝稱曰善願謂尙札我其書之於是灑
翰黃縑縷字青琬雲橫波蹙神變豔爛於山門鶴倚鸞

翔生氣宛延於松路禮尊事絕恩崇迹遠斯又(玄)德動
天幽誠迴日之奇致也誰昔未覩名言莫逮銘曰
代有母德 厥氏楊兮 祖考為士 夫為王兮
聖后中葉 總萬方兮 天命未改 復歸唐兮
賢淑啟祚 繼絕亡兮 宗周雖滅 神女昌兮
建號西鄭 榮舊鄉兮 魚軒翟茀 盛寵光兮
二子雙飛 華綬章兮 出入輪奐 庭煒煌兮
去此昭昭 卽茫茫兮 何處詔葬 少陵阜兮
貴妃慈親 侯王舅兮 寒暑流易 山川久兮
古墳坡陁 老樹朽兮 壽宮靈慶 百代守兮
頌石光華 千載後兮

聖

穎川郡太夫人陳氏神道碑

穎川郡太夫人者諱某字某雷州大首領陳(玄)之女羅
州大首領楊(玄)之妻驃騎大將軍兼左驍衛虢國公思
勗之母陳氏家富兵甲世莫嶠外夫人誕靈豪右淑問
幽閒六行天至不因師氏之學四德生知無待公宮之
教原夫陳本媯水楊承赤泉九貞為郡良史出乎中國
五馬浮江倚人占乎南海兩州接眇二門齊望卜妻鳴
鳳擇對乘龍楊公有聘玉之祥應姬獲探金之慶號公
弱冠昇仕鞠躬禁闈正性本乎胎教剛腸形乎義色神
龍三年六月五日北軍作難西華失守騎入宮壺兵纏
御樓公孤劔凌鋒羣凶奪氣倉卒之際安危是屬既立

殊常之勳遂蒙超次之命授銀青光祿大夫上柱國
農郡公行內常侍其後改拜將軍太夫人是加爵邑高
堂九仞重祿萬鍾朝廷美其揚名州黨尊其遠聽夫人
富而好儉貴而能勤身卻錦繡手親紡績公每昏定晨
省夫人必誠之忠孝勤學文武嘗謂汝口稱思勗當心
念其義父母名之欲汝三思而勗勵也故號公便習干
戈漁獵書史致命伐罪擒叛獠於百越寫誠誓眾破狂
蠻於五溪鬪子弟如使手足請風雷若應期契聖朝答
高秩於驃騎酬大封於號畧豈非以辭第之懇忠成斷
織之明訓臣節立矣君恩厚矣子孝成矣母慈著矣備
此四者善孰加焉抑神道祐心而人倫興行詩曰母氏

璧

十一

聖善又曰宜爾子孫斯實頴川太君之有也享年若干
開元九年四月八日薨於長安之翊善里先公早世邱
墳故城古無合葬禮有從宜夫以體歸下地萬里豈殊
乎黃壤魂何不之雙棺幸同於玄室以其年十一月十
六日招魂附葬於萬年縣龍首鄉神鹿里申孝子不忍
隔親之情也恩敕賜錢十萬絹布皆百段日禪忠厚漢
武知其母教馮勤寵貴世祖稱其母德克軫天情頗為
連類號公生盡其禮沒盡其哀嗟閔水之日逝懼藏山
之夜徒追鏤碑板遠胎圖傳烝烝至意有足感人慳慳
信言故無媿色銘曰

陳公舜後 楊侯周裔 去國何人 南遷幾世

鄙涿漳表 珠崖海際 兩族相京 財雄兵銳
猗歟邦媛 儷茲國士 友若琴瑟 華如桃李
心契法度 容和愠喜 資敬從夫 移忠訓子
嘉此令子 南溟北歸 于天鶴唳 拔瀚鴻飛
朱宮退敵 銅杜來威 國安家寵 魚軒翟衣
子封虢國 五公前宇 母邑頴川 三君舊土
感激榮慶 踟躕今古 高堂夜空 弔客朝聚
龍首山前 前臨灞川 招魂五嶺 合葬三泉
山山邱墓 樹樹風煙 孝碑不滅 茲墳永傳
昭容上官氏碑銘 齊公敘不錄
天降時雨 山川出雲 乃生靈媛 祚我聖君

璧

十三

精微其道 煥炳其文 三光錯行 昭容綱紀
百揆繁會 昭容條理 外圖邦政 內諭天子
憂在進賢 思求多士 忠孝心感 天焉報之
吉凶有數 邱焉禱之 如彼九日 羿焉暴之
如彼三良 秦焉悼之 漢宮選才 班氏其特
楚史書霸 樊妹之力 或穆齊公 敘其明德
嗟爾彤管 是鑒是則

張說之文集卷第二十一

張說之文集卷第二十二

墓誌

逍遙公墓誌

陸君墓誌

張府君墓誌

馮潘州墓誌

葛君墓誌

尹先生墓誌

呂君墓誌

徐氏子墓誌

尹舍人墓誌

附子曲阿令銘

崔訥妻劉氏墓誌

中書令逍遙公墓誌銘

唐故中書令逍遙公韋氏諱嗣立字延構京兆杜陵人也受渾元之正性挺生人之秀傑門為孝悌之府世處台衡之地蓋士林之高標宗臣之首出者也生於秦之

清水長於鄭之成臯聰明先覺博古兼今究蓬山之百氏綜闕里之六藝文而不華實而不滯原夫志在於易行在於禮守橐籥之冲虛播朱絃之愷悌事有則而言有度神無方而用無體其與人也温良善誘仁恕多容俾夫頑蔽開析復驚擾從君子進道小人革慮聞者願來見者忘去若膏澤之浸陽和之感萬物不知其化矣及夫覆篑登朝濫觴宰邑聖朝知其周慎忠肅簡易循良是以綢繆兩禁重疊千里迄踐宰衡終厥有成凡化二邑理七郡三入中書再統兵部選兵吏各兩冬典樞密共五載光弼四主厯政三十有餘其間累有傍及官因左退日月蝕而更明隨和幽而不昧爾其為邦設教

遵德閑邪身勤心苦誠感物化禮讓興於私室刑罰廢於公家衡鏡高懸文武矯首才無我失善若己有風流名教作法垂後許謨皇極功格天地茫茫蠹蠹既生既遂四夷來王五靈皆至然而外榮中素迹邇心遐杳然朱戶之若喪邈矣赤松之可接西宴驪山之谷東息龍池之野擇逍遙而建號列土宇而開社即明主封立帝之謀表高臣之志也公考侍中為國元輔公兄承慶當代齊名咸以令德繼和金鼎扶陽二相陳氏三君復追美矣侍中前夫人崔氏生黃門而即世後夫人王氏生公而偏愛公克諧以孝因心則友啟均養之德成無間之言天下之人比之祥覽惟公德行言語文學政事四

者實總而兼之事親養志而能爭居喪過哀而顧禮此善中之善者也善人天之經也國之寶也道將興廢木鐸之用有時命或推移蒼生之望恆在春秋六十邁疾陳郡還醫洛師開元七年九月二日薨于歸德里有詔贈兵部尚書諡曰某禮也明年某月某日葬於某地有子孚恆濟夫儼然在疚靡所眞哀以某忝縉雲之舊寮清風之餘論入難名之閭域窺妙德之形容見託銘誌庶傳精爽至於厯官次序平居事業當見郡府遺愛之碑國史名臣之傳故不存焉銘曰

我我仁公 抱孝含忠 文獻則足 高明有融
翻飛王佐 穆哉清風 道濟明時 心樂幽地

薛衣華袞 坦然一致 逍遙啟封 帶礪傳祀

生涯共盡 振古其常 人秉三德 天歸百祥

戚孫有後 公業不亡

岐州刺史平泉男陸君墓誌

開元十三年十一月六日故岐州刺史平泉男陸公卒

于京師十四年冬十月葬于鄴西之先塋公諱伯玉字

某河南人識真之士也夫譽其克家光乎觀國篤慈惠

以宰邑^⑦雅量以執憲擅華妙於禮闈敷文敏於禁掖

推直方以獨坐率易簡之專誠所居而美風振所蒞而

德聲溢非德充於內而美形於外者乎若夫孝盡愛敬

之衷悌包友順之節仁協返身之恕義適成物之和四

鑿

三

者禮之善物歟吾友嘗從事於斯矣然而舉禮之綱持

心之柄靜則樂先生之道動則濟賢人之業位不盈量

年無登壽之才也之命也復焉可得而言哉銘曰

陸侯泉妙 體曠心古 龍章炳文 鱗角藏武

橐籥沖用 詩書義府 移孝則忠 安親合主

乃建侯社 乃牧王畿 有嚴有翼 有長有威

汲直謝病 秦和不醫 乞言未老 啟手全歸

石鼓東臨 銅臺西望 別業宛在 舊塋增創

弱子攀車 孀妻送葬 風景飄忽 山川惆悵

令德可傳 浮生匪重 神去一息 形遺萬種

露往草陳 霜來樹拱 仁義長蕪 沒於邱隴

恆州刺史張府君墓誌

君諱承休字某吳郡人也留侯與漢播美西京長沙徙

吳被蔓東土曾祖冲在陳為文帝師入隋為漢王學士

祖後^⑧授經太宗尊之以祭酒既封新野又贈以宗伯

考少師位不充量止於朱陽宰班固稱世名忠孝魏武

為積善之家昌門一系暉我諸族君受天戩穀傳家業

藝希言敦行去華崇實非法不由非禮不動精於物理

敏於政事初以南郊齋郎補兗州兵曹丁太夫人憂廬

墓三年加人一等再任始州司倉應入科舉改鄭州錄

事參軍又舉賢良方正遷揚州司錄參軍移蘇州常熟

令歷政皆有能名加朝散大夫入為司農丞實掌錢穀

鑿

四

姦傲息望使覆囚嶺南是司獄訟聽折惟允迺授濟源

令風行畿甸河潤洛師加朝議大夫上柱國拜隆州司

馬轉恆州長史簡而有孚權而有中道嬰風恙去職就

醫還京春秋六十有二終於頌政里夫人成紀郡天水

秦氏廬陵郡公行師之孫嗣公遊福之女敬事君子訓

成諸孤當代之孟母也年六十二終於許州開元九年

十月某日合葬於武功之禮讓原禮也夫道大難合仕

屯而不進德高有後身沒而福流君同生八人半服銀

艾祚^⑨五子率為珪璋比迹於燉煌六龍南鄭千室德

門濟美信有徵乎懼陵谷或遷乃勒銘沈石銘曰

思文留侯 時惟皇祖 長沙南守 分韓東土

家有道書 門傳相府 鬼竅重世 通經二主
誕靈上哲 克廣斯文 造次仁義 優游典墳
孝平事親 忠平事君 猗邨叔父 亦足有云

馮潘州墓誌

公諱君衡字正平廣管高州人也昔畢萬苗裔邑于馮城因以為氏其適越者則袁宏過江錄所載長樂馮祖恩之後也遠居避地代為右族帶甲千人擬四豪之公子田洞百里齊萬戶之封君祖益持節總管高州都督耿國公葬贈左驍衛大將軍荊州大都督恩命分府為三州君之三子子智戮高州刺史子智玳恩州刺史猶子子游潘州刺史公荊州之孫恩州之子量包山海氣

墓誌

五

逸風雲陰德以濟物力行以游道散戾從心乘化而沒斯實一方超邁全真之士也夫人南海郡太夫人麥氏誕嫔勳門作嬪傑室初執冀妻之禮終抗梁室之行即大將軍宿國猛公鐵杖之會孫女也夫人有三子一女同歸上京長子元璣左衛中候次子元珪左領軍衛郎將少子力士右監門衛大將軍少養於高氏故舉家從其姓焉夫德厚者福長先否者終泰天之報應豈虛也哉大將軍所以雲漢奮飛忠孝至感迎聖善於炎海展三牲之色養拔友於荒徼會四鳥之嚶鳴縉紳美談簪紱傾慕是知敬仲羈旅將育于齊孟軻儒藝成名此母信瑰才之特達亦餘慶之助成乎夫人享年八十有

七開元十七年五月十二日薨於西京來庭里粵以八月二十二日安厝于長樂原之新域憫將軍之純至嘉先士之晦名恩詔追贈潘州刺史招魂而合葬焉蓋殊常之禮若夫慈以遺後孝以揚親忠能合聖惠足昭仁嗟乎馮氏之子具此四德鏤石垂文為不朽矣銘曰

潘州達世 滅迹沈彩 詔贈本邦 光燦南海

其孤永慕 昊天不逮 夫人處順 奄背榮膺

悲離兩鄉 魂台雙櫬 孝心可贈 百年匪悵

天日蒼蒼 邱隴茫茫 地名長樂 人樂無長

郭門之外 愁生白楊

贈郎將葛君墓誌

墓誌

六

公諱威德字某葛氏本梁國甯陵人也因徙遷今居京兆涇陽縣父寶未仕早世公室無陶白之資朝無金張之援不承過庭之訓不漸鼓篋之術而能奮飛喬木獨拔深濟富忠孝而揚己善射馭而聞天早以武藝妙選供奉每扈遊別館侍蹕禁林何嘗不左發五豝傍連雙兔歲久拜元城府左果毅都尉尋加上柱國入陪內仗思馬斯才出典外軍握兵之要所謂白珪特達青雲自致者也其用未展其生有涯神功二年某月日終於東都私第殯北邙山之原夫人太原郡太夫人郭氏從夫有禮以子而貴開元八年十一月薨于京兆之修真里有子福順克家用孝開國惟忠泣風樹之無追痛榮祿

之不逮哀戚之情上感節終之澤下流窳宥有期祖奠將設有詔贈右驍衛郎將開元九年二月七日合葬於長安縣龍首鄉禮也鬱鬱宰樹蒼蒼墓田恐佳城之見日祕銘石於重泉詞曰

都尉武達 夫人禮封 令德高行 譽偶名雙
自古迄今 仁賢同盡 唯傳忠孝 餘慶不泯

四門助教尹先生墓誌

先生諱守貞天水冀人蓋好學博古者也本乎官族稱爲尹氏昔有伊佚司周太史暨乃吉甫勤於宣王格言大勳布在詩傳遠祖緯魏僕射會祖欣隋開府大父珍唐棣州蒲臺令父文唐通州三岡令先生積德餘慶天

錫

錫純嘏愿而克恭情與禮合七歲誦三雅能通書契訓誥之義識草木鳥獸之名十五誦三禮能明君臣父子之道定郊廟吉凶之制二十誦春秋尚書能精五行九疇之數斷褒貶會盟之節二十五誦詩及易能辨政雅頌之始極變化生生之至又能誦古史百家之書善文章草隸之則恥夫流俗背實響聲飾華褻末故每外和內厲元元本本學者如斯不舍晝夜垂拱四年以明經高第遂授大成自延載之後條限賓薦長安之初大開貢舉考功是歲千五百餘人召先生課覈淑慝時稱無滯學矣天子聞其進通經術乃下制曰成均大成尹守貞業隆時習功宣日就既有勵於分陰俾參榮於丈席

可四門助教說說青矜有所仰矣長安二年六月十日晝寢忽夢麟臺兩局爭召修文覺而歎曰十二日稷吾當往矣因命親族序訣至日安枕俟期俄然而卒春秋四十可謂古之達化知命者也嗚呼天與之德而不永其年天與之才而不大其位何乎粵七月十七日葬於高陽原先君之舊塋銘曰

尹氏之子 其殆庶幾 爲仁由己 三月不違
謙成德柄 學也身基 辟雍洋洋 可以療飢

環林之下 可以棲遲 我實道貴 人言位微
修文地下 前哲同歸 子之知命 將歿先期
朝衣東首 精魄高飛 人之云亡 胡不悽而

臺

高陽之原 有隄其側 郭門直視 松柏一色
邱隴纍纍 阡陌誰識 浮焉休焉 爲我心惻

⑤州司戶上柱國呂君墓誌

公諱虔字某其先東平人也堯之太嶽始封呂侯周之太師實表齊國河西則霸王繼代關東則丞相聯華近徙河間是稱右族大父實隋幽州都督府長史考師滄州青池令並振羽儀馳聲郡邑公孝悌天至禮樂混成千里聞騏驥之才五都重琅玕之價壯士行去樹勳於塞垣君子居之何陋於蕃郡以上柱國爲⑤州司戶參軍積善襲於家風餘慶流於身後享年若干而卒夫人河清縣太君傅氏四德爰備六行聿脩始則賓於冀妻

終乃訓成孟母春秋若干而終開元十四年某月合葬於州城西南里之平原禮也我有令子職司馬於小山我有淑孫偶乘龍於大樹榮哀之事于茲畢矣銘曰

堂堂呂公 休有令德 穆穆傅母 順我內則

兩譽齊振 雙儀不忒 景行山東 風流河北

有生必謝 誰能獨存 神龕故里 合葬平原

劍暗泉室 松寒墓門 勒銘沈礎 萬古何言

徐氏子墓誌

徐氏子者名巖字某司封員外郎堅之第四子也曠子睨雲鳳毛誦日孝友因性聰敏若神置在膝前已會星辰之氣戲於牀下能記賓主之詞及總角成童精意好

九

學聞一知十升堂觀奧下筆成章而倫要發言為論而卓詭識者咸謂增世構之崇蘊益源流之洪潤雖甘茂之孫十二飛辯班彪之子九歲能文不尙之也天乎何辜顏傾無命年十有三歲大足元年九月遭疾而沒嗚呼哀哉凋月始生不見其盈瓊枝方秀不見其茂悲哉銘曰

生日何淺 死路何深 珠碎朧月 花殘稚林

哀哀父母 孰處其心

鳳閣尹舍人墓誌附子曲阿令銘

嶽嶽尹氏 太古之始 發源堯師 中葉周卿

爰暨初考 咸有頌聲 猗歟府君 代烈增盛

孝行之本 謙德之柄 耽樂道真 舍光無競

三典郡土 五行以正 再司府丞 百工興詠

茫茫大造 物生遂性 虛無宰之 孰能力爭

位不充德 優游天命 身沒道存 同符孔聖

是有才子 克成餘慶

子曲阿令銘曰

存為神鑑 歿為國殤 惟呂惟子 同歸義方

司屬主簿博陵崔訥妻劉氏墓誌

夫人劉氏其先彭城人也隋毗陵郡通守子將之曾孫唐滁州刺史德祖之孫汾州刺史延嗣之女也昔武子處秦厥初令氏元王國楚是焉昌族盛德之門龍驥接

十

彩世祿之胃龜虎聯華夫人璇室載蘭蕙林增秀嗜嗜黃鳥豔豔清明聞詩聞禮竊比諸生茂行淵心實稱士女及鳳飛啟繇夫婦盡琴瑟之和雞鳴咸纏舅姑移喬梓之敬友愛洽乎似嬪任恤周乎姻戚豈惟禮備澄幕工深機杼固已能循法度宜其室家矣年若干以大足元年七月某日寢疾而卒粵二十九日某辰假葬於某里夫國喪賢嬪家亡淑媛母氏垂白殯奪所懷稚子始孩翦焉無倚嗚呼天道輔仁人道與順眷茲大德不遐三壽何哉報應之理豈神食其言脩短之期將事歸於命外姻畢萃累歎不足夫人即吾姨也今薄撰素履示刊幽石圖史之外有美存焉其銘曰

結一廬朱氏讀餘叢書

崔實齊胄	劉亦漢宗	崇其顯構	望偶族雙
閻闡是穆	饋奠斯恭	貞歌浮漢	孝室洞江
珪璋其節	桃李其容	宜享偕老	胡(雷)鞠凶
朝雉飛陌	春蘿墜松	夫傷子慕	去此何從
百歲之後	魂兮合封		

張說之文集卷第二十二

卷二十二

十一

張說之文集卷第二十三

雜著

弔陳司馬書

弔國殤文

赤帝壇祈雨文

祭城隍文

祭城門文

祭江祈晴文

賽江文

祭殷仲堪羊叔子文

祭霍山文

祭崔侍郎文

祭陸冀州文

祭石嶺戰亡兵士文

祭石嶺沒陷士女文

為人作祭弟文二篇

為作祭舅文

祭和靜主文

為高力士祭父文

為妓人祭故主文

弔陳司馬書

正月癸亥孤子范陽張說頓首頓首陳君之靈頓伏苦
蓋遠辱慰疏執對號慟次於展洩來使未還傳君遇禍
盡哀寢外傷心痛骨明府兄毓德南邦飛聲中夏急人
之急憂人之憂勇於履危果於從政入使天闕有專對
之美按俗交州見澄清之節故得振衣衡管割錦閭鄉
越障舊風人狂輕剽振之以禮俗格之以華章矯枉過
中斯害也已齒由剛折膏為明銷嗚呼陳君倬直而殞
皇天輔德問之何故疇昔炎海契闊周旋義則友朋恩
結兄弟方期歲暮禮相榮禮髮未華何圖零落山濤
猶在嵇紹不孤逝者有知當昭是意今返防關力報前

續盧宋氏續餘叢書

書幽明雖異交友無改悲言下筆涕泗從之并往千錢
俾陳奠酌獻歆萬里哀哉奈何說頓首再拜

弔國殤文

北伐兮東胡邈遼陽兮孤竹偏師兮覆眾在崇山兮峽
谷露芘芘兮蔓草風蒸蒸兮拱木見馬血兮夜燃聞殤
魂兮雨哭君王按金鼓而氣憤撫珠鈴而淚滋橫萬里
兮抽恨弔羣山而寫悲懟凶將兮我辱悼勇夫之被纍
彼前鑿兮未遠何後來兮不追對死地兮出陣臨傷門
兮用師軍奪帥兮虹食壘車脫輻兮火焚旗有樂靡兮
愾矣無范宣兮媿之命窮迫兮短兵錯虜迎刃兮血染
鏑旋殘潰兮棄組練山猶號兮谷餘戰殪原野兮奈何
違君親兮不見於戲何天命之奄忽俾仁義之禮兵為
蠻夷之俘骨體六校之飛將闌五營之勁卒吾見出兮
不歸噫名存兮身沒

奉敕赤帝壇祈雨文

維開元十年歲次壬戌四月壬申朔十四日乙酉會臣
侍中源乾曜中書令張嘉貞兵部尚書張說謹以清酌
昭告于赤帝自冬涉春至茲夏首宿麥將秀時雨未洽
皇帝降服減膳避正履懸恐害衆盛是憂黎庶仁旨之
勤已極兆人之感未通何辜于天而此不惠會臣乾曜
等同力聖日無敢怠荒薄才拙政多所不及神則不雨
或此之由內訟恒惶莫知啟慮會臣等若上無補衮下

續盧宋氏續餘叢書

不利人妨功害能負恩竊位惟神臨照簡擇其心降禍厥身墜祿殞命三臣當咎足謝天責萬姓何辜俾失農望今因夏享展禮既終上抒聖衷懇祈人命至誠必感伫流嘉液旨酒獻誠神其尚饗

祭城隍文

維大唐開元五年歲次丁巳四月庚午朔二十日己丑荆州大都督府長史上柱國燕國公說謹以庶羞之奠昭告于城隍之神山澤以通氣為靈城隍以積陰為德致和產物助天育人人之仰恩是關祀典說恭承朝命綱紀南邦式崇薦禮以展勤敬庶降福四毗登我百穀猛獸不搏毒蟲不噬精誠或通昭鑒非遠尚饗

祭城門文

維大唐開元五年荆州大都督府長史上柱國燕國公說謹遣議郎行錄事參軍皇甫嶧敢昭告于大府城門天有三光地有五行陰陽順序庶物以生霖雨過旬晦昧不晴奈何以陰賊陽以蒙蔽明恐害嘉穀無奉素盛維爾崇牖本人所營積陰攸處德在助成苟人是利亦神之臧速收雲雨以復天常報爾特豚薦爾馨香謹以清酌脯醢式陳祭事尚饗

祭江祈晴文

滔滔大江南國之紀協靈通氣降福禦災是載方冊代存祀典歲維季秋苗稼大熟霖雨猥集農夫未收油油

杭稻垂生芽葉上則神威將廢下則人心何仰公私憂窘靡禱不周訴爾明靈撤此雲雨欽儲牲幣俟答神休謹以清酌脯醢敬崇禋請

賽江文

年月日具官某昭告于大江之神王有百谷禮尊四瀆善利維神朝海作賓發源岷山駕福來臻率此荆土明靈是主已成嘉穀垂敗霖雨聽我虔祈福我農畝既曠既穫既場既庾欣欣眾心願答神祐潔牲明酌奠奠江浦

祭殷仲堪羊叔子文

荆州府城中西北隅舊有殷仲堪祠某到官廣其堂立羊叔子像廟成而祭之

維年月日燕國公某敢告晉羊殷二荆州之神我聞立人之道曰仁與義仁者孝之先義者忠之主殷公為孝子羊公為忠臣行植晉國德施荆人不孤其美是建為鄰雙鳳雖舊二廟維新凡百君子高山仰止馨香以時敬恭明祀尚饗

祭霍山文

長安二年月日皇帝使并州道大行軍副大總管尹元凱等敬薦清醢敢告霍山之神皇帝天覆萬物各遂其性祠于羣神罔不咸秩獨彼凶虜默啜悖天虐人窺邊猾夏略無窮歲皇帝哀此黎獻勤於征役憫彼夷落毒

於昏暴常欲誅其魁首安是藩毗寇虐盈稔神人同秉
今日送死并朔驚近山陵命將出師翼行天罰惟神炳
靈參野作鎮冀方歆是正直贊揚威武俾胡馬化為沙
蟲王師眾於草木獻捷之日昭報神休尚饗

祭崔侍郎文

維神龍三年月日兵部郎中員外曹良史等謹以清酌
少牢之奠敬祭故侍郎崔公之靈位以行成名以才起
天臨明代是生君子長戟高門層堂峻岵友孝仁愛衣
冠標軌清通正直省閣條理束帶立朝惟國之俊抑揚
吐納金聲玉振器不滯方神無留韻厚奉外不為假坦
率內不違真汎交而容博好施而能均欲人規已恕已

贊

五

及人故者不違其故親者不失其親歷否泰能全其節
故令名不離其身方齊六相助明三辰何孤我德何負
茲神搏空落羽中駕摧輪昔時寮列今為弔賓凡二三
子夙承遊管聯務七兵歲陽三變分與時積事由更練
蹇蹇公庭申申私宴慟音徽之永掩懷舊範之不見哉
容止於綴足潛眉目於蒙面哀哉奈何涕零如霰緬惟
初疾以迄將亡意氣精爽乾乾自強顧瞻賓客勉勉矜
莊凡不側弁衾無解裳話言靜密憂公不忘猶看駿馬
尚聽名倡靡神不禱靡藥不嘗條焉信宿俄歸眇茫歲
初置酒春中酌觴何吉凶之共域同歌哭於此堂自古
及今人誰不沒豈歎生死所嗟倉卒脩途未半壯志先

伐斃子胤年適猶數月在親親與懷舊孰不傷心而痛
骨虛奠易收深悲難歇尚饗

為河內王作祭陸冀州文

維萬歲通天元年月日神兵道大總管河北道按撫使
右金吾衛大將軍河內郡王以少牢之奠致祭故冀州
刺史陸君之靈戎羯不道侵軼幽都凶渠殄滅餘燎星
鋪鳴弓射柳飲馬長蘆攬集同惡難起無虞梟獍為旅
鯨鯢有族袋旗未兵剌荻弦木泮渙吞噬睚眦觸逐亂
舞梯衡潛攻版築鑿齒爭厲熊蹯未孰踰垣自潰守陴
皆哭高局已陷連樓復焚人類雜草城隨壞雲僵屍暴
骨藉藉紛紛嗟嗟使君死節無恡政寬成俗兵機不振

贊

六

狡爾猖狂難以德鎮城為警保身膏虜刃明明上帝仁
覆憫下赫赫神兵驅馳在野朝告夕赴如何不及將守
非堅為寇是急救兵適來涉血猶溼三軍雷歎百城雨
泣天子命我董戎冀方旌旗介冑千里相望既掃氛濁
言巡戰場輯穆人吏撫甯孤孀徘徊城府悽愴甘棠禮
重王事哀深國殤魂兮有感歆此嘉嘗

為魏元忠作祭石嶺戰亡兵士文

維長安二年月日敕魏元忠以酒脯時果之奠致祭于
石嶺戰亡兵士之靈戎羯慢天南牧吠主石嶺橫地北
都肩戶與我王卒保界并土如何不弔罹此寇虜列鎮
既嚴連巖既削攻則路險守非城惡彼謀匪臧實愆借

作援絕兵滅軍孤勢弱地拒兩陘山望雙嶠胡塵大起
白刃交錯石盡矢窮旗焚胄落嗟爾戰夫烈烈忠勇奮
不顧命志無旋踵身沒名揚生輕義重天子命我理兵
晉陽思與士眾底雷遐荒痛茲壯士翦為國殤盍訴天
帝降厲鬼方助氣金鼓復怨沙場虜血爾酌虜醢爾嘗
封屍死所招魂故鄉尚饗

爲魏元忠作祭石嶺沒陷士女文

維長安二年月日朔敕以酒脯時果之奠致祭石嶺死
喪百姓之靈北胡自擅賊虐不道氣捍朔風馬肥秋草
侵軼郡縣驚逼稚老奔走山林是障是保兵不善守將
不遠謀如何滅竈無復燒牛俾爾士女燿於寇讐魂飛

靈

七

狄刃血迸擅裘殤悲雨哭氣怨天愁總兵帝鄉言念北
阜抗憤戎漠傷心按部泣弔郊童哀問田叟爲爾復惡
誓滅羣醜蹴蹋蘭山脂膏葦藪誠若克就沒亦不朽慰
爾眾靈酌此簞酒尚饗

爲人作祭弟文

維景龍元年月日朔從兄兵部尚書某以清酌少牢之
奠致祭於故將軍弟之靈欽若貽宴俾降戢穀神祚玉
衣天開金屋絲系溢寵諸宗橫福覩交泰之二儀承序
殷之九族引同本於條榦合分流於昭穆義有感而意
深恩無方而情篤況山慕喬頂林睇秀木深仁遠愛俟
子能復何從才之有餘而輔德之不足舉朝野而皆痛

在密愛而尤酷嗚呼哀哉永懷令弟言念生平蘭華雪
豔玉潤珠清禮樂縣解文章挺生三篋暗記千門畫成
風流望美月旦傾聲掌北軍之師律首東觀之詞英偉
壯夫之獻頌善仁者之論兵睠新豐而臨幸繞湯井而
連營乃奉車之暴逝忽復綬而凶行軫天悲於宸掖固
聚族於華京惠連詩夢子敬琴情倘昭昭之不泯知親
親之素誠嗚呼哀哉尚饗

爲人作祭弟文

維年月日兄某致祭亡弟尚書之靈天實喪予不憚遺
善家殞玉樹國墜寶臣嗚呼執柔何痛之甚嗟予與爾
夙遭閔凶哀惻相鞠殆及長成爾性岐實穎德表宣慈

靈

八

居盡友悌之心言必忠貞之事縣縣我族俟子而大奉
祖德之令圖荷朝戚之惠渥白首相對紫綬雙紆爾既
秉國鈞既敷朝典出牧千里入宰六官予聞爾言嘗誠
過寵余嘉爾行在貴能卑清淨温恭每希於上士飲食
車馬不越於平人每思與爾歸印東都懸輿故里揚名
講德居常待終當謂老夫沒於汝手不圖令弟殞自我
先及爾纏病屬予伏枕不見數日長悲九泉嗚呼刊述
未成平生已盡髮膚猶在魂魄焉知聞爾屬續之辰託
予身外之事薄葬之禮還從爾心字孤之情不待遺意
所恨在疾不視於喪不臨沈縣苦懷纏迫斯甚予羸老
矣傷心幾何人琴兩亡命也命也

為鄭虛已作祭舅文

維年月日外甥虛已謹以清酌少牢之奠敬祭於故汴州司馬四舅之靈覺積周親天禍外氏仁舅捐館靈輶祖庭四海喪其範儀九族失其陰潤感今循昔觸緒增悲恭惟先門逮舅平日淵流莫逆道術同歸穆齊鄭之累姻深言孫之至友及鞠凶之際創巨失圖賜厚獲葬之恩事優舍哺之育願省全立功歸撫惠竊荷濟於百罹思效過於一等豈期德素積而力莫購願未申而禍先集不孤之託緬爾何依猶父之心忽焉罔報冥昧靡覲存亡永違執饋奉酌五性含塞幽靈昭察當歆宿誠

祭和靜縣主文

靈

九

維年月日敬祭薛氏太夫人和靜縣主之靈惟夫人軒庭繁祉羸臺茂淑承訓公宮宜家卿族博士學藝尙書題日法度蘋蘩儀刑松菊夫拜中令昔同鮑婦子昇瓊闈今類馮母舉校如賓闔門誠友在貴能降居貧施厚天道初革王風變詔維城落構若木疏條欽聞積善智洽仁昭克庇二族命服兩朝肅肅柔和如風是暢娥娥女師如月斯望潘輿獻壽仲祿方養不弔昊天何德之喪嗚呼哀哉洛邑啟殯長安歸陌哭慟高臺旌懸舊宅階溼夜露庭陰曉魄嗟我外姻俱成弔客

為將軍高力士祭父文

維開元十七年月日孝子力士敢告于考潘州府君妣

南海太君之靈小子不天夙齡閔凶身嬰寇剽家值虜裂幸供灑掃之餘遂蒙侍從之顧扶戴明聖逼畏艱難大固不敢不密小亦不敢不誠事必記心言無漏口日慎一日將二十年玉弁加首金章在佩先靈納祐神明降鑿阿母遠至於京華妹兄自拔於泥滓咸以官漸榮祿姻通士林慈顏顧復於目前同氣展歡於膝下又緣幼育高氏變族移家敬愛盡於二堂溫清周於一紀不圖無狀招禍永見孤棄聖主恩華曲逮存沒邑封舊郡官贈本邦親感恩澤子承父意致命報天誓有同於噉日竭忠資孝志無忝於幽泉敬惟靈懷慰聞昭遂先遠有日卜兆新塋遙啟尊魂合附良壤哀迫祖載攀戀須

靈

十

與謹以清酌少牢恭陳遺奠盈尊不舉虛饌莫嘗號天叩地殞絕何仰

為妓人祭故主文

維年月日故妓人伏十善謹以清酌少牢之奠致祭于元十郎之靈淥流茂樹萍蘿是依山崩川竭魚鳥何歸恭惟主君高才達節賞心樂事風流不絕歌豔露華舞迴春雪幸持此技承君餘悅綺羅脂粉嬌上春自言終世寶情親(簡)知一旦君恩斷繁絃清管爲何人懷主君之一願願徇命於九原迫夫人之嚴旨遂投足於他門生有十年之愛沒無一日之恩雖強容飾於新奉心摧絕而不敢言君子廣德仁心必徧疇昔與君琴尊歡宴

結廬宋氏贖餘叢書

永懷蕙歎俯憐荼苦錫以時珍申哀故宇歐車旣展祖
莫斯開悲歌助挽長袖乘杯平居好此魂來不來心思
往而莫遂足欲返而遲迴終天地於此訣毒煩冤而難
裁

張說之文集卷第二十三

璧

十一

張說之文集卷第二十四

表

請不從靈駕表

奏慶山醴泉表

奏瑞禾杏表

賀岷山表

羊乳麋表

為留守奉嘉禾表

建安王奏失利表

謝賜衣及藥表

為建安王讓官表

為薛稷讓官表

為郭振讓官表

為僧辭公封表

百官請不從靈駕表

臣某等言伏以靈駕首途聖思攀從國計非便羣情不安冒昧上祈未蒙哀允跪拜還旨載深惶惕臣某等誠

謹

一

謹

惶誠恐頓首頓首死罪臣聞古者天子上法天心下極私情不違眾欲以順人理國為孝以克己制心為禮是故凡聖異禮公私殊制私心獨展凡人之孝萬姓咸善聖人之孝也陛下行堯舜之事以萬姓為心奈何守曾閔之節懷獨展之願臣等豈竊所未曉且承道以後關輔流散近適旋定人猶未足今山陵起築役徒總萃彌春涉夏為費多若陛下此行羣司畢從於人取給臣實難之水旱小愆農慮非淺東都則水漕淮海易資鹽穀之蕃陸走幽并近壓戎夷之便朝命新復人望在安宜應靜鎮未可移動陛下若俯順羣願留撫都人則其安若此如不勝私情攀奉靈駕則其慮如彼況扈從

兵馬既不預集行宮廩蓄又未先備發期甫爾支計闕然倉卒敦迫必不堪辦若待陵寢既安霜露終感三農歲稔萬乘時巡奉園廟以展虔瞻日月以何遠今固將抒私戀棄羣言忘人力費國用此實非陛下安集新業之圖亦恐非先后憐憫遺人之意且朝廷故事典章猶在獻陵追遠太宗不至於三原昭陵上遷高宗不至於九嶷豈先帝私懷不堪故事羣臣公議之所奪也伏願仰遵舊訓願定新基屈至性而順羣情抑小節而成大孝使軍國長算咸洛皆安邦甸窮人賦斂少減萬姓翹望實深至願百寮結誠期於死請無任悲迫之至謹詣朝堂奉表固請以聞

謹

一

謹

為留守奏慶山醴泉表

臣聞至德洞徹天鑿不遠休徵祕景時和則見是知縣代曠慶牒祥經帝王有必感之符神靈無虛應之瑞伏惟天冊金輪聖神皇帝陛下金鏡御天璿衡考政欽若象濟蒼氓茂功將大造混成純化與陽和俱扇朝百神之樂職宅萬國之歡心嘉氣內充淫雨外息豈止搖風紀月之章列時於階除儀蕭銜籙之禽相鳴於戶閣而已固有發禎厚載抽貺泉源表德之潛通顯黃祇之昭報臣於六月二十五日得所部萬年縣令鄭國忠狀稱云六月十四日縣界霸陵鄉有慶山見醴泉出謹差戶曹參軍孫履直對山中百姓檢問得狀其山

結廬宋氏贖餘慶書

平地湧拔周迴數里列置三峯齊高百仞山見之日天
晴無雲異風雲之遷徙非崖岸之蹇震歎爾隆崇巍然
蔚鬱阡陌如舊草樹不移驗蓋地之祥圖知太乙之靈
化山南又有醴泉三道引注三池分流接潤連山對浦
各深丈餘廣數百步味色甘潔特異常泉比仙漿於軒
后均愈疾於漢代臣謹按孫氏瑞應圖曰慶山者德茂
則生臣又按白虎通曰醴泉者美泉也可以養老嘗出
京師禮斗威儀曰人君乘土而王其政太平則醴泉涌
潭巴曰君臣和德道度協中則醴泉出臣竊以五行推
之六月土王神在未母之像也土為宮君之義也水為
智土為仁伏於土臣之道也水相於金子之佐也今土

壽

三

〇七十五

以月王而高水從土制而靜天意若曰母王君尊良臣
善相仁化致理德茂時平之應也臣又以山為國鎮水
實利人縣有萬年之名山得三仙之類此蓋金輿景福
寶祚昌圖邦固不移之基君永無疆之壽自永昌之後
迄於茲辰地寶屢昇神山再聳未若連巖結慶並泌疏
甘羣瑞同區二美齊舉高視古今曾無擬議信可以紀
元立號薦廟登郊彰賁德齡衍萬宇臣辱司京尹忝
寄留臺牧西夏之疲人荷東蕃之餘寵游泳鴻沛神禧
嘉祉物感有歸光啟茲部喜覩殊觀實百恆流踊躍一
隅馳誠雙闕伏請宣付史館頒示朝廷無任鳧藻之至
為留守作奏瑞禾杏表

結廬宋氏贖餘慶書

臣聞天微地杳惟聖能通物寶靈禧在德斯感伏惟天
冊金輪聖神皇帝陛下覆翼萬方植生羣類化行至道
風流太和白耀青光日月之瑞赤文(玄)甲手河洛之
符既慶溢於山泉又嘉賁於草木臣今月三日得所部
萬年縣令鄭國忠狀言縣界內霸陵鄉新出慶山南出
醴泉北岸有瑞杏三樹再葉重花嘉禾三木同莖合穗
臣謹差司兵參軍鄭味(玄)檢覆皆實臣謹按孫柔之瑞
應圖曰嘉禾者五穀之長也王者德茂則生昔炎帝教
治人心而嘉禾秀周公理合天道而嘉禾豐臣又以事
可理推物有類驗蜀桑異葉李定知其有祥漢木奇枝
終軍以為無外今植物搖落而瑞杏繁滋所謂仁育之

壽

四

〇七十九

風行於肅殺之序此蓋聖道隆渥靈祚和多朱萼素花
彰孝理於詩傳一莖九穎合德耀於祥經曠代殊珍崇
朝累集方俟山流石髓杏茂仙林醴挹軒漿禾登堯膳
受天介福錫帝長齡親王母於昆臺朝神人於谷口今
綠苗尚藐黃粒未成當須早秋不獲早獻臣忝尹茲部
頻囑洪休并躍之誠倍萬常品

為留守作賀嶺山表

臣聞山川變見如來有得道之祥國土遠移至人任不
思之力伏惟皇帝陛下(玄)惠福深勤人願滿蓮花授記
應上聖之降生貝葉開圖握大雄之寶命司戶參軍孫
履直伏承臣奏所部萬年縣新出慶山醴泉乃有天竺

真僧於春首獻狀若以梵音所記此是祇闍山恆河沙法佛必經林下虛空眾聖堂處巖間隱見外方湧秀中土岑泉可識體類宛然感應十號之尊示見千輪之主此實天威無礙地寶有歸化焜耀於裁成理竊冥於言說但瞻三山丹壁奄靈鷲而飛來三泉涿池逐神龍而吐沃峯高八百協周室之隆基地得萬年祁皇靈之資始儒書分載望偈希聞加以堅固開林吉祥被草重花瑞杏藻岫紅源九穎嘉禾蔥鬱黛壑原臨白鹿識鹿苑之仙遊路邇朱城悟王城之鍾聽方俟迴輿雪嶺厭香積於羣臣沈璧天池蔭靈枝於下國吹法螺而朝玉帛乘瑞象而會天人溢宇流觀殊鄰浹慶臣守符京郡奉

謹

五

神嶽於郊畿係葉皇柯仰慈雲於油露喜抃之極倍百恆誠

為留守奏羊乳慶表

臣聞靈感無方每先時以見象神鑒不昧必憑物以示人有德著而休歸或祥來而事應伏惟天冊金輪聖神皇帝陛下端冕馭天舞千柔遠南越瑞貢久通譯而歸仁西域奇山近隨方而應聖臣今日得所部萬年縣令鄭國忠狀送新出慶山下殺化羊乳慶慶一頭狎擾因依動息隨戀如從所產若素同羣理有可嘉事無前例竊以異類相育外方慕化之徵野畜自馴荒服來王之兆必有遠夷解辯歡心百獸之庭獷俗懷音稽顙三乘

之會臣言可驗翹足是期昔馬或生羊易占得人安之體犬時養彘天鏡顯代康之文援此比蹤實為同質況復晨飲醴浦夕下靈山翳仙杏之奇花捨嘉禾之餘穗羊禳甚玉慶慶如銀晦朔未移祥符累集福應之盛前古未聞臣忝尹都京屢薦嘉瑞抃躍之至兼倍恆流奉表謹進

為留守奏嘉禾表

臣某言臣聞天聽自人神和在德代非乏瑞罕遇交泰之期福不虛徵必俟休明之主伏惟天冊金輪聖神皇帝陛下仁覆萬靈孝理四海功罔高於尊祖道莫大於配天嚴備郊禋崇肅宗祀秩百王之禮兼六代之樂化

謹

六

溢膠庠訓優更老政每光於帝籍役不奪於農時嘉氣橫浮祥風紛灑騰文煒色九光連合於貞明逸輦殊輪百寶駢滋於動植臣今日奉進止告望鳳臺山泉之瑞其日於東山柏城內得嘉禾一本臣初見眾苗互隴香穎垂秋嘉翫繁滋欲觀稔粒左右無識折以呈臣異其綠葉緩舒蔥芒壁秀熟視奇狀乃知嘉祥下則異畝合莖上又同延雙穗昔雍熙之代理政之君雖導出應時而生不擇地未有託根神域彰孝德之能深吐秀壽宮助柔盛之豐潔此蓋睿誠通感天祐降祥中古以來未覩斯美臣籍慶宗枝久沐星潢之潤躬持瑞穎預奉天保之符抃悅之誠倍兼恆品

結一盧朱氏賸餘叢書

為清邊道大總管建安王奏失利表

臣某言今日某往峽石山稱前軍王孝傑等以某日失利於峽石山忽聞殞絕心摧魄死上孤天威下慙士卒死罪死罪頓首頓首臣以驚怯謬職戎麾銜戴恩榮統率將士驅關隴之馬引淮海之餉旗幕互於邊城弓甲傾於內府不堪任使撓失節度羣帥無決勝之功偏師有挫衄之咎長犬羊之孔熾縱梟獍之未滅憤結靈祇怨毒骨髓臣實其罪罪非他人忍恥苟全遠愧胡顏之責引慝遄死內負猶鬪之心踧踖無顏進退靡處臣既不建師律有干常憲合即嚴科以塞重責然以見在兵馬交要部統未敢束手軍事委置旌節稽緩刑書伏深

鑿

七

兢戰特乞更召嚴猛代臣統帥請歸罪司寇以正國刑囚伏邊陲唯待斧鉞

為建安王謝賜衣及藥表

臣某言伏奉月日恩賜臣衣及藥渥流瓊極彩溢旌門拜捧戴舞載欣載越臣受律虧方扞城無奇偏師不振逋寇仍滋進慙計日之功退任踰時之咎誠合歸罪司寇以厭深責豈圖天寵猥臨宸慈寬假當從褫服轉承且吉之衣宜肆典刑翻加有喜之藥毀車夷馬復振鸞和窮炭枯莖重敷榮燭踟躕影邊塞馳心城闕微命易投生成難謝無任感戴

為建安王讓羽林衛大將軍兼檢校司賓卿表

結一盧朱氏賸餘叢書

臣某言伏承月日敕書除臣右羽林衛大將軍兼檢校司賓卿朝榮封及恩露洪垂罄仰驚抃環揆慙失臣某頓首頓首臣席慶皇枝辱司天衛素官成責久盈人口頃屬山戎自擅王師震加謬當推轂之禮竟空汗馬之績實賴睿謨幽贊靈兵潛討滅犬羊於遼海卷旌麾於燕薊臣得歸功北闕待罪東藩沐浴休甦生死榮幸安敢實要塞而告勞貪天功以為己又況羽林清禁上則星辰主客命卿下法河海蓋文武具美方議望僉歸豈臣弊劣所堪尸忝伏乞特迴踳鑿更擇能賢俾朝興薪樞之歌臣免伐檀之刺非敢飾讓實披誠請無任悚戴之至

鑿

八

為薛稷讓官表

臣稷言伏奉制書除臣工部尚書寵靈俯逮營魄震飛揣分何階戴恩無力臣某訕臣才乏濟川功微橫草故以業承薪構澤潤葭苳效雕蟲之薄技蒙金螭之榮飾徒參進對愧無好詞頃以冗職東垣暫諧清曠今若統司南省將招素餐五翟之正典事斯重六宮之長求人未易以臣叨受實謂非宜願寢前恩致命他士無任悚懼之至謹詣朝堂奉表陳讓以聞臣所讓人別狀封進

為郭振讓官表

臣某言臣本書生幸事先帝歷踐清職遂參機密宗武樹黨忿疾正人猜忌眉睫構結瘡痍臣與一二貞士指

天誓心支梧羣邪捍城王室曉入宮省暮不望歸艱危
備嘗幾不免禍日覲一日以逢開泰臣之宿圖今已足
矣陛下寶位既復元良又定凶讐咸翦百度惟新正宜
博採屠釣大變風俗豈臣微才空忝重任外不厭於眾
望內實猥於多言但父年老先嬰風疾五月以來不離
枕席臣方寸已亂短效無施夙夜在公扶持有關乞免
官秩歸侍私庭罄心仰恩期於孝治無任懇迫之至

爲僧普潤辭公封表

僧普潤言伏奉甲寅制書以普潤加榮沐秩授邑封公
聖恩無涯將變枯朽佛法有教誠願住持普潤自剃落
壞衣五十餘載心不見是口不言俗因誠證業憑禪悟

書

九

理幸逢皇祚特啟大運有歸皇太子逼畏凶讐永懷興
復憂虞之際始蒙顧問貧道起廣救之悲決必成之策
奉符命之旨贊無畏之心今得眾生又安羣魔消伏在
於法侶所願爲多視身本無何功受祿天位有德陛下
享之天討有罪太子行之豈貪天之功以爲己力賣佛
之法而求身利必若冒榮背律返俗違貞亦恐乖陛下
崇信之誠失如來付囑之義凡所稱述諸佛證明伏惟
聖慈亦垂開領乞停恩授以幸法門無任護戒傳道之
至

結廬宋氏廢餘叢書

張說之文集卷第二十五

碑銘

盧思道碑

蕭公神道碑

楊君神道碑

馮公神道碑

元公碑

齊黃門侍郎盧思道碑

有齊黃門侍郎范陽盧公諱思道字子行涿人也其先姜姓世祚東海別為盧氏家於北燕自漢世中郎將植至侍中陽烏徵君之子稟天靈傑承家令軌清明虛受磊落標奇言不詭隨行不苟合遊必英俊門無塵雜至於求己勵學探道親奧思若泉涌文若春華精微入虛

無變化合飛動斯固非學徒竭才仰鑽之所逮也事齊歷散騎侍郎以文翰直中書中廢復進至給事黃門侍郎待詔文林館武平末天子總兵禦寇太子監國于晉陽公留綜宮朝兼典樞密及皇輿敗績於外而百寮蕩析於內公節義獨存侍從趣鄴告至行賞授儀同三司入周除御正上士定省歸郡郡人祖英伯作難公胥在其旅幽都既平玉石將燎賴元帥宇文公特舉以舊有令聞引謁因命草露板立就駭其麗異其敏釋於齊斧之下揖於羣士之上除掌教上士隋高祖為丞相也遷武陽太守以母老乞解職優詔許之後復徵為散騎侍郎奏內史郎事隋開皇六年春秋五十有二終於長安

結廬宋氏廢餘叢書

反葬故里凡更臣三代易官十七再降一免二去職入平除擢遷者四而已公處屯安貞賦詩頽飲視得失蔑如也臨難無懼在黜無愠危不去主仕不違親休明有賓禮之盛顛覆無淪胥之禍其大雅者歟夫禮儀損益公能言之故與熊安生詳定齊禮三墳五典公能讀之故與薛道衡侍學儲后公國華人望光照鄰邦故所居之朝應對賓客脩詞抗議允執其中故青瑣黃縑異代咸掌大名之下豈誣也哉昔仲尼之後世載文學魯有游夏楚有屈宋漢興有賈馬王揚後漢有班張崔蔡魏有曹王徐陳應劉晉有潘陸張左孫郭宋齊有顏謝江鮑梁陳有任王何劉沈謝徐庾而北齊有溫邢盧薛皆

應世翰林之秀者也吟詠情性紀述事業潤色王道發揮聖門天下之人謂之文伯於戲國有校家有塾祿位以勸風雅猶存然千數百年羣心相尚競稱者若斯之鮮矣才難不其然乎然則飛黃虛騁百轡遺路鷓鴣天運萬翼無階文士擅名當時垂聲後代亦云才力之絕眾故爾開皇以來百三十餘載天贊唐德生此多士公之孫曰藏用濟美文館重祿黃門永惟衣冠子孫邑里多改先入封樹歲代將平迺假詞菲才刊石表隧庶乎涉齊地者不薪柳惠之隴過邢山者無惑子產之墓至矣乎盧氏之子其用心也遠矣銘曰
殘或黃門 實天生德 才蓋一世 榮聞四國

文王既沒 文在人 公為宗匠 當朝與能
龍躍春霽 鳳鳴朝升 或頌或變 或雅或承
理以神合 聲以妙徵 高視睢渙 與君代興
人之云亡 十有一紀 斯文未喪 施于孫子
新作豐碑 德音不已

贈吏部尚書蕭公神道碑

仁以度心施物義以由道利貞孝以養志安親慈以教
忠有後舉四行之尤善成百代之餘慶蓋得之於蕭府
君矣公諱灌字茂蘭陵人帝高辛之苗裔也鳥授
命敬敷五德白雲入房網開三面微子封宋樂叔居蕭
氏族之始也相國下秦大夫師漢門閥之宗也大齊以

鑒

三

肅竹膺期踐皇帝之位大梁以木刃興運張天地之圖
傳寶祚於一家易鴻名於兩漢青蓋入洛重南國之衣
冠白馬朝周盛西雍之賓客公即梁宣皇帝之孫明
皇帝之曾孫大父南海王珣入隋封梁國公纂德乾坤
承靈睿哲舊邦雖改見周鼎之時輕新社仍封知晉圭
之必大考鈞中書舍人率更令文集賢兩館學士學
窮祕蹟文標宗匠廣博幽深契神無迹温良恭儉與道
為徒是謂啟迪後昆而焜耀前烈者也公總山河之粹
氣注日月之末光心根孝友器包禮樂動躡思後故口
無擇言照在機前故身無擇行加以啟蓬山之塞路入
藏室之關四科得游夏之門六藝取鍾王之雋年十

八明經高第補代王功曹王昇儲改通事舍人又換內
直監曳裾西苑擅文士之場東帶東朝首正人之列尋
以外艱去職王戎死孝時論憂之閔子免喪哀心未盡
乃不就祥稿不撤几筵者久之或曰懷其寶迷其國行
其志約其親可乎哉公曰吾過矣不得已而外除不擇
官而祿仕拜國子監丞以婚姻之故出為甘州司馬徙
集嵐二州司馬轉渝州長史其從政也反身以惠下推
誠以敬上老吾老以施教幼吾幼以字人執其心也何
往不濟故歷佐之邦必僻陋知方戎蠻變俗狼戾馴軌
貪饕寡欲迎新者望風而歌來暮送故者計日而戀不
足詩云淑人君子正是國人能長人之謂也太夫人在

鑒

四

堂有羸老之疾公因使入計得扶持還京下巫峽之波
上當陽之坂展轉在側殷憂歷時席不安枕衣不解帶
及板輿長稅遂扶杖不起子春視疾加損徒勤石建執
喪悲哀自絕永元元年八月寓居穰縣終於苦蓋春秋
五十有七先君之服也三年有終公過時不釋聖善之
喪也五十不毀公戀親滅性君子曰禮也夫可謂至矣
夫人京兆韋氏祖雲起兵部尚書父師質秦州都督公
卿令族蘭杜齊芬鳳凰飛鳴始正家道珠玉秀色終高
母儀年五十有四長壽元年十月逝於京師布政里粵
以二年二月辛卯合葬於少陵原之先塋禮也其孤嵩
克戴聖君以宰天下大福再成於身後湛恩廣運於泉

路開元十七年仲冬癸丑詔曰中書令嵩父某毓粹冲和降靈神象言入精微之奧迹登聖賢之軌位不充量道足庇人松檟雖幽音徽不昧宜成追遠之慶俾崇冢宰之榮可贈吏部尚書同日詔曰嵩母韋氏門傳一經行包四德才淑冠乎邦族言範光乎母師誕茲寶臣作予良弼封其石窆俾承土宇之榮表以金章永闕珣璜之飾可贈魏郡夫人於是建宗廟修禮物榮君後命告我前人遠哉心乎一恩一敬之感會也如是垂裕立訓克家揚名遺愛至矣慎終備矣東武公之子孫共連塋闕南城侯之夫婦同刻碑銘詞曰

維蕭係宗 出宋之子 天命齊(祿) 河圖梁紀

五

累帝重王 雍容文史 是生邦俊 世濟其美

仁義孝慈 中和庸祇 文章鳴鳳 禮樂元龜

碣館枚馬 儲闡潘賈 人望國華 風流儒雅

歷佐列郡 政成休問 行立時法 言垂後訓

沒而益榮 進位冢卿 哀感有情 事傳無聲

墓門松平 碑字金生 不知千古 誰遊九京

贈戶部尚書河東公楊君神道碑

若夫孝在揚名忠歸令德事因感激氣槩生焉時逢屯難勳業成焉桃李灼灼不自言於蹊逕松柏青青不受令於霜雪窮獨善而無撓達兼善而無矜子曰君子哉若人吾河東公之謂也公諱執一字某(弘)農華陰人也

司空觀王雄之曾孫鄆州弘農公績之孫潞州胡城公思止之子戶部尚書相國執柔之弟觀公侍中恭仁公之伯父也安德公尚書令師道公之叔父也在隋則二代五公在唐則一門三相公台輔積慶稟清明之識河岳會靈資磊落之氣體剛毅深於城府蘊規畧長於襟帶戲為軍陣敵國之勢幼成請學兵書長城之望早集年甫十六先君捐館七日絕飲三年泣血縞綬有制儒家歎其從禮柴棘加等議者憂其死孝清門祖德貴胄能貧太夫人在堂有致力之養非躬藝黍稷不以供甘旨非手樹桑麻不以薦絺纈年逾一紀勤不知勞既極安親之心方展事君之節乃濯纓潢渚獻策金門干當

六

代之聖君論天下之成敗秦皇覽奏屏左右而與謀漢帝聞言膝前席而不覺一見拔玉鈐倉曹再見取尚食直長二見寘典設郎驟進直詞深觸權變為易之兄弟所嫉左授伊川府果毅又上封章帝用嘉納加游擊將軍右衛郎將歷左清道率換右衛中郎押千騎使總統貔虎便繁肘腋故得叶心五王戡勦二豎奮飛北洛推戴中宗嗣唐配天不失舊物以匡復勳拜雲麾將軍右鷹揚將軍封(弘)農縣公賞未充庸且有後命贈冠軍大將軍右威衛將軍進河東郡公邑二千戶賦四百室俾之鐵券恕其十死又錫天馬端錦珠盤瑤爵文綾五百縑素三千分三土之上腴處五等之高列凋戈紫綬環

衛於鉤陳玉瓚黃流侍祠於清廟豈知釁結梁魯政回
豔哲里克納惠而為戮襄城周而見咎彼五績之推
頽此三黜之逆蹟出為常州刺史以太夫人年老乞避
卑溼特降中旨轉牧晉州駙馬都尉琅琊王同皎親賢
地切休戚圖深安劉之策未遂鍾室之哭先及吏扇分
獄公陷關通貶徙沁州刺史不知事仍長在夜魂九逝
非北首而無歸畫戶重扇異南冠而同繫果能推分榮
辱忘懷生死人不堪其憂公不改其操久之盡削官封
放還侍母梁山雨雪不隔曾氏之思王畿風景來就潘
園之養尋而大勳不廢天道復反歸既奪之井邑起故
時之將軍擢衛尉卿復初封爵巖巖劔閣蜀之險要噉

鑿

七

噉飛鴈人未安居飢渴仁明輯綏凋弊又授公劍州刺
史蔚彼黍苗樂我膏澤內憂遠詎殞絕經時於是搏膺
星奔徒跣求路雨不接乘夜不解纒因心通禮朝流欽
德有命奪情除汾州刺史知團結兵馬哀訴不免金革
無違中國簡稽而有備單于逖逃而遠跡詔徵為涼州
都督兼左衛將軍河西諸軍州節度督察九姓赤水軍
等大使公富以農政和以師律彰信蕃部赫怒軍容斷
匈奴之臂積路安而不警張漢家之掖雪山開而無寇
遂攝御史中丞靈書勞徠得賞稠疊又轉牧原州未發
復授涼州都督改右衛將軍使悉如故尋移許州刺史
未到以單于款關授右衛將軍檢校勝州都督兼處置

降戶使懷柔以德種落宜之徵還本官又兼原州都督
方屬降戶翻叛河朔俶擾邊城聳蹙諸將無功強修連
率夏州按察關內羽書日夜俾遷郡牧公按甲待敵確
乎不動虜騎畏威竟無來掠向使迴避行於一步則攘
竊起於萬端十將耗五數年未復既而強公追曉朝端
延賞徵拜右威衛大將軍進檢校右金吾大將軍尋而
卽真禁衛肅然異於他日也皇上哀庶戮之不辜念羣
雄之自尊大軍之後荆棘生焉乃命公攝御史大夫為
朔方元帥公剛腸嫉惡擒姦摘罪曩將之所彌縫宿吏
之所乾沒匿賊散廩一徵百萬矯枉過正眾口囂然改
右衛大將軍無何復右金吾大將軍金刀更新靶鞘仍

鑿

八

舊巖廊益峻微道增清又改金紫光祿大夫鄜州刺史
人寬吏急猶前政也享年六十有五開元十四年正月
二日薨于官舍闔境發喪列城望祭古之遺愛何以加
焉天子傷之下詔曰故官某夙負名義早著勳庸居內
外之職備文武之任忠勤匪懈誠節無渝奄焉殂歿情
深悲悼可贈戶部尚書歸贈成喪有加恆數維公以孝
敷聞以忠特達以幹述職以能典兵凡領郡十四將軍
十二再杖節鉞三執金吾一至九卿二兼獨坐儼有直
色俚無媚辭銀艾復乎舊德珪爵傳乎祚膺全志節於
夷險與福祿而終始諡曰忠公朝之令典也夫人新城
郡夫人獨孤氏左威衛大將軍贈益州都督卿雲之女

也婦德母儀中外師範開元四年先公卽岁以今十五年六月合葬於咸陽之洪瀆川禮也其孤濯汪等銜恤靡訴託詞疇識感稱代之垂文哀劬勞之罔極銘曰

堂堂楊公 神密氣雄 苦身難孝 正國危忠

落彼狡童 樹此帝功 昔稱關西 今也河東

觀王之裔 珠華玉麗 重葉尚主 三朝嬪帝

韓韓七德 誥誥六藝 公之亢宗 鬱為世濟

涼鎮西方 邦臨北隅 天子授斧 將軍剖符

青蛇入筭 白獸銜珠 去持玉節 來執金吾

轉余爪士 守于廊時 明察號神 仁恩名予

武都石折 文昌星死 素蓋歸飛 黃泉已矣

張

九

卜葬卷阿 哀榮孔多 尚書鼓吹 太守虞歌

碑流雨迹 松引風過 獨封茅土 長誓山河

故括州刺史贈工部尚書馮公神道碑

金之為寶百鍊而惟精玉之稱德久幽而不昧聖人美焉君子比焉可鑠也不可奪其剛可毀也不可污其潔偉哉馮公秉斯操矣公諱昭泰字遇聖長樂人也說學於古史豈不聞舅氏之厥初乎畢公建德于周畢萬大名於魏別封之裔遂氏馮城秦則丞相並時漢則將軍重世積仁鍾慶王者鬱興間晉南浮因燕北號家變成國為天下雄勳業競五伯之先子孫齊二王之後公卽昭成皇帝之十世孫也高祖大將軍隨州刺史長山公

謙以寇恂之才翊戴周武會祖兵部尚書左僕射魏國公世基以曹參之力經濟隋文大父尚書左丞檢校御史大夫少府監揚州長史安昌公長命以佳吏之名勤勞王室考仁高亮無祿子道不究故公幼而襲安昌公焉清明激激標格峻堅夏翟耿介無矯飾於韋絃寒松青冥不受令於霜雪專經觀奧習法精理起家左奉裕改讓賢府果毅換文州司馬為酷吏所陷罷官久之調榮州長史屬城慢法按而繩之入計會府讐家橫訟明敕杖其愬者遷公宋州司馬朝廷翕然知有王法復假右臺侍御史江南道廉察使類會高等加朝散大夫進潞州長史堆岸受湍孤醒見嫉轉湖州長史公束溼不

張

十

回聚蚊交訟貶為饒州司馬未行降使詳覆拜鄂州刺史制曰卿志氣剛勁操履貞潔歷佐藩條咸有聲稱詰姦糾謬不避強禦苦節清威若凌霜雪頃因讒毀遂有貶降使者案問皎然明白俾從優獎特加寵命其在江夏異政風行入為太子家令兼知內外鑄錢事國泉是殷盜鎔乃絕河朔淫雨帝思作又俾公檢校邢州刺史散有賙無人忘歉歲帝乃璽書勞焉其旨曰卿忠於事君簡以臨下忘私徇公之美歌謠所載擒姦搃伏之奇吏人攸仰雖陳朔之貶黜邪慝王業之斥除貪殘無以加也一郡清淨副朕意焉其後以賊累移睦州刺史復為羣小所譖左授泉州司馬未之任又貶榮州司馬砥

節荒服天高聽卑除温州長史俄復舊階拜括州刺史水國濺泐告疾言歸景龍三年六月十三日終於蘇州之逆旅春秋六十有五正人歎息舊益傷感公清白傳家信義高世門有奇士室無長物夫其善於鈞距長於矜帶法嚴令峻人寬吏急當官而行不避讒慝之口除惡務本不求愷悌之譽出入從宦十有六職以謗獲貶者五洗謗特遷者四不曰忠乎將無悔於九死不曰直乎焉往而不三黜故人謝而名益著迹遠而風可懷也皇上志其持法無撓贈大理卿本其坐樹無言諡之曰節窳窳之事一以官供哀榮之禮被於存歿是時天子嚴謁山陵訓人追孝推恩庶辟瀉澤幽泉公長子少府

鑒

十一

監紹正次子給事中紹烈並構層堂仰延榮贈乃贈公工部尚書君子曰孝必錫類忠則不墜厥孫遠其有後乎鄭公業為不亡矣夫人琅琊君左相邢公及善之女垂拱二年三十有六而夭後夫人彭城君鴻臚卿善因之孫女景龍三年五十有五而逝所謂齊姜昭前邦媛輝後碧樹先落悲同孫楚之妻紅蘭漸苞貴在馮勤之母以開元十八年十月壬寅葬我節公於長安縣高陽原夫人王氏劉氏耐焉禮也長子紹正少府監第四子紹忠未仕第五子紹烈御史中丞孝乎二連之心思崇三絕之美魏王來顧賞幼婦之碑秦師不侵尊死士之隴揚名稱代道遠乎哉銘曰

古之志士 忠不為難 倬哉馮公 矯此雲翰 鷲鷲羣小 彼何足算 屢困終直 天下改觀 經用百年 窮達相半 貽慶二子 雙承天渙 嚴嚴大理 人命是懸 聖朝表贈 王道無偏 六卿冬官 百工攸序 韓稜雖歿 龍泉可許 邱陵鼓舞兮桑改壑遷 歲月崩波兮有去不還 唯德音與頌石兮 傳不朽於人間

故吏部侍郎元公碑銘

英英白雲 瑞彼君輅 桃桃公子 嘉我王度

魏后遺德 作華天朝 雲氣應變 直心遙遙

麟閣書仙 鳳池墨妙 太常國禮 少宰邦教

鑒

十一

公之處之 有倫有要 玉折其貞 金斷其清 歿而不朽 仁乎令名

張說之文集卷第二十五

唐燕國公集二十五卷蓋吳元年手自抄錄以備一覽者也初以勝國兵燹之變遺書散逸僅存其集於敝篋中猶多魚魯復輟耕力以正之遂為完物亟欲刊之而力不果吾後世子孫有能新之以續有唐之文獻者乎唐去今千餘年其相業隨世消長而文獨存然則世之所恃以為不朽計者文焉爾雖與天壤俱敝可也燕公

之文豈曰雕龍如劉勰者爲哉曲江公志文盡
之矣更書一篇以冠其首時永樂九年秋九月
貞隱老人濠上德記

張說之文集補遺卷第一

頌 銘 箴 表

起義堂頌

石橋銘

獄箴

賀示麻書表

賀祈雨感應表

讓兵部尚書平章事表

讓封燕國公表

讓中書侍郎表

讓右丞相表二首

讓中書令表

讓平章事表

讓起復除黃門侍郎表三首

謝觀唐昌公主花燭表諫內宴至夜表

進鬪羊表

進佛像表

進渾儀表

幽州論戎事表

并州論邊事表

謝修史表

謝賜碑額表

謝京城東亭子宴送表

謝賜鍾馗及麻日表

荊州謝上表

謝問表

謝賜藥表

岳州刺史謝上表

起義堂頌

堯以天下禪舜舜以天下禪禹禹將宅百揆總萬國一讓於稷高再讓於皋繇稷高先舉彼商與周以之更盛皋繇後天我國家於茲受命非舜以考天而疇咨審靈命之陰隲非禹以享天而德讓知麻數之有歸及乎元元間出光大前慶垂道德而統運依清虛而立法天祚

結廬未氏臚餘書

結廬未氏臚餘書

我李厥惟舊哉并州起義堂者皇天造帝之初高祖誓眾之地也隋氏失御國亂無家小道自賢大才胥忌惟宮室陂池之好惟沈湎暴慢是保上帝不歆黎人咸戚六車踰海而東敗萬乘過江而南覆豺狼入邑豺狗爭人黔首囂然方將無訴我高祖感之乃龍躍晉水鳳翔太原百神前驅萬姓來奔開咸陽入天門用湯武之兵靜新室之亂遵唐虞之典承太王之基率百官受終於文祖輯五玉班瑞於諸侯類圓禋方之禮封功爵德之議允約法惟簡代虐以寬子惠困窮懷柔蠻貊金石一變日月重華近古以來未有革命易姓若此之盛者也非天私我有唐惟天祐于積德非唐求于人庶惟人懷

于累仁當此之時太宗內啟聖謀外行專斷躬擐甲胄跋履山川駕英雄而為奧主一區域而定大業周詩曰昊天有成命二后受之信今之謂也若夫脩德以降命奉命以造邦原濬者流長根深者葉茂天人報應豈相遠哉觀周之興始於后稷公劉承以太王王季皆勤儉忠厚克廣前烈至于文王成之武王啟之康王安之故卜世三十卜年八百天所命也我唐之興也始於皋繇元元承以景皇元帝皆立言邁德垂裕後昆至於高祖受之太宗有之高宗守之中宗復舊業睿宗新景福比之周室我何謝焉且如陳德明刑庶其躬稼之績元宗道要小其避狄之仁化流率土狹其江漢之域義審大

朝羞其牧野之戰故武德中太行出大聲曰唐興理萬年蓋天之所命年代未可涯也仲尼曰惟天為大惟堯則之又曰韶盡美矣又盡善也非至德其孰能如此其大者乎於戲先后捨元子而立予主嗚煩大位而付予天下自高祖創業百有六戰欽承丕緒十有四載東西南北無思不服山川鬼神亦莫不實惟藝祖儲福之所致豈予幼孫菲德之所及方將運心于妙之境厲志於造化之爐發令為祥符施惠為霖雨任賢為兩曜仗能為四時俾天之下有形者遂全懷生者自足樹鋪野蘭田種嘉穀斷雕為樸捐珠棄玉追大庭而齊風夢華胥而同俗非曰能爾願宗祏而效焉癸亥之歲獻春

雜

三

正月濟河橫汾省方展義存問黎老緬慕本邦城郭歸然桑梓如舊覽風物之憂思尋王業之艱難惟高祖若天地之開闢化成萬類惟太宗若日月之照臨光於四表舉晉陽之甲除君側之盜由唐侯之封升天子之號肇基發迹實在於茲仙駕無所或願懷於舊土靈魄無方儻來歸於北堂郡縣之所宜嚴奉前人有言曰禮不忘本樂殊其德如姬詠周原而劉歌沛邑思我烈祖如聞歎息之音嗟爾後人無忘成功之頌頌曰
皇矣上帝 臨下有赫 降監四海 求人之瘼
吁彼隋煬 其政不獲 眷我高祖 此惟其宅
天輔皋陶 明刑弼教 道遵老氏 同體妙

仁表四乳 明燭獨照 隨父託心 史良辨貌
高祖誕靈 神光夜耀 天妹作合 日見夢紹
祚生文帝 膺運會昌 首唱高祖 鸞飛晉陽
萬夫一心 元戎啟行 火旗炎炎 雲鳥洋洋
五星冠帝 萬國謳唐 天網恢疏 王師節制
威惟連戮 老生摧斃 山祇引軍 河龍渡帝
渭倉散積 離宮弛閉 闕輔來蘇 遠方咸惠
長安宮室 上法太微 隋遷寶鼎 唐在璿璣
伏入雙闕 詔出九圍 三靈協載 百祿同歸
帝謂太宗 表正封略 濤蕩颺埽 霆馳電燥
劍不摧鋒 弩無再曠 西平汧隴 東取河洛

雜

四

杲密德充 頭懸面縛 北走獯鬻 南達蠻荆
遼碣作父 梁岐底平 風動神行 海隅蒼生
莫不來庭 於昭義堂 誓眾資始 天命所起
子胥頌美 維予小子 夙夜敬止 於戲皇王
緒思不忘
銘
石橋銘
玉梁架迴 碧沼涵空 石鞭海上 鎖鍛河中
橫漢飛鵲 規天拖虹 仙聖來往 風雲路通
箴
獄箴

官有決曹 掌茲法獄 匪惟議罪 亦以防欲

所貴仁恕 非矜窘束 吏苟吹毛 人安措足

古之為主 是戒是勸 茫茫率土 蠢蠢羣生

賢愚中雜 真偽相傾 若魚之駭 如鳥之驚

不能無犯 宜持以平 或大或小 時重時輕

無以快志 期乎得情 孰曰非重 國之政令

孰曰非輕 人之性命 虐則招咎 寬則納慶

宜慎宜恤 可畏可敬 為獄則固 為牢則幽

晨嚴管鑰 夜密更籌 寂寂園土 纍纍繫囚

求食搖尾 見吏垂頭 自昔立名 此為非所

逼隘狹室 敬傾漏宇 冬有祁寒 夏多隆暑

焉可失入 焉可妄處 勿謂無妨 勿謂無傷

匹婦含怨 三年亢陽 匹夫結憤 六月飛霜

可以安危 可以興亡 敢告司憲 無輕國章

表

賀示麻書表

臣說等言內侍尹鳳祥至奉宣聖旨內出新撰麻書二
十五卷以示臣等竊窺深奧仰觀英華涉海登山罔知
攸際臣聞唐堯光宅順昊天而定四時虞舜登庸在璿
衡而齊七政伏惟開元聖神皇帝陛下至德廣運文明
潛哲道冠生知與神合契備往聖之能事紹昔王之盛
典發揮易象以應乘乾之時考正麻書更表履端之始

上包二帝下括三王徵暑運之盈虛究推步之疏密備

稽氣象載躔坎離三辰順軌而更明五緯合度而增煥

是使天地貞觀神人允諧唐虞舊章於斯重覩臣等幸

陪書府得預朝門抃躍之情實萬恆品奉表陳賀以聞

賀祈雨感應表

臣說言臣聞水旱常數堯湯固有聖賢之理恭潔為難

自冬踰春積陽成亢陛下以時災繫政人患由君退巫

女之雩卻應龍之請陛下躬自暴露炎景瞻仰雲漢推

心引譴為人受咎誠既發而動天言剋期而降雨今已

霖淫三日澤漏重泉草樹含欣郊原變色加以雲平雨

細氣潤風和豈惟優渥王畿必將周徧天下羣心舒釋

聖情開暢無任萬姓歡悅之至謹奉表陳賀以聞

讓兵部尚書平章事表

臣說言伏奉九月十九日制書到并州授臣兵部尚書

同中書門下三品王人在門驛騎臨路奉恩循分以慚

以惕臣說中臣早以書生射策載筆聖朝晚以軍志典

兵秉旄乘塞祿非授進龍是宸衷久侍玉階四掌綸詰

一心好直三黜其宜今復用之猶夫人也何足以舉明

邦政光緝帝猷更策疲驂來塵法駕又臣已受命司籍

專意簡書所希散冗因閒就業忽叨劇職責大憂深人

心有限事難兩濟國史無成臣執其罪上思薦賢以自

代下願守分以全節竊見開府宋璟清介獨立倚法而

不回詹事陸象先清明向道臨事能斷其高明有素歷朝之所仗委其積行無疵眾人之所體信揆停住任未盡宿誠乞迴此恩以納來效必能補舊政之缺漏廣前途之軌轍雖深心力臣頗與二子齊驅然校德考年彼皆有一日之長天下者累聖之公器宰相者萬方之具瞻臣所以廷讓彰言不陳密啟伏願聖恩聽輿論而舉眾望所屬倘朝任得人實海內幸甚無任力微任重惶懼之至謹奉表陳讓

讓封燕國公表

臣說言伏奉今月七日制書封臣燕國公食封三百戶寵靈猥及中心如忭臣說中臣聞至道之時重法守義

上無無功之賞下無無德之祿故授受禮全而踰越不起伏惟陛下光撫宇內大雷天域百度維新萬靈翹注建侯疏壤允答元功臣亦何人首膺是命自古有道而爵說經而封蓋以訓蒙成聖資師通學臣之侍講有異前聞何者大明朝昇螢燭無助時雨夕濡浸灌焉施幸得依附光景游泳渥澤豈敢虛承啟發之恩謬荷將就之報且如人臣之義二則為罪一心不回愚知之分譬如犬馬有不背之性草木有不彫之理知何德於天壤而欲蒙造化之偏施哉臣之無功正與此類叨恩過量終懼且慙乞迴聖慈以容介節無任惶悚之至謹詣朝堂奉表陳讓以聞

讓中書侍郎表

臣說言伏奉制書除臣中書侍郎寵命俯臨驚魂自失中臣聞雲構鬱起非枳棘之任天波暴集雷溝澮所容臣識無通方文不經國南宮華省已忝前行西垣內閣將陪近侍心慙官謗跡愧時流何以承掌主言贊決機務當今二儀再造百度皆新太平之基惟賢是與混成庶政責在中書豈以常才敢膺首選乞履恩命改擇時髦惟慎庶官以諧僉議無任惴款之至謹詣朝堂奉表陳讓以聞臣所讓人別狀封進

讓右丞相表

臣說言伏奉制書除臣右丞相兼中書令臣學慚稽古早侍春官階緣舊恩忝竊樞近雖思致君堯舜而才謝伊臯屬升中大封方求俊父猥升端右實愧朝行乞停新令獲守舊職辭納情懇希垂鑒諒無任屏營之至謹奉表陳讓以聞

第二表

臣說言伏奉今月十日制書除臣尚書右丞相恩命自天戰踟無地臣說中臣少長儒門墜鑿墳史才非高格官不因人徒以命偶龍興位階鴻漸五入西掖七踐南宮中間拙延謫放直招玷缺傷矢之禽聞弦虛墜賜環之客聽歌先泣此則魂為危感氣由懼奪安可重收廢器再辱端揆何以師長禮闈正持憲府當今典章革故

風教鼎新野無四隱朝有三傑具瞻之地願擇時髦臣幸沐遺簪墮履之恩好生養志之德朝遊簡牘暮對圖書受賜無涯循榮過分豈更於處士之橫議招匈奴之遙哂艾骨自瘡負乘致寇雖則愚情懷戀覲冒求寵亦望聖慈限約令度餘年願停今授長守舊史罄陳肝膽非敢飾讓謹詣朝堂奉表自乞臣說誠惶誠恐頓首頓首死罪謹言

讓中書令表

臣說言伏奉今月十一日制授臣中書令恩渥自天震越無地臣說中伏惟陛下至孝安親大功定國六合翹首庶政維新雍熙之化望在茲日中書理本臣叨首名將何以翊贊聖君光澤天下自臣攝官禁掖已涉七旬不知賢才以舉是不仁也不辯不肖以退是無勇也何足以備乎宰臣胡顏冒恩復受真拜臣之愚執正在於此不敢繁詞以塵聖聽乞迴榮授改擇時髦無任懇款之至謹詣朝堂奉表陳讓以聞臣所讓入別狀封進

讓平章事表

臣說言臣伏奉宣旨制書以臣同中書門下平章事承命以汗拜舞失容臣說誠惶誠恐頓首頓首死罪死罪臣本書生器識凡近仕不望於通貴祿只宜於代耕蒙時寵榮越踐臺閣局心守職竊所庶幾長算經邦則無逮及伏以廟堂奇切軍國務殷循涯審分非臣攸處為

國者為官擇人為臣者陳力就列若志小謀大力微任重豈敢顧惜微軀實恐上塵王政是以披露肝膽不暇飾詞乞停此授俯遂誠情無任怖懼慙惶之至謹詣朝堂奉表陳讓以聞

讓起復除黃門侍郎表

草土臣說言臣私門凶咎喪紀未終不自毀滅苟存聖代忽降制書復臣工部侍郎尋奉後命授臣黃門侍郎震駭失圖哀怖殞絕臣說誠惶誠恐頓首頓首死罪死罪臣弱年早孤母氏訓立得紹基構忝列簪裾從官歷年晨昏多闕播遷遠裔離別又苦顧復無答報養何追心所摧感語不能喻甫至冬中禮及祥禫今已春暮瞻言幾何是臣事朝廷日長戀几筵日短乞履嚴命許達私情訴衷祈天所望矜遂無任荒迫之至謹詣朝堂路左奉表乞哀以聞謹言

第二表

草土臣說言臣在疚承榮布哀陳款精誠無感天聽未回假喘殘生悲懼轉集臣說誠惶誠恐頓首頓首死罪死罪臣聞苦者不覺聲哀窮者貴其言達情有至切辭無敢隱臣為少子愛慈所鍾每一離別輒加憂憫況臣生年多故違隔私庭終堂之日身限公事存既數違左右沒復不畢几筵痛心自傷特殊人類臣今望延數月企及再期乞恩無多報國非晚冒死重請冀蒙哀遂無

任懇迫之至謹詣朝堂路左奉表陳乞以聞

第三表

草土臣說言臣荒喘窮情再瀆旒宸懇誠不到未感天心誓將冒死祈恩分外謝臣本書生門非代祿數葉單緒族無親房臣父遭憂曾祖未葬臣有兩兄一妹甥姪九人又有中表相依尚成百口吉凶衣食待臣以辨臣今拜職黃閣侍奉丹墀厚祿清班一朝改官舉宗榮賴為幸過甚人情所欲豈合稽恩正以焚芻苦心有所未盡臣亡母在日朝夕誠臣以臣獨立無徒好直多忤知子者母果驗所言往懼大獄竄命炎海晨出晚歸貽慮非一況涉危難傷心幾途追計生平倍增推慕侍養日

十一

十一

少違離日多即臣母憂臣以終身臣其忍服續以從事情既不同常例望在特降殊恩臣先患風緩近加虛痺陛下倘從臣數月容過再期非但寬其哀疚固亦全其生理亡身報國庶竭後圖木植有性枉之則折人願在心違之則苦雖強為用將何以堪銜泣仰天冀蒙哀允無任懇迫之至謹詣朝堂路左奉表陳乞以聞

謝觀唐昌公主花燭表

臣說言內侍尹鳳祥宣敕賜臣觀唐昌公主花燭伏以天人下嫁王宰送行苟非榮寵何階瞻望臣免歸餘叟忽承朝請之恩廢駕羸驂復覩肅雝之禮鴻私所被枯瘁生光無任歡荷之至謹奉表陳謝以聞

諫內宴至夜表

臣聞上天示下災祥將以誘導人主先王仰觀休咎亦以順修政教易曰天垂象聖人則之言天人之際感通必矣臣伏見去年十月十七日月滿猶望應虧不虧今月十七日亦未少虧此易常之異也夫月者至陰之氣臣下之象當助天作明順期盈缺若過盛逾時盈縮乖度得非臣下之咎而上天之誠耶伏願陛下深察熟思而預防臣又見近日內宴夜深方罷小臣無識抑所未安王在在鎬凱樂飲酒此誠大雅之美也臣卜其晝未卜其夜此蓋春秋之義也伏願陛下宴樂之餘不及於夜臣職忝補缺昧死陳愚謹言

十二

十二

進鬪羊表

臣說言臣聞勇士冠維武夫戴鶡推情舉類獲此鬪羊遠生越雋蓄情剛決敵不避強戰不顧死雖為微物志不可挫伏惟陛下遷良家於六郡求猛士於四方烏無遁材獸不藏技如蒙效奇靈圍角力天場卻鼓怒以作氣旋躑躅以奮擊跌若奔雲之交觸碎如轉石之相叩裂骨賭勝濺血爭雄敢毅見而衝冠鷲很聞而擊節冀將少助明主市駿骨揖怒蛙之意也若使羊能言必將日苦鬪不解立有死者所賴至仁無殘量力取勸焉臣緣損足未堪履地謹遣男駙馬都尉埒謹詣金闕門陳進輕冒宸嚴伏深戰越

進佛像表

臣說言去年行塞至朔州忍辱尼寺見有高祖太宗造金像銀趺刻題尊號彼州士女屢瞻佛光臣懇思聖心如尺咫伏以皇帝事業遠存荒塞拯溺救焚身勤慮苦歸誠佛寶何神不據信知功徧區域澤周生人心憑神靈躬履危險故皇天眷命奄有邦家後嗣聖人欽承大寶所當思由積德而興帝系本艱難而成王業先聖一心奉佛者蓋為百姓求福也陛下為繼文之主實創業之功再廓氛祲重安廟社垂統萬億同符祖宗夫惟興王必藉佐命咸有一德克享天心書曰非天私我有商惟天佑於一德非商求於下民惟民歸於一德功臣同德可不念哉物有小而感深事有微而傳遠臣謹將金像隨表奉進謹言

進渾儀表

臣說言臣聞迎日授時莫先於象先天成務必歸於制作伏惟開元神武皇帝陛下建中立極緯武經文至德難名神功莫測於是定象成歲立象考天紹唐堯欽若之文繼虞舜在璿之義上皇能事於斯備矣臣書院先奉敕造游儀以測七曜盈縮去年六月造畢進奏又奉恩旨更立渾儀臣等准敕令左衛率府長史梁令瓚檢校創造於是博考傳記舊有張衡陸績王蕃錢樂之等並造斯器雖渾儀有象而不能運行事非經久旋即

續

毀廢臣今按據典故鑄銅為儀圓以象天使得俯察上具列宿赤道周天度數注水激輪令其自運一日一夜天轉一周又別立二周輪絡於天外綴以日月令得運行每天轉一匝日行一度月行十三度十九分度之七凡二十九轉有餘而日月會三百六十五轉而行匝仍置水櫃以為地平令儀半在地上半在地下晦朔弦望不差毫髮又立二本入於地平之上前置鐘鼓以候辰刻每一刻則自然擊鼓每一辰則自然撞鐘皆於櫃中各施輪軸鉤鍵交錯關鎖相持轉運雖同而遲速各異周而復始循環不息陰陽不能逃其數度分不能隱其時究天地之回斡極乾坤之變化斯皆上稟聖謨旁獲神助臣等愚思非所能及望錄付史館宣示百寮使知告成之功迥越前古無任勤懇之至謹隨表奉進以聞臣說誠惶誠懼

幽州論戎事表

臣說言伏以先帝以臣踐履忠孝使臣啟發聖明故得侍讀春闈夙承天眷泊於中歲兼掌樞密內當沸騰之口外禦傾奪之勢陛下監撫既安自天所佑然臣叶贊之意神明啟之開元之始首典鈞軸智小任大福過災生出守三州遠離六載曲直非已升降由人惟君知臣事不待說今既牧邊鎮委重戎麾竊以兩蕃共和能識同異九姓遠聞撫納欲恃賊殺無侵擾之慮保兩蕃受

徵發之期臣愚料之恐未然矣何者賊殺新立必逞兵所加必收九期若去兩蕃搖失九姓雖屬并州節度然其幽州密邇脫有風塵何所不至臣熟聞幽州兵馬寡弱卒欲排比未可即用城中倉糧全無貯積事未逼迫臣實憂之伏乞聖慈深以垂意博詢舊將豫為籌畫事若早圖必無後悔且孤臣總眾易起猜嫌寬大失濟事之宜嚴整招怨贖之謗遠辭天聽臨事回惶如有論告臣身奏劾軍事者乞追臣面問對定實虛則日月無可蔽之明幽遠有自通之望伏乞留書在內時加矜察

并州論邊事表

臣說言臣說頓首死罪死罪言臣聞小忿不忍延起大

謹

五

患小罪不寬迫成大禍契丹奚背恩誠負天地不容之責然原其狀本是兩蕃君臣不和自相誅戮耳伏望聖慈且使其族類在朝者將敕書再三告讓因其所欲立酋長而更定之或可不戰而定也必告之不訓則大發兵馬東召赫羯西舉九姓來春未青敷道齊入單于之首可拾而取未為晚也天恩若不忍以中國勞事蠻夷則嚴兵備塞棄兩蕃如糞土耳又許欽淡擁二萬餘兵據五丈之城有糧即守不可拔無糧即鼓而行何所慮也今遣史獻非時遠鈔近掠其實甚難萬一未捷賊氣轉壯下臣愚昧不敢隱情伏望聖恩再加裁度臣說誠惶誠恐頓首頓首

謝修史表

臣某言伏奉今月十六日敕令臣在家修史捧恩戴命且喜且慚臣服道儒門策名昌運掌綸四后載筆三朝階緣宿遇登躡端揆職為劇於心盡史無用而功廢自貽官謫待罪私門反魯之感徒深藏周之望已絕豈意特流天旨重緝簡書雖才慚左邱而時盛周漢況復編堯舜之年事皆目覩敘義黃之德音匪傳聞善志將訓於百王實錄可貽於千古國家之鴻業辦矣朽臣之至願畢矣不勝天恩難任之至謹奉表附內侍尹鳳祥陳謝以聞

謝賜碑額表

謹

六

臣說言伏奉今日恩旨賜先臣碑額悲荷交心拜捧以泣臣某中謝臣亡父先臣隲安貞下位不待昌辰先帝贈之以帑城陛下目之以積善光賁重渥感慶三泉舉宗悲喜外姻歡賀昔孔象吳札之墳秦存展季之壘事輕列國義小陪臣豈若天王禮士鳳書旌墓榮軼曩賢道映來籍在臣在子移孝為忠心效草木何酬雨露無任幽明感戴之至謹奉表陳謝以聞

謝京城東亭子宴送表

臣某言力士至奉宣敕以臣臨歧特令賜宴恭承惠渥念及庸微天地同仁木石知感不勝惶悚戴荷之極臣某中謝臣歷觀自古君臣凡所際會或因緣黨進或延接

功成故未竭而不知不言而信豈有地孤援寡毀眾謗深察蒙蔽之中致曠蕩之外逢陛下特達之遇當陛下聖明之朝事出非常澤深恩重今者誓將瀝血未足竭誠徒欲殺身豈能報德至如勵精勤政與直守公爵陛下憂人之心行陛下宏道之化安敢失墜以負神明但函關路遙長安日遠不任戀主悽愴之至

謝賜鍾馗及日表

臣某言中使至奉宣聖旨賜畫鍾馗一及新日一軸者猥降王人俯臨私室榮鍾馗睿澤寵被恩輝臣某中伏以星紀迴天陽和應律萬國仰維新之慶九霄垂湛露之恩爰及下臣亦承殊賜屏祛羣厲續神像以無邪

謹

十七

允授人時頌日而敬授臣性惟愚懦才與職乖特蒙聖慈委以信任既負叨榮之責亦懷非據之憂積愧心顏難勝惕厲豈謂光迴蓬華念等勳賢慶賜之榮賤微常及感深犬馬戴重邱山無任感荷之至

荊州謝上表

臣某言伏奉二月二十五日制書除臣荊州大都督府長史拜命荒服浮舟遶沂以今月十七日到州上訖山列楚望水橫南紀德非羊祜迹謝宋均何以鎮靜流亡攘除猛暴臣某中謝臣宿監宸睠累塵榮獎福過生災至剛多缺及一辭庭闕已涉五年不有自白之書竟無因人之請天光獨照雲霧頓披窮鱗更躍鍛翻仍翫揣分

瞻恩何階及此愧乏才能不足宣暢皇風敢竭心力少冀上酌元造無任欣忭兢惕之至謹附送丁匠資使所部文林郎守公安縣主簿封希魯奉表陳謝以聞

謝問表 元宗

臣說言內給事高力士至伏奉墨制聖慈綢繆言及舊昔拜舞捧讀且驚且喜臣聞漢主眷驂乘之臣魏君憶同遊之客誠以故舊不棄而光陰易往今之聖情實過於昔臣曩蒙侍文北閣陪宴東堂庭闕一遙寒暄二載不意逢春之草承清露之惠渥容光之隙引遲日之暉華無任荷恩戀主之至謹附高力士奉表陳謝以聞

謝賜藥表

謹

十六

臣某言去年某月日於右銀臺門蒙天恩引對特承慰問攝理無方以致熱疾緣在假內不敢奏聞聖慈憂軫詔使臨門伏枕在牀雖體氣未適趨風拜命覺賡理遂平恩榮豈止於邱山朽質永延於龜鶴無任感戴之至謹奉表陳謝以聞

岳州刺史謝上表

臣說言伏奉四月十有二日制書除臣岳州刺史某月二十七日遞書到相州承恩惶怖狼狽上道以月一日至岳州上訖臣以昔侍金華過蒙榮寵負乘招寇日待譴黜聖慈遲迴仍委符守刻肌刻骨誠願上報恩私無術無才將何克宣風化夙夜慚惕胡雷啟處伏以貶官

到任理在速聞不敢循常稽緩附使無任荷恩兢懼之
至謹遞表陳謝以聞

張說之文集補遺卷第一

張
補

十九

四
八
三

張說之文集補遺卷第二

疏狀 對策 批答

諫避暑三陽宮疏 諫潑寒戲疏

論神兵軍大總管功狀賀彩雲見狀

賀破吐蕃狀 謝賜羅絹狀

集賢院謝示道經狀 謝賜御書碑額狀

謝賜藥狀 對策 三道

答宰臣賀破賊狀

諫避暑三陽宮疏

陛下屯萬乘幸離宮暑退涼歸未降還旨愚臣固陋恐非良策請為陛下陳其不可三陽宮去洛城一百六十

疏

里有伊水之隔崿坂之峻過夏涉秋水潦方積道壞山險不通轉運河廣無梁咫尺千里扈從兵馬日費支給連雨彌旬即難周濟陛下太倉武庫並在都邑紅粟利器蘊若山邱奈何去宗廟之上都安山谷之僻處是猶倒持劍戟示人鐔柄臣竊為陛下不取夫禍變之生在人所忽故曰安樂必誠無行所悔此不可止之理一也宮城褊小萬方輻輳填城溢郭併鋪無所排斥居人蓬宿草次風雨暴至不知庇託孤嫖老病流轉衢巷陛下作人父母將若之何此不可止之理二也池亭奇巧誘掖上心削巒起觀竭流漲海俯貫地脈仰出雲路易山川之氣奪農桑之土延木石運斧斤山谷連聲春夏不

結廬宋氏騰餘叢書

輟勸陛下作此者豈正人耶詩云人亦勞止汔可小康此不可止之理三也御苑東西二十里所出入往來雜

人甚多外無牆垣禁籞內有榛叢谿谷猛獸所伏暴慝是憑陛下往往輕行警蹕不肅厯蒙密乘嶮巖卒然有

逸獸狂夫驚犯左右豈不殆哉雖萬全無疑然人主之動不宜易也易曰思患豫防願陛下為萬姓持重此不

可止之理四也今國家北有外寇觀邊南有夷獠騷徼關西小旱耕稼是憂安東近平輪漕方始臣願陛下及

時旋軫深居上京息人以展農修德以來遠罷不急之役省無用之費澄心澹懷惟億萬年蒼蒼羣生莫不幸

甚臣自度芻蕘十不一從何者沮盤遊之娛間林泚之

疏

玩規遠圖而替近適要後利而棄前歡未沃明主之心已戾貴臣之意然臣血誠密奏而不愛死者不願負陛下言責之職耳輕觸天威伏地待罪

諫潑寒戲疏

諫潑寒戲疏

臣聞韓宣適魯見周禮而歎孔子會齊數倡優之罪列國如此況天朝乎今外蕃請和選使朝謁所望接以禮樂示以兵威雖曰戎夷不可輕易焉知無駒支之辯由余之賢哉且潑寒胡未聞典故裸體跣足盛德何觀擇水投泥失容斯甚法殊魯禮褻比齊優恐非干羽柔遠之義樽俎折衝之禮

狀

結廬宋氏騰餘叢書

論神兵軍大總管功狀

結廬宋氏廣餘壽

右牒奉敕責問大總管功狀者自契丹背恩營州失守前軍喪律榆關不開幽平鳥栖於重壑戎羯虎食於四野燕南諸城十僅存一河朔之地人挾兩端由是豺狼入於牢穿蜂蠆出於懷袖受服不宿孤劍先驅寇讐日深甲兵未繼于時鳩合步騎不滿三千彼眾我寡兵怯虜熾且保關守塞力猶不禦況土人弄兵轉相攻拔外召夷狄內據險隘冀州既陷勢將不已當決水之衝承烈火之燄逆風撲燎摧岸塞河韓白見之知其難矣王權以料敵靜而鎮下宣國恩以撫甯曉愚俗以逆順督將吏以忠義示士伍以嚴肅深籌秘於六奇潛檄通於

鑿

二

千里滄瀛貝博響援增氣幽易恆定聲威有立而又分兵井陘杜其西望引軍河漕阻此上流張虛旗於趙城設奇兵於襄國亦猶夫吳人潛軍於巢縣而見舟豫章漢將捷徑於武關而聲出峭澗蓋廣援以安眾多方以誤敵故能舉無遺策兵不踰時滌昂宿於妖氛拔冀方於塗炭俾皇靈溥暢黔首昭蘇朝廷釋東顧之憂漳滏息南侵之患然後歸剽掠返流亡業窮乏振瘼傷僵暴皆掩死喪無怨賞不失勞亦無濫受罰不漏罪亦無冤人則王有大勳於是役也而又誠以奉上義以利人至忠之狀有三為善之跡有五所謂忠者一曰思致命也初戎寇方殷王乘駟救眾纒數騎捍敵羣醜山東父老

結廬宋氏廣餘壽

如恃山河既而王躬擐甲胄吐誠師旅誓在盡敵以報前警故得感激來戰決命爭勝二日能果斷也凶黨狂狡飛轉妖書吹堯謗舜間誘愚惑事斯蔓結搖我人心王陰察州閭揜求魁蠹獲應賊書人耿羅漢等一十三人焚書伏罪眾而後定故得破謀殺謀悖計無施三日誠感神也王地維近屬躬當大任所過山川鬼神之地罔不精意懇禱以請云天子聖明皇天輔德實降靈助以濟神兵幽感明祇多獲孚佑故得行師之處勝風送旗合戰之時興雲翊陣金鼓所向冰消草靡所謂善者一日均下也飲食勞逸與將士必同二曰潔己也徧賞有功王秋毫無受三曰詢善也國之彝典成誦在心閱實定名必資羣議四曰嫉惡也每戮一人親數其罪必深加咎責使愧恥於地五曰不伐也賊平之日將吏賀功王稱美天威推勞士眾兢兢然若不已有也惟聖人神武制命預授兵符惟大總管忠善龔行克成廟算今者顯號年紀騰輝國籍方謂垂範雲臺勒林彝器而杜遣宴甫率於舊章茅土增封殊末於宗正此壯夫義士所以竊議而長歎者也雖樹下不言用歸功於明主然策勳有典何勸善於戎臣敢憑下問是用大陳其所正復州縣招撫歸降補署官僚存集流迸擒殺凶醜收獲軍實與吏士共功者俱如別狀

賀彩雲見狀

右伏奉恩旨今日屬下元賜臣等侍從升降聖闕禮謁大聖尊容行香之際日西南有彩雲見若伏以大道無形至誠斯應上元降福感而遂通步輦陟於齋宮度修香火彩雲生於曉日遠發祥光是知聖德與天心合符萬靈與羣仙叶贊臣叨陪侍從如昇汗漫之遊承恩禮謁更觀氤氳之瑞榮幸之極千載一時無任欣慶之至

賀破吐蕃狀

右臣等伏以涼州遙稟神算大振天威吐蕃小醜應時摧敗元惡渠魁乘勢俘戮隻輪匹馬坐見無遺雖虞舜之格有苗黃軒之征涿鹿未有廓清氛祲如今日之盛者臣等無任慶快之至

謝賜撰鄭國夫人碑羅絹狀

右內侍尹鳳祥宣口敕得所進鬪羊表及鄭國夫人碑今賜卿綵羅二十四匹絹一千匹鬪羊薄技恩感戰士之心雕蟲陋詞愧稱賢母之德效輕賞重戴厚慚深臣子之情豈望天報

集賢院謝示道經狀

右臣伏見聖札金字八分寫道經兩卷以為惠文太子三七追福天毫發彩宸翰騰輝色麗風雲光逾日月伏惟陛下孝弟之至通於神明俯念天倫用資幽贊當茲炎暑服此勤勞事絕古今感深名教臣忝司舊職載考前王未有親親之至楷隸之美如此之備也足以作則

貽範垂之無窮伏望宣付史館以光典策無任誠懇慙之至

謝賜御書大通禪師碑額狀

右內侍尹鳳祥宣示御書大通禪師碑額六字畫起平雲點躡芒玉戈矛攢倚鸞鶴交飛神功發於至想睿思成於德實謂天龍捧持虛空稱贊逝者如在薦福知歸臣棲志禪門撰碑靈塔幸遇聖情崇道御書假貸刻星辰於嘉石爛日月於封邱感極悲生恩深無答臣無任望外殊澤之至

謝賜藥狀

右內史陳忠盛宣旨賜臣痢藥臣攝生無方自貽疾疢

聖慈矜憫垂恩救護氣衰力憊忽吞永命之符腸滑胃虛更餌返魂之草蒙天營祐指日痊平雖萬粉灰何酬造化謹附忠盛奉狀陳謝以聞

對策

詞標文苑科策

第一道

臣聞舜命昌言漢徵極諫嘗覽千古賢哉二君今陛下發德音下明制選空岩穴訪匪輿臺大哉邈乎過之遠矣臣以草莽之賤謬當車乘之招誠不足以庶幾王庭充塞大問伏讀聖旨乃知天心之所存焉臣聞昔者鳥跡代繩龍文演卦水土遷王時更萬祀金木互興人非

一姓暨乎三皇五帝氏往夏商周漢氏作或導人以禮樂或驅俗以政刑或革弊以忠敬或治風以文武非師古之誥有殊蓋隨時之義且異也伏惟聖母神皇陛下誕受鴻基光膺駿命粵若立極格天之業論道布政之典任賢克暴之功出洛卿雲之瑞此并藏緯玉冊勒休金版鬱美前古揚光後葉者矣至若創業垂統之則宏猷永圖之美重光三聖再清六合可不謂然乎猶或惕慮推溝勞謙馭朽謝文明於薄德想疇庸於清問此陛下之至讓也愚臣何足以知之策曰適時之務何先經國之圖何最臣聞古者因人以立法乘時以設教以義制事以禮制心夫人者理得則氣和業安則心固崇讓

羅

七

則不競知恥則遠刑若強人之所不能雖令不勸禁人之所必犯雖罰且違故曰政不欲煩煩則數改數改無定人懷苟免之心網不欲密密則深文深文多傷下有非辜之懼竊見今之俗吏或匪正人以刻為明以苛為察以剝下為利以附上為誠綜覈之司考課專於刀筆撫字之宰職務具為簿書陛下日昃雖勤守宰風化多闕臣以為將行美政必先擇人失政謂之虐人失人謂之傷政捨人為政雖勤何為伏願陛下進經術之士退捨克之臣崇簡易之化流愷悌之風畫一成歌此適時之務也慎賢而用此經國之圖也苟能英才不棄大化方隆而猶曰朝謝垂衣野非擊壤則文武之道尙何言

哉堯舜之君徒虛語耳策曰帝皇之道奚是王霸之理奚非者布在方策臣聞之矣聖人御(麻)上(信)而下信帝者應期君明而臣哲周用王道教化一人而人從漢雜霸政刑政嚴而俗偽故親譽優於畏侮文章劣於成康臣謹對

第二道

臣聞刑以助教德以閑邪先王慎於好生大易誠於緩死今陛下母臨黔首子育蒼生孚佑下人克配上帝然自東南小祲荆蠻遠郊雖聖德泣辜尙用防風之戮天心罪己仍勞淮甸之征其有註誤閭閻脅從井邑陛下愍孤霜於海淮恤困窮於江漢捨從寬宥此陛下之恩

羅

八

也而蕞爾餘孽蠢茲頑兇思弄兵於潢池之下將構難於戎狄之域罪盈稔貫禍得萌芽此又陛下之明也今陛下乃賜臣策曰豈止殺之方乖於折衷將小慈之澤爽彼大猷臣實見折衷大猷之規不知小乖微爽之義也策曰刑政之要實所明閑臣聞政猶水火刑譬陰陽頃者三監亂常有司既糾之以猛於今四罪咸服陛下宜濟之以寬明肆赦之渥恩安萬人之反側布深仁於羅鳥收至察於泉魚豈不大哉天下幸甚且夫人者眈也暗而不可罔庶者眾也愚而不可欺是故刑在必澄不在必慘政在必信不在必苛故明王之理天下也刑一則人畏而不干政簡則俗齊而不偽於是禍亂不作

災害不生君安於上臣悅於下百姓日用而不知其然四海風動惟帝之則道暢鍾石聲流舞詠其行己也非他所理者以此刑政之要庶幾一隅臣謹對

第三道

伏惟陛下則天法地畏命重人據河洛之規模總風雨之交會軒后魚圖之水建邦設都周公龜墨之地考堂作室靈祇降福嘉祥薦祉制同神造力以子來將以殷薦上帝至法也嚴配先王至孝也加以八風攸序四時克諧無得而稱能事畢矣猶復執勞謙之不已懼盛禮之未宏訪末學之臣詢稽古之政斯事體大臣何足言然而敢不欽承以竭涓滴耶策曰何代之政參詳適中

九

何禮之規施用為切臣謹錯綜三五明徵典謨竊以緯武經文布方策而非遠英風顯號流頌聲而可襲未有反義悖德而致昇平之政棄禮違經克以永終之祿莫不發號施令法乾坤之動靜執契縣衡順金木之刑政是故青陽之室遵孟仲而觀風白輅朱旂因離光而布政養老用上庠之禮教胄取太學之義環水著辟雍之名向陽表明堂之位蓋所以享羣瑞朝諸侯頌正朔調景緯成簡易之基崇久大之業也皇王與旨庶此詳探周漢前蹤難於專用臣才智駑劣草莽賦生至如軍國務廣政刑理急但至敬無文信言不美陛下欲聽其說必觀于事將達其謀先求諸道危言抵禁破膽寒心伏

惟聖主稍留天聽臣謹對

批答

答宰臣賀破賊狀

省表具知蠢茲戎狄侵軼邊鄙不交鋒刃自取敗亡既邊將之功亦天道所棄心之有慰與卿同之

張說之文集補遺卷第二

結一廉李氏撰餘書

張說之文集補遺卷第三

序 啟 書

大衍麻序

唐昭容上官氏文集序

孔補闕集序

洛州張司馬集序

先天醮宴序

尋花柳宴序

餞韋侍郎神都留守序送弟赴定州詩序

送毛明府詩序

會諸友詩序

上東宮請講學啟

與執政書

與鄭駙馬書

大衍麻序

特進集賢院學士修國史上柱國燕國公臣說言麻者

登

先王以明時授人敬天育物者也辰極恆居斗運不息
晦朔相推而變月寒暑往來而成歲日月右轉周天之
度啟星辰左旋正時之氣合積餘分而置閏配甲子而
設部鳳鳥為司疇人受職分分而加之者百鈞必過毫
毫而減之者千里必差何則古法存而其人異也不有
大聖孰能起之伏惟開元神武皇帝陛下欽崇天道慎
徽月令受命再新改制創麻十有三祀詔沙門一行上
本軒項夏殷周魯五王一侯之遺式下集太初至於麟
德二十三家之眾義比其異同課其疏密或前疑而後
定或始會而終乖振古未探之象必發揮於神算大鈞
之氣盡觀縷於天聰迺更審晷度之短長覈星間

結一廉李氏撰餘書

之廣狹繩九道之朮胸糾五精之進退參大衍天地之
數綜八卦六爻之序一轍於文王也覈春秋交蝕之辰
研九疇五紀之奧同文於孔子也杼軸萬象優柔四載
奏章朝竟一公夕落臣說奉詔金門成書册府先有理
麻陳景善算起昇首尾參元之言接承轉籌之意因而
會輯編次勒成一部名曰開元大衍麻經七章一卷長
麻三卷麻議十卷立成法十二卷天竺九執麻一卷古
今麻書二十四卷略例奏章一卷凡五十二卷所以貫
三才周萬物窮數術先鬼神稱著曰者即聖人顧訪之
目標謹按者是麻家進對之辭非軒后至聖不啟履端
之業非容成詣極不就歸餘之經據其圖也七政之天

登

心不遠守其術也干歲之日月可知蓋中黃之寶符太
紫之神器者也謹以十六年五月端午赤光照室之夜
皇雄成紀之辰當一元之出符獻萬壽之新麻伏望藏
之書殿錄於紀言掌之太史頒於司麻制曰可

唐昭容上官氏文集序

臣聞七聲無主律呂綜其和五采無章黼黻交其麗是
知氣有壹鬱非巧辭莫之通形有萬變非工文莫之寫
先王以是經天地究人神闡寂寞鑿幽昧文之辭義大
矣哉上官昭容者故中書侍郎儀之孫也明淑挺生才
華絕代敏識聰聽探微鏡理開卷海納宛若前聞搖筆
雲飛咸同夙構初沛國夫人之方娠也夢巨人俾之大

秤曰以是秤量天下及昭容既生彌月夫人弄之曰秤
量天下豈在子乎孩遂啞啞應之曰是生而能言蓋為
靈也越在襁褓入於掖庭天寶啟之故毀家而資國運
將興也故成德而受任自則天久視之後中宗景龍之
際十數年間六合清謐內峻圖書之府外闢修文之館
搜英獵俊野無遺才右職以精學為先大臣以無文為
恥每豫遊宮觀行幸河山白雲起而帝歌翠華飛而臣
賦雅頌之盛與三代同風豈惟聖后之好文亦云與主
之協贊者也古者有女史記功書過復有女尚書決事
宮閣昭容兩朝專美一日萬幾顧問不遺應接如響雖
漢稱班媛晉舉左嬪文章之道不殊輔佐之功則異迹

藝

三

秘九天之上身沒重泉之下嘉猷令範代罕得聞庶靡
後學嗚呼何仰然而大君據四海之圖懸百靈之命喜
則九圍挾纘怒則千里流血靜則黔黎又安動則蒼毗
罷弊入耳之語諒其難乎貴而勢大者疑賤而禮絕者
隔近而言輕者忽遠而意忠者忤惟窈窕柔曼誘掖善
心忘味九德之衝傾情六藝之圃故登崑巡海之意寢
翦胡刈越之威息璿臺珍服之態消從禽嗜酒之端廢
獨使溫柔之教漸於生人風雅之聲流於末葉非夫
黃毓粹貞明助思眾妙扶識羣靈挾志誕異人之寶授
興王之瑞其孰能臻斯懿乎鎮國太平公主道高帝妹
才重天人昔嘗共遊東辟同宴北渚倏往忽來物在人

亡憫雕瑯之殘言悲素扇之空篋上聞天子求椒掖之
故事有命史臣敘蘭臺之新集凡若干卷列之如左

孔補闕集序

唐會稽孔季翔字季和識真之士也弱冠制舉授校書
郎轉國子主簿年三十一卒於左補闕祖紹安中書舍
人考棹絳州刺史季和清規素業有奕代之訓依仁游
藝其聖者之後永昌之始接迹書坊有廣漢陳子昂鉅
鹿魏知古高陽許望信都杜澄昌樂谷倚廣陵馬懷素
東萊王無競河南元希聲臨淄李伯魚譙國桓彥範僉
請季和神清韻遠析理探微衛叔寶之比也嗚呼人斯
云亡世閱多故十年之外零落將盡而後來者皆首華

藝

四

金步鳴玉負璽丹地揮毫紫宸何嘗於拜職之日歎在
劉王喬臨壇之時恨無謝益壽者矣頃見許渺之子風
裁可觀潘子之門有尼夏侯之學傳建集作者五卷以
示子稱從弟四人皆良器槍相如之遺草幸公業之不
亡因敘曩意存之篇首云爾

洛州張司馬集序

夫言者志之所之文者物之相雜然則心不可蘊故發
揮以形容辭不可陋故錯綜以潤色萬象鼓舞入有名
之地五音繁雜出無聲之境非窮神體妙孰能與乎洛
州司馬張公名希元中山人也族高辰象氣壯山河神
作銅鈎天開金印孝友內植禮樂外滋勵行闔庭鄉人

謂之曾子飛名都邑諸儒號曰聖童下帷覃思穿牖嗜
古蓬山芸觀之書羣玉懸金之記魯宮藏篆汲冢遺編
無不日覽萬言暗藏三篋博學吞九流之要處盈若虛
雄辨敵四海之鋒退藏於密漢王問策知帝者之師楚
子聞名實諸侯之選故得雄飛白簡鷹揚丹筆卷襜帷
於天郡設鉤距於皇都若乃抗埋輪之章執驚馬之議
旌賢有通德之教疾惡存署背之文繼軌前途遇物成
興理關刑政咸歸故事之臺義涉箴規盡入名臣之奏
加以許與氣類交遊豪傑仕邁夷險身更否泰昔嘗攝
戎幽易謫居邛崃亭皋漫漫興去國之悲旗鼓洵洵助
從軍之樂時復江鸞遷谷隴鴈出雲夢上京之臺沼想

疊

五

故山之風月發言而宮商應搖筆而綺繡飛逸勢孤標
奇情新拔靈仙變化星漢昭回感激精微混韶武於金
奏天然壯麗絳雲霞於玉樓當代名流翕然宗尚自大
夫之頌成室太史之賦京都魏則十龍儒雅晉則三陽
藻綴朝分南北運迄周隋文人才子重世間出豈止枏
榴體物陳琳得以示人鶴鶴寄辭阮籍稱其王佐故以
開國籍鱗次平史傳之首入文場羽儀乎天下之半公
增繁榮業桂林之一枝彌廣源流荆江之九派宗門多
士斯為盛歟且如承家舊德之基賓王厯官之序玉瑄
銅渾之數黃公女之符落猿瘴兕之巧飲鵲迴鸞之
妙詳諸列傳可略言焉某室邇蘭芬族聯棣萼荷千里

之嘉獎接四友之良遊謹撰令引式題前集七子賦詩
期取類於鄭志一家垂範庶齊衡於孔叢來日新文請
俟君子起儀鳳之後迄景龍以前凡若干卷列之於目

先天醮宴序

先天元祀孟冬十月東都留守韋公寅奉聖朝述宣嘉
旨乃合洛京之五省招河伊之二縣將吏咸集佩章有
序鏘鏘濟濟備備闔闔供張於興教之門式醮宴也原
夫樂生於心非因清風之奏和達於氣無待陽春之節
蓋澤之所及也深則情之所感者遠國家天地一統君
臣百年朝榮舊德之緒野服先疇之業元化漸漬洪恩
既久太上功德不宰夏后命子之初皇帝孝理無為漢

疊

六

祖事親之日生堯舜於天屬見文武之同時前古未逢
斯人何幸是日六樂振作萬舞再弱鳥獸徘徊士女踴
躍則知眾庶觀聽之所樂也旨酒絡繹大庖燔炙芳溢
風煙醉流阡陌則知衣冠酣暢之所適也由近而視遠
萬國之慶皆然自明而察幽三靈之歡可接若夫吟詠
德澤播越仁聲斯固雅頌之餘風政教之遺美凡我詞
客安敢闕如賦詩展事垂列於後

南省就實尚書山亭尋花柳宴序

尋花柳者上賜羣臣之宴也大哉春氣同夫聖心無物
不榮有情咸達况乃五教敷洽萬邦懷和尉侯警而莫
犯刑法存而不用厯觀近古此遇良難諸公入金門侍

瑤殿窈窕雲閣葳蕤華館不亦泰乎然王事靡盬夙夜
在公接良會於愷澤散煩襟於清曠不亦優乎爾其嘉
賓爰集勝賞斯備召絲竹於伶官借池亭於貴里雕俎
在席金羈駐門遠山片雲隔層城而助興繁鸞芳樹繞
高臺而共樂旨酒未缺方塘半陰盍陳既醉之詩以永
太平之日

鄴公園池餞章侍郎神都留守序

夫良才出乎休運大任歸乎令德四海既安乃注意於
賢相兩都分正實具瞻於師尹鸞臺侍郎兼左庶子韋
公國之楨幹人之表儀矜嚴有叔子之容持重得楊公
之望門通禁省當朝稱累代之名管綜諸閣帖職盡一

七

時之美頃五星東聚八月西巡武王既入於鎬京君陳
當往於洛邑中日晷之盈縮均天宇之會同清廟明堂
政理之本也太倉武庫兵食之原也機務所總半天下
之軍國聽訟實繁連海隅之郡縣恩有密而處遠事有
疏而授親腹心遐寄惟賢是屬歲臨單闕月在長贏同
蕭何之居守當陰識之留鎮北闕拜辭西堂宴饒大君
垂藻承月露之光榮元良賜服被星海之耀潤執事以
同列之好載壺酒而送行鄴公以彌甥之禮埽郊園而
留別此地有離洲別嶼竹館荷亭曲沼環合而連注叢
山相望而閒起幽隱長寂蕭條遠風通終南之雲氣下
昆明之水鳥爾其駐馬青林肆筵碧岸清管四發坐客

增悲高臺一望遊人忘返章公方祇率嘉命保釐成周
樹之風聲流我王澤然而臨賜不樂首途遲遲瑣闥夕
拜戀未央之宮闕錦服畫遊懷杜林之桑梓層城日下
膏蓋雲飛天子賦詩已載寵行之史羣公盛集須傳出
宿之文凡若干首合成一卷陸生何幸暫游朝野之閒
南也斐然輕述國風之序云爾

送工部尚書弟赴定州詩序

宵旰天子送冬卿之詩也河朔愆歲恆陽俟牧借威六
官導俗千里俾乎列城遷仰上之化鄰境蒙波及之澤
不然者豈一小郡而勞大賢哉尚書河東侯朝廷之舊
宰也操法度於掌握運陶鈞於方寸是將敷皇惠寒谷

八

兼橫而知喧暢君恩疲人飲德而自飽蘇其槁瘁樂我
陽和元宗殿國亦望於此於時春帶餘寒野銜殘雪太
官重味御酒百壺供帳臨歧假絲竹以留宴傾城出餞
會文章以龍行三台厚常察之意八座深聯事之矚既
而離人遽起班馬爭嘶尋太行之連山想邯鄲之長陌
雖仰瞻鴻鴈來往易於前期而相對桑榆遲暮難於遠
別送歸之地歎悵如何應制華篇凡若干首籌翔鸞鳳
欲掛千金之木糾合蛟龍附藏羣玉之府置之懷袖以
慰遐心云爾

送毛明府詩序

昔之謂良宰者講道議行訓俗式人出自郎官遷登郡

守不以才限流品位遷寵賂聖麻之際任賢稽古毛明
府執德不回發言無擇雍容文雅罷曲江之曳裾尊酒
絃歌即羊卿之製錦甲朝辭洛宴別嘉賓孟夏涉河路
踐芳草眷彼燕趙頃罹戎寇金革毒三北之師杼軸醜
五東之賦毛公將勝苛居簡止濁徐清不下堂而為理
有入境而先歎朋知坐閒弦豎何時益賦金谷之詩遠
送邯鄲之陌愛而不見同夫樹萱

會諸友詩序

谷子者昔與說聯務蓬山出入三載事志相得情深友
于尋屬吾人秩遷迫吏畿劇愛而不見春也再華今說
復謝書坊補他職窮後之意不擇儒林喜且把袂舊筵

九

解帶餘日臥玩文墨笑談平生茲歡豈多後面方永沈

沈春兩人亦淹留

答啟

上東宮請講學啟

臣某等啟臣聞安國家定社稷者武功也經天地緯禮
俗者文教也社稷定矣固(甯)輯於人和禮俗興焉在刊
正於儒範順考古道率由舊章故周文王之為太子也
崇禮不倦魏文帝之在青宮也好學無怠博覽史籍激
揚令聞取高前代垂名不朽伏惟皇太子殿下英睿天
縱聖敬日躋神算密發雄威立斷廓清氛祲用(甯)家國
兆人由是歸德六合所以推功主鬯青宮固本也分務

紫極觀政也副羣生之望作累聖之儲殿下之於天下
可謂不輕矣監國理人可謂至重矣莫不拭目而視清
耳而聽冀聞異政以裨聖道臣愚伏願崇大學簡明師
重道尊儒以養天下之士今禮經殘缺學校遲歷代
經史率多紕繆實殿下闡揚之日刊定之秋伏願博采
文士精求碩學表正九經刊考三史則聖賢遺範粲然
可觀況殿下至聖神聰留情國體幸以問安之暇應務
之餘引進文儒詳觀文典商略前載討論得失降溫顏
開讜議則政途理體日以增益繼業承祧永垂德美臣
等行業素輕藝能寡薄願慙端士叨侍宮闈日夜祇懼
無以匡輔區區微誠願效塵露輕進芻鄙庶垂采擇臨

十

啟如失伏用兢惶謹啟

書

與執政書

說拙於守身往年遷流嶺外亡親愁懼痼疾增加比蒙
生還會未數歲家口在洛身徒入京及丁凶苦不獲侍
側比於他人情實不等在禮君親同貫事君無負事親
有負不能殺身以自咎責乞過祥禱報國非遲三度表
請不蒙矜遂當是文墨不盡苦心投之執事乞為一言
聞達不敢守禮抗請直是私情乞恩若以此情可矜猶
冀聖人萬一哀憫若將遣越甘心待罪謹狀

與鄭駙馬書

晚尋莊周書以天地爲國道德爲身老室之戶牖孔門之棖闕足可反覆孝慈胎育仁義而晉朝賢士乃祖尙浮虛弛廢禮樂其所遺失將詣真宗不愈遠也老稱歸根曰靜復命知常復命近於無有知常其有知見耶斯故反照爾孔云窮神知化德之盛者神不可窮而窮之是神合於我化不可知而知之是化爲我用唯此二義緊莊生亦未始盡言焉非榮陽之深於道者孰爲輕導茲意也

張說之文集補遺卷第三

張說之文集補遺卷第四

露布 碑銘

平冀州賊契丹等露布后土神祠碑銘

西嶽太華山碑銘 常州刺史平君神道碑

太子少傅蘇君碑銘 邠王府長史陰府君碑

為河內郡王武懿宗平冀州賊契丹等露布

大總管右金吾衛大將軍兼檢校洛州長史河內郡王

臣某前軍總管行左衛翊府中郎將上柱國定陽郡開

國公臣楊元基行軍長史朝奉大夫守給事中護軍臣

唐奉一行軍司馬通議大夫行六官郎中鄭果等言臣

聞氛稜薄霄戎狄謀夏則武庫兵動中國有弧矢之威

醫

文昌將飛邊城用金革之事蓋以式遏姦暴大庇黎人

震蠻蕩夷明罰耀武者也伏惟天冊金輪聖神皇帝陛

下仁覆有載化被無外皇圖未臣之黨帝載不庭之俗

罔不衣被聲教浸潤豈熙望雲向風密邇遐裔而契丹

兇醜奴隸餘苗非冒頓之雄族異單于之貴種徒以錯

居遠郡漸化平時田牧混乎四吐質遷通於三市戍人

解甲邊馬垂轡禽獸飽而忘恩蜂蠶養而恣毒敢孤亭

育自絕生成乃狼心干紀鴟張竊發虐我邊吏覆我鎮

軍大棘殘於夷落孤竹淪於荒虛陛下震赫斯之怒授

決勝之符天地合謀鬼神助順六狄舉國百蠻整眾運

櫓槍而埽除從列缺而焚蕩臣飲水受斧指日揚麾雖

結一盧宋氏賡餘聲

宋氏賡餘聲

謝河間之學竊慕任城之勇誓將首冒鋒刃躬先士卒
上假神兵之威下定鬼方之罪凶醜狂悖素無大志因
乘便利扇動姦回去歲管師疑一軍之盡化今春輕敵
見三帥之不歸蟻聚實繁豺牙益厲結山戎以西寇連
島夷而東入臣乃廣開形勢大振聲威移告郡邑金湯
固守傳檄諸軍犄角相應清邊道大總管建安郡王攸
宜杖鉞薊門作鎮燕國當要害之地挫虎狼之羣高壘
深溝臥舊營而不動山蛇雲鳥陣死地而無疑總管沙
叱忠義王伯禮安道買等兵臨易水使接桑河犀渠衝
將士之冠雕騎落將軍之戰四面當敵九拒乘城御史
大夫婁師德總管高再牟薛思行扞敵中山折衝外侮

醫

訓厲鷹揚之士輯睦震驚之師其餘部散校分離綱別

緒兵車星布巡太行而綴碣石介馬雲羅挾衝漳而連

海浦山川積雨盡消邊騎之塵草木長風咸有王師之

氣清邊士馬稍南驅而擁麾神兵甲卒漸北逐以威臨

但合圍而持重未輕挑而即戰重以藩臣默啜統率氈

裘控弦逾於萬騎帶甲彌於千里長驅松漠掩集柳城

巢穴是空胎卵皆覆於時賊眾兵馬屯逼幽州聞其塞

外之敗懼有舟中之敵勢力外窘心腹內乖建安郡王

攸宜蓄銳淵停乘機電發援梓作氣則山岳動搖書箭

一飛則酋渠相滅兵纜接刃元兇授首春喉蔽野京觀

起於中州積甲成山組練收於外府雖本根斯拔已蕩

濂於一隅而餘蔓所滋尙聯延於數郡賊帥何阿小等
頑凶是極奢僞爲資授其署置肆行驅掠幽陵之下不
知首惡之已擒兩河之聞仍謂游魂之可恃士女遭其
逼脅軍城被其屠陷以殺戮爲事戶積皮劉之悲以劫
奪爲心家盈剝割之痛鹿城縣令李懷璧衣冠貴胄令
長崇班背我朝恩歸誠狄寇潛修甲仗輸以利器之資
見委兵權當其上將之任蠢茲狂亂暫同燎火言事剪
除方申沃雪臣乃盛兵邢趙塞井陘之隘命虎賁之將
遏其衝突之鋒長史唐奉一馳使洛魏據阿曹之津縱
羽林之雄挫其侵軼之勢臣又遣將軍總管忠武將軍
行左衛翊府中郎將上柱國定陽郡開國公楊元基押

三

飛騎營中郎將李鐸子總管雲麾將軍行玉鈐衛翊府
中郎將康國公阿史那毗伽子總管冠軍大將軍行左
玉鈐衛翊府中郎將宋撥延子總管冠軍大將軍行左
金吾衛翊府中郎將回鶻果別敕行人雲麾將軍康哉誕
子總管定遠將軍左威衛長李當義壯武將軍何義本
子總管忠武將軍何利深子總管壯武將軍俱羅羅淮
宣威將軍行左玉鈐衛翊府中郎將蘇達侯斤度施子總
管定王府典軍成善威子總管押飛騎定遠將軍平原
府左果毅長上穆仙童子總管劉尙珪子總管渭川府
左果毅鹿思讓押飛騎左玉鈐衛隊正長上賈楚珪左
鷹揚衛長上花匡鼎押飛騎李言忠押飛騎沮忠揚鎮

副張元孜押飛騎康景休押飛騎左監門衛司戈賈九
舉別奏右武威衛長上楊仁爽左武威衛長上楊裔原
州崇岡鎮副康成子右監門衛長上傅阿毛左監門衛
長史殷承範右衛長上王仁獎右衛執戟嚴宏右金
吾衛羅元讓潭州花石成主薛元暉前右武威衛長鄭
嘉祥左衛司戈鄭彥湊州威備戍主崔思暎押步兵
子總管左玉鈐衛長上張中儼別奏首領蘇農婆羅三
昂子首領宋義本別奏游擊將軍左玉鈐衛宿衛哥咄
施注比別奏鄭思疾左衛潞州府果毅員外置同正阿
史岐子總管王城府檢校果毅任宏誓別奏檢校虞侯
任處叔別奏裴光嗣等徇其東北又遣子總管游擊將

四

軍玉鈐左司階伏羌縣開國男李宏顏子總管邢州司
戶參軍飛鳥縣開國男常元楷子總管原州廣牧領將
軍元寂子總管右武衛員外置同正武元禮子總管前
潞州參軍武其別敕行人張景扶州刺史舊鎮副崔敬
三右武衛中郎將阿史德奉職右鷹威衛將軍業温啜
刺侯斤右豹韜衛柔遠府長史上果毅吐火羅決斯右
金吾衛果毅執失守直右鷹揚府將員外置同正阿所
那左玉鈐衛長上借緋金元濟東天竺國王子僧伽杖
摩右鷹揚衛郎將僕固郡骨支左金吾衛郎將阿康地
具右武威衛郎將東河察使左豹韜衛高城府長上果
毅阿史德伏麾支右玉鈐衛郎將路驢駒左金吾衛長

結一廬宋氏賡餘遺書

上阿史德伏摩支右玉鈐衛郎將路欲谷游擊將軍葛羅枝延游擊將軍契苾木昆折衝都尉車鼻施俟斤虔州猶口鎮副白善德晉州仁壽府果毅侯義威子總管左武威衛侯神城府果毅杜元隱押後隊長上張德峻天官常選王曷常彥緯押千騎三交成董元景河州安喬成主王才龕別奏康元寂押千騎隊楊待封前冀州堂陽縣丞温待禮別敕行人白君晉等略其西南或折衝其前或乘躡其後整貔貅之佐奮猛毅之倫長戟林迴高旗雲繞賊黨暑窮漏急命窄途禪執無全之心投必死之計以今月一日何阿小等帥不悛之旅擁脅從之眾結聚數萬抗拒官軍自寅及午前後九陣元基等

魏

五

並鋒鏑爭先戈鋌遞躍抗足而趾鮮卑之血塗地攘臂而扔烏丸之首積野摧同冰陷裂若山焚窮其子遺無復噍類斬獲逆賊冀州三品大總管何阿小逆賊河北道招慰大使冀州刺史馬行慰逆賊冀州道副大總管楊奉節逆賊冀州長史王宏允逆賊總管劉伏念逆賊十二衛大將軍見任鹿城縣令李懷璧逆賊信都縣令楊志寂總管胡六郎逆賊總管王知先逆賊帥馬明誓逆賊三品總管姬目等魁首巨蠹三百餘人凡有戎馬憑陵殘毀之處臣皆宣布制旨撫集其人咸懷聖恩俱得復業羣凶既定冀方砥平二載逋誅一朝泯滅數州愁毒俄然清弭舞溢河冀歌達塞垣截風浪以息滄溟

結一廬宋氏賡餘遺書

廓氛埃而觀白日卻穀何力敢推羣帥之勞叔向有言實在明君之德臣憑藉睿略忝當戎政神機密運不待橫草之功天贊冥符恭承破竹之勢伏惟廟勝速奉朝歡抃舞之情倍萬恆品不勝慶快之至謹遣僕人天官常選李佑別奏左衛長上校尉張德峻奉露布以聞其軍資器械別簿條上謹言

碑銘

后土神祠碑銘

至哉坤元 萬物資生 王者母事 德合天明
 義有大報 用協永貞 茫茫九土 思索其精
 因天事天 因地事地 彼汾之曲 高睢傑異

魏

六

景象遺光 壇場舊位 寂寥千祀 精靈永閤
 誣神不祥 復古維祺 文所無者 秩而祭之
 矧曰后土 昔載明祠 何必因陰 乃爲我師
 意多漢武 跡在橫汾 風流可接 簫鼓如聞
 壽宮創制 神鼎勒勳 古往今來 豈無斯文
 西嶽太華山碑銘
 巉巖太華 柱天直上 青崖白谷 仰見靈掌
 雄峯峻削 菡萏森爽 是曰靈爽 眾山之長
 白帝西下 黃河北來 陰陽孕育 精氣徘徊
 偶聖呈瑞 逢昏降災 玉池神挹 石室仙開
 海絕瀛洲 天遙②圃 偉哉此鎮 錚鏘西土

鬼神乍遊 風雲忽聚 高標燭日 半壁飛雨
自古王者 巡方必至 龍駕帝服 封天禪地
南面會神 西后在位 待子治國安人 然後徐
思其事

常州刺史平君神道碑

公諱貞育字密一字開從燕國薊人也蓋晉之公族有
韓國者列於世家韓之餘子食平邑者因為氏姓有漢
丞相改造繡衣在魏薊侯宅茲元社故瓜瓞縣於三輔
枝葉盛乎兩燕魏齊之問世濟其美公即北齊司空公
鑿之曾孫祕書郎子敬之季孫故偃師令直容之叔子
鍾積慶之洪[○]包太和之粹靈敦龐沈靜直方簡易仁

義根

義根心政理率性度以禮義文以詩書戶部尚書清河
崔知悌朝望人倫公之文友深賞延譽遠近宗焉始以
司成館進士補廬州慎縣尉刺史盧寶[○]舉器藏下寮
轉冀州大都督府曲沃縣尉換晉州洪洞縣主簿北平
陽道昕氣尚標舉河東裴知禮鑿裁精別陽推以孝友
資身裴亦薦以經邦興化徙雍州新豐縣尉盧少儒引
為檢點判官差卒選校小大推允休議登聞擢監御史
裏行奉使黔中監選有牂牁謝鳳節仁奏罷漢官專任
首領公上其挾姦樹黨做擾藩落天子悟焉再使置吏
遠夷騷而旋定舊貫改而復完又駟牧在野攘竊是繁
耗以歲月莫之禁禦公輅車上隴羣慝畢露表監官斛

斯果之輩奪職者九人沒賊者萬計牧圉知禁思無邪
矣開耀間吐蕃侵境師旅不給乃購運酬勳募耕入選
利之所聚詐亦居焉公與大理正王守一於河蘭鄯廓
四州推獲傲羅王希古盧種王誕其徒二千餘人正處
其罪爰得我直授監察御史內難去職居喪過毀死孝
貽憂光宅初肇延兩臺分典百郡服闕授右臺監察御
史巡察河南澄清郡邑昇賢辨罪能執其中類功最加
兩階拜右肅政殿中侍御史郎官法天古難其選固美
斯在再拜司勳員外郎永昌中遭凶黨網羅為周興所
奏貶溫州固安令州特舉清白改鴻州櫟陽令邑多滑
入屢宰敗駕公威簡有素誠結無欺率是而行人用不

擾獄

擾獄行自靜狼戾反慙詔書嘉譽加朝散大夫又羅密
徒貝錦為河內所鞠降括州員外司倉尋而事白進吉
州司馬神龍中興官反舊政窮鱗沛而縱壑墮羽翼而
順風拜司門郎中兼衛王司馬無何正除衛王司馬拜
太子左庶子以節愍之禍出為涪州刺史未往又轉廬
州司馬致仕久之景龍中復起左諭德兼榮文館學士
詔曰公指紳耆彥操履清[○]令譽播於始終嘉績宣於
中外儲闈論雅望尤高宜申朝典俾加徽服可銀青
光祿大夫又攝詹事東都留守拜常州刺史居歲餘優
詔致仕享年八十先天元年仲冬薨於河南之正平里
第遺令近地便葬斂以終服開元二年冬卜葬於伊闕

之西夫人河東縣君柳氏耐焉禮也公出入四朝歷官二十其進也皆擇能錄勤惟德是與其退也必含垢受屈在涅不緇子文之量從可知矣凡撰續孝友悌傳各一篇以匡儲后撰先君親友傳十卷以篤故舊撰家譜家誌各十卷以明系本撰河南巡察記十卷以辨風俗非通理博物立誠錫類其孰能見志以著書因事以設誠若斯之盛也有文集十卷行於代初公侍祠清廟有髦士之宜而先考偃師贈蒲州長史自祖考三葉瑩無碑記公諮諸通儒而追建銘碣幽趙之士以為美談夫為子則頌德以尊祖飾終以榮親孝之大也為臣則不枉毫髮以顧私不避豺狼以撓法忠之至也潔志則利不涉口欲不萌心清之源也履道則不俛眉以悅勢不屈色以苟容正之方也詩曰仲山甫舉之公有其德傳曰左邱明恥之公有其直總是四善遠齊二賢於是芬苾令問優游眉壽惠風激於勝流不績敷於哲后然以忤彼權貴保茲介特不登三階以正四國貞白之似憶焉太息其孤總授充窮泣血靡所寘懷俾予作頌布哀豐石恭惟先人之寮友常奉長者之話言公雅珍確實不尚華靡敬慎風規直紀行事業廣詞編萬無髮髯少子授八分之妙獨善當時公平日惠愛故存之刊刻詞曰

義我淑德 克生休命 履孝蹈忠 含清體正

如玉之潔 如金之鏡 高明洵美 學以潤之
 官方正事 靜以鎮之 嚴嚴憲府 公三峻之
 赫赫儲宮 公三訓之 道有行廢 時有泰否
 三入三出 無愠無喜 鼓缶而歌 懸車致仕
 全歸葬儉 允也君子 西山幽幽 東川悠悠
 雲過墳闕 風薄松楸 人亡道存 榮往哀留
 貽世作則 行歸於周
 太子少傅蘇君神道碑銘
 斤斤蘇公 體正含道 稟靈續粹 為唐元老
 忠以衛主 孝以立身 文以經國 惠以安人
 司牧九郡 九郡爰靜 平章百工 百工爰整
 千載典憲 三朝綱領 上纂先人 五代相國
 下垂餘慶 七子令德 帝謂庭碩 伊公是似
 接待玉墀 序拜金屐 聯華疊潤 佐我天子
 於戲彼蒼 國幹云亡 地頽五岳 天折三光
 備禮詔葬 羣官會喪 掌史司德 刊銘路旁
 邢王府長史陰府君碑
 公諱某字某武威姑臧人也昔恭王之裔別封於管有夷吾者能霸桓公則平周辭上卿之禮適楚踐大夫之職以地命氏授於陰城新野之涼皆為著族貴則重族二后榮則一門四侯道則山紀神仙行則禮題忠義建名崇德世有其人公高祖湘東內史鏗梁州之子屬詞

比事天下宗之曾祖江州刺史通道館學士顯祖朝請
大夫國子博士④道考某官景明貽範清白纂烈文史
累善所徵及公而盛公承禮樂之峻胄稟清明之異姿
天生粹靈氣合眞素下帷專思重席擅業至人藏用有
道德之卿君子爲儒無榮辱之境尙東郭以自逸與南
容之不廢調補陳州司倉徵其志也以爲非足利時不
容終秩遂優游初服述祖移年嘿志⑤言洞心清律常
手操經籍耳練宮商澹有怡神坦無嬰慮是可忘機造
化豈徒屑意公卿而已哉故德充以外形才全以內濟
委懷從運與道無名尋拜命宜城王府記室參軍退一
隅而无悶進三府而交辟署宰長河曲資而往曰惠人

十一

無小吾所從之其至也去惡如救焚急賢如濟渴遇物
風偃推心理裕平其志而異物不遷一其誠而萬情感
括清猷美績克存餘詠飛狐之地戎馬生郊俾公爲蔚
州別駕則惠化所存勇且知方肇建天人懋官靈器入
爲慶王友轉太子中允又拜國子司業邠王府長史或
舉德以進或尙閑而退不失其正達識推高某年月日
寢疾東都終於永豐第春秋七十有五惟公率心經於
德義檢口絕於臧否秉禮樂而視正直蘊文藻而含清
眞可不謂才全而蹈道者歟位不兼濟惜也夫人范陽
縣君張氏丞相燕公之妹⑥思妙德嬪風女師梁氏義
輕於前志曹門克貽於後範府君之喪紀縗將綺畫哭

成疾恐流年之易除慟累月而云逝沒而不朽者非禮
節絕倫之謂乎春秋若干以某年月日合葬於龍門南
陵原禮也公無子有二女咸以淑行著於通門喪葬克
家感戚行路子婿吏部郎中吳興張珣度支員外郎隴
西李愷永懷清水緬託貞石庶乎時遷陵谷猶徵少女
之詞道在宗親不昧諸姑之德大人爲頌俾小子序馬
賢哉陰侯 孝友仁信 符彩外發 清眞內鎮

史門文宗 國子儒⑦ 克家踵武 金聲玉振
結髮筮仕 利用勸心 雉馴風化 鹿賦文章
函丈禮樂 雷門紀綱 微言教胄 直道匡王
年惟大耋 克茂精爽 疾不彌留 怡然長往

十一

世比過隙 生猶絕嚮 契均范張 會阻天壤
通家自昔 永懷厥初 昏姻之故 言就我居
富同鼎食 窮共園蔬 動心規戒 言成著書
奪我良友 天其喪余 南望龍門 東都九原
萬籟酸骨 千霜斷魂 琴瑟都盡 墳篋半存
葬收子婿 碑傳外孫 人生到此 天道何言

張說之文集補遺卷第四

張說之文集補遺卷第五

墓志 行狀

文昌左丞陸公墓志 節愍太子妃楊氏墓志

滎陽夫人鄭氏墓志銘 燕郡夫人李氏墓志銘

上邽縣君李氏墓志 鄧國夫人墓志銘

李氏張夫人墓志 張氏女墓志

贈少保郭公行狀

文昌左丞陸公墓志

公諱元方字希仲蘇州吳縣人也帝典惟二虞盡美於南風強國有七齊莫大於東海元侯制食因而為宗丞相冊勳開吳佐命盛德之後瑤現代襲故丹青奕世三

發

一

一

君之望並高金玉聯華五常之目齊重公即陳給事黃門侍葛琛之曾孫唐荊州當陽縣丞山仁之孫司儀郎東之姪豫章尉元之子體玄黃之純粹峻清白之隆名鵬翼載軒騏鳴自遠始以司成明經業優擢第補三水扶風渭南三縣尉授裏行監察殿中三御史遷鳳閣舍人兼太子中舍又判鳳閣又守秋官行鸞臺三字侍郎同鳳閣鸞臺平章事坐公事降為綏州刺史居無何檢校春官又試天官二侍郎兼司尉卿復除鸞臺侍郎同鳳閣鸞臺平章事轉右庶子轉文昌左丞前後掌選及知考各二歲九流銓總代天理物公執其衡鏡而野無遺賢三載考績惟王舊典公秩其幽明而庶官咸事

斯平憲章臺閣藉甚人倫至於經濟大道彌綸庶務嘉猷削於隱德宏益晦於推美蓋不得而聞也古人有言進退在命忠信在人一出持州再入莅政汲長孺之方直時守外臺胡伯始之詳明丞司中禁抑有由焉嗚乎人之淑斯宜享難老昊天隆展曾不憖遺大足元年二月七日寢疾而終春秋六十有三歷事兩宮三十餘載奉上惟敬臨下惟誠密勿兩終靜而調理心尚坦率不違名教之地迹列軒裳不雜風塵之伍施與忘倦鄉黨穆焉夷險若一朋友義焉所謂終温且惠行同歸於大雅克己復禮身不離於令名及東首歸全西階徹奠無食粟之馬無衣帛之妾知與不知莫不嘉歎粵三月十日假葬於國門之南費村永刊昭烈垂之幽礎

發

二

二

節愍太子妃楊氏墓志

開元十有七年二月癸未中宗節愍太子妃楊氏薨於京師太平里第之內寢越五月丙申詔葬於新豐之細柳原黃陵不從古之道也嗚呼哀哉妃氏之先代居河華赤泉啟國清白傳家東都之公胄西京之後族高祖士達隋開府納言天授中以孝明高后之父追封鄭王贈太尉曾祖緘隋符璽郎抗節王充朝廷旌載贈靈州刺史祖全節左內率贈魏州刺史考知慶千牛豹韜二將軍若夫軒冕王官同許史之繁漢婚姻帝室比姜姑之宜周是故二華降靈五河飛譽拜玉冊於文廟儷金

璽於青宮入參視膳之儀出友元真之樂禮陪繭館祭服始於北郊詩贊鵲巢王化終於南國豈知言違鬪水神往邛山七日之望不歸千秋之言何及於是視身知苦幽探白馬之偈覺心等空坐證青蓮之葉久以喬木無枯柏舟早誓棣華先落聖善相依闕門正家稱未亡而全禮高堂終養不深哀而遂絕此又禮外之禮孝中之孝者也初上在東宮時妃有女弟選為良媛生忠王卜者曰不宜養爰自襁褓命舉妃字及開元正位良媛為嬪而卒妃之視忠王也隱觀之訓誨之竭從母之仁慈倍猶子之珍愛忠王之託妃也敬愛焉聽順焉生盡因心之樂沒過如母之戚且夫慈懋鞠育孝思顧復仁

叶恩親愛備恭睦成天下之百行致生人之五福斯蓋皇極之端國風之首者矣湖陽王當小宗之祭元妃之喪故喪挾雨姑而祭殷二國何必鼓吹山上遙傳慈母之名石闕廟中獨立少姨之像史官承詔勒銘沈碧詞曰

太華北足 長河東肘 總粹陰靈 如德儲后
鳴美玉佩 炯光金鈕 嬪貴長姨 寵王從母
永訣上賓 死孝哀親 顧懷孺子 忍別天人
昔貞萬國 今撫百神 泉燈我夜 宮樹他春
陵麥秀兮漸漸 隴月生兮纖纖 霸岸去兮無
還日 青門絕兮不可瞻 石獸澀兮綠苔黏

宿草殘兮白露沾 園寢閉兮脂粉膩 不知何人兮開鏡奩

滎陽夫人鄭氏墓志銘

夫人諱某字某滎陽開封鄭氏之女也有唐銀青光祿大夫行少詹事博陵侯崔氏之妻中大夫中書舍人湜之母也高祖述祖北齊禮部尚書太子太保滎陽平簡公曾祖武叔北齊洛州刺史中牟公祖道援隋宋城令父世基故吉陽令故左僕射安吉公杜淹太夫人之外王父也夫人家世德門母氏鼎胄衣冠禮樂耳目所徵號之諸生實為女士先夫人以崔出泰岳之胤鄭祖周王之穆長源修麓北澹聯宗故夫人年十有七歸於我

贊

氏盡敬愛以安舅姑致友穆以諧娣姒性寬恕尚素雅文而不奢約而不陋故邑號光啟象服是宜博陵侯更事兩朝多歷官序居必大理去有遺愛雖毳衣善聽得非雞鳴之弼乎舍人及三弟長安尉泌藍田尉液左千牛滌咸有當代之名立無過之地滋液德教琢磨禮範雖趨庭善稟得非闈門之誨乎夫樂得好逑關雎義也鞠成眾子鳴鳩仁也采蘋采藻修禮度也如山如河有德容也婦禮既成內則用貞母儀乃行家道以備於是春秋高矣雅好真諦厭敷禪味減徹珍華被服慈衣捐斥文繡總斯羣懿式是六姻故以嗣徽先姑垂裕來史詩所謂邦之媛也夫人有焉皇天難訖不享偕老年六

十四神龍元年十一月九日遘疾終於洛陽之遵化里其明年二月某日葬於富平縣之某原君侯傷神諸子銜恤寘銘幽窆用存終古其詞曰

東惟詹府 西望綸闈 吾夫鶚隣 吾子鷓飛
青綬赤莢 魚軒翟衣 喬梓濯墓 堂堂榮輝
如何不淑 奄承泉扉 漠漠元夜 容容白日
百歲之後 同乎此室

右豹韜衛大將軍贈益州大都督汝陽公獨孤

公燕郡夫人李氏墓志銘

夫人諱某字某故代州東治府右勇毅都尉幽州高士李感之女也本姓張居於清河郡大父元愬官至安東

張

五

大都護長史與太宗有故賜姓李氏仕歷檀州司馬始家薊城是則帝寵舊臣乃命王族官平朔野因為郡人偉哉孝友清白之仁基金鈎石印之靈慶必將光大別族繁衍淑女彩黛粉敷焜耀華美若斯之盛也夫人幼而韶異長而婉穆金聲玉澤薜榮蘭茂傳賢莊姜詩美仲氏無以尚也初汝陽公夫人元氏生一男四女而早卒繼室以夫人封諸燕郡王元生立及長孫楊氏二女秉螽斯宜爾之德著鳴鳩均養之仁色無偏和心無殊厚閨庭之內邕邕如也雖邑中五服之家門下三千之客莫能察其異焉○里先人之舊廬也有通渠轉池巨石嶽嶸噴險淙澗洄潭沈沈殊聲異狀而為形勝遊

行之處者十四五前夫人之孫蘇氏之婦弱歲嬉而墮焉舉家環流憚莫能救夫人投身赴水或沈或浮久之提挈僅免其行己也實多此類府君更郎將中郎將各一將軍大將軍凡四前後領左右羽林二軍禁營青海鴨綠二道總管天子元老白首兵欄腹心爪牙朝無與二外受珣戈文馬之賞內委金璣寶貝之飾將軍既頒於部曲夫人亦散於宗姻可謂貴而好禮富而能惠者已及君子晨歌夫人晝哭喪有過戚制無越禮其後法吏苛禮余子遠遷窮荒一訣倚閭三歲炎山瘴海曷云其來施珍玩以奉佛徹滋味以奉道精意入冥明神與直中興昌○無廢舊勳先公茂乎飾終愛子榮乎起滯

張

六

天步方泰家屯適夷宜享南山之壽奄頓西泉之駕神龍元年十二月二十二日寢疾終於洛陽之德懋里春秋若干國墜邦媛宗傾母儀孤○孝孫哀哀欒棘有詔旨曰獨孤某妻亡還京日宜給靈輿并遞悼舊褒德矜孤恤喪朝之大經者粵以明年十一月二十日卜葬於雍州之原不從先塋古之道也夫計功伐勒鼎彝非婦人之事撰德行存國史亦孝子之志乃為銘曰
倚嗟昌兮 月出之光 如葉莫莫 如華皇皇
宜啟燕郡 作合汝陽 尊之象服 錦衣襲裳
以慈行訓 曰仁之綱 以命易難 曰義之方
婦有柔德 亦惟其常 女之士行 於何是臧

彼天蒼蒼 胡降百殃 捨我媚子 捐其高堂

邱隴茫茫 風生白楊 象物皆盡 德音不忘

上邳縣君李氏墓志

夫人太祖景皇帝之元孫西平郡王普定之女也賦靈陰德資性柔嘉事舅姑盡其敬與娣姒致其睦茂行充平內則懿聲溢於外姻雖幼育王家長自傅保而能謙光庶類降心細物手成朝祭之服躬操酒食之品凡婦人之所能事而夫人莫不備焉府君朱紱之歲也於是乎始受封邑象服盈門魚軒在路姬氏王者之後夫人帝室之親夫貴婦榮於斯為盛及帷堂而哭有敬姜之禮擇鄰而處有孟母之教入閭侯信有諸婦之期出言

七

成章有眾女之誠受命不淑以某年月日卒於同州之私第以神龍元年十一月二十日合葬於萬年縣白鹿之舊塋有子慈殿中侍御史檢身承家揚名為孝思我母氏感秦伯之詩祈於府君取周公之禮髣髴心迹志之幽石其銘曰

茫茫萬姓 朝宗於李 婺星分極 咸池派水

后稷裔孫 神貽女士 動遵法度 居觀圖史

輔佐哲夫 訓成賢子 宜崇徽號 以享介祉

高堂奄空 霜露方始 儉用禮節 葬非奢美

鏡下窈窕 衣緘泉笥 隴煙不散 松風長起

摘果人迷 侵林獸死 永言惟孝 事親終矣

鄧國夫人墓志銘

詩美莊姜 傳稱孟母 庶姬絲逸 千載時有
猗嗟邦媛 柔明宣厚 龜玉毀橫 膏蘭天壽
遠矣皇祖 肇自伯宗 靈基在晉 華胄陵江
尹茲西楚 宅是南邦 高蓋結轍 圓冠比蹤
魏館虛待 周京長發 父對雄風 母膺姊月
珠浦瀆潤 玉林清越 昆弟三人 羽儀雙闕
家芳淑女 國茂賢妃 具瞻四德 旁通八徽
步幃馳辨 連環定機 調絃魚躍 弄杼鴛飛
媼后創業 軒宮多事 高行登聞 大家入侍
幽贊日月 財成天地 温室不傳 平城盡祕

八

大君命我 變禮斷恩 衛妻空誓 息媼無言

均養七子 劬勞二門 始賦樛木 終歌采芣

多難啟聖 羣凶構孽 朋家作仇 脅權相滅

臨禍不懼 忘生陷節 彼何人斯 碎此貞烈

氣消日朗 既安且平 皇心震悼 禮備哀榮

敵國加等 復土陳兵 外姻來唁 中使臨塋

恭惟夫人 宿精智刃 昭昭開士 授之心印

古無合葬 遺言別墳 樂樂孝子 敢廢前聞

服不珍繡 盤無膩薰 室暗泉火 松殘隴雲

神合大化 誰為小君

李氏張夫人墓志

臨淄李伯魚妻者范陽張氏女諱德性孝悌柔婉能日
誦數千言習禮明詩達音妙繪德言容功蓋出乎天下
伯魚善爲文擢校書郎出爲青州司功而卒夫人寡居
無子以歸宗焉長安二年年四十有八傾逝於康俗里
殯於永通門外景龍三年家疚居貧季弟說鬻詞取給
冬十月安唐伯姊於萬安山陽蒼梧不從古之制也北
望先隴西接妹邱明靈其嘉永安此室銜哀敘志嗚呼
孔懷銘曰

送我伯姊 萬安之墳 精靈何處 爲雨爲雲

彼臨淄兮千里 望倏忽兮夫君

張氏女墓志

張氏

九

女郎名珍姓張氏洪洞丞府君之少女也聰慧孝友蘇
條口哲能讀史書善奏絲桐舉族珍之未成人而夭命
也聖廟中隨仲昆之任殞折於慶州歸殯於藍田別業
景龍年屬家艱季兄說徵黃門侍郎哀請不拜詔許終
服家貧備文以取資冬十月獲葬女弟於萬安山陽差
池姊坐顧瞻尊闕不亡孝弟慰爾幽魂含酸屬銘投筆
氣索辭曰

陟彼京兮 痛同生兮 奈何朝露 在薜榮兮

其天地之大德 焉早落而無成兮

行狀

兵部尚書代國公贈少保郭公行狀

公名震字元振本太原陽曲人也大父任相州湯陰令
因居於魏公少偶儻廓落有大志儀冠雄傑身長七尺
美鬚髯十六入太學與薛稷趙彥昭同業時有家僕至
寄錢四百千以爲學糧忽有一人縵服叩門云五世未
葬棺柩各在一方今欲齊舉大事苦乏資用聞君家信
至願能相濟否不問姓名以車載去一無所留深爲趙
薛所誚公怡然曰濟彼大事亦何誚焉十八擢進士第
其年判入高等時輩皆以校書正字爲榮公獨請外官
授梓州通泉尉至縣落拓不拘小節嘗鑄錢掠良人財
以濟四方海內同聲台氣有至千萬者則天聞其名驛
徵引見語至夜甚奇之問蜀川之跡對而不隱令錄舊

張震

十

文上古劔歌其詞曰君不見昆吾鐵冶飛炎煙紅光紫
氣俱赫然良工鍛鍊凡幾日鑄得寶劍名龍泉龍泉顏
色如霜雪良工咨嗟歎奇絕琉璃玉匣吐蓮花錯鏤金
環生明月正逢天下無風塵幸且周防君子身精光黯
黯青蛇色文章片片綠龜鱗非直結交遊俠子亦曾親
近英雄人那知中路遭棄捐零落漂淪古獄邊雖則沈
埋無所用猶能夜夜氣衝天則天覽而佳之令寫數十
本徧賜學士李嶠閻朝隱等遂授右武衛曹右控鶴
內供奉尋遷奉宸監丞屬吐蕃請和親令報命至境上
與贊普相見宣國威命責其翻覆長揖不拜瞋目視之
贊普曰漢使多矣無如公之誠信遠近疆界立談悉定

因遺金數十斤而還公悉以進上奏言揣彼上下之情人倦其繇役久矣咸願早和大將論欽陵不爭四鎮獨不欲耳但國家每歲不絕其使而欽陵常不稟命自然彼落之人怨欽陵日深望國恩日甚設欲廣舉兵徒難矣斯乃反間之微旨也必可使其上下俱懷猜阻矣則天甚然之無何吐蕃君臣果相疑貳遂誅欽陵弟贊婆及其兄子莽布支並來降公聲名藉盛授御史加朝散大夫遷主客郎中吐蕃與突厥和大入西河破數十城圍逼涼州節度出城戰沒蹂禾稼米斗萬錢則天方御洛城門脯宴涼州使至因輟樂拜公為涼州都督兼隴右諸軍大使調秦中五萬人號二十萬以赴河西公至

涼州吐蕃素聞威名相謂曰我贊普猶懼吾輩何可敵乎相率而去公收合餘眾繕修城壁施法令屯田一年而復公之功也公以涼州西據吐蕃北有突厥久示其弱未揚天威因徵隴右兵馬一百二十萬號二百萬集於湟州營幕千里舉烽號令時宗楚客為相素與公不協令人告變則天惶懼計無所出狄仁傑魏元忠韋安石李嶠宋璟姚崇趙彥昭韋嗣立張說二十五人抗表請保如公有異圖并請身死籍沒則天由是稍安兵既大集人又知教分兵十道齊進過青海幾至贊普牙帳贊普屈膝請和獻馬三千匹金三萬斤牛羊不可勝數公大張軍威受其蕃禮而還既伏西戎震威北狄突厥

獻馬二千匹所獲涼州人士皆放歸塞上從此方鎮肅清蕃落畏慕令行禁止道不拾遺凡所規模制作率為後法河西隴右十餘處置生祠堂立碑頌德閭邱均等為其文尋有詔許入朝公素無第宅寄居友人之舍候敵入朝忽有人馬前送狀開緘前人已去狀中唯有物數而無姓名便於樹下獲驃馬二十餘匹帛三千匹公曰豈非太學請葬之士乎因以買宅居止薛稷趙彥昭聞之皆嗟歎良久景龍年中宗楚客韋處訥等潛結朋黨憎功善能授公驍騎大將軍兼安西大都護四鎮經略使金山道大總管時烏質勒久恃眾倨傲不屈朝廷縱兵遠掠道路不通公以眾寡不敵難以力制因率麾

下數十騎徑入部落烏質勒大出兵衛出迎望見公威容端毅風飄若神不覺屈膝因而下拜公宣國威命抗聲與語自朝至暮雪深尺餘竟不移足質勒頻拜伏語畢歸帳相去二十餘里質勒久立雪中倉卒疾發是夜暴卒其嗣子娑葛集諸將曰漢使殺我君父今須復讐大舉兵眾將追殺公聞質勒死遲明素服來弔道路相逢兵圍數而娑葛見公忽來未之敢逼但言衛護漢使公至其帳下大哭流涕因撫定其嗣蕃人大喜留數十日助其葬事娑葛獻馬三千匹牛羊十餘萬移居千里西域無事道路肅清諸蕃聞之遣使歸降者十餘國時人語之曰郭元振詭殺烏質勒知娑葛與闕吸有覺奏

請移於瓜州制從之會中書令宗楚客受金遂寢其事
公具以狀聞楚客恃勢囑請召公將陷之公不從又奏
請斬楚客清蕃落時韋庶人竊弄國權中宗竟不之省
也初安西南有毒河源遠在蔥嶺西北河岸百步人畜
蹋之者輒死公威振西域所向無不從者因驗圖經知
其源率兵三萬人歷于闐康居大食等十餘國所過之
國令供資糧仍署其國主為左右總管率兵前進北至
蔥嶺牙帳前十二國王兵百餘萬其河源上有大樹高
千餘尺垂陰數頃大軍至日有黃龍繞樹以口吐毒氣
而拒官軍三軍悉觀焉公手書慘檄文令左拾遺張宣
抗聲讀之畢黃龍解樹而下公率諸軍誅之數日方倒

雜

三

聚而焚焉河源且絕數十里內悉為良田在安西十餘
年四鎮(雷)靜韋庶人知政屢徵不至因下偽詔令侍御
史呂守素中丞馮家賓相繼巡邊欲將害之未及皆為
娑葛等諸蕃劫殺之睿宗即位徵拜大僕卿敕至之日
舉家進發安西土庶諸蕃酋長號哭數百里或發面截
耳抗表請留因給之而後即路其至玉門關也去涼州
八百里河西諸州百姓蕃部落聞公之至貧者攜壺漿
富者設供帳聯縣七百里不絕公旌節下玉門關百姓
望之宛轉叫呼聲動岩谷自朝至暮傳呼至涼州涼州
城中男女在衢路並歌舞出城咸言吾父至矣通夜城
門不受禁制都督司馬逸客聞之謂公近矣陳兵出迎

會候騎至云始入玉門關都督嗟歎良久具狀聞至京
同中書門下三品加銀青光祿大夫遷兵部尚書封館
陶縣男依舊知政事尋轉吏部尚書知選舉囑請不行
大收草澤睿宗屢下詔褒美後默啜大寇邊拜刑部尚
書充朔方道行軍大總管築豐安定遠等城以拒賊路
尋加金紫光祿大夫再遷兵部尚書知政事仍舊元帥
會太平公主竇懷貞潛結兇黨謀廢皇帝睿宗猶豫不
決諸相皆阿諛順旨惟公廷爭不受詔及舉兵誅竇懷
貞等宮城大亂睿宗步肅章門觀變諸相竄外省公獨
登奉天門樓躬侍睿宗聞東宮兵至將欲投於樓下公
親扶聖躬敦勸乃止及上即位宿中書十四日獨知政

雜

十四

事因下詔曰大臣立事夷險不易良相昇朝安危所繫
兵部尚書同中書門下三品上柱國館陶縣開國伯元
振偉才生代宏量匡時經綸文武今之王佐出入將相
古之人傑夙侍宸展疇咨廟堂思致堯舜以期管樂朕
往在儲幃洎登寶位每觀其仗義感激願制兇邪立誠
慷慨密陳宏益爾其至矣朕實嘉之頃者梟獍興謀干
戈作孽太上皇帝既命朕除討元振又馳奉宸極始則
賚予為弼終則(雷)朕問安可謂格於皇天貫於白日元
惡既翦庶物維新克昌斯圖朕豈忘舊宜開井邑永誓
山河可進封代國公賜實封四百戶物一千段子五品
官尋兼御史大夫天下行軍大元帥是歲大徵兵眾閱

武驪山兵一百萬號三百萬並奉公節度是日三令之後上將親鼓公慮有大變因畧行禮上怒引坐簾下紫微令張說犯鱗而諫上乃曰元振有保護大功宜寬軍法流新州未至屬開元元年冊尊號赦曰元振往立大功保護於朕頃因閱武頗失軍容責情放逐將收後效可饒州司馬未至卒於道時年五十八有集二十二卷文章有逸氣爲世所重公少負氣縱橫遺意磊落作尉巴中不修名檢及登朝受任屢使遐方霜明烈心玉立貞節言行忠正居處簡約飭體雜於皇王致君期於堯舜公務之暇手不釋卷雖子弟家人未嘗見其喜怒前後上疏切諫得失十數道俱焚其藁草不以語人故朝

張

十五

廷莫知也睿宗嘗曰元振正直齊於宋璟政理逾於姚崇其英謀宏量過之矣舊於宣陽里居二十餘年不至諸院馬廐每朝回對二親言笑歸室儼如也不問家事與狄仁傑朱敬則魏元忠李嶠韋安石趙彥昭韋嗣立薛稷張說等爲忘年之友事父母孝聞父受授濟州刺史後以爲相奏請解職授銀青光祿大夫濟州刺史致仕公歿後二親猶在自我唐受命宰臣有二親者惟公而已

張說之文集二十五卷明鈔本集首有永樂七年伍德
記云兵燹之後散佚僅存錄而藏之是此編為明初輯
本明嘉靖丁酉椒郡伍氏龍池草堂刊行有項篤壽序
攷唐宋藝文志張說集三十卷外集二卷久已不傳劉
燕庭曾臧宋刊三十卷本半葉十一行行二十字與李
太白駱賓王等集同行款攷為蜀本自朱竹君椒花吟
舫散出為燕庭所收今又不知歸於何所張月霄臧影
宋鈔本十卷單是詩集如首卷喜雨二首一題御製一
題應制明本刪去御製應制等字卷五醉中作有題無
詩卷六廣州送蕭都督入朝過岳州宴餞後缺一葉雖
非佳刻然亦希見聚珍本作張燕公集館臣又於明刻


跋

本外采及文粹文苑英華諸書得頌一首箴一首表十
八首疏二首狀六首策三首批答一首序十一首啟二
首書二首露布一首碑四首墓志九首行狀一首凡六
十一首皆依類補入仍釐為二十五卷采輯較富而卷
非原次又刪去當時批答及同作亦未盡善按明刻本
卷一賦與雜詩二至十皆雜詩十一十二頌十三贊銘
記十四碑十五表十六至廿六皆碑銘廿二墓志銘廿
三雜著廿四表廿五碑銘表首卷在碑銘之中次卷在
雜著之後末卷又為碑銘編次不倫館臣重定為卷一
賦與雜詩二至五皆雜詩卷六卷七頌卷八贊銘箴記
卷九卷十表十一疏狀對策批答十二序十三啟書露

布十四至廿一皆碑銘廿二廿三墓志廿四墓志行狀
廿五祭文實較舊本為有條理仁和朱子涵觀察出
所藏彭文勤公本鈔極舊惜止廿卷再據吳仲憚侍郎
明鈔本互補以成全璧今前廿卷用彭本後五卷用吳
本聊存舊式而退諸書拾補者另編五卷似可復卅卷
之舊質諸方聞之士以為何如光緒乙巳三月江陰繆
荃孫跋

再攷顧千里思適集云先得燕公文十五卷又得椒
花吟舫鈔本增益五卷顧氏單校唐文除去詩五卷
後又補足五卷疑世間自有此廿卷傳本非缺佚也


跋



增輯唐顏魯公

文集三十卷

道光二十五年校刊
三長物齋藏板



欽定四庫全書總目提要

顏魯公集十五卷補遺一卷年譜一卷附錄一卷
唐顏真卿撰真卿事蹟具唐書本傳其集見於藝
文志者有吳興集十卷又廬州集十卷臨川集十
卷至北宋皆亡有吳興沈氏者採撰遺佚編爲十
五卷劉敞爲之序但稱沈侯而不著名字嘉祐中
又有宋敏求編本亦十五卷見館閣書目江休復
嘉祐雜志極稱其採錄之博至南宋時又多漫漶
不完嘉定間留元剛守永嘉得敏求殘本十二卷
失其三卷乃以所見真卿文別爲補遺併撰次年

顏魯公文集 卷首 提要

一

譜附之自爲後序後人復卽元剛之本分爲十五
卷以符沈宋二本之原數沿及明代留本亦不甚
傳今世所行乃萬歷中真卿裔孫允祚所刊脫漏
舛錯盡失其舊獨此本爲錫山安國所刻雖已分
十五卷然猶元剛原本也真卿大節炳著史冊而
文章典博莊重亦稱其爲人集中廟享議等篇說
禮尤爲精審特收拾於散佚之餘卽元剛所編亦
不免闕畧今考其遺文之見於石刻者往往爲元
剛所未收謹詳加搜輯得殷府君夫人顏氏碑銘
一首尉遲迴廟碑銘一首太尉宋文貞公神道碑

側記一首贈祕書少監顏君廟碑側記碑額陰

記各一首竹山連句詩一首奉使蔡州詩一首皆

有碑帖現存又政和公主碑殘文顏元孫墓誌殘

文二篇見江氏筆錄陶公栗里詩見困學紀聞今

俱探出增入補遺卷內至留元剛所錄諦論議其

文既與廟享議複見而篇末時議者舉然云云乃

新唐書陳京傳敘事之詞亦非真卿本文又于祿

字書序乃顏元孫作真卿特書之刻石元剛遂以

爲真卿文亦爲舛誤今並從刊削焉後附年譜一

卷舊亦題元剛作而譜中所列詩文諸目多集中

顏魯公文集 卷首 提要

二

所無疑亦元剛因舊本增輯也元剛字茂潛丞相
留正之子官終起居舍人

欽定四庫全書簡明目錄

顏魯公集十五卷補遺一卷附錄一卷唐顏真卿
撰原本久佚此本乃宋敏求掇拾重編得十五卷
至南宋又佚其卷留元剛爲蒐緝補完併訂正
年譜附於末然真卿詩文見於石刻者尚有尉遲
迴碑等八篇見於說部者尚有政和公主碑等三
篇則亦未爲賅備今併續採補入俾無更散遺焉
按唐書藝文志顏真卿有廬集十卷行狀作廬

陵集提要誤作廬州集又云殷府君顏氏碑銘
尉遲迴廟碑銘二首增入補遺卷今檢 武英
殿聚珍版文忠集內無此二碑又政和公主碑
顏元孫墓誌殘文二首提要云據江氏筆錄採
出今檢全唐文顏集內殷夫人顏氏尉遲迴和
政公主顏元孫四碑皆有全文而和政公主提
要誤作政和顏元孫神道碑提要誤作墓誌提
要又云附年譜一卷今檢聚珍版文忠集無此
卷又案聚珍版文忠集以全唐詩按之少水亭
詠風溪館聽蟬二聯句詩以全唐文按之少象

顏魯公文集

卷首

簡明目錄

按語

三

魏賦請除禪服奏請除素練聽政奏駁韋陟諡
忠孝議對三命判按楊志堅妻求別適判劉中
使帖世系譜序送高寬仁序汎愛寺重修記湖
州碑陰記橫山廟記項王碑陰述永字八法頌
顏勤禮元孫允南幼輿允臧果鄉和政公主殷
夫人顏君等八碑陸務滋贊蒲塘辨尉遲迴碑
銘顏合太宗碑共二十有六首其見於史傳說
部及石刻者新唐書禮樂志有請定武成廟釋
奠奏杜佑通典有元陵儀注及夏定昏禮奏朱
刻汝帖有一行帖留元剛忠義堂帖有朝迴帖

破州帖捧袂帖乞米帖盧八舍尊帖摩醯忠義
堂續帖有南來草篆江外送書四帖董其昌戲
鴻堂帖有謝鹿脯奉辭近聞三帖合而計之又
得十有八首今得補編入集

顏魯公文集

卷首

按語

四

顏魯公文集目錄

寧鄉黃本驥仲夏編訂

湘陰蔣瑛維揚泰校

卷一 賦 表

象魏賦

皇帝卽位賀上皇表 附元宗批答

讓憲部尙書表 附肅宗批答

謝兼御史大夫表 附肅宗批答

同州刺史謝上表 附肅宗批答

蒲州刺史謝上表 附肅宗批答

顏魯公文集目錄

謝贈祖官表 附肅宗批答

謝浙西節度使表 附肅宗批答

乞御書天下放生池碑額表 附肅宗批答

謝戶部侍郎表 附代宗批答

謝吏部侍郎表 附代宗批答

謝判南節度使表 附代宗批答

卷二 奏 議

請除禪服奏

請除素練聽政奏

請定武成廟釋奠奏

更定昏禮奏

論百官論事疏 附新唐書本傳所載疏

請復七聖諡號狀

論元皇帝祧遷狀

駁吏部尙書韋騰諡忠孝議 附博士程浩駁議

朝會有故去樂議

廟享議 附陳京傳所載廟享議

卷三 儀注

元陵儀注

卷四 判 牒 書 帖

顏魯公文集目錄

對三命判

按楊志堅妻求別適判

訪求清河行人李華牒

與郭僕射書

與李太保帖九首

與御史帖

與盧倉曹帖三首

與蔡明遠帖二首

劉中使帖

與夫人帖

與緒汝帖

與澄師帖

廣平帖

文殊帖

寒食帖

中夏帖

修書帖

訊後帖

一行帖

南來帖

顏魯公文集目錄

江外帖

草篆帖

奉使蔡州書

移蔡帖

卷五 序 記 送

孫文公集序

懷素上人草書歌序

世系譜序

送福建觀察使高寬仁序

送劉太冲序

送辛子序

張長史十二意筆法記

汎愛寺童修記

東方先生畫贊碑陰記

鮮于氏離堆記

撫州寶應寺翻經臺記

撫州寶應寺律藏院戒壇記

撫州南城麻姑仙壇記

宋州官吏入關齋會報德記

吳興沈氏述祖德記

顏魯公文集目錄

乞御書題額恩敕批答碑陰記

湖州石柱記

崔孝公陋室銘記

吳興太守柳惲西亭記

宋文貞公碑側記

家廟碑後記

家廟碑額陰記

謝公碑陰記

項王碑陰述

卷六 贊 頌 游 題名 碑銘

左編言史務滋像贊

李侍御寫真贊

永字八法頌

蒲塘辨

華嚴廟題名

京林寺題名

西林寺題名

靖居寺題名

周太師蜀國公尉遲公廟碑銘

天下放生池碑銘

顏魯公文集 目錄

五

有唐故中大夫使持節壽州諸軍事壽州刺史上

柱國贈太保郭公廟碑銘

晉紫虛元君領上真司命南嶽夫人魏夫人仙壇

碑銘

撫州臨川縣并山華姑仙壇碑銘

華蓋山王郭二真君壇碑銘

卷七 碑銘二

東莞臧氏紉宗碑銘

晉侍中右光祿大夫本州大中正西平靖侯顏公

大宗碑銘

有唐茅山元靖先生廣陵李君碑銘

湖州烏程縣杼山妙喜寺碑銘

浪迹先生元真子張志和碑銘

唐故通議大夫行薛王友柱國贈祕書少監國子

祭酒太子少保顏君碑銘

卷八 神道碑銘一

河南府叅軍贈祕書丞郭君神道碑銘

祕書省著作郎夔州都督長史上護軍顏公神道

碑銘

攝常山郡太守衛尉卿兼御史中丞贈太子太保

顏魯公文集 目錄

六

諡忠節京兆顏公神道碑銘

正議大夫行國子司業上柱國金鄉縣開國男顏

府君神道碑銘

和政公主神道碑銘

唐故開府儀同三司太尉兼侍中河南副元帥都

督河南淮南西荆南山南東道五節度行營

事東都留守上柱國贈太保臨淮武穆王李公

神道碑銘

卷九 神道碑銘二

朝議大夫贈梁州都督上柱國徐府君神道碑銘

金紫光祿大夫守太子太傅兼宗正卿贈司空上

柱國隴西郡開國公李公神道碑銘

朝議大夫守華州刺史上柱國贈祕書監顏君神

道碑銘

特進行左金吾衛大將軍上柱國清河郡開國公

贈開府儀同三司兼夏州都督康公神道碑銘

中散大夫京兆尹漢陽郡太守贈太子少保鮮于

公神道碑銘

朝議大夫行江陵少尹兼侍御史荆南行軍司馬

上柱國顏君神道碑銘

顏魯公文集目錄

七

左衛率府兵曹叅軍賜紫金魚袋顏君神道碑銘

卷十 神道碑銘三

唐故右武衛將軍贈工部尚書上柱國上蔡縣開

國侯臧公神道碑銘

有唐開府儀同三司行尚書右丞相上柱國贈太

尉廣平文貞公宋公神道碑銘

遊擊將軍左領軍衛大將軍兼商州刺史武關防

禦使上柱國歐陽使君神道碑銘

銀青光祿大夫海漢饒房睦台六州刺史上柱國

汲郡開國公康使君神道碑銘

京兆尹御史中丞梓送杭三州刺史劍南東川節

度使杜公神道碑銘

卷十一

表墓碑銘 墓誌銘 墓碣銘 殘碑 逸文存目

唐故容州都督兼御史中丞本管經畧使元君表

墓碑銘

京兆尹兼中丞杭州刺史劍南東川節度使杜公

墓誌銘

杭州錢塘縣丞殷君夫人顏君碣銘

曹州司法叅軍祕書省麗正殿二學士殷君墓碣

銘

顏魯公文集目錄

八

祭姪贈贊善大夫季明文

祭伯父豪州刺史文

橫山廟碑

卷十二 古近體詩 逸詩存目

詠陶淵明

贈裴將軍

刻清遠道士詩因而繼作

附清遠道士同沈恭子游虎邱有作李德裕

追和太師顏魯公刻清遠道士游虎邱詩 陸龜蒙次追和

日休追和虎邱清遠道士詩 清遠道士詩 又補沈恭子詩

題杼山癸亭得暮字

謝陸處士杼山折青桂花見寄之作

贈僧皎然

登平望橋下作

使過瑤臺寺有懷圓寂上人

五雜組擬作

重擬五雜組

登岷山觀李左相石尊聯句

強蒙 范縉 王純 魏理 王修甫 吳筠 裴

左輔 元 劉茂 顏 楊德元 權器 韋介 陸

僧清畫 崔宏 史仲宣 陸羽 權器 顏頰 陸

士修 裴幼清 柳淡 僧陸外 顏頰 陸

須 顏頰 李嶸

顏魯公文集 目錄

九

水堂送諸文士戲贈潘丞聯句

李嶸 潘述 真卿 權器 潘述 清畫

水亭詠風聯句

裴幼清 楊憑 楊器 楊疑 左輔元

溪館聽蟬聯句

楊憑 楊疑 潘述 裴幼清 伯成

送秋溱拾遺聯句

真卿 潘述 真卿 李嶸 崔

月夜賦茶聯句

真卿 張薦 清畫 士修

夜宴詠燈聯句

真卿 張薦 袁高 真卿 陸羽

三言詩皇南侍御過南樓玩月聯句

七言重聯句

陸士修 真卿 皇甫曾 李

送李侍御聯句

真卿 張薦 李嶸

玩初月重遊聯句

真卿 張薦 李嶸

重送橫飛聯句

真卿 李嶸

竹山聯句題潘氏書堂

真卿 陸羽 李嶸 裴

夜集聯句

真卿 房夔 顏頰 潘述

大言聯句

真卿 張薦

小言聯句

真卿

樂語聯句

真卿 張薦

饒語聯句

真卿 張薦

滑語聯句

真卿 李嶸 劉益

醉語聯句

真卿 陸羽

顏魯公文集 目錄

十

卷十三 外集一

舊唐書列傳

新唐書列傳

全唐詩小傳

全唐文小傳

湖州府志名宦傳

舊唐書段顏合傳贊

新唐書段顏合傳贊

宏簡錄二顏張許合傳贊

卷十四 集二

顏魯公行狀

顏魯公神道碑銘

卷十五 外集三

顏魯公年譜

卷十六 外集四

顏魯公文集目錄

寄韋南陵冰余江上乘興訪之遇尋顏尚書笑有

此贈

唐李 白

陪譙湖州公堂

耿 漳

敬顏魯公送挺贊歸翠微寺

盧 綸

送顏平原

岑 參

胡笳歌送顏真卿使赴河隴

聞顏尚書陷賊中

戎 昱

奉酬顏使君真卿見過郭中寺寺無山水之賞故

予述其意以答焉

僧皎然

奉酬顏使君真卿王員外園宿寺兼送員外使迴

村山上降和顏使君真卿袁侍御高五韻賦得印

字仍期明日登開元寺樓之會

奉賀顏使君真卿二十八郎隔絕自河北遠歸

同顏使君真卿李侍御粵游法華寺登鳳翅山望

太湖

奉和顏使君真卿修韻海畢會諸文士東堂重校

奉同顏使君真卿開元寺經藏院會觀樹文殊碑

奉同顏使君真卿袁侍御駱駝橋玩月

九日陪顏使君真卿登水樓

奉和顏使君真卿修韻海畢州中重宴

顏魯公文集目錄

三

春日陪顏使君真卿皇甫曾西亭重會韻海諸生

春陪顏使君真卿登峴山送張侍御嚴歸臺

同顏使君真卿峴山送李法曹陽冰西上獻書時

會有詔徵赴京

同顏使君清明日游因送蕭主簿

陪顏使君餞宣諭蕭常侍

奉陪顏使君修韻海畢東溪泛舟餞諸文士

同顏魯公泛舟送皇甫侍御會

奉同顏使君真卿送李侍御粵賦得荻塘路

奉應顏尚書真卿觀元真子置酒張樂舞破陣畫

洞庭三山歌

奉和顏魯公真卿落元真子舴艋舟歌

奉和顏使君真卿清風樓賦得洞庭歌送吳鍊師

歸杜屋洞

晦日詠顏使君白蘋洲集

新樂府青石墩忠烈也

謁湖州顏魯公祠

題顏魯公畫像

游湖州題顏魯公祠堂

游麻姑山

顏魯公文集目錄

讀中興頌碑

題顏魯公像

過平原

顏魯公祠堂

書廡屋碑後

謁湖州顏魯公祠

謁三賢祠於白石山

顏魯公

游好山

題觀海樓玉樓春

白居易

王十朋

徐俯

童敏德

劉涇

三

張耒

朱翌

文天祥

謝邁

元郝經

明張羽

蔡道憲

本朝吳綺

坐觀海樓醉蓬萊

卷十七 外集五

授顏真卿監察御史制 天寶六載

授顏元孫滁州刺史制 開元二年

贈顏昭甫華州刺史制 乾元元年

贈顏惟貞祕書少監制 寶應元年

贈蘭陵郡太君殷氏蘭陵郡太夫人制 寶應元年

授顏真卿刑部尚書告 大歷十二年

授顏真卿太子少師告 建中元年

贈故太師顏真卿司徒詔 貞元元年

顏魯公文集目錄

授顏真卿善大夫制 穆宗時

授顏宏式同州參軍制 開成元年

授顏溫鳳翔文學制 宣宗時

授顏善禮部郎中制 昭宗時

請贖太師顏真卿歸朝疏 唐張薦

請表太師顏真卿忠節疏 嗣曹王臯

為淮西宣慰使鄭右丞祭顏太師文 穆員

為留守賈尚書祭顏太師文 穆員

為留守賈尚書祭顏太師文

為留守賈尚書祭顏太師文

唐鄭薰

弔九江驛碑材文

歐陽詹

碎碑記

沈顏

撫州顏魯公祠堂記

宋曾鞏

費縣顏文忠公新廟記

曹輔

魯公仙蹟記

米穀

離堆顏魯公祠堂記

黃庚

祁陽顏元祠堂記

許承

吉州顏魯公祠堂記

歐陽守道

涪溪書院記

元蘇天爵

卷十八 外集六

顏魯公文集 目錄

五

顏魯公文集序

宋劉敞

顏魯公文集後序

留元剛

刻顏氏告跋

明楊一清

顏魯公文集後序

都穆

重刻顏魯公文集序

趙焯

顏魯公文集跋

羅樹聲

重刻宋元章魯公仙蹟跋

鮑觀光

卷十九 外集七

顏魯公官階考

本朝畢沅

顏魯公著作考

黃本驥

顏魯公著韻海鏡源始末考

顏魯公湖州賓客考

顏魯公生卒葬地考

顏魯公祠廟考

卷二十 外集八

雜紀

卷二十一 書評一

總論

張仁蘊德政碑 天寶元年

顏魯公文集 目錄

六

郭虛己碑 天寶十一載三月

郭拱碑 天寶十一載三月

多寶塔感應碑 天寶十一載四月

夫子廟堂記殘碑 天寶十一載四月

卷二十二 書評二

東方朔畫贊并碑陰記 天寶十三載十二月

咸寧孔子廟碑

逍遙樓請御書碑額表 乾元元年

祭姪季明文 乾元元年九月

金天王廟題名 乾元元年十月

卷二十三 書詩三

告伯父豪州刺史文 乾元元年十月

與蔡明遠帖 乾元二年

乍奉辭帖

顏勤禮碑 乾元二年

題盧稜伽畫壁

顏允南妻陳夫人碑

離堆記 寶應元年五月

顏允南碑 寶應元年十一月

顏惟貞并殷夫人告 寶應二年十一月

顏魯公文集 目錄

韋績碑 寶應二年

郭氏家廟碑 廣德二年十一月

郭敬之墓碑

卷二十四 書詩四

與郭英父論坐位書 廣德二年十一月

顏元孫碑 永泰元年

鹿脯帖 永泰元年

乞米帖

朝迴帖

捧袂帖

陝州帖

東林寺題名 永泰二年六月

西林寺題名 永泰二年六月

顏頴甫碑 永泰二年

窪尊銘 永泰二年

左伯陽墓詩

龍溪二大寺

祖關二大字

鮮于仲通碑 大歷二年正月

鮮于氏里門記

顏魯公文集 目錄

靖居寺題名 大歷二年十月

書馬伏波語 大歷三年四月

顏喬卿墓碣 大歷四年四月

顏幼輿碑 大歷四年四月

顏允彥碑 大歷四年四月

顏處士殘碑

謝康樂翻經臺記 大歷四年四月

魏夫人仙壇碑 大歷四年

華蓋山王郭二真君碑記

逍遙樓三大字 大歷五年正月

殷賡書墓碑 大歷五年五月

殷福碑

卷二十三 書前五

宋劉宗正碑 大歷五年十二月 碑側記 大歷

張景傳碑 大歷五年

元子若遺愛碑 大歷五年

律藏院戒壇記 大歷六年三月

麻姑仙壇記 大歷六年四月

卷二十六 書評六

大唐中興頌 大歷六年六月 蜀本附

顏魯公文集 目錄

臧懷恪碑

臧氏糾宗碑

臧氏故宅碑

顏舍大崇碑 大歷六年十一月

顏舍碑 大歷七年四月

書清遠道士詩及和作

虎邱宮池回大字

送劉太守敘 大歷七年

八關齋功德記 大歷七年五月

劉中使帖

與夫人帖

卷二十七 書評七

天下放生池碑并乞御書碑額表及碑陰記 大歷

七月碑陰記 九年正月

沈氏述祖德碑陰記 大歷八年十二月

謝大傅塘碑陰記 大歷八年

湖州石記

千祿字書

竹山潘氏堂聯句

卷二十八 書評八

顏魯公文集 目錄

顏泉卿碑 大歷九年

妙喜寺碑 大歷九年

歐陽瑤碑 大歷十年十月

元結墓表

湖州石柱記 大歷十二年

射堂記 大歷十二年四月

浮玉二大字

幽憚西亭記 大歷十二年四月

湖州帖

項王碑陰述 大歷十二年

韻海

駱駝橋三字

橫山廟碑

永興寺額

文殊碑

文殊帖

祖亭碑

李抱玉墓碑并廟碑 大歷十二年五月

李元靖碑 大歷十二年五月

杜濟碑 大歷十二年十一月

杜濟墓誌 大歷十二年十一月

康希統碑 大歷十二年

懷園寂上人詩 大歷十二年十二月

顏默殘碑

卷二十九 書評九

殷君夫人顏氏碑

馬嶽新廟碑 大歷十四年七月

馬承光殘碑

張敬國碑

顏氏家廟碑 建中元年七月

卷三十 書評十

朱巨川告二 一建中元年八月一三年八月

自書太子少師告 建中元年八月

王密碑 建中二年十月

元德秀碑 建中四年

唐興寺主碑

張府君碑

守政帖

與柳冕帖

裴將軍詩

顏魯公文集 目錄

誌公像贊

開元寺僧殘碑

臨諸家法帖

華嚴經

小字華嚴經

黃庭經

摩利支天經

自江淮帖

送李晃序

寒食帖

與澄師帖

卓陶帖

旌儒廟碑

元儒法師碑

霄漢閣石刻

天中山三字

真卿二字

訊後鄒游脩書廣平中夏五帖

別太麻姑壇記

元孫昭甫二告并魯公投刑部尚書制

顏魯公文集

目錄

三

御書南來草隸江外送書五帖

元宗老子像贊

奉使帖 與元元年

移蔡帖 貞元元年正月

忠義堂帖

顏魯公文集目錄終

顏魯公小像



顏魯公文集小像

案顏魯公畫像宋中興館閣書畫錄有顏魯公像

一米芾畫史有唐人畫張志和顏魯公樵青圖又

恭讀

大清會典

南薰殿尊藏歷代名臣像有顏真卿像一今皆未見惟

宋靖康元年知同州軍州事唐重刻公像於奉使

帖之下方跋云重既摹公之像於蒲繪而祠之又

訪得此石本狀貌老矣今蒲州之像不傳惟此石

尚在同州府學茲據同州刻本縮臨本驥識

顏魯公世系表

顏氏三唐無宰相故世系表不列於新書學尚書
 近世世系金石記取史傳所載編世系表附顏氏
 家廟碑後於顏氏子姓尚多闕遺今據魯公所撰
 家廟大宗勤禮元孫杲卿允南幼與允城等碑重
 加攷定詳列於左本驥識

盛字叔欽字公默字晉伯
 青徐太守
 刺史
 關內
 侯始
 自魯

平靖侯
 自魯
 侯始
 平靖侯

定侯
 自魯
 侯始
 定侯

顏魯公文集世系表

勝之字炳之
 道宏字炳之
 陵太字炳之
 尉支校

見遠字協
 遠見字協
 侍書

和字梁之儀
 和字梁之儀
 鎮西

之推字思魯字師古
 野史州隋學士大夫中御

顏魯公文集世系表

昭禮七子
 勤禮七子表為魯公而作勤禮以前止載兄弟不及兄
 弟之子孫自勤禮分友子孫可攷者備載

勤禮七子
 弟之子孫自勤禮分友子孫可攷者備載

之善令
 游素校閱

愨楚直
 史省

育德
 史州職學崇宏文敬

勤禮字敬
 士第學

相時字崇
 士第學

給事
 黃門
 侍郎
 侍御
 文林
 館平
 原太
 守始
 自丹
 陽北

給事
 黃門
 侍郎
 侍御
 文林
 館平
 原太
 守始
 自丹
 陽北

給事
 黃門
 侍郎
 侍御
 文林
 館平
 原太
 守始
 自丹
 陽北

昭南本元孫春卿絃主簿
 顯甫字周修
 卿字三泉明
 曹二
 王侍
 讀

昭南本元孫春卿絃主簿
 顯甫字周修
 卿字三泉明
 曹二
 王侍
 讀

昭南本元孫春卿絃主簿
 顯甫字周修
 卿字三泉明
 曹二
 王侍
 讀

				顏魯公文集							
				惟貞 字叔 王聖友 爵少 書國 子祭 酒太 子祭 保大							
		真長		允南 字去 惑國 子司 業金 鄉男		闕疑 州 參軍					
幼輿 字 軌左 清道		喬卿 平富 刷		頴 京兆 兵曹 鄉男 校書		子幹 劉公 府果 毅贈 都水 使者		克明 崇文 明		將明 明昌 尉	
								詔彭王 景卿之從孫			
								五			

				顏魯公文集									
				世系表									
		碩 初名 碩 員官 品正 水男 云碩 書畫 瑞莊 殊有 父		公真卿 字 魯公 與夫 人附 問蒙 弟則 兄 親 禮為 祖勤 古與		師古 初名 碩 員官 品正 水男 云碩 書畫 瑞莊 殊有 父		國文忠 贈 京五 顯魯 公長 子天 寶十 五		太師魯頴 贈 京五 顯魯 公長 子天 寶十 五		兵曹	
		碩 初名 碩 員官 品正 水男 云碩 書畫 瑞莊 殊有 父		公真卿 字 魯公 與夫 人附 問蒙 弟則 兄 親 禮為 祖勤 古與		師古 初名 碩 員官 品正 水男 云碩 書畫 瑞莊 殊有 父		國文忠 贈 京五 顯魯 公長 子天 寶十 五		太師魯頴 贈 京五 顯魯 公長 子天 寶十 五		兵曹	
								六					
從覽 從 覽 宏式 文 公曾 孫				宏式 文 公曾 孫				溫宣宗 溫堯 皆					

顏魯公文集

世系表

												允臧 字季寧 江少陵尹						
頌	頌	頌	頌	頌	頌	頌	頌	頌	頌	頌	頌	頌	頌	頌	頌	頌	頌	
縣尉男鄒	尉侯男儀	任主常	鄉命常	洗太子	尉河陽	司直理		郎校書	參軍	常州	尉富陽	男曲阜	曲阜					
				公大宗一頌之誤也				頌家廟作頌重見一允南子一頌之誤也		病碑新錄有令狐楚撰晉	病碑新錄有令狐楚撰晉							

七

堯
禮時授宗
鄭禮中

鳳翔裔世次
文學未詳

顏魯公文集

世系表

頌	頌	頌	頌	頌	頌	頌	頌	頌	頌	頌	頌	頌	頌	頌	頌	頌	頌	頌	頌	
縣尉男費	尉侯男儀	任主常	鄉命常	洗太子	尉河陽	司直理		郎校書	參軍	常州	尉富陽	男曲阜	曲阜							
人允南之弟	子允南之弟	公撰允南	其二有三人	中當有三人	故能自振君	先妣長姊	列其名早	無祿早世	三三充國	壽當係公	皆無祿早	子外又云	祖動禮碑	大宗家廟	人頌君					
一人在允南之弟	六子幼與南	公撰允南	其二有三人	中當有三人	故能自振君	先妣長姊	列其名早	無祿早世	三三充國	壽當係公	皆無祿早	子外又云	祖動禮碑	大宗家廟	人頌君					

八

敬仲

吏部郎中

公次第六其二人以公之弟也

殆庶

殆庶守五子勤理繼配御夫人出後係中書令

無恤

等以爽之外甥終身不得仕進

少連

會宗 襄自會宗以下皆敬仲等之子

務滋

參軍

世系表

九

考楚州

澄左衛

謝衛

名卿 自名卿以下皆會宗等之子

備

偶

優

倫 並至名

武官

逸

武康自逸以下皆名卿等之子

鑄

廣成

韶

明

啟

襲

亞

蔡

顏魯公文集

世系表

泚

盱

超

渾

策

暄

超見杆山碑亦魯公從

策隨皆見杆山碑魯公

顏魯公世系表終

顏魯公年譜

宋留氏元剛撰魯公年譜附集以傳敘次簡明微

嫌太考今博稽史傳詳採遺文按載重編用便尋

檢仍以留譜編入外集為尚論嚆矢云本驥識

中宗景龍三年己酉公生據舊唐書本傳公卒於興元

在景龍二年新唐書本傳作七十六歲與其生當在

是年然公有移素一帖作於貞元元年正月十九日

則公卒實非興元元年矣今從新書德宗紀作貞元

元年八月丙戌卒推至是年為七十七歲是為生公

年公名真卿字清臣其先琅邪臨沂人五世祖之推

於後周時始家關中遂為京兆萬年人舊書本傳作

傳作長安人萬年長安顏之得姓一謂魯公伯禽支

皆京兆萬年今咸寧也

顏魯公文集年譜

庶食采於顏因而著族是為姬姓之裔一謂邾武公

夷甫字顏子孫遂以為氏是謂曹姓之裔公從祖師

古注急就篇主前說公撰大宗為公十三家廟

世祖合傳風俗傳萬洪

貞二碑皆主後說後說本於國稱陳留風俗傳萬洪

齊侯妻於魯曰顏懿姬之文證之則顏氏世為魯之

顏實始於非曹姓以師古之注為確

卿大夫孔門達者七十二人顏氏有八曰無繇曰無

繇子同居德行之首為亞聖曰辛曰之僕大宗碑曰

人故云未見有所謂幸獨者秦有芝貞漢有異肆安

樂安樂見後漢魏有斐盛斐附見三盛為青徐二

州刺史關內侯始自魯居於臨沂孝悌里是為始遷

琅邪之祖顏氏唐無宰相世系表不著於新書今盛

生大中大夫廣陵太守給事中葛澤貞子欽欽生汝

陰太守護軍襲葛繹子默默生晉侍中右光祿大夫

本州大中正西平靖侯含晉書有傳含隨元帝渡

江居上元生侍中光祿勳西平定侯髦隋見髦生州

西曹騎都尉西平侯綝綝生宣城太守御史中丞靖

之靖之生巴陵太守度支校尉騰之靖之生輔國江

魯公文集年譜

夏王參軍炳之炳之生齊治書侍御史治書家廟碑

宗諱兼中丞見遠自含至此皆居上元見遠生梁鎮

西記室參軍協梁書有傳父協三子長之儀北周御

正御史大夫麟趾學士集州刺史新野公周書次之

推北齊給事黃門侍郎待詔文林館平原太守隋東

宮學士齊書有傳次之善隋葉令之推為始遷京兆之祖

三子長恩魯隋司經校書東宮學士唐秦王記室次

愍楚新書藝文志作愍楚侍御史次遊秦唐廉鄣二州刺史臨

沂男恩魯四子長師古祕書監宏文館學士琅邪子

戴公新書書皆有傳從父遊秦附見新書公傳謂公

為師古五世從孫師古與公會祖勳為親况

弟則公乃師古之從曾
孫傳年五世從孫員
次相時秦王南崇賢學士諫

議大夫禮部侍郎
附見兄次勤禮抄書著作夔府長

史贈魏州刺史次育德太子通事舍人司經局校定

勤禮七子長昭甫
初名顯甫避中宗諱改名舊書果

父昭顯名
高宗侍讀曹王屬贈華州刺史次敬仲吏

部郎中平昌男
新書書附見次殆庶無補少連務滋

辟強
昭甫敬仲乃勤禮元配殷氏出於高祖等五子乃

後外祖坐與褚遂良朋黨被戮勤禮以喪累貶昭甫

夔州長史而殆庶等亦以喪之甥不得仕進昭甫

二子長元孫滌沂豪三州刺史贈秘書監次惟貞薛

王友柱國累贈秘書少監國子祭酒太子少保元孫

覆魯公文集年譜

五子長春卿偃師丞次杲卿太常丞馮常山太守拜

衛尉卿贈太子太保諡忠節
新書果傳云與真卿

同祖五
次曜卿直崇文館淄川司馬次旭卿允山令

世字行
次茂會越為司馬惟貞七子長闕疑杭州參軍次允

南殿中侍御史膳部司封郎中金鄉男次喬卿富平

尉次長長舉明經次功與左清道兵曹次即魯公也

次允
大皇家廟二時皆獻元孫五

其次在第六於從父兄弟其次當在第十一公書

家高祖自稱第七男書千祿字書及後夫人顏君碑

皆自稱第十三姪元孫六子惟貞八子各一其

殷氏
長妹蘭陵郡太夫人真之先妣也

中
若特於三人不止七人也故公撰碑云曾孫之

無
別其說公之親兄弟而公

兄弟之早世者亦在其中矣

四年庚戌二歲六月殤帝唐隆元年七月睿宗景雲元

年睿宗第五子彭城王隆業進封薛王公父惟貞為

之友
唐六典親王寄置

景雲二年辛亥三歲公父惟貞以景雲二年正月為蕭

思亮撰墓誌銘其時尚在則公之孤當在二年正月

以後

三年壬子四歲正月睿宗太極元年五月延和元年八

月明皇先天元年

先天二年癸丑五歲二月伯父元孫除滁州刺史廣德

二年公為追書其告十一月明皇開元元年

開元六年戊午十歲舊書傳云事親以孝聞新書傳云

少孤母殷氏躬加訓導
殷氏新書作高氏史臣避宋

今更正案公高祖思魯娶於殷氏家無顯陰託所

謂高祖思魯夫人也曾祖勤禮亦娶於殷氏公撰勤

禮碑云殷氏家廟碑云昭甫工義英童女也祖昭甫

又娶其殷氏家廟碑云昭甫工義英童女也祖昭甫

仲容名昭甫之妻仲容之姊也父惟貞又娶於殷

氏公撰殷氏家廟碑云長妹蘭陵郡太夫人真卿先

公自為祖以來凡五世六人娶於殷氏公撰家廟碑云真卿早孤公父惟貞之卒多時碑云御史大夫張知春伯父元孫允南妻魯氏夫亡之秋七月未詳其年伯父孫允南親自教誨又撰允南神道碑云家有折屋鶴真卿小時戲書其背君切責曰此雖不能奮飛竟不惜其羽毛奚不仁之甚真卿終身志之不敢忘

九年辛酉十三歲公隨母外祖殷子敬於吳縣令任子敬為吳令見公撰舅氏踐猷墓碣公有刻虎邱清遠道士詩云不到東西寺於今五十春為大歷六年至吳郡作逆推而上五十年故知是歲隨母來此七月踐猷卒於京師廣德二年公撰墓碣云長妹蘭陵郡

顏魯公文集年譜

太君真卿先妣也中年孀養遺孤十人未能自振君悉心訓獎皆究恩意故能長而有立

十六年戊辰二十歲舊書傳云少勤學業有詞藻尤工書新書傳云既長遂博學工詞章

二十年壬申二十四歲七月伯父元孫卒於其子春卿翼城縣丞之任

二十一年癸酉二十五歲讀書於長安福山寺

二十二年甲戌二十六歲公以對三命判與馬銑同擢拔萃科舉進士第試梓材賦庫詩登甲科是年掌貢士選者為考功員外郎孫述舊書述傳云所選多俊

才杜鴻漸至宰輔顏真卿為尚書公序述文集云公雅有清譽典考功時精覈進士所獎擢者二十七人數年間宏詞判入甲第者十有六人授校書郎者九人其餘咸著名當世公娶京兆韋氏母州刺史景駿之孫太子中舍迪之女也

二十四年丙子二十八歲吏部擢判入高等授朝散郎唐會要朝散郎從七品秘書省著作局校書郎

二十五年丁丑二十九歲正月至相州撰周太師尉遲迴銘碑為周伯璵撰敬黎有鄰書在河南彰德府七月至東都同祖姑錢

塘丞殷履直妻卒公童孺時殷夫人嘗教以玉篦五

都等賦飛龍造化等篇後刺湖州時為撰書墓碣

二十六年戊寅三十歲是年母殷夫人卒權厝於東都

二十九年辛巳三十三歲在東都從父兄偃師丞春卿卒新書春卿傳云臨終捉真卿臂曰爾當大吾族顧我不得見以諸子諉汝後真卿主其婚嫁

天寶元年壬午三十四歲是年歸京兆秋扶風郡太守崔秀舉公博學文詞秀逸科元宗御勅政樓策試上

第十月授醴泉尉公過瑤臺寺懷園寂上人詩序云真卿以天寶元年尉醴泉公與陳郡殷寅公舅踐

東柳步河南陸濂蘭陵蕭穎士趙郡李華汝南邵轅

鄧越以其行誼感交道也

二年癸卯三十五歲罷職歸泉尉事詣洛陽訪吳郡張旭

於裴敬之書法新書旭傳云善草書傳其

法者惟是通顏真卿而已公自書帖云自南朝來上

祖多以草隸篆籀為當代所稱及至小子斯道大喪

但曾見張旭長史頌示少糟粕恨無分遂不能佳耳

又作懷素草書歌序云吳郡張旭長史雖姿性顛逸

超絕古今而楷法精詳特為真正真卿早歲嘗接遊

顏魯公文集 年譜

習迄用無成追思一言何可復得

五載丙戌三十八歲前在醴泉以清白聞為關內道黜

陟使王洪所薦授通直郎唐會要通直郎從七品陟長安尉尋

罷尉事再至洛陽寓裴微宅月餘作長史十二意

筆法記仍歸長安

六載丁亥三十九歲四命為監察御史充河東朔方軍

試覆屯交兵使以陳郡殷克齊為判官克齊字長

子十月歸自河東立父惟貞墓碑在河東分書

七載戊子四十歲八月充河西隴右軍試覆屯交兵使

河南舉人作胡笳歌送之五原有窳穢不決公至

立辨之天方是獄決乃兩郡人呼之為御史雨時范

陽魯貝為隴右節度哥舒翰別奏公至隴右翰宴之

公謂翰曰中丞自郎將授將軍便登節制後生可畏

得無人乎時靈立在階下翰指貝曰此人後當為節

度使矣是載公長子頌生

八載己丑四十一歲自河隴歸再充河東朔方軍試覆

屯交兵使河東人鄭延祚母卒二十三年殯僧舍垣

地真卿劾奏之兄弟三十年不齒天下聳動八月自

河朔歸遷殿中侍御史宋璟第四子渾為中丞御史

顏魯公文集 年譜

吉溫以私怨構渾誦賀州公曰奈何以一時忿欲危

宋璟後乎尋為宰相揚國忠所忌諷中丞蔣列奏為

東都畿唐以洛陽為東都採訪使判官

九載庚寅四十二歲七月兄幼與卒於長安八月再轉

殿中侍御史公撰兄允南神道碑云元宗嘗撰華嶽

碑並書天寶九載令御史大夫王鉷打百本以賜朝

臣家獲二本者四族而君以兩省官九南時為弟真

卿以殿中侍御史居其一焉每正至朝覲宰相以下

登殿者不過三十人而君與真卿法服於含元殿舞

蹈而衣袂接焉太宗家廟二碑皆載此事必同行列故兄賦詩云誰言百人會兄弟也露陪

十載辛卯四十三歲公弟允臧以制舉縣令對策及第授延昌令

十一載壬辰四十四歲遷武部員外郎是年正月改判兵部為武部

南曹書高陽亭勳撰多寶塔感應碑公書之傳於今者以此碑為始

自書高陽亭勳撰武部員外郎金石萃錄云是時公為東都採訪判官此碑當云判採訪何云判尚書

御史再轉而為武部員外郎則入為朝官矣安得復判採訪其日判尚書者員外郎掌武官選舉總判武部尚書所掌事耳舊書武部員外郎上有轉侍御史四字非書以再轉二字易之故萃書駕部郎中程浩編冒上採訪判官續之因而致誤

撰夫子廟堂碑今存殘本七十一字為華州王氏所藏其全文見元至正元年太平路總管賈度墓墓本多寶塔碑及是碑皆建於四月二十二日戊戌是載四月為丁丑朔故二十二日為戊戌

原書公文集年譜

二碑皆誤書作乙丑書自撰工部尚書郭虛已碑河南府秦軍

郭揆碑

十二載癸巳四十五歲六月詔補尚書十數人為郡守

宰相楊國忠怒公不附已謬稱精擇以公出守平原

郡元宗宴公等於蓬萊前殿賦詩贈帛以寵其行河

南岑參作詩送之時河東節度安祿山逆節頗著公

至平原以霖雨為託修城浚池陰料丁壯儲廩實乃

陽會文士泛舟外池飲酒賦詩或讒於祿山祿山亦

密偵之以為書生不足虞也公自典校時即考五世

祖之推與陸法言所定切韻引說文蒼雅諸書窮其

訓解次以經史子集中兩字以上成句者廣而編之

以其鏡照原本無所不見名曰韻海鏡源至是與

人勃海封紹高實族弟渾等修之成二百卷屬祿山

作亂止具四分之一九月魯山令元德秀卒公書其

墓碑後人爭撰為之與李華撰文李陽冰篆額及德

秀人品為四絕趙氏金石錄謂是碑為建中四年秋德秀書碑據李華撰德秀碑云德秀卒於天寶十二載九月則魯公書碑當在是載之後

十三載甲午四十六歲在平原二月書晉夏侯湛撰漢

太中大夫東方朔像贊并書自撰碑陰記碑在今陵縣署

十四載乙未四十七歲在平原公之為平原在天寶十四載

原不得於此再轉兵部且兵部即武部也留譜誤

十一月安祿山舉范陽兵反河朔盡陷獨平原城守具

備乃使司兵參軍李平馳奏之元宗初聞祿山之變

曰河北二十四郡豈無一忠臣乎得平至大喜顧左

右曰朕不識顏真卿形狀何如所為乃若此祿山初

尚移驛至公令以博平軍屯七千人防河津以博平

太守張獻直為副公乃募勇士旬日得萬人遣錄士

參軍李擇交統之簡閱以刁萬歲和珣徐皓馬相如

高抗均等為將河間司法李奐殺祿山所署長史王

懷忠淮南太守李隨殺祿山所署博平太守馬冀鏡

陽太守盧全誠景城司馬李暉鄴郡太守王燾各以
眾歸有詔北海太守賀蘭進明率精銳五千濟河爲
助十二月十二日祿山陷洛陽殺東都留守李暉中
丞盧奕判官韓清以三首遣段子光來徇河北公恐
搖人心乃詐謂諸將曰我識此三人首皆非也遂腰
斬子光皆藏三首異日乃取三首冠飾草纒支體棺
殮祭塋爲位痛哭人心益附祿山遣其將李欽湊高
邈何千羊等守土門公遣甥盧逖至常山告郡守從
父兄果相與起義兵犄角斷賊歸路以紓西寇之
勢果卿乃與長史袁履謙謀殺欽湊擒邈于年送京

顏魯公文集 年譜

十一

師土門既開清池尉賈載鹽山尉穆寧共斬僞署景
城守劉道元傳首平原公召載寧及清河尉張滄詣
平原計事十七郡同日歸順共推公爲帥得兵三十
餘萬糧總燕趙軍威大振其附祿山者惟范陽盧龍
密雲漁陽汲鄴六郡而已祿山方自率眾而西至陝
號聞河東有變而還
十五載丙申四十八歲正月八日賊將史思明陷常山
杲卿死之於是鄴廣平鉅鹿趙郡上谷博陵文安魏
都信都復爲賊守公乃以李暉自副而用李銑賈載
沈震爲判官乙巳以充本郡防禦使守城功詔加戶

部侍郎依前平原太守三月加河北招討採訪使清
河客李粦年二十餘與郡人來乞師請公曰聞公義
烈首唱大順河朔諸郡特公爲長城今清河賈公之
西也粦幸富家得其虛實知可爲長者用今計其
蓄積足以三平原之富士卒可以二平原之強公因
而撫之腹心輔車之郡其他小城運之如臂使指耳
唯公所意誰敢不從公曰吾兵新集未練何暇及鄰
然子之請兵欲何爲乎粦曰清河非方不足而借公
之師也亦以觀大賢之名義耳今仰瞻高意未有決
辭定色僕何敢遽言所爲公奇之欲與之兵眾以粦

顏魯公文集 年譜

十二

爲年少輕慮必無所成公不得已辭之粦就館復爲
書說公曰清河去逆効順奉粟帛器械以資軍公乃
不納而疑之僕回轅之後清河不能孤立必有所繫
託將爲公西面之強敵公能無悔乎公大驚遽詣其
館以兵六千人借之舊書作一粦將去公謂之曰兵
已行矣可以言子之所爲吾子何以教我粦曰今聞
朝廷使遣千里統眾十萬自太行東下將出嚙口爲
賊所扼兵不得前今若先伐魏都斬其守將袁知泰
太守司馬垂使爲西南主分兵開嚙口之路出千里
之兵圍討汲鄴以北至於幽陵平原清河合同志十

萬之眾皆洛陽分兵而制其衝計王師不下二十萬
河南義兵西向者亦不下十萬公但當表朝廷堅壁
無與戰不數十日賊必潰而相圖矣公然之乃移
檄清河等郡遣其大將李擇交割將平原縣令范東
馥裨將和琳徐浩等進兵與清河四千人合勢而博
平以千夫來三郡之師屯於博平去堂邑縣西南十
里賊帥袁知泰遣其將白嗣深乙舒蒙等以二萬人
來拒戰六月癸未朔賊大敗斬首萬餘級軍聲大振
知泰走汲郡史思明圍饒陽遣游奕兵絕平原救軍
公懼不敢以書招賀蘭進明進明將步騎五千渡河
公陳兵逆之相揖哭於馬上哀動行伍進明屯平原
城南公每事咨之由是軍權稍移於進明公不以爲
嫌復以堂邑之功讓之進明奏其狀取捨任意敕加
進明河間招討使擇交等徵進資級清河博平有功
者皆不食進明攻信都久之不克參軍第五琦勸進
明厚以金帛募勇士乃克之會平盧將劉正臣以漁
陽歸公欲堅其意遣賈載越海遺軍資十餘萬以于
頗爲質頗甫十歲軍中固請留之不從時范陽節度
使李光弼合汾陽王郭子儀之兵敗思明於嘉山平
原之圍遂解

公文集 年譜

三

王武吉年四十八歲正月加戶部侍郎兼平原郡太
守三月兼河北招討採訪使七月肅宗即位靈武改
元至德有賈歸位表初公聞李光弼下井陘即歛兵
還平原及聞郭李西入始復區處河北軍事遣使
張雲子主簿李銑等以蠟丸裹書由間道上表陳事
授工部尚書兼御史大夫又加銀青光祿大夫仍以
河北招討採訪處置使守平原時肅宗所放赦書亦
以蠟丸達公公頽下諸郡又遣人頽於河南江淮由
是諸道始知上即位於靈武徇國之心益堅劉正臣
等尅期南來行已有日祿山乘虛遣史思明尹子奇
急攻河北諸郡公使和琳以一萬二千人馬百匹救
河間琳爲子奇所擒河間饒陽景城樂安遂相次陷
沒獨平原博平清河三郡城守十月祿山又遣騎將
康沒野波攻平原公覺之兵馬旣盡人心危盪不可
復振公乃棄郡渡河沒野波緩策不追及聞渡河乃
佯爲追躡是以得脫於難歷江淮荆襄與各道採訪
使計會兵馬竟不可得而平原等郡遂盡陷於賊是
載公次襄城時節度使魯兪保南陽爲賊所圍城中
食盡中使曹日昇來宣慰路絕不得入請單騎入致
命襄陽太守魏仲犀不可公曰曹使旣果決不顧萬

公文集 年譜

四

死之幾何得沮之縱為賊所獲是亡一使者苟得入城則萬人之心固矣公何愛焉仲厚乃以騎助之賊不敢逼日昇既入城眾皆踴躍

至德二載丁酉四十九歲二月帝至鳳翔召公赴行在

四月公朝鳳翔行至武當郡奉詔除憲部尚書

憲部即刑部有漢表六月加御史大夫有謝表

留諸云新書行狀月日不家譜八月弟允城以監察御史遷殿中侍御史公

上表謝時仲兄允南遷司膳郎中奉詔給驛召至鳳

翔與公相見當代榮之中書舍人崔漪帶酒容入朝

公劾之貶右庶子又劾諫議大夫李何忌在班不肅

且彈其不孝宰相房瑄黨何忌遽託以酒醉入朝貶

為西平郡司馬十月元帥廣平王

宗一領胡方蕃漢兵號二十萬來收長安出辭之日百僚致謁於朝堂

百僚拜王答拜辭亦如之王當關不乘馬步出木馬

門而後乘管榮嗣為王都虞候先王上馬公進狀彈

之肅宗曰朕兒子每出諄諄教誡之故不敢失禮崇

嗣老將有足疾姑優容之卿勿復言乃以奏狀還公

肅宗將還西京遣左司郎中李巽先行陳告宗廟之

禮有司署祝文稱嗣皇帝公謂禮儀使崔器曰上皇

在蜀可乎器遽奏改之中旨宣勞以為名儒深達禮

會公文集 左譜

五

體時太廟為賊所毀公奏曰春秋時新宮災魯成公

三日哭今太廟既為賊毀請築壇於野皇嘗與吳

然後遣使竟不能從肅宗紀十月丁卯上入長安九

日據此則公之奏固已動而公扈從還京時允南遷

司封郎中允城為殿中公為尚書兄弟三人同時臺

省公於軍國之事知無不言為宰相所忌

是月宰相麟苗晉十二月出為同州刺史有謝表

是載十二月為州刺史十一月尚無同州刺史之稱後郡太守

改為馬翊太守葉公集謝表亦稱同州刺史與舊書

合則公之到同州道過郃陽有烈士左伯桃墓詩

在當是十二月事載戊戌五十歲二月肅宗改元乾元三月轉蒲州刺

會公文集 年譜

六

史充本州防禦使有謝上表封丹陽縣開國侯

舊書無丹陽之封新書作丹陽縣子行狀作丹陽縣開國

子案公書祭姪季明文及放生池表皆署丹陽縣開

國侯侯官志上州刺史爵開國侯蒲上四月贈祖

昭南華州刺史公嘗手書其告有謝贈祖官表五月

贈果卿太子太保果卿被害時張通函請於揚國忠

故不加贈至是公表其枉諡曰忠節公與兄國子司

業允南表謝九月書自撰祭姪季明文有草稿存十

月戊申赴蒲州辛亥過華陰題名金天王廟

金天王也開元元年十月封題公遣從子泉明至河北訪求

名刻在周天和碑側血屬初李光弼郭子儀收復常山出果卿表履謙汲

將吏等妻女數百人於獄轉徙賊中窮窘無告泉明
悉以歸蒲州公贍給久之資送歸里泉明又以公命
購其父屍置尸於河北弟季明尸於洛陽果卿失一
足季明得其首公以果卿尸與張濬所賜髮葬於長
安而以李明附焉公為御史唐明誣劾貶饒州刺史
道過東京作祭伯父豪州刺史元孫文元孫墓在東京
高村店東北

乾元二年己亥五十一歲公在饒州民苦盜公計擒首

惡磔諸市四境肅然有顏司徒碑銘六月拜昇州刺

史江寧郡以元充浙江西道節度使兼江寧軍使有

公文集年譜

謝表擢權舉為行軍司馬皇德權是年有與蔡明遠

帖李侍御寫真贊有天下放生池碑銘

三年庚子五十二歲時揚州長史劉展將反公豫飭

備都統李暉以為生事非短之明年十一月展果舉
兵反與展戰於淮

上敗二月以杭州刺史侯令儀代為昇州刺史召公

入朝為刑部侍郎舊書本傳作刑部
尚書今從新書閏四月肅宗改

元上元公作朝議大夫徐秀神道碑七月作乞御書

天下放生池碑額表八月宰相李輔國矯詔遷元宗

居西宮公乃首率百僚上表請問起居輔國惡之又

為御史中丞敬羽所誣貶蓬州長史公由嘉陵路出

閩州新政縣作鮮于氏離堆記在今四川
南部縣

上元二年辛丑五十三歲是年九月去年號稱元年以

十一月為首歲公在蓬州救災恤患民頌其德

元年壬寅五十四歲是年復以建巳為四月改元寶應

閏四月代宗即位五月拜公利州刺史屬羌賊圍州

城不得入詔赴上都七月以仲兄國子司業允南官

贈父惟貞祕書少監母殷氏蘭陵郡太夫人二告皆

公自書有謝表案肅宗以是年四月丁卯崩少監告
身下於七月二十七日謝表批答當
是代宗家廟碑作肅宗蓋奉制
在四月以前至七月始下告耳十一月允南卒公為

撰神道碑十二月戶部侍郎劉晏以公文學正道舉

公文集年譜

以自代詔從之以晏為國子祭酒以公為戶部侍郎

有謝表

寶應二年癸卯五十五歲三月改吏部侍郎舊書本傳
作戶部新

書作吏部據放生池碑陰記蓋由戶部轉吏部也加銀青光祿大夫有謝表

七月代宗改元廣德八月荆南節度使李峴入為宗

正卿拜公江陵尹兼御史大夫充荆南節度觀察處

置使有謝表舉壽安尉殷寅為推官未行以衛伯玉

代之除公尚書右丞舊書本傳作
左丞從新書十月吐蕃犯京畿

公扈從至陝州十二月車駕將還京師公請先謁五

陵九廟而後還宮宰相元載曰所見雖美其如不合

陵九廟而後還宮宰相元載曰所見雖美其如不合

事宣何公怒前日用捨在相公耳言者何罪朝廷之事豈堪相公再破壞邪載深銜之有工部尙書賊懷格神道碑

二年甲辰五十六歲元年八月河北副元帥僕因懷恩拒命於汾州公請奉詔召之是年正月癸未改檢校刑部尙書兼御史大夫克朔方行營汾晉等六州宣慰使未行公曰臣往請行者時也今方受命事無益矣上問其故對曰懷恩阻兵是其反側明矣頃陛下避狄於陝臣方責以春秋之義云寡君蒙塵於郊敢不恭問官守當是時也懷恩來朝以助討賊則其

文集

元

順今陛下攘去夫戎即官京邑懷恩進不勤王退不釋累其辭曲必不來矣且明懷恩反者獨河東節度辛雲京澤潞節度李抱玉及中官駱奉先魚朝恩四人耳自外朝臣咸言其枉然懷恩將士皆郭子儀部曲信結其心陛下何不以子儀代之喻以禍福必相率而歸耳上從之留公知省事二月有與李太保帖三月伯父元孫贈秘書監公表謝是月晉封魯郡開國公食邑三千戶八月作和政公主神道碑公主廟河東宗女降十一月朝士以汾陽王郭子儀及其子先鋒晞破土蒼歸國為異道之會尙書左僕射郭英父諸事

軍容使魚朝恩擡入座尙書坐其下公移書糾之有草稿存是月作伯父元孫神道碑作贈太保李光弼神道碑碑為張少師書在陝西富平縣書自撰贈太保郭敬之家廟碑敬之子儀之父碑在陝西布政司又有與李太保帖是冬兄幼與卒於江陵

永泰元年乙巳五十七歲八月作刑部侍郎孫遜文集序作左金吾衛大將軍康阿義屈達干神道碑十月有與李太保帖

二年丙午五十八歲公在刑部時元載引用私黨懼朝臣論素其短乃請百官凡欲論事皆先白長官長官

文集

元

自宰相然後上聞公上疏切諫中人爭寫內本在於外三月攝祭太廟以祭器不修言於朝元載坐以誅謗貶破州別駕書破州帖又有廟享議朝會有故去樂議三月移貶吉州司馬道出潯陽書舊作左伯桃墓詩於蒲塘客舍有蒲塘辨六月書東林西林三寺題名十一月代宗改元大歷

大歷二年丁未五十九歲在吉州著廬陵集十卷正月書自撰京兆尹鮮于向神道碑十月書祖關二大宇於靖居寺有靖居寺題名書守政帖

三年戊申六十歲在吉州三月作井山華姑仙壇碑作

南嶽魏夫人仙壇碑四月除撫州刺史為神霄觀道

士譚仙巖書馬伏波語十一月弟允臧卒於江陵

藏以江陵少尹受代敏入未行而卒

四年己酉六十一歲在撫州與州人左輔元姜如璧等

取舊著韻海鏡源二百卷增廣之成五百卷四月修

兄幼與弟允臧神道碑歸附幼與允臧於上都時同

生十人零落皆盡惟公獨存作寶應寺翻經室記華

蓋山王郭二真君壇記

五年庚戌六十二歲在撫州治陂灌田民賴其利公

後州人建祠祀之宋曾鞏為之記正月一日書

全文集

樓三大字碑在廣西臨江縣三月作贈梁州刺史徐秀

又書自撰踐猷子大斌令攝碑十二月作廣平相國

宋璟神道碑碑在直隸沙河縣

六年辛亥六十三歲三月作寶應寺律藏院戒壇記開

三月罷撫州專命左輔元編次臨川集十卷四月書

自撰麻姑山仙壇記又書小字麻姑壇記書前道州

刺史元結撰大唐中興頌在湖南祁陽縣八月至上

元縣撰慈恩寺常住莊地碑碑在齊州十一月

拜十三世祖晉西平靖侯含墓書自撰太宗碑

七世皆拜上作題虎邱清遠道士詩後詩宋留元剛

元蘇府山有公書虎邱清遠道士詩及公自題詩款云大歷五

年十二月十日刑部尚書顏真卿書案公為刑部尚

書不在此時大歷五年公在撫州不應題詩虎邱此

詩當是六年公至上元時作題款及書皆偽託也

七年壬子六十四歲五月至宋州書自撰汴宋節度使

田神功八關齋會記碑在河南歸德府九月歸至東京起家

除湖州刺史十二月自東京遷母蘭陵郡君柩歸葬

上都祖塋有與夫人帖

八年癸丑六十五歲正月至湖州刺史任七月追建

生池碑銘公孫若際招集於前殿中侍御史廣

海州刺史吳國子孫州人褚冲評事

丞潘述前梁縣尉河東裴條常執主簿蘭陵蕭存

人典尉河南陸士修及後進楊遂初崔宏揚德元胡

南陽湯涉京兆韋介左典宗族人蔡文集策金陵

沙門法海等取舊著韻海鏡源五百卷刪煩補闕

三百六十卷於州學及放生池日相討論建韻海

於郡治至冬徙於州西南杆山之妙峯寺寺為梁武

帝所置公建亭其中以癸丑歲十月癸卯朔二十

日癸亥成陸羽為名之曰三癸亭產丹青紫三桂

下有支徑特殿中侍御史袁高為浙西觀察判官

部至州適會於此因呼為御史徑公有題杼山葵亭
得暮字詩云歛構三癸亭實為陸生故又有謝陸處
士杼山折青桂花見奇詩皆為此亭作也寺僧皎然
字清晝謫靈運十世孫工詩辭公修韻海預其論著
公有贈皎然詩云繕亭歷三癸趾趾鄰什寺又云衛
法大臣過佐游羣英萃謂袁侍御陸處士及同游諸
子也先是正字殷佐明魏縣尉劉茂括州錄事參軍
范陽盧鏐江寧丞京兆韋寧壽州倉曹朱弁及周愿
沈殷李蒲族入潭暄等亦嘗同修韻海未畢各以事
而起居郎裴郁祕書郎蔣志許事呂渭魏理沈

沈公文集 年譜

三

劉全白沈仲昌攝御史陸向沈祖山周閻司議邱悅
臨川令沈咸右衛兵曹張著兄暮弟薦為校書郎權
器與平丞韋桓尼及後進房夔崔密崔萬實叔蒙裴
繼兄子起承穆承峴公子頌頤等妙詩云愚子
二神皆頤頤之名當
即公子頤頤之名也往來山寺商接古今為一時
文從之盛有聯句詩一卷其與聯句之會者尙有起
居舍人楊憑應弟協律郎凝拾遺耿湓侍御皇甫曾
推官康造同官主簿陸涓李觀詹事司直房益長城
尉裴循柳從吳筠強家范縉王純王修甫史仲宣裴
幼清釋塵外族子榮從子須頤頤等皆杼山游侶也

全唐詩話有寺益乃沈益房益之
謫字益與李實者名在魯公之後 又嘗遊峴山觀
左相李適之石樽敘飲為樂十二月有吳興沈氏述
祖德記

九年甲寅六十六歲在湖州正月書伯父元孫干祿字
書於刺史宅之東廳院韻海鏡源成作杼山妙峯寺
碑三月作竹山聯句詩五月書自撰茅山道士李含
光碑碑在江蘇句容
縣茅山玉晨觀八月書舊撰天下放生池乞額
表并撰碑陰記碑刻忠
義堂帖作浪跡先生張志和碑

十年乙卯六十七歲在湖州八月魏博節度田承嗣將
盧子期就擒於磁州十一月承嗣瀛州刺史吳希光

沈公文集 年譜

吉

以城降書近聞帖是年九月書自撰商州刺史歐陽
璣碑有元次山墓表時公子頗自河北歸頗以天寶
十五載為質於平盧將劉正臣時年十餘歲至是始
歸僧皎然有奉賀顏使君二十八郎隔絕自河北遠
歸詩二十八郎謂頗也其詩云相失值氣烟纔應掌
上年八離驚貌長多難喜身全然公撰大宗家廟元
孫杲卿等碑皆謂頗死逆胡之難太宗碑又謂頗工
隸書太子洗馬家廟碑亦云頗工小楷洗馬而公撰
高祖勅禮碑則云頗善隸書太子洗馬鄭王府司馬
不幸短命蓋三碑俱撰於頗未歸之前當常山被陷

時傳聞頗已過嘗故朝廷有五品官之贈所謂太子

洗馬鄭府司馬即贈官也越十有七八年而頗始自

河北歸其時年已三十內外矣至建中元年公刻家

廟碑後記但言男頽男碩而不及頽蓋頽歸在大歷

八年以後故公撰妙善寺碑但云愚子頽頽即頽碩原名

而不及頽其卒當在建中元年以前故家廟碑仍載

頽之贈官而後記則不列其名也

十一年丙辰六十八歲在湖州著吳興集十卷四月作

博陵崔沔陋室銘記書自撰銀青光祿大夫康希銑

神道碑初嘗溪東南有白蘋洲梁太守柳惲江南曲

汀洲採白蘋日暮江南春後人因以名洲至是公始

剪榛導流作八角亭及茅亭

十二年丁巳六十九歲公為元載所忌斥外十有一年

三月載伏誅四月作梁吳興太守柳惲西亭記五月

作項王碑陰述書自撰湖州射堂記書中書侍郎楊

綰撰李冠玉碑是月公以縮薦召入朝八月擢刑部

尚書公自書其告十一月以所著韻海鏡源三百六

十卷獻於朝是月作友壻京兆尹杜濟墓誌并為濟

撰書神道碑書自撰殷履直妻姑顏君碑碑在河南洛陽縣

十三年戊午七十歲正月三上章乞致仕不許二月奉

使謁昭陵有過瑤臺寺懷僧圓寂詩三月贈吏部尚

書書自撰廣平相國宋璟碑陰記刻在少河碑側

十四年己未七十一歲五月代宗崩德宗嗣位公以本

官充禮儀使有請除禫服奏請除素練聽政奏公以

高祖以下七聖諡號文字繁多乃上議取初諡為定

兵部侍郎袁倬議云陵廟玉冊已刻不可輕改然實

妄奏不知玉冊皆刻初諡而已七月書程浩撰馬璘

新廟碑十月代宗神主將升祔太廟公以元皇帝代

數已遠準禮合祧請遷於西夾室從之有議元皇帝

祧遷狀

建中元年庚申七十二歲三月奏東都太廟闕木主請

造詔下議之初武后於東都立高祖太宗高宗三廟

至德亂後木主多亡缺於是議者有三一曰必存其

廟徧立羣主時饗之二曰建廟存主而不祭若皇輿

時巡則就饗焉三曰存其廟瘞其主駕或東幸則飾

齋車奉京師羣廟之主以往不決而罷舊書德宗紀禮儀使奏未著公名時公領使職禮志又載會昌六年鄭亞等奏云兼與建中元年禮儀使顏真卿所奏事同即

此奏也七月書自撰父惟貞家廟碑碑在陝西撰顏氏家譜一卷新書藝文志載此譜未著撰人名公集

八月罷吏部事時楊炎為相惡之改太子少師舊書

作

傳後
新書尤禮儀使如故外示崇寵實去其權也告有太
后崇徽外家聯屬顧先勳舊方睦親姻等語考德宗
母睿真太后為吳興沈氏舊書后妃傳云妃父易直
第二子祕書少監震公撰吳興沈氏述祖德記云南
齊徵士沈麟士過江二十葉孫御史中丞震即其人
也記又云以真卿江南婚姻之舊中外伯仲之穆則
公與沈氏為世戚故是告云太后崇徽外家聯屬然
公之高祖母為殷氏曾祖母為殷柳二氏祖母及母
皆殷氏伯父元孫妻元氏從兄杲卿妻崔氏同母兄
闕疑幼與妻皆殷氏次兄允南妻陳氏公及弟允斌
顏魯公文集年譜
妻皆韋氏同祖姑二一適御史大夫張知泰一適錢
塘丞殷履直從祖姑適劉氏其子同昇為江南經畧
伯父元孫女適盧氏其子逃死杲卿之難公女適雒
丞韋政其可考者皆非沈氏近姻惟公撰曾祖勤禮
碑云君外曾孫沈盈盧逃並為逆賊所害沈盈不知
何子之外孫顏沈之姻僅見於此所稱外家聯屬者
當係晉西平靖侯含隨元帝過江徙居上元者凡七
世時顏沈二家會締姻好故記云江南婚姻之舊而
告遂及之蓋太后以宮女得幸生德宗於宮避史思
明之亂逃散及德宗即位訪求未得因母族單微故

託顏氏舊姻以自重又為起居舍人朱巨川兩書其
告十月壬子以即位恩封公子右率倉曹頹為沂水
男祕書正字頹為新泰男自李義府許敬宗以凶事
非臣子所宜言遂去國恤一篇由是天子凶禮闕焉
故開元禮及新舊唐書皆無其儀惟鄭樵通典載有
元陵儀注蓋數萬言其行禮次第粲然大備然未著
為何人所定元陵者代宗之陵也代宗以是年十月
已酉葬於元陵其時公為禮儀使則是儀必公之手
筆歷代國恤莫大於此經世文章亦莫大於此編公
集者於小說殘碑多所搜採獨遺此文不加考訂而
錄之於集殊闕憾也今為補編十一月公奏郡縣主
見舅姑請行執笄之禮并請罷觀華燭仗停障車下
摺却扇及昏夕聲樂等儀又改擇地置帳行於堂室
中禁子午卯酉年娶婦俗忌並從之
二年辛酉七十三歲九月太常博士陳京請以獻懿二
祖神主奉太廟詔公卿集議議者有三一謂獻懿
親遠而遠不當祔宜藏主西室二謂二祖宜祔食與
太祖並昭穆闕東位三謂引二祖祔禘即太祖永不
二向得全其始宜以主祔德明廟公請大祫享奉獻
主東向懿主居昭景主居穆於是還二主祔於廟如

公議書陳京傳詳畧互異屬左輔元編訂禮樂集十

卷新書藝文志云公為禮儀使所定留諸誤作禮儀集十月書自撰明州刺史

王公德政碑廣川書跋有王密碑當即其人

三年壬戌七十四歲宰相盧杞專權忌公八月改太子

太師罷禮儀使杞論公曰方面之任何處為便公候

杞於中書曰真卿以禍性為小人所憎竄逐非一今

已羸老宰相公庇之相公先中丞先中丞謂杞父奕也天寶初拜御史

中丞安諱山昭東都殺殺傳首至平原公禮葬之事見前傳首至平原面上血痕

真卿不敢衣拭以舌舐之相公忍不相容乎杞震然

下拜而含怒心

年譜

元

四年癸亥七十五歲正月庚寅淮西都統李希烈反陷

汝州甲午盧杞奏曰顏真卿四方所信使往諭之可

不勞師旅上從之朝廷失色宣武軍節度使李勉聞

之以為失一元老貽朝廷羞乃密表請留又遣逆於

路不及至河南河南尹鄭叔則以希烈反狀明勸不

行公答曰君命可避乎初見希烈於許州欲宣詔自

希烈養子千餘人露刃爭前迫公將食其肉諸將叢

繞慢罵舉刃以擬之公不動希烈遽以身蔽之而麾

其眾眾退乃揖公就館舍因逼為章表令雪己願罷

兵公遣兄子峴與從吏凡數輩繼來京師皆為杞

格不報每與諸子書嚴奉家廟恤諸孤而已希烈欲

遣公還會李元平在座公責之元平慚以密啟白希

烈遂留不遣時幽州節度朱滔深趙節度王武俊魏

博節度田悅淄青節度李納各遣使詣希烈勸進希

烈召示之曰四王見推不謀而同豈吾獨為朝廷所

忌無所自容邪公曰此乃四凶何謂四王相公不自

保功業為唐忠臣乃與亂臣賊子相從求與之同覆

滅邪希烈不悅他日大宴逆黨召公使坐觀倡優斥

黷朝政為戲公怒曰相公人臣也奈何使此曹如是

乎拂衣而起希烈慚亦阿止時滔及王武俊田悅李

病使在坐目公謂希烈曰聞太師名德久矣相公欲

建大號而太師至非天命正位欲求宰相孰先太師

乎公正色叱之曰是何宰相邪君等聞顏杲卿無是

吾兄也祿山反首舉義兵及被害詬罵不絕於口吾

今年向八十官至太師守吾兄之節死而後已豈受

汝輩誘脅邪諸賊不敢復言希烈乃拘公令甲士十

人守掘方丈坎於庭云欲阮之公恬然見希烈曰死

生已定何必多端亟以一劍相與豈不快公心事邪

希烈乃謝之

興元元年甲子七十六歲作奉命帖題驛舍壁三月荆

南張伯儀與賊戰於安州敗績希烈令齋伯儀旌節首級誇示公公慟哭投地希烈令其將周會王玠姚愔等襲汝州節度使哥舒曜會等謀迴軍襲取希烈奉公為節度事洩希烈殺會等遂送公於龍興寺公度必死乃作遺表自為墓誌祭文常指寢室西壁下云吾殯所也十一月宋毫節度使劉洽與郗儻節度使曲瓊大破希烈之眾於陳州希烈乃遣其將孫景璠安華至公所積柴庭中沃之以油且傳逆詞曰不能屈節當自燒公乃投身赴火景璠等遽止

月希烈陷汴州自稱大楚皇帝僭偽號曰

問即位儀於公公曰老夫耄矣曾掌國禮所

侯朝親禮耳希烈不敢逼

貞元元年乙丑七十七歲王師復振劉洽等乘勝進攻

汴州希烈慮蔡州有變將挾公自隨正月五日先遣

公自汝至蔡十九日書移蔡帖時德宗復宮關希烈

弟希倩在朱泚黨中伏誅希烈聞之怒乃使闖奴與

景璠等殺公先曰有敢使拜曰宜賜真卿死公曰老

臣無狀罪當死然不知使者何日從長安來曰從大

梁來公罵曰乃逆賊耳何敢邪遂縊殺之時八月十

三日乙丑也至二十四日丙戌始聞於朝新舊書本傳皆作

元元年八月十三日為希烈所害通鑑綱目從之而舊書德宗紀又作貞元元年正月癸丑聞公之變案是年正月為丁酉朔癸丑乃十七日公有移蔡一帖作於貞元元年正月十九日則非癸丑聞計可知今從新書德宗紀作貞元元年八月丙戌

其牙將陳仙奇醜死淮西平朝廷命仙奇為淮西節

度十一月以公之喪歸京師德宗輟朝五日詔錄其

功贈司徒諡曰文忠仍賜布帛五百端男額碩等喪

制終所司超授官秩六年十一月南郊赦書節文授

公一子五品正員官故額得錄用及盧杞既廢德宗

嘗謂李泌曰人皆言杞姦而朕不覺泌曰陛下能

安致建中之禍李揆和蕃事在建中四年七月顏真卿使希烈

其害舊德多矣文宗時以公曾孫宏式為同州參軍

穆宗時授顏峴贊善大夫宣宗時授顏溫鳳翔文學

昭宗時授顏堯禮禮部郎皆公後裔也

顏魯公文集年譜終

寧鄉黃本贖仲良編訂

湘陰蔣瓌維揚叅校

賦

象魏賦以象魏因章道

曰有唐之建都兮蓋法天而立象濟重門於北極聳雙闕以南敞夾黃道而疑峙于青雲之直上豈一人之是憑抑萬國之攸仰泊乎青陽戒節玉紀迴天萬戶聞漏以傳響百條執贄而獻年道人之木鐸既徇天子之金章是懸觀乎浹發大號乎崇聖德澤如春流義若泉塞

顏魯公文集

卷一

賦

公卿翼翼而仰化黎庶欣欣而無忒自皇明而播九重由京師而降萬國美哉真盛代之聖明也爾其闕之爲用也叶古典布新章積非煙之疊疊羈佳氣之蒼蒼扣峻墉以聽時屹中天而鳳翔伯玉過而必肅子牟懷而不忘若乃登講園門魏寢穹昊覆瑤草於輦路接青槐於馳道玉斗而職永半金城以處好既悅功於子來抑有符於靈造及夫霜天肅霽曙景涵風對巖廊而隱麟映玉樹以玲瓏既岌岌以業業亦穹穹而崇崇縱黃金與紫貝孰並美而傳功童子何知謬膺邦政徒欲竭其鄙思諒難酬於嘉命且賦頌之作本乎情性雖杼軸

而履空職高歌以爲詠亂曰魏魏雙闕兮岳立雲峙政令因斯以縣有今黎元賴此以獲理敢頌美於一時庶流芳於千祀

表

皇帝卽位賀上皇表至德元載七月

臣真卿言六月二十七日伏承賊陷潼關駕幸蜀郡李光弼郭子儀等正圍博陵郡收兵入土門王師既還百姓震恐憂惶危懼若無所歸臣不勝悲憤之深遂遣脚力人張雲子間道上表猶恐不達又差招討判官信都郡武邑縣主簿李銑相繼間行一本銑及雲子前後

顏魯公文集

卷一

表

二

並到靈武郡奉皇帝七月十二日敕伏承陛下命皇太子踐祚改元皇帝上陛下尊號曰上皇天帝臣及官吏僧道耆壽百姓等蹈舞抃躍不勝感咽一本無此四字其張雲子回皇帝授臣工部尚書兼御史大夫其李銑同又授臣銀青光祿大夫願以庸微頻叨寵命道路隔絕辭讓無由進退失圖伏增惶懼竊以逆賊安祿山孤負聖恩憑陵寓禍盈惡稔尙稽天誅今皇帝撫軍蒼生賈勇豐鎬河洛指期可平伏願陛下垂拱頤神以觀廓清之慶臣官守有限不獲隨例闕庭無任懇款悲戀之至

上皇批答常行

兇逆亂常侵侮中夏潼關失守京國不寧朕因涉岐
梁至於巴蜀遂命皇帝肇登寶歷爰靖妖氛今官軍
益振回紇効款即擬南行共為翦滅卿忠惟奉國孝
則保家懷不二之心秉難奪之操皇帝累申寵命兼
以崇班宜有懋於深功一作且用光於重守

讓憲部尚書表至德二
載四月

臣真卿言臣聞無功受賞為善不勤有罪不罰為惡罔
辨陛下克復之期匪朝伊夕至如賞罰二柄事在必行
苟或不明於何取則臣以愚懦叨守平原屬逆賊安祿
山背叛聖恩擾犯河洛臣堂兄杲卿以常山太守首開

顏魯公文集卷一 表

三

土門臣與河北諸郡因之固守人臣本分夫有何功上
皇授臣戶部侍郎兼知招討採訪等使已失人望緣賊
未滅遂不敢辭又令李光弼郭子儀賀蘭進明等與臣
計會同討凶逆三數月間河北向定屬潼關失守大駕
西巡光弼等卻入土門諸郡危逼陛下御極又錄臣無
功寵以非次常伯亞相一時猥集臣兄允南弟允臧等
連榮臺省一男三姪皆拔好官在臣一門叨幸斯極殞
身碎首無以上報臣常使判官鉅鹿郡南和縣丞賈載
姪男承王府典軍廣成及行官鄧昌珍楊神功裴法成
等十餘人將絲物絹帛油纒渡海與到正臣計會共和

兩蕃一本兩
作三正臣等處期南來行已有日屬逆賊史思

明尹子奇等乘其未至悉力急攻諸郡無援相次陷沒
皆由臣孱懦無謀致此顛沛誠合殉命危難死守孤城
以為歸罪闕庭愈於受擒賊手所以僣倖偷生過河緣
劉正臣使楊神功將驃與臣索兵馬及盤瓶錦帳令應
授吳郡司士鄭毓樂安郡太守令於江淮南兩道度僧
道取錢與臣召募士馬令應接河北臣由此未獲即赴
行在遂至廣陵丹陽等郡各與採訪使計會竟不得兵
馬即累奉聖旨許臣入奏行至武當郡又奉恩命除臣

顏魯公文集卷一 表

四

憲部尚書兼令使者送告身與臣捧戴殊私不任惶懼
陛下縱含宏善貸不忍明刑在臣靦冒至深胡顏自處
臣忝為大臣繫國休戚損臣益國臣受其益損國益臣
臣受其損若受任失守還期屢遷示國無刑於臣大損
非敢外飾實披至誠又臣名節雖微任位頗重為政之
體必在律人恩先達下罰當從上今罪一人則萬人懼
若怙於寵四顧何瞻伏願陛下重貶臣一官以示天憲
使天下知有必行之法則知有必賞之令寵榮過於尚
書遠矣無任懇懼之至

肅宗批答

卿才推於我輩，朝廷兄弟成名，俱效忠節，願益薦
繼侍，德邑多貴，卿能審事宜，捍禦境，盜雖平原不守，
而功效殊高，躬自歸朝，深副朕望，允膺曳履之命，無
至免冠之請。

謝兼御史大夫表 至德二載六月

臣真卿言伏奉今日制書，以臣兼御史大夫本官如故，
恩榮屢及，成命由臨，捧戴殊私，慙惶靡據。中謝 臣孱微
有素，抗直無聞，比守平原，困於凶賊，不能死節，負義歸
朝，斧鉞之誅，甘心待命，崇高之位，不次頻叨，孟夏之中，
始操刑柄，數旬之內，兼總憲司，撫已缺如，負乘斯甚，將

顏魯公文集 卷一 表 五

何以明刑天下，振舉朝綱，臣聞秦漢之時，凡有制詔，皆
下丞相御史府人，到於今稱爲副相，東方朔舉自古聖
賢，以次百官，乃以孔某爲御史大夫，則知其官何可妄
授，況列曹尚書古之常伯，如天之有斗，豈易其人，昨以
表辭非致，矯舉恐傾天聽，僂俛就班，候陳請闕，方擬牢
讓不圖，榮寵又集，微軀聖恩，頻繁固令，卽上陳請，莫遂
惶懼，益深又臣竊見近日朝列之內，或有身兼數官，苟
貪利權，多致顛覆，害政非一，妨賢實多，臣嘗忿之，其忍
自冒，無任懇迫，屏營之至，謹詣閣門，陳謝以聞，倘天聰
遠，卑庸實少，迴恩命，停臣一職，別授忠賢，則雖死猶生。

期於畢方臣某云云

肅宗批答

卿德重才博，久而益彰，深竭忠貞，克著名節，乃今再
造區夏，藉卿以振朝綱，曳履之榮，允膺其象，弄印之
寵，無以易卿，既簡朕心，不至謙讓，所謝知。

同州刺史謝上表 至德二載十二月

臣真卿言伏奉某月日恩制，除臣同州刺史，以某日至
郡，上訖受命，祇懼伏增戰越。中謝 臣自失守平原，萬里
歸命，甘心斧鉞，用儆敗亡，陛下錄纖芥之誠，捨邱山之
罪，超司秋典，再長憲臺，宗伯亞相，一時猥集，在臣叨幸

顏魯公文集 卷一 表 六

何以克堪，誓當粉骨碎身，少酬萬一，而力微任重，福過
災生，涓塵莫效，咎愆仍積，上負聖明之恩，下慙魯衛之
士，槃水加劍，未塞深尤，禦寇投荒，乃爲殊造，陛下識其
眉目，矜其要領，待罪猶忝於左馮，黜官不離於本秩，感
念恩德，淪於心髓，木石知變，况在微臣，伏惟陛下察其
慙愚，收其後效，臣雖萬死，實荷所天，竊以此郡破亡，再
陷凶逆，生靈塗炭，邑室空虛，殺傷者雖或蓋藏，逃亡者
尙未歸復，謹當勸精悉力，宣諭皇明，旬月之間，望有所
按，伏惟陛下減省聖慮，不以此郡爲憂，則臣之愚忠，生
死萬足，其戶口實數，并到，害切急者，伏望容臣，括責，續

朕奏聞無任感戀之至

肅宗批答

卿風直名器列在朝廷委弄印之傳兼史履之寵而乃事意執法情未私朕念以舊勳遂從寬宥今左輔之部調改之餘宜加撫存以申哀敬所謝知

案舊書本傳云出為同州刺史新書本傳云出為馮

翊太守至德二載十二月始復郡太守為州刺史公

以是載十月自鳳翔扈從還京為宰相所忌出貶同

州其到任謝上當是十二月事應以舊傳為是是表

標題及除臣云云集本皆作馮翊太守今從全唐文

顏魯公文集

卷一

表

七

改正

蒲州刺史謝上表 乾元元年三月

臣真卿言臣今月十一日伏奉五日恩制除臣使持節

蒲州諸軍事蒲州刺史充本州防禦使臣緣同州先無

佐官蒲州舊無未到遲迴累日不敢赴上中使張抱誠

至奉宜恩命令臣與將軍趙瑣計會遊奕兵馬昨以十

八日至州上訖承寵命伏增感傷 中謝 臣竊以此州

之地堯舜所都表裏山河古稱天險餘凶未殄防禦是

先况扼秦晉之喉撫幽并之背既號股肱之郡實資心

膺之賢伏惟光天文武大聖孝感皇帝陛下道冠生人

恩涵墜履方建非常之業不遺易忘之臣特委大邦俾之集事戴荷殊獎無忘寢食但臣愚篤有素智勇缺然將以鎮遏輿虞導揚德澤拜命之日以榮為憂唯君知臣教其不及勤恤人隱動必以聞陛下不以為煩則臣死而獲考矣無任感戴屏營之至

肅宗批答

卿簪紱之端名節素重出鎮藩翰克效忠勤况自同

及蒲襟帶相接宣風布化實佇於卿特委股肱尤當

勉勵防虞恤隱必應事宜所謝知

謝贈祖官表

乾元元年四月一本標題賦祖字

顏魯公文集

卷一

表

八

臣真卿言伏奉二月十七日恩制臣亡祖故曹王屬曹

王晉王侍讀先臣昭甫特蒙聖恩超贈使持節華州諸

軍事華州刺史天慈錫類泉壤疏榮捧戴殊私闔門感

慶 中謝 竊以臣亡祖伏膺文儒克薦前烈能讀三墳五

典八索九章特為伯父故祕書監先臣師古之所賞愛

師古每有註釋未嘗不參預焉又與學士令狐德棻等

同侍天皇帝尊廟間有時無命天關盛年臣亡父故薛

王友先臣惟貞亡伯故濠州刺史先臣元孫等並祿祿

直庶孩提未識養於舅氏股仲容以至成立臣堂兄故

衛尉卿兼御史中丞果卿即元孫之子及臣兄弟等幸

承貽厥之訓 遭明聖之朝 各以微誠 皆蒙殊獎 臬卿
雖死為不朽矣 臣亦何人 屢叨榮祿 夙夜祗懼 慚戴已
深 不謂霽澤 曲霑賚貽 俯及特蒙 加等之禮 實為非常
之恩 感戴屏營 萬死非報 無任戰荷之至 謹因中使內
閣者 監張抱誠 冒死陳謝 以聞 一本謝

肅宗批答

卿之乃祖 嘗為碩儒 既高倚相之能 遂有臧孫之夜
不墜其業 在卿之門 式覃道遠之恩 俾蒙貽厥之慶
加贈方岳 以表哀榮 所謝知

謝浙西節度使表 乾元

顏魯公文集 卷一

臣真卿言 伏奉六月九日恩制 以臣為昇州刺史 充浙
西節度使 兼江寧軍使 聖德含宏 不遺舊履 捨其罪戾
假以麾幢 感戴恩榮 死生知報 臣某 中 臣以為全吳
舊國 分圖重權 煮東海以自資 壅西河而作固 九州天
險之地 六代帝王之都是 以魏文興嗟 晉從南北之限
符堅持采 一本持采 爰喪百萬之師 豈不以形勝是先
腹心斯切 親賢重寄 鎮遏攸難 矧在庸微 寧堪及此 是
以拜命之日 以榮為憂 制書以今月四日至 饒州臣以
今日發 赴本道 取都統節度觀察使李師處分 訖即赴
昇州 即當繕修甲兵 撫循將士 觀察要書 以備不虞 假

陛下英武之威 遵陛下平明之理 一心戮力 上答天慈
伏惟陛下 察臣愚忠 則死且不朽 無任感戴 屏營之至

肅宗批答

卿學行有聞 謀猷克壯 屢經寒歲 不改松筠 且江寧
古之帝都 實為巨防 自非宿德 其可濫居 委卿忠誠
俾當連帥 宜宏等畧 為朕緝綏 所謝知

乞御書天下放生池碑額表 乾元 年七月

顏魯公文集 卷一 表 十
臣真卿言 臣聞帝王之德 莫大於生成 臣子之心 敢忘
於讚述 臣去年冬 任昇州刺史 日屬左驍衛左郎將史
元琮 中使張庭玉等 奉宣恩命 於天下州縣 臨江帶郭
處各置放生池 始於洋州 輿道迄於昇州 江寧秦淮太
平橋 凡八十一所 恩沾動植 澤及昆蟲 發自皇心 徧於
天下 歷選列辟 未之前聞 海隅蒼生 孰不欣喜 臣時不
揆 愚昧 輒述天下放生池碑銘一章 又以俸錢於當州
採石 兼力拙 自書 蓋欲使天下元元 知陛下有好生之
德 因令微臣 獲廣昔賢善頌之義 遂絹寫一本 附史元
琮 奉進 兼乞御書 題額 以光揚不朽 緣前書 點畫 稍細
恐不堪 經久 臣今謹據石 擘窠大書 一本 隨表 奉進 庶
以竭 臣下 悃懷之誠 特乞聖恩 俯遂前請 則天下 幸甚
豈惟 愚臣 昔秦始皇 暴虐之君 李斯 邪諂之臣 猶刻金

百垂三後代魏帝...之主鍾繇備方之佐亦於繁昌
立表...陛下以魏魏功業而無...則臣竊恥之
謹昧死以聞...臣真卿誠惶誠恐頓首謹言

兩宗批答

朕以中孚及物亭育為心凡在覆載之中必登仁壽
之域...是帝一氣同和江漢為池魚鼈咸若...
徽盛典潤色大猷能以懿文用刊樂百禮舍飛動韻
合鐘鐃或不朽之立言紀好生之上德唱而必和自
古有之特發於中子嘉乃意所請者依

謝戶部侍郎表 寶應元年五月

顏魯公文集 卷一

臣...言伏奉某月日恩命以臣為戶部侍郎榮寵自

天感戴交集 中謝 臣聞地官之任邦教是資侍郎之職

非賢不授况臣資性愚蒙行能無取頻以疎拙獲罪朝

廷五年之間三貶官次先朝皇極猶佐蕃條官階勳封

...三年分從遐乖屬陛下以聰明睿哲嗣

聖登庸恩省廣羣授臣利州刺史詔書始下纒涉旬朔

不遑易忘之臣忽奉待詔之命生死骨肉受賜已深對

見之長又蒙假以章服小臣懷感寤寐無寧聖澤煩繁

叨戴斯授循庭省分盈量則多粉骨糜爛罔知攸答無

任感戴惶懼之至

...

代宗批答

卿門傳儒行代挹公才忠義在躬幹盡從攻頃升八
座式昭水鏡之規往鎮兩河能鳴風雨之晦比雖因
事見貶今則念舊錄功然以地官務殷惟才是屬周
行所舉殊慙朕懷所謝知

謝吏部侍郎表 寶應二年三月

臣真卿言伏奉某月日恩制以臣為吏部侍郎又奉某
月日恩制加臣銀青光祿大夫浹辰之間殊澤游至恭
承寵命載荷交馳 中謝 竊以國之所急必在官人銓綜
之司非賢弗授伏揆虛薄祗懼實深常恐上塵則哲之

顏魯公文集 卷一 表

明下負竊位之責未酬萬一再沐恩私寵命忽臨舊階

旋復叨榮既盛宥過何深佩玉腰金實懼在梁之刺忘

軀拜賜惟懷粉骨之誠施重力微罔知攸措無任荷戴

屏營之至

代宗批答

卿鬱然詞宗雅有朝望高標勁節歷雷震而不渝摧
鏡懸簡鑒人倫而式敘是用特加命數光乃純臣復
銀青之舊階鳴水著之雜佩佇聞密啟以定九流舉
其朝制僉曰惟允所謝知

謝判南節度使表 寶應元年八月

臣真翰言伏奉二十七日恩制除臣江陵尹兼御史大夫克荆南節度觀察處置使龍命自天賦荷無地中謝竊以荆南巨鎮江漢上游右控巴蜀左聯吳越南通五嶺北走上都寇賊雖平襟帶尤切雖叔子仁德元凱智囊居之猶或病諸過此豈宜濫據祇承庸顧伏深慙惕無任感戴屏營之至

代宗批答

卿明邁偉才忠貞壯節夙推公器累踐周行專域高魏尚之勛會府著山濤之績而七澤交帶三江要衝式資統尹之方雅屬旌旄之寄人存政舉其在茲乎

顏魯公文集

卷一

表

三

所謝知

寧鄉黃本驥仲良編訂

湘陰蔣 瓌維揚叅校

奏

請除禫服奏 大歷十四年六月

哀號在政開闢所無誠懇尙違庶僚增懼伏見百辟並已釋除事既合權禮無獨異不可以吉凶兼制臣子殊儀伏乞奉顧命之文節因心之孝順時即吉屈已臨朝則萬姓心安四方事集臣典司儀注不敢輕移冒犯宸嚴無任懇迫

顏魯公文集卷二 奏

請除素練聽政奏 大歷十四年六月

孝德動天事踰前古德音俯降感咽載深臣伏守遺詔禮從易月祥禫變除儀注皆備若陛下未忍即吉更服練中則遺詔不得奉行羣僚無以覲見伏乞俯順人望仰遵先旨實大孝不虧萬方幸甚臣職在典禮愚守如前無任懇迫之至

請定武成廟釋奠奏 建中二年

治武成廟請如月令春秋釋奠其追封以王宜用諸侯之數樂奏軒縣

案是奏建中二年上見新唐書禮樂志開元十九年

始封齊太公廟以漢張良配上元元年追封太公爲武成王以歷代名將十人爲十哲素白起漢韓信蜀諸葛亮唐李靖李勣列於左漢張良齊穰苴吳孫武魏吳起燕樂毅列如右如文宣廟儀至是詔史館定可配享者列古今名將凡六十四人圖形焉越范蠡齊孫臏趙廉頗秦王翦漢曹參周勃李廣霍去病後漢鄧禹賈復寇恂馬援皇甫嵩魏張遼蜀關羽吳周瑜陸遜晉羊祜王濬東晉謝元燕慕容恪宋檀道濟梁王僧辯北齊慕容紹宗周宇文憲隋韓擒虎史萬歲唐尉遲敬德蘇定方張仁亶王峻王孝傑從祀東

顏魯公文集卷二 奏

廡齊管仲田單趙趙奢李牧漢彭越周亞夫衛青趙充國後漢吳漢馮異耿弇段熲魏鄧艾蜀張飛吳呂蒙陸抗晉杜預陶侃前秦王猛後魏長孫嵩宋王鎮惡陳吳明徹北齊斛律光周子謹韋孝寬隋楊素賀若弼唐河間王孝恭裴行儉郭元振張齊邱子儀從祀西廡至貞元二年刑部尚書闢播始奏定武成廟仍以張良配其十哲等名及諸將之祀皆罷

更定昏禮奏 建中元年十一月

秦郡縣主見舅姑請於禮會院過事明日早舅姑坐堂上行執筭之禮其觀華燭仗以昏禮主敬竊恐非宜並

詩傳禮記下節却屏等行禮之夕可以思至於樂
獨謂其禮宜請禁斷相見儀制近代設以香帳擇地而
置此亦非禮合於堂室中置帳請準禮儀行俗思今時
以子午亦百年謂之當梁年其年娶婦舅姑不相見蓋
禮無所據亦請禁斷

案是泰建中元年十一月上見杜氏通典唐初公主
下降舅姑皆降禮答拜惟貞觀中王珪子尚南平公
主奉行禮饋之禮物議善之顯慶二年中禁舅姑拜
公主令所司隨事糾聞究未能定通鑑綱目載建中
元年十一月始定公主見舅姑禮則自公奏發之也

顏魯公文集卷二

景隆二年安樂公主出降假皇后仗出禁中帝及后
御安福樓觀之此觀華燭仗之始也開元十六年唐
昌公主出降有司進儀注於紫宸殿行五禮從施敬
本等言移於光順門外設次行禮此擇地置帳之始
也唐俗婦與既發遺具酒食以為戲樂上及王公廣
奏音樂遮道路留滯淹時邀致財物踴躍萬計所
費過於聘財又障車之俗也公奏並及數事上皆
從之

論百官論事疏
二年

御史中丞李進等傳宰相語稱奉進且後詔司官奏事
願多朕不憚省覽但所奏多挾私讒毀自今論事者諸
司官皆須先白長官長官白宰相宰相定可否則後奏
聞者臣自聞此語已來朝野震然人心亦多衰退何則
諸司長官皆達官也言皆專達於天子也郎官御史陞
下腹心耳目之臣也故其出使天下事無巨細得失皆
各訪察迴日奏聞所以明四目達四聰也今陛下欲自
屏耳目使不聰明則天下何迷焉詩云營營青蠅止于
棘讒言罔極交亂四國以其能變白為黑變黑為白也
詩人深惡之故曰取彼讒人投畀豺虎豺虎不食投畀

顏魯公文集卷二

有北則夏之伯明楚之無極漢之江充皆讒人也孰不
惡之陛下惡之深得君人之體矣陛下何不深迴聽察
其言虛誣者則讒人也因誅殛之其言不虛者冊府元
龜者上
多誣則正人也因獎勵之陛下舍此不為使眾人皆謂
陛下不能明察而倦於聽覽以此為辭拒其諫諍臣竊
為陛下痛惜之臣聞太宗勤於聽覽庶政以理故著司
門式云其在無門籍人有急奏者皆令監門司與仗家
引對不許闕礙所以防壅蔽也并置立仗馬二匹須有
乘騎便在所以平治天下治高祖諱
當作理正用此道也天寶
已後李林甫威權日盛羣臣不先諂宰相獻奏事者仍

託以他故中傷之不敢明約百官令先白宰相又關官
袁思藝曰言詔至中書元宗動靜必告林甫先意奏請
元宗驚喜若神以此權柄恩寵日甚道路以目上意不
下宣下情不上達所以漸致潼關之禍皆權臣謀主不
遵太宗之法故也凌夷至於今日天下之弊盡萃於聖
躬豈陛下招致之乎蓋其所從來者漸矣自艱難之
百姓尙未凋弊太平之理立可便致屬李輔國當權宰
相專政遞相姑息莫肯直言夫閔三司不安反側逆賊
散落將士北走黨項合集土賊至今爲患僞將更相驚
恐因思明危懼扇動卻反又益相州敗散東都陷沒先

顏魯公文集卷二疏五

帝由此憂勤至於損壽臣每思之痛切心骨今天下兵
戈未戢瘡痍未平陛下豈得不日間謹言以廣視聽而
欲頓隔忠讜之路乎臣竊聞陛下在陝州時奏事者不
限貴賤務廣聞見乃堯舜之事也凡百臣庶以爲太宗
之理可翹足而待也臣又聞君子難進易退由此言之
朝廷開不諱之路猶恐不言况懷厭意令宰相宣進止
使御使作條目不令直進從此人人不敢奏事則陛
下聞見只在三數人耳天下之事新書事方針口結舌
陛下後見無人奏事必謂朝廷無事可論豈知懼不敢
進卽林甫因忠復起矣凡百臣庶以爲危殆之期又起

足而至也如今日之事曠古未有雖李林甫楊國忠猶
不敢公然如此今陛下不早覺悟漸成孤立後縱悔之
無及矣臣實知忤七臣者罪在不測不忍孤負陛下無
任懇迫之至

案疏據舊唐書本傳錄魯公原文也舊書本傳載此
疏字句多異史臣宋祁節本也今以新書本附錄於
後

諸司長官者達官也皆得專達於天子郎官御史陛
下腹心耳目之臣也故出使天下事無細大得失皆
俾訪察還以聞此古明四目達四聰也今陛下欲自

顏魯公文集卷二疏六

屏耳目使不聰明則天下何望焉詩曰營營青蠅止
于棘讒言罔極交亂四國以其能變白爲黑變黑爲
白也詩人疾之故曰取彼讒人投畀豺虎豺虎不食
投畀有北昔夏之伯明楚之無極漢之江充皆讒人
也陛下惡之宜矣胡不同神省察其言虛誣則讒人
也宜誅誣之其言不誣則正人也宜獎勵之捨此不
爲使眾人謂陛下不能省察而倦聽覽以是爲辭臣
竊惜之昔太宗勤勞庶政其司門式目無門籍者有
急奏令監司與使家引對不得闕礙防聖蔽也置立
仗馬二頭乘者聽此其平治天下也天寶後李林甫

得晉書臣不克卒宰相輒奏事者託以他故中傷之
第不敢明約百司使先關白時閹人竟思藝日宣詔
至中書天子動靜必告林甫林甫得以先意奏請帝
驚喜若神故權寵日甚道路以目上意不下宣下情
不上達此權臣蔽主不遵太宗之法也陵夷至于今
天下之蔽皆萃陛下其所從來漸矣官艱難之初百
姓尙未凋竭太平之治猶可致而李輔國當權宰相
用事遷爲姑息開三司誅反側使餘賊潰將北走黨
項哀肅不逞更相驚恐思明危懼相挺而反東都陷
沒先帝由是憂勤損壽臣每思之痛貫心骨今天下

顏魯公文集 卷二 疏

瘡痍未平干戈日滋陛下豈得不博而讜言以廣視
聽而塞絕忠諫乎陛下在陝時奏事者不限貴賤羣
臣以爲太宗之治可跋而待且君子難進易退朝廷
聞不諫之路猶恐不言况懷厭怠令宰相宣進止御
史臺在條目不得直進從此人不奏事矣陛下聞見
止於數人耳目天下之士方鉗口結舌陛下便謂無
事可論豈知懼而不敢進卽林甫國忠復起矣臣謂
今日之事曠古未有雖林甫國忠猶不敢公爲之陛
下不早覺悟漸成孤立後悔無及矣

狀

請復七聖謚號狀 大歷十四年七月

謹按禮記曰先王謚以尊名節以一惠故行出於已而
名生於人使夫善者勸而惡者懼也而虞夏之質殷周
之文至矣而禹湯文武之君咸以一字爲謚言文則不
稱武言武則不稱文豈聖德所不優乎蓋羣臣稱其至
者是子不得議父臣不得議君天子崩則臣下制謚
於南郊明受之於天也諸侯薨則太子赴告於天子明
受之於君也至於周室卑大樸散謚始以兩字爲重人
或以虛美爲榮漢承戰國餘烈參而用之君臣易名事
歸至當少不以爲貶多不以爲褒雖美眾所歸可一言

顏魯公文集 卷二 狀

而盡矣魏晉以降蓋不足徵聖唐欽明憲章周漢爰初
創業順考古道高祖謚太武一本太用漢制太宗謚曰
文行周道也名正理順垂之無窮上元中政在宮壺亂
名改作始建神堯文武大聖之號蓋非高宗之所獲已
泉元宗之末奸臣竊柄析言而亂舊法輕議以改鴻名
遂廣累聖之謚有加至十一字者皇帝則悉有大聖之
號皇后則皆有順聖之名使言之者惑於今行之者異
於古非舊制也其後劍門下罪已之詔敘高祖以下累
聖悉用舊謚則元宗嘗覽往之失亦已明矣寶應中二
聖山陵有司議謚一曰事不古變而行龍去古質

而尚浮華捨舊名而廣新諡謂一名不足以節惠乃十
 倍於古焉而累聖諡名頗然以字多者為定是廢高祖
 太宗之令豈曰愛晉今制諡非古人皆知之有司因循
 其事而無職言者假使當今守之而不改後人議之以
 為非然所失豈不大哉何者臣子之於君父莫不欲廣
 其美稱先王制禮不敢迺也故至敬無文至文尚質質
 之數極於一堯舜之美足以彰矣文之數極於二孝文
 孝景之德亦已明矣質則近古文則近今此高祖太宗
 所以更用其法後王所宜守之法也非天下之至聖其
 孰能定之此天皇所以興聖主而正鴻名太宗所以待

顏魯公文集

卷二

狀

九

孝孫而修廢典徵臣所以守經義而崇聖朝陛下宜奉
 天心繼先太宗之志使子孫蒙其法而萬代守之此天
 下之能事也臣愚以為高祖以下累聖諡號悉宜取初
 諡為定謹按舊制宜上高祖為武皇帝太宗為文皇帝
 高宗為天皇大帝中宗為孝和皇帝睿宗為聖真皇帝
 其二聖舊名字數太廣有逾古制臣愚請擇其美稱而
 正之謹按議法秉德不曰孝照臨四方曰明宜上元
 宗為孝明皇帝又按議法聖善周聞曰宣宜上肅宗為
 孝宣皇帝仍準漢魏及國朝故事於尚書省議定奏御
 夫文做則教之以質至敬也名感而反之於正至明也

祖作之三孫述之至孝也三者備矣然後能立天下之
 大本正天下之大名建天下之大業能事畢矣伏惟皇
 帝陛下詳擇

大歷十四年七月吏部尚書顏真卿上言上元中政
 在宮壺始增祖宗之諡元宗本姦臣竊命有加至十
 一字者按周之文武言文不稱武言武不稱文豈聖
 德有所不優乎蓋稱其至者也請自中宗以上皆從
 初諡睿宗曰聖真皇帝元宗曰孝明皇帝肅宗曰孝
 宣皇帝以省文尚質正名敦本上命百官集議儒學
 之士皆從真卿議獨兵部侍郎袁傖官以兵進奏言

顏魯公文集

卷二

狀

陵廟玉冊木主皆已刊勒不可輕改至遂寢不知陵

中玉冊所刻乃初諡也

通鑑

論元皇帝諡遷狀

大歷十四年十月

王制天子七廟三昭三穆與太祖之廟而七又禮器云
 有以多為貴者天子七廟又伊尹曰七世之廟可以觀
 德此經典之明證也七廟之外則曰去社為壇去壇為
 墀故歷代儒者制迭毀之禮皆親盡宜毀伏以太宗文
 皇帝七代之祖高祖神堯皇帝國朝首尊萬葉所承太
 祖景皇帝受命於天始封於唐元本皆在不毀之典代
 祖元皇帝地非開統親在七廟之外代宗皇帝升廟有

日元皇帝神主體合祧遷或議者以祖宗之名難於迭毀晉漢兩近古不敢以私滅公故前漢十二帝為祖宗者四而已至後漢漸違經意子孫以推美為先自光武已下皆有廟號則祖宗之名莫不建也安帝信譏一本信作以害大臣廢太子及崩無上宗之奏後自建武以來無毀者因以陵號稱宗至桓帝失德尙有宗號故初平中左中郎蔡邕以和帝以下功德無殊而有過差不應為宗及餘非宗者追尊三代皆奏毀之是知祖有功宗有德存至公之義非其人不居蓋三代立禮之本也自東漢以來則此道喪矣魏明帝自稱烈祖論者以為逆自

顏魯公文集卷二

狀

二

稱祖宗故近代此名悉為廟號未有子孫踐祚而不祖宗先王者以此明之則不得獨據兩字而為不合祧遷之證假令傳祚百代豈可上崇百代以為孝乎請依三昭三穆之義永為通典寶應二年升祔元宗肅宗則獻祖懿祖已從迭毀伏以代宗睿文孝皇帝卒哭而祔則合上遷一室元皇帝代數已遠其神主準禮當祧至禘禘之時然後喪祀

大歷十四年十月代宗神主將祔禮儀使顏真卿以元皇帝代數已遠準禮合祧請遷於西夾室於是祧元皇帝於西夾室祔代宗神主焉舊唐書禮志

代宗崩禮儀使顏真卿議太祖高祖太宗皆不毀而代祖元皇帝當遷於是遷元皇帝而祔代宗禮樂志

駁吏部尚書韋陟論忠孝議上元元年八月

出處專殊忠孝不並已為孝子不得為忠臣已為忠臣不得為孝子故求忠於孝豈先親而後君移孝於忠則出身而事主所以叱馭而進不憚危險故王尊為忠臣思全而歸恐有毀傷故王陽為孝子則知晝之與夜本不相隨春之與秋豈宜同日且以為尙書志業高遠矧儀前朝百行之中能事甚眾議行稱謚固多美名何必

兩施然後表德服者前史恐無此事敢率愚見

博士程皓駁議

天地之性人為貴人之行莫先於孝孝於君則忠於國愛於父則敬於君脫愛敬齊焉則忠孝一矣立君臣定上下不可以廢忠事父母承祭祀不可以廢孝忠孝之道人倫大經孔子曰以孝事君則忠又曰夫孝始於事親中於事君終於立身此聖人之教也至於忠孝不並有為而言將由親在於家君危於國奉親則孰當問主赴君則無能養親恩義相迫事或難

兼故徐庶指心翻然辭蜀陵母勿頸李令歸漢各求
所志蓋取諸隨若奉慈親當聖代出事主人事親
孝兩全誰曰不可豈以不仕為孝舍親為忠哉况
孝侯之傳鵠印唐堯之代即有此官伏念美名請伏
前論

舊唐書韋安石傳

上元元年八月吏部尚書韋陟卒太常博士程皓
論忠孝刑部尚書顏真卿以為忠則以身許國見
致命孝則晨昏色養取樂庭闈不合二行殊高以

忠孝有僕射郭英父不達其體請從太常之狀而

朝會有故去樂議 永泰二年

周禮大司樂職云諸侯薨令去樂大臣死令弛懸鄭註
云去謂蕙之弛謂釋下也是知哀輕者則釋哀重者則
緩又按廣府之禮論云晉元后秋崩武帝咸寧元年享
萬國不設樂永嘉元年冬惠帝三年喪制未終司徒左
長史江統議二年正會不宜作樂又章皇后哀限未終
后主已入朝博士徐敬議曰周景王有后嬀子之喪既
葬除服後尚猶議其寡今不宜懸宋書禮志云晉武帝
已來國有大喪廢樂三年又按江都集禮說晉博士孔
恢朝延密懸而不作板以為宜都去懸設樂為作不

作則不宜懸蓋子禫懸而不樂自是應作耳故夫子
曰獻子加於人一等矣非謂不應作而猶懸也國喪尚
近謂金石不可陳於庭又徐廣晉史曰聞樂不怡故申
情於道密諒圖奪服慮政事之荒廢是故重權通以變
常量輕重以降差臣以周禮去樂之文宋志終喪之證
徐廣之論寧戚孔恢之說禫懸禮既可感事又故質伏
請三年未畢都不設懸如有齊衰喪及遇大臣薨歿則
量輕重懸而不作

案此議留元剛纂公年譜載於永泰二年考公以大
歷十四年五月代宗崩德宗即位充禮儀使至建中

類晉公文集 卷二 議

三年八月罷使事此議題曰朝會有故去樂有故者
謂代宗三年喪制未終也亦應作於建中二年喪制
將終之時公為禮儀使時撰禮樂集十卷此議及請
除禫服請除素練聽政二奏請復七聖論號論元皇
帝祧遷二狀廟享議皆禮樂集中僅存之文也

廟享議 建中二年九月

議者或云祖祖親親遠廟遷不當論享宜永闕於西
夾室又議者云二祖宜同祫享與太祖並列昭穆而空
太祖東向之位又議者云二祖若同祫享即太祖之位
永不得正官奉遷二祖神主祔藏於德明皇帝廟臣伏

以三歲未為九且禮經殘缺既無明據儒者能比方
義類斟酌取中則可舉而行之蓋協於正也伏惟太祖
景皇帝以受命始封之君處百代不遷之廟配天崇享
是極尊嚴且至禘祫之時暫居昭穆之位屈已伸孝敬
奉祖宗綠齒族之禮廣尊先之道此實太祖明神蒸蒸
之本意亦所以化被天下率循孝悌也請依晉蔡謨等
議至五年唐書禮志無五年二字十月祫享之日奉獻祖神主居
東向之位懿祖太祖泉諸祖宗遵左昭右穆之列此有
以彰國家重本尚順之明義足為萬代不易之令典也
又議者請奉遷二祖神主於德明皇帝廟行祫祭之禮

頌魯公文集

卷二

議

三

夫祫合也故公羊傳曰大事者何祫也若祫祭不陳於
太廟而享於德明廟是乃分食也豈謂合食乎名實相
乖深失禮意固不可行也

建中二年九月太常博士陳京上疏言祫祭太廟并
合享遷廟獻祖懿祖二神主敕下尚書省百僚集議
禮儀使太子太師顏真卿議曰云云 八年正月太
子左庶子李嶸等議曰建中二年十月將祫享禮儀
使顏真卿狀奏合出獻懿二祖神主行事其部位次
第及東面尊位請準東晉蔡謨等議為定遂以獻祖
當東向以懿祖於昭位南向以太祖於穆位北向以

次左昭右穆陳列行事且蔡謨當時雖有其議事竟
未行而我唐廟祫豈可為準 考功員外郎陳京議
曰京前為太常博士已於建中二年九月四日奏議
祫饗獻懿二祖所安之位請下百僚博採所疑其時
禮儀使顏真卿因是上狀與京議異京議未行舊唐書禮志

建中初代宗喪畢當大祫京以太常博士上言唐家
宜別為獻懿二祖立廟禘祫則祭太祖遂正東向位
德明與聖二帝向已有廟則藏祔二祖為宜詔百官
普議禮儀使太子少師顏真卿曰今議者有三一謂

頌魯公文集

卷二

議

六

獻懿親遠而遷不當祫宜藏主西室二謂二祖宜祫
食與太祖並昭穆缺東向位三謂引二祖祫祫即太
祖永不得全其始宜以二主祔德明廟雖然於人神
未厭也景帝既受命始封矣百代不遷矣而又配天
尊無與上至禘祫時暫屈昭穆以申孝尊先實明神
之意所以教天下之孝也况晉蔡謨等有成議不為
無據請大祫享奉獻主東向懿主居昭景主居穆重
本尚順為萬代法夫祫合也有如別享德明是分食
非合食也時議者舉然於是遷獻懿主祫於廟如真

卿議

唐書陳京傳

案唐書禮志所載魯公廟享議與新唐書陳京傳
所載魯公禘祫議本一文也新書經史臣宋祁手刪
潤而成故字句多異留元剛編公集誤錄爲二今以
京傳所載附錄於後又公議禘祫是建中二年九月
以太子少師充禮儀使時事元剛纂公年譜誤載於
永泰二年二月貶峽州別駕之後並正之

寧鄉黃本驥仲良編訂

湖陰蔣 瓊維揚叅校

儀注

元陵儀注 大歷十四年五月

將復於太極殿內高品五人皆常服以大行皇帝袞冕服左荷之升自前東嚮當屋履危北面西上三呼而止以衣投於前承之以篋自阼階入以覆大行皇帝之上復者徹殿西北扉降自後西嚮其復衣不以襲斂浴則去之既復乃設御牀於殿內楹間去脚舒單箠置枕遷

顏魯公文集

卷三

儀注

大行皇帝於牀南首以衣覆體去死衣槇齒用角稻綴足以燕几棹在南其殿內東西哭位嗣皇帝以下舒草薦焉奠用酒脯醴器用吉器如常儀其告喪之禮使至所在集州縣官及僧道將吏百姓等於州府門外並素服各以其方向京師重行序立百姓在左僧道在右男子居前婦人居後立訖使者立於官長之左告云上天降禍大行皇帝今月某日奄棄萬國刺史以下撫膺哭踊盡哀止哭使者又告云大行皇帝有遺詔遂宣訖刺史以下又哭十五舉聲使者又告皇帝伏準遺詔以今月某日卽位刻史以下再拜哭者三百姓及州縣

佐史朝夕巷哭各十五舉聲三日釋服節度觀察團練

使刺史並斬衰經杖諸文武官吏服斬衰無經杖大小

祥釋服並準遺詔其有勅書使者宣告如常禮將沐浴

內有謂爲壘於殿西廊下累塊爲竈東面以俟煮沐浴

新盆盤瓶高皆濯之陳於西階下掘堦於西階之西陳

明衣裳於其側帛巾一方尺八寸沐巾二浴巾四皆用

帛練櫛及浴衣各實於篋將沐浴內掌事者奉米潘及

湯各盛以甕并沐盤升自西階授沐者以入嗣皇帝妃

公主等悉出帷外嗣皇帝以下在殿東楹間北面西上

內命婦以下在殿西間北面東上俱立哭既沐而櫛將

顏魯公文集

卷三

儀注

二

浴內執事者六人抗衾御者四人浴拭以巾拒用浴衣設牀於大行東衽下莞席上簟浴者舉大行易牀設枕理其鬚髮斷爪盛於小囊大斂卽內於棺中也著明衣裳以方巾覆面以大斂之衾覆之內外入就位哭內有司奉盤水升堂嗣皇帝出盥手於帷外洗玉若貝實筭執以入西面坐發巾徹枕奠玉具於中之右大臣一人親酌梁飯次舍玉既訖嗣皇帝復位執服者陳襲衣十二稱實以箱篋承以席去巾加面衣訖設充耳著握手及手衣納帛乃襲既襲覆以大斂之衾乃開帷內外俱入復位哭將小斂內外各隨職備辦尚食先具太牢

之饌殿西而小斂於殿前三刻侍中版奏請中殿御府
令設小斂牀於大行西南首枕席備馮加以幄帷周以
素帷主衣先率所司陳小斂之衣十九稱及絞衾於殿
中間之東席上詢領西上小斂前二刻開宮殿諸門諸
衛各勒所部使衛如常式設百官位次及二王後三恪
等位又設內外命婦等拜哭位小斂前一刻侍中奏外
辦禮儀使引嗣皇帝及皇子等扶引各卽位從臨者哭
內謁者引諸王等進就位百官亦入就位執禮者稱哭
在位者皆哭侍御小臣升殿先布衣於絞上乃遷於衣
上舉衾而斂以次加衣十九稱畢乃結絞而衾焉近侍
顏魯公文集卷三 儀注 三

衛各勒所部陳設如常儀設皇帝位於殿東間西向前
一刻引諸王以下就位皇弟於皇帝位東稍北西向南
上皇子於皇弟之東亦南上皇叔在皇帝位北稍西南
向西上皇叔祖次皇叔之東皇從父兄弟在皇子北稍
東南上諸公主大長公主長公主以下並於西間北牖
下西上通事舍人引百僚並入依班序立侍中版奏外
辦內高品扶皇帝就位立定典儀曰再拜禮儀使奏請
再拜皇帝哭踊再拜在位者皆哭踊再拜十五舉聲禮
儀使奏請止哭內外皆止哭內高品扶皇帝就次諸王
公主以下百寮各就次中官內官掌事者皆盥訖升斂
顏魯公文集卷三 儀注 四

扶嗣皇帝哭進跪馮大行與哭踊無數扶引還次尙食
奉饌入列於殿東太常博士引司徒省僕省訖奉饌升
設於大行東齋邸取爵於篚受酒爵跪奠奠嗣皇帝以
下哭踊如初諸行事者應退者降退奉禮郎稱止謂者
引諸王還省禮使奏嗣皇帝哭止近侍扶引退便次
內外侍臨者代哭不絕聲百官退位如常式其日大斂
前三刻侍中版奏請中殿內外皆哭御府先設大斂牀
於大行西南首枕席備馮如初所司先陳大斂之
衣百二十稱及絞衾并六玉於殿兩楹之東席上南
領西上衾必朝祭及五時正服前二刻開宮殿諸門諸

如小斂次加衣畢乃以組連珪璋璧琮琥璜六玉而加
焉所司以梓宮龍輻紼等入陳於殿西階下至時司空
引梓官升自西階置於大行皇帝西南首加七星版於
梓宮內其合施於版下者並先置之乃加幣褥於版上
以黃帛裹施仰藁畫日月星辰龍龜之屬施於蓋陳衣
及六玉斂訖中官掌事者奉大行皇帝卽梓宮內所由
先以白素版書應入梓宮內一物以上稱名進入梓宮
然後加蓋事畢覆以夷衾皇帝至位哭內外皆就位哭
太祝酌酒進授皇帝執爵進奠於饌前少退禮儀使奏
請止哭內外皆止哭太祝跪讀祝文曰維某年月日哀

子嗣皇帝臣某敢啓告於考大行皇帝日月過速奄及
天敘禁錮拜踊五內崩裂謹以一元大武柔毛剛鬣明
棗滿台瑞其嘉流嘉薦禮齊向祀其後讀文大約讀訖皇帝
再拜哭踊在位者皆再拜哭踊十五舉聲禮儀使奏止
哭左右高品扶皇帝還次諸王公主以下各還次百寮
序出大敘訖所司設太常畫日月十有二旂杠九仞旂
委地大敘之後分置殿庭之兩階又設錦旌以絳廣充
幅長二丈九尺題曰某尊號皇帝之柩立於殿下設重
於殿庭近西南其制先刊鑿木長丈二尺橫者半之取
湓之米爲粥盛以八鬲幕以疏布懸於重內橫木上以

禮儀公文集卷三

儀注

五

羣席北向屈兩端交於上綴以竹篾既大敘內所由執
龍輜左右綽引祥宮就西閭將監引所由并柏壑等升
自西階所由設熬黍稷盛以八筐加魚醋等於龍輜側
南北各一筐東西各三筐設訖於西面壘之先以繡繡
覆梓宮又張帝三重更以柏木方尺長六尺題湊爲四
阿屋以白虎四面塗之橫事訖所司設靈輿於橫宮東
東向施几案服御如常儀侍臣捧衰裳冠經杖盛以箱
就次進皇帝服訖諸王公主以下及百寮亦各服其服
光祿卿率齊郎捧饌入禮儀使引升陳設訖禮儀使就
位奉引皇帝至位哭內外皆就位哭既定陵地擇地使

就其所卜筮之將卜使者吉服掌事者先設使以下次
於陵地東南使者至陵地待於次太常卿灑灑下服祭服
祝及卜師筮師凡行事者皆吉服掌事者布筮席於元
宮位南北向西上贊者引灑卜者及太祝立於筮席西
南東向南上卜師立於太祝南東面北上贊者引使者
詣卜筮席南十五步許當元宮位北向立贊者立於使
者之左少南俱北向立定贊者少進東面稱專具退復
位灑卜者進立於使者東北西面卜師抱龜羣師開讀
出策兼執之執輶以擊策進立於灑卜者前東面南上
灑卜者命曰維某年月朔日子亥子嗣皇帝某謹遣某

禮儀公文集卷三

儀注

六

官某乙奉爲考大行皇帝度茲陵兆無有後艱卜師筮
師俱曰諾遂述命於右旋就席北坐命龜曰假爾泰龜
有常命筮曰假爾泰筮有常遂卜筮訖與各以龜筮東
面占曰從還本位贊者進使者之左東面稱禮畢贊者
遂引使者退立於東南隅西面若不從又擇地卜筮如
初儀啟前十日皇帝不坐以過山陵前啟一日門下省
奏某日某時啟太極殿橫宮啟日之晨羣禮郎設御位
於大極殿之東閭常帷門西向諸王位在後以南爲上
典儀設郎公介公皇親諸親文武九品以上及前資常
參官都督刺史版位於太極殿中庭又設蕃客酋長位

於承天門外之西僧道位於承天門外之東並以北爲
上左右金吾與諸軍計會量抽隊仗隨使設禁其日質
明皇帝服初衰經杖入就位晨哭詣王具衰經去杖就
位哭鄭公介公皇親諸親等及文武九品以上各服初
喪服去杖入就位哭大長公主長公主公主郡縣主等
亦衰服入就位哭中官皆布巾喪服侍衛晨哭並再
拜退位通事舍人引蕃客酋長及僧道分立於承天門
外之位啟前二刻內所由設奠席及香燭於帷門之外
奉禮郎設壘洗於東階下西南北面壘水在洗東篋在
洗西南肆設太尉版位於東南西向設司空位於太尉
類魯公文集卷三 儀注 七

大尉通事舍人分引羣官各入就位禮官贊太尉再拜
又一人贊羣官再拜哭十五舉聲禮官各贊止哭禮生
引太尉詣壘洗手洗爵升自東階詣罍站所太祝舉
罍酌醴齊以授太尉禮儀使跪奏請皇帝止哭奉皇帝
之杖前進中官承傳止哭殿內皆止哭太尉以醴齊於
皇帝之左跪進醴齊皇帝受醴齊跪奠於饌前俛伏興
少退立太祝持版進北面跪讀祝文訖奠版俛伏興退
復位皇帝再拜哭踊殿內及庭中文武九品以上皇親
諸親等皆哭十五舉聲止禮儀使跪奏獻畢請皇帝退
復位禮官引太尉及禮儀使降復階下位所由徹饌執
類魯公文集卷三 儀注 八

位之南少退禮生一人執拂梓宮之中陪其後設禮儀
使位於太尉之北少退禮官等陪後設監察使位於禮
儀使之下光祿卿具太牢之饌俟於東階下又於饌上
設罍站位於奠席東南北向加酌罍禮儀使立於罍站
東御史立於罍站西太祝奉禮部立於罍站南爲位禮
官在禮儀使後啟前一刻侍中版奏外侍禮官贊執事
官入就階下位禮儀使等橫行以西爲上再拜訖升就
位禮官省饌訖贊光祿卿引饌升自東階列帷門外席
上近侍引皇帝具衰經入就位哭踊禮儀使前遙跪奏
請再拜皇帝再拜諸王妃主等並各就位衰哭禮生引

事官序降訖皇帝退就次禮生引司空執巾升自東階
於橫宮南北向立司空跪啟曰謹以吉辰啟橫塗告訖
太尉哭羣官皆哭通事舍人分引羣官序出羣事者升
徹橫塗徹訖司空以巾拂拭梓宮覆以夷衾納幕內所
由扇迴覆帷及施常食之奠如常儀訖禮儀使升就舊
位禮官陪後皇帝衰經就位哭通事舍人分引羣官入
就位皇帝稍頽禮儀使請再拜皇帝哭盡禮儀使跪
奏請止哭降出羣官再拜哭十五舉聲訖又序出太極
門外北向重行立班奉慰如常儀退前二日所司設文
武羣官次於太極門外東西廊下又設帳殿於庭帳內

設吉幄幄內設神座南向又設龍輦素幄於殿庭吉幄之右前一日午正後一刻除殿上葦障及階下凶庭并版城少府所由移旋於重北未正後一刻典儀設羣官夜哭版位如晨夕哭儀又設挽歌席位於嘉德門內設挽郎挽士席位於嘉德門外並左右序設北向相對設鼓吹殿警位於承天門外晝漏未盡三刻有司設庭燎終夜通事舍人分引羣官就版位立定羣官贊哭哭畢退就次挽歌作盡二點止嚴警次發盡五點止二更羣官哭及挽歌鼓吹嚴警如上儀其三更四更五更並準此其一日前二刻奉禮郎設御座所由設奠席奉禮

禮部公文集卷三 儀注 九

設盥洗及禮儀使太尉版位於東階下光祿卿具大牛饌並如啟奠之儀前一刻侍中進奏外辦禮官省饌光祿卿引饌禮生引太尉禮儀使等橫陳再拜訖升殿通事舍人分引羣官入就位亦如啟奠之儀禮儀使跪奏請皇帝止哭奉奠皇帝去杖前進中官承傳止哭殿內止哭太尉以醴齊於皇帝之左跪進皇帝受醴齊跪奠於饌前俛伏興少退立大祝持祝版進北面跪讀祝文訖奠成俛伏興退復位皇帝再拜哭踊殿內及庭中文武官九品以上皇帝諸親等皆哭十五舉聲止禮儀使跪奏獻畢請皇帝退復位禮官引太尉降復階下位所

由徹僕執事官序降內所由徹殿上帷帳唯南北施素帷於舊帳坐所以為障蔽前設常食少府監進輜車於西階下禮儀使跪奏皇帝奉寧龍輦奏訖降出近侍扶皇帝就龍輦前哭踊盡哀乃復位執事者以薰燒及重先導禮官一人朝服贊尚輦奉御帥腰與徹扇至神座前待奉如常儀內侍捧几置與上徹扇侍奉至殿庭帳殿下神座前跪置座上內謁者帥中官設香案於座前徹扇侍奉如儀禮官一人引符寶郎一人主寶二人以黃褥案進取諡寶又禮生二人亦以赤黃褥案進取

禮部公文集卷三 儀注 十

取諡其所見法以敘財成之業伏惟天行皇帝紹休七聖臨照入極以至道御羣有以至化懷遠方登假於上數聞在下望加元服頃昇儲闈生知之敏動與神契承順元宗也齊栗之容著奉養肅宗也愛敬之體深履蒸蒸躬翼翼不絕馳道日朝寢門此則首冠百王大舜周文之孝也其於崇儒尚古尊道貴德窮理盡性之學經天緯地之文包荒含垢之量迪哲允恭之善斯又唐聖不以同符乎三五無得而稱也當諱山祇親昭覆二京以天人之重授元戎之自任之所及於意誠夷復宗社之附危拯生靈於焚燎則乾維重捕宸極以安及史盜問粵三河屢獲在撫軍之際思勇強命彘於大梁初朝義授首則梁陳底定朔易從風其或屈強於大梁初朝於南越莫不朝為象號夕為鯨鯢此高光之功神武之器也自是肅勿羣有論於勝從者藉而問靈祇有問於禮祀者秩而致享聖謨求諸古而問靈祇有問於澤九譯奉貢四夷將賓不日出不幸俾復嚴恭黃輿顧省闕道號業日景不暇得元功廣運協氣旁流靈爽早發元符濟至則瑞璧出於泗清淵變於河其餘見祀鱗羽呈祥草木者不可殫記方議藁已優

伯臻於太石告碑於石閣鑿功於金版遺承恩凡之命奄遺級衣之諸號天扣地間所依歸今龍情就敬疊略將駕探鴻儀與生之義考公响百辟之請食以盛德大業匪號謚莫宜是用虔奉古訓發揚茂實謹遣攝太尉某奉冊上尊禮口睿文孝武皇帝廟日代宗伏惟明禮靈降格廟茲典禮起場純猷貽燕後昆嗚呼哀哉禮官授之並隨禮官先詣冊車安置其舊寶冊準次取置於車侍中當龍輜南跪奏請龍輜降殿太常卿帥執嬰者升以嬰障梓宮中官高品等侍奉其側司徒帥挽士升奉引龍輜降殿禮儀使引近臣及宗子三等以上親進梓宮少府將作所由并挽士奉梓宮登於龍車上遂詣帳殿下素帷皇帝哭從諸王等陪從公主內官等周以行帷皆哭踊而從羣官立哭於庭中位以俟祖奠祖顏魯公文集卷三儀注

顏魯公文集卷三

儀注

十一

前一刻奉禮郎設御位於龍輜帷之東南西向所由設奠席於龍輜帷前奉禮郎設罇坫於帳帷東南又設太尉位於罇坫東南西向禮儀使在其下監察御史次之又設羣洗僅於太尉位西南北向光祿卿帥齋郎捧饌俟於橫街之次北面西上禮官進省饌訖禮生贊光祿卿捧俎進跪奠於席上諸齋郎捧饌隨列於席上禮生引禮儀使及太尉就位禮官贊哭又一人贊羣官哭又各贊止哭禮儀使導皇帝立於龍輜之東南西向禮生引太尉罷羣洗盥手洗爵執詣罇坫所太祝舉爨酌醴齊以授太尉禮儀使跪奏請皇帝止哭奉奠皇帝去杖

前進中官承傳止哭詣王妃主等皆止哭太尉以禮齊於皇帝之左跪進皇帝受醴齊跪奠於俎前俛伏與少退立太尉持祝版進北面跪讀文訖奠版俛伏與退復位皇帝哭踊再拜諸王妃主及羣官在位者皆哭再拜退復奠版後位禮官各贊羣官止哭與羣官分引出就承天門外位以俟光祿卿帥齋郎微饌以出禮官一人朝服贊尙羣奉御帥所由以腰輿綴扇詣神座前各以序立內謁者中官鼻香出內侍捧几置輿上內所由舉綴扇侍奉以出中官帥其屬鼻衣箱以從遂詣玉輅顏魯公文集卷三儀注

顏魯公文集卷三

儀注

三

禮官於輅後立贊登車內所由進與當輅後綴扇分蔽左右內謁者帥香案進於輅前內侍奉几登輅其腰輿亦進居輅前中官以衣箱授尙衣奉御置玉輅及副車內侍並乘馬從輅於是侍中進龍輜南跪奏稱請龍輜進發俛伏與退司徒帥挽士奉引次出執事者以太常先建之於車後次之公主內官以下應合乘車者並先升車以俟扈從前三日所司設皇帝奉辭次於承天門外之左西向其日金吾仗衛如常儀鹵簿使先進玉輅於承天門外東偏稍南與鞞鼓吹吉駕鹵簿並序列於玉輅前又進輜車官承天門中稍南鹵簿明器序列

於輜車前奠前一刻奉禮郎布文武羣官位於承天門外異位重行如太極庭中儀光祿卿具遺奠之饌以俟執事官位並先俟於門外之東龍轎至承天門外禮官贊止哭侍中進龍轎前跪奏稱請升輜車俛伏與司徒帥舁梓宮官及所由奉梓宮升輜車所司設奠席於輜車東西向奉禮郎設罇站於席東南設罇洗又於其南設太尉版位於東西向禮官進省饌訖禮生贊光祿卿捧俎進跪奠於席上諸齋郎捧俎隨列於席上禮生引太尉就位禮官贊哭在位者皆哭又贊止哭在位者皆止哭禮生引太尉詣罇洗手洗爵詣罇站

顏魯公文集卷三 儀注

所太祝舉羣酌醴齊禮儀使就次奏請皇帝出就次皇帝出次立於奠東西向太祝以醴齊授太尉訖禮儀使奏請皇帝去杖前進中官承傳止哭諸王妃主等皆止哭太尉以醴齊於皇帝之左跪進皇帝受醴齊跪奠於饌前俛伏與少退立太祝持版進西北向跪讀祝文訖奠版俛伏與退復位皇帝哭踊禮儀使贊皇帝再拜諸王妃主及在位羣官等皆哭禮儀使跪奏請皇帝少退近侍扶皇帝少退於位少府監設哀冊褥於奠東禮官引冊案進羣冊官舉冊進至褥東西面以冊東向禮官贊太尉及羣官止哭中官承傳諸王妃主皆止哭禮

官引中書令進跪讀冊訖俛伏與退復位舉冊者以授祕書監轉授符寶郎皇帝哭踊禮儀使奏請皇帝再拜太尉羣官諸王妃主皆哭再拜少府徹褥光祿卿俛伏禮儀使跪奏稱輜車將發皇帝前哭盡哀禮儀使稱再拜奉辭俛伏與皇帝稽顙哭踊再拜輜車發禮儀使跪奏請皇帝還宮俛伏與近侍扶皇帝入次太尉以下於次南橫行進名再拜奉辭訖各就本職如諸王有故不赴山陵者俟皇帝奉辭入次後諸王進至輜轎之左以南爲上哭盡哀再拜辭妃主內官不去者於輜轎重後帷中哭再拜辭訖禮生贊侍中於輜轎車前跪請

顏魯公文集卷三 儀注

進發訖俛伏與山陵日依時刻吉凶二駕備列訖尙輦帥腰輿繖扇入詣神座前內侍捧几內謁者捧香爐各置輿上中官帥其屬屏衣箱以出神輿至玉輅後內常侍捧几置輅中輿等退就列中官以衣箱傳授尙衣奉御置於玉輅及副車中神駕動警蹕如常千牛將軍夾輅而趨至侍臣上馬所禮生贊侍臣上馬侍臣上馬訖夾侍如前禮生在供奉官內詣侍衛之官各督其屬左右胡神駕動內簾官以黃麾麾之鼓吹振作警蹕如常當陵門以赤麾麾之鼓吹不作侍臣下馬步導於前駕至吉帷宮迴車南向尙輦帥腰輿繖扇至輅後內常侍

奉几置輿上繳扇侍奉至帳殿下內侍捧几置座上內
謁者捧香爐置座前輿等退就列玉幣及鹵簿侍衛之
官停列於帷宮門外吉駕引禮官贊侍中進輶轎車靈
駕前奏請靈駕發引俛伏興退司馬執鐸挽郎執紼挽
歌振作及挽以進內外哭從以赴山陵靈駕至陵門西
凶帷帳殿下迴駕南向公主及內官以下並降車障以
行帷哭於凶帳殿之西東向北上羣官皇親哭者序立
於帷門外東西相向北上哭十五舉音止各退就次前
三刻奉禮郎於隧道東南量遠近設皇親諸親奉辭位
又於其南設應從文武官五品以下奉辭位又於其南

顏魯公文集

卷三

儀注

五

設六品以下奉辭位每等異位重行西而北上設奉禮
郎位於其北禮生二人立於其南差退內謁者於隧道
西南稍北帷內設公主王妃及內官以下奉辭位東向
北上前一刻所司設奠席於輶轎車前設壘洗篚於東
南壘在洗西篚在洗東於是羣官列位序立光祿卿帥
其屬以饌奠於席上禮官引太尉詣壘洗手洗爵詣
樽坫所太祝酌醴齊訖太尉跪奠於饌前俛伏興太祝
持版進太尉之左跪讀文訖奠版俛伏興太尉再拜在
位者皆再拜發引至南神門將作監進龍輅於靈駕之
後禮官贊侍中進輶轎靈駕前跪奏稱降靈駕御龍

輶俛伏興退昇梓宮所由乃奉遷梓宮至龍輅昇梓宮
官左右捧從司空以巾拭梓宮并拂夷衾少府屬紼於
龍輅禮官贊侍中進龍輅前跪奏稱請引龍輅即元宮
俛伏興退挽郎執紼奉引龍輅左迴北首禮官贊司徒
前導白憾弩素信幡大旒及翼皆依次而引近伏近侍
夾進如禮官導通事舍人引太尉先導於龍輅之左主
節官帥持節者脫節在太尉之前差退代哭者及挽歌
皆序立門外之西重行東向押官排比以俟皇親諸親
羣官等哭從公主王妃及內官等障以行惟龍輅至羨
道停於帷下南首以俟時妃主內官以下於羨道西南

顏魯公文集

卷三

儀注

六

帷內就位東向哭通事舍人分引羣官皇親諸親各就
奉辭位所由各贊哭在位者皆哭其吉鹵簿侍奉官少
前序立於門外之東西向北上哭皆三十舉音止再拜
奉辭至時內官以下吉服奉遷梓宮入自羨道奉接安
於御榻褥上北首覆以御衾龍輅退出其押吉鹵簿官
並服白布巾衫就哭將掩元宮并依前服吉服初梓宮
降自羨道奉禮郎設太尉進寶冊贈玉幣位於羨道東
南南向設禮儀使奉寶冊玉幣位於太尉南又設祕書
監位於其南禮官導通事舍人引太尉以下俱吉公服
各就位又導持節者服節衣引太尉之前禮部侍郎奉

寶綬案謚冊素哀冊案每案四人對舉用九品以上清資官昇立

於太尉之西南少府監奉贈玉置於匣帥其屬捧立於

禮部侍郎之西太府卿奉幣元三種二置於筐帥其屬

捧立少府監之西俱北面各立於寶冊玉幣之後案元

案周制也當時所服故以為幣服近代及今則皆不用

立定禮官導通事舍人引禮部侍郎取寶綬於案進授

太尉又禮生一人引祝書監取謚冊哀冊進授禮儀使

其冊如重則又引少府監取玉於匣并薦巾又引太府

卿取幣進授禮儀使以幣承中玉禮部侍郎以下並退

龍輓既出禮儀官分贊太尉禮儀使奉寶冊玉幣并降

白羨道至元宮太尉奉寶綬入跪奠於寶帳內神座之

西俛伏興禮儀使以謚冊跪奠於寶綬之西又以哀冊

跪奠於謚冊之西又奉玉幣跪奠於神座之東並退出

復位禮生引將作監少府監入陳明器白臆弩素信幡

嬰等分樹倚於牆大旒置於戶內其跌羊燒之自餘明

使有陳布訖并內官以下並出羨道就位所由贊內外

哭羣官皇親諸親并吉儀侍奉官皆哭三十舉音再拜

又再拜奉辭引退以出中官贊公主王妃並退出周

以行帷至門乘東以扈從禮生導主節官帥持節者引

太尉及司空山陵使將作監御史一人監纒閉元宮司

顏魯公文集卷三

儀注

七

空復十九鋪所謂鋪作工其先除服者並改服凶儀鹵

解嚴退散輜輶車龍輓之屬於柏城內庚地焚之其

通人臣用者則不焚將啟太祝捧主匱置於座啟置於

前捧出神主置於座上東向諸侍奉官各退就位與徽

等亦退通事舍人引羣官俱退於太極殿門外就次以

俟虞祭所由陳仗衛如式典儀設太尉司徒宗正卿禮

儀使及諸行事官位於東階之東設太祝等位於公卿

之前少南如不親行事中又少南設典儀位俱西向典

儀帥禮生二人先就次立禮生乃引太尉司徒以下祭

服立於左延明門外之西北向西上光祿卿帥其屬捧

奠立於太尉司徒之東太祝帥齋郎奉祝版立於僕東

立定禮生迺引太尉司徒以下入就位通事舍人分引

羣官皇親諸親皆素服各入就位侍中版奏中嚴皇帝

素服就次諸王升就位如不贊親光祿卿帥其屬捧饌

入俟於東階之前太祝帥齋郎捧祝版立於其南光祿

卿帥其屬并設醴無酒罇於帷門外前楹中間之東北

向西上設篚於罇西實醴一杓一皆有幕設罍洗篚於

東階之東北向罍水在洗東篚在洗西南埽實爵二巾

一有幕執罍洗者立於其後侍中版奏外辦近侍扶引

皇帝再拜通事舍人分贊羣官在內外位者哭拜禮生

顏魯公文集卷三

儀注

六

引禮儀使省饌訖升就禮官升位後光祿卿帥進饌奉
僕司徒捧俎光祿卿引饌及諸執事官並升自東階設
於帷東門外席上訖降復位太祝捧祝版升立於罇所
純罇者各立於罇後之後禮儀使導皇帝於饌東西
面禮儀使跪奏請皇帝止哭奉奠承傳內外皆止哭太
祝以觶酌醴齊於皇帝之左跪進皇帝受醴齊跪奠於
饌前俛伏與太祝持版進神座之南北面跪讀祝文訖
奠版俛伏與禮儀使導皇帝復位跪奏請再拜皇帝再
拜禮生引太尉亞獻終獻訖降復位如常儀通事舍人
分贊內外哭再拜禮儀使又跪奏請再拜俛伏與皇帝

顏魯公文集

卷三

儀注

九

哭再拜奉禮郎傳贊內外再拜禮儀使跪奏禮畢俛伏
與近侍扶皇帝還閣羣官等俱退太祝乃跪匱神主遂
閉帷門降出內侍之屬及行事者皆出祝版焚於左延
明門外百寮乃於太極門外奏慰如常儀每虞日朝哭
禮皆準此如不親行事則宗正卿亞獻光祿卿終獻耐廟前二日告遷其禮
如常告之儀宗正起科申牒所由先備腰輿等并昇
人帝以三衛充告訖大尉先匱代祖神主奉遷於西夾
室迨中鑾閉如式次腰輿遷第三室神主二主各一腰
室主先出其人入第二室宮闈令捧后主先置於坳
室太祝奉帝主復置於坳室俱東向次遷第四室入第

三室次遷第五室入第四室次遷第六室入第五室次
遷第七室入第六室室有二后昭成於前肅明於後次遷第八室入第
七室次遷第九室入第八室皆如上儀入坳室皆鑾閉
訖次所司移幄等物依次各遷入木室訖其九室應緣
幄帳香案斧辰席褥等所司先造其日陳設於室中其
代祖室舊帳幄等物並移於西夾室中虛設鑾閉如式
將遷代宗睿文孝皇帝所司先擇日奏定散下所由各
供其職應用法駕鹵簿黃麾大仗前一日陳設及太廟
四門量設方色兵仗如上儀將作監先清掃諸廟內外
京兆府修路從承天門向南至太府寺南街向東入太

顏魯公文集

卷三

儀注

三

廟三門又向南又向東至廟南門宗正具耐饗料差三
公及應行事官齋戒如常饗儀其祝文具耐享又中太
極殿告靈座料如前式其祝文出太樂令設登歌於太
廟殿上並如常式向舍於廟南門道西設神主幄座東
向幄內設牀席褥黼屨香案如式內中向先造栗木主
并匱及跌其制度並耐前一日盛以箱覆以帕置於腰
輿詣廟南門幄帳中太祝捧置於座上迺下簾帷內侍
省量差中官侍衛禮儀使奏請差題神主官卽以饗前
一日尚舍具香湯并題神主席褥內中尚舍浴神主盆
并白羅巾光漆筆墨等詣於幄帳中禮儀使與題神主

官等其日質明詣幄下太祝以香湯浴栗主拭以羅巾
題栗主官盥洗捧栗主就褥題云代宗睿文孝武皇帝
神主墨書訖以光漆重摸之遂捧授太祝受詣帳座置
於殿中所侍衛如式前一日尙食與西內使計會鴻臚
除太極殿上白幕並以吉幙代之殿中省除版城太僕
進玉輅於承天門外當中南向及諸輦輅羽儀仗衛繳
勇陳於玉輅前左右金吾引駕所由陳布如式太常奏
前一日之夕嚴警於承天門外之南皇城留守奏耐饗
日質明開朱雀門大內留守與內檢校使奏開太極殿
門嘉德門承天門衛尉於太極殿門外廊下量設文武

顏魯公文集

卷三

儀注

三

百官次又於太廟南門外量設百官次於道東如在太
極殿庭儀先奏靈座耐之日質明宗正卿帥執饌齋郎
光祿卿帥大官良醞實罇俎籩豆并應行事官皆祭服
序列於左延明門以俟至祭時應行事官詣太極殿東
階下西向序立典儀於太極殿庭布文武官皇親諸親
位如常儀侯祭官欲升殿行事時通事舍人引文武百
寮等常服入就位禮生贊眾官皆拜在位者皆再拜尙
輦帥腰與香案繖扇入詣殿庭階下分東西立侍從官
攝侍中中書令以下並列位於左右序立太僕進玉輅
於嘉德門外當中南向禮生引祭官等行告禮如常儀

告訖宗正卿光祿卿帥齋郎長祠徹饌禮官引侍中升
尙輦帥腰輿升詣帳座前其繖扇侍臣等夾於階間侍
中進跪於幄前西向奏請降座升輿耐廟內侍奉几置
輿上太祝置神主捧置輿上几後扶持降自西階繖扇
侍臣夾引以出自太極殿門中門出在位文武百官及
皇親諸親等便從神輿而出至嘉德門分左右序立神
輿至玉輅後侍中跪奏請降輿升輅內侍捧几置輅中
太祝奉匱升輅其太祝便於輅中侍奉千牛將軍夾輅而趨出承
天門五十步侍中進當輅前跪奉請敕侍臣上馬侍臣
等皆上馬鼓吹振作其文武百官等候玉輅出承天門

顏魯公文集

卷三

儀注

三

各逐便路先赴太廟南門次以俟神輿函簿至廟門西
三門鼓吹止分左右以俟饗訖退其儀仗等並於廟南
門分左右列位俟饗禮畢退玉輅既發赴廟尙舍收拆
殿上帷幄及板城等應合收者與檢校使計會處置西
西人表裳其日並焚之其日太廟耐饗應緣齋官陳設罇彝酒醴
坵爵省牲告潔進署祝版陳設樂器並如東饗常儀玉
輅將至廟西門尙舍奉御設奉謁褥位於廟庭橫階南
當中北向奉禮郎於廟南門外稍南設文武百官及皇
親諸親位如太極殿庭之儀又於廟庭橫階南設文武
百官及皇親諸親位亦準此其六品以下非常參官通
並列位於廟南門外

尊舍人引文武百官及皇親諸親等常服就南門外位
禮生引應鑿官俱參服立於廟東門外北向西上位立
又禮生引禮儀使御史以下執事官等先入當中階北
向立於褥位之南禮生贊再拜禮儀使御史以下皆再
拜訖引自東階升各就位次引司空入就位再拜行場
除訖降復位禮官與太祝自西第一室開培室捧神主
置於中近東啟匱出神主捧置於座几後跌上次
宮闈令入室捧后主置置於帷中近西啟匱出后主置
於座几後跌上自第一室至第八室皆如上儀訖並齋
室長各於本室依儀出入須知次序太祝退立於樽
站所宮闈令退就階下執事位玉輅既至廟南門迴輅
南向侍臣等序列於輅前神輿入帷則侍臣列於帷門
外尙輦腰輿進輅後侍中跪奏請降輅升輿詣帷座
內侍捧几置輿上太祝捧神主置輿上几後遂昇詣
帷座內侍捧几置座上東向太祝捧匱置几後訖禮生
於廟東門引行事官太尉以下入就廟庭位西向立其
殿上御史禮官太祝樂官等各逐便自東西階下相向
序立候神主升殿却復階下位侍中進於帷座前跪奏
請降座升輿附謁內侍奉几置輿上太祝捧栗木主匱
置几後禮官引入通事舍人引文武百官皇親諸親自

南門外分左右從入就東西班位立神輿至廟門繳扇
分左右立於門外神輿至廟庭褥位侍中各退就本班
其侍中 太祝捧匱跪置於褥啟匱出神主置於跌上訖
侍中進於褥位西北面跪奏稱以今吉辰代宗睿文孝
武皇帝禮謁奏訖俛伏與退少頃侍中詣褥之西東面
跪奏請升輿附餐俛伏與退降就本班太祝進跪於褥
位捧神主匱於輿其匱蓋亦置輿上近後腰輿既升禮官奉引神
輿詣元宗室太祝跪捧神主匱置東壁下褥位褥上西
南退立戶外少頃太祝進就褥跪捧神主置於輿奉引
入第九室至帷座前內侍捧几置於座如帷中別有几其几留於腰輿
而太祝捧神主置於曲几後跌上以題處向北也其匱置於几
東近後腰輿退於帷座之西近北鼻腰輿所由並降自
東階由廟東門出神主置座訖禮生贊再拜太尉以下
及應在位官並再拜禮生詣太尉之左白有司謹具請
行事登歌奏永和之樂九成畢禮生贊再拜太尉以下
及在位者皆再拜禮生引太尉盥洗執瓚升詣從西第
一室酌鬱鬯登歌作太尉入室神座前裸訖奠瓚於饌
席俛伏與退出戶北向再拜次引詣第二室次引詣第
三室以至第九室皆如上儀訖登歌止引太尉降復位
太祝奠毛血之豆禮生引司徒執俎入自正門俎初入

門雍和之樂作饌升階樂止禮生徹毛血之豆降自東階以出詣太祝取蕭蒿焚於爐炭饌升設訖齋郎降自東階由廟東門以出禮生引太尉盥洗執爵奏自第一室至第八室各奏本室樂至第九室奏保大之樂行饗禮亞獻終獻並如常饗之儀訖降復位登歌作太祝各入室徹豆還樽所登歌止禮生唱賜胙又唱再拜眾官應在位者皆再拜其三獻官不拜永和之樂作禮生又唱再拜在位者皆再拜樂一成止禮生進太尉之左白禮畢禮生引饗官自東門出通事舍人引在位羣官南門出太祝入室各圍神主納於坳室如常儀禮官帥腰輿詣廟

顏魯公文集卷三 儀注

門南嚮下太祝捧桑木主并置置於輿送自廟門南西偏門鼻入詣廟殿北簾下兩階之間將作先具銀鏤穿坎方深令可容木主匱遂埋之而退明日百寮及皇親諸親詣廷英門進名奉慰如常儀前二日內所司先具入升練布冠衰裳腰經等光祿卿具太牢饌宗正進署視版前一日之夕毀廬為聖室高七尺五寸長丈二尺闊一丈將作監勾當尙舍奉御設薄席於室內內所由陳練冠於別次其日依時刻內所由先入整拂几筵薦香燭於靈前內外及百寮俱服衰服去杖通事舍人引就位侍中版奏外辨皇帝服衰裳經去杖近侍扶就位西向哭內外在位者

皆哭十五舉聲禮儀使奏請再拜皇帝再拜內外在位者皆再拜近侍扶皇帝就次所司以練布冠衰裳進內服訖內外及百寮各服其服兩省五品以上及卿御史大夫中丞尚書省四品以上諸司三品以上正員長官準禮合祭首經練入升布為冠以六升布為衰裳今荆州布也其裳頭及衫袴等亦準此裁其所服初通事舍人引百寮入就位立定近侍扶皇帝就位哭踊內外百寮皆哭踊光祿卿引饌升設於靈帷前太祝以爵酌醴酒禮儀使奏請止哭內外俱止哭太祝以酒爵授禮儀使禮儀使受酒跪進皇帝受酒跪奠於饌前俛伏與少退太祝持版跪於饌前近南北向讀祝版曰維年月日子哀子嗣皇帝臣某敢昭

顏魯公文集卷三 儀注

告於考大行皇帝天禍所鍾攀號無及以日易月奄及小祥煩寃茶苦觸縉糜潰謹以一元大武柔毛剛鬣明梁薈合薈其嘉蔬嘉薦醴齊祇薦祥事尙饗讀訖禮儀使奏請再拜皇帝哭踊再拜內外在位者皆哭踊再拜皇帝還次通事舍人引羣官退其奉慰如常儀祭前二日內所司先具大祥服淺黑純縠頭巾巾子大麻布衫白布腰帶麻鞋光祿卿具太牢饌宗正進署視版前一日之夕將作塗聖室內所由陳大祥服於別次其日未明內所由先整拂几筵薦香燭於靈帷前內外百寮俱服衰裳去杖至傳點時通事舍人各引入就位侍中版奏外辨皇帝服衰裳

去杖近侍扶就位西向哭踊內外在位者皆哭踊十五
舉聲禮儀使奏請再拜皇帝再拜贊者承傳內外在位
者皆再拜訖禮儀使奏請止哭就次變服奏訖與禮官
等趨出近侍扶皇帝就次變大祥服內外百寮皆就次
變服素服訖黑純裳頭履帶白衫麻鞋各入就位立定近侍扶皇帝
就位哭踊禮官省儼光祿卿引饌升設靈嚙前太祝執
爵酌醴酒禮儀使奉引皇帝稍進詣饌前禮儀使請止
哭內外俱止哭太祝以酒授禮儀使禮儀使受酒跪進
皇帝受酒跪奠於饌前俛伏與少退太祝持版於饌南
北向讀祝文訖禮儀使奏請再拜皇帝哭踊再拜贊者

顏魯公文集卷三

儀注

三

承傳內外在位者皆哭再拜十五舉聲禮儀使奏禮畢
與禮官等趨出近侍扶皇帝還次通事舍人引羣官序
出太極門其奉慰百寮奉慰訖以素服詣延英門起居
謹案禮云大祥素縗麻衣又云縗冠素紕既祥之冠今
所司具縗黑袍此即古之縗冠也素禮云禫而縗黑經
白縗曰縗則宜施之於禫今其日百寮早集西內入就
於大祥服之蓋從當時宜位侍中進辨並如大祥之儀皇帝服大祥服近侍扶就
位哭十五舉聲禮儀使奏請再拜皇帝再拜贊者承傳
百寮在位者皆再拜禮儀使奏請就次變服皇帝就次
除大祥服服素服細布麻衫腰帶細麻鞋黑縗縗頭巾子等百寮趨入就位
立定近侍扶皇帝入哭踊內外百寮皆哭踊禮官省儼

光祿卿引饌升陳設酌奠亦如大祥之儀太祝讀祝文
訖禮儀使奏請再拜皇帝哭再拜贊者承傳內外百寮
皆哭再拜訖禮儀使奏禮畢遂與禮官趨出近侍扶皇
帝還次通事舍人引百寮序出至太極門外進名奉慰
訖各服黻公服便詣延英門起居日平明皇帝改服
黻吉服淡凌黃衫細黑純縗頭巾子麻鞋吉履帶伏準
吉服其中間朔望視朝及大禮並純吉其百官黻公服
至山陵事畢乃服常公服

顏魯公文集卷三

儀注

三

案唐自李義甫許敬宗以凶事非人臣所宜言去國
卹一篇而天子之喪禮闕焉故開元禮及新舊唐書
禮志皆無其儀惟杜佑通典載有元陵儀注凡四千
七百言於行禮次第燦然大備然未著為何人所定
元陵者代宗之陵也代宗以大歷十四年十月己酉
葬於元陵其時魯公為禮儀使則此儀為公之手筆
無疑故殷亮撰公行狀云今上諒闇之際詔公為禮
儀使先自元宗以來此禮儀注廢闕臨事徐創實資
博古練達古今之旨所以朝廷篤於訕疾者不乏於
班列多是非公之為公不介情惟搜禮經執直道而
行已今上察而安之即謂此儀注也歷朝國卹莫詳
於此經世文字莫大於此宋敏求留元剛諸家編輯

公文小說殘碑無不甄錄獨於此文不詳加考訂登之集中可謂搜羅星宿忘義娥矣文獻通考又載杜黃裳爲禮儀使太常丞裴瑾取黃裳所定大喪儀爲崇豐二陵集柳宗元爲之序崇乃德宗陵豐乃順宗陵皆在代宗之後宗元序中未及魯公有此儀注則宗元作序時此儀已不行於世矣千載而下獨託通典以存亦魯公之精爽有以護之也舊唐書藝文志載公爲禮儀使時著有禮樂集十卷行狀謂前後所定儀注令門生左輔元編此儀殆其一卷也又案通典元陵儀注外別有諡冊文一首今不能定爲公撰

順魯公文集

卷三

儀注

完

因用小註附載於取進諡冊句之下

長沙黃本驥仲良編訂

湘陰蔣 瓌維揚參校

判

對三命判

乙仕登三命舉以特牲祀以少牢人告其僭加

於舉禮也

侑食以樂執恭展禮以辨等威以明貴賤乙以筮仕策
名清朝從大夫之後既登三命循先人之祭有事十倫
已而鏗鏘具舉和平不爽苾芬承祀胡考之寧舉特且

顏魯公文集 卷四 判

叶於禮經加牢未虧於祀典人告其僭罔知攸伏

案開元二十二年公以是判擢拔萃科其同擢者有

馬統一判載入全唐文

案楊志堅妻求別適判

楊志堅素為儒學徧覽九經篇詠之間風騷可摭愚妻
視其未遇遂有離心王歡之廩既虛豈遵黃卷朱叟之
妻必去寧見錦衣汚辱鄉閭敗傷風俗若無褻貶僥倖
者多阿王決二十後任改嫁楊志堅秀才贈布絹各二
千匹米二十石便署隨軍仍遠近知悉

顏魯公為臨川內史澆風莫競文教大行康樂以來

用為佳譽也邑有楊志堅者嗜學而居貧鄉人未之

知也山妻賦其體藿不足索書求離志堅以詩送之

曰平生志業在琴書頭上於今有二絲漁父尙知溪

谷暗山妻不信出身遲荆釵任意撩新鬢鸞鏡從他

別畫眉今日便同行路客相逢卽是下山時其妻持

詩詣州請公牒以求別適魯公案其妻曰云云江左

數十年來莫有敢棄其夫者范攄雲 溪友議

牒

訪求清河行人李華牒據殷亮撰 行狀增

清河郡屬崔審交應賊之後吏不安行人李華乃崇墉

顏魯公文集 卷四 牒

沒隍鍛甲矯翦乞師破敵和眾以安之靜言其功須有

甄賞

案李華卽李粵前在清河乞師於公及堂邑戰勝見

公讓功於賀蘭進明粵遂藏於民間至德改元公以

軍用已竭思所以贍濟之遂牒於路以求粵粵至為

畫收鹽置場之策軍用遂贍

書

與郭僕射書廣德二年 十一月

十一月日金紫光祿大夫檢校刑部尙書上柱國魯郡

開國公顏真卿謹奉書於右僕射定襄郡王郭公閣下

蓋太上有立德其次有立功是之謂不朽抑又聞之端
於者百寮之師長諸侯王者人臣之極地今僕射挺不
朽之功業當人臣之極地豈不以才爲世出功冠一時
挫思明跋扈之師抗周統無厭之請故得身畫凌烟之
圖名藏太室之廷吁足畏也然美則美矣而終之始難
守貴也可不做懼乎書曰爾惟弗矜天下莫與汝爭功
爾惟不伐天下莫與汝爭能以齊桓公之盛業片言勤
王則九合諸侯一匡天下葵邱之會微有振矜而叛者
九國故曰行百里者半九十言晚節末路之難也從

顏魯公文集 卷四

書

三

古至今泉我高祖太宗已來未有行此而不理廢此而
不亂者也前者菩提寺行香僕射指麾宰相與兩省臺
省已下常參官並爲一行坐魚開府及僕射率諸軍將
爲一行坐若一時從權亦猶未可何況積習更行之乎
一昨以郭令公以父子之軍破大羊凶逆之眾眾情忻
喜恨不頂而戴之是有興道之會僕射又不悟前失
竟率意而指麾不顧班秩之高下不論文武之左右苟
以取悅軍容爲心曾不顧百寮之側目亦何異清畫樓
金之士設其非謂也君子愛人以禮不聞始息僕射得
不深念也乎真卿竊聞軍容之爲人情修梵行深入佛

海況乎收東京有珍賤之業守陝城有戴天之功朝野
之人所共貴仰豈獨有分於僕射哉加以利衰塗割恬
然於心固不以一毀加怒一敬加喜尙何半席之座咫
尺之地能汨其志哉且鄉里上齒宗廟上爵朝廷上位
皆有等威以明長幼故得彛倫敘而與下和平也且上
自宰相御史大夫兩省五品已上供奉官自爲一行十
二衛大將軍次之三師三公令僕少師保傅尙書左右
丞侍郎自爲一行九卿三監對之從古以然未嘗參錯
至如節度軍將各有本班卿監有卿監之班將軍有將
軍之位縱是開府特進並是勳官用蔭卽有高卑會譙

顏魯公文集 卷四

書

四

合依倫叙豈可裂冠毀冕反易彛倫貴者爲卑所凌尊
者爲賤所偏石本賤一至於此振古未聞如魚軍容階
雖開府官卽監門將軍朝廷列位自有次序但以功績
既高恩澤莫二出入王命眾人不敢爲比不可令居本
位須別示有尊崇只可於宰相師保座南橫安一位如
御史臺眾尊知雜事御史別置一榻使百寮共得瞻仰
石本誤重使字不亦可乎聖皇時開府高力士承恩傳宣亦只
如此橫座亦不聞別有禮數亦何必令他失位如李輔
國倚承恩澤徑居左右僕射及三公之上令天下疑怪
乎古人云益者三友損者三友願僕射與軍容爲直諫

之友不願僕射爲軍容佞柔之友又一昨裴僕射誤欲
令左右丞勾當尙書當時職有訓對僕射恃貴張目見
尤介眾之中不欲顯過今者典道之會還爾遂非再獨
入座尙書欲令便向下座州縣軍城之禮亦恐未然朝
廷公議之宜不應若此今既若此僕射意只應以爲尙
書之與僕射若州佐之與縣令乎若以尙書同於縣令
則僕射見尙書令得如上佐事刺史乎益不然矣今既
三廳齊列足明不同刺史且尙書令與僕射同是二品
只校上下之階六曹尙書並正三品又非隔品致敬之
類尙書之事僕射禮數未敢有失僕射之願尙書何乃
顏魯公文集 卷四 書 五

帖

與李太保帖九首

辭後明日至宅奉送承已當時出關不獲重捧袂至今
爲恨仲春漸暄不審太保尊體何如真卿粗爾不審初

到如何佇承異績以慰瞻仰因中郎張澈往謹附狀不
宣謹狀二月十四日刑部尙書顏真卿狀上李太保大
夫公閣下張澈昨艱難時首未得力願在麾下有容足
處庇之幸甚謹空

奏事官至蒙問增慰馳誠冬閏初寒伏惟太保尊體安
適真卿悲疾何言蕃寇推退爲憲之功忝沐深情俱增
喜躍前後不逢之信遂闕修狀何時入奏未聞悲係無
喻謹還狀不次謹狀閏月十有四日刑部尙書顏真卿
狀上李太保大夫公閣下謹空

顏魯公文集

卷四

帖

六

真卿粗自奉別渴仰何勝昨祿馬奔逐失馳謁想蒙情
恕也真卿十五日離家大小俱安泚泚病瘡少愈勿憂
爲佳正遠披承益期自愛謹勒參候不次刑部尙書顏
真卿頓首李太保大夫公閣下

千手贊已領訖然尙少第二隔恐在書府希更根尋足
疎拙抵罪聖慈含宏猶佐列藩不遠伊邇省躬荷德恩
貸實深兢慄之誠在物何喻仲春暄甚不審太保尊體
何如所苦當轉勝也真卿緣驛上無馬私乘泡轉幾死
前進不得今日始至藍田卽便取路不獲執別此情如
何珍重珍重謹附狀不次謹狀二月十一日峽州別駕
顏真卿狀上李太保大夫公閣下

不審所苦何如奉計已痊復真卿緣馬車與近
送馳謁謹勒參候不次謹狀刑部尚書顏真卿狀上李
太保大夫公閣下

千手贊檢得未帖之謹空

拙於生事舉家食粥來已數月今又罄竭祇益憂煎輒
恃深情故令投告惠及少米實濟艱勤仍恕干煩也真
卿狀

陰寒不審太保所苦何如承渴已損深慰馳仰所檢贊
猶未獲望於文書內細檢也病妻服藥要少鹿肉脯有
新好者望惠少許幸甚幸甚專馳謁不次謹狀二十九

顏魯公文集 卷四 帖 七

日刑部尚書顏真卿狀上李太保大夫公閣下謹空

惠及鹿脯甚慰所望春寒承美字一瘥損更加保愛真

卿有一二藥煩宜常服謹令馳納少間借馬奉謁不次

二十日顏真卿狀上太保大夫公閣下

與御史帖

真卿謹別上書於御史閣下竊聞尊候平和真卿瞻仰
瞻仰前所會席上諸公未悟唯御史論高百寶振古未
有雜事可置況朝廷自有次序不足念乎真卿

與盧舍書帖三首

昨奉辭但增悵仰承已過壞不得重別情深惘然珍重

謹此不宣真卿白二十四日

盧入倉曹足下敎本甚是佳製耳據雷元

足下今日定成行否不得一至郊郭深用悵然珍重珍

重所欲拙書今勒送十餘紙望領之忽怪弱惡也不具

不具真卿 盧倉曹足下據羣衆忠義

與蔡明遠帖二首

蔡明遠郡陽人真卿昔刺饒州即嘗趨事及來江右無
改厥勤靖言此心有足嘉者一昨緣受替歸北中止金
陵關門百口幾至餽口明遠與夏鎮不遠數千里冒涉
江湖連舸而來不愆暑刻竟達命於秦淮之上又隨我

顏魯公文集 卷四 帖 八

於邦溝之東追攀不疲以至邵伯南埭始終之際良有

可稱今既已事方旋指期斯復江路悠緬風濤浩然行

李之間深宜倘慎不宣真卿報

聞鄒游與明遠同來欲至采石計其不久亦合及吾淮

泗之間晚若未到見之宜傳此意遣此不宣真卿報蔡

明遠

劉中使帖

近聞劉中使至瀛州吳希光已降足慰海隅之心耳又
聞磁州為盧子期所圍舍利將軍擒獲之吁足慰也

與夫人帖

真卿頓首奉承十四日遷厝承問悲慕不勝自勝惟慕不及摧毀何堪痛當奈何痛當奈何凝寒惟動靜支適兒子等保侍真卿離官已久事須十間前至鄭州汴州已來專奉待一日只擬一驛計過大事後發猶恐遲必望知此緩急勿遲滯足下不來義無獨去之法必請矜此狼狽所望今到汴州水下不愁河凍書祭器等先下船去真卿十一日且發東京佇望早來早來謹不次真卿頓首夫人閣下 十一月八日 問訊頌颯蒙郎和奴光嚴深遠憶或至十三日得發

家帖後所問之訊果卿之孫後為兵曹參軍見公撰

顏魯公文集

卷四

帖

九

伯父元孫碑頌公親姪後為清源尉封費縣男見公撰大宗家廟及曾祖勤禮三碑颯果卿之姪後為華原主簿見公撰大宗家廟勤禮元孫四碑

與緒汝書

政可守不可不守吾去歲中言事得罪又不能逆道狗時為千古罪人也雖貶居遠方終身不恥緒汝等當須會吾之志不可不守也

與澄師帖

真卿承聞大華嚴會已遂闔成取來日要詣彼隨喜如何如何幸周副老草不悉真卿頓首和南澄師大德侍

者十日敬室

廣平帖

得示問廣平碑本了來數日故當封呈真卿頓首

文殊帖

近作一文殊師利菩薩碑但欲發揚主上聖意蓋不近文律耳今奉呈充蓋醬之用可乎真卿白

案此帖公在湖州作

寒食帖

天氣殊未佳汝定成行否寒食只數日間得且住為佳耳

顏魯公文集

卷四

帖

十

中夏帖

真卿頓首中夏以還暑氣日甚病懶益不喜所為前欲書石當須稍涼作之也幸不以差緩過之京人來何消息嘉否

修書帖

賊軍未平使僕不憤見故先修書但召諸子弟與語不具真卿

訊後帖

真卿具前楮訊後所苦何如立斯極位雖延江上佳山秀水在公庭戶想日有樂事甚得佳士相延公高才逸

韻自有晉宋間人風坐此驛局不易處上方招致仁者
如公之儔豈久在江左乎行聞迅召以快士議真卿頌
首

一行帖 據王宋
汝帖增

真卿一行昨自江淮日趨百里本期奉見以慰遠別疲
於道路且止數昔但深攀仰耳

南來帖 據羣嶸忠義
堂續刻增

真卿承命南來諸事草草但賊勢尙爾奈何張貞口不
了國事可念可念真卿

江外帖 據忠義堂
續刻增

顏魯公文集 卷四 帖

十一

江外唯湖州最卑下今年諸州水並湊此州入太湖田
苗非常沒溺賴劉尙書與拯以此人心差安不然僅不
可安耳真卿白

案此帖公在湖州作

草篆帖 據忠義堂
續刻增

真卿自南朝來上祖多以草篆篆籀爲當代所稱及至
小子斯道大喪但曾見張旭長史頗示少糟粕自恨無
分遂不能佳耳真卿白

奉使蔡州書

真卿奉命來此事期未竟止緣忠勤無有旋意然中心

悵悵始終不改游於波濤宜得斯報千百年間察真卿
心者見此一事知我是行亦足達於時命耳

移蔡帖

貞元元年正月五日真卿自汝移蔡天也天之昭明其
可誣乎有唐之德則不朽耳十九日書

顏魯公文集 卷四 帖

三

顏魯公文集卷四終

顏魯公文集卷五

寧鄉黃本驥仲良編訂

湘陰蔣 環維揚參校

序

尙書刑部侍郎贈尙書右僕射孫述文公集序

元年八月

古之爲文者所以導達心志發揮性靈本乎詠歌終乎
雅頌帝庸作而君臣動色王澤竭而風化不行政之興
衰實繫於此然而文勝質則繡其鞶悅而血流漂杵質
勝文則野於禮樂而木訥不華歷代相因莫能適中故

顏魯公文集 卷五 序

詩人之賦麗以則詞人之賦麗以淫此其效也漢魏已
還雅道微缺梁陳斯降官體聿興既馳騁於末流遂受
嗤於後學是以沈隱侯之論謝康樂也乃云靈均已來
此未及觀盧黃門之序陳拾遺也而云道喪五百歲而
得陳君若激昂頽波雖無害於過正權其中論不亦傷
於厚誣何則雅鄭在人理亂由俗桑間濮上胡爲乎絛
古之時正始皇風奚獨乎凡今之代蓋不然矣其或賦
賦彪炳都郁相宣膺期運以挺生奄寰瀛而首出者其
惟僕射孫公乎公諱述河南鞏人其先自樂安武水寓
於涉而徙焉父嘉之以詞學登科官至宋州司馬公風

裁微明天才傑出學窮百氏不好非聖之書文統三變
特深稽古之道故逸氣上躋而高情四達羌索隱乎混
元之始表獨立於常均之外不共盛歎年數咸節好屬
文十五時相國齊公崔日用試士火鑪賦公雅思道麗
援翰立成齊公駭之約以忘年之契爾後遂有大名故
其試言也年未弱冠而三擅甲科吏部侍郎王邱試竹
簾賦階階約拜以殊禮待之相國燕公張說覽其策而
心醉其序事也則伯樂川記及諸碑志皆卓立千古傳
於域中其爲詩也必有逸韻佳對冠絕當時布在人口
其詞言也則宰相張九齡欲倚撫疵瑕沈吟久之不能

顏魯公文集 卷五 序

易一字公之除庶子也苑咸草詔曰西掖掌綸朝推無
劉議者以爲知言凡斯夥多庸可悉數故燕國深賞公
才俾與張九齡許景先韋述同遊門庭命子均均伯
仲之禮江夏李邕自陳州入計繕寫其集齋以詣公託
知己之分其爲先達所重也如此公又雅有清鑒典考
功時精覈進士雖權要不能逼所獎擢者二十七人數
年間宏詞判等入甲第者一十六人授校書郎者九人
其餘咸著名當世已而多至顯官明年典舉亦如之故
言第者必稱孫公而已夫然信可謂人文之宗師國風
之哲匠者矣凡公所著詩歌賦序策問贊碑志表疏制

詩不可勝紀遭二朝之亂多有散落子宿絳成等夙奉
過庭之訓咸以文章知名同時臺省乃編次公文集爲
二十卷列之於左庶乎好事者傳寫諷誦以垂乎無窮
亦何必藏名山而納石室也真卿昔觀光乎天府竇荷
公之獎擢見命爲序豈究端倪時則永泰元年仲秋之
月也至若世系闕閱蓋存之別傳此不復云

懷素上人草書歌序

開士懷素僧中之英氣概通疏性靈豁暢精心草聖積
有歲時江嶺之間其名大著故吏部尚書韋公陟觀其
筆力助以有成今禮部侍郎張公謂賞其不羈引其遊

顏魯公文集卷五 序

處兼好事者同作歌以贊之勳盈卷軸夫草藁之作起
於漢代杜度崔瑗始以妙聞迨乎伯英尤擅其美羲獻
茲降虞陸相承口訣手授以至於吳郡張旭長史雖姿
性顛逸超絕古今而楷法精詳特爲真正某早歲嘗接
游居屢蒙激勸告以筆法資質劣弱又嬰物務不能懇
習迄用無成追思一言何可復得忽見師作縱橫不羣
迅疾駭人若還舊觀向使師得親承善誘亟揖規模則
入室之賓舍子奚適嗟嘆不足聊書以冠諸篇首

顏刑部書家者流水鏡之辨許在末行懷素自敘帖

世系譜序建中元年七月

顏氏之先出自黃帝之孫安爲曹姓其裔邾武公名儀
父字伯顏子友別封邾爲小邾子遂以顏爲氏世爲魯
國卿大夫孔門達者七十二人顏氏有八回居四科之
首其後戰國有率躅秦有芝貞漢有異肆安樂魏有裴
盛盛字叔臺歷青徐二州刺史關內侯其後子孫咸著
宦族有若宏都之德行巴陵記室之書翰特進黃門之
文章祕監華州之學識肇自魯國格於聖代紛綸盛美
與渠於茲述遵前人不致失墜建中元年歲次庚申秋
七月癸亥序

案唐書宋史藝文志皆有顏氏家譜一卷未著撰人

顏魯公文集卷五 序

名氏以是序證之家譜亦魯公自撰也

送福建觀察使高寬仁序

國家設觀察使卽古州牧部使之職代朝廷班導風化
而宣布德意振舉萬事而沙汰百吏者也民俗之舒慘
兵賦之調發刑獄之寃濫政治之得失皆得以觀察而
行之其任可謂重矣江西貴溪高君寬仁初舉明經歷
任中外克勤職務政績昭著陞福建觀察使夫君子之
仕不以位尊爲榮而以盡職爲貴福建大藩也其地東
帶滄溟南接交廣居民若是其眾也政務若是其煩也
職乎州郡者果皆循且良尙不能保其無一事之不舉

矧未必皆循良乎弱之食強之取飢寒顛沛而漁奪之不厭則缺馭之民若之何能求其安也自古爲民之病者多類此是以居高位而欲下之安其道難也故眾皆以位高爲寬仁高予獨以盡職爲寬仁勉所以盡職者無他正已格物而已忠君愛民而已予與寬仁交久且厚予所以望於寬仁者豈但在於政事文字之間而已哉振肅風紀表儀一方盡致君澤民之道使聲名流芳史冊茲行是望於是乎書

案唐書方鎮表大厯六年廢福建節度使置都團練觀察處置使序當作於六年設使之後高寬仁科貫

顏魯公文集

卷五

序

五

無攷舊集不載此序全唐文未知從何書採人

送劉太冲序

劉太冲者彭城之華望者也自開府垂明於宋室澤州考績於國朝道素相承世傳儒雅尙矣夫其果行修潔斯文彪蔚鄂不照乎移華龍驥驥乎雲路則公山正禮策高足於前冲與太真嗣家聲於後有日矣昔余作郡平原拒胡羯而請與從事掌銓吏部第甲乙而超升等夷爾來蹉跎猶屑卑位雖才不偶命而德其無鄰故冲之西遊斯有望矣江月弦魄秦淮頂潮君行句溪正及春水勸哉之子道存何居魯郡公顏真卿敘

送辛子序

醇白之士曰隴西辛晃銳業班漢顯門名家十五而志學克明五十而勵精益求精拳拳不失慕爾也之服膺袞袞可聽同茂先之善說昔我高叔祖鄆州使君著決疑一十二卷問答稱爲大顏曾伯祖祕書監府君集註解成一十二帙名儒斟酌煩省摛摭英華勒成三十篇名之日漢略夫其發凡舉例晃序言之已詳惜乎困於縑緙不獲繕寫遂使精義沈鬱聞然未彰吁足歎也二月初吉金陵氣暖抵淮上之諸侯所如必合及滁川之美景未至方歌羣子賦詩以寵之

顏魯公文集

卷五

序

六

案鄆州使君顏游秦也祕書監府君顏師古也唐書藝文志有顏游秦漢書央疑十二卷

記

張長史十二意筆法記

天寶五載

予罷秩醴泉特詣京洛訪金吾長史張公旭請師筆法長史於時在裴微宅憇止已一年矣眾師張公求筆法或有得者皆曰神妙僕頃在長安二年師事張公皆大笑而已卽對以草書或三紙五紙皆乘興而散不復有得其言者僕自再於洛下相見眷然不替僕因問裴微足下師張長史有何所得曰但書得絹屏素數十軸亦

嘗論諸筆法唯言倍加工學臨寫書法當自悟耳僕
嘗表家月餘日因與裴微從長史言語散卻迴京師前
請曰既承兄丈一本作九丈獎諭日月滋深夙夜工勤溺於

翰墨微得聞筆法要訣終為師學以冀至於能妙豈任
感戴之誠也長史良久不言乃左右眄視拂然而起僕
乃從行歸東竹林院小堂張公乃當堂踞牀而坐命僕
居於小榻而白筆法元微難妄傳授非志士高人詎可
與言要妙也書之求能且攻真草今以授之可須思妙
乃曰夫平謂橫子知之乎僕思以對之曰嘗聞長史示
令每為一平畫皆須令縱橫有象此豈非其謂乎長史

顏魯公文集卷五

記

七

乃笑曰然而又問曰直謂縱子知之乎曰豈不謂直者
從不令邪曲之謂乎曰均謂間子知之乎曰嘗蒙示以
間不容光之謂乎曰密謂際子知之乎曰豈不謂築鋒
下筆皆令宛成不令其疎之謂乎曰鋒謂末子知之乎
曰豈不謂以末成畫使其鋒健之謂乎一本健曰力謂
骨體子知之乎曰豈不謂趨筆則點畫皆有筋骨字體
自然雄媚之謂乎曰轉輕謂屈折子知之乎曰豈不謂
鈞筆轉角折鋒輕過亦謂轉角為闔闔過之謂乎曰決
謂牽掣子知之乎曰豈不謂牽掣為擊銳意挫鋒使不
怯滯令險峻而成以謂之決乎曰補謂不足子知之乎

曰豈不謂結點畫或有失趣者則以別點畫旁救之謂
乎曰損謂有餘子知之乎曰豈不謂趨長筆短常使意
勢有餘點畫若不足之謂乎曰巧謂布置子知之乎曰
豈不謂欲書先預想字形布置令其平穩或意外字體
令其異勢是謂之巧乎曰稱謂大小子知之乎曰豈不
謂大字盛之令小小字展之為大兼令茂密所以為稱
乎長史曰子言頗皆近之矣夫書道之妙渙乎其有旨
焉字外之奇言所不能盡世之書者宗二王元常逸跡
曾不睥睨筆法之妙遂爾雷同獻之謂之古肥旭謂之
今瘦古今既殊肥瘦頗反如自省覽有異眾說芝鍾巧

顏魯公文集卷五

記

八

趣精細殆同始自機神肥瘦古今豈易致意真跡雖少
可得而推逸少至於學鍾勢巧形容及其獨運意疏字
緩譬猶楚音習夏不能無楚過言不悞未為篤論又子
敬之不逮逸少猶逸少之不逮元常學子敬者畫虎也
學元常者畫龍也予雖不習人得其道不問之言必慕
之歎儻有巧思思盈半矣子其勉之工精勁悉自當妙
矣真卿前請曰幸蒙長史傳授筆法敢問工書之妙如
何得齊於古人張公曰妙在執筆令其圓轉勿使拘攣
其次諸法須口傳手授之訣勿使無度所謂筆法也其
次在於布置不慢不越巧使合宜其次紙筆精佳其次

諸變適懷縱捨規矩五者簡矣然後齊於古人矣敢問
執筆之理可得聞乎長史曰予傳授筆法之老舅彥遠
曰吾聞昔日說書若學有工而跡不至後聞於褚河南
曰用筆當須如印泥畫沙思所以不悟後於江島遇見
沙地平淨令人意悅欲書乃偶以利鋒畫其勁儉之狀
明利媚好乃悟用筆如錐畫沙使其藏鋒畫乃沈著其
用鋒常欲使其透過紙背此成巧之極矣真草用筆悉
如畫沙則其道至矣是乃其迹可久自然齊古人矣但
思此理以專想工用故其點畫不得妄動于其書紳予
遂銘謝再拜逡巡而退自此得攻書之術於茲五年真

顏魯公文集

卷五

記

九

草自知可成矣

案宋史藝文志有顏真卿筆法一卷卽此記也

汎愛寺重修記

予不信佛法而好居佛寺喜與學佛者語人視之若酷
信佛法者然而實不然也予未仕時讀書講學恒在福
山邑之寺有類福山者無有無予蹟也始僦居則凡海
印萬福天寧諸寺無有無予蹟者既仕於崑時投徒於
東寺待客於西寺每至姑蘇恒止竹堂目予實信其法
故爲張侈其事以惑沙氓則非知予者矣

案崑卽今蘇州府崑山縣在唐爲蘇州吳郡屬縣記

云既仕於崑又云每至姑蘇恒止竹堂公宦蹟未
嘗仕於崑山惟十有三歲時侍母般隨外祖子敏任
會至吳郡其時年幼不應栖止竹堂倫寺其後大歷
六年三月罷撫州刺史事八月移寓江寧會饒道吳
郡亦不得云每至姑蘇此記疑非魯公所作全唐文
不知據何本採入存之而附辨如此

東方先生畫贊碑陰記

天寶十三
載十二月

東方先生畫贊者晉散騎常侍夏侯湛之所作也湛字

孝若父莊爲樂陵太守因來觀省遂作斯文贊云大夫

譚朔字曼倩平原厭次人魏建安中分厭次爲樂陵郡

顏魯公文集

卷五

記

十

又爲郡人焉厭次今移屬樂安郡東去祠廟六百里故
厭次城今在平原郡安德縣東北二十二里廟西南一
里先生形像今則捏素爲之並二細君侍焉郡嘗爲德
州其贊開元八年刺史韓公思復刻於石碑真卿去歲
拜此郡屬殿中侍御史平公冽監察御史閻公寬李公
史魚右金吾曹曹宋公審咸以河北採訪使東平王判
官巡按押至真卿侯於境上而先生祠廟不遠道周亟
與數公泉家兄淄川司馬曜卿長史前洛陽令蕭晉用
前醴泉尉李伯魚徵君左驍衛兵曹張璘遊尉韋宅
相朝城主簿韋夏有司經正字王耀族弟暉前參軍鄭

悟初同茲請拜退而遊於中唐則韓之刻石存焉愈歎其文字纖靡駁薛生金四十年間已不可識真卿於是勒諸他山之石蓋取其字大可不復課其工拙故援翰而不辭焉至若先生事跡則載在太史公書漢書風俗通武帝內傳十洲記列仙神仙高士傳此不復紀焉有唐天寶十三載季冬辛卯朔建

案杜少陵集有寄韋有夏郎中五言六韻詩碑內朝城主簿卽其人也

鮮于氏離堆記

實應元年四月

聞州之東百餘里有縣曰新政新政之南數千步有山

顏魯公文集卷五 記

二

曰離堆斗入嘉陵江直上數百尺形勝縮盡歛壁峻蕭上崢嶸而下迴湫不與眾山相連屬是之謂離堆東面有石堂焉卽故京兆尹鮮于君之所開鑿也堂有室廣輪袤丈蕭豁洞敞虛闊江聲徹見羣象人村川坻若指諸掌堂北磐石之上有九曲流杯池焉懸源螭首蹙噴鶴味醜渠股引迴坐環漚若有良朋以傾醇酎堂南有茅齋焉遊於斯息於斯聚賓友於斯虛而來者實而歸其齋壁間有詩焉皆君舅著作郎嚴從君甥殿中侍御史嚴銑之等美君考槃之所作也其右有小石廬焉亦可蔭而跋據矣其松竹桂梅冬青雜樹皆徙他山而栽

詩焉其上方有男宮觀焉署之曰景福君弟京兆尹叔明至德二年十月嘗任尙書司勳員外郎之所奉置也君諱向字仲通以字行漁陽人卓爾堅枝毅然抗直易有之曰篤實輝光書不云乎沈潛剛克君自高曾以降世以財雄招徠賢豪施舍不倦至君繼緒其流益光弱冠以任俠自喜尙未知名乃慷慨發憤於焉卜築養蒙學文忘寢與食不四三載展也大成著作奇之勛以賓薦無何以進士高第躡登臺省天寶九載以益州大都督府長史兼御史中丞持節充劍南節度副大使知節度使事劍南山南西道採訪處置使入爲司農少卿遂

顏魯公文集卷五 記

三

作京兆尹以忤楊國忠貶邵陽郡司馬十有二載秋八月除漢陽郡太守冬十有年日終於所任官舍悲夫雄圖未伸志業已空葬於縣北表耐先塋禮也君之薨也冢子光祿寺丞昱匍匐迎喪星言泣血自沔沔湍險萬重肩槁足跣扳笻引舳凡經幾年輟塚在目因心則至豈無僮僕泉昱之季曰尙書都官員外郎晁克篤前烈永言孝思懇關二志反葬於茲行道之人孰不跂而眞卿猶子曰絃從父兄故偃師丞春卿之子也嘗尉閬中君故舊不遺與之有忘年之契叔明昱晁亦篤世親之歡眞卿因之又忝憲司之寮亟與濟南蹇昂奉以周

旋益著邇家之好兄允南以司膳司封二郎中弟允城以三院御史皆與叔明首末聯事我是用飽君之故乾元改號上元之歲秋八月哉生魄假自刑部侍郎以言事忤旨聖恩全宥貶貳於蓬州沿嘉陵而路出新政適會昱以成都兵曹取急歸覲遭我乎貴州之朝畱游締歡信宿陘峴感今懷昔遂援翰而志之叔明時刺商州吳又申掾京兆不同躋陟有恨如何帝唐龍集後壬寅仲夏己卯朔十五日甲午刻於門序之左右

撫州寶應寺翻經臺記 大歷四年四月

撫州城東南四里有翻經臺宋康樂侯謝公元嘉年初

顏魯公文集 卷五 記 三

於此翻譯涅槃經因以為號公諱靈運陳郡陽夏人也祖元晉車騎將軍父瑛祕書郎公幼穎悟好學博覽羣書文章之美江左莫逮以襲祖爵世人宗之盛稱謝康樂初為劉毅衛軍從事中郎太子左率出為永嘉太守郡有名山水公素愛好肆意遊遊稱疾去職於始寧縣修營故墅傍山帶江盡幽居之美因著山居賦並自註之與隱士王宏之等遊放為娛有終焉之志每一詩至都邑莫不競寫宿昔之間士庶皆徧徵為祕書監再召不赴太祖使范泰與書敦獎之乃出就職尋遷侍中日夕引見賞遇甚厚多疾不朝賜假東歸免官與從弟惠

遠東海何長瑜潁川荀道雍泰山羊璿之以文章賞會時人謂之四友尋山登賞常著木屐上則去其前齒下則去其後齒會稽太守孟顛事佛精懇公謂之曰得道應須慧業丈人生天應在靈運前成佛必在靈運後顛深恨此言後遂表公有異志公馳出自陳太祖知見誣除臨川內史公以曇無讖所翻大涅槃經語少朴質不甚流靡品數疎簡初學者難以措懷乃與沙門范惠嚴顛惠觀依舊泥洹經共為潤色勒成三十六卷義理昭暢質文相宣歷代寶之盛行於天下其餘感神徵應具如高僧傳所說逸乎階局不改棟宇具無真卿叨刺是

顏魯公文集 卷五 記 丙

邦茲用愾息有高行頭陀僧智清緒發洪誓精心住持請以佛跡寺僧什喻仙臺觀道士譚仙巖同力增修指期恢復自見法堂之遺構克崇先達之高蹤不泯百里而遙四山不逼三休而上十地方超經行之業既崇斗藪之功斯懋大歷已酉歲四月丙午都人士庶相與大會設嚴供而落焉以真卿業於斯文見咨紀述後之君子其忘增修乎銘曰
摩訶般若解脫法身是則涅槃眾經中尊曇無瞿允嚴觀是因實賴同德宏茲法輪謝公發揮精義入神理絕史野文兼郁彬一垂刊削百代咸遵遺跡忽睹高臺嶸

神華悲復謫曷踐音塵真卿愀然開故執新檀那衣鉢
悉力經綸不日復之周邦仰仁緬懷教募予亦何人徒
願神交魏非德鄰刻銘金石永承不泯

撫州寶應寺律藏院戒壇記 大曆六年三月

如來以身口意三業難調伏也淨尸羅以息其內行在
坐臥四威儀攝善心也明布薩以昭其外故曰波羅提
木叉是汝之師則憍陳如之善來迦葉波之何法諸聲
聞三歸約眾十四年以入敬度尼羯磨相承其致一也
至漢靈帝建寧元年有北天竺五桑門支法領等始於
長安譯出四分戒本兼羯磨與大僧受戒至曹魏有天

顏魯公文集 卷五 記 五

竺十尼自遠而來為尼受其後秦姚萇宏始十一年有
梵僧佛陀耶舍譯出四分律本而關內先行僧祇江南
盛行十誦至元魏法聰律師始闡四分之宗聰傳道覆
覆傳惠光光傳雲暉願願傳理隱樂洪雲雲傳遵遵傳
智首首傳道宣宣傳洪洪傳法勵勵傳滿意意傳法成
成傳大亮道賓亮傳雲一賓傳岸超慧澄澄傳慧欽皆
口相授受臻於靈奧欽俗姓徐洪州建昌人蓋漢孺子
之後也二十二尋師於臨川楮山後五歲削髮隸於高
安龍岡寺遂受戒有唐義淨則譯經上足曰洪州靈傑
其秉宣羯磨者曰爾京清滌使法慧欽智度冲深神用

高爽行無懼實身絕開遮闡律藏而日月光明騁辯才
而龍象跡踏江嶺之外凜然風生開元末北遊京師充
東京福先大德常誦大涅槃經而講之兼明俱舍論維
摩金剛經每登講座其下日有二三千人由是名動輦
轂屬祿山作亂杖錫南歸居於西山洪井雙嶺之間慕
高僧觀顯之遺蹤於寺北剏置蘭若山泉之美頗極幽
絕欽雖堅持律儀而志在宏濟好讀周易左傳下筆成
章著律儀輔演十卷嘗撰本州龍興寺戒壇碑頗見稱
於作者大曆三年真卿忝刺撫州東南四里有宋侍中
臨川內史謝靈運翻大涅槃經古臺階局儼然軒構摧

顏魯公文集 卷五 記 六

地有高行頭陀僧智清者首事修葺安居住持明年秋
七月真卿積秩將滿有觀察使尙書御史大夫趙國魏
公願以我皇帝降誕之辰奏為寶應寺仍請山林高行
僧三七人冬十月二十三日聖恩允許於是鼎新輪奐
其典也勃焉乃請止觀大師法源法泉襄陽乘覺清源
善宏羅浮圓覺佛跡十喻餘杭慧達泉當州海通海岸
等同住董修以資景福僉以為學徒雖增毗尼未立明
年三月乃請欽登壇而董振鐸焉仍俾龍岡道幹天台
法裔招提智融白馬法允衡岳正覺同德義盈香城藏
慧龍興藏志開元明徹等同秉法事於是遠近駁奔道

場側塞聖象放光而龍王不雨者四旬僧尼等三百五十七人而文士正議大夫前衛尉少卿張延舉脫俗歸真其名曰瓊綱為稱首焉又欽比年以來為受具者凡一萬餘人江嶺湖海之間幅員千餘里法於變此皆欽教道之力焉臨川在嶺隅未嘗宏律於是二眾三百餘人請法齋敷演而依止之矣復有上都資聖寺高德曰還本律主偉茲能辨深嗟歎而贊美之請於寺東南置普通無礙禪院內立鎮海觀音道場請善宏居之以開悟心要雲一上足日智融精持本事如會尊眾乃命智光等於普通道場東置律藏院紉立戒壇以付欽

顏魯公文集

卷五

記

七

公之來儀且施肇紀之不朽經營未幾壇殿鬱興庶乎渡海浮囊分毫絕羅刹之請嚴身嬰洛照耀有摩尼之光則入佛位而披伽梨者名香普薰神足無極其可勝紀而蕪絕乎有唐大歷辛亥歲春三月行撫州刺史魯郡開國公顏真卿書而誌之

撫州南城縣麻姑山仙壇記 大曆六年四月

麻姑者葛稚川神仙傳云王遠字方平欲東之括蒼山過吳蔡經家教其尸解於蛇蟬也經去十餘年忽還語家人言七月七日王君當來過到期日方平乘羽車駕五龍合異色旌旗導從威儀赫奕如大將也既至坐須

與引見經父兄因遣人與麻姑相問亦莫知麻姑是何神也言至方平敬報久不行民間今來在此想麻姑能覺來有頃信還但聞共語不見所使人曰麻姑再拜不見忽已五百餘年尊卑有序修敬無階思念夙頓信承在彼登山顛倒而先被記當按行蓬萊今便覽往如是便還還即親觀願不即去如此兩時間麻姑來來時不先聞人馬聲既至從官當半於方平也麻姑至蔡經亦舉家見之是好女子年十八九許頂中作髻餘髮垂之至要其衣有文章而非錦綺光彩耀日不可名字皆世所無有也得見方平方平為起立坐定各進行廚金盤

顏魯公文集

卷五

記

六

玉杯無限美膳多是諸華而香氣達於內外辨麟脯行之麻姑自言接待以來見東海三為桑田向問蓬萊水乃淺於往者會時略半也豈將復還為陸陵乎方平笑曰聖人皆言海中行復揚塵也麻姑欲見蔡經母及婦經弟婦新產數十日麻姑望見之已知曰噫且止勿前即求少許米便以擲之墮地即成丹沙方平笑曰姑故年少吾了不喜復作此曹狡猶變化也麻姑手似鳥爪蔡經心中念言青蚌時得此爪以把背乃佳也方平即知經心中念言即使人牽經鞭之曰麻姑者神人汝何忽謂我爪可以把背邪見鞭著經背亦不見有人持鞭

者方平告經曰吾鞭不可妄得也大曆三年真卿刺撫
州按圖經南城縣有麻姑山頂有古壇相傳云麻姑於
此得道壇東南有池中有紅蓮近忽變碧今又白矣池
北下壇傍有杉松皆偃蓋時聞步虛鐘磬之音東南
有瀑布流下三百餘丈東北有石崇觀高石中猶有螺
蚌殼或以爲桑田所變西北有麻源謝靈運詩題入華
子岡是麻源第三谷恐其處也源口有神祈雨輒應開
元中道士鄧紫陽於此習道蒙召入大同殿修功德二
十七年忽見虎駕龍車二人執節於庭中顧謂其友竹
務猷曰此迎我也可爲吾奏願欲歸葬本山仍請立廟

顏魯公文集

卷五

記

九

於壇側元宗從之天寶五載投龍於瀑布石池中有黃
龍見元宗感焉乃命增修仙宇真儀侍從雲鶴之類於
戲自麻姑發迹於茲嶺南真遺壇於龜源華姑表異於
井山今女道士黎瓊仙年八十而容色益少曾妙行夢
瓊仙而食花絕粒紫陽姪男曰德誠繼修香火弟子譚
仙巖法錄尊嚴而史元洞左通元鄒鬱華皆清虛服道
非夫地氣殊異江山炳靈則曷由纂錄流光若斯之盛
者矣真卿幸承餘烈敢刻金石而志之時則六年夏四
月也

有唐宋州官吏八關齋會報德記

大曆七年五月

夫德之所感滄骨髓而非深誠之所至去神明而何遠
有唐大曆壬子歲宋州八關齋會者此都人士泉文武
將吏朝散大夫使持節宋州諸軍事行宋州刺史兼侍
御史本州團練守捉使賜紫金魚袋徐向等奉爲河南
節度觀察使開府儀同三司太子太師左右僕射知省
事兼御史大夫汴州刺史上柱國信都郡王田公頌疾
良已之所建也公名神功冀州南宮人稟元和之粹靈
膺期運以傑出舍宏厚下正直率先起孝而德感生人
竭忠而精貫白日 and 眾必資於寬簡安人務在於撫柔
況乎武藝絕倫英謀沈秘所向而前無強敵日新而學

顏魯公文集

卷五

記

十

有緝熙故能殿天子之邦鬱蒼生之望有日矣羯戎構
逆公以平盧節將佐今右僕射李公忠臣收滄德攻相
州拒杏園守陳雷許叔冀降而陷焉思明懼忠臣圖已
令公佐南德信隨劉從諫收江淮至宋州欲襲李銑公
斬德信走從諫遂並其眾而報焉肅宗大悅拜公鴻臚
卿再襲敬釭於鄆州加中丞討劉展於濶州斬平之遷
徐州刺史明年拜淄青節度使屬侯希逸自平盧至公
以州讓之時宋州刺史李岑爲賊所圍副元帥李光弼
請公討平之拜御史大夫加開府充兗鄆州節度破法
子營又討敬釭歸順焉史朝義聞之奔下博投范陽

首經死廣德元年授戶部尚書封信都郡王上幸陝公
首來扈從都督六軍兵馬每食宿公皆躬自省視上感
焉方委以政事公涕泣固辭而止二年拜汴末節度遷
兵部大憲二年加右僕射封母清河張氏爲趙國夫人
妻信安郡王禕女爲涼國夫人太夫人慈和勤儉睦於
親黨公性純孝居常不離左右閱讀書史或時疾病公
輒累月不茹葷家中禮懺不絕仍造崇夏宏聖二寺以
祈福祐五年兼判左僕射知省事加太子太師公德厚
量深勞謙重慎功既高而心益下位彌大而體益恭故
遠無不懷邇無不肅今夏四月忽嬰熱疾沈頓累旬積

顏魯公文集

卷五

記

三

善降祥勿藥迺喜鷹犬之翫悉皆棄捨羣帥感焉無復
弋獵四履之內咸懷歡欣睢陽之人踴躍尤甚乃咨於
州將曰昔我公之陷賊也至敝邑而首誅德信李岑之
見聞也破其黨而克保城池是卽我公再有大造於敝
邑矣微我公之救恤卽皆死於鋒鏑入於煎熬矣尙何
能保完家室嬉戲御井者乎不資齋明何以報德徐公
悅而從之來五月八日首以俸錢三十萬設八關大會
飯千僧於開元伽藍將佐爭承唯恐居後已而州縣官
吏長史苗藏實等設一千五百人爲一會鎮遏團練官
副使孫琳等設五百人爲一會耆壽百姓張列等設

五千人爲一會法筵等供仄塞於郊樹以香花噴真
於晝夜其餘鄉村聚落來往舟車聞風而靡督自勤登
而休先胥懋者又不可勝數矣非夫美政淳深德風汪
濊則何以感人若此其至者乎某叨接好仁飽承餘烈
視茲盛美益覩求蒙若不垂諸將來則記事者奚述

吳興沈氏述祖德記

大憲八年
十二月

南齊徵士吳興沈君名驥士郡人也蘊道德晦於邑之
餘不溪家貧無資以織簾爲業故時人號爲織簾先生
精於禮傳嘗自詰訓宗人吏部郎中淵中書郎約累薦
徵爲著作郎高臥不起名重江表臨終遺教依皇甫元

顏魯公文集

卷五

記

三

晏指中貯孝經一卷穿墻三尺置棺平土不設机位四
時地席元酒而奠子羹奉而行之吳郡陸惠曉張融皆
爲之誄徵士嘗製述祖德碑立於金鵝山之先塋年月
淹遠風雨蠹蝕朽字殘文翳而莫分乾元中爲盜火所
焚碑首毀裂欽然將墮過江二十葉孫御史中丞震移
牒郡國請其封葺或屬兵凶曠而莫修忽有仆樹生於
龜腹盤根抱趾聳幹夾碑巖如工造鬱若神化敬者復
正危而再堅夫德無名遇賢而鍾慶神無質假物以申
應沈氏積德既遠徵士植德既深天將興舊族乎吾知
沈之復大也權檢校宗事十九葉孫前太廟齋郎怡拜

立石傳而志焉崇其本所以尊先也建其新所以嗣德也以其鄉江南婚姻之舊中外伯仲之穆謬不拜刺見託斯文刊諸碑陰以傳無朽因改其樹為慶樹以旌其美焉沈氏之故事具於家謀今闕而不紀時有唐大歷八年冬十二月

乞御書題額恩敕批答碑陰記 大曆九年七月

肅宗皇帝恩許既有斯答御劄垂下而真卿以疎拙蒙

譴焉若來八月既望貶授蓬州長史泉今上卽位寶應

元年夏五月拜利州刺史屬羌賊圍城不得入恩勅追

顏魯公文集 卷五 記

述上都爲今尚書前相國彭城公劉公晏所讓授尚書

戶部侍郎二年春三月改吏部廣德元年秋八月拜江

蘇尹兼御史大夫充荆南節度觀察處置等使未行愛

代轉尚書右丞明年春正月檢校刑部尚書兼御史大

夫充朔方行營汾晉等六州宣慰使以招諭太師中書

令僕固懷恩不行遂知省事承泰二年春二月貶峽州

別駕旬餘移貶吉州大曆三年夏五月蒙除撫州刺史

六年閏三月代到秋八月至上元爾來十有六年困於

凍恩累蒙哀憐其所置碑石迄今委諸巖麓之際未遑

崇樹七年秋九月歸自東京起家蒙除湖州刺史來年

春正月至任州東有蒼雷兩溪溪左有放生池焉卽我
賈應元聖文武皇帝所置也州西有白鶴山山多築石
於是採而助之命吏幹磨家備鑄刻之建於州之路駢
橋東蓋以抒臣下追遠之誠昭先帝生成之德額旣未
立追思莫達客或請先帝所賜敕書批答中諸字以緝
而勒之真卿從焉勸願斯畢瞻慕不足遂志諸碑陰庶
乎乾象昭回與宇宙而終始天文煥發將日月而齊暉
時則有唐大歷九年青龍甲寅之歲孟秋甲子之日也

湖州石柱記

烏程縣舊繁今望鄉四十里二百東去蘇州二百一

顏魯公文集 卷五 記

十里南去杭州一百八十九里西北去揚州六百

四十七里西去宣州三百一十七里北去東都二

千八百七十五里北去上都三千七百七十六里

帝顓頊冢 吳大帝陵 吳景帝陵 鈕皇后陵 吳

丹陽太守蕪湖侯太史慈墓 吳大將軍朱治墓

吳鴻寇將軍程普墓 晉侍中羅含墓 晉黃門侍

郎潘尼墓 齊宣城太守邱靈鞠墓 梁中書侍郎

邱遲墓 梁司空康絢續墓 陳五兵尚書康宗墓

長城縣

大雷山 芳巖 震澤 若溪 吳王夫槩廟 陳景

帝陵 陳錢皇后陵 陳昭烈王陵 謝安墓 殷

仲文墓 陳武帝故宅 陳文帝故宅 吳均故宅

陳氏五主屏風 陳高祖竹帳 國朝高僧南山

律主道宣

安吉縣

天目山 崑山 橫溪 梅溪 蛟龍池 翔鳳林

裴子野故宅 周宏讓故宅 姚萇雉尾扇 施世

璵金鐘

山川

卞山 法華寺 金井 玉澗 乳竇 石膏 溫泉

顏魯公文集卷五

項王走馬埒 項王飲馬池 項王繫馬石

衡山 帝顓頊冢 春秋鳩茲城

峴山 顯亭 故別駕李適之石酒罇 五花亭

杼山 妙喜寺 黃浦橋 避它城 何楷釣臺

昇山 吳均入東記 晉吳興太守王羲之鳥亭

金蓋山 何氏書堂 張邵邱道祚禪幽寺

太湖 周迴四萬八千頃

晉溪

白蘋洲

湖洲石柱在宋初字已漫漶歐陽永叔謂其筆畫奇

偉非顏魯公不能書於是宋次道集魯公詩文刊於

金石者編成一十五卷則石柱記存焉孫莘老知湖

州聚境而碑碣築壘妙亭貯之凡三十二通記其一

也所記山川陵墓廟宅旁及屏風竹帳雉尾扇顧唐

設五縣而記遺其二或當日有之次道編集時殘闕

未可知爾

朱參政石
杜記序

案石柱記本在湖州之杼山魯公修韻海時所刻又

名吳興地記唐置五縣記遺其二當係兩柱分刻僅

傳其一康熙辛巳秀水朱檢討爰尊為補記二縣歸

安鄭君元慶為箋釋原記四卷補記一卷今以補自

顏魯公文集卷五

記

美

附錄於左

德清縣 市亭山 金鵝山 吳羌山 餘不溪

北流水 苧溪 餘不亭侯廟 梁吏部尚書沈約

墓 孝鸞冢

武康縣 防風山 武康山 七里嶠 前溪 阮

公溪 郭先生祠堂 沈道虔石山精舍 吳太常

卿姚信墓 晉吏部尚書沈嘉墓 晉揚威將軍東

陽太守沈勁墓 宋吏部尚書沈演之墓

頃借書醜觚得宋藥石柱記載山川陵墓亡者三之

一其存而不可信者亦三之一竹垞先生惜其殘闕

為補記二縣余乃一一箋釋證其所可信復辨其所

不可信如元慶錢世百佳記自序

通議大夫守太子賓客東都副留守雲騎尉贈尚

書左僕射博陵崔孝公宅陋室銘記大曆十一年四月

公諱沔字若冲博陵安平人其先出於齊太公之後自

亭伯三世文宗祕書監六闕一派別叔執季則俱死王

事神謙神通並高循續子彭宏度以武幹稱景備巨倫

以文行著繼方面者累代列史傳者十人奕葉相承恒

為鼎族會祖宏峻隋銀青光祿大夫趙王長史祖儼皇

朝益州雜縣令父暉年未四十為庫部員外郎因擇能

顏魯公文集卷五

記

吏為壽安令又充江西道廉察使徙醴泉遂歷四邑盤

桓不進以剛正也累至朝散大夫汝州長史封安平縣

男贈衛尉少卿公即安平之次子也全德天至成人玉

立蓋聖代之寶臣華宗之孝子文章之哲匠禮樂之祖

師既不可以一名又何能以悉數年二十四舉鄉貢進

士考功郎李迴秀器異之曰王佐才也遂擢高第其年

舉賢良方正對策萬數公獨居第一而兄渾亦在甲科

典試官梁載言陳子昂歎曰雖公孫越却不及也召見

前殿拜麟臺校書郎繇是名蓋天下御史張思敬以德

行薦久之以資授陸渾主簿平陽王敬暉宏度外之交

略上官之禮丁府君憂服除太夫人勉起之以所試超

道擢拜左補闕遷殿中侍御史奉勅按籓金者公得其

情許之不死竟得減論諸王或恃貴不遵法度舉而按

之其不吐茹也如此尋遷起居舍人當扈從以親老抗

疏乞退薦瑯琊王邱太原郭濟渤海封希顏等自代睿

宗嘉之特許畱司以遂其孝養遷祠部員外郎倅僧有

請度人者公拒不奉詔遷給事中大理卿韓思復用法

小差權臣致劾公特寬之遷中書省舍人省改紫微其

官仍舊又固辭以親老除虞部郎中開元初攝御史中

丞或訟吏曹之不平公與崔泰之銜命詳理多所收拔

顏魯公文集卷五

記

俄而即真兼都畿按察使歲或不稔公請發粟賑貸之

賴全活者以萬數內謁者霍元忠有罪公執之以聞元

宗使以璽書勞之公之澄清中外也以畿縣令長陸景

融劉體微盧暉有異政丞尉宋逸皇甫翼陳希烈宋鼎

蕭隱之范冬芬楊慎餘劉日正高昌寓州掾李瑱裴曠

等並以清白吏疏而薦之二十二年置十道採訪使公

所舉六人在焉執事子有不法者公舉之不同移著作

郎尋遷祕書少監修圖書使尋判大理卿禮部侍郎公

既職司典禮乃刪寫疏論數百卷以備闕遺特加朝散

大夫遷左庶子丁太夫人憂徵拜中書侍郎出為魏州

刺史乃舉移元城徙置新市吏人便之乙丑歲元宗東封知頤使奏課第一賜絹二百匹操下觀禮獻慶雲頌又賜絹一百匹明年入朝分掌十銓公與王邱為選人所歌曰汚人澄明澈底清邱山介直連天峻時人避之還州以理有異績御史大夫崔隱甫中丞宇文融胡服表薦靈書寵慰無何徵拜左散騎常侍上以六官親蠶絲賜近臣公獻御絲賦又侍讌別殿賦端午詩屢蒙錫以縑帛絲羅兼判國子祭酒俄充東都副留守十七年有事陵廟追贈安平公及太君曰安平夫人駕還罷留守二十年春奉勅撰龍門公宴詩序賜絹百匹延入集

顏魯公文集卷王 記

三

賢院修老子道德經疏行於天下二十一年遷秘書監修撰如故屬耕藉田為居守賜絹百匹遷太子賓客出兼懷州刺史二十四年罷州又以本官充東都副留守累加通議大夫二十七年冬十一月十有七日寢疾薨於位春秋六十有七元宗震悼贈禮部尚書葬日量借手力慢曠故吏前監察御史博陵崔頌為公行狀云公德充符契精貫人極孝愛聞於天下制作垂於無窮執太夫人之喪徒跣吐血以身為糞土况乎含宏內恕夷坦外名德至矣乎今之達者若以富貴崇德行藏養高則老萊闕於榮親黔婁福於謀道又加於古人矣故養

則致其樂喪則過乎哀以見姊之戚亞其親甥姪之慈甚其子至於藥石備物溫清異宜手胼胝日之間身辱海濯之伍汲汲然矣每至宗廟心齋嚴恭祀事明發不察翌日餘悲故聲氣感人者深儀形化人者遠躬踐五德悲讓於恭儉溫良行張四維加信於仁義禮智而老驥伏櫪以飽聰不忘白鳩巢檐以家瑞終壽則非殊倫絕羣擬議于萬一矣太常博士裴總議曰公醇一誕靈文明含粹蹈元和以為天性籍問氣以為人師前後歷官或拜而不至或至而不留瘠形替目誓尊孝養可不謂孝乎遂諡曰孝公凡所著文集二十九卷並嗣子祐

顏魯公文集卷五 記

三

甫論次先志一卷為三十卷吏部員外郎趙郡李華為集序云公之侍親也孝達于神祇居憂也哀貫乎天地喪明有數而茹荼終身親交鄰里飢者待公而煖寒者待公而表蒸嘗之奠待公而具故祿廩雖厚而未常足也傳祖禰之美合於禮經見公文章知公行事則人倫之序理亂之源備矣祐甫純行而文直清而和希公門者謂公存焉亡賢數載如此初太夫人患目公傾家求醫或曰療之必愈恐請不得延太夫人及公悲恨而罷自是竭力奉養不脫冠帶者僅三十年每至良辰美景勝引佳遊必扶持左右笑言陳說親朋往來莫知太夫

人之有苦也公年官雖高至於食菓蔬菜與子姪躬自
植藝澆灌以申馨潔泉終喪雖見孩稚者必設位束帶
盡哀以禮之公與江夏李邕友善為校書郎時引邕館
於祕閣之下讀書者累年邕由是才名益盛邕與尙書
席建侯嘗過公怪乘馬羸羸曰何不於廳前自觀餼飼
忽然致殞何以更之公唯而不易他日二公又以爲言
公良久則曰每欲發言恐涉有疑於所養者所以沈吟
自愧二公退而謂人曰每想崔公此言使人慚慙如醉
延和太極之間公既畱司東都遂驚所乘馬就故人監
察御史張洸子深河南府崇政坊買宅以製居建宗廟
顏魯公文集卷五 記 三

校書郎早卒祐甫能荷先業以進士高第累登臺省至
吏部郎中充永平軍節度使尙書李公勉行軍司馬兼
侍御史中丞永懷先德明發不寐恐茂烈湮淪一本湮
酌匪後裔乃刻陋室銘於井北遺址之前以抒所志某
夙仰名教實欽孝公之盛德晚聯臺閣竊慕中丞之象
賢又能好我不遺見託論撰採風猷而莫窮萬一涉泉
海而豈究津涯操筆強名退增戰慙時則大曆十一年
青龍景辰孟夏之月也
梁吳興太守柳惲西亭記大曆十二年四月
湖州烏程縣南水亭即梁吳興太守柳惲之西亭也續
顏魯公文集卷五 記 三

於西南維先太夫人安平郡夫人堂在宅之中儉而不
陋淨而不華六十餘年椽棟如故堂東嫂盧夫人所居
室之東北鄭氏李氏姊歸寧所居堂之北五步之外建
瓦堂三間以居之雜用舊椽不崇壇無楹壘累厯清要
所得祿秩但奉烝嘗資嫂姊給孤幼營甥姪婚姻而已
朝服衣馬一皆取其下者唯祭器祭服稱禮焉其室竟
不修泉夫人太原郡太夫人王氏捐牀帳之後公徙居
他室或在賓館而無常所為常侍時著陋室銘以自廣
天寶末子孫灑掃貯書籍劍履而已逆胡再陷洛陽屋
遠崩圯唯楹下廢井存焉長子成甫個儻有才名進士

久矣邑宰李清請而修之以擅眾君子之意後不煩費財有羨餘人莫之知而斯美具也清皇太子名公之允忠肅明懿以將其身清簡仁惠以成其政絃歌二歲而流庸復者六百餘室廢田墾者三百頃浮客臻湊迫乎二千種桑畜養盈於數萬官路有刻石之堦吏廚有餐錢之資收本經久率皆如是畧舉數者其餘可知矣豈必夜魚春躍而後見稱哉於歲以清之地高且才而勵精於政事何患雲霄之不致乎清之筮仕也兩參雋父之列再移仙尉之任毗贊於蜀邑子男於吳興多為廉使盛府之所辟薦則知學詩之訓間緝之心施之於政

顏魯公文集

卷五

記

五

不得不然也縣稱緊舊矣今詔升為望清當受代而邑人已軫去思之悲白府願畱者屢矣真卿重違耆老之請啟於十連優詔以旌清之美也某不佞忝當分憂共理之寄人安俗阜固有所歸雖無管臣擊肘之患豈盡言子用刀之術由此論之則水亭之功乃餘力也夫知邑莫若州知宰莫若守知而不言無乃過乎今此記述以備其事懼不宜美豈徒愧詞而已哉大厯一紀之首夏也

案州碑西亭故址在湖州府治西烏程縣泊南六十步唐顏真卿作記共同游河東耿漳有詩至宋天聖

開縣令方仲弓改建浮玉亭

唐故太尉廣平文貞公宋公神道碑側記 大厯十三年三月

初公任監察御史持服於沙河縣屬突厥寇趙定州河兕懼邢州刺史黃文軌投艱於公公以父母之邦金革無避及賊至城下公為曉陳禍福其徒有素聞公威名者乃相率而去之開元末安西都護趙含章冒於貨賄多以金帛賂遺朝廷之士九品以上悉皆有名其後節度范陽事方發覺有司具以上聞元宗切責名品將加黜削公一無所受乃進諫焉元宗納之遂御花萼樓一

顏魯公文集

卷五

記

五

切釋放舉朝皆謝公衣冠儼然獨立不拜翌日入奏元宗謂公曰古人以清白遺子孫乃卿一人而已公曰含章之賄偶不至臣門非不受也元宗深嘉歎之前碑闕焉故略述於此公第三子渾之為中丞也方欲陳乞御製碑頌未果而中受譴責旋羯胡作亂事竟不成真卿時系監察殿中為中丞屬吏故公孫儼泣請真卿論譔之昭義軍節度觀察使尚書左僕射兼御史大夫平陽郡王薛公曰嵩以文武忠義之姿為國保障上慕公之德業歎尚無窮次嘉儼之懇誠崇豎莫致適命屯田郎中權為州刺史封溪曠他山之石曳以百年傳刻字之

工成乎半歲磨礱既畢建立斯堂遠近咸請古今榮觀
雖大賢為德樹善傳限於存亡而小子何知附驥托跡
於階序真卿刺湖州之日因成文請儼刻其側而志之
未及唯鐫而第六子衡因謫居沙州參佐戎幕河隴失
守介於吐蕃以功累拜工部郎中兼御史河西節度行
軍司馬與節度周鼎保守燉煌僅十餘歲遂有中丞常
侍之拜恩命未達而吐蕃圍城兵盡矢窮為賊所陷吐
蕃素聞太尉名德曰唐天子我之舅也衡之父舅賢相
也落魄如此豈可留乎遂贈以駝馬送還於朝大厯十
二年十一月以二百騎盡室護歸士君子偉之乃古來

顏魯公文集卷五 記

所無也上欲特加超獎且命待制於側門十三年春三
月吏部尚書顏真卿記

家廟碑後記 建中元年十月

建中元年歲次庚申秋七月癸亥朔鐫畢八月己未真
卿蒙恩遷太子少師冬十月壬子男頽封沂水縣男頽
新泰縣男姪男頂承縣男頽費縣男頽鄒縣男微軀官
階勳爵並至二品子姪八人受封無功無能叨竊至此
子孫敬之哉

家廟神額陰記

高祖記室君國初居此宅號州君舍人君侍焉堂今置

前地高祖妣殷夫人居十字街西北壁第一宅祕書監
君禮部侍郎君侍焉號州君居後堂華州君於堂中生
焉今充神厨少保君堂今充齋堂廳屋充亞獻終獻齋
室

韋公肅為太常博士太常卿鄭餘慶廟有二妣疑
於祔祭請諸有司公肅議故大師顏真卿祖室有殷
柳兩氏二夫人並祔故事則然諸儒不能異新唐書
唐范傳正謂惟顏魯公張司業家祭不用紙錢因學
案以上二條皆言魯公家祭事附錄齋堂記後殷柳
二夫人公會祖號州君勤禮之配也

顏魯公文集卷五 記

謝公碑陰記

太保謝公東晉咸和中以吳興山水清遠求典此郡郡
西至長城縣通水陸今尚稱謝公塘及遷去郡人用懷
思刻石記功焉歷代至皇唐天寶末羣盜起公之碑誌
失於所在眷求蕪沒深為愴然借舊史遺文敬刊息石
公之雅量宏度蓋嗟歎之不足
述

項王碑陰述

西楚霸王當秦之末與叔梁避讐於吳蓋今之湖州也
雖滅素而宰制天下魂魄猶思樂茲邦至今廟食不絕

其神靈事迹具見竟陵子陸羽所載圖經大曆七年真
卿蒙利是州十二載姦臣伏法恩命追真卿上郡剋期
首路竟陵是於子以故碑顛趾嘗因仍草莽已而復之
真卿乃命再加崇樹以紀之時則仲夏方生明之日
宗西楚霸王遺蹟在湖州者卞山有項王走馬埒飲
馬池繫馬石山有廟謂之卞王廟梁簡文帝有卞山
楚王廟碑記江總有卞山楚廟詩又郡城有廟向在
臨湖門子城內每郡守至必設幕於廳祀以軛下牛
齊李安民奉佛法不予神牛梁天監末蕭琛遷其廟
於州治北楚帝橋下唐狄仁傑奏毀天下淫祀夢項

顏魯公文集

卷五

述

三

王語之曰吾嘗以陰兵助國家征遼廟得不毀

寧鄉黃本驥仲良編訂

湘陰蔣 懷維揚泰校

贊

左納言史務滋像贊

嗚呼人方羅織我獨平反周來之徒殺人以媚人而卒亦不免孔子曰無求生以害仁有殺生以成仁而何嘗親密乎行感闕俊臣慘刻吏桷鑿不相入當年公已矣民到於今稱遺直

案史務滋武后相新書附豆盧欽望傳

顏魯公文集卷六

李侍御寫真贊并序

前殿中侍御史正議大夫行洛陽縣令隴西李構年二十七

洛陽精堅強項稱賢粉纈圖出風規宛然睥睨容昭寫卓立神全舉板迎揖吾將答焉

案唐書宰相世系表有兩李構一武后相元素之孫趙郡李氏也此則姑藏房元德之孫隴西李氏也

頌

承字八法頌

側躡鳩而陸石勒綬縱以藏機弩灣環而勢曲趨峻快

以如錐策依稀而似勒掠仿髣以宜肥瘠騰凌而速進磔抑越以遲移

辨

蒲塘辨

土俗所呼博淺水浦與敷音轉爾南有博陽山土人呼為濮陽山濮博聲訛水北有歷下村疑古歷陵也

案今江西九江府德安縣在漢為歷陵縣屬豫章郡唐為江州潯陽縣地至五代吳順義七年始置德安縣歷代因之禹貢過九江至於敷淺原漢書地理志云豫章郡歷陵縣有傅易山師古曰傅讀曰傅易川

顏魯公文集卷六 辨 題名 二

在南古文以為敷淺源蔡傳云今江州德安縣博陽

山也新蔡名曰蒲亭魯公所辨之蒲塘即其地大中十二年鄭薰移魯公詩記云公轉廬陵郡道出宣州

溧水縣南經古左伯桃墓作詩自題於蒲塘客舍則誤以桃墓蒲塘皆在溧水攷桃墓在同州郃陽縣見辨

外集魯公經墓作詩是至德二載出為同州刺史時事其自書於蒲塘客舍是永泰二年二月移吉州司

馬道過潯陽時事傳刻於溧水又不知何時事也蓋作詩一地也今陝西郃陽縣自書其詩一地也今江西德安縣刻石

又一地也今江蘇溧水縣

題名

華嶽廟題名

皇唐乾元元年歲次戊戌冬十月戊申真卿自蒲州刺史蒙恩除僂州刺史十有二日辛亥次於華陰與監察御史王延昌大理評事攝監察御史穆寧評事張濬華陰令劉島主簿鄭鎮同謁金天王之神祠顏真卿題記

東林寺題名

唐永泰丙午歲真卿以罪佐吉州夏六月壬戌與殷亮韋桓尼賈鑑同次於東林寺時則同情熙怡二公惠秀正義三律師泉楊鵬在焉仰廬阜之鑪峯想遠公之遺

顏魯公文集卷六

碑銘一

三

烈升神運殿禮僧伽衣觀生法師塵尾扇謝靈運翻涅槃經貝多梵夾析慕之不足聊寫刻於張李二公耶舍禪師之碑側魯郡顏真卿書記

西林寺題名

唐永泰丙午歲真卿以疎拙貶佐吉州夏六月癸亥與殷亮韋桓尼賈鑑楊鵬憩於西林寺有法真律師深究清淨毗尼之學即律師志恩之上足余內弟正義之阿闍黎也緬懷遠見二公之遺烈導余躋重閣示以張僧繇畫盧舍那佛像泉梁武帝蹙線繡鉢袋因寓題歐陽公所撰永公碑陰魯郡顏真卿題

靖居寺題名

唐永泰二年真卿以罪佐吉州問青原靖居寺有幽絕之致御史韓公涉刺史梁公乘嘗見招欲回遊而不果大歷二年十月壬寅評事韋甫已使將歸乃與別駕李關二清河房澄同官主簿陸涓甫男七步真卿子姪蔡頓泚頤肝等同宿於下坊明日及僧明則智清而登禮焉因親行思天師經始雙泉之靈跡道契律師蔡成闕路之秘藏徘徊瞻仰乃援翰而勒於碑陰

碑銘一

周太師蜀國公尉遲公廟碑銘開元二十六年

顏魯公文集卷六

碑銘一

四

天臨有周誕赫元輔屏內藩外經文緯武隱若長城闕如虓虎功縣日月聲蓋寰宇甥舅之國君親是私一本誤作補統蜀制梁督隴莅茲天命假易奸臣不祇憑陵君德桑茂京師我圖匡救三方奮糾絲巾始繫黃龍失守精貫天地義伏羣醜節著誠全死而不朽皇唐御歷景命有融賜繹改葬懋烈昭忠鄰有賢守是為張公馨香明德乃建闕宮乃建闕宮闕宮有恤乃建豐碑豐碑有崩妖孽遂止幽明載色飛穀無虧享祀不忒

第一千一百二十九唐尉遲迴廟碑闕伯璵撰序顏真卿撰銘蔡有鄰八分書開元二十六年正月金石錄目

齊書志金石畧云顏真卿周太師對運公廟碑在相
州蓋誤以魯公撰銘爲撰序并書碑也碑今在安陽
縣南第十句若親是輔輔乃私字之誤私與下茲祇
師叶韻已見第二句不應重用

天下放生池碑銘乾元二年三月

皇唐七葉我乾元大聖光文武孝感皇帝陛下以至
聖之表屬艱虞之運無少康一旅之衆當祿山強暴之
初乾鞏勞謙勵精爲理推誠而萬方得悅克已而天下
歸仁恩信侔於四時英威達於八表功庸格天地孝感
通神明故得回紇奚習契丹大食眉鬢之屬扶服萬里

顏魯公文集卷六 碑銘一

五

決命而爭先朔方河東平盧河西隴右安西黔中嶺南
河南之師號禍五年推鋒而効死擢元惡如拉朽舉兩
京若拾遺慶緒遁逃已蒙赤族之戮思明跽伏行就沸
鼎之誅拯已墜之皇綱棟再安之宗社迎上皇於西蜀
甲子道於中京一日三朝大明天子之孝問安視膳不
改家人之禮蒸蒸然翼翼然真帝皇之上儀詰誓所不
及已歷選內禪生人以來振古及隋未有如我皇帝者
也而猶難魚萬類勃啖四生乃以乾元二年太歲己亥
春三月己丑端命左驍衛右郎將史元琮中使張庭士
奉明詔布德音始於梓州之興道泊山南劍南黔中荆

南嶺南江西浙江西諸道訖於昇州之江寧秦淮太平
橋臨江帶郭上下五里各置放生池凡八十一所蓋所
以宣皇明而廣慈愛也易不云乎信及豚魚書不云乎
暨鳥獸魚鼈咸若一本無古之聰明睿智神武而不殺
者非陛下而誰昔殷湯克仁猶存一面之網漢武垂惠
纔致銜珠之答雖流水救涸寶勝稱名蓋事止於當時

尚介社於終古豈若我今日動者植者水居陸居舉天
下以爲池罄域中而蒙福乘施羅尼加持之力竭煩惱
海生死之津揆之前古曾何髣髴微臣職忝方面生丁
盛美受恩寢深無以上報謹緣臯陶奚斯歌虞頌魯之

顏魯公文集卷六 碑銘一

五

義述天下放生池碑銘一章雖不足形容明聖萬分之
一亦臣之精懇也敢刻金石著其詞曰
明明皇帝臨下有赫至德光天乾元啟蹟緯武戡亂經
文御歷孝感神明義形金石仁覆華夏思加蠻貊道冠
巍巍威深號號遊茲多難克廣丕績慶緒旣誅思明辟
易人道助順天心惡逆撲滅之期匪朝伊夕乘此寶祚
永康宗祏業盛君親功崇列辟交禪之際粲然明白迴
映來今孤高柱策去效流惠好生立辟率土之濱臨江
是宅遂其生性庇爾鱗翻環海爲池周天布澤致茲忠
厚同弗怙憚動植依仁飛沈受獲流水長者徒稱往昔

實勝如來騰庸尤格德力無競慈悲孔碩相時傳聞尙
賴宏益矧在遭遇其志敷錫真卿勒銘故告凡百

有唐故中大夫使持節壽州諸軍事壽州刺史上

柱國贈太保郭公廟碑銘 并序 唐德二年

昔申伯翰周降神於維嶽仲父匡晉演慶於筮淮而猶
見美詩人屬芳史冊豈比夫神明積高之壤百二懸隔
之帶三峯發地而削成九派浮天而噴激炳靈毓粹奕
葉生賢括宇宙而稟和總河山而蘊秀英與京者其惟
郭宗乎其先蓋出周之號叔號或為郭因而氏焉代惟
太原著姓漢有光祿大夫廣德生孟儒為馮翊太守子

顏魯公文集

卷六

碑銘一

七

孫始自太原家焉後轉徙於華山之下故一族今為華
州鄭縣人夫其築臺見師瘞子致養家承金穴之貴政
有露冕之高或哲或謀或肅或父皆海有珠而鳥有巢
也闕閱之盛其流益光隋有金州司倉諱履球府君懋
其德輝不憎下位 石本僧作府 克已復禮州邦化焉篤生唐
涼州司法諱昶府君能世其業以伸其道遠近宗之不
隕厥問生美原縣主簿贈兵部尚書諱通府君清識澈
照博綜羣言始登王畿鬱有休稱 石本休作佳 道悠運促靡
及貴仕垂於後昆沒而見尊是生我諱敬之府君府君
幼而好仁長有全德身長八尺二寸行中絜矩聲如洪

鐘河日電照虬鬚蟠嶽進開雅望之若神以仲由之

政事兼翁歸之文武始自涪州錄事參軍轉瓜州司倉

雍北府右果毅加遊擊將軍申王府典軍金吾府折衝

兼左衛長上原州別駕遷扶州刺史未上除左威衛左

郎將兼監牧南使渭吉二州刺史侍中牛億客題君清

節奏授綏州遷壽州累加中大夫策勳上柱國以天寶

三載春正月十日遘疾終於京師常樂坊之私第春秋

七十有八乾元元年春二月以公之寶允開府儀同三

司司徒兼中書令上柱國汾陽郡王曰子儀有大勳於

王室乃下詔曰故中大夫壽州刺史郭敬之累君子之

顏魯公文集

卷六

碑銘一

八

行毓達人之德才光文武政美中和生此大賢為我良
朋頃以孽胡稱亂黔首罹殃朕於是鬱興神武之師克
掃梟槍之氣 一本氣作勞 而子儀帥彼勁卒赫然先驅取京
洛如拾遺孺凶殘猶振稿功存社稷澤潤生人是用寵
洽哀榮義申存歿可贈太保於戲君體合宏之素履秉
冲逸之高烈言必主於忠信行不違於直方清白為吏
者之師死生敦交友之分端一之操不以夷險棄其懷
堅明之志不以雪霜易其令用情不闕於疎遠泛愛莫
遺於賤貧奉養服膺終始靡二故所居則化所去見思
人到於今稱之無不相矣傳曰德盛必百代祀其有後

也宜哉恭惟令公先皇之佐命臣也少而美秀長而瓌偉姿性質直天然孝悌寬仁無比騎射絕倫所莅以清白見稱居常以經濟自命弱冠以邦鄉之賦驟膺將帥之舉四擢高第有聲前朝三為將軍再守大郡累與兵要必開條續天寶末安祿山反於范陽令公以節度使擢朔方之衆圍高秀巖於雲中破史思明於嘉山先帝之幸朔方赴行在於靈武擊同羅於河曲走崔乾祐於蒲坂今上之為元帥也首副旄鉞會回紇於扶風摧凶寇於浹水追餘孽於陝服長驅河洛弼成睿圖再造生靈克清天步又函夏之未安天下之未安一年之間

蘇魯公文集卷六 碑銘一

九

區宇大定不休哉一本不徒觀其元和降精間氣生德感星辰而作輔應期運以濟時忠於國而孝於家威可畏而儀可象盛德繁物覽仁厚下用人由已從善如流沈謀秘於鬼神精義貫於天地推赤誠而許國冒白刃以率先電擊於雲雷之初鷹揚於廟堂之上凡二歷鼎司兩升都座四作元帥九年中書歷事三聖而厥德維懋易相二十而受遇益深蓋尅復上都者再戡定東京者一其餘麾城擲邑得雋摧鋒亦非遽數之所周也信可謂王國虓虎生人廕床者歟非太保之遺種不孤則何以鐘美若是况乎友于著睦管龍虎者十人貽厥有

光緒青紫者八士一本九勳庸舉集今古英偉昔在號尊榮紅紫纔需於萬石博家全盛朱輪不出十人絲我觀之事不侔矣於戲清廟之興所以仁祖考鴻伐之刻亦以垂子孫爰制於舊居將承圖而觀德中堂有他丕構克崇感霜露而林惕以增敘昭穆而敬恭斯在庶乎觀盥禺若既無斃於永懷入室倏然必有覲乎其位哀榮既極情禮用申仁人之所及遠哉孝子之事親終矣豈唯溫溫孔、遠稱讒鼎之銘穆穆魯侯獨美龍旂之祝其詞曰

郭之皇祖肇九號一逮於後昆實守左輔從華陰兮

碑銘一

源長流光施於司舍汝州兵部克熾而昌載德深兮篤生太保允懋厥遺之聽之永錫難老式如金兮於穆令公汾陽啟封一經武緯訓徒涉空簡帝心兮合一不二格於天地仰君子邦之攸暨貺德音兮芝馥蘭芳羽儀公堂子子孫孫為龍為光綉璆琳兮乃立新廟肅雍允劭神保是聽孝思孔昭亶居歆兮乃立高碑盛美奚斂日月有既徽猷永垂映來今兮廣德二年歲次甲辰十一月甲午朔二十一日甲寅建晉紫虛元君領上真司命南嶽夫人魏夫人仙壇

碑銘 大歷三年

夫人諱華存字賢安在城人晉司徒劇陽文康公奇之
女也師於小有清虛真人王褒哀命申侯上仙范逸為
立傳其略云夫人擬瓊蘭之流映體自然之靈璞志逸
雲霞明潔鮮壽天才卓異元標幽拔少讀老莊三傳五
經百子無不該覽性樂神仙味真慕道少服胡麻散茨
茶九吐納氣液攝生夷靜親戚往來一無聞見常欲別
居開處父母不許年二十四強適太保掾南陽劉君幼
彥生二子璞遐幼彥後為修武令夫人心期幽靈精誠
苦盡逮子息粗立乃離隔室宇齋於別寢清修百日忽
有太極真人安度明東華大神方諸青童扶桑碧河湯

顏魯公文集卷六 碑銘一 七

谷神王景林真人小有仙清虛真人王褒來降哀謂夫
人曰聞子宿緯真氣大帝君教我授子神真之道青童
曰清虛爾之師也度明曰子苦心求道道今來矣景林
曰虛皇鑒爾勤感太極已注子於玉札子其勗哉青童
又曰子不受聞上道內法晨景玉經者仙道無緣得成
也後日當會陽洛山中爾勤密之矣王君乃命侍女本
王作 開王笈出太上寶文入素隱身大洞真經一本真
高仙羽元等書三十一卷手授夫人焉此皆王君昔遇
南極夫人西城真人王方平於陽洛山所受之本經也
山中有洞臺是清虛之別宮王君至是北向祝誓於夫

人曰太上三元九皇高真虛微八道上清玉晨哀為太
帝所敕於魏華存王君又說太極白簡青錄金刻玉文
有得見此三十一卷書者之姓名也凡此寶書起自清
虛真人受太師西城王君紫元夫人從是當七人得之
以白玉為筒青玉為字至夫人為四矣於是景林又授
夫人黃庭內景經令晝夜誦讀萬遍乃得洞觀鬼神此
乃不死之道也於是四真吟唱各命玉女彈琴擊鼓吹
簫合節而發歌歌畢王君乃解語夫人向所授書存思
指歸寶經節度行事口訣諸要粗訖徐乃別去凡二夕
一日共會在曲靜之中自此之後王君及西城真人諸

顏魯公文集卷六 碑銘一 三

元君夫人互有來往或與隔壁共庭初不駭悟已而幼
彥以暴疾殞世直天下荒亂夫人撫養內外旁救窮乏
超羣先覺乃攜細小徑來東南及兒息各大並處官位
至於守靜之思與日而進也凡在世八十三年以成帝
咸和九年歲在甲午王君乃與東華青童來降與夫人
靈藥兩劑使頓服之刻期會於陽洛宮夫人服藥稱疾
閉目寢息飲而不食七日夜半太乙元仙遣鸞車來迎
夫人用藏景之法託形神劍化成死骸始終外朗仙化
內逸冥變隱適從此而絕子璞時為庚司空司馬遐時
為陶太尉從事中郎安城太守故夫人自此隱化淪景

須臾至陽洛山明日童君太極四真人清虛王君三天法師張道陵等凡四十七真人降教夫人於隱元之臺王君令夫人清齋五百日讀大洞真經并分別登真秘奧道陵授以新出明威章奏入靜存祝吏兵符錄之訣眾真各標至訓三日而去道陵所以備教委曲者以夫人在世爲女官祭酒領職理故也夫人遂修齋讀經誦言萬過積十六年顏如少女於是龜山九靈太真西王母金闕聖君南極元君乃共來迎夫人遂白日昇晨北詣上清宮玉闕之下太微天帝中央王老君三素高元君太上王晨大道君太素三元君扶桑大帝君金闕顏魯公文集卷六 碑銘一 三

及南嶽神靈通官並至虎窟龍壑激曜數百里中王母諸真乃共與夫人東南行俱詣天台霍山臺又便道過句曲金壇茅叔申宴會二日二夕又共遊於霍山夫人安駕玉宇然後各別初王君告夫人曰學者當去疾除病因授甘草丸所謂穀仙方也夫人服之而仙夫人能錄書爲王君立傳事甚詳悉又述青精飴飴註黃庭內景經自後屢降茅山子璞後至侍中蒙使傳法於司徒瑯琊王舍人楊義護軍長史許穆穆子玉斧並昇仙事具陶宏景真誥所呼南真卽夫人也初夫人旣渡江徧遊名山至臨川郡臨汝水西立壇置精舍院東百餘步造冢壙又於石井山建立壇場往來遊憩歲深久榛蕪淪翳雖備載圖經而畧無遺跡有唐女道士黃令微道行高遠八十而有少容蹀躞而行奔馬不及時人見其顏色殊異號曰華姑聞夫人靈跡長壽二年歲在壬辰冬十月乃訊於洪州西山道士胡超超能通神明遙指郭南六里烏龜原有石龜每犯田苗被人擊首析其處是也姑與道流尋訪見龜在壇中央其下得尊像油囊鋸刀燈盞之類俄夢夫人指九曲池於壇南獲之磚砌猶在景雲中睿宗使道士葉善信將繡像幡花來修法事仍於壇西洞靈觀度女道士七人開元初元宗

使醮祭祈禱不絕每有風雨或聞籥管之聲入室禮謁
必須嚴潔不爾必有蛇虎驚吼之異時時有雲如烏鳥
羣飛垂帶直下壇上倏忽不見西出如向井山前後非
一已而華姑所靈間如有告者曰井山古跡汝須崇建
俄聞異香從西南來姑行宿洞口聞鐘磬之音遲明入
山果遇壇殿餘址遂建立屋宇屢聞仙梵之響環壇數
里有採斫及不精潔者必有怪異之驚有野鹿中箭來
投華姑姑為拔之後每齋前則銜藕蓮以獻姑開元九
年姑欲上昇告弟子曰勿釘吾棺可以絳紗裹之已而
雷霆震擊紗上有孔大如雞卵棺中惟有被覆木簡屋
碑銘一
真魯公文集卷六
上穿可容人座前奠瓜數日生蔓結實如桃者二每至
忌辰則風雨鬱勃直入室內元宗聞而駭之覆視明白
使道士蔡緯編入後仙傳二十九年春三月乙酉使道
士齋龍壁來醮忽有白鹿自壇東出至冢間而滅五色
仙娥集壇上刺史范陽張景伏以為聖德感應立碑頌
迷天寶八載以夫人得道昇仙之所度女道士二人見
修香火大歷三年真卿叨刺是州言崇禮謁郊郭蒙遠
崔蒲震鸞女弱曹逃羽貌窟聚真儀如在壇殿歸然瞻
仰徘徊情焉若失有仙壇觀道士譚仙巖者修真自遠
法侶是宗請以男官黃道士二十七人抽隸洞靈共申灑

高行女道士黎瓊仙七人萃居壇院精方住持已久
率勵往來增修觀宇從之不日適覺厥成仙跡之載崇
師之力也敢備其本末而為頌云銘曰

紫虛元君維魏夫人位列五嶽名高七真凝華台允奪
志劉嬪太帝昭慈清虛降神羣仙畢會玉笈斯陳服道
日損精心益勤蛻形神劍託馭馳輪適抵陽洛遺登隱
元黃庭朗詠白日昇晨西降王母東過叔申傳法侍中
許楊為鄰伊昔南渡爰居汝濱壇場處所埋沒荒榛實
賴華姑諗於胡尊果獲靈跡烏龜之原次尋井山實叶
髮言嫣然簡解紗羃空存野鹿銜藕靈瓜吐根怪異昭
顯魯公文集卷六
彰不可殫論二聖竦駭屢崇明禮于嗟女弱香火埋淪
真卿刺州謁拜斯類乃命仙子增修鼎新華姑侍傍異
代同塵曷表元德銘功翠珉垂諸來裔坱圻無垠

撫州臨川縣井山華姑仙壇碑銘

大歷四年

華姑者姓黃氏諱令微撫州臨川人也少乃好道丰神
卓異天然絕粒年十二度為天寶觀女道士年八十髮
白面紅如處子狀時人謂之華姑蹀履而行奔馬不及
聞魏夫人仙壇在州郭之南草木榛翳結廬求之不得
長壽二年歲在壬辰冬十月壬申朔訪於洪州西山胡
天師天師名超能役使鬼神見其懇切遂指姑所居南

二百步曰烏龜原中有石龜每踈踐田苗百姓患之乃擊斷其首卽其處也明日與姑登山願望西面有池水焉天師謂姑曰池中有所見乎曰無師遂舉左手令姑自腋下觀之四仙浴焉師曰爾有道分必當得之因留與語數日既還至州虔誠尋訪遂獲石龜於壇中央掘其下得尊像及刀鋸各一油堯五口燈盞數十箇天后聞之盡收入內姑嘗於旦夕精思想象之間忽有告曰壇南有九曲池汝可開之姑從而獲焉磚砌盡在他日有異香綵雲從西南而來其夕夢有人謂姑曰井山道場何不修葺姑未及往忽然感疾姑悔之曰得非違尊

顏魯公文集

卷六

碑銘一

七

教所致乎翌口病愈又聞異香而宿於谷口聞鐘聲遲明入山果獲壇殿池砌餘址半峯有自然石井深可三尺濶丈餘故名井山天欲雨則雲霧先起姑既置精舍時聞仙梵之音環壇五七里間莫敢樵採姑遂灑掃修葺極其力焉人或不潔不誠必遭蛇虎怪異之警迷不能出矣至今猶然有野鹿爲獵人所射來姑前姑爲救箭其後每至齋時卽銜蓮藕以獻姑前開元九年欲上昇之際忽謂弟子曰不須釘吾棺可以絳紗羅之數夕有雷震電繞視紗項孔如雞卵屋穿容人棺中惟覆被木簡而已弟子奠瓜數日生蔓長數尺結實二顆其大

如世姑同夢弟子黎瓊仙恒服菘苔胡麻絕粒四十餘秋八十歲髮不衰六七歲時親觀其事每至忌辰卽風雲翳鬱直入室內村野路人往往見綵雲白鶴飛入洞口清齋行道時每有一朱紫白馬在壇側逼之則奔而出外捨之則隨而復來靈異昭彰不可談悉仙臺觀道士譚仙巖史元同左通元等每至三元恒修齋醮大歷三年真卿獲刺是州明年春三月山下有女道士曾妙行夢一女師令上七層華樹層層掇澹及寤猶飽因是不食嘗於觀見黎瓊仙跪而拜曰夢中所見乃尊師也因請依之於今覺爾頗潤澤虔修香火於此山遐邇駭

顏魯公文集

卷六

碑銘一

八

慕焉嗚呼麻姑得道於名山南真昇仙於龜原華姑鶴翁於茲嶺瓊仙妙行接踵而去非夫天地胎靈從古以然則何以仙氣氤氳若斯盛者真卿幸因迷職親親厥歎若默而不言則來者笑述乃爲銘曰
綽約華姑真仙品徒芳蓮比色逸俊爭馳南郭從魏西山訪胡腋窺仙浴原獲龜烏靈跡既儼曲池猶汚鼎新廟貌煥然規模名曰井山終焉不逾鹿來藉獻馬見繫朱簡歸空存紗穿上徂奠瓜吐實藹室雲趨妙行精持高真足俞勒銘翠琬永播元都

華山王郭二真君壇碑銘

以江南之地佳麗垂名山嶽之間宛有仙洞
聖澤廣濶陸川一日按地理圖得屬邑崇仁縣華蓋山
有王郭二真君壇存焉欣想異事未原其始他日公餘
因令軍將往山下訪求碑銘果得一石記乃隋開皇五
年焚修道士李子真於樓碑上再錄出其文則知王郭
二真君仙不顯名王則方平之從姪郭乃王之族弟也
郭不應為王之族弟疑誤始於金華山修道以圖輕舉尋遊洞府
自王筍山將之麻姑洞中道悅一山問故老曰此為何
山對曰巴陵華蓋山也二真君相與言曰此山福地名
亦異焉因求卜止再煉神丹山下父老詣而再拜曰朕

顏魯公文集卷六

碑銘一

九

問真人之名字曰吾等修志於虛無不欲述焉後有一
道士來謁敢問真人之師曰吾師浮邱先生則上界大
仙也頃於金華山遇焉二真君能走石飛符興雲致雨
或有人疾苦暴亡往而告之即飛符以救之歲時大旱
即致霖雨以濟之至晉惠帝元康二年二月一日綵雲
連晝仙樂喧風二真君乃驂鸞駕鶴冉冉上昇今上昇
之壇及浮邱先生之壇存焉其後立觀焚修境邑將旱
若詣壇禱之則雲雨立應矣故事昭然仙踪儼若雖遺
史籍安武梓華鸞鶴對飛共作壺中之客林巒疊秀別
舍象山之春因與府官議崇觀宇永利焚修尋差軍將

以公用錢詣山換殿宇門廊不日而迴云工畢矣子德
衛好道任忝分符原始要終罕測冲天之日飛文染翰
用貽終古之芳銘曰
元化之門澄心養神學則彌眾得者幾人冉冉千古堂
堂二真丹成岩谷道應穹霄練雲色煥仙樂聲勻遲日
初麗柳花正新驂鸞拔俗駕鶴超雲言歸紫府笑別芳
辰山存華蓋長舍異春恩流豐澤用濟蒸民浮雲世速
好月生頻儼若聖祖永播清芬

顏魯公文集卷六

碑銘一

三

顏魯公文集卷六終

寧鄉黃本驥仲夏編訂

湘陰蔣 瓌維揚叅校

碑銘二

東莞城氏亂宗碑銘

德有三孝弟稱其至常有五仁道原其終故興化所自
則曰侯其在矣死喪有恤疇能亦莫吾聞鶴鶴於焉譬
急難棠棣所以勗跼蓐紉宗綏族所貴因之誰其庶乎
吾見之於城氏矣爰自伯禽國魯公子氏疆魚賂大諫
於僖哀言聖兩垂於文武朗陵會吳而滅蜀東郡感張

顏魯公文集 卷七

碑銘二

而絕袁建議而辭器歸高奮筆而陽秋與直賢明之盛
今古莫崇積慶所鍾克生隋驃騎將軍府君諱滿滿生
皇朝通議大夫靈州都督府長史府君諱龍龍生銀青
光祿大夫銀州刺史贈太子少師諱善德咸懷忠良克
績徽烈古稱有後今見其然少師生三子曰右武衛將
軍贈幽州大都督字懷慶冠軍左羽林大將軍兼營
府都督御史中丞充平盧節度採訪兩蕃使懷亮河源
軍使安北都護右領軍將軍上柱國上蔡縣開國侯累
贈太常卿魏州刺史工部尚書懷恪皆行冠人倫才兼
文武并時迭將為國虎臣朔漠之間峻風斯在其功庸

志業各具三原縣先塋神道碑懷慶五子曰左金吾中

郎將范陽節度經畧副使希古右威衛將軍中受降城

使希暉銀青光北平太守仍充軍使希逸懷亮五子曰勝

州都督朔方節度副使敬廉金紫文安太守范陽節度

副使希莊左清道率幽州經畧副使敬之太常卿特進

武州刺史今上元帥都知兵馬使讓之左監門將軍敬

此此字疑誤懷恪七子曰右衛中郎將贈州刺史希崇豐

州別駕贈宋州刺史希昶左驍衛中郎將贈太子賓客

希悅忠武將軍贈汝州刺史希愔壯武將軍左威衛中

顏魯公文集 卷七

碑銘二

三

郎將贈秘書監希景雲麾麟寧三州刺史左金吾將軍

左街使贈揚州大都督希晏魯國公希讓並稟訓義方

丕從闕閭遭逢明盛備展材良能挺姚闕之姿學蘊韜

鈴之畧稼蘭玉而輝映階庭畫隼能而光聯輿軼勳庸

之盛當世無倫源長流深德盛祀遠開元天寶間宗族

之紆青紫佐麾幢者已數十百人迨乎今上當宁而諸

孫冠軍左羽林將軍贈太子詹事彥英忠武左清道率

環左清道率贈少府監彥佺金紫太僕卿涉特進殿中

監亦左金吾大將軍彥璟正議湖州長史應並不幸早

世銀青光祿刺史瑜特進殿中監慈州刺史瑪特進鶴

應卿特進太常卿彥昭開府太常卿彥高正議杭州
別駕吳銀青鴻臚少卿漢鴻臚卿曠朝散明州長史叔
獻少卿憲朝散台州司馬晉卿朝散洋州司馬叔
雅符寶郎齊卿涇陽縣 雲卿左金吾衛長卿千牛叔
卿京兆府參軍叔清 闕文

晉侍中右光祿大夫本州大中正西平靖侯顏公

大宋碑銘 大歷六年

公諱含字宏都瑯琊臨沂人其先出於邾顏公子友封
於邾是為小邾子為魯附庸居於鄒邑因以命氏孔門
達者八人曰路回辛驕祖喙僕何次有丁闔叔子率師

顏魯公文集 卷七 碑銘二

碑銘二

三

秦有芝貞漢有肆異安樂魏有斐盛盛字叔臺青徐三
州刺史關內侯始自魯居瑯琊代傳恭孝故號所居為
孝悌里生欽字公若明韓詩禮易尚書多所通說學者
宗之歷大中大夫東莞廣陵太守葛繹貞子生默字靜
伯晉汝陰太守護軍將軍生公少有操行以孝聞兄畿
咸軍中死託夢當復生發棺而氣息甚微闔家營視母
妻不能無倦公乃絕棄人事躬親侍養足不出戶者十
有三年次嫂樊氏失明須髯蛇膽尋求不得忽有青衣
童子持囊授公乃蛇膽也尋出戶化成青鳥飛去東海
王越以為太傅參軍元帝過江為丞相祭酒東宮初建

公以魯公行在太子中庶子遷黃門侍郎本州大中
正封西平縣侯拜侍中除吳郡太守公所歷簡而有思
明而能斷然以威風御下王導歎曰顏公在事吳人斂
手矣未之官復為侍中園子祭酒光祿勳以年老遜位
咸帝美其素行就加右光祿大夫門施行馬賜牀帳被
褥勅大官四時致膳固辭不受時論者欲為王導降禮
馮懷以問於公公曰吾聞伐國不問仁人向馮祖思問
侯於我我有邪德乎或論少正卯盜跖惡孰深公曰隱
伏之姦非聖不誅眾咸服焉郭璞嘗欲為公蓋公曰自
有性命毋勞著龜桓温求婚以其盛滿不許因誡子孫

顏魯公文集 卷七 碑銘二

碑銘二

四

曰自今任官不可過二千石婚姻勿貪世家或問羣士
優劣答曰周伯仁之正郭伯道之清卞望之之節餘則
吾不知致仕二十餘年年九十二薨諡曰靖三子髦謙
約并有聲譽公喪在殯而鄰家失火髦與二弟抱柩號
哭燭垂至忽爾頓絕時人以為孝感事見晉書髦字
道少纂家業惇於學行儀狀嚴整風貌端美桓公見
而歎曰顏侍中廊廟之望也尚書郎國大中正給事黃
門侍郎以父老不就加給事中晉陵臨川太守侍中本
州大中正加秩中二千石光祿勳西平定侯事具約孫
廷之集三緝字文和踞都尉襲西平侯生靖之字茂宗

宣城太守司徒諮議御史中丞生騰之字宏道善草隸
書有風格治書御史度支校尉巴陵太守生炳之字叔
豹以能書稱奉朝請輔國江夏王參軍生見遠字見遠
方正不合於俗梁書云博學有志行齊治書御史俄兼
中丞正色立朝有當官之稱高祖受禪不食發憤慟哭
而絕武帝恨之曰我自應天從人何預天下人事而顏
見遠乃至於此生協字子和湘東王記室梁書有傳生
之推字介北齊中書舍人給事黃門侍郎平原太守嘗
著觀我生賦云展白下以流連以靖侯已下七葉墳墓
皆在故也生思魯愍楚集序思魯自作事見本傳入隋

顏魯公文集卷七

碑銘二

五

生遊秦思魯字孔歸博學善屬文尤工詁訓隋司經校
書長寧王侍讀東宮學士嘗與劉臻論經義臻屈服
焉高祖入關率男師古相時勳禮育德奉迎於長春宮
授儀同秦王記室國史温大雅傳云大雅在隋與思魯
俱在東宮弟彥博與愍楚同直內史省彥將與遊秦并
典校祕閣二家兄弟各為一時人物之盛少時學業頗
氏為優其後職位温氏為盛勳禮字敬幼而朗悟識量
宏遠工於篆籀尤精詁訓祕閣司經史籍多所刊定歷
校書郎著作郎與兄師古相時俱以文學為崇賢宏文
館學士太宗使讀詩讚曰依仁服義懷文守一履道自

居下幃終日德彰素里行成蘭室鶴輪馳譽龍樓委質
終著作郎生昭甫字周卿少聰穎而善工篆隸草書與
內弟殷仲容齊名而勁利過之特為伯父師古所賞凡
所注釋必令參定焉為天皇曹王侍讀曹王屬有獻古
鼎篆書二十餘字舉朝莫能讀昭甫盡識之贈華州刺
史真卿表謝批荅曰卿之乃祖嘗為碩儒既高倚相之
能遂有臧孫之後不墜其業在卿之門三子元孫惟貞
元孫字聿修聰銳舉進士考功郎劉奇特標榜之歷太
子舍人專掌令畫元宗讚之曰孔子亞聖魯國稱賢翰
妙莫之與先累至除沂濠三州刺史贈祕書監五

顏魯公文集卷七

碑銘三

六

子春卿明經拔萃蜀縣尉舉茂才偃師丞杲卿字昕常
山太守祿山反開土門拜衛尉卿兼中丞贈太子太保
諡曰忠節曜卿工草隸五言以文學直崇文館淄川司
馬旭卿善草書允山令茂會篤行頗好詁訓健為司馬
惟貞字叔堅有德行詞學尤善草隸屢登甲科太子文
學薛王友累贈太子少保事具陸據神道碑七子闕疑
孝友仁讓專精詩傳杭州參軍允南孝悌聰銳工為詩
判屢入高等與春卿杲卿曜卿同日為侍郎席建侯所
賞歷左補闕時真卿為殿中侍御史正至同拱法座蹈
舞而衣袂相接者三故允南侍宴詩云誰言百人會兄

弟也露階累遷司封郎中國子司業金鄉男喬卿仁友
精晉史有吏道富平尉真長清直舉明經幼與仁和有
醜藉精班漢左尉率府兵曹真卿進士校書郎舉文詞
秀逸醜泉尉清白名聞長安尉歷三院御史兵部員外
郎以平原太守拒祿山凡五為侍郎右丞三為尚書四
為御史大夫七為刺史二為節度採訪觀察使魯郡公
充戴友悌有吏幹制舉縣令宰延昌拜監察充郭子儀
朔方衣資使遷殿中太子中允江陵少尹再兼侍御史
充荆南節度行軍司馬公子謙安城太守約零陵太守
孫綸廷尉熙散騎常侍顯護軍司馬曾孫系之益州刺

顏魯公文集 卷七

題銘二

七

史延之金紫光祿大夫劭之領軍司馬根晉安太守元
孫希之新安太守師伯僕射師仲中書郎凌吏部尚書
測臨淮太守彘五兵尚書徵之散騎常侍僧度給事中
僧超徐州刺史來孫幼明征虜記室昆孫積中書郎翻
廣州刺史仍孫誓交州刺史挺山陽太守雲孫之儀周
御正中大夫新野公之善隋葉令侍讀十代孫和寧仁
令愍楚侍御史遊秦度支郎中廉州刺史見循吏傳著
漢漢決疑頭隋汝南侯侍讀十一代孫千里工書殷王
上每自書書監宏文崇賢學士相時禮部侍郎天册
學士首德太子通事舍人司經局校定經史利仁祕書

郎有意河州刺史博古博學廷慶丞十二代孫中和滄
州刺史楊庭蔣王侍讀光庭博學注後漢書涉令趨庭
職方郎中吉州刺史欣期著作郎益期詳正學士敬仲
仁孝吏部郎中平昌男康成進士太子舍人崇文館學
士希莊進士銀青和州刺史日損應制高第大基尉嘉
賓少有俊才十三代孫大智并州錄事參軍隱朝進士
我萃河北尉匡朝工五言胸山令元淑鄰幾景靈并校
書郎同寅明經昇庠有詞學富陽令恭敏有德行明漢
書武功尉知微制舉伊闕丞十四代孫温之有志行舉
方正司門郎中徵之澹之並明經是有清節饒陽司士

顏魯公文集 卷八

題銘二

八

范范縣尉允濟好屬文檣次尉振高陵丞措援挺據撥
撰并明經挺有詞理萬年尉式宣清修進士殿中侍御
史茂齊淳謹漢州司法舒俊才制舉長安尉說明經有
才器渭南丞順孝悌進士評事勝進士左補闕怡好為
詩渾博涉有文太子通事舍人方僑進士官門丞十五
代孫逸好文武康令鱗長安尉廣成將軍泉明孝義佐
父開土門彭州司馬季明子幹詡沛頤及外甥泥盈盧
遜祿山反死難並贈五品官翽敦敏通義令颯綿州參
軍顯一西令慈明都水賴河南府功曹校書郎顯孝
明經大理司直頤奉禮部頤江陵頤河中顯鳳翔參軍

頤當陽主簿願干牛頂武功丞頤頤當是頤之誤工隸書太子

洗馬頤頤並京兆參軍翹頤頤已見前當頤須頤頤是頤之誤

盈被並未仕通明項城尉韶有才氣工詩策進士濮陽

尉明華陽尉啟溫江尉襲華陰尉亞邱守道不仕其餘

枝派繁衍不可具載於戲晉祖以志行純粹感通神明

賄謀子孫奕葉無改其後忠義孝悌文學才業布在青

史粲然可知非夫德盛流光何能若是真卿小子懼不

克荷頃自撫州代到獲展舊山雖碑版沈淪而邱封儼

在敢揚不朽之烈庶竭罔極之思銘曰

錄晉祖漢江浦孝通神明軼古凡七葉葬白下本支分

源流海世忠義疊規矧鸞皇炳龍虎文雖渙學鄒魯

赫才明振區宇亘今昔難悉數嗟末孫慙下武揚耿光

媿無取豐碑立百世觀

有唐茅山元靖先生廣陵李君碑銘并序 大歷八年

先生姓李氏諱舍光廣陵江都人本姓宏以孝敬皇帝

廟諱改焉二十一代祖宏江夏太守避王莽徙居晉陵

遂為郡人高祖文焜陳桂陽王國侍郎曾祖榮皇朝雷

州司馬祖師龍隱居以求其志徙於江都父孝威博學

好古雅修彭聃之道與天台司馬鍊師子微為方外之

交尤以節嶺著於州里考行議諡曰正隱先生母瑯琊

王氏賢明有德先生孩提則有殊異晬日獨取孝經如

捧讀焉羈卯好靜處誦習墳典年十八志求道妙遂師

事同邑李先生遊藝數年神龍初以清行度為道士居

龍興觀尤精老莊周易之深趣執喪過哀口不嘗甘旨

之味食惟穡麥而已封殖膳羞皆出其手號毀骨立親

族莫不傷之開元十七年從司馬鍊師於王屋山傳受

大法靈文金記一覽無遺綜核古今該明奧旨元宗知

先生偏得子微之道乃詔先生居王屋山陽臺觀以繼

之歲餘請居茅山纂修經法煩徵皆謝病不出天寶四

載冬乃命中官賈璽書徵之既延入禁中每欲諸稟必

願魯公文集卷二

先齋浴他日請傳道於先生辭以足疾不任科儀者數

焉元宗知不可強而止先生嘗以茅山靈蹟剪焉將墜

真經祕錄亦多散落請歸修葺乃特詔於揚許舊居紫

陽以宅之仍賜絹二百匹法衣兩副香爐一具御製詩

及序以餞之又禁於山側採捕魚獵食暈血者不得輒

入公私祈禱咸絕牲牢先生以六載秋到山是歲詔書

三至滬澤頤繁暉映崖谷初山中有上清真人許長史

楊君陶隱居自寫經法歷代傳寶時遭喪亂散逸無遺

先生春詔搜求悉備其跡而進上之先時元宗將求大

法請先生為師先生竟執謙沖辭疾而退洎七載春元

法請先生為師先生竟執謙沖辭疾而退洎七載春元

法請先生為師先生竟執謙沖辭疾而退洎七載春元

法請先生為師先生竟執謙沖辭疾而退洎七載春元

券又欲受三洞真經其年春之三月申官書聖書云其
月十八日勉受經誥是日於大洞殿潔修其事遂遙禮
先生爲元師并賜衣一襲以伸師資之禮因以元靖爲
先生之嘉號焉仍詔刻石於華陽洞宮以誌之是歲夏
五月隱居先生合丹之所有芝草八十一莖散生於松
石之間詔神先生與中官啟告靈仙緘封表進夏又詔
以紫陽觀側近二百戶太平崇元兩觀各一百戶並獨
其官格以供香火秋七月又徵先生既至請居道觀以
養疾九載春辭歸舊山其年夏六月前生靈芝之所又
產三百餘莖煌煌秀異人所莫視先生又圖而奏之是

類傳小文集

銘二

七

歲冬又徵先生於紫陽別院館之十載秋先生又懇辭
告老御製序詩以饒之十有一載先生奉詔與門人
景昭等於紫陽之東巖岡山別建齋院立心誠肅是夜
仙壇林間徧生甘露因以上聞特詔嘉異初隱居先生
以三洞真法傳昇元先生昇元付體元先生體元付正
一先生正一付先生自先生距於隱居凡五葉矣皆總
襲妙門大正真法所以茅山爲天下道學之所宗矣於
戲是非可齊也我物均焉生死可忘也覺夢同焉如此
者何域心於變化之際哉先生以大歷己酉歲冬十一
月十有四日遁化於茅山紫陽之別院春秋八十有七

其年十二月八日門人赴喪而至者數千人號奉冠鳥
冠於雷平山之西陲遺命以松栢竹杖木几水瓶香
奩香爐置於藏內門弟子等仰奉嘉猷克遵儉德先生
器識真淳業行高古道窮情性之本學冠天人之際所
以優游句曲鬱爲王者之師出入明庭特寵肩輿之貴
是知順風而問昔稱於黃帝望山而請今見於元宗矣
又博覽羣言長於著撰嘗以本草之書精明藥物事關
性命難用因循著音義兩卷又以老莊周易爲潔淨之
書者學記義畧各三篇內學記二篇以續仙家之遺事
皆名實無違詞旨該博初先生幼年頗工篆籀而隸書

類傳小文集

銘三

五

尤妙客或賞之云賢於其父因投筆不書元宗詔山人
王啟強請先生楷書上經一十三紙以備楊許之闕先
生能於陰陽術數之道而不以藝業爲能極於轉鍊服
食之事而不以壽養爲極但真懷素樸妙味元津非夫
博大之至人孰能盡於此真卿乾元二年以昇州刺史
充浙江節度欽承至德結慕元微遂專使致書於茅山
以抒誠懇先生特令韋鍊師景昭復書於真卿恩眷稠
繆足勵超然之志然宗師可仰望紫府而非遙王事不
遠寄白雲而悠遠泊大歷六年真卿罷刺臨川旋舟建
業將宅心小橫長庇高蹤而轉刺吳興事乖夙願徘徊

郡邑空懷尊道之心瞻望林巒永負借山之託而景
山郭陶等以先生茂烈芳猷願銘金石乃邀道士劉明
素來託斯文真卿與先生門人中林子殷淑遺名韋渠
牟嘗接采真之遊緒聞舍一之德敢強名於巷黨曷足
辨於鴻蒙其詞曰

抱一混茫人之紀綱先生以之氣王神強乃啟元旨元
門以彰乃為帝師帝道惟康甘露呈瑞靈芝效祥上士
云感高風載揚鶴返仙廟雲辭帝鄉退歸而老妙識行
藏德本無繫道心有常實日形解執云坐亡伐石表墓
勒銘傳芳谷變陵遷厥跡彌光

顏魯公文集

卷二

三

湖州烏程縣杼山妙喜寺碑銘 大歷九年春

州西南杼山之陽有妙喜寺者梁武帝之所置也大同
七年夏五月帝御壽光閣會所司奏請置額帝以東方
有妙喜佛國因以名之舊置在州西金斗山唐太宗文
皇帝升極之六年春二月移於此山山高三百尺週迴
一千二百步蓋昔夏杼南巡之所今山有夏王村山西
北有夏駕山皆后村所幸之地也晉吳興太守張元之
吳興疏云烏程有墟名東張地形高爽山阜四周卽此
山也其山勝絕遊者忘歸前代亦名稽留山寺前二十
步跨澗有黃浦橋南五十步又有黃浦亭並宋鮑昭

送盛侍郎及庚中郎賦詩之所其水自杼山西南五里
黃檗山出故號黃浦俗亦名黃檗澗卽梁光祿卿江淹
賦詩之所寺東偏有招隱院其前堂西廡謂之溫閣從
草堂東南屈曲有懸巖徑行百步至吳興太守何楷釣
臺西北五十步至避它城按說文云它蛇也上古患蛇
而相問無它乎蓋往古之人築城以避它也有處士竟
陵子陸羽杼山記所載如此其臺殿廊廡建立年代並
具於記中大歷七年 七當作八 真卿蒙刺是邦時浙江西觀
察判官殿中侍御史袁君高巡部至州會於此土真卿
遂立亭於東南陸處士以癸丑歲冬十月癸卯朔二十

顏魯公文集

卷二

四

一日癸亥建因名之曰三癸亭西北於藜桂之間創桂
棚左右數百步有芳林茂樹悉產丹青紫三桂而華葉
異各樹桂下有支徑以袁君步焉因呼為御史徑真卿
自典校時卽考五代祖隋外史府君與法言所定切韻
引說文蒼雅諸字書窮其訓解次以經史子集中兩字
已上成句者廣而編之故曰韻海以其鏡照原本無所
不見故曰鏡源天寶末真卿出守平原已與郡人渤海
封紹高貧族弟今太子通事舍人渾等修之裁成二百
卷屬安祿山作亂止其四分之一及刺撫州與州人左
輔元夔等壁等增而廣之成五百卷事物異擾未遑刊

大歷王子茂真卿明刺於湖公務之隙乃與金陵沙
門法海前殿中侍御史李粵陸翽子助教州人緒冲
評事湯衡清河丞太祝柳察舊刻魯公文集載符山寺
碑有評事湯衡清河丞太
祝柳察二人留元剛強公年碑引此符作湯某柳察檢
州府志進士表代宗朝有烏程楊衡注云符山集作
湯衡字仲師大理評事又右烏程竹山連句凡十有八人
中有湯清河一人也而姓名互異一云湯衡一云湯某
一云湯衡一云湯清河以符山記文法蓋柳察既以太
祝書其官印不應又加清河丞於其上則清河二字應
是湯君之名故竹山連句適與之合然則碑內衡丞二
字皆衍文也湖志所謂揚衡字仲師者當另是一人湯
君之名偶與清河縣名相同傳寫者誤知丞字於下校
公集者以評事下僅存揚姓因移烏程揚衡之名以實
之元剛撰諸知衡字有誤因以某字代長城丞潘述縣
尉裴循常執主簿蕭存嘉興尉陸士修後進楊遂初崔

顏魯公文集 卷二 五

宏楊德元胡仲南陽湯涉顏祭一本作
顏察韋介左與宗顏

策以季夏於州學及放生池日相討論至冬徙於茲山

東偏來年春遂終其事前是顏渾正字殷佐明魏縣尉

劉茂括州錄事參軍盧鏐江寧丞韋寧壽州倉曹朱弁

後進周愿顏暄沈殷李甫亦嘗同修未畢各以事去而

起居郎裴郁秘書郎蔣志許事呂渭魏理沈益劉全白

沈仲昌攝御史陸向沈祖山周閻司議郎悌臨川令沈

晟右衛兵曹張若兒蔣弟薦為校書郎權器與平丞韋

相尼後進房夔崔密崔萬寶叔蒙裴繼姪男超峴愚子

顏頤往來登歷時村山大德僧皎然工於文什惠達靈

靈味於禪誦相與言曰昔廬山東林謝客有遺民之會
襄陽南觀羊公流潤甫之詞况乎茲山深遠羣士習集
若無記述何以示將來乃左顧以求蒙傳記詞而故事
銘曰

夏侯南巡山名是因梁王東揆寺勝故詢形勝天絕規
披贈新遊它城古垂鈞臺煙榭以桂結浦由黃申二廣
道遊三癸嶙峋徂列御史傳紆迤人紛吾著書羣彥惠
臻韻海鏡源自秋徂春編同貫魚學比成麟幸托勝引
亟倍僧珍庶斯見傳金石不泯

浪跡先生元真子張志和碑銘 大歷九年

元真子張志和碑銘 大歷九年
元真子張志和碑銘 大歷九年
元真子張志和碑銘 大歷九年

而理窟肌分者其惟元真子乎元真子姓張氏本名龜

齡東陽金華人父遊朝清真好道者南華象罔說十卷

又著沖虛白馬非馬證八卷代莫知之母留氏夢楓生

腹上因而誕焉年十六遊太學以明經擢第獻策肅宗

深蒙賞重令翰林待詔授左金吾衛錄事參軍仍改名

志和字子同尋復貶南浦尉經量移不願之任得還本

質既而親喪無復宦情遂扁舟垂綸逐三江泛五湖自

謂相波釣徒善十二卷凡三萬言號元真子遂以稱焉

客或以其文論道縱橫謂之造化鼓吹京兆韋諱為作

內解元真又迷太易十五卷凡二百六十有五卦以市
 無為宗觀者以為碧虛金骨兒滯陽尉鶴齡亦有文學
 恐元真浪跡不還乃於會稽東郭買地結茅齋以居之
 閉竹門十年不出吏人嘗呼為拘河夫執畚就役曾無
 忤色又欲以大布為褐裘服徐氏聞之手為執穢一製
 十年方暑不解所居草堂椽柱皮飾皆存而無斤斧之
 跡文士效柏梁體作歌者十餘人浙江東觀察使御史
 大夫陳公少遊聞而謁之坐必終日因表其所居曰元
 真坊又以門巷湫隘出錢買地以立閉閣旌曰迴軒巷
 仍命詩事劉太真為敘因賦柏梁之什文士詩以美之
 者十五人既門隔流水十年無橋陳公遂為朔造行者
 謂之大夫橋遂作告大夫橋文以謝之常以豹皮為履
 駿皮為屨隱素木几酌斑螺盃鳴榔杖拳隨意取適垂
 釣去餌不在得魚肅宗嘗賜奴婢各一元真配為夫婦
 名夫曰漁僮妻曰樵青人問其故曰漁僮使捧釣收綸
 簾中鼓柁樵青使蘇蘭薪桂竹裡煎茶竟陵子陸羽校
 書郎裴修嘗問有何人往來荅曰太虛作室而共居
 夜月為燈以同照與四海諸公未嘗離別有何往來性
 好畫山水皆因酒酣乘興擊鼓吹笛或閉目或背面舞
 筆飛墨應節而成大歷九年秋八月詠真卿於湖州前

顏真卿文集

卷之七

御史李暉以繼張請焉俄揮毫橫掃而繼續畫掛亂槍
 而撥毫雷馳須臾之間千變萬化蓬壺髣髴而隱見天
 水微茫而昭合觀者如覩轟然愕眙在坐六十餘人元
 真命各言筒里紀年名字第行於其下作兩句題目命
 酒以蕉葉書之援翰立成潛皆屬對舉席駭歎竟陵子
 因命畫工圖而次焉真卿以舴艋既傲請命更之荅曰
 儻惠游舟願以為浮家泛宅沿沂江湖之上往來若雪
 之間野夫之幸矣其詠諸辨捷皆此類也然立性孤峻
 不可得而親疎率誠澹然人莫窺其喜愠視軒裳如草
 芥屏嗜欲若泥沙希跡乎大丈夫同符乎古作者莫可
 測也忽焉去我思德茲深曷以真懷寄諸他山之石銘
 曰
 逸元真超隱淪齊得喪甘賤貧泛湖海同光塵宅漁舟
 垂釣綸輔明主斯若人豈烟波終此身
 元真子姓張名志和魯國公顏真卿與之友善真卿
 為湖州刺史與門客會飲乃唱和為漁父辭其首唱
 卽志和之詞真卿與陸鴻漸徐士衡李成矩共唱和
 二十五首遞相誇尚續仙傳
 張志和字子同婺州金華人顏真卿為湖州刺史志
 和來謁真卿以舟蔽漏請更之志和曰願為浮家泛

宅往來茗香開辨捷類如此新唐書

唐故通議大夫行薛王友柱國贈祕書少監園子

祭酒太子少保顏君碑銘建中元年七月

晉孔惲有彝鼎之銘陸機有祠堂之頌皆可以發揮祖德放演家聲故君子之觀其銘也既美其所稱又美其所為無而稱之是誣也有而不述豈仁乎論而撰之敢不祇懼君諱惟貞字叔堅其先出於顛頊之孫祝融融孫安為曹姓其裔邾武公名夷甫字顏子友別封鄆為小邾子遂以顏為氏多仕魯為卿大夫孔門達者七十人顏氏有八戰國有車廟秦有芝貞漢有異肆安樂

其後喪亂譜牒淪亡魏有裴盛盛字叔臺青徐二州刺史關內侯始自魯居於瑯琊臨沂孝悌里生廣陵太守給事中葛繹貞子諱欽字公若精韓詩禮易尚書學者

宗之生汝陰太守護軍襲葛繹子諱默字靜伯生晉侍中光祿大夫西平靖侯諱含字宏都隨元帝過江已下七葉葬在上元幕府山西生侍中光祿勳西平定侯諱

髦字君道事具孝行傳生州西曹騎都尉西平侯諱絳字文和生宣城太守御史中丞諱靖之字茂宗生巴陵太守度支校尉諱騰之字宏道善草隸書有風格梁武帝

帝草書評云顏騰之賀道力並便尺牘少行於代生時

江夏王參軍諱炳之字叔豹以能書稱生齊持齋御史兼中丞諱見遠字見遠和帝被弑一勳而絕梁武深恨之事見梁周北齊書生梁鎮西記室參軍諱為字子和感家門事義不求聞達元帝若懷舊詩以傷之撰晉仙傳五篇日月災異圖兩卷文集二十卷見梁書生北齊給事黃門侍郎諱詔文林館平原太守隋東宮學士諱之推字介著家訓二十篇冤魂志三卷證俗字音五卷文集三十卷事具本傳黃門兄之饑周御正御史中大夫麟趾學士隋文輔政不署矯詔索璽又拒之出為集州刺史新野公後朝朔望引之御榻曰見危授命臨

大節而不可奪古人所重何以加卿事具周書弟之善隋葉令子孫見於後黃門生皇秦王記室諱思魯愍楚

遊秦小記室字孔歸君之曾祖也隋司經校書東宮學士率子弟奉迎義旗於長春宮招瓜州拜儀同博士善屬文自為父集序國史稱溫大雅在隋與思魯同事東宮

官彥博與愍楚同直內史省彥將時與遊秦同典校祕閣二家兄弟各為一時人物之選少時學業顏氏為優其後職位溫氏為盛溫氏譜亦載焉生勤禮字敬君之祖也幼而朗悟識量宏遠工於篆籀九精詁訓解褐校書郎與兩兄弟師古相時同時為宏文崇賢學士弟育

書郎與兩兄弟師古相時同時為宏文崇賢學士弟育

德又於司經校定經史當代榮之太宗嘗命師古讚崇
賢學士以兄弟特命蕭鈞讚之曰依仁服義懷文守一
履道自居下帷終日德彰素里行成蘭室鶴輪馳譽龍
樓委質著作郎修國史夔府長史贈號州刺史生昭甫
敏仲殆庶無恤少連務滋辟強昭甫字周卿君之父也
幼而穎悟尤明詰訓工篆籀草隸書與內弟殷仲咨齊
名而勁利過之特爲伯父師古所賞重每有著述必令
參定嘗得古鼎二十餘字舉朝莫識盡能讀之高宗侍
讀曹王屬贈華州刺史真卿表謝肅宗批答卿之乃祖
嘗爲碩儒既高倚相之能遂有臧孫之後不墜其業在
卿之門生我伯父諱元孫泉君伯父聰穎絕倫尤工文
翰舉進士考功郎劉奇特標榜之由是名動海內累遷
太子舍人元宗監國專掌令畫嘗和遊苑詩批云孔門
稱哲宋室聞賢翰墨云捷莫之與先歷滌沂濠三州刺
史贈秘書監君仁孝友悌少孤育舅殷仲咨氏蒙教筆
法家貧無紙筆與兄以黃土掃壁木石畫而習之故特
以草隸擅名天授元年糊名考試判入高等以親累授
衢州參軍與盈川令楊炯信安尉桓彥範相得甚歡又
選授洛州溫縣丞昌二尉每選皆判入高科侍郎蘇味
道以所試示介眾曰選人中乃有如此書判嗟歎久之

德代是爲員安尉太子及學以清白五爲察訪使魏奉
古等所薦五郎初開盛選僚屬拜辭王友柱國伯卿御
史大夫張知泰妻魯郡夫人亡將葬數家占君不利臨
殯君哭而拒之曰豈有亡手足之痛牽拘忌而忍自絕
乎弗從其年七月才生明邁疾而歿教義者隱而傷焉
與會稽賀知章陳郡殷踐馭吳郡陸象先上谷寇泚河
南源光裕博陵崔瑒友善事具陸據所撰神道碑梁贈
秘書少監國子祭酒太子少保真卿表謝肅宗批答云
卿之先人德行優著學精百氏藝絕六書頻擢甲科屢
升循政曳裾王府名右鄉杖載筆春宮道高徐阮旣而
壽乖華髮器紆青雲業載史臣慶傳令子追存盛美褒
贈崇班且旌善於義方俾揚名於有後濠州生春卿果
卿曜卿旭卿茂會春卿工詞翰倜儻有吏才蘇頲舉茂
才假師丞杲卿文理清峻所居有聲太常丞攝常山太
守祿山反擒其心手開土門拜衛尉卿兼中丞城陷杲
卿叱詈之遂被鉤舌或解而終贈太子太保諡曰忠節
真卿表謝肅宗批答云自羯胡猖狂入我河縣所在官
更多受迫脇卿兄以人臣大節獨制橫流或俘其謀主
或斬其元惡當以拔兵懸絕身陷賊廷旁若無人歷數
其罪手足寄於鋒刃忠義形於顏色古所未有朕甚嘉

之隱卿工詩書草隸十五以文學直崇文館淄川司馬
 旭卿善草書允山令茂會好屬文詰訓仁厚絕眾德為
 司馬君生闕疑允南喬卿真長幼與真卿允城關疑仁
 孝有吏能精詩傳善剖判杭州參軍允南仁孝有清嚴
 工詩人多誦其佳句善草隸與春卿早卿曜卿同日於
 銓庭為侍郎席建侯所賞達奚珣薦為左補闕真卿時
 為殿中正至三拱法座舞蹈而衣袂相接者三故允南
 賦詩云誰言百人會兄弟也霑陪歷殿中膳部司封郎
 中國子司業金鄉男喬卿仁和有吏幹富平尉真長清
 直早世幼輿方雅有醜藉通班漢左清道率府兵曹真
 卿早孤蒙伯父泉允南親自教誨舉進士歷校書制舉

恭仁奉禮郎並早喪逝紘方義主簿泉觀並沒贊襄明
 微明德明未仕通明獲嘉尉將明昌明尉克明崇文明
 經衛密標榜之闕有德行文詞華原主簿準深水尉觀
 頌工文襄陽尉觀有文行宏文進士顯仁友清白常熟
 令封金鄉男顯清介勤學侍郎蔣洌賞其判京兆兵曹
 襲金鄉男岫仁純常熟主簿任城男頌俊儀尉頌清源
 尉頂幹辨揚府法曹頌長厚清白朝邑尉頌左率倉曹
 頌祕書正字頌有吏幹歙州錄事參軍曲阜男頌好為
 詩富陽尉馬好為文常州參軍並粗有所立君之諸祖
 父羣從陽庭頌並侍讀強學益期並學士中和至誠敬

醴泉尉陟清白長安尉三院御史四為大夫六為尚書
 再為採訪節度充禮儀使光祿大夫魯郡公允臧敦質
 孝悌有吏能制舉延昌令監察充朔方衣資使殿中三
 為侍御史中允江陵少尹荆南行軍濠州及君孫泉明
 佐父開土門彭州司馬威明印州司馬季明子幹沛翊
 頗誕及外孫博野尉沈盈盧遜並為逆胡所害各蒙贈
 五品京官濬好屬文翹華正頌慈明都水使者頌好五
 言校書頌仁孝方正明經大理司直嶺南營田判官執
 喪九日不食頌河陽尉頌參軍嶺南營田判官執

仲大智溫之微之澹之摺挺援撰溫泳陵並明經康成
 強學希莊日損隱朝隣幾知微舒說順勝式宣韶並進
 士制舉有意中和趨庭希莊至刺史利仁明天文欣期
 元淑景靈並校書光庭注後漢書嘉賓千里昇庠匡朝
 怡滔渾允濟摺逸觀不器防有文詞博古少連恭敏悖
 學行敬仲溫之以孝聞潤有風義冕鱗邈迨以清白稱
 其餘咸著官族不獲悉數洪惟累祖之耿光丕業有若
 于泉宏都之德行巴陵記室之書翰特進黃門之文章
 麗監華州之學識牽自魯國格於勝代紛綸盛美遂舉
 集於君君能遵前人不改失墜其志事以忝幸修宜其

克饗尊榮爲清廟不祧之主真卿幸承遺訓叨受國恩
既受無疆之祚敢揚不朽之烈銘曰

系我宗邾顏公子封鄒魯附庸亞孔聖浴沂風刺青徐
給事中護營柳渡江楓侍兄疾感地重鄰火斷珥貂重
施七葉傳孝恭武騎都尉司從便尺牘繼魚蟲慟君難
憤而終咨記室遊湘東嗟御正凜移忠泉黃門擅文雄
三韶長事東宮四穆叔史牢籠褒華州詰訓通小祕監
盛名鴻維少保文翰工莅畿赤五襲崇登望苑友桂叢
三超贈保儲宮流光盛廟貌融承不祧垂無窮

寧鄉黃本驥仲良編訂

相陰蔣瓌維揚叅校

神道碑銘一

河南府參軍贈秘書丞郭君神道碑銘天寶九載五月

夫騏驎千里之足踣於庭唐之內鴻鵠四海之志儕於

墜溲之羽一本儕此侗儻奇偉之士所為歎息者也取

之於人在於郭君矣君諱揆字良宰太原人也郭本號

叔之後春秋泉漢細侯得政事之美有道冠人倫之目

素絲作詠青溪招隱信為多士宜稱盛族五代祖昶隋

驃騎大將軍開府儀同三司高祖澄皇朝胡方道大總

管涇鄜坊慶丹延夏七州刺史贈荊州都督諡曰忠曾

祖某朝散大夫太子洗馬祖義朝議大夫贈鄭州刺史

父虛已銀青光祿大夫守工部尚書兼御史大夫蜀郡

大都督府長史持節充劍南節度支度營田副大使本

道并山南西道採訪處置使上柱國贈太子太師諡曰

忠君生而聰明不為戲弄之事長而清峻罔雜綺統之

流辨對則江夏之童志意則山東之妙大夫府君以其

子氏之出故功名封叙嘉有應務之器故長字良宰蓋

取詩訓聲也觀其言必顯行動必由禮讀書不

取其精粕為仁罕忘於造次亦足以保其嘉名楚之正

則漢之臺卿乃其比也年十七崇文生明經及第侍郎

韋陟揚言於朝稱其稽古之力許其青冥之價後調集

侍郎李彭年嗟君所判足冠後生擢才子於公庭賀大

夫於私第美聲洋溢時莫與京授太常寺太祝加敬柱

事陳信正辭每巡陵及郊必有歌詠潘河陽藉田之賦

顏光祿明祀之作復見前賢之致矣無何改授河南府

參軍天寶五載大夫總渡瀘之師緊君奉循陔之養南

中污下遂得氣疾先大夫憐其寢劇命訪秦醫太夫人

懼其不起繼自蜀至何神不禱靡藥不嘗依親自強望

父增歎以天寶八載二月十八日終於安輿之私第時

年二十四皇帝聞而悼之贈秘書丞嗚呼斯人不起子

丕未識亦可為長慟者矣君子曰夫孝弟之至絜矩之

道文章之絕周旋之儀可謂成人矣方將培雄風罩白

石憐乎得三幾乎第一是以其疾即御醫坐門其亡即

天使歸贈陳師境上推以雨露之私修文地下贈以蓬

萊之職弔客多其文行操誅盡於作者以五月二十一

日葬於首陽山大塋之側君志也先大夫懿其天姿親

疏行狀敘其參元之美歎其老成之風方崇南峴之碑

以慰西門之感伏希受過為人父也若斯斯奚至公其

取詩訓聲也觀其言必顯行動必由禮讀書不

取其精粕為仁罕忘於造次亦足以保其嘉名楚之正

知子也如此斯文未建顏山遂及太夫人東海于氏凌
虛孽翼開誠悼心望汝絕歸來之期抱孫有無時之哭
遂成刊刻之意以寄零落之哀銘曰

榮榮門子菲菲國香家傳王樹人詠金相風流小楮才
貌潘郎一經自達六義名揚聞於密啟真此周行爲子
道備從親路長既銘絕壁亦奉垂堂霧露成病膏盲遂
亡天向京兆墳歸洛陽江堙初流水毀寒霜茫茫蔓草
蕭蕭白楊苦月墳上豐碑道傍披文相質誰不沾裳

祕書省著作郎夔州都督長史上護軍顏公神道

碑乾元二年

顏魯公文集卷八 神道碑銘一 三

君諱勣禮字敬琅琊臨沂人高祖諱見遠齊御史中丞
梁武帝受禪不食數日一慟而絕事見梁齊周書曾祖
諱協梁湘東王記室參軍文學有傳祖諱之推北齊給
事黃門侍郎隋東宮學士齊書有傳始自南入北今爲
東長安人父諱思魯博學善屬文尤工詰訓仕隋司
書局校書東宮學士長寧王侍讀與帝國劉臻辯論經
義臻屢屈焉學書黃門傳集序君自作後加諭岷將軍
太宗爲秦王精選僚屬拜記室參軍加儀同娶御正中
大夫段英章女英童集呼顏郎是也更唱者二十餘首
甚大雅云初君在隋與大雅俱仕東宮君感楚與珍

博同直內史省愍楚弟遊秦與珍將俱與觀閣二家兄

弟各爲一時人物之選少時學業顏氏爲後其後職位

溫氏爲盛事具國史君幼而朗悟識量宏遠工於篆籀

尤精詰訓祕閣司經史籍多所刊定義寧元年十一月

從太宗平京城授朝散大夫勳解褐祕書省校書郎武

德中授右領左右府鎧曹參軍九年十一月授輕車都

尉兼直祕書省貞觀三年六月兼行雍州參軍事六年

七月授佐郎七年六月授詹事主簿轉太子直監加崇

賢館學士官廢出補蔣王文學宏文館學士永徽元年

三月制曰君學藝優敏宜加獎擢拜陳王屬學士如故

顏魯公文集卷八 神道碑銘一 四

遷曹王友無何拜祕書省著作郎君與兄祕書監師古

禮部侍郎相時齊名祕監與君同時爲崇賢宏文館學

士禮部爲天策府學士弟太子通事舍人育德又奉令

於司經局校定經史太宗嘗圖畫崇賢諸文學士命祕

監爲讚以君祕監兄弟不宜相褒述乃命中書舍人蕭

鈞特讚君曰依仁服義懷文守一履道自居下帷終日

德彰素里行成蘭室鶴輪馳譽龍樓委質當代榮之六

年以後夫人兄中書令柳奭親累貶夔州都督府長史

顯慶六年加上護軍君安時處順恬無愠色不幸遇疾

頓逝於府之官舍既而歸窆於京城東南萬年縣寧安

鄉之風栢原先夫人陳郡殷氏良柳夫人同合祔焉禮也七子昭甫晉王曹王侍讀贈華州刺史事具真卿所撰神道碑敬仲吏部郎中事具劉子元神道碑殆庶無恤粹非少連務滋皆有學行以柳令外甥不得仕進孫元孫舉進士考功員外劉奇特標榜之名勳海內從調以書判入高等者三累遷太子舍人屬元宗監國專掌令畫除沂濠三州刺史贈秘書監惟貞頻以書判入高等歷畿赤尉丞太子文學薛王友贈國子祭酒太子少保德業具陸據神道碑會宗襄州參軍考楚州司馬澄左衛翊衛潤倜儻涪城尉曾孫春卿工詞翰有風義明

顏魯公文集

卷八

神道碑銘一

五

經拔萃犀浦蜀二縣尉故相國蘇頌舉茂才又為張敬宗劍南節度判官偃師丞臬卿忠烈有清識吏幹累遷太常丞攝常山太守殺逆賊安祿山將李欽湊開土門擒其心手何千年高邈遷衛尉卿兼御史中丞城守陷賊東京遇害楚毒慘下誓言不絕贈太子太保諡曰忠節曜卿工詩書草隸十六以詞學直崇文館淄川司馬旭卿善草允山令茂會訥言敏行頗工篆籀隸為司馬闕疑仁孝善詩春秋杭州參軍允南工詩人皆諷誦之善草隸書判頻入等第歷左補闕殿中侍御史三為郎官國子司業金鄉男爵卿仁厚有吏材富平尉與長耿

介舉明經幼與敦雅蘊藉通班漢書左清道率府兵曹真卿舉進士校書郎舉文詞秀逸醴泉尉黜陟使王鉞以清白名聞七為憲官九為省官洊為節度採訪觀察使魯郡公允臧敦實有吏能舉縣令宰延昌四為御史充太尉郭子儀判官江陵少尹荆南行軍司馬長卿晉卿郊充國質多無祿早世名卿價倜傥倫並為武宮元孫絃通義尉沒於蠻泉明孝義有吏道又開土門佐其謀彭州司馬威明邛州司馬季明子幹沛翊泉明男誕及君外曾孫沈盈盧述並為逆賊所害俱蒙贈五品京官潘好屬文翹華正頌並早天穎好五言校書郎穎見後當

顏魯公文集

卷八

神道碑銘一

六

是頌之誤家藏碑云頌好五言校書頌仁孝方正明經大理司直充張萬頃嶺南營田判官顏鳳翔參軍頌通悟頌善隸書太子洗馬鄭王府司馬鄭王上並不幸短命通明好屬文項城尉翊溫江丞醜縣州參軍靚監亭尉顯仁和有政理蓬州長史慈明仁順幹盡都水使者穎介直河南府法曹頌奉禮郎頌江陵參軍頌當陽主簿頌河中參軍項衛尉主簿頌左千牛頌頌並京兆參軍頌頌並童稚未仕自黃門御正至君父叔兄弟眾子姪揚庭益期昭甫諡學十三人四世為學士侍讀事見柳芳續卓絕殷穎著姓畧少監少保以德行詞翰為天下所推春卿臬

卿曠卿允南而下泉君之羣從光庭千里康成希莊日
損隱朝匡朝昇庠恭敏鄰幾元淑敏溫之舒說順勝怡
渾允濟挺式宜韶等多以名德著述學業文翰交映儒
林故當代謂之學家非夫君之積德累仁貽謀有則何
以流光末裔錫美盛時小子真卿聿修是忝嬰孩集慕
不及過庭之訓晚暮論譔莫追長老之口故君之德美
多恨闕遺銘曰

攝常山郡太守衛尉卿兼御史中丞贈太子太保

諡忠節京兆顏公神道碑銘乾元二年正月

公諱果卿字昕京兆長安人也北齊黃門侍郎諱之推

顏魯公文集

卷八 神道碑銘一

七

之來孫隋太子校書東宮學士皇朝秦王府記室參軍
諱思魯之元孫著作郎崇賢宏文館學士贈虢州刺史
諱勤禮之曾孫高宗晉邸侍讀曹王屬贈華州刺史諱
昭甫之孫濠州刺史贈祀書監諱元孫之第二子也公
方正精敏有清識周旋有則進止閒詳起家江州司法
轉遂州嘗爲刺史所責公守正不爲之屈時人稱之遷
鄆州司兵開元與兄春卿弟曜卿從父弟允南俱從調
吏部皆以書判超等同日於銓庭爲侍郎席建侯所賞
勳材拭目焉推授魏郡錄事參軍當官正色舉劾無所
避迨埃其使張守珪以清白聞遷范陽郡戶曹安祿山

雅聞其名奏爲營田判官光祿太常二寺丞又請爲節

支判官兼攝常山郡太守天寶十四載冬十一月祿山

反范陽主臺城公與長史袁履謙同謁乃矯授公紫履

謙緝因令崇州刺史李欽湊以兵七千人守土門公罷

歸途中指章服諷履謙曰與公受他色如何履謙亦

感激之士遂與公定謀翻之恐事洩潛使男安平尉泉

明往來計議又使西通王承業北結賈循敗族滅屬

祿山使其心手高邈往范陽公使姪塔棻城尉崔安石

密伺其歸以圖之冬十二月二十日以私號召欽湊未

至會祿山害東京留守李憺中丞盧奕判官蔣清傳首

顏魯公文集

卷八

神道碑銘一

八

賜並海諸郡前二日真卿以平原太守斬其使令外甥
盧逖以購祿山敕送於饒陽常山後二日迺至公悲喜
不自勝猶未敢宣示其夕欽湊至公俾參軍李峻馮虔
靈壽尉李栖默泉土人翟進玉縶於城南門密令驛長
蔡行儀醉以酒而斬之履謙入告公與相持而泣喜其
事之集也遂使峻栖默開土門又斬其副使潘惟慎是
夜高邈迴宿浦城公命馮虔翟進玉崔安石馳捕獵繫
其肘而縛之虔領赴郡俄頃醴泉驛候騎報何千年發
趙郡安石以進玉馳襲而擒之如高邈遂給以榮王琬
哥舒翰官軍二十萬人土門告於列郡遂使郭仲邕詳

爲先鋒以中官領御騎六十徇以南諸郡於是趙郡殺
賊刺史馬道貞鉅鹿殺劉極賈平殺郭子昂曲州殺清
河太守崔審交皆以其首至先是真鄉守平原而饒陽
前開景城樂安博平清河七郡皆相與拒賊至是博陵
上谷文安信都鉅鹿廣平魏趙鄴與常山十郡皆卻爲
國家守乃使張通幽以兄通儒相賊乞隨泉明以自雪
至太原與尹王承業同惡竊爲己功留泉明等不遣承
業從弟隨中官入奏皆蒙超獎拜公衛尉卿兼御史中
丞追赴京以履謙爲太守深爲司馬泉明爲左金吾兵
曹制書未至春正月賊使平盧兵馬使史思明寇諸郡
顏魯公文集卷八 神道碑銘一 九

思明既來攻六日城平糧井皆竭遂爲賊所陷男季明
外甥盧逃皆遇賊遂以公履謙至東京祿山讓公曰我
擢汝爲太守何負於汝而乃反乎公曰吾代受國恩官
職皆天子所與汝叨受恩寵乃敢悖逆吾寧負汝豈負
本朝乎臊羯胡狗何不速殺我乃繫公於天津橋南柱
令割肉以自噉公詢詈不已遂鉤以斷舌問更敢爾否
公猶盛氣舍胡以應之還被支解而終觀者痛心焉楊
國忠受通幽詭說賈深又不證明竟不蒙恤問乾元元
年夏五月二十八日肅宗乃追贈太子太保子姪爲賊
所害者八人孫誕姪詡詡當從家廟勳禮二碑作詡果

先質於賊皆被殺至是
贈季明詡左右贊善誕義王諮議姪子幹都水使者沛
尚食奉御顏洗馬逃鄭王友從父甥博野尉逃上脫沈
盈大理正封夫人崔氏清河郡太夫人授泉明鄆縣令
男威明太僕丞姪男翹漢州司馬孫証左內倉曹訊兵
曹諡公忠節從父弟國子司業允南洎真卿表謝蒙批
荅曰自逆胡猖狂入我河縣所在官吏多所迫脇卿兄
以人臣大節獨制橫流或俘其謀主或斬其元惡當以
援兵懸絕身陷賊庭傍若無人歷數其罪手足寄於鋒
刃忠節形於顏色古所未有朕甚嘉之盛烈既冠於當
顏魯公文集卷八 神道碑銘一 十

時寵名宜及於泉壤初公被懸首於右金吾街樹有張
溱者哀其髮收謁元宗俄見夢云禦捍處多兵馬少元
宗哭而設祭焉後湊以髮至夫人疑之憑牀而哭忽聞
聲如鞭牀者發箱跳而前夫人方駭信之明年春正月
葬於京城鳳棲原先塋西北禮也昔七代祖中丞府君
勳絕於梁武五代伯祖御正府君抗聖於隋文而公精
貫白日義形宗社今又繼之爲不隕矣嗚呼公與真卿
偕陷賊境懸隔千里稟義莫由天難忱斯小子不死而
公死痛矣哉銘曰
太保烈烈抗茲忠節殉國義形見危身殺元宗杖信售

詐凶羯龍極災挺稱兵向關河朔鼎沸遠聞天下
寒心王旄若費地禾十萬萃如霜雪公以眇身毅然奮
發逆黨株送土門披挾人知劫忠國用不親恩寵三座
榮加九列王命未臨燕城已滅身縣鋒刃口誓不絕先
聖感忠保儲贈揭刻諸金石思表墓級遠莫致之留斯
江澨日月有既徽猷無缺

正議大夫行國子司業上柱國金鄉縣開國男顏

府君神道碑銘

寶應元年

君諱允南字去惑京兆長安人也高宗侍讀贈華州刺

史昭甫府君之孫薛王友贈太子少保惟貞府君之第

顏魯公文集

卷八

神道碑銘一

七

二子也少以詞藻擅名兼工草隸書尤善五言詩深為

伯父濠州刺史元孫府君之所賞愛開元十五年以挽

郎選糊名考列入高第授鶉觚尉後與從父兄春卿杲

卿曜卿調集皆為吏部侍郎席建侯所賞重時論榮之

尋授右武衛兵曹二十六年丁內憂以毀聞服闋轉右

領軍錄事參軍其從祖姑子劉同昇齊名長又相善嘗

寓書與之中書舍人孫遜見而驚歎曰古人之作尋為

同昇江南經略判官遷大理評事從調吏部侍郎達奚

珣以書判超等薦為朝廷左補闕元宗嘗撰華嶽碑并

書天寶九載令御史大夫王鉷打百本以賜朝臣家獲

二本者四族而君以兩省官弟真卿以殿中侍御史居
其一焉每正至朝賀宰相以下登殿者不過三十人而

君與真卿王鉷法服於含元殿蹈舞而衣接焉朝覲宴

集必同行列故君賦詩云誰言百人會兄弟皆需陪與

諫議大夫鄭審郎中祁賢之每應制及朝廷唱和必警

絕佳對人人稱說之俄遷殿中侍御史以忤楊國忠貶

襄陽丞移河東司戶京兆士曹十五年長安陷輿駕幸

蜀朝官多出駱谷至興道房瑄李煜高適等數十人盡

在中丞田良邱為哥舒翰行軍司馬既敗猶自振矜因

誦表云翰北行師未當挫衄蓋緣運數潛迫人神同棄

顏魯公文集

卷八

神道碑銘一

三

職之人故匪翰之由眾皆默然君獨抗聲叱之曰公何

得向為賊說微祥乎暉等因欲毆擊魏仲犀與之同罪

遜詞引去不敢枝梧一座皆壯之恩詔召拜尚書屯田

員外郎加朝散大夫遷司膳郎中真卿至自河北元宗

給君驛至鳳翔令相見從肅宗入西京遷司封真卿以

尚書兼大夫弟允城又為殿中兄弟三人同時臺省當

代無比時人欽羨焉尋封金鄉縣開國男累加正議大

夫上柱國遷國子司業寶應元年冬十一月真卿自利

州蒙召至上都君遇疾已革關而泣曰吾忍得見汝因

嗟咽不自勝其十日傾逝於私第享年六十九嗚呼明

日庚申葬於萬年縣原樓原先塋之北村也二子穎頌
皆好爲五言詩真卿使頻奏事彭原上文章蒙擢校書
郎早卒穎簡直潔已以左衛兵曹選爲侍郎崔器所賞
累授河南府士曹噫君幼而聰明長而美秀仁恕形於
造次精識冠於當時善與人交篤於僚友故父執侍郎
寇公泚相國陸公象先尙書韋陟陸公景融重君才名
相見未嘗不移日也相國房琯尙書韋陟張倚皆篤忘
年之契河南陸據彭城劉餗劉秩隴西李華李涵范陽盧允
淹特敦莫逆之歡河東敬括隴西李華李涵范陽盧允
畢盡帝僚之好非夫親仁誠物泛愛虛已則何以廣而

顏魯公文集

卷八 神道碑銘一

三

能周久而益敬者矣家常有折脛鶴初真卿小年時戲
書其背君切責曰此雖不能奮飛竟不惜其毛羽奚不
仁之甚歟其惻隱者如此真卿終身志之於戲以君之
才之美之德之義方當翼亮盛時儀型宗國道之祝喪
頓我遐圖悲乎痛哉真卿孩而不夭太夫人蘭陵郡太
夫人殷氏親自鞠育實賴慈訓粗茲有成至若發慮學
文之親立身復禮之道非仁兄之規誨曷暨所蒙且有
師訓之資豈惟孔懷之戚布哀金石未究萬分銘曰
莊穆雋渾清沂駿奔英靈孕育生我仲昆維我仲昆邦
家之藹孝仁是履愷悌是惇清議冰澈韶儀玉溫詞華

藻翰翰墨雲繁通究理體精詳政源爰初發跡屢振瑤
現射邑何陋許廷不宛衮衣補闕維庸崇敬神則列棣
會府宰屯司膳王封迴薄飛駕乃佐教曹載光備門未
登鼎鼎奄謝鴻駕伊昔不造實賴能存下光花萼上深
晨殮微君教導曷惠拯援今既絕矣哀摧忍言何以真
懷勒銘弗緩垂諸來裔翼子謀孫

和政公主神道碑

唐德二 年八月

詩美下降傳書築館貴其中禮載籍稱焉漢魏已還寂
寥罕嗣以蕩陵德則維其常皇唐勃興王道丕變平陽
起娘子之軍於司竹襄城行匹庶之禮於宋公常樂乳

顏魯公文集

卷八 神道碑銘一

古

匡復之師於武后皆前古之所有其或生知禮樂周旋
法度躬行婦道以懋大倫克順天經光照赫赫名言之
所莫究書記之所未聞聚眾美於一身鄰太虛而獨立
者其唯和政公主乎公主姓李氏隴西成紀人皇唐元
宗至道大聖大明孝皇帝之孫肅宗文明武德大聖大
宜孝皇帝之第三女帝女之崇於斯爲盛今天子之同
母妹也母曰章敬皇太后后之在襁褓也后父贈太尉
吳君曰令珪嘗遊官蜀中使道士勾規占之驚起曰此
女貴不可言是生二子男爲人君女爲公主嫁於柳氏
其後竟配肅宗生今上及公主神所命也厥惟舊哉公

主三歲而孤即能獨養育於儲妃韋氏純孝過人幼而聰惠長而韶敏穠華秀整合德芬馨旋燬發於天姿肅雍形於鑿寐奉今上以悌道事章如所生特為肅宗之所賞愛至若左右圖史開示佛經金百經竹之音讀畫工巧之事耳目之所聞見心靈之所傾畧莫不一覽懸解終身不忘天寶九載春三月既望封和政公主降於河東柳潭既筭之三載矣潭周太保敏之五代孫皇新州刺史懷素之曾孫贈祕書監岑之第四子衣冠地胄輝映當朝初以美秀承家中以名聲華國道勝而貴能下善謙尊而休有烈光士林偉之解褐左內率府

顏魯公文集卷八 神道碑銘一 主

胄曹轉穎王府戶曹陳留郡司功參軍以人門第一選尚公主拜太子洗馬亦既好合雅相敬貴雖柳侯秉彝有度能降帝女之心而公主率履由衷每抗古人之節故宗族胥睦不獨親其親先後大同莫敢私其子伯姒宏農楊氏太真姊務華采公主服無金翠之飾居有冰雪之容每至朔月六參朝天旅進嫣然班敘之內迴出神仙之表亦非希企之所及也泉凶羯亂常潼關不守元宗幸蜀妃后駿奔姊曰寧國公主霜萎屏居誰或計告乃棄其三子取其夫之乘以乘之柳侯徒行公主愧焉下而同趨者日且百里每臻坎險必先濟寧國而後

從之柳侯曰公主曰我若先涉脫有危急不能俱全則棄我姊矣柳侯感歎躬負薪之役公主怡然親饋餼之事竭力供侍澤兒澄之妻楊貴妃之姊也貴侍前朝勢傾天下公主交無詔黠思未窮繆楊且云亡以孤見託馬鬣之役無唯類焉感其一言悉力營贍男登服冕之位女獲乘龍之匹出入存恤過於己子雖其密親固或能辨柳之親昵伯仲姑姊隱餽將迎唯恐不至糾逃疏屬撫循惇養錄內及外終始如一孤窮滿目榮悴殊倫居薄推厚未嘗懈倦衣服飲食等無有差互或未周嬰孩罔及每至伏臘祠蒸嘗必具禮衣花釵之飾以躬

顏魯公文集卷八 神道碑銘一 主

中饋堂室之奠豈無婢使式燕孫謀姿性純儉不以迄成先聖休之寶書清問秋八月元宗至蜀仍舊邑而冊公主以潭為駙馬都尉銀青光祿大夫太僕卿屬狂將與禍稱兵向闕元宗親御闔閭臨視誅討駙馬率領家豎折衝張義童等闕於門中公主及寧國毅弓迭進駙馬乘勝突刃所向無前斬馘擒生殆逾五十節使時宰具以表聞元宗自繫誥示先帝懇讓莫當策動遂寢今上之為元帥也躬擐甲胄率先將卒舉兩京若拾遺推凶寇如振槁勞旋方及弩藏其空公主買遷有無億則屢中 應優而數逾千萬懼不給悉畀縣官論者難之

肅宗彌留眾皆送侍主獨瞻奉不已於旁帝有聞蓋而謂之曰汝之純孝乃能至是遂資莊一區帝愛季女曰寶章公主因奏曰八妹未有請以賜之泣而諫焉哀動左右西陵遷之上戒主曰凡厥親身之物必誠必信勿之悔焉主罄家有無以邑入千萬潛羨經費上深感歎焉上既宅亮陰未忍臨政人之疾苦事之得失豈嘗私謁動必以問上敬異之朝廷賴焉廣德元年冬上既東幸主志期扈蹕迴兵充斥咫尺不通因至荆南尉薦諸將方隅載謚職貢以修主有力焉上之在陝憂主匱乏乃命中使屢救節度及轉運使隨主所須務必肅給主顏魯公文集卷八 神道碑銘一 七

以國用空罄竭而歎曰吾方竭家財以資戰士其能饗養首目國經唯請名香數斤賦於佛寺爲主祈福而已王公戚屬相攜而至者藍纓賦囊襁負鱗次竭其鬲斧親自瞻恤聚而泣之悲感行路初次商於頓於傳置羣盜蝟起奄譚驛亭呼而犒之曉以禍福一言革面願比家人之死靡他至今猶在緬惟罔極無所實哀從母薛氏遺孤數四分宅居之皆俾成立萊莘兄弟盡列通班二女有行克配良士主之慈惠悉皆若親臨稼穡躬給餉用不憚煩縉雅好組紉馬裘衣必親裁絺綌及

德二載春二月歸於上都諸主高會議際夫黨覲其親族多曠周旋咸以爲時經百罹粗畧可也主抗詞曰女之移天遂成他族怙貴長傲何以律人上方理定問必不悅諸主歷然競崇討習禮之降殺親之薄厚翕然一變職主之由夏六月才生魄屬邊候不謹烽及京師城中震驚圍視無色主既彌月體未甚安曰事亟矣其入言之駙馬請問主曰吾業已行矣駙馬獨無兄乎因乘檐子直至寢殿乃悉索關遺備陳利病以奏之上欣然嘉納所言未究傍或員來因爾退歸遲明誕育展轉惻惻不能弭忘時屬炎暵熱疾有加聖情憂軫起坐失次顏魯公文集卷八 神道碑銘一 六

天醫內官相繼旁午彼蒼不惠以其月二十有五日辛卯薨於常樂坊之私第春秋三十有六嗚呼皇上友愛天深痛毒兼至若然一叫聲淚俱咽哀動木石豈伊人倫漣漣孔懷如失於臂曰余此妹國之鴻寶方期 云如何瘉祝降時喪天實爲之胡寧忍子乃輟朝三日命京兆尹監護喪事一以官供務從優厚柳侯招膺永悼氣索神傷心苦而忽然忘生泣盡而繼之以血况乎五男三女或亂或孩呼阿母而哭無常聲顛昊天而仁覆承絕時以滋旨嗚而莫就其爲酷痛曷愈於斯以是思哀哀可知矣自朝及野知與不知聞之失聲罔不震悼

或石青牛索服轅軛主之卷也踏地哀鳴仰天屑淚三日不餒而猶若是臣僕可知王之將薨馬先殞捐館之夕見夢則聖乘之周唐偏勞怒遺御屏不迷田容儀從數騎久已云亡眾皆驚起髣髴猶見雖所感則厚而精氣何多主於駙馬大義敦肅不恃倪天之貴每極家人之禮駙馬雅性夷簡恬於名利願究衛生之經庶臻久親之道主志深婉願始慕真宗故於他時並受法籙嘗謂之曰易崇積善詩貴起予不以忠孝數事迭相告助者則心有慊焉率而行之曷嘗廢墜又以爲死生恒理先後之間若幸救手足必當從我以道服瘞我於支

顏魯公文集卷八 神道碑銘一 五

提往來行言時見存恤則所懷足矣子若不諱我若沒身未亡灑掃登隴出入窀穸奉君周旋噫嘻於斯之時以爲誰浪豈悟今者皆符昔言有司奉詔將厚其禮駙馬疏陳皆蒙允許粵以秋八月十九日甲申泉其男試太常少卿賜紫金魚袋晟鴻臚少卿暈試秘書丞賜紫金魚袋杲試殿中丞昱泉子三女等虔定公主於萬年縣義豐之銅人原從理命也於戲風詠歌衣史稱彤管織微之善載籍猶稱况乎七葉帝女分形歸妹貴能上下忠以遊藝備德言容功之美服女師母儀之訓訂之縣古孰與我亦昔馬遷著記謂之寶錄有道見述亦云

有愧其學於舊史少識前載匪考長代跋之盛未
有如公主者焉雖壺則家風每挹如賓之敬而勤崇垂
懿政忘傳信之辭銘曰

穰矣公主元元之緒聖皇之孫肅宗之女今上之妹生
人之矩德言容功義仁孝忠溫良恭儉敬讓宏通率履
弗越高明有融下嫁於柳猗那自久金石著明琴瑟斯
友家道以正人倫斯厚鳳凰于飛梧桐是依囉囉啣
福祿攸歸和樂既孺德音莫違麟之趾定振振子姓方
紹母師奄摧邦令一人痛毒九有違詠詔葬於河銅人
之阿支提鬱起宰樹誰過空餘好合來往滂沱

顏魯公文集卷八 神道碑銘一 三

案公主封號本作和政見唐書公主列傳而何氏語
林趙氏因話錄江氏筆錄皆誤作政和

唐故開府儀同三司太尉兼侍中河南副元帥都
督河南淮南淮西荆南山南東道五節度行營

事東都留守上柱國贈太保臨淮武穆王李公
神道碑銘 廣德二年十一月

昔宗周之中興也時則有若方叔召虎總師千肇敏之
業南威蠻荆東截淮浦以左右宣王詩人歌之列在風
雅我皇唐之反正也時則有若臨淮汾陽秉文武忠義
之姿廓清河朔保父王室翼戴三聖天下之人謂之李

郭異代同德今古一時公諱光弼京兆萬年人也曾祖
皇左威衛大將軍幽州經畧軍副使府君諱令節祖鴻
臚卿兼檀州刺史府君諱重英父雲麾將軍左領左羽
林二軍大將軍朔方節度副使薊郡開國公幽州都督
司空諱楷洛皆以英果沈勇累葉將邊儲威稜於幽陽
公卽薊國公之第四子也體渾元之正性秉宏毅之高
躡天子純嘏生知禮度謨謀炳遠默識冲深傑出經武
之才鬱爲興王之佐故能東征北伐厥難康屯挺草昧
不世之功允蒼生具瞻之望社稷威寶公之謂歟初天
后萬歲中大將軍燕國公武楷固爲國大將威震北陲
顏魯公文集卷八 神道碑銘一 三
有女曰韓國太夫人才淑冠族嘗鑒之曰爾後必生公
侯之子因擇薊公配焉後果生公公年六歲嘗撫鹿而
遊薊公視而誨之曰兒勿更爾公振手而起遂絕不爲
童戲未冠以將門子工於騎射能讀左氏春秋兼該太
史公班固之學開元中起家左衛左郎將歷豐下二都
督府長史尋遷別駕加朝散大夫丁父憂以毀聞終喪
不入妻室太夫人高明整肅有慈有威公下氣怡聲承
順而每竭其力雖已官達小不如意猶加譙讓之責故
能濟其勳業天寶二年拜寧朔郡太守四載加左清道
率安北都護使充朔方行軍都虞候五載充王忠嗣河

西節度兵馬使加遊騎將軍守右領軍賜紫金魚袋仍
充赤水軍使八月襲封薊郡開國公入載遷右金吾衛
將軍充節度副使以破吐蕃及招討吐蕃軍加雲麾將
軍左武衛大將軍十一載拜單于副都護十三載爲安
思順朔方節度兵馬使思順慕公信義請爲婚媾公辭
不獲免遂託疾罷官西平王哥舒翰聞而寤之奏歸京
師遂守道屏居杜絕人事十四載冬十一月安祿山反
帝陽天下釋驩朝廷旰食聿求城纒之將爰統鷹揚之
師明年春正月起公爲銀青光祿大夫鴻臚卿兼雲中
郡太守攝御史中丞持節充河中節度支度營田副使
顏魯公文集卷八 神道碑銘一 三
知節度事仍充大同軍使二月拜攝御史大夫魏郡太
守充河北道採訪使俄除范陽郡大都督府長史充范
陽節度使初公以朔方馬步八千人出土門其月旣望
收常山郡前是太守顏杲卿泉長史袁履謙殺祿山土
門使李欽湊擒其心腹高邈何千年屬太原尹王承業
不出救兵杲卿履謙爲史思明所陷戰士死者殆藉於
溝池之上公親以衣袂拂去其口上沙塵因慟哭以祭
之分遣恤其家屬城中莫不感激一心史思明正圍饒
陽馳來拒戰公屢摧陷之詔拜公兼御史大夫俾今尙
書令汾陽王郭子儀悉朔方之眾與公合勢南收趙

郡又敗之於沙河夏六月戰於嘉山大敗之斬獲萬計
思與鬻髮跣足奔於博陵窮蹙無計歸節於蘇山蘇山
大恐逆徒幾潰屬漳關不守肅宗理兵於靈武盡追朔
方之師加公大原尹公以麾下及景城河間之卒數千
人至秋八月拜戶部尚書同中書門下平章事史思明
既有河北之地與蔡希德悉眾來攻累月不尅而退公
自賊逼城於東南角張帳次居止竟不省視妻子每過
府門未嘗回顧是後決遣事務信宿方歸至德二載拜
司徒冬十二月十五日肅宗既還京師策勳換司空兼
兵部尚書封鄴國公食實封八百戶公弟光進亦以懋
顏魯公文集卷八 神道碑銘一

功同制封拜乾元元年八月拜侍中其年冬十月與九
節度圍安慶緒於相州明年春三月史思明至滏陽屢
絕我糧道眾咸請公簡精銳以擊之交鋒竟日思明奔
北於百里之外公反旆而歸烟塵亘天諸將皆以爲賊
軍大至遂南渡黃河公至則無見矣乃歸於太原是年
夏五月除滏陽節度使尋代汾陽王爲朔方節度使秋
八月充天下兵馬大元帥以數千騎東巡追兵馬使張
會於沁水用濟獨來上謁公數其罪而斬之因追
兵馬使御史大夫僕固懷恩懷恩中夜馳赴魚貫
拜命至秋毫不敢犯公趣河而東及滑州聞史

思明已過河遂迎強旅以至東京移牒留守及官吏等
悉自迴避公獨與麾下趨河陽橋城賊先鋒已下倒懸
坂公至石橋命乘燭徐行一夜方達賊望之不敢近思
嗣來至城下請見公公於城上謂之曰我三代無葬地
一身必以死國家之患爾爲逆虜我爲王臣義不兩全
我若不死於汝手汝必死於我手將士聞之無不激勵
相持凡八月思明暴露不敢入東京乾元二年冬十月
甲申賊將周贄悉河北之眾萃於河陽城北思明以河
南之眾頓於河陽南城之南南北夾攻表裏受敵公設
奇分銳襲其虛而大破贄軍臨陣擒其大將徐璜王殺
顏魯公文集卷八 神道碑銘一

獲畧盡贄僅以身免收軍資器械不可勝數思明心悸
氣索烟火不舉者三日官軍大振初公以爲戰者危事
勝負難必每臨陣嘗貯伏突於靴中義不受辱至是登
城西向拜舞因歎歎不自勝三軍見之無不淚下三年
春正月遷太尉兼中書令其年改元上元冬十一月攻
拔懷州擒其僞節度安太清二年春二月統僕固懷恩
自河陽趨河清與史思明合戰於邙山屬風雨晦冥王
師不利公收合餘軍屯於垣縣遂引過請罪懇讓太尉
肅宗不能違之二月拜開府儀同三司中書令兼河北
尹節度使夏五月十有一日復拜太尉兼侍中充河南

副元帥都知河南淮南准西山南東荆南五道節度行營事出鎮臨淮時史朝義乘邙山之捷圍逼申安等一十三州自領精騎圍李岑於宋州公之將吏皆叱懼議南保揚州公謂之曰臨淮城池卑陋不堪圍逼不如徑赴彭城俟其東寇躡而追之賊可擒也遂趨徐州因召田神功宴慰與同寢宿以宋州之難告祖道郊外俾先歛以寵之分麾下隸於其將喬岫仍令兵馬使郝庭王與岫犄角而擊之賊遂一戰而走使來告捷公已屈指俟報俄而吉語至焉今上登極寶應元年夏五月進封臨淮郡王廣德元年秋七月加實封三百戶通前後凡

顏魯公文集

神道碑銘一

說

二千戶賜鐵券名藏太廟仍圖畫於凌烟閣冬十一月上在陝州以公兼東都留守制書未下久待命於徐州將赴東都屬疾痢增劇公知不起使使齋表奉辭廣德二年秋七月五日己亥薨於徐州之官舍初將吏等問以後事公曰吾久在軍中不得就養今為不孝子矣夫復何言因取已封布絹各三千匹錢三千貫鬻麥以分遺將士眾皆感痛不自勝及公云亡遂以其布為公製服庚申哀問至上都上痛悼之輟朝三日太夫人一慟而絕終方古蔽使開府魚朝恩就宅敦諭京兆尹第五京蓋護喪事九月己未追贈太保十二月開二太常議

行誥曰武穆夫人薛國夫人太原王氏景長子太僕卿義忠並先公而逝次曰太府少卿太僕卿象毅中丞彙等皆保家克荷備聞詩禮無忝燕翼遐慶之誠冬十一月二十七日庚申泣而咨於王母虔空公於富平縣先塋之東禮也於戲公以吉甫文武之姿兼樊仲將明之德王國多難羣胡構紛藉朔方偏師之旅入井陘不測之地思明鏗銳於恒定祿山絕望於江淮守太原而地道設奇保河陽而雲梯罔冀破周贄於温沈擒太清於單懷走史朝義叛渙之眾於梁宋救僕固瑒已危之軍於瀛莫皆意出意外虜墜計中天下有磐石之安國家

顏魯公文集

神道碑銘一

美

無贅疣之患此皆公之力也公兄遵直遵行仕至將軍泉弟光炎並不幸早世次曰光顏特進鴻臚卿皆以將畧見稱時輩季曰光進開府儀同三司太子太保兼御史大夫渭北節度使涼國公清識表微沈謀絕眾剛亦不吐柔而能立與公並時仗鉞分閭開二凌霄翼聖既有戴天之功華原統師獨聞禁暴之德方當會同正至榮曜君親入侍麟帷賦二韶乎泰階之上歸聯綵服頓雙旆於宣室之下斯歡未劇遺恨何居昔斛律丞相與弟并州同移烈於北齊賀拔行臺與兄雍州亦宣力於

我族事蹟不傳其聊昔守平原因於兒得蒙公在止雙
保餘生來帶與居空想北平之禮操懸論撰敢墜中郎
之辭銘曰

獨朝錫狂假擾皇綱降生臨淮佐我興王惟此臨淮萬
夫之望爰初發迹因我弗臧出入忠孝人倫激昂其心
鐵石其行珪璋天寶末造河朔恒攘天子命公經營朔
方沙河嘉山我伐用張思明歸節祿山震惶潼關勿帥
醜虜其亡肅宗有命大鹵於襄應變如神兇徒靡亢介
珪入觀台座用光俾公東征北國是皇長圍鄴下望入
河陽擒斬渠魁靈擊龍驤淮瀆鎮定徐土翺翔服田蠶

顏魯公文集

道碑銘一

三

屈料瑒鷹揚不有神算疇戡暴強弟兄同時秉鉞煌煌
方期凱旋雙映旗常晨趨法座夕慶高堂如何不辰愆
此百祥素輶反葬白驥踴箱簫鼓悲鳴羽儀分行萬乘
致祭千官送喪生榮死哀身沒名揚渭水川上壇山路
旁唯餘豐碑突兀連岡往來必拜萬古沾裳

寧鄉黃本驥仲良編訂

湘陰蔣 瓊維揚叅校

神道碑銘二

朝議大夫贈梁州都督上柱國徐府君神道碑銘

自古遭聖明而功不立都卿相而名不稱者蓋有之矣

其或荷丕構而繼志不忘在下位而能伸其道克揚前

烈以承後昆其唯徐君乎君諱秀唐書宰相世系表作瑒東海鄉

人也其先出於伯益實掌舜虞裔孫偃王躬行仁義遂

因國命氏焉厥後樂以文侍金門釋以禮優塵榻僊人

類魯公文集卷九 道碑銘二

寄傲於賢聖傳長首冠於應劉英達相仍有自來矣宋

有中書侍郎連之司空羨之兄秘書監欽之欽之子尚

書僕射中書令湛之湛生黃門侍郎聿之聿之生齊太

尉孝嗣孝嗣生梁侍中親親生陳五兵尚書君敕君敕

生丹陽尹沮自司空已還四為上公五降帝女尹生隋

民部侍郎唐贈秘書監諱恕監生金紫光祿大夫右散

騎常侍兼禮部尚書諱筠尚書生庫部郎中萬年令太

子詹事諱時宰相世系表云孝嗣生齊侍中親親生陳

食重長世系表云君敕君敕生隋通事舍人榮榮生尚

書長世系表云均生時 皆以盛德濟美垂於世家君即

詹事第三子也幼而聰悟篤學能屬文事繼親以孝稱

十餘歲時父友鳳閣侍郎姚元崇示君五百字詩一覽

便誦姚公奇之因謂詢言狄公曰徐子珠璣玉潔後但

不知命何如耳年十五為崇文生應舉考功員外郎沈

在期再試東堂壁畫賦公援翰立成世公駭異之遂擢

高第調補幽都縣尉充相國尚書趙彥昭朔方節度判

官以事去職又歷蔡州參軍為御史宋遙關內覆囚判

官公銳精鞠訊多所全活宋公以為言公正色謂之曰

僕從祖父司刑卿天授中詳理冤獄振雪者七十餘家

今子孫猶困於襄陵豈忍以東溼之事以自便也因頓

首請去宋謝而留之無何或訟寃於執事者召公問狀

類魯公文集卷九 道碑銘二

則他判官之為也宋欲別白旌公公曰僕雖不材豈可

藉人之過以為己功乎論者休之戶部侍郎徐知仁請

為招慰南蠻判官奏課居最轉瀛州司法參軍侍御史

趙頤貞辟宣慰判官歷湖州德清長城潤州丹陽三縣

今天寶二載春二月加朝散大夫敕攝新安郡別駕林

訪使齊澣梁昇卿並奏為判官六載秋七月拜臨淮郡

長史加朝請大夫九載夏四月除濟南郡司馬加朝議

大夫十二載春三月拜信都郡長史不幸感疾天寶十

三載秋七月九日終於郡之官舍春秋七十公先世塋

宅於京師少陵原詹事府君巡按河南薨於洛陽葬

於纒氏縣西南大寇原公破手足也願命其子今侍御
史纒曰吾家代儉約不欲華眾歸全之後其以布車一
乘度補先塋續泣而奉之及其葬也坐小無便地於次
東馬鞍山下得紫龍飲乳岡之原龜筮從也夫人南陽
縣君樊氏戶部尚書子蓋之曾孫袁州刺史文器之孫
廬江太守季節之女仁孝柔明嫺於禮度左右圖史雅
善琴瑟中外孤弱躬自收視俾夫遠近咸懷安之春秋
六十有八乘堂帳於相州之安陽天寶十五載秋八月
十有四日爰遵周公之典而合祔焉禮也廣德二年春
二月皇帝有事於南郊追贈君都督梁州諸軍事梁州

顏魯公文集卷九

道碑銘二

二

刺史夫人南陽郡太君蓋以續簪白筆於赤墀董材賦
於巴漢是用有永錫之寵紆襄崇之命哀榮之盛不其
至矣君凡四為綱佐六奉使軒所至之邦必聞異績舉
天下之政事莫不資折中焉性嗜清貧室無長物孤兒
叢萃皆仰於君既嬰沈痼之疾絲屨三載續請就上國
之醫庶其逢吉君曰闔門之資者寸祿也今疾劇命也
吾不以一身易百口竟不從而沒識者哀之或謂君曰
君幸養養姑用度萬錢關一振諸姑纒纒五兩姑見君
笑而不答退謂續曰吾見其撫孤不見其怨德教
誨之可以見其用心也君恬淡寡欲雅好攝生在新

安或指靈叟於洞君齋心門日采入其阻而後觀之訊
其由來陳思王東閣祭酒蔣覲也說魏時事歷歷可聽
君稽首而漸之叟曰從我乎必可度世君以王事靡盬
退而辭焉比迴顧則為茅草矣初君上計濟南展羣祖
之墓松檟森然嶽猷莫紀畱居論譏時日以成先德之
不忘繁是舉也嗚呼君體聰穎之上姿恬曠之夷度寬
明足以濟眾和義足以長人口絕秀言目無還視立身
先張仲之志與朋服子路之言內行可以質神明清規
可以勵風俗宜克享胡考荷天之龍光輔乎漢之得人
高視乎周之列位而道之將喪命不偶時屈與驥於身

顏魯公文集卷九

道碑銘二

四

前壁峴碑於沒後吁足歎也春秋貴九世卿族漢史稱
七葉珥貂陪臣於下士卑僚絕屬於天潢戚里豈比夫
登台者四世尚主者五人焜耀於數朝之間蟬聯於百
代之下可同年而語矣續懿文懋學峻節清標天寶末
陷居賊中為僞命連辟辭疾不起謀使家人與本朝通
計為部曲所發遂遭禁詰一日之中議刑者數焉俄而
官軍大至賊黨奔北由是獲免乾元中奉使巴渝屬段
子璋搆逆流輩十人皆被屠害以續高名欲畱同惡期
之以死承劔不回時諸道徵求人不堪命續至之邦必
荷仁信如期而畢則關三將崇必復之矣寧止當朝之

望神銘功伐敢墜斯文辭曰

益為帝虞假不異途世表東海其惟徐平或文或武或
昔或儒林美後昆厥德不孤猗那都督克懋遠圖邦國
四任職軒六祖樹聲長世與道為徒爰觀幽光無寧集
枯字仁義都盡彭殤易殊所嗟人紀莫展嘉謨馬鞍
山北龍乳岡附於焉崇剛先志庶逾豐碑崔嵬宰樹紫
紆字沾濡字八

金紫光祿大夫守太子太傅兼宗正卿贈司空上

柱國隴西郡開國公李公神道碑銘

昔周武以二公股肱王室然而允釐西土師保萬民者

顏魯公文集卷九 道神銘二 五

其惟召公平漢室以二傅羽翼儲宮然而亮采東朝儀
型百辟者其惟蕭傅乎則九德之師六行之傳親賢既
美亦何代無其人哉隴西公才為國之垣翰位為天子
之喉舌德為朝之元老行為帝之信臣蓋所謂宗室之
間生士林之傑出者也公諱齊物字道用隴西成紀人
自若水導其靈源而聖人作高邱峻其層構而才子生
元元為宋帝之先興聖有勤王之舉盛德彌於百祀靈
根固於千葉太祖景皇帝功高佐魏慶始封唐家崇八
柱之勳地半三分之業亦猶殷人之祖契周室之宗文
公即景皇帝之五代孫也鄭王亮之元孫淮安王神通

之曾孫淮安王皇朝開府儀同三司守書左僕射贈司

空若石開府介圭錫瑞成周之晉鄭西漢之勃平祖孝
鏡臨州刺史父瓌隴州司倉贈宏農太守並清白弟範
仁貴繼執連華公族濟美專城公稟乾剛之正性體坤
順之中德爰自岐嶷特鍾美秀藏然王公之量鬱有台
鼎之姿固已超等夷而出羣萃矣神龍初起家左右千
牛備身歷尚輦直長許州司馬華州司兵時方振拔勢
巨飛騰此則江漢之濫觴華嵩之覆篲也丁太夫人憂
公有至性毀瘠過禮扶杖於家哭不絕聲者累月倚廬
於墓衣不解帶者終喪天子特降璽書就廬慰勉非常

顏魯公文集卷九 道神銘二 六

之澤近古未聞服闋授鴻臚丞除尚輦奉御遷北都軍
器監事太原為一都之雄鎮軍器掌五庫之禁兵故乾
沒之賊一微百萬繕完之利費省巨億少尹嚴挺之連
奏課最擢拜長安令陸海殷湊五方浩劇公以威禁暴
以恕用刑邑里之人陶然大化遷將作少匠殿中少監
太府少卿懷陝二州刺史雖漢之宗室不典三河而周
之懿親先分二陝惟良之寄實在於公嘗以黃河經砥
柱之艱有覆舟之患遂奏疏九派鑿三門屬役而堅冰
大合興功而烈火潛熾不愆於素若有神焉人皆以公
至誠之所感也又於石獲古銘曰平陸遂以名縣焉元

宗與之賜表一領絹三百匹特加銀青光祿大夫鴻臚卿并公之先隴州府君專城之對上管賜玉尺一詔百兩之尺度可以裁成卿實多能故爲此賜識者知公必將金玉王度代天之工豈能從容九列而已拜河南尹仍兼水陸運使屬左相李公適之尙書裴公寬京兆尹韓公朝宗與公爲飛語所中公遂貶竟陵郡太守時陸羽鴻漸隨師郡中說公下車召人吏告之曰官吏有篋篋不修者僧道有戒律不精者百姓有泛駕蹶弛者未至之前一無所問而今而後義不相容數年間一境丕變熙然若羲皇之代矣哀孤重老有隱逸好道者常

顏魯公文集 卷九

神道碑銘二

騎馬於里巷之中親自恤問量移安康即日上海老幼避擁不得發者三辰轉漢陽斬春其政如一公虛中自牧接下愈恭與物盡推誠之心正身無氣歎之忌每上春行令大戶閭農輕裹餼糧重煩縣道化流江漢如時雨焉故郡歷數四課事第一去思之感人到於今稱之天寶末徵拜將作監重授鴻臚卿縱壑巨鱗還游舊浦凌風勁翮返故林時國忠包藏於內下朝議大夫守華州刺史上柱國贈祕書監顏君神道碑銘 承泰 君諱元孫字肆修京兆長安人高祖諱之推北齊給事

黃門侍郎待詔文林館會理諱思魯尚太子校書東宮學士皇朝秦王記室祖諱勤禮著作史崇實宏文兩館學士父諱昭甫高宗侍讀曹王屬贈華州刺史俱以德業才名相望史冊君卽華州之元子少孤養於舅熙仲容家身長六尺二寸聰銳絕倫工詞賦章奏有史才明更事年十歲時叔父吏部郎中敬仲任益府法曹長史李孝逸聞君少俊請與相見座中試安石榴賦君默綴少頃卽中聘而從之君授翰立就不加點竄孝逸大驚尤善草隸仲容以能書爲天下所宗人造請者賤盈几輒令代遺得者欣然莫之能辨舉進士素未習尙書六

顏魯公文集 卷九

神道碑銘二

日而兼注必究省試九河銘高松賦故事舉人就試朝官畢集考功卽劉奇乃先標榜君曰銘賦二首旣麗且新時務五條詞高理贍惜其帖經通六所以不原本屈從常策徒深悚作由是名動天下解褐鼓城主簿歷登封尉與弟贈太子少保諱惟貞府君調選屢以高等同登甲科相代爲長安尉翰林偉之前是老吏好以婚田之不決者試新上官君悉瑯階上研墨汁數原本操劄凡百餘道不終夕而畢縣令隴西李綰才學士也觀原本駭命小吏分守寫之而通不給朝廷聲歎遷洛陽丞君作佐郎太子舍人時元宗監國獨掌令詰當時以爲

論言之最嘗有命召或以次進詳本今日非也聞公喚

長舍人來遂御小殿賜食因出諸家書跡數十卷日聞

公能書可為穿人定其真偽計分別以進上元宗大悅

因賜藤版筆墨衣服等物嘗和遊苑詩御札八分批荅

云孔門入室魯國稱賢翰墨之妙莫之與先君一覽無

遺兼該故實韋安石以宰相兼庶子特相禮重官務一

以諮君事頗填委從駕至原本以司直用專命坊官同

遊石瓮詩駐焉諸君有忌前者日顏舍人必不行已而

君辭以遠日果爾何為妄請君默然元宗登極同列皆

選中書舍人君讓范陽盧備俄為珣等所擠出為潤州

顏魯公文集卷九神道碑第二

長史遷滁州刺史按察使王志愔以清白名聞拜沂州

志愔娶於顏餘慶以男求婚君拒之遂誣奏請降階奪

祿其初君與執事者因關一官有忤至是憾焉遂黜歸

田里君屏私第傲然無悶者十年與陳郡殷踐猷上谷

寇泚武功蘇晉吳郡陸象先友善相見未嘗不畢景起

為濠州刺史累加朝議大夫上柱國中書令張嘉貞淡

相器重方引制制原本右職屬罷相不行代到風疾

停家開元二十年秋七月才生明薨於絳州翼城縣丞

之官舍隨子春卿任也明年葬於東京鶴店東北高村

原夫人新城縣君元氏故北異穴而塋也文集三十

卷若千許字書一卷並行於世續烈父諡令光庭注後

漢書常山之附也沒焉廣德二年春三月二十有二日

制曰故濠州刺史上柱國顏元孫懿道茂宏材特達

傳經成業聚學為文清白著於家風開望光於銓選久

膺揚歷爰寄藩條政有其方績宣其用未登大任遽迫

流年九原不作郡邑存其遺愛二子象賢艱難立其名

節忠能徇國孝在榮親贈以偽官揚其盛烈可贈祕書

監真卿表謝今上批荅云卿之先伯當代詞宗道蘊國

經行推人表上宏祖德下契門閭鄭國不亡臧氏有後

雖雲雨之澤自葉流根然訓誨之方因父見子永惟盛

顏魯公文集卷九神道碑第二

烈式寵代官不朽者名斯為極矣嗚呼君有五子皆有

才名春卿聰銳無比早擅詞賦尤工表檄侷儻有吏能

急人之急明經拔萃歷蜀縣尉長史蘇頌舉茂才異等

未試充張敬忠節度判官轉翼城丞與弟杲卿曜卿從

父弟允南調選同日於銓庭為侍郎席建侯所賞授偃

師縣丞杲卿忠烈方正精敏有識累至魏州錄事參軍

清白名聞充安祿山營田及度支判官太常丞攝常山

太守祿山反誅其土門使及原本拜衛尉卿兼御史中

丞城陷詔嘗為賊所屠害乾元中贈太子太保諡曰忠

節曜卿介直以信稱勤學好屬文工草隸書十五以文

馬起自美姿儀善草書尤山令茂會仁恕和厚口無擇
 言無威文詞留心詰訓嘉陵司馬孫少如雜書疎財
 重義方義尉鮮于仲通節度劍南引為判官同征閣羅
 鳳沒於嶺泉明穎悟孝義果銳細於吏道安平尉父敬
 保父敬保字疑是太保之第將開土門使與長史袁履
 謙往來謀議授左金吾兵曹尋為賊所執舉家見陷泉
 明到河北乞求贖先姑女而後已子行路哀之東京收
 復泣血求父屍獲焉時人以為孝感所致拜郵令有能
 名為崔光遠所擠終彭州司馬威明太僕丞邛州司馬
 顏魯公文集卷九 神道碑銘二

瑛世父明德是知孝以仁親忠期輔主周旋禮法精
 究訓誥行標珪璋文彪龍虎高標天府震耀區寓前載
 原本 干官欽觀王慈說列赤縣斯偃杖華交輝灑翰如
 兩浴陽眺或著作布武載筆龍樓 光龜組元宗褒
 異 發傷伍不入掖垣翻飛江澣淮沂其父典憲斯
 侮望開爰歸優游不吐名公虛左濠上爰撫方俟同昇
 遠德多祐一麾屢黜百贖奚補翼子多方教忠則膺吁
 嗟太保為國干櫓取義舍生悲今邁古皇恩自葉超贈
 祕府存沒哀榮幽明赫斯真卿追痛銜恤靡怙牽綴銘
 功根非覲纓
 顏魯公文集卷九 神道碑銘二 三
 將進行左金吾衛大將軍上柱國清河郡開國公
 贈開府儀同三司兼夏州都督康公神道碑銘
 永泰二 年二月
 竭誠奉主之謂忠率義忘躬之謂勇忠勇不犯則名登
 於明堂子化教忠之謂慈戰陣能勇之謂孝孝慈有裕
 則道存乎方冊兼此四者其惟清河公之族乎公諱阿
 義屈達于姓康氏柳城人其先世為北蕃十二姓之貴
 種曾祖頡利部落都督祖染可汗駙馬都知兵馬使父
 頡利發墨噉可汗衛衛官知部落都督皆有功烈稱於
 北陲公即衛官之子也正直忠鯁以信行聞為國人所

極長於謀略工騎射其弓十鈞年二十三為阿史那
 伏施默啜等九可汗宰相秉心顛一立言無二不吐剛
 以姑柔必陷道而履義可汗每有過失未嘗不極言切
 諫蕃落中重焉以比國家之丞相宋璟初默啜弟拔悉
 密時勤嘗擊藥弑可汗公竊而藏之密持示默啜默啜
 大怒將誅之公以為請但令歸於部落默啜知公至忠
 繇是益加親信同列四人莫與公比其後公以孤直屢
 見疑譖遂請退歸可汗察公非罪尋復追為宰相先是
 毗伽可汗小殺為其大臣梅錄啜所毒小殺覺之盡滅
 其黨既卒國人立其子伊然可汗無何病卒又立其弟

顏魯公文集 卷九 神道碑銘二 三

登利可汗華言登利猶果報也其母暉欲谷之女與其
 小臣馱斯達干預國政登利從叔父因左殺右殺東西
 分掌其兵馬登利與其母誘斬西殺盡并其眾左殺懼
 及乃攻殺登利自立為烏蘇米施可汗拔悉密擊敗之
 脫身遁走國中大亂天寶元年公與四男及西殺妻子
 默啜之孫勃德支特勒毗伽可汗女大洛公主伊然可
 汗小妻余塞爾登利可汗女余燭公主及阿布思阿史
 德等部落五千餘帳并駝馬牛羊二十餘萬款塞歸朝
 朔方節度使王忠嗣具以上聞一本忠嗣秋八月至京
 師元宗俾先謁太廟仍於殿庭引見御花莛樓以宴之

仍賦詩用紀其事拜公左威衛中郎將鳳陽節度使
 安祿山潛懷異圖庶為已用密奏公充都落都督仍為
 其先鋒使公既不得已僂俛從之四載以破契丹功遷
 右威衛將軍俄拜范陽經略副使五載又破契丹功居
 多拜左武衛大將軍仍充節度副使元宗嘉之璽書慰
 地益溢篋笥十四載冬十一月九日甲子安祿山反范
 陽公以天子有命陷身凶逆舉家見質自拔莫由既至
 冀州公泣血籲天次於夢寐欲與諸子逃歸國家為賊
 邢州刺史康節所告遂被收繫廉奏被誅者二十餘人
 公之四子各奔於外賊恐眾情不安賞之而後出至德

顏魯公文集 卷九 神道碑銘二 十四

二載闔門二百餘口被安慶緒脅至安陽屬今上為天
 下兵馬元帥統今尚書令汾陽王郭子儀朔方之師諸
 節度回紇之眾東收二京公率四子及孫姪等十餘人
 冒死南奔至汲郡為從者所告家人殲焉二子沒野波
 英俊挺身行前二子屈須彌施英正持滿殿後沒野波
 妻阿史那氏為公控馬登於西山至高平界遇賊蔡希
 德以精騎三百遮路邀擊沒野波英俊策馬奔之斬殺
 四十餘人生擒四人冬十有一月七日投今上行營至
 焉先帝聞而嘉之欲以開府儀同三司處公仍加實封
 公固辭乃受國以金吾衛大將軍加特進贈封清河

郡開國公食邑三百戶策勳關十衛大將軍關二卿關三

射關四開府儀同三司太常卿殿前衛前射生兵馬

俄加上柱國姑臧縣開國子沒野波雲麾將軍左金吾

衛大將軍上柱國射生散騎常侍驍騎大將軍左武威

大將軍兼鴻臚卿上柱國殿前射生使清河郡開國公

英俊等官秩各有差因畱公及屈須彌施英正供奉射

生以沒野波英俊勇冠三軍並令東隨故太尉李光弼

於太原後鄴郡瓦窰陣官軍與安慶緒相逼王思禮為

其所敗賊勢既盛太尉與恩禮相顧氣索沒野波英俊

勃然奮怒遂直抵薄河當鋒擊之殺獲二千餘人賊眾

顏魯公文集卷九神道碑銘二 五

方退太尉諸公觀而駭之賞雜綵百匹並以轉分麾下

一無所納三軍欣羨焉沒野波居常謙謹臨事勇銳戰

則先鋒前無強敵捉生遊奕所向必摧九節度之圍安

陽也史思明悉眾來救沒野波以十五騎過河逆擊之

并馬刺倒者數人生擒數十人後擊懷州思明又自來

救習爽之際侵軼柴籬沒野波領甲騎三十禦之賊軍

五千人一時摧敗真卿之棄平原也沒野波為賊騎將

緩策不迫及聞渡河然始奔躡是以得脫於難平原人

至今稱之英俊瞻視眈眈姿氣雄果發勁矢持大槍崑

然萬眾之中左右馳突無不辟易而退嘗隨太尉討思

明於河陽賊驍騎萬餘於中闡城索關將莫敢應者英

俊挺身奔擊之應槍落者二十餘人英俊被槍刺頰貫

喉而出擺首而去之猶殺二人而還太尉壯焉遂以從

父兄子妻之故天下之言勇者以沒野波英俊兄弟為

稱首廣德元年上幸陝州公之諸子皆當扈從公以體

貌瓌頽難於舉動方與之死訣沒野波妻為公介馬扶

奔華州公慮不免謂左右曰我若為賊所得無累我兒

乎乎汝曹何不殺我眾人感懼叫然皆哭遂竭力昇公

至於行在上深嗟賞之方極尊榮以終宴喜上天不惠

以三年青龍甲辰冬十有一月二十日甲寅感肺疾薨

顏魯公文集卷九神道碑銘二 六

於上都勝業坊之私第春秋七十有五親事左右莫不

務而截耳以哭初凌霄之難公實援立漣水之屯公親

總統上之反正父子從焉帝矚厥功遂有開府儀同三

司兼夏州都督之贈夫人清河郡太夫人交河石氏左

衛中郎將珍之孫左金吾衛大將軍三奴之女溫敏淑

惠柔明端雅有女師母儀之德克懋於家不幸遭疾以

天寶十五載春三月八日先公而薨永泰二年春二月

十日壬申與公合祔於萬年縣之長樂原禮也嗚呼公

以沈果之姿抗英威之志降精晷宿炳粹天街忠肅表

於生知義勇形於造次屬國難論胥以痛壯一心

而來事我君貫四時而不改柯葉義方懇到相攜於契
關之中臣節啟昂三見於危亡之際天子感焉既受腹
心之託禁旅資焉俱列爪牙之地勳庸克茂聲問攸歸
蕞綵衣於玉帳之前羅五戟於一門之內不其盛矣昔
蕭相國舉宗佐命金日磾七葉珥貂望古儔今可謂同
德其孤等窮人孺慕靡所寘哀聿求不腆之辭庶播無
疆之美銘曰

北方之強歟十有二姓強哉矯部落之雄者康執兵柄
緬乎眇特進誕生兮寶登邦政德不擾嘏女滅國兮烏
蘇不竟愠羣小三濱九死兮舉族致命丹心嘏一門萬

蘇魯公文集 卷九 神道碑銘二 三

石兮彰厥誠敬皇恩曠生為忠臣兮後有餘慶其不天
家有孝子兮嚴親翊聖王之爪乃立豐碑兮百代遺詠
鴻名表忠孝之際兮於斯為盛遠圖宦

中散大夫京兆尹漢陽郡太守贈太子少保鮮于

公神道碑銘 永泰二年

公諱向字仲通以字行漁陽人也其先出於殷太師周
武王封於朝鮮子仲食邑於于因而愛氏漢有京兆尹
襄襄十二世孫康後魏秦州刺史直閣將軍武威郡公
忠於本朝為齊神武所害康元孫匡贊前羅氏長義寧
初通議大夫匡贊生士簡士迪並早孤為叔父隆州刺

史臣贊所育固家於新政士簡士迪皆避岸英偉以財
維已對招徠賓客名動當時郡中憚之呼為北虜士簡
生令徵公之父也個儻豪傑多奇畫管傾萬金之產周
濟天下士大夫與妻兄著作郎廣漢駸從泉殿中侍御
史何千里俱以氣槩相高不肯仕宦竟以壽終天寶九
載贈遂寧郡太守廣德元年又贈太常卿公少好俠以
屬大射獵自娛輕財尚氣果於然諾年二十餘尚未知
書大常切責之縣南有離堆山斗入嘉陵二形勝峻絕
公乃慷慨發憤屏棄人事鑿石構室以勵精為學
至以 其險使不得睡讀書好觀大略頗工文而不

顏魯公 神道碑銘二 天

好為之開元二十年年近四一舉鄉貢進士高第二十
六年調補益州新都尉視事二十日謝病去二十七年
長史張宵奏充劍南採訪使育方謀叛安戎獨與公
計畫幕中事一以咨公司馬章仇兼瓊惡之及代宥節
度乃移郡收公月餘仍釋之俄令攝判使事監越嵩兵
馬復奏充採訪使盡護劍南軍事首尾二載冒暑渡
瀘者凡一十八度公秉操堅伎吏人望而畏之改授新
繁尉充山南西道採訪使頃之雲南蠻動瓊請公往
以便宜從事公遂其尤害者數人登夏臘服山南盜賊
舊多光火公察其姓名悉領軍火人到於今賴焉哉拜

左衛兵曹例遷也。以兩道採訪節度使務悉以委公。無何攝監察御史充劍南、山南、兩道、山澤使。遷大理評事。充西山督察使。天寶五載，戶部侍郎兼御史大夫郭公虛已代。瓊節制郭以庶務一皆仗公。公素懷感激，竭誠受委。故幕府之事無遺請焉。六載拜監察御史。公誅羌豪董哥羅等數十人，以靖入州之地。郭公將圖弱水西之八國，奏公入觀。元宗駭異之，即日拜尚書屯田員外郎兼侍御史。蜀郡司馬劍南行軍司馬，既略三河，收其入國長驅至。故洪州與哥舒翰隴右官軍相遇於橫嶺，鳴鼓而還。及郭公云亡，慟哭之曰：公亡矣，吾無為爲。

顏魯公文集 卷九 神道碑銘二

善乎！初郭公對啟天休，每薦公有文武之材，堪方面之寄。至是遂拜公爲蜀郡大都督府長史兼御史中丞，持節充劍南節度副大使。公當大任，既竭丹誠，射討吐蕃，摩彌城拔之。改洪州爲保寧，都護府置弱水爲蕃漢之界。收戶數十萬，闢土千餘里，屬恩救命召祇赴京師。至臨臯驛，上令中貴人勞問，賜甲第一區，又錫名馬兼供御饌。俄拜司農卿，將不遠而復。十一載拜京兆尹，公威名素重，處理剛嚴。公初善執事，後爲所忌。十二載遂貶邵陽郡司馬，灌園築室，以山泉琴酒自娛。賦詩百餘篇，俄移漢陽郡太守。下車問俗，請元經以自適。不幸

感疾以十四載閏十有一月十有五，日終於官舍。春秋六十有二十五。載春正月歸葬於新政縣嘉陵江之西岸。先塋寶應元年，追贈衛尉卿、廣德元年，又贈太子少保。公凡著坤樞十卷、文集十卷，並爲好事者所傳。於戲公負不羈之才，懷當世之志，方及知命，始擢一第，從宦十年，超登四岳，拔身巴江之下，自致青雲之上。非夫珪璋特達，聖賢相遭，則何以凌厲沈浮，若斯之速。既而吉凶糾纏，慶弔相隨，天濇排於賊臣，雄圖屈於促景，有足悲矣。有子六人，仲曰贈左金吾衛郎將吳隨，公陷於西洱河。舊本此力戰而沒季曰前鄉貢明經晃神清才秀

顏魯公文集 卷九 神道碑銘二

先公而卒，伯曰壁州刺史昱，克篤孝行，見稱衣冠。公之捐館也，萬里迎喪，沃湍而駭，瘞拔愆戾，子章之稱亂也。閣門逃賊安親而晨夕，拔輿叔曰萬州刺史吳雅，有父風，頗精吏道。肅宗之幸鳳翔也，竭誠幕府，以佐公家。今上之命無僚也，由華原之政驟登省闈，作牧萬州，政績尤異。有詔遷祕書少監，尋又改牧巴州。幼曰青城尉，吳雅曰成都府參軍，景皆保家之主，亦著令聞。公弟晉字叔明，敦厚溫敏，少以任俠聞事公，以悌稱，與朋以信著。好讀書而不爲章句，精吏道，尤擅術，良再爲法官，三秉天憲。二登郎署，一宰洛陽，從其兄之討南蠻也，兩軍交

戰仗忠信而必使其閒佐寧國之如回紇也絕域奉辭
布皇明而皆得要領肅宗褒異擢拜商州刺史無何起
遷京兆尹不十年而兄弟相代論者偉之永泰二年秋
八月有詔自太子左庶子復拜為邛州刺史兼御史中
丞邛南八州都防禦觀察等使真卿與公同在御史中
兄國子司業允南弟今江陵少尹允臧又與少尹同時
臺省既接通家之歡載敦世親之好以為祖謝永久所
存者嶽嶽陵谷雖遷不朽者金石銘功篆美敢墜所聞
其詞曰

洪範垂休系殷封周鮮于身緜派漁陽兮世掌漢歷子

顏魯公文集

卷九

神道碑銘二

三

孫烏突代有不績康定襄兮冠氏促齡二孫夙丁隋官
不寧肇定疆兮嘉陵森森雲臺矯矯降生京兆為龍光
兮有武有文剛嚴不羣克懋鴻勳制惟梁兮既靖巴蜀
既清輦轂日聞啟沃播周行兮結友不終孤我深衷如
彼飛蟲反予戕兮邵陽典午漢陽紆組執云心苦坦行
藏兮天不愍遺哲人其萎反葬江潛恒其傷兮此令有
裕教忠有素天介景祚熾而昌兮三世京尹二子專城
一門載榮餘慶彰兮豐碑巍巍盛業暉暉舉世是希與
天長兮

朝請大夫行江陵少尹兼侍御史荆南行軍司馬

上柱國顏君神道碑銘

大歷四年

君諱允臧字季寧京兆長安人曹王晉王侍讀贈華州
刺史昭甫府君之孫薛王友贈太子少保惟貞府君之
第八子也孝悌惇敏有才幹局力所居以吏道稱解褐
太康尉太守張倚採訪使韋陟皆器其親嚴與之均禮
天寶十載制舉縣令對策及第授延昌令君悉心致理
遠者懷而邇者安採訪判官賈至王倫言於使清白名
聞會安祿山反遂止潼關陷太守李揖計未有所出君
勸投靈武至寧朔屬同羅招六蕃府絕不得通肅宗聞
君誠至德初追赴彭原行在所拜監察御史賜緋魚袋

顏魯公文集

卷九

神道碑銘二

三

遂承任使推劾不避強禦中官邢延恩等皆得罪焉尋
充朔方兵健衣資使郭公子儀請為判官清渠之側也
賊兵四合矢下如雨君挺劍躍馬奔之得出自武功知
縣御史及吏人無敢住足君徐坐示暇於大達然後少
有至者因令具頓以候今上上大驚喜引之同食河東
人郭俊邢韶翻城歸順郭公俾君先入郡以安恤之郭
公既至軍郡之事一以咨君隨方決遣無不欣愜有郡
人嘗為賊將崔乾祐判官郭公欲加刑君領證左右以
入救遂贖之二年秋八月遷殿中侍御史真卿表謝肅
宗批答曰卿昆季連擢才聲並振俱守寒松之操允執

後影之心久冒艱危大知難奪委以憲臺之長克申白
簡之威風弟之遷亦為官擇宜格勸勉各樹能名當代
榮之京城收與崔暉銜命宣撫都人大悅出為傑陽令
政事有奸犯者君立榜殺之豪強震恐一縣屏息遷侍
御史以官為郎以兄在南省君遂擢攝宰讓轉大理正
用法精詳或以賄財執事而妄訴者鄉丞莫能止君獨
召獄請責立服罪皆為君危之實應中復拜侍御史兼
太子中允廣德三年冬十月拜江陵少尹又兼侍御史
荆南行軍司馬君清正卓立特為軍州所敬既而代到
屢調徵入未幾行大曆三年冬十一月五日乙亥奄忽
顏魯公文集卷九 神道碑銘二

感暴疾終於私第春秋五十九其兄真卿聞喪哀摧甚
去手足乃命姪男前武功丞頂諗於其妻奉明縣君韋
氏其孤南東兆參軍頴泉頴昂等以明年夏四月壬戌
歸附君於上都萬年縣鳳樓原先塋之北禮也嗚呼君
姿質瑰奇襟靈沈粹心根德義躬服孝仁理以居家果
於從政與人深一定之分臨事多獨見之明屢佐戎旃
必聞忠益六登憲府皆推直諒信可謂之正人儒之
君子未申段那之用遺齋入冥之恨知公不知孰不嗟
悼真卿蒙深祐薄門祚衰陵同生之人皆落皆盡唯形
與影相親不足豈圖不造永訣於此長立銘泣盡繼

血其衛曰

嗟嗟予季特稟純粹曰孝與仁因心則至友由悌睦禮
用和貴純地美言嶽嶽高義行絕枝葉心無頗諛經德
秉彝拔萃出類環衛入侍牽絲作尉泛愛與人檢莊莅
事一作象雷六為天吏豪右宣威憲臺增氣羣公虛左
天子恩媚守拒讓郎得仁奚媿司刑棘寺理法昭賁儲
關載升亞尹斯位七德繫理萬人攸斲黃髮未登青雲
方致云如不淑奄忽云諱國失重寶家摧脛臂以此思
哀我生奚寄反葬何所先塋之次濱水東流終峯北壑
勒銘金石威烈無墜

顏魯公文集卷九

神道碑銘二

左衛率府兵曹參軍賜紫金魚袋君神道碑銘

大曆四年四月

君諱幼與字令執京兆長安人高宗侍讀贈華州刺史
昭甫府君之孫薛王友贈太子少保惟貞府君之第六
子也美容止有器度故小名粲焉孝悌仁和精詳禮法
博涉史記漢書盡究其義理起家后土齋郎調補汝南
郡新息縣主簿恪謹官次備聞修潔紀綱吏人罔弗畏
慕太守趙國公王琚器君才名待以殊禮縣之庶務悉
以見咨家素清貧從母之孀養者宗族之憚單者皆仰
給焉君悉心奉養禮彌篤哥舒之攻石堡城請君隨

軍拜左衛率府兵曹參軍恩敕賜緋魚袋不幸以天寶
九載秋七月旬有三日遇疾而終春秋四十八卽以其
月窆於萬年縣鳳棲原先塋西北禮也夫人陳郡殷氏
蘭陵郡太夫人之兄子充曹州司法麗正殿學士踐猷
之元女高士永寧尉寅之女弟高士壽安尉亮之家姑
也我伯舅聰明純粹博學稽古相國陸象先祕書監賀
知章泉我世父濠州刺史元孫府君友善呼爲五總龜
龜千年而五總問無不知也太夫人以君四世般之自
出原本失其新命君娶之旣而遂焉成先志也夫人舍
風孤映當世以廣德二年廣德止二年舊本冬十月二十
顏魯公文集卷九神道碑第二

一日棄軀帳於江陵仲子鳳翔參軍顯泉季子頌不幸
早天大歷四年夏四月壬戌季弟真卿命君孟子前武
功丞頂叔于左千牛願度遠日而合祔焉嗚呼君以全
德之姿丁休明之運宜其振翼層漢濯鱗清流而位不
準才德淪於天吁足慟也謂之何哉銘曰

兵曹樂只於穆不已華州之孫少保之子温温體度疑
疑容止非禮勿言唯德是揆人倫領袖宗廟簠簋佩服
典常顯精文史汾睢歲事新息入仕忠益上官總持綱
紀奉養從母必窮珍旨緩族糾宗羣居咸喜哥舒授律
石堡侯倚命我翊戎龍章斯赫靈溟未運鴻漸伊始不

與之年云如何瘦安放安仰嗣徽昭美合葬既遵從周
有斐于嗟寤東不獲躬視寫恨立銘告哀于祀

顏魯公文集卷九神道碑第二

顏魯公文集卷九

寧鄉黃本驥仲良編訂

湘陰蔣 瓌維揚叅校

神道碑銘三

唐故右武衛將軍贈工部尚書上柱國上蔡縣開

國侯城公神道碑銘

公諱懷洛字貞節東莞人其先出於魯孝公之子驅字子臧大夫不得祀諸侯其孫以王父字為氏傳哀二伯既納忠於魯鼎文武兩仲亦不朽於言哲丈人成功而遁迹子原拔節而舍生義和辭金飾之器榮縮奮陽秋

顏魯公文集

卷十

神道碑銘三

一

之筆賢達繼軌紛綸至今會祖滿隋驃騎將軍祖寵皇朝通議大夫靈州都督府長史父德糾宗碑作善朝散大夫贈銀州刺史威務遠圖克開厥後恤九之慶世祀宜哉公卽銀州之第三子也身長六尺一寸眉目雄朗鬚髯髯秀雅善騎射尤工尺牘沈靜少言寬仁得眾奇謀沖魏英勇魁倫友于兄弟謹爾鄉黨每敦詩而執禮不苟柔以吐屬蒞事而剖判泉流臨戎而智略鋒起古所謂文武不重高明有融者焉少以勳勞並封戎級開元初嘗遊平盧馬奚室韋天下公挺身與戰所向摧殲繇是發名元宗聞而嘉之拜勝州都督府長史銳精佐理絜

恒百... 不空邊... 用又... 儀拜左... 衛率府左郎將... 轉

右領軍中郎將兼安北都護軍中受降城使朔方五城郡知兵馬使戎事齊足十萬維羣我役用張軍威以肅由是深為節度使王峻所器奏充都知兵馬使嘗以百五十騎過突厥斬吸八部落十萬餘眾於狼頭山殺其數百人引身據高環馬禦外虜矢如雨公徒且殲遽而終之曰我為臧懷恪敕令和汝何得與我拒戰於時僕回懷思父設支適在其中獨遮護之諸部落持疑不肯公剖羊以盟之杖義以責之眾皆感激由此獲免遂與設支部落二千帳來歸後充河西軍前將盤永安氏有顏魯公文集

卷十

神道碑銘三

二

馬千驥枯富不虔一族三人立皆毆斃軍州悚慄曠敢不祇仰為節度相國蕭嵩所賞後充河源軍使兼隴右節度副大使關西兵馬使拜右武衛將軍吐蕃不敢東向者累年俄封上蔡縣開國侯開元十二年歲次甲子春二月二十有六日薨於鄴城之官舍享年五十六其年八月二十三日詔曰故具官某頃以幹能陞承任使操行愈謹勞効未酬不幸遷殂良增追悼可贈右領軍衛大將軍卽以其年冬十月庚戌遷窆於京兆府三原縣北原也嗚呼公兄在羽林軍大將軍平盧副持節懷亮以方虎之才膺爪牙之任孔懷斯切致美則深公

七子... 便希親左武衛將軍朔方節度副使贈太子賓客希忱
右衛左郎將劔南討孽副使贈汝州刺史希情右驍衛
郎將靜邊軍使贈武書監希景寧州刺史左金吾衛將
軍贈揚州大都督希晏開府儀同三司行太子詹事兼
御史大夫郊寧山南觀察使集賢待制工部尚書渭北
節度使魯國公希讓等夙漸詩禮恭承教義芬潤挺蘭
王之姿英威響撼綱之質而希讓識度宏遠器謀沈邃
仁親以孝殿國以忠綽裕冠於人倫勳勞懋於王室至
德中今上為元帥東伐肇允押牙從收兩京陟降左右

顏魯公文集

卷十

神道碑銘三

三

入侍帷幄既崇翼戴之功出擁麾幢戴叶澄清之寄加
以篤睦羣從紉綬宗族吉凶瞻恤終始無渝行道之人
孰不嗟尚肅宗以公有謀翼之勤乾元三年春三月贈
魏州刺史寶應元年冬十月又贈太常卿廣德元年冬
十月詔曰孝以立身可揚名於後代忠能事主故追榮
而及親開府儀同三司兼御史大夫元帥都虞候魯國
公戴希讓亡父贈太常卿懷恪業茂勳賢地華簪紱佩
忠信而行已包禮樂以資身守備安卑幽貞自適養蒙
全正聲利不營雖與善無徵促齡悲於逝暮而積善垂
祐餘慶光於後昆故得業濟艱難功參締構出有藩條

之寄入多爪牙之任位以德遷禮宜加等父由子貴
令起倫宜登八座之榮式慰九原之路又贈工部尚書
襲異之典於斯為盛臧氏自驃驍而下世以材雄朝陞
尚書既遷特以功懋當代兄弟子姓勳賢間出自天寶
距於開元乘朱輪而拖珪組者數百人迨於今茲繁衍
彌熾縮軍州而握兵要者相望國都有後之慶固殊異
於他族者矣真卿早歲與公兄子謙為田蘇之游敦伯
仲之契晚從大夫之後每接常寮之歡故公之世家鷄
衛聞見敢述遺烈將無媿辭銘曰

魯史褒者叔孫有之陳魚則諫納鼎以規沒貴言立時

顏魯公文集

卷十

神道碑銘三

四

稱聖為仁昭典墳知叶著龜世濟忠肅道光羽儀以至
夫公英明雄毅鸚鵡視騰彩龍驤作氣鋒淬霜稜妙窮金
匱謀猷泉寫翰墨風駛儒勇是兼勳庸以位介馳戎馬
猛奮虓虎絕漠援孤連兵戰苦萬虜鳴鏑紛紛如雨一
身抗詞諤諤連柱精貫雲日氣雄鉦鼓狄人義激僕固
誠全眇漫窮裔隨降幾千野靜沙雪風恬塞煙我騎如
雲我旗遮天牧無南向凱有北旋天子休之命侯開國
謂庸而壽康得勝力彘命之遭幽局是即十城玉折萬
里賜息停雲蒼蒼日暮無色令人趨奉天眷孔明九原
不作八音哀哀乃行能芳時贊名皇威冠蓋族茂簪

纓萬古千祀瞻言涕零

有唐開府儀同三司行尚書右丞相上柱國贈太

尉廣平文貞公宋公神道碑銘

大歷五年十二月

於戲逆鱗刑上匡救之義深守死不圖人臣之致極况乎文包風雅道濟生靈建一言而天下倚平含九德而三光式序超無友而獨立者其惟廣平公乎公諱璟字闕二邢州南和人其先出於殷王元子七代祖弁魏吏部尚書襲列人子祖欽道北齊黃門侍郎並事跡崇高各見本傳高祖元節定州田曹曾祖宏俊大理丞祖務本皇櫟陽令父元撫衛州司戶贈戶部尚書自田曹至

神道碑銘三

五

於尚書皆實浮於名而位不充量事見許公蘇頌所撰神道碑公七歲能屬文一遍誦鵬鳥賦丁尚書府君憂水漿絕口者五日入九歲時嘗夢大鳥銜書吐公口中公吞之遂乘而直上倏忽驚寤猶若下在得間自後漢思日新襟懷益爽年十六七時或讀易曠時不精公遲而覽之自亥及寅精義必究明年進士高第補上黨尉轉王屋主簿相國蘇味道為侍御史出使精擇判官奏公為介公作長松篇以自與梅花賦以激時蘇深賞歎之曰真王佐才也轉合官尉長壽三年從調判入高等有司特問天后親問所欲公以代為唐臣不求榮達詭

奏云家本山東願得魏之一吏遂手詔授錄事參軍拜

等超出后異而召還又手詔拜監察御史裏行尋丁齊國太夫人憂服闋築室反耕志圖不起俄而即真遷殿中侍御史同列有博於臺中者將責名品而黜之博者惶恐自匿翌日公獨正辭引過天后悅而釋之遷天官員外郎鳳閣舍人御史中丞乃謂所親曰吾比欲優遊自免不圖要近驟至於斯敢廢所職乎乃悉心納忠無所迴避時張易之昌宗兄弟席寵脅權天下側目公危冠入奏奮不顧身天后失色蒼黃欲起公叩頭流血誓以死爭拾遺李邕奏曰陛下坐則天下安起則天下危

神道碑銘三

六

顏魯公文集卷十 丙史令敕公出公曰天顏咫尺親奉德音不勞宰臣擅宣王命詞氣慷慨左右震悚遂俱攝詣臺庭立切責二豎股栗氣索不敢仰視自朝至於日昃敕使馳救之公不得已而罷又令論公謝罪公拒之後有慘恤二豎來弔公辭曰貴近不宜與執法通問假滿朝士慰公二豎又欲序進公舉板迎揖之不得成禮而去神龍之興復也公實在其謀及當時庸讓而不受曰清宮問罪事出五王祀夏中與功歸明主非曰逃賞誰敢貪天俄拜朝散大夫吏部侍郎兼諫議大夫遷黃門侍郎嘗遇梁王武三思於朝三思方欲言事公正色謂之曰當今復子

明辟王宜以侯選策何得倚干朝政三思嚮懼而退請
憲累月俄而兼攝尚書左丞中宗將幸西蜀深慮北鄙
乃兼按校并州大和督府長史又改兼貝州刺史與數
人同辟三思獨揖公住公顧謂之曰諸人已出不可獨
固遂揖之而去屬年終不登國租罷入三思食邑公悉
割之既屢挫其鋒亦處之自若俄而真拜轉杭州又復
遷相州尋入為洛州長史唐隆初拜吏部尚書同中書
門下三品身五日兼右庶子尋加銀青光祿大夫元宗
之在儲備鎮國太平長公主潛謀廢立嘗於光範門內
坐步檐中諷宰臣以此首諸相失色莫敢先言公盛氣

顏魯公文集 卷十 神道碑銘三

詰之曰東宮有大功宗廟社稷主也安得異議遂奏婦
人干政恐生禍階請不令朝謁俄而男又縱橫公奏之
錄是既楚州刺史主亦竟以凶終無何復拜銀青歷魏
竟冀三州兼河北按察使尋遷幽州都督兼御史大夫
復為魏州入為國子祭酒東都留守開元二年尋拜御
史大夫兼京兆尹既睦州刺史轉廣州都督充按察經
略討孽使又兼御史大夫特許便宜從事前是首領策
為多據洞不窺公之下車無敢不蔑彼之風俗競趨荷
蘭茅茨竹檐凡屋鱗次火災歲起煨燼無餘公教之度
財變以陶瓦千甍甍萬堵皆與於今嗚焉燕國公張

訖著為碑頌無何使中官楊思勛召公公拜恩而就馬
便行在路竟不交一言思勛以將軍貴幸泣訴於帝帝
遂與公之拜刑部尚書四年遷吏部兼黃門監監修國
史五年復兼侍中明年駕幸東都至三橋馳道險隘行
不得前河南尹李朝隱知顏使中丞下怡並坐當降黜
公奏曰必若致罪二臣將來必受其弊遂命公舍之日
陛下責之以臣言免之是過歸於上恩由於下臣請使
巨務然後俾其復職上嘉而從之元宗嘗命公名諸
皇子及公主邑號既而又令各定一美名公奏稱七子
均養鵲鳩之德錫以名號不宜有殊若母龍子愛恐非

顏魯公文集 卷十 神道碑銘三 八

正家之道王化所宜元宗說而從之八年拜開府儀同
三司進爵廣平郡開國公策勳上柱國狂豎權梁山構
逆長安有司深探其獄救公按覆如京兆司錄李如璧
等百餘家皆以借宅假器悉當連坐公以婚姻假借天
下大同至於京城其例尤眾知情即是同反無罪不合
論幸因渠之外一切原免天下欣服焉中書令河東張
公傑出將門之材獨運廟堂之上鏡鑒則微見事風生
求公親視悉問堂案每至危言謫議扶正守中未嘗不
廢卷失聲汗流浹背其為冠貴所服也如此十三年
十二月為李東都以為為西京留守公孫言得失無有

所隱元宗感覽刊其所奏之言置之座右出入觀省以誠終身因賜絲物二百匹明年又兼吏部十七年拜尚書右丞相雅善戲謔不常矜莊與故戶部尚書王陵爲莫逆之友晚而彌篤凡所談諧人輒疏取端五日蒙賜鍾乳命醫歸鍊或以爲上藥異味不宜委之公曰推誠求信猶懼不應猜以待人信其可得聞者慚退二十一年新舊書皆作二十年抗疏告老至於再三手詔優許遂特給全祿賜絹五百匹遷東京公以爲大臣歸休不宜關通人事遂杜絕賓客其年新舊書皆作二十二年駕幸洛陽公迎拜道左元宗親駐龍蹕使榮王琬勞問者數四自後中使往

顏魯公文集卷十 神道碑銘三 九

來賞資不絕方崇乞言之典以極師臣之敬二十五年仲冬月十九日寢疾薨於東都明教里第享年七十五天下失聲元宗震悼追贈太尉諡曰文貞公賻物米粟常數有加喪葬官供仍詔河南少尹崔釋之充監護使夫人齊國夫人博陵崔氏滄州長史藝之女淑慎嚴整高明柔克訓諸子而慈且有威佐丞相而德無違者門內之理一以見咨躡公而沒允終偕老嗚呼公有七子復同州司功先公而卒昇尚書郎太僕少卿尚漢東太守渾職方郎中諫議大夫御史中丞東京畿採訪使太子左論德恕都官郎中延原少尹華判入高等登封尉

尉氏令衛右散騎常侍兼御史中丞河南節度行軍司馬或肅或父或哲或謀克篤前烈以休令聞以戊寅歲五月二十九日度奉遺約歸葬公於沙河縣太尉鄉丞相原之先塋夫人合而耐焉禮也惟公聞氣降神應期傑出生知禮度天縱才明玉立殿天子之拜介然秉大臣之節震電憑怒讜言而不有厭躬鼎鑊沸而臨事而義形於色蠶迪檢押難常情之所易志深直諒易古人之所難外其身而富貴不離行其道而死生勿替非夫舍二之德格於皇天不二之心形於造次則何以異是乎允所謂振古之元龜皇王之威寶者矣且夫公之德

顏魯公文集卷十 神道碑銘三 一

烈充塞寰高公之謀猷著明日月大歷五年冬十二月孫儼懼遺盛美不遠求業以真卿天祿校文叨太僕之下列憲臺執簡承諭德之深知雖青史傳信實錄已編於方冊而豐碑勒銘表墓願備於論譔謹憑吏部員外郎盧僎斯上行狀略陳萬一多恨闕遺其辭曰天命元鳥降而生商湯孫之緒微子分疆詞招正則尉真文卓吏部黃門紛綸耿光忠賢世出信史相望篤生丞相祚我有唐文明純嘏毅烈聖剛恆喬聞氣星辰降芒嶷然山立鏗雨金鑄忠孝之盛人倫紀綱垂髻能文夢鳥發祥通夕宛易沖輪擅場勝冠結綬歷政洋洋乃

尉合宮貳輔琅琅賦嘯梅豔篇美松長蘓公嗟稱才必
佐王滿成從調試高驥登開繡辰驟列繡裳遙跡天
宮如圭如璋司言鳳閣綸綉煌煌乃作中丞威稜莫當
志除凶狡廷劾二張天后愕眙百寮震惶公獨凜然出
身激昂義形言色精貫穹蒼皇室中典嘉謨克彰功成
卒讓事軼屠羊貳職選曹諫議是匡載清流品屢奏封
章乃侍瑣閣時維夕郎悉心糾正庶績咸康三思睢盱
席寵于常基之就第懼靡亢左曹攝轄大鹵於襄兼
刺貝邱朋辭鴈行三思揖語公獨循牆處之不作轉旆
於杭既遷鄴城遂尹洛陽乃作冢宰許謨廟堂餞兼宮

顏魯公文集卷十 神道碑銘三

相丞縮銀黃元宗登儲鎮國是遐潛謀廢立謠詠翱翔
厥男撓致累秦愆殃肆臨楚邦海察冀方總督幽薊翻
飛國庠亞相烈烈尹京趨趨旋臨建德欽位南荒俚帥
咸莛茅櫓是讓張公頌德雋味甘棠所忠來召拜命即
裝略無交言帝用式賦載司刑吏入座抑揚兼監黃樞
鈞軸是謂匪躬靈靈終始洗洗乃拜儀同名釐保障河
東園故汴洽流衆狂豎犯關凶渠既戕命公覆獄成脫
死亡乃涉存按讞論泱泱每許王君豈常矜莊懸車告
老庶保康強方崇饋爾孤映繼緇天不意遺萎哲壞梁
一人震悼九有淒涼市既罷賈存仍絕張乃贈太尉飾

終禮游返葬沙河羽儀央央闕朝頌祖河尹護喪生榮
死哀行路感傷令人孺慕攀泣墜墜高墳崔嵬鉅鹿劇
旁森柏宰樹繚繞連岡吁嗟廣平宅此不賜孝孫翼翼
論謨靡忘豐碑堅碣萬古誓相

遊擊將軍左領軍衛大將軍兼商州刺史武關防

禦使上柱國歐陽使君神道碑銘 大歷十年十月

使君諱珪字子珪渤海人其先出自帝顓頊高陽氏漢
有歐陽伯和伯和孫高孫地餘並列儒林晉有堅石
著名文苑賢達繼執其來邈乎六代祖詹寶始自渤海
徙居長沙五代祖頌陳山陽郡公高祖紇陳開府儀同
顏魯公文集卷十 神道碑銘三

三司左屯衛大將軍交廣等十九州諸軍事廣州刺史

龔山陽郡公功業並著於前史曾伯祖論皇朝銀青光
祿大夫給事中率更崇賢館學士以詞學德行見重前
朝筆法孤標垂名不朽曾祖九年十七以名門子入侍
見賞於太宗十八加正議大夫魯王傅奉使和突厥不
拜虜廷朝廷嘉之回封南海郡公施光二州刺史祖諡
洛州鞏縣令父機漢州什加令以休懿傳世著聞於家
那使君節什加之第四子志尚恬曠懶精於詩易春秋
尤明吏術所居則理開元十八年解褐安西大都護府
參軍充防 集本 嘉惠信度推勾官外憂去職服闋補北

庾大都護府戶曹參軍節度使蓋嘉運奏授金滿令仍充營田判官以破賊功當遷請回授幼弟孤姪者三人教義者稱之二十九年河西節度使奏授晉昌郡戶曹參軍攝晉昌令聘張掖郡張掖令攝司馬知郡事按吏賊罪罪人誣訟於使司百姓苗秀康順忠等三十人皆蔽耳稱冤節度使王孫駭焉奏與上考轉岳州長史時屬荒旱人多孱餒君以祿奉職田并率官吏食餓者千餘人凡月餘遂多全活劔南節度使楊國忠奏知三峽轉運改衡陽郡長史賜緋魚袋天寶末羯胡作亂統江湖之兵先至南陽加賜紫金魚袋充魯吳南陽節度副

顏魯公文集卷十 神道碑銘三

使攝淮南郡長史充當郡防禦使時南陽為賊所圍諸將選懦莫敢先救至德元載君以當郡防禦使至新野芙蓉鄉遇賊合戰斬其將犯圍而入吳壯而德之賊圍解加遊擊將軍左金吾衛中郎將兼南陽郡司馬遷右驍衛將軍兼上洛郡太守充武關防禦使肅宗降璽書云卿以特達之姿抱殊常之略武關防守委卿一人屬賊陷南於復圍南陽君屯兵於浙川以保又人吏逆賊悉力來攻六十餘日糧盡救絕遂陷賊庭賊將甘言怵君令至賊下以給吳君忠勇感激舍生殉義抗聲謂吳曰鳳翔諸將已收長安誰不能效死君前辱大夫所使

顏魯公文集卷十 神道碑銘三 庾大夫保守忠義克終令圖賊以兵刃毀君君志氣不屈因致被逐洛陽今天子收復兩京僅得脫禍其事具而賊令王蕭南陽記吳又奏君充節度兵馬使君遂辭疾不行登馮於鄴之別墅君所居以清白廉慎聞於朝廷祿俸之餘必賜親族之貧者先疇舊業悉畀羣從一嘗不私於其身常持誦金剛淨名經向逾三紀不茹葷血者十年至是無修石之儲而處順安時不改其度蓋澹如也識者高焉粵以上元二年秋九月十四日寢疾而終春秋六十有五夫人高平徐氏安西都護高平縣公欽識之女婦順母儀克明休德以大曆二年夏六月

顏魯公文集卷十 神道碑銘三

二十五日終於岳州客舍享年五十有六其孤嵩泉中子崙少子峯等銜恤允窮竭力襄事以大曆十年冬十月二十四日合祔君泉夫人於榮澤縣廣武原遵理命也崙不遠千里泣而求蒙敢述無愧之詞式揚不朽之烈銘曰
荷那使君世挹清芬頤經飾吏休有令聞天子命我參
卿西軍驟遷大纛克憇殊勳讓行親睦耳殺免分糜祿
食餓馳師解紛頓我再色罷卒益振磨守商於移兵浙
嶺剝膠展瞻炮燧天戈力盡寔多所留身屯詭詞給賊
窮路是羣魔禍歸朝美高天

敦禪誦茹絕羶葷處順齊終聊樂我云刻諸金石永承不泯

銀青光祿大夫海澱饒房陸台六州刺史上柱國

及郡開國公康使君神道碑銘 大歷十一年

君諱希範字南金其先出於周武王同母少弟衛康叔封之後也史記云成王長用事舉康叔為周司寇賜衛寶祭器以彰有德封于康伯支庶有食邑於康者遂以為氏焉代為衛大夫至漢有東郡太守超始居汲郡超之裔孫魏強弩將軍權權生晉虎賁中郎泰泰生 闕太守威威生蘭陵令奮節將軍翼隨晉元帝過江為吳興顏魯公 卷十 神道碑銘三

郡丞因居烏程事見山謙之吳興記翼生豫章太守鎮鎮生征虜司馬建武將軍欽信欽信生宋晉熙王兵曹參軍籍籍生南臺郎高高生齊驃騎大將軍孟真孟真生梁散騎侍郎僧朗僧朗生陳給事中五兵尚書宗諤為山陰令子孫始居會稽遂為郡人焉曾祖孝範江夏王府法曹臨海縣令祖英隋齊王府騎曹江寧縣令皇朝隨郡王行軍倉曹父國安明經高第以碩學掌國子監領三館進士教之策授右員外衛錄事參軍直崇文館太學助教遷博士自歐門內供奉崇文館學士贈抗州長史君即長史府君之叔子也年十四明經登第補

右內率府曹曹應詞藻宏麗舉甲科拜秘書省校書郎轉左金吾衛錄事參軍應博通文史舉高第授太府寺主簿嗣丞又應明於政理舉拜洛陽河清令加朝散大夫涇州司馬德州長史轉定州屬突厥侵疆君以偏師扼之遷海州刺史上功以救書賜方岳繡袍一領雜綵三百段下車未幾詔擇政術尤異者察使奏公恩制褒異遷濮州加銀青光祿大夫累封汲郡開國公策勳上柱國轉饒州入為國子司業以言事貶房州轉睦州遷台州所至之邦必聞美政開元初入計至京抗表請致仕元宗不許仍留三年請歸鄉敕書褒美賜衣一襲並顏魯公 卷十 神道碑銘三

雜綵等仍給傳驛至本州冬十月二十有二日不幸邁疾薨於會稽覺先里第春秋七十一夫人陳郡殷氏太子中舍人闡禮之曾孫右清道率令德之孫洛州錄事參軍千恩之第五女睿宗先天二年封丹陽郡夫人公薨之年及於東都章善坊私第春秋六十九嗣子朝敬大夫婺州司馬襲汲郡公元瑛會稽縣男元瑾宣州司士京兆府奉先尉會稽縣男元瑒朝議郎前獲嘉丞元瑒等處以天寶四載七月四日寢於山陰縣離潛村之先室卜葬日而合葬焉禮也嗚呼君負不器之姿包周身之智克仁且惠慈惠而恭金玉其相發明其道文意

覽藻二雅所賦政事優長百僚所則嘗撰自古以來清
白吏國因卷仍自為序贊以見其志宰相黃門侍郎韋
承慶中書舍人馬吉甫等美而同進焉盛行於世赴海
州時君兄德音為右臺侍御史弟為偃師令俱以詞學
擅名時同請歸鄉拜掃朝野榮之與狄仁傑岑義韋承
慶嗣立元懷景姚元崇友善至是咸傾朝同賦詩以餞
之近代未有此比君之四代祖至於大父為諸王掾屬
者七人歷尚書郎給事中侍御史者二人君之先君崇
文學士府君有文集十卷注駁文選異義二十卷漢書
字一十卷自述文集二十卷元昆修書學士顯府君文

顏魯公文集卷十 神道碑銘三

集十卷撰詞苑麗則二十卷海藏連珠三十卷累璧十
卷姪祕書監集賢院侍講學士字一元撰周易異義二
十卷秀州長史元瓌著干祿寶典三十卷姪刑部員外
郎璠男美原尉南華撰代耕心鏡十卷字六百二十卷
君之先君至南華四代進士登甲科者七人舉明經者
一十三人時君字五門頗盛美矣君之女曰淑惠蓋屋
縣令陝郡長史鄒象錢之妻君之孫台州司戶參軍字
先君而卒汾州司馬參軍真嗣德州平昌縣令輔文
崇文學士贈懷州武陟尉儻官州南陵尉渭鄉貢明經
緯綸皆修身踐言敦詩說禮經承餘訓克稟義方及君

告老鄉自然陳光壁闕邱景陽陶暹送越州邑子謝發
遷僧徒校書郎陳齊卿恒為文酒之會論者休焉悵
求奮之念崇乞言之禮天乎不愆其恨若何大愿十一
年元瓌字九乞願言刊勒懼沒微猷求無愧之詞垂不
朽之事願為末學局足當仁銘曰

汲公恂恂德懋而淳濟濟多士東南有筠緝熙代業詞
章發身佐軍貌虎典校麒麟三擢昆玉再司字二賜勅
海納曠展河湑驟貳嘉州錫命斯頌繡寵方岳榮加摺
紳六登字一洽膠庠字六華墓表申字二見節文昭友
仁懸車告老衣錦頤神連璧襲懿梓澤齊彬饋醕未濟
顏魯公文集卷一 神道碑銘三 六

春濛濛淪朝廷惋悼遠近悲辛季子象賢恐懼鬱埋嘉
猷鴻伐千秋不泯

京兆尹御史中丞梓遂杭三州刺史劍南東川節
度使杜公神道碑銘大歷十二
年十一月

征鎮四出鑿門之寄崇邦畿千里內史之官最非夫任
均周召名軼趙張則何以展心膂之謀光錚簡之制者
矣君諱濟字應物京兆杜陵人晉征南大將軍當陽侯
元凱十四代孫周禮部侍郎殿內監甘棠公懿之來孫
隋符璽郎乾祐之元孫皇朝度支員外主客郎中續之
曾孫朝散大夫明堂丞贈潤州刺史知讓之孫高陵令

贈太子少保惠之第三子也器識通簡履懷坦易以文飾吏用晦而明逗機而舉無遺諳莅事而照有餘地早歲以寢郎從調書判超等爲李吏部彭年所賞補梁州南鄭主簿州主司馬垂爲山南西道採訪使引在幕下俄丁內艱終制轉許州長社尉楊光燾都督隴西奏公爲法曹皇甫旆採訪江西奏公爲推官授大理司直攝殿中侍御史賜緋魚袋尋正階殿中俄宰郿縣相國李峴尹京兆奏公爲渭南尉僕射裴冕爲劍南節度奏公爲成都令遷懸州刺史賜紫金魚袋徐知道作亂使神將曹懷信招公公執以歸朝除戶部郎中加朝散大

顏魯公文集

卷十 神道碑第三

三

夫廣德中檢校駕部郎中上柱國公善與人交於嚴武情均莫逆再充劍南節度爲武行軍司馬郭英父之代武也矯宣恩命毀元宗宮爲節度使宅公驚其異謀移疾不視事今司空冀國公崔寧既誅英父請知使事公堅臥不起仍俾通泉令前殿中侍御史韋都密使家僮潛表事實大厯初杜鴻漸分蜀爲東西川公爲副元帥判官知東川節度拜太中大夫贈劍梓遂渝合龍普等州都防禦使梓州刺史兼御史中丞公以威信馭戎寬明莅俗克念八州之地綏靖百州之人朝廷嘉之尋拜東川節度使俄而移軍至遂州權督徵拜給事中

周茂非京兆少尹明日遷京兆尹出爲杭州刺史不逾周茂風化大行不幸感疾又聞代到請尋醫於晉陵以大厯十二年歲次丁巳秋七月二日辛亥薨於常州之別館春秋五十有八夫人京兆韋氏曰平仲房州刺史益驥之孫禮部尚書琅琊王邱之外孫太子中舍迪之孫三女也精識高明正家彖克移天有幹夫之靈宜室多綏族之仁六姻稱其壺則四德被於彤管生三子四女而公卽世夫人書哭茹毒星言割哀留子壻祕書省校書郎范陽盧少康泉二子匡陟緝寧家殘獨與子蕭匍匐萬里以祇護喪櫬冬十一月至上都二十四日壬

顏魯公文集

卷十

神道碑第三

三

申虔寔公於萬年縣洪原鄉之少陵原前先塋也仍自爲祭文以抒意其略曰周旋吳蜀備歷艱危不陷寇難賴君攜持一朝孤立更復何依魚失水而鱗悴樹無根而葉萎詞理精婉才情懇到聞者傷愍焉於戲公以傑俊之材當艱虞之際伸其智略宣力盛時頡頏駕鷲之間總統龍犀之節旋登瓊闥驟陟尹畿方當焜耀高衢升凌台序而一麾出守鍛翻江舉竟吉往而凶歸齋此志而溼地吾道替矣真卿何幸得忝維私未終倚玉之歡遽切據梧之恨吁足痛也銘曰

杜侯義舉令聞猗那其用於世爲猷匪他理稱易簡政

趙頌詩如發發雲霄切摩化存江蘇威肅眼潘巴揚
其說精微孔多瑣闢久拜亞尹遊過始陟京兆旋移浙
河云知不弔遠此凶瘞哲婦哭晝護喪奔波禱於先壟
映府察祠曷用表德勒銘墳阿

宋唐書等相世系蓋載濟為高陵令惠之子此碑及

墓誌皆云惠之第三子表關其長次二子表又載濟

五子匡陟緝寧揚集載此碑及墓誌皆云三子而以

揚為蕭碑云泉二子匡陟緝寧家殘獨與子肅匍匐

護視悲緝寧家殘四字為句輯和也寧安也用湯誓

輯寧而非家語謂其妻韋氏謂二子匡陟料理家事

顏魯公文集卷一 神道碑第三

之殘缺而猶其季子扶椁於常州也世系表據此碑

錄人誤以緝寧為二子之名故云五子全唐文據表

改碑云泉四子匡陟緝寧則下家殘二字不成句矣

今仍從集本訂正

顏魯公文集卷十終

寧鄉黃本嚴仲良編訂

湘陰蔣 環維揚叅校

神道碑銘

杭州錢塘縣丞殷府君夫人顏君神道碑銘

君號真定琅琊臨沂人北齊黃門侍郎之推府君之元
孫皇朝秦王記室恩魯府君之曾孫著作郎宏文崇賢
學士勳禮府君之孫皇曹王侍讀贈華州刺史昭甫府
君之季女錢塘丞殷履直之妻也聰慧明達發乎天性
孝仁敦敏通出人表精究國史博通禮經問無不知德

顏魯公文集卷十一 神道碑銘

無不備其在家也九族仰其盛儀其移天也六姻賴其
任恤天后當守旁求女史太夫人殷氏以彤管之才膺
大家之選召置左右不違顧復二弟口聽書監元孫府
君太子少保惟貞府君藐焉始孩頃隔情特君躬自海
育教之詩書悉擅大名皆君力也叔父吏部郎中敬仲
府君為酷吏所誣君率二妹宜芳令裝安期妻司業岑
獻妻劉耳訴冤因獲減死及誕男處已而左耳缺焉君
有三子長曰武康丞嘉緒尤工小篆為寸字飛白勁利
絕倫紹子塔郎中幼芳今之良史芳子太樂令寬幼立
盛名次曰處士齊望有成人之姿今晉州長史成已

推善讀書兼練才藝鳴謙勇退不登清秩每與文士族

祖濟武平一呂因李蝦陳齊卿族舅斥朝內弟曠卿尤

南朝劉瑛族弟貞同賦詩多擅警絕之句六女長適

李氏生安隆令銓孝養於君次適王元淑著漢春秋次

適蔡九吉生燕學士 為當代之冠次適顏昭粹粹女

適司動郎 才器為海內 楊欽生濯率淮幼適我兄

開疑仁親友悌有 度為尼感殊 慈明及女娉真卿

重稱時特蒙君教言辭音剖 延壽王孫賦崔氏飛龍

篇江淹造化篇五都賦不幸開元二十五年秋七月有

五日以隨牒終於辰巳尉氏尉之公館享年八十四粵

顏魯公文集卷十一 神道碑銘

以明年春正月合祔於東京萬安山之王寶原禮也嗚

呼君全德內充慈仁外被才明可以升博士法度可以

律母師雖借老不俱無石筭魚軒之貴而長筵律慶多

福鳳乘龍之歡於足云也真卿不敏夙承誨誘追深仁

而莫逮謀不朽其庶茲銘曰

於惟我姑德盛才德愛深倫育耳制冤慈惠及疎賤仁

涵朽枯子孫宴喜龍鳳相趨致我音辭王孫五都期頤

未究八世俄殊刻石墳阿祥流入區

表墓碑銘

唐故容州都督兼御史中丞水營經略使元君表

墓碑銘 并序 大原 七年十一月

嗚呼可惜哉元君君詩結宇次山皇家忠烈義激文武之直清臣也蓋後魏昭成皇帝孫曰常山王遵之十二代孫自遵七葉王公相繼著在傳史高祖善禪皇朝尚書都官郎中常山郡公曾祖仁基朝散大夫襄信令襲常山公祖利貞霍王府參軍隨鎮改襄州父延祖清淨活儉歷魏城主簿延唐丞思問輒自引去以魯縣商餘山多靈藥遂家焉及終門人謚曰太先生寶應元年追贈左贊善大夫君聰悟宏達倜儻而不羈十七始知書乃授學於宗兄先生德秀著說楚賦三篇中行子蘇源顏魯公文集卷十一 表墓碑銘 三

是汝南士積骨者君悉收瘞刻石立表命之曰哀郎贈吏咸無不勇聖書頌降威望且崇時張瑾敘史廟於襄州遣使請罪君為奏聞特蒙嘉納乃真拜君監祭仍表請張遠懷田瀛等十數人將軍屬荆南有專殺者呂誣為節度使誣辭以無兵上曰元結有兵在泌陽乃拜君水部員外郎兼殿中侍御史充誣節度判官君起家十月起拜至此時論榮之屬道士申泰芝誣湖南防禦使龐承鼎謀反並判官吳子宜等皆被決殺推官嚴郢坐流俾君按覆君建明承鼎無辜獲免者百餘家及諷率淮西節度使王仲昇為賊所擒裴茂典來瑱交惡遠近危懼莫敢誰何君知節度觀察使事經八月境內晏然今上登極節使留後者例加封邑君遜讓不受遂歸養親特蒙褒獎乃拜著作郎遂家於武昌之樊口君自釋以見意其畧曰少習靜於商餘山著元子十卷兵起逃難於猗玕洞著猗玕子三篇將家灑濱石本灑濱作乃自稱浪士著浪說七篇及為郎時人以浪者亦漫為官乎遂見呼為漫郎著漫記七篇及家樊上漁者戲謂之聲字又八又以君漫浪於人間或謂之漫家歲餘上以君若貧起家為道州刺史州為西原賊所陷人十無一戶纔滿千君下車行古人之政二年間歸者

高餘家賦亦懷畏子不敢來犯既受代百姓詣關請

立生祠仍乞再留觀察使奏課第一轉容府都督兼侍

御史本管經畧使仍請禮部侍郎張胡作甘棠頌以美

之容府自輟虞以來所管皆固拒山谷君單車入洞親

自撫諭六旬而收復入州丁陳郡太夫人憂百姓詣使

請留大歷四年夏四月拜左金吾衛將軍兼御中丞管

使如故君矢死陳乞者再三優詔褒許七年正月朝京

師上深慮重方加位秩不幸遇疾中使臨問者相望夏

四月庚午薨於承崇坊之旅館春秋五十朝野震悼焉

二子以方以明能世其業名雖著而官未立以其年冬

顏魯公文集卷十一 表墓碑銘

十一月壬寅虞葬君於魯山青嶺泉陂原禮也嗚呼君

其心古其行古其言古躬是三者而見重於今雖擁旄

麾幢總戎於五嶺之下彌綸秉憲對越於九重之上不

為不過然以君之才之德之美竟不得專政方面登翼

秦階而感激者不能不為之太息也君雅好山水聞有

勝絕未嘗不枉路登覽而銘贊之感中行見知之恩及

亡至今分宅以恤其子其不偷也多此類中書舍人楊

炎常哀昔作碑誌以抒君之德業故吏大歷令劉哀江

華令世令問故將張滿趙溫張協王進興等感念恩傳

皆送喪以終葬錫資鬻石願以述誠真聊不敬常

忝次山風義之末尙存盡往敢賢無媿之辭銘曰

次山斌斌王之蓋臣義烈剛勁忠和儉勤炳文華國孔

武寧克率性方直石木方直秉心真純見危不撓臨難

遺身允矣全德今之古人奈何清賢素志莫申羣士立

表垂碑不泯

墓誌銘

京兆尹兼中丞杭州刺史劔南東川節度使杜公

墓誌銘大歷十二年十一月

丸有無虞行師貴於衽席四方取則鉤鉅資乎浩穰誰

其有之則杜公其人矣公諱濟字應物京兆杜陵人皇

顏魯公文集卷十一 墓誌銘

主客郎中續之曾孫明堂令知讓之孫贈太子少保惠

之第三子姿度韶舉心靈敏達在家必聞既蘊睦親之

志所居則化多稱不器之能解褐南鄭主簿州主司馬

垂引在使幕轉長社尉隴西法曹皇甫僉江西採訪奏

為推官援大理司直攝殿中侍御史賜緋魚袋尋正除

殿中丞率都督南成都三縣縣州刺史賜紫金魚袋戶

部郎中中書散大夫廣德中檢校駕部郎中上柱國充

殿武節行軍司馬杜鴻漸分蜀為東西川以公為副

元帥到官知東川節度拜太中大夫縣劔梓遂都防禦

使梓州刺史兼中丞時寇盜充斥公示以威信入將之

不隕公之力焉尋拜東川節度使俄而移軍復爲遂州
都督徵拜給事中閔茂拜京兆少尹明日遷京兆尹出
爲杭州刺史公務清簡庭落若無吏焉不幸感風疾以
大歷十二年歲次丁巳秋七月二日辛亥於常州之
別館春秋五十有八夫人京兆韋氏太子中舍迪之第
三女也沈敏精深高明柔克奪夫之壘以懋厥家凡生
三子四女而公卽世夫人星言畫哭躬護櫬榘與子肅
以冬十一月二十有四日壬申歸窆公於萬年縣洪原
鄉之少陵原對先塋也嗚呼以公之志業才力宜其振
揮鱗鬪凌厲清淨而命迨成山功虧長世吁足恨也眞
巖僧公文集卷十一 墓誌銘 七

卿忝居友婿亟接周行痛音楸之永隔感存歿其何已

銘曰

萬壽昌時維杜公業光臺省政洽軍戎乃尹京兆乃

麾江東帝方俟理命則不融丙子護喪哀哀送終

墓碣銘

曹州司法參軍秘書省麗正殿二學士殷君墓碣

銘大歷五年五月

善父母之謂孝睦昆友之謂悌孝悌也者其仁之本歟
經天緯地之謂文博古知今之謂學文學也者其德之
蘊歟誰其兼之卽我伯舅殷君其人矣君諱踐猷字伯

起陳郡長平人五代祖不害以孝見梁普高祖英童周
御正大夫麟趾學士曾祖聞禮唐太子中書舍人宏文
館學士祖令言校書郎淄川令父子敬太常博士吳令
繁葉皆以德行名義儒學翰墨聞於前朝君卽吳縣之
元子幼而聰悟絕倫長而典禮不易年十三日誦左傳
二十五經讀稽聖傳一遍亦誦之博覽羣言尤精史記
漢書百家氏族之說至於陰陽數術醫方刑法之流無
不該洞焉與賀知章陸象先我伯父元孫韋述友善賀
呼君爲五總龜以龜千年五聚問無不知也君性方正
志業淳深識理清遠人皆望而服之解褐杭州參軍刺
巖僧公文集卷十一 墓碣銘 八

史宋璟以相國之重簡貴自居無所推揖每見君必特
加禮敬凡政事之譏誣者皆咨決焉開元初舉文儒異
等授秘書省學士尋改曹州司法參軍麗正殿學士與
韋述袁暉同修王儉今書七志及羣書四錄流別銓次
皆折衷於君璟與蘇頌旣入相每引君詢以當代之務
友于兄弟羣從宗黨必盡紉緼之恩長妹蘭陵郡太夫
人眞卿先妣也中年孀發遺孤十人老能自振君悉心
訓獎皆究恩意故能長而有立開元九年秋七月九日
有叔父臨黃尉子元之喪哀慟而終於京師通化坊
之私第夫人蘭陵諸氏司空璠之孫括州司馬宋國

公與宗之女賢和齊肅秉修禮度能讀論語周易泛觀
史傳率諸婦以和義故閨範修睦焉君之捐館以清白
留遺家道率然夫人躬甘菲糲勸勉桑藉晏息晨興以
率勵僮僕行之數歲經費羨焉教誨三子攝寅克齊等
皆克負荷攝大斌令克齊高平尉爲真卿河東覆屯軍
試判官並不幸早世寅聰達有精識能繼先父之業有
大名於天下舉宏詞太子校書承尉華殺謾吏貶移
澄城丞久疾將歿顧瞻太夫人欲訣不忍其子監察御
史亮年未志學隱而潛盡之及寅卒斬指剪髮冥於棺
中誓事太夫人不敢渝常日及有疾不脫衣帶者數年

顏魯公文集卷二 慕福銘 九

故白鶴巢於苦楸乾元元年太夫人季女適於邠州司
馬陸超板輿隨牒俄而遭疾三月朔日終於超之官舍
春秋八十有一龜筮未從因權殯於三水亮以校書郎
遷壽安尉爲真卿荆南節度推官廣德二年十有二月
與弟令榮陽尉承旬旬徒步力護雙柩合祔君夫人於
新安縣之龍潤原三子瑩從理命也嗚呼以君之才之
美被服純行加人數等清修素業爲代元龜竟不得贊
皇極而叶舜倫登泰階而儀百辟不其惜乎嗟乎仲尼
聖者也終於魯司寇而君官與之比公明達者也年纔
四十八而君壽與之齊豈聖賢之道有遺遇乎將運命

之數有窮通乎茲小子所以庶幾而述報施也大歷五
年夏五月真卿以恩宥刺撫於州採石刻頌用寄禮於
墓左銘曰

殷之後昆奕葉儒門盛烈存兮若能濟美於穆不已則
德尊兮運促道長身歿名揚教義致兮合謝先交遠遵
理命哀願孫兮高墳崔嵬龍澗之隈映鮮原兮斯焉寔
止以望君子慰營魂兮

祭文

祭姪季明文 乾元元
年九月

維乾元元年歲次戊戌九月庚午朔三日壬申第十三

顏魯公文集卷十一 祭文

叔銀青光祿大夫使持節蒲州諸軍事蒲州刺史上輕
車都尉丹陽縣開國侯真卿以清南庶羞祭於亡姪贈
贊善大夫季明之靈惟爾挺生夙標幼德宗廟瑚璉階
庭蘭玉每慰人心方期載穀何圖逆賊聞數稱兵犯順
爾父竭誠常山作郡余時受命亦在平原仁兄愛我俾
爾傳言爾既歸止爰開土門土門既開凶威大盛賊臣
不救孤城圍逼父陷于死巢傾卵覆天不悔禍誰爲茶
毒念爾遺殘百身何贖嗚呼哀哉吾承天澤移牧河東
泉明北者再陷常山攜爾首觀及茲同返撫念摧切震
悼心頽方俟遠日及爾幽宅魂百無嗟久客嗚呼

哀哉

祭伯父濠州刺史文 元元 年十月

維乾元元年歲次戊戌十月庚子朔二十一日庚申第
十三姪男銀青光祿大夫使持節饒州諸軍事饒州刺
史上輕車都尉丹陽縣開國侯真卿敢昭告於亡伯故
朝議大夫濠州刺史府君之靈曰日者羯胡祿山侵擾
河洛生靈塗炭兵甲靡遺二兄杲卿仔常山郡太守忠
義憤發首開土門擒斬逆豎挫其凶慝先蓋授衛尉卿
兼御史中丞城狐援絕身陷賊庭聖朝哀榮襲贈太子
太保甥姪八人季明盧邀等被賊害者並贈五品京官
顏魯公文集卷十一 祭文 十一
嫂及兒女皆被拘囚睿畧昭宣宇宙清廓脫於賊手並
得歸京真卿比在平原遭罹凶逆與杲卿同心協德亦
著微忱二聖憫焉授戶部侍郎河北採訪招討使又遷
工部憲部二尚書再兼御史大夫出為同蒲饒三州刺
史聖恩錫類大父贈華州刺史兄弟兒姪盡蒙國恩允
南授贈部郎中允臧授侍御史威明試太僕丞類授太
子洗馬類授協律郎類授秘書省校書郎賜緋魚袋泉
明顯類類等並蒙遷改一門之內生死哀榮真卿時赴
饒州至東京得申拜掃又方遠僻遠伏增感咽謹以清
酌庶羞之奠以伯母河南縣君元氏龍尚製

發碑

橫山廟碑

神居武陵其地有湖每出則神獸前道形如白馬
案此橫山廟發碑也橫山未詳所在考湖州府志府
城南十六里有衡山古衡橫字通用吳興掌故云諸
山中惟此山橫列故名則此碑亦大雁中公在湖州
時撰為所云神居武陵云云則碑無上下文可證不
知何所謂耳
逸文存目

勅榮陽鄭延祚停母喪三年不葬疏

顏魯公文集卷十一 祭碑 逸文 十一

奏金吾將軍李延素召蕃客內宴引駕仗不報疏

薦安陵處士張錫疏

奏范陽節度使安祿山反狀疏

奏安祿山反范陽至洛陽疏

招河北太守賀蘭進明討賊書

上靈武頓九疏

再上頓九疏

論宰相元載好狀疏

上所著韻海鏡源表

上選舉利害事宜疏

右見殿亮撰行狀

乞致仕第一疏

乞致仕第二疏

乞致仕第三疏

右見舊唐書德宗紀

請修東都太廟附主疏

右見舊唐書禮志

志云長慶六年吏部郎中鄭亞等請修附主與建中元年禮儀所奏中同

遺表

自祭文

顏魯公文集

卷十一

逸文存目

一三

自為墓誌銘

右見新唐書本傳

梓材賦

右見留元剛撰年譜

公二十六歲試進士時作

文殊師利菩薩碑

右見公書文殊帖

俗皎然有觀立此碑詩

江州祖亭記

右見歐陽詹弔九江驛碑材文

臨川自說碑

右見沈頰碑碑記

和州射堂記

和州刺史張敬因碑

右見集古錄

工部尚書郭虛己碑

富平尉孫喬卿碑

大斌合殿掛碑

顏狀碑

顏允南妻陳夫人碑

慈恩寺常住住地記

右見金石錄

顏魯公文集

卷十一

逸文存目

十四

元宗賢妃盧氏墓誌銘

華州刺史顏頤甫碑

右見續刻叢編

撫州刺史張景倩清德頌

禪林寺智者禪師畫像讚

廣德軍橫山廟碑

撫州元子晉遺愛碑

右見輿地碑目

應大聖慈寺盧稜伽畫壁

右見益州金石記

元武湯記

杜德碑

東莞陳氏故室碑

右見古今石刻碑目

魯郡太守張府君碑

右見古今碑錄

貞柳見情

右見梁溪集

顏魯公云集

卷十一

逸文存目

十五

顏魯公文集卷十一

顏魯公文集卷十二

寧鄉黃本驥仲良纘訂

湘陰蔣 瓌維揚叅校

古近體詩

詠陶淵明

長良思報韓與勝恥事新狙擊不肯就舍生悲播神鳴
呵陶淵明奕奕為晉臣自以公相後每懷宗國屯題詩
庚子歲自謂義皇人手持山海經頭戴漉酒巾興逐孤
雲外心隨還馬浪

贈裴將軍

顏魯公文集卷三十一 古近體詩

大君制六合猛將清九垓戰馬若龍虎騰凌何壯哉將
軍臨入荒垣赫耀英材劔舞若游電隨風縈且迴登高
望天山白雪正崔嵬入陣破騎虜威名雄震雷一射百
馬倒再射萬夫開匈奴不敢敵相呼歸去來功成報天
子可以畫麟臺

案裴將軍裴長也新唐書李白傳云玄宗時詔以白
歌詩表長劍舞張旭草書為三絕長與幽州都督
孫佺北伐為奚片簡長舞刀立馬上下回集皆迎刃
而斷奚驚引去其事在睿宗時見詩者矣厥傳王右
丞維贈長詩云腰橫寶劍七星文上調弓百戰勳

見說雲中擒黠虜始知天上有將軍維與魯公詩皆
美其北伐事又岑參有裴將軍宅蓋管歌亦為長作
也魯公此詩當是上元元年入為刑部侍郎時作

刻清遠道士詩因而繼作

不到東西寺於今五十春竭來從舊賞林壑宛相親吳
子多藏日秦王厭勝辰劍池穿萬仞盤石坐千人金氣
騰為虎琴臺化若神登壇仰生一捨宅歎珣珉中嶺分
雙樹迴巒絕日鄰窺臨江海接崇飾四時新客有神仙
者於茲雅麗陳名高清遠峽文聚斗牛津跡異心寧聞
聲同質豈均恣然千載後知我揖光塵

顏魯公文集卷三十一 古近體詩

附 清遠道士同沈恭子遊虎邱寺有作

我本長殷周遭罹歷秦漢四瀆與五嶽名山盡幽窟
及此寰區中始有近峯翫近峯何鬱鬱平湖渺瀾漫
吟颯川之陰步上山之岸山川共澄澈光彩交凌亂
白雲蒸欲歸青松忽消半客去川鳥靜人來山鳥散
谷深中見日崖幽曉非且聞子盛游邀風流足詞翰
嘉茲好松石一言常累歎勿謂余鬼神忻君共幽贊
附 追和太師顏魯公刻清遠道士游虎邱詩

李德裕文集

茂苑有靈峯嗟余未遊觀藏山在平陸壤谷為尚岸

罔鑿或仍精嚴潛千丈幹乃知造化意回幹資奇玩
鏐騎肯虎踞劍沒嘗龍煥潭黛入海底空峯聳霄牛
層爲未升日哀狄寧知且綠篠夏凝陰碧林秋不換
冥搜既巧窺回望何蕭散川晴嵐氣收江春雅英亂
逸人振清蕖前哲留篇翰共和哀玉首皆舒文補段
難題彥回賞徒起典公歎一夕如再升含毫墨斗爛

附 追和虎邱清遠道士詩序 襄陽 皮日休 襲美

虎邱山有清遠道士詩一首其所稱自殷周而

歷秦漢迄於近代抑二千年末以鬼神自謂亦
神怪之甚者格之以清健飾之以俊麗一句一

顏魯公文集卷三 古近體詩 三

字若恣若搏彼建安詞人僅在不得居其右矣

顏太師愛之不暇遂刻於巖際并有繼作李太

尉衛公欽清遠之高致慕魯公之素尚又次而

和之顏之敘事也典李之屬思也麗并一時之

寡和太元曰大無方易無時然後爲鬼神也噫

清遠道士果鬼神乎抑道家者流乎抑隱君子

乎詞則已矣人則吾不知也

成道自衰周避世窮炎漢荆祀雖云梗煙霞尙容竄

茲岑信靈異吾懷愜流玩石澗古鐵銚嵐重輕埃漫

松膏賦幽徑蘋沫若孤岸諸蘊屢暮晴聚鳥陶匏亂

巖傳地中心海光天一半元緩行列歸白雲次第散
蟾蜍生夕景汎澁餘清且風日采幽什墨客學靈翰
嗟子慕斯文一詠復三歎顯晦雖不同茲吟粗堪賞

附 追和清遠道士詩韻 蘇州 陸龜蒙 魯望

一代先後賢聲容劇河漢况茲邁古士復歷蒼厓窺

辰經幾十萬邈與靈壽玩海嶽尙推移都鄙固蕪漫

羸僧下高閣獨鳥沒遠岸嘯初風雨來吟餘鐘頃亂

知何鍊煉理萬祀忽欲半寧爲斷管憂肯作秋拍散

吾聞郭宮內日月自昏且左有脩文郎縱橫灑篇翰

斯人久冥泯得不垂慨歎庶或有神交相從重典贊

顏魯公文集卷三 古近體詩 四 補沈恭子詩 并序 陸龜蒙

案清遠道士詩題中有沈恭子同遊旣爲神怪

之倚得非姓氏謚得恭子若趙宣子韓獻子之

類邪恭子美謚也而詩中有風流詞翰之稱豈

獨唱而不和者歟疑闕其文以爲恭子之恨乃

作一章存於編中亦補亡之義也

靈贖貫軒吳遐年越商周自然失遠裔安得怨寡傳

我亦小國商易名惡見優雖非放曠懷雅奉逍遙游

攜手拄杖下馬湖山之幽風雨一以過林蕪蠟然欲

落日倚石壁天寒登古邱荒草已無夕敗葉窮不流

亂琴缺月隱衰紅 清露愁覽物性未逸反為情所囚
異才偶絕境佳藻 冥搜虛傾寂寞因敢作雜珮酬
案魯公詩及清遠 道士原作琴人宋留元剛所刻忠
義堂帖後有大歷 五年十二月刑部尚書顏真卿書
十七字永泰二年 魯公以刑部尚書貶為峽州別駕
至大歷十二年 始復為刑部尚書大歷五年公方為
撫州刺史題銜書 前刑部尚書撫州刺史可也不應
仍署刑部尚書 銜其時公在撫州亦無由得至吳郡
唐避國諱改虎邱 作武邱詩題不應仍稱虎邱魯公
書虎字皆缺未 挑帖本不缺詩中旦字及珉字偏旁

顏魯公文集 卷十一 古近體詩

五

之民皆唐代廟 諱帖亦直書不避謂此帖為魯公書
則種種可疑然 其詩則確為公作而書與款蓋後人
偽託也此詩之 作應在大歷六年罷撫州事移寓江
寧時繞道吳郡 而作詩云不到東西寺於今五十年
公卒於貞元元 年年七十七歲逆推至大歷六年公
年六十三歲又 逆推而上五十年為開元十年公年
方十有四歲公 撰舅父殷踐猷墓碣云父子敬太常
博士吳令公母 蘭陵郡太夫人為子敬長女公幼而
孤其至吳郡蓋 侍母氏隨外祖子敬之任故知此詩
確為公作清遠 道士及沈恭子不知為何時人魯公

詩曰悠然千載後則以為秦漢仙者以詩體而論蓋
亦唐人也今以李文饒及皮陸利作彙錄於後以見
一時追和之盛

題村山癸亭得暮字

原注亭陸鴻漸所建

村山多幽絕勝事 盈跬步前者雖登攀淹留恨晨暮及
茲紆勝引曾足美 無度款構三癸亭實為陸生故高賢
能利物疏鑿皆 有趣不越方丈間居然雲霄遇巍峩倚
修岫曠望臨古 渡左右蒼石攢低昂桂枝蠹山僧狎猿
欲巢鳥來枳棋 俯視何楷臺傍瞻戴禺路遲迴未能下
夕照明村樹

顏魯公文集 卷十二 古近體詩

六

案湖州府志村 山妙喜寺有晉吳興太守何楷釣臺
又州東北十八 里有戴山譙郡戴萬嘗遊此魯公詩
云俯視何楷臺 傍瞻戴禺路謂此癸亭即三癸亭見
公所撰村山妙 喜寺碑記以下詩三首皆大歷八年
公在湖州時作

謝陸處士村山折青桂花見寄之作

羣子遊村山山 寒桂花白綠萸含素萼采折自適容忽
得巖巾詩芳香 潤金石全高南越蠹豈謝東堂策會愜
名山期從君恣 幽觀

贈僧皎然

秋意西山多別岑榮左次繼亭歷三癸趾趾一作鄰什

寺元化隱靈蹤始君啟高致一作誅榛養翹楚鞭草理

芳穗俯砌漱水容通天埽岑翠境新耳目換物遠風塵

一作異倚石忘世情援雲得真意嘉林幸勿翦禪侶欣

可庇衛法大臣過佐游羣英萃龍池護清激一作虎節

到深遠徒想曠頂期於今汲遺記

案此詩一作皎然詩題為奉和顏使君真卿與陸處

士羽登妙喜寺三癸亭異者惟疏諫烟澈四字第九

聯衛法大臣過作魯公詩當是指浙西觀察使袁高

巡部過寺在游羣英萃則指同修韻海諸生也作皎

顏魯公文集卷三 古近體詩

案詩則魯法大臣指魯公言然以作皎然詩為當以

舊載公傳為之

登平望橋下作

登橋試長望望極與天平際海蒼葭色終朝鳧雁聲近

山猶一作勢勢遠水忽微明更覽諸公作知高題柱名

案平望驛今在蘇州府震澤縣唐時其地屬湖州烏

程縣湖州天寧寺有唐刻斷嶼題曰大唐國浙西道

湖州烏程縣澄源鄉宜陽里平望驛南弟子芮文

深云云可證此題作平望橋詩云際海蒼葭色即其

地也此詩亦魯公制觀州詩作

使過瑤臺寺有懷圓寂上人 并序

真卿昔以天寶元年尉醴泉丞過瑤臺寺圓寂

上人院秩滿遷監察御史巡覆諸陵而上人已

去一作離 此寺大歷十三年春二月以刑部尚書

謁拜昭陵慨然有懷

上人居此寺不出三十年萬法元無著一作靈法一心

唯趣禪忽紆塵外軫遠訪區中一作世間緣及爾不復見支

提猶一作然

五雜組擬作

五雜組繡與錦往復還興又寢不得已病伏枕

顏魯公文集卷三 古近體詩

附 同擬五人作

五雜組盤上菹往復還頭懶梳不得已晷裏魚 李嶠

五雜組郊外蕪往復還樞上駒不得已谷中愚 殷佐

五雜組酒與肉往復還東籬菊不得已醉便宿 袁高

五雜組闌闌間往復還門上關不得已鬢毛斑 陸士

五雜組繡紋線往復還春來燕不得已從征戰 蔣志

重擬五雜組

五雜組甘鹹醋往復還烏與兔不得已韶光度

同擬三人作

五雜組四豪客往復還肝與膈不得已長沙謫 張薦

五雜組五辛盤往復還馬上鞍不得已左降官李壽

五雜組五色絲往復還回文詩不得已失喜期曾清

案五雜組及聯句各詩皆魯公刺湖州時修韻海招

集名流而作想見政餘清暇賓從唱酬之樂此作同

擬者七人李峤字伯高後改名華趙郡廣漢人擢制

科官終廬州刺史是時以殿中侍御史辟為防禦使

殷佐明官正字袁高字公頤東光人時為浙西觀察

使陸士修河南人嘉興縣尉蔣志秘書郎張薦字孝

舉深州陸澤人官至工部侍郎與兄暮若弟為皆從

魯公游清畫詩僧皎然也時居杓山

顏魯公文集卷十一 古近體詩 九

登峴山觀李左相石尊聯句

李公登飲處因石為窟尊真卿人事歲年改峴山今古存

劉全榛蕪掩前跡苔蘚餘舊痕叔子向遺德山公此

迴軒張薦雜舟陪高興咸昔情彌敦吳筠藹藹賢哲事依依

辭別言張嶽嶽橫道周迢迢連山根范餘烈峻林野眾

芳楫蘭蓀純王德暉映巖足勝賞延高原理遠水明匹練

因晴見吳門甫王修陪游追盛美揆德欣討論峴器有成

形用功資造化元左輔流霞方泔淡別鶴遞翩翾劉舊

現傾逸賞新興屢初噉神醉後接離倒歸時騶騎喧德

元遲迴向遺跡離別益傷魂介覽事古與屬送人歸思

繫釋清懷賢久阻謝贈遠空攀援崔入塵欽懿躅高明

雲華衣上屯器森沈列湖樹牢落望郊園陸士白日半

嚴峭清風滿邱樊共勁旌塵間翠幄簫鼓來朱轡柳間

路躡雲影清心澄水源外釋塵萍連浦中嶼竹繞山下村

景落全谿暗烟凝半嶺昏須去口往如復換年涼代

溫頤登臨繼風雅義激舊府思李

案峴山聯句凡二十九人其可攷者劉全白評事後

為膳部員外郎守池州裴循長城縣尉吳筠字貞簡

華陰人待詔翰林時為道士強蒙處士善醫王純字

顏魯公文集卷十一 古近體詩 十

德素萬年人魯公外甥後避憲宗諱改名紹官至寧

武節度魏理評事顏峴魯公從兄之子永穆丞穆宗

時授贊善大夫左輔元撫州秀才魯公門生劉茂魏

縣尉顏渾魯公族弟官太子通事舍人韋介京兆人

陸羽字鴻漸竟陵人拜太子文學權器時為校書郎

官至戶部員外郎柳淡字中庸河東人洪府戶曹叅

軍釋塵外自號北山子顓頊項皆魯公族姪其不可

攷者惟范縉楊德元史仲宣裴幼清四人而已四人

中惟楊德元見於杼山記寰宇通志云峴山在烏程

縣南五里本名顯山以避唐諱改之晏殊類要云唐

開元中李適之為湖州別駕峴山有石觴員可貯酒
五斗道之每挈所親登山酣飲望帝鄉時時以醉工
民呼為李相石觴預吳卿及門生弟姪多攜壺巵
以遊作李相石觴聯句詩敘云因積溜深石巖為觴
形公貯酒其中結字環飲之處吳與掌故云魯公聯
句者二十有九人公之二子亦與焉內劉全白先以
評事游湖後貞元為守吳筠入嵩山為道士來此李
粵先任殿中侍御史公辟為防禦副使左輔元先因
公勸德州增廣韻海五百卷至是來湖三教俱集且
不遺後進公之襟度如是真可謂之雅集矣案李適
預魯公文集卷十一 古近體詩 上

預魯公文集

卷十一

古近體詩

上

之以天寶元年代牛仙客為左丞相故稱左相即杜
少陵飲中八仙之一也據類要此詩尚有序今不傳
峴山本嶺山改名張薦詩叔子尚遺德山公此迴軒
用裴陽峴山相比也峴顛須項皆魯公從子吳興掌
故以為公之二子與焉非也公之二子妙喜寺碑云
愚子願顧家廟碑云男頽男頽頽當即願顧改名
公之子又有名願者天寶十五載年十餘歲為質於
平盧將劉正臣僧皎然詩有奉和頽使君二十八郎
隔苑自河北遠歸云相失徒勞逐鹿塵掌上年久離
鶯鴉長多難喜身全即謂願也其歸正公刺湖州時

然此會則三子者皆未與也

水堂送諸文士戲贈潘丞聯句

居人未可散上客須留著莫唱阿鞞迴應云夜半樂卿

奉肅 詩教刻燭成酒任連盤酌從他白眼看終戀青山

郭 三 林栖非姓許寺住那名約會異永和年才同建

安作 十四 何煩問更漏但遣催弦索共說長句能皆

言早歸惡 然公 知殊出處還得同笑隼雅韻雖暫歡

禪心肯拋卻 精靈 一宿同高會幾人歸下若簾開北

陸風燭焯南枝鵲 勇奉 文場苦叨癩鈞渚甘漂泊弱

質幸見容菲材誠重諾 述

預魯公文集

卷十一

古近體詩

三

案此詩魯公及潘述陸羽權器清畫李粵六人聯句
之作潘述時為長城縣丞湖州府志云水堂在州治
南館驛河上舊名南堂為一郡勝槩

水亭詠風聯句

清風何處起拂檻復榮洲 裴幼 回入飄華幕輕來疊晚

流 楊 桃竹今已展羽翼且從收 揚 經竹吹彌切過松韻

更幽 左 直上青蘋未偏隨白浪頭 陸 士 山山催雨過

浦浦發行舟 權 動樹蟬爭噪開簾客罷愁 陸 度弦方解

慳 臨水已迎秋 黃 涼為開襟至清因作頽留 清 周迴隨

愛 夢 層層 愛 世獨銷煩暑偽能入迴樓 喬 王風

今若此誰不荷明休休

案楊憑宏農人字虛受官至京兆尹弟凝字懋功官至兵部郎中取淳字洪源河東人右拾遺大歷十才子之一也陸涓吳人陽翟合此詩與下溪館聽蟬詩皆有以喬字署名者疑係魯公第三兄喬卿為富平尉者

溪館聽蟬聯句

高樹多涼吹疎蟬足斷聲楊憑已催居客感更使別人驚

疑晚夏猶知急新秋別有情權危湍和不似細管學難

成羽當數耐金重無食燿火明真青松四面落白髮一

顏魯公文集卷十一 古近體詩

三

重生取向夕音彌厲迎風翼更輕喬單嘶出迴樹餘響

思空城裴幼嘒喚松間坐蕭家竹裏聲伯如何長飲露

高潔未能名清

案詩內名伯成者失其姓

送耿湓拾遺聯句

堯舜逢明主嚴徐得侍臣分行接三事高興相梁新真

建國千山道秦城萬里人鏡中看齒髮河上有煙塵海

望闕飛青翰朝天憶紫宸喜來歡宴洽愁去詠歌頻真

願勝情非一曠攜去亦頻吳興賢太守臨水最殷勤海

月夜吸茶聯句

泛花邀客坐代飲引情言陸士醒酒宜華席留僧想獨

修

不須攀月桂何假樹庭萱李御史秋風勁尚書北

粵

斗草陸流華淨肌骨流清滌心原真不似春醪醉何辭

卿

綠燕繁清素窈傳靜夜芳氣滿閑軒士

修

案此詩作者六人惟崔萬無考杼山記有後進崔密

崔萬即其人及其兄也

夜宴詠燈聯句

桂酒牽詩典蘭缸照客情陸士詎慙珠乘朗不讓月輪

修

明破暗光初白浮雲色轉清真帶花疑在樹比燎欲

卿

分庭清顧以慙微照開簾識近汀袁

高

顏魯公文集卷十一 古近體詩

古

三言喜皇甫曾侍御見過南樓玩月聯句

始客闌前軒天明浮月雲昏真雁聲苦蟾影寒聞哀

卿

池滴檀樂陸歡宴處江湖間皇甫卷翠幕吟嘉句恨清

會

元留不住高駕動清角催惜歸去重徘徊清露欲晞

晞

客將醉猶宛轉照深意陸士

修

案皇甫曾字孝常官監察御史

七言重聯句

頃持憲簡推高步獨占詩流橫素波不是中情深惠好

誰能千里遠經過真詩書宛似陪康樂少長還同宴永

卿

和夜酌此時看碾玉晨趨幾日重鳴珂皇甫萬井更深

會

學教莫千方務起隱嗟嗟熒熒遠火分漁滯歷歷寒枝
露鳥巢李漢朝舊學君公隱魯國今從弟子科只自傾
心慙照濡何會將口恨蹉蛇陸獨賞謝吟山照耀共知
殷歎樹婆娑華嚴苦嫌雲路隔衲衣長向雪峰何畫

送李侍御聯句

吾友駐行輪遲遲惜上春真東西出餞路惆悵獨歸人
畫歡會期他日馳驅恨此身張須知貢公望從此願相
因李

玩初月重遊聯句

春給與片平初月出谿明張薦上望彩寒仍畫金波
顯魯公文集卷十二古近體詩五

夜轉清李孤光遠近滿練色往來輕真望望隨蘭櫂依
依出柳城畫

重送橫飛聯句

春田草未齊春水滿長溪李出餞風初暖攀光日
漸西真歸期江上遠別思月中迷畫

案張薦字孝舉橫飛當是薦之別號此詩因送薦出
郊而作前送李侍御詩薦句云歡會期他日馳驅恨
此身是其留別語也既送粵又送薦故云重送

竹山連句題潘氏書堂

竹山招隱處潘子讀書堂真萬卷皆成奏千竿不作行

練容食流濯濯足詠滄浪李守道心自樂下帷名益
彰裴風來似秋興花發勝河陽康支策曉雲近援琴春
日長湯清水田聊學稼野圃試條桑畫巾折定因雨履
穿寧為霜陸士解衣垂蕙帶拂席坐藜牀房檐宇馴輕
翼簪裾染眾芳榮草生還近砌藤長稍依牆顏魚樂憐
清淺禽閑喜頡頏行顏當作頡行空園種桃李遠墅下牛羊

大言聯句

藏房畫歛山僧茗有傳野客觴柳遙峯對枕席麗藻映
兼細顏偶得幽棲地無心學鄭鄉潘
來連句即聯句也裴修前梁縣尉康造會稽人推官
顯魯公文集卷十二古近體詩六

夜集聯句

湯清河大埤評事房夔河南人顏榮魯公族人李觀
字元賓趙邵贊皇人洛陽丞遷太子校書郎房益河
南人詹事司直湖州志作武康人官監察御史此詩
全唐詩未載據石刻本補錄

寒花護月色墜葉占風音清茲夕無塵慮高雲共片心

大言聯句

高歌閭風步躡洲清畫輝鵬煖鯨餐未休真四方上下無
外頭李一啜頓涸滄溟流張

外頭李一啜頓涸滄溟流張

外頭李一啜頓涸滄溟流張

小言聯句

長路迢迢香吐絲真 蟻蚊蚊曉察難知清

樂語聯句

苦河既濟真僧喜李 新知滿座笑相視真 戍客歸來見

妻子清 學生放假偷向市張

饒語聯句

拈髓祇指不知休李 欲炙侍立涎交流真 過屠大嚼肯

知羞清 食店門外強淹留張

滑語聯句

雨裏下山踢榆皮真 蕪苔石橋步難移清 蕪蕪醬醋喫

顏魯公文集 卷十一 古近體詩 七

煮葵劉全 縫靴蠟線油塗錐李 急逢龍背須且騎益

案詩內有名益者全唐詩作李益案李君虞貞元末

始以詩名於時不應大歷初即與魯公詩會所謂益

者當是河南房益竹山聯句中人也

醉語聯句

逢糟遇麴便酩酊劉全 覆車墜馬皆不醒真 倒著接屣

髮垂傾清 狂心亂語無人竝陸

洪邁容齋三筆云陶淵明作閑情賦寄意女色蕭統

以為白玉微瑕宋廣平作梅花賦皮日休以為鐵石

心腸人而亦風流艷冶如此顏魯公集有七言聯句

因絕其目曰大言樂語饒語醉語云云以公之剛介
守正而作是詩豈非以文滑稽乎然語意平常無可
咀嚼予疑非公詩也

句

人心無路見時事只天知書奉使

逸詩存目

庫詩

案留元剛撰年譜云公二十六歲試進士賦此

過皎然郭中山寺 同王員外圓宿皎然寺 同袁侍

御高皎然上人登杼山上峯 同李侍御粵皎然上

顏魯公文集 卷十一 逸詩存目 六

人游法華寺 修韻海畢會諸文士東堂重校 開

元寺經藏院立文殊師利菩薩碑 同袁侍御高駘

駝橋翫月 九日登水樓 修韻海畢州中重宴

同皇甫曾西亭重會韻海諸生 登峴山送張侍御

嚴歸臺 峴山送李法曹陽冰西上獻書 清明日

同皎然游因送蕭主簿存 餞宜論蕭常侍穎士

修韻海畢東溪泛舟餞諸文士 泛舟送皇甫侍郎

會 送李侍御粵 觀元真子置酒張樂舞破陣畫

洞庭三山歌元真子張 落元真子舴艋舟歌清

風樓送吳練師釣歸林屋洞 晦日同皎然集白蘋

洲以上諸詩皆魯公在湖州作僧皎然集注有和作

經古烈士左伯桃墓下作墓注深水縣見鄭薰記

和元真子漁父詞公與陸鴻漸徐士衡李成矩共和張志和漁父詞共二十五首今惟志和

詞存見續仙傳

送挺贊上人歸翠微寺見盧綸詩目

案魯公為吉州別駕時有廬陵集十卷為撫州刺史

時有臨川集十卷為湖州刺史時有吳興集十卷見

於唐書藝文志及行狀墓誌然則公之詩亦甚夥矣

歷年既遠而所存止此蓋不及什之一也今并以見

於他人詩目者載於卷後以俟能詩者為擬作之資

顏魯公文集卷十一逸詩存目

七

亦廣徵補亡之意也

顏魯公文集卷十二終

顏魯公文集卷十三

寧鄉黃本驥仲良編訂

湘陰蔣 瓌維揚叅校

外集一

舊唐書列傳

顏真卿字清臣琅琊臨沂人也五代祖之推北齊黃門侍郎真卿少勤學業有詞藻尤工書開元中舉進士登甲科事親以孝聞四命為監察御史充河西隴右軍試覆屯交兵使五原有冤獄久不決真卿至立辨之天方旱獄決乃雨郡人呼之為御史雨又充河東朔方試覆

顏魯公文集卷十三 外集一

屯交兵使有鄭延祚者母卒二十九年殯僧舍垣地真卿劾奏之兄弟三十年不齒天下聳動遷殿中侍御史東都畿採訪判官轉侍御史武部員外郎楊國忠怒其不附已出為平原太守安祿山逆節頗著真卿以霖雨為託修城浚池陰料丁壯儲廩實乃陽會文士泛舟外池飲酒賦詩或讒於祿山祿山亦密偵之以為書生不足虞也無幾祿山果反河朔盡陷獨平原城守具備乃使司兵參軍李平馳奏之元宗初聞祿山之變歎曰河北二十四郡豈無一忠臣乎得平來大喜顧左右曰朕不識顏真卿形狀何如所為得如此祿山初尚移牒真

卿令以平原博平軍屯七千人防河津以博平太守張獻直為副真卿乃募勇士旬日得萬人遣錄事參軍李擇交統之簡閱以刁萬歲和琳徐皓馬相如高抗朗等為將祿山既陷洛陽殺留守李澄御史中丞盧奕判官蔣濟以三首遺段子光來徇河北真卿恐搖人心乃詐謂諸將曰我識此三人首皆非也遂腰斬子光密藏三首異日乃取三首冠飾草纘支體棺斂祭殯為位慟哭人心益附祿山遣其將李欽湊高邈何千年等守土門真卿從父兄常山太守杲卿與長史袁履謙謀殺湊邈擒千年送京師土門既開十七郡同日歸順共推真卿

顏魯公文集卷十三 外集一

為帥得兵二十餘萬橫絕燕趙詔加真卿戶部侍郎依前平原太守清河客李粵年二十餘與郡人來乞師謂真卿曰聞公義烈首唱大順河朔諸郡恃公為長城今清河實公之西鄰也僕幸寓家得其虛實知可為長者用今計其蓄積足以三平原之富士卒可以二平原之強公因而撫之腹心輔車之郡其他小城運之如臂使指耳唯公所意誰敢不從真卿借兵千人粵將去真卿謂之曰兵出也吾子何以教我粵曰今聞朝廷使程千里統眾十萬自太行東下將出嶺口為賊所扼兵不得前今若先伐魏郡斬袁知泰太守司馬垂使為西南主

身兵開嚙口之路出千里之兵使討鄴幽陵平原清河
合同志十萬之眾徇洛陽分兵而制其衝計王師亦不
下十萬公當堅壁毋與挑戰不數十日賊必潰而相圖
矣真卿然之乃移牒清河等郡遣其大將李擇交副將
平原縣令范東叟裨將和琳徐浩等進兵與清河四千
人合勢而博平以千人來三郡之師屯於博平去堂邑
縣西南十里袁知泰遣其將白嗣深乙舒蒙等以二萬
人來拒戰賊大敗斬首萬餘級肅宗幸靈武授工部尚
書兼御史大夫河北採訪招討使祿山乘虛遣史思明
尹子奇急攻河北諸郡饒陽河間景城樂安相次陷沒
顏魯公文集 卷十三 外集一 三

雖天子蒙塵典法不廢洎鑾輿將復宮闕遣左司郎中
李異先行陳告宗廟之禮有司署祝文稱嗣皇帝真卿
謂禮儀使崔器曰上皇在蜀可乎器違奏改之中旨宣
勞以爲名儒深達禮體時太廟爲賊所毀真卿奏曰春
秋時新宮災魯成公三日哭今太廟既爲盜毀請築壇
於野皇帝東向哭然後遣使竟不能從軍國之事知無
不言爲宰相所忌出爲同州刺史轉蒲州刺史爲御史
唐明所構貶饒州刺史旋拜昇州刺史浙江西道節度
使徵爲刑部尚書李輔國矯詔遷元宗居西宮真卿乃
首率百僚上表請問起居輔國惡之奏貶蓬州長史代
顏魯公文集 卷十三 外集一 四

獨平原博平清河三郡城守然人心危盪不可復振至
德元載十月棄郡渡河歷江淮荆襄二載四月朝於鳳
翔授憲部尚書尋加御史大夫中書舍人兼吏部侍郎
崔漪帶酒容入朝諫議大夫李何忌在班不肅真卿劾
之貶漪爲右庶子何忌西平郡司馬元帥廣平王頌朝
方蕃漢兵號二十萬來收長安出辭之日百僚致謁於
朝堂咸拜王荅拜辭亦如之王當闕不乘馬步出木馬
門而後乘管崇嗣爲王都虞候先王上馬真卿進狀彈
之肅宗曰朕兒子每出諄諄教誡之故不敢失禮崇嗣
老將有足疾姑欲優容之卿勿復言乃以奏狀還真卿

伏誅拜刑部尙書代宗崩爲禮儀使又以高祖已下七
聖謚號繁多乃上議請取初謚爲定袁修以諛言排之
遂罷楊炎爲相惡之改太子少傅禮儀使如舊外示崇
寵實去其權也盧杞專權忌之改太子太師罷禮儀使
論於真卿曰方面之任何處爲便真卿候杞於中書曰
真卿以禍性爲小人所憎竄逐非一今已羸老幸相公
庇之相公先中丞傳首至平原面上血真卿不敢以衣
拭以舌舐之相公忍不相容乎杞瞿然下拜而含怒心
會李希烈陷汝州杞乃奏曰顏真卿四方所信使諭之
可不勞師旅上從之朝廷失色李勉聞之以爲失一元
顏魯公文集卷十三 外集一 五

老貽朝廷羞乃密表請留又遣逆於路不及初見希烈
欲宣詔旨希烈養子千餘人露刃爭前追真卿將食其
肉諸將叢遠慢罵舉刃以擬之真卿不動希烈遽以身
蔽之而麾其眾眾退乃揖真卿就館舍因逼爲章表令
雪已願罷兵馬累遣真卿兄子峴與從吏凡數輩繼來
京師上皆不報每與諸子書令嚴奉家廟恤諸孤而已
希烈大宴逆黨召真卿坐使觀倡優斥黷朝政爲戲真
卿怒曰相公人臣也奈何使此曹如是乎拂衣而起希
烈慙亦呵止時朱滔王武俊田悅李納使在坐目真卿
謂希烈曰聞太師名德久矣相公欲建大號而太師至

非天命正位欲求宰相孰先太師乎真卿正色叱之曰
是何宰相邪邪君等聞顏杲卿無是吾兄也祿山反首舉
義兵及被害誦罵不絕於口吾今年向八十官至太師
守吾兄之節死而後已豈受汝輩誘脇邪諸賊不敢復
出口希烈乃拘真卿令甲士十人守掘方丈坎於庭曰
阮顏真卿怡然不介意後張伯儀敗績於安州希烈令
蕭伯儀旌節首級誇示真卿真卿慟哭投地後其大將
周曾等謀襲汝州因迴兵殺希烈奉真卿爲節度事洩
希烈殺曾等遂送真卿於龍興寺真卿度必死乃作遺
表自爲墓誌祭文常詣寢室西壁下云吾殯所也希烈
顏魯公文集卷十三 外集一 六

既陷汴州僭爲號使人問儀於真卿真卿曰老夫耄矣
曾掌國禮所記者諸侯朝覲禮耳興元元年王師復振
逆賊慮變起蔡州乃遣其將辛景臻安華至真卿所積
柴庭中沃之以油且傳詞曰不能屈節當自燒真卿乃
投身赴火景臻等遽止之復告希烈德宗復宮闕希烈
弟希倩在朱泚黨中例伏誅希烈聞之怒興元元年八
月三日乃使閹奴與景臻等殺真卿先曰有敕真卿拜
奴曰宜賜卿死真卿曰老臣無狀罪當死然不知使人
何日從長安來奴曰從大梁來真卿罵曰乃逆賊耳何
敢邪遂縊殺之年七十七及淮泗平貞元元年陳仙奇

使護送真卿喪歸京師德宗痛悼異常廢朝五日謚曰文忠贈司徒賜布帛五百端男頴碩等超授官職貞元六年十一月南郊赦書節文授真卿一子五品正員官故額得錄用文宗時以真卿曾孫宏式爲同州參軍

新唐書列傳

顏真卿字清臣祕書監師古五世從孫少孤母殷躬加訓導既長博學工詞章事親孝開元中舉進士又擇制科調醴泉尉再遷監察御史使河隴時五原有冤獄久不決天且旱真卿辨獄而雨郡人呼御史而復使河東劾奏朔方令鄭延祚母死不葬三十年有詔終身不齒

顏魯公文集卷之三 外集一

七

聞者聳然遷殿中侍御史時御史吉溫以私怨搆中丞宋渾誦賀州真卿曰奈何以一時忿欲危宋璟後乎宰相楊國忠惡之諷中丞蔣洙奏爲東都採訪判官再轉武部員外郎國忠終欲去之乃出爲平原太守安祿山逆狀牙孽真卿度必反陽託霖雨增俸滲隍料才壯儲磨廩日與賓客泛舟飲酒以紓祿山之疑果以爲書生不虞也祿山反河朔盡陷獨平原城守具備使司兵參軍李平馳奏元宗始聞亂歎曰河北二十四郡無一忠臣邪及平至帝大喜謂左右曰朕不識真卿何如人所爲乃若此時平原有靜塞兵三千乃益募上得萬人遣

錄事參軍李擇交統之以刁萬歲和琳徐皓馬相如高

抗朗等爲將分總部伍大饗士城西門慷慨泣下眾咸

勦饒陽太守盧全誠濟南太守李隨清河長史王懷忠

景城司馬李暉鄴郡太守王燾各以眾歸有詔北海大

守賀蘭進明率精銳五千濟河爲助賊破東都遣段子

光傳李愷盧奕蔣清首徇河北真卿畏眾懼給諸將曰

吾素識愷等其首皆非是乃斬子光藏三首他日結芻

續體斂而祭爲位哭之是時從父兄杲卿爲常山太守

斬賊將李欽湊等清土門十七郡同日自歸推真卿爲

盟主兵二十萬絕燕趙詔卽拜戶部侍郎佐李光弼討

顏魯公文集卷之三 外集一

八

賊真卿以李暉自副而用李銑賈載沈震爲判官俄加

河北招討採訪使清河太守使郡人李粵來乞師粵曰

聞公首奮裾唱大順河朔恃公爲金城清河西鄰也有

江淮租布備北軍號天下北庫計其積足以三平原之

有士卒可以二平原之眾公因而撫有以爲腹心他城

運之如臂使指耳真卿爲出兵六千謂曰吾兵已出子

將何以教我粵曰朝廷使程千里統眾十萬自太行而

東將出嚙口限賊不得前公若先伐魏郡斬賊守袁知

泰以勁兵披嚙口出官師使討鄴幽陵平原清河合十

萬眾徇洛陽分犀銳制其衝公堅壁勿與戰不數十日

賊必潰相圖死真卿然之乃檄清河等郡遣大將李擇
交副將范冬馥和琳徐皓與清河博平士五千屯堂邑
袁知泰遣將白嗣深乙舒蒙等兵二萬拒戰賊敗斬首
萬級知泰走及郡史思明圍饒陽遣游奕兵絕平原救
軍真卿懼不敵以書招賀蘭進明以河北招討使讓之
進明敗於信都會平盧將劉正臣以漁陽歸真卿欲堅
其意遣賈載越海遣軍資十餘萬以子頰為質頰甫十
歲軍中固請留之不從肅宗已即位靈武真卿數遣使
以蠟丸裹書陳事拜工部尚書兼御史大夫復為河北
招討使時軍費困竭李粵勸真卿收景城鹽使諸郡相

顏魯公文集卷三 外集一 九

翰用度遂不乏第五琦方參進明軍後得其法以行軍
用饒雄祿山乘虛遣思明尹子奇急攻河北諸郡復陷
獨平原博平清河固守然人心危不復振真卿謀於眾
曰賊銳甚不可抗若委命辱國非計也不如徑赴行在
朝廷若誅敗軍罪吾死不恨至德元載十月棄郡渡河
間關至鳳翔謁帝詔授憲部尚書遷御史大夫方朝廷
章昧不暇給而真卿繩治如平日武部侍郎崔漪諫議
大夫李何忌皆被劾斥降廣平王治兵二十萬平長安
辭日當開不敢乘趨出控極乃至王府都虞侯管崇嗣
先王而騎真卿劾之帝還奏崇嗣子每出誦誨教

戒故不敢失崇嗣老而蹇卿姑容之百官肅然兩京復
帝遣左司郎中李巽告宗廟祝署嗣皇帝真卿謂禮儀
使崔器曰上皇在蜀可乎器遽奏改之帝以為達識又
建言春秋新宮災魯成公三日哭今太廟為賊毀請築
壇於野皇帝東向哭然後道使不從宰相厭其言出為
馮翊太守轉蒲州刺史封丹陽縣子為御史唐明誣劾
貶饒州刺史乾元二年拜浙西節度使劉展將反真卿
預飭戰備都統李暉以為生事非短真卿因召為刑部
侍郎展卒舉兵度淮而暉奔江西李輔國遷上皇西宮
真卿率百官問起居輔國惡之貶蓬州長史代宗立起

顏魯公文集卷十三 外集一 十

為利州刺史不拜再遷吏部侍郎除荆南節度使未行
改尚書右丞帝自陝還真卿先請謁陵廟而即宮宰相
元載以為迂真卿怒曰用捨在公言者何罪然朝廷事
豈堪再破壞邪載銜之俄以檢校刑部尚書為朔方行
營宣慰使未行留知省事更封魯郡公時載多引私黨
畏羣臣論奏乃給帝曰羣臣奏事多挾讒毀請每論事
皆先白長官長官以白宰相宰相詳可否以聞真卿上
疏曰文見集中於是中人等騰布中外後攝事太廟言祭器
不飭載以誹謗貶峽州別駕改吉州司馬遷撫湖二州
刺史載誅楊綰薦之擢刑部尚書遷吏部帝崩以為禮

儀使因奏列聖請從初議爲定袁修固排之罷不
報時喪亂後典法湮放真卿雖博識今古屢建議釐正
爲權臣沮抑多中格云楊炎當國以直不容換太子少
師然猶領使及盧杞益不喜改太子太師并使罷之數
遣人問方鎮所便將出之真卿往見杞辭曰先中丞傳
首平原面流血吾不敢以衣拭親舌舐之公忍不見容
乎杞矍然下拜而銜恨切骨李希烈陷汝州杞乃建遣
真卿四方所信若往諭之可不勞師而定詔可公卿皆
失色李勉以爲失一元老貽朝廷羞密表周留至河南
河南尹鄭叔則以希烈反狀明勸不行答曰君命可避
顏魯公文集卷三十一 外集一 二

不吾兄也祿山反首舉義師後雖被執詬賊不絕於口
吾年且八十官太師吾守吾節死而後已豈受若等脇
邪諸賊失色希烈乃拘真卿守以甲士掘方丈坎於庭
傳將阮之真卿見希烈曰死生分矣何多爲伯儀敗希
烈令齋旌節首級示真卿真卿痛哭投地會其黨周會
康秀林等謀襲希烈奉真卿爲帥事洩會死乃拘送真
卿蔡州真卿度必死乃作遺表墓誌祭文指寢室西壁
下曰此吾殯所也希烈僭稱帝始問儀式對曰老夫耄
矣曾掌國禮所記諸侯朝覲耳興元後王師復振賊慮
變遣將辛景臻安華至其所積薪於庭曰不能屈節當
焚死真卿起赴火景臻等遽止之希烈弟希倩坐朱泚
誅希烈因發怒使闖奴等害真卿曰有詔真卿再拜奴
曰宜賜卿死曰老臣無狀罪當死然使人何日長安來
奴曰從大梁來罵曰乃逆賊耳何詔云遂繼殺之年七
十六嗣曹王臯聞之泣下三軍皆慟因表其大節淮蔡
平子顏頊護喪還帝廢朝五日贈司徒諡文忠賜布帛
米粟加等真卿立朝正色剛而有禮非公言直道不萌
於心天下不以姓名稱而獨曰魯公如李正己田神功
董泰侯希逸王元志等皆真卿始招起之後皆有功善
正草書筆力遒婉世寶傳之貞元六年赦書授顏五品

正員官開成初又以曾孫宏式為同州參軍

全唐詩小傳

顏真卿字清臣京兆長安人博學工詞章事親孝開元
中舉進士又擢制科調醴泉尉累遷殿中侍御史忤宰
相楊國忠出為平原太守安祿山反河朔盡陷獨平原
城守具備使司兵參軍李平馳奏明皇大喜即拜戶部
侍郎肅宗即位靈武真卿數遣使以蠟丸裹書陳事拜
工部尚書兼御史大夫為河北招討採訪處置使至德
二年轉於鳳翔授憲部尚書遷御史大夫軍國之事知
無不言為宰相所忌出為馮翊太守改蒲州刺史御史

顏魯公文集

卷十三 外集一

三

唐明詔劾貶饒州刺史旋拜浙西節度使召為刑部侍郎
李輔國銜之貶蓬州長史代宗立起為戶部侍郎除
荆南節度使未行改尚書右丞尋除檢校刑部尚書迨
盧杞當國益惡之改太子太師李希烈陷汝州杞遣真
卿往諭拘虜累歲不屈而死贈司徒諡文忠真卿立朝
正色剛而有禮非公言直道不萌於心天下不以姓名
稱而獨曰魯公善正草書筆力邁姚世寶傳之詩一卷

全唐文小傳

顏真卿字清臣瑯琊臨沂人開元中舉進士又擢制科
累官武部員外郎出為平原太守安祿山反河朔盡陷

獨平原城守具備加戶部侍郎肅宗幸靈武授工部尚
書兼御史大夫河北採訪招討使代宗朝封魯郡公為
刑部尚書加改太子太師盧杞惡之奏使諭李希烈希
烈腸之不屈遂縊殺之年七十七贈司徒諡曰文忠

湖州府志名宦傳

顏真卿字清臣臨沂人開元進士歷殿中侍御史守平
原討賊有功肅宗即位拜工部尚書兼御史大夫封魯
國公為李輔國元載等所忌數遭貶黜出入中外大歷
八年為湖州刺史辟李粵為防禦副使權器揚昱為判
官德政治於千里公暇招致名儒七十餘人考集羣書

顏魯公文集

卷十三

外集一

古

成韻海鏡源三百六十卷又著吳興地記十卷凡山川
陵墓古蹟皆入記刻之石柱因名石柱記十二年元載
誅以楊綰薦擢刑部尚書去郡建中初楊炎當國以直
不容盧杞益不喜李希烈陷汝州乃奏遣真卿往諭之
既見希烈腸之再三真卿不屈節過淮蔡平子頽碩
護喪還帝廢朝五日贈司徒諡文忠

案魯公在湖州所著有吳興集十卷見行狀墓誌及
唐書藝文志其石柱記僅記山川古蹟名目無十卷

府志誤

舊唐書改顏合傳贊

每思先軫免胄子路結纓雖云其忠未聞於道如成公
謂段秀實孝於家能於軍忠於國是武之英也苟無楊炎弄
權若任之為將遂展其才豈有朱泚之禍焉如清臣富
於學守其正全其節是文之傑也苟無盧杞惡直若任
之為相遂行其道豈有希烈之叛焉夫國得賢則安失
賢則危德宗內信姦邪外斥良善幾致危亡宜哉噫以
仁為己任不亦重乎死而後已不亦遠乎二君守道沒
身為時垂訓希代之士也光文武之道焉贊曰自古皆
死得正為順二公云亡萬代垂訓

新唐書段顏合傳贊

顏魯公文集卷十三 外集一

圭

唐人柳宗元稱世言段太尉大抵以為武人一時奮不
慮死以取名非也太尉為人姍姍常低首拱手行步言
氣卑弱未嘗以色待物人視之儒者也遇不可必達其
志決非偶然者宗元不妄許人諒其然邪非孔子所謂
仁者必有勇乎富祿山反時雖無前魯公獨以烏合嬰
其鋒功雖不成其志有足稱者晚節偃蹇為姦臣所擠
見殞賊手毅然之氣折而不沮可謂忠矣詳觀二子行
事當時亦不能盡信於君及臨大節蹈之無貳色何邪
彼忠臣直士寧以未見信望於人要反諸已得其正而
後憚於中而行之也嗚呼雖千五百歲其英烈言言如

嚴霜烈日可畏而仰哉

案新舊唐書以段顏合傳故論贊皆合言之今止錄
顏傳而贊論不可分錄故不系於傳後而別錄於此

宏簡錄二顏張許合傳贊

唐已中葉烈士未聞時未可誣史忍闕文堂堂魯公一
代幾人聯輝並耀謂景方稱同仁天以完節克付遠巡

顏魯公文集卷十三

外集一

夫

顏魯公文集卷十三終

寧鄉黃本曠仲良編訂

湘陰蔣 瓌維揚恭校

外集二

顏魯公行狀

陳郡 殷 亮

公姓顏名真卿字清臣小名羨門子別號應方京兆長安人也顏氏乃春秋小邾子之苗裔昔帝軒轅生昌意昌意生顓帝顓帝生老童老童生吳回吳回生陸終陸終生六子一曰昆吾其國衛也二曰參胡其國韓也三曰彭祖其國徐也四曰會人其國鄭也五曰曹姓其國

顏魯公文集卷十四

外集二

邾也六曰季連其國楚也曹姓國於邾春秋邾武公爲魯之附庸國武公名儀甫字顏公故公羊傳云顏公有功於齊齊威公命爲小邾子子孫以王父字爲姓氏以其附庸於魯故代代事魯爲卿大夫故先賢傳孔子弟子達者七十二人顏氏有其八則顏氏之儒學可知也若顏無繇字路顏回字子淵顏幸字子柳顏高字子驥顏祖字襄顏瞻字子聲顏之僕字叔井顏何字冉是也至公之十六代祖魏青徐二州刺史諱盛自魯國居鄆郡葬臨沂縣西七里十二代祖晉侍中諱舍自瑯琊居丹陽五代祖北齊黃門侍郎諱之推自丹陽居京兆長

安高祖秦王府記室參軍諱思魯曾祖蔣王文學著作

郎諱勳禮祖曹王侍讀諱昭甫父薛王友贈太子少保

諱惟貞卽祕書監師古之曾姪孫也公以家本清貧少

好儒學恭孝自立貧乏紙筆以黃土埽牆習學書字攻

楷書絕妙詞翰超倫案以黃土埽牆習學書字攻

祖殷子敬異縣令署公父惟貞事公幼孤隨母育於外

不應乏紙筆之具年弱冠開元二十二年進士及第

登甲科二十四年吏部擢判入高等授朝散郎祕書省

著作局校書郎天寶元年秋扶風郡太守崔秀舉博學

文詞秀逸元宗御勤政樓策試上第以其年授京兆府

醴泉縣尉黜陟使戶部侍郎王珙以清白名聞授通直

郎長安尉六載遷監察御史制云文學擅於登科器幹

彰於適用宜先汗簡之職俾佇埋輪之效尋充河東朔

方軍試覆屯交兵使凡閱舉糺士伍舒慘之情事理無

不必當七載又充河西隴右軍試覆屯交兵使五原郡

有冤獄不決公理之時方久旱而甘澤立應郡人呼爲

御史雨八載又充河東朔方軍試覆屯交兵使有榮陽

鄭氏兄弟三人或居令長或尉京畿劇任往年母亡殯於太原佛寺空園之內經二十九載未葬公乃劾奏之敕三人放歸田里終身勿齒左金吾將軍李延業素承恩渥會召蕃客內宴引駕仗不齊堂公責之延業慙恃

顏魯公文集卷十四

外集二

二

權勢於朝堂喧憤公奏之出爲濟南太守朝廷憚焉不敢不肅八月遷殿中侍御使時中丞宋渾以私怨爲御史吉溫崔珪所誣告謫賀州公謂珪溫曰奈何以一時之忿而欲危宋璟喬乎由是與二人不平宰相楊國忠初黨於溫亦怒公之不附已令吉溫風中丞蔣洙奏公爲東京畿採訪判官九載十二月轉侍御史百餘日轉武部員外郎判南曹提綱目鈎苛細武調者多感而懷之十二載國忠以前事銜之謬稱精擇乃遂出公爲平原太守其實去之也公至郡訪孝義名節之士皆旌其門閭或蠲其戶役安陵處士張鎬多才博識隱居公詣

顏魯公文集

卷十四

外集二

三

其居與之抗禮因廉使巡察乃薦焉其後鎬官至中書侍郎同平章事安祿山鎮幽州十餘載末年反跡頗著人不政言公亦陰備之因歲終式修城乃浚濠增培壞環垣立植木內爲禦敵之計外託勝遊之資及兵興果賴其固而城得全十四載祿山禍謀將發公遣子至范陽啟祿山以今年冬合當入計祿山猜之不許公旣不得離郡乃遣親客前漢中長史蹇昂奏其狀狀留禁中不報十一月祿山反於范陽眾號十五萬長驅自趙定而南趨洛陽散勝諸郡莫敢枝梧祿山乃勝公令以平原博平兵七千人防河以博平太守張獻直爲副公登

時使平原兵參軍李平乘駟奏之平至東京見封常清云吾得上旨凡四方奏事者使開函而再封之平聽焉常清遂侍帳操筆寄書於公論國家之事詞意甚切並附募捕逆賊牒數十封至平原令堅相待公從之使親表及門客密送於諸郡因此多有而常清乃尋自敗績焉有敕賜死於陝州竟不接聲平之未至京師也元宗歎曰河北二十四郡無一人向國乎及聞平至遣中使五六輩迎之兼敕平奔馬直至寢殿門然後令下奏事平元宗大喜願謂左右曰顏真卿何如人朕兼未曾識而所爲乃爾祿山之發范陽也時平原郡有靜塞屯平

顏魯公文集

卷十四

外集二

四

盧鎮兵三千五百人並已發赴鎮在路未達公悉追迴更追諸縣武舉及獵射人兼召募精勇旬日至萬餘人遣宗子平原郡錄事李擇交統之驍勇之士刁萬歲和琳徐皓馬相如高抗朗分押營伍皆千夫之長樂以義舉腹心無阻而爲其將帥焉聚兵後數十日公大饗將士於子城西門之外辦吏四人舉酒食所約五十萬廩役之流無不飽餵公躬自撫巡舉酒下淚言國家之恩戮力死節無以上報眾皆激憤勇思致命焉時饒陽太守盧全誠與司馬李正舉兵據其城河間司法參軍李奐殺祿山所置長史王忠於濟南月餘日清河義兵復

歸本郡濟南太守李隨下遊奕將警嗣賢渡河得博平
偽太守馬翼據其郡各有眾數千或至萬人相次於平
原共推公爲盟主公三辭後聽焉諸郡諮稟指揮告敗
剋日數十至信都郡武邑縣尉李銑來投本縣令廳宣
遠拘留銑母公以私錢十萬募人劫迎之故士眾歎感
無不願效者果遂羣意兼斬廳宣遠首而攜迴十二月
祿山陷東京害留守尙書李愷御史中丞盧奕判官鞏
縣尉蔣清等因使以三之首來徇河北且以勸降諸
郡逆使者殺子光至初拽入門子光大呼曰僕射十三
日人東京遠近盡降聞河北諸郡不從故令我告之公

顏魯公文集 卷十四 外集二

五

若損我海有日在遂歷指三首各言其人公識其是恐
搖人心乃謬謂諸將曰我審此三人皆非也遂命腰斬
子光潛令收藏三首誌其處數日稍定取愷奕等首澡
潔仍縛蒲爲身棺斂發哀致祭城外殯之哭三日舉聲
下淚受文武弔慰左右無不出泣涕者自此義合歸者
益多矣斬毀子光之日滄州清河縣兵五千攻常山太
原節度使王承業擁兵最近不時出救常山遂陷諸郡
頗有貳者元宗乃以公爲戶部侍郎依前平原太守充
本郡防禦使仍與節度使李光弼計會招討公以景城
長史李暉爲副李銑賈載前侍御史沈震爲判官是月

又詔公爲河北採訪處置使公又以前咸陽尉王延昌
爲判官張澹爲支使時清河郡寄客李華後因獻封事
睿宗有敕改
召爲郡人來乞師於公曰竊聞公高義首唱河朔歸順
之人皆依倚以爲聲氣洪贍人心可用若不倦於聽則
僕請言之公曰何如華曰國家舊制江淮郡租布貯於
清河以備北軍費用爲日久矣相傳爲天下北庫今所
貯者有江東布三百餘萬疋河北租調絹七十餘萬當
郡綵綾十餘萬累年稅錢三十餘萬倉糧三十萬時討
默啜甲仗藏於庫內五十餘萬編戶七十萬見丁十餘
萬計其實足以三平原之富料其卒足以二平原之彊

顏魯公文集 卷十四 外集二

六

若因撫而有之以兩郡爲腹心唇齒其餘乃四支耳安
敢有不從者哉彼要僕爲行人以造公之壘僕明見其
可同心也取命於屏幘之外惟公圖之公曰所合之眾
未會知戰自死且急安有恤鄰之暇哉雖然諾足下之
請則可爲乎華對曰清河遺僕致命於公者蓋欲稟義
闕一 大賢以濟謀非力不足而借公之師以當強寇也
瞻仰高意未有決詞定色與濟清河也安敢言爲哉時
華纔年二十餘皆沮云必動眾無成惟公奇之迫於眾
情未詳一許耳華乃就館操書以達其意意者畧言清
河去逆就順以全實之資上公之軍而承公之命時不

納而疑之卽僕迴轅之後清河必有所託系與他人與
公爲西面之難無什日之期耳公及噬臍子公覽而驚
之遂排羣議獨仗其決借兵六千人兵旣出平原次於
竟上華將把公手而歸公曰兵旣行矣可以言吾子之
意否華曰近聞朝廷遣程千里統精兵十萬自太行東
下擬詣嚙口助河北諸軍討滅叛逆而嚙口爲賊所守
千里兵不得東出須先伐魏郡袁知泰秦祿山所署偽太守納舊
太守司馬垂使爲西南主分開嚙口出千里之軍因令
討鄴郡以北直至幽府已來未順城邑平原清河率同
盟諸將以十萬人直指河陽分效兵巡河而悉制其奔
顏魯公文集卷十四 外集二 七

衝之路計王師東討洛邑必不減二十萬河南諸郡義
師西向臨之亦不減十萬公當表請堅壁勿戰不旬月
而賊有潰敗相圖之勢矣公然之遂移牒清河等諸郡
並遣人將宗子李澤交副將平原令范東馥偏裨和琳
徐皓等十餘人促兵清河合勢以便宜從事華復命於
清河因兵合之際修永濟渠引水遠州城上大修守戰
之具旬日而畢又以清河四千兵與平原連蹤而西時
博平亦義兵千人來合於是三郡之師屯於博平郡堂
邑縣西南十里袁知泰遣其麾下將白嗣深乙舒蒙等
率二萬人來拒戰三郡之兵盡日苦戰遂大敗之斬首

萬餘級生擒一千餘人馬一千匹軍資器械不可勝數
其日魏郡城東南面女牆一百五十步無故而崩去郡
望戰日而崩知泰走投汲郡於是自魏郡以東至堂邑
百餘里莫不攜壺漿於道側以候官軍公聲益震境內
稍安初平原之師旣西合清河時賊將史思明圍饒陽
恐平原救之仍遣遊奕兵來拒前鋒去舊縣十里公懼
不敵乃遣驍將刁萬歲以三千兵逆之堅壁不戰又以
善過河招北海太守賀蘭進明統馬步兵五千來助公
陳兵而迎之相揖哭於馬上懷慟三軍宴犒甚厚進明
遂屯平原城南息養士馬公每事咨謀之自是兵威之

重稍移於進明矣而公不以爲嫌進明未有所之李擇
交兵入清河尋又破於堂邑而因公以有功禮遜於進
明如河北招討使擇交東馥徵進官級其清河博平有
功不錄一人時論進明必有後敗未期果失律於信都
城下有詔抵罪公縱之使赴行在進明以全乃公護之
也君子曰竊人之財猶爲之賊况竊人之功乎進明之
不死幸也然公亦過於寬厚矣三月河北節度使李光
弼以朔方馬軍三千步軍五千初出土門將討定河朔
公乃抽兵歸并放博平清河等軍各歸本郡斂戢以待
光弼之命俄而光弼拔平山郡救改常山爲平山續有詔遣郭

子儀以萬軍助之兩進兵又拔趙郡史思明方守博陵以自固仍將兵來拒於是兩軍與思明三萬人對陣於嘉山大戰思明敗績徒跣入博陵城兩軍斬首萬餘虜獲不可勝計時平山趙郡已拔劉正臣本名客奴歸順於平原平盧等十七郡公先據之於是橫截賊路人往來幽府皆以精騎偷路又多被官軍殺之其賊將士父母妻子及曳落河種族並質在范陽絕懷震恐時方盛暑公知光弼子儀禁斷侵掠將士少衣服乃送十五萬帛為三萬人裝以遣人至饒陽屬潼關不守兩軍却入土門遂留不行然河北諸郡公始復指麾征討之事肅宗之

顏魯公文集卷一四 外集二

九

在靈武也公前後遣判官李銑及馬步軍張雲子以蠟為彈丸以帛書表實於彈丸之內潛至靈武奏事有詔以公為工部尚書兼御史大夫依前河北招討採訪處置使又於九月奉敕書及即位改年赦書至平原散下諸郡宣奉焉又令前監察御史鄭昱奉敕書宣布河南江淮所在郡邑風從不疑而王命遂通則公之力也而河北諸郡稟公之命粗為安肅公以兵與半年軍用已竭思所以贍濟之未得其畧先是清河行人李華自堂邑戰勝後又親公辭權而不有之勞藏於人間不及見公再三盟約號令諸郡及以文原求之曰清河郡屬崔

審交應敗之後吏不安行人李華乃崇靖浚陞銀甲矯窮乞師彼敵和眾以安人靜言其功須有甄賞仍牒之於路以求焉華於是復詣平原與公相見公因問以足用之計華遂與公數日參議定以錢收景城郡鹽沿河置場令諸郡畧定一價節級相輸而軍用遂贍時北海郡錄事參軍第五琦隨刺史賀蘭進明招討於河北觀其事遂竊其法乃奏肅宗於鳳翔至今用之不絕然猶未得公本策之妙旨焉是年秋祿山遣其將史思明尹子奇等並力攻河北諸郡前後百餘日饒陽河間景城樂安相次而陷所存平原博平清河三郡而已然人心

顏魯公文集卷一四 外集二

十

潰叛不可復制公乃將麾下騎數百棄平原渡河由淮南山南取路朝肅宗於鳳翔行在初公之將過河也乃謂判官穆寧張澹曰賊勢既爾若委命待擒必為其快心辱國之命也今將徑赴行在公以為何如若朝廷必誅敗軍之罪以勵天下則王綱可振死亦何恨如復從事以責後效則業不朽矣寧澹與諸將皆贊之策馬發至朝廷除公為憲部尚書初劉客奴以漁陽歸順時史思明與光弼子儀相持於趙定之間客奴遣使越海與公計會公使判官賈載將男頗為質信泛海以軍糧及駃士衣服遺之時頗始年十歲餘公更無子息三軍懇

請留之不從及載等迴公乃與漁陽聲勢相連尋又使人迎其軍比至公已棄平原歸於行在竟不及事然自肅宗已來河南及諸道立功大將如王元忠田神功董秦侯希逸李正已許果卿等初皆是公自北海迎致之者終無私謁焉至二年正月又除御史大夫未幾因忤聖旨貶馮翊太守乾元元年三月又改蒲州刺史本郡防禦使封丹陽縣開國子食邑一千戶是年為酷吏唐旻所誣貶饒州刺史二年六月拜昇州刺史充浙江西道節度使兼宋毫都防禦使劉展反狀已露公慮其侵軼江南乃選將訓卒緝器械為水陸戰備都統使李峘

顏魯公文集

卷十四

外集二

十一

以公為太早計因密奏之肅宗詔追未至京拜刑部侍郎及劉展舉兵渡淮峘敗績奔江西淮南遂陷於展議者皆多公而怨峘焉上元元年秋時御史中丞敬羽狙詐險慘班列皆避之公會與之語及政事遂遭誣貶蓬州長史公樂道自怡不以介懷寶應元年八月代宗有詔除利州刺史十二月拜戶部侍郎加銀青光祿大夫上柱國廣德元年又加金紫光祿大夫充荆南節度使觀察處置使遲留未行為密近所誣遂罷前命代宗幸陝公扈從至行在除尚書右丞宰相元載與公不叶公亦面數之不為之屈及鑿駕還宮公會建議先謁廟然

後即安官闕事竟不行時載方在於立班更顧公曰所見雖美其如不合事宜公怒而進曰用捨在相公耳言者何罪乎然朝廷紀綱豈堪相公再破除也載自此銜之而不忘二年正月除檢校刑部尚書兼御史大夫朔方行營汾晉等六州宣慰使載又疑公因使奏對言其短尋罷前命惟知刑部尚書事三月晉封魯郡開國公食邑三千戶載自與公有隙常俟公闕公亦獻書直奏其奸狀代宗俱容不罪之也永泰二年春差公攝職謁太廟公以祭器不修言之於朝載譖公以為訕謗時政貶峽州別駕代宗為罰過其罪尋換吉州別駕公與往

顏魯公文集

卷十四

外集二

三

來詞客詩酒講論為樂甚有所著編為廬陵集十卷於大歷三年遷撫州刺史在州四年以約身減事為政然而接遇才人耽嗜文卷未曾暫廢焉因命在州秀才左輔元編次所賦為臨川集十卷七年九月拜湖州刺史公以時相未忘舊怨乃加勤於政而以杭州富陽丞李粵為本州防禦副使蘇州寓客校書郎權器遊客前大理司直楊昱為判官委聖草闢田之務於粵委閱簿檢更接詞政之務於器昱等而境內晏然公初在平原未有兵革之日著韻海鏡源成一家之作始創條目遂遇祿山之亂寢而不修者二十餘年及至湖州以俸錢為

紙筆之費延江東文士蕭存陸士修裴澄陸鴻漸顏祭
朱弁李蒲清河寺僧智海兼善小篆書吳士湯涉等十
餘人筆削舊章該搜羣籍撰定爲三百六十卷大凡據
法言切韻次其字按經史及諸子語據音韻次字成句
者刊成文裁以類編又按倉雅及說文玉篇等其義各
注其下謂之字脚韻海者以牢籠經史之語依韻次之
其多如海鏡源者八體之本究形聲之義故曰鏡源綿
亘數載其功乃畢表奏上之有詔付所司藏之於書府
大抵求經史撰集篇賦利於後學焉此外箴別之文及
詞客唱和之作又爲吳興集十卷今檢校國子祭酒楊
顏魯公文集卷十四 外集二

顏魯公文集卷十四 外集二

三

昱自御史中丞京畿採訪使除爲漢州刺史轉湖州刺
史案昱刺湖州在貞元元年以舊府之恩乘州人之請紀公遺事刊
石立去思碑於州門之外卽今都官郎中陸長源之詞
也十二載元載伏誅召公爲刑部尙書經年公以前後
頻典刑憲密啟辭焉乃上選舉利害事宜數十條代宗
善之人莫知也遂改吏部尙書今上諒闇之際詔公爲
禮儀使先自元宗以來此禮儀注廢闕臨事徐創實資
博古練達古今之旨所以朝廷篤於誦疾者不乏於班
列多是非公之爲公不介情懷接禮經執直道而行已
今上察而委之山陵畢授光祿大夫遷太子少師依前

爲禮儀使前後所制儀注令門生左輔元編爲禮儀十
卷今存焉三年八月遷太子太師四年淮寧節度使李
希烈以十四州叛襲陷汝州執刺史李元平歸蔡州朝
廷詔公爲淮寧軍宣慰使公乘驛馳至東京河南尹鄭
叔則勸公曰反狀已然去必陷禍且須後命不亦善乎
公曰君命也焉避之至許州與希烈相見宣傳詔意未
畢逆賊使其大將軍王玢周曾詣公以醜詞劫公以白
刃又令鄰境同惡所遣使者四人於希烈之前拜舞伏
稱誣訴國家之事勃慢凶豪詞所不忍聽也又令親兵
五千人號爲希烈養子人各持一刀逼勸於公如欲刺
顏魯公文集卷十四 外集二

顏魯公文集卷十四 外集二

古

食之勢公位不移定色不撓懼希烈覩公辭色不變謬
爲驚駭以身蔽公兵人旣退方揖公就館前後詐爲公
表奏自說其強盛以請汴州者數十今上知而寢之希
烈雖窮凶極惡然亦感公文義大陳設燕會將欲送公
於朝廷先爲賊所擒汝州刺史李元平時在座公指引
叱責之元平羞慙而起書其奸意坐上濟通希烈意變
罷宴後遂拘公於官舍令甲卒十人守之仍穿一脫於
廳之前以脇公公乃直言指希烈云死生有定何足多
瑞相侮哉但以一劍見與公卽必覩快事無多爲也希
烈慚謝焉自後不敢無禮於公也後數月賊於安州城

下破官軍得獲將士以頭連誇示於公公大聲叫呼自
取投地憤絕良久乃蘇從此更不復與人言語及哥舒
曜收復汝州擒檢校刺史周冕已下百人希烈乃遣周
會康秀林等領二萬人來襲哥舒於汝州會秀林行至
襄城乃謀翻兵殺希烈奉公為節度使以歸順希烈押
衙姚澹亦為內應先期一日事洩希烈乃遣驛子軍三
千奄至襄城殺周會等收其期兵而回因送公於蔡州
龍興寺居焉公度不得全自撰墓誌以見其心又就希
烈請數人之饌希烈不知而給之自陳設之因為文祭
周會已下為賊所害者無不歎歎其十二月希烈陷汴
顏魯公文集卷十四 外集二

五

州僭逆稱號為慘酷之具以逼公意欲其屈禮公憤然
而無求生之意賦以止焉貞元元年河南王師復振賊
慮蔡州有變乃使其將辛景臻於龍興寺積薪以油灌
既縱火乃傳希烈之命若不能屈節自即裁之公應聲
投地臻等驚衝扶公而還希烈審不為已用其年八月
二十四日又使景臻等害於龍興寺幽辱之所凡享年
七十七明年三月希烈為麾下將陳仙奇所殺淮西平
仙奇遣軍將營送公神觀於京師嗣子操陽縣尉頽次
子秘書省正字頽迎喪至汝州襄城縣乃葬焉攀號屢
絕毀裂過不自勝以其年十一月三日附葬萬年縣鳳

樓原之先坐有詔贈司徒諡曰文忠賻錢五十萬粟二
百碩中使弔祭儀仗送於墓所朝野莫不哀傷公蹈忠
節之苦古今無類焉公平居之日自卑有井介之操而
能容眾有潔已之方不以疵物與道合歲寒者終始無
渝變况君臣大義名教大節而得造次焉可奪求生而
害仁者於嚴淮寧之難豈止天不慙焉蓋亦有無良之
人以怨報德投之於無存之地也悲夫初遭難後江西
節度嗣曹王臯上表云云表載後卷公之密親懿友動相規
用以成其務者即今給事中殷公亮吏部員外郎柳公
冕採其謀猷分以休戚者今吉州刺史李公粵重其器
顏魯公文集卷十四 外集二

六

悅其能者今檢校國子祭酒楊公昱故戶部員外郎權
公器其餘顧盼曾假吹噓成名布於詞場及內外之列
者不可勝紀李公粵吉州以小子久趨於欄戟定以使
言將存刊刻用防逸墜尙實去飾庶無愧焉其故同事
之人先後存亡錄之於左謹狀

案新唐書藝文志云殷亮顏氏家傳一卷杲卿殷仲
容顏氏行狀一卷真卿仲容亮之從曾祖也魯公之
祖昭甫為仲容姊婿公父惟貞少孤育於舅氏仲容
教以筆法至公卒時仲容年已百餘歲不應尙存宋
史藝文志云殷亮顏杲卿家傳一卷又顏真卿行狀

一卷則具卿家傳與此行狀皆亮撰也新書誤著仲容之名耳亮為公母之從子公嘗辟為荆南節度使推官又嘗從公於撫州公在湖州亮又與修韻海知公行事甚悉故公卒為操筆撰狀宋人避太祖父宏殷諱留元剛編公集載此狀作因亮撰避殷為因也而關中金石記倘仍之何耶

光祿大夫太子太師上柱國魯郡開國公顏真卿

神道碑銘原題作墓誌銘今改太原令狐峘

正議大夫行太子右庶子史館修撰上柱國晉昌縣開國男令狐峘述惟深也故能通天下之志惟幾也故能顏魯公文集卷二四外集二

成天下之務君子極深而研幾不出戶而制動行諸已而馭化其惟聖德乎有唐名臣贈司徒魯郡文忠公顏

秉是一心祇事四朝今上興元元年八月三日蹈危致

命薨於蔡州之難貞元二年春蔡州平冬十一月二旬

有三日嗣子棧陽尉頽祕書省正字頽衡恤奉喪歸葬

於萬年縣之舊原皇帝徹懸震悼乃冊贈上公詔有司

具鼓吹為儀送於墓所遣中謁者冊祭贈錢五十萬粟

三百石令太常考行諱德諡曰文忠凡厥士庶泉方侯

伯識與不識希聲彰彰莫不悽然為感慕思齊為人

子者益孝為人臣者益忠為人弟者益順為人吏者益

敬有以見盛德之儀型也公諱真卿字清臣瑯琊臨沂

人蓋孔宣父之門人曰回好學知機道亞聖人公其後

也五代祖之推北齊黃門侍郎為海內大儒著家訓稽

聖賦寃魂志及文集藏於書府歷代傳之高祖思魯亦

儒行仕我太宗掌記秦府列於國史曾祖勤禮著作郎

宏文館學士祖昭甫晉曹二王侍讀贈華州刺史考惟

貞薛王友贈太子少保儲和葆冲是感間氣用集於我

公公受天純休克廣前烈識度元遠節行不羣早孤太

夫人殷氏躬自訓育公承奉慈顏幼有老成之量家貧

顏魯公文集卷二四外集二

屢空布衣糲食不改其樂餘刀務學甘味道藝五經微

言及百氏精理無所不究既聞之必行之尤工文詞善

隸書書格勁逸抗行鍾張弱冠進士出身尋判入高第

授祕書省校書郎天寶初制策甲科作尉醴泉又以入

使表能遷於長安未幾拜監察御史洵承詔旨巡撫河

隴曾至五原有寃訟久而不決公理之得情郡人悅服

時方炎亢而甘澤澍焉恭俗語謂之御史雨又士族

有數於名教者朝臣有缺於憲度者公悉彈奏正以禮

法憲綱震肅朝旨嘉焉遷武部員外郎屬宰臣楊國忠

以外戚登庸惡不附已者出為平原太守公性本宏裕

及到官推是道也以臨其人躬疾苦以勸義寬征徭以勸學令不肅而信行教不敷而化洽十四年賊臣安祿山豕突蟻動逆常干紀徵師矯命自薊長驅公血憤中激乃宣言曰焉有人臣忍容巨逆必當竭節冀行天討會郡中方集靜塞軍屯丁三千餘人公因之又召境內舉武藝者仍發財募義勇之士未踰旬成萬人軍於是戒嚴固守仍表其狀是時海內承平祿山竊發兩河之間未有奉章表者時祿山陷洛陽害留守李愷中丞盧奕御史蔣清以三人之首傳脇河北列郡至平原公斬其使收三之首哭而葬之遂有表上聞初元宗每朝

顏魯公文集

卷十四

外集二

元

以薄俗罪已及得公表大悅稱歎者久之顏謂左右曰真卿何如人而所爲乃得爾因就拜戶部侍郎兼領平原又加河北採訪招討使仍賜以詔書云卿之一門義冠千古由是公之德聲震於天下時公從父兄常山太守杲卿同公建義憤激於衷生縛賊將何千年高邈獻於闕下遂通太原之路忠烈之風出於一門詩云孝子不匱永錫爾類夫忠臣亦如之是時淮陽太守盧全誠濟南太守李隨清河長史王懷忠景城司馬李暉各擁兵數千或至高人以附於公鄒郡太守王燾被祿山移攝河間譚俾按吏李兵斬僞署河間長史杜暮睦以河

間衆歸於公北海太守賀蘭進明率精銳五千濟河有詔助公討伐自是仁者赴仁義者赴義勇者不敢愛其力智者不敢秘其謀清河詞客李粵少年有志獻奇於公以通鄰好增補軍實前殿中侍御史沈震鹽山尉穆寧武邑尉李銑清河主簿張濬清河尉賈載各抒器能參贊成務公以長事進明衆同甘苦莫不畢力能公之役賊帥袁知泰恃衆犯我聊城之西公二鼓而破之獲斬萬計其時河朔一十七郡同日嚮願進兵二十萬橫絕燕楚旁貫井陘啟土門通太原河北節度使李光弼朔方節度使郭子儀得橫行河朔復常山趙二郡大破

顏魯公文集

卷十四

外集二

三

賊帥史思明於嘉山皆公之由也推誠無私信及旁郡平盧將劉正臣以漁陽來歸公以漁陽賊之本根欲堅其意乃割愛子頗令越海與正臣通問兼遣軍資十有餘萬俄而寇陷京師駕在靈武往來傳置梗圯不通公以帛書表章封於蠟丸內俾健步宵行夜伏四遠以聞因奉詔肅宗卽位之初遣使乘驛布於江淮王命再通緊茲是賴又遷工部尚書兼御史大夫採訪招討等使如故其年冬十月賊將尹子奇史思明等以勁兵十萬發自燕南先陷滄瀛次陵德棣猛若燎火衝如決防公內無兼月之蓄外絕同盟之援度勢量力義無幸給不

敢委身待擒貽國之恥遂與麾下歸於鳳翔有詔遷憲
部尚書尋兼御史大夫西京平思復舊章屢進讜議觸
鱗忤旨竟不允留出爲馮翊太守換蒲州刺史充本州
防禦使又爲酷吏所構貶饒州刺史遷昇州刺史充浙
西節度使時劉展在於睢陽反狀已萌公乃飭偏師利
五刃水陸戰備以時增修都統使李暉奏以爲過防駭
眾肅宗有詔追拜刑部侍郎進爵縣公尋而劉展陵陷
江淮李暉敗績奔走時之議者皆多公之先覺怒暉之
沮計焉御史中丞敬羽詐佞取恩惡公剛直以謗語陰
中之天威赫然責命斯極貶蓬州長史代宗卽位移利

顏魯公文集

卷十四 外集二

三

州刺史未之任徵拜戶部侍郎轉吏部侍郎加銀青光
祿大夫進金紫光祿大夫除江陵尹兼御史大夫充荆
南節度觀察使未辭闕而鑿璽幸陝州公扈蹕行在拜
尚書右丞及還京遷刑部尚書續兼御史大夫充朔方
宣慰使進封魯郡公食邑二千戶宰臣元載怙權專政
每有公議公正言引經不爲之屈指適將如規之載心
銜色忿蓄而將發者數四矣會攝享太廟公以祭器不
修啟於宰臣載因奏公謗讟時政疑峽州別駕未到任
換吉州別駕移撫州刺史轉湖州刺史改尚清淨長祇
養耆微備浚隍式靡明進吏事特責大旨而已郡人悅

之立碑頌德而耽嗜文籍卷不釋手初在德州嘗著韻
海鏡源遭難而止至是乃延集文士纂而成文古今文
字該於理者撫華撮要罔有不備爲三百六十卷以其
包荒萬彙其廣如海自末尋源照之如鏡遂以名之又
著吳興集十卷廬陵集十卷臨川集十卷並行於代大
歷末姦臣伏誅宰臣楊綰常袞舉公舊德宜在中朝徵
拜刑部尚書公乃奏上所著韻海鏡源帝嘉之藏於集
賢書院及祕閣公前後三傾大司寇以年老辭榮上愛
其才遷吏部尚書清沃九流用正庶官代宗晏駕朝廷
以公鴻儒詳練典故舉充禮儀使祇護陵寢率禮無違

顏魯公文集

卷十四 外集二

三

加光祿大夫太子少師使如故著禮儀集十卷上方倚
以爲相爲權臣所忌遷太子太師外示崇高實以散地
處之也建中四年賊臣李希烈阻兵淮右詔公奉使宣
慰豺狼方或諭公逗遛以需公曰君命也焉避之旣
見希烈奉宣朝旨詞不屈志不撓賊黨乃交刃脇之慢
罵不遜公視之凜如責以悖逆希烈不敢亢逼而退久
之置酒大會將餞公復命行有時矣過叛臣李元平陷
我汝海委質賊廷公於座上數其背恩厲氣斥責叛者
慙服密以異語動於希烈希烈意變遂執公囚於官舍
防以甲士或掘竅於側或積薪於前或給以瘞填或許

以焚燔虐毒萬計期公毅節公請之曰願假一劍豈勞
多端服義而終乃其所也賊竟不敢逼貞元初希烈陷
汝州是時公幽辱已三歲矣度必不全乃自爲墓誌以
見其志是年過害於汝州之龍興寺春秋七十有六自
登朝及作藩牧常以安君厚俗爲務獎善伐惡爲志言
非至公不發於口事非直道不幾於心植操則夷齊之
高也理戎則羊陸之仁也當朝則汲黯之正也莅下則
廉范之通也蘊是具美行乎至儉強暴莫敢衝干麾不
能動大義久廢公起之醇風久醜公還之非賢人之業
何以臻此然虛已下士不以名位自高苟有道者蓬門

顏魯公文集卷十四 外集二

鶉衣必與抗厝在平原嘗薦安陵處士張縞有公輔之
量數年間錫位列鼎司論者稱之善與人交執友之子
義均甥姪介操所至不遷其守剛而中禮介而容眾靜
而無間動而有光便於已希權倖不爲也君有命蹈湯
火不辭也心在弭亂不在功志圖報國不圖生故其殺
身成仁視死如歸雖漢之龔勝魏之王經無以加焉昔
衛銘孔惲魯頌僖公載在禮經形於雅什僉以爲公之
事君事親愛敬直清跬步不忘德克也張義戴仁顛沛
以之行極也探頤儒府述古立言交經也勤勞王家靖
難安仁武功也頌辭不詔後嗣何觀於是故吏廬州刺

李學士刊石建碑旌於不朽以頌嘗參公會府公卿
之末儲位史臣俾讚丕烈永示將來敢竭不才恭述所
聞銘曰天祚聖唐降賢救時烈烈魯公毓德應期巖峙
玉鎮伊傅之師文武忠信天子是毗亦既升朝侃然正
色潤我王度作藩於德賊爲豺虺流毒下國公飭王旅
殄掃妖慝解紛以和柔逆以忠萬里狂飆半爲淳風君
子知微遇變則通全我庶人入奉宸聰乃副丞相是司
喉舌周旋七命內外胥悅營營青蠅不害其潔危行言
孫保茲明哲用啟土宇俾侯于魯式是百辟彝倫攸敘
亂靡有定盜擾淮浦帝曰汝賢代予宣撫孰不懷忠處

顏魯公文集卷十四 外集二

死難之於赫我公視險若夷猛獸斷斷履之不疑扇彼
薄俗惟緝惟熙昔在申伯作藩周室詩人歌頌尚播聲
律矧我文忠人之紀綱功伴四時節貫雪霜煥乎立言
歿而彌彰日居月諸垂範無疆
此碑原題作墓誌銘案唐書魯公本傳及殷亮撰公
行狀卽令狐岷此文皆云公爲希烈所拘自爲墓誌
然則公葬時其子頤碩當以公自作之誌納於壙何
事更乞銘於岷此文於公之兄弟七人公次第六妻
韋氏太子中舍迪之女女適京兆韋政皆未之及非
誌體也且其文曰故吏廬州刺史李學士刊石立碑旌

其不朽則恒所撰者公之神道碑也以傳刻失實耳
及閱留元剛魯公年譜其末條辨正公卒之年亦引
此文作神道碑益知愚論爲不謬因改題曰神道碑
銘詔令狐德棻之元孫官終祕書少監

顏魯公文集卷十五

寧鄉黃本驥仲良編訂

湘陰蔣 瓌維揚叅校

外集三

顏魯公年譜

宋永春 留元剛 茂潛

中宗景龍三年己酉公生於是年其先琅琊臨沂人晉

侍中西平靖侯合之十四世孫合以孝義儒學名家

居丹陽五代祖之推北齊黃門侍郎始為京兆長安

人高祖思魯隋司經局校書東宮學士長寧王侍讀

唐太宗為秦王拜記室參軍會祖勤禮著作郎崇賢

顏魯公文集

卷十五

外集三

一

宏文館學士祖昭甫晉王曹王侍讀華州刺史父惟

貞薛王友贈太子少保

四年庚戌六月改元唐隆是月睿宗即位七月改元景

雲

景雲三年壬子正月改元太極五月改元延和八月傳

位元宗改元先天

先天二年癸丑十二月改元開元

開元二十二年甲戌公年二十六考功員外郎孫遜下

進士及第試梓材賦庫詩

二十四年丙子公年二十八平判入等授朝散郎祕書

省著作局校書郎

天寶元年壬午公年三十四舉文詞秀逸科元宗御勤

政樓策試上第十月授醴泉尉後黜陟使王鉉以清

白名聞轉通直郎遷長安尉按本傳及神道碑天寶

初以制策甲科作尉醴泉考唐會要所載諸科如文

詞秀逸皆謂之制舉通直郎自武德定令為從六品

朝散郎從七品

五載丙戌公年三十八是歲有張長史十二意筆法記

六載丁亥公年三十九正月遷監察御史尋充河東朔

方軍試覆屯交兵使

顏魯公文集

卷十五

外集三

二

七載戊子公年四十是年充河西隴右軍試覆屯交兵

使

八載己丑公年四十一又充河東朔方軍試覆屯交兵

使劾奏朔方令鄭延祚八月遷殿中侍御史時中丞

宋渾為御史吉溫崔珪誣告謫賀州公面折之楊國

忠黨於溫怒公不附已令溫諷中丞轉洩奏公為東

都採訪判官按史傳溫性陰詭詭事貴官以訊獄深

虐李林甫才其為擢戶部郎中兼侍御史又媚附楊

國忠安祿山高力士為國忠謀奪林甫權誣奏京兆

尹蕭尺及渾遂之皆林甫所善林甫不能殺後祿山

瀕河東節度表溫白副總留事拜雁門太守以母喪
解表為魏郡太守國忠當國引拜中丞十三載祿山
薦為武部侍郎國忠與祿山爭寵溫轉厚於祿山國
忠忌之發其贓狀遂斥死宋渾之謫當是溫兼侍御
史時也家譜以公遷殿中在五月今從行狀

九載庚寅公年四十二二月遷侍御史

十一載壬辰公年四十四三月轉武部員外郎判南曹

十二載癸巳公年四十五楊國忠以前事銜之繆稱精

擇出公為平原太守按十三載有東方畫贊碑陰記

云去歲拜此郡則以是年出守明矣

顏魯公文集卷五 外集三

十三載甲午公年四十六二月有東方先生畫贊碑

陰記

十四載乙未公年四十七轉兵部員外郎時安祿山反

河朔盡陷獨平原城守具備使司兵參軍李平馳奏

元宗始聞亂歎曰河北二十四郡無一忠臣邪及平

至大喜顧謂左右曰朕不識顏真卿何如人所為乃

若此謹按公嘗為殿中侍御史與仲昆左補闕允南

同列臺省每朝賀宰相已下登殿者不逾三十人公

與允南二拱法座於含元殿朝覲宴集必同行列夫

以拱承天辟執憲殿中久賜清問參陪左右不為疏

逃者矣平原出守才三年耳已有不識之問元宗未

年怠荒盡於妖嬖昏昧至是安得不稔胡雛之禍哉

十五載丙申七月肅宗即位改元至德公年四十八正

月加戶部侍郎兼平原郡太守三月兼河北招討採

訪使七月拜工部尚書兼御史大夫平原郡太守河

北招討採訪處置等使有皇帝即位賀上皇表有修

書帖十月史思明尹子奇圍河間公遣和琳往救思

明逆戰擒之河間陷又使康沒野波將先鋒攻平原

公謀於眾賊銳不可抗乃渡河

肅宗至德二載丁酉公年四十九朝於鳳翔授憲部尚

顏魯公文集卷五 外集三

書有讓表六月兼御史大夫有謝表新史行狀月日

不同今從家譜九月丁丑廣平王假平西京十月壬

戌平東京癸亥肅宗發鳳翔丙寅入西京太廟為賊

所焚肅宗素服向廟哭三日按本傳兩京復公建言

春秋新宮災魯成公三日哭今太廟為賊毀請築壇

於野皇帝東向哭宰相厭其言十一月出為馮翊太

守有謝上表

三載戊戌二月改元乾元公年五十三三月除蒲州刺史

有謝上表四月有謝晉王曹王侍讀贈華州刺史表

按通鑑果卿姊妹及泉明之子流落河北是年公守

蒲使泉明往求之九月有祭庭贈書大夫李明友
十月除饒州刺史有華嶽廟題名至東京拜掃有祭
伯父濠州刺史文豪州按通典春秋末鍾離子之國
晉僑置徐州安帝時爲鍾離郡宋廢入南兗州齊置
北徐州北齊爲西楚州隋開皇二年以地枕濠水更
曰濠州自大業至唐武德天寶乾元改爲郡若州者
再地理志謂濠字初作豪元和三年改從濠元和郡
國志案國音濠字中間誤去水元和三年字又加水
彭見社亭記碑陰載武德間州印豪字亦不從水元
和二年御史崔公中奏請依舊以濠水爲州名三年

顏魯公文集卷十五

外集三

五

以月敕豪從水省司重造新印考之濠州乃開皇舊
名武德以後始作豪也今舊集作濠誤當從碑本

乾元二年己亥公年五十一有顏司徒碑銘六月爲昇

州刺史充浙西節度使兼江寧軍使有謝表江寧郡
以元年改置昇州兼浙西節度觀察使是年有與蔡
明遠帖李侍御寫真贊有天下放生池碑銘按放生
池碑陰記及碑銘所載皆在二年湖州碑陰記後乃
書作二年三月改之乞御書碑額表云去年冬任昇
州刺史日述碑銘一章自書絹本附史元琮奉進乞
御書題額以光揭不朽緣前書點畫稍細恐不經久

今據石學集大書一本奉進特乞聖恩備遂前請
然則碑銘必是年所作而再進學集之本在於次年
故繫以改書之年月耳藝文類聚有梁元帝荊州放
生亭碑世謂放生建碑始於唐非也

三年庚子閏四月改元上元公年五十二時劉展將反
公豫飭戰備李岷以爲生事非短公二月追爲刑部
侍郎有乞御書天下放生池碑額表八月貶蓬州長
史按離堆記以言事忤旨本傳云上皇遷西內公率
百官同起居李輔國惡之行狀神道碑又謂爲御史
中丞敬羽所誣然二事皆在公貶貳之時也

顏魯公文集卷十五

外集三

六

上元二年辛丑九月去年號稱元年以十一月爲首歲
元年壬寅復以建巳爲四月改元寶應是月代宗卽位
公年五十四五月有鮮于氏離堆記拜利州刺史屬
匡賊圍城不得入進赴上都十二月劉晏讓爲戶部
侍郎有謝表有顏再業碑

寶應二年癸卯七月改元廣德公年五十五三月改更
部侍郎有謝表八月除江陵尹兼御史大夫充荆南
節度觀察處置使有謝表未行授代十月轉尚書右
丞有敕尚書碑銘

代宗廣德二年甲辰公年五十六正月以檢校尚書兼

御史大夫充朔方行營汾晉等六州宣慰使招諭僕
固懷恩不行遂知省事二月有與李太保帖十一月
有與郭僕射書郭公廟李臨淮碑銘按郭英父爲尙
書右僕射封定襄郡王驕蹇侈汰陰事元載魚朝恩
以久其權明年嚴武死以英父爲成都尹充劍南節
度使自以有內主肆志無有所憚崔旰反英父奔靈
池普州刺史韓澄殺之是月又與李太保帖
承泰元年乙巳公年五十七八月有孫逖文公集序閏
十月有與李太保帖有顏秘監碑銘

二年丙午十一月改元大歷公年五十八時元載多引
顏魯公文集卷十五 外集三 七

私黨畏羣臣論奏乃給代宗曰羣臣所奏多挾私讒
毀請自今論事先白長官長官白宰相宰相定可否
然後奏聞公有百官論事疏攝事太廟言祭器不飭
載以爲誹謗二月貶峽州別駕時又有廟享議朝會
有故去樂議三月移佐吉州道出溧水有弔烈士左
伯桃詩六月有東林寺西林寺題名歐陽公脩集古
錄按唐書公爲元載所惡貶峽州員外別駕撫州湖
州刺史載誅復爲尙書而不言其再貶至新史始載
本末蓋攷諸碑陰記及題名也
大歷二年丁未公年五十九正月有鮮于少保碑銘十

月有靖居寺題名守政帖廬陵集十卷

三年戊申公年六十五月除撫州刺史按魏夫人麻姑
華姑仙壇記乞御書題額恩勅批答碑陰記並在是
歲家譜誤作二年當以記爲據有書馬伏波語

四年己酉公年六十一四月歸耐季弟少尹於上都時
同生十人零落皆盡惟公獨存有寶應寺翻經臺記
魏夫人華姑壇記碑

五年庚戌公年六十二五月有麗正殿學士殷君墓碣
銘十二月有宋開府碑銘

六年辛亥公年六十三三月有寶應寺律藏院戒壇記
顏魯公文集卷十五 外集三 八

閏三月臨川代到四月有南城縣麻姑山仙壇記是
年有晉侍中西平靖侯顏公大宗碑又有左輔元編
次所賦爲臨川集十卷

七年壬子公年六十四有八關齋報德記九月至東京
除湖州刺史十一月發東京有與夫人帖

八年癸丑公年六十五正月至任七月追建放生池碑
銘按村山妙喜寺碑云大歷七年蒙刺是邦觀察判
官御史袁君高巡部會於此土遂立亭於東南陸處
士以癸丑歲冬十一月癸卯二十一日癸亥建名曰
三癸又云自典校時著韻海鏡源未遑刊削壬子歲

叨刺於湖公務之際與沙門法海李粵陸羽褚沖湯
某柳察潘述裴循蕭存陸士修楊遂初崔宏揚德元
胡仲湯涉顏祭章介左與宗顏策以季夏於州學及
放生池討論至冬徙於茲山來年春遂終共事考之
乞御書題額恩勅批答碑陰記公七年秋九月歸至
東京起家除湖州刺史來年春正月至任放生池碑
後亦書云七年秋九月己亥蒙除不應壬子之九月
至京癸丑之正月至任而壬子之季夏與羣士討論
於州學冬復徙於村山癸丑之春遂成書而終事碑
銘曰三癸嶙峋又曰紛吾著書羣彥惠臻言羣彥著

顏魯公文集卷十五 外集三 九

書於三癸之亭也夫既大歷七年蒙刺是邦癸丑十
月方有此亭安得壬子之冬羣彥已集是必寺碑傳
寫於金石剝落之餘誤以癸丑爲壬子當終事於甲
寅之春也郡有觀海樓未徙村山時所建是年有題
三癸亭洲陸處士折青桂花見寄詩水堂送諸文士
戲贈潘丞聯句十二月有沈氏述祖德記元靖李先
生碑銘公在郡及門生弟姪多攜壺機以遊峴山
觀左相石罇聯句序謂因積溜深石嵌爲罇形酌酒
其中結字環飲

九年曰寅公年六十六正月作于豫亭書於刺史

宅東廳院又有韻海鏡源公天寶中守平原與封紹
高質族弟渾修成二百卷屬祿山作亂止存四分之
一及刺撫州與左輔元等增廣成五百卷至是刊削
繁辭纂而成文凡古今文字該於理者據筆撮要罔
有不備爲三百六十卷是年有乞御書題額恩勅批
答碑陰記妙喜寺碑贈僧皎然詩

十年乙卯公年六十七有元次山表墓碑銘歐陽領軍
碑銘

十一年丙辰公年六十八四月有崔孝公陋室銘記初
晉溪東南有白蘋洲梁太守柳惲江南曲汀洲採白

顏魯公文集卷十五 外集三 十

蘋日暮江南春後人因以名洲至是公始勸榛導流
作八角亭及茅亭書惲詩於上有康使君碑銘
十二年丁巳公年六十九四月有柳惲西亭記吳興集
十卷元載誅楊綰薦公四月召於湖州五月有項王
碑陰述八月爲刑部尚書
十三年戊午公年七十正月三抗章乞致仕不允二月
有過瑤臺寺懷圓寂上人詩是年進吏部尚書按家
譜以十二年十二月爲吏部尚書充禮儀使攷舊史
記及詩序今年正月乞致仕二月謁昭陵猶爲刑部
尚書不應十二年已除吏部今參之行狀神道碑史

傳所載先後進吏部當在今年充使乃代宗晏駕之後也

十四年己未公年七十一五月代宗崩德宗即位充禮

儀使七月奏列聖謚繁有請復七聖謚號狀時袁修

議云陵廟玉冊已刻不可輕改修蓋妄奏不知玉冊

皆刻初謚而已又有論元皇帝祧遷狀

德宗建中元年庚申公年七十二七月有顏少保碑銘

時楊炎當國公以直不容八月為太子少師依前禮

儀使有左輔元所編禮儀集十卷

三年壬戌公年七十四上方倚以為相盧杞忌之八月

顏魯公文集卷十五 外集三

改太子太師罷其使

四年癸亥公年七十五正月李希烈陷汝州盧杞建議

遣公為宣慰使往諭之公卿失色李勉密表固留不

報既至宣詔旨希烈養子千餘人交刃賜公後又囚

於官舍守以甲士掘方坎於廷傳將坑之期公毀節

公謂希烈曰死生有定何多端一劍見與即觀快事

希烈不敢逼

興元元年甲子公年七十六有奉命帖題驛舍壁會周

曾等謀襲汝州奉公為節度事洩希烈殺曾等拘送

公於蔡州

貞元元年乙丑公年七十七正月有移蔡帖時公已幽

辱三載矣度必死乃自作遺表墓誌祭文指寢室西

壁下曰吾殯所也八月希烈使闖奴與辛景臻等縊

殺公於龍興寺

二年丙寅四月希烈為牙將陳仙奇所殺蔡州平十一

月奉公喪歸葬於萬年縣之鳳棲原公之死也舊史

記云貞元元年正月始聞廢朝贈謚傳乃謂死於興

元元年八月新史記以為貞元元年之八月神道碑

前書日月同舊傳後又法貞元初遇害希烈之誅新

舊史記作今年四月舊史傳復云貞元元年仙奇護

顏魯公文集卷十五 外集三

公喪歸汝之遺蔡帖貞元元年自汝移蔡行狀及嗣

曹王臯柳理常侍言旨並云是年八月賊命辛景臻

等於蔡州龍興寺縊公明年希烈死仙奇歸喪則舊

史記傳不但書公之死先後失次而平蔡歸葬之年

亦復差互令狐岨固自展其說而通鑑復取諸舊史

何邪恐他有所據新史當必見行狀與移蔡之帖也

新史公年七十六舊史七十七按大歷十三年公年

七十為刑部尚書三抗章乞致仕不允後死於貞元

元年當是七十七

顏魯公文集卷十五終

顏魯公文集卷十六

寧鄉黃本驥仲良編訂

湘陰蔣瓌維揚恭校

外集四

寄韋南陵冰余江上乘興訪之遇尋顏尚書笑有

此贈

唐龐西李白

南船正東風北船來自綬江上相逢借問君笑語未了
風吹斷聞君攜伎訪情人應為尙書不顧身堂上三千
珠履客甕中百斛金陵春恨我阻此樂淹留楚江濱月
色醉遠客山花開欲然春風狂殺人一日劇三年乘興

顏魯公文集

卷二十六

外集四

一

嫌太遲艾却子猷船夢見五柳枝已堪挂馬鞭何日到
彭澤長歌陶令前

案此詩乾元二年太白流夜郎中途遇赦還憩漢陽
時作王琦太白年譜注云肅宗時尙書而顏姓者惟
魯公一人則所尋之顏尙書必魯公也唐書乾元元
年顏真卿由工部尙書出爲饒州刺史二年六月由
饒州刺史爲昇州刺史充浙西道節度使此詩應在
六月以前魯公在饒州時作故以彭澤陶令相况韋
冰元珪之子後爲郾令者也

陪譙湖州公堂

河東耿湜洪源

謝公爲楚郡坐客是瑤林文府重門奧儒源積浪深壺
觴邀薄醉笙磬發高音未至才仍短難隨白雪吟

敬顏魯公送挺贊歸翠微寺

河中盧綸九言

挺贊惠學該儒釋袖有顏徐真草迹一齋三請紀行詩
請我垂鞭弄鳴鑪寺懸金榜半山隅石路荒涼松樹枯

虎迹印雪大如斗閏月暮天過得無

送顏平原并序

河南岑參

十二年有詔補尙書十數公爲郡守上親賦詩觴羣
公安於蓬萊前殿仍贈以綰帛寵餞加等參美顏公
是行爲寵別章句

顏魯公文集

卷二十六

外集四

二

天子念黎庶詔書換諸侯仙郎授剖符華省輟分憂置
酒會前殿賜錢若山邱天章降三光聖澤該九州吾兄
鎮河朔拜命宣皇猷駟馬辭國門一星東西流夏雲照
銀印暑雨隨行軸赤筆仍在在鑪香惹衣裘此地鄰東
溟孤城弔滄洲海風掣金戟導吏呼鳴騶郊原北連燕
剽劫風未休魚鹽隘里巷桑柘盈田疇爲郡豈淹旬政
成應未秋易俗去猛虎化人似馴鷗蒼生已望君黃霸
亭久留

胡笳歌送顏真卿使赴河隴

君不聞胡笳聲最悲紫綵絳一作眼胡人吹吹之一曲

猶未了愁殺樓蘭征戍兒涼秋八月蕭關道北風吹斷
天山草崑崙山南月欲斜胡人向月吹胡笳胡笳怨兮
將送君秦山遙望隴山雲邊城夜夜多愁夢向月胡笳
誰喜聞

聞顏尚書陷賊中

荆南戎 昱

聞說征南沒那堪故吏聞能持蘇武節不受馬超動國
破無家信天秋有雁聲同榮不同辱今日負將軍

奉酬顏使君真卿見過郭中寺無山水之賞故

子述其意以答焉

湖州 僧皎然 清覽

州百柳家寺禪舍隱人間證性輕視水栖心不買山房

顏魯公文集 卷十六

外集四

三

聲知客貴雲影悟身閑彥會前賢事方今可得攀

奉酬顏使君真卿王員外園宿寺兼送員外使迴

魯公邀省客貧寺人過少錦帳惟野花竹屏有窗篠朝

行石色淨夜聽泉聲小釋事情已高依禪境無擾超逸

長路首悵望空林杪離思從此生還將此心了

村山上峯和顏使君真卿袁侍御五韻賦得印字

仍期明日登開元寺樓之會 案袁侍御高也

道情寄遠岳放曠臨千仞香路延絳廟華泉寫金印日

欲請天近雨過三華潤留客雲外心忘機松中韻靈嘉

早晚期為布東山信

奉賀顏使君真卿二十八郎隔絕自河北遠歸

相自 一作 失值氣煙纒應掌上年久離鶯貌長多難喜身

全北信倘書重如威太守憐滿庭看玉樹更有一枝連

同顏使君真卿李侍御粵游法華寺登鳳翅山望

太湖

雙峯開鳳翅秀出南湖州地勢抱郊樹山威增郡樓正

逢周柱史來會魯諸侯綬步凌彩清鏡發颺颺披雲

得靈境拂石臨芳洲積翠遙空碧舍風廣澤秋蕭辰資

麗思高論驚精修何似鍾山集徵文及惠休

奉和顏使君真卿修韻海畢會諸文士東堂重校

顏魯公文集 卷十六

外集四

四

外學宗碩儒游焉從後進特以仁恕廣不學門闢峻著

書裨理化奉上表誠信探討始河圖紛綸歸海韻親承

大匠琢况觀頽波振錯簡記鈇槩閱書移玉鎮曷繇旌

不朽盛美流歌引

奉同顏使君真卿開元寺經藏院會觀樹文殊碑

萬國布殊私千年降祖師雁門傳法至龍藏立言時故

實刊周典新聲播魯詩六銖那更拂荆石盡無期

奉同顏使君真卿袁侍御駱駝橋詠月

山中常見月不及共游時水上恐將缺林端愛落暈鳥

驚憲府客人詠鮑家詩永夜南樓望裴回若有期

九日陪顏使君真卿登水樓

重陽荆楚尚高會此難陪偶見登龍客同游戲馬臺風
文向水邊雲態擁歌迴持菊煩相問捫襟愧不才

奉和顏使君真卿修韻海畢州中重宴

世學高南郡身封盛魯邦九流宗韻海七字揖文江借
賞雲歸蝶留歡月在窗不知名教樂千載與誰雙

春日陪顏使君真卿皇甫曾西亭重會韻海諸生

為重南臺客朝會魯儒暄風眾木變清景片雲無峯
翠飄簷下溪光照座隅不將簪艾隔知與道情俱

奉陪顏使君真卿登峴山送張侍御嚴歸臺

顏魯公文集

卷二十六

外集四

五

峴首千里情北轅自茲發烟霞正登覽簪筆限趨謁黃

鶴望天衢白雲歸帝闕客心南浦柳離思西樓月留賞

景不延一作不延感時芳易歇他晨有山信一為訪林樾

同顏使君真卿峴山送李法曹陽冰西上獻書時

會有詔徵赴京

漢日中郎妙周王太史才雲書捧日去鶴版下天來草

見吳洲一作發花思御苑開羊公惜一作昔風景欲別幾

遲迴

同顏使君清明日遊因送蕭主簿

誰知賞筵節別意忽相和暮色汀洲徧春情楊柳多高

城戀旌旆極浦宿風波惆悵支山月今宵不再過

陪顏使君餞宣諭蕭常侍

江濤凋瘵後遠使發天都昏墊宸心及哀矜詔命敷恤
民驅急傳訪舊枉征艫外政藩條最中朝顧問殊文皆

正風俗名共溢寰區已事方懷闕歸期早戒塗繁笳咽

水閣高蓋擁雲衢暮色生千丈秋聲入五湖離歌猶宛

轉歸馭已踟躇今夕庾公意西樓月亦孤

奉陪顏使君修韻海畢東溪泛舟餞諸文士

諸侯崇魯學羔雁日成羣外史刊新韻中郎定古文
諸書依切韻起東菁華兼百氏一作雅素備三墳國語

顏魯公文集

卷二十六

外集四

六

思開物王言欲致君研精業已就懽宴惜應分獨望西

山去將身寄白雲

同顏魯公泛舟送皇甫侍郎會

維舟若許暫從容送過重江不厭重霜簡別來今始見

雪山歸去又難逢

奉同顏使君真卿送李侍御峴賦得荻塘路

落日車遙遙客心在歸路細草暗回塘春泉縈古渡遺
蹤歎蕪沒遠道悲去住寂寞荻花空行人別無數

奉應顏尚書真卿觀元真子置酒張樂舞破陣畫

洞庭三山歌

案元真子張志和自號也

道流迹異人共驚奇向畫中觀道情如何萬象自心出
而心澹然無所營手援毫足踏節披縑灑墨稱麗絕石
文亂點急管催雲態徐揮慢歌發樂縱酒酣狂更好攢
峯若雨縱橫掃尺波瀟漫應無涯片嶺峻嶒勢將倒盼
來方知造境難象忘神遇非筆端昨日幽奇湖上見今
朝舒卷手中看與餘輕拂遠天色曾向峯東海邊識秋
風暮景颯颯容翻疑是真畫不得顏公素高山水意常
恨三山不可至賞君狂畫忘遠游不出軒墀坐蒼翠

奉和顏魯公真卿落元真子舴艋舟歌

滄浪子後元真子冥冥釣隱江之汜剝木新成舴艋舟

顏魯公文集 卷十六

外集四

七

諸侯落舟自茲始得道身不繫無機舟亦閑從水遠逝
今任風還朝五湖兮夕三山停綸乍入芙蓉浦繫汰時
過明月灣太公取璜我不取龍伯釣鼈我不釣竹竿嫻
嫻魚筴筴此中自得還自笑汗漫一遊何可期後來誰
遇冰雪姿上世初聞出堯世今朝還見在堯時

奉同顏使君真卿清風樓賦得洞庭歌送吳鍊師

歸林屋洞 紫吳鍊師
吳筠也

名山洞府到金庭三十六洞稱最靈不有古仙啟其秘
今日安知靈寶經山中鍊師栖白雲道成仙秩號元君
安知高仙者有元君次有
夫人元君有秩比左仙公三千甲子朝玉帝世上如今

名始聞吐納青牙養肌髮花冠玉烏何高潔不聞天上
來謫仙自是人間授真訣吳興太守道家流仙師遠放
清風樓應將內景還仙去且從分風當此留湖之山兮
樓上見山冥冥兮水悠悠世人不到君自到縹緲仙都
誰與傳黃鶴孤雲天上物物外飄然天自匹一別千年
未可期仙家不數人間日

晦日陪顏使君白蘋洲集

南朝分古郡山水似湘東堤月吳風在瀕裾楚客同桂

寒初結蒹葭小欲成叢時晦桂游處高歌聽未終

新樂府青石激忠烈也

顏魯公文集 卷十六

外集四

八

下邳 白居易 樂天

青石出自藍田山兼車載運來長安工人磨琢欲何用
石不能言我代言不願作人家墓前神道碣墳土未乾
名已滅不願作官家道旁德政碑不鐫實錄鐫虛辭願
為顏氏段氏碑雕鏤太尉與太師刻此兩片堅貞質狀
彼二人忠烈姿義心如石屹不轉死節如石確不移如
觀奮擊朱泚日似見叱詞希烈時各於其上題名諡一
置高山一沈水陵谷雖遷碑獨存骨化為塵名不死長
使不忠不烈臣觀碑改節慕為人慕為人勸事君

謁湖州顏魯公祠

宋樂清

王十朋 梅溪

卡山茗溪高且清魯公祠堂貌如生言言千古英雄在

吉吉一點仙丹成姦臣必欲置之死天下不敢呼其名
當時節義誰可並常山太守公難兄

案湖錄云十朋又有懷忠堂放生池二詩并刻放生
池上今未見

題顏魯公畫像

分寧徐俯

公生開元間壯及天寶亂捐軀范陽胡竟死蔡州叛其
賢似魏徵天下非貞觀四帝數十年一身逢百難少時
讀書史此專心已斷老來鬢髮衰慨歎功名晚嗟哉忠
義遂提去不可緩初無當年悲只令後世歎一朝絕露

兩南畝常亢旱小夫計雖得斯民蓋塗炭長歌詠君節

顏魯公文集卷十六

外集四

九

千載勇夫慎敬書子張紳庶幾古人半

游湖州題顏魯公祠堂

臨川童敏德

挂帆一縱疾於鳥長興夜發吳興曉杖藜上訪魯公祠

一見目明心曠嫩未說邦人懷使君且為前古惜忠臣

德宗更用虛杞相出當斯位誠艱辛生遊龍鱗死虎口

要與乃兄同不朽狂童希烈何足罪姦邪嫉忠假渠手

乃知成仁或殺身保身不必皆哲人此公安得世復有

洗空凡馬須駢駢

遊麻姑山

陽安劉涇

石鼓埋入地荆壁飛上天嗚呼魯公碑風雨三百年愛

字不愛石磨滅安得傳不敢手觸之謂是甘棠篇

讀中興頌碑

柯山張耒

玉環妖血無人掃漁陽馬厭長安草潼關戰骨高於山
萬里君王蜀中老金戈鐵馬從西來郭公凜凜英雄才
舉旗為風偃為雨洒灑九廟無塵埃元功高名誰與紀
風雅不繼騷人死水部胸中星斗文太師筆下蛟龍字
天遣二子傳將來高山十丈磨蒼崖誰持此碑入我室
使我一見昏眸開百年廢興增歎慨當時數子今安在
君不見荒涼涪水棄不收時有游人打碑賣

案自宋以來遊涪溪題詩詠磨崖石刻者甚夥大抵

顏魯公文集卷十六

外集四

十

贊美元顏二公之行誼文字或評論元肅兩朝時政

非專為魯公作也今採文潛此詩以槩其餘其專為

魯公作者於元代採郝伯常一首餘不備錄

題顏魯公像

舒州朱翌

千五百年如烈日二十四州惟一人朝衣視坎趨前死

羽服行山即此身

過平原

廬陵文天祥

平原太守顏真卿長安天子不知名一朝漁陽動鼙鼓

大河以北無堅城君家兄弟奮戈起一十七郡連城盟

賊聞失色引軍退不敢長驅窺帝京明皇西狩靈武立

中興遂起勤王兵唐家再造李郭力逆賊牽制公威靈
哀哉常山舌可裂公歸朝廷氣不折崎嶇坎坷不得去
出入四朝仗忠節當年幸脫安祿山白首竟陷李希烈
希烈何能遽殺公范陽奸相陰相軋亂臣賊子歸何所
茫茫煙草中原土公去於今六百年忠精赫赫雷行天
顏魯公祠堂 臨川謝 邁 幼榮

上皇御宇無長策牧羊奴子孤恩澤銀菟分印屬兒曹
二十餘州齊陷賊常山死守平原拒公家兄弟聲名赫
平原白首列班行忠義凜凜真嚴霜歷事四朝惟一節
當年舌砥中丞血豈知丞相面如藍貌雖夷易心巉巖
顏魯公文集 卷十六 外集四 十一

老臣何罪死虎口到今誰為祛其銜臨風志士長悲咤
矧瞻遺像嚴祠下未能立草迎送詞一奠椒漿淚盈把
書磨厓碑後 元陵川 郝 經 伯常

汝南昔曾謁公祠霜日晴列森英姿乃今江館坐牢落
奪目忽視中興碑神明煥若還舊觀義烈凜凜生見之
滯氣激起天宇豁快意發冢揮金鎚生平每為魯公惜
以技掩節如義之不阿桓溫止殷浩遺世脫屣終遊嬉
平原笑兀杲卿死李唐中業公能持政令我公書不工
隻字片楮尤當奇矧其超出二王上冠冕百代書家師
坡翁論書至公正此本於公又奇至正書篆玉藏李斯

出筆存鋒兼漢隸古硬陵轅塵鶴銘韻勝韜扶蘭亭記
離堆雄駿僅能亞畫贊沈深還櫛比書法至此為絕塵
頓覺諸家異端異恢宏正大極道緊馳騫剛方窮壯麗
萬古千秋討賊心二十四城忠義氣惜哉歲久頽殘缺
苦蝕潮衝寢磨滅去國幾年似者希滄海遺珠亦奇絕
酒酣對酌虎賁郎况乃摩挲是明月斷畫斬嶄峩斷金
低彊常山筆端舌中間剝泐尙含糊慘淡中丞面餘皴
載看激烈壯士肝意苦時危將泣血置書勿論撫膺歎
更有何人似公節忠貞端不負巡遠文字尤令重元結
只今誰識段文昌世上焉知李希烈終南太華皆可磨
顏魯公文集 卷十六 外集四 三

後人竟莫墮嗟我惟餘涪溪青天一片石照耀遠古馳
江河誰能與世建此不朽業蕩穢邪穢蠲妖疴再扶元
氣擔澆訛踵武至德肩元和九原起公吾其歌
謁湖州顏魯公祠 明 馮陽 張 羽 來儀

昔聞天寶時構禍始胡羯大駕方蒙塵妖氣暗金闕逆
虜肆長驅州縣皆瓦裂君能嬰其鋒正氣不可奪弟兄
收散卒義師同時發賊勢若牽制遂成中興烈投老陷
姦臣萬死能一決元龜乃自棄朝野氣駭屑茲郡昔來
守千載有遺轍登堂拜君像瞻望仰奇節英靈共血食
終古豈磨滅

韻三顏祠於白石山

晉江 蔡道憲

立馬踟躕荒路口青是苔深紅葉厚悲風數里穴松杉
顏顏能領虎豹走白石當願如拳貌吳工新琢水晶鈕
其下古貌塑三顏魯公之左常山守季也孝子亦須眉
案有黃雞村白酒我問此山廟何為屢易斷碑神已久
水有蛟龍陸有盜吾民賴公伏九醜當時古柏有二株
大者自燒雷火吼嗚呼戎馬暗天時已解臣身名何有
天子不知何如人多謝老翁今為詩

案白石山在直隸元氏縣以山有漢白石神君碑得
名縣在唐隸常山郡顏杲卿為太守死安祿山之難

顏魯公文集

卷十六

外集四

三

土人祀之以真卿及杲卿子李明耐名曰三顏祠

題韻海樓玉樓春詞

本朝江都吳綺園次

韻海樓在湖州郡治內顏真卿守是土延諸名
士作韻海鏡源一書於上朱堯叟棟宏敞壯麗
為一郡大觀今其書不知猶有存否名人所至
自有可傳豈千載下遂無有聞而與感者乎作
玉樓春

名流當日知無數此地曾為欣賞處
一片挂春雲
畫棟幾番經暮雨人間傳舍無長主
一宵能留千萬古
焚香掃地更何人
帳望神仙歸紫府

坐韻海樓醉蓬萊詞

吳綺

問南朝多少朱戶雕梁亂蓬殘
此閣巍然記平原遺蹟
惜賞高雲留歡晴月好句
莓苔碧銷夜圖書試春簾
幙坐人百尺晨鼓初闌
葛中無事縱覽湖山盱衡
今昔魯國當年未罵淮
西賊韻海新緝鏡源初
就慷慨尚書筆大節千秋
危樓幾代倚闌長息

韻海樓

吳綺

危樓臨廢圃猶是昔年餘
官舍俱為客前人獨著書
廳分山翠入幔卷晚雲舒
魯國英靈在憑闌或啟予

遊杼山

吳綺

望嶺陟若堯沿溪入蔥蒨
遂至夏王村復越黃蘗澗
三癸溯遺蹟登高足忘倦
清流繞芳原晴陽疊層巖
山谷乃不殊雲嵐時互變
東南烟華生城春了如見
遙思顏平原夙與開士善
高唱茗花間塵外有遐羨

顏魯公文集

卷十六

外集四

四

顏魯公文集卷十六終

寧鄉黃本驥仲良編訂

湘陰蔣 瓌維揚系校

外集五

授顏真卿監察御史制 天寶六載

勅長安尉顏真卿文學擅於登科器幹彰於適用宜先
汗簡之職俾著埋輪之效可依前件主者施行

授顏元孫滁州刺史制 開元三年

仰竝早升清要特擅風規往牧黎人宜榮刺舉可依前
件主者施行

顏魯公文集 卷十七 外集五

贈顏昭甫華州刺史制 乾元元年與嚴方約等同制

門下有後之慶諒存乎義方飾終之典用彰於錫類故
利州司功參軍嚴方約等早申嘉績夙負奇才名器重

於當時聲 著於遺烈雖舟壑已謝久淪過隙之期而
子孫皆賢實積高門之祉屬恩加令嗣澤及先臣宜優

表贈之禮俾洽 榮之命可依前件主者施行

贈顏惟貞少監制 寶應元年與崔蔣同制

門下悼往之義必在於懷賢飾終之典允資於錫類銀
青光祿大夫行尚書右丞崔渙亡父贈貝州刺史璩等

才業貞修風稔淳茂或文儒著稱早踐於周行或幹用

馳聲備更於歷選或量才未適或稟命不融永惟過隙
之悲是得承家之美敦忠斯在行慶攸歸宜覃泉壤之
恩式叶哀榮之命可依前件主者施行

贈蘭陵郡太君殷氏蘭陵郡太夫人制 寶應元年與蔣擇木

母張氏 同制

門下禮厚飾終義殷錫類永惟泉壤諒在哀榮金紫光
祿大夫守太子少保集賢殿學士副知院事上柱國昌
黎郡開國公韓擇木亡母贈南陽縣太君張氏等柔順
壹儀慈和家範含章內備純德外昭遠從遷壑之悲空
同擇木之訓願其令嗣光我指紳或已及追封或未從

顏魯公文集 卷十七 外集五

美贈戰覃涇澤爰洽幽明宜宏休命俾協彝典可依前
件主者施行

授顏真卿刑部尚書告 大歷十二年

門下昔舜命咎繇曰女作士明于五刑惟刑克允重華
聖帝也遠人來格庭堅理臣也象刑惟明金紫光祿大

夫使持節湖州諸軍事前湖州刺史本州團練守捉使

上柱國魯郡開國公顏真卿舍和毓靈經德秉義繼文
儒之業宏亮直之風執禮鳴謙敦詩變雅揚名四極流

譽三朝風著嘉猷圭形大節既茂次公之績宜褒越石
之勳詢謀僉同堪登右序矯枉過正亦會左遷知進退

而終始一心交榮悴而用捨一致今載舉遺典重理庶
獄以遵舊服其教在明可刑部尚書散官勳封如故主
者施行

案告見留元剛忠義堂帖缺五十二字今按詞義補
成全交仍加方畫以別原本

授顏真卿太子少師告 建中元年

國儲為天下之本師導乃元良之教將以本固必由教
先非求忠良何以審諭光祿大夫行吏部尚書充禮儀
使上柱國魯郡開國公顏真卿立德踐行當四科之首
懿文碩學為百氏之宗忠讓罄於臣節貞規存乎士範
顏魯公文集卷十七 外集五 三

述職中外服勞社稷靜專由其直方動用謂之懸解山
亦敢事清彼品流叔孫制禮光我王度惟是一有寶貞
萬國力乃稽古則思其人况太后崇徽外家聯屬顧先
勳舊方睦親賢俾其調護以全羽翼一王之制咨爾兼
之可太子少師依前充禮儀使散官勳封如故

贈故太師顏真卿司徒詔 貞元元年

君臣之義生錄其功歿厚其禮况才優匡國忠至滅身
朕自興歎勞於寤寐故光祿大夫守太子太師上柱國
魯郡公顏真卿器質天資公忠傑出出入四朝堅貞一
志屬賊臣擾亂委以存論拘賜累歲死而不撓稽其盛

節實謂猶生朕致貽斯禍慙悼靡及式崇嘉命兼延爾
嗣可贈司徒仍賜布帛五百端男顏頰等喪制終有司
奏超授官職

授顏頰贊善大夫制 穆宗時元稹行

敷安邑解縣兩池權鹽巡官監察御史裴行顏峴古者
公卿之子代為公卿所以貴貴也况賢者之後死政之
派寧繁班資以礙升獎惟爾峴嘗與從父太師深犯蜂
蠆毒螫之下太師沒焉爾之不同幸而能脫終超逆地
來調奉天列聖念功訪求太師之後有司味蔽不以爾
聞今朕將建東朝深思贊諭異時使朕愛子知忠孝之
顏魯公文集卷十七 外集五 四

道如爾峴吾何患焉可守太子右贊善大夫餘如故

授顏宏式同州參軍制 開成元年

朕每覽國史見忠烈之臣未嘗不嗟歎久之思有以報
如聞從覽宏式實真卿之孫永為九原既不可作旌其
嗣續諒協典彝考績已深於宦途者命列於中臺官次
未齒於搢紳者俾佐於左輔庶使天下再新義風

授顏溫鳳翔文學制 宣宗時與宋都授廣東尉黃
去或授臨安主簿同一制中

書舍人
李嶸行

勅太宗文皇帝論學書骨力論政化根源朕既達微言
則思觀真蹟 謂宋氏 又欲廣書籍之府以正是非 謂黃存

忠烈之家以勵風俗謂類三者皆吾夢想也而宋郁等進獻論列有以副焉和簿去或文學謂用副其意可依前件主者施行

授顏蕘禮部郎中制昭宗時中書舍人錢珣行

勅前合州刺史顏蕘昔太師魯公拘在寇廷渠魁有危迫之問對以諸侯朝覲之禮奮發直言不屈端凝守正而沒理合之戒家廟為先賢哉鉅人可謂忠而知禮矣今蕘行高學茂洪緒有承因太師之所為遂以禮曹郎命爾用昭遺德且勉令修唐陸澤張薦孝舉

顏魯公文集 卷十七 外集五

五

去正月中真卿奉使淮西期不先戒行無素備受命之後不宿於家親黨不邊告別介副不及陳請孱僮單騎即日載馳冒姦鋒於臨汝折元惡於許下捐軀仗義威詭羣凶遂令脇制者回慮忠勇者肆情周曾奮發於外韋清伺應於內希烈蒼黃窘迫奔回舊穴蓋真卿義氣所激也真卿逮事四朝為國元老忠直孝友羽儀王室行年八十被羸老之疾拘囚環堵之間顧盼鈎戟之下吁嗟憤恚失寢忘食不知悲翁何以堪此伏聞希烈之母鍾念幼子目不絕泣求責希烈又希烈妻祖母郭及妻妹封竝逮捕京師此三人留之無益請真境上以贖

真卿先降詔書分明諭告且希烈知真卿人望不欲加害既無嫌隙但因循未遣耳若歸其親愛賊亦何悛還一使哉臣又聞真卿所遣兄子峴及家僮從官奉表來者五輩皆留中其子頽等拳拳實希一見望許休滯告以安否

案顏真卿為李希烈所拘遣兄子峴及家僕奏事五輩皆留內客省不得出薦為左司禦率府兵曹參軍上疏云云疏奏盧杞持之不報新唐書張鷟傳

請表太師顏真卿忠節疏

嗣曹王李暉江西節度

顏魯公文集 卷十七 外集五

六

去四日蔡州城中見封有鄰兒不得名字云希烈令偽皇城使辛景臻右軍安華於龍興寺殺顏真卿埋於羅城西道南里并立碑臣聽之未畢涕泗交流三軍對臣亦苦嗚咽且臣死王事子復父讐人倫常經不足衰異所悲去古日遠澆風蕩浮多苟偷生曾不顧節使忠孝寂寞人倫憔悴昨段秀實奮身擊泚首今顏真卿伏糞希烈庭皆啟明君臣發揮教訓近冠青史遠紹前賢夫日月麗天幽明向燭忠烈曜世回邪革心伏請陛下降議百寮遐布九有刻石頌德告廟圖形使元壤感恩皇

為淮西宣慰使鄭右丞祭顏太師文

穆員與直

維年月日某使某官某奉勅以清酌庶羞之奠致祭於
故顏太師贈司徒魯公之靈嗚呼天有晦明人有理亂
當其厄運則有盜臣至乃憑寵肆凶竊權搆逆蛇吞虎
噬擇肉中州天子思所以解將燎之焚拯方割之墊道
開景命銷邊亂源惟公道冠四朝位先百辟望安社稷
名動神祇期以日照天臨風清雨滌受命以出視途如
歸嗚呼肇有君父孰如堯舜臣惟共驩子亦朱均稟沴
而生雖聖勿化父不能得之於子君不能得之於臣矧

顏魯公文集

卷十七 外集五

七

夫禍亂之興蓋乘中否天方稔公若之何獨立虜庭
卒致君命激昂大義潛革寇心全道為全年非天期
願非壽得死為終惟彼凶殘戮我明哲罪均僭逆怒發
天人否問未通鬱鬱茲久上帝厭亂忠臣應期坐使鯨
鯢化為魚醢庸非精爽達於明神幽贊元勳昭蘇宿憤
詔旌大節追得上公寵以飾終禮惟加等某肅將密命
敷播皇猷慰拊瘼傷勞勉忠義拜手天闕躬承德音命
以篤宰備茲俎豆發於聖旨斯謂馨香公其降靈歆我
明德尚饗

為留守賈尚書祭顏太師文

維年月日某官某謹以清酌少牢之奠敢昭告於故太

師贈司徒顏公之靈天寶季年幽都首亂生人流血中
夏為夷公守在一麾援絕千里居鯨之腹而刳其腸履
虎之尾而拊其背率先大義以集中興歷事四君匪躬
一致全德遵俗正詞典邦堯朝孔門兩造其極舜浥
鬯東南不開帝謂師臣子厭征伐往以至化勝其凶殘
於時公請老未獲蓋三年矣會不俟駕豈公安車惟物
之生善惡有性豺狼犬馬罔克相遷天能生之而不能
化况彼元惡逆成膏肓鍼藥靡攻仁智何及奉命所在
顧身如遺奈何明神孤我積善帝念忠烈國思典刑棟

顏魯公文集

卷十七 外集五

八

折將歷哲萎安放嗚呼哀哉昔者仰挹重名遐跋明德
邈焉當代如望古今敬慕高風感歎大節卓爾不朽凜
然如生巨猾殲夷幽魂招奉靈車歸路千里同悲永惟
忠勳宜在祀典况臨臨執紼矧敢廢蘋蘩嗚呼哀哉尚饗

移顏魯公詩記

鄭薰子清

顏魯公既用貞鯁為元載所忌由刑部尚書貶夷陵郡
別駕大歷六年又以前秩轉廬陵郡道出宣州之溧水
縣縣之南經古烈士左伯桃墓節槩交感即於墓下作
詩一首自題於蒲塘之客舍詞韻淒激點畫斬壯窮國
藝之奇事厥後泊於大中之丁丑歲八十七年矣孤宇

復聞扁鵲不固久為縣暴薪牧所困一抗半別往往洿
飲余作鎮到此有客謂余者惜之立召工將王少儒領
其部匠鑿垣復匣移宿於北望樓之西隅且以為鄰居
之勝絕錫石其下俾後之觀者知改置之意無忽大中
十二年十一月十九日宣欵池觀察使檢校右散騎常
侍兼御史大夫鄭薰記

案地志謂左伯桃羊角哀皆燕人赴楚而死於邵陽
邵陽屬同州過墓作詩當是至德二載十一月為同
州刺史時事鄭薰此記謂公轉廬陵郡道出宣州之
溧水縣縣南經桃墓而作留元剛撰公年譜從其說

謂承泰三年三月移佐吉樹道出溧水有此詩思

桃墓應在邵陽是時公過溧陽書舊作於浦塘峇舍
溧陽人傳刻之非地也蘇易文集

系弔九江驛碑材文歐陽詹行

甲傷而有解者也噫九江驛之碑其何與解而弔歟斯
碑之材昔太師魯國顏忠肅公案魯公木論忠肅所建

祖亭之碑也公素負辭華昭代之銘誌多公之辭又好
采異留名之致頃為湖州牧州產碑材石每使工琢之
與詞兼行磨礪而成常心使用者不可勝數斯碑也終
山之窮僻得之於自然朕本有龜護頂石螭雖不甚成

而擊躓借與如神如靈公神而珍之精選所處湖州無

稱立罷守迴朝載而途卜出蘇臺入毘陵亦無稱立轉

丹陽游建業亦無稱立次江州州南有湖湖東有山城

奔竄引直至湖心頓趾之處則茂林峭石勢環氣勝非

往時所睨而神祠曰祖將軍廟在焉公覲其詭秀與碑

材卽日以酒脯奠其祖神出錢五萬造亭曰祖亭南

香爐峯北溧陽城九江為庭千艘歷階既就公製亭之

文詩勒斯碑而立之公文為天下最書為天下最斯亭

地亦天下最庶資三善加以斯碑之奇相持萬古而

異留名之致一得也後典州吏於州之九江驛有修

其勞狀其末績乃取斯碑刻公之述實己之述今為

九江驛之碑焉予旅游江州稅於茲驛祠部員外郎鄭

憲同之鄭與州將嚴士良共為予說而俱以相示嗚呼

先幾後貴世之常也先貴後賤人之傷也以祖亭方九

江驛則蘭室鮑肆矣以魯公之文方今之文則半醴糟

糠矣以魯公之札翰方今之札翰則錦繡泉麻矣以魯

公之用方今之用則華夏夷狄矣痛哉斯碑出祖亭入

九江驛失魯公文得人之文削魯公之札翰題人之札

翰亡魯公之用就人之用是去蘭室而居鮑肆捨半醴

而食糟糠脫錦繡而服泉麻黜諸夏而卽夷狄可悲之

斥楊炎璽杞既補德宗益惡公所爲連斥之猶不滿意
李希烈陷汝州杞卽以公使希烈希烈初憇其言後卒
縊公以死是時公年七十有七矣天寶之際久不見兵
祿山既反天下莫不震動公獨以區區平原遂折其鋒
四方聞之爭奮而起唐卒以振者公爲之倡也當公之
開土門同日歸公者十七郡將兵二十餘萬由此觀之
苟順且誠天下從之矣自此至公沒垂三十年小人繼
續任政天下日入於做大盜繼起天子輒出避之唐之
在朝臣多畏怯觀望能居其間一忤於世失所而不悔
者寡矣至於再三忤於世失所而不悔者蓋未有也若

顏魯公文集

卷十七

外集五

三

至於起且仆以至於七八遂死而不悔者則天下一人
而已若公是也公之學問文章往往雜於神仙浮屠之
說不皆合於理及其奮然自立能至於此者蓋天性然
也故公之能處其死不足以觀公之大何則及至於勢
窮義有不得不死雖中人可勉焉况公之自信也歟惟
歷忤大奸顛跌感頓至於七八而始終不以死生禍福
爲秋毫顧慮非篤於道者不能如此此足以觀公之大
也夫世之治亂不同而士之去就亦異若伯夷之清伊
尹之任孔子之時彼各有義夫既自比於古之任者矣
乃欲墜轍回隱以布於市其可乎故孔子惡鄙夫不可

以事君而多殺身以成仁者若公非孔子所謂仁者歟
今天子至和三年尚書都官郎中知撫州聶君厚載尙
書屯田員外郎通判撫州林君慥相與慕公之烈以公
嘗爲此邦也遂爲堂而祠之旣成二君過予之家而告
之曰願有述夫公之赫赫不可蓋者固不繫於祠之有
無蓋人之向往之不足者非祠則無以致其志也聞其
烈足以感人况拜其祠而親炙之者歟今州縣之政非
法令所及者世不復議二公獨能遵公之節尊而事之
以風示當世爲法令之所不及是可謂有志者矣

費縣顏魯公新廟記

曹輔

顏魯公文集

卷十七

外集五

四

唐魯郡顏文忠公有廟在琅邪之費距縣治東北五十
里曰諸滿村室宇卑陋歲月將圯祀典弗著神不顧享
元祐六年洪農楊君元永爲邑之二年也建言於州曰
按祭法能禦大菑能捍大患則祀之以勞定國以死勤
事則祀之方魯公守平原時祿山逆狀宋萌公能蹟其
端及反河朔盡陷獨平原城守具備與其從兄常山太
守杲卿首倡大順河北諸郡倚之以爲金城可謂能捍
大患矣其後爲姦臣所擠臨大節挺然不屈竟殞賊手
可謂以死勤事矣今廟宇不能芘風雨願聞諸朝少加
崇葺俾有司得歲時奉祠知軍州事安定梁侯彥深下

車未久也虞更繁州既以治諸是舉也而樂之即具以
開大常議典禮以上春官氏曰宜如請公之遠祖青徐
二州刺史盛始自魯居於琅邪之臨沂孝悌里故今子
孫之在琅邪者眾其十一世孫安上者言縣謂廟地僻
左荒棘跨嶺谷絕河澗者六七而後至所自出緡錢買
地所河之東以徙置之庶幾子孫孫與其邦人奔走
承祀弗懈是年十二月二十四日成楊君以書抵京
師曰史氏稱頌公英烈言言如履霜烈日可畏而仰其
信然今廟碑將立無文以刻之懼不足以表忠義勸來
世夫子其母辭焉余考頌氏蓋出於邾武公之後武公

顏魯公文集

卷十七

外集五

三

字顏其子友別封郎爲小邾子遂以顏爲氏孔子之門
人達者七十有二而顏氏有其八回以殆庶幾得復之
初九不遠復無祇悔之義以爲門人之冠其後衣冠不
絕間出聞人然則公之知義明信道篤其淵源有自來
矣夫人之於死生之變亦大矣而君子處之裕然得其
所者蓋有以權其義之輕重而已若夫義有重於生則
不必幸其生有重於義則不必致其死故曰非死之
難處死之難若魯公者學行內外充行闔肆以發見於
事業非獨一時奮不顧死以取名故前抗祿山之師後
拒希烈之命不感於死生之際而以明君臣之大義可

謂真知輕重大丈夫者哉百世之下聞其風者雖亂臣
逆夫將消縮摧沮不復牙孽於其心矣楊君欲發明公
之義烈以詔後世不諉於文學之士而猥以見屬豈以
余爲知言哉乃爲志其事而系之以銘銘曰

屹屹魯公剛實積中學與問博涵演擴充孝友施家發
爲公忠直道以行孰顧我躬讒口緜翰往齒其鋒祿山
一呼逆焰熾天炎於崑岡沸於百川杯水車薪勢且莫
抗屹屹魯公忠誠是仗大義凜然奮袂首倡一清土門
殺斬僞將十有七州同風順嚮力窮功墮英聲獨暢屹
屹魯公不戒於剛婉變媚嫉假手虎狼公在艱頑得困
顏魯公文集 卷十七 外集五 六

之義有嚴分守卒遂吾志屹屹魯公風於百世太山之
訪魯廟翼翼孰執作新之守令其職禋祀苾芬子孫是食
惟廟暨孫有祀有息屹屹魯公與山無極

魯公仙蹟記

襄陽米 敬元章

魯公爲盧杞所忌李希烈反杞首議遣公諫者甚眾德
宗問杞對曰真卿朝廷重臣忠義聞天下誰不懼服臣
常父事之今遣使不爲賊憚則辱國紛紛之言豈足聽
陛下當自斷之無惑眾意德宗不能奪遂遣之人知公
不還矣杞族儀於長樂坡公既飲乃躍上梁跳踴謂儀
者曰吾昔江南遇道士陶八入得刀圭碧霞餌之自此

不哀嘗云七十後有大厄當會我於羅浮山此行幾是
歟次汜水况遇陶笑謂曰吉吉指嵩少而去後公死於
賊賊平家人敢瘞狀有金色爪髮皆長如生人歸葬偃
師北山先塋後有賈人至羅浮山遇二道士奕即而觀
之問曰子何所來賈人曰洛陽其一笑謂曰幸託書達
吾家許諾即札書付之其題曰至洛都偃師縣北小顏
家及往訪之則塋也守冢蒼頭識公書大驚問狀皆公
也因與至其家自之家人大哭卜日開墳發棺已空矣
嗚呼杞欲害公之人而不能害公之仙也希烈杞等賊
耳賊之殺人有常刑公死且不朽又况仙邪元祐三年

顏魯公文集

卷十七

外集五

七

九月余游吳興適觀郡人新公之祠因得謁拜公像其
英氣仙骨凜然如在嘗閱洛中紀異載公前事考史所
載杞拜公於中書與對德宗之言姦人表裏無逆則公
之仙復何疑焉公之大節紀載甚多而論次於林公之
文爲備固已激忠義之頑風沮陰邪之差魄至仙真事
吾又以刻於碑陰以貽續仙傳者襄陽漫仕米徽記
米老爲魯公書碑陰即用魯公書法奇宕可喜至碑
中謂杞欲害公之人而不能害公之仙其說亦新余
以爲杞能害公一時而不能不予公以千古固無論
公之仙與不仙也

孫承澤庚子消夏記

魯公爲盧杞所忌遣使希烈幽囚汝蔡者殆三年終
不屈以死此其義烈真可與日月爭光者也元章痛
其死乃爲仙去之語以攄其憤懣之思用意良善然
吾獨以爲大失魯公之心當希烈遣繼魯公時僞傳
有旨公神色不變徐問旨何日來京師及告言至自
希烈乃云此賊耳此其志操定之已久豈復有偷生
之志考魯公平生願溺佛老常時或從陶入入學神
仙之術亦未可知及其使希烈一出入動以義命
自安蓋舉平時所爲神仙者至此已盡付之浮雲矣
藉使果得仙去吾猶將諱之以成公之志節况事理

顏魯公文集

卷十七

外集五

六

之所必無哉元章不識大義乃以無稽小說大書深
刻誣譏昔賢可謂慎矣王澐竹雲題跋
魯公之死希烈盧杞實主此議論者皆深罪杞此眾
人愛魯公之意則可若論大義即非盧杞自必遣魯
公當時廷臣公忠無若公者杞對德宗之言雖是小
人害正然執議侃侃自是正論無論反與不反其不
辱命一也眾人但知愛公而不知公意正不如此故
閻命即行既飲且躍上梁跳擲非輕也素位之理安
其所當循便無入不得公於此時行乎患難而意實
安之故遇險如夷而處之若素耳吾嘗論境無險易

惟義所在義之所安雖險亦易無死生一也欲擇意所適雖易亦險亦無死生一也然則險易之間當何如曰視乎所擇虛舟題跋案虛舟二跋持論甚正既斤米氏神仙之說則後跋聞命即行下當節去上梁賦標等語馬之曰絕無顧慮

唐書顏真卿傳不詳里居但言為顏師古五世從孫而師古之祖之推自琅邪臨沂居關中遂為京兆萬年人此碑稱魯公歸葬偃師北山先塋則又不知何代之先塋也公於乾元二年拜浙西節度使故吳興人為公立祠案吳興之祠以大歷七年魯公拜湖州刺史在任三年人懷其德非以乾元二年拜浙西節度之故也宋史米芾傳敘其生平宦蹟未嘗至浙

顏魯公文集卷十七 外集五

九

不知何因而游吳與據此記是因吳興郡人新公之祠拜公像而作記則宜刻於湖州今此揚本乃在費縣魯公祠內曹輔新廟記之碑陰正碑建於元祐七年此碑無年月當亦七年所刻據費縣志云真卿五世祖師古居費縣東朱滿村新廟記亦云顏文忠公有廟在琅邪之費距縣治東北五十里曰諸滿村元祐六年縣令楊若建言於州請新此廟其十一世孫安上者買地而徙置之廟成立碑而此記遂刻於碑陰其所由來不能詳矣王祖金案魯公先世自十六代祖盛以上居琅邪葬臨沂縣

西七里見殷亮撰曾公行狀十二代祖舍遷居丹陽以下七世皆葬上元縣見公所撰太宗碑五代祖之

推遷居長安則葬亦宜在長安其可考者公撰曾祖勤禮碑云歸窆於京城東南萬年縣寧安鄉之鳳栖原先生夫人陳郡殷氏泉柳夫人同合祔焉撰兄允南碑云葬於萬年縣鳳栖原先生之北撰兄幼與碑云窆於萬年縣鳳栖原先生之北夫人陳郡殷氏亦合祔焉撰弟允臧碑云歸祔君於上都萬年縣鳳栖原先生之北撰從父兄杲卿碑云葬於京城鳳栖原先生之西北公父惟貞母殷夫人葬地雖無可考亦應祔

顏魯公文集卷十七 外集五

三

葬鳳栖先塋其別葬者惟公撰伯父元孫碑云薨於絳州翼城縣丞之官舍葬於東京今河南洛陽縣鶴店東北高村原夫人新城縣君元氏故兆異穴而壟然則魯公先塋其地有四一臨沂一上元一萬年一洛陽而未聞有偃師先塋之說米記所謂歸葬偃師北山之先塋未知為何代之塋也令狐岷撰魯公墓誌銘云歸葬於萬年縣之舊塋無葬偃師之說殷亮撰魯公行狀云迎喪至汝州襄城縣乃葬焉以其年十一月三日祔葬萬年縣鳳栖原之先塋據此自蔡州遷柩時雖隴葬河南亦襄城非偃師也公不應有葬偃師

北山之事然廣輿記載山東張縣曲阜縣河南德陽
江蘇句容縣皆有公墓而陝西之咸寧卽唐之高年
反無公墓夫公墓之不應在費縣曲阜句容固不待
辨而明矣獨偃師一墓僅見於元章此記

國朝乾隆十四年

高宗純皇帝巡省中州凡

鑿與所經附近
御道之前代名臣忠烈生賢祠墓遣官致祭偃師之墓
亦奉

符旨開列一體致祭而公墓遂定於偃師矣

顏魯公文集 卷十七 外集五

三

又案後晉李石續博物志云顏真卿過道人陶入八
授碧霞丹餌之曰太上厄如言卽吉後爲盧杞
所陷縊死希烈敗返葬貌如生徧身金色爪甲出手
背鬚髮皆長數尺人感異之後有商人遇之於羅浮
山寄書至偃師顏氏守塋者曰此先太師親翰書法
龍頭鳳尾真得仙也此條爲米記所本蓋後人託爲
仙者以神魯公不知公之足以千古者不在於仙不
仙也南宮此記亦淺之乎視魯公矣

離堆顏魯公祠堂記

丹桂

黃

庚子西

上元中顏魯公爲蓬州長史過新政作離堆記四百餘

言書而刻之石壁上字徑二寸雖崩壞剝裂之餘而典
型具在使人見之凜然也元符三年子友強叔來尹是
邑始爲公作祠堂於其側而求文以爲記子謂仁之勝
不仁久矣然有時乎不勝而反爲所陷焉命也史臣論
公晚節偃蹇爲姦臣所擠見隕賊手是未必然公孫丞
相以仲舒相膠西梁冀以張綱守廣陵李逢吉以韓愈
使鎮州而盧相以公使希烈其用意正相類耳然於數
公終不能有所傷而公獨不免於虎口由是觀之士之
成敗存亡豈不有命邪而小人軒然自以爲得計不亦
謬乎且吾聞之古之尙友有以友天下之善士爲未足

顏魯公文集 卷十七 外集五

三

又尙論古之人誦其詩讀其書思見其人而不可得則
方欲招起子於江濱起士會於九原蓋其志所願則超
然慕之於數千百載之後而況於公平公之功名事業
已絕於人而文學之妙亦不可及因其名書之所載而
祠之此昔人尙友之意也嘗試與強叔登離堆探石室
觀其遺跡而味其生平則公之精神風采猶或可以想
見也夫元符三年春正月望日記

右宋馬存氏魯公離堆祠記也離堆有祠以公書在

巖壁其感節而立也巖故有石室爲二鮮于所居

公與之游爲之書又志其墓其賢可知今數百年石

室與巖刻猶存獨慨祠廢爲老氏居久矣分巡劉僉憲成德請復之進仲通叔明以並祀焉題曰忠賢祠俾百世之下聞其風而興起其爲風教勳不小也正德戊寅中秋日監察御史吳郡盧雍謹識

案此記宋文鑑作唐庚撰明盧雍刻之於蜀其跋以爲馬存撰存字子才鄱陽人與庚同爲哲宗時人今從文鑑離堆在今四川南部縣唐宋新政縣地也

祁陽頌元祠堂記

許永

大抵江山之勝必託諸偉人然後名顯而人樂之蓋江山雖人所樂而所樂非江山也祁陽浯溪湖外江山之顏魯公文集卷十七 外集五

顏魯公文集

卷十七 外集五

三

勝者也有顏元遺蹟在焉士大夫過之未有不游游而未嘗不得所樂者以此紹興二十一年子守永州夏四月過祁陽乃始盡得所謂浯溪之勝者遠眺晴碧邇聆清瀨游僑往來文禽上下殆非人間世也道旁之碑屹然中立雄文妙畫耀耀心目徘徊而不能去者久之已而復謁二祠上雨旁風廟貌傾委懼將壓焉乃屬縣宰劉獬易而新之未幾獬罷去復以宰李和剛董其事事既告休以書抵予曰願有述也謹按唐天寶安史之亂河北諸州皆陷魯公以平原烏合之衆獨擐其鋒事雖不成其志有足嘉者晚節不幸爲姦臣所擠寧殞賊手

不肯爲不義屈天下之人聞其風者皆曰吾魯公也而不敢名元次山與公同時以討賊功累遷水部員外郎

代宗朝爲道州刺史疏徭賑乏道人懷之至爲立祠頌

德後世稱次山者亦曰元道州而不忍名嗚呼是二公

者皆千載人也使當時所植之草木尙在猶宜欽慕之

况文章字畫之工乎自晉宋以來以書名世者多矣而

魯公書尤爲世所受重蓋忠義之氣感人之深者也次

山之文無慮數萬言而中興頌獨傳天下亦魯公字畫

有助焉耳由是言之字畫必資忠義而後顯而文章必

託字畫而後傳其勢然也昔曾南豐爲魯公祠堂記取

顏魯公文集

卷十七

外集五

三

其名節而怪其溺於神仙之說謂不能概於聖人以予考之自古忠臣義士死必爲神仙若比干屈原伍子胥之徒皆爲列仙見於傳記次山雖於傳記無聞而舊說以魯公爲仙以是知懷義秉忠之士雖死而實未嘗死無可疑者故併書其說以告遊觀者使知此然後可以盡浯溪之勝不然未足以樂乎此也紹興二十二年十月日記

吉州顏魯公祠堂記

廬陵

歐陽守道 公權

唐名賢遺蹟在吾廬陵者惟魯公郡開國顏文忠公廬陵去長安二千里唐所選郡守氏名猶可考然名賢罕

有至者獨司馬公有名到於今稱位公不以謫故屈臨於此三百年鉅公大人吾州竟不一見邪然則名賢遠去天下之不幸而猶爲所謫州之幸如道州陽公潮州韓文公之類往往始以僻遠爲流竄有罪之所終以流竄爲君子過化之邦天其或者有意焉非唐之君相爲之也魯公未至吾州王朝故罕以名賢出使而士生於此土者亦不見其有人仕於王朝公去五百年人才輩出文物彬彬矣是豈無故宋咸淳之四年古勛孫君洙爲州通判創公祠堂於廳事之西慨然謂某曰今通判唐司馬也洙聞州治自唐至今承平之地官府民居無

顏魯公文集

卷十七

外集五

三

遷改焉則魯公之爲司馬或者出於此矣西有古柏十
二株洙選勝而建公祠焉蒼皮黛色與廟貌宜公平生
勁直之氣其肯棲神其間也子爲我記之且自洙來此
州人士每有談先賢者自歐公以下輒有若自奮而與
齊者洙固屢來者之如今然揆厥攸先此州諸君子皆
魯公之遺風流俗也魯公事君有犯無隱愾於羣小之
死不同此州諸君子之立朝不如此乎魯公遠謫所至
安之流落復歸終不憊艾此州諸君子之去國不如此
乎諸君子固無一不與公同者而公以八十元老殞於
賊手高風勁節誰其儷之乃有誓爲魑鬼折首剖心於

金賊犯鄴都故相奉降欵之時者天子聞而哀之面諭
天臣直以唐某爲比夫綱常大義天下所同何公所屈
臨之州特有此人若合符節也洙讀唐藝文志見公有
廬陵集十卷又聞城東有青原山公所遊也留題在焉
願一往觀而無暇夫公以謫來膏澤有不得下於民者
矣而徜徉山水遊戲翰墨士必有得侍公之杖屨書策
者公聲名在天下想輿臺幸伍猶得以事公爲喜況爲
王者乎况親炙之者乎昔屈原謫於湘水之南而忠潔
之廟過者式之興起感發者不特以讀離騷而已今此
州俗化受公之賜多矣建祠以報而又永其勸也子記

顏魯公文集

卷十七

外集五

三

之某正襟斂容而對曰事有曠百世而相感者予不自
知其何心古人所事之君父非有親愛於今人也或聞
談古人之忠臣孝子則泣下交頤古人所亡之家國非
有痛切於今人也或聞談古人亂臣賊子則髮上指冠
是心何從生哉天理民彝無古無今發於卒然不自知
其然也公之留吾廬陵甫兩年而去雖微焄蒿悽愴若
或見之者在人目中人固忠孝之天見公矣况君又肖
公之像凜然如生乎太史公書最喜言名節士平生經
行之地每聞其人遺跡輒徘徊悲歎而不能去君於魯
公如此其亦有以知君之心也祠旣成宜有歌詩以迎

送神某既奉命書歲月而又爲之詞曰公免牙冠兮
出專城朝野熙熙兮寢五海波晏然兮伏長鯨斗柄
無光兮搖橋槍羣飲熟寢兮公心驚密戒不虞兮寂無
聲大厦瓦解兮一柱擎黃河以北兮我主盟我力不競
兮敵愈勅歸見天子兮涕交橫終消惡運兮復兩京覆
車不懲兮趨險傾誰塞言路兮蔽天明陛下孤立兮勢
已成存亡一決兮臣常爭九關有虎兮那可櫻巴峽再
徙兮廬陵行於撫於饒兮歲幾更天爲宗社兮留耆英
白首召還兮非公榮有拂吾膺兮又屢鳴元老進退兮
國重輕汝蔡難作兮詔公征婉愉勁折兮仗忠誠頑不
顏魯公文集卷十七 外集五

顏魯公文集卷十七 外集五

三

我聽兮吾無生大罵希烈兮詞元平平生許國兮今結
纓九泉相見兮常山兄精誠在天兮秋日晶下車惡逆
兮春靈轟高風勁節兮照寰瀛何獨廬陵兮留公名儒
者立志兮違孺嬰我作廟祝兮因人情廟與古柏兮俱
崢嶸公駕飛龍兮揚霓旌爲不敢瀆兮屏酒牲辯香再
拜兮酌以青原山水公所嘗味之深清公不留兮使我
耿耿至夜魂營營

案誓爲趙鬼謂州人楊邦乂也邦乂爲建康通判金
人陷城守臣率官屬迎降邦乂大書其衣曰寧爲趙
氏鬼不爲他邦臣遂死之諡忠襄

涪溪書院記 節錄

元真定蘇天爵伯修

嘗讀元道州中興頌曰大駕南巡百寮竄身奉賊稱臣
矣人臣不可不知節義也夫食人祿而忘其君曾犬
彘之不若矣當天寶全盛時中外公卿將吏可謂眾矣
一旦遭值變故死封疆者僅某卿盧奕等數人其不受
僞官者則惟魯公一人而已何忠臣義士之難致歟魯
公以區區之平原倡義討賊而河北諸郡復爲唐有賊
不敢急攻潼關唐卒賴以中興者惟公倡之於其先也
其在朝廷數進謹言李輔國遷上皇居西內首率百官
問起居元載請奏事者先白宰相又極論其壅蔽屢忤
顏魯公文集卷十七 外集五

顏魯公文集卷十七

外集五

天

大姦而不少悔卒爲所擠以死嗚呼天之生材足周一
世之用四方無事人材或不克顯及臨大節決大事則
忠義材能之士始表見焉然則士可不以節義自重有
天下者可不以賢材爲務乎

顏魯公文集卷十七終

顏魯公文集卷十八

寧鄉黃本驥仲良編訂

湘陰蔣 瓌維揚參校

外集六

顏魯公文集序

宋新喻劉 敬原

魯公極忠不避難臨難不違義是其塵垢糠粃猶祇飾而誦習之將以勸事君况其所自造之文乎然魯公歿且三百年未有祖述其書者其在舊史施之行事蓋僅有存焉而雜出傳記流於簡牘則百而一二銘載功業藏於山川則十而一二非好學不倦周流天下則不能

顏魯公文集

卷十八

外集六

遍知而盡見彼簡牘者有盡而山川者有壞不幸而不傳則又至於千萬而一二未可知也吳興沈侯哀魯公之忠而又佳其文懼久而不傳與雖傳而不廣也於是採掇遺逸輯而編之得詩賦銘記凡若干篇為十五卷學者可觀焉蓋君子多見則守之以約沈侯好學喜聚書聚書至三萬卷若是多矣然猶常汲汲而不足者至其集魯公之文使必傳於天下必信於後世可謂守之以約而尚友者乎予是以序其意

顏魯公文集後序

永春留元剛 茂潛

文章節義非二致也聖人入德之序由孝弟而謹信汎

愛而親仁行有餘力以學文士君子循本達末自得諸已則英華之發外皆源而流者也世變旣降以文名家者攢羅列聚而信道不惑守節仗義渺然無幾是以善觀人者必先節義而後文章文章之輕重在一身節義之輕重在國家存而為節義發而為文章盡之於一身推之於國家漢唐以來魯公一人而已公之忠烈始卒不渝穹宙昭明凜凜如在雖庸人孺子莫不知之而予猶以軼言餘事彷彿一二幾於畫渾沌者性觀之節義然後可以觀公之文章公豈求工於文者哉公之心與天地並星辰河漢山川草木自然之文也不論其心而

顏魯公文集

卷十八

外集六

二

徒論其文豈知公者耶公之文不多見而天下後世仰公之名景則敬慕不能已者蓋重其所先畧其所後也故存亡詳簡有不暇計而其所可見者雖僅存而不詳然有功於名教大矣觀其奏論事先白長官之疏嬰逆鱗陵陷勢抗言不忌上僕射爭坐之書詆英又朝思而弗恤自二十六第進士三十四舉制科闕官四十有五而居中者纔十載六遭貶斥竟至殺身英風勁氣使人感涕憤發萬世而下頽波以障儒習以激彼希指阿諛俛首循默嗜寵目前貽臭身後視此孰榮辱受替歸北幾至餬口拙於生事食粥憂煎固不如屬厭富貴者之

適欲而公論則有在也前後忤權臣者五楊國忠李輔國元載楊炎皆誅戮虛祀亦竄死公之流芳遺馥歿且不朽迺輩聲名與糞壤俱腐禍福得失之理昭昭不誣而昧者輒快於所睹不慮於不見豈不痛哉雖然盧杞陷公於死非死公也乃擠唐於亡也以公之所試諒公之所存使其端委廟堂精神折衝則敢於弄兵者未必自是紛紛嗚呼唐亦寢尋不復振矣安有朝無若人而可以國乎所以識者未爲公恨而深爲唐恨也子後公三百九十四年而生又三十五年而守東嘉訪公之來孫自五代徙居於此本朝皇祐紹興間嘗錄其後官者

顏魯公文集

卷十六

外集六

三

六人忠義之澤滲漉悠久有自來矣求公文而刊之將以砥礪生民而家無藏本得劉原父所序十二卷卽嘉祐中宋次道集其刻於金石者也篇簡漫漶字義舛譌乃以史傳諸書碑蹟雜記銓次年譜繫以見聞參異訂疑摭亡補失其涉於公之筆而無攷則不敢及焉故書遺亡網羅未備倘俟後人按藝文志行狀神道碑公佐吉州有廬陵集十卷刺撫州有臨川集十卷刺湖州有吳興集十卷韻海鏡源三百六十卷爲禮儀使有禮儀集十卷今並逸而不傳

刻顏氏告跋

留元剛

右顏氏告世傳魯公親筆或謂顏馮輩所書英風誼氣千載不磨所以興起人心爲世所重者要之不專以字畫論也華州刺史太子少師告舊刻於永嘉郡齋沂陽有薛王友蘭陵夫人告巴陵有刑部尚書告今以墨本合而模之勒於樂石

顏魯公文集序

明巴陵楊一清石涼

文章節義天地間元氣所關而國家氣運興衰端必由之然是二者造物恒若有所靳不兼以異人夫節義苟歉文雖工君子無取焉唐之文韓柳最著論者終醇韓而疵柳非其文之弗若也節義弗若也當祿山亂作豺

顏魯公文集

卷十八

外集六

四

豕哮噬前無堅城顏魯公首倡大順以烏合之眾嬰賊鋒列郡應之如響使賊逡巡不敢長驅而西明皇得從容狩蜀靈武受禪郭李卒成收復之勳要之義氣所激公之功居多比其正色立朝公言直道屢斥屢復百折不屈以戢其軀公之節義炳炳震盪若是隻片語固當見重於世而况其高文大冊典則沉厚真足以昭示無極乎公之文初輯於宋人沈氏劉原父序之留元剛氏又續爲搜輯刻之傳今多不存學者罕得而見散見於金石間者千百之一二耳近錫山安國民泰得傳錄舊本志重梓之請予序夫公之節義不待文而顯然讀其

文可樂知其心公之文非有意於傳而重其人則其文章不容不與大節並傳也抑子於公之存沒而有以得夫唐室興亡之機方公之舉義明皇聞之曰朕不識顏真卿何如人乃能若是至肅代德宗時則既知之矣是時國步雖艱不若天寶之急授之將可折衝任之相能定國使究其用方岳不竊命乘輿不播辱獨奈之何數君者知而不能用用之弗久且專蓋楊炎元載盧杞輩媚嫉於上而一二羣小又搆毀於下以成其私公徒抱孤忠踴躍不展卒死李希烈之手盧杞爲之也而唐之亡亦胚胎於是矣公乎何損哉於戲是固有非人力之

顏魯公文集

卷十八

外集六

五

顏魯公文集後序

吳郡都 穆元敬

顏魯公集有二子家舊藏本凡十五卷人間所傳又有宋東嘉守留元剛本視予家者十五而闕其三前有劉原父序云輯於吳興沈侯而不書其名字考之館閣書目謂嘉祐中宋敏求惜公文不傳乃集其刻於金石者爲十五卷及觀元剛之序則云原父所序即敏求集其

刻於金石者而乃止十二卷何也按公行狀謂其佐吉州有廬陵集刺撫州有臨川集刺湖州有吳興集并韻海鏡源爲禮儀使有禮儀集今墓碑所載惟禮儀集而新舊唐書列傳於公著述皆不載此殆作史之體然即元剛復謂公所著書逸而不傳而其本有公文補遺及年譜行狀皆予家所無而予家本自和政公主碑至顏夫人碑十首又元剛之所未有此又何也舊本皆以詩居首今僭爲編訂以奏議第一表次之碑銘次之書序與記又次之而以詩終焉若補遺諸作則各從其類卷仍十五以符舊集之數而年譜碑狀列傳諸文別爲繕

顏魯公文集

卷十八

外集六

六

爲以附於後其間字之謬謬復爲校讐損壞不可讀者姑且闕之維公精忠大節皎如日星不俟贊頌予獨怪夫歐陽永叔曾南豐皆世之大儒君子永叔謂公尊嚴剛勁象其筆畫而不免惑於神仙之說南豐謂公文章往往雜於神仙浮屠而不皆合於理則又似知公之未盡者夫公之屢遭斥逐困於小夫其視人間真若有不

既爲之序而復求子言子久用心於此因民泰之請不覺躍然遂爲書之

重刻顏魯公文集序 平原 趙 焯

平原古原郡轄也邑侯劉君來令是縣履封懷古遂購魯公文集重刻之嗚呼柳子曰慧病讓夷義之先圖困忘死貞之大而况支覆障瀾崎嶇一節老死而不渝如魯公哉則其精貞義烈卽片言足遺大呂固不可使先生之手澤泯泯於棠愛之鄉也公之義績肇自平原鑄鼎唐祚人知唐業之中折復振不亡者爲郭李之精英有以留之而不知使羯胡鼓笳漁陽長驅河朔直擣隴

顏魯公文集 卷六 外集六 七

蜀智不暇謀勇不暇斷則唐之爲唐豈可知哉唯公以一旅扼其吭喉使黠虜不敢捨公而西然後郭李得收之兵行之間則雖謂神堯之天下公以平原還之誰曰不然然當時之所以撫循教督其民又可信矣至於今原人之論及君父猶嘖嘖義形於色安知非公風化浸漬者深哉渺乎由之而不知所從來矣彼平時滋薑荼漁獵之政而望臨難有仗節砥柱之貞載籍以還未前聞也則季世之守是已吾乃今然後知公精忠大義不止一連兵孤城而簡牘政模皆爲正氣威靈之貫注惜也吾不得象公於儀幃猶幸得聆嘉言於斷簡則公雖

身陷希烈而義色昌詞今讀之尙凜凜如昨日事固足以廉立萬世之頑懦然則是編之刻也劉侯重有意乎余也生爲公之遺民亦廁民社之寄嘗思事無巨細靡非臣子之靖獻冠焉行不愧於公流風而惕乎恐蹕而不前也日夜念之矣今劉侯之屬余序也遂摭衷書之亦以見願有執鞭云爾

顏魯公文集跋 麻城 羅樹聲

顏魯公忠義節烈大都聲稱自平原起至夫竟蹈白刃赴湯火以死靡非卒斯業耳故志士仁人道說魯公輒稱爲平原太守云乃平原故有魯公祠歲久傾圮過者

顏魯公文集 卷十八 外集六 八

歛歔山海劉侯思誠來遂捐俸拓基別開廳事一切爲之增飾已又蒐得魯公文集屬余查訂舛謬付劄劄氏以藏祠中使與尸祝共久缺完復屬余以右史余謂文以足志倘浮於人徒飾羽耳魯公謝去年代逃遠而所爲刺語斷篇猶令人寶愛若麟角鳳尾然初未敏求購爲十二卷益以元剛之補綴都公之家藏然後爲卷十五及覽劉原父留元剛暨楊太傅都少卿序言莫不仰止景則幸睹其手澤之遺而互有散亡蠹落之憾此無異以彼忠義節烈萬古如生讀其文想見其人真足以磨頑而勵純矧忠節天植者有不曠世相感耶若乃尙

友意徵而諦取其餘唾則厄之禹而俊之放矣余謹挾其重缺之故而附以臆如此

重刻米元章魯公仙蹟跋

歙縣 鮑觀光 伯達

陳眉公刻含譽帖有米元章書顏魯公尸解一段顏魯公若從兄顏常山皆海寧人五代時吳越武肅王遣官立廟於治南顏曰雙仁祠光承乏茲土方重新廟貌得此帖不啻拱璧購佳手摹勒上石謹按常山公祿山賜紫袍退語長史袁履謙何為服此歸而借兵伐之既而六日城陷賊殺其子其族二十餘人不屈賊縛公天津橋胷不絕口賊斷其舌含胡死魯公事載碑中祿山濁顏魯公文集卷十八 外集六 九

亂肅宗中與雖李郭翊運然而公與睢陽實維砥柱而許睢陽若兩公皆產海寧猗歟盛哉海寧勁氣鍾於若人即魯公染翰一節亦復超絕一世憶癸丑萬歷四十四年北上遇徐頌菴先生向余稱魯公真蹟有僧手唐箋一幅闊可尺三寸直尺七八寸書華嚴經八十一卷初看如絲不能識認諦視則筆法勁適精神橫溢書尾記年月日積書十載則魯公筆也此碑元章手筆超絕前人王弇州先生稱其神妙如子路初見孔子氣象即此一段纖細亦足想見乃公精神則其握拳透爪八十一猶然兩公顧可易及哉光低侗遺象考唐書不能已已他日

將別有刻也為之銘曰唐室陵遲妖星頰厭二難撐之白刃不變我錡斯文千秋如見凡百有位視茲靖獻案魯公之先世為琅邪人後遷關中非海寧人其卒年七十七歲非八十一歲皆鮑氏誤記此跋刻於天啟四年在海寧雙仁祠記之陰

顏書編年錄序

黃本驥

書一藝耳無足為魯公重魯公即不能書一字之存猶足為儒林墨寶况工書如魯公者在唐人中別樹一幟歐虞褚薛裴柳諸家石刻之存於世者皆不若魯公篇幅之巨碑版之多是可無一編以聚之而忍令其剝蝕顏魯公文集卷十八 外集六 十

於風霜榛莽之地敲火斲角之餘乎偶檢行篋得石刻如千種案年編次題曰顏書編年錄取昔賢跋語稍為刪補以便觀覽此外石本未及目見者皆不備登俟博雅君子得是編而續成之以為顏書全帙則石刻之存亡無足為念而一藝之傳未嘗非論世作忠之助有石泐而文存者補註其旁以便快讀其文為他人所撰及文為公撰而非公書者皆不錄以是編專為顏書而作也編成并繪公像於卷端以志景慕又為官屬攷及世系書碑二表以備攷證云

顏魯公文集卷十八終

顏魯公文集卷十九

寧鄉黃本驥仲良編訂

湘陰蔣 瓌維揚參校

外集七

顏魯公官階考

本朝鎮洋 畢 沅 秋 帆

唐書本傳載魯公遷轉官爵多誤今以行狀補

道碑銘及家譜年譜與本傳互攷附載家廟碑

之後

舉進士 以新唐書本傳為主下並同 案本傳以此為

入高等授秘書省校書郎殷亮行狀云開元二十二年

進士及第登甲科二十四年吏部擢入高等授朝散郎

顏魯公文集 卷十九 外集七

又擢制科調醴泉尉 碑銘云天寶初行狀

文詞秀逸科試上第授京兆府醴泉縣尉案碑銘行狀

下並云授通直郎長安尉傳缺者非也留元嗣年譜云

唐會要所載諸節好文章秀逸皆謂之制通直郎 遷監

從六品朝散郎從七品年譜並載在天寶元年 遷監

察御史 太傅遷監御史使河隴行狀云充河東朔方

兵使蓋先使河東後使河隴其使河東為天寶六載使

河隴則七載也本傳於此下又云復使河東則入載更

充河東朔方軍試 遷殿中侍御史為東都採訪判官 載

之八月也魯公家譜 再轉武部員外郎 行狀遷殿中侍

以五月非是從行狀 出為平原太守 公之為平原在

再轉年譜云判南曹 出為平原太守 天寶十二載年

諱於十四載下又云轉兵部員外郎公既以武部員外

郎出為平原不得於此再轉兵部且兵部郎武部也年

諱拜戶部侍郎 碑銘云再領平原行狀云元宗以公為

誤 戶部侍郎依前平原太守充本郡防禦

使加河北招討使 拜工部尚書兼御史大夫復

為河北招討使 碑銘云拜工部尚書兼御史大夫復

書遷御史大夫 家譜云肅宗至德二載四月授憲部尚

授憲部尚書二載正月兼御史大夫行狀云至德元載

大夫其日月不同年譜從家譜 出為馮瑒太守 轉蒲

州刺史封丹陽縣子 行狀云改蒲州刺史充本郡防禦

貶饒州刺史 碑銘云行狀云乾元元年改饒州刺史

度使 行狀云充浙江節度使兼江寧軍使江寧乾元年

為昇 召為刑部侍郎 碑銘云進爵縣公 貶蓬州長史

起為利州刺史不拜 遷吏部侍郎除荆南節度使未行

改尚書右丞 碑銘云移利州刺史徵拜戶部侍郎轉吏

顏魯公文集 卷十九 外集七

察使行狀云加銀青光祿大夫上柱國其移利州在寶

應元年五月戶部十二月改吏部二年三月除江陵尹

右丞十月傳敘次不其明白 以檢校刑部尚書為朔方

行營宣慰使未行 留知省事更封魯郡公 行狀云廣德

檢校刑部尚書兼御史大夫朔方行營節度使開國

公食邑三千戶 賜姓 貶峽州別駕改吉州司馬遷撫湖

二州刺史 行狀云大歷三年遷 擢刑部尚書進吏部充

禮儀使 月進吏部家譜以為十二年八月為刑部十三年二

太子少師領使 行狀云授光祿大夫遷太 改太子大師

年譜云 薨贈司徒諡文忠 碑銘云興元元年八月三日

薨其使薨贈上公諡曰文忠行狀云貞元元年八月十

二十四日希烈幽殺之年譜從行狀本傳云年七十六

年譜云年七十七異者傳用碑銘不從行狀故也案公以大歷十三年為刑部尚書時年七十三抗章乞致仕不允後薨於貞元元年當是七十七傳非也

顏魯公著作考

黃本驥

顏魯公著作舊唐書經籍志有韻海鏡源三百六十卷

代宗紀云大歷十二年十一月上於朝至宋時已失三百四十四卷故崇文總目宋史藝文志皆云十六卷宋避太祖廟號嫌又有禮樂集十卷真卿為禮儀使所定名改鏡作鑑

殷亮撰公行狀云令門生左元輔編是集久佚杜佑通典載有代宗儀注一卷即十卷之一也又新唐書有定武成廟釋奠奏通典又有更定昏禮奏及今存文忠集有故去樂議全唐文所載請除禪服奏

請除素練聽政奏皆是集中之僅存者顏氏家譜一卷宋史藝文志同云不知作者全唐文有公撰世宋史藝系諸序建中元年七月作則是譜亦公所撰也

顏魯公文集卷十九

外集七

三

文志有歷古創置儀五卷尤麥遂初堂書目又有顏真卿筆法一卷即公撰張長史十二其詩文集則舊唐書

經籍志新唐書藝文志皆有吳興集十卷公為湖州刺史時作又

廬集十卷公為吉州別駕時臨川集十卷公為撫州刺史時作又

云左元輔編劉原父序云顏魯公文集十五卷公集至北宋皆亡與興沈氏採摭遺佚館閣書目云顏真卿集十五卷嘉祐中沈編為是集

敏求編留元剛序云顏魯公集十二卷補遺三卷年譜為是集元剛守永嘉得敏求殘本失其三卷因為一卷補之附以年譜宋史藝文志有顏真卿集十五卷即元剛本也元剛又集公書刻石為忠義堂帖入卷越三年東平翟曜又續刻二卷今存者惟孫退谷所藏殘本

至明代則有魯公裔孫永祚刻本錫山安國刻本其卷

數皆依沈宋之舊而卷次又有山海劉思誠刻本則吳郡郡都穆重為編訂

本朝康熙四十七年以公詩一卷聯句詩十九首編入御定全唐詩乾隆四十七年增採公文十有一首就安

氏本編為文忠集十五卷補遺一卷年譜一卷錄入欽定四庫全書嘉慶二十四年復採輯遺文分為八卷編入

御定全唐文他人表揚魯公書目宋史藝文志有殷亮顏真卿行狀一卷唐書藝文志誤作殷仲容辨見行狀後遂初堂書目有

顏魯公歷官狀未詳作者本朝鎮洋畢沅有魯公官階考顏氏世系表皆載關中金石記

顏魯公文集卷十九 外集七

四

顏魯公著韻海鏡源始末考 黃本驥

大歷十二年十一月刑部尚書顏真卿以所著韻海鏡源三百六十卷上於朝舊書代

韻海鏡源三百六十卷顏真卿撰舊書經籍志公初在平原未有兵革之日著韻海鏡源成一家之作始創條目遂遇祿山之亂寢而不修者二十餘年及至

湖州以俸錢為紙筆之資延江東文士蕭存陸士修裴澄陸鴻漸顏祭朱弁李甫清河寺僧智海兼善小篆書

吳士湯涉等十餘人筆削舊章該搜羣籍撰定為三百六十卷大凡據法言切韻次其字按經史及諸子語據

音韻次字或句者刊成文裁以類編又按會雅及說文
玉篇等其義各注其下謂之字脚韻海者以空籠經史
之語依韻次之其多如海鏡源者八體之本究形聲之
義故曰鏡源編巨數載其功乃畢表奏上之有司詔所
司藏之於書府大抵求經史撰集篇賦利於後學焉殷
魯公
行狀

公轉湖州刺史初在德州嘗著韻海鏡源遭難而止至
是乃延集文士纂而成文古今文字該於理者摭華撮
要罔有不備為三百六十卷以其包荒萬彙其廣如海
自末尋源照之如鏡遂以名之令狐
公墓誌銘

顏魯公文集 卷十九 外集七 五

真卿自典校時即考五代祖隋外史府君與法言所定
切韻引說文蒼雅諸字書窮其訓解次以經史子集中
兩字已上成句者廣而編之故曰韻海以其鏡照原本
無所不見故曰鏡源天寶末真卿出守平原已與郡人
渤海封紹高貨族弟今太子通事舍人渾等修之裁成
二百卷屬安祿山作亂止具四之一及刺撫州與州人
左輔元姜如璧等增而廣之成五百卷事物嬰擾未遑
刊削大歷壬子歲真卿叨刺於湖公務之隙乃與金陵
沙門法海前殿中侍御史李粵陸羽國子助教州人褚
沖評事湯衡清河丞太祝柳察長城丞潘述縣尉裴循

常熟主簿蕭存嘉興尉陸士修後進楊遂初崔宏楊德
元胡仲南陽湯涉顏祭韋介左與宗顏箴以季夏於州
學及放生池日相討論至冬徙於茲山東徧來年春遂
終其事前是顏渾正字殷佐明魏縣尉劉州錄事
參軍盧鏐江寧丞韋寧壽州倉曹朱弁後進局愿顏暄
沈殷李甫亦嘗同修未畢各以事去魯山
妙喜寺碑
蕭存字伯誠穎士子顏真卿在湖州與存及陸鴻漸等
討撫古今韻字所原作書數百篇新書文苑傳

顏太師真卿典吳興纂文編韻延納以修述之任符載
存墓誌

顏魯公文集 卷十九 外集七 六

僧皎然字清晝姓謝湖州人靈運十世孫居杼山顏真
卿為刺史集文士撰韻海鏡源預其論著新書藝文志
顏魯公著書依切韻起末字即皆列古篆皎然東溪泛舟詩自注
案皎然有春日陪顏使君宴甫管西亭重會韻海諸
生詩奉和顏使君修韻海畢州中重宴詩奉陪顏使君修
奉和顏使君修韻海畢州中重宴詩奉陪顏使君修
韻海畢東溪泛舟餞諸文士詩
顏魯公書韻海 右開大字朱書魯公作小字他人作
蘇駒云在其父刑部尚書處寶章行訪錄
徐浩為顏真卿辟客書韻自張顛血脈來教真卿大字

促令小小字放令大非古法也海獄名

大歷八年癸丑公年六十五正月至湖州刺史任按杆山妙喜寺碑云大歷七年蒙刺是邦觀察判官御史袁君高巡部會於此土遂立亭於東南陸處士以癸丑歲冬十一月癸卯二十一日癸亥建名之曰三癸又云自典校時著韻海鏡源未遑刊削壬子歲叨刺於湖公務之際與沙門法海李粵陸羽褚冲湯某柳察潘述裴循蕭存陸士脩楊遂初崔宏揚德元胡仲湯涉顏祭韋介左興宗顏策以季夏於州學及放生池討論至冬徙於茲山來年春遂終其事考之乞御書題額恩勅批答碑

顏魯公文集卷十九

外集七 七

陰記公七年秋九月歸至東京起家除湖州刺史來年春正月至任放生池碑後亦書云七年秋九月己亥蒙除不應壬子之九月至京癸丑之正月至任而壬子之季夏已與羣士討論於州學冬復徙於杆山癸丑之春遂成書而終事碑銘曰三癸嶼岫又曰紛吾著書羣彥惠臻言羣彥著書於三癸之亭也夫既大歷七年蒙刺是邦癸丑十月方有此亭安得壬子之冬羣彥已集是必寺碑傳寫於金石剥落之餘誤以癸丑為壬子當終事於甲寅之春也郡有韻海樓未徙杆山時所建

公年

顏真卿韻海鏡源十六卷崇文總目

顏魯公為韻海鏡源以包荒萬彙其廣如海自來尋源照之如鏡崇文總目僅存十六卷今不傳匪傳

顏真卿韻海鏡源十六卷宋史藝文志

案韻海鏡源本三百六十卷至北宋時已失三百四十四卷故崇文總目宋史藝文志皆就僅存之卷著錄藝文志鏡作鑑係宋人避太祖祖諱敬字嫌名所改元史官因之耳

韻海樓在湖州府治後因唐顏真卿得名按真卿著韻海本在杆山後人慕其事而名此樓耳湖州府志

顏魯公文集卷十九 外集七 八

案留元剛撰年譜云郡有韻海樓未徙杆山時所建府志謂後人慕其事而名之者非也

顏魯公湖州賓客考 黃本驥

袁高 字公頤東光人 陸羽 字鴻漸竟陵人 李粵 字伯高 越人 時為湖州防禦使 褚冲 字士和長城人 國子助教 湯清河 大 評事 湯君名所傳名 柳察 太 潘述 長城人 裴循 異辨見文集杆山碑內 蕭存 字伯城蘭陵人 陸士修 河南人 殷 長城 蕭存 字伯城蘭陵人 陸士修 河南人 殷 佐明 字正 劉茂 魏郁 起居 蔣志 郎 呂渭 字君載河中 評事 魏理 大 沈益 劉全白 池州刺史

奔壽州 魏郁 起居 蔣志 郎 呂渭 字君載河中 評事 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

州刺史 魏理 大 沈益 劉全白 池州刺史

沈仲昌 陸向 沈祖山 周閔 邱悌司 沈

咸 張蔚 陸澤 張著 張薦 張蔚 張蔚 張蔚 張蔚 張蔚

張蔚 陸澤 張著 張薦 張蔚 張蔚 張蔚 張蔚 張蔚

尼 張蔚 陸澤 張著 張薦 張蔚 張蔚 張蔚 張蔚

胡仲 湯涉 楊遂初 崔宏 楊德元 韋介 左興宗 周

願 沈殷 李蕭 房夔 崔密 崔萬 崔萬

賈叔蒙 裴繼 皎然 顏渾 顏暄 顏超 顏峴 顏祭

海 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

顏頌 顏頌 顏頌 顏頌 顏頌 顏頌 顏頌 顏頌 顏頌

右二十四人見聯句詩

裴澄 江東人與

右三人見殷亮撰行狀

張志和 字子同 金華隱士 自號元真子 作漁父詞

徐士衡 李成矩 二人

右三人見續仙傳

黃本驥

魯公生年今無可考 當據卒時逆推然公之卒年記載

各異 舊唐書德宗紀云貞元元年正月癸丑始聞太子

希烈殺宜慰使顏真卿新舊二書魯公

本傳皆云與元元年八月三日希烈使闖奴等殺之

新舊兩史既已傳聞異辭 令狐峘撰公神道碑以當時

人書當時事其說似可憑信 前云今上興元元年八月

三日蹈危致命於蔡州之難後云貞元初希烈陷汝州

公遇害於汝州之龍興寺 卽令狐氏一人之說 已前後

互異 貞元改元在興元之後 既以興元元年八月三日

薨於蔡州 卽不應於貞元初遇害於汝州 宋留元剛忠

義堂帖有公書移蔡一帖云貞元元年正月五日真卿

自汝移蔡其帖爲正月十九日書若公歿於興元元年

自汝移蔡其帖爲正月十九日書若公歿於興元元年

自汝移蔡其帖爲正月十九日書若公歿於興元元年

自汝移蔡其帖爲正月十九日書若公歿於興元元年

自汝移蔡其帖爲正月十九日書若公歿於興元元年

不應書是帖於明年正月則兩書本傳及神道碑皆誤
矣貞元元年正月為丁酉朔癸丑乃十七日是帖書於
十九日不應十七日已訃聞於朝則舊書本紀作正月
癸丑亦誤矣殷亮撰公行狀云貞元元年王師復振賊
慮蔡州有變其年八月二十四日使辛景臻等書公於
龍興寺貞元元年八月為癸亥朔二十四日為丙戌行
狀所載與新書本紀正合則其卒當為貞元元年八月
十三日乙丑至二十四日丙戌始聞訃於朝也舊書德
宗紀興元元年十一月劉洽曲環大破希烈之眾希烈
遁歸蔡州初公為希烈所留置於汝州至是挾以之蔡
故自汝移蔡為貞元元年正月事趙德甫金石錄云據
新史紀傳魯公以貞元元年遇害而舊史德宗實錄皆
云歿於興元元年疑新史謬換公實卒於貞元元年趙
疑新史誤不知舊史及德宗實錄作興元元年者皆誤
也惟留元剛魯公年譜最為精確其說云考之遺蔡帖
貞元元年自汝移蔡行狀及嗣曹王臬柳瑄常侍言旨
並云是年八月賊命辛景臻等於蔡州龍興寺緝公明
年希烈死陳仙奇歸公之喪則舊史紀傳不但書公之
死先後失次而平蔡歸葬之年亦復差互令孤峒固自
疑其說而通鑑復取諸舊史何邪新史當必見行狀與

移蔡之帖也其年壽新史及神道碑皆云七十六舊史
及行狀皆云七十七按大歷十三年公年七十為刑部
尚書三抗章乞致仕不允後死於貞元元年當是七十
七由貞元元年逆推而上七十七年則其生當在中宗
景龍三年其歸葬之期當以神道碑所載貞元二年葬
州平冬十一月旬有三日歸葬為得其實顏氏族葬之
地在京兆萬年縣今陝西寧安縣安鄉鳳栖原見於魯公所
撰碑記者白曾祖勤禮即葬其地其妻殷柳二氏附焉
公兄允南弟允城皆附於其北兄幼與及幼與妻殷氏
亦附其西北公父惟貞之卒日葬地公撰家廟碑皆未
及載公弟允城生於開元二年則公父之卒在二年以
後其時為薛王友卒於京師則其葬亦當在關中初榮
公母蘭陵郡君卒於開元二十六年其時公兄允南為
右武衛兵曹公為校書郎皆京職其母當卒於京師而
葬亦當附惟貞之墓神道碑云嗣子頊奉喪歸葬於萬
年縣之舊原即鳳栖原祖塋地也今傳公墓在河南府
偃師縣偃師在唐隸東都公卒於蔡州何以不歸葬關
中而乃別葬於偃師墓誌又云詔有司具鼓吹羽儀送
於墓所遣中謁者弔祭則公葬萬年祖塋為確偃師之
墓據米元章所記南海寄書事甚荒誕不知何以流傳

至今而闕中之墓反湮廢失傳乾隆十四年

高宗純皇帝巡幸過此遣官致祭而偃師之墓遂為中州掌故矣又按宋史禮志元祐六年詔以沂州費縣顏真卿墓載在祀典而廣輿記又載曲阜句容皆有顏魯公墓是魯公不應有墓在費與曲阜句容其說皆不足據也

顏魯公祠廟考

黃本驥

顏魯公祠廟所在有山東之沂州府鄆城縣費縣平原縣江蘇之句容縣河南之汝陽縣陝西之同州府浙江之湖州府永嘉縣額曰懷忠江西之撫州府南城縣廬

顏魯公文集

卷十九

外集七

三

陵縣又建昌府之麻姑山四川之蓬州又南部縣之離堆額曰忠賢又江西之鄱陽縣有顏范祠以公與宋知饒州軍軍事范仲淹合祀湖南之鄆陽縣有元顏祠以公與唐遂州刺史元結合祀浙江之湖州府峴山有三賢祠以公與宋州守蘇軾王十朋合祀後增入晉王羲之謝安梁柳惲唐杜牧宋孫覺明陳功學為九賢祠又雷溪上有四賢祠以公與羲之安軾合祀海寧縣有雙仁祠以公與常山太守果卿合祀直隸之元氏縣白石山有三顏祠祀果卿以公與果卿子季明附其沂州府鄆城縣費縣及曲阜復聖顏子廟東廡

國朝各設奉祀生以魯公後裔一人承祀

案宋人魯公祠廟碑記惟曾鞏記在撫州曹輔新廟記在費縣黃庚離堆祠記在南部許永元顏祠記在鄆陽歐陽守道記在吉安今皆採人集中其在湖州者尚有嘉祐七年知州事澶淵張田字公載所撰祠堂碑北山程俱所撰懷忠辭三章及開禧三年知州事王炎續撰懷忠辭一章今未見

顏魯公文集

卷十九

外集七

四

顏魯公文集卷十九終

顏魯公文集卷二十

寧鄉黃本驥仲良編訂

湘陰蔣 環維揚參校

外集八

雜紀

安金藏剖腹以明皇嗣段秀實挺笏而擊元兇張巡姚

間之守城臬卿真卿之罵賊又愈於金藏秀實等舊唐書忠

義傳

漢諸葛忠武侯唐杜工部顏文忠公韓文公朱范文正

公此五君子其心光明正大疎暢洞達朱子王龜齡集序

顏魯公文集卷二十 外集八

顏公剛毅忠烈得之天資與其學之不純而諂道佞佛

自不相掩有志於道者師其所當師而戒其所可戒可

也朱子跋程沙隨帖

顏魯公忠義大節照映今古豈唯唐朝人士罕見比倫

自漢以來殆可屈指也考其立朝出處在明皇時為楊

國忠所惡由殿中侍御史出東都平原肅宗時以論太

廟築壇事為宰相所惡由御史大夫出馮翊為李輔國

所惡由刑部侍郎貶蓬州代宗時以言祭器不飭元載

以為誹謗由刑部尚書貶峽州德宗時不容於楊炎由

吏部尚書換東宮散秩盧杞之擅國也欲去公數遣人

問方鎮所便公往見之責其不見容由是銜恨切骨是

年七十有五竟墮杞之詭計而死議者痛之嗚呼公既

知杞之惡已或因其方鎮之問欣然從之不然則高舉

遠引挂冠東去杞之所甚欲也而乃眷眷京都終不自

為去就以蹈危機春秋責備賢者斯為可憾司空圖隱

於王官谷柳璨以詔書召之圖陽為衰野墮笏失儀得

放還山璨之姦惡過於杞圖非公比也卒全身於大亂

之世然則公之委命賊手豈不大可惜也哉雖然公因

困於淮西屢折李希烈卒之捐身殉國以激四海義烈

之氣貞元反正實為有助焉豈天欲全昇公以萬世之

名故使一時墮於橫逆以成始成終者乎洪邁容齋隨筆

顏魯公為郭汾陽家廟碑云端一之操不以險夷槩其

懷堅明之姿不以雪霜易其令斯言也魯公亦允蹈之

王應麟用學紀聞

顏真卿鄭畋以興復為己在倡義討賊其志壯矣真卿

權移於賀蘭進明畋見襲於李昌言功不克就故才與

誠合斯可以任天下之重同上

真卿先進明起兵又為河北採訪使進明乃所部也要

與并力可也咨其計畫可也軍權稍移則過矣讓以堂

邑之功則又甚矣真卿為是得非懲常山之敗乎愚謂

三公過猶不及方果卿送侍京師也張通幽請行以救宗族果卿若知其情宜語之曰君兄陷賊君正應留此相協力破賊乃可以自渝今行未有益也如此則姦謀沮矣果卿既失之真卿乃務下已以濟國事然進明未嘗有可容之策而以不情與之未嘗預堂邑之戰而以眾人之功歸之不以郭李犄角而進明是讓真卿忠義而功烈不就者蓋始乎此矣胡三省通鑑辨誤

魯公清忠直道再為常伯常伯謂尚書魯公會為工刑兩部尚書輔相有虛位而不用人君非知已矣年踰七十致仕而歸不亦善乎而與盧杞同朝且有不相容之訴而觸其所惡聞者難以言智矣上同

顏魯公文集

卷二十

外集八

三

案舊唐書代宗紀大歷十三年正月魯公常三上章乞致仕不許其時公年方七十則非戀職者可比此

論似尚未確

真卿守平原首倡討賊之義應之者相繼而起唐之不

亡真卿之力居多

陳仁錫鑑評

安祿山反河朔盡陷獨平原城守具備元宗曰朕不識顏真卿何如人所為乃若此朱泚謀逆段秀實擊泚遇害德宗恨委用不至涕泗久之嗟乎中主之世愚佞容身於朝得享其利而忠良往往擯棄偏方閒地及其亂

也忠良獨受其害彼容身取位者皆烏獸散矣向之腹心股肱今日何在而盡力致死乃其所不識之人及委用不至之士嗟乎此其所以有亂亡之及也至丁亂亡始憐而惜之夫復何益元宗吾不論德宗時秀實死真卿尚無恙也徒惜秀實不及用而於真卿復投之虎口以快奸相之計何中主之難悟而君子之多不幸也何孟春餘冬錄

奸人之傾正士亦多術矣彼若直為不根之言無對之誘以相醜詆聽者不能不察受者猶得明而辨之惟陽託公論陰釋私憾使聽者無所置疑而受者至無以自

顏魯公文集

卷二十

外集八

四

白此奸計之所以易行也盧杞之惡張鎰也謂鳳翔將枝非宰相不可鎮撫其惡顏真卿也謂三朝舊臣名重海內宣慰希烈可不勞師放其惡李揆也謂諳練故事會盟吐蕃則他人不敢辭遠使此其言非有毀也而三正士為之出且為之死矣何其術之巧而易也噫非明君其孰能悟之德宗之愚而弗覺也無怪已上同

寫真堂在村山唐顏真卿建

湖州府志

顏真卿於村山上起謝臨川寫真堂

吳頌類要

謝靈運官臨川內史嘗游禹吳與相傳謝村福田寺其故宅也僧皎然自稱靈運十世孫想寫真堂魯公為皎

然起耳 石柱記

東遷館在湖州府城東六十里本名太湖館唐開元中

刺史張景遵建大歷中刺史顏真卿以其在舊東遷縣

地改今名 湖州府志

霅溪館在湖州府治南梁太守蕭琛改興國寺為白蘋

館唐開元中刺史韋明敷改為開政館大歷中刺史顏

真卿改今名 湖州府志

湖州城東南二百步抵霅溪連汀洲洲一名白蘋梁

吳興守柳惲於此賦詩云汀洲采白蘋因為名也前

不知幾千萬年後又數百年有名無亭鞠為荒澤至大

顏魯公文集 **卷三**

外集八

五

歷十一年顏魯公為刺史始剪榛導流作八角亭以游

息焉 白居易白蘋洲五亭記

案白蘋洲之有亭始於魯公其分建五亭曰白蘋曰

集芳曰山光曰朝霞曰碧波則始於開成三年刺史

楊漢公自記為揚而作也今節錄其文附入顏集以

志斯亭所自始

芳菲亭在湖州府治東南刺史顏真卿建 湖州府志

白蘋洲上有顏真卿芳菲亭 太平寰宇記

溫信字輔國以字行安祿山亂往見平原太守顏真卿

助為守計 新唐書溫大雅傳

魯郡公顏真卿守平原溫信杖策往謁雲風類隨忠氣

合發 牛僧孺撰信神道碑

韋丹字文明京兆萬年人蚤孤從外祖顏真卿學 新唐書

傳

丹既孤以甥孫從太師魯公真卿學太師愛之 韓愈撰

丹墓誌

案唐書宰相世系表韋丹父政雜丞丹為魯公甥孫

則政乃公之壻也

王紹京兆萬年人舊名與憲宗同永貞年改焉顏真卿

器重之因紹舊名字之曰德素 舊唐書王紹傳

顏魯公文集 **卷三**

外集八

六

王紹少以厚實為士友所重顏魯公守湖州時特器之

表為武康尉 李紳撰王紹墓誌

張薦字孝舉深州陸澤人少精史傳顏真卿一見歎賞

之 舊唐書張薦傳

權舉德輿父也顏真卿表為浙西行軍司馬 唐書卓行傳

拾遺杜甫上表論房琯有大臣度真宰相器聖朝不容

辭自狂誕肅宗令崔光遠韋陟及憲部尚書顏真卿同

訊之 舊唐書韋陟傳

案新唐書杜甫傳云會宰相張鎰救解甫得免死然

則魯公訊斯獄與甫無恩甫稱詩史於祿山事言之

甚詳獨平原喧赫之功無一語及之

穆寧河內人攝東光令初佐採訪巡按過平原與太守
顏真卿密揣祿山必反至是真卿亦唱義舉郡兵以拒
祿山會間使持書遺真卿曰夫子為衛君乎更無他辭
真卿得書大喜因奏署大理評事河北採訪使寧以
長子屬母弟曰惟爾所適苟不乏嗣吾無累矣因往平
原謂真卿曰先人有嗣矣所謂死有輕於鴻毛者寧是
也願佐公以定危亂真卿深然之其後寧計或不行真
卿迫蹙棄郡夜渡河而南見肅宗於鳳翔帝問控賊之
狀真卿曰臣不用穆寧之言功業不成帝奇之發驛召
顏魯公文集卷二十 外集八 七

寧以右職待之會真卿以抗直失旨事遂止舊唐書穆寧傳

唐幽州復舜廟頌貞元十二年韋稔撰顏頌正書并篆

金石錄

顏頌書畫端莊殊有父風王惲秋澗集

案顏魯公次子也

唐鄧州文宣王廟碑顏頌書墨池編

案顏魯公弟允臧第二子

唐晉祠新松記元和元年令狐楚撰顏禹正書金石錄

案禹允臧第三子

唐河中府鶴鳴樓記顏防書金石錄

貞元四年麟德殿宴羣臣詩顏防書金石錄
案防魯公族子

顏魯公文集卷二十 外集八 八

顏魯公文集卷二十終

顏魯公文集卷二十一

寧鄉黃本驥仲良編訂

湘陰蔣 瓌維揚叅校

書評一

總論

聖祖仁皇帝御論云史稱顏真卿立朝正色剛而有禮
非公言直道不萌於心天下不以姓名稱咸曰魯公而
獨為權奸盧杞所忌道諭李希烈竟被賊害觀其赴火
罵逆何其烈也平生善正草書宋祁稱其筆力道婉今
披閱遺蹟疑重沈鬱奇正相生如錐畫沙直透紙背覺

顏魯公文集

卷三

書評一

一

忠義之氣猶勃勃楮墨間朕重其人益愛其書不啻逾

於球壁矣佩文齋書畫譜

顏真卿少有詞藻尤工書舊唐書本傳

顏真卿善正草書筆力道婉世寶傳之新唐書本傳

後人論書歐虞褚皆有異論至張旭無非短者傳其法

惟崔邈顏真卿云新唐書張旭傳

張旭草書得筆法後傳崔邈顏真卿李肇國史補

公貧乏紙筆以黃土埽牆學書魯公父惟貞與伯父元孫事也

案以黃土埽牆學書魯公父惟貞與伯父元孫事也
見公撰家廟碑豈公亦嘗效之邪

公善隸書書格勁逸抗行鍾張令狐岷異

顏刑部書家者流精極筆法懷素自敘

晚歲顏太師真卿以懷素為同學鄔兵曹形弟子問之

曰夫草書於師授之外須自得之張長史旭觀孤蓬驚

沙之外見公孫大娘劍器舞始得低昂迴翔之狀未知

鄔兵曹有之乎懷素對曰似古斂脚為草書豎牽之極

顏公於是倘佯而笑經數月不言其書懷素又辭之去

顏公曰師豈牽學古斂脚何如屋漏痕素抱顏公脚唱

數久之顏公徐問之曰師亦有自得之乎對曰貧道觀

夏雲奇峯輒嘗師之夏雲因風變化乃無常勢又無壁

顏魯公文集

卷三

書評一

二

折之路一一自然顏公曰噫草聖之淵妙代不絕人可

謂聞所未聞也陸羽懷素傳

徐吏部不授右軍筆法而體裁似右軍顏太保案魯公太保當是未嘗為

太師之誤投右軍筆法而點畫不似何也有博識君子

曰蓋以徐得右軍皮膚眼鼻也所以似之顏得右軍筋

骨心肺也所以不似陸羽論顏書

吳郡張旭長史雖姿性顛逸超絕古今而模楷精詳特

為真正真卿早歲常接游即屢蒙激昂教以筆法資質

劣弱又嬰物務不能懇習迄以無成追思一言何可復

得魯公贈懷素上人序

真卿自南朝來上冠多以草隸篆籀爲當代所稱及至
小子斯道大喪會見張旭長史願示少糟粕自恨無分
遂不能佳耳魯公自書帖

真卿嘗作筆法十二意盡備師資之學其正書足以垂

世 顏真卿忠貫白日識高天下其書千變萬化各具

一體若中興頌之閔偉家廟碑之莊重仙壇記之秀穎

元魯山銘之深厚種種不同 御府所藏顏真卿書二

十有及旌節勅以下正書顏允南父惟貞贈告顏允南母商

氏贈告潘丞竹山書堂詩朱巨川告疎拙帖爭坐前帖

以下行書爭坐後帖送文殊碑文帖頓首夫人帖與李光顏

顏魯公文集卷三十一 書評一 三

太保帖蔡明遠鄱陽帖劉太沖帖劉中使帖開府帖盧

侯帖瑤臺帖篆籀帖中夏帖湖州帖送書帖乞米帖乞

脯帖續細帖馬病帖送辛晃序祭伯父濠州刺史文祭

姪季明文宣和書譜

書法相傳至張顛後魯公得盡於楷懷素得盡於草

顏太師以書自娛晚年嘗載石以行礮而藏之遇事以

書隨所在畱其所鑄石蓋視而考之自公之沒名德雖

在人然世豈盡知惟書於石者人得見之故今獨以書

名世或謂公以書流傳俗間至野人田老皆得名之大

抵於其所嗜必傷至其所甚蔽則賤理之必然者也廣川

跋書

唐人書有神品妙品能品神品三人顏真卿楷張長史

草李陽冰篆朱長文續書斷

魯公嗜書石大幾徑尺小亦方寸碑刻遺蹟存者最多

觀中興頌則閔偉發揚狀其功德之盛觀家廟碑則莊

重篤實見其承家之謹觀仙壇記則秀穎超舉象其志

氣之妙觀元次山銘則淳涵深厚見其業履之純點如

墜石畫如夏雲鉤如屈金戈如發弩縱橫有象低昂有

態自羲獻以來未有如公者也 鍾張羲獻之徒以奇

筆唱士林天下獨知有體勢豈知有原本惟顏魯公作

顏魯公文集卷三十一 書評一 四

字得其正爲多雖與說文未盡合蓋不欲大異時俗耳

墨池編魯公忠義出於天性故其字畫剛勁獨立不襲前蹟挺

然奇偉有似其爲人 魯公忠義之節明若日月而堅

若金石可以光後世傳無窮不待其書然後不朽然公

所至必有遺蹟故今處處有之唐人筆蹟見於今者惟

公爲最多視其鉅書深刻或託於山崖其用意未嘗不

爲無窮計也蓋亦有趣好所樂爾 余謂顏公書如忠

臣烈士道德君子其端嚴尊重人初見而畏之然愈久

而愈可愛也其見寶於世者不必多雖多而不厭也故

雖其殘缺不忍棄之集古錄跋尾

顏魯公書雄秀獨出一變古法如杜子美詩格力天縱奄有漢魏晉宋以來風流後之作者難復措手書於魯公文於昌黎詩於工部至矣孫莘老求墨妙亭詩

云蘭亭蠶紙入昭陵世間遺跡猶龍騰顏公變化出新意細筋入骨如秋鷹蘇東坡論書

唐自歐虞後能備入法者獨徐會稽與顏太師耳然會稽多肉太師多骨

顏魯公書雖自成一家人然曲折求之皆合右軍父子筆法書家多不到此處故尊尚徐浩沈傳師耳九方皋得千里馬於沙邱眾工猶笑之今之

顏魯公文集卷三 書評一 五

論書者多北而驪者也 顏魯公楊少師得蘭亭用筆意 書法自晉以來難得脫然都無風塵似二王者惟

顏魯公楊少師髣髴大令爾 余嘗論右軍父子以來筆法絕塵惟顏魯公楊少師二人立論者十餘年聞者

瞠若晚識于瞻獨謂為然士大夫乃云燕子瞻於黃魯直愛而不知其惡皆此類豈其然乎 余嘗評魯公書

獨得右軍父子超軼絕塵處書家未必謂然惟翰林蘇公見許近觀郭忠恕序字源後云家君授以張顏筆法

乃知人中常自有精鑿耳 昨見雍人安汾叟家所藏顏魯公書數卷祭濠州刺史文與郭英又論魚開府坐

席書祭兄子季明文峽州別駕與李勉太保書為病妻乞鹿脯帖乃知翰墨之美盡在安氏藏古書於今為第一

按瘞鶴銘潤州圖經以為王羲之書字亦奇特然不類羲之筆法而類顏魯公不知何人書也 瘞鶴銘

惟顏魯公宋開府碑瘦健清拔在四五間黃山谷論書

顏真卿書如項羽挂甲樊噲排突硬弓欲張鐵柱特立昂然有不可犯之色 顏真卿每使家僮刻字故會主人意修改波擊致大失真惟吉州廬山題名題訖而去

後人刻之故皆得其真無倣作之差乃知顏書出於褚也夫真贖皆無蠶頭鼠尾之筆與郭知運知運當作英

顏魯公文集卷三 書評一 六

父爭坐帖有篆籀氣頗傑思也米元章論書 案此條亦見張邦基墨莊漫錄

顏魯公真行書鋒絕劍摧驚飛逸勢古德續書評

昔賢謂見佞人書跡入眼便有睚眦側媚之態惟恐其汗人不可近也予觀顏平原書稟稟正色如在廊廟直言

鯁論天威不能屈至於行草雖縱橫超逸絕塵猶不失正體未必翰墨全類其人也人心之所尊賤油然而生自然見異耳沈作誥高簡

余少時喜學曹孟德書時劉其父方學顏真卿書余以字書古今謂之共父正色謂余曰我所學者唐之忠臣

公所學者漢之篡賊耳余嘿然亡以應是則取法不可

不端也公語

案曹孟德書是隸字世無傳本朱子從何處學來朱子書傳世者亦無隸體此不學者託以風世耳若云說本朱子余不謂然

友人甘思源近得顏魯公真蹟一卷其文前後脫落字尙完整持以示予予曰此非魯公不能書也其用夫隸書澀進法乎今之人但求形似之美譬如美女徘徊花月之下遇者孰不歎稱其視頎然古君子高情古貌放浪蒼松喬柏間知之者幾何人哉思源其謹藏之伺識者然後出焉林右公詩集

顏魯公文集卷三十一 書評一 七

凡作楷書須筆筆依法書之鍾繇王羲之獻之智永虞世南歐陽詢顏真卿七家乃合楷法其餘不過真書耳

唐人所謂經生字也王肯堂鬱岡齋筆塵

魯公筆法奇偉雖其天姿獨得亦忠義秀發能然柳誠懸所謂心正而筆正者世人乃欲以塵埃媵媵之姿追蹤紙墨之間遠矣見補之難於辨

唐張顛觀飛蓬驚沙公孫大娘舞劍器懷素觀雲隨風變化顏公謂登率法折釵股不如屋漏痕斯師法之外皆其自得者也雷簡夫江聲帖

顏魯公平日灑筆清活圓潤能兼古人之長米海岳則

狂厲奇偉終墮一偏之失以孔門方之真有回路二子之別吳寬許書

歐陽率更顏平原輩以真為草李邕西臺輩以行為真姜夔續書譜

二王顏坡之中正高古縱其書不工亦無凡下之筆况於工乎二王書之經也顏坡書之傳也其餘則諸子百家耳郝經論書

勒字顏法也描字虞永興法也畫字徐季海法也刷字右軍法也李君實記米元章對徽宗語

案墨莊漫錄載米元章對徽宗語云蔡襄勒字黃庭

顏魯公文集卷三十一 書評一 八

堅描字蘇軾畫字臣刷字也此君實記語所自

顏書貴端骨露筋藏初書貴道筋骨盡露 唐人以書

判取士而士大夫字畫類有科舉習氣顏魯公作千祿字書是也王世貞藝苑卮言

案書家曰顏筋柳骨語本范文正祭石曼卿文

唐賢之資褚柳標幟論乎學力陸顏蜚聲項穆論書

童子入歲至十歲學楷書其法必先大而後小如顏魯公大唐中興顏東方朔碑按此二碑當薄紙鈎出填作

墨字稍成影本每日習五十字四年之功可得七萬字則他日作題匾大字有法禮道生學書法

宋文長論字體有學窠書今書家不解其義按顏魯公集有云點畫稍細恐不堪久臣今謹據學窠大書此法宋人多用之墨札之祖也 唐史稱顏真卿筆力道婉又稱柳公權結體勁媚有見之言哉今人竭力倣者但得其道而失其婉徒學其勁而忘其媚米元章所以有筆頭如蒸餅之謂也 楊慎丹鉛錄

藥草書或真或行或草大小疎密隨宜如顏平原坐位祭姪二帖是也 趙宦光論書

顏柳之書余一見即知其美今始識其用意之妙正猶有道君子泊然內運非久與之居不足知其所蘊也 孝方

顏魯公文集 卷二十一 書評一 九

孺遜志齋集 張長史旭傳書法於顏平原真卿傳柳京兆公權

零陵僧懷素鄂彤形章玩筆遡張從申以至楊少師凝式 解籍書學傳授

顏真卿書五丁鑿路柳公權書一夫開山 解籍續書評

米元章稱顏柳挑陽用意大過無平淡天成之趣固宜乃以為後世醜怪惡札之祖其所遺書曰海嶽名言者

屢屢言之嘻亦過矣蘇東坡嘗言書至顏魯公天下之能事畢矣蘇米皆名家而其言若此何哉 懷麓堂集

顏魯公每游名山必刻己姓名一置高山之巔一投深

谷之內曰焉知後世不有陵谷之變耶古人重名所以重其身今人不重其身只因不重名耳 魯公學書於張長史言長史楷法精詳特為真正此見書終以楷為重魯公楷書帶漢人石經遺意故祛盡虞褚娟媚之習此或長史口授法乎宋人謂魯公真不如行有意不如無意此非深知魯公者也宋人無真楷坐是故耳魯公書道輝映千古終以楷為極則也 庚子錦一夏記

顏清臣忠義大節唐代冠冕世人以其書傳蔡元長書法似米南宮以其人掩書兩美雙傷在人自擇耳 余

近來臨顏書因悟所謂折釵股屋漏痕者惟二王有之 顏魯公文集 卷二十一 書評一 十

魯公直入山陰之室絕去歐褚輕媚習氣東坡有詩於

子美書於魯公非虛語也 顏平原屋漏痕折釵股謂

欲藏鋒後人遂以墨豬當之皆成偃筆癡人前不得說

夢欲知屋漏痕折釵股於圓熟求之未可朝執筆而暮

合轍也 書家以險絕為奇此駁惟魯公楊少師得之

趙吳興弗能解也 書法惟貴藏鋒然不得以模糊為

藏鋒須有用筆如太阿剗截之意蓋以勁利取勢以虛

和取韻顏魯公所謂如印印泥如錐畫沙是也 顏清

臣書深得蔡中郎石經遺意後之學顏者以孤枝斬截

為入門所謂不參活句者也 畫神室

自宋以來做顏書者多以雄厚勁健求之此但得顏之
貌耳東坡元章皆謂顏出於褚以褚法求魯公乃得神
解魯公書宋廣平及郭太保廟碑於褚法流露為甚三
碑皆魯公極烜赫有名之書余此書取郭太保三分宋
廣平碑七分令其寬平駢宕無魯公平時方勁拙滯宿
習亦不令其圓熟落佐史氣格以此做魯公或亦微有

契耳虛舟
題跋

書法之壞自顏真卿始目顏而下終晚唐無晉韻矣至
五代李後主始知病之謂顏書有楷法無佳處正如父
手竝足如田舍郎翁耳李之論一出至宋米元章許之

顏魯公文集卷三十一 書評一

十一

曰顏書如蒸餅大醜惡可厭又曰顏行書可觀真便入
俗品米之言雖近風不為無理然能言而行不逮至趙
子昂出一洗顏柳之病直以晉人為師右軍之後一人
而已墨池
璣錄

案自來論魯公書者毀譽均過其實譽之者以為得
自羲獻父子或以為師法褚河南毀之者以為又手
竝脚如田夫或以為肥重似蒸餅即米元章一人已
條毀條譽迄無定論推其致毀之由因學公書入手
者多學之不善遂致癡肥板重臨摹數日皮毛盡得
滿紙俗塵其道婉處白首不能神似也余既歷徵各

家心得之言而以墨池璣錄所引嘗議之說附錄於
後為學書者戒非於公書有異議也况公以書傳書
以人重豈一藝擅長者所能幾及哉趙松雪書非不
佳至謂為右軍以後一人而已則非臨池公論也
隋龍藏寺碑歐陽公以為開歐虞之體碑陰則顏書
所自出也此語未經人道附識於此

張仁蘊德政碑

第七百七十二周醴泉縣令張仁蘊德政碑齊處仲撰

顏真卿正書長壽三年四月金石
錄目

右唐醴泉縣令張仁蘊德政碑長壽三年立醴泉尉顏

顏魯公文集卷三十一 書評一

十一

真卿書按魯公雖嘗為此官然在開元間而魯公以貞
元元年為李希烈所害年七十六上距長壽三年實九
十餘歲是時猶未生也又筆法與魯公他書不類以此
疑有姓名同者然碑武后時立而不用當時所製字或
云碑雖建於長壽中至魯公為尉重書而刻之未可知
也金石
錄跋

案年譜魯公以天寶元年十月授醴泉尉重書此碑
當在是時年三十四歲魯公宦跡所至如德州之東
方朔畫贊亦舊碑重書者然有文記其年月此碑無
記故趙德甫以有姓名同者致疑若謂筆法與魯公

他書不類公罷體泉後始與張長史旭講求筆法至天寶五載作張長史十二意筆法記書學始大進此書作於未師長史之前宜其筆法與他書不類也

郭虛已碑

第一千三百三唐工部尚書郭虛已碑顏真卿撰并正書金石錄目

郭虛已太原人官銀青光祿大夫守工部尚書兼御史大夫蜀郡大都督府長史持節充劍南節度度支營田副大使本道并山南西道採訪處置使上柱國贈太子太師諡曰獻魯公文集

顏魯公文集

卷三十一

書評一

三

郭揆碑

第一千三百一唐河南府叅軍郭揆碑顏真卿撰并正書天寶十一載三月金石錄目

郭揆字良宰虛已子也官河南府叅軍贈祕書丞天寶八載卒年二十四魯公文集

多寶塔感應碑

第一千三百三唐多寶塔感應碑岑勛撰顏真卿正書天寶十一載四月金石錄目

右唐多寶塔感應碑岑勛撰顏真卿書多寶塔者僧楚金所造楚金嘗寫法華經千餘部寶塔中今猶有存者

余於士大夫家數見之余亦得其一卷乃乾元二年肅宗所造卷首佛像絹素畫蹟尙如新也金石錄跋

多寶佛塔碑極言建塔光怪夢寐雲物感應不可致詰之事以及一時人主崇信之篤賜予寵賚之隆魯公又為大書而深刻之今千有餘年家畜人有其見重於人蓋不但如予之所取以魯公之大節名書而已佛之道果足重無窮哉葉感茶竹堂稿

右千福寺多寶塔碑顏公之書多矣惟此碑盛傳人間歐陽公作集古錄跋尾而此獨見遺惟趙氏金石錄有之謂多寶塔者僧楚金所造楚金嘗寫法華經千餘部

顏魯公文集

卷三十一

書評一

西

寶塔中趙氏復謂於士大夫家數見之則楚金之書至宋猶有存者碑今在陝西西安府學金聲琳琅

顏魯公多寶佛塔碑石刻在西安舊搗完善可讀公書如東方畫像家廟碑咸天骨道峻風稜射人此帖結法尤整密但貴在藏鋒小遠大雅不無佐史之恨耳弁州四部稿

魯公書多寶佛塔碑最寤束而世人最喜正如杜少陵詩佳處滿卷而學者徒取其硬澀處諱于建所謂蘭菑馨香人之所嗜而海畔有逐臭之夫者也嗟嗟世人苦不具隻眼而隨人語言以評古書此又曷足以言心

賞邪余故聊為淵泉道破必且能為我下一轉語也軒車

魯公正書惟此碑最著以其字比諸碑稍小便於展玩耳而結法視東方讚家廟碑似覺稍遜碑舊在典平千

福寺不知何時移立西安府學石鼎魯公諸碑惟此字法差小平易近人故學書家無不收

置之本 庚子錄 夏記

余十七歲時學書初學顏魯公多寶塔稍去而之鍾王

得其皮耳更二十年學宋人乃得其解處畫禪室

有宦秦中者向余言唐碑石皆如玉其字皆直刻入深

顏魯公文集 卷三十一 書評一 五

一二寸如今刻牙小印者然不似今碑但斜掠也後問

之李伯玉亦不盡爾惟此多寶塔等一二碑為然所以

經久不模糊此是魯公最勻穩書亦儘秀媚多姿第微

帶俗正是近世掾史家鼻祖又點畫太圓整筆寫不應

若此米元章謂魯公每使家僮刻字會主人意修改波

擊致大失真觀此良非誣又因此知顏書是腕著案書

案亦大有力倚此為墻壁則旋折皆如意不致欹斜但

作字時少減趣亦便無魏晉天然態耳今世所謂顏書

率師此亦以其有墻壁易學故大抵字必帶俗乃入時

眼乃盛行書畫

魯公書前輩多推宋廣平碑與爭坐位帖而楚金感應碑則在所痛貶余謂廣平爭坐未嘗不佳然求其始終

一貫無一懈筆則莫有過楚金者以魯公全力所在故

也當世善本惟金子見素家所藏宋搨宋裝號為第一

此雖不及金本然魯公全力所在絲毫不失而紙墨亦

舊是亦余家顏碑第一矣子孫其寶之毋失鐵函齋

魯公用筆最與晉近結字別耳此碑能專精學之得其

神便足為二王繼別得見真官帖乃徵吾言也當嘉靖

初陸文裕公已有日就剝弊之懼壇長所藏尚有風神

是百年舊搨宜珍視之予所觀記自吾鄉金文通公家

顏魯公文集 卷三十一 書評一 六

宋搨本而外未有過此也 書至陳隋如智永丁道護

漸趨勻整入唐而歐虞加之嚴肅非天下由分裂而之

太平魄兆於人文者乎褚公趁姿媚而少跌宕然永徽

之後又可觀矣顏出於褚而仍還勻整不可謂之不善

變也况豐碑與小字不同上下左右必如造凌雲臺稱

平眾木使輕重無錙銖偏負乃成章法邪米顛橫議至

云公真書便入俗品自歐虞以下悉謂其妄排費工由

是恣為傾欹楷法蕩盡又云開元以來始合時君所好

字體肥俗虞書今已不見唐刻歐書體方固未嘗瘠也

丁道護書多肉顏公頗與之近長短肥瘠如質文樞籀

環豈容舉此一碑為顏公早年書世人猶有以米顛論
獻疑亦未折其衷矣近歲摸搨日利且惜工價木強無
神明擅長二兄所收乃祕閣散出宋本結字之血脈用
筆之收放纖毫不失本真平日窺尋所得必有愈出不
可窮尚勿靳為我告之何義門題跋

多寶塔為魯公少時書魯公書碑徧天下權輿於此此
碑以前無魯公書也孔子廟堂碑亦同時書斷蝕已久
僅存數十字矣此碑書法腴勁最有態度魯公書多以
骨力健古為工獨此碑腴不贅肉健不贅骨以渾勁吐
風神以姿媚含變化正其年少鮮華時意到書也王元
顏魯公文集卷三十一 書評一 七

美論此碑謂貴在藏鋒小遠大雅不無佐使之恨是則
固然然近世學顏書者多至枯朽骨立以腴潤導之正
須從此覓指南車爾有明內庫所藏宋本亦嘗見十許
冊大約皆同時搨字畫風神纖毫不失惟以墨法老嫩
之間微分優劣爾如此本之墨光如漆古香滿紙向之
所見無第二也嶧谷吾友遵此殊絕過吾九龍山齋出
以示我獨不畏見者豪奪乎嶧谷慎之虛舟題跋
魯公之書模楷百代獨此碑後人尤嗜之幾於家有一
本矣康熙中石斷缺佛知見法為五字空王可托本願
同七字損歸我無空四字末行缺大夫行內侍趙思七

字予所藏者尙是百餘年前搨本較之近時搨者鋒穎
猶存真可寶也潘研堂金石文跋尾

多寶塔碑書者顏真卿結銜云判尚書武部員外郎唐
書百官志兵部尚書一人其屬有四一曰兵部二曰職
方三曰駕部四曰庫部龍朔二年改兵部曰司戎光宅
元年改曰夏官天寶十一載改曰武部此碑正立於十
一載四月則其時新改夏官為武部也尚書上加判字
史志未詳其制據兩唐書顏真卿傳則其時為東都探
訪判官再轉武部員外郎是所謂判者判採訪不知碑
何以云判尚書也新書傳真卿被害在興元元年年七
顏魯公文集卷三十一 書評一 七

十六舊傳云其生在景龍三年是書此碑年已四十四
虛舟以為少時書者約畧之詞耳金不萃編
案是碑及夫子廟堂記殘碑皆徐浩以隸字題額金
石萃編誤為篆額引新唐書浩署府時辨篆符之妄
以為兼工篆書之證蓋未見是額不知其為隸也天
寶三年始改年稱載碑中天寶元載二載蓋撰文者
追改非朝命也碑首題曰西京千佛寺唐書地理志
天寶元年改雍州京兆郡曰西京即今西安府治也
石墨鐫華謂碑舊在興平千福寺不知何時移立西
安府學長安志興平為西京屬縣其地無千佛寺亦

不言有是塔移立之說未足據末記建碑之日為四月乙丑朔二十二日戊戌是丙戌之誤當以夫子廟堂碑為正魯公署銜曰判尚書者以武部員外郎掌武官選舉總判兵部職方駕部庫部事金石萃編疑之誤矣萃編謂是時公為東都採訪判官當云判採訪此碑何以云判尚書不知天寶入載公以殿中侍御史為揚國忠所忌出為東都採訪使蔣冽判官此外官也十一載再轉武部員外郎則入為朝官矣安得復判採訪邪又魯公書碑時實是四十四歲其卒則在貞元元年八月年七十七歲萃編謂卒於興元

顏魯公文集

卷二十一

書評一

九

元年者亦誤也

夫子廟堂記殘碑

夫子廟堂碑唐程浩撰顏真卿正書徐浩篆額碑在杭州文簡古而妙碑頗小尙無恙宋釋夢英重寫刻石於西安學字徑寸碑帖
華州王氏掘地得石一片云員外郎顏真卿書又有云都官郎中東海徐浩篆其餘數十字則不成文不可知何碑但其字法雖嚴正而鈎磔處不及魯公他碑存之以俟考石墨
此文載於唐文粹為扶風縣文宣王廟記大曆二年鶻

部郎中程浩文而今西安府學有僧夢英書此一記其文正同但去扶風古縣也以下半篇其跋云此記元刻在湖州臨安縣夢英愛而書之豈駕部先作此於扶風魯公又書之於湖州而去其半篇邪又考唐地里志臨安縣屬杭州不屬湖州得非夢英之誤邪今華州有此殘碑數十字其文同金石文

此文浩以大曆二年作於扶風魯公書此於湖州華州有之非也疑後人偽作關中金石記

此碑文凡五百四十餘字今存者連銜名祇七十一字文存十之一耳檢唐文粹刻本有此文錄補成篇文粹

顏魯公文集

卷二十一

書評一

十

載此文題曰扶風縣文宣王廟記撰人為程浩今碑題與程浩名俱不存但存顏真卿書及徐浩名徐浩必是篆額者也顏真卿結銜存員外郎三字以本傳考之真卿之為武部員外郎在天寶初年此後未嘗官員外郎然此文末題大曆二年文粹所載要非無據未敢斷以為誤也文云浩自帝鄉薄遊鳳翔則此文專為扶風縣之文宣王廟而作魯公不應又書之於湖州至湖州之無臨安縣與杭州臨安縣之見無魯公書此皆夢英之誤記又不足深論總之此碑文為程浩作固無可疑其書碑結銜與作文之年不合當必有傳刻託名之誤而

碑在華州則或是殘石易於轉徙未可知也 金石萃編

案此碑程浩撰文顏魯公正書徐浩題額建於天寶

十一載四月原石久裂僅存華州王氏所藏殘石賴

有元賈度重摹本尙存當日碑式碑高僅二尺廣僅

一尺五寸連題款十有七行行二十五字首行題夫

子廟堂記五字二三四行皆低四格書駕部郎中程

浩撰爲一行朝議郎判尙書武部員外郎琅邪顏真

卿書爲一行朝散大夫檢校尙書都官郎中東海徐

浩篆爲一行第五行另起書浩文二百四十六字第

十六行文未接書唐天寶十一載歲次壬辰四月乙

丑朔廿二日丙戌建金石萃編所載諸家考辨皆未

見賈度摹本故以唐文粹所載大厯二年扶風縣文

宣王廟記爲真而疑華州殘石爲僞今案是碑凡有

四刻一唐天寶十一載刻卽程浩撰而魯公書者一

大厯二年扶風縣學刻文宣王廟記前半篇卽用此

文亦題程浩撰正書無書者姓名增入扶風古縣也

以下二百八十七字 文筆與前半篇絕不相類程浩

官至大厯二年相去十有六年矣不應仍以駕部郎

中題銜則此文後半係扶風人增入文粹則據碑本

採錄也又寶刻叢編引集古錄曰有大厯十四年七

月立馬辨新廟碑亦程浩撰魯公書浩銜題曰禮部

郎中魯公銜曰吏部尙書可見大厯二年立碑程浩

顏魯公文集卷三 書評一

顏魯公文集卷三 書評一

嘗爲都官郎中豈未見多寶塔題銜邪又偃師學有

貞元十五年張式撰徐浩神道碑云遷金部員外郎

轉都官郎中正在一宋太平興國七年釋夢英重書

天寶時並正於此

浩文刻於西安府學一元至正元年太平路總管賈

度重摹魯公書刻於所部今扶風西安二本及賈度

摹本俱存惟魯公原刻未見据夢英跋云此記元刊

在湖州臨安縣湖州無臨安縣固夢英誤記卽碑帖

紀證云在杭州碑尙無恙又豈可盡信邪天寶十一

載程浩與顏徐二公同官京師撰書此碑不應遠刻

於杭州今杭湖二州皆無是碑而斷石乃出於華州

土中則此碑當在華州卽殘石易於轉徙亦應在長

安爲近是夢英所見賈度所摹皆華石未斷時拓本

也碑帖紀證則据傳聞而載之非目見也扶風人增

入之二百餘字其云浩自帝鄉薄遊鳳翔亦託名浩

作以自重耳其實浩文止魯公所書之二百四十六

字也關中金石記疑華州殘石爲後人僞作今以賈

本校之行格正合作僞者不能如是之不謀而合石

墨鐫華云字法雖嚴正而鉤磔處不及魯公他碑今

以多寶塔碑校之字體大小正同而神氣亦無稍異

賈本載勒石年月二十一字與多寶塔碑全同可見

二碑書於一日惟多寶塔碑廿二日丙戌誤作戊戌

此碑作丙戌爲是金石萃編引通鑑四月是丁丑朔非乙丑朔其說亦誤附正於此并摹買刻於後以存碑式華石存字正寫買刻原文旁注

夫子廟堂記

駕部郎中程浩撰

朝議郎判尙書武部

員外郎琅邪顏真卿書

朝散大夫檢校尙

書都官郎中東海徐浩題額

天地吾知其至廣以其無不

覆載日月吾知其至明以其無不照

臨江海吾知其至大以其無

不容納料廣以寸管測明以尺圭航

大以一葦廣不能述其數明

不能私其質大不能亡其險偉夫

顏魯公文集卷二十一

書評一

三三

夫子後天地而生知天地

之始先天地而沒知天地之終非日非

月光之所及者遠不江不

海潤之所浸者溥三代禮樂吾其損益

百王憲章吾其消息君臣

以位父子以親家國用和鬼神以饗道

不可筌其有物釋未可證於無生一以貫之我

先師夫子聖人也古之帝聖者日堯古之君明者日禹堯之德有

時而息禹之功有時而窮

我夫子之道久而彌芳遠而彌光用之而昌捨之而亡昔否於宗

周今泰於

皇唐不然何耀衮而裳垂珠而王者矣唐天寶十一載歲次壬辰

四月乙丑朔廿二日丙戌建

此本得之冀寧廟學至正改元

三月吉日正議大夫大平路總管兼管內勸農事買度奉勅

顏魯公文集卷二十一

書評一

三三

顏魯公文集卷二十一終

寧鄉黃本驥仲良編訂

湘陰蔣 瓌維揚叅校

書評二

東方朔畫讚并碑陰記

河北道德州安德縣東方朔廟在縣北四十里唐大曆中刺史顏真卿重鑄夏侯湛讚碑見存太平寰宇記

案碑今在濟南府陵縣在宋為安德縣屬德州天寶

十三載魯公為平原太守重書是讚非大曆中

東方朔畫像讚臨川志云晉夏侯湛作初碑在德州天

顏魯公文集卷三十一 書評二

寶十三載平原太守顏真卿作大字勒之他石全碑在

宜黃富民家凡為石六丈高一丈五尺輿地碑目

案碑在陵縣並無遷徙王象之列於撫州云在宜黃

富民家當係傳聞之誤云凡為石六丈當作石廣六

尺則傳寫之誤也

唐東方先生畫贊晉散騎常侍夏侯湛撰唐平原太守

顏真卿書初開元八年德州刺史韓思復以贊刻於朔

廟後真卿為太守文已殘缺遂以天寶十三載十二月

重立此碑 唐畫贊碑陰記顏真卿撰并書及題額真

卿既易舊碑日記其事迹年月刻於畫贊之陰集古錄

右東方朔畫贊晉夏侯湛撰唐顏真卿書贊在文選中

今校選本二字不同而義無異也選本曰棄俗登仙而

此云棄世選本曰神交造化而此云神友 右畫贊碑

陰唐顏真卿撰并書湛贊開元八年德州刺史韓思復

刻於廟天寶十三載真卿始別書之集古錄

第一千三百二十六唐東方朔畫贊上第一千三百二

十七東方朔畫贊下夏侯湛撰顏真卿正書天寶十三

載十二月 第一千三百二十八唐畫贊碑陰記上第

一千三百二十九畫贊碑陰記下顏真卿撰并正書金石錄

顏魯公文集卷三十一 書評二

顏魯公平生寫碑惟東方朔畫讚為清雄字間櫛比而

不失清遠其後見逸少本乃知魯公字字臨此書雖大

小相懸而氣韻良是非自得於書未易為此言也東坡集

東方曼倩畫贊昔顏魯公守平原時為書今其石刻列

刻後世復為摹搨以傳然魯公於書其神明煥發正在

筆畫外若卷未墨而印於石者此待詔書爾果有道邪

公之幸今猶存者更數百年後石破字缺人間所得

皆其傳摹見者必唾而笑之其書不足傳也廣川書跋

案東坡評此書氣韻類王逸少廣川則斥為待詔書

更數百年必為見者唾笑一段一譽皆未得其寶

天寶十三載甲午魯公年四十六十二月有東方朔畫贊碑陰記魯公年譜

東方朔畫像贊碑陰記顏魯公書石刻在陵縣陵即古平原郡也故城址猶存今僅三之一耳碑已再刻余所得乃舊本雖小摩泐然其峭骨遺氣滄鬱奮張亦足辟易餘子兗州四部稿

此碑在山東陵縣王元美曾得舊本余所收乃長安故家者小小摩泐當與元美家搨本同書法峭拔奮張固是魯公得意筆也元美謂東方生蹟固奇詭夏侯文亦有壺公樹子意獨公書嚴整未稱不若留右軍寫其性顏魯公文集卷三三 書序二

情可也余則謂魯公以忠義而好神仙小說載公沒後指甲金色透出手背又寄家人手書事雖涉怪誕而亦可以證公深於神仙之術固東方生千載至契也然其筆却無物外姿態不如書汾陽家廟大是本色石璽鐫華此碑久毀東明穆先生得古搨重刻之石其期立等字多譌想其元搨漫滅者時有之矣余前過平原留意蹤跡之迄不可得後乃購得此本字更明悉何嘗有譌字且其篆題兼存尤古雅峻峭全無鈍質俗態此時陽冰稱高手乃其文采風流不及此十二字也其贊字視顏他書獨瘦勁恬適與家廟碑相上下蓋公中年制作最

為得意思此搨在穆先生所收數百年之前可見世之罕物時時在人家但不易遇耳 余既得先生畫贊自記希有之遇矣其後又得此記字比畫贊更大而筆尤

豐偉鋒芒轉換一一如新蓋搨更在前者遂成完璧其題乃八分魯公分書更少見尤可寶也記稱廟像捏素為之二細君秀侍風流可想而書之年為天寶十三載亂在目前而平閣李宋四公又以北平王判官巡按狎至然魯公兄弟又伺其旁則亂萌節兆又相參錯可為有國之永永鑒公所為培韓君開元八年之新碑而大書之者非亟也關係治亂當傳之百代耳墨林快事顏魯公文集卷三三 書評二 四

此贊在山東陵縣書法校他刻更嚴整予以曼倩生平極談譎後世乃有以極正之筆書其贊者使曼倩見之當為骨竦庚子第夏記右記晉夏侯湛撰顏真卿書唐諱御名凡書行文至無可避處往往缺一筆以存其意魯公於此記民字一見則缺末筆世字三見宏字一見皆不缺且此記載昭明文選中集古錄云較選本三字不同而義無異按選本日神交造化此云神友選本云棄俗登仙此云棄世夫因避諱而改古人之文或有之矣此則改前文以犯諱何也金石後錄

案宏高宗太子名卒後追諡孝敬皇帝改宏農郡為恒農宏文館為昭文開元七年復至魯公書碑時久不諱矣

魏晉以來作書者多以秀勁取姿欹側取勢獨至魯公不使巧不求媚不趨簡便不避重複規繩矩削而獨守其拙獨為其難如家廟元靖等碑皆其晚歲極矜練作也此碑書於天寶十三載距貞元元年七十有七為李希烈所害尚三十有二年則此為四十五歲時所作乃其盛年書故神明煥發而時出姿態不失清遠耳東坡謂魯公此碑字字臨逸少雖大小不倫而氣韻良是顏魯公文集卷三二 書評二 五

按右軍為王修書東方朔畫贊修死其母以其生平所愛納之棺中則知右軍書不傳久矣故常擬以為偽而董廣川亦謂後人為之託逸少以傳今觀魯公後記云取其字大可久不復課其工拙厚自謙抑明是自書又其文字與右軍所書多不同決知其非臨右軍書矣安世鳳墨林快事謂此碑久毀東明穆先生得古搨重刻之故其期立等字多譌據此則此碑今為重刻然較文選所載原文惟棄俗作葉世神交作神友耳此外絕無譌字不省安氏所云多譌者是何刻也或其所見是南渡後權場所市覆本亦未可知碑首兩額皆魯公所題

前贊不書互見耳安氏稱十二字古雅峻拔陽冰高手不及未免譽過其實此書方整實不及陽冰余以魯公篆隸絕少故并臨之 按舊唐書楊國忠怒公不附已出為平原太守平原去范陽不遠為祿山東戶是時祿山反兆已萌公託霖雨修城池料丁壯儲廩實乃陽會女士泛舟外池飲酒賦詩祿山以為書生易之遂不為防而竟為公所因此碑立於天寶十三載距祿山之反一載耳而斤斤為此不急之務大書深刻惟恐後時蓋卽當時飲酒賦詩之意明示祿山以書生所急不過如此使祿山以為不足慮而後可圖大計耳蓋公之用意

顏魯公文集卷三二 書評二 六
深曲一至於此千百載後覽此碑者但賞其書法之佳豈知公之苦心有不可明言者哉余故表而出之使覽此碑者直當比於馬賊齒擊賊笏未可但以書目之也
竹雲
題跋

碑陰記云殿中侍御史平公冽等咸以河北採訪使東平王判官巡按押至真卿候於境上而先生祠廟不遠道周亟與數公同遊茲廟舊唐書安祿山傳引平冽李史魚在幕下以此記推之又有閻寬宋審二人與平李並無判官則祿山包虜禍心壁後置人蓋其夥哉曜卿見臬卿傳開元中與兄春卿弟曜卿並以書判拔萃超

等者畢燿見酷吏敬利傳與毛若虛裴昇畢曜同時爲
御史又叛臣喬琳傳子儀表琳朔方府掌書記與聯舍
畢曜相掉許宰相世系表曜侍御史今碑作燿不從日
按唐書畢構傳子炕世系表炕與曜爲一格疑皆從火
碑所書爲正杜集存沒口號畢曜仍傳舊小詩曜一作
耀亦燿之轉投堂金石跋

案杜少陵集有寄韋有夏郎中詩潘淳曰顏魯公東
方朔碑陰有朝城主簿韋有夏殆斯人邪今碑作韋
夏有當別是一人否則杜集誤也

東方朔畫像贊云大夫諱朔平原厭次人魏建安中分
顏魯公文集卷三十一 書評二 七

厭次爲樂陵郡故又爲郡人焉厭次今移屬樂安郡東
去祠二百里故厭次城在今平原郡安德縣東北二十
二里廟西南一里攷漢志無厭次蓋高祖功臣表有厭
次侯爰類是起於楚漢間後省後漢明帝始更富平爲
厭次非朔之里居也唐志以厭次移屬棣州樂安郡卽
後漢富平故去祠轉遠其厭次故城在平原郡安德縣
東北者是爲朔之故里而廟亦隸焉樂史太平寰宇記
河北道德州安德縣東方朔祠在縣東四十里唐刺史
顏真卿重鐫夏侯湛贊見存于欽齊乘東方朔墓在德
州東四十里古厭次城北祠在墓南顏魯公書畫贊立

碑祠下今碑移州署顧炎武云今在陵縣署內顏公云
去安德二十二里樂史于欽云四十里小參差碑陰記
云其像則捏素爲之以兩細君侍焉按朔傳注以細君
爲朔之妻又宋當陽妻龍氏輔女紅餘志序稱爲細君
今言有兩細君則爲妄矣又玉臺新詠云漢武帝元封
中以江都王女細君爲公主嫁與烏孫昆彌至國則細
君似亦通稱殊述

畫贊碑陰記云先生事跡載在太史公書漢書風俗通
按太史公書無東方朔傳褚少孫附益史記滑稽傳則有
之似當作續太史公書清白土集

顏魯公文集卷三十一 書評二 八

往在京師陳孝廉對初寓齋見舊榻像贊及碑陰記不
忍釋手嗣後每遇對初輒求觀之甲申秋寓張中丞日
涉園忽於敗簾中得此雖不及對初本然亦順治間搨
也魯公書廣平碑側記而外卽當以此爲最而趙子函
以其無物外姿態謂不如汾陽家廟豈以弁州之言而
云然邪 三山林同人得畫贊四紙歸舟獨建溪石爲
水所壞後於故家購得一本而無碑陰每以爲恨余茲
並得於日涉園雖不及陳對初家搨要亦可以傲同人
已鐵函齋書跋

右碑在今陵縣大字徑三寸許方整奇偉不減家廟碑

金石錄

東方朔畫像贊碑陰記其云河北採訪使東平王者安祿山也平冽李史魚二人名見唐書祿山傳碑建於天寶十三載季冬其明年祿山亂作矣

潛研堂金石跋尾

右畫贊文凡二十二行碑陽十八行和而不同樓遲止碑陰四行下位聊以從容起後刻記文十四行陵縣志載東方先生祠在神頭店即漢之厭次縣也顏書八分惟見此額

山左金石志

案是碑係四面旋刻畫像贊二十二行陽面十五行

側面三行陰面四行碑陰記十四行陰面十一行側

顏魯公文集

卷三

書評二

九

面三行山左金石志僅載陰陽兩面非也

碑在濟南府陵縣今之陵縣在唐時謂之安德縣隸德州平原郡屬河北道兩唐書顏真卿傳但言為宰相楊國忠所惡出為平原太守而不詳何年據此碑云去歲拜此郡則是天寶十二載也此碑立於天寶十三載在祿山反之先一年正魯公陽會文士飲酒賦詩之時而完城浚池等事亦即在此一年之內傳所謂祿山密偵之者殆即碑陰所記平冽諸人乎設使此碑不書則過此一年遂不及作矣古今名蹟之傳誠有數存非偶然也

金石錄

萃編

碑陰記所謂東平王者安祿山也平冽李史魚皆祿山幕下之人當是時忠與逆尙未分一朝失足千古同恨觀是碑者可不懼哉

金石錄文鈔

咸寧縣孔子廟碑

唐咸寧縣孔子廟碑顏真卿書

天下金石志

案此碑未載撰人姓名亦無建立年月疑即天寶十四載四月程浩所撰之文而魯公書之也然無確據未敢遽斷攷咸寧係京兆附郭縣天寶七載改萬年縣曰咸寧乾元中仍名萬年魯公自天寶十二載出為平原太守至肅宗至德二載十月始由東京扈從

顏魯公文集

卷三

書評二

十

回京十二月又出為同州刺史至乾元二年二月始徵為刑部侍郎八月又貶蓬州長史計公在京之日甚少宜無書碑之暇此碑以咸寧標題仍附於天寶之末以俟詳攷

請御書道遙樓詩碑額表

唐元宗御製登道遙樓詩并分書太常卿姜皎書年月蒲州刺史王珣以詩刻石請御書碑額表一蒲州刺史顏真卿書答詔肅宗書以乾元元年立

集古錄

第五百八十唐太宗登道遙樓詩長孫無忌楊師道行書貞觀十二年二月明皇八分書詩顏真卿正書王珣

表附金石錄日

案魯公以乾元元年三月除蒲州刺史所書請御書
逍遙樓詩碑額表乃前蒲州刺史王璵所撰逍遙樓
在蒲州太宗元宗嘗幸其地皆有登覽畱題之作璵
既刻詩於石復請肅宗題額而屬魯公為書其表

祭姪季明文

魯公祭姪季明文文章字法皆能動人黃山谷集

第一千三百五十七唐祭姪季明文顏真卿撰并行書

乾元元年九月金石錄日

乾元元年戊戌公年五十按通鑑臬卿姊妹及泉明之

顏魯公文集卷三十一 書評二 十一

子流落河北是年公守蒲使泉明往求之九月有祭姪

贊善大夫季明文魯公年譜

峻拔一爾潛虛半股此於書法其體裁當如此矣至於
分若抵背合如並目以側映斜以斜附曲然後成書而
古人如此蓋盡之也魯公於書其過人處正在法度備
存而端勁莊持望之知為盛德君子嘗問懷素折釵股
何如屋漏痕曰老賊盡之矣前人於其隱處亦自矜持
不以告人其造微者然後得之此二體又在入法六體
外乃知書一技而其法之眾至此公祭兄子文殆兼存
此體者也廣川書跋

右唐人摹顏魯公祭姪文真蹟一卷公節偉矣日月有

蔽蝕山河有噴決而一門之金石英烈言言炳炳實與
天地相為終窮是帖蓋當時奠祝之文片言所存皆足
以對越無愧數百世而下讀之尚使人凜凜有生氣也
嘉定乙酉歲十一月高安倅沈君鐘聲甫得之書上名
卿家明年二月書來緘以見遺筆法蓋雙鉤摹體紙亦
唐世物贊曰當天寶之季歲騰紫宮之長慧駭漁陽之
駃騠將道洛以飲潤以十五萬眾鼓行之勇涉二十四
郡無人之地偉顏門之競爽獨舍生而取義有常山以
為之兄有魯公以為之弟合羣從而死難勸三軍而雪

顏魯公文集卷三十一 書評二 三

涕蓋將豁百世而開曠濼澄六合而蕩氛翳手締絕紐
躬支橫潰射羿日之並出扶杞天於將墜斯文也所謂
質之鬼神而無疑建諸天地而不恃又豈止於區區之
一醉於虜誤主有人效忠何罪胡大謬之正不至於林
甫之流而所遭之慘乃及於泉明之輩予持此評氣洵
心痲豈徒贊八體之書抑以代千載之誅岳珂寶真堂法書贊
顏魯公唐朝第一等人字畫雄秀奄有魏晉而自成一
家前輩云書法至此極矣予嘗見公為叔書告身一通
楷法嚴甚案叔當作伯謂元孫告也聞公行書尤佳不可得見但時
摩挲乞米石刻想象風致耳今王君出示公祭姪季明

文稿一紙詳玩此帖縱筆浩放一瀉千里時出道勁雜以流麗或若篆籀或若鵝刻其妙解處殆出天造豈非當公注思爲文而於字畫無意於工而反極其工邪蘇文忠謂見公與定襄王書草數紙比公他書尤爲奇特信夫如公之忠賢使不善書千載而下世固愛重况超逸若是尤宜寶之撫卷三復敬歎因題其末吳郡陳深識 右魯公祭兄子季明帖前十二行甚邁絕行未循爾既事字右轉至言字左轉而上復侵恐字右旁繞我字左出至行端若有裂文適與荷紙縫合自爾既至天澤逾五行殊驚怒眞屋漏迹矣自移攸乃改吾承至尙

顏魯公文集卷三 書評二 三

饗五行沈疴切骨天真爛然使人動心駭目有不可形容之妙與禊叙稿哀樂雖異其致一也承字掠策啄磔之間嗟字左足上搶處隱然見轉折勢擡字如泰山壓而砥柱郵末哉字如輕雲之卷日饗字變劍如驚龍之入螫吁神矣觀此見眞蹟無疑按史公自馮翊太守轉蒲州刺史封丹陽縣子而帖自署開國侯蓋史誤也果卿爲公之從父兄而季明謂公從祖叔父塗從父字加第十三於叔上公之處名義一字不苟可法也季明果卿少子以死事贈五品官則贊善大夫是已天寶末果卿爲范陽戶曹安祿山表假常山太守祿山叛公爲平

原太守遣甥盧逖約起兵時果卿長子泉明方往返眞定內邱間計事報盧逖使平原屬之季明宜也元宗不識眞卿爲何如人而顏氏兄弟子姪戮力王室如此一門忠義其自來邪元宗拜果卿中丞因傳檄河北陽言王師大至遂開士門十七郡同日推公爲盟主兵勢振矣賊懼急攻常山太原尹王承業不救於是果卿父子被執刃加季明頸謂曰若降活汝子不答遂殺季明果卿至洛陽乃遇害明年史思明歸國又明年則乾元元年也泉明自常山陷後客壽陽清溝之敗復陷思明至是歸公於蒲州以公命購果卿季明尸於洛陽河北果

顏魯公文集卷三二 書評二 一四

卿僅得一足與張湊所歸髮葬長安風栖原季明同坐據此帖季明歸櫬惟首而已哀哉此帖作於泉明購尸還蒲之日死生亦大矣士大夫平居抵掌高議視死宜若易然觀史及此帖髮膚有所不敢遽忍殘身至此邪兄弟子姪駢首就死豈易易哉顏氏出魯國子淵平日循循如和風慶雲及畏於匡孔子意其必死則其履嚴霜烈日之變坦如康莊聖人旣信之矣一門忠義可不謂有所自來邪吳興陳繹會書 米元章以顏太師爭坐位帖爲顏書第一謂其字相連屬詭異飛動得於意外最爲傑思而黃山谷謂祭姪季明文文章字法皆能

動人正類坐位帖二帖宋時並藏安師文家安氏之後不知流傳何處坐位帖世有石本而米氏臨本尙在人間余嘗見之與此帖正相類然元章獨稱坐位者蓋嘗屢見而祭姪則聞而未親今寶章錄可考宜其並稱坐位而不及此也世論顏書惟取其楷法遒勁而米氏獨稱其行草爲劇致山谷亦云奇偉秀拔奄有魏晉隋唐以來風流氣骨回視歐虞褚薛輩皆爲法度所窘豈如魯公蕭然出於繩墨之外而卒與之合哉蓋亦取其行書之妙也況此三帖皆一時稿草未嘗用意故天真爛漫出於尋常畦徑之外米氏所謂忠義憤發頓挫鬱屈

顏魯公文集

卷三

書評二

五

意不在字者也聶君文蔚出以相示俾爲鑒定後有陳深繹會二跋深字子微號寧極翁宋季吳人繹會字伯敷元吳興人二人並以字學知名而敷語考訂精審余復何言姑取黃米之論以備二帖折衷亦補二陳之遺云長洲文徵明書

停雲館帖

續閱顏書祭姪文稿定當以鮮于樞張晏跋尾本爲真贋云 新都吳氏藏顏書祭姪文真蹟後有鮮于樞張晏跋而無停雲館刻陳深陳繹會文徵明三跋中間顏書神妙其結構與石本微有不同當亟購之冀爲三公解嘲夫二陳與文世所稱博雅士也乃稱破鐘爲黃花

眞賞之難如此 清河書畫舫

海鹽張黃門靜之藏顏魯公祭姪文史丈爲予說 都穆寓意

今世所傳石本卽停雲館所摹之本也戲鴻堂亦有此帖筆畫絕異而似稍佳豈書畫舫中所謂真蹟卽戲鴻堂所摹者是而此與停雲館刻果屬偽迹耶慨真蹟不可得見其是非究不能知徒結想於夢寐云爾 昔陳繹會據史以跋此帖至爲詳悉第謂泉明購屍洛陽泉卿僅得一足則因新史之文未明而誤按舊唐書泉明求其父屍於東都得行刑者言泉卿被害時先斷一足

顏魯公文集

卷三

書評二

六

與履謙同坎瘞之及發瘞得屍果無一足卽日與履謙之屍各爲一柩護還長安其文明白因錄於此不使滋後人之惑云 金石文鈔

魯公三稿皆奇而祭姪稿尤爲奇絕蓋泉明以公命購泉卿季明屍於洛陽河北泉卿僅得一足季明僅得一首魯公痛其忠義身殘哀思勃發故縈紆鬱怒和血迸淚不自意其筆之所至而頓挫縱橫一瀉千里遂成千古絕調想爾時祭兄泉卿亦自有稿意其雄絕處正復不減今不傳耳明季墨迹在吳太史用卿家刻餘清帖中爲祭姪刻本第一停雲館或云米臨非魯公筆也平

生爰臨魯公三稿不惟喜其書以其可以發人忠孝之思故援毫濡墨輒覺腕底有魯公神至所謂古斂脚屋漏痕峻拔一角潛虛半股諸微妙不傳處筆墨之間自有契合正不足道也

竹雲題跋

肅宗乾元元年公年五十歲三月除蒲州刺史先是安祿山反遣其將蔣欽湊等以五千眾守土門公從兄常山太守杲卿起兵討賊以計殺欽湊開土門之路并擒其將高邈何千年遣子泉明械送京師公所謂土門既開克威大蹙者也泉明至太原節度使王承業攘為己功而泉明不遺及告急承業又擁兵不救城遂陷杲卿

顏魯公文集

卷三

書評二

六

州刺史封丹陽縣開國子而公所自署乃云開國侯蓋行狀及史之誤當以公所自署為正 杲卿歸髮事舊史不載新史但記其略云杲卿被殺殉首於衢莫敢收有張濬者得其髮持謁上皇是夕見夢帝寤為祭後濬歸髮於其妻妻疑之髮若動云又魯公所撰杲卿碑云公初被殺懸首於右金吾街樹有張濬者收其髮謁元宗俄見夢云禦捍處多兵馬少元宗哭而設祭焉後濬以髮至夫人疑之憑牀而哭忽聞聲如鞭牀者髮箱跳而前夫人始駭信之此事怪甚然以杲卿之忠烈其精誠直可貫日月蒲蒼穹雖骨化魂銷千載以下血當成碧况及身之膚髮乎箱跳而前固無足異且魯公非妄語者其為杲卿作碑應更無訛故新史亦因之特語少簡耳此碑唐元和中已亡宋趙德甫金石錄特據公賜盧佐元所重書者詳錄其事恐久遠湮沒故牽連書之著於祭姪稿後

虛舟題跋

金天王廟題名

第一千三百五十九唐金天王廟題名顏真卿正書乾

元元年十月

金石錄目

乾元元年戊戌公年五十月除饒州刺史有華嶽廟

題名

魯公年譜

顏魯公金天王廟題名極邁偉而三戈法不無可恨州

歐陽文忠集華石題名自開元至清泰五百餘人今存者魯公二石每見人妄希託石以傳而不知石終託人以傳耳庚子鄒夏記

案華廟唐人題名見存者凡七十二段不止魯公一

人魯公題名在周天和碑側亦無二石而王弇州亦

謂謁廟題名後另題行筆當是二十年使李希烈而

重題者也所稱奉命來此云云卽世所傳奉使帖也

今奉使帖刻在同州府乃宋靖康元年知州軍事唐

顏魯公文集卷三十一 書評二 一九

重重摹非魯公原刻今據弇州退谷所記則奉使題

名原刻當在華廟或明季尙存而今佚之邪存以俟

攷

公以乾元元年三月自馮翊太守改刺蒲州尋爲御史

唐文誣搆卽於是年十月改刺饒州道經華陰乃與監

察御史王延昌等同遊華嶽題名金天王祠當是時公

內忌於宦官外誣於酷吏連遭貶斥罷於奔命殆無虛

日而從容暇豫題名華嶽如無所事者然蓋公之義命

自安不爲威武所屈貧賤所移此可見矣 金天王華

嶽神也舊史元宗紀開元元年九月封華嶽神爲金天

王虛舟題跋

案新舊兩傳皆謂魯公始爲楊國忠所忌出爲平原

太守既爲宰相所忌出爲同州刺史所謂宰相者未

實指其人以宰相表攷之其時爲崔圓李麟苗晉卿

三人不知忌者爲誰然公實未嘗爲宦官所忌也虛

舟謂當是時內忌於宦官此語似未實

顏真卿題記以唐書本傳及開元剛年譜攷之公以肅

宗至德二載十一月出爲馮翊太守三載三月除蒲州

刺史十月又除饒州刺史其貶饒州爲御史唐文所誣

顏魯公文集卷三十一 書評二 三

平原太守充本郡防禦使公以景城長史李暉爲副前

侍御史沈震爲判官又詔公爲河北採訪處置使公又

以前咸陽尉王延昌爲判官張澹爲支使是年秋祿山

遣將史思明尹子奇等併力攻河北諸郡前後百餘日

饒湯河間景城樂安相次而陷所存者平原博平清河

三郡而已人心潰亂不可復制公乃將麾下騎數百棄

平原渡河取路朝肅宗於鳳翔初公之未渡河也謂判

官穆寧張澹曰賊勢旣弱若委命待擒必爲所快心今

計徑赴行在公以爲何如寧澹與諸將然之遂行朝廷

除公爲憲部尙書令狐暉神道碑曰時前殿中侍御史

沈震廬山尉穆寧武邑丞李銚清河主簿張澹各杼器
能參贊成務此王延昌穆寧張澹等與之偕所自來然
攷穆寧傳寧以明經調鹽山尉祿山反寧募兵斬偽景
城守劉道元聞真卿拒祿山卽馳謁謂曰我可從公死
旣而賊攻平原寧勸固守真卿不從夜亡過河見肅宗
行在帝問狀真卿對不用寧言以至此帝異之召寧將
以諫議大夫任之會真卿以直忤旨寧亦罷上元初擢
殿中侍御史與行狀寧澹然之之說有不合則當以史
爲正者矣

關中金石記

顏魯公文集

卷二十一

書評二

三

顏魯公文集卷二十一終

寧鄉黃本驥仲良編訂

湘陰蔣 瓌維揚叅校

書評三

告伯父濠州刺史文

顏真卿祭叔濠州使君文案叔當作伯父真蹟紙書改抹多在

長安安氏子師文攜至京寶章待訪錄

第一千三百五十八唐祭伯父濠州刺史文顏真卿撰

并行書乾元元年十月金石錄目

乾元元年戊戌公年五十五十月至東京拜掃有祭伯父

顏魯公文集卷二十三 書評三

濠州刺史文濠州按遺典春秋末鍾離子之國晉僑置

徐州安帝時爲鍾離郡宋廢入南兗州齊置北徐州北

齊爲西楚州隋開皇二年以地枕濠水更曰濠州自大

業至唐武德天寶乾元改爲郡若州者再地理志謂濠

字初作濠元和三年改從濠元和郡縣志濠字中間誤

去水元和三年字又加水彭晁社亭記碑陰載武德間

州印濠字亦不從水元和二年刺史崔公中奏請依舊

以濠水爲州名三年八月敕濠從水省司重造新印改

之濠州乃開皇舊名武德以後始作濠也今舊集作濠

誤當從碑本管公年譜

長安安氏富蓄法書顏帖數種此其一也觀其筆法圓

勁初不用意實爲奇蹟又歎魯公之義烈而會不得少

容於朝廷至逐爲饒州刺史迄不免淮西之行則時事

可知矣元祐九年甲戌四月會稽公穆父題 紹聖初

載九月八日上御集英殿策賢良方正陳暘等三人臣

京臣總臣執中臣服臣古臣陶臣下同待詔殿門同觀

此書卞記 右唐顏魯公祭伯父濠州刺史文稿真蹟

宣德八年秋九月丙申前史官國子祭酒兼翰林侍講

太子賓客致仕胡儼拜觀謹題 右顏魯公祭其伯父

濠州刺史公文稿一通觀其出爲饒州刺史眷眷朝廷

顏魯公文集卷二十三 書評三

之恩以一門生死哀榮告伯父於地下略無怨望非上

之心真可謂懷忠之士也當明皇寵祿山公固知其必

反張九齡亦知其有反相人主蔽錮已深而不之知及

反公以平原太守起兵討之明皇歎曰二十四郡都無

一人義士獨不識顏真卿何狀而能若是嗚呼其真不

識也那苟識之無能聞之者先與從兄杲卿同心戮力

摧挫賊勢杲卿死於賊真卿亦不容於朝九齡隨罷祿

山猖獗幾覆唐祚可勝歎哉公歷仕三朝數爲儉邪所

構累斥而卒至縊死嗚呼悲夫天乎人邪徒起萬世之

下扼腕而已撫爲過化之邦祠而祀之宜也其手澤之

留於撫者人知寶之代歷兵燹翰墨猶新重若拱璧兼
金其有以夫宋元祐中錢勰紹聖中蔡卞題其後皆可
以為奇蹟觀其字體有快戟長劍龍跳虎臥之勢可謂
發諸心畫者也撫郡李懋德氏藏之累世屬書副本乃
為錄之如右并題其後觀者當知其忠烈之不磨也宣
德九年龍集甲寅春二月朏文淵閣祕書校正豫章進
賢包彥孝書 此顏魯公祭文草也公自蒲州刺史封
丹陽縣侯乾元元年御史唐文誣劾貶饒州至東京作
文以祭伯父及其一門之親約可三百餘字雖改換塗
抹然字字皆有規矩不失常度予觀生平碑刻正書其

顏魯公文集

卷二十三

書評三

三

峻聳如山嶽鋒利若戈戟其嚴毅莊重如端尺雅士垂
紳正笏於廟堂之上不敢褻近此則小行書也剛勁而
圓熟與乎坐位帖大略相似予未敢以伯仲評之也爭
坐石刻此則墨蹟尤為可寶自乾元迄今已近千年楷
墨完美筆畫爽朗而其精神英發雖在草草之間正氣
凜然史稱其如秋霜烈日可畏而仰非虛語也宜乎博
雅君子珍藏什襲愈久而不失也公歷官至太子太師
李輔國惡之盧杞嫉之屢遭貶逐年八十遣使李希烈
雖不屈罵賊而死亦少知幾哉悲夫景泰四年秋七月
既望朝請大夫贊治少尹南京國子祭酒致仕前翰林

侍講史官陳敬宗謹題 顏魯公祭伯父濠州刺史文
舊在長安安師文家安氏別有魯公書草五紙米老嘗
盡得之然獨以此祭文為天下奇書今從昆陵陸諭德
廉伯借觀累日信米老之言不虛也感慨之餘敬題其
後吳郡李姓應禎 萬曆庚戌二月八日人以此卷來
質錢至八月八日贖去歷閏月凡留清樾堂中百八十
日闕二句又復來歸遂獲永寶日華式古堂書
案卞氏所錄七跋內陳敬宗一跋與秋碧堂刊行虎
邱清遠道士詩陳繼跋語意全同卞刻在先虎邱詩
跋疑是後人偽託

顏魯公文集

卷二十三

書評三

四

此帖與祭季明姪稿法同而頓挫鬱勃少似遜之然風
神奕奕則祭季明姪稿小似不及也未有緇郎題名州
四部

案弇州所見亦墨蹟也云末有緇郎題名今式古堂
所錄七跋無緇流名或者最後一人題日華而不著
其姓即弇州所謂緇郎歟

山谷老人論爭坐書猶不及祭濠州刺史文之妙蓋一
紙半書而真行草法兼備也弇州山人云此帖與祭季
明姪稿同而頓挫鬱勃少似遜之然風神奕奕則祭姪
稿小似不及也按江村高氏第夏錄此稿尚在人間余

夫之見所見惟淳熙續帖及吾家特圖帖刻本筆力緩
弱殊不稱魯公風骨余參取論坐祭姪兩稿筆意臨之
未知果與魯公真蹟合否耳 按雷元剛年譜乾元元
年公年五十歲三月除蒲州刺史先時泉卿妻妹兒女
及泉明之子皆被賊拘囚流落河北至是公使泉明往
求之九月得姪季明首視故祭姪季明文有攜爾首視
及茲同還之語尋為酷吏唐文所誣以十月改饒州刺
史至東京拜婦以骨肉歸京暨一門即贈告於濠州刺
史濠州名元孫泉卿之父也祭姪時刺蒲州故銜稱蒲
州刺史告伯時改饒州刺史又行狀及新史皆稱封丹
顏魯公文集 卷三三 書評三 五

陽縣開國子而兩稿公所自署皆稱開國侯乃記載所
誤當以公所自署為正 竹雲題跋
公以乾元元年三月刺蒲州尋改饒州至東京以一門
郎贈及戚屬還京告於濠州伯父因有告祭以成禮以
非特祭故敏而不文世稱祭伯父者非也祭季明稿心
肝抽裂不能自忍故其書頓挫鬱屈不可控勒此告伯
文心氣和平故容夷婉暢無復祭姪奇崛之氣所謂涉
樂方笑言哀已歎情事不同書法亦隨以異應感之理
也按史常山城陷泉卿為賊所執械送東都泉卿宗子
近屬皆被害泉卿妻女及長史袁履謙等妻女數百人

賊皆繫之獄及郭子儀李光弼自土門東下收復常山
乃破械出之給遺周厚會泉明求訪戚屬亦至乃悉以
歸蒲州於時魯公刺蒲州也告文云脫於賊手並得歸
京蓋既歸蒲公隨所歸資送之故並得歸京也告文云
甥姪季明盧邀等八人皆被賊害舊史載泉卿幼子誣
姪詡新史顏春卿傳載泉卿甥博野沈盈并此季明盧
邀凡五人而亡其三家廟碑乃有子幹沛及顏頗者公
之子劉峇奴以漁陽歸順公遣泛海為質者也於是入
人始全又按史公以土門既開十七郡同日歸順加戶
部侍郎後朝肅宗於靈武授工部尚書兼御史大夫河
顏魯公文集 卷三三 書評三 六

北採訪摺討使至德二載四月公朝鳳翔授憲部尚書
官位次第與此文不合當由史誤或云公欲約言之故
不復計其先後歟又家廟碑後敘魯公子有沂水縣男
顏新泰縣男頌此文無之意爾時尚幼未有所立故不
之及而此文有華亭丞袁衡家廟亦無之豈作家廟時
袁衡已早逝歟所未詳矣 虛舟題跋
案舊史載泉卿幼子誣姪詡云云觀泉明之子泉卿
之孫也非幼子詡泉卿之姪孫也非誣被害八人中
沈盈盧邀皆泉卿之甥幹沛皆季明之子泉卿之孫
也顏則魯公之子也天寶十五載年十餘歲為質於

平盧將劉正臣旋復歸依杲卿及常山陷傳聞頗死賊中故亦蒙卹贈至大曆八年公刺湖州頗始自河北生還蓋從死者止七人而頗之得免公祭伯父時尙未知也大曆九年公撰湖州妙喜寺記云愚子頴顧家廟碑載公子頴頴皆無頗名疑撰家廟碑時頴已先卒故仍書贈銜而頴頴則頗顧之改名也此文所載允南公同母兄允臧公同母弟威明杲卿子泉明之弟季明之兄也頴允南之子頂公兄幼與之子頴頴頴皆公之兄子所敏子姪皆以蒙恩遷秩得書故公子不備列非若大宗家廟二碑歷詳族系也

顏魯公文集

卷三

書評三

七

虛舟謂此文有華亭丞袁衡家廟碑亦無之今所存祭文稿內並無袁衡之名魯公子姪見於碑集者不下四十餘人亦並無其人且袁姓也衡名也卽有其人亦應是常山長史袁履謙之子姪不知虛舟何以闕入此文跋內 又案魯公草稿傳於世者止祭姪祭伯父爭坐位三種而已道光四年丹徒包祥高又得謝贈祖官謝兼御史大夫讓憲部尙書三表草稿刻於漢上其文皆見魯公集中其書則臨坐位稿者僞作也贈祖官表內刪去建一言而天下倚平含九德而三光式序二句此乃公撰宋廣平碑語移置於

此廣平爲有唐賢相固足當之魯公之禮昭甫僅王府屬官以杲卿死事推恩贈華州刺史固不得謂天下倚平三光式序况臣於君前自譽其祖有如是者乎蓋作草稿不能不有塗改欲自作又恐不類魯公語氣卽竊取魯公他文以售其欺而不知敗露處卽此一端已無庸置辨矣又讓憲部表云殞身碎首何以報上初寫作何以上報上字另行拾寫乃塗去上字添注於報字之旁若係魯公自改則應於何以下添報字塗去另行報字則上字仍係拾寫此定理也上報之上輕報上之上重豈有塗去尊重之字而旁

顏魯公文集

卷三

書評三

八

注者乎其餘塗抹之字皆係後文所有而故書於前者所謂心勞日拙作僞者固不能自掩其僞也今不錄其書而附辨於此

與蔡明遠帖

右蔡明遠帖寒食帖附皆顏魯公書魯公後帖流俗多傳謂之寒食帖其印文曰忠孝之家者錢文僖公自號也希聖錢公字也又曰化鶴之系者丁崖相印也潤州觀察使者錢惟濟也

集古錄跋尾

蔡明遠帖是魯公晚年書與邵伯康謝安石廟中題碑傍字相類極力追之不能得其髣髴 蔡明遠帖筆意

縱橫無一點塵埃氣可使徐浩伏膺沈傳師北面

山谷評書

第一千六百五十唐顏魯公與蔡明遠帖行書

金石錄目

乾元二年己亥公年五十一有與蔡明遠帖

魯公年譜

顏公惟蔡明遠序尤為沈古米海岳一生不能彷彿蓋

亦為學唐初諸公書稍乏骨氣耳 臨顏太師明遠帖

五百本後方有少分相應

畫禪室隨筆

此書堅剛如鐵而用筆一正一偏釵脚漏痕之妙宜洩

殆盡山谷極力追之不能得其彷彿余何人斯乃竟放

筆效之無乃太不知量也歟然亦彷彿得矣 按年譜

乾元二年公年五十一六月自饒州移刺昇州充浙西

顏魯公文集 卷三三 書評三

九

節度使兼江寧軍使昇州即江寧郡也公與蔡明遠帖

中有及來江右中止金陵等語則知此帖當在是年公

以去年十月刺饒州明遠相從趨事今來江右又復千

里饋餉轉輸不絕公深德之故有此序也

竹雲題跋

乍奉辭帖

此帖疑即報蔡明遠後帖所云乍奉辭者即前帖所謂

指期斯復也承已過揀者即過邵伯南隸也惘然珍重

者即所謂行李之間深宜尚慎也兩兩相印語意正同

可指而數也蓋明遠與公為大有勞故於其去也丁寧

反復不能自己此魯公作人堅剛如鐵乃於朋友之間

萬分委至故知千古真君子未有不近人情者也

竹雲題跋

案是帖集本標題作與盧倉曹帖乍誤作昨

顏勤禮碑

右顏勤禮神道碑顏真卿撰并書序顏溫二家之盛云

思魯大雅在隋俱事東宮愍楚彥博同直內史省遊秦

彥將皆典祕閣按唐書云溫大雅字彥宏弟彥博字大

臨弟大有字彥將兄弟義當一體而名大者字彥名彥

者字大不應如此蓋唐世諸賢名字可疑者多封德彝

云名倫房元齡云名喬高士廉云名儉顏師古云名籊

而皆云以字行倫喬儉籊在唐無所諱不知何避而行

顏魯公文集 卷三三 書評三

十

字余於中書見顏氏裔孫有獻其家世所藏告身三卷

以求官者其一思魯除儀同制其一勤禮除詹事府主

簿制其一師古加正議大夫制思魯制云內史令臣瑀

宣者蕭瑀也侍郎臣封德彝奉舍人臣彥將行不應內

史令書名而侍郎舍人書字又必不稱臣而書字則德

彝彥將皆當為名師古制有尚書左僕射梁國公元齡

右僕射申國公士廉又有吏部尚書君集者侯君集也

侍郎纂者楊纂也四人並列於後不應二人書名二人

書字也則元齡士廉亦皆當為名矣又師古與令狐德

棻同制不應德棻書名而師古書字則師古當為名也

然余家集錄有申文獻公瑩兆記是高宗時許敬宗撰云公諱儉字士廉敬宗與士廉同時人而為其家作記必不繆誤則士廉又當為字也然告身書字在理豈安今新唐書雖云房元齡字喬顏師古字籀以高儉坐此記為名則喬籀果為字乎又按元和姓纂封氏齊人隋通州刺史繡生四子曰德潤德輿德如德彞又云德彞更名倫亦不知果是否唐去今未遠事載文字者未甚訛舛殘缺尙可考求而紛亂如此故余嘗謂君子之學有所不知雖聖人猶闕其疑以待來者蓋慎之至也

顏魯公文集

卷三

書評三

十一

第一千五百四十六唐顏勤禮碑上第一千五百四十

七顏勤禮碑下顏真卿正書金石錄目

右唐顏勤禮碑魯公撰并書元祐間有守長安者後圃

建亭樹多壅取境內古石刻以為基址此碑幾毀而存

然已磨去其銘文可惜也金石錄跋

顏勤禮字敬魯公之曾祖也官祕書著作郎夔州都督

長史上護軍顯慶六年卒葬萬年縣鳳栖原夫人殷氏

柳氏附魯公文集

案是碑文載公集無建立年月文中魯公自敘官履

至洵為節度採訪觀察使魯郡公止公以乾元二年

為昇州刺史充浙西節度使兼浙西節度觀察使碑當作於是年

題盧稜御畫壁

乾元初盧稜御於大聖慈寺東西廊下畫行道高僧顏

真卿題時稱二絕益州名畫錄

顏允南妻陳夫人碑

顏母陳夫人碑顏真卿草書在鄧州內鄉縣碑跋

案陳夫人公次兄允南妻也公撰弟允臧碑并敘其

妻奉明縣君韋氏撰兄幼輿碑并敘其妻陳郡殷氏

獨為允南撰碑未及其配以陳另有碑故不具爾允

顏魯公文集

卷三

書評三

十一

南卒於寶應改元之十一月陳先允南而卒當在天

寶十五載以前允南貶襄陽丞時襄陽與內鄉鄰近

故權葬於此其後允南卒於上都卜葬萬年縣鳳栖

原先塋之北而夫人遂未及遷耐也公撰此碑未知

年月附於乾元之末

離堆記

第一千三百八十一唐離堆記上第一千三百八十二

離堆記中第一千三百八十三離堆記下顏真卿撰并

正書寶應元年金石錄目

寶應元年壬寅公年五十四五月有鮮于氏離堆記魯公

譜年

唐顏魯公磨崖記在新政縣離堆崖下歐陽公集古錄

唐顏真卿撰并書碑以寶應元年立在閬州輿地碑目

上元中顏魯公為蓬州長史過新政作離堆記四百餘

言書而刻之石壁上字徑三寸雖崩壞剝裂之餘而典

型具在使人見之凜然也黃庚顏魯公祠記

離堆山磨崖記顏真卿書在南部縣東南古今碑錄

案魯公撰書鮮于氏離堆記在四川保寧府南部縣

唐閬州新政縣地也上元元年公貶蓬州長史道過

新政為成都兵曹鮮于昱之父故京兆君向作此記

顏魯公文集卷三 書評三 古

全文見魯公集中今石已摩泐止存殘文五段可辨

者僅五十餘字以行格推之除前後題識共三行外

文凡三十九行行十八字此記據輿地碑目及古今

碑錄皆云摩崖刻於縣之西南石壁間而魯公自記

則云刻於州序之左右當是州序左右即石壁所在

此記分刻兩壁殘文即右壁之餘也今據文集推照

原刻行格摹式於後字之存者正寫缺者旁注

鮮于氏離堆記

閬州之東百餘里有縣曰新政新政之南數千步有山曰離堆斗入嘉陵江直上數百尺形勝

巖巖歛壁峻巖上崢嶸而下迴泆不與眾山相

連屬是之謂離堆東南有石堂焉即故京兆

尹鮮于君之所開鑿也堂有室廣輪表丈蕭詠

洞敞虛聞江聲徹見羣象人村川坵若指諸掌

堂北碧石之上有九曲流杯池焉懸源蟻首蹙

噴鶴味醜渠股引迺坐環溜若有良朋以傾醇

耐堂南有茅齋焉遊于斯息于斯聚賓友于斯

虛而來者實而歸其齋壁間有詩焉皆君舅著

作郎嚴從君榜殿中侍御史嚴毓之等美君考

槃之所作也其右有小石虛焉亦可蔭而踰據

顏魯公文集卷三 書評三 古

矣其松竹桂博冬青雜樹皆徙他山而栽時焉

其上方有南宮觀焉署之曰景福君弟京兆尹

叔明至德二年十月嘗任尚書司勳員外郎之

所奉置也君諱向字仲通以字行漁陽人卓爾

堅攸毅然抗直易有之曰篤實輝光書不云乎

沈潛剛克君自高曾以降世以財雄招徠賢豪

施舍不倦至君繼緒其流益光弱冠以任俠自

喜尙未知名乃慷慨發憤於馮卜築養蒙學文

忘寢與食不四三載展也大成著作奇之勸以

賓薦無何以進士高第驟登臺省天寶九載以

益州大都督府長史兼御史中丞持節充劍南

節度副大使知節度使事劍南山南西道採訪

處置使入為司農少卿遂作京兆尹以忤楊國

忠反邵陽郡司馬十有二載秋八月除漢陽郡

大守冬十有一月終于所任官舍悲夫雄圖未

伸志業已空葬于縣北表附先塋禮也君之薨

也冢于光祿寺丞昱匍匐奔喪星言泣血自河

泝峽湍險萬重肩高足跼振笈引舳凡經幾年

跋涉在目因心則至豈無僮僕泉昱之季日向

書都官員外郎吳克篤前烈永言孝思懇口口

顏魯公文集卷三 書評三 三

志反葬于茲行道之人孰不伎而真卿猶子曰

絃從父兄故偃師丞春卿之子也嘗尉關中若

故舊不遺與之有忘年之契叔明昱良亦篤世

親之歡真卿因之又忝憲司之寮亟與濟南楚

昂奉以周旋益著通家之好兄允南以司膳司

封二郎中弟允臧以三院御史皆與叔明首末

聯事我用是飽君之故乾元改號上元之歲秋

八月哉生魄復自刑部侍郎以言事忤旨

聖恩全宥貶貳於蓬州沿嘉陵而路出新政適

會昱以成都兵曹反急歸觀遭或乎貴州之朝

留跡締歡信宿陸峴感今懷昔遂援翰而志之

叔明時刺商州昱又申掾京兆不同躋陟有恨

如何

帝唐龍集後壬寅仲夏己卯朔十五日甲午刻

於門序之左右

顏允南碑

顏氏殘碑以家廟碑考之是顏允南碑也家廟碑云允

南歷殿中膳部司封郎中司業金鄉男此碑云肅宗入

中京遷司封尋封金鄉縣男又云遷國子司業此碑云

二子顏頰頰好為五言詩授校書郎早卒家廟碑亦云

顏魯公文集卷三 書評三 共

頰好五言校書而此碑又云與弟允臧同時臺省則為

允南可知不疑惟書頰事家廟碑云侍郎蔣冽賞其判

此碑云為崔器所賞小不同爾集古錄跋尾

寶應元年壬寅公年五十四有顏司業碑魯公年譜

唐國子司業顏允南碑寶應元年立在使廳寶刻叢編引京兆金

石記 顏允南字去惑魯公之仲兄也官正議大夫行國子監

司業上柱國金鄉縣開國男寶應元年卒葬萬年縣鳳

栖原魯公女集

顏惟貞并殷夫人告

魯公書顏惟貞蘭陵夫人告佳筆也黃山谷集

案二告皆刻忠義堂帖公父惟貞母蘭陵郡君皆以仲兄國子司業允南官贈秘書少監蘭陵郡太夫人

一寶應元年七月下一二年十一月下

第一千三百八十四唐顏惟貞并殷夫人贈告子真卿

正書寶應二年十一月金石錄目

右魯郡顏允南官國子司業時贈其母殷氏蘭陵郡太

夫人告一卷乃允南之第四弟司徒魯公真卿所書蓋

公自蓬州召還遷尚書右丞之日也唐人最重告命往

往令工書者為之開元二十三年加皇子榮王已下官

顏魯公文集卷二十三 書評三

十七

詔宰相張九齡裴曜卿李林甫朝士蕭嵩等十三人就

集賢院人書一通以進三相各賜絹三百匹餘官二百

匹其愛重之意可見公尤號能書者故所受刑部尚書

馮翊太守太子太師及父惟貞贈告皆公自書世猶或

傳之不特此卷而已也然寶應元年四月丁卯唐肅宗

崩已已代宗即位明年七月壬子改元廣德使此告下

於七月壬子之前則可稱寶應二年今乃在十一月之

一日是屬於廣德之元年矣不知何以復云二年况寶

應元年十月二十六日奏上不應經一歲之久至是而

始降下也又以裴遵慶苗晉卿歷官證之歲月亦微有

不同豈或二年之二乃元字之訛乎且書告之式自天

寶以來官則書名令史則兼書姓元載時秉鈞軸而書

其姓亦似史筆之誤此姑真之竊意告命乃當時所給

決不應有差第恐後來作史者之失真耳然改元重事

史家亦不應不謹也詳疏於此以俟博古之士問焉允

南字去惑其卒以寶應元年十一月十日是告之下當

不及見之矣卷首字多磨滅其存議字上字當是正議

大夫上柱國其存鄉縣等字鄉字上當闕封金二字蓋

允南自司封郎中封金鄉縣男也復并及之至若字書

之美精神飛動當為公平生所書第一不待贊也東景

顏魯公文集卷二十三 書評三

六

韋續碑

唐贈太常卿韋續神道碑獨孤及撰顏真卿書寶應二

年立寶刻叢編引

案唐書宰相世系表續魏王府長史慶植第八子瑱

之曾孫魯公娶中書舍人迪之女迪則慶植長子瑤

之曾孫也公以婦族為書其碑

郭氏家廟碑

第一千三百八十六唐贈太保郭敬之廟碑顏真卿撰

并正書廣德二年十一月在京兆府金石錄目

廣德二年甲辰公年五十六十一月有郭公廟碑銘魯

年譜

郭敬之廟碑顏真卿書在咸寧縣郭莊古今碑錄

案碑自前明趙子雨所記已在陝西布政司治此云
在咸寧縣郭莊不知何時移置司治則鐵函齋書跋
云司治即汾陽府第碑在下庫即家廟舊基亦未足
為據

碑在今陝西布政司御題額顏魯公撰并書敬之汾陽
忠武王父也夫以汾陽家廟得魯公手書千載而下猶
有生氣其文與書又非所論也但其碑在役人雜運之
所雖歸然壁立而不無磨蝕之憂然以二公之靈鬼神

顏魯公文集卷三 書評三 九

呵護有由來矣石墨 鐫華

碑在今陝西布政司乃汾陽父敬之廟碑文與書俱出
魯公手以一代偉人之家廟非得一代偉人之書不足

當之可稱古今二絕庚子銷 夏錄

此碑書於代宗廣德二年十一月正與論坐書同時是
時公年五十六正月除檢校刑部尚書兼御史大夫朔
方行營汾晉等六州宣慰使宰相二載與公不協恐公
因使奏對必言其短尋罷前命但二公檢校刑部尚書
置之間故得從容翰墨而為此二常時以魯公自書
告雍容朗暢不類魯公平生風格其晚歲極深到之

作今觀此碑與自書告畧同而朗暢處更出自書告上
直使人不復思自書告矣虛舟 題跋

郭太保敬之乃汾陽王之父碑在今陝西布政司下庫
相傳布政司即汾陽府第下庫即家廟舊基也碑雖漫
漶然猶當在顏氏家廟上鐵函齋 書跋

此碑今在陝西省城布政使司署下庫司署在西安府
府城東鐘樓西陝西通志云相傳為秦穆公故府唐為
尚書省亦為于志寧郭汾陽宅鐵函齋跋云司署即汾
陽府第下庫即家廟舊基也然攷之長安志尚書省在
皇城承天門街之東面第四橫街之北尚父汾陽郡王

顏魯公文集卷三 書評三 二十

郭子儀宅在京城丹鳳門街南親仁坊是尚書省與汾
陽宅有皇城京城之別不可謂尚書省即汾陽宅也至
于志寧宅與汾陽宅相連則長安志原云于宅在郭宅
之西也長安志於親仁坊載汾陽宅於大通坊載汾陽
園而總不云有郭氏家廟則宋氏略也家廟之制唐書
禮志云諸臣之享其親廟室服器之數視其品開元十
二年著令一品二品四廟三品四品三廟五品二廟嫡
士一廟庶人祭於寢天寶十載京官正員四品清望及
四品五品清官聽立廟勿限兼爵廟制三品以上九架
廈兩旁又三品以上有神主五品以上几筵此皆唐時

家廟之制也。據此碑乃汾陽為其父立廟不在四廟之列。而碑文亦專敘其父大尉之事蹟及汾陽勳業。文云：初製於舊居，永圖而觀德。殆即親仁坊宅為廟，而以太尉為始祖也。金石萃編

顏魯公郭氏家廟碑陰作行書，不審亦出魯公。否觀其筆力似非魯公不能也。石墨鐫華

郭氏家廟碑陰雖無魯公款，然決知亦是魯公書。公既已大書其前，誰敢更續。貂其後故趙德父金石錄斷然目為魯公書。雖非公經意之作，然即此尚可函蓋徐季海、張少悌等數十輩。豈直正碑為足高出一切而已。虛舟

顏魯公文集 卷三三 書評三 三

碑陰行書精勁神乎煥發，不著書者姓名。而趙子函謂非魯公不能書。余嘗於延津周子礎公家見魯公祭姪季明文，與此酷肖。近人揭碑多缺碑陰，如此碑所載汾陽官闕及其兄弟子孫，真足補史家之漏。何可闕也。金石錄

郭氏家廟碑陰斷非魯公書。趙子函之言不足信也。鐵跋齋書

案郭廟碑陰金石錄目止載正碑為魯公正書。未及其陰亦無跋尾。虛舟謂趙德父金石錄斷然目為魯

公書。豈誤記趙子函石墨鐫華為趙德父金石錄耶。即趙子函亦云未審云似非皆疑辭。非斷然之決辭也。四家之論以鐵函齋為當。今富平有李光弼碑為魯公文。張少悌行書亦立於廣德二年。少悌既能書之說，又不足據也。又長安崇聖寺經幢亦少悌行書。其筆蹟與郭廟碑陰絕相類。則碑陰亦少悌書也。虛舟謂即此尚可函蓋徐季海、張少悌等數十輩。豈並未見少悌他書而為是無稽之言與。

郭敬之墓碑

顏魯公文集 卷三三 書評三 三

唐郭敬之墓碑。顏真卿書在咸寧縣郭莊上。古今碑目案郭忠武王子儀陪葬肅宗建陵。其父敬之墓未詳所在。然汾陽故里在華陰縣東路。旁子孫世居其地。此云在咸寧縣郭莊上。豈咸寧亦有汾陽故里耶。

顏魯公文集卷二十三終

顏魯公文集卷二十四

寧鄉黃本驥仲良編訂

湘陰蔣 瓌維揚泰校

書評四

與郭英又論坐位書

昨日長安安師文出所藏顏魯公與定襄郡王書草數紙比公他書尤為奇特信乎自然動有恣態乃知瓦注賢於黃金雖公猶未免也東坡集

魯公與郭令公書論魚軍容坐席凡七紙而長安安氏兄弟異財時以前四紙作一分後三紙及乞鹿脯帖作

顏魯公文集卷二十四 書評四

一分以故人間但傳至不願與軍容為佞柔之友而止

元祐中余在京師始從安師文借得後三紙遂合為一此書雖奇特猶不及祭濠州刺史文之妙蓋一紙半書

而真行草法皆備也 觀魯公此帖奇偉秀拔奄有魏晉隋唐以來風流氣骨回視歐虞褚薛徐沈輩皆為法

度所窘豈如魯公蕭然出於繩墨之外而卒與之合哉蓋自二王後能臻書法之極者惟張長史與魯公二人

其後楊少師頗得髣髴山谷集

魚朝恩擠郭令公折元載搗相里造侵王縉一時權倖熏灼若此魯公秉義以奪其驕至今幾五百年尚凜凜

有生意猶其健與但其間稱譽朝恩尚數千言大半於行間增入豈猶未免於危行言孫邪集 鶴山

魯公作字多學篆大書端勁而秀偉黃魯直云此所期無不欲高照千載者此帖草畧匆匆前所未見開轉未

暇熟視已覺粲然忠義之氣橫溢而點畫所至處便自奇勁公嘗謂盧杞曰朝廷法度豈更堪公破壞邪於此

又曰朝廷綱紀須共存立凜然想見其為人蓋公所遭之時如此而所守之道不得不然故倉卒未敢忘國之

綱紀也余私有感於中者因記於此石門文 字碑

顏魯公郭定襄爭坐位第一帖 右楷紙真蹟用先豐

顏魯公文集卷二十四 書評四

縣先天廣德中牒起草禿筆字字意相聯屬飛動詭形異狀得於意外世之顏行書第一書也縫有顏氏守一

圖書字印在宣教郎安師文處安長安大姓也為解鹽池句當官攜入京欲稍予得見之安自云季明文鹿脯

帖在其家寶章待 訪錄

爭坐位帖是唐畿縣獄狀拋熟紙轉退之以生紙錄文為不敏生紙是草上所用內小字是於行間添註不盡

又於行下空紙邊橫寫與刻本不同此帖在顏最為傑思想其忠義憤發頓挫鬱屈意不在字天真露露在於

此書石刻粗存梗概爾余少時臨一本不復記所在後

二十年寶文謝景溫允京云大豪郭氏分內一房欲此帖至折八百千眾乃許取示之縱有元章戲筆字印中間筆氣甚有如余書者面諭之乃云世家收久不以余言為然

米氏書史

第一千五百五十七唐顏魯公與郭僕射書行書

金石錄目

右唐顏魯公與郭僕射書僕射郭英父也魯公於坐位高下小有失當猶力爭如此使之立廟其肯逢君之惡

乎金石錄跋

廣德二年甲辰公年五十六十一月有與郭僕射書按

郭英父為尚書右僕射封定襄郡王驕蹇侈汰陰事元

顏魯公文集卷十四

書評四

三

載魚朝恩以其權明年嚴武死以英父為成都尹充

劍南節度使自以有內主肆志無所憚崔旰反英父奔

靈池普州刺史韓澄殺之

魯公年譜

坐位帖真蹟在京兆安氏家嘗刻以傳世吳中復守永

興謂安氏石未盡筆法因再模刻此二本余家咸有之

安氏子孫分析坐位帖乃剖為二此帖至行香寺僕射

指後不復有蓋吳安石刻本卓頭高指後別為一行遂

由是平分為兩是安氏兄弟不學之謬東坡見安師文

時帖尚全嘗手榻數十本余得坡公榻本於東平王氏

無纖毫失真旁用眉陽蘇氏及趙郡蘇軾印記米襄陽

年少嘗臨之邵伯溫亦云安氏折後不復見全本此卷筆法絕類米老往見乞米帖墨跡於子昂家子昂以重資得之余心有疑而不敢言今得此帖紙色行墨絕相類遂定為米老所臨無疑延祐二年八月丁丑袁桷記

清容居士集

顏魯公爭坐位書用先豐縣先天廣德中牒起草真蹟

縫中有顏氏守一圖書字印米元章所謂詭形異狀得

於意外定為顏書第一者是也宋時與季明文鹿脯帖

俱藏安師文家後來季明文歸聶氏文待詔題識極誦

其妙余不及見曾見吾友項又新所藏坐位帖神色秀

書評四

四

明徵似宋人摹本要亦書家甲觀矣近來墨刻陝本漫

漶不足日歲鴻堂所勒宋榻亦未能精且行款割裂不

無失古人縱橫徐疾之勢不若此本筆筆生動位置儼

然信可寶也

陳鶴言 鈔圖集

爭坐帖陝刻字形已漫余家有宋榻精好因摹入石此

顏書之烜赫者

容臺集

宋榻魯公坐位帖及二祭文皆手稿也而坐位一帖尤

米元章所極力規撫不能得其仿佛者蓋其書鬱勃奇

若渾以天行而無迹可求故令人自遠魯公與素師論

書素曰如折釵腳公曰何如屋漏痕素撫其背曰得之

矣所得於悟後者盡露三帖中矣庚子鈔夏記

馬主事抑之藏顏魯公爭坐位帖上有賈似道印為元

人袁文靖公物都穆寫意編

西安府學顏魯公坐位帖得之按察使李俊此帖與北

京本字行微有不同處字亦稍剝不若北京本之精好

北京本云初止二石永樂十一年民家發地又得二石

始為完物然余所得於洪常秀才者亦四幅視此則首

缺六行尾缺八行不知其如何也榮竹堂稿

元章待訪錄云是楮紙用先豐縣先天廣德中牒起草

禿筆今此石刻中禿筆宛然都元敬萬意編謂馬主事

顏魯公文集卷二十四 書評四

抑之家藏有米臨此帖有元時袁文靖稱跋謂京兆安

氏嘗刻以傳世吳中復守承興以安氏石未盡筆法因

再募京兆承興皆陝中地名今石在陝中豈即安氏原

石邪抑承興重摹者邪又謂安氏分折時割此帖為二

至僕射指下遂平分為兩以石刻較之正居其半今此

帖共六十九行僕射處止十九行正得四分之一多二

行豈馬所藏本又止半幅邪元章書史又謂內小行是

於行間添注不盡又於行下空紙邊橫寫與刻本不同

若是米臨本亦當作橫寫乃是何袁跋未見言及此帖

首十餘行尚覺屈強未舒至僕射指以下乃始活潑飛

動至皆有等威後又更渾化入妙結末數行筆已倦意

已懈而餘興淋漓更出屋漏雨蹟外殆若所云懷素自

言初不知者若分得後半當是獲膏腴產矣袁跋又云

常得坡翁搨本無毫髮失真蘇公見安師文帖時尚全

嘗手搨對本書遂大進蘇本久不聞應已湮沒馬氏藏

米本不遠今尚能存否內尊者為賊所偪當是賤所偪

又別置一榻下重使字想皆係原稿謨古人書皆手寫

其正本奈何反不傳書畫題跋

宋沈括夢溪筆談曰都堂及寺觀百官會集坐次多出

臨時唐以前故事皆不可考惟顏魯公與右僕射定襄

顏魯公文集卷二十四 書評四

郡王郭英父書云宰相御史大夫兩省五品供奉官自

為一行十二衛大將軍次之三師三公令僕少師保傅

尚書左右丞侍郎自為一行九卿三監對之從古以來

未嘗參錯此亦畧見當時故事金石文字記

此魯公與郭英父書英父為尚書右僕射封定襄郡王

驕蹇泰侈陰事元載魚朝恩以固其權時郭子儀大破

吐蕃於長安朝臣德之為興道之會英父擠入座尚書

坐朝恩下公移書糾正之年譜以此書在代宗廣德二

年按行狀公以肅宗寶應元年加上柱國廣德元年加

金紫光祿大夫是年十月吐蕃寇長安上幸陝州子儀

擊却之十二月上還京師以魚朝恩為天下觀軍容使
二年正月以公檢校刑部尚書三月進封魯郡開國公
觀公自署銜及稱朝恩為軍容者與年譜正合則知此
書正當在廣德二年十一月蓋明年夏劍南節度使嚴
武死英又往代之即不復在京矣顧寧人金石文字記
不知其年列此書於大歷之後蓋未深考耳 按米氏
書史爭坐帖是唐畿縣獄狀硃紙起草內小字是於
行間添注不盡又於行下空紙邊橫寫與刻本不同石
刻龕存梗概耳又袁清容集爭坐真蹟京兆安師文嘗
刻以傳世吳中復守永興以安氏石未盡筆法因再模
顏魯公文集 卷二四 書評四 一
刻今此二本世未之見所見惟關中刻耳如米氏言行
列已非龕存梗概不知真蹟妙處何如使人神往又不
知安氏吳氏所刻比今關中本又何如或曰今關中本
即安氏所刻亦未知其是否也 魯公論坐書稿凡七
紙渡汴時在長安安師文家兄弟析產以前四紙作一
分後三紙及鹿脯帖作一分遂離為二黃山谷從師文
借得後三紙於是仍合為一東坡稱其信手自然動有
姿態比公他書尤為奇特山谷亦云奇偉秀拔奄有魏
晉隋唐以來風流氣骨米元章云爭坐位帖為顏書第
一字相連屬詭異飛動得於意外蓋由當時義憤勃發

意不在書故天真爛然自合矩度長安所摹石雖已泐
然剝蝕之餘風骨未滅不比戲鴻堂草率荒畧全體盡
失也余自幼酷好此書數十年來臨寫百餘本畦徑之
外輒有合處此本尤可意神氣到來不殊我自作草也
魯公書須使盡氣力至於無用力處乃見天則
魯公爭坐位氣格富與蘭亭並峙然蘭亭清和醇粹風
韻宜天學之為易及既入手却不許人容易寫得非整
束精神皎然如日初出却無一筆是處爭坐奇古豪宕
學之為難一旦得手即隨意所之無往不是此亦兩公
骨格之所由分也 作雲 應跋
顏魯公文集 卷二四 書評四 八
書稱英又杜師明跋扈之師抗回紇無厭之請按新史
史思明陷洛陽謀掠陳蔡詔英又統淮南節度兵賊叩
陝號又改陝西節度使而不言其破思明之功及英又
留守東都史稱其無束檢御眾才縱麾下與回紇兵大
掠都城並無抗拒回紇之語皆與此書不合當由失書
或稱公作書時不免稍有假借為孔子危行言孫之義
公於名義所關執論侃侃畧不假借豈肯遠於英又妄
推其功如此定是史者失之耳 三稿祭姪為先告伯
父次之論坐最後祭姪告伯皆在乾元元年公以三月
刺蒲州故九月祭姪稱蒲州刺史十月改刺饒州故告

伯父稱饒州刺史後七年當代宗廣德二年公乃與定

襄有論坐書三稿皆公奇絕之作祭姪奇古豪宕告伯

父淵潤從容至論坐則兼有祭姪告伯兩稿之奇情緒

不同書隨以異所以直入神品足為蘭亭後勁也虛舟

米海嶽自序於古名家書學之幾遍故其臨摹之際往

往逼真此顏公坐位帖元袁文靖公定為海嶽所臨者

夫魯公平日運筆圓活清潤能兼古人之長米則猛厲

奇偉終墮一偏之失以孔門方之其氣象真有回路二

子之別故此書則如既見孔子後欲效陋巷自樂而行

三軍當一隊之故態時復一發於詞氣間也魏翁家

顏魯公文集卷十四 書評四 九

跋爭坐帖云爭坐帖米海嶽定為魯公書第一袁文靖

稱其運筆清活圓潤能兼古人之長余謂魯公指實腕

懸實得右軍筆法故其不經意之書皆能蒼勁若此真

所謂綿裏裹鍼也李後主以魯公書為失於粗魯豈未

見此本與祭姪文耶 又跋云此本圓活堅勁雖魯公

得意書然不宜臨摹譬之陶靖節李青蓮詩非不妙絕

千古而取而學之不粗則淺矣然則如之何而可曰講

求筆法寢食於聖教序數十年則不求其似而無不似

矣 涵萬樓舊搨爭坐跋云此西安府學搨本也孫氏

謂其未盡筆法因再刻一本然則此本之為京兆為永

興未可知而清活圓潤從容中道則誠有如袁文靖王

弇州所稱者余向有西安搨不甚舊癸未冬見姜學在

宋搨忽忽如有所失甲申正月過禾中觀譚書兩涵萬

樓藏帖書兩有何敬仲之風以十餘種相贈而此與焉

精彩雖不及姜然比序本則稍舊昔蕭翼紹辨才蘭亭

敘詐稱賣蠶種人榮資道買永興廟堂碑與錢五十萬

余乃不費一文而以無意得之勝於蕭榮遠矣 跋新

得爭坐帖云爭坐帖余幼時有一本得之表伯駱叔夜

家及長移家吳門遂失所在因別購一本不甚精甲申

顏魯公文集卷十四 書評四 十一

正月得涵萬樓譚氏本差舊今此本得之福州故家雖

多蛙眼然又勝譚氏本林同人親至碑洞與印工對搨

二本自謂與董宗伯宋搨本不相上下余往者借得比

較猶之林搨之與董本也第未審與駱氏本又何如耳

鐵函齋 書跋

米元章重顏魯公行書而不重真書董文敏云歐虞褚

薛之書各有門庭學之不深亦得髣髴惟顏魯公行書

了無定法此其故殊可參尋今之學公書者獨效其觚

稜斬截乃鈍漢也爭坐位帖與祭姪文同法天真爛然

於二王神契故當出唐諸家之上王祇壽

顏魯公學書於張長史而張書郎官碑不見稱顏平原大小楷碑版照四裔而後人尤重草稿皆未尋其源不能心知其意者也正書不熟烏能作草郎官壁記乃狂草策基魯公惟從心不踰矩故草稿有天真爛漫之趣但學者未見善本芒緞全無則筆外之意無從領會安得若此初拓本為刮眼金篋俾入法頓開覺路也顏魯公忠義大節唐代冠冕豈復存作書之見於胸中而規矩悉合蓋學力精熟故也余論書以立品讀書為始本此金石

又唐顏魯公與郭僕射英父書世所謂爭坐位帖此其

草稿也世人重公名節故併重其書故草草之筆亦摹刻之人其可以不立德邪金蓮琳琅

此因菩提寺行香及興道之會郭代公指麾坐次先魚朝恩於尚書而移書爭之也米元章云真蹟在先豐縣先天廣德中牒起草在宣教郎安師文處此刻不知何年上石亦不知係摹勒真蹟否然所謂字字意相連屬飛動詭形異狀得於意外者猶可識也山谷云此書雖奇特猶不及祭濠州文之妙惜未之見也金石續錄大丈夫平生節槩只視其氣如何胸中磊落如萬丈虹蜺遇事而發出之以理便可如真金美鐵百鍊不同若

無主宰為物所奪則瞬息間已冰消霧釋不能復振顏平原在唐人知其死希烈之難不知此老平生自許者不必待此只如爭坐位時咬釘嚼鐵便有上鋸時氣勢元自信此則此帖潦潦草草皆是一段奇氣只當作祭姪文字書麻姑壇文章看之可也魯公坐位帖本無意於書而天真爛然學者可以知作字寫畫無意於佳而自佳者乃誠為佳矣凡臨書摹畫貴在神駿不徒形似米老臨坐位帖譬之孫之於祖雖不必全肖而氣脉自是一派若使他人為之吾恐其優人為項羽在場時雖能辟易叱咤而轉背終只是凡夫耳元廣紀

顏魯公文集卷三四 書評四 主
以平原爭坐位帖求蘇米方知其變宋人無不寫爭坐位帖也爭坐位帖在永興安師文家安氏析居分而為二人多見其前段師文後乃並得之相繼入內府今前段至行香菩薩寺止為項德新所藏顏平原爭坐位帖與祭季明文唐時林藻師之楊景度蔡端明皆具有一體爭坐位帖宋蘇黃米蔡四家皆倣之唐時歐虞褚薛諸家雖刻畫二王不無拘於法度惟魯公天真爛漫姿態橫出深得右軍靈和之致故為宋一代書家淵源余以映本漫漶乃摹此宋搨精好者刻之戲鴻堂中新都汪太學孺仲以宋搨爭坐位帖見示神采奕奕

字形較陝本差肥余臨寫之次時有譌字乃知是米海
嶽所臨米嘗自記有臨爭坐帖在浙中此殆其真跡入
石者邪畫禪堂

舊唐書代宗紀廣德二年十一月丁未郭子儀自涇陽
入觀詔宰相百僚迎之於開遠門上御安福寺待之此
帖所稱與道之會正在其時魯公年譜系之廣德二年
信矣此書前一段言魚朝恩階離開府官止監門將軍
以班列言之應序於十二衛大將軍之次即欲別示尊
崇只可於宰相師保坐南橫安一位如御史臺知雜御
史之例不當列於僕射之上後一段言僕射是二品六
顏魯公文集卷三十四 書評四

曹尚書並三品非隔品致敬之類不當擠排尚書使在
下坐所云裴僕射者左僕射裴冕也尊者為賊所逼賤
誤作賊唐會要尚書左右僕射自武德至長安四年以
前並是正宰相豆盧欽望拜左僕射不言同中書門下
三品不敢參議省事數日始加知軍國重事至景雲二
年章安石除左僕射東都留守不帶同三品自後空除
僕射不是宰相遂為故事英父除僕射時已非宰相然
官品最高在侍中中書令之上過此則為三公三師非
尋常人臣之職故稱百寮之師長也潛研堂金
石文跋尾
爭坐位帖自宋以來摹刻者有七種一曰京兆安氏刻

本長安師丈 一日吳中復重刻本中復守承興再一
摹刻見清容集一
日米襄陽臨本見寶章一曰北京本
堂稿一曰戲鴻
堂本見畫禪一曰嘉善魏氏本
即半村錢翰摹本嘉善
一號內齋忠節公大中子明亡殉難著內齋集十卷日
列錄五卷蓋帖為錢氏手摹魏氏校正而觀妙齋金石
考畧定以為一曰關中本見竹雲
魏氏摹刻今在西安府學碑林
者即關中本也昶藏本南宋時搨 國初為無錫錢陸
燦湘靈所藏字畫端勁湘靈嘗書其生年甲子並科分
事實於下則其寶貴可知矣帖中塗抹添注處如謹寓
書改為謹奉書不其盛矣改吁足畏也然美則美矣宰
相一行坐添注與兩省臺省已下常參官等字文武之

顏魯公文集卷三十四 書評四
左右添注不論二字荷以悅軍容為心荷以下添取字
竊見聞姑息添注甚非謂也君子愛人以禮不等字深
入佛海下添注況乎收東京至豈獨有分於僕射哉等
字兩省官自為一行兩省下添注五品以上供奉六字
十二三師三公十二下添注衛大將軍次之六字未嘗
參錯下添注至如軍將至振古未聞等字不亦可乎下
添注聖皇時至亦不聞別有禮數等字蓋不然矣下添
注今既三廳齊列足明不同刺史等字此外尚有數處
零星添注不計可見魯公當時雖信筆直書之中仍委
曲詳盡非率意為之也文云奉書於右僕射定襄郡王

曲詳盡非率意為之也文云奉書於右僕射定襄郡王

郭公新唐書郭知運傳知運次子英父舊傳作知字元

武代宗即位雍王率諸將討賊洛陽留英父殿於陝東

都平權知留守以功實封三百戶舊傳作二百戶召拜尚書右

僕射封定襄郡王文云魚開府及僕射率諸軍將為一

行魚朝恩傳云朝恩洛陽平徙屯汴州加開府儀同三

司文云郭令公以父子之軍破犬羊兇逆之眾郭子儀

傳云子儀次子晞復兩京戰最力吐蕃回紇入寇擊破

之文云苟以取悅軍容為心軍容之為人清修梵行深

入佛海魚朝恩傳九節度圍賊相州以朝恩為觀軍容

使自朝恩始而不言其修梵行殆由當時宮禁尚沿崇

顏魯公文集卷二十四 書評四 五

佛之舊習朝恩亦嘗奉之而史家所宜從畧耳文云收

東京有殄賊之業守陝城有戴天之功朝恩傳云史思

明攻洛陽朝恩以神策兵屯陝洛陽陷思明長驅至硤

右肅宗詔銳兵十萬循滑而東以濟師朝恩按兵陝東

使神策將衛伯玉與賊將康文景等戰敗之洛陽即此

事也攷之史傳多與此帖語合傳稱郭英父陰事宰相

元載以久其權而真卿亦不為元載所容論事坐以誹

謗不久即有硤州別駕之貶然則英父得此書其以真

卿之言為是與否史無明文皆不可知而既為陰事元

載之人則真卿之被貶未始非英父陰為之語已金石萃編

案漢書王莽傳各為權勢恐獨良民師古曰恐獨以

威力脇之也此書云再猶八座尚書再於公堂獨咄

常伯二獨字皆當作恐獨解是帖金石萃編云摹本

凡七種以余所見有西安安氏本襄陽本嘉興本武

定本國學本沂州本戲鴻堂本海昌本濮州本本

朝乾隆中

御刻墨妙軒本孔繼涑玉虹鑒真本謝希曾契蘭堂本

凡十有二本乾隆中又

命大學士彭元瑞撰爭位考證載 恩餘堂經進稿尤

為墨林盛事

顏魯公文集卷二十四 書評四 六

顏元孫碑

承泰元年乙巳公年五十八有顏履監碑銘魯公年譜

唐顏元孫碑姪真卿撰并書天下金石志

顏元孫字聿修吳卿之父魯公之伯父也官朝議大夫

守華州刺史上柱國贈祕書監開元二十年卒葬東京

高村原夫人元氏故兆魯公文集

鹿脯帖

天台謝奕修養浩齋藏顏魯公鹿脯帖周密煙雲過眼錄

唐太師顏真卿不審即鹿脯帖乞米二帖在蘇潯處背縫有

吏部尚書銓印與安師文家爭坐位責硤州別駕縫

一同宋史

廣德二年甲辰公年五十六二月有與李太保帖十一月又有與李太保帖永泰元年十月又有與李太保帖晉公年譜

鹿脯帖真蹟與宋搨本不惟字形大小不倫乃其文亦小異宋搨政自不足據也顏平原鹿脯帖宋時在李觀察士衡家今為辰玉所藏畫碑室

顏魯公鹿脯帖真蹟在常州一舊家今為王長安購得紙墨如新精神奕奕能攝人於十步外劉體仁七類堂識小錄

鹿脯帖今在王辰玉家非真蹟與祭伯父濠州刺史文顏魯公文集卷三四 書評四 一

並屬一手書云清河書畫舫帖有三本字形大小不倫其文亦小異一云為天台謝奕修養浩齋所藏一云宋時在李觀察士衡家今為辰玉所藏一云有王冲隱題跋王名持字正叔長安人惜

辰玉有帖而無跋崇禎癸酉春三月二十五日余獲觀鹿脯帖於金閭旅舍無題跋并觀懷素客舍三帖俱為項元度物漫誌之以俟鑒定珊瑚

宋搨鹿脯帖與三稿稍異而沈毅激昂力透紙背書至此神矣聖矣吾每觀張長史真蹟氣韻古宕此帖無不一一宛合魯公言累代書法皆手傳口授以至長史公

之所得者深矣書之一道可漫然而為之哉庚子銷夏記乞米鹿脯二帖顏魯公書舊刻在忠烈廟廡下今不知尚存否半嶺陵陽集案忠烈廟當是宋留元剛所建之忠義堂

古人遺帖有明是偽作却居之不疑而具五官之哲公為所惑全不一思遂容其以黑為白令真白者反自疑其面目良可痛恨此帖原文藥須鹿肉恐鹿肉艱得乃思及於鹿脯中新好者如今之不得鮮薑用乾薑也今云藥要鹿脯矣何以又云新好者文理不通不可以欺下里乃羣然尊信幾至奪真好奇喜異固恒情乎其字

顏魯公文集 卷三四 書評四 六

不過於原帖中翻轉移易大段不及舊者遠甚墨林快事鹿脯帖墨跡與宋搨本不惟字形不同文亦小異故董宗伯有宋搨不足據之語然墨跡駘宕宋本古雅正自不容軒輊矣虛舟題跋

案鹿脯有二帖第一帖亦有二本一墨蹟一宋搨皆見戲鴻堂帖魯公以廣德二年為刑部尚書此帖與爭坐位郭家廟皆書於十一月其再入刑部在大歷十三年其年三月即進吏部十一月已不在刑部矣

故知此帖為廣德二年書第二帖亦見戲鴻堂書於二十日而無年月乞脯二帖一云十一月一云二十

二十日而無年月乞脯二帖一云十一月一云二十

九日此帖為謝脯作謝在乞後非十一月二十日發帖有春寒字今定為永泰元年正月書

乞米帖

顏帖為刑部尚書時乞米於李大夫云拙於生事舉家食粥來已數月今已罄乏實用憂煎蓋其貧如此此本墨蹟在余亡友王子野家子野生於相家而清苦甚寒士嘗模帖刻石遺於朋友故人云魯公為尚書其貧如此吾徒安得不思守約集古錄跋

唐太師顏真卿乞米帖真蹟在朝請郎蘇海處序支郎中舜元子也得於關中安氏士人多有臨搨本此卷古

顏魯公文集卷三十四 書評四

九

玉軸縫有舜元字印范仲淹而下題跋其管十餘閱待訪錄

天台謝奕修養浩齋藏顏魯公乞米帖開密煙雲過眼錄

子觀魯公乞米及醋二帖知其不以貧賤為愧故能守道雖犯難不可屈剛正之氣發於誠心與其字體無以異也黃裳溪山集

案魯公書不聞有乞醋帖疑誤

顏魯公為刑部尚書有舉家食粥之帖蓋自元載制祿厚外官而滿京官京官不能自給皆從外官乞貸楊綰既相奏加京官俸魯公以綰薦自湖州召還意者俸雖

加猶薄歟同學紀聞

第一千五百五十八唐顏魯公乞米帖行書金石錄目

常州顏魯公問李太保乞米帖并范仲淹題跋在延陵

季子廟中輿地碑目

顏真卿學褚遂良既成自以挑踢名家作用太多無平淡天成之趣此帖尤多褚法石刻醴泉尉詩及麻姑山記皆諸法也此特貴其真蹟耳非爭坐帖比大抵顏柳挑踢為後世醜怪惡札之祖從此古法蕩無遺矣安氏鹿肉乾脯帖蘇氏馬病帖渾厚淳古無挑踢是刑部尚書時合作意氣得紙札精謂之合作筆氣鬱結不條暢

顏魯公文集卷三十四 書評四

三

逆旅所書李大夫者名光顏唐功臣也寶晉英光集

前代待士大夫禮意極厚祿稱其官不至乏絕况其貴者乎苟有賢者安忍使之有食粥之事於當日乎思陵

慨想河北能無有感於斯文於乎此自有國家者言之耳士大夫有恒節有不待夫重祿之勸者涿郡盧公以此卷表章劉君達夫之善子孫可不知所自乎道園學古錄

東坡謂魯公書細筋入骨如秋鷹此乞米帖真所謂細筋入骨者也與論坐書故當是一時所作寶晉英光集

謂此帖挑踢太多無平淡天成之趣筆氣鬱結不條暢是逆旅所書余謂此與爭坐同皆圓勁古淡有游行自

得之妙比於鹿脯馬病故是異流同源寶晉妄有軒輊
恐非平允之論若其謂公學褚則可謂知公之深至以
李太保為光顏則不直一笑矣 寶晉英光集以李太
保為光顏以穆宗初年加同中書門下平章事當公為
刑部尚書時光顏名位尚微不得遽稱太保今考光顏
傳稱代宗即位拜太子太保正在廣德二年則此太保
決知為光弼無疑也光弼為國元老盡力王室與魯公
為氣類其從光弼乞米乞鹿脯宜其不厭於煩矣 按
乞米鹿脯馬病數帖皆當在廣德二年或永泰元年與
論坐畧先後蓋永泰二年二月公便貶硤州別駕不得

顏魯公文集 卷三十四 書評四

復稱刑部尚書矣 竹雲題跋

朝迴帖 一名馬病帖

顏魯公馬病帖高宗題簽喬遠之贊成號中山所藏 周

煙雲過眼錄

案朝迴帖真卿緣馬病朝迴此作馬病疑誤

第一千五百五十九唐顏魯公馬病帖 金石錄目

右唐太子太師贈司徒魯郡顏文忠公真卿字清臣朝

迴帖真蹟一卷文與秘閣帖相似而小大不同公忠節

賈穹壞筆法冠古今胸中所存凜凜不屈筆下是似言

言如生百世而下尚司拜而仰也贊曰公之素守日烈

霜巖公之大節斗擗巖瞻筆勢所存心畫可占八法具
體匪柔匪鈎庶彙流形如鸞如潛塊比是似端倪孰覘
人以藝進公以德兼凜其高風氣壓萬錢公神在天公
書在奩繫贊以藏震於王愴 岳珂寶真齋法帖贊

捧袂帖

顏真卿與李大夫奏事張激二帖 右在故相張公齊

賢孫名直清字汝欽處今為楚州山陽主簿 寶章待訪錄

案與李大夫奏事即捧袂帖也此帖及二月十四日

一帖皆有張激名魯公與李太保凡八帖此錄其二

硤州帖

顏魯公文集 卷三十四 書評四

顏真卿疎拙帖 右麻紙書真字清勁秀發亦與李大

夫時顏硤州別駕此顏第一帖也 寶章待訪錄

潤州蘇氏家藏硤州別駕帖真字云疎拙抵罪也聖慈

含宏猶佐列藩不遠依邇其字類糾宗碑清甚 墨莊漫錄

東林寺題銘

第一千三百九十六唐顏魯公東林題名正書永泰元

年六月 金石錄目

案東西二寺題各年譜皆是永泰二年六月此作元

年誤

西林寺題銘

江州唐顏真卿題名在道場碑文之上道場碑歐陽詢撰在西林寺碑目

第一千三百九十七唐顏魯公西林題名正書永泰元年六月金石錄

永泰二年丙午公年五十八六月有東林寺西林寺題名魯公年譜

顏顯甫碑

唐贈華州刺史顏顯甫碑孫男真卿撰并書永泰二年寶刻叢編引

京兆金石錄案顯甫魯公祖也名避中宗諱改顯為昭大宗家廟顏魯公文集卷三書評四

等碑皆稱昭甫墓碑不應仍書舊名此文不載集中

家廟碑云昭甫字周卿工篆籀草隸書與殷仲容齊名特為伯父師古所賞重官高宗侍讀曹王屬贈華

州刺史魯公為遠祖舍曾祖勤禮祖昭甫伯父元孫父惟貞從兄杲卿同懷兄允南喬卿幼與弟九臧皆

有墓碑一門懿行紀載無遺求忠臣於孝子之門宜其名節巍然光昭千古掘坎賊庭信非取辦於臨時也

窪尊碑銘

唐元結作銘顏真卿書窪尊在道州城外湖東報恩寺

西二十步有小石山山巔有窪尊刻銘其上格古要論

案次山窪尊銘今在道州者乃永泰二年翟令問篆書非魯公之筆當係吉水王佐誤增入曹昭格古要

論者然魯公嘗書次山中興頌或亦曾書此銘而佚其石邪存以俟考

左伯桃墓詩

顏魯公為元載所忌由刑部尚書貶夷陵郡別駕大歷六年又以前秩轉廬陵郡道出宣州之溧水縣縣之南經古烈士左伯桃墓即於臺下作詩一首自題於蒲堂之客舍大中丁丑歲余作鎮到此召工匠移窆於北望

顏魯公文集卷三書評四

樓之西隅鄭薰移顏魯公詩記

第一千五百五十二唐顏魯公宣州殘碑顏真卿正書金石錄

大歷元年丙午公年五十八三月以峽州別駕移刺吉州道出溧水有弔烈士左伯桃詩魯公年譜

龍溪二大字

吉安府永新縣秋山上有七十二峯崖間溪水清澈顏真卿題曰龍溪廣輿記

永新縣禾山寺旁有顏魯公書龍溪兩大字鐫於石壁方廣徑丈數百年已來石壁如故二字每年輒徙下今

離地不二尺矣池北偶談

案黃山谷青原山詩魯公大字在筆勢欲傾摧即謂龍溪二字也

祖關二大字

古禮閱二字顏魯公八分書寺舊有魯公題名今惟存此二字耳青原志載汪舟次與寺僧書云祖作禮非傳寫之誤必有原委寺僧答云祖古作禮八分取以相配若二字上石後落永泰年吉州司馬款此山光千丈矣據此則今所傳木刻後有天寶十四年平原太守款者說也天寶稱載不稱年且如果是天寶年題則寺僧與

顏魯公文集 卷三

書評四

三

舟次札內何以云欲落永泰年款乎其為後人妄加可知也但此二字實出魯公手魯公八分惟見東方贊題額未有如此之大者誠至寶也祖字作禮漢宗俱孔謙曹娥諸碑皆如此至如魯公題名年月則寶刻類編云魯公為吉州別駕題名吉之淨居寺大歷二年十月題此其確可據者故為考其大畧而系以詩西江魯公題石二其一丙午匡廬陰此題明年孟冬月大書尚記黃李尋八分岌業更雄峙勁勢獨出無古今後題不存存僅此始覺禪境尤清深少陵雙峯得門否曹谿一滴誰嗣音後來姚江講學派亦假題識青嶽蓋宣城老子執

陳迹未會松竹高邱吟亦如寺僧與汪子商畧補刻爭摹臨世間忠孝真仙佛正氣耿耿留精恍森然魄動仰星斗何必更訪東西林區區歲月那足較雨宇已重於球琳旌旗歌舞照千載文山黃李猶同岑嘉客來遊偶然記雲泉相印太古心松門風起眾山響天籟聲答文山琴翁方綱題

青原志云上石後落永泰年吉州司馬款寶刻類編云魯公為吉州別駕大歷二年十月題此舊唐書顏真卿傳以誹謗貶硤州別駕撫州湖州刺史不載吉州別駕之官新傳則云貶硤州別駕改吉州司馬遷撫州二州

顏魯公文集 卷三

書評四

三

刺史真卿之刺撫州在大歷三年則改吉州司馬當在三年若永泰年其時宜初貶硤州未改吉州似寶刻類編較確也惟吉州別駕或寶刻傳謬當從傳作司馬耳祖之作禮漢碑多有之孔謙碣禮述家業正與此同司空宗俱碑禮父司隸校尉筆法大同小異顧藹吉云玉篇禮與詛同碑以為祖字孝女曹娥碑其先與周同禮亦以禮為祖蓋有自來也然則汪舟次與寺僧問答之語似亦所見之不廣矣金石錄

案祖詛等字古文多變且作虛說文關音下門薄植也漢唐人多借作關此書作關又小異耳

鮮于仲通碑

第一千四百五唐京兆尹鮮于仲通碑上第一千四百六鮮于仲通碑下顏真卿撰并正書大歷二年正月石

右唐鮮于仲通碑顏真卿撰并書仲通以多財結揚國

忠薦為劍南節度使討南詔蠻大敗國忠為諱之再薦為京兆尹其始卒無他可稱見於史者惟嘗表請國忠

兼領劍南節度制及為國忠立碑頌功德耳魯公為此碑稱述甚盛以此知碑志所載是非褒貶果不可信雖

魯公猶爾况他人乎明皇實錄稱仲通以漏禁中語貶顏魯公文集卷三四 書評四 三七

邵陽司馬而碑言為國忠所忌貶小人之交初以利合卒以利敗理固然也 金石錄

大歷二年丁未公年五十九有鮮于少保碑銘魯公年譜

閩州鮮于氏神道碑二一在二教院崖上一在墓其文與書皆出顏魯公又有獎諭仲通碑亦在墓田非魯公之文亦魯公之筆也碑地 碑目

鮮于氏里門記

金州顏魯公書碑刻魯公為蓬州長史在蓬四年往來新政縣鮮于氏家為書離堆記今在縣之西南崖石間

又書鮮于仲通里門記復以小字書之磨崖碑廣數尺

又以大字書之皆在崖石間自書崖石故書體尤為精妙碑地 碑目

案今四川南部縣有鮮于氏里門碑乃大歷二年韓雲卿撰韓秀實書非魯公筆王象之所記當另有大字小字二本為魯公磨崖書

靖居寺題銘

右靖居寺題名唐顏真卿題按唐書紀傳真卿當代宗時為檢校刑部尚書為宰相元載所惡坐論祭器不修為誹謗貶陝州員外別駕撫州湖州刺史載誅復為刑部尚書而此題名云永泰二年真卿以罪佐吉州與史

顏魯公文集卷三四 書評四 三五

不同據真卿湖州放生池碑陰所序云貶陝州旬餘再貶吉州蓋真卿未嘗至陝遂貶吉而史氏但據初貶書於紀傳耳真卿大歷二年始移撫州當遊靖居時猶在吉也集古錄 坡尾

大歷二年丁未公年五十九十月有靖居寺題名魯公年譜

吉州顏魯公題名在廬陵之青原山靖居寺碑地 碑目

書馬伏波語

大歷三年戊申公年六十五月除撫州刺史有書馬伏波語魯公年譜

案此帖留元剛刻入忠義堂帖款云大歷三年夏四

月書此云五月除撫州刺史則四月尚在吉州不應
預書撫州刺史銜則除官非五月矣

顏喬卿墓碣

第一千四百二十八唐富平尉顏喬卿墓碣弟真卿撰

并正書大歷四年四月金石錄目

案喬卿官富平尉魯公第三兄也此碑公集不載其

事蹟無考公撰太宗碑云喬卿仁友精晉史有吏道

會祖勤禮碑云喬卿仁和有吏幹父惟貞家廟碑云

喬卿仁厚有吏材所可知者如此而已

顏幼輿碑

顏魯公文集 卷三四 書評四 元

顏幼輿字令軌魯公第六兄也官左衛率府兵曹參軍

賜紫金魚袋天寶九年七月卒耐葬萬年縣先塋大歷

四年四月以夫人陳郡殷氏耐魯公文集

顏允臧碑

顏允臧字季寧魯公同母弟也授朝請大夫行江陵少

尹兼侍御史荆南行軍司馬上柱國大歷三年十一月

卒四年四月耐葬萬年縣先塋魯公年譜

案幼輿允臧二碑皆見魯公文集未詳書者姓名公

於第二兄允南第三兄喬卿碑皆自撰自書則二碑

亦公書也魯公年譜云大歷四年己酉公年六十一

歸耐季弟少尹於上都時同生十人并姊妹零落皆
盡惟公獨存故於允臧歸耐時并碑喬卿幼輿之墓

顏處士殘碑

第一千五百五十一唐顏處士殘碑顏真卿正書金石錄目

南康軍唐處士顏君碣黃太史記海昏縣齋觀智顯寺

竹林中所得顏家壘斷碑魯公大字清勁秀發者也輿

案魯公先世自十七世祖盛以下皆有官位不得以

處士稱公同母兄弟七人仲兄允南第三兄喬卿第

五兄幼輿弟允臧公皆撰有墓碑惟長兄闕疑第四

兄真長無之闕疑判杭州參軍亦非處士惟真長無

官早世家廟碑稱其清直則是碑當為真長作也喬

卿幼輿皆以大歷四年四月允臧歸耐萬年縣先塋

同為立碑則闕疑真長二碑當亦同時所作而闕疑

碑則佚之也輿地碑目云是碑得之海昏縣竹林中

顏家壘海昏晉以上縣名即今南康府建昌縣也碑

出於此或真長隨魯公至江右而卒遂葬建昌獨未

歸葬上都與

謝康樂翻經臺記

大歷四年己酉公年六十一有寶應寺翻經臺記魯公年譜

撫州謝康樂翻經臺記顏魯公撰并書今碑已重刻與地

碑目

魏夫人仙壇碑

大歷四年己酉公年六十一有魏夫人仙壇碑魯公年譜

撫州魏夫人仙壇碑晏公類要云在壇側唐大歷四年

立顏真卿文輿地碑目

華蓋山王郭二真君碑記

顏魯公寶蓋山記在撫州崇仁縣輿地碑目

案魯公文集有華蓋山王郭二真君碑記在崇仁縣

此云寶蓋當係華蓋之誤

顏魯公文集卷十四 書評四

逍遙樓三大字

顏魯公逍遙樓三大字正書在廣西臨桂縣金石萃編

案此三字又刻於四川劍閣大字粵本作遙蜀本作

遙款云大歷五年正月一日顏真卿書蜀本小字劣

於粵本蓋粵刻在先蜀係重摩者逍遙樓在山西臨

漳縣後趙石虎所建唐太宗元宗幸此皆有詩魯公

嘗為蒲州刺史王璵書表此三字則公刺撫州時追

書也

殷踐猷墓碣

第一千四百四十唐麗正學士殷踐猷碑上第一千四

百四十一殷踐猷碑下顏真卿撰并正書大歷五年五

月金石錄目

殷踐猷字伯起陳郡長平人魯公之舅氏也官曹州司

法參軍祕書省麗正殿二學士開元九年卒廣德二年

葬新安縣龍澗原魯公文集

大歷五年庚戌公年六十二五月有麗正殿學士殷君

墓碣魯公年譜

殷攝碑

第一千四百四十二唐大斌令殷攝碑顏真卿撰并正

書金石錄目

顏魯公文集卷十四 書評四

案踐猷三子攝其長也

顏魯公文集卷二十四終

顏魯公文集卷二十五

寧鄉黃本驥仲良編訂

湘陰蔣 瓌維揚叅校

書評五

宋璟碑并碑側記

第一千四百六十九唐宋璟碑一第一千四百七十宋

璟碑二第一千四百七十一宋璟碑三第一千四百七

十二宋璟碑四顏真卿撰并正書大歷七年九月金石錄日

右唐宋璟碑顏真卿撰并書唐書載廣平六子曰昇尚

渾恕華衡今此碑言公有七子曰復昇尚渾恕延華衡

顏魯公文集卷三十五 書評五

乃八子也魯公所撰廣平碑側記亦曰公之第八子衡

謫官沙州蓋廣平實有八子唐書闕復延二人而此碑

魯公誤書八字為七爾又碑云廣平自吏部侍郎兼攝

尚書左丞而史不載後自楚州刺史歷魏兗冀三州兼

河北按察使遷幽州都督復為魏州而史但言歷兗冀

二州刺史河北按察使進幽州都督而已史又載廣平

為廣州都督時郡人為璟立遺愛頌璟上疏辭讓有詔

許停而碑乃云燕公張說嘗為碑頌今燕公集中實有

此文豈已為文而未嘗刻石與金石錄改

大歷五年庚戌公年六十二十二月有宋開府碑銘公

諸

第一千四百七十三宋璟碑側記顏真卿撰正書無姓

名大歷十二年三月立附金石錄

右唐宋廣平碑側記顏魯公撰載廣平任御史時持服

於沙河縣屬突厥寇趙定州河朔兇懼邢州刺史黃文

軌投艱於公公以父母之邦金革無避及賊至城下公

為曉陳禍福其徒有素聞公威名者相率而去之開元

朱安西都護趙含章冒於貨賄多以金帛賂朝廷之士

九品以上悉皆有名後節度范陽事覺有司以聞元宗

將加黜責公一無所受乃進諫焉元宗納之遂御花萼

顏魯公文集卷三十五 書評五

樓一切釋放舉朝皆謝公衣冠儼然獨立不拜翌日元

宗謂公曰古人以清白遺子孫今卿一人而已公曰含

章之賄偶不及臣門非不受也元宗深嘉之又云公第

八子衡因謫居沙州參佐戎幕吐蕃入寇陷於賊庭素

聞太尉名德曰唐天子我之舅衡之父舅賢相也其可

留乎大歷十一年以三百騎盡室護歸此皆廣平逸事

有以見其清德冠當世威名動夷狄如此而新舊史皆

不載故并錄之於此俾覽者得詳焉金石錄改

宋公神道碑獨完好惟碑側記闕八字碑去官道二里

餘世罕知者以故久不顯於世致君因謁墓下始得之

且難舊史不載新書闕遺乃刻顏公體大書字畫別刻於石庶久其傳邢爲襄國舊都邱塚纍然類皆湮滅於無聞獨公之墓高不踰丈豐碑尙存豈特忠義足以垂名於不朽世亦以顏魯公之賢而此碑尤爲可貴也墓之東有碑口口之祖贈邢州刺史爲居民斧而剝之所謂側門是也自衡之後子孫無顯宦於唐今有隸編戶者猶收公誥官直墓田俾耕以守誥爲前政取去莫知所在大宋崇寧二年七月一日編修國朝會要所檢閱文字范致君記

右唐宋文貞公碑并碑側記皆顏魯公撰并書文貞墓

顏魯公文集卷三五 書評五

三

在沙河縣碑久埋沒土中近余友方思道作縣出之重樹於墓以捐本見示金石錄謂碑與新史不同者二事又謂碑側記載文貞逸事甚詳而新舊史皆無之余家藏魯公文集中有此碑因得比較以補石本之缺但其文時有小異如集本云建一言而天下倚平碑一言作一陽集本云曾祖宏俊碑作宏峻集本云嘗夢大鳥啣書吐公口中公吐之碑作大鳥銜書吐公口中而啞之集本云優游自免碑作鄉里集本云左右震竦碑左右作天后集本云勅使馳救之碑救作赦集本云與執政通同碑作與執政通問集本云元宗將幸西蜀碑作中

宗將幸西京集本云公盛氣詰之碑氣作色集本云東

官有大功宗廟社稷主也安得異議碑作春宮有大功

主安得異議集本云駕幸洛陽碑作駕達東都集本云

馳道險隘行不得前碑作馳道隘稽車騎不得前集本

云以臣免之碑臣字下有言字集本云母寵子愛碑作

母寵子異集本云勅公按覆碑無勅字集本云置之座

右碑之作諸集本云仲冬十九日碑作十有九日集本

云表葬官供碑表葬作器葬集本云戊寅歲五月碑無

歲字集本云叨太僕之下烈碑烈作列集本云義形言

色碑言作顏集本云旣遷鄰城碑遷作還集本云汗洽

顏魯公文集卷三五 書評五

四

流漿碑流作如其不同者又如此趙氏之所未及也

金菴 琳琅

宋文貞神道碑側記顏魯公簞書石刻沙河二公剛勁

大節相埒書亦稱是真足三絕 余始有碑側記又後

一歲乃得碑文頗剝蝕其行筆與記全異碑辭內稱公

雅善戲謔不常矜莊凡所詼諧人輒疏取昔人見公賦

梅花以鐵心石腸爲怪故不足怪也非所望於蕭傳亦

是一證太史公讀張文成事而疑其偉然丈夫乃如好

女子世固不可曉者

舟州山人稿

右廣平宋文貞公碑顏魯公書在今沙河縣之東北康

丁丑之年太末方思道為沙河令碑已斷沒出之土
中鎔二百斤鐵實而續之今方公所為修復封樹皆無
存矣惟此碑屹立於風霜烈日之中恐亦不能久也歐
陽文忠公嘗謂魯公真蹟今世在者得其零落之餘猶
足以為寶今此碑剝蝕猶少況以廣平之重使歐公得
之其為珍賞當倍他書矣

歸震川集

顏魯公書法出於褚河南此宋文貞公碑瘦潤圓勁尤
得神髓然細玩數千言無筆不似而絕無一點褚家習

氣所謂魯男子善學柳下惠者也

金石記

碑在沙河縣書法方整中帶有虛和視他書稍異尤為

顏魯公文集

卷三

書評五

五

可寶余以崇禎己卯于役河南親至碑下見石雖漸泐
然規畫尙可撫摩因搨一紙置輿中共晨夕者經年近
霍少司馬達搨贈此本大不如二十年前者矣

庚子銷夏記

按年譜顏公以大歷三年除撫州刺史時公年六十大
歷七年九月除湖州刺史碑正書於七年九月而猶稱
撫州者當書碑時未有湖州之命也又六年當大歷十
三年公由刑部尚書改吏部尚書時公年七十始有廣
平碑側之記先是顏公以天寶八載遷殿中侍御史於
時宋公第四子渾官中丞為御史吉溫所誣謫賀州欲
請御製碑文緣此中止大歷五年十二月宋公第七子

華之子僊以顏公嘗為中丞屬吏遂請製碑閱二年而
公至東京除書未至居閑多暇始為書之及刺湖州復

製碑側記未及刻而宋公第八子衡復有沙州之謫至

十二年十一月衡自吐蕃還朝明年春乃續書而刻之

自大歷二年至十三年凡經九年而碑始完蓋廣平為

人魯公所特矜重故於其碑也不憚詳書深考必至無

有闕遺乃止非由宋公能持天下之正以佐唐中興焉

得有此功在社稷名垂古今實自致之寧有倖乎按

新史宰相世系表宋公八子與顏碑同舊史僅載其六

而無復與延碑文八子餘載而但稱公有七子非緣筆

顏魯公文集

卷三

書評五

六

誤當由復先公卒故碑側亦稱第三子渾不稱四也而
復稱第八子衡者公實有八子存者乃七數之則八核
之則七也然公八子皆以賊私淫穢敗乃門閥廣平風
教無復存者名有八子實竟無後自古名臣往往而然
天道不可知一至於此豈不惜夫宋公有名無字新
舊史皆同顏碑亦復闕如宋公為唐室名臣其孫屬魯
公為之碑且碑之成去宋公之薨不過三十五年而其
祖之字已不能舉如此不可解已按碑與史不同處
碑稱父元撫贈戶部尚書舊史作贈邢州刺史碑云俄
拜朝散大夫新舊史俱無之碑云中宗將幸西京深虞

北鄙乃兼檢校并州大都督府長史新史但云詔環權檢校并州長史不稱將幸西京碑云四年遷吏部兼黃門監五年復兼侍中舊史則云官名改易爲侍中碑云十三年駕幸東都新舊史俱作十二年又新史云東巡泰山不云駕幸東都更與舊史及碑文異碑云二十一年抗疏告老新舊史俱作二十年碑云其年駕幸洛陽舊史作二十二年駕幸東都凡此皆以證史書之誤廣平勳業著日月威名冠宇宙顏碑名並典籍書儷篆籀較然在人耳目之前而互有異同如此碑側記所載三事皆於公大有關係而新舊史並闕之所未解已又

顏魯公文集卷三五 書評五

碑文與集中不同處碑云夢大鳥銜書吐公口中而吞之集作公吞之碑云異而召還集作后異而召還碑云貴近不宜與執政通問集作不宜與執政通同碑云公實佐奇謀集作其謀碑云中宗將幸西京集作元宗將幸西蜀碑云又爲洛州長史集作尋入爲洛州長史碑云東宮有大功主安得異議集本大功下多宗廟社稷主也六字碑云兼黃門監監修國史集本少一監字碑云五年復兼侍中集作改號侍中碑云明年駕幸洛陽集無駕字碑云以臣言免之集無言字碑云母寵子異集作母寵子愛碑云手詔優送集作優許碑云俾公而

歿集作躡公而歿又都穆金薤琳琅云建一言而天下倚平碑作一陽今碑正作一言欲優游自免碑作優游鄉里今碑正作自免左右震悚碑作天后震悚今碑正作左右震悚勅使馳救之碑作馳救今碑正作馳救公盛氣詰之碑作盛色今碑正作盛氣駕幸洛陽碑作駕達東都今碑正作洛陽幸字陽字猶髣髴可見馳道險隘行不得前碑作馳道隘稽車騎不得前今碑正作馳道險隘行不得前敕公覆按碑無敕字今碑正有敕字喪葬官供碑作器葬今碑正作喪葬戊寅歲五月碑無歲字今碑正有歲字義形言色碑作顏色今碑正作言

顏魯公文集卷三五 書評五

色既遷鄴城碑遷作還今碑正作遷都氏之云皆與元碑不合按碑以宋崇寧五年范致君別刻一石都氏所見必范致君別刻本以見其所見之非而轉疑元碑之是無端自生瘡痍良可笑也 顏碑云開元十三年駕幸東都以公爲西京留守新舊史本傳皆在十二年明年東巡泰山駕發東都蓋帝以十二年十一月幸東都十三年十月將封泰山遂發自東都耳碑蓋欲約而言之故但云駕幸東都也綱目載爲西京留守於開元四年十二月按是年帝未嘗幸東都無用留守或以明年將幸東都故先以公爲留守乎又公引年致政碑在二

十一年新舊史本傳皆在二十年而舊史元宗紀仍在二十一年前後自相違反宋公始終右丞相綱目誤書左丞相新舊史及本傳公之拜右丞相在開元十七年

綱目不書俱是疎忽

竹雲題跋

以碑證傳互有脫漏如史云張易之誣魏元忠引證張說公語說以名義時人呼易之為五郎而稱之曰卿草月將告武三思亂宮掖不奉詔以救之王仁皎卒諫止用寶孝謹故事皆公志節所繫而碑遺之至遷殿中侍御史同列有博於臺中者天后將黜之公獨引過神龍復辟讓封不受改貝州刺史與數人同辭三思獨揖公

顏魯公文集

卷三

書評五

九

住公竟出太平長公主有異謀遂奏婦人干政恐生禍階男又縱橫公執奏之及碑側所記必歷歷在人耳目開修史者有向避忌而不之載也當請窮治易之兄弟時武后倉皇欲起遠令之出者新史曰姚璿舊書曰楊再思碑止書內史而逸其名若李邕曰陛下坐則天下安起則天下危詳述其詞蓋揚善隱惡之意寓焉以公之忠直諸子皆不肖歿後三十五年孫儼始為樹碑雖公名在天壤不以碑為久遠然過公之里拜公之墓讀斯碑而興起者未嘗不以魯公之文而歛歔長未息也

金石後錄

蕭贇菴至邢訪文貞公後二十四代孫道亨攜族譜來

公子七六無譜惟六子華譜甚詳華子儼蘇州刺史儼

二子長嗣先左補闕次子嗣宗奉化令家焉明景泰初

兵部侍郎諱炎者公十七代孫也過邢有望墓詩其家

南和者十七代而絕宏治間南和令朱銳於奉化取公

十九代孫伍來以守祠自伍至亨凡六世今家沙河者

百餘人業農家南和者僅道亨一人奉化者久不相往

來發菴震記

來齋金石刻考畧

按棠陵方豪字思道重立宋文貞碑有斷碑集一書以

記其事余見之太和堂吳氏藏書目中訪之三衢方氏

顏魯公文集

卷五

書評五

十

後人或有存者只少有心之人耳

丁敬評觀妙齋金石考畧

舊唐書本紀開元二十一年十一月尚書左丞相宋璟

以年老請致仕許之碑稱開元二十一年抗疏告老正

與舊紀合而新舊書本傳俱作二十年誤矣唐以黃門

監即侍紫微令即中書令及同三品平章事為真宰相開元

元年改尚書左右僕射為左右丞相雖名丞相而非宰

相之職文貞以開元八年由侍中拜開府儀同三司始

罷政事十七年拜尚書右丞相非再入政府也 碑側

記別載逸事二條又云昭義軍節度觀察使尚書左僕

射兼御史大夫平陽郡王薛公嵩慕公德業乃命屯田

郎中權邢州刺史封演購石俾工刻之舊唐書薛嵩傳
不稱御史大夫平陽郡王者畧之也封演天寶末進士
所著有聞見記古今年號錄潛研堂金石文跋尾

按新舊唐書璟本傳皆闕復延惟宰相世系表列璟八
子獨全趙氏蓋未嘗檢及又魯公記碑側已言第八子
而於璟碑書七子此必非誤自魯公亦為傳刻者過也
趙氏又以碑云自吏部侍郎兼攝尙書左丞而史不載
後自楚州刺史歷魏兗冀三州兼河北按察使遷幽州
都督復為魏州而史但言歷兗冀魏三州刺史河北按
察使進幽州都督而已是兼攝尙書左丞與復為魏州
顏魯公文集卷三五 書評五 七

誠如趙氏所指二史皆未之及然余又以碑按璟之歷
官方其始也調上黨尉以後轉王屋主簿又轉合官尉
又授錄事參軍凡三遷官然後拜監察御史裏行自此
又遷殿中侍御史又遷天官員外郎然後為鳳閣舍人
新書但於自上黨尉而下即書為監察御史遷鳳閣舍
人而舊書以累轉鳳閣舍人包之其失皆畧也新書四
年遷吏部兼侍中證之此碑所載四年遷吏部兼黃門
監五年復兼侍中八年拜開府儀同三司此新書省文
誤也舊書四年遷吏部尙書兼黃門監明年官名改易
為侍中與碑次序符合而新書遂於兼侍中亦附之四

年之下則中間方隔一年其官仍名黃門監而牽連書
之至此是尤疎也舊書弱冠舉進士據碑言十六下即
稱明年進士高第則璟年十七成進士猶未及弱冠也
新書刪弱冠二字較舊史為不苟矣又碑言十三年駕
幸東都新舊本傳及元宗紀皆作十二年或碑亦摹勒
有失真邪然新書本傳遽改易其文作東巡泰山則為
非是按紀十三年乃有封泰山之文其於幸東都蓋已
兩書之而景文又誤以二事合為一此大不可也新舊
書竝以璟二十年請老碑作二十一年公抗疏告老碑
從當時盧僕所上行狀宜可據璟之子復先璟卒昇尙
顏魯公文集卷三五 書評五 三

書郎太僕少卿宰相世系表作太僕少卿渾職方郎中
諫議大夫御史中丞東京畿採訪使太子左諭德表作
太子右諭德華判入高等登封尉尉氏令表作尉氏令
衛右散騎常侍兼御史中丞河西節度行軍司馬表作
河西行軍司馬檢校左散騎常侍其中詳畧亦可參證
然史載廣平諸子皆荒飲俳嬉而碑云或肅或文或慙
或又克篤前烈以休令聞嗚乎諛墓之詞雖魯公亦不
免若是與新舊書言渾恕尙坐貶皆書地而華衛得罪
獨從畧焉今碑言衛謫居沙州是亦史所未及可備錄
也外又有神道碑側記趙德父已具錄茲不再贅云援

金石

此碑兩面一側皆神道碑銘其一側記宋公軼事謂之碑側記魯公文集有碑銘而無側記金薤琳琅有側記

而無碑銘今取兩書互勘碑闕數字得以補足碑云其

先出於殷王元子史記宋世家微子開者殷帝乙之首

子而紂之庶兄也武王伐紂克殷釋微子復其位封紂

子武庚續殷祀武庚作亂成王誅之乃命微子開奉其

先祀國於宋梁玉繩人表考云微子始見商紂庶兄見

宋世微國名子爵見尚書又作魏子見路史後紀注云

世家伯禽之孫為魏公徐廣引世本作微公本書律歷

志全小司馬謂古書多用魏字作微而殷紀微子索隱

亦云家語微或作魏讀從微音名敗書微子之命庚

此略史所本也蓋二字古通見左傳僖六年哀

年又作開見史記周紀世家又見荀子議兵又見呂國

於宋為上公見微子亦曰殷公見周書要之微子之封

宋在成王時也唐書宰相世系表乃謂殷王帝乙長子

啟周武王封之於宋誤矣碑云七世祖弁魏吏部尚書

襲列人子祖欽道北齊黃門侍郎据世系表宋氏在楚

有上將軍義義生昌居西河介休十二世孫異異三子

恭畿洽徙廣平利人畿生榮國榮國下關子一代孫節

弁後魏吏部尚書襲利人子弁子紀紀子欽道欽道子

元節元節子宏峻宏峻子務本務本子元撫即璟父也

顏魯公文集

卷五

書評五

古

是欽道為璟之五代祖今碑云祖已脫五代二字矣碑

所敘高曾以下官位與表同惟表云廣平利人襲利人

子碑及魏書弁傳皆作列人為不同据魏書地形志列

人縣屬魏郡表作利人誤也徙居列人者為璟之十世

祖今璟稱邢州南和人不知何代遷南和也魏書宋弁

傳弁祖世系表歷位中書博士員外散騎常侍賜爵

列人子弁伯父世顯無子養弁為後弁父叔珍因李敷

事死是弁父叔珍嗣父世顯可以補唐表一代之闕也

魏傳又稱弁長子維維弟紀字仲烈遷尚書終北道行

璽卒於晉陽是為璟之六代祖紀子欽道武定末冀州

別駕又北齊書宋欽道傳云初為大將軍主簿典書記

後為黃門侍郎遷秘書監贈吏部尚書趙州刺史碑與

云黃門璟父元撫碑云衛州司戶表贈贈戶部尚書舊

書傳云贈邢州刺史皆彼此互異也碑敘璟歷官與兩

傳同者十之八九惟封廣平郡公兩傳在開元五年官

侍中之後碑在八年拜開府儀同三司之時為異碑稱

璟轉廣州都督教廣人度材陶旌以弭火災於今賴焉

燕國公張說嘗為碑頌是撰頌立碑者張說也舊傳不

載張說撰碑但云人皆懷惠立頌以紀其政是仍立碑

也新傳則云賈人為璟立遺愛頌璟上言頌所言傳德

顏魯公文集

卷五

書評五

古

載功也臣之治不足以紀廣人以臣當國故為溢辭徒
成諛諛者欲釐正之請自臣始有詔許停是未嘗立碑
也一事而三者不同如此又兩傳載皇后父王仁皎卒
葬墳高五丈一尺環言極剴切帝謂人所難言公等能
之賜綵絹四百匹又兩傳載十七年為尚書右丞相與
張說源乾曜同日拜環拜右丞相與張說源乾曜同日
不云三人同日拜書本紀書環拜右丞相乾曜拜太
子少傅同為十七年八月乙酉事而張說之拜左丞相
在十七年二月丁卯非三人同日新書本紀則皆不載
宰相表亦無惟於開元四年閏十二月書宋環為吏部
尚書兼黃門監紫微侍郎通鑑亦與新紀同詔太官設饌太常奏樂會百官
尚書堂帝賦三傑詩自寫以賜環亦有詩應制句云太

顏魯公文集 卷五 書評五

五

常陳禮樂中掖降簪裾聖酒山河潤仙文象緯舒此為
環風節所繫及元宗從諫得賢盛事光照史冊皆不可
畧者而碑皆不書碑載環告老後駕幸洛陽公迎拜道
左元宗使榮王琬勞問此是開元二十二年正月事本
紀後段環有蒲津迎駕詩云云十四行
本與此段相接刻者誤分為二今正之
環有蒲津迎駕詩知其迎拜之地為蒲津也詩云回鑿
下蒲坂飛旆指秦京雒上黃雲送關中紫氣迎是自東
都回鑿詩也榮王琬者元宗第六子始王鄂徙王榮後
諡靖恭太子也環八子新傳僅列六子之名舊傳則極
詆其飲諛佻優廣平風教無存且言衡最兇險据碑側

記則言衡陷吐蕃素聞名德稱之為賢相之子以馳馬
盡室護歸使其果兇險何能感動若此史家言或失之
太過往往如此碑側記云上欲別加超獎且命待制於
側門側門之地無考新唐書代宗紀大歷十二年四月
詔諫官獻封事勿限時側門論事者隨狀面奏則側門
殆是論狀進奏之所會善寺牒載大歷二年沙門乘如
詣右銀臺門奉表陳謝此所謂側門或即右銀臺門之
類也記為環之孫儼所請者儼為環第七子華之子官
蘇州刺史見世系表金石
萃編

顏魯公文集 卷五 書評五

六

案大歷六年六月魯公書中與頌於撫州刺史上加
前字其時已解撫州任矣年譜云七年九月除湖州
刺史金石錄謂是碑書於九月而仍題撫州或書時
尚無湖州之命然行撫州刺史上應加前字此碑當
如年譜云五年十二月在撫州時所書至七年九月
環孫儼始募勒上石爾竹雲題跋校正史集與碑文
異同處甚詳金石萃編據文集補碑字據金薤琳琅
補碑側記亦有譌誤如三思食邑公悉蠲之思誤作
司明年駕幸洛陽洛陽誤作東都行不得前行誤作
騎兇渠既戕誤作臧豐碑揭豎揭誤作稿今并正
之銘詞獨用陽韻到七十五字無一泛及他韻者此

爲物見

張景倩碑

撫州張景倩清德碑在州城東三十步大歷五年建顏

真卿文并書篆額時景倩爲刺史輿地碑目

元子哲遺愛碑

撫州元子哲遺愛碑在崇仁縣南五步大歷五年準爲

尚書考功符建立刺史顏真卿文今存見晏公類要輿地碑目

目碑

律藏院戒壇記

撫州律藏院戒壇記唐顏真卿撰并書院壇皆僧智融

顏魯公文集卷三十一 書評五

所立在州之寶應寺集古錄跋

大歷六年辛亥公年六十三三月有寶應寺律藏院戒

壇記魯公年譜

麻姑仙壇記

江南西道建昌軍南城縣麻姑山在縣西南二十三里

頂有古壇相傳麻姑得道於此刺史顏真卿按神仙傳

撰仙壇碑備詳其事太平寰宇記

右麻姑壇記顏真卿撰并書顏公忠義之節皎如日月

其爲人尊嚴剛勁象其筆畫而不免惑於神仙之說釋

老之爲斯民患也深矣 右小字麻姑壇記顏真卿撰

并書或疑非魯公書魯公喜書大字余家所藏顏氏碑

最多未嘗有小字者惟干祿字書法最爲小字而其體

法與此記不同蓋干祿之注持重舒和而不局蹙此記

遒峻緊結尤爲精悍此所以或者疑之也余初亦頗以

爲惑及把玩久之筆畫巨細皆有法愈看愈佳然後知

非魯公不能書也故聊誌之以釋疑者集古錄跋尾

第一千四百五十唐麻姑仙壇記顏真卿撰并正書大

歷六年四月第一千四百五十一小字麻姑仙壇記附

金石錄目

在唐麻姑仙壇記顏魯公撰并書在撫州又有一本字

顏魯公文集卷三十一 書評五

絕小世亦以爲魯公書驗其筆法殊不類故正字陳無

已謂余嘗見黃魯直言乃慶歷中一學佛者所書魯直

猶能道其姓名無已不能記也小字本今錄於後使覽

者詳其真偽云金石錄跋

大歷六年辛亥公年六十三四月有南城縣麻姑山仙

壇記魯公年譜

唐麻姑仙壇記顏真卿撰并書碑以大歷六年立在建

昌軍南城縣 唐小字麻姑仙壇記顏真卿撰并書石

刻年月與前碑同而字甚小輿地碑目

元豐間封麻姑爲清真夫人元祐改封妙寂真人宣和

加上直氣冲應元君徽宗御書元君之殿四字仁宗亦
嘗賜飛白來字余見魯公碑魯公塑像祠堂中周必大
廬山日記

作字大至方丈小至粟粒其位置精神不差毫髮然後
為盡加以此字與中興頌參較當知予言為信姑溪集

右唐小字麻姑壇記顏真卿撰并書在今江西南城縣

之麻姑山歐陽公謂或者疑其非真而復以為筆畫有
法非魯公不能書也趙明誠謂陳無已嘗見黃魯直言

此乃慶歷中一學佛者所書魯直能道其名及觀陸放
翁云魯公麻姑壇記有大小二本蓋用羊叔子峴山故

顏魯公文集卷三五 書評五 元

事通志金石畧載魯公書亦有小字麻姑壇記則歐陽

公之疑與魯直之言又似不足信元柳待制道傳云麻
姑壇碑小字楷法尤精緊比聞舊石焚毀山中雖重刻

無復當時筆意則亦以小字為顏書但謂石已不存非
也吳文正公云麻姑碑在香鄉舊為雷所破重刻至再

字體凌失其真則被焚者乃臨川大字本而南城之石
至今固無恙也金薤
琳瑯

顏碑刻於唐大歷六年魯公暮文紀山迹也石膩書工

良足珍重元季兵燹流落人間永樂初為薊州衛知事
郡人雷豫所得成化純元其子泰獻於府遂什襲藏之

蓋欲其可久也謝士
元跋

撫州南城縣舊有顏魯公麻姑仙壇碑後分南城入建

昌碑隨入公廨聞為一守橐之歸而命俗工摹一碑於
郡今所相傳者是也余廣訪宋揚命良工精刻函之邸

中用存故事其碑陰衛夫人等書一一並留不差毫髮
臨池者尚鑒余之苦心哉明藩益王
重刻碑跋

仙都觀壇即蔡經故居王方平來會仙人麻姑之處顏
魯公記其事手書入刻往在京師見一舊本當時購之

不得後十餘年來守建昌此刻匣貯郡齋啟視之石方
廣盈尺中斷字多磨滅不可辨為之慨然偶過近溪羅

顏魯公文集卷三五 書評五 三

大參出所藏舊本點畫波發與京師所見毫髮不差遂

鑄之以傳郡之舊跡碑陰有唐衛夫人褚河南虞永興
歐陽率更薛稷柳河東李北海諸小楷因併刻之季膺
跋

是碑失去既久洪武初郡守新學宮見舊墨聖座東偏
爰委仙都道士立石殿隅今具在也正德中山蹊樵豎

於澗底拾出其碑版字跡猶無恙先君以其奇遘輒珍
襲一副後碑入郡中漸就剝裂觀者每為悵快茲郡公

鴈山季先生將圖翻刻而莫獲善本暇日過從姑山房

肆覽遺墨得是冊色喜遂命工入石羅汝
芳跋
撫州有魯公仙壇記字形大如指頂筆筆帶有隸意魯

公最得意書也不知何時毀壞世無見者余收此本得之故恭順家宋以前搨楷墨精好最所祕惜至行世蠅頭小書乃慶歷中人偽書載金石錄而今舉世奉為楷模誤矣杭州姜匯思有宋搨大觀第九本帖余家正少此乃持以換仙壇木去今所觀者乃忠義堂中本耳庚子銷夏記 余集附案云陸放翁云顏魯公麻姑壇記東坡先生經藏記皆有大小字兩本蓋用羊叔子規山故事千載之後陵谷變遷尙冀其一存耳據此則小字本亦魯公書趙氏之說未可竟信也

往見魯公所書麻姑壇記皆小字甲戌夏景陵吳既間驥之子鼎彥來京師求作其文遺集序遺余麻姑壇記大字末云奉議大夫建昌府知府梁伯達重建蓋臨川

顏魯公文集 卷五 書評五

書評五

三

舊石毀後梁君重刻於建昌者草廬所謂後失其真者是也帶經堂集

右碑高六寸廣尺許相傳為玉版可入懷袖唐顏魯公真卿撰書共九百餘字字甚小有尋丈之勢為魯公正書第一碑在麻姑山觀中宋末觀圯吳道士攜置雲崖山遂流落青緩東平間明永樂中為薊州衛知事雷豫所得其子泰示撫州守謝士元以巨石函置之外刻詠碑諸公如宋曾文定登李說書觀劉郎中涇李丞相綱潘邠老大臨明謝戶部磐左吏部贊詩與書皆足附魯公之後而士元則戶部子也集古錄云顏公忠義之節

皎如日月不免惑於神仙釋老之說余觀魯公使李希烈時見箠後命非深於二氏之說者不能夫富貴不淫貧賤不移威武不屈二氏之教與吾儒同也以魯公而猶謂之惑乎即此碑石既失復歸諒不止魯公忠義之所感召抑有神人如麻姑者狡獪於其間乎金石後錄

家藏麻姑壇跋云余生平所見麻姑壇有四種其一在從弟石公所其一在陸其清齋一肥一瘦較石公本稍大宋搨其一則此本也大小在石公其清間金陵瑣事云萬歷間華亭李膺守建昌麻姑碑久為庫吏所壞召章田重刻田病目有神人來治之乃愈是建昌已有

顏魯公文集 卷五 書評五

書評五

三

前後二本矣今此帖之為原本為章田本皆未可知然奇古道逸寬綽有餘實有如四友齋所云者癸未十月屬石公裝而藏之 跋石公斷本麻姑壇記云金陵瑣事云麻姑碑為建昌府庫吏所跌萬歷間太守華亭李膺召工章田重刻則今日行世大抵皆章本也此本古運寬綽與陸氏家搨同而斷痕猶在其為跌後本無疑無怪乎省吾之寶之也臨摹一過跋數語歸之 別本小字麻姑記跋云小字麻姑碑歐陽公黃魯直趙明誠都元敬顧亭林輩皆云後人補刻而通志金石畧及陸放翁田衍又確指為魯公書聚訟紛紛迄無定論而所

見揚本亦復肥瘦不一未知何者是南城原本此本得之慈仁寺下所謂奇古迥逸寬綽有餘者庶幾近之昔人云大字難於結密小字難於寬綽今此本字細於陰符而有中興頌虎邱劍池之勢諒非魯公不能辦此亦何庸此紛紛者為 京師龍安寺麻姑記跋云小字麻姑壇記余舊所見者其一在從弟石公所一藏吳門陸氏皆不知所從出一在余家為北京龍安寺本然皆非建昌此本得之張平州中丞家相傳為其尊甫澹明方伯官豫章時所搨而斷痕猶在則真建昌原本矣何以秀潤有餘奇古未足翻出陸氏本下邪尙有待於世

顏魯公文集 卷五

書評五

三

知之者 再跋建昌小字麻姑帖云壬午春見孔東塘家小字麻姑記碑陰有趙松雪臨衛夫人稽遂良虞世南歐陽詢薛稷李邕六人書東塘曰此益王所刻建昌府碑也今此帖得自建昌又帖尾有褚書其為益王本無疑然比之孔本則又缺衛虞歐薛李五種書而多一柳豈別有故邪抑裝搨之不全邪 舊搨建昌麻姑壇記跋云此建昌原石非萬歷間章田重刻本也而紙墨亦舊丁亥夏六月得之金陵吳氏小字麻姑記余家有四本原無出此本之右者子孫其寶之 鐵函齋 魯公書麻姑壇記元作大字今有拓本而石亡其小字

者乃別本後人補刻非初碑也 金石文 字記

魯公麻姑仙壇記在江西南城縣有大小二本魯公平生得陶八八刀圭之術雅好攝生故於神仙之事每津津道之如華姑壇元靖先生碑及麻姑記皆其所極矜練書故刻一碑未已又刻一碑既書大字又書小字蓋於此事實親切有味故不憚煩復如此陸放翁謂用羊叔子峴山故事未為知魯公之深者也觀公死李希烈難後猶有羅浮札書寄小顏邨之事則公之得力於餐霞之術可知特以公忠義貫日月勳業蓋天地故不以公為公異耳公之作此書蓋以退筆因其勢而用之轉

顏魯公文集 卷五

書評五

三

益勁健進乎自然此其所以神也碑不知毀自何年吳文正公云麻姑碑在吾鄉舊為雷所被重刻至再字體寢失其真嗚呼豈書到妙來天地亦復忌之邪 碑書於大歷六年四月公時年六十有三顏公書碑必稱官伐獨此碑僅書名姓按公以大歷三年除撫州刺史六年閏三月臨川代到七年九月至東京始除湖州刺史則六年四月公雖未去撫州而已不復刺撫故不稱撫州刺史也昔羲之事五斗米道自下稱民謝安石亦自稱道民公作此碑時甦得解組心便翛然濁世浮塵不復一毫羈絆區區官伐脫然何有既不外張亦無自貶

與王謝風規固有同塗異轍者矣 顏公作書體合篆籀不肯一筆出入此碑獨不然來字暨蓬萊字皆書作來既而自覺其誤復改從來問字篆法門中從月徐錯曰夫門夜閉閉而見月光有間隙也無從日字者碑書開字作日乃是俗字後來人開字從日誤從此始小字刻覆本不可一二數大字本絕少十五年前曾見一本於京師為義門何太史所藏欲從借模不可得也今年五月初新建裘魯青從歸安鄭芷畦借得一本寄余以其難見絕人事精模一本然後還之 趙德甫金石錄謂小字本世亦以為魯公書驗其筆法殊不類故陳正真魯公文集卷三五 書評五 三五

字無已謂余嘗見黃魯直言慶歷中一學佛者所書魯直猶能道其姓名無已不能記也而歐陽公集占錄言此記遒勁緊結尤為精悍把玩久之筆畫巨細皆有法度愈看愈佳然後知非魯公不能書也陸放翁亦云魯公麻姑仙壇記有大小二本通志金石畧載魯公書亦有小字麻姑仙壇記元柳待制道傳云麻姑壇碑小字楷法尤精緊比聞舊石焚毀山中雖重刻無復當時筆意則小字本當時已毀今世所云皆覆刻本形模雖是神彩頓殊矣余所得猶是南城元本為新建裘魯青所遺以較大字精神結構無毫髮異惟見韞著經背作具

鞭登字皆作二為小異耳 顏魯公書大者無過中興頌小者無過麻姑壇然大小雖殊精神結構無毫髮異熟玩久之知中興非大麻姑非小則於顏書思過半矣 虛舟 題跋

麻姑仙壇記魯公手書不知何年遺失山澗中謂為好事者攜去宋景祐間一樵豎偶於山閒鋤得之斷其一角故曾子固詩云碑文老勢信可愛碑石小缺誰能鑄後人每珍之謂翻刻新本不如也 麻姑山丹霞洞天記

右麻姑仙壇記小字本黃魯直謂是慶歷間學佛者所書趙德甫亦疑其偽宋人書多放縱不守唐法尤不喜

顏魯公文集卷三五 書評五 三五

作小楷故有意却之未可為定論也碑題撫州南城縣改臨川為撫州縣仍隸焉宋始於南城置建昌軍自是乃別於撫州耳 潛研堂金石文跋尾

小字麻姑仙壇記筆力遒勁實累黍而有尋丈之勢非魯公不能作此此雖翻刻摹勒尚佳借碑陰不可得見而大字者世亦罕傳昶兩至江西竟無從訪得也 金石萃編

顏魯公文集卷二十五終

顏魯公文集卷二十六

寧鄉黃本驥仲良編訂

湘陰蔣 瓌維揚叅校

書評六

中興頌

右大唐中興頌元結撰顏真卿書書字尤奇偉而文辭古雅世多模以黃絹為圖障碑在永州磨崖石而刻之模打既多石亦殘闕今世人所傳字畫完好者多是傳模補足非其真者此本得自故西京留臺御史李建中家蓋四十年前崖石真本也尤為難得耳

顏魯公文集 卷二十六 書評六

第一千四百五十五唐中興頌上第一千四百五十六中興頌中第一千四百五十七中興頌下元結撰顏真卿正書大歷六年六月在永州

金石錄目

永州大曆六年刻俗謂之磨崖碑又按練潛溪熙寧間作笑峴亭記曰次山文章道勁魯公筆畫雄偉皆有以動人耳目故中興頌寶之中州士夫家而浯溪之名因大

著稱

中興頌刻永州浯溪上斷崖石書之刺史元結撰結自以老於文學故頌國之中興頌成乞書顏太師太師以

書名此尤瑰瑋故世貴之今數百年薛封莓固遠望雲煙外至者仰而翫之亦天下之偉觀邪

書至於顏魯公魯公之書又至於中興頌故為書家規

矩準繩之大匠河朔嘗見三數本皆完好而森森如劍

戟有不可犯之色今得此本頗為殘缺既裝稍則反得

古中韻勝乃知崖角刻弊本真全露有李白所謂秋水

出芙蓉天然去雕飾者尤可賞激也

磨崖碑高八尺五寸闊九尺許其文為元次山大唐中

興頌顏魯公所書也字大四寸七分為平原生平第一

得意書亦次山之文有以助其筆力故與山水相映發

顏魯公文集 卷二十六 書評六

耳錢邦芭 浯溪記 天下佳山水多矣大半埋沒於荒郊僻野不得表見今

浯溪幽異甲於瀟湘然非元顏二公之文字節義照耀

前後厓石奇古生人敬仰亦安得流傳至今動往來之

憑弔哉

奔州山人曰中興頌方正平穩不露筋骨為魯公書法

第一余向列宋廣平碑側記第一而以奔州之言為未

然丁亥六月得此本於金陵承恩寺前古勁深穩雖欲

不以第一推之其可得乎奔州不以書名而評書士得

六七豈四部彙法書苑等書成於眾手與呂覽等邪不

然何以能中其肯綮也因跋帖尾并附及之鐵函齋書跋

磨崖碑為魯公書絕作泰華尊嚴使人不敢仰視金石

中興頌之雄偉如驅千金駿馬倚邱山而立王惲玉堂嘉話

魯公諸碑無大於此者歐公云摸打既多石亦殘闕世

人所傳完好者多是傳模補足非其真者故子函疑王

元美所獲恐是棗刻余所見亦完好只缺一字耳訪之

曾遊此地者皆云崖石如故不知歐公何以云爾金石錄

唐磨崖中興頌碑自歐陽公集古錄已謂其歲久剝裂

字多缺殘好事者以墨增補之王元美最博雅乃云字

畫方正平穩不露筋骨當為魯公書法第一豈元美所

見乃崖石真本邪余獲一紙恐是棗刻雖筋骨不露而

神氣全亡惜不得至永州厓下一證之石墨精華

余至衡州欲觀大唐中興頌永州守以墨刻進亦不甚

精蓋彼中稱為三絕碑曰元漫郎頌顏平原書并祁陽

石為三絕殊可嗤恨石何足絕也蓋兩公書與文與其

人為三絕耳畫神室隨筆

有唐一代碑版顏魯公最多率以雄厚勝獨中興頌及

宋廣平二碑瀏漓頓挫態出字外臨書者正未可以輕

心掉之也余為此書初尙雄快及細玩原刻乃知前者

矜意太勝如子路初見夫子未為升堂弟子也智過於

顏魯公文集 卷三六 書評六 三

師方名得體凡臨摹古人須令透一步翻一局乃得恰

合所謂善學柳下惠莫如魯男子也余臨此碑正以不

及一分為透過一步處世有解人必契余斯語竹雲題跋

中興頌魯公書之翹然者在八關齋記上元贖

頌撰於上元二年碑題大歷六年夏六月刻是元結撰

頌後十年真卿官撫州刺史而後書且刻也碑頌肅宗

中興即位靈武收復兩京上皇還京等事唐肅宗本紀

至德二載十二月丙午上皇天帝至自蜀郡則撰頌又

在還京後四年頌磨崖在祁陽縣浯溪結判荆南時寓

居於此其刻晤臺銘在大歷二年浯溪銘唐亭銘俱在

魯公文集 卷三六 書評六 四

大歷三年不知何以刻此頌獨遲至大歷六年也金石錄

案中興頌大字左行刻於大歷六年六月其時公已

解撫州之任故題銜云前撫州刺史元結是記撰於

上元二年其時結以水部員外郎佐荆南節度使呂

諲為判官至大歷六年結已遷容州都督兼御史中

丞本管經畧使矣此刻結銜仍題水部員外郎及荆

南節度判官蓋公用見銜結則仍用舊銜也

資州唐顏魯公書中興頌二一在東崖一在西崖輿地

劍州中興頌紹興初攝州事吳玠摹刻費少南跋之四

川新舊志不復舉其名矣吳省欽白華前稿

案以上二條記蜀中中興頌別本附錄永州評跋之後

臧懷恪碑

唐贈工部尚書臧懷恪碑撫州刺史顏真卿撰并書懷恪字貞節東莞人官至右武衛大將軍贈工部尚書碑以開元十二年立在三原集古錄

案開元十二年懷恪卒年非立碑之年此碑當立於大歷初年公刺撫州時詳見後記

第一千五百四十八唐臧懷恪碑上第一千五百四十九臧懷恪碑下顏真卿正書金石錄

顏魯公文集

卷三

書評六

五

案碑無立時年月金石錄編於大歷諸碑之後

臧懷恪字貞節太原人官右武衛將軍贈工部尚書上柱國上蔡縣開國侯開元十二年卒年五十六魯公文集

廣德元年癸卯公年五十五有臧尚書碑銘魯公年譜右唐臧尚書墓碑顏魯公撰并正書尚書墓在陝西之三原縣顏公此刻人開少傳余向以使事道陝得之尚書七子希崇希旭希忱希愔希景希晏希讓皆為顯官而希讓至魯國公顏魯公文集復有臧氏糾宗碑書七子官爵與此不同金薤珠琅

臧懷恪碑顏魯公撰并書懷恪再為王峻蕭嵩兵馬使

積官右武衛將軍封上蔡縣侯三贈而至工部尚書則以子希讓貴故也兄懷亮至左羽林大將軍懷恪有子七人咸顯而希讓至尚書節度使魯國公碑稱兄弟子姪勛賢開出自天寶距於開元乘朱輪而拖珪組者數百人而唐史不為立傳故聊載之書法偉勁不減家廟茅山而石完不泐尤可喜也金石錄又載韓擇木書第三子太子賓客希忱碑及希晏碑皆韓秀弼書額希讓胄士也而能為不朽計乃爾誠有過人者矣舟州山人稿

臧將軍碑視魯公他書差勁峭且石又完好鋒穎都具墨寶也庚子新夏錄

顏魯公文集

卷三

書評六

六

右贈工部尚書臧懷恪碑不見立碑年月趙氏金石錄以為大歷中立顧氏金石文字記據碑文載廣德元年十月贈官詔書因系之廣德元年余以魯公署銜之而知德甫為可信也魯公麻姑仙壇記云大歷三年真卿刺撫州其撰李含光碑云大歷六年真卿罷刺臨川旋舟建鄴今此碑題金紫光祿大夫行撫州刺史上柱國魯郡開國公則必在大歷三年以後矣寶刻類編以為開元十二年立則但據其卒之年月並未讀其全文尤為疏舛潛研堂金石文跋尾

碑云開元初嘗遊平盧屬奚室韋大下公挺身與戰所

向摧靡新唐書室韋傳惟載開元天寶開元十朝獻其
後貞元四年與奚共寇乃見於傳證之碑則開元初已
丙侵而史蓋失錄又碑下文遇突厥斬噶八部十萬
餘眾於狼頭山今檢突厥部落無此名通鑑聖歷九年
九月改默噶為
刺殺當時武后憤其偏強故
漫為此號而魯公亦襲用之然懷恪應變給敵功不為
細乃卒不附突厥本傳亦其疎也又所云僕固懷恩父
設支適在其中獨身遮之由此獲免遂與設支部落二
千帳來歸案之唐書皆不合傳載懷恩鐵勒部人則懷
恩父亦舊屬鐵勒矣又云乙李噉生懷恩世襲都督則
傳言父蓋名乙李噉今碑乃云懷恩父設支則又名設

瀛魯公文集

卷三

書評六

七

支矣至云與設支部落二千帳來歸設支又自有部落
及開元初來歸始為唐臣亦非世襲都督者疑此數事
史文皆未悉並當以碑為據且足補突厥室韋二傳之
闕則是碑之傳益可寶也振堂金
石跋

右碑題云唐故右武衛將軍贈工部尚書上柱國上蔡
縣開國侯城公和道碑撫州刺史顏真卿撰并書李秀
巖篆額懷恪字貞節東莞人以右武衛將軍封上蔡縣
侯其贈尚書則以第七子希讓貴蓋薨於開元十二年
而碑立於廣德元年之十月全錄詔書示優異也都少
卿穆云臧氏糾宗碑所敘七子與此不同略天驤糾宗

碑跋云自靈州君寵而下悉載於碑據此云祖君寵皇
通議大夫靈州長史會祖滿隋驃騎將軍既曰糾宗曷
為遺會而錄祖豈止敘本朝不及隋以上也邪糾宗碑
亦魯公撰書不應互異惜不得模本證之碑敘臧氏僖
哀二伯文武兩仲其下列丈人子原義和榮緒諸人按
莊子文王觀於臧見一丈人釣李軌云臧地名也則丈
人者乃臧之釣叟非即其姓况下距魯隱公殆四百年
不得以為公子彊之後世民二字至高宗時及非連及
并諱之而虎字則諱於貞觀中或全去此字或缺一筆
凡碑皆然此曰世祀宜哉又曰猛奮虓虎竟弗之避何

瀛魯公文集

卷三

書評六

八

碑文歷敘臧氏日子原者乃漢臧洪原字从厂从泉後
人復添三點今後漢書作子源金石文
字記
魯孝公子彊字子臧他書不見惟春秋左氏傳孔穎達
正義言之是承杜預公子譜舊說耳今碑亦云又文苑

英華載李邕左列林大將軍臧公神道碑文云其先派
於后稷演於周公魯魯孝公子臧因而氏焉說亦與此
同懷恪少隸戎級起官拜勝州都督府長史轉左衛率
府左郎將再轉右領軍中郎將兼安北都護中受降城
使朔方五城都知征馬使充都知兵馬使河西軍前將

河源軍使兼隴右節度副大使關西兵馬使拜右武衛將軍封上蔡縣開國侯薨贈右領衛大將軍又贈魏州刺史三贈太常卿四贈工部尚書有七子長曰希崇游擊將軍崇仁府折衝次曰希昶豐州別駕贈朱州刺史三曰希忱左郎將劍南討擊副使贈汝州刺史五日希景右驍衛郎將靜邊軍使贈秘書監六曰希晏寧州刺史左金吾衛將軍贈揚州大都督七日希讓開府儀同三司行太子詹事兼御史大夫邠寧山南觀察使集賢待制工部尚書渭北節度使魯國公希讓官最顯父以子貴故得贈工部尚書也懷恪有二兄文中所稱兄左

顏魯公文集 卷三

書評六

九

羽林軍大將軍平盧副持節懷亮未知居何行也又稱兄子謙亦未知為何人之子又元和姓纂以希讓為懷亮子據碑可證其誤關中金此碑無年月以撰書之顏真卿結銜考之碑題行撫州刺史魯郡開國公新唐書真卿傳代宗立起為利州刺史不拜再遷吏部侍郎除荆南節度使未行改尚書右丞帝自陝還真卿請先為陵廟宰相元載以為迂俄以檢校刑部尚書為朔方行營宣慰使未行留知省事更封魯郡公時載多引私黨真卿上疏載以為誹謗貶陝州別駕改吉州別駕遷高撫二州刺史載誅楊綰薦之

擢刑部尚書進吏部舊傳帝自陝還者代宗本紀廣德元年十月庚午吐蕃陷邠州辛未寇奉天武功京師戒嚴丙子如陝州戊寅吐蕃陷京師十二月甲午至自陝州是也元載為宰相乃寶應元年建辰月之事元載之誅乃大歷十二年事真卿之為撫州刺史傳雖不詳何年玩其敘次在載誅之前據麻姑仙壇記大歷三年已刺撫州則不出三年至十二年矣集古錄曰載類真卿表碑并碑陰記大歷中真卿為湖州刺史建於州之駱駝橋東以大歷九年立據此則真卿之刺湖州在九年其刺撫州又今據其子希晏大歷五年立碑則此碑必與同時所立因列於其前碑載懷恪以開元十二年三

顏魯公文集 卷三

書評六

一

月薨十月窆乾元三年贈魏州刺史寶應元年贈太常卿廣德元年贈工部尚書自是又踰數年而後立碑蓋距其薨四十餘年矣碑云祖寵父德據魯公文集東莞臧氏紉宗碑銘祖寵與此同而父作善德金薤琳琅載此碑父善德與紉宗同而祖作君寵蓋金薤論也碑云斬馘八部落又云僕固懷恩父設支金薤琳琅僕固懷恩傳父乙李啜舊書傳作乙李啜按似新書脫一拔字啜按即碑云啜八皆部落之名至碑所稱設支雖無可考然以其為部落之名亦可無疑以臆度之猶漢時郵支之遺也疑懷恩之父本未有名即其部落為

名故啜拔設支皆可隨稱而乙李啜拔又蕃語繁簡之
不同也亂宗碑載懷恪有兩兄懷慶懷亮而懷慶已書
贈官是已先卒故碑但書懷亮碑書恪七子官與亂宗
碑不同者長希崇游擊將軍崇仁府折衝亂宗作右衛
中郎將贈口州刺史次希昶與碑同次希忱以下贈官
俱同所不同者希忱左武衛將軍朔方節度副使亂宗
作左驍衛中郎將次希愔右衛左郎將劍南討擊副使
亂宗作忠武將軍次希景右驍衛郎將靜邊軍使亂宗
作左威衛中郎將次希晏亂宗贈左街使餘同次希讓
亂宗但書魯國公不書官位前六子皆有贈官則立碑

唐書公文集 卷三十一 書評六 十一

時皆已先卒惟希讓在矣碑云真卿早歲與公兄子謙
敦伯仲之契所謂兄子謙者不知是兄字子謙抑或是
兄子名謙據亂宗碑懷恪兩兄既無子謙之稱懷慶五
子希古希真希賓希肫希逸懷亮五子敬廉希莊敬之
讓之敬此此疑亦無謙名再據碑懷恪以開元十二年
卒年五十六其生在總章二年則其兩兄當生於龍朔
麟德之間史稱真卿以興元元年卒年七十七其生在
景龍二年少於懷恪兩兄之年四十餘則早歲所與敦
契者為兄子無疑特不知謙為何人之原名耳真卿撰
此碑當與亂宗碑同時而文有不同者如此所未詳也

金石萃編

案碑云疇敢不祗俾祗猶敬懼也爾雅俾貳也不
與憚通公撰宋璟碑云俾公而歿文集作躡公而歿
彼以俾為躡此以俾為憚皆自公碑始也贊號綱之
質與郭氏家廟碑贊龍虎者十人皆用班固答賓戲
贊龍虎之文句文選注贊被也謂被龍虎之衣以譬
其文采之盛也此云號綱用毛詩闕如號虎句綱開
險貌與徽通郭璞江賦徽如地裂即詩闕如之義毛
詩訓闕為奮怒此借開險之綱為奮怒之闕不用號
虎而以號綱對上句蘭玉蓋唐人避虎字諱有此替

唐書公文集 卷三十一 書評六 三

換用法公文前曰方虎之才後曰猛奮號虎兩用虎
字皆缺末挑而不諱其字此句獨用綱字代虎當是
偶襲時人替換法無深意也自天寶距於開元距去
也爾雅距齊州以南距與距通銘詞光光羽儀二光
字連用極言文采之盛也金石萃編以上光字作空
方字實未泐蓋疑之也碑前李秀巖十二字非魯公
所書末二字殘缺金石萃編謂是題額二字察其泐
痕似是校勒非題額也秀巖當是刻是碑者

臧氏糾宗碑

臧氏糾宗碑顏真卿書在三原縣 古今碑目

臧氏故宅碑

臧氏故宅碑顏真卿書在三家村古今碑目

案臧氏糾宗故宅二碑不列歐趙諸錄今三原亦無是碑糾宗文見集中亦魯公撰也此云故宅碑在二家村疑是三原縣之誤

顏含大宗碑

顏含大宗碑含十四世孫撫州刺史真卿撰并書真卿罷撫州過含墓因敘含而下十五世子孫名字事迹立此碑以大歷六年十一月立集古錄目

第一千四百六十唐顏含大宗碑上第一千四百六十一

顏魯公文集卷三六

書評六

三

一大宗碑中第一千四百六十二大宗碑下顏真卿撰

并正書大歷六年十一月金石錄目

大歷六年辛亥公年六十三有晉侍中西平靖侯顏含

大宗碑魯公年譜

大宗碑顏魯公撰并書在建康府學輿地碑目

晉侍中右光祿大夫西平靖侯顏公大宗碑顏真卿書

在應天府學碑目

顏含碑

顏含碑晉江夏李闡撰傳曾孫宋金紫光祿大夫延之撰銘十四世孫唐前撫州刺史真卿書含字宏都瑯琊

臨沂人東晉官至光祿大夫封西平侯諡曰靖此銘舊有刻石大歷七年四月真卿重建集古錄目

第一千四百六十三唐重建顏含碑上第一千四百六十四重建顏含碑下晉李闡傳曾孫延之銘十四代孫

真卿正書大歷七年四月金石錄目

顏魯公書遠祖西平靖侯顏含碑晉李闡之文也文云

含為光祿大夫馮懷欲為王導降禮君不從曰王公雖

重故是吾家阿龍君是王親丈人故呼王小字晉書亦

載其事而不書小字容齋隨筆

顏府君碑顏魯公書在建康府學輿地碑目

顏魯公文集卷三六

書評六

古

西平晉侯顏府君碑顏真卿書在應天府學輿地碑目

書清遠道士詩及和作

平江府顏真卿虎邱詩刻唐詩紀事二十四卷吳門有

清遠道士周恭子遊虎邱詩其詞自商周歷近代近二

千年來矣鬼神邪莫能測也辭藻健拔魯公愛之刻於

嚴際輿地碑目

大宋開寶七年太歲甲戌四月二十日錢俶將錢十七

貫得於懷州濟源縣前河東節度使守司徒兼侍中

判河陽軍州事潞國公文彥博元豐壬戌仲春望日

堦中溥薛昌諤同觀大觀己丑四月初八日賜顏真

卿楷書詩卷一卷勅余深 顏公忠正公直著聲一世
 今見其書如見其人其忠毅之氣猶勃勃紙上非尋常
 能書者所得託而有也不可不寶大觀三年四月日賜
 到中書侍郎臣深謹題 顏魯公法書一變晉人獨開
 生面筋力渾厚不入狂怒張洵有唐一代書家之冠
 立朝正色剛而有禮夙著勳猷卒成忠蓋蓋其精神所
 發一於書而寓之此二詩為清遠道士而作筆致道勁
 尤見經營慘淡而謂因人而益重者其斯蹟之謂歟梅
 山拙逸題有忠 右魯公正書詩跡與多寶塔競是
 一體惜不刻石以永其傳至元二十四年獲於金陵書
 顏魯公文集 卷二十六 書評六 三

肆甲午三月同神龍蘭亭命工重裝於錢塘金城郭界
 天錫審定真蹟祕藏於快雪齋中 顏魯公書晏至得
 多見乞米祭姪文尤烜赫有名者最後見劉中使帖益
 歎奇絕今又得見此二詩晏何修而獨與魯公有緣也
 大德十年歲次丙午三月八日集賢學士通議大夫張
 晏敬書 延祐己未仲秋得見魯公二詩真蹟并觀友
 潞公題識末學小生五百年後親觀先賢手跡至幸至
 幸是月二十八日員嶠真逸河東李側謹記 唐顏魯
 公詩筆高妙今古豈俟余言而此卷固不可得也況宋
 元名賢題識詞翰又妙絕尤不可得也以二不可得言

之非寶而何哉洪武辛亥三月馬生持此卷來余深愛
 之以置諸左右又一年壬子秋八月二十又七日松雲
 生南州徐達左謹書耕漁軒中 此顏魯公為清遠道
 士而作書卷時大歷間為刑部尚書年已六十有餘然
 字字皆有規矩不失常度予觀生平碑刻正書其峻聳
 如山嶽銳利若戈戟其嚴毅莊重如端人雅士垂紳正
 笏於廟堂之上不敢褻近此卷與多寶塔相似余未敢
 以伯仲許之多寶石刻此則墨蹟尤為可寶者宜乎博
 雅君子珍藏什襲愈久而不失也公歷官太子太師李
 輔國惡之盧杞嫉之屢遭貶逐年八十遣使李希烈雖
 顏魯公文集 卷二十六 書評六 六

不屈罵賊而死亦少知幾哉悲夫宣德七年四月二日
 翰林院國史檢討廬山陳繼敬識 天順八年歲次甲
 申冬十月之吉歸田前通議大夫兵部左侍郎兼翰林
 院學士知制誥經筵官淳安商輅拜觀 大明正德十
 有四年太歲在庚辰長至後六日壬戌甬東豐坊觀於
 復古堂石刻
 魯公以正書書清遠道士詩及和詩端勁中氣韻冲夷
 求之碑版中微與宋文貞碑相類魯公所謂如印印泥
 如錐畫沙於此求之思過半矣庚子續
 案是詩原題大歷五年十二月十日刑部尚書顏真

卿書 漢年譜大歷五年魯公尙在撫州刺史任不
至虎邱題詩亦不應書刑部尙書銜詩云不到東西
寺於今五十春公撰舅氏殷踐猷墓碣云父子敬吳
令蓋公幼孤隨母有於外祖子敬吳縣任內曾到虎
邱詩當作於大歷六年公罷撫州事至上元謁顏含
墓復至吳郡游虎邱時大歷六年公年六十三逆推
而上五十年爲開元十年公生於景龍三年其時方
十四歲故追憶舊遊而作此詩公書虎字皆缺未挑
此帖虎字凡兩見皆直書不避後有陳繼政與卞氏
所錄祭伯父文內陳敬宗跋語意全同疑此書是後
顏魯公文集 卷三六 書評六 七

人偽作今編於大歷六年顏含碑後俟博雅者正之

虎邱劍池四大字

虎邱劍池四大字顏真卿書在虎邱劍池畔碑

虎邱劍池四大字蔡襄真書相傳爲顏魯公書今查舊

虎邱志訂爲蔡公書無疑金石林 時地考

虎邱劍池顏真卿書又蔡襄書在觀音殿又元周伯溫

書在虎邱崖下古今 碑目

真卿之劍池陽冰之講臺縱橫生動不假修飾其署書

之雄秀者乎鄭子經 碑學篇

秦虎邱劍池四字唐宋元書者凡三家據碑數類

公書在池畔據古今碑目蔡襄書在觀音殿周伯溫
書在崖下金石林時地考謂魯公四字卽蔡襄書誤
也魯公書無年月當卽公罷撫州刺史由上元至吳
郡時與清遠道士詩同時書也

送劉太冲敘

右顏魯公帖字 缺 番本乃送劉太冲敘也併及其仲氏

太真字 缺 舊唐史文藝有太真傳不紀其與伯氏繼登

天寶上第文集三十卷見館閣書目墓在縣北號柘塘

神市人月有祭禱必應深陽人尤神之神道碑裴度撰

神道碑昔曾易置字 缺 一旃旋轉縣齋援到官初得之縣

顏魯公文集 卷三六 書評六 六

下僅存字 缺 一百七十有九字同郡李兼經從相與起

敘言彭城華望以劉於此邑爲著字 缺 纂云宣城陳留

也開府澤州公山正禮表其先世也平原從事銓部甲

乙顏常汲引字 缺 一蹉跎卑位悼其窮也句溪春水此邑

時屬宛陵也鄭薰北望樓記言元載貶顏夷陵別駕後

遷廬陵刺史道出蒲塘有左伯桃詩第序腦亡太冲彭

三字考汝越帖亦然莫可補闕云慶元己未上巳宣城

戴援跋

送劉太冲序碧巖書王欽臣故物後有王參政名印王

云因與唐垌兩出書各誤收卷去垌以將才不偶命而德其無鄰宇翦去碧牋宜墨神彩豔發龍蛇生動觀之驚人不裝背揭去背紙以厚紙散卷之畧一出即卷去其子云與智永于文柳公權書柳尊師誌歐陽鄱陽帖並同葬矣亦可太息也或謂密為王銑購去米芾書史

顏魯公送劉太冲敘真蹟在合肥王恩齡納言家亦渭南南氏錄劉體仁七頌堂識小錄

顏魯公送劉太冲敘綠箋書北京國學刻石真蹟奇岩為遼東李帥所藏董其昌卷臺集

顏魯公送劉太冲序鬱屈瑰奇於二王法外別有異趣

顏魯公文集卷二六 書評六 五

米元章謂如龍蛇生動見者目驚不虛也宋四家書派皆出魯公亦只爭坐帖一種耳未有學此敘者豈當時不甚流傳邪真蹟在長安趙中舍士植家以余借摹遂為好事者購去余凡一再見不復見矣淳熙秘閣續帖亦有刻畫禪堂隨筆

送劉太冲敘墨蹟舊在中書趙士植家後歸之關中南宗伯宗伯沒其邑中舉人東蔭商得之後復歸之南氏

余從東君借臨月餘今國學所摹印即趙氏本也視紙墨文字及書法俱小異豈世不止一本乎庚子銷夏記

劉太冲宣城人其弟太真唐書文藝有傳敘中云公山

正禮策高足於前者漢劉繇字正禮繇兄岱字公山也碑今在溧水縣學宮中癸卯秋邂逅楊聿修於秦淮客邸出漢校官碑及此敘相贈余觀董思白戲鴻帖中所刻其精彩較勝於此意董從真蹟鈎摹而此則後人據拓本而翻刻者也金石文鈔

右敘載魯公集行書筆筆作折釵股法為顏書之冠按宣城戴援跋云得劉太真墓碑於縣庖下同郡李兼經兼字經從也非李兼經因出顏公送太冲真蹟遂刻石同置縣齋此碑蓋刻於慶元間趙氏已不及見然真蹟猶藏於陝西東氏吾邑宋閔仲遇東孝廉於京師獲

見之紙碧如玉墨黝於漆歷數百年如初落筆者首闕

劉太冲彭四字與刻本合冲弟太真史有傳登天寶上

第文集三十卷神道碑文裴度撰蔣潼書史既不為太

冲立傳而太真傳又不及其兄微此碑冲幾湮沒無聞

矣米元章書史云此敘碧油牋書王欽臣家故物也華

陰王宏撰云此敘真蹟為渭上太宗伯南子興先生故

物一孝廉借觀未還而逸其姓豈即東孝廉也邪金石錄補

劉太冲帖碧牋書宋時為唐垌所收其子常語米老謂

與智永于文柳公權等書同葬則世間已無此帖矣而

董思翁跋又謂在趙中舍士植家當時有密為王銑購

顏魯公文集卷三六 書評六 五

去之語豈果為晉叔所得故流傳至今邪又米氏書史稱桐將才不偶命而德其無鄰九字翦去今此帖九字無恙獨闕首行五字不可解也蓋唐人善鈎摹或別有搨本亦未可定顏書多道古此敘獨秀潤有姿態為顏書最宜人之作此敘不記所作之年按敘中有秦淮頂潮句溪春水之語亦當在刺江寧時公以乾元二年六月白饒州移刺江寧明年二月追為刑部侍郎在江寧者僅八月則知此敘與送蔡明遠敘同時皆當在乾元三年也案魯公以廣德二年三月晉封魯郡開國公此敘據引鄭憲記謂公由夷陵別駕遷慶陵刺史時作則事在大歷三年然由夷州至撫州並不取道江寧其

顏魯公文集卷三六 書評六 三

說亦有未確此蓋大歷七年春又敘中言昔在平原拒胡羯而請案石刻與從事乃知公以平原刺史拒祿山時太沖實與有功而舊史但稱清河客李萼案史不及太沖非有此敘則太沖一段謀畧幾沒殺千古矣則知此敘關係太沖不小非直移贈而已此敘碧綾書碧綾宜墨故在顏書中獨為腴潤竹雲題跋

此敘淳熙續帖亦有刻與世間流傳本迥不同其鬱屈飛動處更出今本之上今本首行全闕劉太沖者彭五字或以小楷書補之淳熙本首闕上半行太沖彭三字為完沖字有微闕劉字闕右半劉上尙闕三字則不知

為何字矣吾謂唐人善鈎摹此敘必有別本即此可見世稱顏公書多以雄勁題目不知其變化乃爾人不自立家不能與古人惟肖顏公能打破右軍鐵圍故能為右軍適嗣有志臨池者不可不知此語 顏公盡絕變化然此右軍猶覺有意所以不及右軍然不始於有意安能至於無跡故知龍跳虎臥真是規矩之至虛舟題跋

八關齋功德記

會昌中有詔大除佛寺凡鎔塑繪刻堂閣殿宇關於佛祠者焚滅銷破一無遺餘分遣御史覆視之州縣震畏至於碑幢銘鏤贊述之類亦皆毀而瘞藏之此州開元

顏魯公文集卷三六 書評六 三

寺先有太師魯國顏公以郡守僚吏州人等為連帥田氏八關齋會鐫紀大幢立石袤丈而圍幾再尋程材巨異八觚如砥偉詞逸翰龍躍鸞翔時刺史邑宰以其大不可折遂鑿鑿缺敗以仆之蓋三面僅存委埋於土俾大中己巳歲守郡明年嘗暇日訪求前賢事蹟郡從事徐君因言有魯公石幢索而得之墮壤之下癡瘵壞失文義乖絕尋釋研究不可復知意其邑居之中必有藏錄其文者果於前刺史唐氏之家得其模石本完備炳然輝耀溢目俾自幼學慕習魯公書法纔不能窺涉其門字然惜其高蹤溷沒遂命攻治其傷殘補續其次雖

真贖懸懸黎狗相屬且復瞻仰魯公遺文昭示於後矣

大中五年正月一日敘宋州刺史 崔倬記

第一千四百七十七唐八關齋會記一第一千四百七

十八八關齋會記二第一千四百七十九八關齋會記

三第一千四百八十八關齋會記四第一千四百八十

一八關齋會記五第一千四百八十二八關齋會記六

顏真卿撰并書崔倬補書大歷七年立金石錄目

大歷七年壬子公年六十四有八關齋報德記魯公年譜

右八關齋碑顏魯公書唐河南節度使田神功寢疾宋

州刺史徐向等為禳祈報恩者也唐書神功傳亦概見

顏魯公文集卷二十六書評六

其事碑在今歸德州城外僧寺中永樂丁酉秋進士尹

崇高奉使河南為余致此本而每行下缺四字蓋打碑

時為夏滌所泮也東里續集

唐世藩鎮跋扈之患所不忍言只如此碑乃因田公之

病而為之者當時所費不下千萬然當時有烜耀於此

者今皆漸滅而田公之事獨以魯公之書而傳余嘗評

此書在顏碑者最為奇偉蓋以其氣森嚴而又不蒼束

故爾蒼潤軒神跋

右顏魯公書字徑可二寸許方整遒勁中別具姿態真

蠶頭鼠尾得意時筆也此書不甚名世而其格不在東

方家廟下故非餘子所及也記文宋州將吏為節度使

田神功疾愈請禱此猾裨媚驕帥之常亡足怪者第其

時有可慨也蓋載縉鴻漸輩方以因果之說聳人主至

引阿修羅帝釋為證每虜至禮佛祈禱退則修八關齋

飯僧報謝將帥體解而世風靡矣嗚呼唐之所以終不

復振也有由哉兗州山人稿

八關齋碑去郡城南里許為魯公碑舊立處崇禎戊寅

春碑之址築為堞下臨濠水久之浸及碑郡人張翮遷

之碑高八尺橫八稜稜尺許凡八百八十六字闕七十

四字後方域壯 梅堂集

顏魯公文集卷二十六書評六

八關碑在歸德府字法大徑三寸許方整而有風致視

他書更勝余向年官汴城於故家得一不斷本後督餉

彼中親至碑下見石尚完好今為時三十年得宋長公

犖寄此本乃碑之下段已盡泐落不勝慨然庚子銷夏記

案此碑止邦鬱以下至無回是初刻宋拓比今但多

四十餘字不復完好矣退谷言得不斷本及尙完好

者皆欺人語

新唐書田神功傳頗依此記纂輯故較舊史為詳此所

謂事增於前者也碑下段多闕為擇其灼然可知者稍

補之以順文理而皆志之以圖蓋不欲以一人之私見

愚天下耳目耳神功忠勇有功於唐雖為鄧景山所引
大掠揚州而要不一肯掩至慕光弼之所為待下以
謙羣帥感之祈禳報德亦其宜也而趙子函乃謂神功
故非良臣徐向等媚其主帥非佳事不亦過乎從叔肖
岩自歸德府歸拓此本見示較之家藏舊本又闕數字
因歎金石之堅有時而泐而余愈不能已於集錄也

文

右碑題云有唐宋州官吏八關齋會報德記行撫州刺

史魯郡開國公顏真卿撰并書後題篆書云唐宋州刺

史徐向及官吏奉為汴宋觀察使右僕射信都王八關

齋會報德記信都王者田神功也神功傳事母至孝收

滄德攻相州拒杏園守陳留襲南德信討劉從諫攻敬

缸及所歷官爵皆與碑合又謂神功痲疾宋之將吏為

禱祈報恩者即此記也記云八關齋會者公疾良已之

所建也宋州刺史李岑為賊所圍破其黨而有造於州

人不資齋明何有報德五月八日首以俸錢三萬設大

會飯千僧於開元寺州縣官吏長史苗藏實等設一千

五百人為一會鎮遏團練官健副使孫琳等設五百人

為一會百姓等設五千人為一會按代宗大歷中王縉

元載杜鴻漸等喜飯僧徒以福業報應榮感上聽嘗令

顏魯公文集 卷三六 書評六 三

僧百餘人於宮中陳設佛像經行念誦謂之內道揚州

郡將吏尤而效之故雖魯公之賢忘其習俗之陋而為

此記良足慨已齊武帝永明元年五月於華林園設八

關齋註云釋氏之戒一不殺生二不偷盜三不邪淫四

不妄語五不飲酒食肉六不著花鬘纓絡香油塗身歌

舞倡伎故往觀聽七不得坐高廣大牀八不過齋後喫

食已上八戒故為八關雜錄名義云八戒者俗眾所受

二日一夜戒也謂八戒一齋通謂八關明以禁防為義

也今日叢林以臘月八日四月八日名冬夏結制而設

戒期自六戒以下不聞於世然有過午不食之說非即

第八戒之意乎

金石錄

按碑曰收滄德攻相州拒杏園守陳留陷思明斬德信

走從諫葉敬缸讓侯希逸破法子營封信都郡王等事

舊史皆無之而新史悉合必歐陽公得此碑而更定之

也新史又謂八年自力入朝卒代宗為飯千乘門追福

然七年壬子得疾宋州官吏為之所禱至八年卒而朝

廷又為飯僧追福可見當時從信釋氏之深也

金石錄

寶刻類編有此碑云顏真卿撰并書田悅篆額大歷七

年立大中五年崔倬補書在應天劉陶唐書田神功傳

云忠朴幹勇當時所稱而明趙緬以神功非良臣徐向

顏魯公文集 卷三六 書評六 三

等媚其主帥非佳事責魯公爲撰爲書蓋以小節掩大功古人不如是矣碑後有刺史崔倬敘石幢事畧云云則是此碑毀於會昌刻於大中者也倬實重刻而非補書寶刻類編蓋誤倬見宰相世系表隋義同郟城公榮四世之孫所書有大和六年四月裴度撰文宣王廟記在襄州見寶刻類編 篆額云唐宋口口州刺史徐向及官吏奉爲汴宋節度觀察使右僕射信都王八關齋會報德記是宣德郎楚邱縣令田說書其篆至劣寫徐爲徐汴爲汴度爲度僕爲僕齋爲齋唐人之不通篆學如此汴州以水名卽水經汴水出陰溝於浚儀縣北又

顏魯公文集 卷二十六 書評六 三

東至梁郡蒙縣爲堆水地理志滎陽下水在西南亦但作卞徐銓注說文云汴今作汴非是或說隋煬帝避反字故改汴爲汴然則倬作汴之屬也今依錢造篆不成字體若以地里志作卞亦當篆作卞字不應下加也悅卽神功族子通鑑大歷十四年二月魏博節度使田承嗣薨有子十一人以其姪中軍兵馬使悅爲才使知軍事卽悅是也後爲田緒所殺贈太尉見劉昫唐書

德宗本紀 中州金石記

右唐宋州官吏八關齋會報德記文字漫漶闕一百九字因以魯公文集校補以便快讀朝散大夫使下關持

節宋州字徐向等下關奉字左右僕射知省下關專兼御史字之所建也下關公名字起下關孝字安安八務在於撫下關柔况字緝熙下關故能殿天字佐今下關右僕射李公忠臣字思明懼忠下關臣圖已令公字公斬下關德信走從諫遂并其字副元帥李下關光弼請公字又討敬釭下關釭歸順焉史字封信下關都郡字每食宿下關皆躬自省視字二年拜下關汴宋節度使遷兵部大歷二字妻信安下關王禕女爲涼國夫人字居常不離下關左右閱讀史書或時疾字二寺下關以祈福祐三年字功下關既高字忽嬰熱下關疾沈頓字

顏魯公文集 卷二十六 書評六 三

是卽下關我公字入於煎下關熬矣字徐君悅下關而從之來字開元仰藍將下關佐爭承惟字一千五百人爲下關一字耆壽百姓張下關烈等設字又按碑本淪骨髓文集作淪字泉文武將吏集作泉字羯胡構逆集失胡字又討敬釭集作六年清河張氏集作清州則又集本之譌也元年拜戶部尙書集作戶部睦於姻黨集作親黨不如薰集作茹暈禮識不絕集作禮懺則當從碑爲正也首題顏真下當關卿撰字篆尾唐下當關行宋字則又推而可知也 竹雲題跋

碑今在河南歸德府南門亭內今之歸德府唐時爲宋

元睢陽郡屬河南道故碑題宋州官吏也碑敘田神功
 歷官與新唐書神功傳同舊傳較略惟遷徐州刺史及廣德
 元年拜戶部尚書為兩傳所無又淄清節度使兩傳作
 淄青似係碑偶筆誤也傳不載神功封母妻事碑稱妻
 信安郡王禕女禕為太宗八子鬱林王恪之孫贈張掖
 郡王追封吳王琬之子初封嗣江王徙信安郡王碑無
 建立歲月其敘嬰疾修齋事云大歷壬子夏五月是為
 七年傳敘神功之卒在大歷八年而寢疾時宋之將吏
 為禱祈報恩惟新書敘其事在八年以前亦不定為何
 年撰碑者顏真卿以其結銜考之宋文貞公神道碑署
 顏魯公文集卷三六 書評六 三
 曰行撫州刺史為大歷七年九月立此碑署前行撫州
 刺史加一前字則已解撫州之任可知而湖州之命即
 在七年九月要是初離撫州未刺湖州中閒撰書此碑
 故加前字於行撫州刺史之上則似修齋在五月立碑
 在九月與宋璟碑同時列於宋璟碑之後為宜也碑云
 設齋於開元仰蓋河南通志載歸德府開元寺有三一
 在府城東南明正統四年創建一在寧陵縣城西北四
 十里明正統閒創建一在虞城縣治東始建未詳今此
 碑在府城南門當是府城東南之開元寺非寧陵虞城
 二處矣設齋之數初徐向飯千僧既而苗藏實等設千

五百人孫琳等設五百人張烈等設五千人凡飯僧八
 千人準以俸錢三十萬飯千僧之數則共糜錢二百四
 十萬也王圻續文獻通考釋家總紀載大歷八年五月
 以太宗諱日會有司修四千僧齋於服成寺八月修一
 萬僧齋於慈恩寺為百姓祈福可見是時修齋之會方
 盛而修齋必設戒故謂之八關會也續通考又載會昌
 五年上惡僧尼耗蠹天下欲去之勅上都東都各留二
 寺天下節鎮各留一寺凡天下所毀寺四千六百餘區
 此即碑後載大中五年宋州刺史崔倬所記重刻石幢
 之語其時幢已委埋於土則寺亦在折毀之數崔倬但
 顏魯公文集卷三六 書評六 三
 云重刻顏碑而不云建寺則通志所載之府城東南開
 元寺或非即唐時此碑所立之舊址矣金百萃編

顏魯公文集卷二十六終

寧鄉黃本驥仲良編訂

湘陰蔣 環維揚叅校

書評七

劉中使帖

右唐太師顏真卿書劉中使帖真蹟著載宣和書譜南渡後入紹興內府至元丙戌以陸柬之蘭亭詩歐陽率更卜商帖真蹟二卷易得於張繡江處此帖筆畫雄健與蔡明遠寒食等帖相頡頏而書旨慷慨激烈公之英風義節猶可想見於百世之下信可寶也三月十有二

顏魯公文集

卷二十七

書評七

一

日大梁王芝再拜謹題於寶墨齋北燕喬簣成仲山觀顏太師之書世不多見不肖生平見真蹟三本祭姪季明文馬病及此帖祭姪行書馬病行真皆小而此帖正行差大雖體製不同然其英風烈氣見於筆端一也此語豈可為不知者道哉鮮于樞拜手書 右顏魯公劉中使帖徵明少時嘗從太僕李公應禎觀於吳江史氏李公謂魯公真蹟存世者此帖為最徵明時未有識不知其言為的及今四十年年逾六十所閱顏書屢矣卒未有勝之者因華君中甫持以相示展閱數四神氣爽然米氏所謂忠義映發頓挫鬱屈者此帖誠有之乃

知前輩之不妄也帖後跋尾六通首王英孫次鮮于太

常又次張彥清白湛淵田師孟最後亦彥清書蓋此帖

會藏於彥清所後易於英孫考觀跋語可見英孫所跋

歲月宜在後不知何緣出諸公之前初疑裝池之誤欲

令改易而張公鈐印宛然不可拆裂姑記於此以俟博

識嘉靖九年庚寅菊月望日徵明識 鮮于伯機題祭

季明文天下書法第二吾家法書第一此又題劉中使

帖漁陽筆法信有所自名不虛傳得此卷余已刻之戲

鴻堂帖中董其昌觀因題跋書畫題

魯公書存世常見李光顏太保帖乞米帖馬病帖頓首

顏魯公文集

卷二十七

書評七

二

夫人帖祭姪季明文允南母商氏贈詒昭甫詒并此八本觀於此書可謂鉤如屈金點如墜石東坡有云書至於顏魯公誠哉是言也時大德九年歲次乙巳冬十月二十五日集賢學士通議大夫張晏敬書 瀛洲帖視魯公他書特大而凜凜忠義之氣如對生面非石刻所能髣髴也余生平獲見真蹟二小字麻姑記與此耳嘗有云桃源在何處迺見世道迂所以顏魯公細字記麻姑事近荒忽特賢者適嬰多虞世降俗陋假異境以明其志殆子欲居夷也維魯公忠貫日月功載旂常固不待善書名於代况筆精墨妙若是耶昔桓伊渡江傷晉

之弱及見王導輩語則知有託足之地余於是觀公翦擒之快亦知夫唐燭未息與史侯處厚尚義士也曠歲月而得之非尚義者不出示非其人處厚知所尚哉白珽題 右唐魯郡開國公太子少師顏真卿字清臣劉中使帖真蹟四十一字公嘗學書於張旭得屋漏雨法衍游京師覽公書最多衍之所藏送辛旻序顏昭甫殷夫人二誥爭坐後帖朝回馬病帖皆經宣和紹興御府然俱未若此帖之雄放豪逸豈特入季明之室將與元氣爭長昔人云書一藝耳苟非其人雖工不足貴也惟公可以當之至大己酉中秋日拜觀於蘭谷大卿史侯

顏魯公文集

卷二十七

書評七

三

之第蒙城田衍題 太平之日生長京師乃得會觀諸名公法帖故能考其筆法辨其真偽也如顏書且勿論碑本今專審其墨蹟如乞米李太保馬病皆真行祭姪文行草字如錢許大四帖相若皆白紙頓首夫人行書淡黃紙字亦錢許大昭甫誥正書甚嚴整有力白紙字亦錢許大全肖碑刻允南母誥寸五大字筆力不及白紙此劉中使帖字最大觀其運筆點畫如見其人端有聞捷慨然效忠之態真希世之寶也時於明窗淨几展玩之餘收卷三歎後之學者非不屬志米芾所謂心會而手不遂也飲中常用東坡硯山谷墨敬書於勸學齋

張彥清重題

紙網 珊瑚

史丈新收顏魯公劉中使帖凡四十一字白湛淵鮮于樞田師孟跋是嘉興物廬廷璧藏

都穆高 意編

顏真卿大字瀛洲帖為宋宣和御府故物元初藏張可與家後具王芝鮮于樞等六跋喬贊成題名宏治中歸之史明古嘉靖壬辰復在華中甫家而文徵仲為之跋至甲子歲為茂實府君所購後歸樵李項氏

清河書 畫叻

顏魯公文集

卷二十七

書評七

四

皆身為主帥史歸之功各就其人言之亦不足異而新書謂為王武俊所擒舊書王武俊傳又云寶臣將有節生擒子期以獻今此帖乃云舍利將軍擒獲之何其異邪有節史既不著其姓而此帖所謂舍利將軍者亦不舉其姓氏則此二人之不幸也舊書寶臣為中使馬承倩所誣武俊說之與承嗣合曰今中貴人劉清潭在驛斬首送承嗣立質妻孥矣然則所謂劉中使者必劉清潭也希光後從朱泚叛賊平李晟斬之於安國寺

金石 文鈔

此帖與裴將軍書正同魯公忠義之氣出於天性故不覺色飛神動如此希烈醜奴乃欲屈鐵可恨可恨 張

丑清河書畫舫云顏真卿大字瀛洲帖爲宋宣和御府
故物元初藏張可與家後具王芝鮮于樞等六跋喬贊
成題名嘉靖壬辰歸錫山華中甫文徵仲爲之跋後歸
橋李項氏康熙閒錫山秦公子樹豐見於京師云字大
如掌縱橫道古驚欲下拜今董氏所刻戲鴻堂字形差
小王芝以下諸跋皆無之戲鴻所刻既拙惡又草率不
復匠心一至於此余未見他刻僅據戲鴻堂臨之未知
有合否耳 竹雲 題跋

與夫人帖

顏魯公頓首夫人帖真蹟楮紙破爛過半存駙馬都尉

顏魯公文集 卷三七 書評七

王晉卿家訪錄 寶章待

魯公與夫人一帖當是其嫂今在王銑家 米氏 善史

魯公與夫人書迫切而有禮意 黃山 谷集

大歷七年壬子公年六十四九月至東京除湖州刺史

十一月發東京有與夫人帖 魯公 年譜

顏魯公與李夫人帖在宋次道家見之墨池編按李夫

人者魯公嫂也亦頓首夫人之例或云與李太保誤爲

夫人非是 清河書 畫劄

案魯公幼孤撰仲兄允南神道碑云開元二十六年
丁內憂時管公年三十歲此帖云奉承十四日遷曆

承問悲慕不能自勝惟攀慕不及摧毀何堪痛當奈

何痛當奈何則是遷母蘭陵郡太君殷氏樞與父惟

貞合葬而與其夫人韋氏書也留元剛刻入忠義堂

帖其撰公年譜編入大歷七年時方卸撫州事至東

京又新授湖州之命距母沒已三十八年至是始得

遷祔故言之哀慘若此米元章所記乃其墨本因帖

首有真卿頓首四字帖後又有真卿頓首夫人閣下

八字疑與夫人帖不應恭謹如是遂云當是其嫂墨

池編從而和之又於夫人上加李字遂與頓首夫人

帖歧而爲二攷魯公同懷兄凡五人長闕疑娶殷氏

見公撰殷履直妻顏氏碑次允南娶陳氏見碑藪其

第五兄幼與亦娶殷氏見公撰幼與墓碑惟第三兄

喬卿第四兄真長所娶無考魯公之嫂其可考者皆

無李氏蓋墨池編未見是帖臆揣懸度因有是說而

清河張氏所謂於宋次道家見之者確是與李太保

書非與李夫人書也與夫人書曰真卿頓首夫人閣

下可見古人無處不敬即唱隨之際其致敬如此若

云與嫂則與嫂叔不通問之禮相背矣

天下放生池碑并乞御書碑額表及碑陰記

唐放生池碑昇州刺史浙西節度使顏真卿撰并書肅

宗乾元二年使驍衛節將史元璩詔天下自山南至浙

西七道臨江置放生池八十一所真卿為天下放生池

銘上之碑以大歷九年正月立 乞御書放生池碑額

表表顏真卿書批答肅宗御書表以上元元年上真卿

時為刑部尚書碑以大歷九年立 乞御書放生池碑

額表碑陰記顏真卿撰并書初肅宗既許書額未及下

而真卿貶碑不果立至大歷中為湖州刺史始追建於

州之路駝橋東集批答御書字以為額又序其事於批

答碑陰錄古

乞御書題額恩勅批答碑陰記顏真卿書批答肅宗御

顏魯公文集卷二十七 書評七

書表以上元元年上碑以大歷九年立先是乞御書批

額以被貶碑不果立至大歷中為湖州刺史始追建於

州之路駝橋東集批答御書字以為額又序其事於批

答碑陰錄古

湖州有顏魯公放生池碑載其所上肅宗表云一日三

朝大明天子之孝問安侍膳不改家人之禮魯公知肅

宗有愧於是也故以此諫孰謂公區區於放生哉東坡

第一千四百九十七唐放生池碑上第一千四百九十

八放生池碑下顏真卿撰并正書大歷九年正月 第

一千四百九十九乞題放生池碑額表肅宗批答附

第一千五百放生池碑陰記金石

唐自天寶以後紀綱廢壞職官之濫不可勝載此記具

列當時僚屬名氏凡團練副使別駕四人同團練副使

一人長史三人司馬三人錄事參軍三人司功司倉司

兵皆一人司法司戶皆三人司田司士皆二人參軍四

人烏程縣令一人丞三人主簿一人尉三人長城縣令

一人丞三人主簿一人尉五人安吉縣令一人攝令一

人丞二人主簿一人尉六人武康縣令一人丞三人主

簿二人尉四人德清縣令一人丞二人主簿一人尉三

人一郡而吏員猥多如此然史不能盡記故詳錄之於

顏魯公文集卷二十七 書評七

此金石

案放生池碑原刻已佚今僅於忠義堂帖見其摹本

得金石錄所記亦可想見碑後題款之式湖州府志

職官表所引此碑僚屬姓名僅二十二人曰團練別

駕盧暉元自勵徐自然劉抗司馬張彥弼黃持志姚

執玉烏程主簿李翼長城令朱自勉主簿張遐慶杜

勉陳宗之賈傑楊渙趙琪安吉丞楊齊光康造主簿

盧勝武康令李汗主簿孫祕葉迅德清令范銛其餘

則不可考矣金石錄載長城主簿一人尉五人湖志

載張遐慶等凡六人皆為主簿蓋杜勉等五人乃尉

之誤也金石錄載武康丞三人湖志亦少一人

勅天下放生池碑舊在湖州文宣王廟今在魯公祠唐

顏真卿撰并書肅宗乾元二年詔天下自山南至浙西

臨江置放生池八十一所真卿為天下放生池銘上之

碑以大歷八年立顏真卿集肅宗御書批答字題放

生池碑額又附其事於碑陰表以上元元年上碑以大

歷九年為湖州刺史時立輿地碑目

乾元二年己亥公年五十一有天下放生池碑銘按放

生池碑陰記及碑銘皆載二年湖州碑陰記後乃書傳

三年三月攷之乞御書碑額表云去年冬任昇州刺史

顏魯公文集卷二十七書評七九

日述碑銘一章自書絹本附史元琮進乞御書題額以

光揭不朽緣前書點畫稍細恐不經久今謹據石壁窠

大書一本奉進特乞聖恩俯遂前請然則碑銘必是年

所作而再進學窠之本在於次年故繫以改書之年月

耳藝文類聚有梁元帝荆州放生亭碑世謂放生建碑

始於唐非也三年二月有乞御書天下放生池碑額

表大歷八年正月至湖州任七年追建放生池碑銘

九年有乞御書題額恩勅批答碑陰記魯公年譜

肅宗之放生殿照小仁無足稱者當時池多至八十餘

所而此碑獨以魯公詞翰而傳則夫天下之可恃者果

在乎尊榮也哉公之書人皆知其為可貴至於正而不

拘莊而不險從容法度之中而有閑雅自得之趣非知

書者不能識之要非言語所能喻也遼志齋集

沈氏述祖德碑陰記

大歷八年癸丑公年六十五十二月有沈氏述祖德記

魯公年譜

沈氏述祖德碑并碑陰記碑下一半缺不見書撰人名

氏大歷八年十二月立復齋碑錄

梁沈氏祖德碑立金鷲山後裂為十六段藏之縣帑宋

元祐中太守林希刻石記其事德清縣志

顏魯公文集卷二十七書評七十一

德清縣金鷲山上有沈氏述祖德碑記梁天監癸未春

三月系孫麟士述唐大歷癸丑冬十二月刺史顏真卿

撰碑陰記石柱記箋釋

謝太傅塘碑陰記

安吉州晉謝太傅塘碑舊碑在謝公鄉顏真卿取舊

史遺文刻石而書其陰今碑在墨妙亭真地碑目

案謝公塘在湖州西四里不在安吉

謝公塘碑唐刺史裴濟撰僧道說書大歷七年十月十

至湖州復齋碑錄云此碑大歷七年十月十一日建
則公未至之前三月杼山僧皎然所建也公書碑陰
應在八年正月以後攷湖州郡守表魯公以前刺湖
州者有永泰二年蕭定無裴清之名則志闕也

湖州石記

右湖州石記文字殘缺其存者僅可識讀考其所記不
可詳也惟其筆畫奇偉非顏魯公不能書也集古錄跋尾

湖州石記碑字殘缺不見年月及書人姓名驗其字畫
蓋顏魯公書也輿地碑目

千祿字書

顏魯公文集卷二十七 書評七

十一

唐千祿字書濠州刺史顏元孫撰湖州刺史顏真卿書
初元孫以字書分四聲定為正通俗三體真卿以大歷
九年正月刻石於湖州錄目

右千祿字樣別有模本文注完全可備檢用此本刻石
殘缺處多直以魯公所書真本而錄之爾魯公書刻石
者多而絕少小字惟此注最小而筆力精勁可法尤宜
愛惜而世俗多傳模本此以殘缺不傳獨余家藏之
魯公在湖州所書為世所傳者惟千祿字書放生池碑
尚多見於人家而千祿字書仍楊漢公墓本其真本以
謬缺遂不復傳獨余家集錄有之惟好古之士知前人

用意之深則其堙沈靡滅之餘尤為可惜者也集古錄跋尾

第一千四百五十九唐千祿字書顏元孫撰真卿正書
大歷九年正月金石錄目

大歷九年甲寅公年六十六正月作千祿字書序書於

湖州刺史宅東廳院魯公年譜

案以上四條論湖州原刻本

太師魯公忠孝全德儀刑古今存道沒身煥乎國史文
學之外尤工隸書盡鍾繇之精能極逸少之楷則頃因
左官曾牧茲郡才大事簡居多餘閒錄千祿字樣鑄於
貞石仍許傳本示諸後生一二工人用為衣食業晝夜

顏魯公文集卷二十七 書評七

十三

不息刻缺遂多親姪案魯公同母弟允臧之子頃牧天台懼將

磨滅欲以文字移於他石資用且乏不能克終漢公謬
憩棠陰獲觀墨妙得以餘俸成禺之意自看摹勒不差

纖毫庶筆蹤傳於永永時用開成四年六月二十九日
楊漢公重刻記

唐重模千祿字書開成四年楊漢公以舊本謬缺重模
刻石并為記附於碑後今其本比顏魯公所刻差完可
以備用集古錄目

右千祿字樣模本顏真卿書楊漢公模真卿所書乃大
歷九年刻石至開成中遽已謬闕漢公以謂一二工人

用爲衣食之業故模多而速損者非也蓋公筆法爲楷
模而字書辨正譌謬尤爲學者所資故當時盛傳於世
所以模多爾豈止工人爲衣食業邪今世人所傳乃漢
公模本而大歷真本以不完遂不復傳若顏公真蹟今
世在者得其零落之餘藏之足以爲寶豈問其完不完
也故余並錄二本並藏之亦欲俾覽者知模本之多失
真也 集古錄 跋尾

第一千四百九十六千祿字書模本 金石錄

歐陽文忠言漢公模本多失真則不然今觀此書精穩
勁媚殊得顏真揚自以爲不差纖毫信矣然文忠又云

顏魯公文集 卷三七

書評七

三

千祿之注持重舒和而不局促余輒易之曰持重而不
局促舒和而含勁氣迺盡魯公之筆意也崇寧壬午歲
九月十二夜試姑蘇仲璋筆 東觀餘論

案以上五條論湖州重刻本

千祿字書碑二一在墨妙亭一在魯公祠 輿地碑目

案在墨妙亭者原刻本也在魯公祠者重刻本也二
本今皆不傳惟蜀本行世

千祿字書宋時已無善本黃伯思云刻者爲衣食計揚
者多也仲父得之董文行者願舊 碑帖紀證

此北宋時已磨糊近世搨者絕少丙戌於同年友呂無

黨編修處見之云以千錢市得但不知是楊漢公模本
否 金石續錄

案湖州原刻歐陽公後無及見者以上二條皆云舊
搨當是楊漢公模本

柳公權對穆宗□□曰心正則筆正□□雖公權
時以筆□□書法理固如是□□魯公筆蹟乃知
公□□言不妄魯公忠正□□功名事業列於國□□
全德偉行英風義□□映千古文學之外□□隸書大
小二體筆□□勁如服介冑如冠□□凜凜乎若誦盧
祀□□希烈有不可犯之勢□□其心畫所寓誠可畏而
顏魯公文集 卷三七 書評七 丙

仰之往由左宦臨牧吳興暇隙書千祿字樣鐫刻於石
傳示後生然石刻在刺史宅東廳院傳之惟艱故世罕
得善本而蜀士大夫所見惟板刻尤鮮得其真府尹龍
閣字文公比刺湖州得魯公所書與楊漢公所摹二本
特爲精詳於是俾以楊蜀二本參校若顏書之刻缺者
以二本補焉不可推究者闕之令通顏書之士摹勒刻
石於頌使學者矜式且欲所傳之廣壬戌八月既望成
都句詠記

顏魯公千祿字書碑在金山郡治之蓬萊堂 輿地碑目
余讀顏魯公家廟碑知公世有書學及覽顏祕監千祿

字書益備蓋秘監於公為伯父其所辨證偏傍結構雅俗燦然而公於此書尤加意幾無一筆縱橫余故識而藏之以為臨池指日書曰千祿蓋唐以書判取士故耳

真州山人四部稿

此顏魯公千祿字也按成都句詠跋公嘗刺湖州此刻初在其宅東廳後翻刻蜀中余所得乃全帖然缺平聲字雖上聲亦不完豈是二石或一石而兩面書之余所得者乃其半邪或所謂刻缺而不可推究者邪然不應缺之之多也書盛於晉顧多破壞其體魯公此本特正其繆誤以惠學者則其書名豈特妙於筆墨而已詠所

顏魯公文集

卷三七

書評七

主

書與公書頌類豈嘗師公而得其髣髴者邪

抱翁家藏集

右顏魯公千祿字書辨別字之正俗及通用亦間有析其義者云千祿者蓋唐以書取士也而公與書小字之傳於後者亦獨見此耳

東里集

唐人以書判取士而士大夫書類有科舉氣習顏魯公作千祿字書是也

姜堯章書譜

千祿字書一卷唐顏元孫撰元孫杲卿之父真卿之諸父也官至滄沂濠三州刺史贈祕書監大歷九年真卿官湖州時嘗書是編勒石開成四年楊漢公復摹刻於蜀中今湖本已泐闕蜀本僅存宋寶祐丁巳衡陽陳蘭

孫始以湖本銀木本朝楊州馬曰璩得宋葉翻刻之

即此本也然證以蜀本率多謬誤如卷首序文本元孫作所謂伯祖故祕書監乃師古也蘭孫以元孫亦贈祕書監遂誤以為真卿稱元孫而以序中元孫二字改為真卿以就之曰璩亦承其謬殊為失考其他闕誤亦處處有之今以蜀本附校補闕文八十五字改謬體十六字剛衍文二字始稍復顏氏之舊是書為章表書判官作故曰千祿其例以四聲隸字又以二百六部排比字之後先每字分俗通正三體頗為詳核其中如虫蟲鬣圖商商凍凍截然兩字而云上俗下正又如兒古貌字

顏魯公文集

卷三七

書評七

主

而云貌正兒通非之作非芻之作莖莖直是俗字而以為通用雖不免千慮之失然其書酌古準今實可行用非詭稱復古以奇怪鈞名者

四庫全書總目提要

顏魯公千祿字書在開成間石本已有刊缺至歐陽公為集古錄稱揚漢公樞本並多漶漫此蜀本勒石於紹興壬戌其去歐公時又百有餘年矣卷中自陽庚二韻而後類多凌亂失次又嘗見寶祐間柳陽本近日吳門鑲板以行與蜀本小有同異而唐韻之淆紊畧無是正豈開成楊刻印已為誤邪抑誤自紹興邪又何以蜀楚兩本並誤邪至蜀刻凡脫成几蚌丰從丰及注中並上

小誤或由傳學失真觀此則其於用筆結體更無足言矣吾友金慕齋閣學識識前後位置不爽此石至今尚存雍正癸丑同年顧觀察稼軒宦蜀歸會以見貽較此稍遜蓋此本當是百年前舊揭慕齋宜善藏之恐後此並不多觀也

汪由敦松泉文集

序稱第十三姪男真卿書按顏氏家訓曰兄弟之子北土多呼為姪案爾雅喪服經左傳姪名雖通男女並是對姑之稱晉世以來始呼叔姪晉書王湛傳濟才氣抗適於莊畧無子姪之敬書姪而又加男此唐人之俗稱也柳宗元祭六伯母文亦自稱姪男戴侗六書故曰爾雅女子謂弟之子曰姪喪服傳曰姪

顏魯公文集卷二十七 書評七

七

丈夫婦人報又曰謂吾姑者吾謂之姪賈公彥疏曰姪者對姑之稱若對世叔唯得言兄弟之子不謂言姪也春秋傳曰姪其從姑潘岳揚仲武誄姑姪繼隕通男女之稱又曰齊靈公娶於魯曰顏懿姬無子其姪駸聲姬生光又曰臧宣叔娶於鑄生賈及為而死繼室以其姪生紇今人謂兄弟之丈夫子亦曰姪非也古者兄弟之子皆曰子漢書疏廣與其兄子受父子並為師傳後漢書蔡邕與其叔父質得罪上書自陳亦曰言事者欲陷臣父子晉書謝安傳安與兄子元父子皆著大勳世說江左殷太常父子亦謂殷融與其兄子浩史記武安侯傳往來侍酒魏其跪起如子姪疑當時未有

稱姪者漢書作子姓禮記喪大記注子姓謂眾子孫也使求馬者乎史記外戚世家朱子語類姪字本非兄既難合矣或不能成子姓

弟之子所當稱當稱從子為是自曾祖而下三代稱從子高祖四世而上稱族子金石文字

金石文字記收得此本證其序稱第十三姪男真卿書

推明姪男為當時俗稱語不為無据然魯公臨書亦少

有謬舛證之說文繫傳云此書釐字改未為牙冕字轉

門為向鄰正體也而謂之謬隣俗謬也反謂之正益為

病矣蓋徐氏所訂已如此惜余未親全本為一詳攷也

又徐氏謂顏元孫作干祿字書其從孫真卿書之於石

顏魯公文集卷二十七 書評七

六

案序既云第十三姪男家廟碑又云生我伯父諱元孫則從孫殆從子之謬傳鈔者不及審也為附正於此按堂

按唐書地理志濠州鍾離郡濠字初作濠元和三年改

从濠韓退之有徐泗濠三州節度掌書記廳石記洪慶

善攷退之作記在貞元十五年因據唐志以證俗本作

濠之誤而吳曾能改齋漫錄駁之且引杜佑通典稱濠

州北齊為西楚州隋改曰濠州因濠水為名而唐初因

之佑上通典在貞元十年其書初不見濠字以此知韓

文作濠者為是今攷此碑元孫結銜稱濠沂濠三州刺

史家不從水旁石刻分明可以徵信又廣韻豪字下注
州名古鍾離國隋改爲州廣韻本於孫恂恂撰唐韻在
天寶十載足徵其時州名不從水也李吉甫元和郡縣
志亦云武德五年杜伏威附改濠州濠字中間誤去水
元和三年又加水焉正與唐志相合杜氏通典偶漏不
載而吳乃據以議歐志之失豈其然乎潘研堂金石文跋尾
魯公書石遍天下其存蜀者僅武連逍遙樓三字至南
部縣離堆磨厓記已泯建州中興碑則紹興初甯州事
吳旰摹刻而費少南跋之四川新舊志不復舉其名矣
干祿碑見潼川州志謂公自書在州學子惟歐陽公以
顏魯公文集卷二十七 書評七 九

謂干祿書真本開成中石已譌缺世所傳者乃揚漢公
摹本潼安得有此亟訪之尊經閣下碑石厚尺餘穴兩
旁如貫緯之制其正面則表裏刻之碑下斷一尺餘宋
人跋已不完跋首言干祿碑在湖州刺史宅東懸蜀士
大夫所見惟板刻鮮得其真府尹龍閣宇文公比刺湖
州得公所書以下州職官志宇文氏三人昌齡雙流進
士時中成都進士岫成都人修治學校四川科第志無
時中名惟費著氏族譜言宇文氏凡六院其自廣都院
者闕中粹中虛中迭登第時中賜進士第後以直龍圖
閣知潼川卽是跋所云府尹龍圖閣者矣虛中以建炎

初使金被留遇害與時中爲兄弟行碑之立當在建炎
紹興之際容訪足本再考之吳省欽白華前稿
顏元孫干祿字書一卷見唐志此碑題額標首皆作字
書集古錄因揚漢公跋題曰字樣非也元孫杲卿之父
兩唐書並附見杲卿傳碑首題朝議大夫滌沂豪三州
刺史上柱國贈祕書監顏元孫撰據傳但云歷官長安
尉太子舍人亳州刺史卒此云滌沂豪三州刺史與顏
氏家廟碑所述正同則劉歐兩史畧也次題第十三姪
男金紫光祿大夫行湖州刺史上柱國魯郡開國公眞
卿書考家廟碑敘顏氏世系自後齊黃門侍郎之推生
顏魯公文集卷二十七 書評七 十

思魯慈楚游秦三子思魯生勤禮其兄弟行又有師古
相時育德三人勤禮生昭甫敬仲殆庶無恤少連務滋
辟疆七子昭甫生元孫惟貞二子元孫生春卿杲卿耀
卿旭卿茂曾五子惟貞生闕疑允南喬卿眞長幼眞眞
卿允臧七子是元孫爲眞卿之伯以杲卿兄弟雁行數
之眞卿應居十一而云第十三姪者或統男女計之或
尚有諸兄早歿廟碑所不及也此碑序云元孫伯祖故
祕書監者卽顏師古爲勒禮之兄故稱伯祖耳云貞觀
中刊正經籍因錄字體數紙以示讎校楷書當代共傳
號爲顏氏字樣又云後有羣書新定字樣是學士杜延

業續修二書者不見於著錄蓋是書既出之後較師古
延業所著特爲詳善而二書遂以不傳也顧於宋齊隋
唐間皆爲著族以簪紱世家至開天時更以忠節顯名
天下然顧氏自之推以後類能研覃經史著書立說而
於六書聲韻之學尤有專長其所撰述此書之外較隋
唐兩志經解小學類者則有之推急就章注一卷訓俗
文字畧一卷筆墨法一卷愍楚證俗音畧一卷師古匡
謬正俗八卷急就章注一卷真卿韻海鏡源三百六十
卷餘如之推家訓書證篇游秦漢書決疑師古漢書注
諸書皆於小學家言再三致意是則一門著作多有淵

顧魯公文集 卷十七 書評七

三

源其討論之功非止旦夕元孫字書繁簡得中辨證確
鑿爲歷代楷模者宜也唐制取士之法兼及書判有小
學科此書剖析正俗便於蒙誦故以干祿命名書分平
上去入四聲所列字以韻之先後爲次統分通正俗三
等其例凡六有舉二字而注上俗下正者切功之類是
也注上通下正者蒙蒙之類是也亦有二字並正者躬
躬之類是也有兼舉二字而分疏其義者童僮之注上
童幼下僮僕之類是也有舉三字而注上俗中下正者
聰聰之類是也注上俗中通下正者茲茲之類是
也雖通卷未必折衷至當盡合六書之義然唐承六朝

之後書體譌謬百出得是書綜其大概以津逮學者實
足以補翼經史且其時三蒼字林凡將勸學飛龍諸書
尙存採擇既博說或不同未可概以許氏說文律之也
原碑爲魯公刺湖州時所書刻於大歷九年開成中楊
漢公嘗有摹本集古錄兼收兩碑已云原碑殘缺過多
則自宋而後浸已不顯今楊漢公本亦不可見而湖州
府志猶存其跋玩謬憩棠陰獲觀墨妙諸語是漢公所
摹之本仍在湖州而此碑後刻紹興壬戌成都句詠跋
稱府尹宇文公比刺湖州得魯公所書云云則宇文所
摹自在蜀中故至今潼川學宮猶存其石輿地碑目稱

顧魯公文集 卷十七 書評七

三

干祿字書湖州有二一在墨妙亭一在魯公祠者謂原
碑及漢公本也元談鑰吳興志稱干祿字書今在墨妙
亭者其時原碑已亡僅據漢公摹本而言也鄭元慶湖
錄論此碑乃謂輿地碑目所云卽楊漢公宇文時中所
摹之二碑談志在紹興之後何以止載其一則元慶誤
以宇文摹本爲在湖州而反疑談鑰之陋其謬甚矣宋
金兩史皆有宇文虛中傳而無時中傳四川通志但於
職官志載時中名注云成都人據元費著氏族譜則時
中與虛中爲兄弟行以直龍圖閣知潼川與碑悉合而
不言其嘗刺湖州且時中身爲刺史留心古蹟如此當

時善政必有可紀者而湖州府志名宦傳不載并郡守表亦無其名何歟碑字方整有法度尚存魯公遺意句詠跋所云令通顏書之士摹勒刻石者信非虛語而鮑翁集直謂詠所書與公頗類則誤也詠跋又謂蜀士大夫所見惟板本是南宋初已有登諸梨棗者其後寶祐丁巳陳蘭孫亦嘗以是書雕板尚存於世近楊州馬曰璐所刊干祿字書即用宋本然其中謬誤不一而足誠如四庫提要所云者今石刻雖已斷缺而可見之處猶有十之七八以校陳氏之本迥有徑庭祖嘗手錄其文詳加校定偏旁點畫一依原碑行付剞劂冀復顏氏顏魯公文集卷十七 書評七

之舊焉 金石萃編

案 本朝魏裔介刊有干祿字書二卷載入四庫

全書小學存目類卷端加以考證其題炎午案者當為顧說亦有不標名者疑即裔介所加也

竹山潘氏堂聯句

大歷八年癸丑公年六十五有潘丞聯句 魯公年譜

唐太師魯郡文忠公在吳興日宴客於竹山潘氏堂聯句而手書之凡十九人如處士陸羽僧皎然李觀房夔輩皆知名士而所謂梁顛須者於公為子姓皆有文行官僞具家廟碑中公此書邁勁雄逸而時時吐姿媚真

蠶頭鼠尾得意筆大較與家廟顏頤而此乃手跡又當遠勝之第宣和書譜實載之目錄而考無祐陵御題及宣和瓢印前僅冠以緝熙殿章而後有米元暉鑒定按緝熙殿理宗朝所建也雖隆準宛然能無邯鄲子真之感乎哉不知靖康之變玉盃金魚散在人間雖以光堯懸勇爵餅金購募而應者拆洗去之小米能別書不能別所以或為諱其自至理宗日始加以祕殿章識耳此事與楊少師神仙起居法極相類晉府圖書則當見收於恭王以永樂之籍入紀綱手而後佚之如高克明雪霽山行之類不可勝紀余既書此人或笑余直當以入顏魯公文集卷十七 書評七

法定真贋不當瑣瑣出處令後人目以為黃長睿也 州

絹本原屬大幅跋裝冊子正書字大如小拳結字端嚴運筆格如有天然沉着之氣非諸刻本光硬板實者比誠為至寶宣和書譜所載復經紹興內府所收前宋綾隔水宋紙標籤書顏魯公竹山聯句詩帖上上品字亦古雅本絹上下角鈐紹興連珠大璽鈐縫押緝熙敬止朱印又一古印莫辨詩前書竹山聯句題潘書光祿大夫行湖州刺史魯郡公顏真卿敘並書下却珍秘及希世之寶子孫寶之皆明晉府藏印詩後書會大歷九年

春三月字下有一舊印模糊難辨上下鈐紹興連珠大
寶宋綾隔水鈐御府之印晉府圖書二大印又鈐張
氏珍玩容齋清玩二印後紙米元暉題右顏真卿書竹
山書堂詩真跡臣米友仁鑒定恭跋並王元美昆仲三
跋此本為真定相國家藏曩曾有人來售索價甚昂未
幾聞已轉入宛平相公家矣以為不能復覩相去三十
餘年復得一見是知與翰墨有緣也雲泉安氏記
蠶頭鼠尾碑即竹山顏魯公書在明月峽中唐宋名
尺石刻最多惟此碑尤大州廩數來摹搨土人憚費擊
碎志下山

顏魯公文集卷二十七 書評七 三

按公以大歷七年秋九月除湖州刺史九年三月與處
士陸羽等十八人聯句於潘氏竹山書堂時公年六十
有六年譜載聯句於大歷八年誤也先是公以天寶中
作韻海鏡源屬祿山亂中止乃刺湖州乃以大歷八年
與沙門法海李嶸陸羽等十八人增修於陸處士之三
癸亭九年春遂終其事之上其聯句於一十八人內同
者處士陸羽廣漢李嶸河東裴修河南陸士修京兆韋
介顏榮潘述并公凡八人蓋增修韻海之暇春和景明
集燕於潘氏書堂聯句為樂碑銘所謂紛吾著書羣彥
惠臻者也時公與元載不協加勤於政而公務餘閒仍

復優游搆適如此不特可以見公之政治并其不畏強
禦不懼禍譴胸次浩浩亦可見矣此卷宣和御府所收
康熙間歸真定梁相國刻秋碧帖中顏楷之存於今唯
此及自書告朱巨川告三種而已宋人論魯公書原本
登善觀其大凡無毛髮似處余悉心臨寫恍然有契乃
知褚顏兩家非徒用筆不殊即其結體亦無一不合東
坡云論畫以形似見與兒童鄰古人精鑒信非兒童輩
所能望見鼻孔也虛舟題跋

案此詩摹入秋碧堂法帖劉宋時謝世基齊謝朓皆
有連句詩其曰連句即聯句也曰題潘書當是題潘
魯魯公文集卷二十七 書評七 天

氏書堂脫氏堂二字也曰顏真卿敘并書謂眾人各
為一韻公為次敘之并書也全唐詩錄公聯句詩三
十一首未載此詩會者十有八人姓名見全唐詩石
尊聯句者十一人詩中喜作意韻頗作韻行

顏魯公文集卷二十七終

顏魯公文集卷二十八

寧鄉黃本驥仲良編訂

湘陰蔣 瓌 繼揚叅校

書評八

顏泉卿碑

第一千五百四唐顏泉卿殘碑顏真卿撰并正書大歷

九年金石錄目

乾元二年己亥公年五十一有顏司徒碑銘魯公年譜

唐贈太子太保顏泉卿碑從弟真卿撰并書大歷九年

立至貞元十八年傾倒石折元和元年十月外甥盧佐

顏魯公文集 卷二十八 書評八

元重書孫男証建立寶刻彙編

顏泉卿字昕魯公之同祖兄也以光祿寺丞攝常山太

守衛尉卿兼御史中丞天寶十五載死逆胡之難贈太

子太保諡忠節葬萬年縣鳳栖原魯公文集

妙喜寺碑

大歷九年甲寅公年六十六有妙喜寺碑魯公年譜

案妙喜寺在湖州杼山僧皎然駐錫地也處士陸羽

建三癸亭於此魯公招集文士修韻海書成作記文

載集中無書者姓名然此碑為勝游而作必公自書

也當與放生碑石柱記同為郡守甃地具矣可勝慨

哉

歐陽瑤碑

唐商州刺史歐陽瑤碑顏真卿撰并書瑤字珪勃海人

任至商州刺史武關防禦使去官不仕而終碑以大歷

十年十月立集古錄目

右歐陽瑤碑顏真卿撰并書余自皇祐至和以來頗求

歐陽氏之遺文以續家譜之闕既得顏魯公歐陽瑤碑

又得鄭真義歐陽謹墓誌以與家所傳舊譜及陳書元

和姓纂諸書叅校又問於呂學士夏卿世稱博精於史

傳因為余考正為舛而家譜遂為定本然獨瑤碑所失

顏魯公文集 卷二十六 書評八

者四顏公書穆公封山陽郡公呂學士云陳無山陽郡

山陽今楚州是也當梁陳時自為南兖州而以連州為

陽山郡然則陳書及舊譜皆云穆公封陽山公為是而

顏公所失者一也舊譜皆云堅石子質南奔長沙顏公

云自景達始南遷其所失者二也歐陽生自前漢以來

諸史皆云字和伯而顏公獨云字伯和二字義雖不異

然當從眾又顏氏獨異初無所據蓋其謬爾其所失者

三也元和姓氏及譜銘皆云允約之子而顏公獨以為

紇子其所失者四也瑤之世次不應舛亂如此蓋謹之

卒葬在咸亨上元之間去率更未遠真義所誌宜得其

賈璠卒大歷中唐之士族遭天寶之亂失其譜系者多
顏公之失當時所傳如此不足怪也治平元年夏至日
書銘闕其末數句不補集古錄跋尾

案歐陽公云銘闕末數句今集本銘三十二句皆全

第一千五百八唐商州刺史歐陽璠碑上第一千五百

九歐陽璠碑下顏真卿撰并正書大歷十年十月金石錄目錄

大歷十年乙卯公年六十七有歐陽領軍碑銘魯公年譜

歐陽璠碑顏真卿撰并書在榮澤縣天下金石志

歐陽璠字子璠勃海人官游擊將軍左領軍衛大將軍

兼商州刺史武關防禦使上柱國上元二年卒年六十七

顏魯公文集卷之八 書評八 三

有五大歷十年冬葬榮澤縣廣武原魯公文集

元結墓表

右元次山銘顏真卿撰并書唐自太宗致治之盛幾於

三代之隆而惟文章獨不能革五國之弊既久而後韓

柳之徒出蓋習俗難變而文章變體又難也次山當開

元天寶時獨作古文其筆力雄健意超拔不減韓之徒

也可謂特立之士哉集古錄跋尾

第一千五百五十五唐元結碑上第一千五百五十六

元結碑下顏真卿正書金石錄目錄

右唐元結碑顏魯公撰并書按唐書列傳結後魏常山

王遵十五世孫而碑與元氏家錄序皆云十二世蓋史
之誤又碑與元和姓纂皆云結高祖名善禱而家錄作
善禱未知孰是也金石錄跋

大歷十年乙卯公年六十七有元次山表墓碑銘魯公年譜

按史龐承鼎以申泰芝事被殺嚴郢坐流見嚴郢傳今

碑言俾君按覆君建明承鼎無罪而史不之載何邪金石錄

此元公次山墓表也墓在魯山青條嶺泉陂原故吏大

歷令劉袞江華令瞿令問等樹碑撰書皆出魯公手元

公自是唐家賢臣而魯公亦贊揚盡致所謂忠烈義激

顏魯公文集卷之八 書評八 四

文武直清信非溢美碑四面環書字大徑三寸許深厚

穩重蓋魯公得意書也按碑公以道州刺史轉容州都

督兼本管經畧使丁內憂百姓詣使請留大歷四年拜

金吾衛將軍兼御史中丞本管使如故公矢死陳乞者

再三優詔褒許七年春朝京師四月薨於永崇坊旅館

蓋公既宅憂節度使以百姓請留具疏故以本管使加

拜金吾將軍御史中丞及陳乞詔許遂去官服闋入朝

卒於京師碑所云四年七年者語自明悉而新唐書云

會母喪人皆詣節度使府請留加金吾將軍民樂其教

至立石頌德罷還京師卒於公矢死懇請優詔褒許皆

畧而不書而於加金吾將軍下贅以民樂其教云云若
公遂尋情留任者然且云罷還京師者亦不合此皆記
載之謬急宜釐正者至於兼御史中丞之漏猶其小者
也公父延祖移家魯縣故公葬焉碑近移置學宮金石錄
右容州都督元結表墓碑顏魯公書四面刻字與宋廣
平李含光及家廟碑式相同後題大歷下闕一字據魯
公行狀稱大歷七年除湖州此碑署湖州刺史必在七
年以後矣唐書元結傳稱曾祖仁基寧塞令而碑云喪
信令又稱父延祖再調春陵丞而碑云歷魏城主簿延
唐丞皆其異者潛研堂金錄本
石文跋尾

顏魯公文集卷六 書評入 五

碑舊在青條嶺余近所見揚本蓋魯山李居來家所藏
持以贈余者字間有剝泐證以舊志所載全文讀之始
無遺缺碑云曾祖仁基朝散大夫褒信令傳乃作寧塞
令次山父延祖歷魏城主簿延唐丞傳僅云再調春陵
丞而已春陵漢舊縣宋景文書唐人仍襲用舊名使其
歷官所在後世幾不可考殆非例也元和郡縣志春陵
故城在延唐縣北十里景文於傳書之其亦用古之過
而遂僻澀如是與凡史以紀實也作尋常文字猶不宜
遷就其詞况乎成一代之史以俟後世其毋益滋之惑
而大失真與碑載次山起家爲道州刺史爲西原賊所

陷人十無一戶纔滿千今傳云遺戶裁四千攷次山春
陵自序道州舊四萬餘戶經賊以來不滿四千傳所書
當據此文而碑云戶纔滿千真卿在當時手自傳錄理
亦不謬然或更有所本與殆亦詩人靡有子遺之謂與
次山祖傳云諱亨字利貞碑惟云利貞由避肅宗諱不
書投堂金
石跋

容州都督元結表墓碑大歷口年十月立其文與新唐
書本傳畧同宋祁當卽據此爲之惟碑云祖利貞史云
祖亨字利貞碑云充山南東道節度叅謀史作西道碑
云猗玕洞史作猗玕沮碑云將家讓濱史作讓濱蓋傳
寫之誤李義山作元結文集後序云見憎於第五琦元
載故其將兵不得受作官不至達母老不得盡其養母
喪不得終其哀碑獨不述其事者以同時忌諱而新唐
書則應採錄此事乃僅襲碑文何也碑云葬君於魯山
青嶺泉陂原今在縣城北三十里青嶺俗名青條嶺也
中州金
石記

銘載道士申泰芝誣湖南都防禦使廳承鼎謀反并判
官吳子宜等皆被決殺推官嚴郢坐流俾君按覆君建
明承鼎獲免者百餘家新唐書結本傳不載此事惟附
於嚴郢傳方士申泰芝舊唐書
作奉芝以術得幸肅宗邀遊湖

衡開以妖幻詭眾姦賊巨萬潭州刺史麗承鼎按治帝不信召獵泰芝下承鼎江陵獄郢具言泰芝左道云云帝怒叱郢去卒殺承鼎流郢建州與誌銘符舊唐書呂諲傳麗承鼎因奉芝入奏至長沙紫之遣使奏聞輔國黨奉芝召奉芝赴闕既得召見具言承鼎曲加誣陷詔鞠承鼎誣罔之罪據是則泰芝不過指承鼎為誣陷何至帝怒不已必致之死地以銘考之泰芝乃誣承鼎謀反傳殆未具其實也後承鼎竟得雪泰芝竟以賊敗流死亦由結建明承鼎而新舊史皆於結本傳不書其疎甚矣銘載淮西節度使王仲昇為賊所擒裴茂與來瑱

顏魯公文集 卷之八 書評八

七

交惡事亦見來瑛傳 晉山縣志

此碑顏魯公文集載其文今取以互校有不同者碑云高祖善禪集作善禪曾祖仁基朝散大夫集作朝請宗見先生德秀集無先生二字卿果破朕憂 傳 集破下有賊字招輯義軍集招作拓威望日崇集作日隆部將張遠帆集無帆字將家讓濱集作讓濱作甘棠頌以美之集無頌字君單車入洞集作單軍七年春正月集無春字二子以方以明集無以方二字躬是三者而見重於今集見重作身重擁旄麾幢集作擁旄而感激者不能不為之歎息也集無者不能三字銘詞率性直方集作

方直秉心真淳集作真純實志莫申集作素志莫申凡此皆集本刻訛也結所歷官新書傳俱同 舊書無傳惟禮部侍郎楊浚傳作湯浚山南東道節度參謀傳作西道將家讓濱傳作讓濱 與顏集同 陽浚湯浚不能定其孰是山南東道作西道則史誤也碑下文云仍於唐鄧汝蔡等州招輯義軍此四州皆屬山南東道則不應為西道參謀矣讓濱作讓濱據九江志讓濱在瑞昌縣南唐元結嘗居此自號讓濱浪士其詩云尤愛一溪水而能存讓名自當作讓為是然碑則云讓溪後云讓濱兩皆作讓或亦以結詩有存讓名之語似亦可通也碑云後魏昭成

顏魯公文集 卷之八 書評八

八

皇帝孫曰常山王遵之十二代孫下云自遵七葉王公相繼著在悼史高祖善禪云云高曾祖考本身加以上世七葉正十二代也昭成皇帝者北魏太祖平文帝之子諱什翼犍据魏書昭成子孫列傳昭成子壽鳩之子遵太祖初有佐命勳賜爵畧陽公平中山拜尚書左僕射加侍中遷州牧封常山王考昭成帝稱代王建元建國始於晉咸康四年戊戌自此下推至結當天寶十二載癸巳舉進士之年計之得四百七十五年除昭成父子二代約七十五年則自遵至結約四百年不過十二代而已不至有十五代則傳誤也碑云父延祖以魯縣

商餘山多靈藥遂家焉魯縣本隋大業初廢魯州置縣
唐初改魯山縣自三代至六朝皆謂之魯陽此稱魯縣
者仍隋舊名也魯山縣志大義山又東北爲壺山壺山
又東南爲商餘山元結演興詩商餘山有太靈古洞集
古錄目云元結隱居教授於商餘之肥溪據此碑則隱
居教授者不自結始矣碑云及終門人私謚曰太先生
謚法無太字太與泰同說文大也通也私謚殆取義於
此不必拘於法也碑云結始知書乃受學於宗兄先生
德秀此卽元德秀也宗兄之稱始見於此新唐書德秀
傳爲河南人蓋與結同姓而不同系故稱之爲宗兄也
顏魯公文集卷之八 書評八 九

山寨以自保一聞招輯率眾歸附正見其義而傳乃以
劇賊加之此史文之失實也碑云度葬君於魯山青嶺
泉陂原度葬二字他碑未見魯山縣志歇馬嶺又東南
爲青嶺在今縣治北三十里碑稱君之碑誌爲中書舍
人楊炎常袞所作此碑則故吏劉袞等竭資鬻石而立
之唐書楊炎傳炎由禮部侍郎知制誥遷中書舍人與
常袞並掌綸語常袞傳言天寶末及進士第由太子正
字累爲中書舍人兩人之官中書舍人傳皆無年月不
能定其撰碑誌之在何年則此碑之立亦不能定今以
其碑稱七年正月朝京師四月薨其年冬十一月葬遂
顏魯公文集卷之八 書評八 十

顏魯公文集卷之八

書評八

九

顏魯公文集卷之八

書評八

十

湖州石柱記

石柱碑字殘缺不見年月及書撰姓名驗其字畫顏真
卿書也凡湖州諸縣皆記其山川前古陵墓錄曰
湖州石柱記舊在烏程縣西南三十里之杼山今在墨
妙亭又斷碑二亦載顏真卿書與地碑目
記中所記陵墓頗多舛錯且唐有五縣而記遺其二以
石柱殘缺故也因商之朱竹垞先生悉爲辨證而梓行
之湖
魯公宦轍所屆多冥摻勝蹟如麻姑碑華嶽廟石幢不

可數記大抵忠孝人必具真性情所值山川人物未有
浮雲過眼者雖間有譌誤亦如子瞻以赤鼻爲赤壁借
以張所寓之邦不足深辨也張希良石
柱箋釋序

顏文忠公泐吳興山川陵墓古蹟於石柱樹村山年遠
剝落孫萃老取而貯之墨妙亭更六百餘禩竟歸銷滅

鄭子苴畦搽得真本補亡訂譌箋釋盡善蔣國祥石
柱箋釋序

案留元剛撰魯公年譜載公自大歷七年九月除湖州
刺史八年正月至任十二年四月內召八月入爲刑部

尙書所敘刺湖事蹟甚詳獨不及石柱記故不知其作
於何年考之唐會要烏程縣大歷十二年二月二十一
顏魯公文集卷三書評入十一

日新陞望公記烏程注云舊繫今望則知其爲十二年
二月後所作也時公膺召尅期進都猶留心郡事勤之

貞石用垂久遠更數百年風雨剝蝕蕪沒荒山非孫萃
老力爲收貯幾乎不與蠶頭鼠尾碑胥歸銷滅也邪謹

識之見魯公用意之深且以補年譜所未逮云鄭元慶
箋釋

凡境內山川陵墓古蹟皆入記刊之石柱又名吳興地
記吳興
志

案 本朝歸安鄭元慶芷畦著有石柱記箋釋四卷
附注朱彝尊竹垞補記一卷稽考甚詳採入 四庫
全書茲不具錄

射堂記

唐射堂記顏真卿撰并書碑石缺譌文理斷續其事迹
不可考大歷十二年四月立集古
錄目

右射堂記顏真卿書魯公在湖州所書刻於石者余家
集錄多得之惟放生池碑字畫完好千祿字書之類今

已殘缺每爲之歎息若射堂記者最後得之今僕射相
公筆法精妙爲余稱顏氏書射堂記最佳遂以此本遺

余以余家素所藏諸書較之惟張敬因碑與斯記爲尤
精勁惜其皆殘闕也集古錄
跋尾

第千五百十九唐湖州射堂記撰人姓名殘缺世傳
顏魯公文集卷三書評入十一

顏魯公正書大歷十二年四月金石
錄目

射堂記在湖州墨妙亭顏真卿撰并書碑石殘缺不可
考以大歷十二年立輿地
碑目

射堂記孫克洪許光祚俱以爲在長興屠隆考槃餘事
亦仍其謬湖
錄

射堂在歸安縣白蘋洲西唐貞元中刺史李詞建顏真
卿爲記湖州
府志

案湖志郡守表李詞以貞元十六年爲刺史距魯公
之歿已十有五年魯公何能作記蓋射堂作於魯公
而李詞重修之也

浮玉二大字

浮玉山在府城南碧浪湖中怪石礪礪出於蒲葦之中入郡第一景也湖州府志

浮玉二大字左方有真卿二字款正書無年月

案浮玉山在湖州府城南湖州有兩浮玉山其在孝

豐者為大浮玉此山在歸安為小浮玉此浮玉二字

魯公刺湖州時所書也湖州府志及金石家皆未載

蔣伯生因培遺余榻本紙墨甚舊不知碑在何所道

光二十一年浮梁黃瑜命工摹刻於黔陽之美蓉樓

前款一行則余從放生池碑陰記中移置也

顏魯公文集卷二十八 書評八

三

柳惲西亭記

初湖州霅溪東南有白蘋洲梁太守柳惲江南曲汀州

采白蘋日暮江南春後人因以名洲至大歷十一年公

始翦榛導流作八角亭及茅亭書惲詩於上十二年丁

巳公年六十九四月有柳惲西亭記魯公年譜

梁吳興太守柳惲西亭記顏真卿撰并書錄

湖州帖

湖州帖一名江外帖宣和書譜所載牙色紙本質堅厚

墨氣如新行草八行字大如小拳後款真卿白用筆與

劉中使帖絕相類二帖皆宗室趙與勳所藏之物也

此帖前黃綾隔水有內省齋白文一印青綾標籤金書

顏魯公湖州帖六字上押一寬邊朱文小印本帖前有

宣和紹興內府書印下角鈐稽察司半印後政和小璽

紹興連珠大璽機暇清玩之印又紹興連珠小璽及張

氏珍玩北燕張氏寶藏二印後紙有秋壑圖書歐陽元

印卷多項墨林家藏印余收有魯公自書詩並裴將軍

詩書語有蔡忠惠米元暉董思白跋裴將軍詩曾經王

弇州所藏有曹武惠跋二卷世稱名跡今皆無存然裴

將軍詩不無疑議云雲泉安氏記

案湖州帖宋東平鞏蟻增入忠義堂明董思白摹入

顏魯公文集卷二十八 書評八

四

戲鴻堂 本朝乾隆中奉

詔摹入三希堂安氏所記則舊傳墨蹟也

項王碑陰述

唐項王碑陰述顏真卿為湖州刺史重建項羽廟舊碑

以大歷七年五月刻記於碑陰集古錄目

項王碑陰述唐大歷十二年顏真卿撰并書集古錄跋尾

第一千四百六十六唐項王碑陰述顏真卿撰并正書

大歷七年四月金石錄目

大歷十二年丁巳公年六十九有項王碑陰述魯公年譜

項王廟碑陰集古錄云顏氏發書顏真卿書并項王碑

陰記附殘缺不全而事述可見碑陰真卿重建項羽碑
以唐大歷七年刻輿地碑目

案項王碑陰述集古錄作大歷十二年集古錄目及
金石錄皆作大歷七年四月項王廟在湖州魯公以
大歷八年正月到湖州刺史任十二年八月擢刑部
尚書其七年四月不得遺書湖州之碑以集古錄所
載為是又輿地碑目云項王廟碑大歷七年刻碑陰
真卿重建則七年所建之碑非魯公書魯公書者乃
其碑之陰以十二年公將去湖州時刻也

顏魯公文集 卷三八 書評八 五

顏魯公書韻海 右聞大書朱字魯公書小字他人作

蘇駒云在其父刑部尚書處寶章待訪錄

徐浩為顏真卿辟客書韻自張顛血脈來教顏真卿大
字促令小小字放令大非古法也海嶽名言

駱駝橋三字

駱駝橋在湖州府治東南霅溪上舊有顏真卿所書駱
駝橋三字後傳刻失真湖州府志

橫山廟碑

廣德軍顏真卿橫山廟碑碑載自梁天監五年至唐天
寶中以新壽感應始贈水部員外輿地碑目

案全唐文是碑僅存神居武陵其地有湖每出則神
獸前導形如白馬凡十有九字湖州府志烏程縣有
衡山衡橫字通用廟祀其山之神

永興字額

鹿苑寺在湖州城南梁處士夏份捨宅建後廢唐大歷
間僧明普重建賜名永興寺刺史顏真卿篆額湖州府志

文殊碑

僧皎然奉同顏使君真卿開元寺經藏院會觀樹文殊
碑詩云萬國布殊私千年降祖師雁門傳法至龍藏立
言時故實刊周典新聲播魯詩六鉢那更佛劫石盡無

顏魯公文集 卷三八 書評八 六

期全唐詩

宋潤州蘇氏家藏有顏魯公進文殊碑張邦基墨莊漫錄

文殊帖

蘇子才收碧箋文殊一幅魯公妙蹟米芾書史

案魯公自大歷八年正月到湖州刺史任至十二年

八月入為刑部尚書在湖五年所書碑版不知凡幾

至宋熙寧五年孫莘老築墨妙亭時披羅殘佚尙得

三十二通後為郡守填斃聽事一無存者今據各家

記載名存石佚者在湖所書僅得十餘種惟放生池

表及碑陰記文殊湖州三帖見留元剛忠義堂摹本

千祿字書見宇文時中潼川摹本竹山聯句見梁相國秋碧堂摹本雖非原刻尙得窺其遺式餘則無從查考矣

祖亭碑

江州顏魯公祖亭碑事見祖單廟下碑目

案歐陽詹弔九江驛碑材文曰江州州南有湖湖東有山祖將軍廟在焉公出錢五萬造亭曰祖亭製亭之文手勒斯碑而記之輿地碑目云事見祖單廟下者單祖將軍名也王象之有輿地紀勝祖單廟載其書內

顏魯公文集

卷二十八

書評八

七

李抱玉墓碑并廟碑

第一千五百二十唐李抱玉碑楊紹撰顏真卿正書大歷十二年五月在京兆府長安金石錄

唐李抱玉墓碑顏真卿書在墓前又李抱玉廟碑真卿書在長安縣杜永村古今碑目

唐李抱玉墓碑并廟碑顏真卿撰在杜永村墓下天下金石志

右鳳翔潯路行營副元帥涼國武開公李抱玉碑楊文

貞緒撰顏文忠真卿書見趙明誠金石錄余得之乃一舊拓本最精好而終缺兩處幾二百許字蓋成帖後脫

落見殘非石泐也楊公銜稱贈司徒當是文成而卒於位其家乞顏公追書之故耳大歷中名臣無如二公者而一撰文一書丹在涼公誠幸也第公起邊將中興名位差肩李郭而能守忠節以顯融終介弟承之又大開方面勳且公一武弁能力辭王爵辭司空辭左僕射以視僕固懷忠輩不天壤哉然則微二公公故不朽也非幸也夔州續集

李元靖碑

第一千五百二十一唐元靖李先生碑上第一千五百

二十二元靖李先生碑下顏真卿撰并正書大歷十二

顏魯公文集

卷二十八

書評八

六

年五月金石錄

大歷八年癸丑公年六十五有元靖李先生碑銘魯公年譜

建康府唐元靖先生碑顏真卿書大歷二年又云在紫

陽觀大歷七年輿地碑目

右唐元靖李先生碑顏魯公撰并正書碑稱隱居先生

以三洞真法傳升元先生升元付體元先生體元付正

一先生正一付先生自先生距隱居凡五葉矣今考之

隱居先生者梁陶宏景升元爲王遠知體元爲潘師正

正一爲司馬子微三人唐書有傳惟元靖無之予嘗遊

茅山至玉晨觀其前有雷平池池南爲伏龍岡元靖葬

其上碑今在觀中四周皆刻文字道士以亭覆之金蓮
魯公好仙術不特書麻姑壇已也按李含光者陶隱居
喬凡五世其專絕無可紀獨人謂其隸法勝乃父遂斷
不作隸差近厚耳魯公書結體與家廟同道勁鬱淳故
是誠懸鼻祖然視虞永興褚河南閭閻氣象不無小乏
人慕

右結體與家廟碑一同後有小跋云紹興丁巳五月十
四日大風折顏碑雲溪沈作舟扶起之符潤軒

茅山元靖先生碑一顏魯公楷書并文一唐柳識文張
從申書李陽冰篆額世號三絕碑俱在直隸應天府句
麟魯公文集卷二十八 書評八 十九

容縣茅山考樂
蘇事

右碑在茅山玉晨觀中顏真卿撰并書碑云先生諱含
光廣陵江都人從司馬鍊師盡得其道元宗詔居王屋
後請居茅山元靖其賜號也按傳法世系自元靖上溯
陶隱居凡五葉其升元先生為王遠知體元先生為潘
司正正一先生為司馬子微史家皆為立傳惟元靖無
傳耳余嘗遊茅山過雷平池登伏龍岡弔先生墓慨然
有遺世之想碑中所謂靈芝甘露固不可復得即紫陽
之東鬱岡山上齋壇仙院亦改舊觀惟穹碑屹峙聲施
至今使非魯公之書恐亦不能久遠如是故古之銘碑

樹碣者必託諸大手筆也歟碑云先生孩提則有殊異
晬日獨取孝經如捧讀焉此俗吾吳尤甚凡子女晬日
率召親戚筵宴設書冊刀悅果餌之類以試之窮鄉委
巷皆然讀此碑而思先王緣情制禮所謂三千三百者
朝廟猶存其畧至於家人之禮蕩然無遺而桑弧蓬矢
以射四方之意歷年不變然後歎父母愛子之情最為
真摯也夫金石
後錄

魯公以大歷六年罷刺撫州七年九月至東京除湖州
刺史十二年為此碑於時年六十有九先是乾元二年
由昇州刺史充浙西節度使兼江寧軍使致書元靖與
贛魯公文集卷二十八 書評八 二十

之締交越十年而元靖死又八年而公為之作碑留元
剛年譜系碑於大歷八年誤也是年春三月元載伏誅
召公為刑部尚書而此碑書於五月猶稱湖州刺史當
由刑部尚書之命猶在五月後耳 原碑斷於宋紹興
七年丁巳不知何時毀去今茅山所有碑乃是覆刻筆
畫細瘦全乏魯公雄健之氣且字之說者七十餘處而
原碑不可復得矣余在京師時得觀本球圖視之 昔
人稱此碑筆法與家廟碑同余按魯公晚年所書碑跌
宕莫如宋廣平肅括莫如家廟碑此碑風格正在廣平
家廟之間信是魯公極筆虛舟
題跋

乾隆壬子秋錢辛楣先生語余云向游茅山至玉晨觀
訪顏魯公書元靖先生碑已糜碎尙存二十餘片道士
不知寶愛委諸糞土瓦礫之場恐妙蹟不復留人間矣
并出游山記示余余竊惟辛楣以訪碑出游隨處表章
舊蹟而茲復向余諄諄者蓋以拾殘補缺爲守土者責
也余公冗不暇入山札句容縣學兩廣文徐君彬俞君
獻搜尋殘碑督工椎搨越日來報言此石見存觀中半
屬叠床支竈砌地鋪階及附近居民家供在書案者檢
來共得二十三片當運至學舍藏貯但四面刻字難堪
架空磊豎並郵到榻本六十紙計存一千四十餘字

續傳公文集卷二十八 書錄八

三

辛楣詳加考訂其完全之字僅得七百六十有六其殘
缺者正面三百六十一字右側八十六字背面三百三
十二字左側五十九字計共殘缺字八百三十有九以
硃書補注之適賈人挾此碑宋榻本至其文字與辛楣
考訂無異而神采尤爲煥發余且喜且驚豈知余相需
之殷來索重賈邪抑魯公之靈默默相之也乃償賈人
直付姚東樵以缺字鈎勒上石期成完璧又恐膠合以
還舊觀日久仍不免有摧裂之虞今仍於玉晨觀中築
石臺兩行將殘碑及補石分別大者爲一行小者爲一
行排置臺上其兩行之頂亦砌石覆蓋俾免散失又以

文字顛倒另縮小字勒碑於旁以爲後人敘次之據復
建石亭以覆之爰偕僚友捐廉以襄其事茲因工竣而
爲之記 汪志 伊記

碑在茅山玉晨觀雲笈七籤紀洞天福地第八曰句曲
山洞周迴一百五十里名曰金壇華陽之洞天在潤州
句容縣屬紫陽真人治之江寧府志茅山在句容縣東
南四十五里初名句曲山又名已山皆以形似名吳越
春秋禹巡天下登茅山以朝諸侯更名爲會稽茅山記
秦始皇三十七年遊會稽還登句曲今茅山北垂有良
常秦望諸山以始皇名也漢有三茅君得道於此因謂

續傳公文集卷六 書錄八

三

之三茅峯梁陶宏景亦隱居此山道書以爲第八洞天
第一福地唐六典江南道名山之二曰茅山山以三茅
君得名漢茅盈元帝時隱句曲山學道遇至人授以仙
術盈弟衷爲西河太守固爲執金吾各棄官來就兄皆
得道世稱三茅君者是也玉晨觀在大茅峯下舊傳高
辛氏時展上公於此得仙其後周有郭真人巴陵侯漢
有杜廣平東晉有楊真人許長史梁有陶宏景唐有李
元靖南唐有王貞素俱在此得道梁爲朱陽觀唐太宗
時爲華陽觀明皇時爲紫陽觀宋祥符初改今額王圻
續文獻通考仙釋考道家姓氏不載李含光歷代道家

統紀惟載天寶六載五月詔茅山紫陽觀取側近百戶
太平崇元二觀合一百戶並蠲免租差科永充修葺酒
掃語與碑所載合但據碑則紫陽觀側近是二百戶積
通考疑脫二字也其餘碑文所載俱無考碑敘元靖先
世二十一代祖宏不見於漢書高祖文焜陳桂陽王國
侍郎文焜陳書無傳桂陽王者陳書列傳諱伯謀字深
之世祖第十三子也太建中立為桂陽王七年為明威
將軍置佐史所謂王國侍郎者蓋即佐史之屬也碑云
先生以大歷已酉歲遁化已酉為大歷四年道家辭世
謂之遁化始見於此碑稱元靖各種著撰惟本草音義
顏魯公文集卷三十八 書評八

為恒農宏文館為昭文至開元七年復故魯公書碑
仍用本字又案是碑今已殘泐汪稼門制軍摹本筆
意失真惟何子貞紹基所藏一字不損最為舊揚余
亦近得一紙乃是碑四面旋刻之前一面存者纔五
百六十九字亦明揚也又得小楷全文一本是集帖
所摹後有晉府圖書白文印御府之印朱文印
杜濟墓碑
右杜濟神道碑顏真卿撰并書藝之至者如庖丁之刀
輪扁之所無不中也顏魯公之書刻於石者多矣而有
精麤雖他人皆莫可及然在其一家自有優劣余意傳
顏魯公文集卷三十八 書評八

三卷新唐書藝文志著錄餘如老莊周易學記義畧諸
篇皆不載碑云先生工篆籀隸書各云賢於其父因投
筆不書是其父孝威亦能書也今檢書譜無其名碑云
真卿乾元二年以昇州刺史充浙江西節度唐官稱無
浙江西節度唐書顏真卿傳是浙江西道節度使此
碑舊文原是充浙西節度充字上泐一字殆亦碑買朱
搨本見有缺字因於浙字下妄增江字耳
案李含光本姓宏以孝敬皇帝廟諱改姓李孝敬皇
帝高宗第五子初封代王後立為皇太子為皇后武
氏所誅高宗為書敬德紀者也上元二年改宏為顏

模鑄刻之有工拙也而此碑字畫道勁豈傳刻不失其
真者皆若是歟碑已殘缺銓次不能成文第錄其字法
爾集古錄跋尾
第一千五百二十八唐杜濟碑上第一千五百二十九
杜濟碑下顏真卿撰并正書大歷十二年十一月金石錄目
杜濟字應物京兆杜陵人官京兆尹御史中丞梓遂杭
三州刺史劍南東川節度使大歷十二年卒年五十有
八葬萬年縣少陵原夫人太子中舍京兆韋迪之女濟
與魯公為友魯公文集
右顏魯公書撰杜濟神道碑沉著端重真可入木八分

友人曾三翼無疑寶藏之按六一先生集古跋謂殘缺不能成文今乃粲然可讀得非摹拓有先後邪濟蓋魯公友增故又誌其墓六一先生亦有跋云顏撰而不云書筆法非魯公不能為世頗以為非顏書更俟識者辨之今考魯公文集大抵碑詳而誌畧亦微有異同如碑以濟祖仕明堂丞誌則云衿碑以濟為惠第二子誌作第三又碑與誌並歷渭南宰而文集於碑中乃以為尉皆傳寫之誤當以此碑為正慶元乙卯六月二十日周必大書

唐杜濟墓誌銘

魯魯公文集卷三六

書評八

五

唐杜濟墓誌刑部尚書顏真卿撰字畫亦類真卿而不著名濟字應物京兆杜陵人官至梓州刺史碑以大歷十二年十一月立

錄目

右杜濟墓誌銘但云顏真卿撰而不云書然其筆法非魯公不能為也蓋世頗以為非顏氏書更俟識者辨之

集古錄跋尾

第一千五百三十唐杜濟墓誌顏真卿撰并正書大歷

十二年十一月

金石錄日

右唐杜濟墓誌但云真卿撰而不云書歐陽文忠以謂非魯公不能為也蓋世頗以為非顏氏書俟識者辨之

余觀此誌字畫奇偉決非他人可到歐陽公信小字麻姑仙壇記以為真蹟而尚疑此誌何哉

金石錄跋

康希銑碑

第一千五百三十一唐台州刺史康希銑碑上第一五百三十二康希銑碑下顏真卿撰并正書大歷十二年

金石錄目

大歷十一年丙辰公年六十八有康使君碑銘

魯公年譜

唐台州刺史康希銑碑顏真卿撰并書大歷十二年立

在越州離渚官遣匠摹揚為村民擊碎

寶刻叢編引諸道石刻錄

紹興府康希銑碑在山陰蘭亭其碑顏魯公撰并書

魯魯公文集卷三六

書評八

五

目碑

康希銑字南金會稽人官銀青光祿大夫海濱饒房陸台六州刺史上柱國汲郡開國公開元三年卒年七十

一天寶四載葬山陰縣離渚村

魯公文集

懷園寂上人詩

第一千五百三十三唐懷園寂上人詩顏真卿撰并正書大歷十二年十二月

金石錄目

大歷十三年戊午公年七十二有過臨臺寺懷園寂上人詩

魯公年譜

顏歐殘碑

第一千五百五十三唐顏默殘碑顏真卿正書金石錄目

右唐顏默殘碑者初潁川人家以其石為馬臺皇祐中

王回深父之弟回容季見而識其為魯公書因模本以

傳深父為文以記之默仕晉為汝陰太守故大歷中魯

公追建此碑於汝陰焉金石錄跋

案顏默字靜伯魯公十五世祖魏汝陰太守護軍襲

葛繹子晉西平靖侯舍之父也公書舍碑為晉江夏

李闡文則默碑當亦重書舊文非公自撰也

顏魯公文集

卷三八

書評八

七

顏魯公文集卷三八

寧鄉黃本驥仲良編訂

湘陰蔣環維揚泰校

書評九

殷君夫人顏君碑

右誌在河南舊府治門內掘土得之委弄糞壤學博齊

君懷瑜言于當事移置關將軍廟中剝落殊甚其可識

者篆額唐錢塘縣丞殷餘首行錢塘縣丞府君夫人

字世側書并序二字第二行十三姪男金紫光缺四湖州

刺史上柱國魯郡公真卿撰并誌云君號字定瑯琊

顏魯公文集卷三十九 書評九 一

臨沂人也北齊黃門侍郎之推府君之元皇朝秦王記

室思魯府之會著作郎宏文缺賢缺之孫天皇曹王侍

讀贈華州刺史昭甫府君之季女以下文字益漫漶不

可句昭甫魯公之祖夫人蓋魯公之父同產也書法類

家廟碑而稍大歐公跋魯公斷碑云如忠臣烈士道德

君子端嚴尊重後人畏而愛之雖其殘缺不忍棄也余

於是誌亦然金石

金石補遺云四面環刻字徑三寸碑書第十三姪男上

柱國魯郡公真卿撰文并書年月缺在河南府道

居寺天王殿前新自地中掘起者按道居寺乃玉虛觀

道紀司也字音訛耳河南府志

右杭州錢唐縣丞殷君夫人顏氏碑首云君號口定瑯

琊臨沂人北齊黃門侍郎之推府君之元皇朝秦王記

室思魯府君之會著作郎集賢學士勤禮府君之孫文

中又稱祕書監元孫府君太子少保惟貞府君自父祖

以上皆稱府君而直書其名所謂臨文不諱也篇中不

稱夫人而稱君亦變例也稱會元而去孫字與漢尹宙

碑同唐書殷踐猷傳族子成已晉州長史初母顏叔父

吏部郎中敬仲為酷友所陷率二妹割耳訴冤敬仲得

減死及成已生而左耳缺云讀此碑乃知即魯公之姑

顏魯公文集卷三十九 書評九 二

其二妹者一為宜芳令裴安期妻其一則殘缺不可辨

矣殷君之名殘缺不見寶刻類編載顏魯公書有殷履

直夫人顏氏碑開元二十六年立在洛陽疑即此碑也

夫人以開元二十五年卒明年正月耐葬此碑乃魯公

為湖州刺史時追立蓋在大厯間潘研堂金石文跋尾

金石畧載真卿書獨遺此碑寶刻類編有顏真卿書殷

履直夫人顏氏碑即此碑四面書字多磨滅其稱殷君

云皇朝秦王記室缺二府君之會真卿稱第十三姪男

蓋其姑也金石補遺云在河南府學道居寺天王殿前

新自地中掘出者按此碑已見寶刻類編則非新出

禪四面鑄字半已損滅其序夫人號一定而不書諱

字蓋婦人不以名行雖表墓之文亦不輕布如此又言

夫人贈華州刺史昭甫府君季女與魯公之父為同母

而生者宜魯公臨文之慎也設堂金石跋

此碑兩面兩側同環刻今搨本失兩側非全文也顏魯

公集不載此文無從校補矣額題唐錢唐丞殷君夫人

顏君之碑夫稱殷君而夫人稱顏君橫題碑首他碑未

見文內殷府君名泐不可見杭州府志職官表有唐錢

唐縣丞殷履直云見寶刻類編當即其人前題第十三

顏魯公文集卷三 書評九

三

姪男金紫光祿大夫行湖州刺史上柱國魯郡公真卿

撰并書兩唐書顏真卿傳真卿之封魯郡公在代宗嗣

位之初其官湖州刺史在元載當國之日此碑文內雖

云開元廿六年合耐而立碑當在大曆末年也碑直敘

夫人事文內於殷府君不甚詳則此碑為夫人作蓋是

府君先卒已葬而夫人以開元廿五年卒明年乃合耐

也自開元廿六年至大曆末相距四十年而後立此碑

則碑為諸孫所立矣碑敘夫人不稱諱某而云號口定

亦例之變下述夫人先世即真卿之先世而文亦不避

祖諱可以見當時臨文之體文多缺泐以真卿撰家廟

碑攷之云黃門侍郎者北齊給事黃門侍郎待詔文林

館平原太守隋東宮學士諱之推也云皇朝秦王記室

口魯府君之會者秦王記室諱思魯也云著作郎口口

口賢下乃著作郎修國史夔府長史贈虢州刺史勤禮

也云曹王侍讀贈華州刺史昭甫府君者即真卿之祖

本名顯甫工篆籀草隸書與內弟殷仲容齊名高宗侍

讀曹王屬贈華州刺史也曹王諱明太宗第九子此先

世之可攷者也碑又云太夫人殷氏据魯公文集載曹

州司法參軍祕書省麗正殿二學士殷君墓碣銘云君

諱踐猷字伯起陳郡長平人五代祖不害高祖英童會

顏魯公文集卷三 書評九

四

祖間禮祖令言父子敬君長妹蘭陵郡太夫人真卿先

妣也此碑所稱太夫人殷氏似自敘其母然則顏與殷

累世迭為婚媾矣碑此下敘姓名有稱內弟者有稱姨

弟者稱謂多他碑未見又夫人生六女適某某皆列其

姓名亦始見此碑後云開元廿五年卒於口尉之公館

公館二字亦初見中州金石記謂此碑已見寶刻類編

而疑河南府志新自地中掘起之說為非蓋寶刻類編

撰於宋時此碑當自宋以後入土至近時新出也金石

案是碑殘泐已甚金石萃編未見兩側所釋陰陽二

面僅得二百八十八字自全唐文出始得暢讀家廟

碑額陰記所謂高祖妣殷夫人是思魯之妻此碑所謂太夫人殷氏是昭甫之妻萃編謂公自敘其母非也公母亦殷氏既歐之妹見公撰歐墓碣此碑云君六女幼適我兄疑則思魯昭甫惟貞闕疑既四世娶於殷矣夫人為殷履直之妻碑又云曜卿允南皆其子成己之內弟則履直成己亦兩世娶於顏矣

馬璘新廟碑

唐贈司徒馬璘新廟碑禮部郎中程浩撰吏部尚書顏真卿書太子中允翰林待詔韓秀實分書題額馬璘字仁傑扶風安定人官至四鎮北庭涇原節度使贈司徒

顏魯公文集卷三

書評九

王

碑以大曆十四年七月立集古錄目

第一千五百四十四唐馬璘新廟碑程浩撰顏真卿正書

大曆十四年七月金石錄目

案唐書馬璘傳璘卒於大曆十一年此碑作於十四年七月故題曰新廟

唐涇原節度使馬璘廟碑顏真卿書天下金石志

馬承光殘碑

馬承光殘碑在甘肅涇州

案是碑僅存上下兩段計二十五行每行缺者不知

幾字原篆題曰馬璘新廟碑案趙氏金石錄載馬璘

新廟碑程浩撰顏真卿書大曆十四年七月立此碑標題一行存朔陝二字第二行存京兆杜知泰撰六

字而泐書者之姓名其筆迹甚類魯公而撰人則非

程浩以為顏書則可以為馬璘碑則非也舊唐書璘

傳扶風人祖正會父晟璘官至檢校右僕射封扶風

郡王而未嘗為衛尉少卿亦未嘗以御史中丞充河

東馮竑等五郡節度使皆與碑中存字不合碑云公

諱承光字原空蓋顛頊氏之裔缺後為馬氏高祖諱

行感下初敘諱字次敘姓源次敘先世則碑為馬承

光立也承光之名不見於新舊史而碑中有天寶字

顏魯公文集

卷三

書評九

六

則與璘為同時人卒年雖不可攷其立碑當亦在大

曆間也

張敬因碑

右張敬因碑顏真卿撰并書碑在許州臨潁縣民田中

慶歷初有知此碑者稍稍往模之民家患其踐田稼遂

擊碎之余在滁陽聞而遣人往求之得其殘闕者為七

段矣其文不可次第獨其名氏存焉曰君諱敬因南陽

人也乃祖乃父曰澄曰運其字書尤奇甚可惜也 右

魯公之碑世所奇重此尤可珍賞也集古錄跋尾

第一千五百四十四唐張敬因碑上第一千五百四十

五張敬岳碑下顏真卿正書金石錄

唐贈和州刺史張敬因碑顏真卿撰并書在許州爲後人擊碎歐陽公復求得之缺一角天下金石志

顏氏家廟碑

顏氏家廟碑顏真卿撰并書真卿父名惟貞仕至薛王友真卿其第七子也述其祖禰羣從官爵甚詳集古錄

第一千五百六十八唐顏氏家廟碑上第一千五百六十九顏氏家廟碑中第一千五百七十顏氏家廟碑下

真卿撰并正書李陽冰篆建中元年七月金石錄

顏惟貞字叔堅魯公父也官通議大夫行薛王友柱國

顏魯公文集卷五書評九 七

贈祕書少監國子祭酒太子少保魯公文集

建中元年庚申公年七十二七月有顏少保碑銘魯公年譜

顏真卿之隸書李陽冰之古篆二俱奇絕也好古之士

重如珠璧自唐室離亂其碑倒於郊野塵土之內更慮

年深爲牧童稚叟之所毀壞且夫物不終否能者即興

有都院孔目官李延襲者真好古博雅君子也特上告

知口郎中移載入於府城立於先聖文宣王廟庶其

永示多人流傳千古乃命南嶽夢英大師秉筆書記時

太平興國七年八月廿九日移朝散大夫行殿中侍

御史通判承興軍府事師顏朝散大夫行尚書考功

員外郎權知承興軍府事柱國李準重立

此唐顏氏家廟碑爲魯公真卿撰并書按跋尾此碑遭

兵亂仆於野宋太平興國七年都院孔目李延襲始移

置府城孔廟中而碑幸完予知碑名久矣恨不可得同

年周公瑞都憲巡撫陝西始寄至猶恨缺其額耳蓋以

碑額爲無用多不揚或碑穹工人艱於揚而置之不知

碑無額如物無首爲完物乎况此額爲李陽冰篆書可

謂二絕何可缺耶鮑翁家藏集

陸士衡有言文以述祖德爲美故三代彝器皆孝子慈

孫爲其祖父而立者魯公此碑蓋近之矣又此碑後有

顏魯公文集卷五書評九 八

太平興國七年八月二十九日重立李延襲記十七字

篆書乃夢英手筆蓋此碑倒於郊野延襲告於上官移

載入於府城立於文廟故自記之也夫以顏氏之物子

孫不能守而後之人爲之移徙樹立則不惟顏公之名

節可重而字畫亦不容泯矣然則爲人子孫思以稱述

先德而畢世之後欲圖不朽者可以思矣蒼潤軒碑跋

右顏魯公家廟碑石刻四面環轉在關中後廟燬宋初

有李延襲者語郡移置之結法與東方朔畫像相類而

石獨完善少殘缺者覽之風發秀出精彩注射勁節直

氣隱隱筆畫間吁可重也天寶間安氏蹙天柱折而力

扶之者郭尙父張睢陽平原與常山四耳顏氏獨擅其
二碑之所以重者是寧獨書哉舟州山人稿

余嘗評顏魯公家廟碑以爲今隸中之有玉筋體者風
華骨格莊密挺秀真書家至寶而其文比之生平所結

撰尤自詳雅以語顏氏之後人則又其家至寶也今年
冬吾州別駕小山君以家乘來乞敘始知爲公之裔孫

播於茶陵者因舉以歸之舟州山人續稿
顏氏家廟碑宣和書譜則稱之曰莊重舟州則曰風稜

秀出精彩注射趙子函則曰結法與東方贊同勁節直
氣隱隱筆畫間予則以爲魯公楷書自當以宋文貞公

續魯公文集 卷三九 書評九 九

碑側記爲第一其次則文貞碑又其次東方贊其次中
與頌其次郭敬之家廟碑又其次乃此碑耳余在京師

得一本在閩又得一本皆非今時搨也林同人云額陰
尙有公書高宗記室君云云八十五字字差小人不知

搨余實未之見也當令人秦者搨之 魯公書米海岳
僅取郭英父書其餘皆極醜詆蘇黃兩公則又推崇不

遺餘力或云與杜詩並傳或云與王中令雁行非歐虞
褚薛所及予亦以爲醜詆誠非而推崇亦未免過當觀

其下筆如此肥重無論歐虞懸絕卽登善亦未易言益
字之肥瘦由乎指之虛實指實則下筆自然瘦勁觀登

善聖教等碑可知今魯公碑版無不肥重則指不盡實
而借力於紙豈可與登善較優劣邪此碑余向列郭敬

之下而搨頗舊故畧書鄙見如此若蘇米之論則未嘗
分左右祖也鐵函齋書跋

此碑大書深刻歷年雖遠字畫完好足貴也真卿爲惟
貞第七子碑中直書祖父名所謂臨文不諱者然乎今

之人文與書遠不及魯公偶述其祖父行畧而輒令他
人填諱者又何也金石續錄

碑在西安文廟文刻四面制作精工魯公忠孝植於天
性殫竭精力以書此碑而奇峭端嚴一生耿耿大節已

續魯公文集 卷三九 書評九 十

若顯質之先人矣庚子錄
碑文自父以上竝直書其名而加諱字其他伯叔羣從

悉名之予讀張燕公集有唐贈并州刺史先府君碑首
曰府君諱騰字成隲范陽方城人也又有周通道館學

士張府君墓誌乃說之曾祖也首曰君諱弋字嵩之范
陽方城人也又曰君卽太常卿隆之曾孫徵君子犯之

孫河東從事俊之子又有唐處士張府君墓誌乃說之
祖也曰曾祖徵君諱子犯祖河東郡從事諱俊父通道

館學士諱弋並直書其名而加諱字唐文粹載陳子昂
我府君有周居士文林郎陳公墓誌文曰公諱元敬字

某五世祖太樂生高祖方慶方慶生曾祖湯湯生祖通
通生皇考辨又有梓州射洪縣武東山陳居士墓銘序
曰君諱嗣字宏嗣太樂卽君之高祖父也生曾祖方慶
生祖湯生皇考迴君卽迴之第二子也並直書其名惟
父加一諱字劉禹錫集有子劉子自傳曰曾祖凱官至
博州刺史祖鎰殿中丞侍御史父諱緒浙西鹽鐵副使
贈吏部尚書亦惟父加一諱字白居易集有故鞏縣令
白府君事狀曰高祖諱建曾祖諱士通祖諱志善父諱
溫公諱鎰卽居易之祖又曰長子諱季庚襄州別駕事
具後狀其襄州別駕府君事狀曰公諱季庚字某鞏縣
顏魯公文集 卷五 書評九

卷五

書評九

十一

府君之長子卽居易之父李翱集有皇祖實錄一篇其
首曰公諱楚金蓋古人臨文不諱而子昂禹錫自祖以
上不加諱字又所謂不違事王父母則不諱者也今人
自述先人行狀而使他人填諱非古也 文有云子泉
宏都之德行子泉卽顏淵也避唐高祖諱 金石文
魯公書高祖記室君國初居此宅云云共八十五字人
不知摹榻塵土風翳予拂拭摹出碑前後皆二十二行
每行四十七字左右旁皆六行每行五十字字比前後
面畧小額字又差小 來齋金石
刻考畧
自秦造分隸以至東漢增減後任意譌舛相錯篆籀古

法遂以大壞魏晉之間鍾王繼起風會雖於是而開然
未能有所是正暨乎六朝喪亂之餘譌以滋譌遞相傳
染日以離倍唐與太宗高宗相繼右文書學漸歸於正
虞褚諸公出雖未能盡加刊削然六朝謬體益已十去
七八矣延百餘年顏元孫作千祿字書魯公極力揚扞
之於是書體廓然大正每作一字必求與篆籀吻合無
敢或有出入匪唯字體用筆亦純以之雖其作草亦無
不與篆籀相準蓋自斯喜來得篆籀正法者魯公一人
而已評者議魯公書真不及草草不及稿以大方嚴爲
魯公病豈知字體無華字拙無巧故是篆籀正法此家
顏魯公文集 卷三 書評三

卷三

書評三

十一

廟碑乃公用力深至之作當是時公年已七十有二去
其死李希烈之難不過五年高筆老風力適厚又爲
家廟立碑挾泰山巖巖氣象加以俎豆肅穆之意故其
爲書莊嚴端慤如商周彝鼎不可逼視少師告亦書於
是年而風度開明如端人正士冠裳珮玉蓋書家廟則
精神肅敬少師告則意緒堂皇故書雖出於一時而韻
趣迥別有如此也碑經五季之亂倒於永興郊野宋初
太平興國七年都院孔目李延襲者始告於殿中侍御
史師顏知承興軍府事李準移植學宮書環四面其後
一面字較清朗然比於元刻氣味今古迥絕意其棄擲

郊野詩經樵夫牧豎毀壞李延襲以舊本重刻而後序未之詳耳元本兩側字形畧小余特擴而大之令與前後齊一以便觀覽又李陽冰篆額之後有碑陰一小方詳敘立廟規則知而擗者絕少余并臨於後文闕四字據都穆金薤琳琅補足之於是家廟碑由篆額以迄碑陰都二千八百二十八字無一字闕後有夢英楷跋并李延襲篆跋亦夢英所書盡皆臨之經始於雍正七年八月至九月廿有五日乃完即日晚書其後 陸士衡云文以述祖德爲美此碑爲魯公述祖德之書讀其文不獨見顏氏世有令德兼且世篤忠貞自子淵來族望

顏魯公文集 卷五 書評九

三

之盛未有如顏氏者所以獨最聖門足與孔氏媲美也吾嘗說天之生材爲力有限既生孔子必不能更生顏子故顏子不免早折然雖早折而天意未盡故世世流衍至於無窮理勢然也此碑文字蕪蔓頗不中程律然樸茂之中自有風義奔州謂風稜秀出精采射注勁節直氣隱隱筆墨間信是定論魯公書碑滿天下及其末也盡於此碑若固知其必死而詳述祖德以正其終者述祖德幸也死希烈忠也忠孝之至運於天命嗚呼豈苟然哉 禮不逮事父母則不諱王父母魯公少孤故於勤禮昭前兩世不稱諱則不諱王父母之義也其於

父則稱諱者則禮所謂死則諱之者也然不逮事父母於王父母且不諱乃自欽至思魯十二世又稱諱何歟服絕於高祖廟制親盡則祧以親而言思魯爲魯公高祖親未盡宜稱諱則勤禮昭甫於公益親尤宜稱諱而碑不稱諱若執不諱王父母之義則祖既不諱自祖以上概不必諱而各加諱字殊無義例蓋魯公徒以思魯文不及校點故稱與不稱皆不免錯出耳顧寧人金石文字記謂碑自祖以上並直書名而加諱字蓋未詳察老故若今人自述先人行狀而使他人填諱爲不合於

顏魯公文集 卷五 書評九

四

臨文不諱之義則顧氏之辨可謂卓已 按宣和書譜李陽冰字少溫趙郡人官至將作監其書名每作冰說文冰魚陵切凝本字徐鉉云今作筆陵切以爲冰凍之冰陽冰蓋取海賦陽冰不治之義故字少溫猶韓文公名愈而字退之也今人每稱李監爲陽凝有讀人者便以爲誤實則當爲冰凍之冰若云陽凝則於少溫之義無取其所以書冰者以公字獨書難以成文故隸楷皆從冰猶主字篆當從、獨書不成文故皆從銓主之主也今魯公家廟碑書冰作冰并於冰省一筆其非凝可知不然不應以目前好友誤書其名如此 虛舟 題跋

案家廟碑前後二面皆是原刻虛舟第一跋謂其後一面毀壞李延襲以舊本重刻蓋意揣之詞今延襲題記在首行之下但云移立並無重刻事虛舟之言不足據也

右贈太子少保顏惟貞廟碑唐書稱真卿為師古五世從孫以此碑證之魯公乃崇賢學士勤禮之曾孫師古與勤禮為親兄弟則魯公於師古為從曾孫不得云五世從孫也廣韻顏姓出瑯琊本自魯伯禽支庶有食采顏邑者因而著族又邾武公名夷字曰顏故公羊傳稱顏公後遂為氏然則瑯琊顏氏出自姬姓與曹姓之類

顏魯公文集

卷五

書評九

五

源流各別碑稱邾武公名夷甫字顏子友別封邾為小邾子遂以顏為氏多仕魯為卿大夫魏有青徐二州刺史盛始自魯居於瑯琊臨沂孝悌里與廣韻異魯公自云官階勳爵竝至二品予以史證之太子少師官也光祿大夫階也皆從二品上柱國勳也魯郡開國公爵也皆正二品 又顏氏家廟碑陰額上題字凡十行入十五字亦魯公所書記改堂為廟室神廚之事爾雅四達謂之衢謂交道四出者今俗所謂十字街也然北史李庶傳劉家莊七帝坊十字街南此碑亦云殷夫人居十字街西北壁第一宅則十字街之名亦古矣號本从守

今从乎亦體之別者潘研堂金石文跋尾

碑魯公自敘歷譜其世系所出以逮子姓號為詳備然載先出於顏頊之孫祝融孫安為曹姓其裔邾武公名夷甫字顏子友別封邾為小邾子遂以顏為氏顧亭林案左傳襄十九年齊侯娶於魯曰顏懿姬其姪聲姬注曰顏禮皆姬母姓當云 姓諸曰顏姓本自魯伯禽支子有食采顏邑者因以為族其出於邾之說本自國稱焉洪蓋徒見公羊於邾有顏公之稱而不考之於左氏也莒之犁比公豈必為犁彌之祖乎案魯公當承其家學如師古註急就篇顏氏魯伯禽支庶食采顏邑因著

顏魯公文集

卷五

書評九

六

族又顏頊之後封邾邾武公名夷父字顏公羊傳謂顏公其後遂稱顏氏故魯公臨文不檢已為後人所詆而世尤妄為牽附乃於己之所祖而肆誣焉抑何惑歟又碑敘之儀則謂黃門兄今北史云之推弟之儀魯公去隋未遠又上書不過五世此必有所據史載之推二子長曰思魯次曰敏楚碑作愨楚敏與愨音同故通用之若之儀碑載出為集州刺史新野公北史於之儀拒命下云出為西疆郡守及踐極詔徵還京師進爵新野郡公開皇五年拜集州刺史較碑頗詳而進爵亦稍有先後此尤可互見乃足觀其全者故亦不可不兼取資也

此碑魯公為其父立廟而建碑以紀之也子為父立廟而碑題曰顏君文中亦多稱君又金石之一例也文實正書而夢英記乃謂之隸書古人楷字多謂之隸書唐六典校書郎正字所掌有五古文二大篆三小篆四八分五隸書八分石經碑用之隸書典籍表奏公私文疏用之惟其為楷書始可用於表奏文疏也東魏時有文覺寺碑楷書也而題曰隸書夢英之語同其例也文敏先世云出於顓頊之孫祝融孫安為曹姓其裔邾武公名夷甫字顏子友別封邾為小邾子遂以顏為氏

顏魯公文集卷三 書評九

七

通志氏族畧顏氏曹姓顓頊帝元孫陸終第五子曰安安裔孫挾周武王時封之於邾為魯附庸至於夷父字顏公羊謂之顏公子孫因以為氏據國稱陳雷風俗傳及葛洪要字皆如此云但謂顏為武公然邾自顏六世至文公蘧蔭始有魯諡武公之號未必然也王儉譜云顏氏出自魯侯伯禽支庶食采顏邑因氏焉真卿尚書譜云未知儉何所憑故當依國葛二家及舊譜為定据此知魯公已自不主王儉出自伯禽之說鄭氏復不檢左傳齊侯娶魯顏懿姬之語而皆專主顏氏為曹姓也但氏族畧以安為祝融之孫顓頊元孫之子據碑則安為

顓頊之元孫據史記顓頊生子窮蟬又生稱稱生卷章卷章生重黎即祝融吳回吳回生陸終陸終生子六人五

曰曹姓則與鄭氏合然曹姓是吳回之孫非祝融之孫

又不同也碑云孔門達者七十二人顏氏有八攷孔門

弟子之顏姓者曰顏回字子淵顏無繇字子柳顏幸字子柳顏之

僕史記云字叔顏噲字子顏何史記云字冉顏高史記

子驕家語云字叔顏家語云字稱顏家語云字襄凡八人

又據李鍇尚史引呂覽有顏涿聚史記作涿鄒齊大夫

初梁父之大盜也學於孔子為天下名士以終其壽史

記孔子世家云弟子三千身通六藝者七十有二人如

顏魯公文集卷三 書評九

八

顏濁鄒之徒受業者甚眾則是涿聚亦孔門弟子之姓

顏氏者而史記弟子列傳無其人此碑但云八人涿聚

亦不在其列矣碑云戰國有率燭秦有芝貞漢有異肆

安樂戰國策有顏觸齊宣王見之曰觸前觸亦曰王前

按顏觸春秋後語作王觸萬姓統譜併合為顏觸未見有所謂率燭者芝貞異

肆亦無攷安樂字公孫魯國薛人家貧為學精力官至

齊郡太守丞見前漢書儒林傳碑云魏有斐盛盛即詳

本碑斐見三國魏志附倉慈傳云京兆太守濟北顏斐

注引魏畧云斐字文林有才學黃初初為黃門侍郎後

為京兆太守遷平原太守吏民啼泣遮道車不得前碑

云盛在欽欽生默默生合含生髦欽默皆附見晉書顏
合傳而專蹟不詳合在晉書孝友傳云少有操行以孝
聞兄殺死復活合絕棄人事躬親侍養兩兄繼歿次嫂
樊氏因疾失明醫人疏方須髯地膽無由得之有青衣
童子持青囊乃地膽也童子出戶化成青鳥飛去此碑
銘詞所謂侍兄疾感地童者指此然云兄疾與傳異合
後歷官累遷光祿勳三子髦謙約髦歷黃門郎侍中光
祿勳合喪在殯鄰家失火移棺梯斷火將至而滅僉以
為淳誠所感碑所謂事具孝行傳者如此碑云髦生繼
琳生靖之靖之生騰之騰之生炳之炳之生見遠見遠

顏魯公文集

卷三

九

生協協生之推之儀之善之儀為之推弟碑云黃門兄者疑碑經重刻致誤梁
書顏協傳父見遠博學有志行齊和帝鎮荊州以見遠
為錄事參軍及即位於江陵以為治書侍御史兼中丞
高祖受禪見遠乃不食發憤數日而卒協博涉羣書工
草隸世祖鎮荊州轉正記室吳郡顧協亦在藩邸府中
稱為三協卒世祖為懷舊詩傷之云宏都多雅度信乃
含賓實鴻漸殊未昇上才淹下秋傳與碑參攷互有詳
畧又傳云協撰晉仙傳五篇碑作三篇為異北齊書顏
之推傳云之推九世祖合據碑當為入世祖梁書協傳云七代祖合則於之推為入
世祖此云九父協梁湘東王繹鎮西府諮議參軍梁書傳作

世善周官左氏學之推早
府記室名與官彼此互異
傳家業甚為西府所稱釋以為其國左常侍加鎮西墨
曹參軍繹自立以為散騎侍郎累官平原太守齊亡入
周大象末御史上士隋開皇中太子召為學士碑不序
大象之官傳不載宛魂志證俗音字二書各有畧也周
書之儀傳字子升官爵與碑同有文集十卷碑所畧碑
昭甫君之父思魯兩唐書附見思古傳勤禮昭甫俱無
放碑所載國史稱溫大雅在隋與思魯同事東宮彥博
與慈楚同直內史省彥博與游秦同典校祕閣家牙

顏魯公文集

卷三

三

弟各為一時人物之盛二家兄弟者即謂思魯與弟慈
楚游秦溫大雅與弟彥博字大大有字彥今檢兩唐書
顏溫諸傳俱不載此國史語蓋史家畧之矣碑云昭甫
明詒訓工篆籀草隸書與內弟殷仲容齊名又云君少
孤育舅殷仲容氏蒙教筆法殷仲容為君之舅則為昭
甫之妻兄弟而上文有內弟之稱儀禮舅之子注云內
兄弟也爾雅姑舅之子為內兄弟昭甫稱殷仲容為內
弟則昭甫之子不當稱為舅矣據碑陰稱高祖妣殷夫
人是思魯之妻夫人之兄弟勤禮當稱舅兄弟之子勤
禮當稱內兄弟兄弟之孫昭甫當稱內兄弟或者昭甫

更娶殷夫人兄弟之孫則君當稱仲容為舅也又魯公之母亦殷氏見前殷君夫人碑若然則顏氏三世娶於殷矣書小史載顏元孫少孤養於舅殷仲容家尤善草隸仲容以能書為天下所宗人造請者屢盈几輒令代道元孫為君之兄是兄弟並育於舅氏而書法並為舅氏所授矣碑云君與會稽賀知章陳郡殷踐猷吳郡陸象先上谷寇泚河南源光裕博陵崔獫友善唐書傳賀知章字季真越州永興人唐書地理志越州永興縣舊山屬會稽郡碑稱會稽者從郡名與族姑子陸象先善肅宗為太子授祕書監善草隸殷踐猷即仲容從子字仲起與賀知章

顏魯公文集卷元

書評九

三

陸象先韋述最善授祕書省學士陸象先蘇州吳人元方子尤知名元宗朝累官太子少保源光裕相州臨漳人乾曜族孫亦有名由中書舍人累官鄭州刺史崔獫博陵安平人元暉子官終禮部侍郎惟寇泚無攷碑云豪州生春卿杲卿曜卿旭卿茂會豪州者即元孫官滌沂豪三州刺史長子春卿次杲卿唐書傳春卿十六舉明經拔萃高第調犀浦主簿轉蜀尉蘇頌在蜀為長史被譖繫獄為樓閣賦自託頌遽出之据碑則頌為春卿舉主也春卿終偃師丞臨終捉真卿臂曰爾當大吾族願我不得見以諸子諉汝真卿主其昏嫁是春卿有子

而碑未晰也杲卿字昕開元中與兄春卿弟曜卿並以書判超等吏部侍郎席豫咨嗟推伏据碑則同日試超等者尚有魯公之兄允南也杲卿後死祿山之難自旭卿以下羣從俱無傳碑云君生闕疑允南喬卿真長幼真真卿允臧凡七子而真卿為第六子此碑立於建中元年七月距葬後已踰半年而結銜尙云充禮儀使殆猶未解此職也碑書哉生明為才生明崇班為崇班或是借用或重刻之譌唐書宰相世系表不列顏氏故關中金石志特据此碑及晉北齊唐諸顏氏傳攷定為魯公世系列於志中而攷證未備茲故縷述之金石萃編

顏魯公文集卷元

書評九

三

萊顏氏在唐無宰相故世系表不載於新書魯公此碑為禰廟而作其實公之家譜備載於篇公十世祖見遠為齊治書侍御史碑避高宗諱改治為持十一世祖協為梁鎮西記室高祖思魯為秦王記室故碑稱思魯為小記室伯祖師古伯父元孫皆為祕書監故銘稱元孫為小祕監皆加小以為別也碑書河南源光裕誤裕作俗崇班班漢二班字皆誤作班公讓憲部尙書表有姪男承王府典軍康成石尊聯句詩有顏渾公族兄顏現公族姪竹山連句詩又有顏榮顏頡顏頊皆公族子此碑僅及康成渾知顏氏子姪

繁衍碑未盡載也碑末子泉宏都之德行子泉即子淵避高祖諱改謂回與含也巴陵記室之書翰謂騰之與協也特進黃門之文章謂見遠與之推也祕監華州之學識謂師古與昭甫也見遠以治書侍御史兼中丞故稱特進昭甫贈祕書監為碑所未及銘云亞孔聖浴沂風謂顏曾同學也刺青徐給事中謂盛與欽也護管柳渡江楓謂默與含也默為護軍故用細柳營事合隨晉元帝過江故云渡江侍兒疾感蛇童即含事見晉書孝友傳鄰火斷珥貂重謂含子髦也附見含傳施七葉傳孝恭謂盛至緜之子靖之為

顏魯公文集卷元

書評九

三

七世武騎都尉司從謂緜為武騎都尉也便尺牘緜魚盧謂騰之也慟君難憤而終謂見遠也事具梁書子協傳咨記室游湘東謂協為梁湘東王繹記室嗟御正謂協子之儀泉黃門謂之推也泉本作洎及也顏碑皆作泉或作泉皆洎之變三韶長事東宮謂思魯與弟愨楚遊秦韶美也謂思魯以三美之長為東宮學士四穆叔史牟籠謂勤禮與兄師古相時弟育德如魯之叔孫豹者凡四人皆有史才也褒華州謂昭甫贈華州刺史小祕監謂元孫贈祕書監也惟少保文翰工蒞畿赤五稟崇謂公父惟貞為長安尉乃

畿輔赤縣五為觀察使所薦也登望苑友桂叢謂為薛王友如漢開博望苑故事又如小山叢桂為淮南之友也薛王睿宗第五子業唐六典親王府置友一人從五品下三超贈保儲躬謂由祕書少監國子祭酒三贈而至太子少保也碑稱惟貞得筆法於舅氏殷仲容以草隸擅名長安有蕭愚亮墓誌為惟貞撰文無書者姓名金石錄補云惟貞書武承規墓誌與此誌相似則此誌當亦惟貞所書也惟貞之卒碑未載為何年但云御史大夫張知泰妻卒之秋七月前云五郎初開盛選寮屬拜薛王友薛王以景雲初封

顏魯公文集卷元

書評九

四

則卒當在景雲元年七月公以景龍三年生其時纔周歲耳

顏魯公文集卷二十九終

顏魯公文集卷三十

寧鄉黃本驥仲良編訂

湘陰蔣 瓌維揚叅校

書評十

朱巨川告

朱巨川告顏書其孫灌園屢持入秀州崇德邑中不用為蔭余以金梭易之又一告類徐浩書在邑人王衷處亦巨川告也劉涇得余顏告背紙上有五分墨至今裝為祕玩然如徐告麤有徐法爾王詵與余厚善愛之篤一日見語日固願得之遂以韓馬易去馬尋於劉涇處

顏魯公文集

卷三十

書評十

換一石也此書至今在王詵處

米芾書史

唐告多出善書者之手亦足以見一代文物之盛矧魯公道義風節師表百世其所書尤可寶也至大辛亥仲春廿又二日古涪鄧文原書 右顏魯公書朱巨川告即宣和書譜所載者上有高宗乾卦紹興圖書而魯公之書蓋東坡先生已嘗論之矣不惟愛玩抑見唐代典故之式尤為可尚龍集辛亥仲秋朔喬贊成題傳雲館帖此唐德宗建中三年六月給授中書舍人朱巨川告身符年月職名之上用尚書吏部告身之印計二十九顆世傳為顏魯公書按唐室書符令史事也代宗之喪魯

公以吏部尚書為禮儀使楊炎惡其直換太子少師領

使事及盧杞益不容改太子太師併使罷之是時適在

開局而其忠義書法巍然為天下望巨川欲重其事特

求公書亦如今世士大夫得請誥勅封贈多求善書者

操筆同一意也米元章書史載朱巨川告顏書其孫灌

園持入秀州崇德邑中余以金梭易之劉涇得余顏告

背紙上有五分墨裝為祕玩王詵篤好顏書遂以韓馬

易去此書今在王詵處宣和書譜載書亦有朱巨川誥

今卷中無宣和印記獨存梁太宗御前之印前後壓縫

有宋高宗乾卦紹興印耳豈舊藏御府靖康之亂散落

人間南渡收訪應募者截去本朝璽跋邪然五代時既

入御府則宋時不應在灌園處豈王詵所得乃別本邪

不可得而知矣此卷作字雖小而與東方朔贊用筆同

其為顏書無疑告中細書不知出何人唐制惟侍中中

書令為真宰相其日同中書門下平章事雖行宰相事

而未為真中世以後藩鎮節度多授中書令故敕後細

書首行云太尉兼中書令臣在使完是年四月盧杞忌

張鎰出之鳳翔故第二行云守中書侍郎同中書門下

平章事臣張使其第三行云守給事中臣關播奉行杞

愛播和柔易制是年十月即向平章事矣牒後細書首

行云侍中閣第二行云守門下侍郎同平章事杞卽盧
杞也又吏部正員尙書一人侍郎二人其屬有四曰吏
部司封司勳考功吏部郎中一人掌文官階品朝集祿
賜告身尙書左右丞各一人掌辨六官吏戶禮左丞總
焉兵刑工右丞總焉故牒尾尙書侍郎左丞俱云缺而
云判吏部侍郎范陽郡開國公翰者盧翰也後此二年
爲興元元年正月亦進同平章事符後書判郎中滋者
劉滋也業滋當是袁滋貞元二年正月遂從吏部爲左散騎常
侍末後書令史不名亦可驗此告非令史筆矣一展閱
閱而唐之典故歷歷可考且魯公書得其背紙墨蹟尙

顏魯公文集

卷三

書評十

三

裴爲祕玩况真蹟邪宜何如其寶愛也正德丁丑五月
望日陸完跋 右爲魯公真蹟予始見摹本頗怪其神
采未道及是與仲醇同觀如探驪得珠爲之一快萬歷
壬辰二月三日錫爵書 壬辰元旦後三日展此計大
字一百八十一小字百四十一通總三百二十二字書
譜唐神品三人篆李陽水草張長史楷顏平原褚虞歐
柳皆列精品中不得與公駕寶顏堂居士陳繼儒志
余不知書嘗妄論古人具妙莊嚴質卽疾趨僕行神觀
偉如今人似束芻戴冠纓能仰不能俯古人如俊鶻搏
鷓鴣瞋目納爪盤飛虛空今人如下劣拳師口中叱叱

時作乙勢古人如造凌雲臺雖欹斜欲墜却自銖兩適
均今人如百稱錦采色爛然絲理却絕比仲醇出顏魯
公朱巨川詰觀之其頂足縣而相抱鬚鬣怒而不張以
斜表正以拙布巧以緩運適與前所云三法皆合此不
待陸全卿校勘其的的爲魯公無疑然持以示人疑信
參半蓋字學之衰久矣其法蓋盡壞於長洲之文氏字
取勻美圓淨而止其頓挫抑揚用而不盡用之際多所
未講卽如此詰一經摸勒便塌拖如肉鴨都無可觀驕
驕氣喪豈不惜乎姑爲拈出紙尾歸仲醇藏之以待識
者辰玉王衡式古堂

顏魯公文集

卷三

書評十

四

魯公此書古奧不測是學蔡中郎石經平視鍾司徒所
謂當其用筆每透紙背者仲醇得此自題其居曰寶顏
堂昔米襄陽得王略帖遂以寶晉名齋顏書固不減右
軍王畧而仲醇鑒賞雅意又不獨在紙墨間也壬辰春
二月董其昌題書畫題跋記
唐世官詰皆善書名公之手顏魯公爲禮部尙書猶書
朱巨川詰如近世之埋誌非藉手宗工以爲孝慈不足
其重如此畫碑室隨筆
顏書朱巨川詰真蹟有二卷皆絹本前後紹興小璽藏
項子京家其停雲館刻墨蹟後有鄧文原喬篔成二跋

者向為陸全鄉太宰所寶跋千餘言今藏予家予故有

寶顏堂印陳繼儒
祕笈

顏魯公書誥一黃紙上所書畧無毫髮動名蹟也即停

雲館中所刻朱巨川誥文嘉嚴分
宜善紀

告身在絹上并鄧喬二跋有瑯琊王士騏鑒定孫克恭

范允臨僧鴻恩諸畱名珊瑚
網

魯公書朱巨川告身卷白麻紙本款式官印與徐季海

書誥畧同亦唐朝絲綸典制也大字一百八十一細書

二百四十一墨濃筆勁妙得入木五分之勢故劉巨川

從南宮得稍紙裝為祕玩耳宣和曾載書譜卷中無

顏魯公文集卷三十一
書評十 五

印痕止有高宗乾卦印紹興璽前後騎縫陸太宰完辨

之甚詳思翁謂眉公得此遂以寶顏名堂殆一故實也

大觀
錄

朱巨川告絹本米海岳以金梭從朱氏孫所易得者董

文敏稱其古奧不測是學蔡中郎石經平視鐘司徒所

謂當其用筆每透紙背者也然此告後自書告三年宜

其風骨更老乃筆力翻覺小劣何歟豈為人書與其所

自書固不能無間歟余參以自書告筆法令就古澹歸

於雄渾庶不致遺恨佐史耳 右顏魯公書朱巨川小

楷真蹟董文敏極稱之每舉以為學者楷法刻戲鴻帖

中摸揚凡下殊失魯公手意余稍叅以多寶塔筆法追

摸一本老目眇昏不能及其萬一然六十老人作如此

蠅頭細書乃能不用眼鏡亦一奇也虛舟
通改

告身之制通典載唐法選集而試書判既試而銓身言

已銓而注擬先簡僕射乃上門下省給事中讀之黃門

侍郎省之侍中審之然後上聞主者受旨而奉行焉各

給以符而印其上謂之告身今驗建中元年告身內有

吏部郎中王定上字給事中崔容讀字門下侍郎同

章事楊炎省字侍中闕當有某人審字此行之次有闕

字於有被旨奉行字皆與通典合朱巨川於建中元年

顏魯公文集卷三十一
書評十 六

官行起居舍人三年守中書舍人而告並階朝議郎唐

六典朝議郎正六品上起居舍人從六品上中書舍人

正五品上凡階卑擬高曰守階高擬卑曰行巨川在元

年階朝議郎而官行起居舍人以正六品上階擬從六

品上官是階高擬卑也故曰行至三年仍階朝議郎而

官守中書舍人以正六品上階擬正五品上官是階卑

擬高也故曰守階官皆與六典合兩告中惟三年勅典

掌王言云云是顏書其元年告列真卿行吏部尚書銜

名三年告不列蓋已在開局矣元年告凡數目字作壹

貳等字而年月皆作一二元宗先天時詔改之制也

唐書百官志王言之制七二曰制書大除授用之四曰發勅授六品以上用之制有詞勅無詞此二告元年者無詞授六品以上也三年者雖亦六品以上而仍謂之勅雖曰勅而有詞殆中書舍人之官異於常格歟朱巨川兩唐書無傳元年告銜名有尙書左僕射知省事希逸者卽侯希逸也舊唐書傳希逸平盧人寶應元年討李史朝義加檢校工部尙書私艱去職大歷十一年起復檢校尙書右僕射上柱國封淮陽郡王永泰元年因與庶者夜宿於城外軍士乃閉之不納希逸奔歸朝拜檢校右僕射久之加知省事新傳則云夜與巫家

公文集

卷三

書評十

七

次李正已閉關不內遂奔滑州召還檢校尙書右僕射知省事兩傳不同据此告希逸列銜是左僕射非右僕射在建中元年非永泰元年且永泰紀元在寶應廣德之後大歷之前非大歷後舊傳誤金石
案朱巨川兩告乾隆中

命合刻爲卷

御筆書其端云其人乃因書以傳此墨池掌故也

自書太師告

高宗純皇帝撫顏真卿自書告身因題四絕句云漫將筋骨議前賢朱詰裴詩只廓填却笑劉涇珍紙背豈

知徐埃得真傳 端莊流麗兩兼之審定分明識虎兒立德踐行人喜道如言行者復奚誰 舊稱乞米鄰家儉乍撫將軍訝名雄何似告身垂正大黃庭遺得舊家風 吉光片羽綿堪珍三百驪珠一串陳虎帳幾餘披

几研對題心喜得佳鄰詩二集 御製

右顏真卿自書告紹興九年四月七日臣米友仁恭覽審定 魯公末年告身忠賢不得而見也莆陽蔡襄齋戒以觀至和二年十月廿三日 官告世多傳本然唐時如顏平原書者絕少平原如此卷之奇古豪宕者又絕少米元暉蔡君謨既已賞鑒矣余何容贊一言董其

公文集

卷三

書評十

八

昌右白麻紙書在予館師韓宗伯家其昌石刻唐人重告命故顏魯公自書告身今猶有存者容齋徐容齋埃子方所藏顏魯公自書行案行下部尙書告迺紙書不可曉周密煙雲

右唐誥逸其首尾姓名以石刻完本考之則魯公真卿也始比公山濤叔孫通者公嘗爲吏部尙書大歷十四年代宗崩而公爲禮儀使也其後公以直不見容於楊炎換太子少師猶領禮儀使者德宗嗣位之明年改元建中其年八月遙尊母沈氏爲皇太后時也故事置使必因事乃置事已輒罷公之爲使不以一事者若韋箱

之在開元以禮儀使而掌五禮也凡制勅冊命皆出於中書是時郭子儀官中書令而不預省事楊炎同中書門下平章事而官門下侍郎唯舍人于邵獨在中書起草署行者邵也新史邵本傳稱邵以諫議大夫知制誥進禮部尚書而不言其為中書舍人者意必以舍人秩卑於諫議而畧之也其用吏部尚書告身印者尚書實而行之官尚書省者之氏名石刻猶可見也就其可知者疏之如此其殘脫不可知不敢以臆說參焉亦闕疑之義也

黃晉卿
潛書後

顏魯公自書吏部尚書誥黃麻真蹟建中元年所書後

顏魯公文集

卷三

書評十

九

有蔡襄米友仁跋在韓存良太史家今歸猶子誕嘉慶唐世誥勅例用麻紙或以顏告不用絹為疑豈未會降麻之文邪此卷向為宋思陵故物有紹興小璽亦曾入韓侂胄家有永興軍節度使印又入賈丞相家有曲脚封字印云丑按季宗元就賈團練家得顏魯公自書告見陸友研北雜誌其自書刑部尚書告乃大曆十二年物舊藏徐容齋所見煙雲過眼錄中則其別本也

清河
書畫

白麻紙本高九寸長六尺三寸正書三十二行每行八九字徑寸大豐肥古勁雄偉之氣奕奕已刻入戲鴻堂

細書職銜十四行小楷道整前後年月及牒到待到奉行計五行鈐大方官印每行各五顆內一行缺一顆計二十四顆前宋綾隔水墨筆行書唐顏真卿之誥六字理宗筆也下壓宋印接紙處有內殿祕書之印鈐縫又紹興方璽紹興小長璽曲脚封字印後宋綾隔水亦宋印拖尾宋印尚多模糊不辨麗箋上米敷文奉詔審定行楷二行蔡忠惠大楷六行米書挾扛鼎之筆力盡拿欵之韻度蔡書端謹秀勁如垂紳搢笏揖魯公於前而氣象復舒泰兩跋貴重似不下告身一等矣董宗伯題亦佳跡

大觀
錄

顏魯公文集

卷三

書評十

十

按唐史大曆九年代宗崩德宗立以公充禮儀使明年改元建中八月加公太子少師時盧杞忌公切骨公以直不為所容名雖尊之實遠之也是時公年七十有二去公為李希烈所害年七十有七不過五年此後惟有朱巨川告耳然風力不及此遠矣臨顏書者當得其澹古之韻但以雄厚求之皮相耳此自書告與臧懷恪碑正相類乃顏書之絕清瘦者余斂其浮情不令脈與血作然後臨之乃覺小有契耳魯公自書告董文敏稱其奇古豪宕為魯公書所絕少余前臨此告以為奇古不難須得其淳淡之趣乃佳宋人論顏書謂出自褚

顏之與褚了不相似而以爲體源一同此可謂知書者矣 臨古而不得其髓終日鹿鹿徒勞脚板耳折盡骨肉自現清淨法身乃爲得之余此卷猶有愧於斯語魯公自書告爲真定梁相國所藏往在京師曾一見之白麻紙書墨光如漆遠出朱巨川告上蓋魯公絕矜練作也時余責授吏部竟日承事 乾清門未暇模取雍正二年太保年雙峰入覲還過真定購之以西逾年余南還與蔣拙存遇於二泉則魯公告已摹取來矣武陵漁人再入花源欣快無比兩年來每喜爲人臨寫不可數計此卷亦其一也筆力道古頗不失魯公手意右

顏魯公文集卷十 書評十

書評十

十一

嘗自題其書云下官此書甚合作願聊存之僕於此卷亦云 八月九日爲稻兒生日以此卷付之魯公老骨如鐵子子孫孫一門忠孝千載以後談顏氏者齒頰猶香至於名位壽考皆居最盛老夫之望汝特餘事耳

王密碑

唐刺史王密德政碑浙東觀察判官李舟撰太子少師顏真卿書國子監丞李陽冰篆額王公名密德宗初自明州移爲湖州刺史州人潘瀾阮津等請立遺愛碑以建中二年十月立并勅書同刻勅徐浩所書也

集古錄目

第一千五百七十二唐明州刺史王公德政碑李舟撰顏真卿書李陽冰篆建中二年十月錄目金石 大師於書天得也嘗學折釵股謂得古人書法隱處余見此碑時盡之矣故爲世絕藝太師名德偉然爲天下第一忠義之發出於天性今人不得盡知惟書法入石流傳於後故世無賢不肖皆得知之蓋以公爲善書人也今書藝所學皆深墨重筆如指畫木印狀皆謂能學公之書矣昔夫子能拓關而不以力聞蓋以慎其所習也公於書自喜常患後世不傳則其陷流俗中亦自取

顏魯公文集卷十 書評十

書評十

十一

元德秀碑

李華嘗爲魯山令元德秀墓碑顏真卿書李陽冰篆額後人爭模寫之號爲四絕碑 李華傳 唐元魯山墓碣監察御史李華撰太子大師顏真卿書 院學士李陽冰篆額魯山名德秀字紫芝河南人 嘗爲魯山令碑以建中四年秋立錄目 第一千五百七十七唐元魯山墓碣李華撰顏真卿正書李陽冰篆建中四年秋錄目金石 案魯公以建中四年正月使淮西爲李希烈所困是秋安得爲德秀書碑蓋集古錄目及金石錄目所書

皆立碑年月非書碑時也

唐興寺主碑

第一千五百五十唐唐興寺主碑撰人姓名殘缺顏真

卿正書金石錄目

張府君碑

魯郡太守張府君碑顏真卿書在孔廟古今碑錄

守政帖

顏魯公忠義氣節史策畧盡偶闕臨汝石刻見一帖云

政可守不可不守云云此是獨赴謫地而與其子孫者

無由考其歲月千載之下使人讀之尚可畏而仰也顏魯公文集

卷三十一 書評十 三

筆四

與柳冕帖

魯公草書摹傳於世者多矣此帖尤奇雖筆勢屈折如

盤鋼刻玉勁峭之氣不少變蓋類其為人柳冕唐名士

也魯公名呼之而自稱老夫亦可以見當時士契之梗

槩云梁溪集

案柳冕之六世從祖宰相奭為魯公繼曾祖母之父

則魯公與冕之祖太子文學彥昭為同輩冕之父集

賢學士芳為魯公同祖姑殷夫人之孫壻則魯公亦

與冕祖為同輩直呼冕名非倨也

裴將軍詩

魯公集中不見此詩裴將軍不知為誰既言劍舞疑為

裴文會子言有若無實若虛犯而不校昔者吾友嘗從

事於斯矣初不指名為何人而後世皆以為顏子不疑

此書不見姓名具劔拔弩張之勢非忠肝義膽不能為

此所謂言言如嚴霜烈日真可畏而仰哉攻塊集

右顏魯公送裴將軍詩多感慨踔厲是公合作語而不

見集中錫山安國續刻之故應是安氏物也書兼正行

體有若篆籀者其筆勢雄強勁逸有一掣萬鈞之力批

古處幾若不可識然所謂印印泥錐畫沙折釵股屋漏

痕者蓋兼得之矣裴將軍當是裴文文劍舞與張長史

書吳道子畫為開元第一公於時年尚少甫得法長史

其書此歌時文豈亦錦繡紫縷盤馬跳躍為驚雷掣電

狀耶不然何公書之酷似道子畫也跋尾曹武惠王林

和靖處士俱亦自有筆意可觀弁州山人稿

顏魯公送裴將軍詩一錫山安氏藏本其家已刻石行

世怪怪奇奇前無古人矣蓋魯公劇蹟也文嘉嚴分宜書紀

顏真卿裴將軍北伐詩西川南充陳氏所藏白麻紙宋

名人跋書畫錄心表新史突厥傳裴文嘗與幽州都督孫佺北伐為奚所圍

文舞刀立馬上矢四獲皆迎刃而斷則此幾將軍正文也北代突人天迎刃而斷詩則謂將軍臨北苑恒赫羅英才者也文善劍舞唐文宗謂以李白歌詩裴文劍舞張旭草書為三絕詩所謂劍舞躍游電隨風紫且迴者也文以龍華軍使守北平一日射虎得三十一詩所謂一射百馬倒再射萬夫開者也則公此詩蓋字字實錄絕無一語溢美而詞氣踔厲筆力雄偉驚心動魄如此蓋由裴公奔雷掣電之奇與魯公忠義激昂之氣兩相激發故不覺詞翰縱逸不可遏壓後世讀其詩觀其書法尚足摩挲立懦則當日公之忠肝義膽爭光日月為顏魯公文集卷三書評十

顏魯公文集

卷三

書評十

可知矣書兼楷行草若篆若籀維絕一世余題為魯公第一奇跡不虛也此書流傳絕少惟見兩卷而字跡微有不同豈公當日有兩本邪董思白言婁江王弇州所藏與余後見一本互有同異而後本差勝如思白言則公會書兩本信矣米海嶽論爭坐稿謂其字相聯屬詭異飛動得於意外最為傑思黃山谷云奇傑秀拔奄有魏晉唐以來風流氣骨同視歐虞褚薛皆為法度所掩豈若魯公蕭然出於繩墨之外而卒與之合哉二公之推許論坐如此余謂特未見此書耳此書詭異飛動出論坐外蓋自右軍來未開此境其心目中不復欲存

右軍一筆蓋所謂善學柳下惠莫如魯男子者也然非有一段忠義鬱勃之氣發於筆墨之外未由臻此不求其本而但做其面目亦未為善學者也欲學古人不可不知此語虛舟題跋

誌公像贊

誌公像贊今靈谷寺有石刻吳道子畫李白贊顏真卿書世稱三絕舊刻已壞此重刻者不復見書法之妙矣碑陰有趙松雪篆書甚佳然余未之得也東里續集

開元寺僧殘碑

第一千五百四十四唐開元寺僧殘碑顏真卿正書

顏魯公文集

卷三

書評十

六

右唐開元寺僧殘碑雖書撰人姓名殘缺然以字畫驗之為顏魯公書無疑也初仁宗朝吳長文參政在京師俄居治地得之當時文士皆為賦詩今其石尚藏汶上長文家云金石錄跋

臨諸家法帖

右唐人所臨諸家法帖一卷其前數帖類真卿所書蓋其筆畫精勁他人未易臻此集古錄跋尾

案魯公有臨王右軍二帖刻入甲秀堂帖未知即歐陽公所見否

華嚴經

宋搨顏魯公書華嚴經卷首有羅氏世家印郁達慶書畫題跋記

小字華嚴經

憶癸丑萬歷四十四年北上遇徐碩菴先生向余稱魯公真蹟

有僧手唐筆一幅闊可尺三寸直尺七八寸書華嚴經八十一卷初看如絲不能識認諦視則筆勢勁邁精神

橫溢書尾記年月曰積書十載則魯公筆也鮑觀光畫刻米書魯公尸解事跋

顏魯公文集卷三

黃庭經

右黃庭別本續得之京師書肆不知此石刻在何處其字畫頗類顏魯公甚可愛而不完更俟求訪以足之集錄跋尾

摩利支天經

此經與東方朔贊家廟碑政是一輩書耳勁拔嚴重如入宗廟中循牆皆禮樂器而秀媚流利有翩翩欲飛浩然獨往之趣公生平拒祿山諂盧杞叱希烈直氣塞天地至與陶八入游得尸解之術証位上真又有浮游埃壙之表者其扶人紀而闡元風皆可於公筆札中見之

昔謂筆為心畫可以觀人於公尤足信也康虞善鑒字

且善鑒人其以余此言為何如顧起元懶真草堂集

魯公正書摩利支天經咒硬黃真蹟乃公奉敕書也字

體與麻姑壇記無異特差大如通行錢耳清河書畫舫

自江淮帖即一行帖

卞令之少司寇收魯公自江淮帖僕以劉太沖蔡明遠寒食等帖細意對較字字皆同則知此為好事者集魯公字雙鉤所成又其所收湖州帖筆法浮蔓少力亦屬好事者仿顏面貌而為之以便售利顏書雖率爾作草無不沈勁入骨此書殊不爾決知非魯公余此論似妄

顏魯公文集卷三

實有精鑒不虛也恐來學或未能識別聊復書之以麗於寒食帖後竹雲題跋

案江淮帖汝帖絳帖皆有摹本

送辛晃序

唐太師顏真卿書送辛子序 右真蹟楷紙書在寶文閣學士謝景温處前後為好事者以筆描二大印其文亂仍書鉉字其中幸不合縫鑿非鉉筆甚累墨寶帶佐寶文於潭屢經賞閱寶章待訪錄

寒食帖

顏真卿寒食帖 右綾紙書在中書舍人錢勰處世多

石本 黃章待訪錄

與澄師帖

澄師帖刻戲鴻堂帖內幸周副者周當作問摹刻誤也

舉陶碑

舉陶碑顏真卿書在臨汾縣 古今碑錄

旌儒廟碑

唐旌儒廟碑顏真卿書在臨潼坑儒谷 古今碑錄

元侃法師碑

興唐寺元侃法師碑無撰人名氏顏真卿書 寶刻叢編

霄漢閣石刻

顏魯公文集 卷三十一 書評十 十九

霄漢閣石刻顏真卿書在順慶府廣安州治西 古今碑錄

天中山三字

天中山三字顏真卿正書無年月明人重刻 寰宇訪碑錄

真卿二字

唐太師顏魯公書名兩字 右真蹟書嶺南刺史後告

在朝奉郎臨江許彥先處 寶章待訪錄

訊後帖 鄒游帖 脩書帖 廣平帖 中夏帖

訊後鄒游二帖見忠義堂第一冊脩書廣平中夏三帖

見忠義堂第二冊

別本麻姑壇記

此帖亦見忠義堂摹本字大如中指介在大字小字二本外別成一種末有令姚免三字

顏元孫告 顏昭甫告 魯公授刑部尚書制

元孫昭甫二告及魯公此制皆摹入忠義堂帖留元剛

云或係顏頊輩所書不必皆魯公手蹟也

御史帖 南來帖 草隸帖 江外帖 送書帖

五帖皆東平鞏嶧續入忠義堂帖

案以上一十四種皆係宋刻未經前人論定彙錄各

碑之後又魯公碑刻見於金石家記載而集中無定

者有顏允南妻陳氏碑顏顯甫碑顏喬卿碑顏處士

顏魯公文集 卷三十一 書評十 二十

碑殷攝碑湖州射堂記文殊師利碑祖亭碑張敬因

碑凡九種又文見集中世無石本并金石家亦無記

載者有崔沔陋室銘記華姑仙壇記顏幼與碑顏允

臧碑張志和碑李光弼碑李齊物碑清河康公碑徐

秀碑鮮于向碑和政公主碑妙喜寺碑以上十二碑

雖未必盡為公書而撰書皆出公手者必多存目於

此以待搜訪

元宗老子像贊

姑蘇天慶觀道士馬大同得吳道子畫太上混元黃帝

聖像乃元宗皇帝四言御贊十有六句題為臣顏真卿

書寶慶元年刻於石正書徑五分字不類顏附錄於此

奉使題字

觀此筆蹟不顯歲月以事實攷之蓋使李希烈時也希烈以建中元年陷汝州盧杞建議遣公奉使至貞元元年八月丙戌公不幸遇害因蹟賊庭者逾二年刃加於頸而色不變度無還期誓不易節蓋書此以自表云重既募公之像於蒲縉而祠之又訪得此石本狀自老矣公以乾元元年自同徙蒲至奉使時垂三十年氣節不衰而狀良非昔也乃刻石而真之祠堂俾觀者有考焉靖康元年七月壬申朝散郎秘閣修撰知同州軍州事

唐重書

晉公行書奉命來此事期未竟止緣忠勤無有旋意又作二語云人心無路見時事只天知宋刻同州下有公小像不知原刻在何處然觀其詞意乃使李希烈時也亦足悲夫石墨 鵝華公使逆藩逼以偽相羈囚憤懣甘死待日內無可屈之志前無可任之途循省身世思憶君國千愁萬緒莫從告語寄之此圖申以數語用示後人即遙訣君父痛哉未嘗不百拜展卷淚涔涔承曉下也坐令逆徒兇焰頓化敘崇則此象此字之傳固人心天理之不容泯亦道

卷三

書評十

三

物之呵護引延雷為血氣之類置榜樣也夫上可以格之天下可以感逆賊及數百世之人之遠而一堂之近平生合姓之忠義不足以信之君而破奸相之謀公何遇之不幸也然丁此遇而後完大節於八十年公即無心以自表暴而天若有以就之又何恨乎墨林 快事

金石文字記載此書在同州上有公像下有靖康元年唐重題字而余所得本無有豈別一刻與公以峭直為帝相所忌斥逐非一亦未必定是使希烈時書但觀其

畫詞慷慨意自悲惋彌令人嘆息痛恨於青蠅之詩也

歐陽文忠公跋公殘碑有云如忠臣烈士道

廉尊重使人畏而愛之雖其殘缺不忍棄也此

希烈時書靖康初唐重為勒石於蒲者其云人心無路見時事只天知對之令人慨想當年幾欲泣下裝黃什

襲又寧獨玩其書法而已哉王砥齋 題跋

唐史德宗建中四年李希烈陷汝州盧杞建議遣公往

宣慰之明年希烈僭偽號問儀於公公不為屈八月希

烈縊殺公於蔡公有自汝移蔡帖未之見也公幽於汝

蔡凡三年幾死者數矣義命自安始終不易及入龍興

寺自度必死乃作遺表自為墓誌此帖所謂稊緣忠勤

無有旒意中心悵悵始終不改者蓋其時書以明志之語也或者議公年踰七十不肯致政難以言智當是時唐室禍亂相仍殆無虛日又林甫盧杞相繼為相中外之勢危若累卵公以五十年舊臣不忍坐視其亡而寧以身殉此其心跡真與日月爭光可也或又議公不死於希烈僭號之時至為希烈所殺以為公惜而烈之陷汝僭號等反耳公不死於僭號之時與不死於使汝之日一也豈謂公於此時尙復有偷生畏死之心哉一日不死或者朝廷匡復尙可畱其身以有為未可知也且建議遣公者杞也從杞遣公者德宗也以宗社柱石之

魯公文集卷三 書評十

三

臣投之亂賊是魯公之死君相死之耳綱目大書顏真卿為李希烈所殺罪君相也竹雲題跋

右顏魯公像并奉使蔡州書在同州府宋靖康元年七月祕閣修撰知同州唐重所刻題云重既摹公之像於蒲繪而嗣之又訪得此石本狀貞老矣公以乾元元年自同徙蒲至奉使時垂三十年節氣不衰而狀貞非昔也乃刻石寘之祠堂俾觀者有攷焉案魯公以貞元元年乙丑為李希烈所害時年七十六則乾元元年戊戌年止四十九故二像鬢眉不無壯老之別重字聖任眉州彭山人建炎初以天章閣直學士知京兆府與金人

戰城陷死之蓋忠義得之性成宜其有慕於魯公也潛堂金石文跋尾

右碑上刻顏魯公奉命帖下刻像中則宋唐重跋也云觀此筆跡不題歲月以事實攷之蓋使李希烈時也至貞元元年八月丙戌公不幸遇害困躓賊庭者踰二年案魯公以興元元年奉使貞元元年八月廿四日死難唐書本紀以為八月丙戌獨行狀以為興元元年者非跋為靖康元年七月作關中金石記

案唐重字聖任自署為朝散郎祕閣修撰知同州軍州事致重以右諫議大夫疏斬蔡京父子遷中書舍人

魯公文集卷三 書評十

三

宰輔當先補外為相所惡落職知同州傳不載其為祕閣修撰當是略也是年金兵破晉絳重度不能守開門縱州人使出自以殘兵數百守城金疑其有備不渡河而返尋擢天章閣待制卽其時事矣後為京兆府路經略制置使為金將婁室所攻城陷殉節欽宗本紀金破晉絳乃是年九十兩月事也婁室破永興軍乃高宗建炎二年正月事也重在同州繪公圖像刻置祠堂是其忠義之氣根於天性觀此圖者不特使真卿英靈于戴不沫重之氣節亦於是乎可見矣關中金志

此碑據魯公年譜以為興元元年書據魯公碑銘云興

元元年八月三日薨於蔡州之難行狀云貞元元年八月二十四日希烈幽殺之新唐書本傳不書薨日舊傳則云興元元年八月三日與碑銘同公之奉使新書本紀及傳皆不書年月舊傳本紀特書建中四年正月庚寅李希烈陷汝州甲午遣顏真卿宣慰李希烈軍是希烈之陷汝真卿之奉使皆在建中四年唐重以陷汝州在建中元年關中金石記以奉使在興元元年皆誤也兩書傳載真卿先為袁修所排次為楊炎所惡最後為

盧杞所忌數遣人問方鎮所便將出之會李希烈陷汝州乃奏顏真卿四方所信使諭之可不勞師旅

顏魯公文集卷三十一 書第十

之李勉密表固留又遣逆於路不及至河南河南尹鄭叔則勸不行答曰君命可避乎既見希烈宜詔旨就館希烈逼使上疏雪已真卿不從每與諸子書但戒嚴奉家廟恤諸孤訖無它語希烈屢遣人或說或脅皆怒叱之乃拘真卿守以甲士掘方丈坎於庭傳將坑之真卿曰死生分定何多為張伯儀敗齋旌節首級至真卿慟哭投地會其黨周會康秀林等謀襲希烈奉真卿為帥事洩會死拘送真卿蔡州龍興寺真卿度必死乃作遺表自為墓誌祭文指寢室西壁下曰此吾殯所也興元後王師復振賊慮變遣將辛景臻安華至真卿所殺

之真卿之書此帖當即與作遺表墓誌祭文同時真卿前以直道取忌於小人後以忠貞被拘於逆賊所遇之境艱苦備嘗千磨百折而不變節帖中所謂中心悵悵始終不改游於波濤宜得斯報數年中情事盡在此四語中後人可以想見也傳載真卿被害在興元元年王師復振之後則其書此帖自在興元以前既不能確定其時祇可系於被害之年

移蔡帖

按開元綱年譜魯公生於景龍三年己酉距貞元元年乙丑年七十有七殷亮行狀亦云貞元元年八月

顏魯公文集卷三十一 書第十

四日希烈使景臻等害公於龍興寺年七十七令狐暉神道碑則云今上興元二年八月三日陷危致命而碑末復云貞元初遇害舊史則云興元元年八月三日殺真卿然又云年七十七皆不合綱目從舊史而新史不載年月按公有自汝移蔡帖云貞元元年正月五日真卿自汝移蔡天也天之昭明其可誣乎有唐之德則不朽耳十九日書此公所自書者的的可據當以貞元八年八月李希烈害公於龍興寺年七十有七為正或云八月二十四日或云八月三日則無須深考矣

忠義堂帖

宋人有忠義堂祀顏魯公嘉定間留元剛刻魯公帖置其中極其勁秀計十卷有嘉定丁丑東平鞏嶧跋予僅得八卷貯海雲閣元王秋澗云觀顏魯公忠義堂帖偶悟公書勁而潤蓋筆善轉而韻勝故也庚子銷夏記

忠義堂帖宋人所刻不知幾卷予得二大帙俱顏魯公書東林西林雁塔題名家廟碑北墨白綿紙刻亦清勁惜乎不全碑帖紀證

案近日鈎得忠義堂帖即孫退谷藏本凡六冊又片冊二內無東西林及雁塔題名亦無家廟碑豈孫本不全邪抑四明范氏所見即孫本之所佚邪

忠義堂帖

宋人所刻

有奉命帖

移蔡帖

葉少蘊避書錄

話曰顏魯公真蹟宣和間存者猶有數十本其最著者與郭英父論坐位書在永興安師文家祭姪季明文病馬乞鹿脯帖在李觀察士衡家乞米帖在天章閣待制王質家寒食帖在錢穆甫家其餘與蔡明遠帖盧八倉曹帖送劉太真序當作太冲不知在誰氏皆有石本坐位帖安氏初析居分爲二人多見其前段師文後乃併得之相繼皆入內府世間無復遺矣今忠義堂所刻已上諸帖皆有之又有送辛冕序清遠道士同沈恭子游虎邱寺詩末題大愿五年十二月又有開元二年二月顏元

孫告身一通乾元元年四月顏昭甫告身一通寶應元年七月顏惟貞贈祕書少監告身一通殷氏贈蘭陵郡太夫人告身一通大愿十二年八月顏真卿刑部尙書告身一通建中元年八月顏真卿太子太師告身一通後有宋至和二年蔡襄跋嘉定乙亥留元剛刻石金石文字

附忠義堂帖孫退谷藏本目次

第一冊 移蔡帖 爭坐位帖 奉命帖 與蔡明

遠帖 寒食帖 鄒游帖 朝迴帖 乍奉辭帖

鹿脯帖 乞米帖 捧硯帖 峽州帖

第二冊 脩書帖 守政帖 廣平帖 中夏帖

與夫人帖 華嚴帖 文殊帖 一行帖 鹿脯後

帖 書馬伏波語 訊後帖 送劉太冲序 送辛

子序

第三冊 裴將軍詩 刻清遠道士詩因而繼作

麻姑仙壇記

第四冊 東方先生畫贊碑陰記

第五冊 郭公廟碑銘上

第六冊 郭公廟碑銘下

片冊一 顏昭甫贈華州刺史制 顏元孫制 顏

惟貞贈祕書少監制 蘭陵郡太君殷氏贈蘭陵郡
太夫人制 顏真卿太子少師告身 有蔡襄題記

顏真卿刑部尚書告身

元剛有跋在各告之後所見本首元孫制次昭
甫制次少師告次刑部告次惟貞告次蘭陵告其
次蓋為裝者所誤又惟元孫制有前題目餘皆無
亦裝者失之也

御史帖 南來帖 草篆帖 江外帖 送書帖

五帖為嘉定丁丑東平鞏燦所續燦宋史藝文志
者有邵陵類考二卷

顏魯公文集 卷三 書評十 完

月冊二 乞御書題天下放生池碑額并御書批荅

原刻御書批荅本在放生池碑之後觀標題可見
所見本誤以御書批荅冠於諸制告之前元剛
跋但言刻諸告身而不及放生池碑則此碑及批
荅蓋亦鞏氏續刻也並正之

顏魯公文集補遺

卷十二 古近體詩

詠陶淵明

朱文公曰陶公栗里前賢題詠獨顏魯公一篇令人感
 慨見廬山記集不載因學紀聞 案廬山記陳令舉撰 王伯厚云集不載者蓋伯厚見本
 乃宋次道所編之魯公集也本朝全唐詩所載又不
 知從何本探入詩中苦不作不肯舍生悲掩紳作含生
 悲摺紳與與孤雲遠作與逐孤雲外辨隨作心隨與備
 厚所載與者數字何義門云此詩已非全篇玩其詞意
 實止於此
 何說非也

贈裴將軍

唐李冗獨異志云吳道子善畫鬼神開元中將軍裴
 君母夜詣道子於東都天官寺圖神鬼數壁以資冥助

顏魯公文集補遺

答曰廢畫已久若將軍有意為吾纏結舞劍一曲庶因
 猛勵獲遇幽冥文於是脫去衰服若常時妝飾走馬如
 飛左旋右抽擲劍入雲高數十丈若電光下射文引手
 執鞘承之劍透空而下觀者數千人無不悚慄道子於
 是援毫圖壁俄頃之際魔魅化出颯然風起為天下壯
 觀道子生平所畫得意無出於是案裴文舞劍唐人
 記曲盡其妙魯公此詩刻入忠義堂帖所謂劍舞若游
 電隨風縈且迴適與電光下射之語相合豈亦濡毫吮
 墨時親見彎弓盤馬之狀有以助其筆力耶不然此詩

此字何神肖至此宜其與道子之畫並傳千古也

峴山石尊聯句

今峴山有李適之窪樽顏魯公諸人嘗為聯句而傳不
 載其嘗至湖州為刺史蓋史失之也避暑 錄話

大言小言等聯句

江鄰幾雜志云宋次道集顏魯公文為十五卷詩才十
 入首多是湖州宴會聯句詩公必在其間又有大言小
 言樂語滑語饒語醉語案次道宋敏求字也是集見錄
 閣書目今已佚而不傳補在容齋 三筆條後

卷十六 外集四

顏魯公畫像

朱翌

結芻績體祭中丞鬼質何為苦見噴于五百年如烈日

二十四州惟一人朝衣視坎趨前死羽服行山即此身

賴有區區張孝舉直言驚倒漢廷臣案新仲此詩前刻 從宋說部探得 四句今據瀟

山集鈔補

書左善舉秀才乞米圖

宋贛縣 曾幾

乞米魯公書作帖晞顏處士繪為圖若教渾似侏儒飽

還有流傳翰墨無補在朱 翌詩後

讀顏魯公碑

李無悔

平生肝膽衛長城至死圖回色不驚世俗不知忠義大

百年空有好書名書原作詩明仁和郎瑛改案圖同
卷十七外集五
補在會幾詩後

贈顏元孫秘書監制廣德二年

故濠州刺史上柱國顏元孫懿道淳茂宏材特達傳經
成業聚學為文清白著於家風聞望光於銓選久膺揚
歷爰寄藩條政有其方績宣其用未登大任遽迫流年
九原不作郡邑存其遺愛二子象賢艱難立其名節
能徇國孝在榮親贈以儒官揚其盛烈可贈秘書監
實應元年贈蘭陵郡太守殷氏制後

顏蘇二公祠記

宋鄆縣袁

古文集

三

自古人才有卓然關繫世道者其惟節義之士乎蓋
必有防泐決則水不可制屋必有棟棟折則屋無以
惟人亦然必有節義之士確乎不可奪者為之標準則
人心興起而公道著明不然者反是其所關繫豈不甚
大哉嗚呼若唐之顏魯公本朝之蘇長公履險蹈難終
其身未嘗少屈真節義之士乎安祿山之變顏公忠憤
奮發首唱大義興起一時士大夫之心卒能摧折姦寇
再安唐室李希烈之使心知其危冒死而不顧其剛毅
特立有如此者蘇公力爭新法遂以忠鯁顯名羣邪媚
疾投諸散地元祐間與羣賢並進志稍伸矣仍不得久

安於朝紹聖元符之際遠謫窮荒而氣不懾其砥節
行無愧於顏公故至今論人物者兩重之初吳興廟祀
顏公而祀蘇公於其廡前守陳侯汝始立寶積院之祠
以祀顏楊侯長孺始立黃龍洞之祠以祀蘇而祠遂分
三公皆此邦良牧人心所不能忘也今守趙侯希蒼至
顧黃龍之祠地勢爽塏思前人建立之艱圖所以永
勿壞者輪奐之美功力之堅有加於往日則合顏蘇
公共為一祠前臨震澤波瀾浩渺廣吞三郡旁揖大山
形勢峭崿雄鎮一方登堂遠望蒼翠之色泓澄之輝
交映使心形俱泰以三公之賢血食於此真不

古文集

四

發為議論同一肺腸行乎正途同一軌轍此侯所以合
而祀之也嗚呼周公管蔡不相為謀禹稷顏子可以同
道是心一差雖同父所生未免乘戾是心無間即先後
曠世自爾合符二公節義其時異而心同者與表前賢
之懿行為後進之師資使君曹士民則而象之洗濯其
背公營私之習振發其守節徇義之心則雖後二公而
生其堅正不同之操必有能繼之者矣傳曰有為者亦
若是尚論古人謂之善友此侯之所望於郡人者貽書
屬為記之是舉也實關風化余何敢以不文辭
案湖州府志歸安縣尊經閣左有魯公祠祀唐顏真

鄉烏程縣峴山有三賢祠祀真卿及宋蘇軾王十朋
 鎮書樓下有四賢祠祀晉王羲之謝安及真卿軾
 本朝吳綺於峴山之祠增入羲之安及梁柳惲唐杜
 牧宋孫覺明陳幼學改爲九賢祠而黃龍洞顏蘇合
 祀之祠闕焉黃龍洞在卞山蘇軾在郡僅九十日嘗
 禱雨於此志云淳熙中烏程令蕭德藻因爲軾建專
 祠卽此記所云嘉定中郡守趙希蒼改建顏蘇合祠
 之地也攷記中舊祀魯公祠在駱駝橋東陳浹改建
 之魯公祠在杼山寶積院黃龍洞之蘇長公祠始
 嘉定中郡守楊長孺而不始於蕭德藻皆可

文集

五

之誤 補在歐陽守道
吉州祠堂記後

書顏魯公逸事

明長洲

陳仁錫

魯公宦跡家世舉世洞悉其忠節素著文章詞翰特餘
 事耳頗得仙道自其宿命所通年十八九時臥疾有道
 王過其家自稱北山君出丹砂粟許救之頃刻卽愈因
 謂之曰子有青簡之名已誌金臺可以度世上補仙官
 不宜自沈於宦海若不能擺脫塵網去世之日可以爾
 之形鍊神陰景然後得道復以丹一粒授之戒之曰抗
 節輔主勤儉致身百年外吾期爾於伊洛之間矣別傳
 云真卿將縊解金帶以遺使者曰吾嘗脩道以形全爲

先吾死之後但割吾支節血爲吾吮血以給之則吾死
 無所恨矣縊者如其言既死復收瘞之賊平真卿家遷
 喪上京啓殯視之棺朽敗而尸形儼然肌肉如生手足
 柔軟鬚髮青黑握拳不開爪透手背遠近驚異焉行及
 中路旅櫬漸輕後達塋所空棺而已別傳又云真卿將
 往蔡州謂其子曰吾與元載俱服上藥彼爲酒色所敗
 故不及吾此去蔡州必爲逆賊所害爾後可迎吾喪於
 華陰開棺視之必異於衆及是開棺果覩其異道士邢
 和璞曰此謂形仙者也雖藏於鐵石之中鍊形數備
 要飛去矣其後十餘年顏氏之家自雍遣僕

文集

六

莊租迴及洛京此僕偶到同德寺見魯公衣長
 衫張蓋在佛殿上坐此僕遽欲近前拜之公遂轉身去
 柳觀佛壁亦左右隨之終不令僕見其面乃下佛殿去
 僕亦步隨之徑歸城東北隅荒菜園中有兩間破屋門
 上懸箔子公便揭箔而入僕遂隔箔子唱喏公曰何人
 僕對以名公曰入來僕旣入拜輒擬哭公遽止之遂畧
 問十二見姪了公探懷中出金十兩付僕以濟家匱仍
 遣速歸勿與人說如家內乏闕卽再來僕還雍述其事
 家衆大驚貨其金乃眞金也顏氏子便市鞍馬與向僕
 疾來省覲復至前處但滿眼榛蕪一無所有時人皆稱

魯公屏解得道焉

案唐李石續博物志云顏真卿遇道人陶八入授以碧霞丹餌之曰七十上有厄如有即吉後為盧杞所陷縊死希烈敗返莖狀貌如生徧身金色爪甲出手背鬚髮皆長數尺人歎異之後有商人遇之於羅浮山寄書至偃師顏氏守坐者曰此先太師親翰書法蠶頭馬尾馬當作鼠真得仙也明卿所書與米襄陽仙迹記小有異同蓋皆本於李石之說以仙視魯公不知公之自有千古者正不在金丹幻術也揆厥所由以平日文字喜與仙佛佳緣故後世之惡盧杞而

魯公文集

七

希烈者欲藉此以抒其不平之氣亦如諫佛骨之昌黎偶與文暢大顛輩以詩文投契遂指為釋氏華宗此雖細人愛人不窺其大其實皆二公有以自樹之的也魯公為復聖後裔數百年來議禮諸臣不處躋於兩廡之祀正為仙迹所累特識於此以俟千百世之具隻眼者補在元蘇伯禽洙溪書院記後

卷二十一 外集八

雜紀

讓美德也然當審其是非趙充國不歸功於二將軍君子以為是顏真卿歸功於賀蘭進明君子以為非同上

在困學紀聞 第二條後

七十懸車古之制也然亦道其常耳際昇平之世遭願治之君聘召之勤倚任之重如漢之張蒼魏之高允朱之潞公諸賢完名令終哀榮備至無得而議焉者也陳善張東之顏真卿孤忠勁節百世瞻仰不可向矣然其世則亂世也其君則闇君也其年則八十餘也不能引年而退見幾而作卒皆不得其死此君子所以深惜之責備餘談 補在前條之後

顏泉卿真卿各以一郡起兵討賊事雖無成大義義聲一動北齊唐以公之才烏合三

魯公文集

八

魯公未及旬日乎原亦終不支胡氏史論謂明皇保棄賢天固不使得忠義之報信夫泉卿罵賊百世下聞其聲真卿立朝忠貞勁直侃侃乎社稷之佐臨難則抗節賊庭至死不屈二人為唐室增光豈小哉朱獻名補在條之後 條第二條之後

卷二十二 書評一

總論

觀其書有以得其為人則君子小人必見於書是殆不然以貌取人尤且不可而况書乎吾觀顏公書未嘗不想見其風采非徒得其為人而已凜乎若見其諒盧杞

而此希烈何也其理與韓非竊斧之說無異然人之
畫工拙之外蓋皆有趣亦有以見其為人邪正之粗
蘇東坡文集補在
集古錄跋尾條之後

楷字無出顏柳柳雖有骨似疎脫少勁拔且書體一似

魯公之書予所見者東方朔像贊與金天王廟題名

大字也一則莊偉一則俊拔小字如干祿帖與麻姑

記于祿則持重舒和壇記則適峻緊潔似非一手所出

意者傳模鑄刻之有工拙耳及觀多寶座位等碑則筆

意又迥不同把翫久之筆畫形體雖有粗細大小而

自有法愈看愈佳此公之書百世不可及也殆知

魯公文集補遺
九

魯公雖所遇不同無一毫那媚歐公云杜濟之碑雖不

書名殆非魯公不能也正謂是耳
七修類稿補遺
懷麓堂集條後

卷二十四 書評四

與郭英父論坐位書

魯公草行不知何時上石石已泐矣而法猶可尋王元

美云無一筆不作晉法所謂無意而文從容中道者也

又云公剛勁義烈之氣文不能發而發之於筆墨間余

嘗謂公學不如其人於麻姑壇記見之詞不如筆楷不

如行有意不如無意於此帖見之而都元敬乃謂草草

之筆亦為摹刻目中有筆余不能不服膺元美此

雖泐而顏公筆法宛然近董氏摩入戲鴻堂帖乃云

省者不足觀而自謂存魯公法度今以余觀董氏刻

此則神亡多矣
右墨鐫華補在
都穆寓意編條後

顏元孫碑

魯公顏元孫墓誌省試九河銘高松賦考劉奇榜曰銘

賦音律既麗且新時務五條辭高理贍其貼經通

所以屈從常第墓東京鶴店今作曜字
江都縣志

案鄰幾所載即元孫墓碑非墓誌也文見顏集其曰

考劉奇榜乃考功郎劉奇榜榜之八字之脫文商

雜志入碑海錯落甚多非鄰幾原誤也
補在
金

魯公文集補遺
十

乞米帖

顏魯公帖曰闔門百口幾至餬口按左傳鄭莊公曰寡

人有弟不能和協而使餬其口於四方杜預云餬粥也

粥乃貧家所食魯公謂其家幾至餬口則其意與左氏

異豈以餬口謂都無所食乎
敬齋古今註補在
寶晉英光集條後

左伯桃墓詩

魯公以永泰二年丙午二月貶峽州別駕旬餘改吉州

司馬六月次江州之廬山有東西林題名必以秋至吉

是年十一月改元大曆故次年丁未十月公遊青原寺

題名便稱大曆二年又明年戊申五月移撫州刺史

西庚戌皆在官六年辛亥閏三月代到而四月書麻林壇記猶以撫州繫銜今於文集及石刻攷之是歲八月次上元縣忽自撫歸京時也上元與溧水實為鄰邑今皆隸昇州當時溧水則隸宣城公題詩烈士墓在六年或見此時與記合然鄭薰移顏魯公詩記謂公由刑部尚書貶夷陵大曆六年又以前秩轉廬陵郡道出溧水薰唐人不應謬誤如此文苑英華辨證補

卷二十六 書評六

臧懷恪碑

魯公此書偉勁而骨稍瘦於家廟諸碑皆可重也

立

美云臧懷恪再為王峻蕭嵩兵馬使積官右武衛將軍封上蔡縣侯三贈至工部尚書以子希讓貴故也兄懷亮至左羽林大將軍懷恪有子七人咸貴而希讓至尚書節度魯國公碑稱兄弟子姓勳賢開出自開元至於天寶乘朱輪而拖珪組者數百人而史不為傳故聊載之石墨鐫華補在

書清遠道士詩及和作

唐時有清遠道士同沈恭子游虎邱詩曰余本長殷周遭羅隱秦漢計之至唐則二千餘歲矣顏魯公愛而刻之且有詩曰客有神仙者於茲雅麗傳蓋指為神仙也

李衛公追和魯公刻清遠道士詩曰逸人綴清藻前舊篇翰則逸人指清遠而前哲謂魯公也其後皮日休陸龜蒙輩皆和之仙耶鬼耶則不必問然僕獨深愛其詩中數句云吟眺川之陰步上山之岸山川其澄徹光彩交凌亂白雲翳欲歸青山忽消半嗚呼借使非神仙亦一才鬼也許彥周詩話補

八關齋功德記

此宋州將吏為節度使田神功頃疾愈作齋會也神功故非良臣徐向等媚其主帥非佳事而魯公為撰為書也乃其字法大徑三寸許方整道勁不減曼倩讀

立

卷二十七 書評七

天下放生池碑

顏真卿放生池碑銘序云謹緣臯陶奚斯歌虞頌魯之義述天下放生池碑銘一章所用奚斯事蓋承班固之謨也固序兩都賦曰臯陶歌虞奚斯頌魯按魯頌云新廟奕奕奚斯所作奚斯乃作廟者非作頌之人也古今

千祿字書

此本模刻最多此亦模本也故魯公面目十失八九攷

歐公集古錄開成中已有楊漢公模本矣漢公謂工
為衣食業故摹多速損歐公云公書為世楷模而此
書辨正偽謬尤盛傳所以損爾世人所傳乃漢公模
真本以不完遂不傳然則真本不知在否但得漢公
似猶勝木本也又讀王元美跋乃謂無一筆縱緩
為臨池指南元美好古或宜有真本耳抑亦漢公本
希墨鐫華下補在奔
州山人四部稿條後

卷三十八 書評八

湖州石柱記

公吳興地望高程臨有頤頤家圖經云

十三

頤頤家有管邱圖衡山在州之東南春秋傳所
楚子伐吳克鳩茲至於衡山者也今謂之橫山或疑
項都帝邱今濮州是無緣冢在此古今流傳雖不可
信然舜葬蒼梧禹葬會稽何必其都耶今州之西南有
村山亦隸烏程其旁有夏駕山王村相傳以為夏村
狩所至村夏之七王也禹葬會稽則村之至此固無
怪庸俗之言未可為全無據也 遺署錄話 補在
與地碑目錄條後

顏氏家廟碑

顏氏家廟碑李陽冰篆額顏魯公撰并書石四面環

製法精工廟不知在何處後煨宋初有李延襲者語郡
守移置文廟此書結法與東方讚正同勁節直氣隱隱
筆畫間 石墨鐫華 補在奔
州山人續稿條後

卷三十 書評十

定慧之閣四字

鍾弱翁 案弱翁
名傳 所至好貶剝榜額字畫必除去之出新
意自立名令具牌當為重書之鏤刻工匠十數輩然自
書不工人皆苦之嘗經過廬陵一山寺有高閣壯麗弱
翁與僚屬部曲擁立望其榜曰定慧之閣字徑八寸旁
題姓名漫滅弱翁放意稱謬使僧呼梯取之拭拂視之

十四

魯國顏真卿書弱翁頤頤謂客曰似此字畫何不刻石

即令刻石傳者以為笑 墨刻揮屏 此條原刻所
無補在天中山三字條後

余編顏魯公文集三十卷道光甲辰湘陰蔣君維
揚刻於長沙近日偶檢舊書又得宋明名家論曾
公行書書法凡若干條為前稿所遺殘璧斷珪皆
足以資考訂不忍棄置另編補遺一卷附於全集
之後丙午仲春本驥謹識

顏魯公文集補遺卷終

跋

顏魯公宗聖裔孫有唐元老壯歲過祿山之談義激
心晚年陷希烈之庭志甘白刃固已名垂竹帛氣作
河揭日月以常行其乾坤而不朽夫豈類丁真永草
一藝以成名亦安在柳骨顏筋作千秋之定論然而
因品貴技以人傳本之於義膽忠肝發而為銀鉤鐵
况公世工篆隸學有淵源近承長史之親傳遠接
之嫡派絕去經生習氣鼠尾蠶頭居然大雅風流蒼
喬柏即云妙墨價本無雙矧屬名臣品居第一宜其
之流傳定有明神為阿護者矣長沙黃虎癩

公文集


富墨林奧窮筆陣秦漢之桓碑彝器盡入鏡題晉唐之
樂石祥金都歸品藻就中獨嗜厥有公書經換訪者二
十餘年萃精華於五十九種或豐碑或斷碣細大不捐
或拓本或雙鉤精神悉見蓋先生客中游覽每具種推
暗裏摩挲便題蓋曰訪古於長安肆上探奇於故紙堆
中率更觀索靖之碑因而駐馬李約見于雲之字取以
名齋故能極希世之珍藏為專門之賞鑒裝池以出臨
風色煥縹囊趨櫝而藏入夜光騰芸案景行斯在拱壁
何加 啟瑞 入鄴侯之書廚曾蒙見示慕米家之畫舫從
乞借觀正笏垂紳展視而神皆煥若忠臣烈士臨摹而

意便肅然因劃沙印泥之難能知立德踐行之未逮然
而小子竊有慨焉夫美男擁後則正士失姿姪女當前
則高人寡色誰見茂漪之蹟格競簪花俊談急就之章
書不及草以莊勁彊直為惡札以睚眦側媚為名家是
謂替談厥由心害又或筆真似虎墨更如猪活句不參
而瓠稜透露藏鋒難貴而波磔模糊此更誤入迷途適
足滋夫嘗議者也先生志存倚友愛書而貴重其人物
貴窮源不學而能通其義費半生之心血存百代之典
型因於趙璧之還聊附蘭亭之跋在言肆意敢云結翰
墨因緣似股漏痕願永作弓裘世業皆

公文集

有九年冬上泮桂林龍啟

劉賓客外集



劉賓客外集卷第一

結廬朱氏贖餘書

正議大夫檢校禮部尚書兼太子賓客贈兵部尚書劉禹錫

詩

翰林白二十二學士見寄詩一百篇因以答賦
吟君遺我百篇詩使我獨坐形神馳玉琴清夜人不語
琪樹春朝風正吹郢人斤斲無痕跡仙人衣裳棄刀尺
世人方內欲相尋行盡四維無處覓

始至雲安寄兵部韓侍郎中書白舍人二公近
曾遠守故有屬焉

天外巴子國山頭白帝城波清蜀村盡雲散荒臺傾迅
瀨下哮吼兩岸勢爭衡陰風鬼神過暴雨蛟龍生硤斷

劉外集一

見孤邑江流照飛蓋蠻軍擊嚴鼓笳馬引雙旌望闕遙
拜舞分庭備將迎銅符一以合文墨紛來縈暮色四山
起愁猿數處聲重關羣吏散靜室寒燈明故人青霞意
飛舞集蓬瀛昔曾在池籞應知魚鳥情

白舍人自杭州寄新詩有柳色春藏蘇小家之
句因而戲酬兼寄浙東元相公

錢塘山水有奇聲謫仙官有百城女妓還聞名小小
使君誰許喚卿卿鼉驚震海風雷起蜃鬪噓天樓閣成
莫道騷人在三楚文星今向斗牛明

春日書懷寄東洛白二十二楊八二庶子

曾向空門學坐禪如今萬事盡忘筌眼前名利同春夢

結廬朱氏贖餘書

醉裏風情敵少年野草芳菲紅錦地游絲撩亂碧羅天
心知洛下閑才子不作詩魔即酒顛

白舍人見酬拙詩因以寄謝

雖陪三品散班中資歷從來事不同名姓也曾鐫石柱
詩篇未得上屏風甘陵舊黨彫零盡魏闕新知禮數崇
煙水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來替左司二八城門開道路
五千兵馬引旌旗水通山寺笙歌去騎過虹橋劍戟隨
若其吳王鬪百草不如應是欠西施

蘇州白舍人寄新詩有歎早白無兒之句因以

劉外集一

贈之

莫嗟華髮與無兒卻是人閒久遠期雪裏高山頭白早
海中仙果子生遲于公必有高門慶謝守何煩曉鏡悲
幸免如新分非淺祝君長詠夢熊詩高山本高于門使
之詩流
曉此

和汴州令狐相公到鎮改月偶書所懷二十二

韻

受賑新梁苑和羹舊傳殷援毫動星宿垂釣取韜鈴赫
奕三川至歡呼百姓瞻綠油貔虎擁青紙鳳凰銜外壘
曾無警中廚亦罷監推誠人自服去殺令逾嚴赳赳容
皆飾幡幡口盡鉗為兄憐庾翼選婿得蕭成鬱屈咽喉

地駢闐水陸兼渡橋鳴紺幃入肆颺雲帆端月當中氣
東風應遠占管絃喧夜景燈燭掩寒蟾酒每傾三雅書
能發百函詞人羞布鼓遠客獻貂襜歌榭白團扇舞筵
金縷衫旌旗遙一簇寫履近相攬花樹當朱閣晴河逼
翠簾夜風飄鬢鬢燭淚滴巖巖玉罽虛頻易金爐暖重
添映銀窺豔豔隔袖見纖纖謝傅何由接桓伊定不凡
應憐郡齋老旦夕鐸霜髯

白太守行

聞有白太守棄官歸舊谿蘇州十萬戶盡作嬰兒啼太
守駐行舟閫門草萋萋揮袂謝啼者依然兩眉低朱戶
非不崇我心如重狴華池非不清意在寥廓棲夸者竊

劉外集一

所怪賢者默思齊我為太守行題在隱起珪

酬樂天揚州初逢席上見贈

巴山楚水淒涼地二十三年棄置身懷舊空吟聞笛賦
到鄉翻似爛柯人沈舟側畔千帆過病樹前頭萬木春
今日聽君歌一曲慙憑盃酒長精神

同樂天登棲靈寺塔

步步相攜不覺難九層雲外倚欄杆忽然語笑半天上
無限遊人舉眼看

罷郡歸洛途次山陽留辭郭中丞使君

自到山陽不許辭高齋日夜有佳期管絃正合看書院
語笑方酬各詠詩銀漢雪晴褰翠幕清淮月影落金卮

洛陽歸客明朝去容趁城東花發時

楚州開元寺北院枸杞臨井繁茂可觀羣賢賦
詩因以繼和

僧房藥樹依寒井井有香泉樹有靈翠黛葉生籠石磴
殷紅子熟照銅瓶枝繁本是仙人杖根老新成瑞木形
上品功能甘露味遠知一勺可延齡

和樂天鸚鵡

養來鸚鵡背初紅宜在朱樓繡戶中頻學喚人緣性慧
偏能識主為情通斂毛睡足難銷日彈翅愁時願見風
誰遣聰明好顏色事須安置入深籠

歲杪將發楚州呈樂天

劉外集一

楚澤雪初霽楚城春欲歸清淮變寒色遠樹含晴暉原
野已多思風霜潛滅威與君同旅鴈北向刷毛衣

洛中逢白監同話遊梁之樂因寄宣武令狐相
公

曾經謝病各遊梁今日相逢憶孝王少有一身兼將相
更能四面占文章開顏座內催飛蓋迴首庭中看舞槍
借問風前兼月下不知何客對胡牀

河南王少尹宅宴張常侍白舍人兼呈盧郎中
李員外二副使

將星夜落使星來三省清臣到外臺事重各銜天子詔
禮成同把故人盃捲簾松竹雪初霽滿院池塘春欲迴

第一林亭迎好客殷勤莫惜玉山頽

鶴歎二首 并序

友人白樂天去年罷吳郡挈雙鶴雜以歸予相遇於揚子津閑翫終日翔舞調態一符相書信華亭之尤物也今年春樂天為祕書監不以鶴隨置之洛陽第一旦也入門問訊其家人鶴軒然來睨如記相識徘徊俛仰似含情願慕填膺而不能言者因作鶴歎以贈樂天
寂寞一雙鶴主人在西京故巢吳苑樹深院洛陽城徐引竹間步遠含雲外情誰憐好風月鄰舍夜吹笙東鄰即王家

丹頂宜承日霜翎不染泥愛池能久立看月未成棲一

劉外集一

院春草長三山歸路迷主人朝謁早貪養汝南雞

有所嗟

庾令樓中初見時武昌春柳鬪腰肢相逢相笑盡如夢為雨為雲今不知

鄂渚濛濛煙雨微女郎魂逐暮雲歸只應長在漢陽渡化作鴛鴦一隻飛

答樂天臨都驛見贈

北岡山邊波浪東都城裏風塵世事不同心事新人何似故人

再贈樂天

一政政官輒輒一年年老駸駸身外名何足算別來詩

且同吟

和裴相公傍水閑行

為愛逍遙第一篇時時閑步賞風煙看花臨水心無事功業成來二十年

和宣武令狐相公郡齋對新竹

新竹脩脩韻曉風隔窗依砌尙蒙籠數閒素壁初閑後一段清光入座中敲枕閑看知自適含毫朗詠與誰同此君若欲長相見政事堂東有舊叢

答白刑部聞新蟬

蟬聲未發前已自感流年一入淒涼耳如聞斷續絃晴清依露葉晚急畏霞天何事秋卿詠逢時一悄然

劉外集一

和裴相公寄白侍郎求雙鶴

皎皎華亭鶴未隨太守船白君罷吳郡太守攜雙鶴青雲意長在滄海到經年留滯清洛苑徘徊明月天何如鳳池上雙舞入祥煙

和樂天送鶴上裴相公別鶴之作

昨日看成送鶴詩高籠提出白雲司朱門乍入應迷路玉樹容棲莫揀枝雙舞庭中花落處數聲池上月明時三山碧海不歸去且向人間呈羽儀

終南秋雪

南嶺見秋雪千門坐早寒閑時駐馬望高處捲簾看霧散瓊枝出日斜鉛粉殘偏宜曲江上倒影入清澗

闕下待傳點呈諸同舍

禁漏晨鐘聲欲絕旌旗組綬影相交殿舍佳氣當龍首
閣倚晴天見鳳巢山色蔥蘢丹檻外霞光泛濫翠松梢
多慚再入金門籍不敢為文學解嘲

和樂天早塞

兩引苔侵壁風驅葉擁階久留閑客話宿請老僧齋酒
甕新陳接書籤次第排翛然自有處搖落不傷懷

和樂天以鏡換酒

把取菱花百鍊鏡換他竹葉十分盃頰眉厭老終難去
蘸甲須歡便到來妍醜太分迷忌諱松喬俱傲絕嫌猜
校量功力相千萬好去從空白玉臺

劉外集一

同樂天送河南馮尹學士

可憐玉馬風流地蹇輟金貂侍從才閣上掩書劉向去
門前脩刺孔融來峭陵路靜寒無雨洛水橋長晝起雷
其羨府中棠棣好先於城外百花開

同白二十二贈王山人

愛名之世忘名客多事之時無事身古來相傳見未久
歲年雖變貌常新飛章上達三清路受錄平交五嶽神
笑聽夔夔朝暮鼓只能催得市朝人

題集賢閣

鳳池西畔圖書府玉樹玲瓏景氣閑長聽餘風送天樂
時登高閣望人寰青山雲繞欄杆外紫殿香來步武閒

曾是先賢翔集地每看壁記一慚顏

杏園花下酬樂天見贈

二十餘年作逐臣歸來還見曲江春遊人莫笑白頭醉
老醉花間有幾人

和令狐相公初歸京國賦詩言懷

凌雲羽翮揆天才揚歷中樞與外臺相印昔辭東閣去
將星還拱北辰來殿庭捧日影纓入閣道看山曳履迴
口不言功心自適吟詩釀酒待花開

曲江春望

鳳城煙雨歇萬象含佳氣酒後人倒狂花時天似醉三
春車馬客一代繁華地何事獨傷懷少年曾得意

劉外集一

和令狐相公春日尋花有懷白侍郎閣老

芳菲滿雍州鸞鳳許同遊花徑須深入時光不少留色
鮮由樹嫩枝亞為房稠靜對仍持酒高看特上樓晴宜
連夜賞雨便一年休其憶秋官處餘霞曲水頭

和樂天南園試小樂

閑步南園煙雨晴遙聞絲竹出牆聲欲拋拋丹筆三川去
先教清商一部成花木手栽偏有興歌詞自作別生情
多才遇景皆能詠當日人傳滿鳳城

和樂天春詞

新妝宜面下朱樓深鎖春光一院愁行到中庭數花朵
蜻蜓飛上玉搔頭

和嚴給事間唐昌觀玉蕊花下有遊仙二絕

玉女來看玉蕊花異香先引七香車攀枝弄雪時迴顧

驚怪人間日易斜

雪蕊瓊絲滿院春衣輕步步不生塵君平簾下徒相問

長伴吹簫別有人

歎水別白二十二

水至清盡美從一勺至千里利人利物時行時止道性

淨皆然交情淡如此君遊金谷隄上我在石渠署裏兩

心相憶似流波潺湲日夜無窮已

答樂天戲贈

才子聲名白侍郎風流雖老尚難當詩情逸似陶彭澤

劉外集一

齋日多加周太常乾乾將心求淨土時時偷眼看春光

知君技癢思歡宴欲倩天魔破道場

同樂天送令狐相公赴東都留守自戶部尚書

尚書劔履出明光居守旌旗赴洛陽世上功名兼將相

人間聲價是文章衙門曉闕分天仗賓幕初開辟省郎

從發坡頭向東望春風處處有甘棠自華林至河南皆故治也

劉賓客外集卷第一

劉賓客外集卷第二

詩

同樂天和微之深春二十首

同用家花
車斜四韻

何處深春好春深萬乘家宮門皆映柳輦路盡穿花池
色連天漢城形象帝車旌旗暖風裏獵獵向西斜

何處深春好春深阿母家瑤池長不夜珠樹正開花橋

峻通星渚樓暄近日車層城十二闕相對玉梯斜

何處深春好春深執政家恩光貪捧日貴重不看花玉

饌堂交印沙隄住礙車多門一已閉直道更無斜

何處深春好春深大鎮家前旌光照日後騎賊成花節

院收衙隊毬場簇看車廣筵歌舞散書號夕陽斜

劉外集二

何處深春好春深貴戚家樞嘶無價馬庭發有名花欲

進宮人食先熏命婦車晚歸長帶酒冠蓋任傾斜

何處深春好春深恩澤家爐添龍腦炷綬結虎頭花賓

客珠成履嬰孩錦縛車畫堂簾幕外來去燕飛斜

何處深春好春深京兆家人眉新柳葉馬色醉桃花盜

息無鳴鼓朝迴自走車能令帝城外不敢徑由斜

何處深春好春深刺史家夜闌猶命樂雨甚亦尋花傲

客多憑酒新姬若上車公門吏散後風擺戟衣斜

何處深春好春深羽客家芝田繞舍色杏樹滿山花雲

是淮王宅風爲列子車古壇操簡處一徑入林斜

何處深春好春深小隱家芟庭留野菜撼樹去狂花醉

結廬采氏廣餘叢書

酒一千日貯書三十車推衾從露體不敢有餘斜

何處深春好春深富貴家惟多貯金帛不擬負鶯花國

樂呼聯轡行廚載滿車歸來看理曲燈下寶釵斜

何處深春好春深豪士家多沽味濃酒貴買色深花已

臂鷹隨馬連催妓上車城南蹋青處村落逐原斜

何處深春好春深貴冑家迎呼偏熟客揀選最多花飲

饌開華幄笙歌出鈿車與酣樽易罄連瀉酒瓶斜

何處深春好春深唱第家名傳一紙勝興管九衢花薦

聽諸侯樂來隨計吏車杏園拋曲處揮袖向風斜

何處深春好春深少婦家能偷新禁曲自翦入時花追

逐同遊伴平章貴價車從來不墜馬故遣髻鬟斜

劉夕集二

何處深春好春深幼女家雙鬢梳項髻兩面繡裙花妝

壞頻臨鏡身輕不占車鞦韆爭次第牽拽綵繩斜

何處深春好春深蘭若家當香收柏葉養蜜近梨花野

徑宜行藥遊人盡駐車菜園籬落短遙見桔槔斜

何處深春好春深老宿家小欄鬪蕙草高架引藤花四

字香書印三乘壁畫車遲迴聽句偈雙樹晚陰斜

何處深春好春深種蒔家分畦十字水接樹兩般花櫛

比栽籬榷啞啞轉井車可憐高處望基布不曾斜

何處深春好春深稚子家爭騎一竿竹偷折四鄰花笑

擊羊皮鼓行牽犢領車中庭貪夜戲不覺玉繩斜

刑部白侍郎謝病長告改賓客分司以詩贈州

結廬采氏廣餘叢書

鼎食華軒到眼前，拂衣高步豈徒然。九霄路上辭朝客，四皓叢中作少年。他日卧龍終得雨，今朝放鶴且冲天。洛陽舊有衡茅在，亦擬抽身伴地仙。

遙和白賓客分司初到洛中戲呈馮尹

西辭望苑去，東占洛陽才。度嶺無歸思，看山不喚來。冥鴻何所慕，遼鶴乍飛回。洗竹通新徑，攜琴上舊臺。塵埃長者轍，風月故人盃。聞道龍門峻，還因上客開。

和留守令狐相公答白賓客

蛟龍和風吹樹枝，商山逸客出關時。身無拘束起長晚，路足交親行自遲。官拂象筵終日待，私將雞黍幾人期。君來不用飛書報，萬戶先從紙貴知。

劉外集二

始聞蟬有懷，白賓客去歲。自有聞蟬見，寄詩云。

祇應催我老兼道報君知之句

蟬韻極清切，始聞何處悲。人含不平意，景值欲秋時。此歲方晚晚，誰家無別離。君言催我老，已是去年詩。

憶樂天

尋常相見意殷勤，別後思量夢更頻。每遇登臨好風景，羨他天性少情人。

樂天寄洛下新詩兼喜微之欲到因以抒懷也

松閒風未起，萬葉不自吟。池上月未來，清輝同夕陰。宮徵不獨運，墳篋自相尋。一從別樂天，詩思日已沈。吟君洛中作，精絕百鍊金。乃知孤鶴情，月露為知音。微之從

東來威鳳鳴，歸林羨君先。相見一豁平生心。

月夜憶樂天兼寄微之

今宵帝城月，一望雪相似。遙想洛陽城，清光正如此。知君當此夕，亦望鏡湖水。展轉相憶心，月明千萬里。

酬鄆州令狐相公官舍言懷見寄兼呈樂天

詞人各在一涯居，聲味雖同跡自疏。佳句傳因多好事，尺題稀為不便書。已通戎路逢黃石，仍占文星耀碧虛。聞說朝天在來歲，霸陵春色待來車。

吟白樂天哭崔兒上篇愴然寄贈

吟君苦調我需纓，能使無情盡有情。四望車中心未釋，千秋亭下賦初成。庭梧已有雛棲處，池鶴今無子和聲。

劉外集二

從此期君比瓊樹，一枝吹折一枝生。

答樂天所寄詠懷且釋其枯樹之歎

衙前有樂饌，常精宅內連。池酒任傾自是官，高無狎客不論年。長少歡情驪龍領，被探珠去老蚌胚。還應月生莫羨三春桃，與李桂花成實向秋榮。

白侍郎大尹自河南寄示池北新葺水齋即事

招賓十四韻兼命同作

公府有高致，新齋池上開。再吟佳句後，一似畫圖來。結構疏林下，簷緣曲岸隈。綠波穿戶牖，碧甃疊瓊瑰。幽異當軒滿，清光繞砌迴。潭心澄晚鏡，梁口起晴雷。瑤草綠隄種，煙松上島栽。遊魚驚撥刺，浴鷺喜毳毳。為客烹林

笋因僧採石苔酒瓶常不罄書案任成堆簷外青雀舫
座中鸚鵡盃蒲根抽九節蓮萼捧重臺芳訊此時到勝
遊何日陪共譏吳太守自占洛陽才

赴蘇州酬別樂天

吳郡魚書下紫宸長安殿吏送朱輪二南風化承遺愛
八詠聲名躡後塵梁氏夫妻為奇客陸家兄弟是州民
江城春日追隨處共憶東歸舊主人

贈樂天

一別舊遊盡相逢俱涕零在人雖晚達於樹似冬青痛
飲連宵醉狂吟滿座聽終期拋印綬共占少微星

福先寺雪中酬別樂天

劉外集二

龍門賓客會龍宮東去旌旗駐上東二八笙歌雲幕下
三千世界雪花中離堂未暗排紅燭別曲含淒向曉風
才子從今一分散便將詩詠向吳儂

醉答樂天

洛城洛城何日歸故人故人今轉稀莫嗟雪裏蹙時別
終擬雲間相逐飛

和樂天耳順吟兼寄敦詩

吟君新什慰蹉跎屈指同登耳順科鄧禹功成三紀事
孔融書就八年多已經將相誰能爾拋卻丞郎爭奈何
獨恨長洲數千里且隨魚鳥泛煙波

到郡未浹日登西樓見樂天題詩因即事以寄

樂天自此郡
謝病西歸

湖上收宿雨城中無畫塵樓依新柳貴池帶亂苔春雲
水正一望簿書來繞身煙波洞庭路愧彼扁舟人

早夏郡中書事

水禽渡殘月飛雨灑高城華堂對嘉樹簾廡含曉清拂
鏡整危冠振衣步前楹將吏儼成列簿書紛來縈言下
辨曲直筆端破交爭虛懷詢病苦懷律操剽輕關吏告
無事歸來解簪纓高簾覆朱閣忽爾聞調笙

虎正寺見元相公二年前題名愴然有詠
前年
送之
武昌

送之

涇水送君君不還見君題字虎正山因知早貴兼才子

劉外集二

不得多時在世間

寄贈小樊

花面了頭十三四春來綽約向人時終須買取名春草
處處將行步步隨

憶春草

憶春草處處多情洛陽道金谷園中見日遲銅駝陌上
迎風早河南大尹頻出難只得池塘十步看府門閉後
滿街月幾處遊人草頭歌館娃宮外姑蘇臺鬱鬱芊芊
撥不開無風自偃君知否西子裙裾曾拂來

樂天寄憶舊遊因作報白君以答

報白君別來已度江南春江南春色何處好燕子雙飛

故宮道春城三百七十橋夾岸朱樓隔柳條了頭小兒
蕩畫槳長袂女郎簪翠翹郡齋北軒卷羅幕碧池透迤
繞畫閣池邊綠竹桃花花下舞筵鋪彩霞吳娃足情
言語黠越客有酒巾冠斜座中皆言白太守不負風光
向盃酒酒酣擊棧飛逸韻至今傳在人人人口報白君相
思空望嵩上雲其奈錢塘蘇小小憶君淚點石榴裙白君
在城近自
洛歸錢塘

和白侍郎送令狐相公鎮太原

十萬天兵貂錦衣晉城風日斗生輝行臺僕射新恩重
從事中郎舊路歸疊鼓賊成汾水浪門旗驚斷塞鴻飛
邊庭自此無烽火擁節還來坐紫微

劉外集二

秋夕不寐寄樂天

洞戶夜簾卷華堂秋簟清螢飛過池影蛩思繞階聲老
枕知將雨高窗報欲明何人諳此景遠問白先生

冬日晨興寄樂天

庭樹曉禽動郡樓殘點聲燈挑紅燼落酒暖白光生髮
少嫌梳利顏衰恨鏡明獨吟誰應和須寄洛陽城

酬樂天見寄

元君後輩先零落崔相同年不少留華屋坐來能幾日
夜臺歸去便千秋背時猶自居三品三州吳得老終須

卜一正投老之日願若使吾徒還早達亦應簫鼓入松

楸

答樂天見憶

與老無期約到來如等閑偏傷朋友盡移興子孫閒筆
底心無毒孟前膽不豨呼開唯餘憶君夢飛過武牢關

和樂天謂失婢勝者

把鏡朝猶在添香夜不歸鴛鴦拂瓦去鸚鵡透籠飛不
逐張公子即隨劉武威新知正相樂從此脫青衣

樂天重寄和晚達冬青一篇因成再答

風雲變化饒年少光景蹉跎屬老夫秋隼自能凌汗漫
寒龜飲氣受泥塗東隅有失誰能免北叟之言豈便誣
振臂猶堪呼一擲爭知掌下不成盧

河南白尹有喜崔賓客歸洛兼見懷長句因而

劉外集二

繼和

幾年侍從作名臣卻向青雲索得身朝士忽為方外士
主人仍是眼中人雙鸞遊處天京好五馬行時海嶠春
遙羨光陰不虛擲肯令絲竹慙生塵

和揚師皋給事傷小姬英英

見學胡琴見藝成今朝追想幾傷情撚絃花下呈新曲
放撥燈前謝改名但是好花皆易落從來尤物不長生
鸞臺夜直衣衾冷雲雨無因入禁城

和樂天洛下醉吟寄太原令狐相公兼見懷長

句

舊相臨戎非稱意詞人作尹本多情從容自使邊塵靜

談笑不聞桴鼓聲章句新添塞下曲風流舊占洛陽城
昨來亦有吳趨詠唯寄東都與北京

郡齋書懷寄河南白尹兼簡分司崔賓客

謾讀圖書二十車年年為郡老天涯一生不得文章力
百口空為飽暖家綺季衣冠稱鬢面吳公政事副詞華
還思謝病今歸去同醉城東桃李花

酬樂天七月一日夜即事見寄

夜樹風韻清天河雲彩輕故花多露草隔樹聞鶴鳴搖
落從此始別離含遠情聞君當是夕倚瑟吟商聲外物
豈不足中懷向誰傾秋來念歸去同聽嵩陽笙

題丁家公主舊宅

劉外集二

樹滿荒臺葉滿池簫聲一絕草蟲悲鄰家猶學宮人髻
園客爭偷御果枝馬塲蓬蒿藏狡兔鳳棲煙雨嘯愁鴉
何郎猶在無恩澤不似當初傅粉時

吟樂天自問愴然有作

親友關心皆不見風光滿眼倍傷神洛陽城裏多池館
幾處花開有主人

八月十五日夜半雲開然後翫月因詠一時之

景寄呈樂天

半夜碧雲收中天素月流開城邀好客置酒賞新秋影
透衣香潤光凝歌黛愁斜暉猶可翫移宴上西樓

秋日書懷寄白賓客

州遠雄無益年高健亦衰興情逢酒在筋力上樓知蟬
噪芳意盡雁來愁望時商山紫芝客應不向秋悲

酬樂天見貽賀金紫之什

久學文章含白鳳卻因政事賜金魚郡人未識聞謠詠
天子知名與詔書珍重和詩呈錦繡願言歸計並園廬
舊來詞客多無位金紫同遊誰得如

酬樂天初冬早寒見寄

乍起衣猶冷微吟帽半敬霜凝南屋瓦雞唱後園枝洛
水碧雲曉吳宮黃葉時兩傳千里意書札不如詩
樂天見示傷微之敦詩晦叔三君子皆有深分
因成是詩以寄

劉外集二

吟君歎逝雙絕句使我傷懷奏短歌世上空驚故人少
集中惟覺祭文多芳林新葉催陳葉流水前波讓後波
萬古到今同此恨聞琴淚盡欲如何

春池泛舟聯句

鳳池新雨後池上好風光禹錫上取酒愁春盡留賓喜
日長度送柳絲迎畫舸水鏡瀉雕梁羣送賈潭洞迷仙

府煙霞認醉鄉司業鶯聲隨笑語行色入壺觴籍送

晚景含澄澈時方得豔陽禹飛鳧拂輕浪綠柳暗迴塘

度逸韻追安石高居勝辟疆羣盃停新令舉詩動彩牋
忙餽願謂同來客歡遊不可忘籍

杏園聯句

杏園千樹欲隨風一醉同人此暫同羣上老態忽忘絲
管裏衰顏宜解酒盃中絲上白曲江日暮殘紅在翰苑
年深舊事空居易上二十四年流落者故人相引到花
叢馬錫

花下醉中聯句

其醉風光地花飛落酒盃終送到殘春猶可賞晚景莫
相催馬錫送酒幸年年有花應歲歲開居易送兵且當
金韻擲莫遣玉山頽終送庚高會彌堪借良時不易陪
承宣送誰能拉花住爭得換春迴馬錫送我輩尋常有
主人早晚來嗣復送寄言三相府欲散且徘徊居易時
會公同

劉外集二

宴興慶池亭送白二十二東歸聯句

東洛言歸去西園告別來白頭青眼客池上手中盃度
離瑟殷勤奏仙舟委曲迴征輪今欲動賓闈為誰開再
坐弄琉璃水行登綠縹臺花低妝照影萍散酒吹醅居
岸蔭新抽竹亭香欲變梅隨遊多笑傲遇勝且徘徊籍
澄澈連天鏡潺湲出地雷林塘難共賞鞍馬莫相催度
信及魚還樂機忘鳥不猜晚晴槐起露新暑石添苔再
擬作雲泥別尤思頃刻陪歌停珠貫斷飲罷玉峯頽居易
雖有逍遙志其加磊落才會當重用日此去肯悠哉籍
西池送白二十二東歸兼寄令狐相公聯句
促坐宴迴塘送君歸洛陽彼都留上幸為我說中腸度

威鳳池邊別冥鴻天際翔披雲見居守望日拜封章再
春盡年華少舟通景氣長送行歡其惜寄遠意難忘籍
東道瞻軒蓋西園醉羽觴謝公深眷眄商皓信輝光武
舊德推三友新篇代八行下

首夏猶清和聯句

記得謝家詩清和卽此時居易餘花數種在密葉幾重垂
度芳謝人人惜陰成處處宜錫水萍爭點綴梁燕共追
隨武行亂蝶憐疏蕊殘鶯好枝籍草香殊未歇雲勢漸
多奇居易單服初備體新篁已出籬度與春為別近覺日
轉行遲錫繞樹風光少侵階苔蘚滋武唯思奉歡樂長
得在西池籍

劉外集二

薔薇花聯句

似錦如霞色連春接夏開再波紅分影入風好帶香來
度得地依東閣當階奉上台武行淺深皆有態次第暗相
催再錫滿地愁英落綠隄惜棹迴度芳穠濡雨露明麗隔
塵埃武行似著胭脂染如經巧婦裁居易奈花無別計只有
酒殘盃籍

西池落泉聯句

東閣聽泉落能令野興多武行散時猶帶沫涼處卽跳波
度徧洗磷磷石還驚泛泛鵝籍色清塵不染光白月相
和居易噴雪繁絲竹攢珠濺芰荷錫對吟時合響觸樹更
搖柯籍照圍紅分藥侵階綠浸莎居易日斜車馬散餘韻

逐鳴珂禹

結廬宋氏廢餘殘

和樂天柘枝

柘枝本出楚王家玉面添嬌舞態奢
鬆鬢改梳鸞鳳髻新衫別織鬪雞紗
鼓催殘拍腰身軟汗透羅衣雨點花
畫筵曲罷辭歸去便隨王母上煙霞

和樂天題真娘墓

蒼荀林中黃土堆羅襦繡黛已成灰
芳魂雖死人不怕蔓草逢春花自開
幡蓋向風疑舞袖鏡燈臨曉似妝臺
吳王嬌女墳相近一片行雲應往來

劉賓客外集卷第二

劉外集二

十三

110XEM

劉賓客外集卷第三

結廬宋氏廢餘書

詩

客有話汴州新政書事寄令狐相公

天下咽喉今大(簡)軍城喜氣徹青冥庭前劔戟朝迎日
筆底文章夜應星三省壁中題姓字萬人頭上見儀形
汴州忽復承平事正月看燈戶不局

和令狐相公郡齋對紫薇花

明麗碧天霞丰茸紫綬花香聞荀令宅豔入孝王家幾
歲自榮落高情方歎嗟有人移上苑猶是占年華

令狐相公見示河中楊少尹贈答兼命繼聲

兩首新詩百字餘朱絃玉磬韻難如漢家丞相重徵後

劉外集三

梁苑仁風一變初四面諸侯瞻節制八方通貨溢河渠
自從卻毅爲元帥大將歸來盡把書

和令狐相公謝太原李侍中寄蒲桃

珍果出西域移根到北方昔年隨漢使今日寄梁王上
相芳緘至行臺綺席張魚鱗含宿潤馬乳帶殘霜染指
鉛粉膩滿喉甘露香醞成十日酒味敵五雲漿咀嚼停
金盞稱嗟響畫堂慙非末至客不得一枝嘗

和令狐相公送趙常盈鍊師與中貴人同拜嶽

及天台投龍畢卻赴京師

銀瑤謁者引霓旌霞帔仙官到赤城白鶴迎來天樂動
金龍擲下海神驚元君伏奏歸中禁武帝親齋禮上清

何事夷門請詩送梁王文字上聲名

令狐相公俯贈篇章斐然仰謝

鄂渚臨流別梁園衝雪來旅愁隨凍釋歡意待花開城
曉烏頻起池春雁欲迴飲和心自醉何必管絃催

酬令狐相公贈別

越聲長苦有誰聞老向湘山與楚雲海嶠新辭永嘉守
夷門重見信陵君田園松菊今迷路霄漢鴛鴦久絕羣
幸遇甘泉尙詞賦不知何客薦雄文

酬令狐相公寄賀遷拜之什

邇迴二紀重爲郎洛下遙分列宿光不見當關呼早起
曾無侍史與焚香三花秀色通書幌十字春波繞宅牆

劉外集三

白首青衫誰比數相憐只是有梁王相公昔曾以大寮
分司故有同病相

憐之

酬令狐相公早秋見寄

公來第四秋樂國號無愁軍士遊書肆商人占酒樓熊
羆交黑稍賓客滿青油今日文章主梁王不姓劉

和令狐相公翫白菊

家家菊盡黃梁國獨如霜瑩靜眞琪樹分明對玉堂仙
人披雪篲素女不紅妝粉蝶來難見麻衣拂更香向風
搖羽扇含露滴瓊漿高豔遮銀井繁枝覆象牀桂叢慙
並發梅蕊如先芳一入瑤華詠從茲播樂章

夏日寄宣武令狐相公

結廬宋氏廢餘書

長憶梁王逸興多西園花盡與如何近來溽暑侵亭館
應覺清談勝綺羅境入篇章高韻發風穿號令眾心和
承明欲謁先相報願拂朝衣逐曉珂

令狐相公見示贈竹二十韻仍命繼和

高人必愛竹奇興良有以峻節可臨戎虛心宜得士眾
芳信妍媚威鳳難棲止遂於鞀鼓閒移植東南美封以
梁國土澆之浚泉水得地色不移凌空勢方起新青排
故葉餘粉籠疏理猶復隔牆藩何因出塵滓茲辰去前
蔽永日勞瞪視穢械林已成榮榮玉相似規摹起心匠
洗滌在頤指曲直既瞭然孤高何卓爾垂梢覆內屏進
筍侵前肥妓席拂雲鬢賔階蔭珠履抱琴恣閒翫執卷
堪斜倚露下懸明璫風來韻清徵堅貞貫四侯標格殊
百卉歲晚當自知繁華豈云比古詩無贈竹高唱從此
始一聽清瑤音琤然長在耳

和令狐相公入潼關

寒光照旌節關路曉無塵吏謁前丞相山迎舊主人東
瞻軍府靜西望敕書頻心共黃河水同昇天漢津

和令狐相公尋白閣老見留小飲因贈

傲士更逢酒樂天仍對花文章管星麻情興占年華宦
達翻思退名高卻不誇唯存浩然氣相共賞煙霞

酬令狐相公雪中遊元都見憶

好雪動高情心期在玉京人披鶴氅出馬蹋象筵行照

耀樓臺變淋漓松桂清元都留五字便入步虛聲

和令狐相公以司空裴相公見招南亭看雪四韻

重門不下關樞務有餘閒上客同看雪高亭盡見山瑞
呈霄漢外輿入笑言閒知是平陽會人人帶酒還

和令狐相公別牡丹

平章宅裏一欄花臨到開時不在家莫道兩京非遠別
春明門外即天涯

酬令狐留守巡內至集賢院見寄

仙院文房隔舊宮當時盛事盡成空墨池半在頹垣下
書帶猶生蔓草中巡內因經九重苑裁詩又繼二南風

為兄手寫殷勤句徧歷三台各一通

和鄆州令狐相公春晚對花
朱門退公後高興對花枝望闕無窮思看書欲盡時含
芳朝競發疑豔晚相宜人意殷勤惜狂風豈得知

酬令狐相公春日言懷見寄

前陪看花處鄰里近王昌今想臨戎地旌旗出汶陽營
飛柳絮雪門耀戟枝霜東望清河水心隨鴈上郎

和令狐相公言懷寄河中楊少尹

章句慙非第一流世閒才子暗陪遊吳宮已歎芙蓉死
張司業詩云吳宮四面秋邊月空悲蘆管秋李尚
江天清露白芙蓉死

洛陽稱傲吏

苦教河上領諸侯相公石渠甘對
賔客

圖書老關外楊公安穩不

遙和令狐相公座中聞思帝鄉有感

當初造曲者為誰說得思鄉戀闕時滄海西頭舊丞相
停杯處分不須吹

酬令狐相公見寄

羣玉山頭住四年每聞笙鶴看諸仙何時得把浮邱袂
白日將昇第九天

途次大梁雪中奉天平令狐相公書問兼示新
什因思曩歲從此拜辭形於短篇以申仰謝

遠守宦情薄故人書信來共會花下別今獨雪中迴紙
尾得新什眉頭還覓開此時同雁鷺池上一徘徊

劉外集三

令狐相公自天平移鎮太原以詩申賀相公昔為并州

北都留守將天兵出入香街宿禁局鼙鼓夜聞驚朔雁
旌旗曉動拂參星孔璋舊徵家家有叔度新歌處處聽
夷落遙知真漢相爭來屈膝看儀形

重酬前寄

邊烽寂寂盡收兵宮樹倉倉靜掩扇戎羯歸心如內地
天狼無角比凡星新成麗句開緘後便入清歌滿座聽
吳苑晉祠遙望處可憐南北太相形

酬令狐相公秋懷見寄

寂寞蟬聲靜差池燕羽迴秋憐多越絕朔氣想臺駘相

結廬宋氏贖餘叢書

去數千里無因同一杯殷勤望飛雁新自塞垣來

酬令狐相公六言見寄

已嗟離別太遠更被光陰苦催吳苑燕辭人去汾川雁
帶書來愁吟月落猶望憶夢天明未迴今日便令歌者
唱兄詩送一杯

令狐相公自太原累示新詩因以酬寄

飛蓬捲盡塞雲寒戰馬閒嘶漢地寬萬里胡天無警急
一籠烽火報平安燈前妓樂留賓宴雪後山河出獵看
珍重新詩遠相寄風情不似舊登壇

酬太原令狐相公見寄

書信來天外瓊瑤滿匣中衣冠南渡遠旌節北門雄鶴

劉外集三

喚華亭月馬嘶榆塞風山川幾千里唯唯有兩心同

酬令狐相公歲暮遠懷見寄

別侶孤鶴怨冲天威鳳歸容光一以閒夢想是耶非芳
訊還珍重知音老更稀不如湖上雁北向整毛衣

酬令狐相公親仁郭家花下即事見寄

荀令園林好山公遊賞頻豈無花下侶遠望眼中人斜
日漸移影落英紛委塵一吟相思曲惆悵江南春

酬令狐相公首夏閒居書懷見寄

蕙草芳未歇綠槐陰已成金罍唯獨酌瑤瑟有離聲翔
詠各殊勢篇章空寄情應憐三十載未變使君名貞元中自

郎官出守至
今二十一年

結廬宋氏贖餘叢書

酬令狐相公庭中白菊花謝偶書所懷見寄

數叢如雪色一旦冒霜開寒蕊差池落清音斷續來思
深含別怨芳謝惜年催千里難同賞看看又早梅

酬令狐相公季冬南郊宿齋見寄

壇下雪初霽城南東欲生齋心祠上帝高步領名卿沐
浴含芳澤周旋聽佩聲猶憐廣平宅寂寞竟何成

貞元中侍郎舅氏牧華州時子再忝科第前後

由華覲謁陪登伏毒寺屢焉亦曾賦詩題於梁

棟今典馮翊暇日登樓南望三峰浩然生思追

想昔年之事因成篇題舊寺

曾作關中客頻經伏毒巖晴煙沙苑樹晚日渭川帆昔

劉外集三

七

是青春貌今悲白雪髯郡樓空一望含意捲高簾

酬令狐相公杏園下飲有懷見寄

年年杏園望花發即經過未飲心先醉臨風思倍多三
春看又盡兩地欲如何日望長安道空成勞者歌

和令狐相公春早朝迴鹽鐵使院中作

柳動御溝清威遲隄上行城隅日未過山色雨初晴鶯
避傳呼起花臨府署明簿書盈几案要自有高情

令狐相公見示題洋州崔侍郎宅雙木瓜花頃

接侍郎同舍陪宴樹下吟翫來什輒成和章

金牛蜀路遠玉樹帝城春榮耀生華館逢迎欠主人簾

前疑小雪牆外麗行塵來去皆迴首情深是德鄰

和令狐僕射相公題龍迴寺

茲地迴鑾日皇家禪聖時路無胡馬跡人識漢官儀天
子旌旗度法王龍象隨知懷去嗟歎經此益遲遲相公本

咸陽有喬木之思

和令狐相公晚泛漢江書懷寄洋州崔侍郎闈

州高舍人二曹長

雨過遠山出江澄暮霞生因浮濟川舟遂作適野行郊
樹映緹騎水禽避紅旌田夫捐畚鍤織婦窺柴荆古岸

夏花發遙林晚蟬清沿洄方翫境鼓角已登城部內有

良牧望中寄深情臨觴念佳期泛瑟動離聲寂寞一病

口夙昔接羣英多謝謫仙侶幾時還玉京

劉外集三

八

酬令狐相公使宅別齋初栽桂樹見懷之作

清淮南岸家山樹黑水東邊第一栽影近畫梁迎曉日
香隨綠酒入金杯根留本土依江潤葉起寒枝映月開

早晚陰成比梧竹九霄還放綵鵬來

令狐相公頻示新什早春南望遐想漢中因抒

短章以寄情愫

軍城臨漢水旌旆起春風遠思見江草歸心看塞鴻野
花沿古道新葉映行宮唯有詩兼酒朝朝雨不同

酬令狐相公見寄

才兼文武播雄名遺愛芳塵滿洛城身行行臺為僕射
書來由里訪先生閒遊占得嵩山色醉臥高聽洛水聲

結廬朱氏廢餘叢書

千里相思難命駕七言詩裏寄深情

令狐相公春思見寄

一紙書封四句詩芳晨對酒遠相思長吟盡日西南望
猶及殘春花落時

令狐相公見示新栽蕙蘭二草之什兼命同作

上國庭前草移來漢水潯朱門雖易地玉樹有餘陰
彩疑還泛清香絕復尋光華童子佩柔輒美人心惜晚
含遠思賞幽空獨吟寄言知音者一奏風中琴

和令狐相公南齋小宴聽阮咸

陋巷久蕪沈四絃有遺音雅聲發蘭室遠思含竹林
座絕眾賓語庭移芳樹陰飛鷗助眞氣寂聽無流心影似

劉外集三

白團扇調諧朱絃琴一毫不平意幽怨古猶今

和令狐相公詠梔子花

蜀國花已盡越桃今正開色疑瓊樹倚香似玉京來
且賞同心處那憂別葉催佳人如擬詠何必待寒梅

酬令狐相公新蟬見寄

相去三千里聞蟬同此時清吟曉露葉愁噪夕陽枝
忽爾絃斷絕俄聞管參差洛橋碧雲晚西望佳人期

和令狐相公九日對黃白二菊花見懷

素萼迎寒秀金英帶露香繁華照旄鉞榮盛對銀黃
琮璧交輝映衣裳雜綵章晴雲遙蓋覆秋蝶近悠揚
空想逢九日何由陪一觴滿叢佳色在未肯委嚴霜

結廬朱氏廢餘叢書

城內花園頗曾遊翫令公居守亦有素期適春
霜一夕委謝書實以答令狐相公見譔

樓下芳園最占春年年結侶採花頻繁霜一夜相
撩冶不似佳人似老人

令狐僕射與予投分素深縱山川阻峭然音問
相繼今年十一月僕射疾不起聞予已承訃書

寢門長慟後日有使者兩輩持書并詩計其日
時已是臥疾手筆盈幅翰墨尙新新詞一篇音

韻彌切收淚握管以成報章雖廣陵之絃於今
絕矣而蓋泉之感猶庶聞焉焚之總帳之前附

於舊編之末

劉外集三

前日寢門慟至今悲有餘已嗟萬化盡方見八行書滿
紙傳相憶裁詩怨索居危絃音有絕哀玉韻猶虛忽歎
幽明異俄驚歲月除文章雖不朽精魄竟焉如零淚沾
青簡傷心見素車淒涼從此後無復望雙魚

劉賓客外集卷第三

劉賓客外集卷第四

詩

郡內書懷獻裴侍中留守

功成頻獻乞身章
擺落襄陽鎮洛陽
萬乘旌旗分一半
八方風雨會中央
兵符今奉黃公略
書殿曾隨翠鳳翔
心寄華亭一雙鶴
日隨高步繞池塘

酬樂天閒臥見寄

散誕向陽眠
將閒敵地仙
詩情茶助爽
藥力酒能宣
風碎竹閒日
露明池底天
同年未同隱
緣欠買山錢

酬樂天小亭寒夜有懷

寒夜陰雲起
疏林宿鳥驚
斜風閃燈影
近雪打窗聲
竟

劉外集四

夕不能寐
同年知此情
漢皇無奈老
何況本書生

奉和裴晉公涼風亭睡覺

驪龍睡後珠原在
仙鶴行時步又輕
方寸瑩然無一事
水聲來似玉琴聲

和樂天閒園獨賞八韻前以蜂鶴拙句寄呈今

辱蝸蟻妍詞見答因成小巧以取大哈

永日無人事
芳園任興行
陶廬樹可愛
潘宅雨新晴
傳粉瓊玕節
熏香菡萏榴
花裙色好
桐子藥丸成
柳蠹枝偏亞
桑閒葉再生
睚盱欲鬪雀
索漠不言鶯
動植隨四氣
飛沈舍五情
槍榆與水擊
小大強為名

酬樂天衫酒見寄

酒法眾傳吳米好
舞衣偏向越羅輕
動搖浮蟻香濃甚
裝束輕鴻意態生
閱曲定知能自適
舉杯應歎不同傾
終朝相憶終年別
對景臨風無限情

兩何如詩謝裴令公贈別二首

一言一顧重
何如今日陪
遊清洛苑
昔年別入承明

一東一西別
別何如終期大冶
再鎔鍊願託扶搖翔碧

虛

將之官畱辭裴令公畱守

祖帳臨伊水
前旌指渭河
風煙星數少
雲雨別情多
重疊受恩久
遄迴如命何
東山與東閣
終冀再經過

劉外集四

酬喜相遇同州與樂天替代

舊託松心契
新交竹使符
行年同甲子
筋力羨丁夫
別後詩成帙
攜來酒滿壺
今朝停五馬
不獨為羅敷

前章
此言
春草白君之舞
披也故有此答

奉和裴令公新成綠野堂卽事

藹藹鼎門外
澄澄洛水灣
堂皇臨綠野
坐臥看青山
位極卻忘貴
功成欲愛閒
官名司管籥
心術去機關
禁苑凌晨出
園花及露攀
池塘魚撥刺
竹徑鳥絲蠻
志在安瀾灑
嘗經歷險艱
高情方造適
眾意望微還
好客交珠履
華筵舞玉顏
無因隨賀燕
翔集畫梁閒

自左馮歸洛下酬樂天兼呈裴相公

新恩通籍在龍樓分務神都近舊邱自有園公紫芝侶
時賓行四人仍追少傅赤松遊華林霜葉紅霞晚伊水
盡在洛中晴光碧玉秋更接東山文酒會始知江左未風流
王儉云江左風流宰相

秋齋獨坐寄樂天兼呈吳方之大夫

空齋寂寂不生塵藥物方書繞病身纖草數莖勝靜地
幽禽忽至似佳賓世閒憂喜雖無定釋氏銷磨盡有因
同向洛陽閒度日莫教風景屬他人

和樂天齋戒月滿夜對道場偶詠懷

常修清淨去繁華人識王城長者家案上香煙鋪貝葉
佛前燈燄透蓮花持齋已滿招閒客理曲先聞命小娃

劉外集四

明日若過方丈室還應問爲法來耶

吳方之見示獨酌小醉首篇樂天續有酬答皆
含戲謔極至風流兩篇之中並蒙見屬輒呈濫
吹益弄來章

闔門共寂任張羅靜室同虛養太和塵世歡虞關意少
醉鄉風景獨遊多散金疏傳尋常樂枕麴劉生取次歌
計會雪中爭挈榼鹿裘鶴氅遞相過

酬樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多狂態
事佛無妨有佞名酒力半酣愁已散文鋒未鈍老猶爭
平陽不獨容賓醉聽取喧呼吏舍聲

酬樂天偶題酒囊見寄

從君勇斷拋名後世路榮枯見幾回門外紅塵人自走
囊頭清酒我初開三冬學任胸中有萬戶侯須骨上來
何幸相招同醉處洛陽城裏好池臺

答裴令公雪中訝白二十二與諸公不相訪之

什

玉樹瓊樓滿眼新的知開閣待諸賓遲遲未去非無意
擬作梁園座右人

酬樂天請裴令公開春嘉宴

高名大位能兼有恣意遨遊是特恩二室煙霞成步障
三州風物是家園晨窺苑樹韶光動晚渡河橋春思繁

劉外集四

絃管常調客常滿但逢花處即開樽

樂天示過敦詩舊宅有感一篇吟之泫然追想
昔事因成繼和以寄苦懷

淒涼同到故人居門枕寒流古木疏向秀心中嗟棟宇
蕭何身後散圖書本營歸計非無意唯算生涯尚有餘
忽憶前因更惆悵丁甫相約速懸車敦詩與子友樂天
三人同甲子平生
相約同
休洛中

吳方之見示聽江西故吏朱幼恭歌三篇頗有

懷故林之思吟諷不足因而和之

侯門故吏歌聲發逸處能高怨處低今歲洛中無雨雪
眼前風景是江西

閒坐憶樂天以詩問酒熟未

案頭開縹帙肘後檢青囊唯有達生理應無治老方減
書存眼力省事養心王君酒何時熟相攜入醉鄉

和樂天洛城春齊梁體八韻

帝城宜春入遊人喜意長草生季倫谷花出莫愁坊斷
雲發山色輕風漾水光樓前戲馬地樹下鬪雞場白頭
自為侶綠酒亦滿觴潘園觀種植謝墅閱池塘至閭似
隱逸過老不悲傷相問焉功德銀黃遊故鄉

三月三日與樂天及河南季尹奉陪裴令公泛

洛禊飲各賦十二韻

洛下今修禊羣賢勝會稽盛筵陪玉鉉通籍盡金閨波

劉外集四

五

上神仙妓岸傍桃李蹊水嬉如鷺振歌響雜鶯啼歷覽
風光好沿洄意思迷棹歌能儷曲墨客競分題翠幄連
雲起香車向道齊人誇綾步障馬惜錦障泥塵暗宮牆
外霞明苑樹西舟形隨鷓轉橋影與虹低川色晴猶遠
烏聲暮欲棲唯餘蹋青伴待月魏王隄

寄和東川楊尚書

巢兼寄西川繼之二公近

從弟兄情分偏睦早忝遊舊因成是詩
太華蓮峰降嶽靈兩川棠樹接郊坰政同兄弟人人曲
樂奏塤篪處處聽楊葉百穿榮會府芝泥五色耀天庭
各拋筆硯誇旄鉞莫遣文星讓將星
秋中暑退贈樂天

暑服宜秋著清琴入夜彈人情皆向菊風意欲摧蘭歲

稔貧心泰天涼病體安相逢取次第卻甚少年歡
和樂天洛下雪中宴集寄汴州李尚書

洛城無事足杯盤風雪相和歲欲闌樹上因依見寒鳥
座中收拾盡閒官笙歌要請頻何爽笑語忘機拙更歡
遙想兔園今日會瓊林滿眼映旂竿

喜遇劉二十八偶書兩韻聯句

病來佳興少老去舊遊稀笑語縱橫作杯觴絡繹飛
清談如水玉逸韻貫珠幾高位當金鉉虛懷似布衣
已容狂取樂仍任醉忘機捨眷將何適畱歡便是歸
鳳儀常欲附蚊力自知微願假樽罍未膺門自此依

劉外集四

六

劉二十八自汝赴左馮途經洛中相見聯句

不歸丹掖去銅竹漫云云唯喜因過我須知未賀君
詩聞安石詠香見令公熏欲首函關路來披緱嶺雲
貂蟬公獨步鴛鴦我同羣插羽先飛酒交鋒便戰文
鎮嵩知表德定鼎為銘勳顧鄙容商洛徵歡候汝墳
頻年多謔浪此夕任喧紛故態猶應在行期永要聞
遊潘榮已久捧袂惜將分詎厭杯行疾唯愁日向曛
窮陰初莽蒼離思漸氤氳殘雪午橋岸斜陽伊水濱
上謨尊右掖全略靜東軍萬頃徒稱量滄溟詎有垠
予自到洛中與樂天為文酒之會時時構詠樂
不可支則慨然共憶夢得而夢得亦分司至止

歡愜可知因為聯句

成周文酒會吾友勝鄒枚唯憶劉夫子而今又到來
 欲迎先倒屣入座便傾杯飲許伯倫右詩推公幹才
 本事 居易久曾聆郢唱重喜上燕臺畫話牆陰轉宵歡斗
 柄迴錫新聲還共聽故態復相哈遇物皆先賞從花半
 未開 起時烏帽側散處玉山頽墨客喧東閣文星犯
 上台 詠吟君稱首疏放我為魁憶戴何勞訪 指夢得
 來 畱髮不用猜 宴席上老夫蹙起樂 奉觴承麴藥落
 筆捧瓊瑰醉弁無妨側詞鋒不可摧 此兩韻美命 居易水軒
 看翫翠石徑踐莓苔童子能騎竹佳人解詠梅 陪遊南
 錫 洛中三可矣鄴下七悠哉自向風光急不須絃管

劉外集四

七

催 樂觀魚踴躍閒愛鶴徘徊煙柳青疑黛波萍綠撥
 醉 春榆初改火律管又飛灰紅藥多遲發碧松宜亂
 栽 馬嘶馳陌上鷓泛鳳城隈色色時堪惜些些病莫
 推 涸流尋軋軋餘刃轉恢恢從此知心伏無因敢自
 媒 室隨親客入席許舊寮陪逸興嵇將阮交情陳與
 雷 此二句屬夢 洪鑪思哲匠大廈要羣材他日登龍路
 應 知免曝頭 錫

洛中早春贈樂天

漠漠復靄靄半晴將半陰春來自何處無迹日以深韶
 嫩冰後水輕盈煙際林藤生欲有託柳弱不自任花意
 已含蓄鳥言尚沈吟期君當此時與我恣追尋翻愁爛

慢後春暮卻傷心

和樂天宴李周美中丞宅池上賞櫻桃花

櫻桃千萬枝照耀如雪天王孫宴其下隔水疑神仙宿
 露發清香初陽動暄妍妖姬滿髻插酒客折枝傳同此
 賞芳月幾人有華筵杯行勿遽辭好醉過三年

和牛相公遊南莊醉後寓言戲贈樂天兼見示

城外園林初夏天就中野趣在西偏薔薇亂發多臨水
 鷓鴣雙遊不避船水底遠山雲似雪橋邊平岸草如煙
 白家唯有杯觴與欲把頭盤打少年

思黯南墅賞牡丹花

偶然相遇人間世合在增城阿姥家有此傾城好顏色

劉外集四

八

天教晚發賽諸花

樂天少傅五月長齋廣延緇徒謝絕文友坐成

睽聞因以戲之

五月長齋戒深居絕送迎不離通德里便是法王城舉
 目皆僧事全家少俗情精修無上道結念未來生賓閣
 緇衣占書堂信鼓鳴戲童為塔象啼鳥學經聲黍用青
 菰角葵承玉露烹馬家供蕙苾劉氏餉蕪菁暗網籠歌
 扇流塵晦酒鑑不知何次道作佛幾時成

樂天池館夏景方妍白蓮初開綵舟空泊唯邀

緇侶因以戲之

池館今正好主人何寂然白蓮方出水碧樹未鳴蟬靜

室宵聞磬齋廚晚絕煙番僧如其載應不是神仙

酬樂天晚夏閒居欲相訪先以詩見貽

池榭堪臨泛翛然散鬱陶步因驅鶴緩吟為聽蟬高林
密添新竹枝低繼晚桃酒醅晴易熟藥圃夏頻蒔老是
班行舊閒為鄉里豪經過更何處風景屬吾曹

酬樂天感秋涼見寄

庭晚初辨色林秋微有聲槿衰猶強笑蓮迴卻多情簷
燕歸心動講鷹俊氣生閒人占閒景酒熟且同傾

樂天以愚相訪沽酒致歡因成七言聊以奉答

少年會醉酒旗下同輩黃衣領亦黃蹴蹋青雲尋入仕
蕭條白髮且飛腸今徵古事歡生雅客喚閒人興任狂

劉外集四

九

猶勝獨居荒草院蟬聲聽盡到寒蟬

秋晚新晴夜月如練有懷樂天

雨歇晚霞明風調夜景清月高微暈散雲薄細鱗生露
草百蟲思秋林千葉聲相望一步地脈脈萬重情

和思黯南莊見示

丞相新家伊水頭智囊心匠日增修化成池沼無痕迹
奔走清波不自由臺上看山徐舉酒潭中見月漫迴舟
從來天下推尤物合屬人間第一流

同留守王僕射各賦春中一物從一韻至七

鶯能語多情春將半天欲明始逢南陌復集東城林疏
時見影花密但聞聲營中綠催短笛樓上來定哀箏千

門萬戶垂楊裏百轉如黃煙景晴

和樂天春詞依憶江南曲拍為句

春去也多謝洛城人弱柳從風疑舉袂叢蘭裏露似雪
巾獨坐亦含頰

謝樂天聞新蟬見贈

碧樹有蟬後煙雲改容光瑟然引秋氣芳草日夜黃夾
道喧古槐臨池思垂楊離人下憶淚忠士激剛腸昔聞
阻山川今聽同匡牀人情便所遇音韻豈殊常因之比
笙竽送我遊醉鄉

新秋對月寄樂天

劉外集四

月露發光彩此時方見秋夜涼金氣應天靜火星流蛩
響偏依井螢飛直過樓相知盡白首清景復追遊

酬樂天小臺晚坐見憶

小臺堪遠望獨上清秋時有酒無人歡看山祇自知幽
禽轉新竹孤蓮落靜池高門勿遽掩好客無前期

早秋雨後寄樂天

夜雲起河漢朝雨灑高林梧葉先風落草蟲迎溼吟簟
涼府恩薄室靜琴思深且喜炎前別安能懷月陰

和樂天秋涼閒臥

暑退人體輕雨餘天色改荷珠貫索斷竹粉殘妝在高
僧掃室請逸客登樓待槐柳漸蕭疏開門少光彩
秋晚病中樂天以詩見問力疾奉酬

結廬宋氏廣餘書

耳虛多聽遠展轉晨雞鳴一室背燈臥中夜拂葉聲
芳經雨散鶴病得秋輕音躡衡門草唯應是友生

和樂天燒藥不成命酒獨醉

九轉欲成就百神應主持嬰啼鼎上去老貌鏡前悲
願空丹竈迴心向酒卮醺然耳熱後髮似少年時

酬樂天詠老見示

人誰不願老老去有誰憐身瘦帶頻減髮稀帽自偏
書緣惜眼多灸為隨年經事還諳事閱人如閱川細思
皆幸矣下此便翛然莫道桑榆晚為霞尚滿天

歲夜詠懷

彌年不得意新歲又如何念昔同遊者而今有幾多以

劉外集四

閒為自在將壽補蹉跎春色無情故幽居亦見過

元日樂天見過因舉酒為賀

漸入有年數喜逢新歲來震方天賴動寅位帝車迴門
巷埽殘雪林園驚早梅與君同甲子壽酒讓先杯

裴令公見示酬樂天寄奴買馬絕句斐然仰和

且戲樂天

常奴安得似方回爭望追風絕足來若把翠娥酬綠耳
始知天下有奇才

酬思黯代書見戲

官冷如漿病滿身凌寒不易過天津少年畱守多情興
請待花時作主人

酬思黯見示小飲四韻

拋卻人間第一官俗情驚怪我方安兵符相印無心戀
洛水嵩雲恣意看三足鼎中知味久百尋竿上擲身難
追呼故舊連宵飲直到天明興未闌

酬樂天醉後狂吟十韻

來章自移家
住醉鄉之句

散誕人間樂逍遙地上仙詩家登逸品釋氏悟真詮
詰留臺閣歌詞入管絃處身於木雁任世變桑田吏隱
情兼遂儒元道兩全八關齋適罷三雅興尤偏文墨中
年舊松筠晚歲堅魚書曾替代香火有因緣
陸法和云
與梁元帝
於空王寺佛前
訂香火因緣欲向醉鄉去猶為色界牽好吹楊柳曲
為我舞金鈿

劉外集四

酬牛相公獨飲偶醉寓言見示

宮漏夜丁丁千門閉霜月華堂列紅燭絲管靜中發歌
眉低有思舞體輕無骨主人啟醜顏酣暢泱肌髮猶思
城外客阡陌不可越春意日夕深此歡無斷絕

和僕射牛相公春日閒坐見懷

官曹崇重難頻入第宅清閒且獨行陪議相逢如偶語
圓峰速去恐違程人於紅藥唯看色鶯到垂楊不惜聲
東洛池臺怨拋擲移文非久會應成

牛相公見示新什謹依本韻次用以抒下情

劇韻新篇至因難始有能雨天龍變化晴日鳳鸞騰遊
海驚何極聞韶素不曾愜心時拊髀擊節自麾肱符彩

結廬宋氏廣餘書

添偷墨波瀾起剡藤揀金光熠燿累壁勢層層珠媚多
 藏買花撩欲定僧封來真寶物寄與愧文朋已老無時
 疾時洛中時痛多傷少年長貧望歲登雀羅秋寂寂蟲翅曉
 贏驥方辭絆虛舟已絕綬榮華甘死別健羨亦生憎玉
 柱琤琮韻金觥電凸棱何時良宴會促膝對華燈

秋霖卽事聯句三十韻

蕭索窮秋月蒼茫苦雨天泄雲生棟上行潦入庭前居
 送射苔色侵三徑波聲想五絃井蛙爭入戶鵲耐亂歸
 泉起送上中高雷愁晨坐空階驚夜眠鶴鳴猶未已蟻
 穴亦頻遷禹錫送上散漫疏還密空濛斷又連竹霑青
 玉潤荷滴白珠圓居地溼灰蛾滅池添水馬磷有苗雷

對外集四

十三

簾柔無月弄游浚起籬菊潛開秀園蔬已罷鮮斷行隨
 雁翅孤嘯聳鳶肩禹錫橋柱黏黃菌牆衣點綠草荒行
 藥路沙淀釣魚船居長者車猶阻高人榻且懸此思劉君之來
 也金烏何日見玉爵幾時傳起近井桐先落當簷石欲
 穿趨風誠有戀披霧邈無緣禹錫以答廩米陳生醜庖
 薪溼起煙鳴雞潛報曉急景暗凋年居蓋灑高松上絲
 繁細柳邊拂叢時起蝶墜葉乍驚蟬起巾角皆爭墊裙
 裾別似滯人多蒙翠被馬盡著連乾禹錫好客無來者貧
 家但悄然寒泥印鶴跡漏壁絡蝸涎居蚊聚雷侵室鷗
 翻浪滿川上樓愁暮暮繞舍厭濺濺起律候今秋矣歡
 娛久曠焉但今高興在晴後奉周旋禹錫

喜晴聯句

苦雨晴何喜喜於未雨時氣收雲物變聲樂鳥烏知居
 送射蕙泛光風圍蘭開皎月池千峰分遠近九陌好追
 隨起送上白日開天路元陰卷地維餘清在林薄新照
 入連漪禹錫碧樹涼先落青蕪溼更滋曬毛經浴鶴曳尾
 出泥龜居舞去商羊速飛來野馬遲柱邊無潤礎臺上
 有遊絲起橋淨行塵息隄長禁柳垂宮城開睥睨觀闕
 麗采恩禹錫洛水澄清鏡嵩煙展翠帷梁成虹乍見市散
 蟻初移居藉草風猶暖攀條露已晞屋穿添碧瓦牆缺
 召金鉞起迎徹來雙目昏煩去四支霞文晚煥爛星影
 夕參差禹錫爽助門庭肅寒摧草木衰黃乾向陽菊紅洗

對外集四

十四

得霜梨居假蓋閒誰惜彈絃燥更悲散蹄良馬穩炙背
 野人宜起洞戶晨輝入空庭宿霧披推牀出書目傾筇
 上衣施禹錫道路行非阻軒車望可期無辭訪圭竇且願
 見瓊枝居山閣蓬萊客古以祕書儲宮羽翼師此言每
 憂陪麗句何暇覲英姿起以酬圭翫景方搔首懷人尙
 斂眉因吟仲文什高興盡於斯禹錫

會昌春連宴卽事

元年寒食日上巳暮春天雜黍三家會鶯花二節連居
 光風初淡蕩美景漸暄妍簪組蘭亭上車輿曲水邊禹錫
 松聲添奏樂草色助鋪筵雀舫宜閒泛螺杯任漫傳起
 園蔬香帶露池柳暗藏煙麗句輕珠玉清談勝管絃居

結廬宋氏廣餘叢書

結廬宋氏廣餘叢書

陌喧金距鬪樹動絲繩懸姹女妝梳豔遊童衣服鮮錫
圃香知種蕙池暖憶開蓮怪石雲疑觸天桃火欲然起

正歡唯恐散雖醉未思眠嘯傲人閒世追隨地上仙錫

燕來雙涎涎雁去累翩翩行樂真吾事尋芳獨我先錫

滯周慙太史太史公留滯周南今榮示慙古人矣入洛繼先賢此言劉白

陸爭昔恨多分手今歡認比肩起病猶陪宴飲老更奉

周旋望重青雲客情深白首年居偏嘗珍饌後許入畫

堂前舞袖翻紅炬歌鬢插寶蟬錫斷金多感激倚玉貴

遷延說史吞顏注論詩笑鄭箋起松筠寒不變膠漆冷

彌堅與伴王尋戴謂隨僕射過尚書也榮同隗在燕居擲盧誇

使氣刻燭闢成篇實藝皆三捷虛名愧六聯錫興闌猶

舉白話靜每思更說歸時好高亭月正圓起

僕射束示有三春向晚四者難并之說誠哉是

言輒引起題重為聯句疲兵再戰勅敵難降下

筆之時驟然自哂走呈僕射兼簡尚書

三春今向晚四者昔難并借問低眉坐何如攜手行居

舊遊多過隙新宴且尋盟鸚鵡杯須樂麒麟閣未成起

分陰當愛惜遲景好逢迎林野薰風起樓臺穀雨晴錫

牆低山半出池廣水初平橋轉長虹曲舟迴小鷁輕錫

殘花猶布繡密竹自聞笙欲過芳菲節難忘宴會情起

月輪行似箭時物勢如傾見雁隨兄去聽鶯求友聲錫

蕙長書帶展菰嫩翦刀生座密衣裳暖堂虛絲管清錫

峰巒侵碧落草木近朱明與點非沂水陪膺是洛城白

為三川守撥醅爭綠醕臥酪待朱櫻幾處能留客何人

喚解醒錫舊儀尊右揆新命寵春卿有喜鵲頻語無機

鷗不驚錫青林思小隱白雪仰芳名訪舊殊千里登高

賴九城起鄭侯司管鑰疏傅傲簪纓綰綰會同掌煙霄

即上征錫冊庭嘗接武書殿忝連衡蘭室春彌馥松心

晚更貞錫琴招翠羽下鈞掣紫鱗呈只願迴烏景誰能

避兕觥起方知醉兀兀應勝走營營鳳閣鸞臺路從他

年少爭居樂天是月長齋鄙夫此時愁臥里閭非遠雲霧

難披因以寄懷遂為聯句所期解問焉敢驚禪

五月長齋月苦行心蘭蔥不入戶蒼荀自成林夢

護戒先辭酒嫌喧亦撒琴塵埃寶位靜香火道場深天

我靜馴狂象吾餘施眾禽定知於佛佞豈復向書淫夢

欄藥凋紅豔庭槐換綠陰風光徒滿目雲霧未披襟天

樹為清涼倚池因盥漱臨蘋芳遭燕拂蓮垢待蜂尋夢

舍下環流水窗中列遠岑苔斑錢剝落石怪玉嶽峯天

鵲頂迎秋禿鶯喉入夏瘡柳絲垂色綫棘刺露長鍼夢

散秩身猶幸趨朝力不任官將才共拱年與病交侵天

徇樂非時選忘機似陸沈鑿容稱四皓捫腹有三王夢

攜手慙連璧同心許斷金紫芝雖繼唱任賓客白雪少

知音天憶罷吳門守相逢楚水潯舟中頻曲宴夜後各

加斟得夢濁酒銷殘漏絃聲聞遠砧酩酊顏舞長袖密坐接
華簪樂天持論峰巒峻戰文矛戟森笑言誠莫逆造次必
相箴得夢往事應如昨餘歡迄至今迎君常倒屣訪我輒
攜衾樂天陰魄初離畢將有後雨陽光正在參五月待公休一
食縱飲共狂吟得夢

劉賓客外集卷第四

劉外集四

十七

劉賓客外集卷第五

雜詩

答張侍御賈喜再登科後自洛赴上都贈別

又被時人寫姓名春風引路入京城知君憶得前身事
分付鶯花與後生

和武中丞秋日寄懷簡諸寮故

退朝還公府騎吹息繁音吏散秋庭寂烏啼煙樹深威
生奉白簡道勝外華簪風物清遠目功名懷寸陰雲衢
念前侶彩翰寫冲襟涼菊照幽院敗荷攢碧潯感時江
海思報國松筠心空愧壽陵步芳塵何處尋

赴連州途經洛陽諸公置酒相送張員外賈以

劉外集五

詩見贈率爾酬之

謫在三湘最遠州邊鴻不到水南流如今慙寄樽前笑
明日辭君步步愁

贈元九侍御文石枕以詩獎之

文章似錦氣如虹宜薦華簪綠殿中縱使眞臙生旦夕
猶堪拂拭愈頭風

酬元九侍御贈壁州鞭長句

碧玉孤根生在林美人相贈比雙金初開郢客緘封後
想見巴山冰雪深多節本懷端直性露青猶有歲寒心
何時策馬同歸去關樹扶疏敲鐙吟

和李六侍御文宣王廟釋奠作

歎息魯先師生逢周室卑有心律天道無位救陵夷歷
聘不能用領徒空爾為儒風正禮樂旅象入蒼龜西狩
非其應中都安足施世衰由我賤泣下為人悲遺教光
文德與王叶夢期土田封後脩冕服飾虛儀鐘鼓膠庠
薦牲牢郡邑祠聞君喟然歎偏在上丁時

敬酬徹公見寄二首

淒涼沃州僧樵悴柴桑幸別來二十年唯餘兩心在
越江千里鏡越嶺四時雪中有逍遙人夜深觀水月

酬元九院長自江陵見寄

無事尋花至仙境等閒栽樹比封君金門通籍真多士
黃紙除書每日聞

劉外集五

韓十八侍御見示岳陽樓別竇司直詩因令屬

和重以自述故足成六十二韻

楚江何蒼然會瀾七百里孤城寄遠目一寫無窮已蕩
漾浮天蓋迴環宣地理積漲在三秋混成非一水冬遊
見清淺春望多洲沚雲錦遠沙明風煙青草靡火星忽
南見月魄方東迤雪波西山來隱若長城起獨專朝宗
路駛悍不可止支川讓其威蓄縮至南委熊武走蠻落
熊武二瀟湘來奧鄙炎蒸動泉源積潦搜山趾歸往無
溪名且夕包含通遠邇行當白露時眇視秋光裏曙色未昭
晰露華遙斐壘活雨神骨清如觀混元始戕風忽震邊
驚浪迷津浹怒激鼓鏗句蹙成山歸晚鳴鴉疑變化罔

象何恢詭噓吸寫樓臺騰驤露鬚尾景移羣動息波靜
 繁音弭明月出中央青天絕纖滓素光淡無際綠靜平
 如砥空影度鵲鴻秋聲思蘆葦鮫人弄機杼貝闕駢紅
 紫珠蛤吐玲瓏文螭翔旖旎水鄉吳蜀限地勢東南庫
 翼軫粲垂精衡巫屹環峙名雄七澤藪國辨三苗氏唐
 羿斷脩蛇荆王瘞下逆青兕秦狩跡猶在虞巡路從此
 軒后奏宮商騷人詠蘭芷茅嶺潛相應橘洲旁可指郭
 璞驗幽經羅合著跡紀觀津戚里族按道侯家子聯袂
 登高樓臨軒笑相視假守亦高臥實時權墨曹正垂耳
 韓亦量移江陵法曹契闊話涼温壺觴慰遷徙地偏
 法參軍或謂之墨曹 山水秀客重杯盤侈紅袖花欲然銀鐙晝相似與酣更

劉外集五

三

抵掌樂極同啟齒筆鋒不能休藻思一何綺伊子負微
 尚夙昔慙知已出入金馬門交結青雲士襲芳踐蘭室
 學古遊槐市策慕宋前軍文師漢中壘陋容味俯仰孤
 志無依倚衛足不如葵漏川空歎蟻幸逢萬物泰獨處
 窮途否鍛翻重疊傷兢魂再三褫蘧瑗亦屢化左邱猶
 有恥桃源訪仙官薛服祠山鬼故人南臺舊公為御史
 官一別如弦駛今朝會荆蠻時再錫出為連州途至荆
 斗酒相燕喜為予出新什笑拈隨伸紙匪若觀五色歡
 然臻四美委曲風濤事分明窮達旨洪韻發華鍾淒音
 激清徵羊璿要平聲共和江淹多雜擬徒欲仰高山焉能
 追逸軌湘洲路四達巴陵城百雉何必顏光祿留詩張

丙史

酬寶員外使君寒食日途次松滋渡先寄示四
 韻

楚鄉寒食橘花時野渡臨風駐綵旗草色連雲人去住
 水紋如縠燕差池朱輪尚憶羣飛雉青綬初懸左顧龜
 非是湓城魚司馬水曹何事與新詩

和寶中丞晚入容江作

漢郡三十六鬱林東南遙人倫選清臣天外頒詔條桂
 水步秋浪火山凌霧朝分圻辨風物入境聞謳謠莎岸
 見長亭煙林隔麗譙日落舟益駛川平旗自飄珠浦遠
 明滅金沙晴動搖一吟道中作離思懸層霄

劉外集五

四

呂八見寄郡內書懷因戲而和

文苑振金聲循良冠百城不知今史氏何處列君名
 寄揚八拾遺時出為國子主簿分司東都王十
 聞君前日獨庭爭漢帝偏知白馬生忽領簿書遊太學
 勞侍從厭承明洛陽本自宜才子海內而今有直聲
 為謝同寮老博士范雲來歲即公卿

酬寶員外郡齋宴客偶命柘枝因見寄兼呈張

士院長元九侍郎員外郎兼節度判官佐平蠻
 分憂餘刃又從公白羽胡牀嘯詠中彩筆論戎矜倚馬
 華堂留客看驚鴻渚宮油幕方高步灃浦甘棠有幾叢
 若問騷人何處酌門臨寒水落江楓

酬寶員外旬休早涼見示

奉書報言
明朝有宴

新秋十日澣朱衣鈴閣無聲公吏歸風韻漸高梧葉動
露光初重槿花稀四時苒苒催容鬢三爵油油忘是非
更報明朝池上酌人知太守字玄暉

和楊侍郎憑見寄二首

翔鸞闕底謝皇恩纓上滄浪舊水痕疏傳揮金忽相憶
遠擊長句與招魂

十年毛羽摧頽一旦天書召迴看看花時欲到故侯也
好歸來

南海馬大夫見惠著述三通勒成四帙上自邃

古達於國朝采其菁華至簡如富欽受嘉貺詩

劉外集五

五

以謝之

紅旗閱五兵絳帳領諸生味道輕鼎食退公猶筆耕青
箱傳學遠金匱納書成一瞬見前事九流當抗行編蒲
曾苦思垂竹愧無名今日承訪訊誰言贈袞榮

南海馬大夫遠示著述兼酬拙詩輒著微誠再

有長句時蔡戎未弭故見於篇末

漢家旌旆付雄才百越南溟統外臺身在絳紗傳六藝
腰懸青綬亞三台連天浪靜長鯨息映日帆多寶舶來
聞道楚氛猶未滅終須旌旆掃雲雷

和楊侍郎初至郴州紀事書情題郡齋八韻

旌節下朝臺分圭從北迴城頭鶴立處驛樹鳳棲來

傳云後化為仙鶴止城東北隅樓上又州舊路芳塵在
北樓鳳驛圖經云常有威鳳降於寒梧也
新恩驛騎催里閭風偃草鼓舞并成雷吏散山禽轉庭
香夏蕊開郡齋堪四望壁記有三台人訝徵黃晚文非
弔屈哀一吟梁甫曲知是臥龍才

和郴州楊侍郎翫郡齋紫薇花十四韻

幾年丹霄上出入金華省翹別萬年枝看花桂陽嶺南
方足奇樹公府成佳境綠陰交廣除明豔透蕭屏雨餘
人吏散燕語簾櫳靜懿此合曉芳恹然忘簿領紫茸垂
組綬金縷鑽鋒穎露溥暗傳香風輕徐就影苒弱多意
思從容占光景得地在侯家移根近仙井開樽好疑睇
倚瑟仍迴頸遊蜂駐綵冠舞鶴迷煙頂與生紅藥後愛

劉外集五

六

與甘棠並不學天桃姿浮榮有俄頃

和南海馬大夫聞楊侍郎出守郴州因有寄上

之作

忽驚金印駕朱轡遂別鳴珂聽曉猿碧落仙來雖暫謫
赤泉侯在是深恩玉環慶遠瞻台座銅柱勳高壓海門
一詠瓊瑤百憂散何勞更樹北堂萱

奉和鄭相公以考功十弟山薑花俯賜篇詠

採擷黃薑蕊封題青瑣闈共聞調膳日正是退朝歸香
為綺筵發情隨綠翰飛故將天下寶萬里共光輝

馬大夫見示浙西王侍御贈答詩因命同作

樂陵舊府又歷交趾桂枝南人歌之列在風
什王侍御公易一別歲餘寄末篇以代札

憶逐羊車凡幾時今來舊府統成師象筵照室會詞客
銅鼓臨軒舞海夷百越酋豪稱故吏十洲風景助新詩
秣陵從事何年別一見瓊章如素期

酬馬大夫登涇口成見寄

新辭金印拂朝纓臨水登山四體輕猶念天涯未歸客
瘴雲深處守孤城

酬馬大夫以愚獻通茂莫酒感通拔二字因而
寄別之作

泥沙難振拔誰復問窮通莫訝提壺贈家傳枕麴風成
謠獨酌後深意片言中不進終無已應須荀令公

答楊八敬之絕句

楊生時亦謫居

飽霜孤竹聲偏切帶火焦桐韻本悲今日知音一留聽
是君心手不平時

鄂渚留別李二十一表臣大夫

高檣起行色促柱動離聲欲問江深淺應如遠別情

答表臣贈別二首

昔為瑤池侶飛舞集蓬萊今作江漢別風雪一徘徊
嘶馬立未還行舟路將轉江頭暝色深揮袖依稀見

始發鄂渚寄表臣二首

祖帳管絃絕客帆淒風生迴車已不見猶聽馬嘶聲
曉發柳林成遙城聞五鼓憶與故人眠此時猶語語

出鄂州界懷表臣二首

離席一揮杯別愁今尚醉遲遲有情處卻恨江帆駛
夢覺疑連榻舟行忽千里不見黃鶴樓寒沙雪相似

重寄表臣二首

對酒臨流奈別何君今已醉我蹉跎分明記取星星鬢
他日相逢應更多

世間人事有何窮過後思量盡是空早晚同歸洛陽陌
卜鄰須近祝雞翁

寄唐州楊八歸厚

淮西古地雍州師畫角金饒旦夕吹淺草遙迎鸛鶴馬
春風亂颭辟邪旗謫仙年月今應滿鸛諫聲名眾所知
何況遷喬舊同伴一雙先入鳳凰池

時徐晦楊嗣復二人舍人與唐州俱同

年及

重寄絕句

淮西既是平安地鴉路今無羽檄飛聞道唐州最清靜
戰場耕盡野花稀

春日寄楊八唐州二首

淮西春草長淮水透池光燕入新村路人耕舊戰場可
隣行春守立馬看斜桑

漠漠淮上春秀苗生故壘梨花方城路荻笋蕭陂水高
齋有謫仙坐嘯清風起

寄朗州温石史曹長

題別瑤墀鴛鷺行綵旗雙引到沅湘城邊流水桃花過

簾外春風杜若香
史筆枉將書紙尾
朝纓不稱濯滄浪
雲臺功業家聲在
徵詔何時出建章

和東川王相公新漲驛池八韻

今日池塘上初移
造物權包藏成別島
沿濁致清漣變
化生言下蓬瀛落
眼前泛觴驚翠羽
開幕對紅蓮遠寫
風光入明含氣象
全渚煙籠驛樹波
日漾賓筵曲岸留
緹騎中流轉彩船
無因接元禮共載
比神仙

酬楊八副使將赴湖南途中見寄一絕

知逐征南冠楚材
遠勞書信到陽臺
明朝若止君山上
一道巴江自此來

酬楊司業巨源見寄

劉外集五

九

壁雍流水近靈臺
中有詩篇絕世才
渤海歸人將集去
梨園弟子請詞來
瓊枝未識魂空斷
寶匣初臨手自開
莫道專城管雲雨
其如心似不然灰

酬國子崔博士立之見寄

健筆高科早絕倫
後來無不揖芳塵
偏看今日乘軒客
多是昔年呈卷人
胄子執經瞻講座
郎官共食接華裯
煩君遠寄相思曲
慰問天南一逐臣

酬馮十七舍人宿衛贈別五韻

少年為別日隋宮
楊柳陰白首相逢處
巴江煙浪深使
星三蜀酒春雨霑
衣襟王程促速意
夜語殷勤心卻歸
天上去遺我雲閒音

劉賓客外集卷第五

劉外集五

十

劉賓客外集卷第六

結廬宋氏贈餘叢書

律詩

唐侍御寄遊道林嶽麓二寺詩并沈中丞姚員外所和見徵繼作

湘西古刹雙蹲蹲羣峰朝拱如駿奔青松步障深五里
龍宮黯黯神為闢高殿呀然壓蒼嶽俯瞰長江疑欲吞
橋州泛浮金實動水郭繚繞朱樓騫語餘百響入天籟
眾奇引步輕翻翻泉清石布博棊子蘿密烏韻如簧言
迴廊架險高且曲新徑穿林明復昏淺流忽濁山獸過
古木半空天火痕星使雙飛出禁垣元侯餞之遊石門
紫髯翼從紅袖舞竹風松雪香温磨遠持青瑣照巫峽

劉外集六

一戛驚斷三聲猿靈山會中身不預吟想峭絕愁精魂
恨無黃金千萬餅布地買取為邱園

遙和韓睦州元相公二君子

玉人紫綬相輝映卻要霜髯一兩莖其奈無成空老去
每臨明鏡若為情

張郎中籍遠寄長句開緘之日已及新秋因舉

目前仰酬高韻

南宮詞客寄新篇清似湘靈促柱絃京邑舊遊勞夢想
應陽秋色正澄鮮雲銜日腳成山雨風駕湖頭入渚田
對此獨吟還獨酌知音不見思蒼然

酬湖州崔郎中見寄

風箏吟秋空不肖指爪聲高人靈府間律呂伴咸英昔
年與兄遊文似馬長卿今來寄新詩乃類陶淵明磨礪
老益智吟詠閒彌精豈非山水鄉蕩漾神機清渚煙蕙
蘭動溪雨虹霓生憑君虛上舍待子乘興行

酬楊八庶子喜韓吳興與予同遷見贈依本韻

早遇聖明朝雁行登九霄吳興與予同遷見贈武仲酒逼

益寬饒捨矢同瞻鵠當筵共賽臬吳興與予同遷見贈珠磨三

益重唱和五音調臺柏煙常起池荷香暗飄吳興與予同遷見贈

門外有星文辭北極旗影度東遼吳興與予同遷見贈

范僕射昔范明直道由來黜浮名豈敢要三湘與百越

雨散又雲搖遠守慙侯籍徵還荷詔條悴容唯舌在別

劉外集六

恨幾魂銷滿眼悲陳事逢人少舊寮煙霞為老伴蒲柳
任先凋虎綬懸新印龍舸理去橈斷腸天北郡攜手洛
陽橋幢蓋今雖貴弓旌會見招其如草客空宇久寥

秋日書懷寄河南王尹

公府想無事西池秋水清去年為狎客永日奉高情況
有臺上月如閨雲外笙不知桑落酒今歲與誰傾

浙東元相公書歎梅雨鬱蒸之候因寄七言

稽山自與岐山別何事連年鶯鷺飛百辟商量舊相入
九天祇候遠臣歸平湖晚泛窺清鏡高閣晨開埽翠微
今日看書最惆悵為聞梅雨損朝衣

結廬宋氏贈餘叢書

酬嚴給事賀加五品兼簡同制水部李郎中
九天雨露傳青詔入舍郎官換綠衣初佩銀魚隨使入
宜乘白馬退朝歸雕盤賀喜開瑤席彩筆題詩出瑣闥
聞道水曹偏得意霞朝霧夕有光輝

裴相公大學士見示答張祕書謝馬詩并羣公
屬和因命追作

草門戶少塵埃丞相并州寄馬來初自塞垣銜苜蓿
忽行幽徑破莓苔尋花緩轡威遲去帶酒垂鞭躑躅迴
不與王侯與詞客知輕富貴重清才

奉和司空裴相公中書即事通簡舊寮之作

談笑在巖廊人人盡所長儀形見山立文字動星光日

劉外集六

運丹青筆時看赤白囊仁聞戎馬息入賀領駕行

微之鎮武昌中路見寄藍橋懷舊之作淒然繼

和兼寄安平

今日油幢引他年黃紙追同為三楚客獨有九霄期宿
草恨長在傷禽飛向遲武昌應已到新柳映紅旗

奉和裴侍中將赴漢南留別座上諸公

金貂曉出鳳池頭玉節前臨南雍州蹙蹙洪鑪觀劍戟
還將大筆注春秋管絃席上留高韻山水途中入勝遊
峴首風煙看未足便應重拜富人侯

和兵部鄭侍郎省中四松詩十韻

裁手

松楚中書相
公任侍郎日

右相歷中臺移松武庫栽紫茸抽組綬青實長玫瑰便
有干霄勢看成構厦材數分天柱半影逐日輪迴舊賞
台階去新知谷口來息陰常仰望翫境幾徘徊翠粒晴
懸露蒼鱗雨起苔疑音助瑤瑟飄蕊泛金疊月桂花搖
燭星榆半對開終須似雜樹榮茂近昭回

和蘇郎中尋豐安里舊居寄主客張郎中

漳濱臥起恣閒遊宣室徵還未白頭舊隱來尋通德里
新篇寫出畔牢愁池看科斗成文字鳥聽提壺憶獻酬
同學同年又同舍許君雲路並華朝

將赴蘇州途出洛陽留守李相公累申宴餞寵

行話舊形於篇章謹抒下情以申仰謝

劉外集六

歲杪風物動雪餘宮苑晴兔園賓客至金谷管絃聲洛
水故人別吳宮新燕迎越郎憂不淺懷袖有瓊英

吳興敬郎中見惠斑竹杖兼示一絕聊以謝之

一莖炯炯琅玕色數節重重玳瑁文拄到高山未登處
青雲路上願逢君

和浙西王尚書聞常州楊給事製新樓因寄之

作

文昌星象盡東來油幕朱門次第開且上新樓看風月
會乘雲雨一時迴

酬浙東李侍郎越州春晚即事長句

越中藹藹繁華地秦望峰前禹穴西湖草初生邊雁去

山花半謝杜鵑啼青油畫捲臨高閣紅旆晴翻繞古隄

明日漢庭徵舊德老人爭出若耶溪後漢劉寵為會稽太守及徵還山陰忽有五老叟自若耶山谷間出人齋百錢以送寵寵笑之答曰自明府下車民不見吏年老遇德聖明故自扶奉送寵為人選一大錢受之

酬淮南牛相公述舊見貽

少年曾忝漢庭臣晚歲空餘老病身初見相如成賦日尋為丞相埽門人追思往事咨嗟久喜奉清光笑語頻猶有登朝舊冠冕待公三日拂埃塵

酬鄭州權舍人見寄二十韻

朱戶凌晨啟碧梧含早涼人從桔槔至書到漆沮傍杼會因佳句情深取斷章愜心同笑語入耳勝筌篋憶昔

劉外集六

五

三條路居鄰數仞牆舍人舊宅光祿時忝東鄰學堂青玉案綵服紫

羅囊麟角看成就龍駒見抑揚毅中飛一箭雲際落雙

鶴舍人一舉登科又判入等第甸邑叨前列天臺愧後行鄙人為涓

宮為禮部郎中舍人方任考功員外鯉庭傳事業雞樹

逐翱翔書殿連鳴鶴神池接鳳凰追遊蒙尚齒惠好結

中腸鄙人在集賢與西掖接近日夕追遊微翮方擡舉危根易損傷一麾

憐棄置五字借恩光鄙人出牧姑蘇州舍人草制汝海崆峒秀溱流

芍藥芳風行能偃草境靜不爭桑鄙人轉臨汝州轉旆舍人牧蔡陽

趨關右頰條市渭陽病吟猶有思老醉已無狂塵滿鴻

溝道沙驚白狄鄉仁聞黃紙詔促召紫微郎

奉和裴令公夜宴

天下蒼生望不休東山雖有但時遊從來海上仙桃樹肯逐人間風露秋

洛濱病臥李侍郎見惠藥物謹以文星之句

隱几支頤對落暉故人書信到柴扉周南留滯商山老星象如今屬少微

酬留守牛相公宮樹早秋寓言見寄

曉月映宮樹秋光起天津涼風梢動葉宿路木生塵景氣尚芳麗曠望感心神揮毫成逸韻開閣遲來賓擺去將相印漸為逍遙身如招後房宴卻要白頭人

牛相公留守見示城外新墅有溪竹杖月親情

多往宿遊恨不得去因成四韻兼簡洛中親故

劉外集六

六

之什兼命同作

別墅洛城外月明村徑通光輝滿池上絲管發舟中隄

豔菊花露島涼松葉風高情限清禁寒漏滴深宮

和僕射牛相公追感韋裴六相登庸皆四十餘

未五十薨歿豈早榮早枯之義今年將六十猶

粗強健因親故勸酒率爾成篇并見寄之作

坐鎮清朝獨殷然閒徵故事數前賢用材同踐鈞衡地

稟氣終分大小年威鳳池思泛泳仙槎舊路望迴旋

猶憐綺季深山裏唯有松風與石田

和僕射牛相公以離闕庭七年班行親故亡歿

十無一人再覩龍顏喜慶雖極感歎風燭能不

愴然因成四韻并示集賢中書二相公所和

久辭龍闕擁紅旗喜見天顏拜亦墀三省英寮非舊侶
萬年芳樹長新枝交朋接武居仙院幕客追風入鳳池
雲母屏風即施設可憐榮耀冠當時

和僕射牛相公見示長句

靜得天和興自濃不緣宦達性靈慵大鵬六月有閒意
仙鶴千年無躁容流輩盡來多歎息官班高後少過從
唯應加築露臺上賸見終南雲外峰

和牛相公雨後寓懷見示

金火交爭正抑揚蕭蕭飛雨助清商曉看紈扇恩情薄
夜覺紗燈刻數長樹上早蟬纔發響庭中百草已無光

劉外集六

當年富貴亦惆悵何況悲翁髮似霜

牛相公林亭雨後偶成

飛雨過池閣浮光生草樹新竹開粉籬初蓮蕪香炷野
花無時節水鳥自來去若問知境人人間第一處

和牛相公題姑蘇所寄太湖石兼寄李蘇州

震澤生奇石沈潛得地靈初辭水府出猶帶龍宮腥登
自江湖國來榮卿相庭從風夏雲勢上漢古槎形拂拭
魚鱗見鏗鏘玉韻聆煙波含宿潤苔蘚助新青歛穴胡
雛貌纖鉞蟲篆銘孱顏傲林薄飛動向雷霆煩熱近還
散餘醒見便醒凡禽不敢息浮盞莫能停靜稱垂松蓋
鮮宜映鶴翎忘憂常目擊素尚與心冥眇小欺湘燕團

圓笑落星徒然想融結安可測年齡采取詢鄉耄搜求
按舊經垂鉤入空隙隔浪動晶熒有獲人爭賀歡謠眾
共聽一州驚閱寶千里遠揚舲覩物洛陽陌懷人吳御
亭寄言垂天翼早晚起滄溟

和陳許王尚書酬白少傅侍郎長句因通簡汝

洛舊遊之什

寥廓高翔不可追風雲失路蹇相隨方同洛下書生詠
又見軍前大將旗雪裏命賓開玉帳飲中請號駐金卮
竹林一自王戎去嵇阮雖貧興未衰

和僕射牛相公寓言二首

兩度竿頭立定滄迴眸舉袖拂青霞盡拋今日貴人樣

劉外集六

復振前朝名相家御史定來休直宿尚書依舊趁參衙

具瞻尊重誠無敵猶憶洛陽千樹花

心如止水鑿常明見盡人間萬物情鵬鶚騰空猶逞俊
驂騑齒足自無驚時來未覺權為崇貴了方知退是榮

只恐重重世緣在事須三度副蒼生

和牛相公南溪醉歌見寄

脫屣將相守沖謙唯於山水獨不廉枕伊背洛得勝地
鳴皋少室來軒簷相聲形面勢默指畫言下變化隨顧
瞻清池曲樹人所致野趣幽芳天與添有時轉入潭島
閒珍木如握藤為簾忽然便有江湖思沙磧平淺草纖
纖怪石鈞出太湖底珠樹移自天台尖崇蘭迎風綠泛

豔拆蓮含露紅襟檐廊架空遠岫入弱柳覆檻流波
霑渚蒲抽莢劍脊動岸荻迸笋錐頭鉅攜鴈命侶極永
日此會雖數心無厭人皆置莊身不到富貴難與逍遙
兼唯公出處得自在決就放曠辭炎炎座寶盡歡恣談
謔愧我掉頭還奮髯能令商於多病客亦覺自適非沈
潛

酬僕射牛相公晉國池上別後至甘棠館忽夢

同遊因成口號見寄

已嗟池上別魂驚忽報夢中攜手行此夜獨歸還乞夢
老人無睡到天明

裴侍郎大尹雪中遺酒一壺兼示喜眼疾平一

劉外集六

九

絕有閒行把酒之句斐然仰酬

捲盡輕雲月更明金篦不用且閒行若傾家釀招來客
何必池塘春草生

酬太原狄尚書見寄

家聲烜赫冠前賢時望穹崇鎮北邊身上官銜如座主
幕中談笑取同年幽并俠少趨鞭弭燕趙佳人奉管絃
仍把天兵書號筆遠題長句寄山川

酬宣州崔大夫見寄

白衣曾拜漢尚書今日恩光到敝廬再入龍樓稱綺季
應緣狗監說相如中郎南鎮權方重內史高齋興有餘
遙想敬亭春欲暮百花飛盡柳花初

酬皇甫十少尹暮秋久雨喜晴有懷見示

雨餘獨坐捲簾帷便得詩人喜霽詩搖落從來長年感
慘舒偏是病身知埽開雲霧呈光景流盡潢汙見路岐
何況菊香新酒熟神州司馬好狂時

劉賓客外集卷第六

劉外集六

十

劉賓客外集卷第七

律詩

和浙西李大夫霜夜對月聽小童吹觱篥歌依本韻

海門雙青暮煙歇萬頃金波湧明月侯家小兒能觱篥
對此清光天性發長江凝練樹無風澗慄一聲霄漢中
函胡畫角怨邊草蕭瑟清蟬吟野叢沖融頓挫心使指
雄吼如風轉如水思婦多情珠淚垂仙禽欲舞雙翅起
郡人寂聽衣滿霜江城月斜樓影長纔驚指下繁韻息
已見樹杪明星光謝公高齋吟激楚戀闕心同在羈旅
一奏荆人白雪歌如聞洛客扶風鳴吳門水驛接山陰

對外集七

文字殷勤寄意深欲識陽陶能絕處少年榮貴道傷心

浙西李大夫示述夢四十韻并浙東元相公酬

和斐然繼聲

位是才能取時因際會遭羽儀呈鸞鷲銚刀試豪曹洛
下推年少山東許地高門承金鉉鼎家有玉璫韜呂侯
海浪扶鵬翅天風引驥髦便知蓬閣悶不識魯衣褒興
發春塘草魂交益部刀形開猶抱膝燭盡遠揮毫昔仕
當初益逢時詠載囊懷鉛辨蟲蠹染素學鵝毛車騎方
休汝歸來欲效陶大夫罷太原南臺資謬內署選風
騷羽化如乘鯉樓居舊冠鼇美香焚淫麝名果賜乾苟
議放蠅棲筆邀歌蟻泛醪代言無所戲謝表自稱叨蘭

猷凝芳澤芝泥瑩玉膏對頻聲價出直久夢魂勞草詔
令歸馬批章答獻葵幽冀歸閭西戎乞盟事並具注前銀花懸院榜翠

羽映簾條諷諫欣然納奇觚率爾操禁中時謬謬天下
免切切左顧龜成印雙飛鵠織袍謝賓緣地密潔己是
心豪五日思歸沐三春羨眾邀茶鑪依綠笋某局就紅
桃溟海桑潛變陰陽炭暗熬仙成脫屣去臣戀捧弓號
建節辭烏柏宣風看鷺翻玉京口峻鐵甕郡城牢舊
潤州城如鐵甕事見歸浣南征記曲島花千樹官池水一篙鶯來和絲
管雁起拂麾旄宛轉傾羅扇迴旋墮玉搔罰籌長豎纛
觥盞樣如舸山是千重障江為四面濠臥龍曾得雨浙
孤鶴尚鳴皋西劍用雄開匣公二弓間蟄受破自謂鳳姿常

對外集七

在竹公鸚羽不離蒿自謂吳越分雙鎮東西接萬艘今朝

比潘陸江海更滔滔

和浙西李大夫晚下北固山喜松徑成陰悵然

懷古偶題臨江亭并浙東元相公所和依本韻

一辭溫室樹幾見武昌柳荀謝年何少韋平望已久種
松夾石道紆組臨沙阜目覽帝王州心存股肱守葉動
驚絲翰波澄見頰首晉宋齊梁都千山萬江口煙散隋
宮出濤來海門吼風俗泰伯餘衣冠永嘉後江長天作
限山固壤無朽自古稱佳麗非賢誰奄有八元邦族盛
萬石門風厚天柱揭東溟文星照北斗高亭一聘望舉
酒共為壽因賦詠懷詩遠寄同心友禁中晨夜直江左

東西偶筆手握兵符儒腰盤費綬頰條風有自立事言
無苟農野閒讓耕軍人不使酒用材當構厦知道雷窺
牖誰謂青雲高鵬飛終背負

和浙西李大夫伊川卜居

早入八元數嘗承三接恩飛鳴天上路鎮壓海西門清
望寰中許高情物外存時來誠不讓歸去每形言洛下
思招隱江干厭作藩按經脩道具依樣買山村馬葛堂
大夫時置宅命畫工圖其
狀戒所使曰依此樣求之開鑿隨人化幽陰為律暄遠
移難得樹立變舊荒園絕塞通潛徑平泉占上原煙霞
遙在想簿令益為繁丹禁虛東閣蒼生望北轅徒令雙
白鶴五里自翻翻

劉外集七

和滑州李尚書上已憶江南禊事

白馬津頭春日遲沙洲歸雁拂旌旗柳營唯有軍中戲
不似江南三月時

酬滑州李尚書秋日見寄

一入石渠署三闈宮樹蟬丹霄未得路白髮又添年雙
節外臺貴洞簫中禁傳徵黃在旦夕早晚發南燕

吐綬鳥詞 并序

滑州牧尚書李公以吐綬鳥詞見示兼命繼聲蓋尚書
前為御史時所作有翰林二學士同賦之今所謂追和
也鳥之所異具於首篇
越山有鳥翔寥廓嗟中天綬光若若越人偶見而奇之

因名吐綬江南知四明天姥神仙地朱鳥星精鍾異氣
赤玉雕成彪炳毛紅綃翦出玲瓏翅湖煙始開山日高
迎風吐綬盤花條歸波似染琅邪草映葉疑開阿母桃
花紅草綠人間事未若靈禽自然貴鶴吐明珠慙報恩
鵲銜金印空為瑞春和秋霽野花開翫景尋芳處處來
翠幕雕籠非所慕珠丸柘彈莫相猜按月啼煙凌縹緲
高林先見金霞曉三山仙路寄遙情刷羽揚翹欲上征
不學碧雞依井絡願隨青鳥向層城太液池中有黃鶴
憐君長向高枝宿如何一借羊角風來聽簫韶九成曲

和四川李尚書漢川微月遊房太尉西湖

木落漢川夜西湖懸玉鉤旌旗環水次舟楫泛中流目
極想前事神交如其遊瑤琴久已絕松韻自悲秋

劉外集七

和重題

林端落照盡湖上遠嵐清水榭芝蘭室仙舟魚鳥情人
琴久寂寞煙月若平生一泛釣璜處再吟鏘玉聲

和遊房公舊竹亭聞琴絕句

尚有竹閒路永無綦下塵一聞流水曲重憶餐霞人

四川李尚書知愚與元武昌有舊遠示二篇吟

之泫然因以繼和二首來詩云元公令陳從事
求蜀琴將以為寄而武

昌之計聞因
陳生會葬

如何贈琴日已是絕絃時無復雙金報空餘掛劍悲
賈匣從此閉朱絃誰復調祇應隨玉樹同向土中銷

和西川李尚書傷韋令孔雀及薛濤之什

玉兒已逐金環葬翠羽先隨秋草萎唯見芙蓉含曉露
數行紅淚滴清池後魏元樹南陽王禧之子南奔到建業數年後北歸愛姬朱玉兒脫金指環寄玉兒示有遺意

酬李相公喜歸鄉國自鞏縣夜泛洛水見寄

鞏樹煙月上清光含碧流且無三已色猶泛五湖舟
息風還起鳳歸林正秋雖攀小山桂此地不淹留

和李相公平泉潭上喜見初月

家山見初月林壑悄無塵幽境此何夕清光如為人潭
空破鏡風動翠蛾頰會向瑣窗望追思伊洛濱

和李相公初歸平泉過龍門南嶺遙望山居即

事

劉外集七

五

整別明庭去初隨優詔還曾為鵬鳥賦喜過鑿龍山新

墅煙火起野程泉石閒巖廊人望在只得片時閒

和李相公以平泉新墅獲方外之名因為詩以

報洛中士君子兼見寄之作

業繼韋平後家依崑閩閒恩華辭北第蕭灑愛東山滿
室圖書在入門松菊閒華天雖整息一舉出人寰

酬柳柳州家雜之贈

日日臨池弄小雛還思寫論付官奴柳家新樣元和腳
且盡薑牙斂手徒

答前篇

小兒弄筆不能噴流壁書窗且賞勤聞被夢熊猶未兆
女中誰是衛夫人

答後篇

昔日傭工記姓名遠勞辛苦寫西京近來漸有臨池興
為報元常欲抗行

再授連州至衡陽酬柳柳州贈別

去國十年同赴召渡湘千里又分岐重臨事異黃丞相
三黜名慙柳士師歸日併隨迴雁盡愁腸正遇斷猿時
桂江東過連山下相望長吟有所思

重別

二十年來萬事同今朝岐路忽西東皇恩若許歸田去

劉外集七

六

歲晚當為鄰舍翁

三贈

信書誠自誤經事漸知非今日臨湘別何年休汝歸

題于髮墓

生為齊贅婿死作楚先賢應以客卿葬故臨官道邊萬
言本多興放意能合權我有一石酒置君墳樹前

懷妓四首

玉釵重合兩無緣魚在深潭鶴在天得意紫鸞休舞鏡
能言青鳥罷銜賸金盆已覆難收水玉軫長拋不續絃
若向薜蘿山下過遙將紅淚灑窮泉

鸞飛遠樹棲何處鳳得新巢有去心紅壁尚留香漠漠

碧雲初斷信沈沈情知點污投泥玉猶自經營買笑金
從此山頭似人石丈夫形狀淚痕深

舊會行處徧尋看雖是生離死一般買笑樹邊花已老

畫眉窗下月猶殘雲藏巫峽音容斷路隔星橋過往難

莫怪詩成無淚滴盡傾東海也須乾

三山不見海沈沈豈有仙蹤更可尋青鳥去時雲路斷

姮娥歸處月宮深紗窗遙想春相憶書幌誰憐夜獨吟

料得夜來天上鏡只應偏照兩人心

登清暉樓送前四句為江州

潯陽江色潮添滿彭蠡秋聲雁送來南望廬山千萬仞

共誇新出棟梁材

劉外集七

省試風光草際浮

熙熙春景霽草綠春光麗的歷亂相鮮葳蕤互虧蔽乍

疑芊緜裏稍動丰茸際影碎翻崇蘭香浮轉叢蕙含煙

絢碧彩帶露如珠綴幸因採掇日況此臨芳歲

赴和州於武昌縣再遇毛仙翁十八兄因成一絕

絕

武昌山下蜀江東重向仙舟見葛洪又得案前親禮拜

大羅天訣玉函封

劉賓客外集卷第七

劉賓客外集卷第八

律詩

寄毗陵楊給事三首

揮毫起制來東省躡足修名謁外臺好看囊鞬莫惆悵
出文入武是全才

曾主魚書輕刺史今朝自請左魚來青雲直上無多地
卻要斜飛取勢迴

東城南陌昔同遊座上無人第二流屈指如今已零落
且須歡喜作鄰州

巫山神女廟

巫峰十二鬱蒼蒼片石亭亭號女郎曉霧乍開疑捲幔

劉外集八

山花欲謝似殘妝星河好夜聞清佩雲雨歸時帶異香
何事神仙九天上人間來就楚襄王

柳絮

飄颺南陌起東鄰漠漠濛濛好度春花巷暖隨輕舞蝶
玉樓晴拂豔妝人榮迴謝女題詩筆點綴陶公漉酒巾
何處好風偏似雪隋河隄上古江津

陪崔大尚書及諸閣老宴杏園

更將何面上春臺百事無成老又催唯有落花無俗態
不嫌憔悴滿頭來

曹剛

大絃嘈噴小絃清噴雪含風意思生一聽曹剛彈薄媚

人生不合出京城

發蘇州後登武邱寺望海樓

獨宿望海樓夜深珍木冷僧房已閉戶山月方出嶺碧
池涵劔彩寶剎搖星影卻憶郡齋中虛眠此時景

別蘇州二首

三載為吳郡臨期祖帳開雖非謝桀黠且為一徘徊
流水闔門外秋風吹柳條從來送客處今日自魂銷

松江送處州奚使君

吳越古今路滄波朝夕流從來別離地能使管絃愁江
草帶煙暮海雲含雨秋知君五陵客不樂石門遊

題報恩寺

劉外集八

雲外支硎寺名聲敵虎邱石文留馬跡峰勢聳牛頭泉
眼潛通海松門預帶秋遲迴好風景王謝昔曾遊

罷郡姑蘇北歸渡揚子津

幾歲悲南國今朝賦北征歸心渡江勇病體得秋輕海
闕石門小城高粉堞明金山舊遊寺過岸聽鐘聲

館娃宮在舊郡西南硯石山上前瞰姑蘇臺傍

有采香徑梁天監中置佛寺曰靈岳即故宮也
信為絕境因賦二章

宮館貯嬌娃當時意太誇豔傾吳國盡笑入楚王家月
殿移椒壁天花代舜華唯餘采香徑一帶入山斜

姑蘇臺

故國荒臺在前臨震澤波綺羅隨世盡麋鹿古時多築
用金椎力摧因石鼠窠昔年雕輦路唯有采樵歌

贈同年陳長史員外石

明州長史外臺郎憶昔同年翰墨場一自分襟多歲月
相逢滿眼是淒涼推賢有愧韓安國論舊唯存盛孝章
所歎謬遊東閣下看君無計出悽惶

寄湖州韓中丞

老郎日日憂蒼鬢遠守年年厭白蘋終日相思不相見
長頻相見是何人

有感

死且不自覺其餘安可論昨宵鳳池客今日雀羅門騎

劉外集八

吏塵未息銘旌風已翻平生紅粉愛唯解哭黃昏

楊柳枝

揚子江頭煙景迷隋家宮樹拂金隄嗟峨猶是當時色

半蘸波中水鳥棲

海陽十詠 并引

元次山始作海陽湖後之人或立亭榭率無指名及予
而大備每疏鑿構置必揣稱以標之人咸曰有旨異日
遷官裴侍御爲十詠以示予頗明麗而不虛美因拈拾
裴詩所未道者從而和之一云予爲吏隱亭述言海陽
之所從來詳矣異日下與此
同

吏隱亭

結構得奇勢朱門交碧澗外來始一望寫盡平生心日
軒漾波影月砌鏤松陰幾度欲歸去迴眸情更深

切雲亭

迴破林煙出俯窺石潭空波搖杏梁日松韻碧窗風隔
水生別島帶橋如斷虹九疑南面事盡入寸眸中

雲英潭

芳幄覆雲屏石匳開碧鏡支流日飛灑深處身疑瑩潛
去不見跡清音常滿聽有時病朝醒來此心神醒

覽亭

蕭灑青林際黃緣綠潭隈深流冒石下輕波逐砌迴香
風過人度幽花覆水開故令無四壁清夜月光來

劉外集八

裴溪時御史已
遇新恩

楚客憶關中疏溪想汾水縈紆非一曲意態如千里倒

影羅文動微波笑顏起君今賜環歸何人承玉趾

飛練瀑

晶晶擲巖端潔光如可把瓊枝曲不折雪片晴猶下石
堅激清響葉動承餘灑前時明月中見是銀河瀉

蒙池

滌淨幽壁下深靜如無力風起不成文月來如一色地
靈草木腴人遠煙霞逼往往疑列仙圍碁在巖側

芬絲瀑

飛流透嵌隙噴灑如絲芬含暈迎初旭翻光破夕曛餘

波繞石去碎響隔溪聞卻望瓊沙際透地見脈分

雙溪

流水繞雙島碧溪相並深浮花擁曲處遠影落中心閒
鷺久獨立曝龜驚復沈蘋風有時起滿谷簫韶音

月窟

濺濺漱幽石注入團圓處有如常滿杯承彼清夜露巖
曲月斜照林寒春晚煦遊人不敢觸恐有蛟龍護

送周魯儒赴舉詩 并引

畫居外次晨門曰有九疑生持一刺來謁立西階以須
生危冠方袂淺拱舒拜且前致詞稱贊其文頗涉獵前
言居五六日復來益引古事以相劇切與之言能言

劉外集八

五

其得姓因家之所自暨縣道鄉亭之風俗望山名水之
槩狀羅舍所未記朱顛之未條咸得之於生由是始列
於賓籍臨觴而司斟觀博而竄言有日矣初邑中人聞
有生來而二千石客之駢然來觀遷客裴御史遇生於
座抵掌曰人固有貌類而族殊者周生疑羅玠也眾咸
駭然而熟視生疑也愈甚夫形似古所有也優孟似叔
敖而楚君欲以為相人殊而貌肖猶或欲用之玠生於
衡山而生生於九疑其似誠匹也無乃躡其武昇俊造
仕旬服佐君藩為御史乎古之人無避事即有而書之
尚實也行李之貺則徵夫詩曰

宋日營陽內史孫因家占得九疑村童心便有愛書癖

手指今餘把筆痕自握蛇珠辭白屋欲憑雞卜謁金門
若逢廣坐問羊酪從此知名在一言

送曹璩歸越中舊隱詩 并引

予為連州諸生以進士書刺者浩不可紀獨曹生崖然
自稱為山夫及與語以徵其實則曰所嗜者名嘗遠遊
以索之抗喉舌肱胝胸以干東諸侯見之日率莞然曰
秀才天下是禮不庸何傷今方依名山以揚其聲將
掛幘於南嶽生之言未及休予遽曰在己不在山若子
之言依山而為高是練神叩寂捐日月而不顧名聞而
老至持是焉用生聞言愀然如晦色見於眉睫因留止
道士院從予求書以觀居三時而功倍一歲讀史書自

劉外集八

六

皇帝至吳魏閒班班能言之然而絕口不敢言衡山知
山夫不販而贏也十一月告予歸隱於會稽且曰知求
名之自矣乞詞以發之遂賦七言詩以鑿其志詩曰
行盡瀟湘萬里餘少逢知己憶吾廬數閒茅屋閒臨水
一盞秋燈夜讀書地遠何當隨計吏策成終自詣公車
剡中若問連州事唯有千山畫不如

尋汪道士不遇

仙子東南秀冷然善御風笙歌五雲裏天地一壺中受
錄金華洞焚香玉帝宮我來君閉戶應是向崆峒

八月十五日夜桃源翫月

塵中見月心亦閒況是清秋仙府閒凝光悠悠寒露墜

此時云在最高山碧虛無雲風不起山上長松山下水
羣動儵然一顧中天高地平千萬里少君引我昇玉壇
禮空遙請真仙官雲駟欲下星斗動天樂一聲肌骨寒
金霞昕昕漸東上輪鼓影促猶頻望絕景良時難再逢
他年此日應惆悵

叔父元和中取昔事為桃源行後貶官武陵復為翫
月作並題於觀壁爾來星紀再周疏牽故此郡仰見
文字闕缺伏慮他年轉將塵沒故鐫在貞石以期不
朽太和四年疏謹記

罷和州遊建康

秋水清無力寒山暮多思官閒不計程徧上南朝寺

劉外集八

田順郎歌

清歌不是世間音玉殿嘗聞稱主心唯有順郎全學得
一聲飛出九重深

米嘉榮

一別嘉榮三十載忽聞舊曲尚依然如今世俗輕前輩
好染髭鬚事少年

自江陵沿流道中

三千三百西江水自古如今要路津月夜歌謠有漁父
風天氣色屬商人沙村好處多逢寺山葉紅時覺勝春
行到南朝征戰地古來名將盡為神

別夔州官吏

三年楚國巴城守一去揚州揚子津青帳聯延喧驛步
白頭俯偃到江濱巫山暮色常含雨峽水秋來不恐人
唯有九歌詞數首里中留與賽蠻神

夜聞商人船中琴

大艚高船一百尺新聲促柱十三絃揚州布粟商人女
來占江西明月天

聞道士彈思歸引

仙翁一奏思歸引逐客初聞自泫然莫怪殷勤悲此曲
越聲長苦已三年

喜康將軍見訪

謫居愁寂似幽棲百草當門茅舍低夜月將軍忽過訪
鷓鴣驚起繞籬啼

鷓鴣驚起繞籬啼

贈劉景擢第

湘中才子是劉郎望在長沙住往陽昨日鴻都新上第
五陵年少讓清光

赴連山途次德宗山陵寄張員外

當時並冕奉天顏委佩低簪綵仗閒今日獨來張樂地
萬重雲水望橋山

嘗茶

生拍芳叢鷹背芽老郎封寄謫仙家今宵更有湘江月
照出霏霏滿盃花

梁國祠

梁國三郎威德尊
女巫簫鼓走鄉村
萬家長見空山上
雨氣蒼茫生廟門

九日登高

世路山河險
君門煙霧深
年年上高處
未省不傷心

謝柳子厚寄疊石硯

常時同硯席
寄此感離羣
清越敲寒玉
參差疊碧雲
煙嵐餘斐疊
水墨兩氛氲
好與陶貞白
松窗寫紫

元日感懷

振蟄春潛至
湘南人未歸
身加一日長
心覺去年非
燎火委虛燼
兒童銜綵衣
異鄉無舊識
車馬到門稀

謝宣州崔相公賜馬

劉外集八

浮雲金絡膝
昨日別朱輪
銜草如懷戀
嘶風尚意頻
會將比君子
不是換佳人
從此西歸路
應容躡後塵

南中書來

君書問風俗
此地接炎州
淫祀多青鬼
居人少白頭
旅情偏在夜
鄉思豈唯秋
每羨朝宗水
門前盡日流

題招隱寺

隱士遺塵在
高僧精舍開
地形臨渚斷
江勢觸山迴
楚野花多思
南禽聲例哀
殷勤最高頂
閒卻望鄉來

思歸寄山中友人

蕭條對秋色
相憶在雲泉
木落病身死
潮平歸思懸
涼鐘山頂寺
暝火渡頭船
此地非吾土
閒留又一年

望洞庭

湖光秋月兩相和
潭面無風鏡未磨
遙望洞庭山翠水
白銀盤裏一青螺

魚復江中

扁舟盡室貧相逐
白髮藏冠鑷更加
遠水自澄終日綠
晴林長落過春花
客情浩蕩逢鄉語
詩意留連重物華
風檣好住貪程去
斜日青帘背酒家

歷陽書事七十韻

劉外集八

長慶四年八月予自夔州轉歷陽浮岷山觀洞庭歷夏
口涉潯陽而東友人崔敦詩罷丞相鎮宛陵絨書來抵
日必我覲而之藩不十日飲不置子故予自池州道宛
陵如其素敦詩出祖於敬亭祠下由姑孰西渡江乃吾
園也至則考圖經參見事為之詩俟采之夜諷者
一夕為湖地千年列郡名霸王迷路處亞夫所封城漢
置東南尉梁分肘腋兵本吳風俗剽兼楚語音僇沸井
今無湧烏江舊有名土臺遊柱史石室隱彭鏗老君道楚有臺
在馬彭鏗石曹操祠猶在濡須鴨未平海潮隨月大江
室在含山縣

水應春生一昨深山裏
終朝看火耕魚書來北闕
鷓首下南荆雲雨巫巫山
暗蕙蘭湘水清章華樹已失
鄂渚草來迎廬嶺香鑪出溢
城粉堞明雁飛彭蠡暮鴉噪
大雷晴平野分風使恬和趁
夜程貴池登陸峻春穀渡橋
鳴絡繹主人問悲歡故舊情
幾年方一面卜晝便三更助

喜杯盤盛忘機笑語旬管清疑警鶴絃巧似嬌鶯熾炭
烘騰獸華細織鬪鯨迴稽飄霧雨急節墮瓊英斂黛凝
愁色 細耀翠晶容華本南國妝梳學西京日落方收
鼓天寒更炙笙促筵交履烏痛飲倒簪纓謔浪容優孟
嬌憐許智瓊蔽明添翠帟命燭拄金莖坐久羅衣皺杯
傾粉面驛興來從請曲意墮即飛航令急重須改歡馮
醉盡呈詰朝還選勝來日又尋盟道別殷勤惜邀筵次
第爭唯聞嗟短景不復有餘醒眾散局朱戶相攜話素
誠晤言猶疊疊殘漏自丁丁出祖千夫擁行廚五熟烹
離亭臨野水別思入哀箏接境人情洽方冬饌具精中
流為界道隔岸數飛費沙浦王渾鎮滄洲謝字 二望夫

劉外集八

十一

人化石夢帝日環營半渡趨津吏緣隄簇郡叱場黃堆
晚稻籬碧見冬菁里社爭來獻壺漿各自擊鳴夷傾底
寫炬杖鬪成 采石風傳柝新林暮擊鉦繭綸牽撥刺
犀燄照澄泓露冕觀原野前驅抗旆旌分庭展寶主望
闕拜恩榮比屋惇後輩連年水旱并遐思常後已下令
必先庚遠岫低屏列支流曲帶縈湖魚香勝肉官酒重
於錫憶昔泉源變斯須地軸傾雞籠為石顛龜眼入泥
坑事繫人風重官從物論輕江春俄滄蕩樓月幾虧盈
柳長千絲宛田塍一綫耕遊魚將婢從野雉見媒驚波
淨攢鳧鵲洲香發杜蘅一鍾菰葑米千里水葵羹受譴
時方久分憂政未成比瓊雖碌碌於鐵尚錚錚早忝曹

三署曾聞奏六英無能甘負弩不慎在騎衛口語成中
邁毛衣阻上征時聞關利鈍智亦有豈盲昔愧山東妙
今慚海內兄後來登甲乙早已在蓬瀛心記秦明鏡才
非楚白珩齒衰組藥物宦薄傲公卿捧日皆元老宣風
盡大彭好令朝集使結束赴新正

劉賓客外集卷第八

劉外集八

十二

唐虞宋氏廣餘叢書

劉賓客外集卷第九

雜著

論西戎表

謝上連州刺史表

含輝洞述

吏隱亭述

傳信方述

彭陽唱和集引

彭陽唱和集後引

吳蜀集引

汝洛集引

子劉子自傳

王公神道碑

為淮南杜相公論西戎表

臣某言臣一辭闕庭已僅二載官當重任身受重恩既懷子牟戀闕之心又負臧文竊位之責思所以歌頌聖

劉外集九

德裨補箴規塵露至微不任懇迫臣遠祖詩顯名漢代出牧南陽讜言善策隨事獻納忠醇之至聞於中外遺風可襲有激愚衷臣是以輒竭聞見粗陳梗槩雖不盡陛下聖明萬分之一然臣子之心有直必獻伏惟皇帝陛下德合天地道躋文武弛張普博事法陰陽氣均生成人霑亭育凡是氣沴覆以春和銷除容納皆如聖意寬宥肆赦實賴皇明河中誅鋤不勞兵革淮右底定不戮一人慶浹萬邦事出千古近又西戎背約寇犯王師陛下宏貸豺狼矜其兇悍布以恩澤果此知慙功因德成不以兵制故詩云獫狁孔熾書稱蠻夷猾夏臣觀自古帝王不忍小忿以貽大患故竭耗中國盡力邊陲至

唐虞宋氏廣餘叢書

如滅昆明之城平大宛之種豈足發輝皇猷增榮簡冊故聖哲之論薄衛霍之功陛下鏡歷代無益之端脩大君文德之教遂得北狄深藏五城晏閉百蠻向化四海無虞唯此小蕃尚迷聲教陛下示之大信宏以舊恩雖關防驚驚而烽燧旋罷臣負恩方鎮初懼寇戎正於憂迫之時果聞仁聖之諭攘卻兇孽不勞干戈臣靜思遠圖久計莫若存信施惠以愧其心歲通玉帛待以客禮昭宣聖德擇奉義之臣恢拓皇威選謹邊之將積粟塞下坐甲關中以逸待勞以高御下重其金玉之贈結以甥舅之歡小來則慰安大至則嚴備明其斥候不撓不侵則戎狄為可封之人沙場無戰死之骨若天下無事

劉外集九

人安歲稔然後訓兵命將破虜摧衡原州營田靈武盡復舊地通使安西國家長算悉在於此計熟事定舉必有功苟未可圖豈宜容易此皆陛下朝夕倦談之事前後立驗之謀臣質性頑疏籌畫庸近受恩非據敢忘獻忠犬馬之心實所罄盡謹遣某官某奉表

謝上連州刺史表

臣某言伏奉去三月七日制授臣使持節連州刺史恭承睿旨晚奉詔書皇恩重於邱山聖澤深於雨露拊舞失次神魂再揚臣某謝中臣性愚拙謬學文詞幸遇休明累登科第出身入仕並不因人德宗臨御之時臣忝御史陛下龍飛之日臣忝郎官恭守章程勤脩職業權臣

奏用蓋聞虛名實非曲求可以覆視跡卑易枉無路自明亦緣臣有微才所以嫉臣者眾競生口語廣肆加誣伏賴陛下至仁特從寬典舉以緣坐貶佐退藩屢變星霜頻經恩赦犬馬懷戀寢興匪懈唯讀佛經願延聖壽昨蒙詔命追赴上都隨例授官俾居遠郡在臣之分榮幸已多伏荷陛下孝理宏深皇明照燭哀臣老母羸疾憫臣一身零丁特降殊恩得移善部光榮廣被母子再生凡在人臣皆感聖德凡為人子皆荷聖慈豈唯賤臣獨受恩造不覺喜極至於涕零昔殷王俯念於前禽且聞解網漢帝有感於少女爰命罷刑方之聖朝不足多尙感召和氣慰安羣生非臣隕越所能上報伏以南方

劉外集九

含輝洞述

河東薛公景晦以文無害爲尙書刑部郎中以訕爲道州刺史居郡大理至於無事清機羨溢盡付山水一旦以書來誇曰吾得異境於近郊自城西門並南山俯江水有石穹然如夏屋其左右前後又如迴廊曲房藻繡雕形之象雲生日入怪狀迭發水石卉木杳非人寰意其當爲食霞御氣者之所遊息委蛻而去不知其幾千百年逮今得諸黃冠野夫及請而往因名其地曰含輝

洞蓋詩家流所謂山水含清輝者是已吾子常以詞雄於世蓋爲我誌焉愚得書退而深惟若薛公者少居江湖閒遊名山東探禹穴上四明句曲金華陽羨南過九江薄匡廬以涉彭蠡天下山水之籍存乎胸中第其高下銖兩不失及是而口喏不能名顧謂奇信矣若江華者九疑三湘之佳麗地也前此二千石御史中執法河南元次山諫大夫北平陽亢宗司刑大夫東平呂和叔皆碩人也考槃招隱之致恆汲汲然卒使茲境貴於異日豈地愛其寶有時而登耶願謂奇信矣夫物之有作俟言而遠故述焉以書於洞陰曰

劉外集九

四

營陽鬱鬱山水第一洞有含輝遊人忘歸孔樂請言其略先是斯境翳於榛薄天姿孤絕凡目所忽闕其清光有待而發公之來思探異翫奇芟野憩林而民悅之旣悅其至益知其嗜捫陘歷峴來適公志偶得奇絕聿來告公駕言從之谷岸溟濛有石如門又如垣墉膠蔓交木似編似組乃芟乃治乃可布武伸脰掉臂空洞無阻左右迴環儼若廊廡飛泉出竇練綫花吐觸石吹沙佩搖絃撫側徑夤緣豁然見天有石如堂度之五筵東西二門與石明昏奧者如室宣者如軒因其高下爰構亭榭匠生於心隨指如化開山翦木後以私屬結構暨茨子來嬉嬉無事而就邦人不知淑清之辰休澣之時雅步幅巾琴壺以隨前無俗人與白雲期年日盡滴

結廬宋氏廣餘叢書

形神不羈元氣顛然觀吾朵頤遵渚之鴻有時而飛石門之下可以棲遲此谷而盈彼邱而夷維公之跡永承在斯

吏隱亭述

元和十五年再牧於連州作吏隱亭海陽湖壩入自外間不知藏山歷級東望恍非人寰前有四榭隔水相鮮疑靄蒼蒼深流布懸架險通蹊有梁如霓輕泳徐轉有舟如俞澄霞漾月若在天漢視彼廣輪千畝之半翠麗於是與世殊貫澂明峭絕霍靡蔥蒨炎景有宜昏旦迭變疑昔神鼇負山而抃摧其別島置此高岸海陽之名自元先生先生元結有銘其碣元維假符子維左遷其

劉外集九

五

間相距五十餘年封境服人其猶比肩天下山水無非美好地偏人遠空樂魚鳥謝公開山涉月忘還豈曰無娛伊險且艱溪山風物城池為伍卻倚佛寺左聯仙府勢拱臺殿光含廡廡窈如壺中別見天宇石壑不老水流不腐不知何人為今為古堅焉終口流焉終竭不知何時再融再結

傳信方述

予為連州四年江華守河東薛景晦以所著古今集驗方十通為贈其志在於拯物予故申之以書異日景晦復寄聲相謝且咨所以補前方之闕醫拯道貴廣庸可

之問皆有所自故以傳信為目云元和十三年六月八日中山劉禹錫述

彭陽唱和集引

丞相彭陽公始由貢士以文章為羽翼怒飛於冥冥及貴為元老以篇詠佐琴壺取適乎閒宴鏘然如朱絃玉磬故名聞於世閒鄙人少時亦嘗以詞藝梯而航之中途見險流落不試而胸中之氣伊鬱蜿蜒泄為章句以遣愁沮悽然如焦桐孤竹亦名聞於世閒雖窮達異趣而音英同域故相遇甚歡其會面必抒懷其離居必寄興重酬累贈體備今古好事者多傳布之今年公在并州予守吳門相去迥遠而音徽如近且有書來抵曰三

劉外集九

六

川守白君編錄與吾子贈答緘縹囊以遺予白君為詞以冠其前號曰劉白集悠悠思與所賦亦盈於巾箱蓋次第之以塞三川之請於是緝綴凡百有餘篇以彭陽唱和集為目勒成兩軸爾後繼賦附於左方太和七年二月五日中山劉禹錫述

彭陽唱和集後引

貞元中子為御史彭陽公從事於太原以文章相往來有日矣無何予受譴南遷十餘年間公登用至宰相出為衡州方獲會面輪寫蘊積相視泫然爾後或雜賦詩贈答編成兩軸太和五年予領吳郡公鎮太原常發函寓書必有章句絡繹於數千里內無曠旬時八年公為

結廬宋氏廣餘叢書

吏部尚書子牧臨汝有詩歎七年之別署其後云集卷自此為第三未幾子轉左馮公登左揆每恨近而不見形於詠言開成元年公鎮南梁予以太子賓客分司東都新韻繼至率云三軸成矣二年冬忽寄一章詞調悽切似有永訣之旨伸紙悽歎居數日果承訃書嗚呼聆風相悅者四十年會面交歡者十九年以詩見投凡七十九首勒成三卷以副平生之言

吳蜀集引

長慶四年子為歷陽守今丞相趙郡李公時鎮南徐州每賦詩飛函相示且命同作爾後出處乖遠亦如鄰封凡酬唱始於江南而終於劍外故以吳蜀為目云

劉外集九

汝洛集引

大和八年子自姑蘇轉臨汝樂天罷三川守復以賓客分司東都未幾有詔領馮翊辭不拜職授太子少傅分務以遂其高時子代居左馮明年子罷郡以賓客入洛日以章句交歡因而編之命為汝洛集

子劉子自傳

子劉子名禹錫字夢得其先漢景帝賈夫人子勝封中山王諡曰靖子孫因封為中山人也七代祖亮事北朝為冀州刺史散騎常侍遇遷都洛陽為北部都昌里人世為儒而仕墳墓在洛陽北山其後也陞不可依乃葬滎陽之檀山原田大王父已還一昭一穆如平生曾祖

凱官至博州刺史祖鎰由洛陽主簿察視行馬外事歲滿轉殿中丞侍御史贈尚書祠部郎中父諱緒亦以儒學天寶末應進士遂及大亂舉族東遷以違患難因為東諸侯所用後為浙西從事本府就加鹽鐵副使遂轉殿中主務於埤橋其後罷歸浙右至揚州遇疾不諱小子承夙訓稟遺教眇然一身奉尊夫人不敢殞滅後忝朝登或領郡蒙恩澤先府君累贈至吏部尚書先太君盧氏由彭城縣太君贈至范陽郡太夫人初禹錫既冠舉進士一幸而中試開歲又以文登吏部取士科授太子校書官司門曠得以請告奉溫清是時年少名浮於實士林榮之及丁先尚書憂迫禮不死因成痼疾既免

劉外集九

喪相國揚州節度使杜公領徐泗素相知遂請為掌書記捧檄入告太夫人曰吾不樂江淮閒汝宜謀之於始因白丞相以請曰諾居數月而罷徐泗而河路猶艱難遂改為揚州掌書記涉二年而道無虞前約乃行調補京兆渭南主簿明年冬擢為監察御史貞元二十一年春德宗新棄天下東宮即位時有寒雋王叔文以善弈某得通籍博望因閒隙得言及時事上大奇之如是者積久眾未知之至是起蘇州掾超拜起居舍人充翰林學士遂陰薦丞相杜公為度支鹽鐵等使朔日叔文以本官及內職兼充副使未幾特遷戶部侍郎賜紫貴振一時恩前已為杜丞相奏署崇陵使判官居月餘日至

是改屯田員外郎判度支鹽鐵等按初叔文北海人自言猛之後有遠祖風唯東平呂溫隴西李景儉河東柳宗元以為言然三子者皆與子厚善日夕遇言其能叔文實工言治道能以口辨移人既得用自春至秋其所施為人以為當非時上素被疾至是尤劇詔下內禪自為太上皇後諡曰順宗東宮即皇帝位是時太主久廢疾宰臣及用事者都不得召對宮掖事祕而建桓立順功歸貴臣於是叔文首貶渝州後命終死宰相貶崖州予出為連州途至荆南又貶朗州司馬居九年詔徵復授連州歷夔和二郡又除主客郎中分司東都明年追入充集賢殿學士轉蘇州刺史賜金紫移汝州兼御

劉外集九

九

史中丞又遷同州充本州防禦長春宮使後被足疾改太子賓客分司東都又改祕書監分司一年加檢校禮部尚書兼太子賓客行年七十有一身病之日自為銘曰

不天不賤天之棋兮重屯累厄數之奇兮天與所長不使施兮人或加訕心無疵兮寢於北牖盡所期兮葬近大墓如生時兮魂無不之庸詎知兮

唐故監察御史贈尚書右僕射王公神道碑銘

公諱倭字真長其先葉黃帝夫聖人之後與庶姓不同如河出崑崙潛於厚地歛焉振起奮為自天非眾川也故自黃帝八代而生舜武王克殷求有嬀之

①滿封於陳是為胡公十三葉生完自以公子國難不得立乃抱樂器奔齊桓公以卿禮接之下又十一葉和以久為政陰淡於人遂有齊國三代稱王至是為秦所滅項羽入秦封建孫安為濟北王漢興失國齊人謂之王家因為氏安子涓仕漢為鎮東將軍青州牧封劇縣伯自涓至彤凡一十九代兩漢公卿牧守如家牒然十代祖猛字景略符秦尚書令佐秦成霸業與孔明佐蜀同功故時人謂之王葛史云北海劇人遂著為族望九代祖休儀曹尚書八代祖鎮惡佐命宋長安擒姚泓至北齊五代祖昕七兵尚書兄弟九人時號王氏九龍於齊史有傳高祖顓字君粹北齊著作郎燕郡太守曾

劉外集九

十

祖敬忠成州刺史大父上客高宗封嶽進士及第歷侍御史主客兵部員外郎累遷兵右金吾衛將軍冀州刺史靈州都督朔方道總管見職官儀及衣烈考曠宣州宣城縣令贈工部郎中娶河東裴氏乃生僕射李陸餘力工為文始以崇文生應深謀祕策考入上第拜監察御史天之賦子莫能兩大既揚令名而不以景福享齡五十五葬於河南府偃師縣毫邑鄉後以子貴累贈禮部尚書至右僕射夫人江夏李氏耐焉李門多奇材父暄起居舍人暄子鄜門下侍郎平章事高叔祖善蘭臺郎崇文館學士注文選行於時善子邕北海郡太守有重名四方之士求為碑誌者傾天下故夫人於盛宗

禮範可法累贈至江夏郡夫人僕射有三子長子早終
次子處元少嬰沈恙慕道士養生之術高尚其趣強仕
而歿積善不試後來果大焉季子彥威字子美始以五
經登甲科歷太常博士祠部員外郎遷屯田郎中轉戶
部司封並充禮儀使判官^卅文館學士京兆少尹諫議
大夫史館脩撰以直諫出為河南少尹入為少府監司
農卿改淄青節度使徵拜戶部侍郎判度支勢逼生患
出為衛尉卿分司東都尋起為陳許節度使檢校禮部
尚書充汴宋亳等州節度觀察處置等使北海縣開國
子食邑五百戶娶潁川韓氏主客員外郎衢之女國子
祭酒楊頊之外孫夫人有三弟皆材無子早謝已如禮

劉外集九

二

耐葬於毫邑原僕射厚德覆露之尚書丕承之以早孤
銳意嚮學嘗閱詩至蓼莪篇感激流涕故其志如刃始
淬及學成立朝為鴻儒入用為能臣參定儀制財成經
費起書生擁旌節今又領全師鎮上游握神符垂三組
皆嚮時感發之所激也志就而學成名聞而身達欲報
無所外榮中悲人子之孝在乎揚其先德以耀於遠乃
俾學古者書本系所自且銘於龜趺螭首云銘曰山積
而高澤積而長聖人之後必大而昌由聖與賢或為霸
強建不克嗣濟北疏疆齊人德之其族稱王佐於符秦
北海重光僕射之生負材而起策於萬乘擢為御史同
時條對千目仰視桂林一枝拾芥相似名動海內夫豈

不偉種德而芽迺生令子出入鼎貴理財統師流根之
澤密印纍纍峻其追崇幽顯有輝孝嗣之孝歎然弗怡
春露秋霜感傷履之時久能慕祿豐益悲明發不寐永
懷孝思摠之無窮曷若豐碑景毫之原佳城在斯乃刻
金石揭於道陲松耶柏耶有洛之湄過者必下來觀信
詞

劉賓客外集卷第九

劉外集九

二

劉賓客外集卷第十

墓誌祭文

故董府君墓誌

絕編生墓表

祭柳員外文

重祭柳員外文

代祭柳員外文

祭韓吏部文

祭李司空文

代祭李司空文

代祭王相國文

祭桂尚書文

祭楊庶子文

故荆南節度推官董府君墓誌

元和七年夏四月某日前荆州部從事董府君以疾終於故府私第年若干其孤泣書前人之爵里耿光求我

劉外集十

一

五十四

以銘於幽且先志也故重為之董姓出於豢龍氏至辛有而分在晉為良史在趙佐簡子為能臣項羽主盟為翟王高皇帝舉兵漢中劫其兵眾不克其土後裔遂為隴西人凡稱事不稱名不待事而彰也始予謫於武陵人多中之賢有董生為守令客既而以士相見之禮成與之言能言墳典數旁摺百氏之學弱年嗜屬詩工弈碁用是索合於貴遊多所慰■中年奉浮圖說三乘用是貢誠於清賢多被辟書脫巾為○弘文館校書郎再遷至大理評事咸視真秩而不累其章職繫於外故也晚節尚道故投劫於幕府治扁舟浮江沱泛洞庭登熊耳訪浮邱以探異賦枉渚以寄傲居數歲投老於南荆迷

邦縱性委和從化逮夫寢巨室也自含穉至於卜窆皆

仁人之購焉是歲五月十二日卜葬於龍山之某岡外

姻至矣君名佺字庶中大父曰思簡位至汝南太守父

承祖歿於試守太子舍人始為君求婦於鄭之里生嗣

子夏卿既立而天今未之從其後又娶於閻氏生二子

曰周卿雲卿發也總裳髻首有正家之道嗚呼道愈富

而室愈貧志甚脩而知甚寡士以隴西為貴將在令名

與銘曰

學待問而文藻身藝不試兮名孰聞大道甚夷兮此我

辰何生不茂兮非我春脩門之達兮連岡靡靡蔓草如

兮新墳若斧吁嗟董生兮於焉終古

劉外集十

二

五十四

絕編生墓表

顧彖吳郡人食力於武陵沅水上以讀易聞病且死飭其子曰吾年十有五而授易於師積六十二年於茲未嘗一日不吟乎繫象里中兒從吾讀其文多矣死則必葬我於黨庠之側尚其有知且聞吾書君子曰若彖者可謂志篤於學矣因以絕編生諡之且表其墓後之讀功令者或采焉予既謫居是邦始至之日問能道古語可與言者邑子以生為對既而執贄請見之生危冠大袂闊視雅拜及門知讓候肅而後入又肅而躋階心存聖賢潤徹眉睫有野態而無苟容問其所執曰幼學易老而尤嗜問安學曰始聞於師晚熟於心自尼父兼三

才細入索繫詞焉以通微言與伏羲文王並行猶天三
辰同麗大極秦脫大患完文顯行漢之田丁京劉而東
京有馬鄭魏之何荀兩王而吳有韋陸前者導源後者
灑之風融混合百派奔湊唐興沙門一行方洩天機以
探古人神交造物智對人事制動也有柅變道也無方
嚮之支流委輸於我其他紬繹祖述三十有餘家朱藍
之樸斲之為羽翼為鼓吹疇咨天人之際旁魄上下驚
精於攜摭匱巧於穿鑿猶制氏之於樂鏗鏘而已徐氏
之於禮善容而已然而前脩之盡心也得以味腴羣芳
焉手抵於運管目曠於臨燭而氣耗於詠呻家居無賞
不能與計偕地偏且遠無有能晤語者心愈苦而跡愈

劉外集十

三

卑寒膚慄腹以至於耄老微夫子之問持是安施乎他
日子造其室廬簞瓢在左汙樽在右有龜枵然有筮甚
澤子撇箸指骨而訛之曰是疊疊者曾不予欺乎生攸
爾而對云古先聖人知道之妙不可博而得也故設象
以致意梯有以取無取當其粗用當其精夫權衡所以
揣輕重不為捶鈞者設也尋尺所以商遠邇不為運斤
者設也龜筮所以決羣疑不為知幾者設也幾存乎人
是則以天時為卦體以地理為爻位外附人事以象焉
內取諸身以彖焉得樞於寰中迎數於象外自然之理
不知其然雖欲強名措說無地彼枯莖朽設安能與於
此乎今夫揲之以至剝灼之以殆盡徒與夫蚩蚩者問

歎穰占熊起訟需食亡羊喪牛之閒耳資其握粟以
糊予口烏足為夫子道哉予以斯言遂於易故書之噫
國有太學學有館以延專門若生者苦形役志如是其
專也茹經於腹湮滅糞壤璧水湯湯不聞其聲摧藏樸
遯與山木同朽豈地遠然耶彼文甲絳毛剝筋壽革嶺
嶠之華實炎溟之蜃蝦飛苞驛能所至而貴夫豈貴邇
也哉悅者眾故也生之死在元和七年秋七月由死之
日推而上求直治生之辰得四百有七十甲子葬在征
渚西石磯上其墳可隱東望里塾尚行其志云

祭柳員外文

劉外集十

四

維元和十五年歲次庚子正月戊戌朔日孤子劉禹錫
御哀扶力謹遣所使黃孟蓂具清酌庶羞之奠敬祭於
亡友柳君之靈嗚呼子厚我有一言君其聞否惟君平
昔聰明絕人今雖化去夫豈無物意君所死乃質形耳
魂氣何託聽子哀詞嗚呼痛哉嗟予不天甫遭閔凶未
離所部三使來弔憂我哀痛諭以苦言情深禮至款密
重複期以中路更申願言途次衡陽云有柳使謂復前
約忽承訃書驚號大叫如得狂病良久問故百哀攻中
涕洟迸落魂魄震越伸紙窮竟得君遺書絕絃之音悽
愴徹骨初託遺嗣知其不孤末言歸轉從耐先域凡此
數事職在吾徒永言素交索居多遠鄂渚差近表臣分
深想其間訃必勇於義已命所使持書徑行友道尚終

當必加厚退之承命改牧宜陽亦馳一函俟於便道勒石垂後屬於伊人安平宣英會有還使悉已如禮形於其書嗚呼子厚此是何事朋友凋落從古所悲不圖此言乃為君發自君失意沈伏遠郡近遇國士方伸眉頭亦見遺草恭辭舊府志氣相感必踰常倫願予負靈營奉萬里猶冀前路望君銘旌古之達人朋友製服今有所厭其禮莫申朝晡臨後出就別次南望桂水哭我故人孰云宿草此慟何極嗚呼子厚卿真死矣終我此生無相見矣何人不達使君終否何人不老使君夭死皇天厚土胡(雷)忍此知悲無益奈恨無已子之不聞予心不理含酸執筆輒復中止誓使周六同於己子魂兮來

劉外集十

五

思知我深旨嗚呼哀哉尚饗

重祭柳員外文

嗚呼自君之沒行已八月每一念至忽忽猶疑今以喪來使我臨哭安知世上真有此事既不可贖翻哀獨生嗚呼出人之才竟無施為炯炯之氣戢於一木形與人等今既如斯識與人殊今復何託生有高名沒為眾悲異服同志異音同歎唯我之哭非弔非傷來與君言不言成哭千哀萬恨寄以一聲唯識真者乃相知耳庶幾儻聞君儻聞乎嗚呼痛哉君有遺美其事多梗桂林舊府感激主持俾君內弟得以義勝平昔所念今則無違旅魂克歸崔生實主幼稚甬上故人撫之敦詩退之各

展其分安平來賻禮成而歸其他赴告咸復於素一以誠告君儻聞乎嗚呼痛哉君為己矣子為苟生何以言別長號數聲冀乎異日展我哀誠嗚呼痛哉尚饗

為鄂州李大夫祭柳員外文

嗚呼至人以在生為傳舍以軒冕為儻來達於理者未嘗惑此昔子與君論之詳熟孔氏四科罕能相備惟公特立秀出幾於全器才之何豐運之何否大川未濟乃失巨艦長途始半而喪良驥縉紳之倫孰不墮淚昔者與君交臂相得一言一笑未始有極馳聲日下驚名天衢射策差池高科齊驅攜手書殿分曹藍曲心志諧同追歡相續或秋月銜觴或春日馳轂旬服載暮同并憲

劉外集十

六

府察視之列斯焉接武君遷外郎子侍內闈出處雖閒音塵不虧勢變時移遭罹多故中復賜環上京良遇曾不逾月君又卽路遠持郡符柳江之壻居陋行道疲人歌焉子來夏口忽復三年離索則久音既屢傳篋盈草棘架滿文篇鍾索繼美班揚差肩賈誼賦鵬屈原問天自古有死奚論後先痛君未老美志莫宣遭迴世路奄忽下泉嗚呼哀哉令妻早謝稚子四歲天喪斯文而君永逝翩翩丹旆來自遐裔聞君旅櫬既及岳陽寢門一慟貫裂衷腸執紼禮乖出疆路阻故人莫觴莫克親舉馳神假夢冀獲寤語平生密懷願君遺吐遺孤之才與不才敢同己子之相許嗚呼哀哉尚饗

祭韓吏部文

高山無窮太華削成人文無窮夫子挺生典訓為徒百家抗行當時勦者皆出其下古人中求為敵蓋寡貞元之中帝鼓薰琴奕奕金馬文章如林君自幽谷升於高岑鸞鳳一鳴蜩蟬革音手持文柄高視寰海權衡低昂瞻我所在三十餘年聲名塞天公鼎侯碑志隨表阡一字之價輦金如山權豪來侮人虎我鼠然諾洞開人金我灰親親舊尚丹其壽考天人之學可與論道二者不至至者其誰豈天與人好惡背馳昔遇夫子聰明勇奮常操利刃開我混沌子長在筆子長在論持子舉楯卒不能困時惟子厚竄言其間贊詞愉愉顏顏磅礪

劉外集一

七

上下義農以還會於有極服之言 逸數字

岐山威鳳不復鳴華亭別鶴中夜驚畏簡書兮拘印綬思臨慟兮志莫就生芻一束酒一杯故人故人散此來祭興元李司空文

維太和四年月日禮部郎中集賢殿直學士劉禹錫謹以清酌之奠敬祭於故相國山南西道節度使贈司空李公之靈嗚呼龜靈而刳龍智而屠古今同之天不可呼公之挺生德與位并如瞻日月豈贊其明何以致之始話平生追懷周旋彌四十年射策校文接武聯翩旬服同邑明庭比肩公乘迅颯凌厲非煙愚觸駭機迸落深泉一持化權一謫海壖本同末異如矢別弦雲龍井

蛙勢不相見二紀迴泊一朝會面公為故相愚似悲翁契闊相遇淒涼萬重復以郎吏交歡上公披襟道舊劇談中酒清洛泛舟鑿龍攜手公西入關愚亦徵還削去苛禮招邀清閒廣陌聯鑣高臺看山尋春適野醉舞花閒忽復登壇總戎於外子午危棧巴梁古岸夷風信備壤俗惶害陰謀密備兇黨千輩如喉羣犬以逼騶虞如縱炎火以焚瑾瑜時耶命耶不慮不圖物理神道安知有無嗚呼痛哉(玄)天甚高上訴何時長夜無曉斯焉永歸風淒日昏鼓咽簫悲沈埋玉樹誰不霑衣平生故人零落已稀委化而盡然猶怨咨如何國楨有此遭罹挺災賦命孰主張之有肴在筵有酒盈厄神其來歆已矣

劉外集十

八

長辭尚饗

代表相公祭李司空文

四年月日特進守司空兼門下侍郎平章事裴度謹以清酌少牢之奠敬祭於故相國魏郡公之靈嗚呼玉貞而折不能瓦合鸞殿而萎不同雞羣生兮若浮守道不屈惟公之生福自維嵩金石高韻珪璋德容元和之初左右憲宗以才視草以望登庸振起直聲激揚清風實有正氣號為名公名成身退猶係人望入為羽儀出領藩方既師百辟又副丞相道冠摺紳事參翼亮某與公遊四十餘年風期合契祿位相先某忝司言公持化權應同宮徵馥若蘭荃猥以姓名稱於上前發迹從微芳

結廬朱氏廢餘叢書

□獲宣某為免相待罪梁山公拜右揆來從東川極其
歡娛著在詩篇某忝三入公亦東還里門相適賓閣常
閒退朝休澣道舊開顏嗟乎山川閒之忽在旦夕豈意
倉卒遂成今昔衣冠喪氣風物含戚強魂訴天冤血成
碧嗚呼哀哉某在病中計書始至無力以哭不言垂淚
今聞祔輅首路而歸隱几臨風其心孔悲嘉肴百籩旨
酒一卮寄此情素神其來思嗚呼哀哉

代諸郎中祭王相國文

維太和四年月日某官等敬祭於故相國贈太尉太原
王公之靈嗚呼天以和氣鍾於貴人含光不曜煦物如
春發自貢士驟為庭臣鴻雁聯行其凌青雲既操利權

劉外集十

九

兼秉國鈞食祿甚厚奉身如貧井絡之隅益部為大斗
牛之下揚州繁會受社臨戎油幢曲蓋印綬重疊恩華
滂霈簿領如山處之若閒摧筦之權往而復還炎熾暉
暉出入二紀未曾傷物屢有薦士急難友弟謹厚訓子
顏閒熙熙不形愠喜處己無咎得君如此若木方高商
颯歎起三台之氣變現在時五福之來盛衰有期曉下
黃閣車騎威遲夕歸華堂言笑喜怡詰朝愀然有志求
醫未撤琴瑟俄懸素旂宸衷哀悼朝右悽悲詔下褒崇
恩殊等夷靈輜既駕真宅將歸笳簫咽而復揚風日慘
而無輝(玄)亮等或早挹清塵或晚承汎愛昔脩禮於門
闔今纏悲於祖載幽顯雖異音徽未昧神之格思歆此

誠酌尚饗

祭福建桂尚書文

維大和六年月日蘇州刺史劉禹錫謹以清酌之奠敬
祭於故福建團練使桂公之靈嗚呼化鵬征孽波冲天士
逢其時捨笈乘軒始識尚書貞元季年詣我南省袖文
一編便座接語其容温然星歲未幾鄙夫南遷滯留江
湘魚鳥周旋尚書遇知變化如蟬乘憲朝右剖符江壩
交趾化行容州續宣凡曰循吏莫居我先太和之初再
遂良觀分務東洛門里同陌子復郎位公為賓客蔚然
貴臣綬紫鬚白俄俱西還列於清班來訪書殿登樓看
山見領八屯循街九關賀遷閩越紅旆雙般克有淑聲
播神之間俾菱鼓舞強悍低跽延平古津峭壁孱顏豈
意龍劍沈晶不還復魄侯堂歸舟建浦雙表何在虎邱
之下恭承嘉命來牧吾土言念昔遊忽成千古哀哀孝
嗣率禮無違言奉几席歸乎洛師敬陳奠筵泣對靈帷
平生不忘歆此一卮嗚呼哀哉

祭虢州楊庶子文

維大和六年月日蘇州刺史劉禹錫謹遣軍吏某乙具
少牢清酌之奠敬祭於故虢州楊公之靈嗚呼利劍多
缺真玉喜折俊人不壽為氣所齧子之少孤率性自然
早有名字結交世賢席勢馳聲龍秋鳴山試文再售毛
翻愈鮮歷佐侯藩拾遺君前伏問論事侵□內權克揚

結廬朱氏廢餘叢書

直聲不慍左遷一斥於外君門邈然五剖竹符皆有聲
績南湘潛化巴人啞啞比陽布和戰地盡闢壽春武斷
姦吏奪魄榮波砥平士庶同適朝典陟明俾臨本州錫
以貴綬腰金書遊輿疾而來風煙爲愁靜治三載臥分
主憂直氣潛銷頹几不留九天難問萬化同休嗚呼惜
哉與君交歡已過三紀維私之愛與眾無比乃命長嗣
爲君半子誰無外姻君實知己昔與□遊俱爲壯年怒
人言命笑人言天閱事未多信書太堅方階尺木已墜
九泉誦易年深潛■病難痊不見南楚方知北軒嗚呼
嗟哉見幾不早追悔已晚猶希耆老容或宣展以聞相
期以晦相勉一邱可樂萬累皆遣翫圖散帙婆娑京輦

劉外集十

十一

天命不長願言莫展嗚呼痛哉君臥宏農子來姑蘇飛
書要約言念鼎湖我車載脂爲子疾驅入境闕寂唯逢
素書發函驚視翰不自濡相去一舍豈無肩輿君爲病
嬰我爲吏拘兩不如意嗟哉命夫君今往矣無復可道
我今泛然一委(之)造平生親友零落太早無望拔茅盡
悲宿草到郡浹辰君不起聞寢門一慟□哀如焚彭彭
轉車來葬洛濱敬脩賻禮泣送行人萬夫之羞薦君明
魂三赤之版寫予哀文淒涼山河慘淡風雲已矣長別
嗟哉楊君

劉賓客外集卷第十

右劉賓客文集三十卷外集十卷 四庫著錄禹錫唐書有傳官終於太子賓客分司故署曰賓客集又居中
山無極故又名中山集是集四十卷宋初佚其十卷宋
次道哀其遺詩四百七篇雜文二十二首為外集然未
必皆十卷所遺也明萬曆二年刊雜文二十卷書十卷
名中山集黎民表序民表嘉靖末廣東參將為古田墮所殺書亦罕見常
熟瞿氏藏宋刻殘本每半葉十二行行二十一字歸安
陸氏藏述古堂影宋鈔本每半葉十行每行二十字大
抵宋時有此兩刻此朱子涵舊藏明藍格鈔本十行行
二十字與陸氏書目合原出宋本無疑外集十卷世罕
流傳有以正集詩文偽充者甲辰冬在蘇州書賈以味

跋

書室鈔外集亦十行行二十字求售鈔手極舊以重值
得之可為子涵配全亦一快事集中為人作集序皆作
集紀豈亦為家諱如東坡之改序作敘耶外集有經東
都安國觀九仙公主舊院詩結語武皇曾駐驛親問主
人翁方蕉軒濬師以武皇為武宗攷王建集亦有九仙
公主舊莊詩杜紫綸謂唐公主無九仙之名惟方伎
傳玄宗時有夜光者因九仙公主召見温泉攷東都安
國觀為太平公主宅武皇意指玄宗李義山詩武皇內
宗九仙公主或即太平公主之別號決非武宗之女也
文中用字新穎如連州刺史廳壁記不足庚其責庚作
償字用與禮記請庚之注合武陵北亭記是日還也還

作反字用與小雅爾還而入必易也之注合蘇州冊賀
皇太子箋以貞九圍用華陽國志平齊行魯人皆科帶
弓箭科作分派解外集可憐玉馬風流地用庾信詩還
如驅玉馬與金貂對他書作五馬誤惟卷二十五有與
歌者米嘉榮云唱得涼州意外聲舊人惟有米嘉榮近
來時世輕先輩好染頰須事後生外集卷八亦有一絕
云一別嘉榮三十載忽聞舊曲尚依然如今世俗輕前
輩好染髭鬚事少年與正集彷彿而韻不同昔人所謂
有未定之稿有通用之稿編輯時求益遂兩收之不得
謂之復近時畿輔叢書亦刊正集所據之本為荃孫所
藏中山集似從明刻鈔出書首有錢竹汀印王氏又據

跋

全唐文校改殊失古意不如此本遠矣光緒丙午元夕
江陰繆荃孫撰

文
標
集

子發諱肇姓盧氏宜春人子發字也唐武宗會昌三年以詞賦魁天下仕至集賢院學士歙州刺史歿後三百年郡人許衷集其遺文傳百篇目曰文標集傳筆日久序存而集亡文粹所載海潮賦漢隄詩新興寺碑銘上王僕射書四篇而已其餘如通屈賦注大統賦志在藝文者學者亦罕見之自建中靖康辛巳迄紹興庚辰又六十年矣會建安邵公來守是邦崇鄉化以厚風俗謂宗說蒐綴闕文子職也既授以雲臺編廣其傳又俾求子發遺著得古律詩二十六篇於劉松宜陽集得閱城碑震山記於古廟嵌巖中得

文標集序

豫章叢書

劍贊於清江玉虛觀合賦序圖狀四十有二篇分爲上中下三卷名從其初序從其舊附以成應元舉榜祖擇之梅聖俞諸公盧石題詠鏤木於郡庠以貽永久又論其出處之大樂而尾諸集焉子發少貧篤志好學器識宏邁而濟之以瑰奇拔出之才故其爲文馳騁上下偉麗可觀自長慶以來雖善鳴者罕有其比當時達官宿儒皆推重之然最爲相國李衛公所知當衛公再主魁柄炙手可熱子發廷試第一稍自求顯何爵不縻而乃韜晦州縣屢從外辟未嘗奔走於形勢之途迨咸通初通籍金闈出任牧守獻賦進

狀結知九重雖其遇於命者不至於大用然比於阿附而得富貴至於失勢頓挫一跌而不振者蓋有間矣則子發雖久窮亦何恨哉今郡之南修仁鄉有盧狀元書堂遺址存焉而東湖之石氣勢凌厲見者豁然有昂霄聳壑之志詩云高山仰止景行行止此邦學者不志於古人則已儻有志焉舍子發其誰與歸宋紹興庚辰袁州教授南城童宗說序

文標集序

二

唐 袁州 盧肇 子發

海潮賦 并序

夫潮之生因乎日也其盈其虛繫乎月也古君子所未究之理將爲之辭猶憚夫有所未通者故先序以盡之肇如窺堯典見歷象日月以定四時乃知聖人之心蓋行乎渾天矣渾天之法著陰陽之運不差陰陽之運不差萬物之理皆得萬物之理皆得其海潮之出入欲不盡著將安適乎近代言潮者皆驗其

文標集卷上

一 孫章叢書

及時而絕過朔乃與月弦乃小贏月望乃大至以爲水爲陰類牽於月而高下隨之也遂爲濤志定其朝夕以爲萬古之式莫之逾也殊不知月之與海同物也物之同能相激乎易曰天地睽而其事同也男女睽而其志通也夫物之形相睽而後震動焉生植焉譬猶烹飪置水盈鼎而不爨之欲望膳羞之熟成五味之美其可得乎潮亦然也天之行健晝夜復焉日傳於天天右旋入海而日隨之日之至也水其可以附之乎故因其灼激而退

焉退於彼盈於此則潮之往來不足怪也其小大之期則制之於月大小不常必有遲有速盈虧之勢與日月同體何以然日月合朔之際則潮始微絕以其至陰之物遁於至陽是以陽之威不得肆焉陰之輝不得明焉陰陽敵故無進無退無進無退乃適平焉是以月之與潮皆隱乎晦此潮生之實驗也其胸其眺則潮亦隨之乃知日激水而潮生月離日而潮大斯不刊之理也古之人或以日如平地執燭遠則不見何其謬乎夫日之入海

文標集卷上

二

其必然之理乎且自朔之後月入不盡晝常見焉以至於晦見於晝者未嘗有光必待日入於海隔以映之受光多少隨日遠近則光少遠則光多至近則甚虧至遠則大滿此理又足證夫日至於海水退於潮尤較然也肇適得其旨以潮之理未始見於經籍間以類言之猶乾坤立則易行乎其中易行乎其中則物有象焉物有象而後有辭此聖人之教也肇觀乎日月之運乃識海潮之道識海潮

之道亦欲推潮之象得其象亦欲爲之辭非
敢荷於學者蓋欲請示千萬祀知聖代有苦
心之士如攀者焉賦曰

開園靈於混沌包四極以永貞立天道施至陽之元精
也謂日作寒暑與晦明載穹崇以高步涉浩濛而下征

迴龜鳥於兩至冬至日在南斗元武之體故云龜會

不愆乎度程其出也天光來而氣曙其入也海水退

而潮生何古人之守惑謂茲濤之不測安有乎虞泉

之鄉沃焦之域棲悲谷以成暝浴濛泥而改色巨鱗

隱見以作規介人呼吸而爲式陽侯玩威於鬼工伍

文標集卷上

三

胥洩怒乎忠力是以納人於龔昧遺羞乎後代會未
知海潮之生今自日而太陰裁其小大也今將考之
以不惑之理著之於不刊之辭陳其本則晝夜之運
可見其影響言其微則朔望之候不爽乎毫釐豈不
謂乎有耳目之疾而燿將判乎神醫者也粵若太極
分陰分陽陽爲日故節之以分至啟閉陰爲水故霏
之以雨露雪霜雖至曠而可見雖至大而可量豈謂
居其中而不察乎渺漠亡其外而不考其茫洋者哉
故水者陰之母日者陽之祖陽不下而昏曉之望不
得成陰不升而雲雨之施不得覩因上下之交泰識

洪濤之所鼓胡爲乎歷象取其枝葉而迷其本根也
策其涓滴而喪其泉源也諸家不言及海潮之由也於是欲扶其

所迷而論之採其所長而存之光乎廓乎汨磅礴乎

差溲溲之無際曷鴻濛而可以盡度乎乃知夫言潮

之初心遊六虛索蛇蜿蜒乎乾龍駕軫輻乎坤輿知六

合之外洪波無所洩但隨二至升降而已識四海之內至精有

所儲元氣常運萬物自成不然何以使百川赴之而不溢萬古

揆之而靡餘也是乃察乎濤之所由生也駭乎哉彼

其爲廣也視之而盪盪矣彼其爲壯也欲乎其沉沈

矣其增其贏其難爲狀矣當夫巨浸所稽視無巔倪

文標集卷上

四

洶湧瀆洞窮東極西浮厚地也體定謂地浮於水

圓天而勢齊謂陰陽上下謂無物可以激其至大故

有識而皆迷及其碧落右轉陽精西入始作抗雄威

之獨燥卻眾柔之繁淫高浪瀑以旁飛駭水洶而外

集乖細碎以霧散屹奔騰以山立巨泡邱浮而迭起

飛沫電凝以驚急且其日之爲體也若熾堅金圍徑

千里周髀法曰日徑千里周三千里土石去之稍適而必焚魚龍就

之雖遠而皆靡何海水之能逼而不澎溲溲滑以四

起故其所以凌鏖其所以薄激者莫不魄落焯鏖如

爨巨鏤絕今不可探乎流流之內呀焉若天地之有

猷嚮其始也漏光逆射虹截禽縣拂長庚而尙隱帶
餘霞而未殘一作其漸沒豹反今若后羿之時平
林載馳驅驅虎與兕象躡千熊及萬熊呀偃蹇而矍
矍忽劃礫而蓄此何龍意其反齒露其少進也若兆
人續粉填城溢郭蹄相蹂蹙轂相摩錯闔闔澶漫凌
強侮弱候皇輿之前蹕孰不奔走而揮霍及其勢之
將極也浩兮若牧野之師昆陽之眾定尼不得駭然
來奔騰千壓萬蹴搏沸亂雄稜後闕揣勢前判懾仁
兵而自僵條谷呀而獻斷若此者皆海濤過日之形
聞者可以識其畔岸也賦未畢有知元先生諷之曰

文標集卷上

五

斯義也古人未言吾將輝乎文墨之場以貽永久爲
天下稱揚爰有博聞之士駭潮之義始肝衡而抵掌
俄類虛禁反齟而愕踞學衣下席蹈足掀臂將徵致詰
領畫天地久之而乃謂先生曰伊潮之源先賢未言
枚乘循淫而止記其極木華指近而未考其根焉有
末學後塵遠荒唐而敢論先生矍然而疑乃因其後
推車捧席執音渠乾雅也儀禮士相伺顏言之少
間請見徵之所如客乃曰人所不知而不言不謂之
訥人所未識而不道不謂之愚彼亦何敢擅談天之
美幹究地之輪指溢漭之難悟欲盡聽於羣儒今將

盡索乎彼潮之正理何得與日月而相符且大章所
步大章禹臣禹使東西有極脊成叩元陰陽已測容
黃帝臣帝陽秀受乎江政元溟佐乎水德莫不窮海
遺造歷日陽秀受乎江政元溟佐乎水德莫不窮海
運稽日域及周公之爲政也則土圭致晷謂量日影
也一寸周髀作則即勾股算法周人以髀爲勾以神龜
窮精乎天象神龜鄭大夫善知天文者子雲贊數於幽默揚雄作
分八十一首七百二十九張衡考動以鑄儀謂地
贊以定陰陽之數者也謂作乙巳占以儀彼皆凝神於經緯
風述時而建式謂作乙巳占以儀之間極思乎圓方之壺故不立一辭於茲潮以明乎
繫日之根本也先生苟奇之胡不思之先生將賣之

文標集卷上

六

胡不考之自此以下發十四問苟由日升當若準若繩何春夏
差小問其一而秋之勃興其二其逾朔也當少進何違
激而斗增其三問初二其過望也當少退何積日而
憑陵其四問既隨日勢十晝何常徵其五夜何常大
較其六問潮比晝勢何錢塘洶然以獨超殊百川之進
退其七問何仲秋忽爾而自興異三時之滂霈其八日
之赫焉猶火之烈火至水中其威乃絕入洪溟以深
漬何日光而不滅其九問潮之往來既云因日日惟一
沈潮何再出其十問萬流之多匪江匪河發自畎澮往
成天波終古不極濫沉四國何成彼潮而大小一式

其十為湖之外水歸何域十二又云水實浮地在海

之心日潛其下而逢彼太陰且其土厚石重山峻川

深投塊置水靡有不沈豈同其芥葉而泛以蹄泮翳

塊北之至大河水力之能任十三吾聞之天地噫十四豈由日月之

氣有吸有呼晝夜成候潮乃不踰十四豈由日月之

所運作誇誕以相誣者哉先生閱賦之初深通厥旨

及聞客論忻然啟齒於是謂客徐坐善聽厥辭蓋聞

南越無須冰之禮鄭人有市璞之嘆常枉桔於獨見

終沉溺於羣疑既別白而不悟爰提耳而告之然事

有至理無爭無勝猶權衡之在懸審錙銖而必應稽

海潮之奧旨諒予心之足證當為子窮幽而洞冥豈

止於揆物而稱哉夫日北而燠陽生於復上復將

論日之升降陰陽之大體故離南斗而景長冬至後

復周易復姤二卦以明之也日漸近

北故景漸長日漸近邇中都而夜促當是時也氣蒸川源

進二度故也漸近潤歸草木既作雲而洩雨乃襄陵而溢谷魚龍發拆

於胎卵鳥獸含滋於孕育且水生之數一而得土之

數六不測者雖能作於溟渤苟窮之當無美於升掬

其散也為萬物之腴其聚也歸四海之腹歸則視之

而有餘散則察之而不足春夏當氣散之時故潮差

而小也答第及其日南而涼陰生於姤巽下乾退

文標集卷上

七

東井而延夕夏至後日漸近遠神州而滅晝當是時

也草木辭榮風霜入候水泉閉而上澗滋液歸而下

澆瘁萬物以如燔空大澤而若漏縮於此者盈於彼

諒吾理之非謬秋冬當氣聚之時故潮差而大也答

二兩曜之形大小唯敵既當朔以制威陽雖盛而難

迫其離若爭其合如擊始交綏而並合朔之次并

比乎交終摩壘而先釋月行疾合朔乃過無物喻之故

水凝其液既冒威於一朝信畜怒乎再夕且潮之所

時者月所畏者日月違日以漸迆水畏威而乃溢亦

猶羣后納職來筮王門獲命以出望宁而奔引百僚

而盡退何一跡之敢存此潮象之所以逾朔二日而

斗增也答第黃道所遵遐邇已均肆極陽而不礙故

積水而皆振自朔而退載生魄之後左退為順式自

望而進自望之後在日之進為干德稍稍近日若伊

坎精之既全將就晦而見逼勢由望而積壯故信宿

而乃極此潮之所以後望二日而方盛也答第自曉

至昏潮終復始陽光一潛水腹逆起復來中州逾八

萬里周天法一面其勢涵澹無物能弭周天法一面

千一百九十分晝於戌作夜於子子前為早潮子後

為早潮亥子之前日下而陰滋子之後日上而陽隨

後為晚潮

文標集卷上

八

滋於陰者故鑠之於水而不能甚振隨於陽者故迨之為潮而莫肯少衰此潮之所以夜大而晝稍微也

答第五 第六問嘗信彼東遊亦聞其揆賦之者究物理盡人謀水無遠而不識地無大而不搜觀古者立名而可

驗何天之造物而難籌且浙者折也蓋取其潮出海

屈折而倒流也夫其地形也則右蟠吳而大江罩其

腹左挾越而巨澤灌其喉獨茲水也夾羣山而遠入

射一帶而中投夫潮以平來百川皆就浙入既深激

而為闢此一覽而可知又何索於詳究答第七問羣陰既

歸水與天違當宵分之際謂入月也遂至烈之輝因圓光

文標集卷上

九

之既對引大海以羣飛大元經云夫秋之中而陰盛海水羣飛

亦猶春之半而陽肥事荷稽於已著理必辨於猶微

故濟生於八月之望者尤岌岌而巍巍也答第八問萬物

之中分日之熱謂三才之中含有火也叩琢鑽研其火乃烈吹

壅得焰傳薪就熱附於堅則難銷焚於稿則易絕所

依無定遇水乃滅太陽之精火非其匹至威無焰至

精有質入四海而水不敢濡照八紘而物莫能屈就

之者咸得其光輝仰之者不知其何物其體若是豈

比夫寒灰死炭遇溼而同漂汨哉答第九問方輿之下陽

祖所廻歷亥子而右盛逾丑寅而左來右激之遠兮

遠為潮左激之遠兮遠為汐既因月而大小成亦隨

時而前後隔此日之所以一沈而潮之所以兩析也

答第十問天地一氣也陰陽一致也其虛其盈隨日之經

界寒暑之二道將無差於萬輪故小大可式而乾坤

永宣也答第十問若夫雲者雨者風者霧者為雪為霜

者為雹為露者雷之所鼓者龍之所赴者羣生之所

賦者萬物之所附者彼皆與日而推移所以就其衰

而成其茂也然後九圍無餘而萬流為之長輔答第十二問

談未竟客又勦而言曰若乃寒暑定而風雨均也

吾聞之洪範云豫常煥急常寒狂乃陰雨為沴僭則

文標集卷上

十

陽氣來于苟日月之躔一定又何遠於王政之大端

彼有後問姑紆前言夫三才者其德之必同天以陽

為主地以陰為宗參二儀之道在一人之躬一人行

之三才皆協德順時則雨霽均行逾常則凶荒接僭

慢所以犯陽德也故曠厄莫之哀狂急所以犯陰德

也故離畢為之災此則為政之所致非可以常度而

馴裁也容曰唯其餘如何復從而解之曰惟坤與乾

予嘗突焉清者浮於上濁者積於淵濁以萬物為德

清以不極為元載物者以積鹵負其大鹵鹹水也所以能浮厚地

也不極者以上規奠其圖北辰不動謂故知鹵不積

則其地不能載元不運則其氣無以宣夫如是山嶽雖大地載之而不知其重華夷雖廣函承之而不知其然也氣之輕者其升乃高故積雲如嶽不駐鴻毛輕而清也而物莫能勞及其干霄勢窮蹶然下墜謂雨隨坳壑而虛受任賦滄之疏瀆著則重也故舟楫可以浮寄至夫離九天煙九地作重陰之膠固自堅冰以馴致固可以乘鴻溟以自安受萬有而不圯者也聽茲言較茲道定一陽之所宗何眾理之難考且合昏知暮而翰音司晨安有懷五帝之美豫率土之濱苟無諒乎此旨亦何足齒於吾人

文標集卷上

十一

地之中元氣噫音億噫為夕為朝且登且沒泛辭波而甚雄處童蒙而未發孰觀地喙乎深泉之涯孰指天吭乎巨海之窟既無究於茲源寧有因其呼吸而騰勃者哉答第十客謝曰辭既已矣欲入壺奧願申一問先生幸以所聞教之嘗居海裔觀潮之勢或久往而方來或合沓而相際曷并互之若斯今幸指乎所制先生撰屢旁眇亦窮其變吾因訊夫墨客當大索其所見彼亦告於予曰日往月來氣迴天轉其激也大則體盛而相疎其作也小則勢接而相踐惟體勢之可準故合沓而有美其何怪焉客乃踞軀欵色交

袂而辭彼圓元方頤古惑今疑歎載籍之不具恨象數之尙遺方盡述於闡域非先生親得於學者而孰肯論之於是乎若卵判鷄生鼓擊聲隨雷電至而幽蟄起蛟龍升而雲雨滋形開夢去醒至醒離既手之舞之足之蹈之乃避席而稱詩為賀庶知元先生之辭辭曰

噫哉古人迷潮源兮列編獻翰曾未言兮羅虛列怪無藩垣兮名儒幽討理可尊兮高駕日域窺天門兮薄疑一釋承立言兮若和與扁祛吾惜兮昔之論者何其繁兮意摩心揣祇為謹兮陰陽數定水長存兮

文標集卷上

十二

進退與日遊混元兮一升一降兮寒暑成下凝濁兮上浮清隨盈任縮兮浮四溟釜鑄蒸爨兮擬厥形願揚此辭兮顯為經高誇百氏兮貽億齡先生曰彼能賦之子能演之非文鋒之破鏞何以解乎羣疑客乃酣然自得油然而退也

海潮圖 并序

夫以璿樞顯視周四七而成文玉瑄潛聆載十二而分統肇有憑翼生乎象先雖迷放屬之源終識跋履之數是以迎推洞乎三合分至貞乎四禽既測洪荒瞭分清濁於是九圍

所沓必揆於靈臺萬古無差可徵於幽贊且
形車白馬先命羲和紫極黃龍次分甘石雖
東流不溢天命猶疑而北戶承陽地維何隱
稽夫儒氏之業也莫不咸思蟻轉盡愧鷄如
安可命曰三靈或迷其一大愚以始聞方數
則揆元黃亦嘗以大寶酬嘲敢云早慧既不
用蛤膠習戲自鄙童心及竊譽里中拘塵長
者執經堂與避席嚴師自悟牖間媿非胡廣
頻依廡下虛感伯通而日月居諸槐榆屢改
管窺之心妄切替史之學難修而又爛額焦

文標集卷上

十三

頭方思馬褐捉襟見肘久困牛衣颯垂領以
若鷺顧生辨而增歎信天人之際難可究思
考經緯之文因有宗旨竊以海潮之事代或
迷之今於賦中盡決疑滯輒依洛下閔張平
子何承天等以渾天爲法水與地居其半日
月繞乎其下以證夫激而成潮之理並納華
夷郡國環以二十八宿黃道所交及立北極
爲上規南極爲下規以證乎日月之所由升
降其理昭然可辨謂之潮圖施諸粉牘庶將
無關編瑩囊之已久撫魚網而多慚敢避謙

者之譏固受不知之罪云爾

日至海成潮入圖法

八月之望日在翼軫之間此時潮最大今立此望之
夕日入初於時在戌見潮初生之候

渾天載地及水法

地浮於水天在水外天道右轉七政左旋日入則晚
潮激於左日出則早潮激於右潮之大小則隨於月
月近則小月遠則大

右此賦中具論之矣

新定海潮集解渾天古今正法圖

文標集卷上

十四

自古說天有六一曰渾天張衡二曰蓋天周髀以三

宣天無師法四曰安天虞喜五曰昕天姚信六曰穹

天虞聳作自蓋天以下並好奇狗異之

說非至說也故先儒亦不重其術也

右今撰賦及圖定取渾天爲法其盾立渾天之術

自有張平子始言天地狀如鷄子天包於地周旋

無端其形渾渾故曰渾天也

渾天法

晉葛洪謂天形如鷄子地如鷄子之黃周天三百六

十五度四分度之一半覆地上半繞地下二十八宿

半隱半見宋何承天云迺觀渾儀研求天意乃悟天

形正圓水居其半中高外卑水周其下梁祖暉云渾天之形內圓如彈丸其半出地上半隱地下

右今撰圖正用此法但諸家皆言天形而未知日之激水而成潮也

又案周易離為日坤為地日出地上於卦在晉☲日入地下卦為明夷☷乾為天坎為水天左旋入水為夕則天在大下於卦為膏☲天右旋昇出為朝於卦在訟☱又離為日坎為水日出水上卦為未濟☵濟之言涉也日東出而未西涉此其象也日入水平卦為既濟☵言日右隨天入已涉於海則周易之象其

文標集卷上

十五

事較然

右今撰潮圖探於周易合乎渾天推於爻象故賦

指復姤二卦以定陰陽

言不及渾天而乖誕者凡五家

莊子逍遙元中記王仲任論衡言日不山經釋氏並

無證驗不可突尋王仲任徒肆談天失之極遠桓君

山攻之已破此不復云莊生則假物為喻以論真宗而學者多誤故列之為難信之言元中山經一無可

取釋氏俱舍乃自立心法非可以表測而度量也

又案吳王蕃法云子因周禮鄭眾鄭元之言用勾股

之術以求天之理數夏至之日以八尺之表求暑於

陽城表南得影一尺五寸南至日南下無影則日南

去陽城一萬五千里立八十而旁十五則日高八萬

里日南邪去以勾股法得八萬一千三百九十四里

有奇蓋天頂至地之數也倍之得十六萬二千七百

八十八里有奇即天徑之數也以周徑之法乘得五

十一萬三千六百八十七里有奇即周天之數也肇

始學渾天法於度支推官監察御史太原王軒軒以

王蕃之術授焉自後因演而成圖既知夫天地之薄

厚則日月之行寒暑之候皆由自得之遂用覃思一本

文標集卷上

十六

覃思下有冥稽萬流之昇降果見潮生之候由是博

考羣言以證遇晦而自得之旨無所疑焉

渾儀之制

渾儀法肇得自虞舜以璇璣玉衡以齊七政鄭康成

云其轉運者為璣其止息者為衡皆玉為之七政者

日月五星也則渾儀之本晉侍中劉智云顧瑱造渾

儀黃帝為蓋天則此二器皆古聖王之制作也但學

者失其用耳說者乃云始自張衡今考其事張乃巧

述其法而揆之非始造者也虞喜又云洛下閎為漢

武帝於地中轉渾天定時修太初歷又知此術在張

平子前也後漢左中郎將賈逵以永元十五年造黃
道渾儀張衡以延熹七年更造銅儀以四分爲度於
密室中以滿水轉之令伺者閉戶而唱以告司天者
云璇璣所加某星已中某星今沒皆如合符契其後
吳王蕃修之如陸績及後魏太史令晁崇隋河間劉
焯皆修渾儀之法李淳風因爲遊儀蓋與靈憲同也
右以物象天謂之渾儀則日月四海在渾儀之內
日月盈縮之度可察而獨迷潮水生來之候豈古
人未之思肇祇於此術究而得之不爲怪誕無據
之說猶恐時之學者尙有所疑故以著之

唐 袁州 盧肇 子發

進海潮賦狀

右臣伏聞神農立極先定乾坤軒后統天始宏厯象
蓋以大聖有作而大法乃明必自臣子之所為克成
君父之至德只如陳韶奏夏允諧聖帝之首而伐鼓
鏗鐘元在工人之手業雖成於微賤事乃表於皇王
臣今所陳竊用此道伏惟睿文明聖孝德皇帝陛下
德邁伊媯道包覆載垂衣而九有無外執契而萬國
來庭日月貞明天地交泰珍圖瑞物允膺得一之符

文標集卷中

一 豫章叢書

伯益皋繇共作千年之聖臣極陋賤亦忝方州而微
臣始自知書志在稽古或觀天地之道得於經史之
間既察置圭亦聞測管究黃鐘於玉律窺碧落於瓊
樞伏念司馬遷則書載天官張平子則儀鈞動地臣
仰遵前哲極撰圖虛偶識海潮深符易象理皆摭實
事盡揣摩既當鳳紀之朝願陳蠡測之見臣孽誠惶
誠恐稽首頓首臣又聞天垂象而六合成道生一而
三才具皆由日月運乎陰陽是謂神明分乎晝夜伏
知此道盡在陛下睿鑒之中故不俟微臣因此別白
然自古以來莫不以地厚難測日既入而人不見其

行海大無涯潮潛生而人不知其候上古聖人則之
於八卦學者演之成六家而有講論未明根本不圖
天垂大法假乎微臣獲在聖朝彰此愚見臣門地衰
薄生長江湖志在為儒弱不好弄研求近代寒苦莫
甚於斯臣伏念為業之初家空四壁夜無脂燭則燕
薪蘇睡恨冥頑亦嘗懸刺在名場則最為孤立於多
士則時負獨知累竊皇恩遽變白屋臣於會昌三年
應進士舉故山南節度使同中書門下平章事王起
擢臣為進士狀頭筮仕之初故鄂岳節度使盧商自
中書出鎮辟臣為從事自後故江陵節度使贈太尉

文標集卷中

二

裴休故太原節度使贈左僕射盧簡求皆將相重臣
知臣苦心謂臣子立全無親黨不自吹嘘悉賞微才
奏署門吏臣前年二月蒙恩自潼關防禦判官除祕
書省著作郎其年八月又蒙恩除倉部員外郎充集
賢院直學士去年五月又蒙恩除歙州刺史臣謹行
陛下法令常懼慙違理郡周星未有政績潛被百姓
詰闕以臣粗事緝理求欲留臣奉七月二十二日勅
又蒙聖恩賜臣金紫臣素無強近之援不異草澤之
人忽荷寵光及此叨忝臣不以生平志業上奏於宸
慈實懼犬馬之微忽先於溝壑則臣積年無所闡揚

非惟自負片心實亦上辜聖代是敢竊以所撰前件
潮賦并圖進上臣爲此賦以二十餘年前後詳參實
符象數願以潢汙之水輒赴溟渤之流而雕蟲所爲
刻鵠難自塵冒天聽罪當鼎鑊今差軍事押衙盧師
洎隨狀奉進上蹟宸嚴敢期睿覽臣幸無任惶懼戰
越屏營之至謹錄奏以聞伏俟誅責

天河賦 以空際瀛色窺見浮槎爲韻

惟天有河是生水德凌浩渺之元氣挂崢嶸之遠色
所以正辰極奠南北其清莫挹濯星斗以滋上元一作
其惡可流蕩雲霓以臨下國赫赫融融自西自東

文標集卷中

三

沿天象而其源不竭橫終古而其運無窮磅礴九霄
浸潤豈沾乎土宇輕清一氣波瀾窺動於天風匪湯
湯而就下但耿耿而浮空處晝則潛由昏則見俟良
夜之延矚故高明而自擅光連月窟何慙媚以懷珠
影照天津豈愧淨而如練至若白榆風勁析木烟秋
吹玉葉而將落泛金波而共流皎晶無際闌干自浮
渡蟾魄之孤輪不聞濡軌漲鵲橋之遠岸詎見操舟
莫議一作淺一作深孰能揭厲演漾必滋於若木氤
氳更襲乎丹桂映蒼山一作天而漸出想積石於河源
拂遠樹以將低誤一葦於天際遙思濯手遠憶乘槎

流合璧之輝幾疑沉玉映散金之氣或類披沙辨牛
豈見其津浹聞雞邊隱於雲霞是宜以河之名居天
之下一一作閻道虹一作蛇橫於曲渚驅珠蚌剖乎淺
源流自遠清無可羨之魚分野甚明皎若誓封之帶
鑿自太古疏於圓靈奔注肯隨於川瀆高明自貫乎
日星夫其濟黃道決青冥蔭地軸灑天經悠矣久矣
配吾君之永寧

湖南觀雙栢枝舞賦

瀟湘二妃桃花玉姿獻栢枝之妙舞佐清宴於良時
始其金疊欲陳象筵宿設考清音於絃管之部選麗

文標集卷中

四

質於綺羅之列何彼妹之婉變媚戎服之豪俠司樂
以魚符發詠侍兒以蘭膏薦潔華燈張翠被徹聽銅
壺之刻漏瞻銀漢之明滅仁新詞以潛習隱含貝而
纓閱恐急節之將差撫柔荑而不絕及夫陽烏浴彩
寒雞早晨登妝臺而鸞鳳比翼對寶鏡而菡萏爭春
桂裳馥以彩翠玉指皓以嶙峋互飾鉛華畏濃澹之
殊態共聽金管恐高低之不均須與饗正奉羞司樽
舉酌左肴兮右載兕觥兮玉爵朱題絕以垂虹素幕
綉以騰鶴羅異果之芬芳映雕盤之錯落時也羣工
合奏絃悲管清升歌闋賓禮成於是乎擗鼙鼓吹鳳

至雲駢四坐花芬兩極舞師巧誨於蹈厲諸優飾辨
以縱橫且曰不巾不櫛匪鐸匪舌古也邳支之伎今
也枯枝之名因清角之繁奏見韶華之並榮佳一作家
人乃整金蟬收玉燕習舞衫突舞升珠彩熒煌鈴光
炫轉外寶帶以連玉中丹裾而疊荷則有擊鑑透迤
瓊瑰四垂鞞瑞錦以雲匝袍蹙金而鴈歌將期將翔
惟鴛惟鴛稍隨緩節步出東廂始再拜以離立俄側
身而相望思東南之美兮清風甚長凝情頃刻兮靜
對鏗鏘再撫華裾巧巽修袂將勻玉顏若抗瓊瑤懷
要妙以盈心望深思而滿背彼工也以初奏迎我舞

文標集卷中

五

也以次旅呈乍折旋以赴節復宛約而含情突如其
來翼爾而進每當節而必改乍慘舒而復振驚顧兮
若嚴進退兮若慎或迎兮如流卽避兮如恡傍睨兮
如慵俛視兮如引風襄兮弱柳煙幕兮春松縹緲兮
翔鳳一作風婉轉兮游龍相適兮如借相遠兮如謝忽
抗足而相蹴復和容而若射勢雖窘於趨速能終守
乎閑暇飛颺忽旋鸞鶴聯翩撼帝子之瑤珮觸仙池
之玉蓮擁鶯波與急雪捲祥雲及瑞煙詞方重陳鼓
亦再歇俄舉袂以容曳忽吐音而清越一曲曲兮春
恨深一聲聲兮邊思發傷心兮隴首秋雲斷腸兮成

樓孤月歌扇兮纔飲鳴鸞兮更催將騰躍之激電赴
迅疾之驚雷忽如厭乎揮霍戩餘勢以徘徊屹而立
若雙鸞之窺石鏡專而望似孤雲之駐蓬萊輕攢翠
蛾稍拂香汗暫一作髮爾安逸復騁陵亂抽軋軋於蕙
心羅纖纖之玉腕躊躇曠望若戀虞以南馳俯僕迥
旋非爲劉而左袒拾華衽以雙舉露輕裾之一半花
灼灼鼓逢逢帽瑩隨蛇熠熠芝蘭之露衰翻莊蝶翻
翻獵蕙之風來復來兮飛燕去復去兮驚鴻善睐睚
盱僂師之招周妓輕軀動盪一作蕩蔡姬之響齊公則
有拂秣妖姿西河別部自與乎金石絲竹之聲成文

文標集卷中

六

平雲韶成夏之數然後能使燕趙慙妍威嬌掩媿我
之服也匪殊喜之札雜我之容也匪木蘭之雄兔旣
多妙以多能亦再羞而再顧迨鼓絕而曲旣終倏雲
朝而雨暮

鸚鵡舞賦

以屈伸俯仰傍若無人爲韻

謝尚以小節不拘曲藝可俯願狎鴛鴦之侶因爲鸚
鵡之舞於是褫貂裘岸章甫在容止可觀之際方見
翼如當絃管互奏之時俄呈退旅伊昔王導延爲上
賓陪謁者讓登之處遇羣賢式燕之辰俎豆在列尊
卑且偷始服膺於末席方酬賞於主人導曰久慕德

音眾皆傾想願觀佳佳之能用答嚶嚶之響非敢玩人以喪德庶使棲遲而偃仰徒欲見長背利距之能豈比夫弋林釣渚之賞公乃正色洋洋若欲飛翔避席俯偃振衣頡頏宛修禱而乍疑雌伏赴繁節而忽若鷹揚由是見多能之妙出萬舞之傍若乃三歎未終五音鏗作領若燕而蹙頓德如毛而嬰鑠眾客振衣而跂望滿堂擊節而稱樂且嗶嗶之奏未終而洩洩之容自若於是媿飲啄盡歡娛聽式歌而調兼吐鳳觀屢起而勢若將雛以樂恬憂既醉者於焉見矣手舞足蹈曠然者豈得而無是知因此名闢那辭跡

文標集卷中

七

屈同漁陽之慷慨鄙五原之噓鬱將美其率爾不矯怡然任真自動容於知己非受侮以求伸况乃意綽步躑然後知鴻鵠之志不與俗態而同塵

閔城君廟碑記

吁天地之至曠陰陽之元精升降變化因時而發者惟聖人焉惟神物焉聖人理乎陽神物理乎陰故能靈泱乎寰區功濟乎動植君大道而不屈運元德于無窮者天之爲也夫能知天之爲者必操乎坤輿之涯必有司宰當夫萬物不振百姓不親虎豹虺蝮搏齧騰觸骨月冰泮害毒草靡于斯世也天地既否雲

雷將屯則有軒毓乎繞樞商生乎元乙姜嫄履畝而后稷誕慶都夢龍而伊祁興五精在天迭降於代是三才不理乃生聖人也聖人既生品物既盛德刑政事克傳克修其或山冢萃崩高岸爲谷道隱乎功德隱乎奢貪敗生災風雨不若于斯昔也艸木失滋胎卵殞殞則有至精下降乃生神物既坼既塌光明婉嬪則温媿之毓龍義斯在矣昔者秦毒天下鬼神乏主英精怪質潛躍失次故龍遁乎漲海之涯托乎媿媿之室圓苞不陣寶錦相光鱗鬣未生風雨如晦媿既坼之在手覆之以衣一夕威靈欲震雷電皆至龍

文標集卷中

八

遂育焉厥後媿以母龍以子提護紫繞如乳如媿或游于泉或躍于澗媿每朝膳必薦鮮鱗他季媿斲鱗于涖龍游于刃下而尾觸銛鋒媿駭視之則墮數尺矣因泳去于是盤天乘風出幽入冥惚恍變化潛乎乾戰乎坤不知其往矣媿恨其誤傷竟不復至而媿亦逾乎鮒鯢克慎厥化媿無姻戚閔城人葬之水涯惟龍乃寓形于人衰杖如察洩苦涕塊哀呼淡日謂人曰藏我母卑矣他日潮水齧之非葬之所也其將假爾馬牛爲役以遷于塏爽一夕風雷大至明日視之則媿之封若覆夏屋矣在于山巔里之中牛馬皆

殆不飲齷齪衰者亦亡所在閱城人立姥及龍之象以禮祠之既而龍降于祠堂形類虺徙日而不見其趾尾端之枳突而圓焉其大小長短視無常質人或誠禮之則飲卮酒循衣繞軀翫狎如嬉其能司人禍福若有權衡度量焉自秦至于聖唐千六百餘歲其靈不泯今乃有龍伯龍叔龍季焉伯則舊也叔季不知何代相踵而來也今皆在閱城元和中故宜春縣令盧君嘗遊宦南越乞靈于龍契乎其旨嘗夢龍伯謂之曰君將宰邑江西其致我焉許之及太和五季歲在壬子舊編壬子作壬午若以通鑑紀年考之府太和五年實辛亥太和六年實壬子也

文標集卷中

九

君來宜春遂立祠于邑東昌山津右府君諱萼舉孝廉三遷爲宜春令始至遇邑大饑令豪族以陳積周賑貧民故得不佻不病不橫不流民從其化矣夫神物蒞乎陰府君之美政惟龍之輔乎予于府君爲宗姪子爲兒而府君多之曰乃異日其聞乎故悉始終龍姥之事及載府君置祠之旨焉姥温姓閱城人也閱城爲秦南越邑民謂之曰龍母龍母古矣其言甚質吾思以文之追書姥爲閱城君焉刻銘于祠之闕西云

天地何寶聖人之道天有五精惟聖迭生聖道未弭

百靈奉祉惟周之溼稔毒于秦龍迷所奉棲于越人伊姥何慈惟龍克孝如持天綱示越人教涕洟封樹有禮有容豈惟神物是謂孝龍孝龍之靈宜崇宜薦巖巖此祠君子攸建有雲在山有水在川龍德永承爲民有幸惟蘭斯巖惟芷斯茂龍德郁郁作爲民祐鳴鳩之飛在于灌木彼哺者烏亦謹其族龍有孝思俾民敦睦瓜紹惟時麥秀其岐能錫民福子孫嗣之逐逐蹄乾沆沆檣機龍靈可依且不爾極龍之祠泣于此津于萬禩福于袁人

震山巖記

文標集卷中

十

宜春郡東五里有山望之正若冠冕同麓而異峯四首相屬兩仰成形況在東方如畫震卦郡人故名之曰呼岡意者謂其若長幼相呼同在一處其義不顯予無取焉其西北有石室臨游溪之浹邑人彭先生嘗釣此巖下先生諱構雲善黃老言寶應中詔以玉帛召先生不至時太守命其鄉曰徵君鄉巖曰徵君釣臺咸通七年予罷新安守以俸錢易負郭二頃在震山之西又得楓樹之林於溪南日與郡守高公遊其下公名厚衣纓之茂士也爲政巖簡民悉安之咸瞻仰焉而以震山易呼岡之名白公公喜命刊其事

於巖下子既得西林而羅烏且兔挾彈走馬於其間
亦請命其林曰盧氏弋林以對其東彭氏釣渚也因
謂高公使鄰人無得樵漁於是林之檀欒杉檜不日
豐茂以冠於郡高公因戒吏以丹書貽盧氏使西疇
之人世世掌之郡民相率言曰二刺史俱好事者吾
儕幸寓目焉遂以刊之是歲景戌十一月二十三日
記

文標集卷下

漢隄詩并序

唐 袁州 盧肇 子發

上元年秋漢水大溢齧襄隄以入既沈漢郛遂滅岷趾棟榱且流壓溺無算襄之城僅以門免三日水去陷為大塗餘民棲於楚山號不敢下餒蹟相挽其能全者什六七上大憂日襄惟東南實腹荆海若氣不息吾躬易瘳今天下災於有漢庭垣盡滿齒節在淖有嬰墜井母實號之今襄人盡墜吾號向及哉咨

文標集卷下

一 豫章叢書

乃卿士疇能振之以易吾亂咸以地官范陽公舊理南粵島夷率化甘於民心俾踐於襄必克底又上俞以往公既至省漢之溺由舊防之不固幾五十載又詢之漢水之不犯襄郭惟是甚災既魚土庶災或能嗣孰以遏之募民新漢之隄食敵其功資二其食因故隄之址廣倍之高再倍之距襄之郊練半百里明年春隄成公具以疏上大歡復襄之疲民一祀賑穀十萬斛民既安甯謳歌怡愉既而舒蘇不知曩之災也昔狄敗衛侯於熒澤齊

桓公帥諸侯城緣陵以居之而衛國忘亡君子是以稱桓公之德今公之為是隄也襄有衛人之思焉而况宣天子之慈以生厥民曷齊桓之尚哉噫五材之生沴也必極於物物之既極天必資明哲以蘇之理之常也古之人有力保一邑勇禦一寇謂之有功向以金石載之况捍大災救大患其美若是豈得無稱焉是宜以聲詩播之登於樂府惟漢亦有孤子之歌是可類之謹按正考父作商詩公子奚斯命太史克請於周作魯詩皆其國之

文標集卷下

二

公族也肇於公為族孫幸力於文所不宜默惟觀之碑曰羊公惟隄之詩曰盧公是古今之相光昭也其誰曰不然詩曰陰沴姦陽來暴於襄汨入大郭波濤若鉉觸厚推高不知其防駭瀆顛委萬室皆毀竈登蛟鼉堂集鱸鮪淮恩若鷁母不能子洪潰既涸開闕其虛以墮我堵以剝我廬酸傷願望若踐邱墟帝日念嗟朕日南顧流災降愆天曷台怒滔滔襄郊梓我嬰孺於惟餘吐饑傷喘呼斯為淫痰孰往膏傳惟汝元寮翕舉明哲我公用諸苴茅杖節來視襄人噢咻提挈不日不月

嗚呼抃悅乃泳故隄陷於沙泥缺落劫圯由東訖西
公曰嗚呼漢之有隄實命襄人不力乃力則及乃身
具錫與奮漢隄其新帝廩有粟帝府有繒爾成爾隄
必錫爾勤襄人怡怡聽命襄許背囊肩杵奔走蹈舞
分之卒伍令以麾鼓尋尺既度日月可數登登業業
周旋上下披岷斬楚飛石輓土舉築殷雷駭汗罪兩
疲瘡繹獨奮有筋骨呀呀來助提筐負篋不勞其勞
雜沓笑語咸曰盧公來賜我生斯隄既成蜿蜿而平
確爾山岡屹如雲橫漢流雖狂堅不可蝕代千年億
與天無極惟公之隄昔在人心既築既成橫之於南

文標集卷下

三

萌一作渚不峻此門不深今復在茲於漢之陰斯隄
已崇茲民獲祐觀童相慶室以完富貽於襄人願保
厥壽繁公之功赫焉如晝捍此巨災崑若京阜天子
賜之百姓載之族孫作詩昭示厥後

澄心如水江陵府初試

丹心何所喻唯一作水並清虛莫測千尋底難知一

勺初內明非有物上善本無魚澹泊隨高下波瀾逐
卷舒養蒙方浩浩出險每徐徐若灌情田裏常流盡

不如

風不鳴條

習習和風至柔過一作條詎一作自鳴暗通青律起一作
遠傍白蘋生拂樹花仍發一作經林鳥不驚幾牽
蘿蔓動潛惹柳烟輕入谷一作迷松響一作開窗失
竹聲蕙絃方在御萬國仰皇情

題甘露寺

北固巖端寺佳名自上台地從京口斷山到海門迴
晴色煙中滅潮聲日下來一隅通雉堞千仞聳樓臺
林暗疑降虎江空想度杯福庭增氣象仙磬落昭回
覺路花非染流年景漫催隋宮凋綠草晉室散黃埃
西蜀波湍盡東溟日月開如登最高處應得見蓬萊

文標集卷下

四

聳翠峯題石峯在袁州府城西三十里

聳翠峯高千百尺四時常似莓藍色卓然萬古鎮祇
園世代鬼工驅不得巍巍直上插青天遠疑似與天
相連登臨下視羣山小千里平鋪在眼一作前藤葛
交加生辟荔土毛蒼薛相蒙蔽風翦雲開雨歇時飛
出一山新翡翠日迴影倒落前溪煙波湛湛浸琉璃
更將何物可比類分明一隻擎天柱

別宜春赴舉

秋天草木正蕭疏西望秦關別舊居筵上青一作樽
今日酒篋中黃卷古人書離山且作一作辭街蘆雁

入海終為帶一作戴角魚長短九霄飛直上不教毛羽落空虛

射策後作

射策明時愧不才敢期青律變寒灰晴憐斷雁侵雲去暖見鷓鴣傍酒來箭發向憂楊葉遠愁生只恐杏花開曲江春淺人游少盡日看山醉獨回

奉和主司王僕射答周侍郎賀放榜作

嵩高降德為時生洪筆三題造化名鳳詔仁歸尊北極驪珠搜得盡東瀛褒衣已換金章貴禁掖曾隨玉樹榮明日定知同相印青衿新列柳間營

文標集卷下

五

及第後送潘圖歸宜春

三載皇都恨食貧北溟今日化窮鱗青雲乍喜逢知己白社猶悲送故人對酒共驚千里別看花自感一枝春君歸為說龍門事一作寺雷雨初生電繞身

競渡詩

一作江甯觀競渡寄袁州刺史成應元

石溪久住思端午館驛樓前看發機鞞鼓動時雷隱隱畫樓翻處雪霏霏衝波突出人爭一作齊瞰躍浪爭先鳥退飛向一作報道是龍君一作剛不信果然奪得錦標歸

除歙州途中寄座主王侍郎

一本上有感通初恩四字

忽忝專城奉六條自憐出谷屢遷喬驅車雖道還家近捧日惟愁去國遙朱戶乍經新聚戟風帆常覺戀單瓢江天夜夜知消息長見台星在碧霄

將歸宜春留題新安館

東里如今號鄭鄉西家昔日近邱牆芸臺四部添新學秘殿三年學老郎天外鷺鷥愁不見山中雲鶴喜相忘猶張皂蓋歸蓬華直謂時無許子將

緣陰亭

亭邊古木畫陰陰亭下寒潭百尺深黃菊近連陶令宅青山遙負一作償向平心人歸別浦村煙斂魚躍澄

文標集卷下

六

波檻水沈更愛玉琴調惠政為君登此一開襟按全唐詩止有前四句今從臨江府志錄全

甲進士楊鄰

名未榮身親在堂九重泉路去何忙夫妻鏡裏鸞分影兄弟雲中雁斷行林木蕭疏花失色池亭半落月無光思君欲向靈山哭又恐猿聞更斷腸

戲宜春李令求廳前杜鵑

杜家有女小名鵑生在陶公吏案前百里望風驚調態千金買笑愜當筵須防戶外鏤蘭地莫把籬束種菊田為問河陽妖豔主聘財卻一作都要幾多錢

御溝水

萬壑朝溟海滌迴歲月多無如此溝水咫尺奉天波

楊柳枝

青鳥泉邊草木春黃雲塞上是征人歸來若得長條

贈不憚風霜與苦辛

新植紅茶花偶出被人移去以詩索之

最一作

恨柴門一樹花便隨香遠逐香車花如解語

還應道欺我郎君不在家

戲題章公方有真珠之惑 羣初計借至襄陽奇章

神女初離碧玉階彤雲猶擁牡丹鞦知道相公憐玉

七

腕強一作將纖手整金釵

成名後作

柱在蟾宮不可攀功成業熟也何難今朝折得東歸

去共與鄉間年少看

登祝融寺蘭若一作登南嶽月官蘭若

祝融絕頂萬餘層策杖攀蘿步步登行到月宮霞外

寺白雲相伴兩三層

被謫連州

黃絹外孫翻得罪華顛故老莫相嗔連州萬里無親

戚舊識惟應有荔枝

謫後再書一絕

崆峒道士誤燒丹赤鼠黃牙幾許難墜墮閭浮南斗

下不知何事犯星官

謫連州書春牛榜子

陽和未解逐民憂雪滿羣山對白頭不得職田飢欲

死兒儂何事打春牛

題清遠峽觀音院二首

清潭洞澈深千丈危岫攀蘿上幾層秋盡更無黃葉

樹夜闌惟對白頭僧

風入古松添急雨月臨虛檻背殘燈老猿嘯狖還欺

文標集卷下

八

客來撼窗前百尺藤

喜楊舍人入翰林

御筆親批翰長衙夜開金殿送瑤絨平明玉案臨宣

室已見龍光出傳巖

送弟

去日家無擔石儲汝須勤苦事樵漁古人盡向塵中

遠白日耕田夜讀書

牧童

誰人得似牧童心牛上橫眠秋聽聲時復往來吹一

曲何愁南北不知音

嘲小兒

貪生只愛眼前珍不覺風光度歲頻昨日見來騎竹馬今朝早是有年人

金錢花

輪郭休誇四字書紅窠寫出對庭除時時買得佳人笑本色金錢卻不如

木筆花

嫵如新竹管初齊粉膩紅輕樣可攜誰與詩人假檻看好於殘墨併分題

夔州

文標集卷下

九

白帝城頭二月時忍教清醒看花枝莫言世上無袁許客子由來是相師

文標集卷下

補遺

如石投水賦 以聖獎忠直從諫如流為韻

石比臣心水猶君德誠見投而不阻如從諫而無極蓋所以作仁聖思正直清逾萬頃能容落落之姿操或一拳以造沈沈之色惟我皇后啟乎宸聽每以淡然之德能取確爾之功言乎水也逾漢祖之虛受稱乎石也遇留侯之盡忠是以王事竭誠羣臣報政具懷鑿鑿之美允納洋洋之聖君心潤下已覃滂沛之恩臣志補天願表堅貞之性故得朝廷肅穆上下交慶小伊傳以輸忠配唐虞而比聖者也當其欲進嘉

文標集補遺

一 豫章叢書

謀心懷隱憂思突職而有補隨諫鼓以來投於是咸趨丹陛若蹈洪流且推誠而上達亦虛心而下求既乃契皇情承天獎介然允臻乎浹洽渙若盡納其忠謹一言初進開龍顏而似激圓波萬國皆聞入宸心而若流清響乃知窺日月之光有虧必諫震雷霆之怒有諫必從雖磊落以難進乃廣大而見容既無悔以無尤子產徒言於狎水那將恐而將懼韓非奚患於櫻龍且夫瓊瑤為報而匪珍夜光處暗而多患未若我喻水於盛德比投於納諫允當上善之求勿謂下流之訕遂用握金鏡臨玉除忠言得進以無隱聖

慮每徵於往初如是則祥符出惠澤舒將無事而無諫見衰瀛之宴如

上王僕射書

天不自明垂之以日月聖人不自理付之以公卿日月所以成天之文者無私照故也公卿所以成人之文者無私心故也為天之明行帝之德是公卿與日月同體者也然日月未嘗私晝夜以序明晦以時人生而戴之固無驚懔耳目延頸企踵而望之也及碩人重德恢宏綱於將絕時人莫不試皆假聽俟其聲明矣如是則又雖與日月同體與人望之心過之也

文標集補遺

二

伏以文物之勢業乎將頽聖上一旦揚然思高祖太宗經天緯地之勤基美於千萬世其術祿在乎人文之中人文之中則不踰擇士之賢否也故度天下之德莫重於僕射計天下之學莫深於僕射觀天下之文章莫富於僕射兼是三美然後詢於廟堂之上使諸於僕射俯而莅之其實不啻若移泰山之重以鎮之也夫如是則預於貢士者何敢造次而進哉某本孤賤生江湖間自知書已來竊有微尚窺與索幽久而不疲垂二十年以窮苦自勵伏念當太平之辰不預兵役農商之伍得盡其志則將欲發其身大其家

盡心於明時以竟其歲也乃志望士林之中及來釐
下再試皆黜觀望於時而撥於事至於得之者未必
盡賢失之者未必盡愚意謂隨天下貢士且進且退
可以無咎今乃不意遇聖君賢相以僕射爲日月照
臨多士莫不屏氣攝息人之自咎若抱罪戾其在王
門公族少讀文學尙爲憂惕啟僕射之德振於文機
其必得天下苦心之人而進之然後優游盛明爲舉
爲伊以茂生植者也不然豈至於是逾二十載復匡
之乎是知天啟德於僕射在此時也某於此時若不
得循牆以窺則是終身無竊望之分也敢布愚拙伏

文標集補遺

三

惟特以文之光明而俯燭之幸甚幸甚并獻拙書一
首塵冒尊嚴無任悻慄之至

宣州新興寺碑銘 并序

至哉邃古已來天之永錫正命者其惟帝唐乎聖祖
神宗光啟土宇垂億萬祀克承休嘉莫不以禮樂先
兆人以慈儉後天下仁居惠往營魄離者而其施猶
存揭淺厲深心迹泯者而厥功亦在夫常善救人常
善救物非至德誰能普行之故鬼神受祀黎元樂康
寶祚延洪率由此道也於是表大覺爲靈根與羣生
共有叩真空而不壞惟聖者獨知非崇夫金輪氏之

教則焉得窮理盡性齊萬法於物我哉是以沈善惡
乎澆妄之泉擢枝莖乎植性之圃常令學者崇飾精
慮顯有堂皇亦如庠序郡國分理必付元臣將俾羣
生罔不開悟且夫斯干秩秩止在周邦靈宮彤彤唯
居魯國曷有列利映乎霄翹飛蕤麗乎陽光瞻彼玉
毫儼然金地暈軒鵬耽岫聳雲攢徧于州都若斯之
美歟若夫宣城新興寺者會昌四年旣毀大中二祀
故相國太尉裴公之所立也公諱休字公美河東聞
喜人代濟文德泊公彌大擢進士甲科登直言制首
末三十由拾遺遷殿內鴻名偉望迭處清雄入奉絲

文標集補遺

四

綸出省風俗拜春宮則齊驅驥視民部則克阜生
齒至於調入王府貨出水衡泊陟台司亦勞厥事凡
三拜廉察五授節旄孫先生有愧知兵山巨源當慙
視吏揆路旣長乎百辟荆門復平乎水土公降由辛
未歸以甲中爲唐碩臣作佛大士光珉顯竹此不復
書所至之邦必興修淨行大中二年拜宣城嘗與名
緇會難有設疑以試公者曰三界虛妄羣生顛倒何
有修行能解纏縛孰爲智慧何化凡愚胡爲乎公之
區區徒自燒耳公曰嘻珠玉在櫝啟之則見其珍聖
賢有門行之則踐其闕分途而往唯善惡焉善惡如

東西耳越之不已則至其所至焉在乎推心於不染
馭馬於無途如是三界信真實羣生非顛倒但學者
不能窒慾壞貪遺名去利弗捨有漏而思往無爲耳
然捨之自我取不由人非用智慧解彼纏縛如此則
了無一物以撓吾真也他日門人有謂公曰敢問三
界之言未立人不知修行不見因果畏陰陽者不爲
之多介景福者不爲之少理亂增損繫乎其時泊斯
教也行乎諸華愚人畏罪損其惡賢者望福增其善
增之不已則至今當盡善矣損之不已亦至今宜無
惡矣何昏迷暴虐無滅於秦漢之前福慧聰明不增

文標集補遺

五

於魏晉之後歸之者殊塗輻輳立之者萬法雲興稽
諸天不見其文求諸古莫有其法號爲大聖作天人
師是宜使吾人盡升覺路不宜使蚩蚩庶類由古迄
今若斯之迷者也設使像法至今未行將盡墮惡道
爲鬼爲蜮乎夫法未始有今而有之希聖之徒可存
而知之也其由之之固庸非溺乎公笑謂之曰大昭
肇啟法不濟備聖人繼出代天爲工結繩畫卦質文
滋改一聖立一法生天道人事顯若符契夫燧人氏
之未爲火也則天無火星人無火食飢無火兆物無
火災必矣少昊氏之未理金也則天無金星人無金

用雖無金兆物無金災必矣及聖人攻木出火鍛石
取金於是乎精芒主宰騰變上下則知世法時事隨
聖人也考精神之源窮性命之表作大方便護于羣
生羣生受之而不知蓋猶天道運行物以生茂皆謂
自己孰知其然也於是問者廓然自得佛味武宗時
毀寺而宣之新興故有崇基廣廈文豔雕甍爲土
榎唯喬柯灌木森聳澗壑祥煙翠靄交覆巖麓耳及
宣宗詔許立寺宣之四人相鼓以萬請先立之于宣
郭公獨不許遂命苾芻上首元敬謂之曰吾聞之新
興寺大愿初有禪師巨偉南宗之上士也與北宗昭
禪師論大慧網明實相際於此始作北山道場後有
浩禪師作草堂於道場西北其傍有藻律師居之律
師去世門人立塔院貞元中巨偉之門人靈翹始請
於太守合三院而爲寺彼皆智慧傑出親啟山林今
之立寺無以易此也議定郡東故有妙覺寺寺毀而
杉檜多大十圍一旦有二龍鬪谷中拔大樹三十二
視之皆殿宇之材也公歎曰將立寺而龍拔巨樹天
其有意乎遂用之於是霜斤沐楹玉砂瑩礎上下其
響音中桑林不葺年而雲攢四榮風搖寶鐸擊六
扇月照金鋪勝絕一源繚牆百雉繕修多羅爲攝受

文標集補遺

六

置無盡藏爲莊嚴竒窳幽邃輪奐博敞蓋江南之首
出也初奉詔隸僧三十人今其存者大半構殿立門
有軒有廡則律師元敬法華道延首其事編經立藏
不遺句偈則維摩從省禪門貞會著其功善集檀施
備修房廊學于三時旁窺六義則金剛清越眼其勤
而法華遂言涅槃明則泊法林超愛皆以禪學爲宗
律師道隨宜春人幼植淨行得泥丸妙旨直以披文
相質之事造余于新安余既許之道隨復言繼二十
人者皆善修持能遺物累則有應立友恭道幽仁寶
懷賁從儉惟恭文昉師回師宗思靜常政文暢弘暢

文標集補遺

七

契蒙景先法進惟勤志弘立操與前輩又爲二十人
矣而太尉所立有殿內天佛有地藏院有上方石盆
院又以俸錢入膏腴之墅爲地藏香火定中之謀始
于太尉太尉作之門人述之有作有述誰曰不然乃
爲銘曰

奕奕新興敬亭南麓鉅構崇基崢嶸華煜伊昔旣廢
神愁鬼毒洎將再榮天人合福施有遑龍其怒則觸
助作棟楹拔此巨木雨暹風移勝川跨陸神怪戮力
老幼同心蚺翼飛貨龍鱗布金揭立赫奕化成欽筌
玉礎方丈花臺百尋日明香剎雲生寶林太尉裴公

登其學者弘以戒光甘露披瀝示厥有爲取彼難捨
必有精靈扶持大厦小儒刻石有慚史野永言歌之
庶近風雅

文標集補遺

八

文標集校勘記

序文首葉四行文粹上疑脫只唐二字

卷上 海潮賦注除一作某音某外其餘皆係原注

每段應補原注二字免與後人補注相混 十四

葉十一行至十三行小注皆當補原注二字十五

行自下有字衍 十五葉十五行小注當補原注

二字 十六葉六行乘下應補之字 十七葉九

行思下脫耶字

卷中 進海潮賦狀舊編多官銜一行云朝散大夫

持節歙州諸軍事守歙州刺史柱國賜紫金魚袋

文標集校勘記

豫章叢書

臣盧肇謹進上海潮賦一首共三十四字 四葉

五行乎字原脫 十葉八九行龍下脫姥字萬下脫其

字

卷下 三葉十五行江陵府初試上當補原注二字

四葉十一行又七葉九行題下均當補原注二字

補遺 三葉末行有字疑是育字之謄 四葉十六

行宣城下疑脫守字 六葉八行四人當作四民

疑因避唐諱而改

戊午十一月胡思敬校

宋

本

原

可

上

文

集

續古逸叢書之十三

壬戌冬日上海涵芬
樓段朱翼盒藏本
影印遠近翻刻必究

孫可之文集序

朝散大夫... 樵家本關東代... 文得之真... 年叨登上第... 狂寇犯闕... 方蜀國文物... 右散騎常侍... 之文前進... 中興之德... 百餘篇... 貽子孫是... 歲中和四年也

序



孫可之文集目錄

孫 樵 字可之

第一卷

賦

大明宮賦

露臺遺基賦

出蜀賦

第二卷

書

書何易子

書田將軍邊事

書褒城驛屋壁

孫目

第三卷

書

與李諫議書

與高錫望書

寓汴州觀察判官書

與賈希逸書

與王霖書

與友生論文書

第四卷

雜著

梓潼移江記

興元新路記

蕭相國寫真讚

第五卷

雜錄

孫氏書齋錄

武皇遺劍錄

龍多山錄

第六卷

雜著

迎春奏

復佛寺奏

第七卷

雜著

孫可

序西南夷

序陳道士舉

寓居對

乞巧對

第八卷

雜著

文貞公笏銘

潼關甲銘

康錄郎中墓銘

刻武侯碑陰

舜城碑

第九卷

雜著

逐若鬼文

祭高讓議文

祭梓潼神君文

第十卷

雜著

讀關元雜報

罵僮志

復召堰籍

孫可之文集目錄

二

三

孫可之文集卷第一

賦

大明宮賦

露臺遺基賦

出蜀賦

大明宮賦

孫樵齒貢士名放見大明宮前庭仰貽俊駭陰意靈恠
暮歸魄動中宵而夢夢彼大明宮神前有云且曰太宗
皇帝繚瀛啓居廊穹起廬園然而劃隆然而赫孰窅孰
隙永求帝宅帝詔吾司其宮太宗初立大明宮後高宗
增修建武後武王賜姓武氏廟祐徹主司
帝與日月終翼聖護艱十有六君蕩妖斬氛孰知吾勤
吾當廬陵錫武天祐即真天下號周廢中廟祐徹主司

可之一

博士周宗奏增武廟為七廟唐廟為五吾則協二毗輔謂梁公仁弟左右

提護義甲憤徒起帝卜周仙聖與華帝出東宮胡御飽膺

周復唐吾則械二點雞謂昌宗俾即其誅胡御飽膺

謂祿山也踏肌斷骨驚血濺關仰吠白曰二聖各轍大麓北

望位於靈武吾則激驕孽悖即謂慶俾濟逆殺翼兩傑

憤烈及臨淮王俾克斬滅薊梟妖狂謂朱交集五堂縱

啄怒吞大駕盤營吾則勵陰刀剪其翼俾不得逃明殛

三革蝕黑熟匪吾力吾見若正聲在懸諍舌在軒轅鞋

延諫剝襟沃善賞必正名怒必正刑當獄撤腥謂行刑

見旬澤暮傳太平十日一叫敷視土謂元中吾見若

軒聲在堂諛舌在旁室聰佛諷正斥邪龍嘉賞失節怒



罰失殺奪農而德厚征而雕吾則反耀而華謂崇觀章

也反澤而冷蕩坤而圻謂地有井而復裂乾而石謂天有裂

然吾留帝宮中二百年昔亦日月今亦日月往孰為設

今孰為絞籍民其雕有野而蒿謂元中籍戶九籍甲其

虛有壘而墟謂元中籍府兵三籍務農一時講武籍甲

也西垣何縮疋馬不取謂元中北庭拒敵門萬三千

馬死至七十萬穀四十八監謂北垣何感孤壘不粒言采

及闕推迎斬其舌且曰余聞宰獲其愚謂正宗得是昏蝕魅恠

橫惑爾曾何力今者曰白風清中簡盈庭闔南俟霽闔

北俟霽矧帝城闕何賴窮邊落廩如封何賴疲農禁車

飽禱尚何用天下兵神曾何知彼孰愧往時神不能對

退而笑曰孫樵誰欺乎欺古乎欺今乎吁

可之一

露臺遺基賦并序

武皇郊天明年作望仙臺於城之南農事方殷而興土

功且有糜於縣官也樵東過驪山得露臺遺基遂作賦

以諷之驪橫秦原東走盤連有土如積其高逾尺隱于

修崗屹若環堂徘徊山下問于牧者對曰惟昔漢文為

天下君守以恭默民無怨隱天下大同帝駕而東經營

相視茲山之址乃因其崇以興土功茲臺始基軫于帝

思既命其吏枚之經費乃下詔曰朕以涼德君子萬國

唯日兢兢如蹈春水高祖惠宗肇啓我邦作此宮室庶

幾無逸速夫朕躬孰敢加隆矧麋府財以經此臺周為

靈臺成乎予來文王以屏以考休徵茲臺以平周德惟

馨音華雖高楚民亦勞靈王宣驕諸侯不朝民既携二
王遂以死豈朕不懲斯役實與鳩材嘯一以害三農斯
豈文王靈臺之言哉宜詔有司亟令罷之此其基者乎
卒歌而去之且曰彼通天兮缺埃墟之魏此靈臺兮殿
秋草之離離已而已而世無此兮吾孰知其是非

出蜀賦

平首之直年兮引敗車而遠卷濟潼梓之重江出大劍
之複關駭天險之重阻兮峙連崗而外坤請石詭崖日
其城屬兮屹紆鬱於雲昏嶽岳而查牙兮上攢羅而
憂天中呀圻以隙斜兮途詰屈而隘穿以去以來奔蹄
疾足兮鼠出入乎穴間蹇余馬之不息屆峽山之偏側
劃崇壑而急來水極空而混碧途迫高而緣深不尺直

孫可一

二

而又曲跬危步之促促慄若踧而蹈棘朝天雙峙以虧
蔽中慘慄而陰翳倏下馳而上迴若出地而天開龍堂
呀呀而上蒼恠若虎而欲噬泉厥沸而中烈靈寤空乎
像設眇山川以懷古得籌筆於途說損前鋒之孤秀傳
卧龍之餘烈管杖師而北去抗霸圖而此使曾尺疆之
不關徒賈志而灰滅越百牢而南捐憩石雨之委遂六
陰崖而戶開屹巍巍以暄暄外攢恠石之參差兮勢業
我而上排狀若鬱雲之始騰又似乎潮波之却頽中碎
窳以零豁敞曠助而洞達催嘉泉之營營鏘環珮於閨
闈躡危石而後通忽快莽而無窮包溪懷壑而為深兮
繚纏崗而四崇蘿薜羃歷於崑空兮雲木森其青葱鬱
桂椒與木蘭兮芬椒郁而駭風曾不可以久留兮車軌

輒而又東陟雞嶺之寒墟下七折之峻坂褒斜吁其隘
束兮左窮溪兮右重巘綿飛棧而屬危梁兮續畏途而
呀斷下臨千仞之驚流兮波傾洞而雷扑當玄冬之隆
烈觸密雪之飛噴舞迴颺而颺九垓天地紛其漫漫路
繁積以迷沒馬蕭蕭而不進心悻悻而程不敢逸兮徒
僚慄而與嘆出大散之奧區若脫足於囚拘汙涓之
云云歷歧雍之通途田原薈以儻漫兮弥千里而為都
背槐里而趨感陽兮索羸劉之舊墟承明冀關緬以夷
慢兮得隱嶙之類隅獨五陵之尚完兀高平而草蕪抵
長都之岌岌非閭闔而西入荷天衢之廣闊仰白日之
赫赫殼弱弓而帶鎗鐵兮即澤宮之缺條兮忽有司之吾
斤曾不得而上通兮居悒悒而不適關庭謁其多士兮

孫可一

四

皆云夫賢素不自分其能否兮瞰朱門之投跡蔑一人
之我先若捧水而投石念初心之來斯豈窮愁而徒疑
忽徊徊以惶惶寒東西而獨悲因默默以心計兮私展
轉而自非胡不知進之與道謀兮徒感氣而憤時不知
求己以為慮兮而患人之不知九衢廣其茫茫兮混埃
埴而紅飛漂世彼而上下兮旁窮走而相追不亦勞乎
於是謝唯唯之面朋而焚逐逐之燥機餒不飽謀凍不
燠謀兮環啟墻而闔扉邀仁義與之為友兮追五經而
為師徜徉文章之林圃兮與白氏而驅馳不穀吾不穀
耻亦吾不辭彼主張為公者豈終吾遺哉

孫可之文集卷第一

孫可之文集卷第二

書

書何易于

書田將軍邊事

書褒城驛屋壁

書何易于

何易于嘗為益昌令縣距刺史治所四十里城嘉陵河南刺史崔朴嘗乘春自上特多從賓客歌酒泛舟東下直出益昌旁至則索民挽舟易于即自腰笏引舟上下刺史驚問狀易于曰方春百姓不耕即蕃隙不可奪易于為屬令當其無事可以充役刺史與賓客跳出舟借騎還而去益昌民多即山樹茶利私自入會鹽鐵官奏重

可之二

權亮詔下所在不得為百姓匿易于視詔曰益昌不征茶百姓尚不可活矧厚其賦以毒民乎命吏到去吏爭曰天子詔所在不得為百姓匿今刻去罪愈重更止死明府公免竄海耶易于曰吾寧愛一身以毒一邑民乎亦不使罪蔓爾曹即自縱火焚之觀察使聞其狀以易于挺身為民卒不加劾邑民死喪子弱業破不能具葬者易于輒出俸錢使吏為辦百姓入常賦有垂白僂杖者易于必召坐食問政得失庭有競民易于皆親自與語為捐白枉直罪小者勸大者杖悉立遣之不以付吏治益昌三年獄無繫民民不知役改綿州羅江令其治視益昌是時故相國裴公刺史綿州獨能嘉易于治嘗從觀其政道從不過三人其全易于廉如是會昌五年

推道出益昌民有能言何易于治狀者且曰天子設上下考以勉吏而易于考止中上何哉推曰易于督賦如何曰上請常期不欲緊繩百姓使賤出粟帛督役如何曰度支費不足遂出俸錢冀優貧民饋給往來權勢如何曰傳符外一無所與擒盜如何曰無盜樵曰子居長安歲聞給事中校考則曰某人為某縣得上下考由考得某官問其政則曰某人能督賦先期而畢某人能督役省度支費某人當道能得往來達官為好言某人能擒若干盜

縣令得上下考者如此邑民不對

笑去樵以為當世上位者皆知求財為切至如緩急補

吏則曰吾患無以共治膺命舉賢則曰吾患無以塞詔

及其有之知者何人哉繼而言之使何易于不有得於

生必有得於死者有史官在

可之二

書田將軍邊事

背臨邛南馳越二百里得嚴道郡實險峻越雋俱為邊城迫於群蠻田在賓將軍刺嚴道三年能條悉南蠻事為樵言曰巴蜀西迫于戎南迫于蠻宜其有以制者當廣德建中之間西戎兩敵馬於岷江其眾如蟻前鋒魁健皆探五屬之甲持倍尋之戟徐呼按步且戰且進蜀兵遇鬪如值橫堵羅戈如林發矢如雷皆折刃吞鏃不能斃一戎而况隔其陣乎然其戎兵踐吾地日深而疫死日眾即自度不能留亦輒引去故蜀人為之語曰西戎尚可南蠻殘我自南康公鑿青谿道以和群蠻俾由蜀而貢又擇群蠻子弟輩于錦城使習書算業就輒

去復以他繼如此垂五十年不絕其來則其學於蜀者
不啻千百故其國人皆能習知巴蜀土風山川要害文
皇帝三年南蠻果大入成都門其所剽掠自成都以南
越雋以北八百里之間民畜為空加以敗卒貧民持兵
群聚因緣劫殺官不能禁由是西蜀十六州至今為病
自是以來群蠻常有屠蜀之心居則息畜聚粟動則練
兵講戰而又俾其習於蜀者伺連師之間隙察兵賦之
虛實或聞蜀之細民苦於重征且將啓之以幸非常李
相固言鎮西蜀時有蜀民李進者遣子賣書通蠻言蜀
無時可取狀委戎捷獲之按問得實遂弃市至今或有
踵其言者吾不知群蠻此舉大劍以南為國家所有乎且
每歲發卒以戍南者皆成都頑民飽稻飲豕十九如蘇
雖如征鼓之數不習山川之險吾嘗伺其來朔風正嚴

可之二

三

緩步坦途日次一合固已呀然汗矣而况歷重阻即嚴
程束甲而趨扶戟而鬪耶加以為將者刻薄以自入餽
運者縱吏而覓竊縣官當給帛則以苦而易良當賑粟
則以砂而參粒每歲當發帛主將輒先市輕帛以易其
益其米然後以砂補其數諸邊卒當給粟丁吏必先
數以給邊卒常以為怨如此則邊卒將怨望之不暇又
安能殊死而力戰乎此巴蜀所以為憂也樵曰誠如將
軍言苟為國家計者孰若詔嚴道沈黎越雋三城太守
俾度其要害按其壁壘得自募卒以守之且兵籍於郡
則易為役卒出於邊則習其險而又各於其部繕相美
地分卒為屯春夏則耕桑蠶以資其衣食秋冬則嚴壁
以俟寇虜連帥即能督之歲遣廉白吏視其卒之有無
効其守之不法者以聞如此則縣官無餽運之費奸吏

無因緣之盜兵足食給卒無胥怨於將軍何如田將軍
曰如此何患言卒遂書

書褒城驛壁

褒城驛号天下第一及得寓目視其召則淺混而行視
其舟則離敗而膠庭除甚蕪堂無甚殘焉觀其所謂宏
麗者計於驛吏則曰忠穆公嘗牧梁州以褒城控三節
度治所龍節虎旗馳駟奔軔以去以來較交蹄劑由是
崇修其驛以示雄大蓋當時視他驛為壯且一歲賓至
者不下數百輩苟夕得其庇飢得其飽皆暮至朝去寧
有顧惜心耶至如棹舟則必折篙破舷碎鷁而後止魚
釣則必枯泉涸泥盡魚而後止至有飼馬於軒宿隼於
堂凡所以汚敗室廬糜毀器用官小者其下雖氣猛可

可之二

四

制官大者其下益暴橫難禁由是日益破碎不與曩類
其曹八九輩雖以供饋之隙葺治之其能補數十百人
殘暴乎語未既有老叟笑於旁且曰舉今州縣皆驛也
吾聞開元中天下富蕃号為理平踵千里者不裹糧長
子孫者不知兵今者天下無金革之聲而戶口日益破
壇場無侵削之虞而墾田日益寡生民日益困財力日
益竭其故何哉凡與天子共治天下者刺史縣令而已
以其耳目接於民而政令速於行也今朝廷命官既已
輕任刺史縣令而又促數於更易且刺史縣令遠者三
歲一更近者一二歲再更故州縣之政苟有不利於民
可以出意革去其甚者刺史曰明日我即去何用如
此在縣令亦曰明日我即去何用如此當愁醉濃當飢

飽解囊帛積金英與秩終嗚呼州縣真驛耶矧更代之
隙黠吏因緣恣爲奸欺以賣州縣者乎如此而欲望生
民不因財力不竭戶口不破墾田不寡難哉予旣指退
老旣條其言書于褒城驛屋壁

孫可之文集卷第二

可之二

五

孫可之文集卷第三

書

與李諫議行方書

與高錫望書

寓汴州觀察判官書

與賈希逸書

與王森書

與友生論文書

與李諫議行方書

樵嘗為日蝕書以為國家設諫官期換君心之非不以一拂其言而急於諫即繼以死非其職耶執事居其官亦嘗有意於此乎開元之間豈特諫官而後言耶苟立

天子廷者皆開口奮舌爭於上前故自身觀以還開元之政最為脩明及林甫舞智以固權張詐以襲上於是膠群僚之口縛諫官之舌且以法中敢言者由是林甫之惡熾而勿復聞祿山之逆秘而勿復知天寶之政由此而荒矣今者下無林甫過諫之權上有開元虛已之勞如此則叙立朝廷者皆得道上是非不顧時忌矧執事官曰諫哉執事則不能言避其官而逃其祿可也他官秩優而位崇者以耶今年二月上嘗欲營治國門執事尚諫罷之今詔營廢寺以復群疑三年之間斤斧之聲不絕度其經費豈特國門之廣乎稽其所務豈特國門之急乎何執事在國門則知諫在復寺則緊默勇其細而怯其大豈諫議大夫職耶樵以為大蠱生民者不

過群疑正皇帝發憤除之莫活疲眩今天下之民喘未及息國家復欲興既除之疑以重困之將何致民之蕃富乎樵不知時態竊所憤勇故作奏書一通以明群疑大蠱之由生民重困之源無路上聞輒以寓獻執事儻以推善不為狂試入為上言其略

與高錫望書

文章如面史才最難到司馬子長入地千載獨聞得楊子雲唐朝以文索士二百年間作者數十輩獨高韓吏部吏部修順宗實錄尚不能當班堅其能與子長子雲相上下乎足下乃小史高宜世嗣史法矧足下才力雄獨意語橫闊皆序義復崗及樂武事其說要害在樵宜一二百言者足下能數十字輒盡情狀及意窮事際反

可之三

若有千百言在筆下足下齒疑未及壯其所得如此則不知子長子雲當足下年齒時文章果何如也然足下所傳史法與樵所聞者異耶古史有直事俚言者有文飾者乃特紀前人一時語以立實錄非為俚言奇健能為史筆精魄故其立言序事及出及得失皆字字典要何嘗以俚言汨其間哉今世俚言文章謂得史法因牽韓吏部曰如此如此樵不知韓吏部以此欺後學耶韓吏部亦未知史法邪又史家紀職官山川地理禮樂衣服亦宜直書一時制度使後人知其時如此某時如彼不當以禿屑淺俗則取前代名品以就簡絕又史家條序人物宜存警訓不當徒以官大寵濃濳文張字故大惡大善雖賤必紀尸生浪職雖貴得黜至如司馬遷序

周繆班孟堅傳蔡義尚可用耶為史官者明不顧刑辟
幽不愧鬼神若梗避于其間其書可燒也古者國君不
得視史今朝廷以宰相監撰大丈夫當一時寵遇皆欲
齊政房杜躋俗太平孰能受惡於不隱乎古者七十子
不與筆削今朝廷以史館叢文士儒家擅一時膏膺皆
欲各任憎愛手出白黑孰能專門立言乎樵未知唐史
誠何如也樵雖承史法於師又嘗熟司馬遷揚子雲書
然才韻枯槁文過乎質嘗序廬江何易子首末十言責
文則喪質近質則大禿刮垢磨痕率不到史獨謂足下
才力天出最與史近故以樵所授於師者致足下

寓汴觀察判官書

大梁居東諸侯兵最為雄軍侯乘權肆豪奴視州縣官

可之三

三

州縣官即慄縮自下美言立聞觀察使往往得上下考
即欲認官為治必為軍侯所傾折大者至奪觀察使小
者至為軍人所繫辱州縣官格手失職不敢與抗由是
軍侯得侵繩平民鞫吏授辭往往獄至數百不以時省
以故平民益畏軍侯至不知有觀察使矧州縣官耶國
家設州縣官以治平民豈以屬之軍乎今京兆二十四
縣半為東西軍所奪然亦不過籍占編民翼蔽疆田其
辭獄曲直尚歸京兆今汴軍所侵州縣者及愈東西軍
士大夫薨居未嘗不病東西軍侵府縣事及自提兵符
則不知有以規畫之矧天子之貴耶執事三從事盧公
其所以佐盧公使炳炳不磨於世者襄陽南漳之民皆
能道之今居汴有日而曾無所聞豈屑有未暇耶執事

亘亟以前之所陳辨之盧公稍稍奪左右軍侯權且使
繫獄者不得治於軍門凡當隸州縣者悉索歸之使軍
自軍州縣自州縣無相奪也今執事官曰判官察州縣
事正執事職幸無忽

與賈希逸書

主數主下曩者樵耳足下聲憤足下售於時何晚及目
足下五通五十篇則足下困十上亦宜矣物之精華夫
地所秘惜故蒙金以砂鋼玉以璞珊瑚之叢必茂重溟
夜光之珠必含驪龍技而不已積而不知止不窮則禍
天地離也文章亦然所取者廉其得必多取者深其身
必窮六經作孔子削迹不粒矣孟子述于居坎河齊魯
矣馬遷以史記禍班固以西漢禍楊雄以法言太玄窮

可之三

四

元結以梧溪碣窮陳拾遺以感遇窮王勃以宣尼廟碑
窮王川子以月蝕詩窮杜甫李白王江寧皆相望於窮
者也天地其無意乎今足下立言必奇撫意必深技精
剔華期到聖人以此賈於時釣榮邀富猶欲疾其驅而
方而輪若曰爵祿不動於心窮達與時上下成一家書
自期不朽則非樵之所敢知也嗚乎孤進患心不苦及
其苦知者何人古人抱玉而泣樵捧足下文能不濡睫
懼足下自待也淺且疑其道不在故因歸五通不得無言

與王霖秀才書

太原君足下雷賦逾千六言推之大易參之玄象其自
甚微其辭甚奇如觀駭濤於重溟徒知褫魄貽自莫得
畔岸誠謂足下恠於文方舉降旗將大誇朋從間且疑

子雲復生無何足下繼以翼百及雜題十七篇則與雷賦相闊數百里足下到其壺非則惟所敢與知既入其城設不如意亦宜上下銖兩不當如此懸隔不知足下以此見賞耶抑以背時疾衆且欲哺柏啜醢以其苟合耶何自待則淺而徇人反深鸞鳳之音必傾聽舊蓬之聲必駭心龍章虎皮是何等物日月五星是何等象諸思必深禱辭必高道人之所不道到人之所不到趨惟走奇中病歸正以之明道則顯而微以之揚名則久而傳前輩作者正如是譬玉川子月蝕詩楊司城華山賦韓吏部進學解馮常侍清河壁記莫不拔地倚天句句欲活讀之如赤手捕長蛇不施鞞騎生馬急不得暇莫不捉搦又似逐人入太興城茫然自失詎比十家懸足

百之三

五

未及東郭自以極西郭耶惟當得為文真設於來無擇來無擇得之於皇甫持正皇甫持正得之於韓吏部退之然樵未始與人言及文章且懼得罪於時今足下有

與友人論文書

嘗與足下評古今文章似好惡不相闕者然不有所竟願樵何所得哉古今所謂文者辭必高然後為奇意必深然後為工煥然如日月之經天也炳然如虎豹之異犬羊也是故以之明道則顯而微以之揚名則久而傳今天下以文進取者歲歲試於有司不下八百輩人人矜執自大所得故其習於易者則斤遊艱辭致於難者則鄙平淡之言至有破句讀以為工摘俚語以為奇秦

漢已降古文所稱工而奇者莫若楊馬然善觀其書乃與今之作者異耳豈二子所工不及今之人乎此樵所以惑也當元和長慶之間達官以文馳名者樓武於朝皆開設戶牖王張後進以磨定文章故天下之文章然歸正泊李御史甘以樂進後士飄然南遷由是達官皆闔關斷舌不敢上下後進宜其為文者得以威任其意無所取質此誠可悲也足下才力雄健意語鏗耀至於發論尚往往為時俗所拘豈所謂以黃金注者昏耶願頑朴無所矜曉然嘗得為文之道於來公無擇來公無擇得之皇甫公持正皇甫持正得之韓先生退之其所聞者如前所述豈樵所能臆說乎

百之三

六

孫可之文集卷第三

孫可之文集卷第四

雜著

梓潼移江記

興元新路記

蕭相國寫真讚

梓潼移江記

涪縵于鄴迫城如蟠淫潦漲秋狂瀾陸高突堤嚙涯包
城蕩廬歲殺州民以為官憂榮陽公始至則思所以洗
民患頗聞前觀察使欲鑿江東壩地別為新江使東北
注流五里復匯而東即堤墟舊江使水道與城相遠以
薄江怒遂命武吏發卒三千跡其前謀役與三月功不
可就有謂於榮陽公曰公開新江將杖民憂然注勢不

可決訛言不可絕公將何以終之榮陽公曰吾欲厚其
直以勸其卒可乎對曰飢卒賴厚直民惜其田以顯得
不可榮陽公曰吾欲戮其將以勸其卒可乎對曰代之
將者必苦吾卒卒若叛不可榮陽公曰奈何對曰夫民
可與樂終難與圖始固自役與已來彼其民曰夏王輓
促萬靈以導百川今果能改夏王跡耶非徒無功抑有
後災群疑牽綿民心蕩播前時觀察使欲鑿新江中輒
議而罷豈病此耶公即能先堤民言新江可度日而決
也榮陽公諾明日榮陽公視政加猛吏獄加斷又明日
杖殺左右有所貳事鞭官吏有所阻政者遂下令曰開
新江非我家事將脫鄆民於魚禍耳民敢橫議者死鄆
民以榮陽公尊為京兆既憚其猛及是民心大慄群舌

如斬未幾而新江告成榮陽公歡出臨視班賞罷卒已
而歎曰民言不堤新江其不決耶新江長步一千五百
闊十分其長之二深七分其闊之一盤堤既隆舊江遂
墟凡得田五百畝其年七月水果大至雖踰防稽陸不
能病民其績宜何如哉榮陽公既以上聞有司初其不
先白詔奪俸錢一月之半樵嘗為褒城驛託限所在長
吏不肯出毫力以利民及觀榮陽公以開新江受譴豈
立事者亦未易耶是歲開成五年也

興元新路記

入扶風東阜門十舉步折而南平行二十里下念濟坂
下折而西行十里渡渭又十里至郿郿多美田不為中
貴人所并則藉東西軍居民百一繫縣自郿南平行二

十五里至臨溪驛驛扼合口夾道居民皆籍東西軍出
臨溪驛有坊南登黃蜂嶺平行不能百步又步登渠渠
嶺盤折而上甚峻渠嶺出渠南可為閘道平下渠渠嶺
嶺稍平二嶺之間凡行十里自臨溪有支路直絕澗並
黃蜂嶺復有支路並間出渠渠嶺下行亂石中五六里
與澗西支路合秋夏此路亦絕由大路十里橋無定河河東南
來觸西山不墮號怒北去河中多白石磊磊如削又十
里至松嶺驛逆旅三戶馬始食茅自松嶺平行三里逾
二橋登八里坂其峻下坂行十里平如九衢又高低行
五里行運雲驛自連雲西平行二十里上五里嶺路極
盤折凡行六七里及嶺上泥深減蹀行苦多苦於此可

路旁樹往往如桂塵縷纒纒而長從風紛然訖於薪者
曰此泥榆也豈此嶺常泥而樹有此名乎凡泥行十里
稍稍下去又平行十里則山谷四拓原隰平曠水淺草
細可耕稼有居民似樊川間景氣又五里至平川驛自
平川西竝澗高下行十里復度嶺嶺東度可謂為嶺西出嶺
古道上下嶺凡五里復平不能一里復高低有閣路行
七八里扼路為關閣其為臨洮關南為河池自黃蜂嶺
泊河池關中間百餘里皆故汾陽王私田嘗用息焉多
至萬蹄今為飛龍租入地耳入關行十里皆閣路立澗
閣絕有大橋蜿蜒如虹絕澗西南去橋盡路如九衢夾
道植樹步一林凡行六七里至白雲驛自白雲驛西
並澗皆閣道行十里巖上有石刻橫為一行曰鄭淮造
凡三字不知何等人也人多以淮為淮又一十三里至
芝田驛皆閣道平高下多碎石自芝田至仙岑雖閣路
皆平行往往澗旁谷中有桑柘民多聚居雞犬相聞水
益清山益奇氣候甚和自仙岑南行十三里路左有崖
壁然而高出其下殺其有聲如風怒薄水里人謂之鳴
崖豈石常鳴耶抑俟人而鳴耶又行十五里至二十四
孔閣閣上巖甚奇有石刻其刻云褒中典閣主簿
王顓漢中郡道閣縣祿馬甫漢中郡北部督郵迫通都
匠中郎將王胡典知一縣正衛績教蒲池石佐張梓等
百二十人匠張差教褒中石仇泉疆等百四十人閣道
教習常民學川石等三人一本作五人凡七十字其側則曰
太康元年正月二十九日案其刻乃晉武平吳時蓋晉

由此路耳又行十五里至青松驛驛自仙岑而南路旁
人煙相墊澗旁地益平曠往往墾田至一二百畝桑柘
愈多至青松即平田五六百畝谷中號為美地居民尤
多自青松西行一二里夾路多松竹稍稍深人不復有
平田行五六里上小雪嶺極峻折嶺東多泥土踈而黑
嶺西九峻十里百折上下嶺凡十八里四望多叢竹又
高低行十里至山煙驛居民甚少行旅無庇自山煙西
高低行二十里上長松嶺極峻羊腸而上十里及嶺上
復羊腸而下十五里及嶺下又高下行十里至迴雪驛
自迴雪驛南行三里上平樂坂極盤折上下凡十五里
至福溪自福溪有路通自山下由大雪嶺平五里上
迴雪驛開此路即將買昭爭昭爭大路合蓋古所通乃坦途也
切且彼物之遂開古松嶺路又高下行十里至黃崖崖
南極峻折上下黃崖六七里至盤雲驛西行復並澗行
二十里即背絕小嶺上下凡五六里稍平又行十里至
雙溪驛自雙溪驛西有路並澗出白城自又平行三十
里至城又行六十里至興元亦古所通尤坦途
也城固之要道出其縣也自雙溪南平行四里至天苞
畧開路長開天苞路也
嶺羊腸而上凡十五里極峻折往往閣路至嶺上南望
興元煙霧中也下嶺尤峻折凡三十里至文川驛自文
川南行三十五里至靈泉驛自靈泉平行十五里至長
柳店夾道居民又行十五里至興元西平行三十里至
褒城縣與斜谷舊路合矣議者多以謂此路不及褒斜
一經文川至於山川險易道遠途悉得備謂舊用褒斜
蓋亦折衷耳苟使賈昭盡心于榮陽公如推所備注誠
愈於褒孫樵曰古人尚謀新仍曰何必改作利不十世
不變豈謀新亦未易耶榮陽公為漢中以褒斜舊路脩

阻上謂開又古道以易之觀其上勞其將下勞及卒其
勤至矣其始立心誠無異於古人將濟民於艱難也然
朝廷有竊竊之議道路有唧唧之歎豈榮陽公始望耶
洗謀肇乎賈昭事昌平李球役卒督王者不增品秩於
天子則加班列於榮陽公榮陽公無毫利以自與而怨
各獨歸榮陽公豈古所謂為民上者難耶

蕭相國真讚

咫尺天威首出時傑英明橫溢神鋒秀發秋空健骨霜
夜皎月劍淬愈利玉燒不熱錦浦宸游傳巖夢說馭物
惟誠在公抗節再安宗祐蕩掃氣擊廣道迴日羣華歸
闕秋糠魏丙肩杖稷契仰止丹青永保徽烈

句之四

五

孫可之文集卷第四

孫可之文集卷第五

雜著

孫氏西齋錄

武皇遺劍錄

龍多山錄

孫氏西齋錄

孫樵謂陸長源唐春秋乃編年雜錄因撥其體切峭獨
可以示懲勸者擲其繁冗秃屑不足以警訓者自為十
八通書號孫氏西齋錄起高祖之初洎武皇之終首廟
號以表元首日月以表事尚功力正刑名登崇善良蕩
戮凶回有所鯁避則微文示譏無所顧慄則直書志
所謂高祖殺太子建成者何黜功徇愛譏失教也

百五

功百嗣有天下高祖不當立蓋成爲太子有李勣立皇
六月二十四日事故書高祖殺太子建成
右武氏者何忘諫養鷹廢命也李勣爲顧命大臣
李勣立皇右武氏起王右已廢之魂上配天皇者何登
嫌黜家不可謂順予懼後世疑於禘祫也高宗廢王右
觀高宗示天有列昭穆故辨以矣條天右擅政之年下
繫中宗者何紫色閭位不可謂正子懼後世牽以稱臨
也天右改元即真今悉以天右年及行崔察賊殺中
書今裴名犯武者何詭譎梯亂登殺機也裴爲顧命大
歸政御史崔察裴于都身解故書曰崔察賊殺中書
政天右遂發怒裴于都身解故書曰崔察賊殺中書
裴張守珪以安祿山叛者何貸刑佛教給禍階也祿山
守珪部將嘗犯令張守珪以安祿山叛者何貸刑佛教給禍階也
果使亂天下故書張守珪以安祿山叛者何貸刑佛教給禍階也
下殺者何罪暴天下示衆與殺也稱天子殺者何死非

其罪示衆不與殺也臣或不書卒者何不以直終去卒
以示貶也君或不書葬者何不以正終去葬以示譏也
懼忘去瑞示戒志亦尚德必書賤尸位則黜貴皆所以
毆邪合正俾歸大義則前所謂起王右陸天皇是也

武皇遺劍錄

孫實實例以示懲勸張守珪以安祿山叛之類是也
相外沉人於十數年間史官出沒人於千百歲後是史
官與宰相分挈死生權也爲史官者不能抃直骨於枯
墳齷齪魄於下泉磨墨鬻乳荒閣飽帙豈國家任史官
意耶樵既序其略授其友高錫望傳之矣

武皇遺劍錄

武皇帝得利劍於希夷之間提携六年而四用之且其
席績暉如哉性者北戎猖狂渝盟盜疆大出虜門戍卒

百五

屢奔武皇赫然奪雷霆之威驅狼武之師清胡塵於塞
垣復帝子於虜庭非武皇一用其劍耶賊鎮阻兵邀爵
山東劫衆以濟其奸孽險以扞其誅王師萃之屢戰無
功兵刃將稽賊勢益張并醜乘之遂萌梟心乃劫吾兵
乃固吾城反書既聞卒憐京師重人謠曰上宜亟以節
假之且赦其辜俾守北門以伐虜謀不然并且東連路
兵北合戎師分卒以趨太行卷甲以下河東國家其能
甘心於路寇耶武皇曾不逗撓於其裏亟發武符枝言
誅之羽檄朝馳又擒并頑非武皇再用其劍耶并部既
平路守益堅王師告勞國用告虛內外咨嗟訛言佛騰
飛于上聞上爲不聞誅路之心益率責戰之詔日嚴卒
能克大斃於山東梟渠魁于國門非武皇帝三用其劍

耶浮屠之流其來綿綿根盤蔓滋日熾而昌盡干民心
蠶于民生力屈財殫民恬不知武皇始議除之女泣于
望男號于途廷臣辨之於朝襲官爭之於旁群疑膠牢
萬口一辭武皇曾不持疑卒詔有司驅群疑而毀之毀
其居而田之其徒既微其教僅存民獲其瘼國用有加
風雨以時以冰不生非武皇四用其劍耶今者嗣皇帝
纂武皇之耿光傳武皇之遺劍宜乎銘其鐸不使其挫
實其刃不使其泥而又研之以義淬之以智匣之以禮
苞之以仁持之以信與天下終始天下幸甚

龍多山錄

梓潼南鄙越五百里其中有山崛起中天即山之趾得
迥委延舉武三千北出其巔氣象鮮妍孕成陰煙屹石

可三

三

巉巖別為東巖查穿重複爭生角逐若裂若鉸若
元突者虎怒企者猿踞橫者木仆挺者碑植又有似乎
飛簷連軒櫺櫺交橫欹撐元柱懸棟危礎殊狀詭類傳
不得視下有畝平砥若戶庭穩乳側脈膏渾泓石俯對
絕壑抄臨蘭薄仙臺標異藁石負起屹與山別猿鳥磧
絕腹竇而空路由其中斷澗相望攀緣上下闐然而出
矚見白日始時永嘉飛真蓋羅人傳晉永嘉中有為蓋
蓋畢於其白日上昇今立蹤斯存石刻傳聞丹成而蟬
臺下有碑誌存焉者也
駕鶴騰天一去遼廓十載寂寞澄泉傳靈剎巖鏡明風
閑境清寂寥無聲嘉木美竹崗巒交植風來怒黑雷動
崖谷山禽崑獸捷翔牙鷲曉吟與啼聽之悽悽迴環下
矚萬類在目煙山帶川青紫碧聯蒼蒼際天杳杳不分

月上千東日薄于泉魄明輪昏出入目前其或陌霧朝
雲糊空縛山漠漠漫漫莫知其端陽曦始外徹天昏紅
輪高而赤光流散射濃透薄釋錦裂綺折千狀萬態倏
然取齊樵起辛而遊洎申而休益降信宿聞見習熟姑
曰山平曾未始有傳乎無處夸世鈞名者汚此巖肩乎
且欲聞於穎陽之徒乎

孫可之文集卷第五

四

孫可之文集卷第六

雜著

迎春奏

復佛寺奏

迎春奏

黑帝歷窮帝命青帝嗣其公無私皇帝備牲率鼓鐘迎饗于郊東賤巨樵寓疏太常上奏曰天有四時陛下實行之是天乘陛下政令明昏而為煥寒也青帝何功而饗乎寬空春之日陛下廟以時出帛以時郵則孽牙孽拔勾萌畢達矣夏之日陛下農時無所奪山麓無所伐則草木壯茁國無天札矣秋之日陛下獄無曲決敗無圍殺則霜露不失節萬物固結矣冬之日陛下地氣不

掘洩室屋不徹發則豐隆不敢擊越百蟄塞穴矣聖人之時日南無驕陽怒蟄無繁霜斗北無伏陰火西無滯霖淫昏之世灰膏而波春行秋令大反冰而花冬行夏花電傷蝮噬時則蟄飛蔽天旱赤雨血秋行夏令則旱赤雨血雨血時則赤旱是陛下政令出乎脩明則寒暑運行政令出乎滂昏則災祥屢臻其可忽乎臣又聞陛下與人為春得華慘作和起耕生華喜滿其家沃穆歡咳如暖景時開樹色煙光覺慈籠芳蒼陛下與人為秋得愁刮人魄風日冷白慄蕭索覺庭槐枯落陛下與人為夏得變絳成襦嘔盡作爐駒驅轍結雜還噎楔門如三伏熱陛下與人為冬得舉皆不見日凍薄人骨間感感燈青火白門無跡轍跡顧陛下左右皆春天下病悴者瘳也陛下肘

腋皆熱中國病凍者眾也豈陛下用心有頗焉陛下苟能平其心雖澤不周惠不均天下無恨言不然天將視陛下心而燠寒也

復佛寺奏

賤臣樵上言臣以為殘蠹於理者群鼠最大且十口之家謂也男力而耕女力而桑雖歲其衣食僅自給也棟宇僅自完也若群鼠者所飽必稻梁所衣必綿縠居作邃宇出則肥馬是則中戶不十不足以活一鼠武皇帝元年籍天下群鼠凡十七萬夫以十家給一鼠是編一百七十萬困於群鼠矣武皇帝一旦戔天下鼠悉歸平民是時一百七十萬家之心咸知生地陛下自即位以來詔營廢寺以復群鼠自元年正月即位已來洎今年

五月

五月斤斧之聲不絕天下而工未已訖聞陛下即復之不休臣恐數年之間天下十七萬鼠如故矣臣以為武皇帝即不能除群鼠陛下尚且勉思而去之以甦疲民況將興於已廢乎請以開元之事情之開元之年大駕還自東封從以千官之眾六軍之士三日留於陳留民猶有餘力今陛下即能東封道次給一食則民力殫矣何開元之民力有餘而陛下之民力不足耶開元之間率戶出兵率若干戶共籍而為伍春夏縱之家以力耕稼秋冬聚之將以戒武事如屯則兵未始廢於農未嘗奪於兵故開元之民力有餘也今天下常兵不下百萬皆衣食於平民歲度費率中戶五僅能活一兵如此則編戶不五百萬不足以給之故陛下之民力不足也

今陛下以力不足之民而欲重困於群疑將何以踵開
元太平事耶貞觀以還開元戶口最為殷繁不能逾九
百萬即今有閭於戶部其能如開元乎借如陛下以五
百萬給天下之兵今又欲以一百七十萬給於群疑是
六百七十萬無羨賦矣即令戶口不下於開元其餘止
二百萬而國家萬故舉出其間陛下孰與其足耶即是
蓋鐵不可除而權笮加笮矣天下之民得不重困乎日
者陛下嘗欲營國東門諫議大夫入爭於前二言未及
終陛下非徒輟其工而又賜帛以優之今所復寺宇豈
特國門之急乎蓋徒嘯工豈特國門之役乎寧諫議大
夫不以言而陛下不以聽耶陛下則不能復廢之臣願
陛下已復之疑止而勿復加已營之寺止而勿復修庶
不可之六

幾天下之民尚可治也今天下最不可去者兵也尚為
陛下日夜思去兵之術究開元太平事異異百為陛下
言之況去無用之疑耶臣昧死以言

孫可之文集卷第七

雜著

序西南夷

序陳進士舉

寓居對

乞巧對

序西南夷

道齊之東偏泛鉅海不知其幾千里其島夷之大者曰新羅由厲而南逾長明涉不毛馳七八千里其群蠻之雄者曰南詔是皆鳥獸之民鳩舌言語難辨皮服獷悍難化其素風也唐宅有天下二國之民率以儒為教先被彬彬然與諸夏肖矣其新羅大姓至有觀藝上國科舉

四可之一

射策與國子惜鳴者載籍之傳義然前聞夫其生窮海之中託瘴野之外徒知便弓馬校戰獵而已烏識所謂文儒者哉今挾默心而知禮節撻左衽而同衣服抹皇風遠洽耶嘗聞化之所被雖草木頑石飛走異彙咸知懷德於是乎有殊能詭形之効祉者一國之為其瑞與天瑞之出不孤將必有類者則更朔之隅不懷之倫其嚮風仙流歸吾化哉世之言唐瑞者徒曰肉角格六穗稼云酒泣庭苑巢神禽獲則曰一國文學也

序陳生舉進士

夫物不得以時而發其發必熾風時溪谷颺颺習習即不得遂作必飄忽源泉混混然堤防波蓄波史壅缺亦不可遏於其人也亦然穎川陳君李積平勤藝高乎專

喪家途歎志用不適鬱然而居者有年矣累為連師實禮貢之天子齋咨喑鳴輒以窮盡今年稍始克借計吏僱勉上道又憤湮鬱一旦波發若風波之得宣洩吁可當耶名光耀乎天庭聲飛馳乎海浦其在此行矣然君子學道以徇祿端已以售道不肯尺枉以勸尋直況突梯滑稽以苟得與君其勉之樵弱弓蓬矢難以妄發徒善君之引滿強勁指期命中於行不能無述

寓居對

長安寓居闔戶讀書悻如凍灰癯如槁柴志枯氣索恍不樂一旦有曾識面者排戶入室詫駭唧唧且曰懣耶懣耶何自殘耶則對曰樵天付筋骨宜安守拙無何提筆入貢士列鍊文例觀讀書爛舌十試澤宮十黜有

四可之二

二

司知已日懈朋徒分離剽遠來閱東秦裝鎖空一入長安十年屢窮長日猛赤餓腸火迫滿眼花黑脯西方食暮雪嚴冽八夜斷骨穴灸敗褐到曉方活古人取文其責蓋輕一篇跳出至死馳名今人取文章章貴奇一句皮意卷前解知言念每歲祖春背暑洗刷精魂溢柘襟慮時窓夜燭上下雕斲撫言必高儲思必深字字磨校以牢知音况榮辱槌其外得失戕其內機穽在字足鋒刃在手背吾非檻豕籠雉其能窮而反諷乎客退遂書凡為歌曰
肥於良孰為肥其道求於人孰與求其身處乎出乎孰為得而孰為失乎

乞巧對

孟秋暮天當庭布筵有瓜於盤有菓於盆拜而言若祈
於神者從而問之對曰七夕祈巧祀也若有求乎樵應
之曰吾守吾拙以全吾節巧如可求適為吾羞彼巧在
言便便翻翻出口簧然媚於人間華白成黑蠱直殘德
奪詬為聖譖回為賊離間君親賣亂家國彼巧在文摘
奇塞新轄字末句稽程合度磨韻調聲決濁流清雕技
鏤英花鬪策明至有破經碎史稽古倒置大類於俳觀
者啓齒下齟沈謝上殘騷雅取媚於時古風不歸彼巧
在官竊奢儼善鮮古銜口媚竈賂權忍耻受侮愧畏如
鼠望塵掃門拍期九遷君納於違贊唱菲菲翫世偷安
敗俗紊官彼巧在工壞詭不窮嗤古笑朴雕鏤錯落憲
雲亘天曠霍延綿窮侈殫麗越礼踰制繡紋錦幅雲綃

可之十

三

霧穀若出鬼力大蠶婦織遂使俗尚浮華名溺于奢涓
冢磨國未聘曾臆蠶于化源戕此民力由此觀之巧何
足亡吾寶吾拙雖尚事閭優游經史卧雲嘯月九衢宣
宣夾路朱門曉鼓一發車馳馬奔子方高枕偃然就寢
腹搖鼻息夢到鄉國槐花撲庭鳴蜩噪晴懷軸囊刺門
門買散坊屏居詠歌吾廬對松歌石莫知其餘上天付
性吾豈無命何求於巧以撓吾靜吾方欲上叫帝閭以
窻巧門使天下人各歸其根無慮無思其樂怡怡耕食
織衣如上古時巧乎巧乎將何所施為

孫可之文集卷第七

孫可之文集卷第八

雜文

文身公笏銘

潼關甲銘

康錄郎中墓銘

刻武侯碑陰

舜城碑

文身公笏銘

大中六年詔出文身公笏歸其孫丞相壽孫樵請銘其

笏曰

靈象薦角 比于獻骨 合此憤烈 在公為笏

怒虎可唾 笏不可挫 峭華可拔 笏不可折

可之八

柱天不反 指日不蝕 標儀條臆 起稷開直

噫諫舌切 上磨帝鈇 不逆不怫 笏則公笏

緊拱折列 爭舌不發 膠榮顧鍊 下偷上復

非公之節 孰為公笏

潼關甲銘并序

潼戶呀東翼盪敵南有文甲數十扎焉委于前楹遊壁
飄風綴斷革刑樵過而貽之且曰此國之闔也是小欲
邊寇偷大欲扼諸侯今者閉禁施而不幾守甲存而不
完將何抑天下心而割天子憂耶關吏突而進曰借如
潼之甲可以燭日潼之旗可以名天戰輒畫驚驚拚皮
鳴吾曹將權堅荷鍛投死地之不暇又安得與客台縹
而束合縹而西哉今上君臨萬邦號令所加風清日明

理為大和如此則關之禁何為而申嚴關之甲何為而

縹堅玄宗四十二年關中之兵其屯如雲孽胡丑來吐

而關之守甲其不完耶古之善守天下者辰禮以防之

闡樂以和之明刑以齊之修政以固之則其守在四海

之外何以關為而况完其甲乎是天下愈安而其禁愈

施天下愈平而其中愈弊耳惟將去之且銘其甲云潼

關之甲完吾孰與安潼關之甲弊吾孰與濟甲乎甲乎

理與爾謀亂與爾謀無俾工爾修

唐故倉部郎中康公墓誌銘并序

唐尚書倉部郎中姓康氏以咸通十三年月日薨於鄭

州官舍其年月日前左拾遺陳畫寓書孫樵曰與子俱

恩康公爾今先遠有期其孤徵誌於子子其祖讓樵哭

可之八

之慟已而揮涕叙平生公諱某字某會稽人曾祖諱某

贈某官祖諱某贈某官父諱某贈某官幼嗜書及冠

能屬詞元及四六文章搜毫立成清媚新峭李者無能

如自宣城來長安三舉進士登上第是歲會昌元年也

其年久得傳學宏詞授秘書省正字明年臨桂元公以

觀風支使來辟換試祕書郎五年調再授秘書省校書

郎大中二年復調授京兆府參軍其年冬為進士試官

峭獨不顧雖權勢莫能撓其與選者不逾年繼踵昇第

故中書侍郎高公塲尚書倉部郎中楊嵩太常博士杜

敏求今春官貳卿崔公殷夢尚書屯田郎中崔亞前左

拾遺陳畫洎樵十輩皆出其等列也明年授大理評事

兼監察御史戶部巡官明年改蓋鐵巡官天付介直不

能諂言故丞相河東公休使益鐵轉運公或請計事將入門裴公謂謁者曰必康君也裴公始以直知終以直廢明年去益鐵詔授大理司直或有所讞宰相莫能迴其筆明年授試大理司議郎兼侍御史度支巡官明年改授檢校戶部員外郎兼侍御史轉運推官明年換判官今華州刺史李公訥拜益鐵轉運使將莅事且召群吏曰二十年已旋推官判官誰為廉平可以助吾治者群吏皆以公塞問李公曰吾得之矣公由是不去職咸通元年改檢校禮部郎中兼侍御史充轉運判官李公始以廉平知終以章奏加厚常稱於班行間曰康公宜掌帝制或與宰相言必慰薦之明年詔授海州刺史廉而不刻明而不按案牘符檄公一以口授之群胥輩徒

四可六

長曰齊鄉貢進士次曰顏鄉貢進士次曰言明經及第次曰某云某長女適益州防禦判官討大理評事高暹七女未笄夫人自京師携其孤奔喪于管城其年九月三日以公之喪權定于孟州河陰縣某鄉里銘曰會稽之英斗牛之靈併鍾德門公實挺生月中舉桂日下馳名芸閣清秩牢盆美聲出牧東海貳鄉棘寺鴻行望郎錦川星使騏驎蹀足蛟龍得水富貴可期煙霄漸適謫非其罪天道寧論不復雙闕遽歸九泉圃田發紉河陰封樹勒石載銘庶幾終古

刻武侯碑陰

四可六

合諸侯在下矣

舜城碑

帝承天休纂堯之勳啓宮于蒲守不以城帝守以城孰
守不城阻胡為也限華為門波非不狂巖非不崇口不
以仁社為周遷將蒙監扶理土朔方方里行胡貽謀子
孫始訖其功阿房已墟帝豈不城城在民和自華洎庚
罔不順同屹為國垣以藩有虞其堅如金其厚如坤蕩
蕩巍巍牢不可屠四罪雖頑莫敢來攻一家熙熙相視
而安帝配商均不私以城帝死倉吾授之夏家太甲不
修帝城乃頽唯此帝城哲王獨知求之民心迺見其基
帝城雖隨築之不難無寧無荒帝城復高不識不知相
傳峻隅其板雖崇其築雖堅非帝之心孰為帝城

可之八

子

孫可之文集卷第八

孫可之文集卷第九

雜文

逐店鬼文

祭故友高諫議文

祭梓潼神君文

逐店鬼文

孫子病瘧其友踵門請曰始則慄縮憾懷有若小子於嚴冰者終則憤胷樂肌有若童子於烈爐者子知動作皆鬼耶余試為子逐之以文樵應之曰子病誠鬼也然樵居平亦有不自子事者抑有鬼乎樵嘗思委質以事君則有若剗心而死者立於旁曰當如此諫樵嘗思不入於危難則有若續纓而死者立於旁曰當如此忠樵

可之九

嘗欲不固其窮則有若拜拒饋粟者立於旁曰當如此廉樵嘗欲苟違其期則有若擁梁汨死者立於旁曰當如此信樵嘗欲與人美言則有若教子誣談而鯁人耳者樵嘗欲與人市交則有若教子違熱而去勢者樵嘗欲趨權豪以冀得則有若牽子裾而躡子足者樵嘗欲忍汗被以自媒則有若縛子舌而膠子口者子之不得專也如此以故學勤而吾道愈窮業修而知已日消是殘吾生於店鬼也子并為我逐之吾聞有陳万年者射利乘機迎顏作怡愉愉便便向意奉歡死而有靈是為誑鬼依人使人蒙福入見輒喜擺去不得復有公孫引者冠已沾名飾情釣穀內苞禍心外示舒引死而有知是為矯鬼此鬼憑人使人有間上信於君下喜於民復

有司馬安者攘義益仁縛舌交唇柔聲死顏狐媚當權

死而有靈是為巧鬼此鬼依人辭枯即榮長翹華縷高

步天庭復有和長輿者鉅萬歲家費府內磨鱗老蟻縮

陣陣腥澁死而有知是為錢鬼此鬼憑人使人氣豪意

適交歡販祿買曲成直此四鬼者苟與吾遊吾必快所

求足資吾生於他鬼也子并為我招之其友不對退而

歌曰

窮吾知其所羞達吾知其所求此不當逐而彼不當游

君乎君乎誠有激於中乎吁

祭高諫議文

咸通十一年十一月五日友人孫樵謹遣家僮犀角鴛

兒具時羞之奠敬祭于故友滁州刺史贈諫議大夫高

可之九

公叶卜之靈嗚呼與君定友不謝古人為分日空為道

日親二十五年彼我一身人謂我愚君謂我賢人欲我

後君欲我先我為一善君喜見顏我為一失君愠形言

意我尚華布衾御寒樵嘗按故友歸論意在華飾故友為樵常蓋布被用以示儉素

意我尚進蓑笠當軒樵嘗按故友歸論意在華飾故友為樵常蓋布被用以示儉素

濁泥君躡青雲不以外沉澗隔其間誨我如兄煦我如

春我何敢忘銘骨書紳君之文章可動鬼神君之器業

可活生民我之賴君如倚華山庶寡善過期大我門君

牧除疇我從邠軍方恨綿瓊凶計遽聞東嚮慟哭痛貫

心肝三日麻衣朝脯忘食百身莫贖何裨往魂嗚呼痛

哉杵臼死義比千死仁君殞賊手為怨難論嗚呼痛哉

君殞喬公我歸咸秦試發舊篋君書易千詞百重重塵

色如新苟非相諫即是慰安填臆悲來淚如迸泉嗚呼
哀哉天喪吾友吾何望焉誰拯湮溺孰開頑昏嗚呼痛
哉世人結交違寒集溫如我不易如君固難嗚呼痛哉
敬妻晝哭松紹幸存轎車其東歸骨洛川遠備醪饌告
辭極前嗚呼哀哉尚饗

祭梓潼神君文

大中十八年七月九日鄉貢進士孫樵再拜獻辭張君
靈座之前樵實頑民不知鬼神凡過祠廟不笑即唾今
於張君信有靈云曾曰五年夜躋此山東雨如泣滑不
可陟蒲服漆黑索途不得跛馬溫僕前仆後踣樵因有
言非燭莫前須更有光來馬足間比望空山火起朝燔
焔焔逾文飛芒射天暝色斜透峻途如晝樵謂朝奴若

四可之九

三

寒熟新取溫曉及山顛鑠澁廟門餘燼莫覩孰知其然
大中四年冒暑燥秦午及山足猛雨如雹樵復有言神
誠能神反雨為晴曩火乃靈斯言纔闕迴風大發始自
馬前怒號蒲山劈雲飄雨使四山去茲山魏魏輕塵如
飛訖四十里兩不霑衣顧樵當時嘉神不欺與神心期
神其自知今過祠宇其敢默去觴酒豆脯捧拜庭下神
其歆此

孫可之文集卷第十

雜著

讀開元雜報

罵僮志

復召堰籍

讀開元雜報

樵曩於襄漢間得數十幅書繫日條事不立首末其略曰某日皇帝親耕籍田行九推禮某日百寮行大射禮於安福樓南某日安北奏諸蕃君長請扈從封禪某日皇帝自東封還賞賜有差某日宣政門宰相與百寮廷爭一刻罷如此凡數十百條樵當時未知何等書徒以為朝廷近所行事有自長安來者出其書示之則曰吾

居長安中新天子嗣國及窮虜自潰則見行南郊禮安有籍田事乎况九推非天子禮耶又嘗入太學見叢麋負土而起若皇堂者就視得石刻乃射堂舊地則射禮廢已久矣國家安能行大射禮耶自關東水不敗田則早敗苗百姓入常賦不足至有賣子為豪家役者吾嘗背華走洛遇西戎還兵千人縣給一食力屈不支國家則能東封從官禁兵安所仰給耶北虜驚疆邊陲勢不可控宰相馳出責戰尚未報功况西關復驚於西戎安有扈從事耶武皇帝御史以竊議宰相事望嶺南走者四人至今卿士斷舌相戒况宰相陳奏於仗罷乎安有廷爭事耶語未及終有知書者自外來曰此皆開元政事蓋當時條報于外者樵後得開元錄驗之條條可

復然尚以為前朝廷所行不當盡為墜典及來長安日見條報朝廷事者徒曰今日除其官明日授某官今日幸于某明日敗于某誠不類數十幅書樵恨生不為太平男子及觀開元中書如舊賢出其間因取其書帛而漫志其末凡補缺文者十三改訛文者十一是歲大中五年也

罵僮志

孫樵既黜於有司忽恍乎若病醒之未醒茫洋若癡人之瞋行據床隱几憊然不寐二僮以推尚甘於眠偶語戶間且曰吾聞他舉進士者有門吏諸生為之前焉有親戚知舊為之地焉走健僕囊大軸肥馬四馳門門未知所至之家入去如歸闈者延屈引主人出取卷開讀

喜歎入骨自其至某如到一戶口口附和不敢指破親明版駭聲光爛然其於名達進取如撮今主遠來關東居長安中進無所歸居無所依忿割口食以就卷軸冒雨觸雪構出藉謁所至之門當關迎噴俛眉與語授卷而去望一字到主人目且不可得矧其開口以延乎時或不弃而遇主人推心於公是者當開絨引讀苟念心曲又曰彼何人耶彼何自耶况所為幽拙大與時闊凡為世人宛顏巧唇望風趨塵以集其身則必淡面鈍口顛撞礙坎昧於知機買嫌於時凡為讀書東顧西漁粗知百尾則為有餘則如燈前月下寒朝暑夜磨礪反覆期入聖域徒苦其神孰裨其身凡為文章拈新摘芳鼓勢求知取媚一時則必擺落矣新期到古人上規時政

下達民病句淡澁讀不可入徒乖於眾孰適於用凡為造謁去於附熱大求其力小求其得則必確門掃跡寂寞是適所至之處雀羅在戶人皆嫌去愈恭好慕凡為結交搜羅英豪相醉以酒相飲以庖則必屑去温煖膠牢淡泊時或聚處凍公徹曙晨起散去潔腹出戶迨慕以故學獵今古不為來譽文近於奇不為人知九試澤官九黜有司十年輦下與窮為期一歲之間幾日晨炊飢不飽菜寒無襲衣此皆自撥何怨於時浪死無成孰與歸耕言始及是樵聞起喜二僮遽匿呼喻不得遂敵几而歌曰

彼以其勢我專吾勤彼以其力我勤其學學之不修骨肉如仇李之苟修四海何憐噫吾之所責僮之所薄吾之所惡僮之所樂僮何知吾豈獨無時

復召堰籍

會昌元年漢波逾堤六走漂民襄陽以涖於是天子曰戶部侍郎盧某前為廣州治稱廉平家無餘儲府有羨財耕夫無所僭船賈無所征蠶桑蠶海隔賴之而安其以襄陽之殘民屬治之盧公既來襄陽始用李從事胤之畫能成新堤即問可以為治狀對曰天子以襄陽飢旺寄活於公宜有以休養之者襄陽之屬城為唐州唐州之支邑為泌陽泌之東有二流走出斷堤嚙道而西沁于二流南別為溝塹高岸頽水不得行昔召信臣嘗為南陽能為民障水泉廣漑灌世賴其利俗用蕃富嘗披地圖北盡南陽故地豈古所謂召堰者耶代邈時移功


不加修堤豁于流浸洩為波自必陽以南平民以西居民甚通墾田其周公則能復信臣舊規真民十世利者盧公立召管田部將出卒與穀率以聽命李從事即為條分程度指畫經略且使跡其故堤以雙二渠繫其枯葦析為南流水門既陳百瀆脉分蔓蔓于原枝枝于屯數百里間野無隙田早無稿苗召堰既成秋田大登八州之民咸忘其飢范陽盧庠能道李從事依盧公事且曰盧公自南海主至襄陽再以李從事於畫軍事凡其所居鏗耀有聞及為潞州聲光削然將發戎兵甲與而譁盧公駭咤謂他從事曰使李從事從我登及此耶是時李從事陷於讒言獲譴當奪權自盧公黜留樂陽如此則李從事前佐盧公宜如何哉李從事去襄陽五年

孫可之文集卷第十

召堰之利益大於民歲增良田頃至四萬惟惜李從事之跡不為人知作復召堰籍

皮子文藪

湖北先正遺書集部



氏慎

此基
據明

仿宋本景印



唐皮日休文數序

如京使金紫光祿大夫檢校司空兼御史大夫上柱國河東縣開國伯食邑九伯戶柳開撰讀皮子文其目曰數凡數者澤也又曰淵數也以其事物萃集之也古國之大各有數焉魯大野晉大陸秦陽陝宋孟諸楚雲夢吳越具區齊海隅燕昭余祁鄭圃田周焦護皆為數也謂是地之廣故以名之也魯晉秦宋楚吳越齊燕鄭周分里之不同各名以異之焉然一天地矣予謂皮子之名數也疑為以其文之衆作之數也又疑為若魯晉秦宋楚吳越齊燕鄭周以其文類不同各為數也是文之類雖不同而曰數亦若魯秦宋楚吳越齊燕鄭周之數雖異而揔一天地也都以文而統之是曰文數也疑而愛之觀其首又無所序說遂盡而讀之見其數之為意也霍山為賦之數首陽為碑之數惰鼎為銘之數易商君傳為讚之數周昌相趙為論之數陵母為頌之數心為歲之數移成均博士為書之數三釜為詩之數數之于文不可盡舉若勸詞十辨決約其名幾尤者例而取之也謂如大野之下國之數焉霍山之下文之數也就謂皮子文數之義不曰是乎將不曰是即不在此而在於彼也傳者得以取義焉

文數序

唐皮日休撰

咸通丙戌中日休射策不上第退歸州來別墅編次其文復將貢于有司發篋叢萃繁如數澤因名其書曰文數焉比見元次山納文編于有司侍郎楊公浚見文編歎曰上第汚元子耳斯文也不敢希楊公之歎希當時作者一知耳賦者古詩之流也傷前王大伾作憂賦慮民道難濟作河橋賦念下情不達作霍山賦憫寒士道壅作拋花賦離騷者文之菁英者傷於宏與今也不顯離騷作九諷文貴窮理理貴原情作十原太樂既亾至音不嗣作補周禮九夏歌兩漢庸儒賤我左氏作春秋次疑其餘碑銘讚頌論議書序皆上剝遠非下補近失非空言也較其道可在古人之後矣古風詩編之文未俾視之粗俊於口也亦由食魚遇鱗持肉偶腥皮子世錄著之于後亦太史公自序之意也凡二百篇為十卷覽者無誦矣

第一卷

賦

霍山賦

憂賦

河橋賦

桃花賦

第二卷

諷悼

九諷系述

正俗

遇謗

見逐

悲遊

憫邪

交數目錄

端憂

紀祀

捨慕

絮死

悼賈

反招魂

第三卷

雜著

十原系述

原化

原寶

原親

原已

原奔

原用

原諫

原刑

原兵

原祭

補周禮九夏系文

第四卷

九夏歌九篇

春秋決疑十篇

碑銘讚

文中子碑

咎繇碑

首陽山碑

春申君碑

劉棗強碑

汴河銘

藍田關銘

隋鼎銘

三老董公讚

易商君列傳讚

第五卷

文論頌序

補大戴禮祭法

杞瘞癘文

晉取陽樊論

秦穆謚繆論

漢斬丁公論

周昌相趙論

陵母頌

非沈約齊紀論

正沈約評詩

補泓戰語

獨行

法言後序

第六卷

箴

六箴序

心箴

口箴

耳箴

目箴

手箴

足箴

動箴

靜箴
食箴

酒箴

第七卷

雜著

讀司馬法

請行周典

相解

惑雷刑

悲摯獸

請莊生

旌王宇

斥胡建

白門表

無項託

鄧州孟亭記

通玄子栖賓亭記

第八卷

國文數目錄

三

雜著

正尸祭

讀韓詩外傳

題叔孫通傳

題後魏釋老志

題安昌侯傳

趙女傳

何武傳

鄙孝議上篇

鄙孝議下篇

內辯

第九卷

書

移元微君書

請韓文公配饗大學書

請孟子為學科

移成均博士書

鹿門隱書六十篇

第十卷

詩

三差詩三首

七愛詩序

房杜二相國

李太尉晨

虛微君鴻

元魯山

李翰林

白太傅

正樂府十篇

卒妻悲

橡媪歎

貧官怨

農父諱

路臣恨

賤貢士

頌夷臣

惜義烏

請虛器

國文數目錄

四

哀隴民

奉獻致政裴秘監

秋夜有懷

喜鵲

蚊子

鹿門夏日

偶書

讀書

貧居秋日

閑夜酒醒

秋江曉望

旅舍除夜

過福上人舊居

陪江西裴公遊延慶寺

西塞山泊漁家

襄州春遊

送從弟歸復州

皮子世錄

唐皮日休文數目錄

唐皮日休文數卷第一

賦

霍山賦

憂賦

河橋賦

桃花賦

霍山賦并序

臣日休以文為命士所至州縣山川未嘗不求其風
誦以頌以文幸上發輜軒使得採以聞六年至壽之
駢邑曰霍山山故岳也邑贅于陞至之二日離邑一
舍望乎嶽將頌之文也及見之則目乎顛手乎顛心
乎聳神乎奮始欲狂其文寫其狀如丹青之不差也
頌其風文其誦如金石之永播也既而其精怯然搏

文數卷一

敵躁然械因紛然禁絲絲恍然墮空浩然涉溟幽然又
亦則知才智之劣如耄而加疾將杖而奔者於戲霍
山之靈哉霍山之靈哉將闕其神而愚之邪抑有所
達而託之邪其辰既浹其精忽淪怯然而勝躁然而
適紛然而靜恍然而安浩然而濟幽然而愈如壯而
能決將陣而敵者於是狂其文寫其狀其詞曰
太始之氣有清有濁結濁為山峻清為岳其山厥臣
其岳惟君惟南之鎮曰霍為導岳之大與地角壯與
天勃勢荆豫華嵩青沂充岱如垤而秀如鬼而銳岳
之高千仞萬仞蒼蒼茫茫日月相避其光望之數百
里外為天棟梁岳之尊端然御極聳然正位靜然而

聽凝然而視其體當中如君之教其屬者如駢其拇
如枝其指若卑其儀若肅其位岳之氣其秀如春其
清若秋其翠如雲雲不能麗其色如煙煙不能鮮若
雨收氣爽丹青滿天岳之靈其神不朕其報如響若
雨用淫岳能霽之若歲用旱岳能澤之岳之德生之

文數卷一

育之煦之和之開蔭滌卉萋萋迷迷藻績數百里岳
之形有雲鶩驚其勃如怒有泉烈烈其來如决叱豐
隆奔列缺轟然霹靂天地俱裂岳之異狀其勢如危
或不可支若不可維或仰而呀有如吮空或俯而拔
有如攫地其曉而東有如冠日其暮而西有如孕月
有水而脉有石而骨有洞而腹有罅而節或銳而勵
或斷而截或迴而馳或伍而折其經之怪之祥之詭
之千種萬類繁不可得而詳記因神狂不能自主迨
而寐夢一人絳衣朱冕怪兒魁形曰余祝融之相也
霍山余君之故治也爾賦之誠形矣勝矣怪矣典矣
然義有弗備帝俾余蒞夫古有五岳霍居其一所以
五岳相適者唐虞之帝五載一巡狩一載而備上以
觀侯下以存民侯有治者陟不治者黜民有冤者平
窮者濟洎唐虞以降皆燔柴于霍我帝用饗其禮至
周且策而命我與諸岳星列中國自漢之後乃易我
号而歸于衡故祝融遷都命余守霍今聖天子越唐
邁虞而廢巡罷狩余之封內有可陟可黜可平可濟

者是聖天子無由知之尔能以文請於職事之達者
易衡之号以歸於我請天子復唐虞陟黜之義故尔
之將賦余爾懷而不尔文帝曰有衡既遠有巡必
勞惟霍之適斯号可復賦者能言胡不俾傳帝俾余
命尔錫尔文尔無忘也臣曰請惟神既覺而書嗚
呼異哉

憂賦 并序

草茅臣日休見南蠻不賓天下徵發民力將弊乃爲
賦以見其志詞曰

上自太古粵有民族顓若混命愚如視肉當斯時也
雖三王之道不能化五帝之澤不能沐迨乎混沌欵

文藝卷一

三

起規視矚分其形也有精有神其心也有偽有真既
凋其質又秀其純有智有機有義有仁有怨有對有
悲有辛居人靈府者摠屬于神神之生也攝爽孕精
胎意嬰情不迹不朕無臭無聲不居于愚不侵于嬰
先物而動先人而行不注而溢不絲而縈神之居也
填曾塞臆冥冥默默靜如寐魘將語不得其遇如噎
其飲如食其輕者勝其重者殛神之行也其居幽幽
其行悠悠來不可抑去不可留其情如刺其緒如抽
其剛爲憤其弱爲羞其子爲恨其孫爲愁入人之心
也如毒如螫如度如劉不綸而漁不兵而蒐其堅也
龍泉不能割其痛也草荔不能瘳入人之懷也倘倘

佯佯隱隱遑遑率然不勝悒若有凶威能制佚力可
摧剛乖人之性反天之常不喪而戚不役而忙不觸
而醉不馳而狂是知食儵魚者不能已樹萱草者不
可忘儻懷如嘆焉百喑贈者其人立傷入人之神也
昧人之精燥人之英癡然而作如病宿醒雖有王澄
之色必俛樂廣之神不清入人之首也欵從內熱鬱
而上結不勞膏沐自清其髮有久而釋者則其人也
冠絲簪雪入人之眉也於悒摧頰思不自裁動如葭
灰飛上眉來蠶然無力自落金杯有積而未已者雙
眉之翠如一月不開入人之目也端坐日晏凝然忘
倦注睫直視外象不遍雖有芥藻之繡毛嫱麗姬列

文藝卷一

四

於前昏如有事入人之耳也希希夷夷俯而不思殷
然滿耳其身如尸雖師曠之善聽苟入之也迅雷列
風亦不聞之入人之齒也噤其齒牙淡其舍咀悲嗟
既已哆如餓虎雖有曠炙餽餽堆其前糲不可茹入
人四肢也如繫如維如勞如疲其力如柳弱不可支
苟甚者消骨枯髓奪色削飢其人也立不勝衣噫嗚
戲憂之甚也如斯向其入之也臣皆有之然猶未憂
何寔爲師既憂其身須憂其時苟肉食者謀失而藿
食者殃惟可不憂歟可不憂歟夫於政而疲於祿而
尸王道不宜皇綱不維元惡作矣大盜乘之是臣憂
也后妃之際陰教規矩夏德塗山周贊文母牝雞無

晨中饋有主苟奇表而不黜乃神器之可取宮掖茶
亂奸邪慶聚文信為相而私后董偃作庸而尚主其
甚也漢成母以國循性周宣后將權授父是臣憂也
儲右之選寔賢與良少海增潤重離益光輔導不至
乃為猖狂歎矣園之思子嗟臨江之憫王斯愛是即
惡乃易彰其甚者愍懷死而晉亂房陵易而隋亡是
臣憂也封宗王嫡所以賢親茅土足以繼其後印綬
足以飾其身至乃割域中之土宇半天下之黎民王
猶未足亂以過臻其甚者篡則王倫孫秀殺則清河
萬人是臣憂也輔之而王在忠與良致叔父於折木
取太公於釣璜寵之極也其化為權權之極也其化

文藝卷一

五

為強其甚者曹操以兵而上殿高澄抑帝而勸觴是
臣憂也內豎之臣乃寵乃綏豎刁亂齊之日伊戾禍
宋之時西漢則中令扇迹東京則鄭御構基舉手天
轉切齒國危其甚者陳蕃以賢而陷矣何進用忠而
慘之是臣憂也賈誼愛時仕止於國傅桓譚非讖官
止於郡丞是臣憂也將在於軍君命不復知魏絳之
法行見條侯之令蕭郭開受諫李牧就誅范雎一言
遂安被僂是臣憂也王臣蹇蹇言須逆耳治亂終書
善惡必紀趙盾終屈於董狐崔杼竟書於太史至有
陳象極言以族滅李雲上書而身死是臣憂也懸官
待賄命相取資崔烈作司徒之日曹嵩為太尉之時

未搜巖穴莫訪茅茨秦繆既誅於五穀桓魋將退於
仲尼是臣憂也法今如網隨而補之肺石之上落人
涕洟公孫鞅恢今之法嚴廷年掃墓之期是臣憂也
命將興師夸力四夷既侵嶺徼又定邊陲以無用之
沙漢竭有限之民資是以先王謂之荒服後嗣謂之
羈縻豈可使親帥蒞旅躬揮戰麾故漢高有白登之
辱隋陽有鴈門之圍是臣憂也出警入蹕以示嚴肅
非有事於名山即展義於羣牧故昭王游漢水以無
歸宣帝幸中山而不復是臣憂也功作非宜奪民農
時我輩不染我黍阻饒傾宮既作阿房又施人既怨
矣兕其泣之是臣憂也頭會箕歛關征市賦民之胥

文藝卷一

六

怨無所赴怨人厭進修家為積聚卜式出於富人弘
牟拔於賈豎是臣憂也外戚之貴上公是列西漢則
王根為玉山東京則郭況製金穴國步將移天澤未
歇不師殷鑒尚遵覆轍是臣憂也大樂既沒淫聲是
起宋都已改行人貪賄如斯陳國一時雄玉對後庭
花至死是臣憂也先之而昌後之而亡先之者堯興
唐舜興虞後之者癸喪夏辛喪商故王之憂國者日
盱不食士之憂位者載贊出疆鴉居鷺食者何汲汲
孔席墨突者何遑遑故臣之憂也盡此而已矣願陛
下憂之治可致樂康道可躋義皇則天下幸甚

河橋賦 弁序

咸通癸巳歲日休遊河觀橋之利不楫而濟美其事
著河橋賦其辭曰

西荒之外有崑崙山帝都之下豐隆在焉其表無際
其高破天河漢極北昭回相連分其坎德遂有河源
其出綿綿其流洎洎如帶是也濫觴信然始磨石以
作注終裂地以成川迨乎放勛之世重華之年其水
懷山其波浸天鼇怒則蹶翻五嶽鯨激則掉破百川
迅洑欬而似曝湧湍潰而若煎漬地軸以摧矣爛天
輪而缺然草木則尾閭之外日月則沃焦之巔人民
死而爲介僕虫化而爲蟪有乘不績有麻不田此則
乘塏望萬里之淵且夫天地之前有河生焉則盤石

文藝卷一

七

之神不能導而使歸海朴父之力不能蹶而使爲川
豈非元命未降抑自上玄大聖未出大功未宣天之
作矣抑有由焉於是堯之心測然惘然咨其四嶽舉
爾所賢天之元命不自於蘇繇雖作矣其功不全果
殛于山其罪昭然天之元命降而自禹禹既作矣其
功如天於是禹之心憂然勞然股既無版過不入門
以已爲下以物爲先既乘槎以即欂又隨山而濟川
導自積石至于龍門裂峯峯以風響斬巖巖而晝昏
破靈怪窟斷天地根分其注使不可潰修其流使不
可吞然後千巖萬壑雷吼電奔挾逆流而並瀉入渤
海以猶渾天下安流昏墊無憂禹功既大舜禪克修

其功也與天優優其績也與河悠悠屯庶既安九河
如箭濁不可鑿發不可見渦若驚風浪如狂電若此
帝媯之世則其流也如絲如綫在昔典午之世也其
君寔良其臣孔臧念濟者之太勞乃致功而去航子
產之濟也不足比充國之奏也胡可方於是督斤斧
於梓匠下材幹於豫章造其舟也乃絙乃杠乃輿乃
梁功既奪於利涉力可侔於巨防知禦龜鼉者以妖
爲德聚魚鼈者以怪爲祥觀其步高於空履險於深
其形也若劍倚天外其狀也若龍橫水心其高也若
大虹之貫天風吹不動其壯也若巨鼇之壓海浪泛
不沉曙色霍開濟者相排如川失水一物時來蹄響

文藝卷一

八

如雨車音若雷有賢有俊有隸有臺有貧有窶有貨
有財噫前王之道深有旨哉在水則河橋曉濟在陸
則四關盡開水之與陸一貫而來所以大同其軌廣
納其材豈梁之防乎抑聞三代之橋也不斤不斧不
徒不杠以道爲水以賢爲梁濟民者民不病溺濟世
者世不頽綱開之也通仁流義閉之也關淫限荒夏
之梁也曰湯殷之梁也曰昌周之梁也曰旦漢之梁
也曰光自漢之季國竊主折爲水者以降以強及隋
之世爲梁者唐故能濟民於萬方同軌於八荒是知
河橋之義也可以獻於天王

樨花賦并序

余常慕宋廣平之為相貞姿勁質剛態毅狀疑其鐵
腸石心不解吐婉媚辭然觀其文而有梅花賦清便
富艷得南朝徐庾體殊不類其為人後蘇相公味
道得而稱之廣平之名遂振嗚呼以廣平之才未為
是賦則蘇公果暇知其人哉將廣平困於窮厄於贈
然強為是文邪日休於文尚矣狀花卉體風物非有
所諷輒抑而不發因感廣平之所作復為梅花賦其
辭曰

伊祁氏之作春也有艷外之艷萼中之萼眾木不得
融為槵花厥花伊何其美實多儻隸眾芳綠飾陽和
開破嫩萼壓低柔柯其色則不淡不深若素練輕茜

玉顏半醺若夫美景妍時春含曉滋密如不幹素若
無枝婢婢婉婉天天怡怡或俛者若想或閑者如癡
或向者若步或倚者如疲或溫磨而可薰或媿媚而
莫持或幽柔而旁午或捲冷而倒披或翹矣如望或
凝然若思或奔傑而作態或窈窕而騁姿日將明兮
似喜天將慘兮若悲近榆錢兮推翠靨映楊柳兮顰
愁眉輕紅拖裳動則裊香宛若鄭姬初見吳王夜景
皎潔開塲弄然秀發又若常娥欲再明月蝶散蜂寂
當閨脉脉又若姐已未聞裂帛或開故楚艷艷春暈
又若息媯含情不語或臨金塘或交綺井又若西子
浣紗見影玉露厭浥妖紅墜濕又若驪姬將諧而泣

或在水濱或臨江浦又若神女見鄭交甫或臨廣澤
或當高會又若韓娥將歌歛態微動輕風婆娑暖紅
又若飛燕舞于掌中半霑斜吹或動或止又若文姬
將賦而思丰茸旖旎互交迤倚又若麗華侍宴初醉
狂風猛雨一陣紅去又若褒姒初隨戎虜滿地春色
堦前砌側又若戚姬死於鞠域花品之中此花最異
以眾為繁以多見鄙自是物情非關春意若氏族之
斤素流品秩之卑寒士他目則目他耳則耳或以怪
而稱珍或以踈而見貴或有實而花乖或有花而實
悴其花可以暢君之心目其實可以克君之口腹匪
平茲花他則碌碌我欲修花品以此花為第一懼俗
情之橫議我曰不然為之則已我目吾目我耳吾耳
妍蚩決於心取捨斷於志豈於草木之品獨然信為
國兮如此

唐皮日休文數卷第一

唐皮日休文藪卷第二

諷悼

九諷系述

遇謗

悲遊

端憂

捨慕

悼賈

正俗

見逐

憫邪

紀祀

潔死

反招魂

九諷系述

在昔屈平既放作離騷經正詭俗而為九歌辨窮愁而為九章是後詞人撫而為之皆所以嗜其麗詞擢

文藪卷二

二

其逸藻者也至若宋玉之九辨王褒之九懷劉向之九嘆王逸之九思其為清愁素豔幽挾古秀皆得芝蘭之芬芳鸞鳳之毛羽也然自屈原以降繼而作者皆相去數百祀足知其文難述其詞罕繼者矣大凡有文人不擇難易皆出於毫端者乃大作者也揚雄之文丘軻乎而有廣騷也梁竦之詞班馬乎其有悼騷也又不知王逸奚罪其文不以二家之述為離騷之兩派也昔者聖賢不偶命必著書以見志况斯文之怨抑歎噫吾之道不為不明吾之命未為未偶而見志於斯文者懼來世任臣之君因謗而去賢持祿之士以猜而遠德故復嗣數賢之作以九為數命之

曰九諷焉嗚呼百世之下復有修離騷章句者乎則吾之文未過不為乎廣騷悼騷也

正俗

與句曹之薄俗兮其風狡而且苦吾欲以直道振其邪心兮皆逞容而莫顧前誨行兮後止高論仰兮下俯咸為吾之僕為愚兮並以吾之懇為僞羗靈修之乃吾知兮先職我而為輔奈其臣之狃狃兮不知吾之所撫吾欲以明詰之性辨君臣之分兮定文物之數吾欲以正許之道兮進忠賢而退奸豎吾欲以醇釀之化兮反當今而為往古吾欲以付度之志兮定厥園而反規矩念僮覆之在位兮若梟羊之當路內

文藪卷二

二

灼怛以為儻兮復何知其所憇乃指天而鬱悠兮將天奪乎國之祐永怒怒以何言兮將求知於吾祖

遇謗

有昉兮黜而謂之不潔有泉兮壅而謂之不決有蒞兮輻而謂之不芳有軸兮缺而謂之不轍聲喧啼以無音兮氣鬱悒而空噎既慙慙以憎懼兮又謾謾而不訣誣彭祖以為孺兮譎殤子以為耄豎眾人之難信兮擗奔者之不悅佞為瘡兮何去姦為疔兮莫副謔為轡兮莫御謗為玉兮何切羸既膿而必烹兮木方蘖兮必折心輻輳以似車兮思綿綿而如舂手欲勤兮似拳足將行兮如繩既不辨於顏距遂一貫於

堯桀吾哀生之不逢兮奚至死而慨
燔芳胡文光於卷舌既何路以自辨兮遂沒齒而磨

見逐

斯尚之言兮美如孺子蘭之氣兮醜於醒既怒聯以
相向兮遂裏足而南征面愜愜以奚色兮心憐憐而
何情耳方聰兮忽睽目方視兮忽盲目方當午兮便
昊天方晝兮不明欲泣兮有血將啼兮失聲均盡靈修
兮似失出國門兮若驚朝識怨兮亦緩駟知愁兮復
鳴既徜徉兮夏水復眷戀兮南荆嗟予夙稟於大訓
兮涵清骨之忠貞既貧者之莫余容兮向重蒼而自

文教卷二

三

盟既林仁以憑義兮遂鉅信而規誠將真宰之不仁
兮胡為役余以此生彼鸞斯以有賊兮固不能容乎
鶴鷓彼茨菘之叢穢兮固不能讓乎杜衡已矣乎國
無人兮莫我留將訴帝于王京

悲遊

荷為凋兮芰為摧荃為禰兮薜為禱弭吾棹兮澧之
浦駐吾楫兮湘之湄悲莫悲兮新去國怨莫怨兮新
相思幽篁蕭兮靜晚清漪澹兮去遲湘君欲出兮風
水急帝子不來兮煙雨微止既老兮深約日將暮兮
紅菱朝浮乎鵲晚夕叫乎羈鷓擷漾漾兮不止漉漉
悠兮何之日出沒兮比渚雲依倚兮九疑既無人以

辨余兮又何心而怨咨退不解其恫際兮進不知其
忸惛寒蠲怨而無聲兮古木凄其寡枝嗟吾魄之不
返兮千秋萬歲湘中馳

閔邪

慨天道之不明兮何獨生此大佞若禦輪之能冠兮
當一國而持柄見亂臣之反詐兮信其主以不競輟
已覆而又遵佗將讎而不整不思心腹之疾兮又玩
膏肓之病竟客死於咸陽兮終不作毒王之幸既養
虺以遺患兮遂倒鉞而授柄將諛臣之肆禍兮豈上
天之付命與吾大以為不可兮彼以災而為慶儻靈
修之魄有知兮刷吾耻於下隕

文教卷二

四

端憂

有一美人兮端憂千喑萬怒兮曾不得以少休腸結
多以莫迴兮淡啼劇而不流王孫何處兮碧草極目
公子不來兮清湘滿樓汀邊月色兮晚將曉浦上蘆
花兮秋復秋天沉寥以似淬兮峯巉峴以如抽篔簹
颯兮兩岸杜若死兮霜洲遺余程兮澧之側整余陌
兮湘之幽望女頰兮秭歸夢懷宋玉兮荆門愁欲向
天以噉咩兮寸晷不可以少留不知吾魂之所處兮
末實實以悠悠

紀祀

山之巔兮水之涘桂為祠兮蘭為位執玉桴兮扣雷

敲奠金盛兮滴浮蟻薦瓊芳兮望暮雲獻椒醕兮拜
寒水祝勝響以怪談兮巫妖治而魅醉波閃條兮湘
君竹簫疎兮帝子日將暮兮河伯秋正深兮山鬼神
之化兮何方人之艱兮至此胡不化其邪而為正兮
胡不返其戾而為義胡不轉其凶而為與兮胡不易
其亂而為治但血食於下國兮罪不少禪於有位吾
將乘青螭而駕白虬兮將謁帝而訴神之累請天弧
發鏃兮天培行箠神速悔尤兮俾吾靈修而易志

捨慕

粵吾秉志兮潔於瑾瑜芬而德而芳其道兮榮於藤
蕪將興國以見罪兮擬佐王而蒙辜彼群小之茸茸
兮如慕晷之螢蟬以大鵬為爵兮以康瓠為餽以衣
衣為襟兮以黎丘為墟以鄭姬為醜兮以子產為愚
以鮑焦為會兮以孔聖為誣吾將奮鱗於大空兮奚
獨慕此江湖吾將發榮於蟠桃兮奚獨守此蒿蕪吾
將蕩其魄兮驟風軻與軛車謁帝於冥冥之天兮秉
其生殺之樞將飄飄以高逝兮亦何必懷此姦邪之
故都

潔死

堯死兮舜滅禹殄兮湯絕似玉兮將沉如金兮未沒
行以仁兮止以義生以貞兮死以潔念余曾不足以
蹈聖闢兮亦慕茲而自悅湘浦兮煙深沅江兮風切

顧影兮自憐撫躬兮永訣鬼慘兮天愁雨泣兮泉咽
竟汨沒以齋淪兮永幽憂而怫鬱湘之山兮未盡湘
之流兮不竭千秋兮愁雲萬古兮明月靈均之冤兮
孰能銷其氣靈均之愁兮孰能釋其結來者之目鑿
兮無致位於牙孽

悼賈并序

余嘗讀賈誼新書見其經濟之道真命世王佐之才
也自漢氏革嬴高祖得於矢石不暇延儒人及為天
子制缺度弛處華而夷是時獨有叔孫生能定朝儀
其制未悉唯生草其書欲以制屈諸侯推定正朔調
革輿服通流貨幣天不祐漢絳灌灌興誇竟枉其道出

文叢卷二

六

傳湘沅生自以不得志哀屈平之放逐及渡沅湘沈
文以弔之故其辭曰
騶九州而相君兮何必懷此故都噫余釋生之意矣
當戰國時屈平不用於荆則有齊趙秦魏矣何不捨
荆而相他國乎余謂平雖遭斬尚子蘭之讒不忍捨
同姓之邦為他國之相宜矣然則生之見弃又甚於
平當漢時捨文帝則諸侯矣如適諸侯則新書之文
抑諸侯而尊天子也捨諸侯則胡越矣則新書之文
滅胡越而崇中夏也是以其心切其憤深其詞隱而
麗其藻傷而雅余悲生哀平之見弃又生不能自用
其道嗚呼聖賢之文與道也求知與用苟不在於一

時而在於百世之後者乎其生之哀平歎余之悲生歎吾之道也廢與用幸未可知但不知百世之後得其文而存之者復何人也咸通癸未中南浮至沅湘復沈文以悼之其辭曰

粵炎緒之媽綿兮其國度之未彰天錫生以命理兮冀其道之益光偉吳公之知賢兮道其名於文皇既軒啟以召之兮遂位之於上庠慙耄儒之卷愚兮對天問之不賦既群儒之讓俊兮馳其譽之煌煌嗟大漢之不緒兮蚪其賢於汗潢上下溷而不分兮議制削於驕王殺僂楚而不制兮斷梓胡其寇樓羗虜全以侵華兮曾不能以抑強餌其嗜之延延兮寔三代

文數卷一

七

之計良念五德之更承兮論攬結而不綱乃乘臆以興說兮數用五而色尚黃又諸侯以開國兮輸其租於咸陽曾不得以撫民兮俾其君兮何忘請紆綱以乘印兮各馳化於所疆上既悅而欲大用兮遭絳灌與東陽道既擯兮何明乃出傳於沅湘浮沅波之翕沓兮或漾棹以夷猶望靈均之沒所兮顧其心之怛怛臨汨羅之浩漾兮想懷沙之幽憂森穆難以翁鬱兮時迸猶以相號霧雨暗乎北渚蝸蟪毒乎芳洲景黯沮以不明兮若天悼乎離騷香依依兮杜若韻凄凄兮篋筭山隱隱以掃空兮煙微微而淡秋嗟吾不知所感兮淚憤恨以橫流當抱蟻於渺瀰兮曾無足

以少休既蕪亂以傷思兮又鶴鶴以動愁嗚呼哀哉世既不平領吾道以為非兮吾復何依蘋蘭憔悴兮根莠繁滋麟鳳匿迹兮梟獍騰威括匠罷斧兮拙者構之離婁閉目兮警者揚眉子都蒙袂兮敦洽騁姿嗚呼哀哉亦先生之尤也貽其世之不可兮何不解而去位又垂萬世之名取捨在此奚自謗於童殺兮乃憫然而為累蓋伊尹三就五就之心兮冀其民之可治奈憮憮以不悟兮又被之以非議幸一人之再覺兮答受釐之與義既辱王以墮駕兮乃寃慟而已矣評曰君不明兮莫我知幽都寂兮和涕歸文懸日月兮俟後聖用之大故忽兮其何足悲

文數卷一

八

反招魂并序

屈原作大招魂或曰景差作宋玉作招魂皮子以為忠放不如守介而死奚招魂為故作反招魂一篇以辨之辭曰

承溟滓之命兮付余才而輔君君既不得乎志兮余飄飄而播遷余將蕩大空而就滅兮君又招余俾復身余詣帝以請訣兮帝俾巫陽以筮云巫陽語余以不可歸兮故作詞以招君乃下招曰君兮歸來故都慎不可留些其君雄虺兮其民封狐此食民之肝鬲以為其肉兮摘民之髮膚以為其衣此朝刀鋸而暮鼎鑊兮上曖昧而下墨眉尿癡君兮歸來故都慎

不可留些余昔為比干之寃兮干膠而余去些未聞
 于貪生以自招兮余竟繫其所處些君兮歸來故都
 慎不可留些余昔為伍胥之寃兮胥俛而余逝些未
 聞胥貪位以惜生兮執屬鏹而不滯些君兮歸來故
 都慎不可留些余昔為弘演之寃兮演自殘而余行
 些未聞演惜命以不死兮俾其義而益明些君兮歸
 來故都慎不可留些帝命余以輔君兮亦以君之忠
 介些今以忠而見聞兮尚盤桓而有待些將自富貴
 而入羈旅兮其志乃悔些將懸骨肉而惜家族兮何
 不自裁些梟食母而獍食父兮見禽獸之為生苟凶
 殘者眉壽兮實梟獍而同名些君乎慎勿懷故都之
 戀歸來乎余為君存千古忠烈之榮枯

文數卷二

九

雜著

十原系述

原化

原寶

原親

原已

原奔

原用

原謗

原刑

原兵

原祭

補周禮九夏系文

九夏歌九篇

春秋決疑十篇

十原系述

夫原者何也原其所自始也窮大聖之始性根古人

文藝卷三

之終義其在十原乎嗚呼誰能窮理盡性通幽洞微

為吾補三墳之逸篇修五典之墮策重為聖人之一

經者哉否則吾於文尚有歉然者乎

原化

或曰聖人之化出於三皇成於五帝定於周孔其質

也道德仁義其文也詩書禮樂此萬代王者未有易

是而能理者也至于東漢西域之教始流中夏其民

也舉族生敬盡財施濟子去其父夫亾其妻蚩蚩罪

罪慕其風蹈其柵者若百川蕩滉不可止者何哉所

謂聖人之化者不曰化民乎今知化者唯西域氏而

已矣有言聖人之化者則戶以為噍豈聖人之化不

及於西域氏邪何其戾也如是曰天未厭亂不世世

生聖人其道則存乎言其教則在乎文有違其言悖

其教者即戾矣古者楊墨塞路孟子辭而闢之廓如

也故有周孔必有楊墨要在有孟子而已矣今西域

之教岳其基而溟其源亂於楊墨也甚矣如是為士

則孰有孟子哉千世之後獨有一昌黎先生露臂瞋

視詎於千百人內其言雖行其道不勝苟軒裳之士

世世有昌黎先生則吾以為為孟子矣譬天下之民皆

桀民也苟有一堯民處之一堯民之善豈能化天下

桀民之惡哉則有心於道者乃堯民矣嗚呼今之士

率邪以禦眾握亂以治天下其賢尚尔則不肖者反

化之不曰難哉不曰難哉

原寶

或問或者曰物至貴者金玉焉人至急曰粟帛焉夫

一民之飢須粟以飽之一民之寒須帛以暖之未聞

黃金能療飢白玉能免寒也民不反是貴而貴金玉

也何哉曰金玉者古聖王之所貴也其在舜典則曰

修五玉也其在春秋則曰諸侯貢金九牧禹所以鑄

鼎象物玉所以飾禮金所以備貢以斯為貴貴不多

乎曰舜取五玉以備禮禹鑄九金以為鼎由言其禮

不為諸侯乎不為人民乎苟無粟無帛是無諸侯與

人民也則五玉九金豈徒貴哉如舜不修五玉禹不

鑄九金三代之祭祀不以玉貨賄不以金矣由是言之金玉王者之用也苟為政者下其令曰金玉不藏於民家如有藏者以盜法法之民不藏矣法既若是民必貴粟帛弃金玉雖欲男不耕而女不織豈可得哉或者曰然

原親

能嗣其親不曰子乎吾觀夫今之世誨其子者必擯肌勞骨傷愛毀性以為教嗚呼孟子所謂古者易子而教誠有旨歟不能教其子者是遺其身者也不能得其親者是捨其族者也古之佞臣愛人之貴過於其親必捨而事之公子開方是也愛人之權過乎其

文教卷三

子必殺而循之易牙是也自茲已降為夫強臣者將欲奪人之宗必先殺已宗矣噫教尚不可况其殺歟或曰均是親也均是害也則周公誅管蔡石碯殺石厚叔向僂叔魚漢文流淮南可乎曰均是親也賢則能嗣凶則能覆族均是害也周公不誅則他人誅之石碯不殺則他人殺之叔向不僂則他人僂之漢文不流則他人流之已刑則及一人他人刑則及其族此聖賢所以惜其族也刑也者仁在其中矣殺宗王莽殺子宇是也

原已

能以心求道者不曰已乎能以心為天子為諸侯為賢聖者不曰已乎是已之重不獨重於人抑亦重於

道也嘗試論之能辱已者必能辱於人能輕已者必能輕於人能苦已者必能苦於人為顏孔者非作寶乎已者也為盜賊者非作殘乎已者也故古之士有不出戶庭名重於嵩衡道廣於溟渤者敬於已而已矣或曰所謂敬已者不曰不能害已乎如豎貂自宮能敬已乎鮑莊則足能敬已乎曰均是敬也均是害也其媚與直不同也所謂敬於已者以道也害及已者亦以道也或曰聖人汲汲於民至若堯如腊舜如踞其勞至矣於已安乎曰勞者勞於心也勞一心而安天下若禹者股無腴腫無毛其勞亦至矣勞者勞於身也勞一身而安萬世者也古者有殺身以成仁者况勞者歟嗚呼吾觀於今之世誦顏笑辱身卑已汲汲于進如豎貂者幾希

文教卷三

原亦

問奔之原於人或人曰堯教丹朱征丹朱之為是信固有其道焉皮子曰夫亦之為藝也彼謀既失我謀先之我智既虧彼智乘之害也欲利其內必先攻外欲取其遠必先攻近詐也勝之勢不城池而金湯焉負之勢不兵甲而犇北焉勝不讓負負不讓勝爭也存此免彼得彼失此如蘇秦之合從陳軫之遊說僞也若然者不害則敗不詐則亡不爭則失不僞則亂是奔之必然也雖奔秋荐出必用吾言焉嘗試論

之夫堯之有仁義禮智信性也如生者必能用手足任耳目者矣豈區區出其纖謀小智以著其術用爭勝負哉堯之世三苗不服以堯之仁苗之慢堯兵而燔之山羅人殺傷鵠獻人烹鯢鮪者矣堯不忍加兵而以命舜舜不忍伐而敷之文德然後有苗格焉以有苗之慢尚不加兵豈能以害詐之心爭偽之智用為戰法教其子以伐國哉則奔之始作必起自戰國有害詐爭偽之道當從橫者流之作矣豈曰堯哉豈曰堯哉

原用

堯為諸侯非求為天子也摯之民用之舜為解民非求為天子也堯之民用之或曰摯善亦堯乎曰亦堯而已矣曰摯與堯其民俱捨之則善惡奚分邪曰摯固不仁矣堯固仁矣堯仁如是民尚慕舜况有君惡於摯君道不如堯焉得民性哉故曰聖人不求用而民用之求用而聖人不用之曰若是則孔子奚不用魯曰用之則魯化不用之天下奚化

原謗

天之利下民其仁至矣未有美於味而民不知者便於用而民不由者厚於生而民不求者然而暑雨亦怨之祁寒亦怨之已不善而禍及亦怨之已不儉而貧及亦怨之是民事天其不仁至矣天尚如此况於

君乎况於鬼神乎是其怨讐悞讎倍於天矣有帝天下君一國者可不慎歟故堯有不慈之毀舜有不孝之謗殊不知堯慈被天下而不在子舜孝及萬世乃不在於父嗚呼堯舜大聖也民且謗之後之王天下有不為堯舜之行則民扼其吭碎其首辱而逐之折而族之不為甚矣

原刑

或曰丹朱為諸侯舜為天子丹朱有過舜誅之乎商均為諸侯禹為天子商均有過禹誅之乎曰不也朱均之為國必有舜禹之吏翼而治之何容朱均得暴其民也哉苟有過必論之論而不可奪其政如誅之者去堯舜之嗣也焉有為人臣而去其君嗣哉或曰法家嚴而少恩周官有八議漢法有三章微八議也雖然人可免以三章而親賢必刑何哉曰聖賢在世不能無過以輕重議之耳如以謗刑刑之雖周孔其可免諸

原兵

管子說蚩尤割廬山之金以鑄五兵說者或云蚩尤古天子則炎黃繼命其間無蚩尤之運也案史記云蚩尤與其大夫日休以為蚩尤乃黃帝之諸侯蓋其為人暴黃帝征而滅之如此為庶人一夫之暴不足當天

子用兵也又明矣嗚呼昭然之理前賢憐之况大聖之深旨哉

原祭

說者以蚩尤為五兵每有師祭當祭蚩尤諱厥亂其矣皮子直以蚩尤為黃帝逆亂之臣五兵直作於炎帝固始苟自蚩尤始以其亂逆且不當祀况果不自蚩尤蚩尤不道黃帝滅之又當以不道充祀軒轅五帝之首能以武定亂以德彼後君之師祭宜以軒轅為主炎帝配之於義為允

補周禮九夏系文

周禮鍾師掌金奏凡樂事以鍾鼓奏九夏案鄭康成

文獻卷三

七

注云夏者大也樂之大者歌有九也九夏者皆詩篇名也頌之類也此歌之大者載在樂章樂崩亦從而亡是以頌不能具也嗚呼吾觀之魯頌其古也亦久矣九夏亡者吾能頌乎去大樂既去至音不嗣頌於古不足以補亡頌於今不足以入用庸可頌乎頌之亡者俾千世下鄭衛之內窈窕冥冥不獨有大卷之一章者乎

九夏歌九篇

王夏之歌者王出入之所奏也

燿燿皎日歛麗于天厥明御舒如玉出焉

燿燿皎日歛入于地厥晦厥貞如玉入焉

出有龍旂入有所珮勿驅勿馳惟慎惟戒出有嘉謀入有內則繁彼臣庶欽王之式

王夏四章章四句

肆夏之歌者尸出入之所奏也

惜惜清廟儀儀衮服我尸出矣迎神之穀杳杳陰竹坎坎路鼓我尸入矣得神之祐

肆夏二章章四句

昭夏之歌者牲出入之所奏也

有鬱其鬯有儼其彝九變未作金乘來之既醑既酢爰棘爰舞象物既降金乘之去

昭夏二章章四句

文獻卷三

八

納夏之歌者四方賓客來之所奏也

麟之儀儀不繫不維樂德而至如賓之娛鳳之愉愉不籌不效樂德而至如賓之娛

自篴及管我有牢醑自篴及篴我有貨幣我非不愆我貨不匱碩碩其才有樂而止

納夏四章章四句

章夏之歌者臣有功之所奏也

王有虎臣錫之鈇鉞征彼不悛一撲而滅王有虎臣錫之圭瓚征彼不享一烘而泮

王有掌訝遠爾疆理王有掌客饋爾饗餼何以樂之金石九奏何以錫之龍旂九旒

章夏四章章四句

齊夏之歌者夫人祭之所奏也

璽衡筭聲聲禴禩自內而祭為君之則

齊夏一章章四句

族夏之歌者族人酌之所奏也

洪源誰孕疏為江河大塊孰埏播為山阿

厥流浩漾厥勢嵯峨今君之酌慰我實多

族夏二章章四句

械夏之歌者賓既出之所奏也

禮酒既酌嘉賓既厚饋之為奏

禮酒既竭嘉賓既悅應為之節

文數卷三

九

禮酒既罄嘉賓既醒雅為之行 廣應雅三樂器也

械夏三章章三句

鷺夏之歌者公出入之所奏也

桓桓其珪袞袞其衣出作二伯天子是毗

桓桓其珪袞袞其服入作三孤國人是福

鷺夏二章章四句

春秋決疑十篇

夫趙盾弑君莒僕殺父春秋顯書其過何則楚公子

國弑其君邲敖子駟弑其君僖公齊人弑其悼公各

以疾赴春秋皆書曰卒乎曰人之生也上有天地次

有君父君父可弑是無天地乃生人之大惡有識之

弘耻亦由漢書云律毋妻母之文聖人所不書是也

趙盾反不討賊董狐謂為殺君莒僕以其寶來奔里

華謂其弑父斯二者罪名已彰仲尼承彰而書耳斯

三逆者弑君以疾赴仲尼非可誣也據赴而書者不

忍也故不忍也者耻在其中焉懲在其中焉夫春秋

弑君三十六其餘之逆亦據赴而書耳

夫趙孟以無辭伐國杞伯以夷禮來朝春秋皆貶之

曰人曰子何至其罪大者為之隱其過小者必以書

之曰伐國無辭專君之命也君而可專孰有其國得

不貶之乎若不罪大者為之隱推亡也其罪小者必

以書固存也

文數卷三

十

夫齊荼野幕之弑事起陽生楚靈乾谿之縊禍因常

壽而春秋歸罪於陳乞公子比者不其遠乎曰野幕

之弑罪歸陳乞陽生之罪可知矣乾谿之縊罪歸于

比常壽之罪可知矣春秋之旨譬酷吏決獄髡鉗之

刑尚猶不捨刀鋸之戮何自而逃

夫齊桓救衛不書狄滅晉文召王而云狩于河陽曰

狄實滅衛因桓救而獲全斯不滅矣文實召王因王

來而稱狩斯不召矣苟桓不能救衛文不能匡王必

書狄滅衛晉人召天王河陽矣故春秋之時滅人國

者多救人國者鮮仲尼旌其勤王也夫哀八年及十三年公再與

者鮮仲尼旌其勤王也夫哀八年及十三年公再與

吳盟皆不書法不書盟年公及戎盟于唐則書吳實華族其道夷也以強要盟不曰夷乎戎實夷族其道華也以道好盟不曰華乎故耻而不書懲也以戎而書勸也
夫桓二年書曰宋華督弑其君與夷及其大夫孔父偃十年又書曰里克殺其君卓及其大夫荀息夫君稱弑也而云及者是君臣無別也弑之者罪臣下也夫孔父以奪室見弑荀息以立君被誅是無辜之怨是以及壞之者何自臣及君也蓋貶華父與里克也俾孔父之死如與夷之死荀息之死如卓子之死及之者貴之也

文教卷三

十一

夫姜氏淫奔子般夭酷魯之醜也諱之可也至如公葬魯送可也如晉以盟主而臣魯諱之者諱乎以諸侯而事諸侯也諸侯有過則削地有逆則夷宗齊魯一體諱之者諱乎以諸侯而正於諸侯也夫天下有道小國事大國鄰小國也而魯諱之者諱乎以大國而敗於小國也

夫定六年鄭滅許男歸而哀元年又書許男與楚圍蔡曰鄭實滅許而後或復之當復之時其赴不至於魯故不書耳凡國有來赴者雖小必書宋之六鷗退飛是也無來赴雖大亦闕晉之滅耿滅霍滅魏是也

夫楚實滅陳後復封之狄實滅衛後復全之斯亦許之類是也

夫春秋之旨獲君曰止誅臣曰刺殺其大夫執我行人鄭存其師墮石宋五若斯者即古史之全文也奚在其筆削乎曰仲尼因魯史而修春秋是明不誣於人也又曰知我者亦以春秋罪我者亦以春秋其是之謂乎若揚子之草玄其數則易其文則玄是也夫宋襄執滕子而誣之以得罪春秋則承赴而書何至魯之君也殺者五逐者二並闕而不書苟如是懲惡勸善何以的亂臣賊子何以知懼曰夫仲尼修春秋而依微其旨固有俟尔苟無丘明發決其與廓通其玄亦赴來而責實也非可誣也如自書其魯之殺遂者則魯人攘羊仲尼證之也

文教卷三

十一

唐皮日休文獻卷第三

唐皮日休文藝卷第四

碑銘讚

文中子碑

首陽山碑

劉棗強碑

藍田關銘

新城三老董公讚

文中子碑

咎繇碑

春申君碑

汴河銘

隋鼎銘

易商君列傳讚

天不能言陰陽乎民民不可縱是生聖人聖人之道
德與命符是為堯舜性與命乖是為孔顏噫仲尼之
化不及於一國而被於天下不治於一時而霽于萬
世非刪詩書定禮樂贊易道修春秋乎故孟子墨踵
孔聖而贊其道復于千世而可繼孟氏者復何人哉
文中子王氏諱通生于陳隋之間以亂世不仕退于
汾晉序述六經敷為中說以行教于門人夫仲尼刪
詩書定禮樂贊易道修春秋先生則有禮論二十五
篇續詩三百六十篇元經三十一篇易贊七十篇孟
子之門人有高弟者公孫丑萬章焉先生則有薛收
李靖魏徵李勣杜如晦房玄齡孟子之門人鬱鬱於
亂世先生之門人赫赫于盛時較其道與孔孟豈徒
然哉設先生生于孔聖世余恐不在游夏亞况七十
子歟惜乎德與命乖不及觀吾唐受命而歿苟唐得

而用之貞觀之治不在於房杜褚魏矣後先生二百
五十餘歲生日皮日休嗜先生道業先生文因讀文
中子後序尚闕于贊述想先生封隧在所因為銘曰
大道不明天地淪精俟物聖教乃出先生百氏黜迹
六藝騰英道符真宰用失阿衡先生門人為唐之積
羞肩明哲接武名卿未逾一紀致我太平先生之功
莫之與京

咎繇碑

噫諄諄之命必歸于德盛者出不徒然上應運次命
代苟非相者數十祀翼出於一時者其運與命彼失
此得彼得此失咸在乎諄諄之命焉奚在歸乎德也
夫帝華之德不盛于堯堯而得焉十六族之德不盛
于舜舜而得焉至于咎繇德齊于舜禹道超乎稷啓
禹薦于天不命而歿則諄諄之命矣歸乎嗚呼天何
為哉不付咎繇之命者將欲空受天下哉未必獨死
咎繇也設咎繇得天下其暮必薦益益得天下其暮
之薦必有其人自咎繇之降空授之主其暴民黜天
者可忍言也哉太史公曰禹封咎繇之後于英六五
年春日休自淝陵之江左道出英六城下因求遺寶
厥祀存焉乃絳馬于古木再拜于廟庭退而碑之請
縱陽小尹刊于壁銘曰
惟天降聖不錫厥命一篇帝謨百王之鏡禹有奚過

薦之不定啓有令德受之而正已矣何傷明德逾盛

首陽山碑

天必從道道不由天其曰人乎哉大聖應千百年之
運仁發於祥義動於瑞上聖帝也次素王也莫不應
乎天地亘乎日月動乎鬼神或有守道以介死秉志
以窮生確然金石不足爲其貞澹然冰玉不足爲其
潔非自上古聖人不可動其心况當萬世當貴之士
哉斯自信乎道天地不可得而應者也嗚呼夷齊之
志嘗以神農虞夏形於言由是觀之豈有意於文武
哉然跡其歸周不從諫而死彼當求西伯也而得武
王也不曰得仁乎既得仁而仁不取其諫則夷齊死

文敷卷四

之宜矣太史公以其餓死責乎天嗚呼若夷齊之行
可謂道不由天者乎如不得仁而餓死天可責也苟
夷齊以殷亂可去而臣於周則周召之列矣奚有首
陽之厄乎若夷齊者自信其道天不可得而應者也
天尚不可應况於人乎况於鬼神乎

春申君碑

士以知已委用於人報其用者術苟不王要在強其
國尊其君也上可以霸略次可以忠烈無王術而有
霸略者可以勝人國無霸略而有忠烈者亦足以勝
人國春申君之道復何如哉憂荆不勝以身市奇計
不曰忠乎荆太子既去歇孤在秦其信刑待禍若自

屠以當餒虎不曰烈乎然徙都於壽春失鄧塞之固
去方城之險捨江漢之利其爲謀已下矣猶死以吳
爲宮室以魯爲封疆春申之力哉當斯時也苟任苟
卿之術廣聖深道用之莽月荆可王矣卒以猜去士
以謗免賢於戲儒術之道其與藏天地其明燭鬼神
春申且不悟况李園之陰謀豈易悟哉豈易悟哉

劉棗強碑

歌詩之風蕩來久矣大抵喪于南朝壞于陳叔寶然
今之業是者苟不能求古於建安即江左矣苟不能
求麗於江左即南朝矣或過爲豔傷麗病者即南朝
之罪人也吾唐來有是業者言出天地外思出鬼神

文敷卷四

表讀之則神馳八極測之則心懷四溟磊磊落落真
非世間語者有李太白百歲有是業者彫金篆玉罕
奇籠怪百鍛爲字千鍊成句雖不追躡太白亦後來
之佳作也有與李賀同時有劉棗強焉先生姓劉氏
名言史不詳其鄉里所有歌詩千首其美麗恢瞻自
賀外世莫得比王武俊之節制鎮翼也先生造之武
俊性雄健頗好詞藝一見先生遂加異敬將署之賓
位先生辭免武俊善騎射載先生以貳乘逞其藝於
野武俊先騎驚雙鴨起於蒲柳間武俊控弦弦不再
發雙鴨聯蹙於地武俊歡甚命先生曰某之伎如是
先生之詞如是可謂文武之會矣何不立一言以讚

邪先生由是馬上草射鴨歌以示武俊議者以爲稱
正平鸚鵡賦之類也武俊益重先生由是奏請官先
生詔授襄陽縣令先生辭疾不就世重之曰劉棗強
亦如范萊蕪之類焉故相國隴西公夷簡之節度漢
南也少與先生游且思以見命列將以襄之髣髴干
事賂武俊以請先生武俊許之先生由是爲漢南相
府實冠隴西公日與之爲筵宴其獻酬之歌詩大播
于當時隴西公從事或以其下走之才誠不足污
辱重地劉棗強至衆必以公賓劉於幕吏之上何散
之如是公曰愚非惜幕間一足地不容劉也然視其
狀有不足稱者諸公視其與劉分豈有間然哉反爲
之惜其壽年後不得已問先生所欲爲先生曰司功
祿甚闕或可承闕相國由是祿之雖居官曹宴見與
從事儀埒後從事又曰劉棗強縱不容在賓署承乏
於祿曹誦矣奚不疏整其秩相國不得已而表奏焉
詔下之日先生不恙而卒相國哀之慟曰果然止棗
曹然吾愛客葬之有加等墳去襄陽郭五里曰柳子
關後先生數十歲日休始以鄙文稱于襄陽襄陽邑
人劉永高士也嘗述先生之道業嘗咏先生之歌詩
且歎曰襄之人只知道有孟浩然墓不知有先生墓恐
百歲之後埋滅而不聞與荆棘凡骨溷吾子之文吾
當刊焉日休曰存旣撫實錄之何愧嗚呼先生之官

卑不稱其德宜加私謚然襄強之号世已美矣故不
加焉是爲劉棗強碑銘曰
已矣先生祿不厚矣彼蒼不誠位既過於趙壹才
又逾於祢衡既當時之有道者非歿世而無名嗚呼
襄陽之西墳高三尺而不樹者其先生之故塋

汴河銘

夫垂後以德者當時逸而後時美垂後以功者當時
勞而後時利若然者守道之主雖恐德不美後時逸
於已民也夸力之主唯恐功不及當時勞於已民也
故天下也不逸不足守不勞不可去致其利害生於
賢愚之主自古然耶則隋之疏淇汴鑿太行在隋之
民不勝其害也在唐之民不勝其利也今自九河外
復有淇汴北通涿郡之漁商南運江都之轉輸其爲
利也博哉不勞一夫之荷畚一卒之鑿險而先功巍
巍得非天假暴隋成我大利哉尚恐國家有淇汴太
行之役因獻纖誠是爲汴河銘
惟河滿瀾循禹之軌厥有暴隋鑿通津泗盡泣疲民
夜哭溺鬼似赭流川如松貫地龍舟未故江都已弑
陳迹空存逝波不止在隋則害在唐則利嗚呼聖王
守此而已

藍田關銘

六年皮子副諸侯貢士之薦入京程至藍田關觀山

形關勢廻抱于天秀欲染群危將驚魄境將造物者
心是而加力邪不然者何壯觀若斯之盛也易曰王
公設險以守其國信矣哉若為天下之樞機萬世之
閭闔者非茲關而莫守也因陳其規是為藍田關銘
天鋪唐業地造唐關千巖作鏤萬嶂為柵難圖其形
莫狀其秀雙扉未開天地如斗軋然畫啓人流如濟
似畫秦圖鋪於馬底嶮不可侵唯王之心矧夫茲關
獨可規廓

隋鼎銘

隋氏有鼎其器非古以詐為金以賊為鑄以虐火煎
四海以毒氣蒸九土天假唐力杠之仁地以澤撲虐

文藝卷四

火以德銷毒氣既折其足又蓄其耳噫戲聖王無玄
茲器

新城三老董公讚 并序

在漢之取天下也三傑而已矣蕭何苦民力以給兵
韓信殺民命以騁戰功留侯設詭策以離秦項當其
時未聞仁義說于君者而董公乃論之以喪義帝至
使天下宗漢者為其喪義帝也夫漢祖以曹參雖有
攻城野戰之功不如蕭何也信矣焉至乎苦民力殺
民命設詭策反不若董公之功也哉如高祖為天子
以公為師友行其道於時其利可知矣公之道已行
於漢而不觀封賞之禮又當時史氏無一字以褒者

因為讚以旌之

項氏狂攘賊我懷王天命未的孰存與亡儲儲董公
一言漢昌一人弑君天下皆傷一人哭若天下皆喪
項由是弱漢由是強扶義而征可知軒黃唱仁而戰
可知武湯用于天道折彼雄鉉繫公之道與漢而光

易商君列傳讚 并序

商君者用於孝公制其法而秦給御其謀而魏敗
封邑未居輟刑以及嗚呼商君之臣秦雖不必盡是
然亦至矣大史貶之過實非以欺公子印刑公孫虔
拒杜摯之說者乎然有一是亦足救斯非也余悲商
君忠而受刑因重述其行事以讚曰

文藝卷四

商君之于孝公也一二見孝公不悟其說非皇王之
道行之難不及其身者乎斯公之罪也在商君有心
於此道不亦多乎當商君一二說孝公行之商君必
為阿衡矣嗚呼卒以苛令特用自蒙於慘悲夫

唐皮日休文獻卷第四

唐皮日休文獻卷第五

文論頌序

補大戴禮祭法文

祀瘡癘文

晉文公取陽樊論

秦穆謚繆論

漢斬丁公論

周昌相趙論

陵母頌

非沈約齊紀論

正沈約評詩

補泓戰語

獨行

法言後序

補大戴禮祭法文

祭法曰法施於人則祀之咎繇作帝謨為士師其道參乎舜禹不曰法施於人乎何祀典之闕哉祭法曰

文獻卷五

一

能禦大災則祀之堯舜之世山林蕃鳥獸暴益作虞也山林踈鳥獸鮮人民安不曰能禦大災乎何祀典之闕哉祭法曰以勞定國則祀之昔者周公輔武以寧殷亂佐成而立周業制禮樂立明堂不曰以勞定國乎何祀典之闕哉如以咎繇伯益之功小於舜禹不在祀典則契為司徒而民成咎繇也冥勤其官而水死伯益也如以聖人制禮自有七廟不合列在祀典則文王以文治武王以武功周公也如皆以功烈列於民者則吾之先師仲尼邁德於百王垂化於萬世孰不若契為司徒冥勤其官也哉日休懼聖人之文將亂而墜敢參補而附之文曰咎繇能平其法以

位終益能立其功以讓禹政周公以文化仲尼以德成非此族也不在祀典

祀瘡癘文

昔夏后氏鑄鼎象物使民知神姦或魍魎之外魍魎之餘匿天命竊帝威不見形于鼎上者自夏后氏去繼為禍於人間彼之者始若處水鑑復若落炎井眩昏焚惑視之累形聽音重聲骨節殆重如山已傾始或醒時奪人之情喪人之精兀若木偶昏如宿醒噫或飲食不節哀樂失所病于人者上則湯劑次則藥艾愈矣凡在是病者人也又非天也湯劑不可理礦艾不可攻嗚呼瘡之能禍人是必有知也既有知奚不効神為聰明正直不加崇於君子焉遂為文祀而逐之曰

文獻卷五

二

瘡乎瘡乎有事君不盡節事親不盡孝出為叛臣入為逆子天未降刑尚或竊生尔宜瘡之有專祿恃威僭物行機上弄國權下戲民命天未降刑尚或竊生尔宜瘡之有賣交取祿諂交結族一言不善禍發如鏃天未降刑尚或竊生尔宜瘡之美曼之色媚於君側巧笑未足已亡于國天未降刑尚或竊生尔宜瘡之柔佞之言惑于君前委順未足國步移焉天未降刑尚或竊生尔宜瘡之四星之位奉于紫宸蕭牆禍起帝座蒙塵天未降刑尚或竊生尔宜瘡之見災幸

又聞禍樂成含羞冒貴忍垢貪榮天未降刑尚或竊生尔宜癘之癘乎癘乎尔目不盲尔耳不聾如向來所陳奚不禍於其躬仁者必有厄義者必有窮見仁義而勿癘遇姦佞而肆凶非唯去乎物患抑亦代乎天功癘乎癘乎苟依吾言而若是吾將達尔于帝聰

晉文公不合取陽樊論

三代之賞臣下以爵不以地不以器迨夫後世君弱臣侈撥去古法能立一功者先伺君地焉能立一勳者先窺君器焉猶是於魯有三桓於齊有田常於楚有白公是賞過有僭生焉甚者奪主從來尚矣且姬之列侯守其本封勝其主爵錫之以鈇鉞分之以鍾

文獻卷五

彝休戚其民生殺於國其貴已極矣遇天下無事則行其德化奉其貢職居則待乎巡狩行則赴於會同遇天下有事則申之以鍾鼓行之以征伐上以定王室下以正諸侯真侯伯之職業也是常節也苟周天子有賜宜以德讓之豈當更受其地也苟讓不獲聽受之者其爵可也其器可也且天子之地方千里則不足以待諸侯諸侯之地既侵天子之甸由削枝者必反乎幹刺肉者必至乎骨何者勢使之然也如晉文既定襄王于郊鄆王勞之以地陽人不服晉侯圍之乃辱其宗枋苦其人民虐其甥舅嗚呼其亦不仁矣是晉文雖有入天子之功而有凌天子之威

也當王之賜宜讓曰臣重耳以眇眇之德處專征之任遇翟寇肆虐天王少違宗廟臣敢與下國之師歃死臣定王室乃臣之常也不足賞也苟天王特念小伐不真諸刑列唐叔之柞獲臣有奉為賞厚矣苟以畿內之地為臣之邑是上濫其賜下僭其受也雖天王之荐寵臣其若宗廟之靈百姓之心後世之罪何而晉文曾不是讓又請隧焉豈內輕衰周之凌遲外特諸侯之強盛而為邪殊不知周王之尚守乎典禮也且王曰昔我先王之有天下也規方萬里焉以為甸服以供上帝山川百神之祀以備百姓氓民之用且王之所賜田皆在周甸也王明知在甸內與乎晉

文獻卷五

者是力不能制晉也如力足制晉肯以規方千里之內地與夫諸侯哉是王之語晉侯以規方千里者譏其受地也文公不悟卒而受之嗚呼文公之霸也有召君之譏請隧之僭不為甚矣甚者在陽樊也

秦穆謚繆論

聖人務安民不先置不仁以見其仁焉不先用不德以見其德焉苟如是是見危者已墜而欲援觀關者將死而方救噫其亦不仁矣以高辛之仁化用一摯擊之不善天下之民捕堯以為君以唐堯之仁化用一鉉鉉之不績天下之民諫禹以為功夫如是摯之與鉉是高辛唐堯誠用之也非先置也推其誠而用

意冤膠周昌橫死惜哉漢祖未崩前以周勃統南軍以昌領北軍以陳平為謀主則呂后之令產祿之謀不能當臨大難而不迴秉大節而不墜者也苟使握軍政執相權昌能之其奈乎誤用

陵母頌

孔父稱唯小人與女子為難養也夫女子之忠貞義烈或聞于一時小人之奸詐暴亂不忘於一息使千百女子如小人奸詐暴亂者有矣使千百小人如女子忠貞義烈者未之有也則安國侯之母也不以項強而劉弱俾子事項不以子背君而別事而有忿色對暴君而抗大節捨其生而踐死地嗚呼春秋書解

文獻卷五

七

楊致晉君之命漢史稱周苛拒項藉之爵方諸陵母誠未為忠何者男子少服教壯行義忠義貞烈雖死不辱鼎鑊在前而不懼鑽笮被體而無怨乃男子之常事也至夫女子少隱惟薄壯執其筭嘗熟於忠貞義烈哉是女子之有是者由百物之有瑞者矣豈易為哉豈易為哉

非沈約齊紀論

沈約作齊紀論云太廟四時之祭各以平生所嗜饗之漢明帝夢光烈皇后明旦車駕至廟躬拂帷幄親易粉澤前史以為美談此亦先代之舊典也日休曰薦饗之儀邊豆之數聖人之制定矣苟非通如周孔

不相訟襲者謂時有人乎無其人制之謂乎非也宜矣修其書不正而反贊之謂乎妄也又宜矣夫屈到嗜芟屈建薦之為乎合禮曾嗜羊棗曾子不食之謂乎不忍一隅之國禮文不備宜哉約以方之漢明大孝過矣

正沈約評詩

周詩曰駟騶彭彭注曰駟馬白腹曰騶議者言上周下殷沈約又云騶者蓋三家之色相勝又示周殷相代也日休曰天之命也必以二德則文王自信矣何為不受殷禪哉詩曰文王受命作周又曰文王有明德俾其率天下之義師取一隅之凶主南面於殷其

文獻卷五

八

能昭昭矣然非人事不可也天時未可也豈不可謂殷之賢人尚眾翼匡紂而易政也豈能以駟騶之色示乎代殷哉嗚呼禪代之事符于天命必不可以駟騶之色勝之也謂堯之運為火歟則車服一當從其色則堯不當乘白馬冠黃衣純衣也故聖人繼運以德受禪以仁如以馬之色示于代殷則吾以聖人用于左道矣或曰若然者奚著曰毛公懷箋沈約過釋

補泓戰語

宋襄公伐鄭楚伐宋而救鄭與楚會泓戰既濟未陣司馬子魚請擊之公不以戰卒敗而退公羊氏以為文王之戰亦不過此日休補其文曰聖人制民患其

力不可禁也設法以刑之患刑之不可止也用武以兵之兵之既出也民秉之爲格殺執之爲攻殘故聖人施金鼓以節之用羽旄以飾之爲蒐狩以教之自三代以降春秋之時禮樂之征弛掩襲之弊廣窮其力者譬角觝者爭其勝負並驅者競其先後胡爲仁讓哉文王聖人之至也雖以德化未聞不兵而獲者然則伐大夷征密須敗者國伐崇侯虎襄公始戰齊而納孝公次及于泓則云不禽二毛不以阻隘夫聖人之愛民也班白不提挈又云一夫不獲其所豈能區區於死地決其勝於人命哉較其戰也文王不爲也噫公羊氏違丘明之旨爲文王之戰亦不過於此罪也

獨行

士有潔其處介其止於世者行以古聖人止以古聖人不顧今之是非不隨衆之毀譽雖必不合於祿利適乎道而已矣要以今是我之非我非今之是彼知於我者聞毀適足譽不知我者聞譽適足毀昧然不顧其是非毀譽者用之嗚呼士之道得不顧其是非毀譽者用之則天下之治不啻半於淳古矣今之所譽者處以古聖人以今達者聞是則進聞非則退有愛者聞毀而踈之有不合者聞譽而洽之故道不加於世業鮮異於衆則其人質質於祿利嗤嗤於朝廷

望天下之治不啻於瀉古也難矣哉

法言後序

法言孝至之篇曰周公以來未有漢公之懿者說者以爲楊子遜僞新之美又以爲稱其居攝之前云嗚呼日月豈卒能遜莽乎未若無阿衡之稱也噫既有其文不能無其論吾得之矣在美新之文乎則雄之道於茲疵也

唐皮日休文獻卷第五

文獻卷五

唐皮日休文數卷第六

箴

六箴序

口箴

目箴

足箴

靜箴

食箴并序

六箴序

皮子嘗謂心為已帝耳目為輔相四支為諸侯已帝苟不德則輔相叛諸侯亂古之人失天下喪家國者

文數卷六

良由是也帝身且不德能帝天下乎能主家國乎因為心口耳目手足箴書之于紳安不忘危慎不忘節窮不忘操貴不忘道行古人之事有如符節者其在六箴乎

心箴

大化之精孕之曰人大純之靈形之曰心心由是君身由是臣中既翻齟外乃紛綸耳厭聞義目惡覩仁手持亂柄足踐禍門舜為天子舜不得尊其不尊者與心為臣紂為天子紂乃得尊其得尊者與心為君天子之外復有尊者乃舜之心將舜之身天子之外復有卑者乃紂之心將紂之身危乎惕哉臣之諫君

輔相不明諸侯不質君為穢壤臣為賊塵未及于斯良可自勤嗚呼吾君無忽茲文

口箴

古銘金人謂無多言忽有所發不可不論既有所論復謂多言中庸之士由茲保身吾謂斯銘未足以珍出為忠臣言則及君入為孝子言則及親非君與親則宜默云謗訕之言出如齋淪一息之波流于無垠猜毀之言出如鈞天鈞天之樂聞于無聞佞媚之言出如絲棼一入于人治亂不分間諜之言出如鷹鷂鷹鷂之迅一舉凌天無嗜于酒酒能亂國無嗜于味味能敗德以道為飲以文為食成吾之名繫乃勉力

耳箴

聽於無聽默於無聞洋洋化源勿恃已善不服人仁勿矜已藝不敬人文勿馳聲其亂乃神勿信美談其亟乃身聽悞多言聽妄多敗近賢則聰近愚則瞶堯居九重聽在民耳故得大舜授彼神器勿聽他富榮惑乃志勿聞他貴墮壞乃義慎正今非慎明古是捨是何適古樂而已

目箴

愧尔瞭然為吾所視高視古人有如隣里勿分秋毫分于邦理勿視邦祿視于人紀惟書有色艷于西子惟文有華秀于百卉見彼之倨汚甚塗炭見彼之賢

綿甚葛藟勿顧厲階奈吾大志勿視怨府損吾高義
入吾明者何人而已古之忠臣古之孝子上立大業
中光信史苟不善是蚊蠅之類

手箴

惟尔之指屈伸由已勿執亂權勿樹賊于勿乘非道
勿持非理勿擠孤危勿授姦宄慎握吾操俾直於矢
慎杖吾心俾平如砥剪惡如草颯姦如糞為而不矜
作而不恃智如公陞勿為小巧機如偃師勿為奇伎
身高道端毫直國史敬之戒之俟為天吏

足箴

惟尔跣跣為吾所先居必宅地行必依賢勿踐亂階
勿履利門勿蹈怨府勿躡禍源鳳皇乃禽不棲凡木
騶虞乃獸不踐生物唯尔棲踐保茲無忽

動箴

動生於欲行生於為欲則不妄為則不疑吾道未喪
于何不之勿生季世有爵必危勿居亂國有祿必尸
住無市怨去無取咄迹無顯露名勿求知聲無取猜
譽無致疑坦道如砥履過蒺藜四海如家去劇繁維
日慎一日言茲在茲

靜箴

冥冥默默惟道之域處不違仁居無悖德勿欺孩孺
衣冠失則勿慢皂隸語言成隙深山雖樂豺狼尔殛

深林雖安虺蜥尔螫居不必野唯性之寂止不必廣
唯心之適勿傲乎名要于聘帛勿矯于節取乎祿食
躬雖日安若敵鋒鏑味雖以甘若含冰蘖成吾高風
唯靜之力

酒箴并序

皮子性嗜酒雖行止窮泰非酒不能適居襄陽之鹿
門山以山稅之餘繼日而釀終年荒醉自戲曰醉士
居襄陽之洞湖以船舩載醇耐一甌往來湖上遇興
將酌因自諧曰醉民於戲吾性至荒而嗜於此其亦
為聖哲之罪人也又自戲曰醉士自諧曰醉民將天
地至廣不能容醉士醉民哉又何必爾絲竹之筵粉

文徵卷六

儼之座也襄陽元侯聞醉士醉民之稱也訂皮子曰
子就飲之性於喧靜豈異耶皮子曰酒之道豈止於
充口腹樂悲歡而已哉甚則化上為淫溺化下為醜
禍是以聖人節之以酬酢論之以誥訓然尚有上為
淫溺所化化為亡國下為醜禍所化化為殺身且不
見前世之飲禍耶路鄩舒有五罪其一嗜酒為晉所
殺慶封易內而就飲則國朝遷鄭伯寤室而就飲終
葬於駟氏之甲藥高嗜酒而信內卒敗於陳鮑氏衛
侯飲于籍圃卒為大夫所惡嗚呼吾不賢者性實嗜
酒尚懼為鄩舒之僂過此吾不為也又焉能俾喧為
靜乎俾靜為喧乎不為靜中淫溺乎不為醜禍之波

平既淫溺禍作於心得不為慶封乎鄭伯乎藥高
平蓋中性不能自節因箴以自符箴曰
酒之所樂樂其全真寧能我醉不醉於人

食箴并序

皮子少且賤至於食自甘棗糲而已未嘗食於鄉里
食於親戚食於州鄙有鄧邑大夫饗皮子之名曾未
相贊具厚羞以賓之皮子辭大夫訂之曰子自甘棗
糲則可矣於鄉里親戚州鄙何有皮子曰一極之食
至鮮矣苟專其味必不能自抑既不能自抑日須豐
其羞既日須豐其羞則貧也不能無不足因是安求
苟欲之心生窮食極嗜之名生且大夫不見前世之

文敷卷上

五

味禍乎故羊斟不及華元受其謀龍羹不均子家肆
其禍熊蹯不熟殺宰夫而趙穿弑雙雞易鷺饋子雅
而慶舍死嗚呼吾不仁者乎誠賴其用所欲不可求
所嗜不可得方自甘棗糲而已使我生於鍾鼎之家
膏粱之門日縱異嗜年成奇欲未必不為御者之弄
華元也子家之伐靈公也晉靈之殺宰夫也蒲虞癸
之殺慶舍也此猶之禽獸欲爭食而死者矣故食於
天子者則死其天下食於諸侯者則死其國食於太
夫者則死其邑食於士者則死其家又焉能以鄉里
親戚州鄙為讓乎大夫曰善自惟食之性不能自節
亦猶酒之性也復箴以自符箴曰

寧能我食不食於人復食於人是食其身

唐皮日休文敷卷第六

文敷卷六

六

雜著

讀司馬法

請行周典

相解

感雷刑

悲摯獸

請庄生

旌王字

斥胡建

白門表

無項託

鄧州孟亭記

通玄子栖賓亭記

讀司馬法

古之取天下也以民心今之取天下也以民命唐虞尚仁天下之民從而帝之不曰取天下以民心者乎漢

文獻卷七

一

魏尚權驛赤子於利刃之下爭寸土於百戰之內由士為諸侯由諸侯為天子非兵不能威非戰不能服不曰取天下以民命者乎由是編之為術也六韜術愈精而殺人愈多法益切而害物益甚嗚呼其亦不仁矣蚩蚩之類不敢惜死者上懼乎刑次貪乎賞民之於君由子也何異乎父欲殺其子先給以威後啗以利哉孟子曰我善為陣我善為戰大罪也使後之士于民有是者雖不得土吾以為猶土焉

請行周典

周禮載師之職曰宅不毛者有里布田不耕者出屋粟凡民無職事者出夫家之征日休曰征稅者非以

率民而奉君亦將以勵民而成其業也今之宅樹花卉猶恐不奇賦征賦惟恐不至苟樹桑者必門啜戶笑有能以不毛而稅者哉如曰必也居不樹桑雖勢家亦出里布則途無蹠丐之民矣今之田貧者不足於耕轉轉而輸於富者富者利廣占不利廣耕如曰必也田不耕者雖勢家亦出屋粟則途無餒斃之民矣今之民善者少不肖者多苟無世守之業必鬪雞走狗格策擊鞠以取資於游閑太史公曰刺繡文不如倚市門是也如曰必也凡民無職事者出夫家之征則世無遊墮之民矣此三者民之最急者也有國有家者可不務乎周公聖人也周典聖人之制也未

文獻卷七

三

有依聖制而天下不治者執事者以為如何

相解

今之相工言人相者必曰某相類龍某相類鳳某相類牛馬某至公侯某至卿相是其相類禽獸則富貴也噫立形於天地分性於萬物其貴者不過人乎人有真人形而賤貧類禽獸而富貴哉將今之人言其兒類禽獸則喜真人形則怒言其行類禽獸則怒真人心則喜天以鳳為禽耶鳳則仁義之禽也以騶虞為獸耶則騶虞仁義之獸也今之人也仁義能符是哉是行又不若於禽獸也宜矣或曰相者有乎哉曰上善出於性大惡亦出於性中庸之人善惡在其化

者也上善出於性若文王在母不憂夷吾弱不好弄是也大惡亦出於性若商臣之蜂目豺聲必殺其父叔魚之虎目豕心以賄死是也中庸之人善惡在其化者若大舜設化而有苗格仲尼垂諭而子路服是也是從善而化者也若齊桓管仲輔之則霸豎貂輔之則亂是從惡而化者也故舜相於堯而天下平禹相於舜而大災弭咎繇相禹斯謂相見者見人知其賢愚見國知其治亂亦相也或曰賢愚者見行事而知也敢問聖人之相人知其有位哉曰堯之於舜任之以天下知其有位也舜之於四凶投之於四裔知其無位也曰苟若是聖人之能相人也是必賢者得

文藝卷七

三

其位不肯者不立朝三苗九黎焉得以侯飛廉惡來焉得以爵曰有是者其君不能相也將其國之是滅豈暇相人而用哉是則三苗九黎未聞不滅飛廉惡來未聞不誅嗚呼聖人之相人也不差忽微不失累黍言其善必善其惡必惡言其勝任必勝任今之人不以是術行其區區求子卿唐舉之術居其窮處其困不思以道達不能以德進言其有位必穢然自負坐白屋有公侯之姿食糝羹有卿相之色蓋不能自相其心者或有士居窮處困望一金之助已有沒齒之難有誕妄之人自稱精子卿唐舉之術取其金則易於反掌矣有能以聖賢之道自相其心哉嗚呼舉

世從之吾獨戾也其不勝明矣

感雷刑

彭澤縣鄉曰黃花有農戶曰逢氏田甚廣已牛不能備耕嘗僦他牛以兼其力逢氏之猾惡為一鄉之師焉得他牛則晝役夕歸籬耕于列景客耨于晦曷未嘗一息容其殆忽一日猝雷發山逢氏震死日休曰逢氏之猾惡天假雷刑絕其命信矣夫生民之基不過乎稼穡之功皆不為是畜之力哉則天之保牛齊平民命也宜矣今逢氏苦其力天則震死如燕趙無賴少年推之以私享烹之以市貨法不可戢刑不可威則天之保牛皆不降于雷刑哉則逢氏之死吾不知是天地也

文藝卷七

四

悲擊馱

匯澤之場農夫持弓矢行其稼穡之側有茗頃為農夫息其傍未久若花紛然不吹而飛若有物嫉視之虎也跳踉哮囁視其狀若有所獲負不勝其喜之態也農夫謂虎見已將遇食而喜者乃挺矢匿形伺其重嫉發貫其腋雷然而踣及視之枕死腐而斃矣意者謂獲其腐將食而嫉將嫉而害日休曰噫古之士獲一名受一位如已不足于名位而已豈有喜於富貴嫉於權勢哉然反是者獲一名不勝其驕也受一位不勝其傲也驕傲未足於心而刑禍已滅其屬其

不勝任與夫獲死腐者幾希悲夫吾以名位為死腐以刑禍為農夫庶乎免於今世矣

誚莊生

莊生免范蠡之子死至矣夫范蠡子復取其金則怒乃言於楚王死之嗚呼夫交者以義合至死不離也以利合者全於利前者鮮矣况利死之後哉則莊生謂畢事而歸金其言信矣至其取金則復言而死之焉有夫歸金之心也哉是莊生與范蠡果曰利合也或曰莊生非利金而渝言是范蠡之子利金而渝言也曰夫赦者楚之嘗法也范蠡不謂乎赦為楚之嘗法以其死自合不死非莊生之力也故取夫金是愚

賢之織鄙也何足責哉如莊生與范蠡義合則取金之信以易乎人命也哉是果曰利合兼不全於利前者也

旌王守

王莽竊弄漢柄擅斥帝族當其時有名臣名士身披漢祿者闔朝皆然也莫不迴忠作佞變直為邪曾不敢一悞莽色以平帝得親乎外氏者也而字乃以為謀事泄受禍日休旌之曰若守之道真忠烈之士哉不以其父得天下為利以反道為慮不以已將為天子之子為貴以愆咎為戒嗚呼守之道大不負天地幽不慙鬼神貞不愧金石明不讓日月於臣子之義

備父而班氏忘諫皮子旌之悲夫

斥胡建

古者將在軍君命有所不受若穰苴之斬莊賈孫武之儻宮嬪魏絳之辱楊干是也如建者為軍正丞設御史有奸在建職當以狀聞自有天子之刑名如擅斬者乃一夫之暴賊上吏者也以辱國威國威者軍刑者也夫軍正之職當申明其法于軍帥亦不可擅行諫殺也正且不可况又丞哉嗚呼漢不以是儻建以正其罪反以詔命賞之嘻妄矣過直近乎暴物過訐近乎擅命有之不戢在家為賊子在國為亂臣其建之謂矣

白門表

三年秋徐卒無狀叛兵逐其帥不再日剽公私財析盡異時卒有不平者至是皆門坑之監戎者以聞上赫然大怒命大將職正其罪卒有首叛者前後累劫其將曰銀刀至是命皆僂之無赦將至先令徐裨將曰銀刀族無老幼強者斬之弱者幽之及徐之枝邑派聚捕銀刀族且盡或僂而梟者或拳而送者不決日其族不餘或有詐弱懼僂皆論幽於牢迨六七百人且俟大將命業兵之居無何上愍徐卒盡死中有不干其謀者僂降內賈人於徐詔曰銀刀族詔至未死者貫之六七百人分僂數郡未至屬所途

爲盜四年夏盜推其率鼓而徐入火里舍將縣令誅制使係虜民輜而掠貨徐守閉中城竟不命偏將禦之盜得志徐去四年秋進士皮日休之白門道逢徐民之耆者泣曰翁世富於徐子孫嗣其業析二百年前日以徐卒亂翁之資已竭於兵劫矣獨存者居第而已爲殘燼翁以爲天子命將盡殺之且銀刀族無三千人耳遇聖天子在上四境無征伐重糧其屬厚衣其身有舖兒啜孫至死手不執干戈體不被鎧甲者上於徐卒厚矣今乃忘上恩叛主帥逐天子命將殘天子兆民如此逆之甚也上又活其半今反盜而寇徐前日翁之亡獨賄與產耳今子孫爲賊隸妻女

文獻卷一

七

爲賊室餘骸殘齒溢然無取嗚呼皇天仁於數百人反不仁於一郡豈得言者過耶且兵者聖人不能免其征仁帝不能無其伐是以逆者必殺順者必生所以示天下不私也往年數萬之卒逐天子命將自樹其便者國家以不忍盡殺因聽之皆賊而不貢兵而不從死而輒代名爲列藩實一州之主也故春秋譏世卿得專公祿者以春秋小國尚賤而不空况今聖天子在上百執事稱職萬方雀息以無虞四夷駭奔而入貢哉前日徐卒幸活而爲盜於民特苦國家無厚或不盡懲而赦之則自樹其便者日休曰翁其力之賢者耶吾知夫今之食其食者未必有翁之是心也

幸以文貢而未得入上言列國不合陳便宜事因採翁之說爲表庶天子召直言極諫者得以遺之

無項託

符朗著符子言項託詆訛夫子之意者以吾道將不勝於黃老嗚呼孔子門唯稱少故仲尼曰顏氏之子其殆庶幾乎又曰賢哉回也嘆其道與已促固不足夫蔽之也如託之年與回少遠矣託之智與回又遠矣豈仲尼不稱之於其時耶夫四科之外有七十子七十子外有三千之徒其人也有一善仲尼未嘗不稱之豈於項氏獨掩其賢哉必不然也嗚呼項氏之有無亦如平莊周稱盜距漁父也墨子之稱墨尿娟

文獻卷一

八

也豈足然哉豈足然哉

鄂州孟亭記

明皇世章句風大得建安體論者推李翰林杜工部爲之尤介其間能不愧者惟吾鄉之孟先生也先生之作遇思入詠不拘奇抉異令齷齪束人口者涇涇然有千霄之興若公輸氏當巧而不巧者也北齊美蕭愨有芙蓉露下落楊柳月中踈先生則有微雲淡河漢踈雨滴梧桐樂府美王融日靄沙嶼明風動甘泉濁先生則有氣蒸雲夢澤波動岳陽城謝眺之詩句精者有露濕寒塘草月映清淮流先生則有荷風送香氣竹露滴清聲此與古人爭勝于毫釐也他稱

是者衆不可悉數嗚呼先生之道復何言耶謂平貧則天爵于身謂乎死則不朽于文爲士之道亦以至矣先生襄陽人也日休襄陽人也既慕其名亦觀其兒蓋仲尼思文王則嗜昌歎七十子思仲尼則師有若吾於先生見之矣說者曰王右丞筆先生于郢之亭每有觀之志四年榮陽鄭公誠刺是州余將桓江南臆舟而詣之果以文見貴則先生之貌縱視矣先是亭之名取先生之諱公曰焉有賢者之名爲趨所走養朝夕言於刺史前耶命易之以先生姓日休時在宴因曰春秋書紀季公子友仲孫秋字者貴之也故書名曰辰書字曰貴况以賢者名署于亭乎君子

通玄子栖賓亭記

是以知公樂善之深也百祀之弊一朝而去則民之弊也去之可知矣見善不書非聖人之志寔空豆撤立而爲文咸通四年四月三日記

距彭澤東十里有山遼源與處號曰富陽文士李中自隱焉五年冬別中白歲且翅再自淝陵之江左因訪于是至其門驟不暇練而目爽神王去恍恍然迨若入于異境矣愬別苦外不復游一詞且樂其得也木秀于芝泉甘于粘露峰倚空如碧毫掃粉障色正鮮温鳴溪深源內蒙籬鞠出琉璃液石有怪者號然闐然若將爲人者禽有異者嘍嘍然若將天馴耶

每空齋寥寥寒月方午松竹交韻其正聲雅音笙師之吹竽邠人之鼓箛不能過也况延白雲爲升堂之侶結清風爲入室之賓其爲趣則生而未觀矣中白所尚皆古以時不合已故隱是境將至老嗚呼世有用君子之道隱者乎有則是境不足留吾中白也昔余與中白有俱隱湘衡之志中白以時不合已果償本心余以尋求計吏不諧風念今至是境語及名利則苦刺生背矣夫賓之來也不逾于邑邇邇邑距是十里至是者不爲易矣其延之且不晡乎晡不夕平則侯賓之所果不可低痺於是鉅其寢西向百步則築賓亭焉雨其室而一其屢且曰賓將病暑吾則敵

其簷賓將病寒吾則奧其牖自竟是功則爲堯之饋壘樽之費縱倍於前矣其功始於咸通二年秋八月後五年五月中白館余於是且禱其記而名之者累月讓不獲因曰古者有高隱殊逸未被爵命敬之者以其德業号而稱之玄德玄晏是也夫學高行遠謂之通志深道大謂之玄男子通稱謂之子請以通玄爲其号請以栖賓爲亭名噫知我者不謂我爲俊友矣五年五月朔日記

唐皮日休文獻卷第七

唐皮日休文獻卷第八

雜著

正尸祭

題叔孫通傳

題安昌侯傳

何武傳

鄙孝議下篇

正尸祭

讀韓詩外傳

題後魏釋老志

趙女傳

鄙孝議上篇

內辭

聖人知生足其事事之知死不足其思制之生象其死窮其思也尸象其生以極其敬也夫死者足以守不關則意不以廢廢則亂故祀享立尸于廟王則迎有

文獻卷八

拜有醑尸有酢所以立象生之敬也今視唐禮皇帝神降而拜象乎受尸受福于神象乎酢尸嗚呼唐有天下化乎三百年其禮典赫然可以蟻漢蠓魏豈不能守周孔禮制哉故曰不以加加則弊禮無區虛之文漢魏以來加之是也以加不以加則周官射人祭祀則替射牲王親射也自漢魏以來惟以毛血為薦是也足以闕不以廢古者屈到嗜艾屈建薦之謂乎非禮梁氏祀以蔬食是也嗚呼讀漢魏及梁書代無其人忍使其禮弊怠廢闕相接至此耶豈天使之然俟吾唐之人補其逸典哉是宗廟祭尸不當廢也已

讀韓詩外傳

韓詩外傳曰韶用干戚非至樂也舜兼二女非達禮也封黃帝之子十九非法義也往田號泣未盡命也

日休曰甚哉韓詩之文悖夫大教夫堯舜之世但務以道化天下天下嚮嚮如一家室其化雖至其制未備豈可罪以越禮哉如以韶用干戚非至樂則顓頊

之入風高辛之六筮不可作矣如以舜兼二女非達禮也則堯之世其禮未定不當責也又宜矣以封黃

帝之子非法義也則丹朱商君無封邑是庶人也傳

曰賢者子孫必有土又曰公侯之子孫必復其始夫

賢者與公侯其子孫尚不廢況有熊氏道冠於五帝

化施于千世哉如以往田號泣未盡命也則舜之孝

道匪天也其誰知之不號泣則吾恐舜之命不及于

堯用嗚呼韓氏之書抑百家崇吾道至矣夫是者吾

將闕然

文獻卷八

題叔孫通傳

古之所謂禮不相襲樂不相公者何哉非乎彼聖人

也此聖人也不相襲者角其功利之深淺尔不相公

者明其文武之優劣尔故三王迭作五帝更制夏商

易置文武述其禮文昭昭然若兩曜爭明百川之

注瀆者矣然猶周公刊之仲丘正之以周公之才之

美謂後世無其人乎乃有仲丘仲丘之後迄今望其

道如顏閔文如游夏者鮮矣况聖人哉是後之制禮

道如顏閔文如游夏者鮮矣况聖人哉是後之制禮

道如顏閔文如游夏者鮮矣况聖人哉是後之制禮

道如顏閔文如游夏者鮮矣况聖人哉是後之制禮

道如顏閔文如游夏者鮮矣况聖人哉是後之制禮

作樂宜取周書孔樂為標準也漢氏受命禮壞文毀時無聖人苟措其儀立其禮不洽襲於聖制者矣也夫國之大祭不過乎郊祀宗廟也漢之既命其郊止於五時之祀者禮不曰兆五帝之郊者乎止於昭靈之園者禮不曰天子七廟者乎而叔孫生不為之正郊祀立宗廟去秦時之非制議昭靈之非禮汲汲於朝會之儀俾漢天子為高祖身不得郊見享不及七廟噫生其制物刊厥式非不標準於聖人乎將以漢新去水火方弭兵械為改作乎將不明壇墠之位裕拾之儀者乎若然者湯伐桀周伐紂其制可知也嗚呼不明於古制樂通於時變君子不由也其叔孫生之謂矣

文徵卷八

三

題後魏釋老志

魏叔為後魏書大夸西域氏之教以為漢獲休屠王金人乃釋氏之漸也秦始皇聚天下兵鑄金人十二於咸陽漢復置之豈可復為釋氏哉夫仲尼修春秋君有僭王号者皆削爵為子况戎狄之道不能少抑其說耶孟子曰能以言拒楊墨者遠矣不能以言抑者叔也亦聖徒之罪人矣謂史必直歟則春秋為賢者諱之為尊者諱之筆削與奪在手則叔之為是媚於偽齊之君耶不然何不經之如是

題安昌侯傳

安昌侯禹見時變異若上體不安常擇日繫齋露著於星宿正衣冠筮得吉卦則獻其占如有不吉禹為感慟日休讀漢史至是未嘗不為之動心因書曰夫宰相之節以已道輔上天地平則致於君夷狄服則致於君風教行則致於君苟天地有災則歸於已兵戈屢動則歸於已此真大宰輔之職也禹也為漢名相居師傳之尊處輔導之位見災異屢發上不能匡於君下不能稱其職孜孜於卜筮為事斯不足以為賢相之業也嗚呼當漢帝之重禹禹之有言如師訓門人未有門人可違師之旨也依違在位竟無所發誠伊周之罪人也大凡國有災異稽禳占筮之事自有司存姑以缺為宰相者當提大政之綱振百司之領握天下之樞而已不空以處斯位也以直論之近乎佞以誠論之近乎偽為宰相其名儒之取耶嗚呼漢之尊禹崇師道也禹若此者即非崇師道之過矣

文徵卷八

四

趙女傳

趙氏女山陽之鹽山人其父質鹽出其息不納有司賦官捕得法當死簿伏就刑有日矣趙氏女求見鹽鐵官泣愬于庭曰某七歲而母亡蒙父私盜官利衣食其身為生厚矣今父罪根露某當隨坐法若不可官能原乎原之不能請隨坐之法官清河崔據義之因為減死論趙氏大泣曰某之身前則父所有今則

官所賜願去髮學釋氏以報官德自以女子之言難信因出利刀於懷立截其耳以盟必然崔益義之竟全其父命趙氏侍父刑疾愈因請歸浮屠氏舍日休曰古者救危拯禍必先示信至夫家全國完則隨而垂其盟如趙氏一乳臭女子耳繼死請父命孝也自刑以盟言信也秉孝植信高蹈於世絮乎瑾瑜不足為其貞芬乎蘭不足為其秀與夫古之救危拯禍者遠矣今之士見難不立其節見安不償其信者其趙女之刑人乎噫後之修女史者幸無忘邪

何武傳

何武者壽之驍卒也故為步卒將戍隣霍岳岳生名舜有負其販者多強暴民民不便必懇於將武之至矣責其強暴者盡擒而械之俟簿圓將申壽守請殺之強暴之黨懼且死乃誣懇武于壽守且曰不順守命擅生殺于外壽之守嚴悍不可犯苟聞不便於民雖劇寮貴吏得皆辱殺之至是聞武罪如乳虎遇觸怒蟻遭傷其將害也可知乃命勁卒將命拳武至府武已知理可申不奈守嚴悍必當受枉乃樂而俟死矣至則守怒而責武以其過武善媚對又肢體魁然乃投石狀枉之事守雅愛是類翻然釋之黜其職一級武曰吾今日不歸地下真守之賜也請得以命報居未久壽之指邑曰隄陽野寇四起其邑將危武請於

守曰此真畢命之秋守壯之復其故職奉命為貳將領偏師自間道入隄陽不意伏盜發於叢翳間兵盡駭逃武獨闖死日休曰武之受謗不當其刑况其死乎如非武心者縱免死其心不能無憤也况感分用命哉嗚呼古之事上遇謗當職遭辱苟其君免之必以憤報破家亡國者可勝道哉春秋弑君三十六其中未必不由是而致者也武一卒也獨有是心嗚呼今之士事上當職苟遇謗遭辱無足心者吾又不知武一卒也

鄙孝議上篇

有天地來言乎孝者大曰舜小曰參舜承順父母之道無不為也雖伴食于藜藿寢于廁竇猶將順之况夫修廩浚井哉然猶避乎大杖也雖嘗以小杖為順則舜修廩可也浚井可也設死于大杖誰養警叟哉參承順父母之道無不至也鋤瓜傷根曾哲杖之幾至于死是以仲尼不以為孝也何哉有參則哲安無參則哲孤參順鋤瓜之罪設死于杖誰養夫哲哉夫以二孝之不受重責恐夫糜骨節隳肢體有辱于先人也豈有操其刃割已肉以為孝哉夫人之身者父母之遺體也割已之肉由父母之肉也言一不順色一不怡情尚以為不孝况割父母之肉哉故樂正子春傷足不下堂漢景不吮孝文之癰二賢卒成大孝

猶傷足不下堂吮癰有難色何者傷已之足傷父母之足也吮父之癰吮已之癰也傷之者不敬吮之者過燥是以聖賢不爲也今之愚民謂已肉可以愈父母之病必刺而飼之大者邀縣官之賞小者市鄉堂之譽訛風習習扇成厥俗通儒不以言執政不以禁昔墨氏摩頂至踵斷指存脛謂之兼愛今之愚民如是其兼愛邪設使虞舜糜骨節曾參臠肢體樂正子春傷足不憂漢景吮癰無難今之有是者吾猶以爲不可况無是理哉或執事者嚴令以禁之則天下之民保其身皆父母之身也欲民爲不孝也難矣哉

鄙孝議下篇

人之心也仁者孝有餘兇者暴不足故聖人之制禮非所以懲其不足抑亦戒其有餘由是節之以哀戚定之以封域制之以斬衰仁者之喪滿其哀也不足於心而不能有餘於禮兇者之喪滿其息也有餘於心而不能不足於禮此由民之心必有嗜欲必知飢渴自開闢而至于今未能改也魯人有朝祥而暮歌者子路笑之夫子曰由爾責於人終無已夫三年之喪亦以久矣又孔子既合葬於防曰吾聞之古也墓而不墳今丘東西南北之人也不可以弗識矣於是封之崇四尺孔子先反門人後雨甚至孔子問焉曰爾來何遲也曰防墓崩孔子不應三以其言不聞也

孔子泣然流涕曰吾聞之古不修墓以三年之喪天下之通制也古不修墓聖人之格言也以朝祥而暮歌聖人尚不笑之以經雨而防墓崩聖人尚泣而怪之况廬之於其側朝夕而哭哉故合葬於防孔子先反者尚修虞事也今之愚民既葬不掩謂平不忍也既掩不虞謂平廬墓也傷者必過毀甚者必越禮上者要天子之旌表次者受諸侯之褒贊自漢魏以降厥風逾甚愚民蚩蚩過毀者謂得儀越禮者謂大孝姦者憑之以避征徭僞者扇之以收名譽所在之州鄙磐石我然問所從來曰有至孝也廬墓三年孝感至瑞郡守聞於天子天子爲之旌表焉嗚呼夫古之

廬墓至畜妻子於宅兆之前其波流弊至今藝嫚焉有守正者雖大孝不錄爲非者雖小道必旌則聖人之制後何法焉或曰子貢居於夫子墓側六年乃去非廬墓之自邪曰子貢之罪大矣口受聖人之言身違聖人之禮嘻甚矣夫子曰事師無犯無隱左右就養無方服勤至死心喪三年又曰師吾哭諸寢是師之喪也心喪止於三年哭泣至於寢室未有倍其年而哭於墓者斯子貢之罪也今執事者見愚民之有是者宜責而不責鄙而不旌則民必依禮而行矣苟若是則隳教之風息毀制之道墜傳曰辛有適伊川見被髮而祭於野者今之有是被髮而哭於野者幾

何不爲戎之於宅兆乎有心於是道者得斯說而存之禁之可也令之可也

內辯

日休自布衣受九江之薦與計偕寓止永崇里居淡旬有來候者曰子幾退干有司幾孰于執事其譽與名曄曄于京師矣致是也者孰自曰偶與計偕者曾未識咸陽城關所贊者未及卿相之門所趨者未入勢利之地其譽與名反不知其自矣曰聞子受今小司徒河東公知素矣公當時之望溟渤於文場嵩華於朝右子之上第不足憑他門曰公之爲前達接後進今人之中古人也愚欲自知其道干之以其文以名臣之威絀賤士之禮其爲知大矣所謂干之以其道知之亦以其道遇其人則宣之於口不遇其人則貯之於心非佞傳媚說者也或者不擇而退居一日又有來者曰喋喋之人謂子賴其知欲一舉於有司信哉曰於戲聖天子之世文教如膏雨儒風如扶搖草茅之士得以達市井之子可以進名場大闢豁若廣路千百人各負累能時執事各立用譽如日休之才處於場中若放鯉鮪於東溟逐麀麇於五嶽以小入大以微混衆其汨汨沒沒昭然可知矣豈能一舉於有司哉或練窮物態晝時機一二十舉於有司儻處之下列行其道也上可以布大知下可以存操

利而已矣曰若能者誘歟子宜默處梁上第防其萌曰大聖者不過周孔然猶管蔡誘於前叔孫毀於後何由處勢而然亦由登高者必望臨深者必窺矣詩曰讒言罔極交亂四國夫四國且亂况一士哉雖然敢不防其萌嗚呼防而免者人歟防而不免者天歟

唐皮日休文數卷第八

文數卷第八

唐皮日休文獻卷第九

書

移元徵君書

請韓文公配饗大學書

請孟子為學科書

移成均博士書

鹿門隱書六十篇

徵君足下行奇操峻捨明天子賢宰相退隱于陵陽
陽見青山傲視白雲得喪不可播其心榮辱不能動
其志匡奉冠冕泥滓祿位甚善甚善苟與足下同道
者必汲汲自退名惟恐聞行惟恐顯老死為山谷人
矣或名欲遺千載利欲及當今者聞足下之道可以

文獻卷九

不進其說耶日休聞古之聖賢無不欲有意於民也
苟或退者是時弊不可正主慍不可曉進則禍退則
安斯或隱矣有是者世不可知其名俗不能得其教
尚懼來世聖人責乎無意於民也此謂之道隱其次
者行不端於己名不聞於人欲乎仕則懼禍欲乎退
則思進必為怪行以動俗詭言以矯物上則邀天子
再三之命下則取列侯殷勤之禮甚有百世之風次
有當時之譽此之謂名隱其次者行有過僻志有深
傲飾身不由乎禮樂行已不在乎是非入其室者惟
清風昇其牖者惟明月水石然靡鹿然期夫道家之
用以全彼生此之謂性隱然而道隱者賢人也名隱

者小人也性隱者野人也有夫堯舜救世湯禹拯亂
之心者視道隱之人由夫樵蘇之民耳況名與性哉
今天下雖無事河湟有黠虜之患嶺徼有通蠻之虞
主上焦心灼思晏詢夜謀宰相戰慄於巖廊百執事
奔走於朝右然尚未復貞觀開元之大治有致君於
唐虞躋民於仁壽者其人則鮮其求則勤玄纁之聘
屢降於山林少微之星但明於霄漢此真足下之所
高視也嗚呼斯時也山林之間宜倒衣以接禮重跡
以應命赴明天子千年之運成大丈夫萬世之業勳
銘於鍾鼎德著於油素可不盛哉夫主上知足下之
道又矣加以郡守薦之宰相譽之雖錫命屢煩而高

文獻卷九

風轉固接物日簡入山益深且足下將為道隱乎則
道隱者世不可知其名俗不能得其尚足下之名尚
也丹青於世矣豈謂道隱哉將為名隱哉則名隱者
以惟行動俗以詭言矯物足下之道伸之而伊蓂屈
之而夷齊豈謂名隱哉將為性隱乎則性隱者飾身
不由乎禮樂行已不在乎是非足下項薦名於有司
客位於侯伯豈謂性隱乎然三隱者足下皆出其表
復何為而高臥哉如終臥陵陽而不起是廢乎古人
之道者也仲尼曰素隱行惟後世有迷焉吾弗之為
也君子遵道而行半途而廢吾弗能也已矣君子依
乎中庸遜世不見知而不悔乎夫前三者聖人之所

不爲足下之學楊墨乎申韓乎何其悖於道也如遊世不見知而不悔則舜不爲高蹈也舜不爲真隱也足下其亦有意乎如納僕之言翻然而起醒然而用朝廷必處足下於大諫次用足下於宰輔其在大諫也以直氣吹日月之翳以正道立天地之根先黜陟於朝廷次按察于侯國其在宰輔也外以道寧四夷內以法提百揆俾天地反妖爲瑞使陰陽易愆爲穰然後以玄菟樂浪爲持節之州崑崙崑崙作駐驛之地又不知房杜姬宋何人也果行是道聲南山之竹不足以書足下之功窮百谷之波不足以注足下之善以足下之風可以知僕之志以僕之道可以發足

又發卷九

下之文故不遠千里授書於御者用以吐僕臆中之奇貯也僕之取捨自有方寸異時無望於足下發函之後但起無疑不宣日休再拜

請韓文公配饗太學書

於戲聖人之道不過乎用用於生前則一時可知也用於死後則百世可知也故孔子之封賞自漢至隋其爵不過乎公侯至于吾唐乃策王号七十子之爵命自漢至隋或卿大夫至于吾唐乃封公侯曾參之孝道動天地感鬼神自漢至隋不過乎諸子至于吾唐乃旌入十哲噫天地又否忽奉則平日月又昏忽開則明雷震又息忽震則驚雲霧又鬱忽廓則清仲

尼之道否於周秦而昏於漢魏息於晉宋而鬱於陳隋遇于吾唐萬世之憤一朝而釋漢死者可作其志可知也今有人身行聖人之道口吐聖人之言行如顏閔文若游夏死不得配食於夫子之側愚又不知尊先聖之道也夫孟子荀卿翼傳孔道以至千文中子文中子之末降及貞觀開元其傳者醜其繼者淺或引刑名以爲文或援縱橫以爲理或作詞賦以爲雅文中之道曠百祀而得室授者唯昌黎文公之文蹴揚墨於不毛之地蹂釋老於無人之境故得孔道巍然而自正夫今之文千百士之作釋其卷觀其詞無不裨造化捕時政繫公之力也公之文曰僕自度

文發卷九

四

若世無孔子僕不當在弟子之列設使公生孔子之世公未必不在四科焉國家以二十賢者代用其書垂于國冑並配饗於孔聖廟堂者其爲典禮也大矣美矣苟以代用其書不能以釋聖人之辭箋聖人之義哉况有身行其道口傳其文吾唐以來一人而已不得在二十一賢之列則未已乎典禮爲備伏請命有司定其配饗之位則自茲已後天下以文化未必不由夫是也

請孟子爲學科書

聖人之道不過乎經經之降者不過乎史史之降者不過乎子子不異乎道者孟子也捨是子者必戾乎

經史又率于子者則聖人之盜也夫孟子之文繁若
經傳天惜其道不儘於秦自漢氏得之常置博士以
尊其學故其文繼乎六藝光乎百氏真聖人之微旨
也若然者何其道瞻瞻於前其書汲汲於後得非道
拘乎正文極乎與有好邪者憚正而不舉嗜淺者鄙
與而無稱耶蓋仲尼愛文王嗜昌歎以取味後之人
將愛仲尼者其嗜在孟子矣嗚呼古之士以湯武爲
逆取者其不讀孟子乎以楊墨爲達智者其不讀孟
子乎由是觀之孟子功利於人亦不輕矣今有司除
茂才明經外其次有熟莊周列子書者亦登于科其
誘善也雖深而懸科也未正夫莊列之文荒唐之文
也讀之可以爲方外之士習之可以爲鴻荒之民有
能汲汲以救時補敎爲志哉伏請命有司去莊列之
書以孟子爲主有能精通其義者其科選視明經苟
若是也不謝漢之博士矣既遂之如儒道不行聖化
無補則可刑其言者

移成均博士書

夫居位而愧道者上則荒其業下則偷其言業而可
荒文弊也言而可偷訓薄也故聖人懼是寤移其化
上自天子下至子男必立庠以化之設序以教之猶
歉然不足士有業高訓深必誦禮以延之越爵以貴
之俾庠聲序音珍瓏於珩珮銷匄於金石此聖人之

文藝卷九

五

文藝卷九

六

至治也今國家立成均之業其禮威於周其品廣於
漢其誦禮越爵又甚於世而未免乎愧道者何哉夫
聖人之爲文也爲經約乎史贊易近乎象詩書止乎
刪禮樂止乎定春秋止乎修然六籍儀形乎千萬世
百王更命迭号莫不由是大也其幽幽於鬼神其妙
妙於玄造後之人苟不能行矚決句釋者猶萬物但
被玄造之化者耶故萬物但化而已不知玄造之源
也夫六藝之於人又何異於是故詩得毛公書得伏
生易得楊何禮得二戴周官得鄭康成觀其微言錄
其大義幽者明於日月與者廓於天地然則今之講
習之功與決釋之功不啻半矣其文得不弊乎其訓
得不薄乎嗚呼西域氏之教其徒日以講習決釋其
法爲事吾之視大學又足爲西域氏之羞矣足下出
文闡生學世業精前古言高當今洗洗乎洋洋乎爲
諸生之耆龜作後來之綿繩得不思居其位者不愧
其道處於職者不墮其業乎否則市大易負乘之譏
招詩人伐檀之刺矣奚不日誠其屬月勵其徒年持
六籍日決百氏俾諸生於聖典也洞知大曉猶駕車
者必知康莊操舟者必知河海既若是矣執其業者
精者進而墮者退公者得而私者失非惟大發於儒
風抑亦不苟於祿位足下之道被於太學也其利可
知矣果行是說則太華之石峨峨於成均之門者吾

不頌於他人矣足下聽之無忽日休再拜

鹿門隱書六十篇并序

醉士隱於鹿門不醉則游不游則息息於道思其所未至息於文慙其所未周故復草隱書焉嗚呼古聖王能旌夫山谷民之善者意在斯乎

或曰仲尼修春秋紀災異近乎怪言虎賁之勇近乎力行衰國之政近乎亂立祠祭之禮近乎神將聖人之道多歧而難通也奚有不語之義也曰夫山鳴鬼哭天裂地折怪甚也聖人謂一君之暴災疴天地故諱耳然後世之君猶有窮凶以召災極暴以示異者矣夫桀紂之君握鈎伸鉞撫梁易柱手格熊羆走及

文數卷九

七

虎兇力甚也聖人隱而不言懼尚力以虐物貪勇而喪生然後世之君猶有喜用觥而忘政愛拔拒而過賢者寒浞竊室子頑通母亂甚也聖人隱而不言懼來世之君為地豕民為淫域然後世之君猶有易內以亂國通室以亂邦者夏啓畜乘龍周穆謙瑤池神甚也聖人隱而不言懼來世之君以幻化致其物以左道成其樂後世之君猶有贖封禪以求生恣祠祀以析欲者嗚呼聖人發一言為當世師行一行為來世軌豈容易而傳哉當仲丘之時苟語怪力亂神也吾恐後世之君怪者不在於妖祥而在於政教也力者不在於角觝而在於侵凌也亂者不在於衽席而

在於天下也神者不在於機鬼而在於宗廟也若然者其道也豈多岐哉

民之性多暴聖人導之以其仁民性多逆聖人導之以其義民性多縱聖人導之以其禮民性多愚聖人導之以其智民性多妄聖人導之以其信若然者聖人尊之以天下賢人導之於國眾人導之於家後之人反導為取反取為奪故取天下以仁得天下而不仁矣取國以義得國而不義矣取名位以禮得名位而不禮矣取權勢以智得權勢而不智矣取朋友以信得朋友而不信矣堯舜導而得也非取也得之而仁殷周取而得也得之亦仁吾謂自巨君孟德已後

文數卷九

八

行仁義禮智者皆奪而得者也悲夫文學之於人也譬乎藥善服有濟不善服反為害或曰聖人見一善必汲汲慕之夫丹朱商均雖曰不肖豈便毒於豺虎哉何其嗣之遠也且善足以保身不足以保天下噫丹朱商均苟非堯舜之子一身且不保况天下哉
毀人者自毀之譽人者自譽之夫毀人者人亦毀之不曰自毀乎譽人者人亦譽之不曰自譽乎
或曰神農牛首蜚仲鳥身信乎哉曰非形也象也夫梟羊獍猶尚猶類人况聖賢也哉
或曰夏禹為黃龍信乎哉曰非也感也夫簡狄吞鳥

外而生契姜姬履大迹而產稷是也當禹之母夢熊而生耳不然者禹誠是熊吾以聖人爲回象也

或曰孟子云子何人也舜何人也是聖人皆可修而至乎曰聖人天也非修而至者也夫知道然後能修

能修然後能聖且堯爲唐侯二十而德成舜爲鄒民二十以孝聞焉在乎修哉后稷之戲必以藝殖仲尼

之戲必以俎豆焉在乎修哉蓋修而至者顏子也孟軻也若聖人者天資也非修而至也

窮山人盡行也大江人盡涉也然而不幸者有遇虎兇之暴蛟龍之患者矣豈以是而止者哉夫途有遇

是患而死者繼其踵者惟恐其行之不速也今之士爲名與勢苟刑禍及流竄至是監刀鋸者必名人司

流竄者必勢士繼其踵者惟恐其位之不遠也嗚呼名與勢然也吾患其內虎兇乎蛟龍乎是天不爲人

幸也非人也其或披林逐虎兇入水嬰蛟龍遇其患也是人不爲天幸也非天也若是以遇禍則終身所

爲心之駟僮焉君子不爲其所不爲小人爲其所不爲

可以威而不威可以殺而不殺難也

潔者不觀其窮觀其富也慎者不觀其危觀其勢也苟當窮能潔當危能慎戒也非真也

古之官人也以天下爲己累故已憂之今之官人也

以己爲天下累故人憂之今道有赤子將爲牛馬所踐見之者無問賢不肖皆揚揚然皆欲驅牛馬以活之至夫國有弱君室有色婦有謀其國欲其室者惟恨其君與夫不惟赤子之禍也噫是復何心哉

孟子曰伯夷隘柳下惠不恭伊尹五就湯五就桀皮子採廉於伯夷廉於天下不爲隘矣擇和於下惠和於天下不爲不恭矣取志於伊尹志於天下不爲不大矣

天有造化聖人以教化裨之地有生育聖人以養育裨之四時有信聖人以誠信裨之兩曜有明聖人以文明裨之噫裨於天地者何獨聖人雖禽獸昆虫雲

物亦不能自順其化麟鳳裨於祥瑞也蛟龍裨於潤澤也昆虫裨於地氣也雲物裨於天候也而况於聖人乎况於鬼神乎故紆大君之組綬食生人之膏血

苟不仁而位是不裨於祿食也况能裨於天地乎吾乃知是禽獸昆虫雲物不竊於天地之覆壽也

舟之有掩猶人之有道也掩不安也舟之行匪掩不進是不安而安也人之行也猶舟之有掩匪道不行

是不行而行也夫秦失掩於項項遺掩於漢是聖人之道不安其所安小人之道安其所不安也

伊尹之道一介不以與人一介不以取諸人吾得志弗爲也與之以道取之以道天下可也况一介哉伊

文敷卷九

十

尹之道近乎執吾去執而取廉者也伯夷弗仕非君弗治非民治則進亂則退吾得志弗爲也不仕非君孰行其道不治非民孰急天下以非君乎湯不當事桀文王不當事紂也以非民乎桀民不赴殷紂士不歸周矣故伯夷之道過乎高吾去高而取介者也柳下惠可事非君可使非民與惡人言雖袒裼裸裎於我側爾焉能浼我哉吾得志弗爲也夫蚍蜉豈過人而有禮哉民之下者亦若是而已柳下惠之道過乎溷吾去溷而取辯者也

於戲黃卷之內聖賢者皆在焉慕而不可及愛而不可必鬱鬱於厲夫至乎是者爲心乎爲身乎心則勞身則憊嗚呼道果不在於自用

文義卷九

三

古之奢也吾不奢古之儉也吾不儉適管晏之中或可矣噫古之奢也僭今之奢也濫古之儉也性今之儉也名

學而廢者不若不學而廢者學而廢者恃學而有驕驕必辱不學而廢者愧已而自卑卑則全勇多於人謂之暴才多於德謂之妖

小善亂德小才耗道

以有善而不進以有才而不修孔門之徒耻也

古之隱也志在其中今之隱也爵在其中

吏不與奸罔期而奸罔自至賈豎不與不仁期而不

仁自至嗚呼吏非彼重刑不知奸罔之喪已賈豎非遭極禍不知不仁之害躬也夫易化而善者齊民也唯吏與賈豎難哉

人之肆其志者其如後患何

聖人能與人道不能與人志

嗚呼才望顯於時者殆哉一君子愛之百小人妬之一愛固不勝於百妬其爲進也難

不以堯舜之心爲君者具君也不以伊尹周公之心爲臣者具臣也

造父善御不能御駑駘公輸善匠不能匠散木吾知夫不教之民也豈易御而易匠者哉陽貨者仲尼之

駑駘也互鄉者仲尼之散木也

文義卷九

三

或曰子之道有以邁千人子之貌固不足加於衆噫何哉曰亦何異哉伊臯亦人矣孔顏亦人耳

不思而立言不知而定交吾其憚也

知道而不行知賢而不舉甚乎穿窬也夫盜也者不能盡一室如不行道足以喪身不舉賢足以亡國

金貝珠璣非能言而利物者也至夫有國者寶之甚乎賢惜之過乎聖如失道而有亂國且輸人况夫金

貝珠璣哉

聖人行道而守法賢人行法而守道衆人侮道而貨

法

古之決獄得民情也哀今之決獄得民情也喜哀之者哀其化之不行喜之者喜其賞之必至周公爲天子下白屋之士今觀於一命之士接白屋之士斯禮遂亡悲夫

幸君之急而見懲紕已之讐而爲直因躬不好者而爲廉囚人不樂者以爲正大人不由也

聖人之道猶坦途諸子之道猶斜逕坦途無不之也斜逕亦無不之也然適坦途者有津梁之斜逕者皆荆棘

三王之世民知生而不知化五帝之世民知化而不知德

文數卷九

五

毀人者失其直舉人者失其實近於鄉原之人哉

揮勢而交人勢劣而交道息希利而友人利薄而友道退明君善全臣者不御哲士善全友者不暱

或曰我善治苑囿我善視禽獸我善用兵我善聚賦古之謂賊民今之所謂賊臣

野妨能害稼不能害人奸邪善害人害稼者有時而稔是不害也雖有祝鮀之佞宋朝之美其害人也可勝道哉

或問君子之道何如則可以常行矣曰去四蔽用四正則可以常行矣曰何以言之見賢不能親聞義不能伏當亂不能正當利不能節此之謂四蔽道不正

不言禮不正不行文不正不修人不正不見此之謂四正鴟鷂不常見君子慕焉鴟鷂常見小人捕焉噫君子之出處亦猶夫鴟鷂而已矣

不位而尊者曰道不償而富者曰文意吾將謂得時乎尊而驕者不爲矣吾將謂失時乎富而安者吾爲矣

或曰將處乎世如何則可以免乎諂曰去六邪用四尊則可矣曰何以言曰諫未深而諂君交未至而貴友居未安而罪國家不儉而罪歲道不高而凌貴志不定而美富此之謂六邪也自尊其道堯舜不得而卑也自尊其親天下不得而誦也自尊其已孩孺不得而娛也自尊其志刀鋸不得而威也此之謂四尊也

文數卷九

五

愛雖至而不媒讐已危而不擠勢方盛而知足利正中而識已豈小人之能哉

以儉而獲罪猶遠乎奢以退而遇謗尚愈乎進弓箕之家生子而捨乎弓箕陶旋之家生子而捨乎陶旋噫吾之道猶弓箕陶旋乎

自漢至今民產半入平公者其唯桑弘羊孔僅乎衛青霍去病乎設遇聖天子吾知乎桑孔不過乎賈豎

衛霍不過乎士伍

古之殺人也怒今之殺人也笑

古之用賢也爲國今之用賢也爲家
古之酌筭也爲酒今之酌筭也爲人
古之置吏也將以逐盜今之置吏也將以爲盜
或曰楊墨有道乎曰噫錢格筆皆有道也何啻乎楊
墨哉吾知夫今之人嗜楊墨之道者其一夫之族耳

唐皮日休文藪卷第九

文藪卷九

五

唐皮日休文獻卷第十

詩

三羞詩三首

其一 并序

丙戌歲日休射策不上東退于肥陵出都門見朝列
中論犯當權者得罪南竄知詔辰發持法吏不容一
息雷私室視其色若將獸祿位悔名望者皮子闕之
惘然泣血然羞故作是詩以媿之

吾聞古君子介介勵其節入門疑儲官撫已思欽鉞
志者若不退佞者何由達君臣一殺膳家國共殘殺
此道見於今永思心若裂王臣方蹇蹇佐我無玷缺

如何以謀計中道生芽孽憲司遵故典分道播南越

蒼惶出班行家室不容別玄鬢行爲霜清淚立成血

乘遽劇飛鳥就傳過風發嗟吾何爲者叨在造士列

獻文不上第歸于淮之汭入蹇蹄可再犇退羽可後

歌利則侶軒裳塞則友松月而於方寸內未有是愁

結未爲棹食士俯不愧梁糲未爲冠冕人死不慙忠

烈如何有是心不能叩丹闕赤赤負君歸南山採芝

歲

其二 并序

日休旅次于許傳舍聞叫咷之聲動于城郭問于道
民民曰蠻圍我交趾奉詔徵許兵二千征之其征且

再有戰皆歿其哭者許兵之屬嗚呼揚子不云夫朱
哩之絕捐之之力也否則介鱗易我衣裳其是之謂
耶皮子謂之內過曰吾之道不足以濟時不可以備
位又手不提桴鼓身不被兵械恬然自順恬然自樂
吾亦爲許師之罪人耳作詩以吊之

南荒不擇吏致我交趾覆綿聯三四年流爲中夏辱
儒者固即退武者兵則黷軍庸滿天下戰將多金玉
刮則齊民癱分爲猛士祿雄健許昌師忠武冠其族
去爲萬騎風住作一川肉昨朝殘卒回千門萬戶哭
哀聲動閭里怨氣成山谷誰能聽畫鼓不忍看金鉞
吾有制勝術不奈賤碌碌貯之膏臆間慙見許師屈

自嗟胡爲者得躡前修躅家不出軍租身不識部曲
亦衣許師衣亦食許師粟方知古人道蔭我已爲足
念此向誰羞悠悠潁川綠

其三 并序

丙戌歲淮右蝗旱日休寓小墅于州東下第後歸之
見潁民轉徙者盈途塞陌至有父捨其子夫捨其妻
行哭立丐朝去夕死嗚呼天地誠不仁耶皮子之山
居掩有龔鏡有炊爨眠而夕飽朝樂而暮娛何能於
潁川民而獨享是爲將天地遺之耶因羞不自容作
詩以唁之

天子丙戌年淮右民多飢就中潁之汭轉徙何疊疊

夫婦相顧亡弃却抱中兒兄弟各自散出門如大癡
一金易蘆藷一縑換鳧莖荒村墓鳥對空屋野花籬
兒童齧草根倚桑空羸羸班白死路傍枕上皆離離
方知聖人教於民良在斯厲能去人愛荒能奪人慈
如何司牧者有術皆在茲粵吾何爲人歟畝清溪濯
一寫落第文一家懽復嬉朝食有麥餽晨起有布衣
一身既飽暖一家無怨咨家雖有缺缺手不乘鉉基歲
雖有札瘥庖不廢晨炊何道以至是我有明公知食
之以俟食求之以俟衣歸時卹金帛使我奉庭闈撫
已愧穎民奚不進德爲因茲感知已盡日空涕洟

七愛詩并序

文藝卷十

三

皮子之志常以真純自許每謂立大化者必有真相
以房杜爲真相焉定大亂者必有真將以李太尉爲
真將焉做大君者必有真隱以盧徵君爲真隱焉鎮
澆俗者必有真吏以元魯山爲真吏焉負逸氣者必
有真放以李翰林爲真放焉爲名臣者必有真才以
白太傅爲真才焉嗚呼吾之道時耶行其事也在乎
愛忠矣不時耶行其事也亦在乎愛忠矣苟有心歌
詠者豈徒然哉

房杜二相國玄齡如晦

吾愛房與杜貧賤共聯步脫身拋亂世策杖歸真主
縱橫幄中筭左右天下務骯髒無敵才磊落不世遇

笑矣名公狗彘然真宰輔黃閣三十年清風一萬古
巨業照國史大勳鎮王府使後世民至今受陶鑄
粵吾少有志敢躡前賢路苟得同其時願爲執鞭暨

李太尉景

吾愛李太尉崛起定中原馳雄十萬兵四面圍國門
一戰取王畿一叱散妖氛乘輿旣反正兇豎爭亡魂
魏魏柱天功蕩蕩蓋世勳仁於曹孟德勇過霍將軍
丹券入帑藏青史傳子孫所謂大丈夫動合驚乾坤
所謂聖天子難得忠貞臣下以契魚水上以合風雲
百世必一亂千年方一人吾雖翰墨子氣慙敢不群
願以太平頌題向甘泉春

盧徵君鴻

吾愛盧徵君高卧嵩山裏百辟未一顧三徵方甦起
坦腹對宰相忻情挹天子建禮門前吟金鑿殿裏醉
天下皆哺糟徵君獨潔已天下皆樂聞徵君獨洗耳
天下皆懷羞徵君獨多耻銀黃不妨懸赤紱不妨披
而於心抱中獨作羲皇地藍輦一云返泥詔裏不已
再看緱山雲重酌高陽水放曠書裏終逍遙醉中死
吾謂伊與周不若徵君貴吾謂巢與許不若徵君義
高名無階級逸迹絕涯涘萬世唐書中逸名不可比
粵吾慕真隱疆以骨肉累如教不爲名敢有徵君志

元魯山

吾愛元紫芝清介如伯夷輦母遠之官宰邑無玷疵
三年魯山民豐稔不斬飢三年魯山吏清慎各自持
只飲魯山泉只採魯山薇一室米藜苦四遠聲光飛
退歸舊隱來斗酒入茅茨雞黍匪家畜琴樽常自怡
盡日一菜食窮年一布衣清似匣中鏡直如琴上絃
世無用賢人青山生白髭既卧黔婁空立陳寔碑
吾無魯山道空有魯山辭所恨不相識援毫空涕墜

李翰林白

吾愛李太白身是酒星魄口吐天上文跡作人間客
磔硤千丈林澄澈萬尋碧醉中草樂府十幅筆一息
召見承明廬天子親賜食醉曾吐御淋傲幾觸天澤
權臣妬逸才心如斗管窄失思出內署海岳甘自適
刺謁戴叔倫赴宴著敝屣諸侯百步迎明君九天憶
竟遭腐脅疾醉魄歸八極大鵬不可籠大椿不可植
蓬壺不可見姑射不可識五岳為辭鋒四溟作膏臆
惜哉千萬年此俊不可得

白太傅居易

吾愛白樂天逸才生自然誰謂辭翰器乃是經綸賢
欬從浮豔詩作得典誥篇立身百行足為文六藝全
清望逸內署直聲驚諫垣所刺必有思所臨必可傳
忘形任詩酒寄傲遍林泉所望標文柄所希持化權
何期遇警駁中道多左遷天下皆汲汲樂天獨怡然

天下皆悶悶樂天獨捨旃高吟辭兩掖清嘯罷三州
處世似孤鶴遺榮同脫蟬仕若不得志可為龜鏡焉
正樂府十篇

樂府蓋古聖王採天下之詩欲以知國之利病民之
休戚者也得之者命司樂氏入之於墳寔和之以管
籥詩之美也聞之足以觀乎功詩之刺也聞之足以
戒乎政故周禮太師之職掌教六詩小師之職掌諷
誦詩由是觀之樂府之道大矣今之所謂樂府者唯
以魏晉之侈麗陳梁之浮豔謂之樂府詩真不然矣
故嘗有可悲可懼者時宣於詠歌摠十篇故命曰正
樂府詩

卒妻怨

河湟戍卒去一半多不迴家有半拔食身為一囊灰
官吏按其籍伍中斤其妻處處魯人壑家家祀婦哀
少者任所歸老者無所携况當札瘥年米粒如瓊瑰
蠹蠹作餓殍見之心若摧其夫死鋒刃其室委塵埃
其命即用矣其賞安在哉豈無黔救恩救此窮餓骸
誰知白屋士念此翻欵欵孩

橡媪歎

秋深橡子熟散落榛蕪崗區區黃髮媪拾之踐晨霜
移時始盈掬盡日方滿筐幾曝復幾蒸用作三冬粮
山前有熟稻紫穗穰人香細穫又精春粒粒如玉璫

持之納于官私室無倉箱如何一石餘只作五斗量
狡吏不畏刑貪官不避賊農時作私債農畢歸官倉
自冬及于春橡實誰飢腸吾聞田成子詐仁猶自王
吁嗟逢橡媪不覺淚沾裳

貪官怨

國家省闕吏賞之皆與位素來不知書豈能精吏理
大者國宰邑小者皆尉史愚者若混沌毒者如雄虺
傷哉走舜民肉袒受鞭箠吾聞古聖王天下無遺士
朝廷及下邑治者皆仁義國家選賢良定制兼拘忌
所以用此徒令之充祿仕何不廣取人何不廣歷試
下位既賢哉上位何如矣胥徒賞以財俊造悉爲吏

天下若不平吾當甘弃市

農父謠

農父冤辛苦向我述其情雖將一人農可備十人征
如何江淮粟輓漕輸咸京黃河水如電一半沉與傾
均輸利其事職司安敢評三川豈不農三輔豈不耕
奚不車其粟用以供天兵美哉農父言何計達王程

路臣恨

路臣何方來去馬真如龍行驕不動塵清響金籠琤
有人自天來將避荆棘叢寧呼不覺止樵下蒼黃中
十夫掣鞭策御之如驚鴻日行六七郵警若鷹無蹤
路臣慎勿愬愬則刑爾躬軍期方偕雨天命正如風

七雄戰爭時宿旅猶自通如何太平世動步却途窮

賤貢士

南越貢珠璣西蜀進羅綺到京未展旦一一見天子
如何賢與俊爲貢賤如此所知不可求敢望前席事
吾聞古聖人射宮親選士不肖盡屏跡賢能皆得位
所以謂得人所以稱多士歎息幾編書時哉又何異

頌夷臣

夷師本學外仍善唐文字吾人本尚捨何況夷臣事
所以不學者反爲夷臣戲所以尸祿人反爲夷臣忌
吁嗟孽風衰何嘗不由是

惜義鳥

商顏多義鳥義鳥實可嗟危巢米粟窮在考木花
他巢若有鷦乳之如一家他巢若遭捕投之同一羅
商人每秋貢所貴復如何飽以稻梁滋飾以組繡華
惜哉仁義禽委戲於宮娥吾聞鳳之與仁義亦足夸
所以不遭捕蓋緣生不多

誚虛器

襄陽作髹器中有匣露真持以遺北虜給云生有神
每歲走其使所費如雲屯吾聞古聖王修德來遠人
未聞作巧詐用欺禽獸君吾道尚如此我心失足云
如何漢宣帝却得呼韓臣

哀隴民

隴山千萬仞鸚鵡巢其巔窮危又極險其山猶不全
里虫隴之民懸度如登天空中規其翼墮者爭紛然
百禽不得一十人九死焉隴川有戍卒戍卒亦不謂
將命提雕籠直入金臺前彼毛不自珍彼舌不自言
胡為輕人命奉此玩好端吾聞古聖王珍禽皆捨旃
今此隴民屬每歲啼漣漣

雜古詩十六首

奉獻致政表祕監

何循本徵士高情動天地既無閭闔門常嫌冠冕累
宰邑著嘉政為郡留高致移官在書府方樂駕池貴
玉季牧江西泣之不忍離捨杖隨之去天下欽高義

文獻卷十

烏帽白絺裘歸興竹如意黃菊陶潛酒青山謝公妓
月檻詠詩情花溪釣魚戲鍾陵既方舟魏闕將結駟
甘求白首開不為蒼生起優詔加大監所以符公議
既為逍遙公又作鴟夷子安車懸不出駟馬閑無事
微雨漢陂舟殘日終南騎富貴盡凌雲何人能至此
猜禍皆及身何復至如是賢哉此丈夫百世一人矣

秋夜有懷

滲重憂身泣覺來衣尚濕骨肉煎我心不是謀生急
如何欲佐主功名未成立處世既孤特為家無承襲
明朝走梁楚步步出門澁如何一寸心千愁萬愁入
喜鵲

奔羶在庭際雙鵲來搖尾欲啄怕人驚吾語晴花裏
何況彼倖人微禽解如此

蚊子

隱隱聚若雷嗜膚不知足皇天若不平微物敢食肉
貧士無絳紗忍苦臥茅屋何事覓膏腴腹無大倉粟

鹿門夏日

滿院松桂陰日午却不知山人睡一覺庭鵲立未移
出簷趁雲去忘戴白接籬書眼若薄霧酒腸如漏卮
身外所勞者飲食須自持何如便絕粒直使身無為

偶書

女媧掉繩索絙泥成下人至今頑愚者生如土偶身
雲物養吾道天爵高我貧六矣猗氏輩庶富皆不仁

讀書

家資是何物積帙列梁栢高齋曉開卷獨共聖人語
英賢雖異世自古心相許案頭見蠹魚猶勝九儔侶

貧居秋日

亭午頭未冠端坐獨愁予貧家烟爨稀竈底陰虫語
門小愧車馬廩空慙雀鼠盡室未寒衣機聲羨隣女

閑夜酒醒

醒來山月高孤枕祥書裏酒渴謾思茶小童呼不起

秋江曉望

萬頃湖天碧一星飛鷺白此時放懷望不賦為浮客

旅舍除夜

永夜誰能守羈心不放眠挑燈猶故歲聽角已新年
出谷空嗟晚斷杆尚愧先晚來辭逆旅歸弟野鬼天

過雲居院玄福上人舊居

重到雲居獨悄然隔窓窺影尚疑禪不逢野老來聽
法猶見隣僧為引泉龕上已生新石耳壁間空帶舊
茶烟南京弟子時時到泣把山花奠几筵

陪江西裴公遊襄州延慶寺

丹霄路上歇征輪勝地偷開一日身不署前驅驚野
鳥唯將後乘載詩人嵩邊候吏雲遮却竹下朝衣露
滴新更向碧山深處問不妨猶有草茅臣

西塞山泊漁家

白綸巾下髮如絲靜倚楓根坐釣磯中婦菜村挑葉
去小兒沙市買蓑婦雨來葦菜流舡滑春後鱸魚墜
釣肥而塞山前終日客隔波相羨盡依依

襄州春遊

信馬騰騰觸處行春風相引與詩情等閑遇事成歌
詠取次衝筵隱姓名映柳認人多錯誤透花窺鳥最
半單絞何曾著莫道猖狂似禰衡

送從弟歸復州

羨爾優游正少年竟陵烟月似吳天車螯近岫無妨
取舫艇隨風不費牽處處路傍千頃稻家家門外一

渠連慙歎莫笑襄陽佳為愛南遊縮頸編

皮子世錄

皮子之先蓋鄭公之苗裔賢大夫子皮之後在成國
乃持無譜牒可考自漢至唐其英雄賢俊在位者
往往有焉前漢時各容者以善為容官至大夫後漢
時各巡者為太監令三國時無聞焉晉朝各初者為
陽太守名京者為賢處士宋朝名熙祖者與徐廣
論議符王世名審者為堅侍郎後魏世名豹子者為
魏各將子道明襲爵第喜為使持節侍中都督秦雍
梁益諸軍事大將軍仇池鎮將段公如故喜以戰守
之功累加勳爵後轉散騎常侍安南將軍豫州刺史
卒于奉宗爵喜弟雙仁冠軍軍重九池鎮將北齊時
名景和者以功大官封王名延宗者為黃門侍郎隋
朝名子信者為刺史至于吾唐汨汨於民間無能以
文取位唯從祖翁諱瑕叔舉進士有名以剛柔不合
受蜀聘為幕府累官至刺史從翁諱行修明經及
第累官至項城令以盜不發貶州椽卒時日休之世
以遠祖襄陽太守子孫因家襄陽之竟陵世世為襄
陽自有唐已來或農竟陵或隱鹿門皆不拘冠冕
以至皮子嗚呼聖賢命世世不賤不足以立志地不
卑不足以立名是知老子產於厲鄉仲尼生於闕里
苟使李乾早胎老子豈降叔梁早肖仲尼不生賢既

家有不足爲立大功致大化振大名者其在斯乎

厚
休文藪卷第十終

休文藪卷第十

三

宋本經序

愚文錄

續古逸叢書之十二

壬戌冬日上海涵芬
樓段朱翼盒臧本
景印遠近翻刻必究

鄭守愚文集

雲臺編
鄭守愚文集

谷勤苦於風雅者自駢竹馬年則有賦詠雖屬對聲律未暢而不無百韻同年文人故川守李公朋同官編軸盈筭求試春闈歷于于大匠故少師相國太原公深推獎之故薛許昌能李建州類不以晚輩見待故於唱和之流而忝所得未多將舉場凡十六年著述近千餘首自可者無幾登第之後孜孜不勞甚於始學也喪亂奔離散墜略盡乳寧初上幸三峯朝調多暇寓止雲臺道舍因以所記得章句綴于牋毫或得於故侯屋壁或聞於江左近儒或祇省一聯或不知落句遂拾墜補遺編成三百首分為上中下三卷目之為雲臺編所不能自負初心非敢矜於作者

鄭守愚文集標目

雲臺編

鄭守愚 守愚

第一卷

雜著

別同志

感興

曲江春草

題慈恩寺

鷓鴣

石城

十日菊

沙苑

寄從叔郎中

寄贈陸肱

哭建州李貞外

顏明經及第

越鳥

寄所知

燕

淮上漁者

贈圓助公

不得長橋消息

題王駕郊居

寄從叔貞外

登杭州城

送盧萊東歸

雪中偶題

葦下暮冬詠懷

江上阻風

蜀中春雨

鷺鷥鳥

試漲曲江池

望湘亭

寄朝中從叔

曲江

柳

少華甘露寺

送田光

題宗人作尉官署壁

興州江館

寄題方千處士

華山

通川客館

秘閣伴直

寄膳部李郎中

採桑

題題

獻大京兆薛常侍

游蜀

投所知

淮上與友人別

水

七祖院小山

忍公小軒二首

傳經院壁畫松

寄贈孫路處士

慈恩寺偶題

侯家鷓鴣

送進士許柳

題休公院

潼關道中

終南白鶴觀

題孫素延福街

宿澄泉蘭若

送趙能知

送人游邊

寄稽處士

貧女吟

鄭目

送曹郎中

送張逸人

送韋序赴舉

寄李郎中

為人題

贈日東鑒禪師

聞所知游樊川

題寂上人院

送人之九江

張谷田舍

寄前水部賈嵩

贈文士王雄

寄南浦謫官

寄李戛

題興善寺

訪題張喬延所居

獻制誥楊舍人

蜀中賞海棠

再經南陽

讀李白集

寄梁燭處士

潯陽姚宰廳作

渠江旅思

興州東池

第二卷

雜著

賀賈用錫及第

送許棠先輩之官

別無本上人

席上貽歌者

席上賦胡蝶

題嵩高隱者

渭口別墅

南游

送徐端公南歸

題無本上人小齋

酬高蟾

試木向榮

松溪八韻

舟次通泉精舍

水軒

寄李嶼

梓潼歲暮

贈別

蓮葉

寒目

東蜀春晚

江際

送吳廷保及第

遇裴員外

野步

忝官諫垣明月轉對

伴趙員外直省

春暮詠懷寄韋起居

倦客

早入諫院二首

喜秀上人見訪

丞相祗薦南郊紀獻

蜀中夏日自貽

葵花

放朝偶作

寄張補闕

溫處士畫鷺驚鷺

寄同年禮部趙郎中

攝府署自詠

酬張補闕

奔問三峯近墅

重訪黃神谷築禪者

和王校書見寄

荔枝

三頁老凡〇〇版

峽中

順動後藍田偶作

寄贈楊處士

呈薛憲長

海棠

定水寺行香

弟韋貞外

寄顏惠詹士

弟圓昉上人

杏花

夕陽

水林檎花

峽中寄茶

蠟燭

和秀上人言懷

鴈

漂泊

歌枕

黃鶯

寄贈同年司封貞外

上狄右丞

搖落

咸陽

重陽日訪元秀上人

第目

漾陂

朝直

感懷投時相

多情

題王藻別業

遷客

寄茶客

投時相

送王駕

宣義里舍冬暮自貽

郊墅

贈富平李宰

旅寓洛南村舍

蜀中三首

渚宮亂後作

卷末偶題三首

第三卷

雜著

入閣

郊墅

長安感興

詠懷

寄贈韋少府

寄懷元秀上人

迴鑿

贈宗人前公安宰居

經賈島墓

游貴侯城南林望

端居

寄職方李貞外

自貽

竹

郊園

弟水部賈貞外嵩

燈

池上

贈下第李公

悶題

寄獻集賢相公

省中偶作

奔避

送京參公翁先輩歸閩中

九日偶懷

賀送鄭駕部

府署偶題

自遣

第目

中年

春陰

江梅

試筆偶書

敷溪高士

語溪

失鷺為鷺

謝兵部盧郎中

文昌寓直

街西晚歸

贈咸陽王主簿

自貽

偶書

蔡處士

信美寺空上人

寄狄狄右丞

八座外郎自賀

下峽

苔錢

寄左省幸起居寺

江行

錦二首

代秋扇辭

乳毛松

樗里子墓

牡丹

王藥

石桂

哭李洞二首

府中寓止寄趙大諫

贈留神童

京兆府試殘月如新月

石門山泉

渭陽樓閉望

送潘為南歸

下第退居二首

江宿聞蘆管

閑題

追紀少師別墅

題李貞外相國里居

送從叔貞外

寄許柳

靜吟

和知己日傷懷

舟行

闕下春日

峽中寓止三首

送吏部曹郎中

鄭目

謝陳贊善

贈顏上人

遠遊

寄邊上從事

春草碧色

贈油口苗居士

寄勉顧雲

自適

見海棠盛開

酬張茂元

菊

荔枝樹

江上秋夕

讀前集二首

寄張貞外

深居

訪芳公幽齋

鄭守愚文集標目終

鄭守惠文集卷第一

雲臺編

雜著

別同志

登杭州城

感興

送進士盧棨東歸

曲江春草

雪中偶題

題慈恩寺默公院

輦下暮冬詠懷

鷓鴣

江上阻風

石城

蜀中春雨

十日菊

鷺鷥

沙苑

試張曲江池

寄從叔郎中

望湘亭

寄贈陸肱

巴賽旅寓寄朝中從叔

鄭一

哭建州李貞外類

曲江

顏明經及弟東歸

柳

越鳥

少華甘露寺

寄所知

送田光

鷓鴣

題宗人作尉官署壁

淮上漁者

興州江館

贈圓助公

寄方干處士

久不得長橋消息

華山

題進士王駕郊居

通川客館

寄從叔負外

秋閣伴直

寄膳部李郎中

採桑

悶題

獻大京兆薛常侍

游蜀

投所知

淮上與友人別

水

七祖院小山

忍公小軒二首

傳經院壁畫松

寄贈孫路處士

慈恩寺感題

俠家鷓鴣

進士許郴

題休公院

潼關道中

終南白鶴觀

題孫秦延福南街

宿澄泉蘭若

送趙能卿

送人游邊

寄稽處士

貧女吟

送曹郎中

送張逸人

送進士章序赴舉

寄李郎中

鄭二

為人題

贈日東堅禪師

聞所知游樊川

題興善寺寂上人院

送人之九江

張谷田舍

寄前水部賈負外

贈文士王雄

寄南浦謫官

寄李夷

題興善寺

訪題張喬延所居

獻制誥楊舍人

蜀中賞海棠

再經南陽

讀李白集

寄梁燭處士

潯陽姚宰廳作

渠江旅思

興州東池

賀駱用錫及弟

送許棠先輩之官

別無本上人

席上貽歌者

趙璘席上賦胡蝶 題高高隱者居

訪姨兄渭口別墅 南游

送徐端公南歸 題無本上人小齋

酬高蟾 試木向榮

松溪八韻

別同志

所立共寒苦平生同與游相看臨遠水獨自上孤舟天

澹滄浪晚風悲蘭杜秋前程吟此景為子上高樓

登杭州城

漠漠江天外登臨返照間潮來無別浦木落見他山沙

鳥晴飛遠漁人夜唱閑歲窮歸未得心逐片帆還

感興

第一

禾黍不陽艷競栽桃李春隴令力耕者半作賣花人

送進士盧策東歸

灞岸草萋萋離觴我獨携流年俱老大失意又東西曉

楚山雲滿春吳水樹低到家梅雨歇猶有子規啼

曲江春事

花落江堤簇暖煙雨餘江色遠相連香輪莫碾青青

破留與愁人一醉眠

雪中偶題

亂飄僧舍茶煙濕密灑高樓酒力微江上晚來堪畫

處漁人披得一蓑歸

題慈恩寺默公院

雖近曲江居古寺舊山終憶九華峯春來老病厭迎送

剪却牡丹栽野松

葦下暮冬詠懷

永巷閑吟一徑蒿輕肥大笑事風騷烟舍紫禁花期近

雪滿長安酒價高失路漸驚前計錯逢僧更念此生勞

十年春淚催衰颯羞向清流照鬢毛

鷓鴣

暖戲烟蕪錦翼齊品流應得近山雞雨昏青草湖邊

過花落黃陵廟裏啼遊子乍聞征袖濕佳人纔唱翠眉

低相呼相應湘江闊苦竹叢深春日西

江上阻風

水夫春暗暮寒濃船閉蓬窗細雨中聞道漁家酒初

熟夜來翻喜打頭風

石城

石城昔為莫愁鄉莫愁魂散石城荒江人依舊棹舫

江岸還飛雙鴛鴦去帆來風浩渺花開花落春悲

涼烟濃草遠望不盡千古漢陽關夕陽

蜀中春雨

海棠風外獨沾巾襟袖無端惹蜀塵和暖又逢挑菜日

寂寥未是採花人不嫌蟻酒衝愁肺却憶漁蓑覆病

身何事晚來微雨後錦江春學曲江春

十日菊

節去蜂愁蝶不知曉庭還繞折殘枝自緣今日人心別

未必秋香一夜衰

鷺鶯

開五春塘烟澹澹靜眠寒葦兩颺颺魚翁歸後汀沙
晚飛上灘頭更自由

沙苑

茫茫信馬行不似近都城苑吏猶迷路江人莫問程
聚來千嶂出落去一川平日暮客心速愁聞鴈數聲

軋符丙申歲春奉試漲曲江池春序

王澤尚通津恩波此日新深疑一夜雨死似五湖春
泛灩翹振鷺澄清躍紫鱗葉低孤嶼柳香失半汀蘋
鳳釐尋佳境龍舟命近巨桂華如入手願作從游人

從叔郎中誠轅自秋曹分符安陸屬群盜狂
流毒江境竟以援兵不來城池失守例削今任
却叙省銜退居荆漢之間頗得琴樽之樂因有寄

五

華省稱前任何勳削一麾滄州失孤壘白髮出重圍
鄒翻多難空山自喜歸悠悠青漢上漁者日相依

望湘亭

湘水以伊水湘人非故人登臨獨無語風林自掃春
南康郡牧陸臆郎中招詩棠先葦為郡從事

因有寄贈

振鷺思前侶難為戀故巢江山多勝境賓主是貧交
飲舫閑依葦琴堂雅結茅夜清僧伴宿水月在松梢

巴賓旅寓寄朝中從叔

驚秋思浩然信美向巴天獨倚臨江樹初聞落日蟬
榮悲往事漂泊念多年未便甘休去吾宗盡見憐

哭建州李貞外頻

今終歸故里末歲道如初舊友誰為誌清風豈易書
兩墳生野蕪鄉黃釣江魚獨夜吟還泣前年伴直廬

曲江

細草岸西東酒旗搖水風樓臺在煙杪鷗鷺下沙中
暈晴相接芳洲夜暫空何人賞秋景與與此時同

送太學顏明經及第東歸

平楚干戈後田園失耦耕艱難登一第離亂省諸兄
櫛沒春江漲人繁野渡晴閑來思學館猶夢雪幽明

柳

半烟半雨江橋畔映杏映桃山路中會得離人無限意
千絲萬絮惹春風

越鳥

六

昔霜南雁不到處倚棹北人初聽時梅雨滿江春草
一聲聲在荔枝枝

少華甘露寺

石甍蘿徑與天隣雨檜風篁遠近聞飲澗鹿喧雙泖水
登山僧踏一梯雲孤烟薄暮闌城沒遠色初晴滑曲分
長欲燃香來此宿北林猿鶴舊同群

所知從事近藩偶有懷寄

官舍種莎僧對榻生涯如在舊山貧酒醒草檄聞殘漏
花落移厨送晚春水墨畫松清睡眼雲霞仙掌掛吟
身霜臺伏首思歸切莫把漁竿逐逸人

送田光

九陌低迷誰問我五湖流浪可悲君著書安破蘇言業

賦詠思齊鄭廣文理掉好携三百首阻風須飲幾千分
耒陽江口春山綠慟思應尋杜甫墳

鷺

年去年來來又忙春寒烟暝渡瀟湘低飛綠岸和梅雨
亂入江樓棟杏梁閑几硯中窺水淺落花徑裏得泥香
千言方語無人會又逐流鶯過短牆

宗人作尉唐昌官署幽勝而又博學精富得以
言譚將欲他之留屋壁

公堂蕭洒有林泉祇隔苔牆是諸田宗黨相親離世
春秋閑論戰爭年遠江鶯鷺來池口絕頂歸雲過竹邊
風雨夜長同一宿舊言多共憶樊川

淮上漁者

鄭一

白頭波上白頭翁家逐舡移浦浦風一尺鱸魚新釣得
兒孫吹火荻花中

興州江館

向蜀還秦計未成寒蛩一夜遶床鳴愁眠不穩孤燈盡
坐聽嘉陵江水聲

贈圓叻公

叻蜀僧傳宗幸蜀叻恐免紫衣

天階讓紫衣冷格鶴猶甲道勝嫌名出身閑覺老遲晚
香延宿火寒磬度高枝長說長松寺他年與我期

寄題方干處士

山雪照湖水漾舟湖畔歸松篁調遠籟臺榭發清輝野
岫分開徑漁家並掩扉暮年詩力在新句更幽微

久不得長橋消息

天末去程孤公淮復向吳亂離何處甚安穩到家無樹
盡雲垂野橋稀月滿湖傷心遠村落應少舊耕夫

華山

峭仞聳巍魏晴嵐涼近敲孤高不可狀圖寫盡應非絕
頂神仙會半空鷺鷥歸雲臺分遠靄樹谷隱斜暉墜
石連村響狂雷發廟威氣中寒渭澗影外白樓微雲
對蓮花落泉橫露掌飛乳懸危磴滑樵徹上方稀
伯生真趣逍遙息世機野花明間路春蘚澁松園遠
洞時聞磬群僧晝掩扉他年洗塵骨香火願相依

題進士王駕郊居

前山微有雨永巷淨無塵牛卧籬陰晚鳴村意春
時浮應寡合道在不嫌貧後徑臨陂水荻蒲是切隣

通川客舍

奔走失前計淹留非本心已難消永夜况復聽秋霖漸
解巴兒語誰憐越客吟黃花徒滿手白髮不勝簪

寄獻湖州從叔貞外

顧渚山邊郡溪將卷盡通遠看城郭外全在水雲中
西閣歸何晚東吳興未窮茶香紫笋露洲迥白蘋風
歌緩眉低翠林明蠟剪紅政成尋往事輟棹問漁翁

秘閣伴直

秘閣鏤書深牆南別晚岑吏人同野鹿庭木似山林淺
井寒燕入迴廊疊薛侵閑看薛稷鶴共起五湖心

寄膳部李郎中

郭郊陪野步早歲偶因詩自後吟新句長愁減舊知靜

燈微落燼寒硯旋生澌夜夜冥搜苦那能續不表

採桑

曉陌携籠去桑林路隔誰何如鬪百草賭取鳳凰奴

悶題

落地春相困無心惜落花荆山歸不得歸得亦無家

獻大京兆薛常侍

耻將官業競前途自愛篇章古不如一炷香新開道

院數坊人聚避朝車縱游籍草花垂酒闌卧臨窓燕

拂書唯有明公賞新句秋風不敢憶鱸魚

游蜀

所向明知是暗投兩行新淚為前流雲橫新寨遮秦

甸花落空山入閬州不忿黃鸝驚曉夢唯悲杜宇起

鄭一

春愁梅青麥綠無歸處可得漂漂愛浪游

投所知

砌下芝蘭新滿徑門前桃李舊垂陰却應迴念江邊草

放出春烟一寸心

淮上與友人別

楊子江頭楊柳春楊花愁煞渡江人數聲風笛離亭晚

君向瀟湘我向秦

水西蜀淨衆寺五題

竹院松廊分數派晴空清泚亦逶迤落花相逐去何處

幽鷺獨來無限時洗鉢老僧臨岸久釣魚閑客卷綸遲

晚時一片連莎綠悔與滄浪有舊知

七祖院小山

小巧功成雨薜班軒車日日扣松關峨眉咫尺無人去
却向僧認看假山

忍公小軒二首

松溪水色綠於松每到松溪到暮鐘開得心源祇如此

問禪何必向雙峯

又

舊遊前事半埃塵多向中林結淨因一念一爐香火裏

後身唯願似師身

傳經院壁畫松

危根瘦蓋聳孤峯珍重江僧好筆蹤得向游人多處畫

却勝涸底你真松

寄贈孫路處士

鄭一

平生詩譽更誰過歸老東吳命若何知已凋零垂白髮

故園寥落近滄波酒醒蘚砌花陰轉病起漁舟鷺跡多

深入富春人不見閉門空掩半庭莎

慈恩寺偶題

往事悠悠添浩歎勞生擾擾竟何能故山歲晚不歸去

高塔晴來獨自登林下聽經秋苑鹿江邊掃菜夕陽僧

吟餘却憶雙峯念曾看庵西瀑布冰

侯家鷓鴣

江天梅雨濕江籬此處煙香是此時苦竹嶺無歸去日

海棠花落舊樓枝春宵思極蘭燈暗曉月啼多錦幕垂

唯有佳人憶南國慙慙為尔唱愁辭

進士許邠

四上未休兵盡閑事可驚流年催我老遠道念君行殘
雪臨清水寒梅發故城何當食新稻歲稔又時平

題休公院

秋深庭色好紅葉間青松病客曾無著吾師甚見容疎
鍾和細溜高塔等遙峯未省求名侶頻於此地逢

潼關道中

白道曉霜迷離燈照馬嘶秋風滿關樹殘月隔河鷄來
往非無倦窮通豈易齊何年歸故社披雨剪春畦

終南白鶴觀

步步景通真門前眾水分檉蘿諸洞合鍾磬上清聞古
木千尋雪寒山万文雲終朝掃壇級來伴紫陽君

訪題進士孫秦延福南街居

多病久離索相尋聊解顏短牆通御水疎樹映南山歲
月何難老園林未得還無門共榮達孤座却如閑

宿澄泉蘭若

山半古招提空林雪月迷亂流分石上斜漢在松西雲
集寒庵宿猿先曉磬啼此心如了了只此是曹溪

送進士趙能卿下第南歸

不歸何慰親歸去舊風塵灑淚數關吏無言對越人
遠帆花月夜微岸水天春莫便漁翁釣平生已苦辛

送人游邊

春日怯邊遊此行風正秋別離聞夜雨道路向雲州磧
樹藏城遠沙河漾日流將軍方破虜莫惜獻良籌

長安夜坐懷寄湖外稽處士

万里念江海浩然天地秋風高群木落夜久數星流鍾
絕外宮漏聲微隔御溝深更洞庭上葦露滴漁舟

貧女吟

塵歌驚寒為廢錦機滿頭空揮麗春枝東鄰舞妓多金
翠笑剪燈花學畫眉

送祠部曹郎中鄴出守洋州

為儒欣出守上路亦戎裝舊製詩多諷公憂俗必康開
懷江稻熟寄信露橙香郡閣清吟夜寒星識望郎

送張逸人

人間疎散更無人浪瓦孤舟酒瓦身蘆笳鱸魚拋下得
五陵珍重五湖春

送進士韋序赴舉

丹霞照上三清路瑞錦裁成五色毫波浪不能傾世態
驚皇應得入吾曹秋山晚水吟情遠雪竹風松醉格高

偶作寄獻

預想明年騰躍處龍津春碧浸仙桃
為戶部李郎中與令季端公寓止渠州泝江寺

為人題

退居蕭酒寄禪關高掛朝簪淨室間孤島雖留雙鶴歇
五雲爭放二龍閑輕舟共泛花邊水野夜同登竹外山

為入題

淚濕孤鸞曉鏡昏近來方解惜青春杏花楊柳年年好
不忍回看舊寫真

贈日東陸金禪師

故國無心渡海朝老禪方丈倚中條夜深雨絕松堂靜
一點山螢照寂寥

聞所知游樊川

誰無泉石趣朝下少同過貧勝覺程近愛閑經宿多片
少留白鳥高木引青蘿醉把魚竿去愁勸藉岸莎

題興善寺寂上人院

客來風雨後院靜似荒涼龍講蛩離初思山茶滿殿脫
高興故疾爐暖發餘香自說匡廬側杉陰半石床
送人之九江調郡侯苗員外紳

張谷田舍

學國尋知已南浮不偶游益城分楚塞廬岳對江州曉
飯臨孤嶼春帆入亂流雙津相望處月白使公樓

鄭一

縣官清且儉深谷有人家一徑入寒竹小橋穿野花碓
喧春澗滿梯倚綠桑斜自說年來稔前村酒可賒

寄前水部賈員外嵩

謝病別文昌仙舟向越鄉貴為金馬客雅稱水曹郎
白鷺同孤潔清波共渺漭相如辭賦外騷雅趣何長

贈文士王雄

知已更何人夫君尚苦辛圖書長在手文學老於身公
道天難廢身姿玉任真小齋松菊靜願卜子為鄰

寄南浦謫官

多才翻得罪天末抱窮憂白首為遷客青山遶万州醉
歌梅障曉歌猷竹枝秋望闕懷鄉淚荆江水共流

李夷遇侍御久帶水鄉因村寄懷

李夷遇侍御久帶水鄉因村寄懷

替豸年何久懸帆興甚長江流愛吳越詩格愈齊吳竹
寺晴吟遠蘭洲晚泊香高閑徒自任華省待為郎

題興善寺

寺在帝城陰清虛勝二林薜侵隋畫暗茶助越甌深巢
鶴和鍾啖詩僧倚錫吟煙莎後池水前跡香難尋
子集多有興善後世之
作今寺在他無每用追歎

訪題進士張喬延興門外新居

平生苦節同旦夕會原東捲卷斜陽裏看山万水中星
霜吟欲老江海業成空近日文場內因君起古風

獻制誥楊舍人

為郡東吳祇飲水瑣闥須降鳳書徵隨行已有朱衣吏
伴直多招紫閣僧總下調琴鳴遠水簾前睡鶴背秋燈

鄭一

葦陂竹塢晴無限閑語毗陵問杜陵
濃淡芳春滿蜀鄉半隨風雨斷鶯腸院花溪上堪惆悵
子美無情為發揚杜工部老於西蜀詩
集中無海棠之屬

蜀中賞海棠

平蕪莫莫失樓臺昔日游人亂後來寥落墻匡春欲暮
燒殘官樹有花開

再經南陽

讀李白集
何事文星與酒星一時分付李先生高吟大醉三千首
留看人間伴月明

梁燭庭士辭相國杜公歸舊山因以寄贈

相延留不得江野有苔磯兩浙尋山徧孤舟載鶴歸世

聞書讀盡雲外客來稀諫署搜賢急應難借布衣

尋陽姚宰廳作

縣幽公事稀庭草是山薇從得招基侶何妨看道衣野泉當案落汀鷺入衙飛寺去東林近多應隔宿歸

渠江族思

流落復踈蹤交親半逝波謀身非不切言命欲如何故楚春田廢窮巴瘴雨多引人鄉淚盡夜夜竹枝歌

興州東池

南連乳郡流闊碧浸晴樓徹底千峯影無風一片秋垂楊拂蓮菜返照媚漁舟鑑貌還惆悵難遮兩鬢羞

賀進士駱用錫登第

苦辛垂二紀擢第却沾裳春榜到春晚一家榮一鄉題

鄭

十五

名登塔喜醞宴為花忙好是東歸日高槐葉半黃

送許崇先筆之官徑縣

白頭新作尉縣在故山中高第能卑官前賢尚此風蕪湖春蕩漾梅雨晝冥濛化理人安後篇章莫廢功

別修覺寺無本上人

松上江雲石上苔自嫌歸去夕陽催山門握手無他語祇約今冬看雪來

席上貽歌者

花月樓臺近九衢清歌一曲倒金壺座中亦有江南客莫向春風唱鷓鴣

趙璘郎中席上賦胡蝶

尋艷復尋香似閑還似忙暖煙沉蕙徑微雨宿花房書

幌輕隨夢歌樓候採粧王孫深屬意繡入舞衣裳

題嵩高隱者居

豈易訪仙蹤雲蘿千方重他年來卜隱此景頗相容亂水林中路深山雪裏鍾見君琴酒樂面首與何慵

訪姨兄涓口別墅

枯桑江上村寥落舊園少小曾來此悲涼不可言訪隣多指塚間路半移原久歎家僅散初晴野薺繁客帆懸極浦漁網曬危軒苦澁詩盈篋荒唐酒滿樽

南遊

高枝霜果在幽渚暝禽喧遠靄籠龍樵響微烟起曉痕哀傑孤族分感激外兄恩三宿忘歸去圭峯恰對門

南遊

淒涼懷古意湘浦弔靈均故國經新歲扁舟寄病身山

鄭

十六

城多曉瘴澤國少晴春漸遠無相識青梅獨向人

送徐端公南歸

青衿離白社朱綬始言歸此去多應羨初志盡不違江帆和日落越鳥近鄉飛一路春風裏楊花雪滿衣

題無本上人小齋

寒寺唯應我訪師人稀境靜雪消遲竹西落照侵總好堪惜歸時落照時

高蟾先輩以詩筆相市村成寄酬

張生故國三千里知者唯應杜子微杜牧舍人時張因三千里虛唱君有君恩秋後葉可能更羨謝玄暉後宮詞去君恩秋後葉日向日向人疎也

咸通十四年府試木向榮

題中用韻

壹
。 不 版

園林青氣動來木散寒聲敗菜塙陰在滋條雪後榮忻
竹春今早藹藹日華輕瘦嶺梅先覺隋堤柳暗驚山川
應物候臯壤起農情祇待花開日連樓出谷鶯

西蜀淨衆寺松溪八韻兼寄小筆崔處士

松因溪得名溪吹谷松聲縹緲繞能穿寺幽竒不在城
寒烟齋後散春雨夜中平涑岸蒼苔古翹沙白鳥明
澄分僧影瘦光徹客心清帶梵侵雲響和鐘擊石鳴
淡烹新茗爽暖泛落花輕此景吟難盡憑君盡入京

鄭守愚文集卷第一

七

鄭守愚集卷第二

雜著

舟次通泉精舍

水軒

寄李嶼

梓潼歲暮

贈別

蓮菜

東蜀春晚

江際

送吳延保及弟南游

遇裴負外

野步

忝官諫垣明日轉對

伴趙負外直省

春暮詠懷寄韋起居

倦客

早入諫院一首

喜秀上人見訪

丞相孟夏祗薦南郊獻

蜀中夏日自貽

蓼花

鄭二

放朝偶作

寄張補闕

換溫處士畫鷺鷥

寄同年禮部趙郎中

攝府署自詠

酬張補闕

奔問三峯近墅

重訪黃神谷策禪者

和校書見寄

荔枝

峽中

順動後藍田偶作

寄贈楊處士

呈薛憲長

海棠

定水寺行香

甲故禮部韋負外

寄顏惠詹士

甲圓昉上人

杏花

夕陽

水林檎花

峽中筍茶

蠟燭

和秀上人言懷

鴈

漂泊

歌枕

黃鶯

寄贈同年負外

上狄右丞

搖落

咸陽

重陽日訪元秀上人

漾波

朝直

感懷投時相

多情

題王藻別業

遷客

寄裴客

投時相

送王駕

宣義里舍冬暮自貽

郊野

贈富平李宰

旅寓洛南村舍

蜀中三首

鄭二

渚宮亂後作

卷末偶題二首

舟次通泉精舍

江清如洛汭寺好似香山勞倦孤舟裏登臨半日聞樹

涼巢鶴健巖巒響語僧閑更共幽雲約秋隨絳帳還

水軒

目目狎沙禽偷安且放吟讀書老不入愛酒病還深歎

後為羈客兵餘問故林楊花滿床席搔手度春陰

荆渚八月十五夜值雨寄同年李嶼

共待輝光夜翻成暗澹秋正宜清路望潛起滴階愁棹

倚玄宏渚簾垂更亮樓桂無香實落蘭有露落花林

玉漏添蕭索金樽阻獻酬明年佳景在相約向神州

梓潼歲暮

江城無宿雪風物易為春酒美消磨日梅香着莫人老
吟窮景象多難損精神漸有還京望綿州減戰塵

贈別

南游曾共游相別倍相留行色迴燈曉離聲滿竹秋穩
眠彭蠡浪好醉岳陽樓明日逢佳景為君成白頭

蓮菜

移舟水濺差差綠倚檻風搖柄柄香多謝浣溪人不折
雨中留得蓋鴛鴦

東蜀春晚

如此浮生更別離可堪長慟送春歸潼江水上楊花雪
剛逐孤舟繞繞飛

江際

鄭二

杳杳漁舟破暝煙疎疎蘆葦舊江天那堪流落逢搖落
可得潛然是偶然萬頃白波迷宿鷺一林黃葉送殘蟬
兵車未息年華促早晚閑吟向滄川

送進士吳延保及弟後南游

得意却思尋舊跡新銜未切向蕭臺吟看秋草出關
去逢見故人隨計來勝地昔年詩板在清歌幾處都遊
開江湖易有淹留興莫待春風縱使梅

將之瀘郡旅次遂州遇裴晤負外謫居於此話

舊凄涼因寄一首

誰解登高問上玄謫仙何事謫詩仙雲遮列宿離華首
樹陰澄江入野航黃鳥晚啼愁瘴雨青梅早落帶蠻
烟不知幾首南行曲留與巴兒萬古傳

又

昔年共照松溪影松折溪荒僧已無今日同思錦城事
雪消花謝夢何殊亂離未定身俱老騷雅全休道甚孤
我拜師明更南去荔枝春熟向踰瀘

野步

翠嵐迥步與何長笑領漁翁入醉鄉日暮渚田微雨後
鷺鷥驚閑暇稻花涼

忝官諫垣明日轉對

吾君英眷相君賢其邦安區未晏然明日羣華春殿下
不知何語可聞天

春夕伴同年禮部趙負外直省

錦帳名郎重錦科清宵寓直縱吟哦冰含玉鏡春寒在
粉轉仙闈月色多視草即應歸屬望握蘭知道暫暫經

春暮詠懷

寂寂風簾信自垂楊花筴籜正離披長安一夜殘春雨
右省三年老拾遺坐看群賢爭得路退量孤分且吟詩

倦客

十年五年歧路中千里万里西復東疋馬愁衝曉村雪
孤舟悶阻春江風達士猶來知道在昔賢何必哭途窮

早入諫院二首

閑享蓋簞笈次菰米會向源流作醉翁
王階春冷未催班暫拂塵衣就笏眠孤立小心還自笑

夢魂潛繞御爐煙

又

紫雲重疊抱春城廊下人稀唱漏聲偷得微吟斜倚柱
滿衣花露聽宮鶯

喜秀上人見訪

雪初開一徑師忽扣雙扉老大情相近林泉約共歸憂
榮棲省署孤僻負朝衣他夜松堂宿論詩更入微

丞相孟夏祗薦南郊紀獻十韻

節應清和後郊居事潔著至誠聞上帝明德祀圓丘雅
用陶匏器馨非黍稷流就陽陳盛禮匡國禱鴻休漸覺
蘭迎露微涼麥弄秋壽山橫紫閣瑞靄抱皇州外蕭
通班序中嚴納慶優奏歌三酒備表敬百神丕池碧

鄭一

五

將還鳳原清弄問牛方方瞻輔翼共賀贊皇猷

蜀中夏日自貽

展轉歌孤枕風幃信寂寥漲江垂轍驟兩關芭蕉道
阻歸期晚年加記性銷故人表颺盡相望在今朝

菱花

簇簇復悠悠年年拂漫流老池伴黃菊冷瘡過新秋
晚帶鳴虫急寒藏宿鷺愁故溪歸不得憑杖繫漁舟

放朝偶作

寒極放朝天忻聞半夜宣時安蓬密雪月晏待高眠擁
榻同休假吟詩賀有年坐來幽興在松垂小牕前

右省張補闕茂相同在諫垣連居光德新春賦

詠聊以寄懷

小梅零落雪欺殘浩蕩窮愁豈易寬唯有苦吟償曉景
且無濃醉壓春寒高齋每喜追攀近麗句先憂屬和
難十五年前諳苦節知心不獨為同官

溫處士能畫鷺鷥以四韻換之

昔年吟醉遠江籬愛把漁竿伴鷺鷥聞說妙毫能縱
逸敢憑輕素寫幽音消消浪濺殘菱蔓蔓風搜折
葦枝得向晚牕閑樹翫雪蕙烟艇恨無遺

寄同年禮部趙郎中

仙步徐徐整羽衣小儀澄澹轉中儀樺飄紅燼趨朝路
蘭縱清香宿省時彩筆烟霞供不足論闡鷺鳳詞
遲自吟孤官誰相念禱祝空吟一首詩

結綬郵郊縻攝府署偶有自詠

鄭一

六

鶯雛寒谷士逢春釋褐來年暫種芸自笑老為梅少府
可堪貧攝鮑參軍酒醒往事多興念吟苦隣居必獸聞
推却簿書搔短髮落粧絮正紛紛

次韻酬張補闕因寒食見寄之什

柳近清明翠縷長多情右袂不相忘開緘雖觀新篇疊
破鼻須聞冷酒香時態懶隨人上下花心首被蝶分張
朝晞且莫輕春賞勝事由來在帝鄉

奔問三峯寓止近墅

二年奔走頗驚魂來謁行官淚眼昏鷺鷥入朝同待漏
牛羊送日獨歸村灞陵散失詩千首太華淒涼酒一樽
兵革未休無異術不知何以受君恩

重訪黃神谷東禪者

初塵共閣辭禪閣却訪支郎是
老郎杖屨轉卑師趣靜
數峯秋雪一爐香

次韻和王駕校書結綬見寄之什

直應歸諫署方肯別山村
勤苦常同業孤單共感恩
醉披仙鶴筆吟扣野僧明
夢見君高趣天涼自灌園

荔枝

平昔誰相愛驪山遇貴妃
枉教生處遠愁見摘來稀
晚奪紅霞色晴歌瘴日威
南荒何所戀為爾即忘歸

峽中

萬疊烟霞裏隱隱見夔州
夜靜明月峽春寒堆雪樓
獨吟誰會解多病自淹留
往事如今白駒同子美愁

順動後藍田偶作時丙辰初夏月

鄭二

七

小諫屏中諫三年待玉除
直言無所補浩歎欲何如
宮闕飛灰燼嬪嬙落里閭
藍峯秋更碧沿灑望鑿輿

寄贈楊處士

結茅只約釣魚臺
濺水鸕鷀去又迴
春卧蓮花邊聽酒熟
露吟庭際待花開
三江春景遨遊徧
百氏群書講貫來

國步未安風雅薄可能高尚仰天乎

谷初忝諫垣今憲長薛公方在西閣知幾隆異

以四韻代述榮感

舊詩常得在高吟
不奈公心愛苦道
自瑣闥言下振
舍人於閣下衆中
獎與項年篇什
恩從仙殿對迴深
獨免垂簾舍人深

也
以獎
流年漸覺霜欺鬢
至藥能教土化金
自拂青萍

知有地齋心旦夕望為霖

海棠

春風用意自顏色
銷得舞觴與賦詩
豔麗最宜新
着雨嬌燒全在欲
開時莫愁粉黛
臨牕懶梁廣丹青
點筆遲朝醉暮吟
看不足羨他胡蝶
宿深枝

定水寺行香

聽松看畫繞虛廊
風拂金鑪待賜香
永相未來春雪密
暫偷閑卧老僧床

弟故禮部韋負外

雪初晴舉酒盃
便期携手上春臺
高情唯怕酒不滿
長慟可非花正開
曉莫鶯啼殘漏在
風幃燕覓舊巢來
杜陵芳草年年綠
醉客吟竟無復迴

題惠詹士郎孤姪舅氏謫官舟中相遇愴然

鄭二

八

有寄

猶子在天末念渠懷渭陽
已賓偶會遇江浦共悲涼
謫官君何遠窮游我獨狂
瘴村三月暮雨熟野梅黃

谷自亂雁之後在西蜀半紀之餘多寓止精舍

與圓昉上人為淨侶長松山舊齋嘗約他日訪
會勞生多故游官數年曩契未諧忽聞謝世

愴吟四韻以弔之

每思聞淨話雨夜對禪床
未得重相見秋燈照影堂
孤雲級有約薄宦轉堪傷
夢遶長松塔遙聞一炷香

杏花

不學梅歌雪輕紅照碧池
小桃新謝後雙燕却來時
香屬登龍室烟籠宿蝶枝
臨軒頰貌取風雨易離披

夕陽

夕陽秋更好，歛歛蕙蘭中。極浦明殘雨，長天急遠鴈。僧侶留半榻，漁舸透疎蓬。莫恨清光盡，寒蟾只照空。

水林橋花

一露一朝新，簾櫳曉景分。艷和蜂蝶動，香帶管絃聞。笑擬春無力，粧濃酒漸醺。直疑風起夜，飛去替行雲。

峽中嘗茶

簇蔌新英摘，露光小江園。裏火煎嘗吳，僧謔說鷓鴣。好蜀夏休誇，鳥窠香合座。半甌輕泛綠，開緘數片漆。黃庭明病客，不歸去酒渴。更知春味長。

蠟燭

仙漏遲遲出，建章宮簾不動。透清光，金闈露白新。教

詔書閣春紅

詔書閣春紅，正試粧淚滴。金盤何所恨，燼飄蘭麝暗。和香多情更有，分明處照得歌塵下。燕梁

次韻和秀上人

舊齋松老，別多年香社。人稀喪亂，間出寺只知趨內殿。閉明長似在深山，卧聽素樹秋鍾斷。吟想荆江夕鳥還。唯恐興來飛錫去，老郎無路更追攀。

鴈

八月悲風九月霜，芙蓉花紅澹葦條。黃石頭城下波搖影，星子灣西雲間行鷺散。漁家吹短笛，失群征戍鏢殘陽。故鄉聞爾亦惆悵，何況扁舟非故鄉。

漂泊

槿隊蓬疎池館清，日光風緒澹無情。鱸魚斫贈輸

張翰橘樹呼奴羨，李衡十口漂零猶寄食。兩川消息未休兵，黃花將折重陽近。何處登高望二京。

歌枕

歌枕高歌白午春，酒酣睡足最關身。明明會得窮通理，未必輸他馬上人。

黃鶯

春雲薄薄日輝輝，宮樹煙深隔水飛。雁為能歌繫此藉，麻姑乞與女真衣。

駐蹕華下同年司封，負外從翁許共游。西溪父北渚，牽吟興西溪。爽共游，拍期承祭馬。故事初入內庭，恩賜飛龍馬。無暇狎沙鷗，縱目懷青島。恣心想碧流，明公非不要。應待之龍舟。

敘事感恩上狄右丞

昔歲曾投贊，關河在左馮。更公垂願遇，王繫許從容。頃年更給車崇出安州右丞，承首薦叨殊禮。全家寓近封在幕席，各退飛游。謝始受獎，知首薦叨殊禮。全家寓近封。白樓陪寫望，青眼感遺逢。願念梁間燕，幽深澗底松。

嵐光連岳逼，酒味菊花濃。同州官醜難旋移國，漂離上菊花。幾聽蛩半生悲，逆旅二紀間。門墉蜀雪隨，僧踏荆烟逐。鴈衝獨零歸，兩鬢舉止失。前蹤得事雖，甘守陳詩未。肯慵適來趨，九仞又伴賞。三峯時大駕在華州接托情，何限吹。靈意數重自茲，倚侶內無復。歎龍鍾。

搖落

夜來搖落悲桑棗，半空枝故國無消息。流年有亂罹

霜素聞鴈早烟渭認帆遲日暮寒聲隱邊軍在雍岐

咸陽

咸陽城下宿往事可悲思未有謀身計頻遷及正期凍
河孤棹溢老樹疊果危莫問今行止漂漂自不知

重陽日訪元秀上人

紅葉黃花秋景寬醉吟朝夕在樊川却嫌今日登山俗
且共高僧對榻眠別畫長懷吳寺壁宜茶偏賞晉溪泉
歸來童稚爭相笑何事無人與酒船

漾波

昔事東流共不回春深獨向漾波來亂則別業依稀在
雨裏繁花落竟開却展漁絲無野艇舊題詩句沒蒼
苔潏然四顧難消遣只有伴狂泥酒盃

鄭二

朝直

朝直叨居省閣間由來疎退校安閑落花夜靜宮中漏
微雨春寒廊下班自扣玄門齊寵辱從他榮路用機閑
孤峯未得深歸去名畫偏求水墨仙

感懷投時相

非才偶忝直文昌兩鬢年深一鏡霜待滿敢辭稱小吏
立班由未出中行孤吟馬跡拋槐陌遠夢漁竿擲蕪鄉
丞相舊知為學苦更教何處貢篇章

多情

賦分多情却自嗟蕭蕭衰木必為年華睡輕可忍風敲竹
飲散那堪月在華薄宦因循拋岷首故人流落向天涯
鸞春鴈夜長如此賴是幽居近酒家

訪題表兄王藻渭上別業

桑村搖落渭川西菱水瀾瀾接稻畝幽檻靜來漁唱遠
暝天寒極鴈行低濁醪最稱看山醉吟句偏宜選竹題
中表人稀雁亂後花時莫惜重相携

遷客

離夜聞橫笛可堪吹鷓鴣雪冤知早晚雨泣渡江湖秋
樹吹黃葉蠟煙垂綠蕪歸有日莫便哭窮途

寄基客

松窓楸局穩相頭思皆凝幾局賭山果一先飲海僧覆
圖聞夜雨下子對秋燈何日無羈束期君向杜陵

投時相

何以保孤危操修自不知衆中常杜口夢裏亦吟詩失

鄭二

計辭山阜非才得士澤薄水安可覆閣室豈能欺

送進士王駕下第歸蒲中時行朝在西蜀

失意離愁春不知到家時是落花時孤單取士休言命
早晚逢人苦愛詩度塞風沙歸路遠傍河桑柘舊蒼移
應嗟我又巴江去游子悠悠聽子規

宣義里舍及暮自貽

幽居不稱在長安溝淺浮春岸雪殘板屋漸移方帶
野水車新入夜添寒各如有分終須立道若離心豈易
寬滿眼塵埃馳務馬去獨尋煙竹煎漁竿

郊野

韋曲樊川雨半晴竹莊花院偏題名畫成烟景垂楊色
滴破春愁壓酒聲滿野紅塵誰得路連天紫閣獨

關情漾波水色澄於鏡何必滄浪始濯纓

贈富平李宰

夫君清且貧琴鶴最相親簡肅諸曹士安閑一境人
陵山雲裏拜渠路水中巡易得連宵醉千鈺石凍春
旅寓洛南村舍

村落清明近鞦韆稚女誇春光妨柳絮月黑見梨花白
鳥關魚網青帘認酒家幽樓雖自適交友在京華

蜀中二首

馬頭春向鹿頭開遠樹平蕪一望閑雪下文君沽酒市
雲藏李白讀書山江樓酒恨黃梅後村客人歌紫芋間
堤月橋燈好時景漢庭無士不征蠻

又

鄭一

三

夜多無雨曉生塵草色嵐光日日新蒙頂茶畦千點露
浣花牋紙一溪春揚雄宅在唯喬木杜甫臺荒絕舊隣
却共海棠花有約數年留滯不歸人

又

渚遠江清碧篔簹紋小桃花繞薛陶墳朱橋直指金甌路
粉堞高連玉壘雲窓下斷琴翹鳳足波中濯錦散鷗群
子規夜夜啼巴樹不並吳鄉楚國聞

渚宮亂後作

鄉人來話亂離情淚滴殘陽問楚荆白社已應無故老
清江依舊遠空城高秋軍旅齊山樹昔日漁家是野營
牢落故君灰燼後黃花紫蔓上墻生

卷末偶題三首

一卷疎蕪一百篇名成未敢暫忘筌何如海日生殘夜
句能令方古傳

又

七歲侍行湖外去岳陽樓上敢題詩如今寒晚無功業
何以勝任國士知

又

一第由來是出身垂名俱為國風陳此生若不知騷雅
孤宦如何作近臣

鄭谷文集卷第二

高

鄭守愚文集卷第三

雲臺集

雜著

入閣

長安感興

寄贈藍田韋少府

迎鑾

長江縣經賈島墓

端居

自貽

郊園

燈

贈下第舉公

寄獻集賢相公

奔避

九日偶懷

府署偶題

中年

江梅

敷溪高士

失鷺鷥

文昌寓直

贈咸陽王主簿

偶書

信美寺岑上人

郊野

詠懷

寄懷元秀上人

贈宗人前公安宰君

遊貴侯城南林堊

寄職方李貞外

竹

弔水部賈貞外蒿

池上

悶題

省中偶作

送京參翁先輩歸闕中

賀送鄭駕部

自遣

春陰

試筆偶書

語溪

謝兵部盧郎中

街西晚歸

自貽

蔡處士

寄獻狄右丞

八座外郎自賀

苔錢

江行

代秋扇辭

樗里子墓

王藥

哭進士李洞二首

贈劉神童

石門山泉

送潘為下第南歸

江宿聞蘆管

追紀少師別墅

送從叔貞外

靜吟

舟行

峽中寓止二首

謝陳贊善

遠游

春草碧色

寄勉顧雲

見海棠盛開

菊

江上秋夕

寄張貞外

下峽

寄左省李起居宇

錦二首

乳毛松

牡丹

石柱

府中寓止寄趙大諫

京北府試殘月如新月

渭陽樓閑望

下第退居二首

閑題

題李貞外招國里居

寄許彬

和知己秋傷懷

闕下春日

送吏部曹郎中

贈顏上人

寄邊上從事

贈油口苗居士

自適

酬張茂先

荔枝樹

讀前夕二首

深居

訪芳公幽齋

入閣

秘殿臨軒日和鑿反正年兩班文武盛百辟羽儀全霜
漏清中禁風旗拂署吳門嚴新勸契仗入邇承宣玉几
當紅旭金爐縱碧烟對揚稱法吏贊引出宮鈿言動揮
毫疾雅容執簿專壽山晴鑿鑿灝景暖連延禮有鴛鴦
恩無雨露偏小臣叨備位歌詠恭階前

郊墅

蓼水菊籬邊新晴有亂蟬先秋終寂寞晚醉自留連
野濕禾中露村閑社後天題詩滿紅茶何必浣花牋

長安感興

徒勞悲喪亂自古戒繁華落日狐兔徑近年公相家可

卷三

二

悲聞玉笛不見走香車寂寞墻匡裏春陰挫杏花

詠懷

迂疎雖可欺心路甚男兒薄宦元無味平生粗有詩
交終不破孤達晚相宜夜花前夢朝寒雪裏追竹聲
輸我聽茶格共僧知景物還多感情懷偶不卑溪鶯
午寢山蔽止春飢險事銷腸酒清歡敵手蒼香鋤拋藥
圃煙艇憶莎陂自許亭途在儒網復振時

寄贈藍田韋少府先輩

王畿第一縣縣尉是詞人館殿非初意圖書是舊貧破
冰泉竇響曾賽雪廟松春自此昇通籍清華日近身

寄懷元秀上人

悠悠干祿利草草廢漁樵身世堪惆悵風騷頽寂寥高

秋期野步積雨放趨朝得句如相憶莎齋且見招

迴鑿

妖星沉雨露和氣滿京闕上將忠勳立明君法駕遠順
風調雅樂夾道叙群班香泛傳宣裏塵清拍頤間樓臺
新紫氣雲物舊黃山曉渭行朝肅秋郊曠望閑廟靈安
國步日角動天顏浩浩昇平曲流歌徹百蠻

贈宗人前公安宰君

喧卑從曾出喧卑別盡能琴又解琴海上春耕因亂廢
年來冬薦得官遲風中夜犬驚槐巷月下寒驢齧槿
籬孤散恨無權唱路歌懷吟得贈君詩

長江縣經賈島墓

水遠荒墳縣路斜耕人訝我久咨嗟重來兼恐無尋

卷三

四

夏日落風吹鼓子花

游貴侯城南林望

章社八九月亭臺高下風獨來新霽後閑步澹煙中荷
密連池綠柿繁和菜紅主人貧貴達清境屬隣翁

端居

業業下高梧端居失所圖亂雁時葦少風月夜吟孤舊
疾衰還有窮愁醉暫無秋光如水國不語理霜頤

寄職方李員外

曾袖篇章謁長卿今來附鳳事何榮星臨南省陪仙
步春滿東朝接珮聲員外補史館官談笑不拘先後禮
歲寒仍契子孫情龍墀仗下天街暖共看主峯並馬
行

自貽

飲筵博席與心違野眺春吟更是誰
琴有清風聲轉滄詩無僧字格還卑
恨拋水國釣蓑兩貧過長安櫻筍時
頭角俊髦應拍矣權門蹤跡獨差池

竹

宜煙宜雨又宜風拂水藏村復間松
移得蕭騷從遠寺洗來疎淨見前峯
幽階薜荔春芽迸繞徑莎微夏蔭濃
無賴杏花多意緒數枝穿翠好相容

郊園

相近復相尋山僧與水禽煙蓑春釣靜
雪屋夜甚深雅道誰開口時風未省心
溪光何以報祇有醉和琴

平水部賈負外高

八韻與五字俱為時所先幽寬應自慰
李白墓相連

燈

雨向莎階滴未休冷光孤恨兩悠悠
船中聞鴈洞庭宿床下有蛩長信秋
背照菱簾新灑別不挑紅燼止含愁
蕭騷寒竹南牕靜一扇閑甚為爾留

池上

池榭愜幽獨狂吟學解嘲露荷香自任
風竹冷相敲喪志嫌孤官無機愛澹交
仙山如有分必擬訪三茅

贈下第舉公

見君失意我惆悵記得當年落第情
出去無聊歸又悶苑南慢打講鍾聲

悶題

莫厭九衢塵土間秋晴滿眼是南山
僧家未必全無事道着訪僧心且閑

轉正郎後寄獻集賢相公

千名初在德門前屈指年來三十年
閨質孤危終際會別將流涕灑階緣
止陪鸚鵡居清秩濫應星辰洗上玄
平昔苦心無所悵受恩多是舊詩篇

省中偶作

三轉郎曹自勉旃莎階吟步想前賢
未如何遜無佳句若比馮唐是壯年
捧制名題黃紙尾約僧心在白雲邊
乳毛松雪春來好直夜清閑且學禪

奔避

奔避投人遠漂離易感恩愁躡霜
颯颯病眼淚昏昏

送京參公先輩歸閩中

解印東歸去人情此際多名高
五七字道勝兩重科宿館明寒燭
吟船兀夜波家山春更好越鳥在庭柯

九日偶懷寄奉省張起居

令節爭歡我偶閑荒臺盡日向晴山
渾無酒泛金莢菊謾道官趨玉笋班
深媿晴步不堪紅葉照衰顏羨君官重
多珍興醉帶南坡落照還

駕部鄭郎三十八大尹貳河東聞榮加金紫谷

以未派之外思舊事深因賀送
香浮玉陛曉辭天袍綈蒲茸稱少年
郎署轉曹雖久次京河亞尹是優賢
縱游雲水無公事貴買琴琴書有俸

錢今日龍門看松雪探春明日向平泉

初還京師寓止府署偶題屋壁

秋光不見舊池臺四顧荒涼瓦爍堆火力不能燒地力
亂前黃菊眼前開

自遣

強事官途何足謂入微章句更難論誰知野性直天性
不扣權門扣道門闕晚鶯臨砌樹迸階春筍隔籬
根朝迴何處消長日紫閣峯高有舊村

中年

漠漠素雲淡淡天新年景象入中年情多最恨花無語
愁破方知酒有權苔色滿牆尋故地雨聲一夜憶春田
衰遲自喜添詩學更把前題改數聯

春陰

攜琴當酒度春陰不解謀生只解吟舞蝶歌鶯莫相
說老郎心是老僧心

江梅

江梅且緩飛前輩有歌詞莫惜黃金縷難忘白雪枝
吟看歸不得醉顛立如癡和雨和烟折舍情寄所思

試筆偶書

沙鳥與山麋由來性不羈可憐唯有道難解莫過詩
狂笑孤吟僻終嫌乃官卑乖慵因地怨冷澹好僧知
華省慙公器滄江負釣師露花春直夜燈鼓早朝時
世路多艱梗家風免墜遺殷勤一蓑雨祇得夢中披
敷溪高士

敷溪南岸掩柴扉高桂却朝衣愛靜名關得林園栽樹法
喜聞兒姪讀書聲眠窻日暖添幽夢步野風春散酒醒
謫去微慙何擾擾片雲相伴看衰榮

語溪

湛湛清溪疊疊山白雲白鳥在其間漁翁醉睡又醒睡
誰道皇天最惜閑

失鷺鷥

野格由來倦小池鷺飛却下碧江涯月昏風急宿何處
秋岸蕭蕭黃蘗枝

宿兵部盧郎中乃蒙出示詩集以四韻謝

七子風騷尋失主五君歌誦久無聲調中雅樂歸時正
澄外頽波到底清才大始知寮宇窄吟高何止鬼神驚

葉公好尚渾踈闊忽見真龍幾喪明

文昌寓直

何遜空階夜雨頻朝來交直雨新晴落花亂上花磚上
不忍和苔踏翠英

街西晚歸

御溝春水澆閑坊信馬歸來傍短牆幽樹名園臨紫陌
晚風時帶牡丹香

贈咸陽王主簿

可愛咸陽王主簿窮經盡到昔賢心登科未足酬多學
積業猶聞惜寸陰自與山妻春斗粟只憑隣叟典孤琴
我家賒酒相留宿聽我披衣看雪吟

癸卯歲受同年文人故川守李侍郎

教諭衰晏龍鐘益用感歎遂以章句自貽

多感京河李丈人童蒙授教便書紳文章至竟無功業
名官由來致苦辛皎日還應知守道平生自信解甘貧
孤單所得皆逾分歸種敷溪一畝春

偶書

承時偷喜負明神務實那能得底身不會蒼蒼主何事
忍飢多是力耕人

蔡處士

無着得無求平三不解愁高疏貧淨潔中酒病風流百
趣陶山相詩篇沉隱侯小齋紅色裏離柱繫漁舟

信美寺岑上人

巡禮諸方遍湘南頗有緣焚香老山寺乞食向江舡紗

谷三

碧籠名畫燈寒照淨禪我來能永日蓮漏滴階前

寄獻狄右丞

逐勝偷閑向杜陵愛僧不愛紫衣僧身為醉客思吟
客官自中丞拜右丞殘月露垂朝闕蓋落花風動宿
齋灯算小諫輕舟在心戀清譚去未能

故許昌薛尚書能嘗為都官郎中後數歲故建

州李負外頗自憲府內彈拜都官負外八座外

郎皆一時騷雅宗師則都官之曹振盛於此余

早年請益實受深知今忝此官復是正秩豈惟

俯慰孤官何以祖繼前賢榮場在袁遂賦自賀

都官雖未是名郎踐曆曾聞薛許昌復有李公陪雅躅
豈宜鄭子忝餘光榮為後進趨蘭署喜拂前題在粉牆

八座外郎恭省 他日節旄如可繼不嫌曹冷在中行
中題記多在

下峽

憶子啼猿繞樹哀雨隨孤棹過陽臺波頭未白人頭白
瞥見春風灑瀨堆

苔錢

春紅秋紫繞池臺箇箇圓如濟世財雨後無端滿窮巷
買花不得買愁來

寄左自韋起居序

風神何蘊籍張緒止當年端簡爐香裏濡毫洞案邊
飾裝無雨備著述減春眠旦及應彌入銀臺俟曉宣

江行

漂泊病難任逢人淚滿襟關東多事日天末未歸心夜

谷三

雨荆江漲春雲卸樹深熱熱聽漁唱漸漸入吳音

錦二首

布素家定不看若無文彩入時難紅迷天子帆邊日
紫奪星郎帳外蘭春水濯來雲鴈活夜機挑處雨燈寒
舞衣轉轉求新漆不問亂羅桑柘殘

又

文君手裏曙霞生美號仍聞借蜀城奪得始知袍更貴
着歸方覺畫偏榮宮花顏色開時麗池鳳毛衣浴後明

禮部郎官人所重省中別占好窠名

代秋扇辭

露入庭蕪恨已深熱時天下是知音汗流冷背曾施力
氣爽中宵便負心一片山溪從蠹損數行文字任塵侵

綠槐陰合清和後不會何顏又見尋

中臺五題

乳毛松

松格一何高何人號乳毛霜天寓直夜媿爾伴閑曹

樗里子墓

賢人骨已消墓樹幾榮凋正直魂如在齋心願一招

牡丹

亂前者不足亂後眼偏明却得蓬蒿力遮藏見太平

王藻亂前唐昌觀玉蕊最盛

唐昌樹已荒天意眷文昌晚入微風起春時雪滿墻

石柱外祖在南宮七轉各曹舊記皆在

暴亂免遺折森羅賢達名末郎何所取叨繼外門榮

卷三

哭進士李洞二首

所惜絕吟聲不悲君不榮李端終薄宦賈島得高名旅

葬新墳小身猿逐俗輕猶疑隨計晚昨夜草虫鳴

又

酷愛賈浪仙詩長江在東蜀漢仙塚在此處

自聞東蜀病唯我最閑情若近長江死想君勝在生瘴

蒸丹旒濕燈隔素帷清塚樹僧栽後新蟬一兩聲

府中寓止寄趙大諫

老作舍香客貧無憾舍錢神州容寄跡大尹是同年密

爾都忘倦乖慵益見冷雪風花月好中夜便招延

贈劉神童六歲及第

習讀在前生僧諱足可明還家雖解喜登第未知榮時

果曾沿賜上召於便殿親試春闈不掛情燈前猶惡睡

寐語讀書聲

京兆府試殘月如新月

榮落何相似初終却一般猶疑和夕照誰信隨朝寒水
木輝華別詩家以象難佳人應誤拜樓鳥友求安屈指
期輪滿何心謂影殘更樓清賞處吟徹曙鍾看

石門山泉

一脉清冷何所之縈莎漱蘚入僧池雲邊野客窮來處
石上寒猿見落時聚沫繞枯殘雪在迸流穿樹墮花
隨煙春雨晚閑吟去不復遠尋皇字陂

渭陽樓閑望

千重二華見皇州望盡凝嵐即此樓細雨不藏秦樹色
夕陽空照渭河流後車寧見前車覆今日難忘昨日憂

卷三

擾擾塵中猶未已可能疎傳獨能休

送進士潘為下第南歸

歸去且春春水深麥秋梅雨過湘陰鄉園幾度經狂寇
桑柘誰家有舊林結綬位卑甘晚達登龍心在且高吟
灞陵橋上楊花里酒滿芳樽淚滿襟

下第退居二首

年來遠未上丹梯正着漁蓑謝故溪落尽梨花春又了
破籬殘雨晚鶯啼

又

未嘗青杏出長安豪士應疑怕牡丹祇有退耕耕不得
壯然村落水吹殘

江宿聞蘆管商舟上童善吹

塞曲凄清楚水濱
聲聲吹出落花春
須知風月千檣下
亦有胡蘆河畔人

閑題

舉世何人肯自知
須逢精鑑定妍媸
若教嫫母臨明鏡
也道不勞紅粉施

故少師從翁隱巖
別墅亂後榛蕪感舊愴
遂有追紀

風騷為主人
凡俗仰清塵
密行稱閨闈
明誠動縉紳
周旋居顯重
內外堂絲綸
妙主蓬壺籍
忠為社稷臣
大儀墻仞峻
東轄紀綱新
聞善常開口
推公豈為身
立朝鳴珮貴
歸宅典衣貧
平醉看花晚
中食煮菜春
晴臺隨鹿上
幽墅約僧隣
理論知清越
清越江立詩僧孤卿特之甚厚

六三

十三

得李頻藥香沾筆
硯竹色染衣巾
寄鶴眠雲夏騎驢
入室賓咸通中舉子乘馬鞋委香驢驢
近將姚監此自
初監合主張風雅
延於門下近將姚監此
茶積池邊路
茶遲雪後薪
所難留述誰不秉
陶鈞喪亂時多變
追思事已陳
浮華重發作雅正
甚溼倫宗從今何在
依樓素有因
七松無影響孤卿植七本自号七松
雙淚益悲辛
猶喜千門秀
年來屈併伸孤卿對五物先生

題水部李羽負外招國里居

野色入前軒
脩然琴與樽
畫僧依寺壁
栽草學江村
自醞花前醉
誰敲雪重齋
不辭朝謁遠
唯要近慈恩

送司封從叔負外傲赴華州裴尚書均辟

如何拋錦帳
蓮府對蓮峯
舊有雲霞約
暫留鶴鷺

蹤敷溪秋雪岸
樹谷夕陽鍾
盡入新吟境
歸朝與莫慵
聞進士許柳罷舉歸睦州悵然懷寄

桐廬歸舊廬
垂老復樵漁
五子雖言命
鄉人懶讀書
煙舟撐晚瀨
雨屐剪春蔬
異代名方振
哀吟莫廢初

靜吟

騷雅荒涼我未安
月和餘雪夜吟寒
相問相客應相笑
得句勝於相得官

和知己秋日傷懷

流水歌聲共不迴
去年天氣舊亭臺
梁亭寂寞燕歸去
黃蜀葵花一朵開

舟行

九派迢迢九月殘
舟人相語且相看
村逢好處嫌風便

谷三

古

酒到醒來覺夜寒
寒水白波喧夏口
柿園紅葉憶長安
季膺可是思鱸膾
引退知時自古難

闕下春日

建昌宮殿紫雲飄
春漏遲遲下絳霄
綺陌暖風嘶去馬
粉郎初日照
越朝花經宿雨香
難拾鷺在豪家
語更嬌
秦楚年年有離別
揚鞭揮袖灞陵橋

峽中寓止二首

荆州未解圍
小縣結茅茨
強對官人笑
甘為野鶴欺
江春鋪網闊
市晚鬻南蔬
遲子美猶如此
翻然不敢悲

又

傳聞殊不定
鑿路幾時還
俗易無常性
清見老顏
紅歸草市春
步上赤山寨
將來相問兒童
競啓關

送吏部曹郎中免官南歸

高名向已求古韻古無儔風月拋蘭省江山復桂州賢
人知止足中歲便歸休雲鶴深相待公卿不易留滿朝
張祖席半路上仙舟篋重藏吳畫茶新滿越甌郡迎紅
燭宴寺宿翠嵐樓觸目成幽興全家是勝遊蓬聲漁叟
雨葦色鷺鷥鳥秋久別郊園改將歸里巷脩桑麻勝祿
節序免鄉愁陽朔花迎棹崇賢菜滿溝席春歡促豚
簪日晚梳頭道暢應為虎時來必問牛終須康庶品
未爽漱寒流議在歸群望情難戀自由小生誠淺拙
早歲便依投夏課每垂獎雪天常見憂遠招陪宿直
首薦向公侯攀送偏揮灑龍鍾志未酬

余嘗有雪茶一絕為人所諷吟陳贊善小筆

忽為圖以詩謝之

贊善賢相後家藏名畫多留心於繪素得志在煙波
屬曲同吟詠成功更琢歷石愛余風雪句幽絕寫漁蓑
贈顏上人

相尋善可知放錫便論詩酷愛山兼水唯應我與師
風雷吟不覺猿鶴老為期近葦唯棲白其如趣向卑

遠遊

江湖猶足事食宿成聲喧又客秋風起孤舟夜浪翻
鄉音離楚水廟貌入湘源岸闊鳧鷖小林垂橘柚繁
津官來有意漁者笑無言早晚躡僧約中朝有藥園

奇邊上從事

男兒懷壯節河外事嫖姚高壘觀諸寨全師護天朝

淺山寒放馬亂火夜防苗下第春秋甚勞君遠見招

光化戊午年舉公見示省試春草碧色詩偶賦

是題

莫孔血染新舍露滿江濱想得尋花徑應迷拾翠人
紗迎擁砌簪玉始成茵天借新晴色雲饒落日春嵐光
垂處合眉黛看時頻願與仙桃比無令志路塵

贈四口苗居士

歲晏羸園林維摩契道心江雲寒不散庭雪夜方深酒
共游入飲詩憐稚子吟四郊多壘日勉我拾朝簪

同志願雲下第往京偶有寄勉

鳳策聯華是國華願雲著極日春來偶未上山槎鄉運
南渡思抃米淚滴東風避杏花吟聒暮鶯歸廟院睡

自適

消遲日寄僧家一般情緒應相信雨靜沙深樹影斜
紫陌奔驢不暫停送迎終日在郊垌年來鬢伴未垂白
雨後江頭且踏青浮蟻滿盃難暫捨費珠一曲莫辭聽
春風祇有九十日可合花前半日醒

擢第後入蜀經羅村路見海棠盛開偶有題詠

上國休誇紅杏絕深溪自照綠苔磯一枝低帶流鶯睡
數片狂和舞蝶飛堪恨路長移不得可無人與畫將歸
手中已有新春桂多謝烟香更入衣

右省補闕張茂樞同在諫垣隣居光得迭和篇

什未嘗間時忽見貽謂谷將來履歷必在文昌
常與何水部宋考功為儔谷雖賦于風雅實用

常與何水部宋考功為儔谷雖賦于風雅實用

兢惶因行酬寄

何宋清名動粉闈不才今日偶陳詩考功豈敢聞題品
水部猶須繫摯維積雪巷深酬唱夜落花墻隔笑言時
紫垣名士推楊切為話心孤倍感知紫微薛公獎書頗
深補衮即紫微中表嘗傳重言故有此句

菊

子孫莫把比蓬蒿九日枝枝近鬢毛露濕秋香滿池岸
由來不羨五松高

荔枝樹

二京曾見畫圖中數本芳菲色不同孤棹今來巴徼外
一枝烟雨思無窮夜郎城近合香瘴杜宇巢低起暝風
腸斷渝瀘霜霰薄不教菜似灞陵紅

次韻

和禮部盧侍郎江上秋夕寓懷

望郎到處覺風生蜀郡留連亞相情亂後江山悲庾信
夜來烟月屬袁宏夢歸蘭省寒星動吟向莎州宿鳥驚
未脫白衣頭半白叨陪屬和倍為榮

讀前集二首

殷璠裁鑒英靈集頗覺同才得契深何事後來高仲武
品題間氣未公心

又

風騷如線不勝悲國步多艱即此時愛日滿階看古集
祇應陶集是吾師

寄司勳張真外學士

平昔偏知我司勳張外郎昨來聞做擾憂甚欲顛狂

煙暝搔愁鬢春陰賴酒鄉江樓傳不得橫笛數聲長

深居


吾道有誰同深居自固窮殷勤謝綠樹朝夕惠清風
書滿閑牕下琴橫野艇中年來頭更白雅稱釣魚翁
亘春拜訪芳公幽齋寫懷叙事因賦長言

入門長恐先師在香印紗燈似昔年澗路紫回齋處遠
松堂虛豁語聲圓頃為弟子曾同社今忝星郎更契
緣故者當年春有味中林話舊亦潯然

鄭守愚文集卷之五

一史記

七



孫拾遺
文纂系

四明張氏約園開雕

序

唐史豔稱韓偓司空圖謂其能知幾也於孫邵則遺之邵當天祐間官拾遺目擊藩鎮恣肆主勢日孤南北司各結外援以相傾軋甚且舍近附遠去忠結奸以求一日之安封疆日蹙為大臣者不恤執板歌以侑酒泣訴於窮凶之人僅僅有山南東道節度使趙匡凝及其弟留後匡明委輸不絕佐藩府者日計議肥私瘠公之策深疾搢紳之士至以清流投之濁流嗚呼豈僅春秋之三桓哉夫唐之亡亡於藩鎮亡於叛卒實亡於飢民耳

孫拾遺文集序

一四明叢書

約園刊本

有黃巢而後有朱温有朱温而國祚以移故其卜世論曰在乎利民又曰欲永其祚莫先德義貽厥後世春秋無賢臣論既引書曰帝乃震怒致令海內無一嘉祥但有妖怪又引易曰屯其膏小貞吉大貞凶蓋恫之也詩二章一則喜韋補闕之靖獻一則自比三閭大夫之介潔耿耿忠義情見於詞吉光片羽與偓之詩圖之詩品並存可也固非僅一鄉之士矣爰敘其世俾讀者知其人民國二十年二月後學張壽鏞序

孫拾遺文集目錄

論

卜世論

春秋無賢臣論

序

送無作上人遊雲門法華序

傳

方玄英先生傳

墓志銘

孫拾遺文集目錄

一四明叢書

約園刊本

王積中墓志銘

詩

哭玄英方干先生

古意 擬梓州陳拾遺

句

附錄方干詩

孫拾遺文集

唐奉化孫郃希韓撰 後學鄭張壽鏞詠覽輯

論

卜世論

周成王定鼎于郊廓卜世三十年七百夫帝王括囊
宇宙位重憂崇天生利民非樂兆民之上故君民者遇
夫聖則禪之不遇則以子繼之堯之於舜舜之於禹禹
之於子是以周都天地之中欲便四方之會不恃山河
務從德化原其意也在乎利民豈異唐虞之道而反卜

孫拾遺文集

一四明叢書
約園刊本

年卜世邪必也欲永其祚莫先德義貽厥後世天人祐
之豈非無窮也哉何三十七百年世之有若右其卜而
左其德俾乎厥後恃年世之永久必輕乎德義若此之
謀非君子之道也昔太戊懼菽而盛帝辛恃瑞而亡在
此不在彼豈不知之而卜年卜世者乎

春秋無賢臣論

春秋列國周之諸侯受周之封分為五等五等之下臣
為陪臣陪臣於諸侯君父也諸侯於周王亦君父也陪
臣於周義猶大父也夫為子之道孝於父者必欲父孝

於祖陪臣忠於諸侯者必欲諸侯忠於天子則忠孝兩

全康又天下今春秋陪臣張公室侵王室弱周以強諸
侯是弱祖而強父佐諸侯而敵周是佐父而敵祖遺祖
之怨成父之逆惡莫大焉言之於臣則非忠語之於子
則非孝論之於道則傷義推之於情則辜恩遂使姬周
削弱祀號而已桓文雖以為霸何能正之反有封禪請
隧之僭管晏雖有其功何能諫之而有反玷毀孔之惡
于時風教大壞海內焚如天不能陰隲下民降大聖以
為木鐸歷國七十餘說而不遇奔走齊魯宋衛之郊反

孫拾遺文集

一四明叢書
約園刊本

若喪家之狗知不可訓慮後世不懼乃修春秋明向背
其有甚者或夷之或狄之弑君三十六亡國五十二奔
走失社稷者不可勝紀書曰帝乃震怒致令海內無一
嘉祥但有妖怪謂春秋亂世豈不如然于時人不堪命
何邪無賢臣哉予為此論警眾士大夫多稱之遂聞駸
駸輟徵而奇之或謂可刊金石訓乎今後既而喧傳
則有難僕曰春秋豈乏賢者子謂之無激之邪鮮之邪
奈乎孔門何曰孔門仕者鮮又家臣耳子不讀聖賢書
乎易云屯其膏小貞吉大貞凶春秋之大夫小貞耳盍

以大貞取之以王道取五霸猶罪人

序

送無作上人遊雲門法華序

越中山水名於天下山寺雲門法華又名焉嘗憶北海

遊越越帥日率從事樂妓酒饌訪北海北海不樂因曰

某久住此蓋為雲門法華二寺今日攜酒樂大似方便

發遣越帥乃已此出孫相公譜書 譜書是顏魯公作又見朱放詩曰長憶

雲門寺門前千萬峯卻嘗居越中每吟此詩未遊二寺

常以為過上人名僧也又遊名寺前欲遊天台今遊雲

孫拾遺文集

三四明叢書 約園刊本

門法華二寺宜哉乃知靈鶴不之蓬島則在青田有異

凡禽遊不擇地別上人怏怏因為序送之

傳

方玄英先生傳

先生新安人字雄飛章八元即先生外王父也廣明中

和閒為律詩江之南未有及者始謁錢塘守姚公公

視其貌陋初甚侮之坐定覽卷駭目變容而歎之先生

一舉不得志遂遊於會稽漁於鑑湖與鄭仁規李頻陶

詳為三益友弟子宏農楊弁釋子居遠及卒弁編其詩

請舍人王贊為之序贊序云張祐升杜甫之堂方千入

錢起之室

墓志銘

王積中墓志銘

君諱知蘊字積中連山大堰人幼挺奇操嘗以翊贊經

綸匡持邦國為己任歷蘇州嘉興尉陞安吉令以廉能

善政為長吏所徵仕終朝散大夫壽王府咨議參軍監

察御史柱國曾祖珪別駕贈大理卿祖添司農卿父邁

黃巖令子慎徵校書郎處州長史昌禹監察御史裏行

孫拾遺文集

四四明叢書 約園刊本

一門鼎盛世有嘉績當世罕比

壽鑄案奉化縣志人物傳王知蘊傳末註歷志本

孫邵撰墓志參臨川集云檢臨川集卷九十五刑

部侍郎王公墓志銘云其先晉丞相導也丞相十

有六世孫儉為唐正議大夫刺明州始去長安之

萬年為明之奉化人云云是王知蘊傳中季父儉

由開元禮上第累任刑部尚書刺明州始去長安

之萬年為明之奉化人一段文字乃參臨川集者

餘為孫拾遺志文也當始修奉志之時拾遺文集

必有存者今皆散亡吉光片羽殊可寶焉因錄之
惜其銘文無可攷而志文復不全耳

詩

哭玄英方干先生

斗牛文星落知是先生死湖上聞哭聲門前見彈指官
無一寸祿名傳千萬里死著紙衣裳生誰念朱紫我心
痛其語淚落不能已猶喜章補闕揚名獻天子

古意

擬梓州陳拾遺

屈子生楚國七雄知其材介絮世不容跡合藏蒿萊道

孫逴文集

五四四明叢書

約園刊本

廢固命也瓢飲亦賢哉何事葬江魚空使後人哀

魏禮段干木秦王乃止戈小國有其人大國柰之何賢

哲信為美兵甲豈云多君子戰必勝斯言聞孟軻

句

仕宦類商賈終日常東西

青瑣傳香扶日出紫雲護闕擁山來

附錄方干詩

壽鏞案計有功唐詩紀事既錄孫拾遺哭玄英方

先生詩又錄玄英先生傳其詩其傳之存實賴之

拾遺既惜其官無寸祿名傳萬里又引王贊序云

張祐升杜甫之堂方干入錢起之室則其人可知

已唐詩紀事載方干詩及諸家贈詩為附錄焉

早春云運行元化不參差四極中華共一時正氣纔

隨灰律變殘寒便被柳條欺冰融大澤朝陽覺草

綠陳根夜雨知不信風光疾於箭年來年去變霜

髭

越州使院竹云莫見凌雲飄粉籜須知礙石作盤根

細看枝上蟬吟處猶是筍時蟲食痕月送綠陰斜

孫逴文集

六四四明叢書

約園刊本

上砌露凝寒色溼遮門列仙終日逍遙地鳥雀潛

來不敢喧

除夜云玉漏斯須即達晨四時吹轉任風輪寒鏡短

燼方燒臘畫角殘聲已報春明日便為經歲客昨

朝猶是少年人新正定數隨年減浮世惟應百徧

新

干為人質野每見人設三拜曰禮數有三識者呼為

方三拜為人屑缺連應十餘舉遂歸鏡湖後十數

年遇醫補脣年已老矣鏡湖人號曰補脣先生鏡

湖西島間居詩曰寒居壓鏡心此處是家林梁燕
欺春醉巖猿學夜吟雲連平地起月向白波沈猶
自問鐘角棲身可在深

又云世人如不容吾自縱天慵落葉憑風掃香梗倩
水春花朝連郭霧雪夜隔湖鐘身在能無事頭宜
白此峯

又感懷云至業不得力到今猶苦吟吟成五字句用
破一生心世路屈聲滿雲溪冤烝深前賢多晚達
莫怕鬢霜侵

孫道文集

七四明叢書
約園刊本

干為詩如鶴盤遠勢投孤嶼蟬曳殘聲過別枝齊梁
已來未之有也

干師徐凝干常刺凝曰把得新詩草裏論反語曰村
裏老餘杭守謂干苦吟未能應卒因夜燕以飛字
韻命賦之干時立成曰閒世仙郎夜燕時丁丁寒
漏滴聲微琵琶絃促千般調鸚鵡杯深四散飛徧
請玉容歌白雪高燒紅燭照朱衣人間有此榮華
事爭遣漁翁戀釣磯

唐末宰臣張文蔚中書舍人封舜卿奏名儒不遇者

五人請賜一官以慰其魂干其一也

干寄李頻云山木又搖落望君還不還軒車何處去
雨雪滿前山思苦寒星動鄉遙釣渚閒明年見名
字唯我獨何顏又有題桃花塢周處士別業云細
泉出石飛難盡孤燭和雲溼不明何事懶於梳
夜更無書札答公卿又貽天目中峯客有枯井夜
聞鄰果落廢巢寒見別禽來之句張為取作主客
圖

孫道文集

八四明叢書
約園刊本

吳融贈干詩曰把筆盡為詩何人獻天子句滿天下
口名聒天下耳不識朝不識市曠逍遙閒徒倚一
杯酒無萬事一葉舟無千里衣裳白雲坐臥流水
霜落風高忽相憶惠然見訪留一夕一夕聽吟十
數篇水樹林蘿為岑寂拂且捨我亦不辭攜筇徑
去隨所適無處覓雲半片鶴一隻

僧可明贈干詩云盛名傳出自皇州一舉參差使繡
頭月裏豈無攀桂分湖中剛愛釣魚休童儂詩藁
呈鄰叟客乞書題謁郡侯獨汎短舟無限景波瀾
西接洞庭秋

僧貫休贈詩云盛名與高隱合近謝敷村弟子已得

桂先生猶灌園投綸侵海分得句覓雲根白日昇

天路知君別有門弟子謂李頻也

僧虛中悼干云先生在世日祇向鏡湖居明主未巡

狩白頭閒釣魚煙莎一徑小洲島四鄰疏獨有為

儒者時來弔舊廬

壽鏞案全唐詩話於孫拾遺則遺之於方干僅錄

其越州使院竹世人如不容二首及鶴盤遠勢投

孤嶼蟬曳殘聲過別枝二句又貽天目中峯客二

孫拾遺文集

九四明叢書

約園刊本

句攷清四庫存目提要云全唐詩話原本題宋尤

表撰表為紹興二十一年進士以光宗時卒而自

序年月乃題咸淳時代殊不相及校驗其文皆與

計有功唐詩紀事相同周密齊東野語載真似道

所著諸書此居其一蓋似道假手廖瑩中而瑩中

又剽竊舊文後人惡似道之姦改題表名毛晉不

為攷核刻之津逮祕書中疏亦甚矣云云是其不

知有孫拾遺也固宜

孫拾遺文集

孫拾遺外紀目錄

傳

遺事

著述

墓籍貫附

校勘

孫拾遺外紀目錄

一四明叢書
約園刊本

孫拾遺外紀

鄞 後學張壽鏞詠覽輯

壽鏞弱歲讀王伯厚先生困學紀聞至春秋無賢臣論未嘗不廢書三歎也因全謝山先生注而得孫拾遺原文之大凡更證以抱經樓舊藏四明文獻考即謝山所謂乾道圖經賴此存者遂得春秋無賢臣論卜世論全文及哭玄英方干先生詩一首古意一首於是益取宋計有功唐詩紀事宋姚鉉唐文粹及清選全唐文全唐詩清董慶酉四明

孫拾遺外紀

一 四明叢書
約圖刊本

傳

宋張津乾道四明圖經本傳

孫邵有文名四明才名記云孫邵博學高才唐末授拾遺靜慧院即其故宅

元袁桷延祐四明志本傳

孫邵奉化博學高才見四明才名記云唐末為左拾遺朱溫篡唐著春秋無賢臣論卜世論見文粹即脫冠裳服布衣以隱著書紀年悉用甲子以示不臣之義詩擬陳子昂有哭方干詩見姚鉉所纂唐文粹今淨惠院其故宅也清吳任臣十國春秋本傳

壽鏞案十國春秋一百四十卷清康熙間仁和吳任臣撰其自序云大抵南唐敦文事江左以興吳越效恭順國祚克永楚以侈靡喪厥家閩以淫暴傾其國楊氏孱弱而隨失高氏無賴而倖存前後蜀之恃險無備其迹同也南北漢之先滅後亡其勢異也知乎此而十國君臣之得失政治之盛衰傳世長短之數國勢順逆之形夫固可以概見而得其要領矣立論極為平允列孫拾遺傳於吳越以其為越人也

孫拾遺外紀

一 二 四明叢書
約圖刊本

孫邵明州奉化人也自幼負氣岸博學高才唐末為左

拾遺朱全忠篡唐著春秋無賢臣論即脫冠裳服布衣歸隱於奉化山著書紀事悉用甲子以示不臣之義

浙江通志本傳

壽鏞案志曰十國春秋云云與前傳同不重錄

寧波府志本傳

唐孫郃字希韓奉化人幼負氣岸天祐閒官右拾遺後朱溫篡唐因脫冠遯著書紀年悉用甲子示不臣之義養晦林泉作詩擬陳子昂有哭方干詩偉節凜然故宅在縣東數里後徙湖山廢為淨惠寺子孫有徙家會稽者宋天禧中孫沔第進士為御史裏行後知明州杜正獻嘗以詩送之有暫還仁里庇斯民之句云其後爽仲濟奉時中皆以科第顯

孫拾遺外紀

三四明叢書

約園刊本

奉化縣志本傳

孫郃字希韓幼負氣岸博學高才乾寧中舉進士天祐閒授左拾遺朱溫篡唐著春秋無賢臣論卜世論即脫冠裳服布衣以隱著書紀年悉用甲子以示不臣之義詩擬陳子昂有哭方干詩偉節凜然淨惠院即其故宅其遠孫曰沔字元規宋天禧三年第進士為人明敏果敢歷官至監察御史裏行沔先世徙寓會稽未欲遠去墳墓乞知明州許之杜衍遺之詩云四明山水饒靈粹唐有希韓篋出倫又見賢侯光乃祖暫還仁里庇斯民

屬山東盜起徙知徐州以禮部侍郎致仕築居於明有詩云新治甬上居閒逸安暮齒

台州府志本傳

孫郃字希韓樂安人嘉定志自幼負氣岸博學高才兩浙名賢錄嘗從方干學康熙志登乾寧四年進士第好孟荀揚之書為文學韓愈仕至校書郎河南文學郡齋讀書志累遷右

拾遺朱溫篡唐郃著春秋無賢臣論即脫冠裳服布衣而隱著書紀年悉用甲子以示不臣之義名賢錄著有才

名志宋高僧傳文纂四十卷讀書志小集三卷唐書藝文志文格二

孫拾遺外紀

三四明叢書

約園刊本

宋史藝文志

壽鏞案光緒台州府志人物傳十七考異云乾道

四明志作奉化人兩浙名賢錄十國春秋浙江通

志寧波府志同今案嘉定赤城志云方干詩前後

序皆樂安人浙江通志四明郡才名志下引宋高

僧傳樂安孫郃著則郃本樂安人無疑十國春秋

言歸隱於奉化山蓋郃後隱於奉化遂以為奉化

人也

考異又云康熙志郃少從方干遊既貴還謁干干

人也

方釣於鑑湖踞而不顧卻立不敢請久之失魚掉湖濱遂命之捕卻卸衣烏往得又案全唐文有卻所撰方玄英先生傳則卻爲子弟子信矣至卸衣捕魚之事近於小說家附會之談殊不足信王氏棻光緒仙居志辨其妄而削之是矣

遺事

宋史浩十二先生贊其十二奉化孫公贊曰朱梁僭竊公懷憤恥仕還民服年著甲子寥寥唐末有茲義士遺編雖存惜無信史

孫搶遺外紀

五

四明叢書
約圖刊本

壽鏞案史忠定十二先生贊蓬萊黃公大梅梅公石臺葛公石窗賀公大隱楊公慈溪杜公甬水王公西湖樓公桃源王公望春王公湖西周公奉化孫公也見四明文獻考

計有功唐詩紀事云希韓四明人與方干友善乾寧中登進士第好荀揚孟子之書學退之爲文爲校書郎中河南府文學其文爲錢珣所序詩有仕宦類商賈終日常東西之句

王應麟困學紀聞云孫卻論春秋無賢臣蓋諸侯不知

有王其臣不能正君以尊王室此孟子所以卑管晏也全謝山注云孫卻唐末拾遺吾鄉前輩也春秋無賢臣論以見當時藩府諸臣無心王室

戚學標三台詩錄云卻有春日早朝詩冠冕喬皇王岑遺範頸聯云青瑣傳香扶日出紫雲護闕擁山來其雲日字與春早互映猶佳

壽鏞案三台詩錄三十二卷清戚學標編學標自序略曰吾郡之有詩刻自南宋初桑公肅輯天台石橋詩始而李御史子長繼之州學諭林師葳及

孫搶遺外紀

六

四明叢書
約圖刊本

子表民又繼之有天台正續集及別編然皆前人題詠天台山水之什非郡人自作詩文也惟鄞天

一閣傳有寫本赤城集十八卷專係郡人詩文王案赤城集專錄其文有關於台郡者非皆台人作王棻案先生未見此書故誤耳亦表民

輯而其書於今乾隆四十八年閒進入中祕詩已佚不存明成化初吾鄉黃定軒謝方石兩侍郎以台號禮義邦世稱小鄒魯不可任遺詩零落哀集自宋來先輩詩始左經臣訖余尙則得四十餘家

應憲使志欽刻之廣南其亦名赤城集蓋未知有

表民本也

案黃謝原編六卷始宋左緯迄明郭望凡五十九家後復成補遺五卷續編八卷繼又合為一集得十八卷起唐項斯迄明陶弘

凡一百五十三家皆名赤城詩集其續表民者傳錄文則名赤城後集是神廟時郡守磐石李公借非不知有表民書也

鄉老秦華峯輩益廣搜羅為三台文獻計得詩七

卷三倍黃謝二家所錄而佳篇遺佚仍多又自隆

萬迄今近三百年詩人輩出無起而甄錄者余留

心桑梓故實既成外志一書因先輯為三台詩錄

肇唐五季訖國朝乾隆為詩凡三十二卷為人一

千數百而詩餘附焉續又成補遺數卷乾隆癸丑

孫拾遺外紀

七 四明叢書 約圖刊本

九月二十日學標又編風雅遺聞其自序略曰予

前有三台詩話之刻繼又輯詩錄三十餘卷人聚

以傳詩綴以評統名曰風雅遺聞附之詩錄之後

云

壽鏞又案董竹史先生慶輯四明詩幹三卷錄孫

拾遺詩古意二首哭玄英方干先生詩一首末載

三台詩錄語然則拾遺詩幸存於唐文粹而戚氏

得錄之獨恨其少耳

全祖望句餘土音甬上琴操首孫拾遺淨慧社操原註

云拾遺風節足與司空侍郎齊名較之昭諫更上一

層唐史失之可惜其詩曰芒碭雲深兮真龍所出胡

今不然兮天狼猖獗白馬波沈兮清流泣血危哉侍

郎兮以詐墜笏歸來王官兮僅而得脫其餘霸府兮

更無人物羅郎正議兮足壯吳越惜哉斯人兮尙參

記室吾將隱兮明山之窟參彼淨慧兮逃彼禪悅

孫鏞字玉仙進士官四

江五民字後村舉人原名迴

剡川詩鈔補編二卷首錄拾遺詩其小傳云希韓乾

寧中舉進士天祐閒授左拾遺公以朱溫篡唐脫冠

孫拾遺外紀

八 四明叢書 約圖刊本

歸隱著書悉用甲子所著有孫子文纂四十卷孫氏

小集三卷文格二卷見唐藝文志四明郡才名志見

浙江通志其風節之高著述之富陶淵明司空圖之

流亞也今所傳者文僅春秋無賢臣論卜世論二首

詩僅古意二首哭方玄英一首蓋幸存於唐文粹云

原註全唐詩亦收此詩

壽鏞案剡川詩鈔補編江五民序略曰舒象坤董

奇玉二先生為剡川詩鈔一書上自秦漢下迄清

初其得詩九百六十八首頗疑此二千年閒吾邑

詩人閒出不應僅止此數及讀剡源集如董叔輝
蕭子西陳晦叔珣上人皆有詩集而詩鈔不之及
新城與本堂相唱和有棣萼竅蚓嵩里等集三江
李在明有甬山集均見清容集中詩鈔未收隻字
及後見唐文粹有孫拾遺詩南山寺志有舒文靖
詩亦皆為詩鈔所無至是又擬別為補遺第綜其
所得視前鈔僅九分之一云

江五民良園詩話唐以詩賦取士故詩之盛莫如唐而
三百年中吾四明以詩名者殊寥寥鄞之著者祇賀

孫拾遺外紀

九四明叢書

約園刊本

季真且里居亦不確定明州惟吾希韓先生隱居鄉
里提唱古風雖丁有唐之末運實開風雅之先聲誦
杜祁公遺其孫沔知明州詩云四明山水饒靈粹唐
有希韓竄出倫又見賢侯光乃祖暫還仁里庇斯民
之句其文采風流猶令人留連不置也

壽鏞案良園以祕監里居未確定而拾遺之里居
檢台州府志則因高僧傳書樂安人以台州產歸
隱奉化與祕監為鄞之寓賢正同然台志採之較
詳於寧志奉志固知人不必以地爭也

著述

宋歐陽修唐書藝文志孫子文纂四十卷又孫氏小集

三卷

原註孫邵字希韓乾寧進士第

又孫邵文格二卷

宋王堯臣崇文總目孫子文纂四十卷又有孫邵文集
四十卷文格二卷

壽鏞案台志曰崇文總目有文纂又有文集恐是
一書誤分

宋晁公武郡齋讀書志孫邵文纂一卷唐孫邵撰邵字
希韓四明人乾寧四年進士好荀揚之書文慕韓愈

孫拾遺外紀

十四四明叢書

約園刊本

舊四十卷

宋馬端臨文獻通考經籍考與郡齋讀書志同

宋史經籍志孫氏小集三卷文格二卷

浙江通志經籍門八孫子文纂四十卷孫氏小集三卷

經籍門十四四明郡才名志

宋高僧傳樂安孫邵著

壽鏞案宋高僧傳三十卷僧贊寧著浙江通志引
弘治湖州府志贊寧德清人

朱彝尊經義考孫氏邵春秋無賢臣論一卷存引困學

紀聞王應麟曰及浙江通志傳

壽鏞案竹垞未見論文以為一卷誤也

台州府志經籍考春秋無賢臣論一卷唐孫郃撰郃樂

安人原註今之仙居或以為奉化人誤詳本傳考異事蹟具文苑傳王應麟

困學紀聞云郃論春秋無賢臣蓋諸侯不知有王其

臣不能正君以尊王室此孟子所以卑管晏也經義

考存今載全唐文中

台州府志經籍考四明郡才名志唐孫郃撰是書見嘉

定志壽鏞案宋嘉定開所修志及宋高僧傳今佚

台州府志經籍考孫子文纂四十卷唐孫郃撰是書見

孫拾遺外紀 十一 四明叢書 約園刊本

新唐書藝文志案今本崇文總目有孫子文纂四十

卷又有孫郃文集四十卷恐是一書誤分郡齋讀書

志有文纂一卷云舊四十卷通考同今佚全唐文中

載其文四首孫氏小集三卷唐孫郃撰見新唐書宋

志崇文總目今佚文格二卷唐孫郃撰見新唐書藝

文志

奉化縣志藝文唐孫郃孫子文纂四十卷唐書藝文志 浙志 徐氏

氏小集三卷唐書藝文志 浙志 徐氏四明郡才名志浙志 徐氏

志校勘記云此書見浙江通志引宋高僧傳案乾道志拾遺傳中嘗引四明才名記余疑作高僧傳者即

本諸此而誤以為拾遺所撰耳然前志後記沿用舊題亦著述家常有之事固不能謂拾遺之必無此書也

春秋無賢臣論嘉靖志 康 卜世論 嘉靖志 康乾志墓籍貫附

四明山志云樂安侯孫郃墓在白雲山餘姚縣志 宋錄同

壽鏞案拾遺籍貫據台州府志則產樂安即今之

仙居縣四明山志稱為樂安侯此亦一證而台志

未引浙江通志於傳則引十國春秋謂明州奉化

人於其著述孫子文纂孫氏小集下據郡齋讀書

志亦謂四明人於四明才名志下則據宋高僧傳

孫拾遺外紀 十一 四明叢書 約園刊本

謂樂安人前後歧出台志於經籍考春秋無賢臣

論下注或以為奉化人誤詳本傳考異而考異云

十國春秋言歸隱於奉化山蓋郃後隱於奉化遂

以為奉化人也云云今據四明山志曰樂安侯台

志之說或是也但自宋乾道圖經即著拾遺為四

明籍則由來已久拾遺為吾鄉賢固非台人所得

奪矣

校勘

壽鏞案唐文粹卷十五下錄拾遺哭玄英方干先

生詩一首卷十八古意二首卷三十八卜世論春

秋無賢臣論四明文獻考本此唐詩紀事卷六十

一錄詩二首為古意卷六十三錄詩一首為哭玄

英傳一為玄英先生傳唐文粹未載於是四明詩

幹本之錄其詩焉清選全唐文錄唐文粹二論及

玄英先生傳又益以送無作上人遊雲門法華序

而四明文徵遂錄是序壽鏞更取奉化志王知蘊

傳原文補之曰王積中墓志銘至清選全唐詩則

固本於唐文粹也諸本字句稍有出入茲刻凡唐

孫拾遺外紀

十四四明叢書
約園刊本

文粹所有者悉依文粹本餘亦從最先本因校勘

如左

卜世論 位重憂崇全唐文作位重優崇

春秋無賢臣論康乾志臣作人 則忠孝兩全全唐文作則上下有序

康又天下全唐文作康又四方 後世不懼全唐文作後世不知懼 豈

不如然全唐文作豈不誠然 無賢臣哉全唐文作哉作也

送無作上人遊雲門法華序 又見朱放詩全唐文放作訪誤案

唐詩紀事錄朱放詩 常以為過全唐文常作嘗 宜哉全唐文無此二字

哭玄英方干先生 紙衣裳全唐文紙作弊 猶喜剡川詩鈔補編作猶

幸 揚名獻全唐詩獻作薦

古意第二首 葬江魚全唐詩魚作水

孫拾遺外紀

十四四明叢書
約園刊本

孫拾遺外紀

孫子文纂四十卷宋之時已不可得卽所謂孫氏小集
三卷文格二卷四明才名志者今亦尠有存焉望古遙
集文獻無徵斷壁碎金成爲至寶壽鏞謝陋姑就聞見
蒐集詩文仍其名曰文纂爲一卷更輯傳略遺事著述
攷其墳墓里居校其文字異同曰外紀別爲一卷固知
掛漏繁多然書闕有間存其厓略而已宋史忠定贊之
曰寥寥唐末有茲義士遺編雖存惜無信史同此感慨
邦人君子幸匡不逮民國二十年二月張壽鏞跋

孫拾遺外記

一

四明叢書
約圖刊本